






~~13-19.e 52.~~

13-19.e 52.





GALLIA VINDICATA,

IN QUA

TESTIMONIIS EXEMPLIS
QUE GALLICANÆ PRÆSERTIM
ECCLESIAE, QUÆ PRO
REGALIA,



AC QUATUOR

PARISIENSIBUS
PROPOSITIONIBVS



LUDOVICO MAIMBURGO,

Alijque producta sunt,

REFUTANTUR.

S. M. E. de Vicia

Rome

*Contingit
Armen
Sicilceat*

AVCTORE

R. P. COELESTINO
SFONDRA TI.



Typis Monasterij S. GALLI, Anno 1687.

GALLIA

LIBRARY

THEOLOGICAL LIBRARY

OF THE UNIVERSITY OF CHICAGO

CHICAGO, ILL.

1892

PLATINUM

LIBRARY

OF THE UNIVERSITY OF CHICAGO

CHICAGO, ILL.

1892


PLATINUM

LIBRARY

OF THE UNIVERSITY OF CHICAGO

CHICAGO, ILL.

BEATISSIMO PATRI
INNOCENTIO XI.
CHRISTI VICARIO,
PONTIFICI MAXIMO,
FELICITATEM PERPETUAM.

 *Ub auspicijs Tuis, Beatissime*
Pater, videt Orbis Christianus, quod
annis mille sexaginta videre nunquam
potuit, Monarchiam videlicet Otto-
mannicam ab Anno Christi sexcente-
simo vigesimo sexto immensis victorijs, Provincijs
ac Regnis auctam, nunc casui vicinam, & ferè in
extrema coniectam. Quot Romani Pontifices optârunt
videre, quæ Sanctitas Tua nunc videt, & non
viderunt? Tuis ergo, Sanctissime Pater, precibus,
lacrymis, immensæq; liberalitati pretiosam hanc mercedem
nullif-

DEDICATIO.

nullisque Tuorum Antecessorum concessam reposuit Deus; ut videlicet Ottomannica Luna Eclypsis non tantum otiosa spectaret, sed illi extinguendæ armis, consilijs, immensaque auri profusione partem maximam conferret.

Est ferè omnium Patrum sententia, ac ipsorum etiam Turcarum constans traditio, mundi finem sexto ab eius creatione millenario futurum, ac inter fidelium persecutiones in Apocalypsi descriptas (quibus Militans Ecclesia acerbissime hætenus conflictata est) Mahometanam ante Antichristi aduentum ultimam fore, & hanc post mille annos finem habituram. Quàm ingentem ergò gloriam, & par gaudium Beatitudini Tuæ afferre debet, quod Deus Turcicum Imperium (quo nullum aut potentius, aut Ecclesiæ funestius) Tuis manibus everti voluerit, Tibique soli, inclinante iam mundo, & in occasum vergente, palmam permutere, solutæ, confractæq; tam longæ ac duræ servitutis? Ut meritò Sanctitati Tuæ aptari vaticinium illud possit, quod Isaias Propheta de alio Babilonica servitutis everfore pronuntiavit: (a) Pastor meus es tu, & omnem voluntatem meam complebis, cujus apprehendi dexteram, ut subijciam ante faciem tuam gentes, & dorsa Regum vertam. Ego ante te ibo, & gloriosos terræ humiliabo: portas æreas conteram, & vectes ferreos confringam.

Caterum Sanctitatis Tuæ felicitatem, divinamque Protectionem, atque ex ista profectas ingentes victorias

(a) Isaia 44. & 45.

DEDICATIO.

æstimanti mihi illud solum mærori erat, quòd nihil ad tam præclare gesta conferre ego possem; pudebátque otiosum esse totâ Europâ, Asiâq, laborante. Cum ecce ad manus meas Maimburgi aliorumque libri pervenêre, quibus & Romanæ Sedis à Salvatore Nostro concessa Privilegia, & Ecclesijs Gallicanis libertas adimebatur Regalia obtentu. Enim verò calamum pro veritate iam dudum strinxeram; sed cum viderem Ecclesiæ Gallicanæ auctoritatem tam iniustæ causæ prætexi, adverterémque quàm plurimos illâ permoveri ad deferendam, aut saltem in dubium vocandam veritatem; aggressus sum præsentî alijsq, Dissertationibus hanc ipsam arcem oppugnare, palámque mundo facere, Gallicanam Ecclesiam pro Vaticano semper stetisse, eamque causam, quam Sanctitas Tua tantâ pietate, zelôque prosecuta est, toto Orbe, ac omnibus retrò sæculis professam, & propositiones in Parisiensi Convèntu nuper vulgatas, nullibi magis ac maioribus exemplis, quàm in Gallia damnatas esse. Videbam enim everso semel hoc castro Gallicæ auctoritatis, nihil amplius adulationi & impietati superesse, ubi Sedem metaretur.

Obrulère ad Sanctitatis Tuæ Pedes Serenissimi Lotharingiæ, Bavariæ, ac Venetiarum Duces edomitas Ungariam, Sclavoniam, Transilvaniam, Græciam, Peloponesum, aliásque Turcici Imperij Provincias. Patiatur Sanctitas Tua inter tot alia Christianæ fortitudinis Trophæa à me quòque offerri Castrum Impietatis

DEDICATIO.

nuper à Maimburgo exstructum, nunc verò eversum, deletumque, Gallicanæ videlicet Ecclesiæ vindicatam Auctoritatem. Atq; utinam liceret mihi non in privatis tantum angulis, sed in Orbis terrarum medio, in ipsâque Gallici Imperij Regia, & ad solium Christianissimi Regis testimonium veritati perhibere. Sperarem equidem tam potentem, & iusti amantem Principem victrices illas plenasque palmarum manus veritati daturum. Quod si Paulus, licet Græcis barbarus ignotusque, Athenis auditus est, illic videlicet, ubi flos totius Atticæ Sapiëntia colligebatur, quis desperet meas quoque voces in Gallia Arcopago auditum iri, non equidem doctrinæ (quam nullam in me agnosco) sed veritatis privilegio nullibi peregrinæ? Felicem Paulum, quando hoc illi nuntium è Cælis allatum est: Constans esto, sicut enim testificatus es de me in Jerusalem, sic te oportet & Romæ testificari. At non minus felicem illum, cui fors continget, non in Germania solum, sed & Romæ, & Parisijs, & ubique terrarum, vocibus saltem veritati ac Religioni litare, si sanguine non possit. Verum hæc facinora Heroum sunt; mihi vota sufficiunt, & Benedictio Sanctitatis Tuæ, ad Cuius pedes demississimè cum osculo provolvor. Ex S. Galli, Anno MDCLXXXVII. ix. Calend. Decembris.

Sanctitatis Tuæ

Ultimus Filius

Cœlestinus Sfondrati.

PRÆFATIO AD LECTOREM.

N me iterum in acie protegende veritati accinctum! Causam repetendi certaminis Ludovicus Maimburgus suggestit, librique recentissime ab eo conscripti, quibus nemo veritatem pulchrioribus verbis, ac singulis ferè paginis professus est, nemo sædaviis turpioribus factis. Edidit ille ultimis vitæ suæ annis geminos libros; unum de Privilegijs Ecclesiæ Romanæ, ac Episcoporum; (a) alterum de Pontificatu S. Gregorij Magni. (b) Primo cum paucis folijs Primatum Romanæ Pontificis ostendisset, reliquum librum evertendis ejusdem Pontificij Primatus præcipuis fundamentis, firmandisq; quatuor Conventibus Parisiensis propositionibus studiosè impendit, ut proinde vel in ipso limine Lectorem deluserit, privilegijs, quæ titulo promiserat, toto libro deletis. In altero, quem de Pontificatu B. Gregorij scripsit, non alium sibi finem præscripsisse videtur, quàm ut Episcopos, ipsosque Pontifices doceret Regnantium imperijs subiacere, hoc est. Pastores ab ovibus duci, & medicos animarum, non ex artis præscripto, sed ægrotantium cupiditatibus remedia parare; magnâ utique Principum gratulatione, sed majori periculo, si imperarent, non obsequerentur medenti: quòdque in D. Gregorio aut modestia, aut indulgentia fuit, tempori ac cavendis pejoribus accommodata, id Maimburgus necessitatem ac legem fecit, perinde ac si amisso navigio, malis tabulâ Oceanum metiri, quia semel auxilio fuit naufragium passo. Ultimus hic liber fuit, quem Maimburgus in lucem emisit; nam alios paranti mors scribendi juxta vivendique finem indixit. & calamum jam intinctum excussit.

(a) Traité historique de l'establissement, & des prærogatives de l'Eglise de Rome 1685. (b) Hist. de Pontificat de S. Gregoire le Grand, an. 1656. Par M. Maimburg.

P R Æ F A T I O

excessit. Vixit Ludovicus Maimburgus quinquaginta fere & quinque annos in Societate Jesu, quorum triginta dicendis sacris concionibus Parisijs impendit, sexdecim verò (postquam aut aetate fessus, aut quietem captans, suggestu abstinuit) scribendis libris, ac praesertim Ecclesiastica Historia, confutandisque haereticis. Et primas quidem scriptiones quod attinet, siue Gallici sermonis florem, nativâ tantum, nec quesitâ venustate amœnum, siue copiam rerum species, evolvendique res arcanas, ac Lectorem edocendi facilitatem, multorum gratiam, ac etiam summi Pontificis Innocentij XI. approbationem meruere, cui librum de magno Graecorum Schismate obtulerat. Sed hanc laudem corruptis posterioribus libris; in his enim ex industria, quasque minimè necessarijs digressionibus, totus est in desloranda Pontificum auctoritate, eaque aut Regibus, aut Episcopis submittenda. Incertum adhuc est, quid causa fuerit, quæ hunc hominem tot titulis Pontifici Romano adstrictum in Vaticanum armaverit; an Regem demerendi studium? an cum Archi-Episcopo Parisiensi amicitia, studiorumque, ut ipse fatetur, communicatio? an Genius Societatis, fortunam, ac potentiam Gallicam amplexa? sed Pontifici offensa, à quo tot Theologia sua Moralis capisa, nec sine gemitu, parique amulorum gaudio configi viderat? An denique quod libros contra haereticos, Graecosque à se conscriptos Roma majori encomio, quàm premio exceperat? Planè quidquid id fuit, Maimburgi scriptiones commune votum & fama damnavit; nec enim debuit intempestivis, ac minimè necessarijs questionibus pax inter Ecclesiam, Regnumque turbari, ac haereticis ridendi, seque obstinandi occasio praeberi, quam ex domesticis jurgijs captarunt, praesertim Pontifice tam miti, Regnumque amante, ac humanis affectibus vacuo. Sed haec omnia aut ostentandi ingenij, aut Aulam demulcendi impetus viciit. Vetuit Roma aliquos legi Maimburgi libros, qui maximè veritatem offenderant; sed eo

tanto

AD LECTOREM.

tanto magis calamum urgente, oblitusque quid & ipse, & Societas tota Roma ac Religioni deberent; meruit à Pontifice Societate excludi. Jussus Generalis imperium exequi, in hac verba decrevit: Obsequentes jussui & mandato Sanctissimi Domini Nostri INNOCENTII XI. Patrem Ludovicum ex Societate nostra dimittimus, & pro dimisso ab omnibus habendum esse declaramus. Hæsit tamen adhuc annum in Societate, protegente Rege: tandem excessit, sed irato ac minanti similis, & ferè qualis Hannibal ex Italia. Sic enim in Prasat. ad Historiam Calvinismi scribit: Ainsi, n' étant plus Jesuite par l'ordre de N. S. P. & par la permission, que le Roy à donnée de l'executer, je seray de la grace de sa Majesté, tout ce, qu'il luy plaira, pour la servir avec plus d'ardeur, & de Zele, & de liberté, que jamais.

Qua latine ita sonant. Cum ergo ex Decreto Sanctitatis Suae, Regisque permissione executionem admittentis, Societate excesserim, nec amplius ejus institutis obstrictum me sentiam, ero deinceps, quidquid Majestati Suae placuerit, multoque quàm hætenus, majori zelo, ardore, ac libertate ejus servitio me addicam. Prestitit Maimburgus promissa; si enim servire Regi est bellum Ecclesie ac veritati inferre, nunquam Maimburgus, quàm duobus postremis libris enixius id fecit, quamquàm majori conatu, quàm eventu. Societate egressum ampla à Rege, Parisiensi Archi-Episcopo, aliisque amicis stipendia excepere, ut mirum non sit, famam vulgasse, post ejus mortem vicies millena Francorum superfuisse: ades apud Canonicos Regulares S. Victoris delecta. Vixit quatuor ab egressu annos: scribentem, aliisque libros praelo parantem, inter quos, uti ferunt, unum de Schismate Anglicano, apoplexia momento absoluit. Patres Carthusiani hæredes scripti: libri ac folia inchoata Regi cessere. Tantillum temporis fluxit fruendi

P R Æ F A T I O

Principis gratiâ, quam tantis laboribus, tantâque omnium offensione, ac forsan aternâ luit pœnitentiâ: ego requiem, quam vivus non habuit, defuncto precor. Scripsi Maimburgus calamo Catholicis aequè, ac Calvinistis infesto, mediam quandam viam inter utrosque molitus, quo effecit, ut odia ab utrisque mereretur; constabat enim cum non veritati, sed Regi scribere; si enim hujus gratiâ Pontificem, quanto magis Calvinum persequeretur? nec Religionis causa Societates ac transactiones admittit; impudica est, quæ thalamum dividit: Una uni, aut tota, aut nulla. Meretricis sunt illæ voces: Nec mihi nec tibi, sed dividatur.

Querit D. Augustinus, quæ causa Romanis fuerit, ut inter tot examina Deorum, quos adorabant, unum Deum Christianorum tot prodigijs celebrem templis suis excluderint? adde ut teste Tertulliano, (a) cum Tiberius ad Senatum retulisset de Christo in numerum Deorum recipiendo, Senatus responderit. Hesiodus triginta millia Deorum in terra esse censuit: (b) Segetes ipsas duodecim Numinibus commendabant, videl: Seje, Segetia, Tutilena, Proserpina, Nodoto, Volutina, Patelena, Hostilina, Flora, Lacturtia, Matutæ, Runcinæq;: & cum domui custodienda unus homo sufficiat, Romani tres Deos præponebant, videlicet: Forculum foribus, Cardeam Cardini, Limentium Limini: (c) verbo, ut scripsit S. Leo: Roma cum penè omnibus dominaretur gentibus, omnium gentium serviebat erroribus, & magnam sibi videbatur assumpsisse Religionem, si nullam respiceret falsitatem. (d) Cur igitur inter tot minusq; Deos non etiam Christum accepit, non minori utiq; dignam veneratione, quàm Forculus & Limentius, ostiorum Dij custodisq;? Respondet D. Augustinus accommodatè proposito nostro. Socratis sententia est, unumquemque Deum sic coli oportere, quemadmodum se ipse colendum esse præceperit; proinde ista sum-

ma

(a) Tertull. Apologet. cap. 5. & 27. (b) Euseb. l. 5. Præparat. Evang. cap. 15. (c) S. Augustin. l. 4. de Civit. c. 8. (d) S. Leo serm. l. de SS. Apost. Petro & Paulo

AD LECTOREM.

ma necessitas facta est, non colendi Deum Hebræorum & Christianorum; quia si alio modo eum colere vellent, quàm se colendum ipse dixisset, non utique eum colerent, sed quod ipsi finxissent. Si autem illo modo colere vellent, quo ipse diceret, alios sibi colendos non esse cernebant, ac per hoc respuerunt unius veri Dei cultum, ne multos falsos Deos offenderent. (a) Male ergo Religioni consuluit, qui illam obtentu pacis inter Petrum Calvinumq, divisit: nec composuit, sed auxilium bellum.

Sed ferri hoc poterat, si modo Maimburgus bonâ fide scripsisset. Taceo immensas illas, perpetuasq, assentiones, quibus nunc Regi suo, nunc Parisiensi Archiepiscopo effusè blandiuntur; & hunc alicubi non exaquat tantum B. Gregorio, sed etiam præferi: quis fidat testi partium studia tam apertè professi? Sed demus hoc amoris & gratitudinis in Gallie Regem, laudes pretio reddidit; illud saltem nulla ætas ignoscet, quòd singulis fere paginis, tantòq, compulsu verborum, fidem, veritatem, candoremq, professus, nihil minus tamen, quàm hæc omnia cordi habuit, quoties occasio fuit causam suam promovendi nullâ veritatis curâ; exempla passim occurrunt, puderiq, cum mortuo luctari, nisi protegende veritatis necessitas urgeret, admonendiq, Lectoris; præsertim cum supersint adhuc vivantiq, libri, & istos ego, non personam consuevi. Pauca libabo, ut ex simbria pannum agnoscas. Primò, omnia fere argumenta, quæ Pontificum auctoritati opponit Maimburgus, sunt illa ipsa, quæ jam dudum à Calvinistis & Lutheranis, ac præsertim Centuriatoribus producta fuerant, ac millicies à Catholicis refutata. Legat cui vacat, quæ Illyricus de Translatione Imperij, & quæ Maimburgus scripsere, scæbitur nihil ab isto novi allatum esse, nec alio differre, quàm quòd iste Gallico, ille Latino sermone scripsit. Ubi ergo Maimburgus argumenta ab Illyrico contra Pontifices alla-

(a) Augustin. lib. 1. de consensu Evang.

P R Æ F A T I O

ta, & apud Bellarminum aut Baronium reperta ac confutata descripsi, miror, verborum triumpho auxis (vix enim alium scriptorem reperias, qui sua gloriosius jactet) tacet interim, suppressisq; Catholicorum solutiones, ac responsa, quæ apud eosdem Auctores, ipsdmq; solis legeras; quod quàm à fide, candoreque historico sit alienum, nemo non videt; quæ enim Religio, & extra veritatis, referre ab hæreticis dicta, tacere à Catholicis responsa? Sic in Historia de Imperij declinatione Baronium confutai, miserèque à suis Amanuensibus deceptum dicis, quòd Collegij Electoralis Innocentium IV. (is obiit anno 1254.) auctorem faciat. Id verò ut probet, duo proferit testimonia, Alberti videlicet Stadenfis, & Martini Poloni. Albertus Stadenfis (is Chronicon suum à mundo condito ad annum 1250. aut 1256. perduxit) ita loquitur: Ex prætaxatione Principum & consensu eligunt Imperatorem, Trevirensis, Moguntinus, Coloniensis, Palatinus, Dux Saxoniae, Marchgravius de Brandenburg, Rex Bohemiae non eligit, quia non est Theutonicus. Ergo insert Maimburgus: Collegium Electorale consensu, & prætaxatione Principum, non auctoritate Pontificum est institutum. Martini Poloni (qui anno 1278. aut 1279. dum possessionem Archiepiscopatus Gnesnensis adiret, in itinere extinctus est) sunt hæc verba: Et licet isti tres Ottones per successionem generis regnaverint, tamen postea fuit institutum, ut per Officiales Imperij Imperator eligeretur, qui sunt septem, videlicet, Moguntinus, Trevirensis, Coloniensis, Brandenburgensis, Palatinus, Dux Saxoniae, Rex Bohemiae. Ex verbis illis Poloni: Postea fuit institutum, ut per Officiales Imperij Imperator eligeretur, &c. concludit Maimburgus, immediate post Ottonem III. hoc est, ano 1002. vel dum is Romam profectus esset, hoc est, ano 996. Collegium Septemvirale institutum esse, non ergo sub Innocentio IV. & in primo Lugdunensi Concilio, hoc est, anno 1245.

Uirum-

AD LECTOREM.

Utrâque objectionem apud Baronium ad annum 996. n. 87. & 69. Maimburgus legerat. (nam Baronium citat, refutatque) ijsque tanquam argumentis suis utitur impugnanda Pontificum auctoritatis: tacet tamen, dissimulatque solutiones à Baronio solidae adhibitas, videlicet: licet in Concilio Lugdunensi I. sub Innocentio III. Electores designati fuerint Archiepiscopus Salisburgensis & Duces Austria, Bavaria, Brabantiæ, Principum tamen consensu. & accedente Pontificum, sive Innocentij IV. sive Alexandri IV. auctoritate, successisse Ducem Saxonia, Palatinum, & Brandeburgicum, præsertim cum Austria & Bavaria Duces ipsi ad Imperium aspirarent mallentque inter eligendos, quam electos censeri: non ergo negare Stadensem Collegium Electorale ab Innocentio IV. institutum fuisse, sed solum Principum consensu primis Electoribus alios substitutos, esse. Martinum Polonum quod attinet, cum scribit: Post Ottonem III. institutum esse, ut Imperator ab Officialibus Imperij; & Septemviris eligeretur; non dicere quidem, à quo hæc institutio manaverit, sed nec negare à Pontifice manasse: nec illud adverbium postea innuere eam institutionem immediate post Imperia Ottonum contigisse; sed absolute post Ottones; quod utique verum est, si dicamus in Concilio Lugdunensi sub Innocentio IV. factum id esse. En solutiones à Baronio datas! sed Maimburgus eas callide tacuit, cum nihil haberet, quod opponeret. Quis jam non videt, non tam illi curam fuisse vera scribendi, quam fallendi Lectorem? Si enim fallere non erat animus, cur dixit, quæ causa sua favebant, tacuit, quæ adversabantur? Non hæc Historici, sed Advocati sunt partes, utique corporum, sic veritatis imagines non magis detrahendo, quam addendo fædantur. Aliud hujus artificij paradigma in Hist. Lutheranismi reperies, ubi cum probandum suscepisset: debere Pontifices Imperatorum legibus, quamvis impias credant, acquiescere; Exemplum Gregorij Magni producit, qui Mauritiij legem, ne mili-

P R Æ F A T I O

tes Monasteria, nisi expleta militiâ, ingrederentur; impiam esse, sacrilegamq; censuerat, & scripserat longâ ad Imperatorem epistolâ; & tamen ut Imperatori morem gereret, totâ Italiâ promulgavit; id Maimburgus more suo exaggerat; tacet tamen, quod maxime ad rei summam pertinebat, quodque causam Maimburgi maxime evertit, videlicet, Gregorium Mauritiij legem correxisse, correctâmq; ac quibusdam additis conditionibus mitigatam promulgasse; recitat Baronius hujus correctionis exemplar, quod utiq; Maimburgum non latuit, qui Baronium ad marginem citat; sed ne sententiam suam mutare cogeretur, maluit veritatem celare, quàm profiteri. Secundò. Usq; ad eò insectandi Pontifices, eorûmq; auctoritatem Principibus submitteendi cupido Maimburgum abripuit, ut non puduerit non solum argumenta, sed etiam exempla ab hæreticis & Luthero petere, & illa summis laudibus exornare, ac Pontifices admonere, ut Lutherum imitentur, Religionem Principum voluntati subalternentem. Nemo mihi facere id credat, quippe indignissimum facinus narranti: sed legat quicunque fidem non habet, primam partem Lutheranismi, & inveniet nihil à me additum esse veritati. Narrat illic Carolus V. Imperatorem Augustam venisse, ac Electoribus Lutheri dogmata protestantibus imperasse, ut Casari assisterent Missam ritu Catholico audienti, Praconibus verò ut suggestu, ac concionibus abstinere: Lutherum consultum esse, an Casari hac imperanti obtemperare oporteret! eum verò respondisse, omnino oportere. Hæc cum Maimburgus recuâset, perinde ac si de sacris libris, vitisque Patrum oraculum deprompsisset, mox subjungit Gallicâ phrasi: En, inquit, præclaram lectionem, cui merito omnes auscultent, adjungûque exemplum S. Gregorij, sed malâ fide relatum, ut suprâ notavimus. Memini celebrem in Germania Principem, litterisq; ac Religione præcipuum, ubi ad hunc locum devenit, ad eò rei indignitate commotum, ut deinceps Maimburgi libros abjecerit, eorûmq; lectione

AD LECTOREM.

lectione sibi interdixerit, qua occasio fuit, ut ad me is liber pervenerit. Vides hic lector, quàm cæca & inconsulta fuerit in hoc Scriptore, aut Principibus adulandi, aut Pontifices insectandi cupido, ut obvia quæq; arriperet, nullo dilectu, ac etiam indigna. Tertiò. Sed nec Religioni ducit unum pro alio asserere, quippe fraudis securus, inopiâ aut temporis, aut librorum, quæ paucis Lectorum ad manus sunt. Opponebatur Maimburgo exemplum Zachariæ Pontificis, qui Imperium Francicum suâ auctoritate à Merovingica stirpe, ad Carolinam transulerat. Ut hoc argumento se expediat, respondet, asseveratque Maimburgus, Zachariam non imperâsse, sed tantum consuluisse; & qui contrarium dicat, ignorantiam laborare rerum Gallicarum (nam & hoc quoque solemne habet, ut sua magno fastu extollat, aliena pari neglectu habeat) Atqui Auctores omnes ac antiquissimi, & consuluisse Zachariam, & imperâsse dicunt, ejusque auctoritate Translationem hanc factam. Eginhardus Caroli Magni Aulicus, & à secretis: Hildericus Rex, inquit, jussu Stephani Romani Pontificis depositus ac detonsus, & in Monasterium detrusus est. Et infra: Pipinus autem per auctoritatem Romani Pontificis ex Præfecto Palatii Rex constitutus est. Regino in Chronico: Jussit Papa per Auctoritatem Apostolicam, Pipinum Regem creari, ne perverteretur Christianitatis ordo. Annales Francici à Pithæo editi: Anno DCCLII. Zacharias Papa ex Auctoritate Petri Apostoli mandat Populo Francorum, ut Pipinus, &c. Abbas Urspergensis ad annum DCCXLII. circa finem: Sic ergo Pipinus ex Præfecto Palatii auctoritate Apostolicâ sublimatus & unctus in Sedem Regni, absolutus per eundem Papam Stephanum à juramento, &c. Hæc omnia & complura alia antiquissimorum testimonia, silentio Maimburgus premit, dissimulatque perinde, ac si nunquam legisset, cum certissimum sit, lecta ab eo esse; & tamen conatur persuadere Lectoribus, Pontifices in hac translatione

PRÆFATIO AD LECTOREM.

latione consilio tantum, non imperio egisse. Eodem modo in libro, quem pro quatuor propositionibus scripsit, ut ostendat Concilium in rebus fidei decidendis supra Pontificem esse, exemplum allegat quinti Oecumenici Concilij, in quo contra Vigilij Constitutionem Patres tria Capitula damnaverunt, quod postea Concilium à tota Ecclesia receptum est; constat ergo, insert Maimburgus, Concilium in rebus fidei decidendis supra Pontificem esse. Atqui certum est; questionem de tribus Capitulis non fidem, sed Personas spectasse, Theodorum videlicet, & Theodoretum, & Ibam, quorum jam vitâ sanctorum memoriam Chalcedonense Concilium absolverat, sed Quinta Synodus damnandam decreverat; & ipse S. Gregorius testatur eam causam non fidei, sed Personarum fuisse; alioquin si de fide ageretur, errasset contra fidem Synodus Chalcedonensis, qua pro tribus Capitulis pronuntiaverat: neque id Maimburgus ignoravit, cum in libro de Pontificatu S. Gregorij, ubi latè hoc argumentum prosequitur, agnoscit citra fidem eam litem stetit; qui ergo fieri potest, ut ex condemnatione trium Capitulorum concludatur, Concilium in rebus fidei supra Pontificem esse, cum ipse Maimburgus non ignoraverit, non fidei causam, sed Personarum fuisse? Infinitus sim, si omnia persequar, qua Maimburgum mala fidei accusant, nec ignorantia tantum, sed industria peccasse; nec ego ea referrem (nam defuncti cineribus reverentiam habeo) nisi necessaria crederem promouendo Lectori; quid enim si venenum ostendam jam labris admovendum? & forsitan si vita Maimburgi superfuisset, emendasset, qua odio aut amore peccaverat? nec dubito, nunc ea improbare, quando his affectibus vacuus, ac rerum vanitatem expertus dolet, respuisque præcrita.

GALLIA

GALLIA VINDICATA.
DISSERTATIO I.
§ I.

Quid Regalia, quæ ejus initia, quomodo
extensa, & quibus titulis, ac rationibus innixa.

SUMMARIA.

1. Male Catholicos, sacrosq. Doctores domesticis pralijs concurrere, cum externa abundant; sed adulationi, privatisque cupiditatibus hoc deberi; exemplum in Ludovico Maimburgo, cujus artificia notantur.

2. Quid Regalia, & per quos gradus provecta? De Custodia, Infeudatione, Spolijs, & Collationibus Beneficiorum. Hac omnia contra antiquos Canones fieri.

3. Regaliam usque ad tertiam Regum Gallia stirpem aut ignotam, aut pro abusu habitam esse clarissimis testimonijs evincitur. Libertas Cleri Gallicani olim Reges admonentis.


4. Regaliam sub finem sæculi xi. inductam: Error Maimburgi illam ex Concilio Lateranensi, & privilegio Calixti II. deducemus.

5. Ante Concilium Lugdunense solâ consuetudine jus Regalia stetit, non ideo tamen aut licitum, aut concessum, quia toleratum.

6. Concilium Lugdunense Regaliam intra consuetudinem coercet,

et, precibus præsertim Gallicana Ecclesia; an eo Concilio usufructus vacantium bonorum, & Collatio Beneficiorum concessa?

7. Regaliam toto Regno extendere aliquoties à Regijs ministris tentatum est, adversante semper, & vincente Clero: Edicta Henrici III. & Henrici IV. & Ludovici XIII. & tandem Ludovici XIV. quo ultimo jus Regalia ad omnes Gallici Imperij Provincias extensum est.



Sæpe mihi Catholicorum discordias, ac intestinas lites cogitanti, & quæ licet calamis, non ferro agitentur: non idè tamen minùs Rempublicam turbant, imò tantò magis, quantò sunt graviora animorum, quàm corporum vulnera; lubet exclamare: heu quàm inanibus, imò noxijs bellis occupamur, quando tot alia supersunt, & necessaria, & coronis digna, nullòque pugnantium damno! quanta ubique terrarum scelerum, ac errorum messis est, quæ falcem, ac calamos Catholicorum expectat? quanti animarum fasces idè pereuntium, quia medicis carent: quorum ope sublevandæ; quanta rerum cœlestium & ignorantia, & contemptus? in tribunalibus fraudes? in castris impudentia? in aulis scandala, & exempla vitiorum? his omnibus emendandis, quæ tantò majoris momenti, & curæ sunt, quodd æternitatem, ac cœlum spectant: omnium vigilæ, & ingenia Doctorum sudare oporteret, eorum præferim, qui rerum temporalium expertes, cœlo tantùm militare se profitentur: & tamen adulandi, blandiendique cupido, perpetuum in aulis malum, adèò omnia pervasit, ut animarum, cœlique curâ depositâ, non tantùm Regum vitia palpentur, sed etiam ea mæderi volentibus bellum indicatur, & cùm medicos, ac remedia proscribunt, amare tamen ægrotum se dicunt; nec dicunt tantùm, sed etiam creduntur, imò præmia, ac stipendia latrociniij accipiunt, quia videlicet blandè perimunt, & venenu n inter mella, rosâque propinant, duplici flagitio felices, & quia nocent, & quia placent. Olim regnantium peccata silentio, quod

quod metus, & reverentia indixerant, involvisse, tanti æstimabatur, ut sanctissimum Prophetam in has voces querelæ, & doloris plenas impulerit: *Vamibi quia tacui, quia vir pollutus labijs ego sum.* (a) Nam ut SS. Hieronymus, Cyrillus observant, cum Ozias Rex Sacerdotij partes invaderet, & thus Deo adoleret; Isaias castigare Regem omiserat, metu, turpique conniventia victus, quam culpam prius non agnovit, quam divino tribunali assistens, & idè licet sanctus, licet Choris Angelorum immixtus, miserum se tamen, & contaminatum professus est: quid, rogo, diceret si non tacuisset tantum, sed etiam laudasset, approbasset, & pulcherrimis encomijs sacrilegium adjuvisset? & tamen hi sunt temporum nostrorum mores; & quod olim de Babylone prædictum est, jam etiam in Ecclesia Dei cum genitu videas: *Et respondebunt ibi Sirenes in delubris voluptatis.* (b) Quod tu delubrum voluptatis hoc tempore reperiās, in quo non adorari simul vitia, & cantare Sirenas audias? nulla ferè jam culpa est sine cantu, & Sirene, ac patrociniò adulantium: & ut nemo perire non amet, præluditur naufragijs, ac quod planè miserrimum est, illa quondam morum censura, & emendatrix Theologia; illa sacris pulpitis dicata eloquentia; illa ingenia sacris studijs, & variâ cognitione rerum instructa; illæ voces profligandis vitijs conductæ; hæc, inquam, omnia in obsequia regnantium translata, non tam cælo, & veritati, quam aulæ serviunt, delictis in tutelam, sinumque receptis; verbo: *Propheta tui viderunt tibi falsa, & stulta, nec aperiebant iniquitatem tuam, ut te ad pœnitentiam provocarent.* Inter hos meritò recenseas, qui in nupero Regaliæ negotio, quod Ecclesiam aded turbavit, Regem sui officij monere non sunt ausi: enimverò nimiam hanc, & remissam conniventiam nec Regi, nec causæ quasi patrociniū immeritè adscripseris: Rex enim ut indolis, animique excelso, ita veritatis patientissimus, & æquiamantissimus est; nec unquam in alienam, & sacram messem falcem misisset, nisi consilij eorum permotus, qui lucem tenebras dicunt, ac specie honesti cupiditates suas obvelant, quas palam erubescunt. Causa verò tam æqua fuit, & à veritate tot prælidijs munita, ut nemo illam, quamvis provocatus, ausus sit calamo impetere, & ad ea respondere, quæ contra Regaliæ extensionem à nobis diceban-

cebantur. Veritatem ergo nemo non agnovit, sed tamen, si duos excipias, nemo palàm tutari est ausus, omnibus auram, quæ ab aula spirabat, captantibus; ita nimirum ea causa apud pleròsque videtur, non quæ melior, sed quæ palatio charior.

Sed nemo æque ut Ludovicus Maimburgus admirationem movit. Is in ea Religione consenuerat, quæ innumeris à sacra Sede beneficijs exornata est, quæ Pontificum Romanorum curâ, & officijs Galliæ, unde cum summo dedecore exulatur ierat, restituta fuit, repugnante quamvis Regio Senatu, nec minus Sorbonâ: (a) quæque se quarto voto defendendæ Romanæ Sedi adstrinxit: (b) audi Patres Societatis ita loquentes. *Tribus votis quantum Societas adjicit, & quidem solenne, quo Professus devovens se obsequio Romani Pontificis, ut quocunque terrarum Evangelij causâ eos jussit proficisci, ad ejus nutum prompti sint, & expediti: neque detrectare hoc possunt imperium, quamvis ad Barbaros mittantur: neque infessa latronibus itinera: neque maria tempestatibus, simul & piratis infessa, neque scopuli, & fustes, & naufragia, neque Barbarorum, & Hæreticorum secures Jesuitarum sanguine infecta, ullam huic voto gratiam faciunt.* (c) Et alibi. *Multum interest Societatis Pontificum auctoritatem non vilipendi; an non est illa tota Bullatica, hoc est pendens à Pontificum Bullis? illius simplex Castitatis votum dirimere matrimonia, habet à Bulla: Scholares illius veros esse Religiosos, habet à Bulla: Religiosa cum Paupertate stare Religiosorum Dominium, habet à Bulla: inter Ordines mendicantes censerî, habet à Bulla:* (d) Et P. Daniele Papebrochium nomine totius Societatis in præfat. ad Tom. 1. Apr. *Multò sanè equius est nos sanctæ Sedis Apostolica judicio, ac decretis obtemperare; nam Cœlii omnes, Deumque ipsum attestamus, nos eandem sacrosanctam Sedem ut veritatis Magistratam revereri, neque ab ejus scitu, jussisq; vel latum unguem declinare velle.* Et hæc quidem sunt sensa totius Societatis, quibus omnium ex eadem Societate Theologorum voces, & vota accedunt. Quis unquam crederet in schola, quæ Pontificis auctoritatem tam altè, & ubique terrarum professa est, Ludovicum Maimburgum potuisse opiniones imbibere tam à vero, & Societatis mente alienas, ac supremæ Pontificis auctoritati adversas? & tamen hæc tempestate nemo pejùs eo scripsit; Regio videlicet favori, ac præmijs copiosè propositis veritatem polihabuit.

Neque

(a) Vid. Thuan. lib. 136. & Decret. Sorbonæ de anno 1574. (b) Vid. Bullam Jul. 3. (c) Vide Imagin. 1. sæculi lib. 1. cap. 9. (d) Vide Prodrum. n. 68.

Neque enim huic Gallicæ Sireni propositum aliud fuisse, quàm Regiam gratiam captare, vel satis illæ Præfationes ad Regem omnes inscriptæ convincunt, laudibus, encomiisque adeò perfusæ, ac adulationibus intextæ, ut non dubitem etiam Principi molestas esse: sed mihi non tam Maimburgum, quàm causam ipsam prosequi animus est. Primo igitur libro de Regalia dicam, quam Maimburgus varijs locis sed cursim, ego quòque alio opere libavi; sed nihil, aut pauca de illius extensione, & universitate, quippe ad alia intentus, calamo in quatuor propositiones festinante.

II. Regalia ergo nihil aliud est, quàm *jus, & facultas Regibus concessa fructus, & proventus vacantis Episcopatus (cujus electio ad Regem pertineat) percipiendi, & beneficia, ac prebendas cura animarum expertes, interim conferendi*. Quamvis enim jus Regaliæ, si latius sumatur, ex quatuor juribus constet, videlicet: *eligendi, investiendi, beneficia vacantia conferendi, percipiendique fructus, ac proventus temporales* (a) hic tamen de duobus tantum ultimis agemus, quæ propriè ad Regalia spectant, omisissis Electionibus, & Investituris, de quibus alibi. Quamvis verò sola vacantium Ecclesiarum Custodia ad Principes olim pertinere, postea tamen depositum, & Custodia in Dominium, usumque transijt, vincente leges cupiditate. Imò ne Custodiam quidem sacri Canones Principibus sæcularibus permittebant, sed Oeconomis, quos defuncto Antistite Clerus legebat. (b) Transijt postea, ut dixi, ad Principes Custodia, & post Custodiam usurpatio, quæ tamen priusquàm in legitimum jus, & privilegium evaderet, gravissimis Patrum, aliorumque censuris vapulavit. (c) Dicemus ergo quibus incrementis in hanc usque diem jus Regaliæ adoleverit, ad eumque apicem, quem modò obtinet, pervenerit; quippe non eadem horâ invalescunt corruptelæ, sed more fluminum, decursu augentur, initijs verecundis, progressu immodico, ac legum omnium experte. Quæ causa fuit, ut plerique Regaliæ originem obscurissimam crediderint, & Nili fontibus supparem; eam siquidem, ut modò est, quærebant, cum tamen, ut dixi, non semper eadem

A 3

fuerit,

(a) Vide Præhud. Reg. sacerdot. § 1. n. 13. (b) Vide Concil. Chalcedon. can. 16. Hispal. II c. 9. Tolet. IV. c. 47. Nicæn. II. cap. XI. Ilerd. c. 16. Francford. can. 41. Pontigom. c. 14. Troil. can. 14. & can. 22. 25. Caus. 16. q. 7. & S. Greg. lib. 1. epist. 12. (c) Vide Della Marca lib. 8. & Baron. ann. 996. & Regale Sacerdot. fol. 70. & 71.

fuerit, sed à parvis, & vix observatis initijs, in immensum creverit, anguium modo quantò major, tantò nocentior.

Primò igitur jus Regaliæ nihil aliud, quàm jus Custodiæ fuit, & hoc nomine Custodiæ in Concilio Lugdunensi, alijsque Authoribus appellatum est. (a) Vacante ergo Ecclesiâ Episcopali, ejusdem fructus, ac proventus in Custodiam Principum cedebant, qui etiam ijs custodiendis Oeconomos dabant. Id quidem, ut vidimus, Canonibus vetitum, sed Principes, qui se omnium Ecclesiarum, vacantium præsertim (quo tempore magis injuriæ patebant) Advocatos, Defensoresque ferebant, hanc sibi curam debere crediderant; obtentu ergo pietatis & Canones laxati, & fores cupiditati apertæ. Enimverò ut primùm in manus Principum sæcularium facultates Ecclesiæ pervenerunt, de modis cogitari cœptum est, quibus adhærere, nec cupientibus desuere. Regnantium liberalitate non solum magnâ vi auri, gemmarumque, ac pretiosæ suppellectilis Ecclesiæ auctæ fuerunt, sed etiam sedis, dominijs, latifundijs quàm plurimis (b) hæc omnia jure beneficiario à Principibus data. Feudorum origo à Longobardis ducitur gente Germana ad Albim, aut ut alij volunt, ad Visurgim sita, quæ causa est, ut totum jus feudale vocibus Germanis abundet. Hi ergo in Italiam profecti, deleteris Gothis ducentos annos regnârunt, prædijs, ac latifundijs in milites loco stipendijs divisiss, eâ videlicet conditione, ut cùm opus esset, militiam adirent, & Dominis in bello adessent, quietiam hodiernâ tempestate Timaritis Turcarum mos est. Constat jus feudale moribus, & consuetudine potiùs, quàm jure scripto, & ita variè mutatum est: olim enim feuda, aut per modum ususfructûs, & precariò concedebantur, & morte finiebantur possessoris; aut non priùs ad hæredes transibant, quàm à Domino directo investirentur, (c) hoc interim fructus omnes vacantis feudi recipiente, unde natû credimus *jus Releij*: mortuo enim vasallo, velut in solatium translati in alios feudi reddit ad Dominum directum, non verò ad hæredes jus omnes fructus sibi vendicandi, donec illi investiantur; id in multis Galliarum provincijs adhuc obrinet, videlicet Picardia, Campania,

Neu-

(a) Vid. c. 13. de clect. in 6. Flod. in calce Hist. Rhem. Rigord. ad an. 1190. M. de Pamiers de la Reg. f. 18. Nangis in vit. B. Lud. (b) Vid. L. 1. C. de SS. Eccl. Possid. in vit. S. August. cap. 22. Malmesbur. de gest. Reg. Ang. lib. 5. (c) Vide Rambeck in silva Feud. fol. 5. M. de Pamiers de la Regale. fol. 15.

Neustria, Andegavia, Turonia, Armorica, seu Britania minori, & Biturgia. (a) In reliquis Galliæ Provinciis, hæredes, non Dominus in feudum, fructusque succedunt, nullóque jure Relevij, sola intra diem, & annum petendæ investituræ necessitas superest. Cùm ergo multa feuda liberalitate Principum Ecclesijs Episcopilibus adjuncta essent, hinc sumpta occasio est, vacantium Ecclesiarum fructus, velut aperto feudo, usurpandi, & ita jus Regaliæ à feudis originem duxit, quod etiam ex eo palàm fit; quòd nomen Regaliæ, Investituræ, exhibitio juramenti, & homagij, aliæque solemnitates, quæ Regaliam comitantur, omnino feudum redo-
leant, & hoc ipsum cùm celebres historici, tum plerique juriscon-
sulti docuere, (b) jus videlicet Regaliæ, feudis deberi. Quæ etiam causa est, ut sicut in feudis non ubique Galliarum defuncto Domi-
no jus Relevij locum habuit, ita neque jus Regaliæ ex feudis na-
tum. En alium igitur, & speciosum quidem titulum vacantis Ec-
clesiæ fructus populandi, jus videlicet feudi. Sed neque hic finis,
ut in hydropse, sitim potus accendebat. Supererat Decimæ, obla-
tiones, ac munera fidelium, bona mobilia, supellex domestica;
quo jure hæc occuparentur? nam & ista Regaliæ accesserunt. Re-
pertum est jus spoliij; hoc à Clericis cæptum, qui sublato Antistite
ædes diripiebant, legebantque velut ex naufragio spolia: & præ-
dam agentibus Clericis cur Principes cessarent, & potentiâ, & be-
neficijs in Ecclesiam collatis multò potiores? Equidem & sacri Ca-
nones, & leges Imperatorum in hujusmodi prædones sæpe, gravi-
térque armatæ sunt, (c) sed cohiberi abusus non potuit: nam nec
Principes metus legum tenebat, & istorum exempla minores se-
quebantur. Abusus ergo in usum transijt; usus verò, ut ferè solet in
conniventiâ, hæc in privilegium (concedi enim solent, quæ ve-
tari non possunt) & indulgentiam neccessitas fecit. Hic tertius Re-
galiæ

(a) Picardie, Campagne, Normandie, Anjou. Tourene, Bretagne, Berri (b)
Vide Marc. lib. 8. cap. 22. Rigord de Gest. Philippi Aug. ad an. 1209. Innoc. III.
lib. 1. epist. 190. & lib. 2. epist. 40. 106. 107. Matt. Paris. ad ann. 1164. Libert. de l'
Egl. Gallie. fol. 106. M. de Pamiers fol. 17. & Phil. Pulch. in mandato Archiepisc.
Senon. dato, ubi: *Sicut feudum vasallo vacans cum suis redditibus interim à Domi-
no lucit occupatur, idque de jure, & generali consuetudine, sit Nos, & nostri anteces-
sores vacante Eccl. Carnot. temporalia accipimus, & nostros facimus omnes feudum, &c.*
(c) V. Concil. Antioch. can. 24. & 22. & Concil. Chal. can. 22. & const. Joan.
ac Eman. Comn. ann. 1120. & 1123. & in Decreto causam 12. quæst. 2.

galia gradus fuit. Ab hoc ad collationes Beneficiorum, quæ curam Animarum non habent, processum est. Quis crederet hoc à Laicis tentari potuisse? tentatum est, imò & obtentum, ac tandem quod inveteratum usum ferè consequitur, à Summis Pontificibus toleratum, & tolerantia pro privilegio accepta: ac primò quidem nominabant tantùm, aut præsentabant Principes; Capitulum, Metropolitani, aut Pontifex conferebat; postea libertate ex eventu aucta; etiam collationes Beneficiorum secutæ; quo, inquires, hoc jure? quodd collationes inter fructus Episcopatus censerentur, utique familias de Regibus bene meritas remunerari liceret, intacto interim, & illibato ærario; nec Pontifices abnuebant. (a) Philippus Augustus expeditioni in Terram Sanctam accinctus Reginae Matri, & Rhemenſi Archiepiscopo, *quando Regalia in manus Regis devenerint* collationes Beneficiorum testamento committit: Idem Philippus uni ex aulicis Capellanis Canoniatum vacantis Ecclesiæ Laudunensis, *secundum antiquam, & approbatam Regni sui consuetudinem* contulerat, & cum Innocentius III. alium promovisset, quærelæ Romam allatæ ad Pontificem sunt, nec verò rejectæ, sed causa, uter ex promotis præhabendus esset ad Capitulum Laudunense remissa.

Idem quoque jus à Ludovico sancto exercitum: nam primam in Palæstinam expeditonem adornans, Regiæ Matri inter alia concedit, *ut dignitates, ac Beneficia Ecclesiastica vacantia conferre, fidelitates Episcoporum recipere, & Regalia restituere ei debeat.* (a)

Idem repetit in literis ante secundam navigationem datis: & cum Clemens IV. PP. vacante Ecclesia Rhemenſi præbendam contulisset, Rege sancto sua privilegia violari conquerente, Pontifex gratiam jam in alium collocatam revocavit. Gregorius X. anno 1271. collationem à Rege Philippo Audaci factam vacante Ecclesiâ Senonensi probat, confirmatque. His ergo gradibus Regalia processit; sed nec stetit hic quidem. Olim Provincias tantùm, & Ecclesias aliquas complectabatur, non verò omnes, quod infra demonstrabitur, nec Principes Sacerdotia omnia conferebant, sed ea tantùm, quibus nulla animarum cura. Hæc verò tempestate,

anno

(a) Anno 1190. (b) V. Testam. Regis Aug. dans le Liv. des libertez de l'Eglis. Gall. chap. 16. an. 4. Bull. Innoc. III. idid. a. 6. litter. Ludov. IX. an. 1148. ibid. n. 15. Nangis in vit. S. Ludov. p. 445.

anno videlicet MDCLXXIII. Regia declaratio prodijt, quæ jus Regaliæ ad omnes Gallicas, aliâsque Provincias Regi subjectas proferret. Crediderim illam non tam Regio motu, & voluntate, quàm adulantium artibus expromptam; quò enim jus Regaliæ amplius patet, tantò eorum, qui Regem circumstant, major est jurisdictionis, ac facultas amicos, clientelas, favores, opesque parandi, collatis in eos Beneficijs, pro quibus ipsi supplicant, aurêsq; Principis occupant; maxime cùm eorum arbitrio Sacerdotalia plerùmque committantur. Privatis ergo studijs Regium nomen obtenditur. Accessere alia, quæ hanc ipsam collationem supra omnes Canones, regulasque Ecclesiæ in immensum extendunt. Olim sola nominatio, aut Præsentatio, nunc Collatio, & Institutio est. Admittuntur resignationes *in favorem*: onerantur Sacerdotalia pensionibus: conferuntur Beneficia non solum libera, sed etiam juri Patronatus tam Laici, quàm Ecclesiastici obnoxia; Canonatus, aliæque dignitates, quarum Collatio non ad solum Episcopum, sed etiam alternativè ad Capitulum, seu Collegium spectat, nullo discrimine Regaliæ subduntur; imò etiam quæ ad Capitula Regularium, & quæ in litem deducta sunt, quæque solo facto, quamvis non jure, aut econtrà quæ solo jure etsi non facto vacant, legitimis, innoxiusque possessoribus nullâ causâ submotis; & quia post Galliæ concordata solis Regibus jus ad Episcopatus nominandi concessum est extinctis electionibus; facile est nominationem diu multùmque differri, quod Principis arbitrio sedet; interim, dum delectus agitur, dum Romæ Confirmatio elaboratur, dùmque in actualem possessionem Episcopus intrat (nam & hæc necessaria est) quis non videt per tot rerum, temporùmque ambages, & Regaliæ spatia protendi, & temporis beneficio proventus Regios augeri, Ecclesiâ interim viduitati, prædæque relicta. Denique his omnibus Beneficiis Curata, Ecclesiæque Parochiales augendo velut fasci paulatim adjiciuntur, aut saltem voluntas, conatusque Regijs Officialibus non deest; quod etsi Archiepiscopus Tolosanus in Epistolis ad S. Pontificem datis neget, aut potius Sacerdos ille Societatis, qui Archiepiscopi calamum ducit, apertè tamen convincitur, tum ex varijs, vulgatisque libellis, quibus etiam ad hæc Beneficia Regaliâ extendi posse persuadere conatur: tum

Episcopi Apamiensis testimonio (a) in libro, quem de Regalia scriptum reliquit, & quem nemo haecenus confutare est ausus, quamvis non deessent in Gallia, qui cuperent, nisi veritatem erubescerent; tum exemplo Archipresbyteratus cujusdam (b) in Episcopatu Apamiensi, quem legitimo possessori ademptum, quod Episcopi sui causam Romæ ageret, in alterum contulere Regaliæ obtentu. Videas ex haecenus dictis, per quos gradus paulatim Regalia profecerit, & quibus incrementis ad fastigium provecta sit: in quibus nemo tam leviter tinctus est, qui non videat, quàm multa sint sacris Canonibus adversa, & Canonibus non recentibus tantum, quos Galli neglectui habent, sed Canonibus antiquissimis, & illis ipsis quos libertatis Gallicæ fundamenta esse dicunt. Mirari ergo satis non possum, eos ipsos, qui singulis ferè lineis observantiam Canonum decantant, qui hanc ipsam Summis Pontificibus contentissimè inculcant, ejusque relaxandi Canones facultatem in lirem vocant, quique libertatis Gallicanæ fundamenta in Canonibus ponunt, aded tamen in Canones offendere, ut ne curare videantur. Quid magis Patrum decretis prohibetur, quàm Electiones liberas turbare, proventus Ecclesiarum diripi, Monasteria Abbatibus titularibus commendari, Beneficia Pensionibus subdi, resignationes *in favorem* recipi, nominationes Patronorum occupare, causas Ecclesiasticas profanis tribunalibus subdere, Principes Ecclesiasticæ libertati graves silentio, applausu, consilij, turpique adulatione permulcere, imò nolentes impellere? eos verò qui officij sui, ac periculi monent, adornatis accusationibus suspectos, reosque facere, facultatibus, exilijs, suppliciisque punire, nullius criminis compertos, quàm quod æquum gratiæ præhabuerint, magisque animas Regum, quàm præmia dilexerint? Et denique, ut mille alia dissimulem, quid magis in Canones pugnat, quàm limites ab Oecumenico Concilio, & sexcentorum Patrum suffragijs, imò divino instinctu, Regiòque assensu fixos, evertere, ac privatis lucris posthabere? & tamen qui hæc Parisijs non ferunt tantum, sed etiam faciunt, audent tamen Romam inclamare, & Canonum admonere, ac illud Zachariæ Pontificis ingerere: *Do-*

minentur

(a) M. de Pamiers de la Regale. fol. 44. (b) Archipretura d' Ax pigliata al Sig. Dorat, e data ad un Regalista Moccau.

minentur vobis Regula, non vos Reguli. Parcite, rogo, vocibus, nec eas in longum producite; vos ipsos, & vicinam aulam monete, hic Regulæ gemunt, hic Canones suspirant, & ab aliquo Sacerdotum liberam vocem, ac patrociniū expectant, quam si audirent, quies Romæ, & silentium; vobis enim, vestræque libertati pugnat. Illud verò risum, an indignationem meretur? tot abusus excusandis, quæ Regaliam, ut nunc est, consequuntur. Regem negant cum Beneficia confert, Canonibus teneri, quippe apertâ semel, & durante Regaliâ, multo ei, quàm Episcopus, Romanoque Pontifici ampliorem esse facultatem: jus Regalia jure Canonico, quod Episcopos ligat, multo esse antiquius, nec proinde restringi Canonibus potuisse; Regem ergo in vacantem Ecclesiam Episcopus quidem succedere, sed autoritate plusquam Episcopali, Regiâ videlicet nulli Ecclesiæ legibus, nullius regulis finitâ. (a) Ita Regiam mentem, ac sententiam Episcopus Apamienſis expressit, testis oculatus, & experientiâ doctus; & conspirat Maimburgus in libello de Privilegijs Rom: Ecclesiæ, ubi cum dixisset: Libertatem Ecclesia in eo esse, ut sacri Canones observentur, non verò ut pro Romani Pontificis arbitrio solvantur; subdit: Ecclesiæ verò Gallicana libertatem eam haberi, ut legibus recens conditis subdi non possit, nisi sponte acceptatis: quasi verò non eadem sit potestas, quæ novas, & quæ antiquas leges condidit; si ergo antiquis reverentia, & obsequium debetur, cur non debeat novis quidem, sed necessarijs? an antiqui Canones non erant aliquando novi, num ergo repelli poterant obtentu novitatis? & si olim novitas Canonum recusantes non absoluebat, cur modò absolvit? num olim tantum ligandi potestas, clavæque Regni Cælorum Petro commissæ? Quid si ab Oecumenico Concilio novi Canones prodeant, an impunè rejicient? & denique nemo prudens Medicum idè repellit ab ægro potuisse dixerit, quia novis morbis nova remedia paravit. Quamquam ne novis quidem Canonibus opus est, sufficiunt antiqui, ac Religioni in Gallia cœvi, quibus si fides, & reverentia sit, satis illi enixæque Regaliam damnant, ut meritò de illis dixeris, quod Christus olim scripturas jactantibus: Scrutamini antiquos Canones, in quibus putatis vos fiduciam habere, & ipsi sunt, qui testimonium perhibent contra vos.

III. Enim verò sub Regibus Galliæ primæ, secundæque stirpis certum est Regaliæ locum non fuisse. Recepta est omnium ferè

B 2

Scri-

(a) M. de Pamiers de la Reg. fol. 43. n. 1.

Scriptorum opinio, tres esse Regum Galliæ stirpes, Merouingicam videlicet, Carolinam, & Capeticam. Primus è Merouingica stirpe Christianam Religionem amplexus est Clodovæus Magnus. Hic anno 481. Regnum adeptus est defuncto Patre Childerico. Anno postea 496. (a) Partim Clotildis Reginæ precibus flexus, partim victorijs miraculo datis Christianam Religionem, recepto Baptismate, professus est; exemplum Regis tria militum millia imitati, qui eâdem die Baptismo tincti sunt. Duravit stirps Merouingica in annum 752. Ab hac in stirpem Carolinam migravit Childerico tertio in ordinem redacto, utpote rebus gerendis impari; cui autoritate Zachariæ Pontificis Max. Pipinus successit Caroli Martelli filius. Pipinus, ab eoque progeniti annos ducentos triginta sex rerum potiti, familiæ Capetæ sceptrum celsere. Quippe Ludovico quinto stirpis Carolinæ ultimo line filijs extincto, Hugoni Capeto Regnum delatum est Statuum Procerumque communi voto, & Carolo Lotharingiæ Duce, ac Ludovici Nepote Regnis excluso. Inijt Capetus Regnum anno post Christum natum 996. (b) Binæ ergo stirpes Merouingica, & Carolina annos duos & nonaginta supra quadringentos duravere, quo tot annorum decursu aut Gallos latuit Regalia, aut si aliquando aliquid Regaliæ simile emerfit, graviter pulsata est. Regebantur Ecclesiæ Gallicanæ ex præscripto tum primorum quatuor Conciliorum, tum aliorum, quæ in Gallijs celebrata fuerunt. Hæc verò omnia gravissimis Decretis Regaliæ obstabant. Concilium Chalcedonense, cujus, teste Hincmaro, (c) maxima apud Gallos reverentia, sic loquitur: *Reditus verò vacantis Ecclesiæ ab Oeconomo Ecclesiæ integri custodiantur.* (d) Concilium Rhégiense: *Cum tale aliquid acciderit (ut videlicet Episcopus aliquis moriatur) vicinò vicinarum Ecclesiarum inspectio, recensio, descriptioque mandetur.* (e) Concilium II. Aurelianense: *Episcopus, qui ad sepeliendum Episcopum venerit, evocatus Episcopum in unum, domum Ecclesiæ adeat, descriptamque idoneis personis custodiendam relinquat, ut res Ecclesiæ ullorum improbitate non pereant.* (f)

Concilium V. Parisiense: *Defuncto Episcopo non per præceptum, neque*

(a) Alij ponunt annum 499. (b) Alij initia Capeti referunt ad an. 987. V. Spond. (c) Hincmar. epist. 21. & 45. (d) Concil. Chalced. can. 25. (e) Concil. Rhég. can. 6. anno 439. (f) Concil. II. Aurel. can. 6. anno 533.

que per qualemcūque personam res Ecclesiæ contingantur, sed vel ab Archidiacono, vel Clero in omnibus conserventur, vel defensentur; quod si quū aliquid auferre præsumpserit, &c. ut necator pauperum communione privetur. (a)

Concilium Pontigonense sub Carolo Calvo: Quoties divinum judicium Ecclesiæ Præsulem a seculo vocaverit, nullas ad suimes perditionem facultates ejus invadat, diripiat, & ad suos usus transferat, sed ipsam Ecclesiæ constituto Oeconomo liberum sit Canonico more, juste, rationabiliterque deputata successori servare, &c. (b)

Capitularia Caroli Calvi: Si quis Episcopus interim obierit, Archiepiscopus ipsi Sedi Visitatore secundum sacros Canones deputet, qui unā cum Commite ipsam Ecclesiā, ne pradetur, custodiat. (c)

Idem in Concilio Troslejano apud Sveffiones habito, quod abusum bona vacantis Ecclesiæ usurpandi graviter damnat. (d)

Hincmarus Archiepiscopus Rhemenlis ad Episcopos, & Proceres Ecclesiæ Rhem: Facultates Ecclesiæ viduata post mortem Episcopi penes Oeconomum integra conservari jubentur futuro successori ejus Episcopo: quoniam res, & facultates Ecclesiæ non in Imperatorum, atque Regum potestate sunt ad dispensandum, vel invadendum, vel diripiendum. (e)

Idem ad Episcopos in Concilio Sveffionensi congregatos: Lingonensem Ecclesiā Pastore viduatā usurpare præsumpsit Ulfaldus, ejusque facultates, quæ secundum Chalcedonense Concilium penes Oeconomum futuro debuerant reservari Episcopo, suis, suorumq; assibus arrogavit. (f) Et alibi: Res, & facultates Ecclesiæ viduata nemini Christiano licet presumere; multo minus idem Episcopus (Artardus) sine sui status periculo, ac animæ detrimento Ecclesiæ invasa res, & facultates pravalet usurpare. (g)

Et ad Ludovicum III. Secundum formam Regularem Electionis Episcopitalem eligant, qui & sancta Ecclesiæ utilis, & Regno proficiuus, & vobis fidelis existat. Et consentientibus Clero, & plebe eum vobis adducant, ut secundum ministerium vestrum res, & facultates Ecclesiæ, quas ad defendendum, & tuendum vobis Dominus concessit, sua dispositioni committatis. (h)

Carolus Calvus in Diplomate, quo Ecclesiæ Rhemenli omnes facultates restitui jubet, quas obtentu necessitatis ærario intulerat,

B 3

ira

(a) V. Paris. can. 7. anno 615. (b) Concil. Pontig. can. 14. anno 876. (c) Cap. Caroli Calvi Tit. 53. c. 8. ann. 877. (d) Concil. Troslejan. can. 14. ann. 909. Vide Baron. ad hunc annum. (e) Hincmar. epist. ad Episcop. Rhem. Eccles. floruit circa ann. 860. (f) Hincm. epist. 21. (g) Id. epist. 45. (h) Hincm. epist. 12. ad Ludov. III.

italoquitur: Si illa, qua quâcûnque necessitate corrupta sunt, Regia nostra à *Au-*
thoritate corrigimus, saluti nostra consulimus, & Regium ministerium à Domino
 susceptum exercemus. Proinde noveris fidelium solertia, quia res, ex Episcopatu
 Rhemenſi, quas magnâ necessitate, ac per omnia inviti, dum à Pastore Sedes sancta
 illa vacaret, fidelibus nostris ad tempus commendavimus, electo, & ordinato Hinc-
 maro cum integritate restituvimus. (a)

Gerbertus Archiepiscopus Rhemenſis, cui postea in Pontifi-
 catum Romanum electo Silvestri II. nomen fuit: Sic vestra pervigil
 cura, ut secundum divinas, & humanas leges res defuncti Episcopi tam mobiles,
 quam immobiles futuro reserventur Episcopo, ne si, quod absit, male cautum fuerit,
 cum Regalis censura, tum etiam gravior adhibeatur divina sententia. (b)

Alphonſus Comes Tolosanſus: Ego Alphonſus derelinquo, & absolvo
 coram populo Christiano illam pessimam consuetudinem, quam Antecessores mei
 in rebus Tolosanſi Episcopi, defuncto eodem Episcopo per violentiam exigebant, &c.
 nec ego, nec ullus ex heredibus meis habeat potestatem rapiendi, vel capiendi res
 Episcopi post mortem ejus. (c)

Ermengardis Vicecomes Narbonenſis: Ego Ermengardis recogno-
 scens injuriam, quam parentes mei, & ego in possidendis honoribus, & bonis diripi-
 endis decedentium Archiepiscoporum Narbonenſis Ecclesia, buſque perperam
 fecimus, pro remedio anime meae, & parentum derelinquo. (d)

Raymundus VI. Comes Tolosanſus, cum à centuris, quas Al-
 bigensibus in patrocinium receptis meruerat, abſolveretur, ita in
 conventu Episcoporum, Legatôque Summi Pontificis praesente,
 loquitur: Ego Raymundus Dei gratiâ Dux Narbona, Comes Tolosa, Marchio
 Provincia pro remedio anime meae, omnibus Ecclesijs, & domibus Religiosis Pro-
 vinciarum Viennensis, Arelatenſis, Narbonenſis, Auxitana, Burdigalenſis, & Bi-
 turicenſis immunitatem secundum statuta Canonum defunctis earum Episcopis,
 vel Reſtoribus, concedo: ipsas domos nullo modo spoliabo, nec administrationi
 earum, seu Custodia, occasione alicujus consuetudinis, &c. ullatenus immi-
 ſcebo, &c. (e)

Ermengaudus Comes Urgellenſis Provinciae Tarraconenſis:
 Pro remedio anime meae, dimitto aique evacuo horribilem illam, & male conse-
 ratam

(a) Flodoar. l. 3. Hist. Rhem. c. 4. Qui etiam similem restitutionem, eandem-
 que ob causam à Ludov. Pio factam recenset. (b) Gerbert. ep. 118. floruit an. 996.
 (c) Anno 1138. apud Catell. Hist. des Comtes de Toulouse. (d) Anno 1155. apud
 Marc. l. 8. Concord. cap. 18. (e) Anno 1209. apud Marc. l. 8. c. 27.

ram rapinam, quam post decessum Episcopi Sedis Urgelli exercere consueverant Prædecessores mei, &c. (a)

Raymundus Comes Barcellonenfis: *Votum* vovi Domino Deo, quod quandam nefariam consuetudinem, quæ quondam extiterat in Ecclesijs Cathedralibus nostri regiminis, abolerem, & extinguerem: erat enim quadam consuetudo, ut decedentibus Episcopis, &c. quod quia cognovi alienum esse à divinis legibus, & humanis &c. (b)

Fridericus II. Imperator in suis Constitutionibus: *Pravum* usum vocat, à suis Majoribus inductum. (c)

Ex hæctenus productis testimonijs, quæ planè clarissima sunt, omnique exceptione majora, multa colligere licet, ad rem nostram apprimè facientia. *Primò* patet vacantium bonorum occupationem gravissimè à sacris Canonibus, Concilijsque, & præsertim Gallicanis, prohibitam fuisse: imò & Reges ipsos hunc ipsum abusum, & agnovisse, & execratos esse, atque ut corrigerent adlaborasse, cum videlicet sibi reddebantur, conscientia, & pudore delicti cupiditatem vincentibus: non potuit ergo hoc jus coævum esse coronæ Gallicæ, quod Canones, quod Episcopi, quod Reges Galliæ tanto tempore, spatio videlicet quingentorum annorum aut ignorarunt, aut execrati sunt: quamvis enim subinde se in lucem proferret, imò aulam penetraret, semper tamen pro abusu, & flagitio proclamatum est, nunquam pro jure; quis verò, nisi temerarius, abusus, & flagitia Gallicæ coronæ connata esse dixerit? *Secundò*. Et quamvis hæc vacantium Ecclesiarum rapina honestius processura, consuetudinem prætexeret; non idèò tamen à Gallicæ Episcopis, aut etiam Principibus excusata est; cum enim agnoscerent, non sacris Canonibus tantùm adversari, sed etiam divinis legibus; meritò negabant obtentu consuetudinis, aut beneficio temporis purgari posse; quantò enim diutiùs, tantò pejus peccabatur: nam ut bene S. Cyprianus advertit: (d) *Consuetudo, quæ apud quosdam obrepfit, impedire non debet, quo minus veritas prævaleat, & vincat: nam consuetudo sine veritate vetustus error est.* *Tertiò*. Emicuit vigilantia, & vigilantia par libertas Cleri Gallicani; quippe ut

pri-

(a) Anno 1162. apud Balluz. Miscell. lib. 2. pag. 125. (b) 1150. apud Marc. lib. 8. cap. 18. (c) Vide Marcam loc. cit. cap. 23. & Baron. ad ann. 1097. n. 71. 77-78. & ann. 996. (d) Epist. ad Pomp.

primùm hic abusus in publicum prodibat, mox cædebat, Canonicis, decretis, liberisque vocibus in illum armatis; nulla hic adulatio, nulla turpis conniventia, nec servile obsequium, quo Principum delicta plerùmque palpantur, remedijs omittis; monebantur, rogabantur, terrebantur, ut etiam inviti & morbum agnoscerent, & medicinam admitterent; quâ libertate venerationi mixtâ effectum est, ut malè inceptis Principes abstererent, amarèntque, qui pronos in præcipitium morabantur. Qua in re Injuriosi Episcopi Turonensis exemplum memoratu dignissimum est. Edixerat Clotharius Rex omnibus sui Regni Episcopis, ut tertiam suarum facultatum partem Regio fisco inferrent; quàm iniquè id à Sacerdotibus peteretur, palàm omnibuserat; nemo tamen ausus obistere, & quod turpius est, subscripsere; solus se Principi opponere Injuriosus, & libertate Episcopo dignâ, negare tam iniquis imperijs subscribere se posse: *Facultates Ecclesie pauperibus, non luxui, & aula deberi: si quæ Dei sunt, Princeps involaret, quid aliud à Deo expectet, quam ut festinatâ vindictâ Regnum amittat? Indignum Rege facinus esse, si pauperum spolijs ararium, & palatium impleat. Principum esse dare, non adimere pauperibus. Num ergo Regem Gallia aliter sustentari non posse, quam sanguine, & lacrymis, prædisque miserorum?* Dixit, recessitque indignanti similis, vultuque, quem rei indignitas inflammaverat, succenso, nec Rege salutato: qui tamen libertate Episcopi, ac facti conscientia per-motus, Edictum refixit, sanctumque præfulem muneribus placavit, precèsque, ac veniam desisto petijt. (a) Tanti videlicet interest Episcopos loqui, nec ad Principum vitia, quæ silentio invalescunt, connivere: perierat Clotharius Episcopo tacente. Hoc ergo Ecclesiæ Gallicanæ olim solemne fuit, ut videlicet Regum delicta observarent, monerèntque, nec Ecclesiarum suarum libertates, ac privilegia turpi, indignoque obsequio submitterent; nec idèd Regibus suis haud minùs fidi, aut minùs chari; quippe qui illorum salutem, animasque gratiæ, ac favori aulico præhaberent, adulatione submotâ; hoc Gallicum fuit. Ubi simul advertere licet, quàm dispar antiquorum temporum, nostrorùmque sit conditio. Olim enim cùm jura, & libertatem Ecclesiæ Magnates invaderent, obstebant Sacerdotes, rogabant, minabantur, terrebant, ducto-

que

(a) Greg. Turon. lib. 4. Hist. n. 2.

que velut vallo Ecclesias muniebant, nullo majoris potentia, aut periculorum metu: & idem plerumque victores prælio redibant, Regibus bonæ causæ, ac veritati ultro cedentibus; quippe qui errore potius agebantur, quam voluntate nocendi. Nunc verò libertati adulatio successit; & Ecclesijs in servitutem raptis, non tantum quies, & silentium est, sed etiam laudes, & encomia sequuntur; nec quæritur quid leges, quid Canones jubeant, sed quid Aulæ placeat; hinc morbus remedij expers, nemine, quid ægro profit, quærente, sed quid sapiat; imò condiuntur venena, ut etiam delectent, cum perimunt: quem tu hic accuses, medicum, an ægrotum?

IV. Cum ergo ex allatis proximè testimonijs constet, in Gallijs usque in tertiam Regum progeniem, imò ne quidem sub hujus initia locum Regaliæ fuisse, proximum est, ut quando cœperit, dicamus. In quo communis ferè eorum, qui de hac re scripserunt, sententia est, post undecimum sæculum cœpisse, magno illo de Investituris certamine, quod tanto tempore Ecclesiam, Imperiumque collisit, feliciter pacato. Id contigit Anno Christi 1122. in Concilio Lateranensi, operâ præsertim, prudentiâque Calixti II. Pont. Max. (a) Ab hoc tempore jus Regaliæ invaluit, usu præsertim, ac Episcoporum, summorumque Pontificum tolerantia, quæ protacito privilegio acceptabatur: nec deerant, qui crederent jus Regaliæ, ac vacantium bonorum occupationem necessariò consequi ex Concilij Lateranensis indulgentia, & Calixti Constitutione, sublata annuli, atque crucis cæremoniâ Investituræ concedentium, quod etiam Maimburgus asserit (b) probatque, semper in Reges, quàm Episcopos pronior: *Si enim, inquit, feuda, jura, patrimonialia, aliâq. facultates Ecclesia in manus Principum haud recidunt, sublato Pastore, qui ergo dari à Principibus possunt recens electi? dare enim non possunt, si non habent; cum ergo Concilium Lateranense Investituræ feudorum Principibus concessit, etiam occupationem concessit, vacantium Ecclesiæ bonorum, hæc enim Investituræ necessariò consequitur.* (c)

Hæc alibi etiam Maimburgus repetit; quæ quàm malè connectantur,

C

nectantur,

(a) V. M. de Pamiers fol. 12. Maimburg. de la decadenz. fol. 409. de Marca de Concordiis lib. 8. cap. 23. Regale Sacerdot fol. 70. (b) Maimburg. de la decadenz. fol. 409. (a) Maimburg. de la decadenz. fol. 214.

neſtantur, nemo non videt, & malim ego malæ cauſæ potiùs adſcribere melioribus argumentis deſtitutæ, quàm ipſi Maimburgo, hiftoriam magis, quàm Canones, legesque, & feudorum jura cal-
lenti: feuda enim familijs, non perſonis addicuntur, nec obitu Vaſalliad Dominum, ſed hæredes tranſeunt: (a) fruſtus quoque ante Inveſtituram hæredi proveniunt; imò graviffimorum Do-
ctorum ſententia eſt, etiam per annum, & diem non petita Inveſti-
turâ, feudum proximis agnatis, non Domino deberi; cur enim alterius culpam luant innocentes? (b) Nec obſtat *jus Relevij*, quod paucis tantum in locis obtinuit. Quantò hæc certiora ſunt, de
feudis Eccleſiæ relictis? ut primùm enim Eccleſiæ adſcribuntur, mutant qualitatem, evaduntque *bona Eccleſiaſtica, patrimonia pauperum, peculium Dei*; nec profanis uſibus accommodari amplius poſſunt, quod sæpenon à Sanctis Patribus tantum, ſed etiam Ethnicis ſcri-
ptoribus dictum eſt. Omiſſâ Inveſtiturâ, ideò feudum amitti Jura decrevere, quia ingratitude in Dominum commiſſa videtur; at hæc cauſa in Episcopos haud cadit, non enim amplè Principum
donationes in Episcopos, ſed in Eccleſias, & Deum conferuntur, (c) qui nunquam ingratus eſt. Sed demus feuda extincto Episcopo ad Principes redire, maximè in Provincijs, quæ jure conſuetudi-
nario reguntur, quid de Decimis, Oblationibus, aliisque ſupple-
leſtile, ac Patrimonijs Episcoporum dicemus, quæ majorem pro-
ventuum partem efficiunt, & tamen nec feuda ſunt, nec Inveſtitu-
ris traduntur: quo jure à Principibus hæc vindicantur ſublatis Pa-
ſtoribus? aut quæ eſt conſequentia, ut conſeſſis Inveſtituris, etiam hæc conſeſſa credantur, quæ nec Inveſtituris traduntur, nec ul-
lam cum iſtis connexionem habent? Et planè ſi occupatio bono-
rum vacante Eccleſiâ Imperatoribus conſeſſa fuiſſet? aliqua uti-
que hujus, tantique momenti conſeſſionis mentio facta eſſet, cum tamen nulla fiat, nec in toto Lateranenſi Concilio, aut Diplomate Calixti vel verbum de vacantis Eccleſiæ fruſtibus legas: & tamen id neceſſarium erat; cum enim conſuetudo eos occupandi Sacris
Cano-

(a) Cap. Imperialem §. prætereà, de prohib. feudi alienat. per Frid. & cap. 1. quæ fuit prima cauſa. (b) Vide Bald. Zaſ. Socin. & alios apud Clar. §. feud. q. 66. n. 6. & faciunt cap. un. §. porrò qualiter olim poterat feudum alien. cap. Titius cap. ſi vaſall. de feudo defuncti. (c) V. Engel. ad Tit. 20. de feud. n. 48. Barboſ. ad cap. fin. de donat. n. 15.

Canonibus toties, & tam enixè prohiberetur, effètque omnium consensu inter abusus, & corruptelas relata, non poterat pro concessa, licitæque haberi, nisi privilegio Concilij muniretur: imò non tantum concessa non est, ac silentio præterita, sed etiam, ut videtur, à Concilio, & Imperatore damnata. Concilium ita loquitur: *Si quis Principum, aut Laicorum aliorum dispensationem, seu donationem rerum sive possessionum Ecclesiasticarum sibi vendicaverit, ut sacrilegus judicetur. Et infra: Sanctorum Patrum Canonibus consona statuentes oblationes de alijs omnium Ecclesiarum Altaribus, sive crucibus à Laico auferri omnino prohibemus, & sub anathemati districtione firmamus.* (a)

En Patres Concilij de omnibus bonis Ecclesiasticis loquuntur, ijs præsertim, quæ sacris Canonibus diripi prohibentur: talia verò sunt bona vacantium Ecclesiarum, ut supra ostensum, quæ si voluissent excepta, utique expressissent, sacris Canonibus eorum occupationem gravissimè prohibentibus. Henrici verò Imperatoris Constitutio sic habet: *Ego Henricus adivito Deo, & Sancto ejus Apostolo Petro, & Paulo omnem Investituram per annulum, & baculum, & concedo in omnibus Ecclesijs fieri Electionem, & liberam Consecrationem. Possessiones etiam omnium altarum Ecclesiarum, &c. ut reddantur, fideliter adjuvabo.* (b)

Patet ergo ex Concilio Lateranensi nihil juris in vacantes Ecclesias Regibus accessisse; imò triennium ante Concilium Lateranense idem abusus spoliandi Ecclesias viduaras recentissimè, & ab eodem Calixto II. proscriptus fuerat in Concilio Tolosano, cujus hæc sunt verba: *Primitia quoque & Decima, & Oblationes, & bona cætera defunctis Episcopi, & Clericorum à Principibus, vel quibuslibet Laico diripi, & teneri penitus interdiximus; qui verò pertinaciter ista præsumperint, ab Ecclesia liminibus tamquam Sacrilegi arceantur.* (c) Quod adhuc clariùs evadet ex Principum testimonijs, qui hæc spolia Ecclesiarum *abusum, corruptelam, nefariamque consuetudinem* appellant, nullòque alio privilegio, quàm inexplètæ cupiditatis nixam; idque paulò post Concilium Lateranense concessasque Investituras: id verò nunquam dixissent, nec dicere poterant, si, quod vult Maimburgus, spolia vacantium Ecclesiarum æquè Principibus, ac ipsæ Investituræ à

C 2

Con-

(a) Concil. Lateran. cap. 4. & 41. anno 1122. (b) Concil. Lateran. post. cap. 22. Wilhelm. Malmesb. lib. 5. (c) Concil. Tolos. can. 4. anno 1119. apud Baluz. T. 6. spicileg. & in Not. ad Marcam. lib. 8. cap. 18.

Concilio permissæ fuissent. Raymundus ergo Comes Tolosanus in suo privilegio ita loquitur: *Ego Raymundus &c. novi, quod quandam nefariam consuetudinem, qua quondam extiterat in cathedralibus Ecclesijs nostri regiminis exurparem; erat enim consuetudo, ut decedentibus Episcopi bona Pontificalia, &c. à bajulis & Vicarijs Patris mei diriperentur, & distraberentur, quod quia cognovi à Legibus divinis & humanis supradictam detestabilem consuetudinem, &c. (a) Ermengardis Comitissa Narbonensis: Notum sit omnibus, quod ego Ermengardus recognoscens injuriam, quam parentes mei, & ego in possidendis honoribus, & bonis diripiendis decedentium Archiepiscoporum Narbonensis Ecclesie hucusque perpetram fecimus, &c. sive sint fructus percepti, seu percipiendi, &c. (b)*

Hanc Ermengardis spontaneam cessionem confirmans Adrianus IV. jubet Episcopalia bona futuro Anistiti præservari, & contrariam consuetudinem dicit contra Deum, & Ecclesiam esse inolitam. (c) Fridericus II. Imperator in Constitutione sua Agræ data vocat *abusum motu propria voluntatis à suis Antecessoribus inductum.* (d)

Hanc ipsam suam Constitutionem confirmavit Fridericus Bullâ aureâ ad Honorium III. Papam, quæ asservatur in arce Hadriani. (e) Ipsi Principes, Baronésque Germaniæ Innocentium III. litteris ad eum datis certiore reddunt Ottonem IV. Imperatorem, prava illi consuetudini, & indobita vexationi renuntiâsse occupandi bona tam mobilia, quam manentia vacantium Ecclesiarum. (f) Si ergo post Concilium Lateranense Principes, ac etiam Imperatores vindicationem bonorum Ecclesiæ *abusum* nominârunt, & quidem *detestabilem contra jura divina & humana inductum, nefarium, sacrilegum, vexationem injustam nullo jure, sed pro arbitrio, ac cupiditate inventam;* patet omnino persuasum eis non fuisse à Concilio Oecumenico cum investituris esse concessam; quod enim concessum est, & præsertim à Concilio Oecumenico, non abusus, non vexatio, nec Sacrilegium est, sed facultas, & privilegium, quo licitè utaris integrâque conscientia: fallitur ergo Maimburgus, cum jus spoliandi Ecclesias, earumque proventus, quoties vacarent, recipiendi, Investituris connexit;

has

(a) Anno 1150. apud. Baluz. ex Archiv. Ecclesiarum. Barcinon. & Gerund.
(b) Anno 1155. apud Baluz. (c) Adrian. IV. elect. anno 1154. (d) Anno 1213. Innoc. PP. III. vid. Raynald. ad hunc annum Marca. lib. 8. cap. 23. Goldast. &c.
(e) Bulla aurea Frid. II. Imp. anno 1219. (f) Anno 1200. apud Baron. ad annum 996. & in Regesto Innoc. & Marca. lib. 8. cap. 23.


has Concilium certis quibusdam conditionibus, illud nunquam indulsit.

V. Quamvis tamen nihil juris in Ecclesias vacantes à Concilio Reges acceperint; utebantur tamen in certis quibusdam Provincijs, non privilegio quidem muniti, (hujus enim nullam unquam mentionem reperies) sed solâ consuetudine, quàm semper & solam prætexunt, & ea præsertim sub Regno Ludovici VII. invaluit, estque ad Beneficiorum collationes extensa, ut multis exemplis probari posset, nisi res clara esset, omniumque sententijs recepta. (a) Cæterum vix consuetudo huic abusui cohonestando par erat. Cùm enim hanc consuetudinem juri Divino adversari, & idè sacrilegam esse Principes, quorum verba recitavimus, fateantur; imò Emmanuel Comnenus *in contemptum Dei, jurisque naturalis eversionem vergere* pronuntiet: (b) quis dicat sacrilegia, contemptum Dei, legumque Divinæ, ac naturalis injurias consuetudine purgari? & idè omnium juris-Consultorum sententia est, (c) consuetudini contra jus naturale, & Divinum nihil licere. Ipse de Marca Parisiens. Archiepiscopus, rerumque istarum & sacrorum Canonum longè peritior Maimburgo (quippe Theologiæ, juriùmque ex libris apparet, aut ignaro, aut negligente) fateretur; *usum fructuum reddituum Episcopatum, (si redditus feudorum excipias) & collationes præbendarum ex consuetudine contra Canones profectas, & idè Concilij Lugdunensis auctoritatem quasitam esse, Principibus haud satis consuetudine tutis.* (d) Quæ licet jam longo tempore Ecclesias percurreret, durâssentque in sæculum undecimum, quando videlicet Concilium Lateranense celebratum est; semper tamen sacris profanisque legibus sive occupationem fructuum, sive etiam collationes Beneficiorum spectes, damnata, (e) quod indicio est eam consuetudinem nunquam pro

C 3

legiti-

(a) Vid. Tom. 2. Libert. Gall. cap. 16. Tit. 1. 4. 5. & 16. & Marca. lib. 8. cap. 22. M. de Pamiers f. 15. (b) Constitut. Joan. Comn & Emmanuel Imp. an. 1120. & 1150. apud Marcam. lib. 8. cap. 23. (c) V. DD. ad c. fin. de consuet. (d) De Marca l. 8. c. 24. n. 4. M. de Pamiers de la Regal. f. 56. init. Choppin. Ruzée Juris-Consultes François. (e) Fructus vacantium Ecclesiarum successorib. reservandos esse habetur in c. 40. Apost. can. 24. Concil. Antioch can. 22. & 25. Concil. Chalcedon. can. 6. Concil. Aurel. II. can. 6. Concil. Rhemens. can. 7. Concil. Paris. cap. 14. Concil. Pontig. can. 14. Conc. Tross. V. etiam Hinem. ep. 45. 21. 12. Gerbert. epist. 118. S. Greg. lib. 2. epist. 19. 20. 21. lib. 3. epist. 11. lib. 4. ep. 13. 14. 10. 21. &c. Flooard. lib. 3. Hist. Rhem. cap. 4.



legitima, & quæ jus aliquod tribuere posset, habitam esse. Id ipsum certamen pro Investituris susceptum, quodque totos quinquaginta annos Ecclesiam Imperiumque concussit, clarè ostendit; nolabant enim summi Pontifices feudorum Investituras per crucem, annulùmque conferri, quamvis diuturna consuetudo id obtineret, quod eâ solemnitate ipsi Episcopatus, sacræque dignitates conferri à Principibus viderentur: (a) imò viri in Gallia sanctitate, ac doctrinâ præstantes, hæresis notabant, qui pertinaciter assererent oportere à Laicis Principibus Episcopos investiri: erant ij Sancti Godefridus Episcopus Ambianensis, Hugo Episcopus Gratianopolitanus, Bruno Episcopus Sigvinus, Joannes Archiepiscopus Lugdunensis, omnèque Concilii Viennensis Patres. (b) At verò, qui hâc hæresis notâ abstinendum censebant, inter quos præcipuus Ivo Episcopus Carnotensis, hanc ipsam consuetudinem *alieni juri perversionem*, appellabant, & *sacrilegam presumptionem, quæ pro libertate Ecclesie, & honestate salvo pacis vinculo, si fieri potest, planè abstinenda esset*: quæ omnia sunt verba Ivonis. (c) Si ergo solæ Investituræ, quæ signa tantum erant collatæ dignitatis Ecclesiasticæ, tam severè etiam in Gallijs exceptæ sunt, & Laicis prohibitæ, nec ullo consuetudinis obrentu excusatæ, quantò magis ipsa collatio sacrarum dignitatum? & si signum tam acerbè pulsatum, habitumque, quantò acerbius res significata? *Dicit* fortasse aliquis, aliud esse spolia, aliud usumfructum bonorum Ecclesiæ vacantis, spolia morientium Antistitum ad istorum hæredes spectasse, & ideò nullà consuetudine induci potuisse, ut à Principibus caperentur, alioquin & furta excusari possent, si in morem, usumque transeant. Illas ergo Principum constitutiones de spolijs, non de usufructu intelligendas esse. Cæterum nullo fundamento discrimen hoc inter spolia, & usumfructum nititur. Enimverò sermonem illic esse non de spolijs tantum, sed etiam de usufructu patet ex verbis Emmanuelis Comneni, (d) qui expressè loquitur *de administratione bonorum immobilium vacan-*

110

(a) De collat. Benef. Laicis prohib. can. 6. Concil. Chalced. cap. 29. vel 31. Apost. can. 3. Concil. Nicæ. II. cap. 21. Concil. VIII. can. 8. Concil. Paris. III. Concil. Aurel. I. cap. 368. Capitulare Caroli Mag. vide 16. q. 7. apud Gratian. M. de Pamiens fol. 52. de varia eligendi forma. Reg. Sacerd. f. 43. de Pamiens fol. 128. (b) Concil. Vien. an. 1172. (c) Ivo epist. 236. de Investituris vid. Regal. Sacerd. f. 61. (d) *Constitutio Emman. Comn. anno 1150. quam reperies corpori insertam.*

tu Ecclesia, in qua ne pedem quidem immittet aliquis ex ducibus, sed nec qualibet illinc pars auferetur, sed omnia à partibus (Clericis) ejusmodi Ecclesiarum in ipsis administrabuntur, quemadmodum legitime, & Canonice editum est, donec successores renuntiati sint. Et Ermengardis Comitissa in Diplomate Cessionis: Recognoscens injuriam in possidendo honoribus & bonis diripiendi decedentium Archiepiscoporum, &c. sive sint fructus percepti, sive percipiendi, &c. (a)

Et Gregorius IX. in litteris ad Archiepiscopum Narbonensem: Seneschalli, & Ballivi charissimi in Christo Filij illustris Regis Francorum in Narbonensi Provincia constituti decedentibus Ecclesiarum Prelatis, castra, villas, & alia bona Ecclesiarum vacantium contra debitum juris usurpare, &c. (b) Et Fridericus II. Imperator: Illum quoque dimittimus ab usum, quem in occupandis bonis decedentium Prelatorum, aut etiam Ecclesiarum vacantium, &c. (c) Et Principes, Baronésque Germaniæ litteris ad Innocentium III. Pra. va illi consuetudini, & indebita vexationi occupandi bona decedentium Episcoporum dimisit, & suis successoribus servanda statuit. (d) Ex his omnibus manifestum est consuetudinem non solum spolia capiendi, quæ ad hæredes defunctorum pertinebant, pro abusu habitam esse, sed etiam usum fructum bonorum vacantis Ecclesiæ: & verò cur non æquè iste ac illa damnarentur? nec enim minus delictum est usurpare, quæ ad Deum pertinent, quàm quæ ad hæredes; & si depilare, quæ ad hæredes spectant, nullâ potest consuetudine excusari, quantum minus excusari potest depilare, quæ Dei, & Ecclesiæ sunt, nisi fortè Dei, & Ecclesiæ pejor sit conditio, quàm alterius cujusque privati juris: & idèò quamvis etiam Investituris consuetudo patrocineretur, semper tamen à Concilijs summisque Pontificibus damnatæ sunt, & consuetudo pro abusu habita & sacrilegio, etiam à Gallis, Ivone videlicet Carnotensi, aliisque. (e) Idque clarissimè ex vita, actisque S. Thomæ Cantuariensis evincitur: nec enim minus in Angliam, quàm Galliam consuetudo Regaliæ induxerat; & inter capita Regiarum Angliæ consuetudinum duodecimum locum obtinebat, ut videre est apud Baronium: (f) hanc Rex Angliæ dignitatem corona sua vocabat: hanc in Synodo Nationali apud Clarendonam Angliæ Episcopi admiserant, (g) juraverantque

(a) Anno 1155. apud Baluz. (b) Apud Baluz. ex Archiv. Archiepisc. Narbon. (c) An. 1213. apud Raynald. (d) Anno 1200. ex Regest. Innoc. (e) Vide Sacerd. Reg. f. 66. (f) Baron. ad annum 1164. n. 37. (g) Ibid & in vita cap. 21.

que metu Regis omnia miscerentis, inò & varijs adornatâ rationibus, ut metum excusarent, Alexandro Pontifici obrulère, rogabantque approbari: (a) sed in confessu Episcoporum sacrique Collegij improbavit Pontifex, easque consuetudines *Tyrannicas usurpationes, Legis divine subversiones abominabiles* appellavit. (b) Ipse S. Thomas potius, quàm huic consuetudini subscriberet, exilium, & mortem subire voluit. Sola ergo consuetudo Regaliam nunquam excusavit. Quòd si Principes aliquando hoc jure utebantur, non consuetudo illos, sed aut bona fides tuebatur, aut fortè tolerantia Pontificum, ea, quæ abolere haud poterant, concedentium. Nec obstat Laicis, qui Ecclesias fundaverant, aut amplis patrimonijs instruxerant, quique propterea Patroni appellabantur, jus nominandi, præsentandique sacris Canonibus fuisse indultum; (c) aliud enim hoc erat, aliud quod prætextu Regaliæ, & Investiturarum petebatur, qui enim jus præsentandi habebant, personas tantum designabant, exhibebantque Episcopo; hujus erat designatosmittere, examini subdere, & denique Sacerdotia, ac Beneficia conferre: quæ jam omnia principi deferuntur, Episcopis præteritis; & hoc Regaliam dicunt, quam, ut vidimus, sive fructuum occupationes, sive collationes Præbendarum spectes, semper Canones, Concilia, Patres, ipsique aliquando Reges persecuti sunt: aut si vacantis Ecclesiæ proventus sibi addicerent, alijs tamen Ecclesijs, piisque locis reddi volebant, pacatâ utcunque levatâque conscientia, de quo postea dicemus. Planè S. Ludov. qui in (d) Pragmatica sua sanctione vestigijs Ludovici Pij insisteret, inslerat ad præscriptum sacrorum Canonum electiones liberas esse; non alio jure in Beneficijs vacantium Ecclesiarum usus videtur, quàm nominandi, præsentandique, & jus Regale dicebatur, quòd soli ferè Regi competeret, duceretque originem ab Ecclesijs Regi liberalitate fundatis auctisque. Verba Ludovici in litteris ante sacram expeditionem datis, sunt: *Personatus, præbendas, Ecclesias, Capellanas, & cætera Beneficia, quacunque vacare contigerit, ad nostrum Patronatum, collationem, seu præsentationem nostram, seu ratione Regalium, quàm alio quocunque jure pertinentia,*

(a) Vide Epist. 128. inter Epistolas S. Thomæ Cantuar. (b) Vid. Alan. in Qua tripart. & Baron. cit. n. 36. (c) c. Abbatem 18. q. 2. cap. Laici 17. q. 1. cap. transmissa de I. Patronat. (d) Pragmat. Sanctio S. Ludov. anno 1268.

nentia, conferendi, ac præsentandi, (a) Ubi vides quidquid jure Regalium in Beneficia vacantia Regibus permittebatur, ad Collationem seu Præsentationem revocari, jure interim instituendi confirmandique, Papæ, Archiepiscopis, Capitulis cathedralibus alijsve relicto. Verum quidem est, ne quidem intra hos terminos coerceri Reges potuisse majorum semper avidos; at nobis animus non est ea persequi, quæ Regibus, sed quæ juribus placuere; non enim factis, sed legibus honestum merimur. (b) Multò minus si Concilij Lugdunensis privilegium excludas, potest titulo libertatis Gallicanæ Ecclesiæ Regalia sustineri. Primò enim quàm vanum est, rectæque rationi adversum, ut libertatem appelles miserrimam servitutem; non sunt libera vota, non liberæ electiones, non libera decimarum, oblationumque possessio; nec Ecclesiæ, sed alienis Dominis fructus proveniunt; & hæc libertas dicitur? quærimus ergo quid sit servitute Ecclesiam, si hoc est liberam esse? Deinde libertas Ecclesiæ Gallicanæ antiquis Canonibus, decretisque Conciliorum præsertim antiquiorum nititur, novis nisi spontè recipiantur, exclusis: at verò jus Regaliæ, sive fructus, sive Collationes Beneficiorum spectes, antiquis Canonibus decretisque Conciliorum, etiam quæ in Gallijs agitata sunt, prohibetur; non ergo ad libertates Ecclesiæ Gallicanæ pertinet, quin potius ejus fundamenta subvertit.

Hæc, quæ hætenus dicta sunt, eò pertinent, ut intelligas ante Concilium Lugdunense jus Regaliæ nullo legitimo titulo fuisse subnixum: non jure feudali, non Consuetudine, non privilegio, & concessione Calixti, non denique libertate Gallicanæ Ecclesiæ: nisi fortè tolerantiam alleges Romanorum Pontificum: sed quæ potest tolerantia dici, quæ tot clamoribus, tot Decretis est interrupta? Testes Gregorius, Urbanus, Pelagius, Calixtus, Honorius, Innocentius alijsque tot prælijs, & laboribus defuncti, ut libertatem Ecclesijs redderent. Et siluerint aliquando, id aut pejorum metu, aut desperatione meliorum factum est, quo casu

D

apud

(a) Anno 1269. Preun. des Libert. del' Egl. Gall. ch. 16. ann. 10. (b) M. de Pamiers fol. 21. de la Regale, fol. 59. Qua etiam distinctè usus est Bonifacius VIII. in resp. ad 3. Episcopos Gallicanæ Ecclesiæ Legatos, in litt. ad Philipp. Pulchrum, apud Spondan. ad ann. 1302. Prynæus in Libertati: Anglic. pag. 940.

apud omnes receptum dispensationem silentio non induci. (a) Ergo si verum fateri liceat, soli Concilio Lugdunensi Principes debent, quod tutò Regaliâ fruantur; priùs usurpatio, non jus fuerat. Quale verò hoc Concilium, & quousque causam Principum juvet, jam dicere aggredimur.

VI. Anno 1274. Secundum Concilium Lugdunense in Gallijs celebratum est. Præfedit Gregorius X. à sacro Senatu post biennij moras ex voto D. Bonaventuræ absens electus, quippe sacræ expeditioni Ptolemaide intentus. Vix aliud Concilium in Ecclesia frequentius, pluribûsque infulis ornatum reperias; mille Antistites aderant; Legati ab utròque Occidentis, & Orientis Imperatore, omniumque in Europa Principum, Galliæ præsertim Regis Philippi Audacis. Multa in hoc Concilio præclare agitata. Bellum sacrum adversus infideles decretum, & hunc in finem Galliarum Regi decimæ additæ, Abagæ Tartarorum, Persarumque Regis Legati auditi, quorum unus sacro fonte ablutus; sædus cum eodem percussus: Michæli Palæologo confirmatum Imperium, quod expulso Baldovino inierat, eâ videlicet conditione, ut sociatus cum Latinis viribus bellum Ægypto inferret. Rudolphi Habsburgici electio confirmata, sic tamen, ut in Palestinam duceret, copiisque Christianorum Imperatorio nomine præset, quod & juramento, & acceptâ è Pontificis manu cruce pollicitus est. Unio quòque inter Græcos, Latinosque firmata, terque, Pontifice sacris operante, ea formula repetita: *Filiòque procedit.* Et denique Ecclesiasticæ disciplinæ, præsertim Pontificum electioni toties, tantòque cum damno iactatæ, provisum est. Inter alia disciplinæ capita jus etiam Custodiæ, seu Regaliæ mille abusibus mixtum, quòdque Ecclesias absuñebat, certis terminis inclusum; nam aboleri non poterat Principibus invitis, nec permissuris: nec eo tempore provocandi erant, cum ad sacrum bellum, expensâsque bello pares invitabantur: datum est ergo aliquid tempori, & morbo, qui curari non poterat, moræ saltem, & impedimenta objecta, ne proficeret. Verba Concilij hæc sunt: *Generali Constitutione sancimus, omnes, & singulos, qui Regaliâ, Custodiam, sive Guardiam Advocationis, seu defensionis titulum in Ecclesijs de novo usurpare conantes, Bona Ecclesiarum Monasterio-*
rum,

(a) Sanchez lib. 2. de matrim. d. 38. n. 12.

non, aut Locorum ipsorum vacantium occupare præsumunt, quantacunque honore dignitatis præfulgeant; Clericos etiam Ecclesiarum, Monachos Monasteriorum, &c. Qui hoc fieri procurant, eo ipso Excommunicationis sententia decernimus subjacere. Illos verò, qui se, ut deberent, talia facientibus non opponunt, de proveniunt Ecclesiarum, seu locorum ipsorum pro tempore, quo præmissa sine debita contradictione permiserint, aliquid percipere districtè prohibemus. Qui autem ab ipsarum Ecclesiarum fundatione, vel ex antiqua consuetudine jura ejusmodi sibi vendicant, ab illorum abusu sic prudenter absterneant, & suos ministros solliciti faciant abstinere, quod ea, quæ non pertinent ad fructus, sive redditus provenientes vacationis tempore, non usurpent, nec bona cætera, quorum se afferunt habere custodiam, dilabi permittant, sed in bono statu conservent. (a)

Circa hanc Constitutionem aliqua notanda veniunt. *Primò.* Ubi hætenus jus Regaliæ usurpatum non fuit, prohibet deinceps usurpari, eosque qui hunc abusum inducunt, nullo dignitatis discrimine anathemate ferit, & ne à quoquam dubitari possit, quid nomine Regalium voluerit Concilium intelligi, multiplicantur aliæ voces æquivalentes, videlicet: *Custodia, defensionis, usurpationis, & vindicationis fructuum vacantium Ecclesiarum*; quæ omnia Regaliam, de qua agimus, apertè notant, ut nihil apertius dici possit, & videri possunt Glossa, & Archid. in cap. *Generali in 6.* Observat etiam Durandus Speculator Episcopus Mimatenf. qui Concilio interfuit, Patrumque jussu Canones contexuit, ac commentarijs illustravit; Galliæ, Angliæque Episcoporum querelas Concilium Patrèsque inelamantium evicisse, ut hic Canon ederetur. (b) Marca verò Archiepiscopus Parisiensis preces etiam Philippi Audacis, ejusque Oratorum accessisse dicit hoc ipsum à Patribus postulantis. Hæc ergo Regaliæ, seu Custodiæ restrictio ab eo Concilio edita est, cui sanctissimus Pontifex præfederal, cui Episcopi supra quingentos aderant, Prælati mille, omniumque in Europa Principum Oratores, imò & ex Asia, Persiæque: quo nullum in Ecclesia majus florentiusque habitum est: in quo de summis rei Christianæ capitibus agitur; cui non Galliæ tantum Legati, Episcopique assidebant, sed quorum etiam precibus querelisque datum, ut Regaliæ omnia pervagantis modus aliquis, limèsq; figeretur, dictâ ijs poenâ

D 2

omnium

(a) Concil. Lugdun. can. 12. anno 1274. Vide Reg. Sacerdot. à fol. 70.

(b) Durand. in Commentar. can. 12. quos Majolus edidit I. C. anno. 1569.

omnium gravissimâ, qui aliquid contra molirentur, aut etiam non obstitissent: quæ omnia mihi volutanti omninò persuadent hunc Lugdunens. Concilij Canonem Regi Galliarum studiosè occultatum esse, aut aliâ facie, quàm est, exhibitum; & facile fuit castris potius, armisque, quàm aris intentum fallere; si enim illud, ut est, perspectum habuisset, numquam credo tam salubre Decretum, tam sanctè, tantòque apparatu in Gallia factum, & à Galliæ Regibus, Episcopisque expetitum violari passus esset, idque parvo, & Rege indigno quæstu; sed, ut dixi, ad Regem veritas non pervenit. *Secundo.* Causa, quæ Concilium permovit, ut Regaliam ijs locis, ubi invaluerat, permetteret, non alia in Canone producitur, quàm *fundatio Ecclesiarum, & consuetudo diuturna*: quo ea confirmantur, quæ supra diximus: Regaliam videlicet non à jure feudali, non à Privilegio Calixti profectam esse, sed à consuetudine, quæ abusu cœpta in usum, tandèmq; in tolerantiam, ac privilegium desijt; cur enim tam honestos titulos, & qui etiam sufficerent, consuetudine sepositâ, Concilium præteriret? imò si illis Regalia niteretur, non poterat restringi, sed universum admitti, non minùs, quàm feuda, & Investituræ debebat. Ergo ante consuetudinem nullus Regaliæ titulus, quo licita redderetur, nisi tolerantiam velis: quamquam nec tolerantia fuit, quam tot à Pontificibus, Conciliisque Decreta interruperant, aut si aliquando connivebant, metu fastidiòque tenebantur, re toties, & incassum tentatâ. *Tertiò.* Etiam post Concilium Lugdunense dubitatum est, an sola Custodia vacantium proventuum (si modò feudales excipias) aut etiam usus-fructus permetteretur? sanè Bonifacius VIII. Ferdinando Castellæ & Legionis Regi solam Custodiam permisit, & cum fructus etiam vendicaret, nec monitus abstineret, anathemate percussus est, nec priùs absolutus, quàm omnia redderet. (a) Inter alia legationis capita, quâ Joann. Cardinalis ad Philippum pulchrum functus est, (b) etiam illud erat: *Ne vacantium Ecclesiarum bona depilarentur.* Id verò nunquam Bonifacius tentasset, si privilegio Concilij Lugdunensis crederet Principes muniri, nec isti privilegium, sed consuetudinem obrendebant. Imò Philippo Audaci

(a) Anno 1303. apud Raynald. (b) Anno 1303. apud Raynald. n. 34. & Spondan. ad ann. 1302.

Audaci Galliæ imperante (qui per Legatos Concilio adfuerat) Regius senatus decrevit, jus Regaliæ ad decimas Ecclesiæ Constan-
tienti (urbs est Normandiæ) haud extendi. Alij etiam Galliæ Re-
ges quasi dedecori, aut conscientiæ sibi ducerent, spolijs Ecclesia-
rum augeri, ea plerumque sacris locis donabant. Et quidem Ca-
rolus VII. Ludovicus XI. Carolus VIII. Ludovicus XII. & Ca-
rolus IX. sacre Capellæ donârunt, qui ultimus hanc donationem
perpetuam fecit; Ludovicus XIV. tertiam istorum bonorum
partem addidit, qui Catholicam Religionem amplectuntur, hæresi
abjuratâ. Ludovicus XIII. (a) Regnantis Pater revocatâ dona-
tione sacre Capellæ factâ, voluit, quæ vacante Ecclesiâ proveni-
rant, successoribus Episcopis reservari, exemplo Christianissimo
Rege digno, & in quo pietatem juxta & Religionem veneris.
Sed tribus post annis Ludovico XIV. adhuc minore donatio rescissa
est, Oeconomi vacanti Ecclesiæ dati, omnesque proventus Regio
arbitrio, ad pietatem opera, subjecti, rebus in eum statum reposi-
tis, quem ante donationem à Carolo VII. factam obtinuerant.
Quartò. Multò minus à Concilio Lugdunensi conceduntur Princi-
pibus Laicis Collationes, & Institutiones pleno jure Beneficiorum
vacante Ecclesiâ. De hoc enim in Concilio altum silentium; nec
verò sileri debebat tanti pretij privilegium, Regulisque disciplinæ
& libertatis Ecclesiasticæ, ac Concilio Oecumenico Lateranensi
sub Calixto II. tam adversum. Nec aliter Concilium Lugdunense
intellexit Bonifacius VIII. in responso Legatis Galliæ dato, jus
videlicet, nominandi, præsentandique, non verò instituendi ad
Regem pertinere: verba Bonifacij sunt: *In Collationibus prebendarum
duo sunt consideranda, jus Patronatus, & præsentatio; Collationem verò &
usum ad Laicos nullo jure pertinere posse nisi fortè ministerialiter: & alibi:
Quantum ad Collationem Beneficiorum se zelantem salutis Regis frequenter ejus
numijs dixisse, cupere se, ut Rex faceret licitè, quod faciebat illicitè, quia omnia
jura clamant Collationem Beneficiorum non posse cadere in Laicum, ita quòd ha-
beat jus & potestatem spiritualem conferendi.* (b) Et Nangis in vita Ludo-
vici: *Sane in Beneficijs Ecclesiasticis conferendis, quæ ad Patronatum ipsius per-
tinebant præcipuè in Ecclesijs Cathedralibus, ubi sede vacante ratione Custodia
Regalium ex consuetudine pertinebat ad eum Collatio, &c.* (c) Ubi vides

D 3

Rega-

(a) Anno 1641. (b) Spond. ad ann. 1302. (c) Nanger in vita S. Ludov. p. 445.

totam Collationem Beneficiorum revocari ad jus Patronatûs, id est, ad jus præsentandi, non verò instituendi. Quo etiam modo sunt intelligendæ Constitutiones Gregorij X. *Exposui nobis, & divina Gratia præmium.* (a) Quibus idem jus in Regibus Galliæ agnoscitur. Cæterum jus conferendi Beneficia, præsertim pleno jure, nunquam fuisse à Concilio Lugdunenfi concessum, illud evidenti argumento est, quòd motâ illis à Pontificibus lite nunquam Concilium prætulerint, sed solam consuetudinem, hæc unâ nitebantur, ut videre est in responso Philippi ad articulos Bonifacij, & in Philippina Constitutione ejusdem argumenti. (b) Cur verò tacerent Reges, qui omnia conquirebant, privilegium Concilij universalis, quod solum omnes rationes vincebat? nam consuetudini multa obijci poterant, Concilio nihil.

Nihil ergo adjumenti à Concilio, quod Regiam, Collationes præsertim Beneficiorum non tam extendi, quàm restringi volebat, & idè nec universim Principibus permissum, sed tantum pro ijs locis, in quibus Consuetudo prævaluerat, nam ut bene Politicus: *Sapientes quedam tolerare oportet, etiam qua non probant, ut transitum ad majora faciant: quadam in tempus rejicienda, nec Principes multis annis molliter habiti ad duriora vertendi.* (c)

VII. Cæterum nec intra terminos à Concilio præscriptos hæserè Principes; nam & cupido aliena libandi, & præsertim aulicorum consilia, specie obsequendi, suas cupiditates obvelantium limites perripit. Concilium ut vidimus statuerat, ne jus Regaliæ ubi necdum inoluerat, induceretur, sed intra consuetudinem staret. Id aliquamdiu observatum; sed post non multum temporis nullâ consuetudinis, nullâ Concilij habitâ ratione, etiam ijs locis, ubi numquam hætenus, usurpari cœptum; & quamvis jam à ducentis annis omnium ferè Galliæ Scriptorum una vox fuerit, aliquibus tantum locis, non omnibus, exerceri posse, tentatum tamen & hoc est, ut ubique exerceretur, Ecclesijs sub jugum missis. Præterito sæculo quidam è Regijs ministris Regiam ubique locorum extendere aggressi sunt, eorûmque conatus Canonici sanctæ

(a) Gregorij X. Constitut. de an. 1271. (b) Preuves des libertez de l'Eglis. Gall. ch. 16. n. 23. Philipine anno, 1334. (c) Dion. lib. 52. Seneca, Arist. Polit. August. epist. 18.

sanctæ Capellæ promovebant; ipsis enim Regum donatione vacantes fructus permittebantur: sed in Conventu Blesis habito (a) Clerus intercessit, petiitque Episcopos, qui olim immunes fuerant, relinqui pristinæ libertati. Idem regnante Henrico III. à Clero in Comitibus ad fanum S. Germani repetitum, ubi cum Regius Procurator hanc propositionem in medium protulisset: *Juri Regalia omnes cum Episcopatus, tum Archiepiscopatus obnoxios esse, responsum est à Cleri Delegatis: Duos esse ordines eorum, qui à Regalia immunes essent, videlicet, qui vel per contractus onerosos se liberassent; vel qui ab hominum memoria nunquam illi subjacuissem; nec istos minus quam illos exemptos esse: nolle Clerum vel minima ex parte jure Regium delibari; quanto minus aliquid Ecclesiarum juri detrahendum esse? nec Regem hoc velle justis relictis, amantem.* (b) Sicque Regio Advocato silentium impositum, & sententia pro Ecclesijs data. Galliâ bello civili ardente multa peracta sunt Ecclesijs adversa, quæ prudenter à Clero dissimulata; quippe inter armorum strepitum audiri Leges non poterant, ubi pax redijt Henrico Magno & victore, & Rege, omniumque votis positio, querelæ iterum à Clero auditæ, jussuque Regis expensæ, ac tandem Edictum in hæc verba pronuntiatum: *Non est voluntatis nostræ Regaliam nobis vindicare, nisi intra eam formam, modumque, quæ nos, & Antecessores nostri Reges eâ gavisi sunt; nec intendimus in præjudicium Ecclesiarum, quæ hactenus exempta fuerunt, eam proferre.* (c) Huic Edicto post certamen, morali- que duorum annorum accessere vota, (d) & confirmatio Parlamenti Regij; sed paulò post, eodémque Parlamento impugnatum est, quando ad Servini Regij Advocati instantiam pronuntiatum fuit: *Regem perinde, ac in totius Regni Ecclesias, ita etiam in Bellicensensium recens Corona unitam, jure Regalia obtinere.* (e) Perculit hæc Declaratio Clerum Gallicanum, qui suas immunitates, Regiumque Edictum unâ proculcarî querebatur. Henricus causâ ad se evocatâ unum annum superfederi hoc negotio, omni- que processu jussit. Ludovicus XIII. Henrici Edictum anno 1606. datum confirmavit, (f) jussitque per Commissarios suos Clero exponi: *Nolle Regem fructibus vacantium Ecclesiarum gaudere nisi ijs locis, quibus præteritis retrò annis gavisus fuerat,*

(a) Anno 1577. (b) Anno 1583. Vide M. de Pamiers fol. 40. (c) Anno 1606. (d) Anno 1608. die 29. Febr. (e) Bellay dans la Bresse ann. 1608. die 24. April. (f) Lud. XIII. constit. an. 1629. art. 26.

fuerat, sicque Henrici Patri Edicto standum esse. Idem Ludovicus, ut supra notavimus, pari liberalitate, & Religione fructus vacantium Ecclesiarum electis Episcopis conservari, donarique voluit. Ipse Ludovicus Decimi tertij filius edixit: Nolle se Regaliâ, & simplicium Beneficiorum collatione uti, nisi ijs in locis, quæ anno 1606. Regaliæ subijciebantur. (a) Tandem post multas dilationes instruendæ suæ causæ Clero datas, ternæ constitutiones ab eodem Ludovico prodire, quibus tria statuebantur. (b) Primò: Omnes Ecclesias, quæ Regis Imperium patet, Regaliæ obnoxias esse; ijs tantum exceptis, quæ titulo oneroso libertatem redemissent. Secundò: Omnes cum Episcopos, tum Archiepiscopos, qui deinceps promoverentur, post duos menses à juramento fidelitatis Regi præstito obstrictos fore, ut hoc ipsum juramentum in acta Regiæ Parisiensis Camera referri curent, petantque litteras, quibus exspirasse, finitumque Regaliæ Oeconomo, qui vacanti Ecclesiæ præfuerat, insinuetur; id sibi mittant promoti, perinde, ac vacante Ecclesiâ, Regaliâ duraturam. Tertio: Episcopi verò, & Archiepiscopi jam tum promoti, ac infulis potius, & quietâ possessione fruenter, quique juramenta sua, ut præstatum est, libris Parisiensis Camera Computorum inscribi non fecerant, nec litteras obtinuerant sublata Regaliâ, duobus mensibus post vulgatam hanc Declarationem, utrumque id præstent; aut sineglegant, perinde ac vigente Regaliâ, & Sede vacante, omnia Beneficia ab hujusmodi Episcopis conferri solita, & aliâs Regiæ dispositionis futura, ac titulo Regaliâ impetratum iri. Hæc sunt tria capita, quæ Regiæ Declaratio complectebatur, quæque classicum tot in Gallia turbis cecinere, alijs Regiam voluntatem aut spe, aut metu secutis, alijs mediam viam ingressis, vanisque protestationibus eam libertatem tuentibus, quam factò prodebant; alijs verò aperte obnixis: pauci hi quidem, & majori pretio quam numero, præsertim accessu Romani Pontificis, sed hoc ipsum veritatis indicium fuit, quæ paucis placet, cum amantes mendacio abundant. Et planè tanta, & tam inviâta sunt argumenta, quæ Regaliâ universum extendi non posse ostendunt; & omnium serè in Gallia Scriptorum votis firmata, ut post editum Episcopi Apamiensis de hoc argumento Tractatum, nemo ausus fuerit obniti, & quæ ille scripserat, refutare: nec ingenia decrant, nec præmia audentibus proposita; sed reverentiâ veritatis absteriti sunt; cur enim nuditatem suam Soli exponerent, ridendi si prodirent?

§ II. Jus

(a) Anno 1657. die 12. April. (b) Anno 1673. & 1675. die 2. April.

§ II.

Jus Regaliæ, quod hætenus in aliquibus tantum Galliæ Ecclesijs locum habuit, non posse ad omnes extendi.

SUMMARIA.

1. Regalia, omnium retrò Conciliorum, ipsiusque Gallia testimonijis damnata, consuetudine sustineri vix poterat: saltem ubi consuetudo non erat, etiam ante Concilium Lugdunense exerceri non potuisse, duorum Galliæ Regum exemplis, Parliamentorum sententijs evidenter ostenditur.

2. Concilij Lugdunensis Decreto Regaliæ extensio prohibetur, idque Gallis expetentibus.

3. Idem ex varijs Regum, & Parliamentorum Galliæ Constitutionibus, Arrestisque, & omnium serò Gallorum testimonijis probatur.

4. Non eas solùm Ecclesias eximi, quæ titulo oneroso libertatem redemere, sed omnes, quæ hætenus in possessione sua libertatis fuere, idque Gallos ipsos fateri.

5. Parva Regum Galliæ ex Regalijs emolumenta; maxima ipsorum, & Ecclesiarum damna: Ludovici VII. & IX. egregia in hanc rem exempla.

I.



ix aliam in tota Ecclesiastica historia causam reperiatis, tam evidenter, & omnium etiam Gallorum testimonijis probatam, imò documentis ex Regijs Archivijis depromptis, ut ista, quam suscipimus defendendam: rationibus verò tam infirmis, cassisque oppugnatam,

E

ut vel

ut vel suis Auctoribus rubori, ac ludibrio fuerint, prodiderintque inanitate causæ tam levibus argumentis fultæ; cum tamen multò maxima esse oportuerit, quæ omnium Canonum, Conciliorum, Regum, Doctorum, & Galliæ ipsius auctoritati opponebantur. Hæc an vera sint, ex decursu, réque ipsa intelliges. Primò igitur ea omnia produci possunt testimonia Canonum, Conciliorum, Episcoporum, Imperatorum, Regum, Auctorumque, quæ superiori paragrapho enumerata sunt: quæque, ut vidimus ab anno 499. quo Clodovæus Catholicam Religionem amplexus est, usque ad annum 1122. cum celebratum est Concilium Lateranense sub Calixto II. Papa (imò multò post illud) semper Regaliam damnarunt, vel potius eos abusus, qui postea Regaliæ inducendæ ansam dedere. Ea sunt Concilia Antiochenum, Chalcedonense, Nicænum secundum, Pontigonense, Troslejense, Reghiense, Aurelianense, Parisiense, Tolosanum, &c. Capitularia Caroli Calvi, Constitutiones Imperatorum Joannis, & Emmanuelis Comneni, Friderici, Principumque Germaniæ & Galliæ, Gregorij Magni, Gregorij Turonensis, Hincmari, Flodoardi, Gerberti, & aliorum. Hi omnes locis suprà citatis Regaliam, seu potius primas Regaliæ fibras penitus execrati sunt, tantumque abest, ut eam totà Gallia extendi voluerint, ut ne uno quidem loco passisint, & consuetudinem, quæ obtendebatur, *sacrilegam, detestandam, juri divino, humanoque contrariam* edixerint, quæ omnia ex testimonijs suprà recensitis manifesta sunt; constat etiam, quæ mens Gallicanæ Ecclesiæ tot Concilij, exemplisque expressa, olim fuerit; quid verò dicerent, egregij, invidique illi Galliarum Antistites, si eam consuetudinem, quam ne uno quidem loco dignati sunt, jam tota Gallia dominantem cernerent? imò & pro Ecclesiæ Gallicanæ legitimo partu semet ferentem? Post Concilium Lateranense jam superiori paragrapho ostendi, jus Regaliæ solâ consuetudine, non privilegio, aliòve justo titulo sterisse, & consuetudinem pacandæ Principum conscientiæ, excusandoque abusui vix suffecisse, quod præter ipsorum Principum testimonia, quæ produximus, etiam innuit Marca Archiepiscopus Parisiensis, cujus hæc sunt verba: *Cum autem usus-fructus reddituum Episcopatus (si redditus sanctorum excipias) & Collatio Præbendarum ex Consuetudine adversus Canones proficiscerentur, optimum factu existimant*

runt Principes, ut hujus consuetudinis confirmationem peterent decerni in Concilio Generali Lugdunensi. Sed quidquid de hoc sit, an videlicet ea consuetudo legitima fuerit, & sufficiens, ut Regalia exerceri tutò posset, illud saltem evidens est, ubi consuetudo non erat, exerceri non potuisse, tunc enim omnis aberat titulus, quo Canonum transgressio Regaliam enixissimè prohibentium excusari posset, & ideo Principes non aliter hoc jure utebantur, quàm ubi, & quando consuetudo illud permittebat: quod duorum Galliæ Regum exemplis evidenter demonstratur. Primum est S. Ludovici, in cujus vita hæc Nangius: *In Beneficijs Ecclesiasticis conferendis Deum semper præ oculis habebat, præsertim in Ecclesijs Cathedralibus, ubi sede vacante ratione Custodiæ Regalium ex consuetudine pertinebat ad eum Collatio Prabendarum.* (a) Sub eodem Rege vacante Ecclesiâ Aniciensi apud Velaunos titulo Regaliæ impetebantur tam in urbe, quàm suburbij, totòque civitatis territorio jurisdictio temporalis, vestigalia, alijsque proventus ejusdem Ecclesiæ, ac etiam Beneficiorum Collationes: obstitit Capitulum, ostenditque, nunquam id consuetudinis fuisse, ut videlicet vestigalia extra urbem, ac Beneficiorum Collationes ad Regem pertinerent, idque recens tentari cœptum, à decessu videlicet duorum Episcoporum, qui Ecclesiam Aniciensem ultimò gubernaverant; id verò legitimæ consuetudini inducendæ satis non esse; quippe consueta dici non posse, quæ bis tantum contigerint; sic etiam Beneficiorum Collationes nunquam hætenus sibi Reges vendicasse. His à Capitulo allegatis, probatisque Parlamentum Parisiense decidit: *Ecclesiam Aniciensem libertati suæ relinquendam esse.* (b) Quam Parlamenti sententiam S. Ludovicus suo Diplomate confirmavit, cujus inter alia hæc sunt verba: *Quia per inquestam, quam fieri fecimus, probatum non extitit, quòd vacante Ecclesiâ supradictâ nos, vel nostri Antecessores domum Episcopalem vel fortitericia alia civitatis, castra etiam extra civitatem, seu villas alias, sed nec pedagia ullo unquam tempore habuimus extra civitatem, nisi à duabus ultimis vacationibus, vel aliquando dignitatem aliquam, aut Prabendam contulerimus; super hi ex nunc in perpetuum dictam Ecclesiam volumus molestari, &c.* (c) Ubi vides nec Regium Par-

(a) Nangius in vita S. Ludovici. (b) Parlamenti Parisiensis arrestum Anno 1259. (c) Constitutio S. Ludov. an. 1259. mense Julio. Ex Regestis Parlam. & Cameræ Computor. apud Chopin: Marca lib. 8. Concord. cap. 24. n. 3.

lamentum, nec ipsum Regem voluisse Regaliam ultra consuetudinem extendi; imò Regio Procuratori onus probandi incumberebat, Regem in antiqua possessione, & consuetudine versari Regaliam percipiendi, nec prius admittebatur, quàm id probasset, ut ex allata Constitutione palàm est, & fatetur Marca, & Ruzeus in privilegio 55. (a) Exemplo, vestigiisque B. Ludovici Philippus Audax Ludovici filius egregiè institit, cujus jussu cùm esset Apamijs Ecclesiæ Albiensi restituti sunt fructus à Seneschalco Carcasinensi obtentu Regaliæ occupati, Capitulo proclamante, id hætenus numquam esse factum, & idè nec fieri posse; verba Arresti (quod duos ante Concilium Lugdunense annos datum est) sunt hæc: *Sabbatho post Ascensionem Domini restituta fuerunt apud Apamias, & reddita per Dominum Regem procuratoribus Capituli Albiensis Regalia Ecclesiæ Albiensis, qua mortuo Episcopo Seneschaleus ceperat, & saisinauerat sine causa, cùm Dominus Rex super hoc nunquam usus fuisset, prout ex aliorum, & ipsius relatione fuit inventum.* (b) Constat ergo etiam ante Concilium Lugdunense Regaliam non alibi admissam, exercitamque fuisse, quàm ubi consuetudo vigeat. Id verò multò magis post Concilium Lugdunense obtinuit, quod tam apertum, & evidens est, ut nihil magis.

II. Nam Concilium ipsum quod attinet, Regaliam ibi tantum admittit, ubi hætenus inveterata consuetudo inoleverat; alibi verò, & præter morem eam induci sub pœna anathematis ipso facto incurrenda, nullâque dignitarum exceptione, enixissimè prohibet. Eos verò Clericos, qui se, ut deberent talia facientibus non opponunt, proventibus omnibus privat. Fuit hoc Concilium in Gallijs habitum, in Gallijs receptum, Regisque Galliæ Oratoribus, ipsoque Clero Gallicano, qui frequens aderat, non solum non contradicentibus, sed potius vehementer approbantibus, & ut id statueretur, connitentibus; sic enim Durandus Speculator Episcopus Mimatensis, qui Concilio interfuit, testatur: *Præsens constitutio, inquiens, fuit ad clamorem Prælatorum Franciæ, & Angliæ promulgata.* Habes hic ergo mentem Ecclesiæ Gallicanæ in generali Concilio expressam, & Regaliam ad solam consuetudinem restringentis

(a) Mar. lib. cit. n. 2. (b) Arrestum Parlam. Parisiense anno 1272. Apud Marc. lib. 8. cap. 26. n. 3. M. de Pamiers. fol. 28.

stringentis; immeritò igitur Ecclesiæ Gallicanæ doctrinam jaçant illi, qui hâc nostrâ tempestate eam ipsam doctrinam impugnant, citulo filios, factò hostes professi; & planè nihil invenias, quod huic Concilio opponas, nam & generale fuit, & in Gallijs habitum, & à Gallis receptum, approbatumque, & tandem ad mentem, votumque Gallorum pronuntiavit. Hoc ergo Concilium sufficeret, quamvis alia deessent, sed nec alia desunt, imò abundant.

III. Anno 1302. qui fuit vigesimus octavus post Concilium Lugdunense, Philippus Pulcher Constitutionem edidit, cujus hæc sunt verba: *Quantum ad Regalia, qua Nos, & prædecessores nostri percipere assuevimus in aliquibus Ecclesijs Regni nostri, quando eas vacare contigerit. Idem Philippus in litteris ad Bonifacium VIII. datis: Aliquarum Ecclesiarum, & Præbendarum collatio ad Nos jure regio pertinet.*

Anno 1303. Idem Philippus: *Nolumus, inquit, quòd gentes nostræ occupent Regalia Ecclesiarum Provincia Narbonensis.*

Anno 1334. Philippus Valesius in celebri sua Constitutione, quam Philippinam appellant: *Cum ab aliquibus dubitatum sit, an jus Præbendas, Dignitates, aliæque Beneficia conferendi ad Nos pertineat, vacante videlicet Ecclesiâ, & in ijs locis nostri Regni, in quibus jus Regalia obtemus. Ordinatio, cujus initium: Episcopus: Dum Episcopus alicujus Episcopatus decedit, ubi Dominus Rex habet Regaliam.*

Anno paulò supra 1300. Celebris quædam Constitutio prodita est, cujus initium: *Dominus Rex.* In ea omnes speciatim Ecclesiæ numerantur, quæ juri Regaliæ aut subditæ, aut exemptæ sunt, ex qua luce clariùs patebit, noluisse Reges universim, totòque Regno, sed certis tantum locis Regaliam extendi. Ea sic habet: *Dominus Rex prout constat per antiqua scripta Camera consuevit capere Regaliam cum vacaverit in Provincijs, quæ sequuntur: in tota Provincia Senonensi, & suffraganeis, exceptâ Diocesi Antistodorensi, in qua Decani, & Capitulum dicuntur permutationem secessum Rege: in tota Provincia Rhemensis, exceptâ Cameracensi: in tota Provincia Bituricensi, exceptâ Lemovicensi, Cahuricensi, Rbutenensi, Albienensi, Mimatenensi, Treconensi, &c. In tota Normannia habet Regale: in Provincia Auxitanensi, & Arelatenensi, & per consequens in tota Lingua Occitana nihil habet, in Provincia Burdigalensi solam. Verumtamen de Pictaviensi fuit computatum anno 1306. sed Rex per litteras suas totum Episcopo restitui jussit. Et in codice manuscripto (qui in Bibliotheca asservatur Regiæ Sueciæ,*

Sueciæ, continétque quàm plurima manuscripta arresta) hæc verba prioribus adiunguntur : *Tunc conditione habitâ, quod inquirerent diligenter, si Prædecessores Episcopi nunquam fecissent homagium Regi, & si sic quod recuperaretur super ipsum Episcopum, quod ei fuerat restitutum.* Ubi clarè expressum vides, Regij Procuratoris officium, ac munus fuisse, ut probaret, stetisse penes Regem capiendæ Regaliæ possessionem, quam nisi probâisset, pro Ecclesiarum libertate pronuntiabatur.

Anno 1352. Alia, & ferè similis Constitutio condita est, cujus titulus: *Ecclesia cadentes in Regaliâ: Continétque 30. Diœceses, nullâ tamen factâ mentione Provinciarum Aquitanix, Occitanix, Provincix, & Delphinatûs.*

Anno 1408. & 1451. Constitutiones Caroli VI. & VII. *In Episcopatibus, in quibus Regalia jus habemus.*

Anno 1499. Ludovicus XII. *Omnibus nostris Officialibus sub pena, quæ sacrilegis debetur, infligenda prohibemus, ne usumfructum Archiepiscopatum, Episcopatum, aliorumque Beneficiorum occupent, in quibus jus Regaliæ non habemus.*

Anno 1606. Henricus Magnus omnes illas Regum Antecessorum Constitutiones confirmat, declaratque: *Nolle se Regaliâ frui, nisi intra limites, modumque à suis Antecessoribus præscriptum, nec velle eam cum præjudicio Ecclesiarum exemptarum extendi.*

Anno 1629. Ludovicus XIII. regnantis Pater ad preces Cleri Gallicani Edictum Henrici Magni ratum vult esse, haberique.

Præsertim verò Provinciam Septimanniæ fuisse à Regalia exemptam infinita ferè sunt documenta, quæ apud Marcam, & Episcopum Apamiensem videri possunt. Accessit hæc Provincia Coronæ Gallicæ non simul, sed per intervalla, videlicet sub Ludovico VIII. Ludovico IX. & tandem plenèque sub Philippo Audaci Regibus Galliæ: accessit verò eâ conditione, ut juribus ac privilegijs suis, quæ olim acceperat, deinceps potiretur, inter illa non minimum fuit immunitas à Regalijs: hanc quamvis Principum nonnulli turbâssent, restituta tamen est, & in antiquum statum repõsita à Raymundo, & Alphonso Comitibus Tolosanjs, & Comitissa Ermengarda; præsertim verò à Carolo V. Rege, qui in omnibus Ecclesijs, & Abbatijs Septimanniæ nullam se Regaliâ affectare proficetur.

(a) Qui-

(a) Quibus accessere quàm plurima Pontificum, Regumque Diplomata, Parlamentorum arresta, aliæque sententiæ, arbitrarenta, transactiones, concordata, præsertim verò continua, & nunquam intercisâ possessio.

Accedit omnium ferè Scriptorum, qui hoc argumentum tractarunt, una eademque sententia idipsum confirmantium; ij sunt: M. le Maistre Primus Parisiensis Parlamenti Præses, in *cap. 4. Constitutionis, cui initium: Dum Episcopus*. Ubi: *Certissimum est Regem non in omnibus sui Regni Episcopatibus Regaliâ potiri*: quod aliquoties repetit.

Choppinus celebris (b) Parlamenti Advocatus: *Si à Pontificia legum relaxatione hoc Regaliarum genus magis, quàm à Possessione strictû finibus septa, promissus hic fuisset, & indefinitus privilegij usus, in omnes Episcopatus Gallia, &c. & infra: Quatenus Regaliarum jus in aliquibus Ecclesijs possessum, eatenus præscriptum, questumque intelligitur*. Et alibi. (c) *In multis quidem sacrarum Ecclesiarum finibus Gallia, ignota sunt, nec usu trita Regaliarum jura*.

Rebuffus in Parisiensi Universitate jurium Professor celeberrimus in Tractatu de Regia ad Prælaturas Nominatione: *Reges in aliquibus tantum Ecclesijs sui Regni Beneficia conferunt titulo Regalia, idque ex Privilegio, & concessione Ecclesia, cum aliâ juri communi id repugnet*.

Auctor Glossæ in Pragmaticam sanctionem: *Sicut Rex Francie, & Rex Anglia vendicant sibi (vacantibus Ecclesijs) jus conferendi Beneficia in quibusdam Ecclesijs Cathedralibus*.

Eodem modo loquuntur Durandus Speculator, Joannes Ferault juriconsultus Gallus, Carolus Grossalis juriconsultus Tholosanus, Duarenus, Pasquier Regius Advocatus, qui adulatorum aulicos eos vocat, qui jus Regaliæ ad omnes Ecclesias proferre audent. Et denique Petrus Marca Archiepiscopus Parisiens. Hi omnes, & quotquot de hoc argumento retrò temporibus scripsere, unâ eademque voce profitentur jus Regaliæ in aliquas tantum Ecclesias, non omnes, Regi competere. Ex quibus facile colligas, quænam in hac re totius Ecclesiæ Gallicanæ, prout videlicet sacris, prophanisque ordinibus constat, mens, & sententia fuerit. Quæ licet clarissima sint, non desunt tamen tergiversationes vinci nolentibus; frustra enim veritatem istis ostendas, quam non quaerunt, imò adversantur.

IV. Di-

(a) An. 1138. 1155. & 1209. (b) Choppin. l. 1. de sacra Politia. (c) Lib. 11. Monasticon.

IV. Dicunt ergo verum esse, non omnes Ecclesias Regaliâ teneri, illas enim eximi, quæ aut speciali privilegio à Regibus exemptæ sunt, aut titulo oneroso libertatem redemere; istas immunes esse, nullâque præterea. Cæterum quàm hæc sint inania, & ludificandæ veritati quæsitæ, quis non videt? Concilium enim Lugdunense non aliquas tantum, paucâque Ecclesias Regaliæ subducit, quæ privilegio, aut contractu aliâs tutæ sint, sed omnes illas, in quibus Regalia hætenus exercita non fuit, hæc verò multò plures sunt, quàm Privilegio affectæ. Concilij verò Lugdunensis, & Ecclesiæ Gallicanæ, quæ illius Concilij maxima, & præcipua pars erat, eadem mens, & sententia fuit; imò Gallorum querelis ea Constitutio debetur, ut suprà vidimus. Id si Galliæ Antistites cum aulæ minùs blandirentur, falsi sunt, non eas tantum Ecclesias eximendas esse, quæ Privilegio, aut contractu aliâs tutæ sunt, sed omnes, quæ retrò temporibus Canonica, & naturali libertate gaudebant: sicut enim in Conventu ad S. Germanum habito Henrico III. imperante Clerus loquitur: *Oportet ab onere Regaliæ primò Ecclesias eximere, quæ contractu aliquo, commutatione, aliòve titulo oneroso hanc exemptionem sibi à Regibus paravêre. Secundò eas Ecclesias, quæ jam à tempore hominum memoriam superante in possessione, & libertate sunt, ne huius oneri subdantur; illæ præsertim, quæ hâc ipsâ libertate prius gaudebant, quàm coronæ unirentur; nec veritati consentaneum est, accessu ad coronam suâ libertate aut Privilegijs excidisse, quæ in hunc usque diem semper conservârunt.* His Cleri rationibus & ipse Henricus assensus est, & propositio Pybraci Regij Advocati eliminata. Idem faterur Petrus de Marca, cujus hæc sunt verba: *Cum antiqua Parlamenti arresta jus Regium consuetudine niti docuerint, nullâque aliâ ejus asserendi probabilem rationem invenerint Doctores Parisienses, quàm vetustam consuetudinem ex aquitate profectam, mirum videri non debet, si Reges, qui primi leges in hac materia Regalium condiderunt, ad fori usum accommodatas, jus illud cœcuerint ad Ecclesias, in quibus receptum erat, Regem eo jure uti.* Si ergo nullo alio titulo, quàm consuetudinis, Regalia nititur, idque Parlamenta, Doctores Parisienses, ipsique Reges agnovêre; sequitur, ubi consuetudo non est, nullum etiam esse titulum, rationemque Regaliam exercendi. Denique ex arrestis, Regiis que tabularijs, ac omnium ferè Juris consultorum, & Advocatorum Galliæ testimonijs constat, multas Eccle-


Ecclesias à Regalia liberas esse, immunéque, videlicet : Cameracensem, Lemovicensem, Cathurcensem, Rhutenensem, Albien-
sem, Mimatensem, Macloviensem, Trecorensem, Auxitanensem,
Arelatensem, omnésque insuper Ecclesias Provinciarum Septi-
manniæ, Provinciæ, Delphinatûs, Aquitaniæ, aliásque recentibus
victorijs Gallia adjectas, de quibus vide *Marcanlib. 8. à cap. 26. & Episcopum Apamiensem in Tractatu Regalia à fol. 86.* Has inquam omnes
imunes fuisse constat, liberásque, sive jam contractui oneroso,
sive antiquæ possessioni, ac Concilio Lugdunensi tribuas: si ergo,
quocunque tandem titulo, liberæ sunt, quâ, rogo, æquitate gra-
vari possunt, & jugo subdi nunquam accepto? sit contractus, sit
quidquid velis, tantum ne serviant; quamquam, ut dixi, nec
privilegium, nec contractus sit, sed Ecclesijs innata, & à Canonibus,
præsertim verò Concilio Lugdunensi sancita libertas. Enim
verò si quis attentè consideret, quid Regaliæ extensio ex una parte
lucris, ex alia verò incommodi Regibus asserat, mirabitur tanto
illam ardore, conatúsque quæstram esse. Emolumenta, quæ ex ea
proveniunt, si magnificentiam, opésque Regum Gallia spectes,
vix guttam addunt ingenti pelago; præterquàm, quòd eorum
Majestate indignum credas, si Ecclesiarum spolijs onusti incedant,
quas olim augere consueverant. Et quamvis moderni Regis pie-
tate factum sit, ut modestissimè illis utatur, tertiâ eorum parte
Neophytis adscriptâ; quis nobis tamen pollicetur, foribus semel
apertis, eandem semper posteris Regibus & moderationem, &
pietatem fore, & non potius in Regium ærarium, communémque
alveum, etiam hunc rivulum decursurum, sacrâ pecuniâ in pro-
phanos usus absumptâ? nam & hic semper genius abusibus fuit,
ut faciem honestate velarent, lentéque procederent, modestissimis
initijs, sed lugendo fine. Et quamvis hæc omnia desint, finis sal-
tem sacrarum foundationum, quas esse inviolatas decet, & potestas,
ac administratio Episcopis debita, in Reges transfertur: & quis
credat oblationes ex alieno Deo placere? maximè in Regibus,
qui proprijs abundant? Idem, multóque magis in Collationibus
Beneficiorum locum habet. Olim cum Reges Beneficia nulla con-
ferrent, excusari, aut saltem ferri poterant, si etiam hujus juris
exercendi aliquâ cupiditate tangebantur: nunc verò post Con-

cordata, quando præter tot inferioris Ordinis Beneficia, quæ varijs ex titulis donant, omnes Prælaturæ, omnésque Episcopatus, & Archiepiscopatus ex Regum voto, & nominatione conferuntur, vix aliud superest, quod optare debeant: enimverò Canonici, aliæque minoris numeri Sacerdotia vix punctum efferunt, tot alia, tantique momenti possidentibus; cum tamen ex alia parte Principis conscientiam magnopere gravent, nec minori damno Ecclesias afficiant. Si Canonicatum, aliarumque Dignitatum, & Beneficiorum collatio ex solius Principis voto, arbitrioque penderet, extra periculum res esset; illos quippe nec lucri captandi, nec aliæ sordidæque cupiditates tangunt, quas in privatis ministris reperiatis: isti ergo vacuas dignitates implendi tota cura committitur, Principe in alia, & majora intento; hinc est, dum isti referunt, orant, supplicântque, illos Principi offerunt, quos non Ecclesijs utiles, sed sibi suisque putant; Sacerdotia interim indignis immeritisque donari; aut potius vendi, quique nil minùs cordi habent, quàm ut in Ecclesijs suis resideant, ut oculis subditorum virtutum exempla proponant, quos potius vitæ, morumque licentiæ, & perversitate Clericis indignâ offendunt. Tantòque id pejus, si Ecclesiæ procul absunt; tunc enim ijs, qui digni essent, præteritis, succedunt aulæ assueti, mutantque Beneficia recens accepta, aut etiam resignant, pensionibus egregiè impositis; quippe non tam illis Ecclesiarum, quàm lucri, ac proventuum cura est, animarum interim pretio, ac pauperum patrimonijs contra fundatorum intentiones in delicias consumptis. Obsident aulam Sacerdotum & ambientium greges, non tam meritis, quàm pretio, gratiæque Sacerdotia captaturi; ij verò, qui meritis quidem, sed non patrocinijs, aut ære abundant, in obscuro sunt, laténtque, nec ulla virtutes consequendi cura est desperatione præmiorum. Illi ipsi, quos Ecclesiastici, Laicique Patroni nominârunt, aut expensarum, aut litium metu, aut etiam tædio itinerum (quippe Parisiistantùm de Regalijs disceptatur) causam etsi iustissimam ijs deserunt, qui plus gratiæ, potentiæque in aula valent, unde Ecclesias indignis tandem repleri necesse est; quippe ex Canonicatu etiam ad Episcopatus, altioresque cathedras ijsdem artibus eniti in promptu est. Constat ergo parum quidem emolumentum ex Regalia Prin-

Principi provenire, multum tamen periculi, multumque damni, tantòque amplius, quantò illa magis dilatur; ut prudenter à Marca Archiepiscopo Parisiensi dictum sit: *Tanti non esse Præbendarum istarum Collationem, ut ejus etiam in loca, in quibus à Christo nato nunquam exercita est, proferenda studio, antiquas Regni leges, Conciliorumque Decreta subverti neesse sit.*

Qua in re sunt etiam æternæ memoriæ digna Ludovici VII. & IX. Regum Galliæ exempla. Cum enim huic instituendi Pastores à Pontifice potestas facta fuisset, ad idque Legatus Romam rediens Diploma protulisset: *Quod mea, inquit, negotia Roma strenuè objeris, laudo: quod mihi à Pontifice munus hoc retuleris, non probo: intelligo enim, quanto tam periculo anima mea, & Regni id susciperem: ac protinus in ignem Diploma projecit.* De eodem beato Rege narratur, noluisse Collationibus Sacerdotiorum se immiscere: *Sat mihi est, inquit, coram Deo de temporalibus mihi credidit, non etiam spiritualibus, rationem reddere.* De Ludovico VII. hæc habet Thomas Walsinghamus: *Reversus Ludovicus junior de Hierosolymitana contra Saracenos expeditione, cum quidam Clericus Romam papale privilegium attulisset, quo in omni Ecclesia cathedrali sui Regni, jus conferendi primam vacaturam cum cunctis fructibus medio tempore provenientibus, continebatur, consessim conclusa litteras, dicens: Malo illas hic comburere, quàm si propter illas in inferno comburerer.* Hæc Regum Galliæ olim exempla, vocēsque fuerunt, à quibus quàm aliena sint sensa, quæ regnanti Ludovico inspirare aliqui conantur, nemo non videt. Rationes verò quibus id agunt, tam sunt exiles, vanæque, ut, mirum sit, ijs ipsis, qui eas producant, pudori non esse: enimverò cupiditas aulam demerendi, suprà pudorem & veritatem fuit, id postea videbimus; nunc in D. Thoma Cantuariensi, ideam, exemplarque Ecclesiasticæ libertatis proponemus, in quo constantiam, fortitudinem, candoremque animi videre, & imitari liceat, aliàsque virtutes sacerdote dignas, omni quidem adulatione, & furo liberis; reverentiæ tamen in Reges suos, amorisque plenas; & ex quibus intelligas, quid Episcopi Deo, quid Principi debeant, tantòque aptius præsentī causæ hæc digestio conveniet, quòd D. Thomæ pugnandi, vincendique argumentum Regalia fuit, hæc Martyrem fecit; ut mirari non debeas, si eam causam nos calamo, & atramento tuemur, quas ille tormentis, & sanguine;

ne; hæc sunt præmia, & sigilla veritatis: nec alio discrimine verum à falso Pastore distinguas, quàm quòd iste fugà, illo pugnà probatur: Mercenarius, inquit Christus, & qui non est Pastor, cujus non sunt oves propria, videt lupum venientem, & dimittit oves, & fugit, & lupus rapit, & dispergit oves. In quem locum eleganter S. Gregorius: Mercenarius quidem est, qui locum quidem Pastoris tenet, sed lucra animarum non querit, terrenis honoribus inbiat, temporalibus lucrù pascitur, impensâ sibi honoris reverentiâ lætatur. Hic videt lupum venientem, quia tranquillitatis tempore plerùmque ad gregi custodiam sicut verus Pastor, ita etiam Mercenarius stare videtur, sed lupus veniens indicat, quo quisque animo super gregi custodiam stabat. Lupus enim super oves venit, cum quilibet injustus, & raptor fideles quosque, atque humiles opprimit; sed is, qui Pastor esse videbatur, & non erat, relinquit oves, & fugit, quia dum sibi ab eo periculum metuit, resistere ejus injustitiâ non presumit; fugit verò non mutando locum, sed subtrahendo solatium: fugit, quia injustitiâ vidit, & tacuit: fugit, quia se sub silentio abscondit, quibus bene per Prophetam dicitur: Non ascendisti ex adverso, nec opposuisti murum pro domo Israël, ut staretis in pralio in die Domini. (a)



§ III.

Certamen contra Regaliâ à S. Thoma Cantuariensi Archiepiscopo susceptum, aliùque in simili causa laborantibus propositum.

SUMMARIA.

1. Regibus suis & reverentiam, & libertatem Pastores debent.
2. S. Thomas Archiepiscopus Regaliâ abusus impugnat, & hæc ei necis causa: ejus in aula mores: electio in Archiepiscopum, & Sanctitas.
3. Regem offendit, & quas ob causas?

4. Sub-

(a) Ezech. 13.

4. *Subscribit Clarenduna Regijs consuetudinibus, & quare? pœnitétque.*

5. *Northantonia cum Regijs configit.*

6. *Fuga, exilium, pericula, & epistola ad Alexandrum Papam.*

7. *Alexander Henrici Legatos Senonis audit, & paulo post S. Archiepiscopum, qui causam in sacro Consistorio dicit, postea resignat.*

8. *Pontiniati Monachum agit, & ab Henrico pellitur: Schisma Henrici, & ab Alexandro Legati.*

9. *Regem convenit, oráque, nec tamen placat, & quam ob causam? Cum Gallia Rege in gratiam redit. Et quas ob causas assentiri Regi non potuit?*

10. *Alij ab Alexandro in Angliam Legati, sed nullo effectû. Sanctus Henricum convenit, nec tamen flectit: tandem Alexandri Legatis Rex cedit.*

11. *Pax cum Archiepiscopo inita. S. Thomas redit in Angliam omnium aggratulatione. Nova ab Archiepiscopo Eboracensis turba: Regis querela, & secuta S. Archiepiscopi cades.*

12. *Legati ab Alexandro ad inquirendum in cadis authores. Regis pœnitentia, ac tandem mors. Laudata D. Thoma, & Alexandri Pontificis constantia.*



I.



Uas Episcopi personas sustinent, Pastoris videlicet, subditique, ex quibus duæ obligationes æquè proveniunt; altera, quæ Deum, altera, quæ Principem spectat, utrúmque debent. Si enim Dei quidem, Ecclesiæque causam agant, ut impetu non ratione ferantur, Majestate Principis contemptâ, aut etiam neglectâ, indignisque modis provocatâ; non tam ea pietas, aut religio fuerit, quàm potius immoderantia, æstusque animi sibi malè im-

perantis, ac irâ concitati ratione submotâ: nec enim omnis calor vitalis est; aliquis ex morbo, febrique provenit. Qui verò omnia Principi concedat, ac etiam erranti obsequatur, is planè nec Episcopum se, nec Pastorem meminit; quippe pereuntem videt, silèctque, & tamen revocare poterat præcipitio ostenso; cùm enim non voluntate, & propolito Principes delinquant, in Ecclesias præsertim; sed aut errore, aut consilijs inducti, nullâ re magis curari, pervertique possunt, quàm aut nudatâ, aut suppressâ veritate. Nec alios reperies minoris in Reges suos fidei, quàm qui perpetuis adulationibus eos demulcent; spe enim, & quæstu ducuntur, non eorum obsequio, & reverentiâ; quòd si præmia submoveas, aut aliunde majora ostententur, eâdem facilitate, quâ Deum, & conscientiam, etiam Principem exuent, Sirenes incantum æquè, & naufragium paratæ.

II. Unam ex præcipuis causis, quæ S. Thomæ Cantuariensi exilium, mortemque atculit, Regaliam fuisse, certum est, Henrico II. Angliæ Rege fructus vacantium Ecclesiarum usurpante, novâsque electiones, quò diutiùs frui posset, in longum trahente, quem abusum cùm S. Thomas non ferret, gratiâ, & vitâ excidit. (a)

Anno 1162. ex Regni Cancellario ad Archiepiscopatum Ecclesiæ Cantuariensis provectus est. Florebat tunc temporis eximiâ Regis sui gratiâ; quippe morum venustate, ingenio serijs æquè, ac jocos prompto; litterarum, juris præsertim, insigni peritiâ; memoriâ omnium, quæ semel legisset, audissetque, tenaci; præcipuâ denique in Principem fide, & industriâ omnium laborum victrice sibi aulam devinxerat; accesserant alia, in Clerico quidem haud commendanda, sed tamen Principi chara, luxus videlicet domesticæ suppellectilis, vestitus apparatus, & prope pompam; convivia magnificè instructa, famulantiùm copia, mores ad Regis genium compositi, ac ideò grati, & denique quidquid vanitatem redoleret, sed, quod in aulico miseris, præcipuâ intatâque castitate, & amorum rudi: aktâ nocte, qui eum observabant, cùm crederent formosissimæ cujusdam, ac olim Regi per dilectæ, amplexibus frui (nam istum donis, ac blanditijs captabat)

genibus

(a) Vide vitam S. Thom. cap. 75. & epist. 109. & ibid. in libello consuetud. cap. 22. Wilhelmus Briton. lib. 8. Philippid.

genibus nixum, & inter preces somno, ac fatigatione oppressum reperere. Hæc ergo vanitatis juxta, & virtutum mixturâ Regem sibi, Clericis devinxit, omniumque Episcoporum votis, qui Londinum convenerant, Archiepiscopatum meruit, Monachis tantum, qui Ecclesiam Cantuariensem obtinebant, adversantibus; (a) quippe, & hominis luxum, & potentiam Regis favore subnixam, infestamque Ecclesijs metuebant, sed eventus aliorum spes, aliorum metus sefellit; ipse tamen omnium acerrimè hanc dignitatem repulit, & Rege ad omnia, quæ objectabat, immoto, certaminè præludens: (b) *Scio*, inquit, *quia si Christo disponente sic acciderit, citissimè animum auferes à me, & gratia, quæ inter nos tanta est, in atrocissimum odium converteretur. Novi enim te nonnulla exalturum, & in Ecclesiasticis te jam multa præsumere, quæ ego animo sustinere non possum. Ubi vides, cum Cancellarium ageret, jam tum præsensisse tempestatem, & ventis, quos Regia cupiditas excitabat, oblectari solum, vinci tamen se ferebat, gratiæ, & potentiæ anxius, Regique obsequabatur invitâ conscientia, quæ causa est Joanni Saresberienfi, (c) ut eum *ministrum iniquitatis* appelleret. Sed animum cum aula mutavit; quamquàm & in aula invitum se teneri, honestumque exitum prospicere, sæpè amicis suis inter lacrymas professus est. (d) Sacris potitus censorem sibi, observatoremque posuit, à quo, quid Archiepiscopum dedeceret, hominèsque offenderet, moneretur: vestis intima cilicium, & post hoc Monachi habitus; (e) (audierat enim, quotquot sine hac veste cathedram Cantuariens. insedissent, infelici morte sublato) ac demum serica, & quæ Antistitem deceret. Canonum, Legumque ardentius, quàm par esset, studium, dehortante per litteras Saresberienfi, cujus hæc verba: (f) *Prosum quidem leges, & Canones, sed mihi credite, quia nunc non erit hiis opus: non hoc ista sibi poscit spectacula tempus: mallem vos Psalmos ruminare, & B. Gregorij Morales libros revolvare, quàm Scholasticomore Philosophari. Profecit monitio, adjecitque animum sacræ Scripturæ studijs; has nocti, has mensæ, ac etiam itineri miscbat; plerumque cum iter ageret, ab itinere divertens, ut vel**

Scriptu-

(a) Vide Heriberr. in vita cap. 6. (b) Heribert. in vita cap. 6. (c) Joan. Saresb. ep. 140. (d) Joan. Saresb. in vit. cap. 5. (e) Baron. ad an. 1162. n. 27. & Spond. ibid. (f) Saresber. epist. 31.

Scripturas legeret, vel cum alio conferret; mensæ perpetua lectio; nocte intempestâ Psalmos canere; post cantum tredecim pauperibus mensa sternebatur, præcinctus ipse ministrum agere, pedibus advolvi, aquam juxta, lacrymâsque affundere: sequebatur largitio quaternis in singulos argenteis: tum brevis, & delibatus somnus, post quem sacri codices, & cœlestium meditatio in tertiam diei horam producta, nullis interim admisis, qui obstreperent, prophanisq; negotijs mentem turbarent. A tertia sacris operabatur, nec tamen quotidie, quod se indignum, imparatumque crederet: tanta verò sacra peragenti vis lacrymarum, ut plures gemitus, quàm verba essent. Diei nonâ mensa assidebat, lautæ quidem, & Regio ministro dignæ, sed quam prædapi-bus lectio condiebat, & eruditorum, qui magno numero admittebantur, sermocinatio; reliquam diem negotia occupabant: munerum perpetuus contemptus, nec ei tantum, sed aulæ toti, quam copiosam alebat. Non nemo cùm negotij causâ in Palatio esset, & solemni, receptoque more nunchos, nunc illos auro tentaret, omnibus respuentibus: *Curiam*, inquit, *plusquàm auream inveni, quæ non solum post aurum non abiit, sed aurum abiicit, spernit, & calcit.* Summa, & profusa liberalitas, in pauperes præsertim, quibus terna in dies convivia, intempestâ videlicet nocte, sub auroram, meridiemque. Hæc necessario commemoranda duxi, ut & sanctum fuisse memineris, quem pro aris conflictantem videbis, & tamen mundi, aulæque gnarum, nec ex eorum numero, qui sanctitatem quidem colunt, sed rudem, agrestemque, & ideo sæculi nostri moribus haud gratam. Vix annus fluxerat, cùm prima odiorum initia prorupere, parvis quidem momentis ducta, sed semper majora, ac tandem implacata.

III. Causæ indignationis istæ. Quod officium Cancellariæ abdicasset, quippe viribus vix sacra Præfectura paribus: quod vacantium Ecclesiarum fructus, qui inveterato jam more fisco addicebantur, non Regi, sed Ecclesie deberi diceret: quod Clericos scelorum compertos Regijs Magistratibus tradi nollet, punirétque quidem, sed mitius, quàm Regi placeret: quod agros, ditionesque Ecclesie ab Antecessoribus alienatas, oblati pretijs repeteret, hinc potentiorum odia, clam quidem habita, sed occasione, & vindicta intenta: quod Regi, an Regias consuetudines observare vellet? petenti, velle se respondit, sed salvo ordine suo.

quam.

quam formulam cum capiosam Rex diceret, & illusionibus aptam, nunquam ut ab ea recederet, moveri potuit, idemque omnium Episcoporum sensus, votumque fuit, tanto magis commoto, insensoque Rege, quod conspiratio videretur, nec ferre posset Archiepiscopum tot titulis devinctum sibi adversari. Accedebat indoles Regis mari similis, quo pacato placidoque nihil blandius, nihil immitius turbato. Audi Petrum Blesensem: (a) *Agnus est, dum pacati est animi; leo vero, aut leone truculentior, dum vehementius exardescit: oculi ejus orbiculati sunt, dum pacati est animi, columbini & simplices; sed in ira, & turbatione cordis quasi scintillantes ignem, & in impetu fulminantes.* Sed nihil æquè ut adulatorum pestes Regis animum inflammabant: nam velut Regiæ dignitatis anxij, supercilium, fastum, duritiemque Archiepiscopi incusabant, à quo nisi sibi que suisque provideret, eum demum futurum esse Regem dicebant, quem Clerus eligeret, & quamdiu Archiepiscopo placeret. (b)

IV. Rex ergo certus Archiepiscopum aut vincere, aut perdere, Clarendunam conventum indicit, quo Episcopi, Regni que Magnates magno numero confluxerunt. Omnes Archiepiscopo extrema præcinebant, Rege videlicet recenti ira flagrante, alijs omnibus metu exterritis, paratisque obsequi; nec ipse alio animo palatium, quam aream certamini, & victimæ dicatam ingressus est. Petebat Rex instabaturque, ut Episcopi explerent, quæ polliciti essent, Regias videlicet consuetudines observare, easque bonâ fide, nec additâ illâ formulâ, *Salvo Ordine nostro*: hanc enim captionis plenam esse, & ludificandi gratiâ quæsitam: hoc ipsum Oxoniæ ab Episcopis, & Thoma promissum, nec fidem semel obstrictam laxari posse, nisi promittentium, Regisque dedecore: nihil aliud à se posci, quam quæ majoribus suis præstita, quæ usu invaluerint, quæ Sacerdotium juxta, Regnumque consociant. Hæc à Rege petebantur, sed imperantis potius, quam postulantis modis, aderant minæ, flagransque vultus animi index, & denique rationes in speciem adornatæ, ne metuere Episcopos, vincique puderet. Jam plerisque inclinabant, invicto tantum, & obluctante Archiepiscopo: hunc ergo tropidi juxta, indignantesque, & ejus potius periculo, quam suo anxij circumstant, ostenduntque: *Nihil*

G

NOTA.

(a) Petrus Bles. epist. 66. & 75. (b) Joan. Saresb. in vita cap. 24.

novi à Rege, antiqua tantum postulari: si consuetudines illa, quarum observantia ab Episcopis peteretur, iniqua dici possent, tunc dici debuisse, cum primum inducuntur: nunc verò beneficio temporis, & tolerantia Pontificum, vitium si quod habebant, exuisse, in morem usumque receptas: quis nesciat leges ab Ecclesia conditas, usu, & consuetudine obliterari? quis credat tot in Anglia Antistes, doctri-
 trina, & pietate eximios, in eaa consuetudines fuisse consensuros, si iniquas credidissent? num ergo oculos eis, ut abusum viderent, defuisse, aut conscientiam, ut probarent? Eorum igitur exempla merito Cantuariensem imitari posse recens ab aula in Ecclesiam translatum; juveni, rerumq; inexperio imitanda senum exempla esse, non corrigenda: tutius per aliena vestigia, tritisque vias incedi, quam per novas, occultasque; excusari errores posse, veniarique mereri auctoritate majorum nixos. Omnium ab Ecclesia conditarum legum, quietem Reipublica, & pacem pro scopo esse: quiete ergo periclitante, merito leges aboleri, veluti finis suo inutiles, noxiasque: nam & remedia cessare, cum incipiunt sanitatem conficere. Instare Regem juvenia, victorij; Beneficij; in Alexandrum Pontificem, ipsumque Archiepiscopum, & denique omnium pend votis ferocem; ingentem Episcopis, Ecclesiisque, imò Regno toti tempestatem imminere, dandum aliquid temporis esse; nam & Ecclesia leges multò ex levioribus causis solvi posse, imò solere: Regem ut impotenti ira, iia brevis esse, nec obstinata; hac ubi resederit, exorari illum posse, & melioribus imbui, qua modò non admittat obstrepente ira; sic Petrum Apostolorum Principem mitigandù Judæis eorum sacra, ritusque praeluisse; Paulum verò Timotheo circumciso, votisque ex Nazæarum more conceptis, Judæis Judeum factum esse, ut Judæos lucrificaret: Deum ipsum, qui tamen artificij non eget, libello repudiij duritiâ tot malis Angliam inundari, tot lacrymis, exilijs, & cadib; videri? Ipsum Alexandrum Pontificem, si Anglia adesses, mitiora suaserum, & tempori conducenaa, more videlicet prudens Imperatoris deditionem suadentis hoste jam irrumpente, & incendia, prædumque minante: totam ergo Angliam unius Archiepiscopi arbitrio, nutuque flare, servari obsequio posse, inclementia perituram. Hæc omnium ferè Episcoporum voces, precèsque erant, quibus & gemitus, & lacrymæ admixtæ, plerisque etiam ad genua provolutis. Diu immotum pulsavere, & flecti nescium: molliri tandem & paulatim cæpit, illud præsertim aliàs impavidum feriebat, quòd tot alios Antistites in

res involui secum videret; ergo sui securus, alienâ calamitate victus est: Richardus Templariorum Magister bis eum aggressus, repulsusque, tandem inflexit, luctu Episcoporum extrema formidantium ante oculos posito. Cessit ergo, Regem adiit, subscripsit, juravitque, ommissa etiam illa verba Regi exosa, *Salvo Ordine nostro*, quorum loco hæc posita: *Bonâ fide servabo, &c.* (a) Reddita aulæ ferenitas, sed brevi gaudio. Beato igitur Thomâ iuramento obstricto, cœptæ scribi consuetudines, palamque edi, sed multò à ministris auctæ, alijs videlicet Regis gratiam captantibus, alijs novam litibus materiam quærentibus: prævidebant enim numquam tam iniquis conditionibus sanctum assensurum, lapsurumque Regis gratiâ, quod æmulis gratum, quæsitumque: & facile fuit utrumque fallere, Rege juvene, ignaroque, quænam illæ antiquæ consuetudines essent, & quæ dolo oppositæ; beato verò Thomâ nuper infulis admoto, & aulæ magis, quàm Ecclesiæ, istiusque iurium perito: ira Wilhelmus in vita testatur. (b) Capita earum consuetudinum hæc erant: *Causas presentationum, ac etiam Ecclesiarum, quando inter solos Clericos agitantur, ministri Regij cognoscant, decidantque. Clerici cujuscunque rei accusati, & conventi Regijs tribunalibus se fissent, illic responsuri. Nemo ex Regijs ministris anathemate, aut interdicto, alijsque censuris feriatur, nisi prius ejus causâ apud Regem finita. Ab Episcopo ad Archiepiscopum, ab isto ad Regem appellabitur; Rex Archiepiscopo finem causâ remitteret, nec præter Regis assensum alia provocatio admittetur. Cum Episcopatus, Archiepiscopatus, Abbatia, vel Prioratus vacaverint, Rex interim proventus omnes recipiet; Electio verò non nisi ex Regis assensu, eorumque consilijs, quos Rex destinaverit, procedet, nec alibi, quam in Palatio fiet, ibique electus homagium Regi velut Domino ligio de vita, membris, & honore temporalis præstabit, salvo tamen Ordine suo. Hæc sunt fatales illæ consuetudines, tot in Anglia malorum faces, & quas postea Alexander Pontifex damnavit. Rex in publico conventu legi illas voluit, muniri que Episcoporum sigillis; jam enim subscripserant. Ingemuit Archiepiscopus, tam insolentibus postulatis: dissimulato tamen utcunque, pressoque dolore, inducias petijt: Rem quippe tam momenti festinari baud debere, collaturum cum Episcopo, postea responsurum. Nec abnuvit Rex. Cantuariensi ex palatio domum regresso, varij à domesticis sermones, alijs, quod*

G 2

(a) Vide Wilhelm. in vita cap. 21. (b) Wilhelm. in Quadrip. cap. 21.

tempori cessisset, laudantibus, alijs & plerisque conniventiam damnantibus: inter quos, qui Crucem Archiepiscopo præferbat, quid tacitus submurmuraret, secumque voveret, interrogatus: Indignor, inquit, tristorque, fatalem hunc tibi, & infelicem diem luxisse, quo animam aequè, samamque perdidisti: impio Regis chirographo subscripsisti, & ne testis flagitio deesset, Deum insuper jurasti; duplici delicto reus, & quod Ecclesiam prodideris, & prodicionem quod juramento firmaveris; timebas quippe tam egregium facinus aeternum haud fore, nisi juramento sanciretur! (a) Multum tibi Ecclesia debent, non languidè tantum defensione, sed etiam hosti deserta, sic nimirum Anselmus, sic Lanfrancus pugnaverunt, quorum tu cathedram, non virtutem occupasti. Mites ergo in posteros funestum exemplum, & quotquot turpe obsequium, aut metus vincet, te auctorem jactabunt, Thomam, dicent, imitamur, quoties cadent.

Concusserunt Archiepiscopum hæ voces, aliàs quod fecerat pavidè cogitantem; suspiravit, ingemuit, cathedram, aramque relinquere agitavit, sacrificio abstinuit, solitudinem elegit, & cum nullum mœrori finem, aut levamentum inveniret, Pontifici Alexandro, qui tunc Senonis agebat, nuntios, & litteras misit, pœnitentiæ, dolorisque plenas. Benignè à Pontifice responsum, qui solatium adhibuit, & culpam excusavit parendi necessitate; nec abstinere Altari voluit: non remedia ægro fugienda, sed paranda, aciem potius repeteret, pugnamque instauraret, nullâ rem magis fugæ dedecus compensari, quàm pugnando, vincendoque; si quid verò conscientiam gravaret, confessione deponeret, se quoque Apostolicâ Autoritate indulgentiam delicto dare. (b) Paruit consilio Cantuariensis, & longâ tergiversatione Regem morabatur. Hic tantò gravius indignari, & vindictam palàm moliri, adeò ut Archiepiscopi sanguinem quæri passim jactaretur. Scriptæ ab eodem Rege ad Pontificem litteræ, quibus & consuetudines Clarendunæ editas probari rogabat, & Legationem Angliæ Cantuariensi credi solitam in Eboracensem transferri. Consuetudines negavit Alexander probari ullo modo posse, quippe libertati Ecclesiarum fatales: (c) Legationem Eborac-

(a) V. Alan. in vita cap. 22. (b) Alex. III. PP. lib. 1. epist. 26. (c) Vide S. Th. epist. 47. ad Gratian. lib. 1. epist. 164. & 178. & 165. & lib. 5. epist. 20. 21. 24. 25. & lib. 2. epist. 46.

Eboracenſi conceſſit, excepto tamen Cantuarienſi Archiepiſcopo, ejusque Eccleſiâ, quam nolebat Eboracenſi ſubjectam; quo & Regem luſit, offenditque, Thomam Eboracenſis auxilio perdere volentem: nec minùs ipſe S. Thomas ſe ab Alexandro nullâ ſui culpâ deſeri, æmulôque poſtponi ægerrimè ferebat, credebátque animoſ hoſtibus ſuis addi, Pontifice illis non tantùm non obnitente, ſed etiam propitio: ſed prudenter Alexander Regem molliùs habuerat, à quo plus Eccleſiæ periculi, damniſque; nec propterea Episcopos ab obedientia, quam Cantuarienſi debebant, exemptos voluit, ut ex ejus litteris patet. (a) Inter alia, quæ ad Regem ſcripſit, hæc digna memoratu: *Si te in aliquo futurum judicium terret, aut prætorum in æterna requie corona te delectat, veritatem, qua Deus eſt, juſtitiâ colere, juſ ſuum cuique tribuere, negotia Eccleſiaſtica, & præſertim criminalia, qua de læſione fidei, vel juramenti emergunt, cauſas ſuper rebus, & poſſeſſionibus perſonarum Eccleſiaſticarum tractanda relinquere; Regnum, & Sacerdotium non conſundere, non adco Serenitatem tuam deceret, quam etiam expediret. Si autem univerſa, qua in uſus tuos per hujusmodi angarias de bonis Eccleſiaſticis convertuntur, in reſectionem pauperum, vel alijs bonis operibus expendereſ, obſequium non magis Deo gratum efficeret, quàm ſi Altari quolibet diſcooperto aliud cooperireſ, aut ſi Petrum crucifigeret, ut Paulum à morte liberaret. Recolere ſiquidem debes, qualiter Rex Saul, quia devicto Amalech prædam contra divinum præceptum ſervare volebat, cùm ſe ad excuſationem ſui hæc ad ſacrificandum reſervare proponeret, à Domino fuerit reprobatus, & alius eo vivo in honorem, & dignitatem Regiam ſuæ ſurrogatus. Quomodo etiam Rex Ozias, dum thurificare voluit, & Sacerdotis ſibi officium uſurpare, leprâ dignâ Dei ultione percuſſus fuiſſet, tua ſaluti congruit ad animum revocare.* (b) Hæc in Angliam Alexander, ubi interim ſemper magis, magiſque D. Thomas conflabat, Qui cùm indies mortem ſibi præcini nec ex vano videret, Rege implacabili, conſilium fugiendi cœpit; & navigium profundâ nocte aſcenderat, ſed adverſis ventis, undiſque jaſtatus, & vix naufragio ſuperſtes in littus ejeſtus eſt albente vix cœlo. Jam fugam fama fulgaverat, aderantque à Rege, qui ejus ſupelleſtilem ſiſco addicerent, ſed domi repertum ad Regium tribunal Northantoniam poſtulant cauſam dicturum.

V. Adſuit, & palatium unâ cum alijs ingreſſo fores à tergo

G 3

clauſâ,

(a) Alex. epiſt. lib. 1. epiſt. 39. & 40. (b) Lib. 1. epiſt. 42.

clausæ, ne copia discedendi esset: ibi multis accusationibus pulsatus est. Prima fuit: Archiepiscopum à Rege citatum non adfuisse; respondit: Procuratorem à se missum, qui suo nomine causam ageret, Regis haud interesserat, ipse, aut alius suo nomine compareret. Rejecta excusatio, omniumque Procerum, Episcoporumque voto ejus bona mobilia fisco adjecta. Quod cum audisset: *Quale sit, inquit, hoc judicium, me etiam tacente secula post futura haud tacebunt; nova quippe judicia: forma hac est forè secundum Canones Clarenduna vulgatos: à seculo non est auditum, quemquam Cantuariensem Archiepiscopum in curia Regum Anglorum pro qualicunque causa judicatum esse, quia ipse Regum omnium, qui in Regno sunt, spiritualis Pater est; nova quoque hac forma est, & ordo judiciorum novus, ut Archipræsul à suis suffraganeis, aut Pater à filiis judicetur.* (a) Successit aliud accusationis caput, Rege libras argenti quingentas repetente, quas se illi mutuas dedisse ajebat. Respondit sanctus, donatas esse; sed damnatus est, Rege ipso accusante, & qui jus dicebant, aut metu, aut æmulatione corruptis, & cum reum Episcopi desererent, quinque ex amicis caverunt, singuli centum libras polliciti. Tandem peculatus accusatur, jubeturque tot fructuum, proventuumque, quos cum Cancellarium ageret, vacantibus Episcopatibus, & Abbatibus quàm plurimis recepisset, rationem reddere. Ingens ea summa erat, ducentarum videlicet triginta marcarum millia, quæ nostratis monetæ circiter viciis, & trecenta millia Philippeorum reddunt, si videlicet ex calculo Du Fresne singulis marcis Anglicanis duas libras Sterlingorum assignes, & singulis libris quinque Philippeos; ubi simul advertis, quantum ex Regalijs Ecclesiasticis pecuniæ confaretur. Cæterum sanctum Archiepiscopum nihil Regi debuisse, ipse Rex palàm confessus est, ut habetur *lib. 3. epist. 55. circa finem*. Hujus ergo criminis conventus respondit: se innocentie quidem suæ certum esse; nec Regem latere, quantâ integritate Regijs thesauris præfuisse: consilio tamen spatium rogare, quod cum præsentibus Episcopis promptum esset. Singulorum ergo vota, & consilium rogat: aderant verò Londoniensis, Wintoniensis, Cicestrensis, Lincolnienis, Exoniensis, & Wigorniensis Episcopi, Variæ, discordesque sententiæ, ut singulis affectus erant;

(a) Heribert. in V. quadripart. cap. 35.

erant; nam aut metu, aut æmulatione agebantur, paucis Archiepiscopi, & legum cura. Londoniensis abire illum Archiepiscopatu jubebat, sic Regem pacatum iri, & tempestatem omnibus impendentem extemplò cessaturam; palàm erat, Londoniensis consilium eò vergere, ut spem, ambitumque succedendi alieno metu celaret; nec sanctus dissimulavit, ejus tamen sententiæ Lincolnienfis accessit. Ciceſtrenſis cedendum tempori dicebat, & Regi aliquid dandum. Eadem Exoniensis sententia. Wigornienſis animi pendeſcit, hærebatque, Dei Regiſque offendendi metu. Solus Wintonienſis Regiſ postularis cedendum eſſe negabat: *Canuarienſem Archiepiſcopum Regiſ Primatem eſſe, in ejus exemplum totius Angliæ, & præſertim Episcoporum oculos deſigi, quidquid u ageret, pro Lege reliquis fore; ſi animum ſpectaret, libertatem Eccleſiarum conclamatum eſſe, nec ampliùs quid Canones ſtatuant, Patrumque exempla, ſed quid Regibus liceat, obſervatum iri. Ergo conſuſo rerum ordine Eccleſiam ſervitutam, aulâ dominante.* Sententijs diſtis, & Episcopis ſilentio deſixis, Archiepiſcopus in proximam diem inducias à Rege petijt, obtinuitque, ita diſceſſum. Palatio egredientem nemo ex aulicis, quos magno numero alebat, comitatus eſt; Regis enim metu, & meliorum deſperatione, & ne Domini caſu premerentur, dilapſi erant. Sanctus ergo fortunæ ſuæ inſultans, pauperum greges undique colligi, epulâſque parari jubet, & reliquum diei hilariter agitari; tanta illi nimirum inter adverſa animi ſecuritas, & fortunæ contemptus. Sequenti die viſcerum dolore vehementer conſiſtatus eſt, iterumque inducias in craſtinum petijt. Nox inter vigiliâs, & preces ducta; ubi illuxit, Pontificiſ veſtibus, & pallio præter morem amiſtus Sacris ad aram operatuſeſt, Miſſamque, quæ S. Stephano Protomartyri dicata eſt, legit, cujus initium: *Etenim ſederunt Principes, & adverſum me loquebantur.* Ferunt conſilio Monachi cujuſdam id factum, cùm videret Sanctum ab Aula adhuc recentem mortis metu percelli. Sacris perfunctus, pallio, infulâque depoſitis, reliqua Pontificis inſignia, veſtèſque retinens ad Palatium pergit; ferunt ſacram Eucharistiâ ſecum detuliſſe in ſinum reconditam. Cùm ad Aulam accederet, ubi Rex præſtolabatur, crucem à Clerico prælatam in manus ipſe accepit, & Herefordenſi in obſequium accurrenti: *Sine, inquit, me ipſam deſerre, ſub cujus protectione*

sectione tatus maneo, & ejus viso vexillo non est mihi dubitandum, sub quo Principe militem. Rex ubi intellexit Archiepiscopum cruce armatum procedere, irridentibus Episcopis, Londoniensi præsertim, in cubile interius secessit. Conclamatum interim in Archiepiscopum est, tanquam in perjurum, & perduellem, & qui thalamum Regium insultantis modo perrupisset. Episcopi ad Regem vocati, Cantuariensi foris relicto: multum temporis consultando tractum, & sententiæ tam ferociter dictæ, ut soluto jam Concilio Eboracensis foras progressus: *Recedamus hinc*, inquit, *ne infortunio, quod Archiepiscopo inflat, oculos sumestemus.* Cui Robertus Magister: *Imò* inquit, *perstabo, reique eventum operiar, & unius crudelitati, & alterius constantiæ testis futurus: neque enim feliciori exitu mortalitatem explebit, quam si pro Deo, justitiæque sanguinem fundat.* Paulò post Exoniensis ad pedes Sancti provolutus, & verba singultibus miscens: *Miserere*, inquit, *tui, nostrique: omnes enim odio capitis tui hodie perimus.* Cui Sanctus: *Fuge hinc, quia non sapis, quæ Dei sunt.* Tandem Comes Lincestræ & Regio cubili procedens, plerisque Optimatum comitantibus: *Mandat tibi Rex*, inquit, *ut venias redditurus rationem super objectum, sicut heri promisisti te facturum, alioquin audi judicium tuum.* Quem interpellans Sanctus: *Imò*: inquit, *Fils Comes, audi tu primum judicium: non te latet fili, quam familiari, & fidelis secundum statum hujus mundi Domino fuerim; & idè placuit ei, ut in Archiepiscopum promoverer, quamvis Deo teste invitum: nota enim mihi fuit infirmitas mea, & magis pro ejus, quam Dei amore acquievi, quod hodie satè palam est, dum Deus, & se mihi subtrahit, & Regem: veruntamen in mea promotione dum Electio fieret, præsentem Henrico filio, & Regni haerede, cui & hoc ipsum mandatum fuit, quaesitum est, qualem me redderem Cantuariensi Ecclesiæ? Et responsum est, liberum, & absolutum ab omni nexu Curiali. Si ergo liber, & absolutus: neque teneor, neque volo super his respondere. Ad hæc fili Comes id attende, quanto dignior est anima, quam corpus, tanto magis Deo, & mihi tenerè obedire, quam terreno Regi: nec lex, nec ratio permittit, ut filij Patrem judicent, aut condemnent; unde Regi, tuum, & aliorum declino judicium, sub Deo solo à Domino Papa judicandus, cujus præsentiam coram vobis omnibus appello. (a) Et vos fratres, & Coepiscopi mei, quia magis homini, quam Deo obeditis, ad Domini Papa audientiam, & judicium vos voco, Catholica Ecclesiæ, & Sedis Apostolica auctoritate munitus hinc recedo. Hæc sanctus*

(a) Alan. in V. cap. 33. lib. 2.

sanctus vultu, gestuque modestè intrepido, & libertatem spirante. Equum postea conscendit, abiitque, lævâ frænum Crucemq; tenens, dexterâ populo benedicens; ingens enim turba, Cleri præsertim, pauperumq; accurrerat, quæ velut è triumpho redeuntem exceperè, excrevitque gaudium priori luctu, quòd sublatum crederent. Omnes convivio excepti. Sub prandium exilium Liberij, & monitum ex Evangelio lectum: *Si vos persecuti fuerint in una civitate, fugite in aliam.*

VI. Ex hoc tempore consilium cœpit excedendi Angliâ, rogavitque Regem. Et planè appellato semel Pontifice Romam eundumerat, urgebantq; fugam insidiæ in ejus vitam paratæ. (a) Aliquamdiu, ut insequentes falleret, Angliam alieno habitu, occultusque pererravit: tandem exeunte nocte mari se committit, applicatque haud procul Gravelingâ. Fugam beati Antistitis sævissima à Rege edicta etiam in Clericos comitata sunt, quibus exilia, plagæ, confiscationes indictæ, si parere illi pergerent, aut litteras deferrent, tantâ pœnarum sævitiâ, & sacri Ordinis contemptu, ut vel inde appareat, quàm sædè indignæque Ecclesiasticos habuerit, quantoque jure non posset sanctus Archiepiscopus ferre, jura Ecclesiarum tam impudenter calcari. Lege ea edicta, erubescens. (b) Portus etiam custodiri, ne quæ litteræ in Regnum penetrarent. Ipse quamvis terrâ, marique varijs periculis jactatus (nam hærebant à tergo Regis ad Pontificem Nuntij, ac per insidiæ eundumerat, Belgis ex Anglia præmonitis) & iter inter pluvias, hyemisque pedibus metiretur, labore hætenus insueto, Alexandrum Pontificem exilium suum causasque litteris docuit; earum hæc summa. Persecutiones, quas in Angliâ à Rege ejusque Ministris gravissimas pateretur, causas Regno excedendi fuisse; eas verò non aliunde in se concitatas, quàm quòd jura, & libertates Ecclesiarum profligari nec æquis oculis videre, nec adulantium more pati amplius posset; hanc totam delicti summam esse, cæcum, mutumque non fuisse, Ecclesiâ pereunte: avaritiam Principis in Ecclesiæ facultates grassari: Clericos sæcularium tribunalibus sisti: nec pecuniâ tantum, exilijs etiam, ac membris puniri:

H

puniri:

(a) De fuga Div. Thomæ V. Apolog. Saresberienf. epist. 48. lib. 2. (b) V. lib. 1. epist. 14. 15. & 23.

puniri: se ut in Palatio causam diceret, vocatum esse, eosdem & hostes, judices, & testes sedisse: & ne illos sceleris puderet, iustum se non tantum sententiam ferre, sed etiam probare; quod cum noller, hoc ipso damnatum esse: quid jubetis, *inquiebam*; spoliari, exulari, mori? volo optoque: ut flagitio vestro subscribam? non possum: sufficiat vobis dignitatem mihi meam, imò & vitam ademisse; innocentiam relinquit: invadite, & cædite, etiã perimite, vocis tantum libertatem concedite: hoc sine ut dicam, vos impios esse, & Christiani nominis, quod in sacerdote, & Antistite persequimini, extorres: aut si loqui non licet, lacrymis saltem libertatem date; sacrilegia prædãque vestras silebo, sed tamen deplorabo; quid minus ego petere, aut vos Archiepiscopo vestro dare potestis, quàm ut quod dicere non audet, audeat gemere? Hoc ergo flagitium meum, & causa persecutionis est, dixisse, rogasse, gemuisse: hoc perjurium, & perditionem vocant. Sed istis ignosci potest, ignorantia aut obsequio peccantibus; quid de Episcopis dicam, quorum ego causam, & libertatem meis periculis tuebar? Illi aulam & favores, & quod dictu foedissimum est, æquitati metum præhabuere; sententias in me dixerunt, imò in seipsos; nec enim mea tantum, sed omnium Ecclesiarum est libertas, cui laboro: & ut timori honestatem prætexant, audent Evangelio se tueri, quod turpissimè produnt; dicunt enim danda esse Cæsari, quæ sunt Cæsaris: Regem juventã, imperio, victorijs ferocem provocandum non fuisse: notantque ingratitude, Regi tot beneficijs in me largo ausum obniti. Quibus ego respondi: alias esse Cæsaris, alias Tyranni partes: Cæsaris esse Ecclesias, legesque tueri, & Sacerdotes, quorum precibus, cultuque Imperia florent, venerari; quos, qui exilijs, prædis, servitute infestat, Cæsaris an Tyranni nomen mereatur, ipsi sententiam ferant; non ergo me Cæsari, sed hosti oblatum esse, nec hostem fore, nisi eum talem ipsi fecissent: si enim primis conatibus obstitissent, & quàm ille ab æquitate Regumque exemplis abluderet, ostendere ausi essent, jam dudum alijs eum moribus fore, naturã quippe docili, & rationi, cum æstus quieverit, obsequente; nunc verò non, ut dicunt, juventã & victorijs, sed turpi eorum adulatione, qui monere debebant, ferocem, indomitum esse: nec tam morbo, quàm

meden-

medentium culpâ corruptum, veneno in plagas profuso. Falli, qui credant me, aut immemorem beneficiorum esse, aut amorem, & reverentiam exuisse Principi debitam: imò ingratus & hostis essem, si quod illi faciunt, alluderem pereunti, nec revocarem in præcipitio pendentem: silerem ergo, & faciem ferrûmque porrigere perire volenti? Hoc non possum. Vivat Henricus Princeps, audiâtque saniora monentem, si fieri potest; si non potest, pereat saltem me innocente, & ad funus plorante. Hæc Episcopis meis ingerebam, à quibus cùm non audirer, nec flagitium jam cœptum abrumperent, quid aliud supererat, quàm ut Romam, Christi que Vicarium appellarem? Appellavi, & hanc ultimam naufragij tabulam amplexus sum: nec possunt ægris animis id accipere, aut vitio mihi vertere: si enim innocens sum, cur damnant? si Reus, cur judicem formidant? (a)

Hæc Archiepiscopus Alexandro Papæ, qui, datis ad eundem litteris, (b) acta, & sententias in illum dictas rescidit. Legati interim Angli Compendium ad Regem Christianissimum venere, porrectoque libello criminationibus pleno, multa ex suo addidere, quibus innocentiam Cantuariensis onerabant: initium libelli erat: *Thomas quondam Archiepiscopus.* (c) Etroganti instantique Regi, quis ergo Thomam Archiepiscopatu exuisset? cùm ambigüe responderent, in hanc vocem erupit Christianissimo Rege, & immortalitate dignam: *Planè sicut Rex Anglorum, ita & ego Rex sum; veruntamen minimum de Clericis meis deponere ego non valerem.* Paulò post Legati ab Archiepiscopo secuti sunt; sicut enim imperaverat, ut Regios unius tantùm diei intervallo, & inobservati sequerentur, quod & ab illis tantâ simulatione factum, ut & laterent, & omnia ad Archiepiscopum referrent. Cùm ergo causam Domini perorassent, adeò Regem flexere, ut suspirijs, gemituque dolorem testaretur, & Regnum suum Sancto offerret, adjecitque: *Hoc ex pristino more, exemplisque Regum Galliaesse, ut exules, & præsertim Ecclesiastica persona, in Regno suo à persecutorum injurijs defendantur.* (d)

VII. Senonis Alexander Papa Henrici Legatos accepit: magno hi apparatu incedebant, multoque auro, quo aulam expugnarent,

H 2

(a) Vid. Roger. in Annal. Anglor. ad ann. 1165. (b) Lib. I. Epist. 49. in Cod. Vat. (c) Heribert. in V. lib. 2. cap. 7. (d) Id. ibid.

gnarent, instructi, aded, ut Saresberienſis in quadam ad Sanctum epistola male ejus causæ ominetur, timeatque innocentiam donis cessuram: ejus verba sunt: *Contra vos faciunt multa, pauca pro vobis; venient enim magni viri, divites in profusione auri, quod nunquam Roma contempsit, eruntque non modò suâ, sed etiam Domini Regis (quem in Curia nemo audebit offendere) auctoritate freti, &c.* (a) Et verò jam inter Purpuratos certamen erat, multis intempestivæ severitatis Sanctum damnantibus. Auditi sunt in publico Senatu. Primus Londoniensis Sancto perpetuus æmulus, eum pertinacem, inquietum, suis consilijs præſidentem, aliorum contemptorem dicebat: & cùm in fugam declamaret, ausus est illam ex Proverbijſ sententiam usurpare: *Impius fugit nemine persequente.* Tum Pontifex petulantia offensus: *Parce, inquit, frater.* Et Londoniensis: *Domine parcam ei.* Cui Pontifex vultu indignationis, & majestatis pleno: *Non dico, frater, quod ei parcas, sed tibi.* Quâ voce aded perculsus est, ut obmutesceret stupido similis. Excepit Hilarius Ciceſtrenſis Episcopus, & ipse aut ignorantia, aut Dei voluntate Sanctum vindicantis ludibrium meritus; cùm enim ei insultaret inter alia: *Id parùm attendis Dominus Cantuariensis, relicto maturiori consilio se solum consuluit, & sic sibi, & suis, & Regi, & Regno, Populo & Clero gravioreſ labores procrearet, quod circa virum tante auctoritatis non decuit, non oportuit, nec aliquando oportuebat, insuper suos, si scirent, non oportuebat sibi in talibus patrocinari.* Omnes in risum soluti errore toties in grammaticam repetito, tantòque magis, quodd eloquentiam ambiret, sibi que blandiretur; exclamavitque unus: *Male tandem venisti ad portum.* Ille rubore ac ludibrio confusus, orationem abruptit, tacuitque. Eadem Eboracensis, & Exoniensis repetebant. Sed omnium modestissimè, parique elegantia (b) Comes Arundeliſ peroravit, ut mirum sit, plus isti in Archiepiscopum reverentiæ, quàm Episcopis fuisse. Summa petitionis erat: mitteretur à Summo Pontifice in Angliam Legatus, qui appellatione remotâ causam Archiepiscopum inter, Regemque finiret; addebantur precibus minæ intentato schismate Pontifici terrendo. Et verò diu hic hæserat animi, consilijque dubius; magna erant Henrici in Alexandrum, & recentia studia, nec minor ab eometus, si deficeret, quippe potentia, ac annis florente; hunc ergo

(a) V. lib. I. epist. 24. (b) Vid. Vit. lib. 2. cap. 9.

ergo tam alieno tempore, & adhuc supplicem offendi, plenum periculi erat, præsertim non paucis Purpuratorum, & pleiisque in Anglia Episcopis Regem tuentibus, quod ne metu facere viderentur, tituli, & colores quærebantur fucandis mendacijs. Ex adverso quantum criminis erat, innocentem, profugum, & aras amplexantem repellere, ac Angliæ reddi, insidijs inimicorum certæque morti expositum? hæc præmia esse pro Ecclesijs pugnanti? quos animos Regem sumpturum, si gratia sceleri præstetur, reum simul victorémque? nullam amplius fidem Romano Pontifici fore, si eum, quem tot titulis fovere debebat, sinu excuteret, hostique proderet? nec enim aliud esse in Angliam, Insulam mari clausam mittere causam dicturum, quàm carceri, aut catenis innectere. Flexit in hanc partem animum Pontifex, Legatisque respondit, Archiepiscopo absente decerni nihil posse: præstolandum ejus adventum, nec diu abfuturum. Instabant tamen, urgebantque, Pontifice immoto; ergo discessum maturant, ne salutato quidem Alexandro. Interea Senonas Archiepiscopus pervenerat, humanissime à Rege acceptus; nam & servos illi, & sumptus ex Regio ærario, & suppellectilem tantæ dignitati parem adjecit. Sic ad Alexandrum pervenit. Primi in aula congressus haud grati cecidere, averfis videlicet Cardinalium animis, malèque imbutis; eum siquidem tempestatis in Anglia auctorem credebant, nimiam in Regem severitate. Alexander benignè accepit, audivitque causas ejus, fugam, naufragia, itinera pedibus acta, pericula, insidias, extremamque paupertatem, tantoque graviolem, quòd insuetam; quæ & dicenti lacrymas, & audienti expressere. Proximâ die in Senatum admissus est, iussusque Patribus, qui frequentes aderant, causas itineris, & calamitatum exponere.

Assidebat Alexandro proximus, parabatque surgere causam dicturus, sed prohibente Pontifice resedit, cœpitque summo omnium silentio & attentione dicere: quantâ apud Regem gratiâ floruerit, cum Cancellarium adhuc ageret: quantâ cum Archiepiscopatum inisset: sibi intimas curas, sibi arcana Regni concredita: imò quo nihil charius, majorisque pretij, etiam Principis filium suæ fidei commissum: potentiam opesque gratiæ pares: nec finem felicitati futurum, si hanc, quàm conscientiam maluisset: potuisse peren-

perennari fortunam obſequio Principis, & exilio virtutis; nec ſe carum artium ignarum, expertumque, quibus Principem parare, & obſtringere poſſet: & fortè, cùm aulicum ageret, plus illis indulſiſſe, quàmmodò vellet, aut excuſari poſſet. Ubi Infulas induit, ſacràmque Dignitatem iniſſet, alias animo cogitationes, alias curas ſucceſſiſſe: obſervàſſe ſe Principem excelsà quidem, & proclivi in pietatem indole, ſed immoderatà, & alieni appetente, nec throno, aulàque contentum, niſi aris æquè imperaret: jam ſponte ſuà ardenti eos facem ſubdidiſſe, qui gratiam à juvene per flagitia quærerent, meritis inacceſſam: ſe recenti adhuc malo rogàſſe, monuiſſe exemplis, legibus cœrçàſſe; hinc primas ærumnarum fibras, quibus jam premeretur: moleſtum ſe primum, dein ſaſtidio habitum, ac tandem odio: procul arcaniſſe: rard in aulam peti: alios in gratiam, curàsque Regni admitti, tantò chariores, quòd Principi grata ſuaderent, nullo juſti, injuſtiſque diſcrimine: & hæc ferri potuiſſe, cùm necdum in extrema prorumperent. At verò, ubi expilari Eccleſias vidit, Sacerdotia conſundi, profanis tribunalibus Clericos ſiſti, nec pecunià tantùm multari, ſed cædi etiam, proſcribique, & limites omnes, qui palatia ab aris diſtinguerent, nullà Canonum, nullà legum reverentià moveri, utque licentiùs, minorique verecundià peccaretur, honeſtum conſuetudinis titulum flagitijs imponi.

Hic enim verò ſimulationem ſe abrupiſſe, & cùm bellum aut Deo, aut Regi indici oporteret, hunc ſe hoſtem, quàm illum maluiſſe: hinc Regis in ſe odia, hinc Aulæ Regi blandientis, & quod dici ſine gemitu, & pudore non poſſit, hinc Epiſcoporum averſos à ſe animos, adeò plus Aula eis, quàm Eccleſiæ cordi erant. Juſſiſſe Regem, ut ijs flagitijs, quæ conſuetudines appellabantur, ſubſcriberet: moratum ſe eſſe, temporis ac meliorum fiducia: & tandem apertè negàſſe? tunc Regis iram & palàm exaſiſſe, tunc amicorum fugam vicinam tempeſtatem formidantium: inſidias ſibi paratas, mortem condiſtam, & ejus exequendæ modos viàsque perquiſitas; quam cùm meminùs, claris que indicijs obſervàſſet, Regno tandem ceſſiſſe: non hoc metui, non rumoribus, ut æmulij jaſtabant, ſed neceſſitati, imò & amorì in Regem datum, quem ab infamia parricidij liberabat, exilio ſponte ſuſcepto. Quæ verò
in

in exilio, à naufragijs, ab inopia, ab hostibus toto itinere sparſis, ab hyeme, inediâque pertulerit, malle ab alijs intelligi; nec enim ſe Pontificem appellâſſe, ut ærumnas ſuas, ſed innocentiam probaret. Illud tantum rogare, ne crederent nullas, aut leves ob cauſas tantam fortunæ mutationem à ſe patienter ſuſceptam, imò expetitam: imprudentem, imò fatuum eſſe, qui ſummam felicitatem ærumnis, & exilijs mutet, aut nullâ cauſâ, aut malis impari: nec ſe palatio nuper egreſſum: delitijs, gloriæque, ac Principum gratijs aſſuetum exiſi eſſe, quibus gratis miſeriæ placeant, nullôque pretio: Eccleſijs, libertati, ac Sacerdotum bono ſe miſerum eſſe, quæ ſi aliorum exemplo Regiæ voluntati prodat, cedâtque; paratas ſibi opes, dignitates, Principis gratiam, fortunamque priſtinâ florentiorem: hæc omnia parvo conſtare, obſequio videlicet, & uno calami tractu; idem fore, ſubſcribendi, & florendi momentum: arbitrio ſuo ſtare, miſſer eſſe an felix velit, Eccleſijs tamen aulæ, prædæque relictis; & quantum hoc mali, ſi aliorum ſententiæ, preces, & exempla ſpectentur? ſed averteret Deus hanc mentem, non Epifcopi hæc vota, ſed latronis eſſe. Vitam ſe cupere, ſi honeſtis conditionibus poſſit; ſi non poſſit, honeſtiùs moriturum, futuro poſteris exemplo, quid Epifcopos deceat.

Hæc Archiepiſcopus dicebat flagrante vultu, & Martyrem ferente, geſtu intrepido, ac libertatem ſpirante, & quem Reges timerent juxta amaréntque: jam Patres commiſeratione tangi tam indigna, & inviſtè patientis: ſed penitus eviſti ſunt, cum tabulas, quæ conſuetudines Regias continebant, ſinu expromens, oſtentânsque indignanti ſimilis, dolentique, adjecit: *En, Patres, ſervitutis veſtra ſatale decretum: hic compedes, hic catena, & flagella ſunt, & quicquid mancipijs debetur: ſubite jugum, & cervices inſedite, libertate proſcriptâ: ſpoliari vos, cadique, & proſanis tribunalibus aſterni Lex Anglicæ jubet: nec vocibus licentia, nec lacrymâ eſt: ferro, ignique vel gemitus puniunt: hujus ego delicti reus, & compertus ſum: huic exilium meum, & naufragia, & rapinas debeo, crudelitate adhuc parca, & ſolum preludie: mox ſanguis, & ſecures micabunt; vos interim ſententiam edicite: licuic Epifcopo tacere tam indigna, tam atrocia videni? Ultimas has voces inter lacrymas dixit, nec ullus ferè in eo conſeſſu fuit, qui ſletu temperaret, (a) præſertim*

(a) Alan. l. 2. c. 11. Quibus perleſtis moti ſunt omnes uſque ad lacrymas, &c.

serim ubi lectæ consuetudines ; tunc enim ab omnibus concla-
matum , & constantiæ Archiepiscopi etiam ab ijs applausum , qui
maximè damnaverant. Ipse Alexander primò exandescere , ac
nimiam Archiepiscopi conniventiam accusare , quòd suo assensu
eas consuetudines iuvisset, Ecclesijs sædissimâ servitute oppressis,
postea placari , summisque laudibus ejusdem constantiam efferre,
qui solus in acie perstaret , & tanto rerum omnium , ac vitæ con-
temptu Regios moraretur. Sic eâ die discessum , nec ampliùs du-
bitatum , non Archiepiscopi tantum , sed totius Ecclesiæ causam
agi , nec ab illo severitate , ut quidam putaverant , sed indulgentiâ
peccatum. Sequenti die revocati in Senatum Patres , ac tha-
lamo interiore accepti. Ingressus Cantuariensis dejecto vultu , la-
crymisque perfuso , se malorum omnium , quæ Angliam turba-
bant , auctorem profiteri ; quippe tantæ Dignitati , & curis eam
comitantibus se imparem esse , & aulæ potiùs , cui assueverat , quàm
Ecclesijs natum : nec se id ignorasse , cum caput Infulis submitte-
ret : repulisse eas quidem , sed tandem acceptasse urgente Rege ;
quòd Regem ergo Deo prætulisset , utrumque jam aversum expe-
riri ; placandum ergo dimissâ Dignitate , quam sustinere non pos-
set : hoc dudum sibi animo sedisse , distulisse tamen , ne in profa-
nas manus tiaram deponeret : nunc tempus , & locum esse destina-
ta exequendi. Tum annulum digito extractum Alexandro porri-
gens : *Accipe* , inquit , *insignia funesta Dignitatû ; reddo , à quo accepi :*
& olim exuisssem , nisi illi expeterent , quos indignos credebam. In tuas manus de-
pono ; tuum erit Cantuariensi Ecclesiæ sponsum alium deligere ne digniorem , &
minimam feliciorum. Hæc Archiepiscopus pari modestiâ , & fortunæ
contemptu : repetitæ ab omnibus lacrymæ. Secedere jussu cœp-
tum consultari , quid agi oporteret. Non deerant , qui placan-
di Regis obtentu alium Ecclesiæ Cantuariensi destinarent , cæden-
dam esse hanc victimam publicæ quieti , & unius jacturâ redimen-
dum commune naufragium : nec alias Infulas defore. Plerique
nec decorum id esse , nec honestum dicebant , omniumque tandem
eadem sententia fuit , *Phariseis* , ut inquit Alanus , *exceptis.* (a)

VIII. Revocatum ergo Pontifex Dignitati restituit , indidit-
que annulum , adjecit spem meliorum , & interim Pontiniacensi
Abbati

(a) Alanus in V. l. 2. c. 12. Placuit omnibus sententia , præterquam Phariseis , &c.

Abbati commendavit, qui tunc aderat. Ita Sanctus aulam Monasterio commutavit; & ne quid ab alijs differret, Monachum induit, recepto à Pontifice ex rudi lana amictu, quem ipse benedixerat, addiditque ijs, qui deferebant: *Dicite Domino Cantuariensi, quod habitum ei misimus, qualem habuimus, non qualem vellemus.* Adiecit Sanctus à collo ad poplites vestem cilicinam, tum flagella, & inediam, ac lectionem Scripturarum, tanto studio & oblectatione ductam, ut sacros codices vix manu dimitteret. Secuta gravis infirmitas ærumnis, & afflictatione provocata, corpore ad has pœnas adhuc rudi, nec satis exercito; sed hoc Martyrij tyrocinium erat, affluebantque cælestes delitiæ, tantâ animi quiete gaudiôq; ut corpus perfunderent, crederetque exilij oblitum inter voluptates rosâque versari, præsertim valetudine confirmatâ. Sed brevis hæc quies fuit, quam tristissimi ex Anglia Nuntij turbârunt. Furebat Henricus Rex, & sævissimis edictis in Alexandrum Pontificem, & D. Thomam agebat: prohibita ad utrûmq; Appellationes, & litteræ: custodita maria portusque, ne aliquæ ab ipsis Angliam penetrarent: & qui illis faverent, bonis omnibus multati, nullo inter sacras, profanasque Personas discrimine: (a) Denarius S. Petri interceptus, & Regio Fisco addictus: omnes quoque proventus Archiepiscopi ærario illati: & quotquot illum aut cognitione, aut amicitia contingebant, Angliâ expulsi, nullo conditionis, sexûs, ætatisque discrimine. Unde Sancto perpetuum dolendi argumentum, lacrymas suorum & exilia quotidie spectanti. Amicis eos commendabat, præsertim Sicilia Regina, cujus charitate plerique adjuti, ut etiam Syracusarum Archiepiscopi, quibus litteris gratias egit. Pontiniaci biennium degit, ubi & Legati Apostolici Dignitate per totam Angliam ausus est, excepto Eboracensi Episcopatu; quam & tam erecto impavidôque animo exercevit litteris in Angliam ad Episcopos, ipsûmq; Regem datis, pœnisque etiam adjectis in contumaces, ut non exulem illum, sed adhuc florentem crederes, & præpotentem. Pontiniaco litteris

I

ab

(a) Denarius S. Petri erat nummus argenteus ex singulis domibus totâ Angliâ pendî solitus: sublatu est ab Henrico VIII. secuto mox schismate, & hæresi. V. Glossar. du Fresne. De hoc Denario S. Petri non tantum ab Anglia, sed etiam Gallia, Britannia minori, Polonia, & Hibernia dari solito V. Spond. ad. ann. 740. 782. 869. 1045. 1159.

ab Henrico pulsus est, Ordini Cisterciensi extrema minante; quæ cum Sanctus intellexisset, Senonas migravit, Ludovico Rege totum Regnum, ubi hospitaretur, offerente. Senonis magno honore cultus, Regisque impensis sustentatus est. Henricus interim cum Alexandri Pontificis in Archiepiscopum studia intellexisset, vindictæ præceptis Friderico Imperatori per Legatos se adjungit, jubetque Alexandrum toto Regno ejurari: id enim Wilhelmus Saresberienensis in vita testatur, (a) quamvis Henricus, alijque negaverint, id voluntate, multoque minus imperio Regis à Legatis factum, (b) Alexander interea pacem inter Archiepiscopum, Regemque moliri; mutuis enim dissidijs non Archiepiscopus tantum, sed Ecclesia periclitabatur: missi in Angliam propterea duo Legati, Wilhelmus, & Otto Cardinales, qui litem honestis conditionibus finirent; sed id novum dissidijs fomentum fuit. Credebat Archiepiscopus Legatos à Pontifice missos, qui jus dicerent, non qui componerent, & ad æquas condiciones Regis animum inducerent: præsertim Wilhelmum recusabat, quippe auro corruptum, Archiepiscopo æmulum, Regis gratiæ obsequiisque unice adstrictum, & mille alijs titulis gravem; unde in Alexandrum Papam non solum à Divo Thoma amarissimis querelis, sed etiam à Rege Galliæ, alijsque declamatum, quod illi judicandi potestatem fecisset, qui hostis esset, qui pretio conductus, quique insolenter se jactaret, certus non illi causam adjudicare, qui innocentior, sed qui potentior esset. Et quamvis Alexander Wilhelmo Ottonem adjunxisset æqui amantem; par tamen non erat, altero potentiâ, favoribus, clientelis vincente: ut tandem Legatos revocari oportuerit irritâ Legatione, imò noxiâ. Sanctus interea exulem oblitus, Archiepiscopi, Legatique Apostolici partes egregiè implebat, multis, quod bona Ecclesiastica occuparent, nec moniti abisterent, anathemate percussis; inter quos Episcopus Londoniensis, alijque gratiâ apud Regem præcipui: hinc oleum flammæ additum; sed Sanctus innatâ libertate ferebatur, quam Galliæ Regis protectio etiam augēbat. Scripserat is Romano Pontifici rogabatque, ne suâ Auctoritate sententias Archiepiscopi solveret, adjunxitque per Legatos: *Si quâ Archiepiscopum, vel suos tanget, is pupillam*
oculis

(a) Vita S. Thomæ lib. 2. cap. 20. (b) V. Vitam lib. 2. epist. 41. & l. 2. epist. 102.

oculi mei tanget. (a) Nec intra calamum, & nuntios stetit, operi accinctus est tentatâ inter offensos pace. Enimverò jam paraverat Archiepiscopus in Regem Censuras, sed ut fulmen tam excelfo capiti, sereno non turbato cœlo incideret, nec quidquam cœlesti huic igni prophanum misceretur, triduum inter preces, vigiliâsque sumplit, & inter aras D. Virginis Sueffionensis, Gregorij Magni, & B. Dransij pernoctavit; ut videas, quanto apparatu, delectûque vibrandæ sint diræ, præsertim in Regnantium capita, quorum morbi plerûmq; remedijs invalescunt: & Deus fulmini jam cadenti moras opposuit, Regemque lecto affixit. Sanitati redditum Rex Galliæ ad colloquium invitavit, adfuitque Archiepiscopus, alijque utriûsque Regni Magnates ingenti numero; quippe fama præcurrerat, Archiepiscopum in potestate Regis fore; unde omnium expectatio Colossi hujus casum videre cupientium. Stetit tamen, ut eventus docuit, & aliorum spes elusit, aut etiam implevit; malebant enim ex aula non pauci jurgia durare in turbido piscaturi, timebântque, si in gratiam rediret, aut hujus potentiâ, quem adeò provocaverant, aut suismet artibus, si proderentur, caluros. Omnes ergo inter spem metûmque eventus suspenderat.

● IX. Ubi in Regis conspectum Archiepiscopus venit, ejus genibus provolutus est; (b) nam reverentiam libertati conjunxerat, ac vultu, ut Sancti solent, imperterrito juxtâ modestoque: *Adsum, inquit, O Rex, Sacerdotis, & exulis habitu: quod pedibus tuis affusum, quod supplicantiem vides, exulem decuit; præteritorum memoriam nec ego retineo, & tu velim obliteres: si quid peractum à me est, quod Majestatis tue animum movit, Sacerdotis, & Antistiti imputa, quem inivium fecisti: secui, at medentis animo. Jam verò causas, quæ Sacerdotium, Regnûmque collidere, arbitrio, & voluntati tuæ committo: jube ut voles, obsequentem me habebû, fidûmque, ut semper, salvo tantûm honore Dei: hunc solum mei, tuique Dominum excipio.* Infremuit Henricus ad has ultimas voces; nam primas patienter audierat: nec probris, convitiisque temperavit, superbum pertinacem, ingrâtûmque appellans. Tum ad Regem Galliæ conversus, illudi sibi ab Archiepiscopo querebatur; quippe obtentu Divini honoris omnia recusaturum, quæ ejus animo haud sederent: lulum hunc esse, non obsequium. Tum mitigato velut animo, & malaciæ

malaciæ reddito: Multi, inquit, *Regum Anglia minori potentiâ, quàm ego fuere: multi etiam Cantuariæ Archiepiscopi, majori sanctitate, quàm iste; id ergo peto, ut quod minimo Regum Anglia illi præstiterunt, id mihi præstet, qui multis partibus inferior ei est.*

Æquissima videbatur postulatio, & Regi tanquam modestè, ac citra fastum petenti acclamatum est. Silebat Archiepiscopus neganti similis. Cui Galliæ Rex: *Domine Archiepiscope, vis major esse Sancti viri? aut major prudentiâ? quid dubitas? ecce pax præ foribus!* Sed Sanctus sententiæ jam semel, maturæque conceptæ inhærebat, nec aliter Regi pareri posse, quàm *salvo Dei honore*. Hinc omnium a-versi ab illo animi, & in contumelias effusi; quippe ejus pertinaciam obsistere Rege jam parato, & æquissima postulante: ipse Ludovicus consensu equis abitum festinavit, ne compellato quidem, salutari quoque Archiepiscopo; aded indignabatur eum cœpris insistere, nec flecti in conditiones posse, ut quidem videbatur, iustas, quas tamen eventus detexit, & ipse Ludovicus damnavit. Hic enim verò magnanimitas Sancti ad fastigium pervenit, enicuitque omni fortunæ, adversisque superior, & solo Deo nixa; nam prius amicis utcunque sustentabatur, præsertim Ludovico Rege: nunc verò omnia subducta, quæcunque animum levare possent ærumnis gravem. Henricus irâ fervens, & vindictæ accinctus, Ludovicus contemni se ratus, ne quidem alloquium, aut conspectum admittebat, clauseratque ærarium: amici disfluxerant: Episcopi à Rege stabant, lacerabantque innocentem, nec alij magis flammam ventilabant: nulla contra egestatem subsidia, quæ animo verecundo, magnoque, & delictis assueto tanto erat molestior: sed præsertim domesticorum squalor, & desperatio Sanctum agebant sui negligentem, aliorum anxium. Et tamen tot undis agitato, & ultima expectanti tanta securitas, & tranquillitas fuit, ut jocos fortunæ insultaret, & vultum modestâ hilaritate, ac risu solveret. Et verò qui animum partium studiis, & affectibus eximerant, nunquam magis, quàm in hoc fortunæ dissidio Sanctum admirati sunt; nam Senonas eunte itinera populi obsederant, certabantque videre, & digito ostentabant applaudentium more:

(a) *En, inquebant, Archiepiscopum illum, qui in besterno colloquio Deum*
propter

(a) Herib. in V. lib. 2. cap. 26.

propter Reges negare noluit, nec Dei honorem subijcere. Ex Gallijs in Burgundiam cogitabat, sed Deus, cum minimè sperabatur, intercessit, subvenitque. Evocatur ad Ludovicum Regem Archiepiscopus, nec aliud expectabat, quàm leges, & tempus novi exilij. Ut in conspectum venère, sedentem reperiunt, attonito, aut meditati similem, vultuque dolorem testante, quod malo omni vertebatur: aliquamdiu perstitit, demissòque in terram capite nec tacendi finem, nec mærendi faciebat; cum subitò lacrymis, & singultu obortis, profiliènsque genua Archiepiscopi amplexu stringit, nec allevari se passus in hæc verba prorumpit: *Verè Domine mi Pater, tu solus vidisti, nos omnes cæci fuimus, qui contra Deum consilium tibi dedimus, imò ad nutum hominis honorem Dei remittentes. Pæniteo Pater, & graviter pæniteo; ignosce ergo, & ab hac culpa me miserum absolve; sed & Deo, & tibi me ipsum, & Regnum meum expono, & ab hac hora promitto, quòd tibi, vel tuis non deero.*

Hæc inter lacrymas, & singultus dicentem Archiepiscopus absolvit benedixitque, nec prius ille surrexit, pulcherrimo veritatis triumpho; tandem enim veritas erumpit, quidquid illi opponas, vincit cadendo. Ab hoc tempore Sanctus summâ veneratione in Gallijs, & Regiè habitus est. Nec ego magis Ludovicum sacro bello accinctum, & tot triumphis, ac palmis auctum admirror, quàm cum Sancti pedes tenebat. Cæterum quàm magnis rationibus Henrico assentiri Archiepiscopus noluerit, operæ pretium fuerit exponere, exemplo posteris profuturo.

Omne obsequij genus Sanctus pollicebatur, salvo tamen, exceptòque Dei honore: nec Regijs juribus hæc clausula obstabat, semper enim intelligebatur, etsi taceretur; nullum enim contra Dei honorem Regibus jus est; nam ut Regibus populi, ita Reges Deo subduntur; & tamen exprime ea clausula tunc temporis debebat, Rege Ecclesias invadente: alioquin omnia Archiepiscopus cedere videretur, si post tanti temporis certamen Regi omnia postulanti, omnia permitteret. Quæ ergo Regi injuria, ea exprimi, quæ etiamsi tacerentur, observari oportebat? & præsertim eo tempore, quando silentium, unius victoriæ, alterius cladi adscribebatur publico omnium damno? Accedebat Archiepiscopum, cum infulas induisset, fidelitatem Regi promississe, *Salvo honore Sacerdotali*; quo

ritu omnes jurabant Antistites, nullâ Regum querelâ: si ergo Sacerdotalis honor excipi poterat, quantò magis Divinus Rege inoffenso? Nec primus erat, qui pro Ecclesiastica libertate bellum Regibus intulerat; quis enim Ambrosij, Chrysostomi, Basilij agones, & pericula nescit? Et ne Angliâ, & Cantuariâ exeamus, quid Anselmus, quid Landfrancus non egit? Et quamvis non Regis solum, sed omnium ferè Episcoporum, Magnatùmque votis dirisque pulsarentur, vicere tamen veritatis auspicijs, quæ Croci in morem, tunc maximè floret, cùm calcatur. Quod si aliqui ante ipsum dissimulârunt; aut alia correxerant à prioribus intacta, aut posteris aliqua reliquere, cùm omnia non possent; alioquin nullius rei initium fuerit, si exempla semper expectes: & denique non omnia imitationem merentur, quæ à Sanctis patrata; alioquin & adulteria, & homicidia, & perjuria exemplis nituntur: nec Petrus laudari tunc meruit, cùm timuit, negavitque, & timori perjurium addidit; sed cùm Christum professus est, & secures sanguine imbuat, quem poterat silentio redimere; nec Ecclesia connivendo crevit, silendòque; sed clamando, ferendo, & veritatem in plateis, in foro, in templis, aulisque profrendo: nunquam adulatio & silentium Martyres fecit, nec caput Joannis à meretrice sublatum, quia tacuit, sed quia dixit; charus Aulæ dum flagitio pepercit: invisus, exosus, dum notavit, correxitque; tum carceres illi, tum ferrum & secures paratæ, nec alio reus, quàm quòd blandiri noluisse. His artibus Ecclesia crevit, his aucta, his conservari debet. Quod si obtentu indulgentiæ, & pejorum metu omnia Regibus permittas, quæ aut cupiditas suggerit, aut adulantium artes, quid tandem intactum erit, & prædæ inexpositum? qui limites sacram, prophanamque auctoritatem distinguunt? quid Patrum statuta, quid Canones proderunt, tot vigilijs elaborati, tantâ curâ defensi, si regnantium arbitrio solvantur? Imperabit ergo Aula serviente Ecclesiâ, & exemplo, nullis sæculis audito, illi leges præscribent, qui obsequi debebant: illi obsequentur, quorum munus est imperare. Ipsi Antistites, si toti ex aula pendent, non Ecclesijs, non animabus, quarum curam suscipere, sed palatij vacabunt, nec tam infusas virtute quærent, meritòque, quàm gratiâ, & favore: hic thura adolebunt, hic aras statuent, & quod olim

olim Patres suspirabant, in palatio Episcopi, non in Ecclesia fingentur, Sacrorum rudes, imò & pertæsi; quisenim nautam in sicco faciat, aut militem in gynæceo? corruptis verò Episcopis, & mundum, non Christum spirantibus, quem odorem in Ecclesia speres? illi fastum, luxum ac vanitatem rerum humanarum suis Ecclesijs proscribent, quæ animo retinent, & exemplis ostentant? quâ dein auctoritate, quo vultu Reges monebunt, & errantes reducent, quæ omnia Regibus debent, nec aliam, quàm blandiendi adulandique artem in palatijs dedicere? non est hoc Pastorem, sed Musicum agere, cantare non regere.

At, *inquiunt*, irritandi non sunt Principes, & aliquid connivendum, pejorum metu. Cæterum qui hæc dicunt, nec satis intelligunt, quæ sint boni Pastoris partes: nec tam Regibus consulunt, quàm propriæ timiditati commodisque, quæ si auferas, nulla ipsis de Regibus cura. Imperat Deus Sacerdoti: *Clama, ne cesses, quasi tuba exalta vocem tuam.* Isti tacere volunt, nec tubâ, sed cytharis ludere. Denuntiat Deus Episcopo: (a) *Fili hominis, speculatorem dedi te Domui Israhel; audiens ergo ex ore meo sermonem, annuntiabû eis ex me. Si me dicente ad impium: Impie morte morieris, non fueris locutus, ipse impius in impietate sua morietur; sanguinem autem ejus de manu tua requiram.* Si ergo ad Episcopum pertinet, Speculatorem esse, & excubias agere, hostem eminus visum denuntiare, ac buccinâ prodere; cur isti cæcum, mutumque volunt, & ad omnia Principum scelera conniventem? Miseram Civitatem tam otiosis, timidisque excubijs! qui ne buccinæ strepitu dormientes turbent, hosti interim produnt, perduntque indulgendo.

At *Principes irritandi non sunt.* Omnino, nisi irritari illos oporteat, alioquin perituros; tunc enim necessitas loquentem, & amor absolvit; nec, quod illi irascantur, monentis est culpa, sed indignantis. Et verò quis medicum excusat, idèò remedijs, ferroque abstinente, quia gemit, dolebitque infirmus? an præstabat morientem, quàm gementem videre? quod in animarum Regumque Medicis tanto verius est, quorum morbi, & funera æterna sunt, & exemplis grassantur. Quanti Principes Theodosius, Arcadius, Valentinianus, aliique, quorum imperia non uno tantum

(a) Ezechiel. 33.

tantum angulo continebantur, sed totam ferè Europam, magnamque Africæ Asiæque partem occupabant? nec tamen istorum potentia, iræque Ambrosium, Chrysostomum, Basilium morabantur, ut flagitia non liberè arguerent; & quamvis ægriè audirentur recente adhuc plagâ, ubi tamen sanati sunt, & Medicos laudârunt, & posteritas venerata est. Quis non crederet Ambrosij, & Justinæ conflictu casuram Italiam? stetit tamen, & vicit, proscriptâ hæresi, deletâ Imperatrice; placato Augusto, & triumphante Episcopo; hic fructus assertæ veritatis; nam si metu impendentium malorum, quæ Augusta minabatur, dissimulasset Ambrosius, & hæresi Italia patuisset, & ipse momentaneâ pace, ac Principum gratiâ, æterno apud posteros dedecore laborasset: eadem Chrysostomi, & Anselmi fortuna fuit, quibus breve certamen, & exilium, sed æterna gloria assertæ libertatis. Falluntur ergo, qui Ecclesiæ pacem simulatione, astu, turpique conniventia querendam putant; non his artibus Ecclesia crevit, nehis artibus servanda est, sed fortitudine, constantiâ, & adversorum patientiâ; quæ omnia cessant, si Principibus obsequi velis etiam iniqua imperantibus. Pax ancillæ cum Petro fuit, quando Christum negavit, velatâ perjurijs veritate: at ubi istum professus est, bellum cum Nerone habuit, aulamque irritavit, & vitam in cruce absolvit. Quis jam verò præ isto bello illam pacem elegerit? Ergo præferendum est bellum pro veritate, & justitia susceptum, turpi, ac inhonestæ paci, quæ tandem in servitutem desinit. Enimverò si Sacerdotes, quorum curæ libertas Ecclesiarum commissa est, vires sociarent, & veritatem Principibus edicerent, facile audirentur, innatâ sacrorum reverentiâ; at verò cum ipsi Sacerdotes Principi blandiuntur, & quæsitis obsequijs gratiam mercantur, tacentque veritatem aut spe, aut metu corrupti: imò vera monentes in odium adducunt, id solum est, quod Principes obdurat, redditque inaccessos, imò securos, dum istorum autoritate, & consilij muniuntur: & planè Athanasio, & Chrysostomo nullum majus certamen, & perniciēs, quàm ab Episcopis, fuit, qui aulas implebant; isti faces incendio, isti bello subdebant, spolijs prædisque intenti. Si verum ergo fateri volumus, tota ferè Principum culpa in Sacerdotes redit.

Hæ sunt

Hæ sunt ferè rationes, quas varijs in locis (a) Sanctus Archiepiscopus adducit, ut ostendat, se postulatis Henrici Regis in ultimo colloquio subscribere nequivisse, easque eventus probavit; nam tandem illum à sicarijs extinctum, & Henricus deflevit, fatalisque consuetudines ejuravit, quas Sanctus ferre non poterat: & omnium Angliæ Galliæque votis absolutus est; damnati verò, qui ei obstitant. Deus ipse tot miraculis ad ejus tumbam patrat, & publicâ totius Ecclesiæ veneratione verum Pastorem fuisse ostendit, quique animam suam posuerit pro ovibus suis; alios verò mercenarios, & venientis lupi umbrâ perterritos fugacesque. Illam verò rationem præcipuè Sanctus urgebat, videlicet: *Non simulatione, non ingenio regenda est Ecclesia, sed iustitiâ, & veritate, quæ se observantem liberat ab omni periculo.* Et delicta Regis tam multa, & magna erant, nullòque pudore admissa, ut nec excusari, nec ferri possent, nisi omnium offensione, & publicâ Ecclesiæ clade. Toro quinquennio Archiepiscopo exulante, bona Cantuariensis Ecclesiæ, exulùmque occupaverat: in Sancti amicos tantâ crudelitate sævitum, ut plurimi morte, alij omnes exilio punirentur: nulla venia ætati, aut etiam puerperis data, alij cunis, alij lectis in exilium ferebantur: Landavienfis, Herefordiensis, Eliensis Episcopatus Fisco adscripti: Landavensis Ecclesia militibus prædæ data. Bangorensis decennio vacavit, & fructus Regi cessere: Clerici nullâ sacrorum reverentiâ carceribus addicti, aut membris truncati: alij oculi effossi, ad duellum acti, alij superstitionis ignis, & aquæ quæstionibus subiecti. Quæ omnia cum palàm essent, nec ea Rex corrigeret, solis pollicitis, & spe contentus, dissimulari ab Archiepiscopo non poterant, multò minus probari. Et tamen, quod vix posteritas credet, nec finem mirandi faciet, Episcopi omnes tam iniquis postulatis assensere, imò, ne errasse viderentur, patrocinati sunt.

X. Nihil interim Alexander omittebat, quo Regem emendaret; cum epistolis nihil proficeret, quartâ Legatione Henricum fatigavit: primâ Wilhelmus, & Otto Cardinales functi sunt, sed paulò post revocati, quòd nimia indulgentiâ in Regem uterentur, aded ut is palàm jactaret: *Se Dominum Papam, & omnes Cardinales habere in bursa sua, seque consecutum esse privilegium Avi sui, quierat Rex, Legatus Apo-*

K

tus Apo-

(a) V. lib. 2. epist. 28. & epist. 30. & lib. 4. epist. 14. & lib. 2. epist. 46.

tus Apostolicus, Patriarcha, Imperator & omnia. (a) Wilhelmus præsertim palam Regifavebat; hinc frequentes in Alexandrum quere-læ, cujus fama laborabat improbitate ministri: alij ergo in Angliam missi primis revocatis; ij erant Gratianus E. R. Diaconus, Eugenij Pontificis Nepos, & Vivianus Archidiaconus Urbis Veteris, pietate & doctrinâ conspicui. Summa mandatorum erat: *Muneribus abstinerent in dētiā necessarijs sumptibus, nisi pace obtentā: pax verò equa esset, Ecclesia, & Archiepiscopi juribus illibatis: dum compositio ageretur, abstinerent interim censuris, omnique severitate, qua Regem abalienare, morari-que possent. Idem observaret Archiepiscopus, conderetque ferrum, dum spes aliqua sanitati affulgeret: pace verò ad diē S. Michaëlis non secutā, liberum ei esset, obstinatum ferire, & Regnum Interdicto subijcere.* Hæc Legatis mandata, Rege interim omnia moliente, ut Sanctus Cantuariensis Ecclesiā moveretur. Ludovico supplicavit, ut Regno ejiceret; cui regiē responsum est: *Si Anglo tanta cura esset suarum consuetudinū, quamvis Deo adversantium; multo magis Gallia consuetudines sibi cordi esse, qua misero afflic-tisque, & præsertim Sacerdotes justitia causā proscriptos semper sinu receperat.* Mediolanensibus marcarum tria millia promissa; Cremonensibus duo millia; Bononiensibus, & Parmensibus mille, si Alexandrum permoverent, ut Cantuariensem aliō transferret. Ipsi Pontifici pax cum Imperatore, omnium in Anglia vacantium Episcopatuum collatio, Romanorum, qui tumultuabantur, subiectio, & tandem marcarum millia decem promissa; sed Pontifice immoto, flectique nescio minæ successerunt. Morrandini Turcarum Principis societatem, & Religionem se potius amplexurum, quā ut hunc hominem Cantuariæ, & in Regno videret: adēd Henricus odio flagrabat, ut animum demitteret ad tam indigna, si non potius hæ Legatorum minæ, quā Regis imperium fuit. Respondit Alexander: *Non ideo se impium esse posse, quia Rex perire velit.* (b) Legati humaniter à Rege accepti, quamvis Alexandri litteris offenso. Ubi de pace agi cœptum, varij, multique conventus indicti, sed frustra, Rege semper alio, jam pacato, jam offenso, jam pacem offerente, jam revocante, & minas frequenter miscente; quod cū more suo aliquid faceret, Gratianus Legatus Romanē, impavidēque respondit: *Domine, noli minari, nos enim nullas minas timemus, quia de tali*

(a) V. lib. 1. epist. 179. & lib. 2. epist. 58. (b) Vid. lib. 2. epist. 66.

ali Curia sumus, quæ Regibus, & Imperatoribus consuevit imperare. (a) Inter alias pacis conditiones illam præsertim Rex urgebat, ut videlicet Archiepiscopus sponderet, se officio quidem suo functurum, *Salvâ tamen dignitate Regni.* Aequissima videbatur conditio rem non intelligentibus: sed eam Legati rejiciebant: nam per dignitates Regias, consuetudines illas notabant olim damnatas, addebantque: si nomine Dignitatis Regiæ jura Regum, & Coronæ intelligerentur olim à Regibus Angliæ possessa, nihil litis superesse, nec ea Archiepiscopum morari, paratûmque jurare, imò jam olim jurâsse; cæterûm eo nomine abusus celari, Ecclesiæ toti, nec tantûm Angliæ fatales: mirum esse, Regem, qui nuper hanc formulam ab Archiepiscopo propositam repulerat, videlicet: *Salvo Dei honore*; jam aliam velle minùs necessariam; an ergo Rex præ Deo esset? aut si non esset, cur honori suo parci, non Dei vellet? aut ergo omitti eam formulam velut capciosam debere, aut exprimendum, quænam illæ Regiæ dignitates essent, quarum curâ adeò premeretur? Quòd si neutrum placeret, illud saltem promitteret, aliam, parèmq; formulam adjici, quæ Ecclesiam æquè ac Regem protegeret, videlicet: *Salvâ Ecclesiæ libertate.* Hâc enim nihil Regibus adimi, sed ea tantûm Ecclesiæ dari, quæ aliàs deberentur.

Justa erat postulatio, ac plena honestatis; quid enim æquius, quàm ut Regis juxtâ Ecclesiæque dignitati caveretur? à Regijs tamen admissa non est, & idèò Legati desperatâ pace Regno excelsère, non idèò tamen abstinebat Pontifex, sive beneficiorum, quæ à Rege acceperat, memoriâ, sive spem omnem necdum consumpserat, sive, quod vero propius est, verebatur Regem aliàs indomitum, & in extrema promptum ad defectionem urgere, parcebat ergo, sperabâtque: tertiam interim Legationem adornat, & litteras, quas Legati ferebant, minis aspergit, ac initium Quadragesimæ ineundæ paci præscribit: alijs tamen secretò datis Regem orat, monètque, & paternâ charitate demulcet, utque magis devinciât, interdicit Archiepiscopo, ne in Regem Regiòsque potestate suâ utatur, nisi pace compositâ; quæ causâ illi fuit rem in longum trahendi, ludendique Pontificem ostentatâ semper pace, ut nunquam factâ. Parisijs Reges Angliæ, Galliæque conven-

(a) Vide lib. 3. epist. 6.

runt; adfuit Archiepiscopus, Legatorum, aliorumque Episcoporum, ac Ludovici Regis monitu nihil omisit, quo placari, molliri-
 que Rex posset: flevit, rogavit, procidit, juravitque, nihil se
 charius, aut antiquius habiturum Regis obsequio: etiam Regni
 consuetudines servaturum, quantum tamen per conscientiam
 liceret, & Dei Leges paterentur; verba Archiepiscopi hæc sunt:
*Pro pace Ecclesia, & gratia Regis promitto, me consuetudines illas, quas Sancti
 Antecessores mei Regibus suis servaverunt, salvo ordine meo servaturum, quantum
 secundum Deum possum: & faciam pro amore ejus recuperando, quidquid possum,
 salvo honore Dei.* (a) Quid amplius posset? At Rex tam æqua in-
 dignatus, colloquium abruptit, discessitque: epistolas verò Pon-
 tificis, quas secretas volebat, & cum pompa ostentabat, insulta-
 batque Archiepiscopo potestate suâ minuto: hinc in Alexandrum
 omnium ferè calamî, & linguæ provocatæ; querebantur enim
 (b) innocentem Archiepiscopum non deferi tantum, sed etiam
 ludibrio exponi, obstinari verò Regem indulgentiâ, & beneficijs
 importunè oblati: quæ omnia Alexander excusavit malitiâ tem-
 porum, & pejorum metu: (c) revocavit tamen gratiam Anglo
 concessam, & abusu corruptam; nec tamen desperavit, quartâ &
 ultimâ Legatione expugnando Regi admorâ: eâ perfuncti sunt
 Episcopi Nivernensis, & Senonensis, & Archiepiscopus Rotho-
 magensis; ijs mandatum, Regem permoverent: Archiepiscopum,
 aliisque exules Anglia redderet: Ecclesijs ablata restitueret: consuetudines Eccle-
 siasticæ libertati adversas, & fomitem discordiarum aboleret: Episcopos, qui illis
 subscripserant, juramento liberaret: & denique intra dies quadraginta finis liti-
 bius esset: aut Rege abnuente, Provincia Cismarina, ubi is morabatur, Interdicto
 subjacerent: & si obstinari pergeret, eandem sententiam expectaret, quam Frideri-
 cus Imperator. Hoc ultimum Regem fregit, coronæ suæ auxilium, &
 exemplo Friderici pavidum; pacem ergo festinavit.

XI. Locus feriendæ paci destinatus, pratum fuit, amænif-
 simum quidem, sed malo omine proditorium appellatum. Ubi
 venientem Archiepiscopum vidit, caput aperuit, exiliitque in
 amplexum, & loqui parantem ne admisit quidem, prævenitque:
 postea mutuis colloquijs, & gaudijs perfuncti soli in partem sece-
 dunt,

(a) Vide lib. 4. epist. 8. (b) V. lib. 4. epist. 14. x. 22, 23, 25. 28. (c) Vide lib.
 4. epist. 16. 17. & 51.

dunt, & quod olim solebant, dum amicitia flagraret, diu multumque fermocinantur: & cum Archiepiscopus equo desiliret Regem veneraturus, ejusque pedibus advolveretur, ipse stapedem tenuit, coegitque in equum: articulos etiam pacis, quales Alexander præceperat, subscripsit, signavitque; quæ omnia tanto amoris, & humanitatis sensu peracta, ut immortalitatem promitterent, plerisque, qui spectabant, gaudio, & admiratione defixis, ac etiam lacrymantibus. Paulò post in Gallias redijt, Ludovico Regi, quo tam benigno, liberalique usus fuerat, grates relaturus: nec navigare in Angliam volebat, nisi quæ Ecclesijs ablata erant, prius redderentur; nam Henrici levitatem verebatur: sed victus amicorum precibus, post septimum exilij annum, sub noctem solvit, tenuitque Angliam: nec deerant, qui manifestis indicijs ei mortem præcinerent, nec ipse dissimulabat, (a) litteris ad Alexandrum, & Henricum datis, quæ ultimæ fuerunt.

In litus cum amicis expositum globus militaris excepit, à Londoniensi Episcopo immissus, & videbantur vim illaturi, nisi metu accurrentis populi prohiberentur; ut enim navim, quæ Archiepiscopum ferebat, cruce insignem, & paulatim littori succedentem videre, continuò affluere, in genua procidere, gaudia, lacrymæque miscere, qui benedictionem præriperent certare, & denique Pastorum tot victorijs, palmisque auctum inter festas acclamationes excipere; nec ipse triumpho suo impar heroem potiùs, quàm exulem agebat, oculis firmis, ac jam Martyrem spirantibus, vultuque impavido, & fortunam ridente; modesto tamen, hilarique. Ut Cantuariam pervenit, repetiti à Clero & populo plausus: crederes Angelum non hominem adventasse, adeò omnia gaudijs, acclamationibus, campanis, organisque strepebant: vexilla, crucisque obviam progressæ. Ipse ut in Ecclesiam pervenit, toto corpore, & brachijs in crucem explicatis procubuit; tum singulis Monachorum, qui Ecclesiam impleverant, osculum fixit, ac tandem in Palatio quievit.

XII. Sed brevis serenitas fuit, Eboracensi Archiepiscopo novam tempestatem ciente; urgebat istum flagitiorum conscientia, timebaturque pace cum Rege factâ, bellum sibi, & promeritas pœnas

(a) Vid. lib. 5. epist. 54. & 73.

à Cantuariensi imminere, festinabat ergo prævenire; nec deerat falsis criminationibus color. Querebatur Episcopos Regniq̃ue Primates censuris à Pontifice percussos esse, idque instinctu Cantuariensis navigationem parantis; ijs verò non tam Episcopos, quàm Regem peti, cujus illi causam egissent, & lateri perpetuò hærent: & contemptum augeri, absolutione toties petita, negatâque: addebant, insensum esse Henrico Principi, omnesq̃ue vias moliri, eum folio exturbandi. Incendebant Regem hæ voces, aliàs ardentem, rediitque odium adhuc gliscens, nec satis nuperâ pace extinctum: ac tandem cùm celari amplius non posset, palam erupit; dolebat, suspirabatque, ac toto vultu mœror spectabatur: amicis causam quærentibus, sæpe in hæ voces prorupit, quæ Sancto mortis causam attulere: *Cum uno, inquebat, Sacerdote pacem in Regno meo habere non possum, & nemo vestrum me vindicat!* Quæ verba imperantis potius videbantur, quàm dolentis, & pro imperio ab illis accepta, qui mortem Archiepiscopi optabant. Condictum ergo à quatuor è primaria nobilitate aulicis in ejus necem. Ipse invicto semper animo, & timoris experte, die, quâ Natale Christi agebatur, Cathedram conscendit, dixit ad populum, & mortem, quam revelatione didicerat, prænuntiavit, ac missionem à suis petijt; id tantâ eloquentiâ factum (quam etiam perorantis lacrymæ augebant, & aura quædam æternitatis vultui, verbisque infusa) ut templum lamentis, querelisq̃ue audientium personaret. Ubi silentium redijt, non jam lacrymanti & morituro similis, sed judicem induens, gravi, severâque voce in eos, qui nollent ablata restituere, investus, anathemate, & diris percussit; erant plerique Henrico chari, & in aula præpotentes. Tum sacris perfunctus convivio assedit, hilari, solutôque animo, ac vicinæ morti insultans. Quarto post die, cùm sicarij nuntiarentur, & omnes fugam suaderent, ipse gravi, lentôq; gradu, & velut per otium in Ecclesiam processit, fores, quas alij metu occluserant pandi jussit, armatos excepit, blandêque allocutus est: ac tandem cùm vibrari gladios cerneret, oravit, cervicem inflexit, & manibus ante pectus junctis primum vulnus recepit; tum in genua procubuit, ac tandem in faciem repetitis vulneribus: non gemitum, non querelam emisit, nec aliud dolentis, timentisve argumentum edidit: & quod miraculo videntibus fuit, corpore jam exangui,

exangui, & tot plagis lacero eadem venustas, idémque color duravit, somno potiùs, quàm morte solutum diceres. Ultima ad sicarios verba fuère: *Ego pro Deo meo paratus sum mori, & pro assertione iustitiæ, & Ecclesiæ libertatis. Quod si caput meum queritis, prohibeo ex parte omnipotentis DEI, ne in aliquo noceatis, sed sint immunes à pana, sicut extiterunt à causa.* Et paulò post. *Deo, & Beata Maria, & sanctis hujus Ecclesiæ Patronis, & Beato Dionysio commendo meipsum, & Ecclesiæ causam.* Nec ultra locutus est, aptavitque ferro cervicem; crederes licarium provocasse commoditate feriendi. Calebat adhuc cadaver, & miraculis abundabat, festinante velut Deo ostentare Martyris innocentiam. Inter alia illud quoque notatum, cum funus Choro inferretur, & pompam, præcèsque funebres explevissent, elevatâ placidè manu, velut gratias obsequio relaturum adstantibus benedixisse, tum resedit, & tumulo illatus est. Vulgatâ ejus morte, dici haud potest, quantum ubique luctûs, & querelarum non Angliam solum, sed universum ferè Occidentem impleverit.

Alexander Papa repetitis nuntijs ex Anglia, Galliâque, ubi necem Archiepiscopi audivit, aded turbatus est, ut toto ostidio publico abstineret, ne suis quidem ad colloquium admissis; Angliæ Legatos, qui purgando Regi advenerant, nec videre sustinuit; tandem Cardinalium hortatu, post dierum quindecim moras, & præsertim quoddam Henricum promitterent imperata facturum, duo ex Legatis, Abbas videlicet Wallaciensis, & Archidiaconus Lexoviensis auditi sunt, Episcopis Wigornienfi, & Ebroidensi, aliisque exclusis, quoddam suspecti haberentur. Cum Henricum nominassent, aded Pontifex solo nomine inhorruit, exarsitque, ut velut ex condicito ab omnibus clamaretur: *Sustinete, sustinete.* Quippe detestari Regem videbatur, & ne ferre quidem de illo dicentes, ubi tamen Regem innocentem, & quidquid imperasset, facturum esse intellexit, utcunque placatus est, & diras Regi paratas in eos convertit, qui sancti Archiepiscopi necem quovis modo juvissent. Legati dein in Angliam missi, qui causam examinarent. Constabat parricidium Rege non solum ignaro, sed etiam dolente peractum esse: enimverò nuntiatâ ejus cæde, stupenti, & attonito similem amici viderunt, cum lacrymis ac squallore sordidum, & Regiam lamentis complentem nullâ majestatis curâ.

Triduum

Triduum latuit, caruitque cibo, & hominum alloquio, omnis solatij, quod molliendo dolori adhibebatur, impatiens, credebantque voluntariâ morte periturum vitæ fastidio, & pudore admissi sceleris, quamvis se ignaro, invitóque. Juravit etiam tactis sacris Codicibus, contra animi sui sententiam cædem Archiepiscopi paratam, & ejus morti plusquàm parentum suorum illacrymatum se esse: consuetudines recens à se inductas abolevit: antiquas moderari ad præscriptum Romani Pontificis promisit: Sacram militiam ad triennium, nisi Alexandro aliter videretur, professus est: ducentis militibus annum stipendium numeravit trecentis in singulos aureis: adjectæ occultæ abstinentiæ, & largitiones in pauperes, preces, & alia expiando parricidio, cujus ipse non causa quidem, sed occasio fuit, crebris in Archiepiscopum querelis; quæ tantâ modestiâ, & pœnitentiâ à Rege alioquin feroce, & iræ immodico accepta sunt, ut Legatis Cardinalibus hæc diceret: *Ecce Domini Legati, corpus meum in manu vestra; sitote pro certo, quòd quidquid jusseritis, seu proficiscendi Hierosolymam, sive Romam, sive ad S. Jacobum, vel quidquid sit, paratus sum obtemperare.* (a) Tum Templo eductus, flexisque ad limen genibus absolutus est. Sicarii adedò omnibus exossi, ut in angulo Insulæ laterent, nullo omnium consortio; imò nec canum quidem, qui porrectas ab eis escas averfabantur; nec triennio supervixere. Qui primum ictum vibraverat, brachium, totumque corpus tabe absumptum est; alij Romam, & Hierosolymas peregrè profecti sunt, & silvis, ac speluncis abditi flagitium luxere perpetuis lacrymis, donec, ut dixi, finirentur. Plerique verò amicorum, & Sancto exilij comites ad præcipuas dignitates provecti sunt: Hubertus Lombardus Romano Pontificatu nomine Urbani III. potitus, Heribertus sacrâ purpurâ donatus est, Joannes Saresberienfis Carnotensem, Robertus Filioth Herefordiensem, Reginaldus Lombardus Herefordiensem, Ghirardus Conventriensem, Gilbertus Rossensem Episcopatus adepti sunt, alij alias dignitates. Sed Divinæ justitiæ necdum satis litatum erat. Fatale inter Reges Patrem, Filiûmque odium exarsit, & odio par bellum; & Patrem quidem plerique deseruerant, ac Filium sequebantur, potentiâ, armisque Galliæ Regis, cujus Filiam duxerat,

(a) Vid. lib. 5. epist. 88.


rat, succinctum. Consilium ergo cepit Martyrem placandi, ejusque tumbam adeundi; cui Northmanniam, aliasque Provincias ab hoste infestas liberandas reliquit: ipse mare ingressus est, appulitque; ubi in conspectum Ecclesiæ Cantuariensis venit, abjectis regijs insignibus, nudusque pedes processit; eratque spectaculum retrò sæculis invisum, cernere Regem tot victorijs felicem, & cum exercitus duceret, hostibus suis formidandum, delicijs, annisque florentem, nudatis nunc pedibus, & luto squallidis, oculis solo defixis, ac lacrymas depluentibus, lineoque tantum amiculo seminudum corpus velante, tacitum trementemque plateam metiri; quo spectaculo tota Civitas in lacrymas fluxit. Ubi Ecclesiam subiit, eam diem noctemque inter preces consumpsit, somni cibique expertem: scapulas etiam plagis subiecit, quas ab Episcopis quinas accepit, à Monachis verò duas super octoginta: consuetudines illas, quæ materiam incendio præbuere, penitus abdicavit: ac tandem Sacris, quæ in memoriam Martyris peracta sunt, adfuit summâ animi pietate, ac demissione; quo ipso momento Scotiæ Regem inter præcipuos Henrici hostes, florentissimis copijs cinctum, pauci ejus milites palantesque ceperunt. Secuta eodem anno pax, & res totâ Angliâ composuæ, non dubio Martyris auxilio. Quis jam non crederet propitium, placatumque Numen tot poenis aut immissis, aut sponte susceptis? nec tamen vindictæ satis. Duo ejus Filij immaturâ morte sublati, inter quos Henricus primogenitus; cum tertio usque ad mortem bello conflixit, cui etiam diras imprecatus est: ipse tandem, si Rogerio credimus, felici, & paratâ morte, ac peccatis confessione, sacroque epulo positus, extinctus est: alij misere defunctum volunt. Illud certum est, ab eo tempore, quo adulantium artibus corrumpi cœpit, & cum Archiepiscopo collidi, vertisse fortunam, & perpetuis malis, domi, forisque conflatum esse. Et hic quidem tam longi certaminis conflatus fuit: cui enarrando equidem immoratus sum, quòd Regalia illi exercendo materiam suggesserit. Ubi simul Ecclesiasticæ libertatis egregium specimen luxit. Atque ut tunc in Anglia, ita hæc tempestate in Gallia pari ferè causâ, & iisdem momentis, similique acie pugnarum fuit: non Galliæ suus Thomas, non Alexander, non Londoniensis, non Eboracensis Episcopi defuere:

paria exilia, parésque ærumnæ, & si sanguis defuit, lacrymæ compensârunt. Quantis in Angliâ rationibus, aut potius insidijs pugnatum est, ut Ecclesiâ Aulæ serviret? quantis mendacijs actum, ut veritatem, & justitiâ opprimerent, uno tantum Archiepiscopo nixas? Et hunc arrogantia, fastûs, prodicionis, pertinaciæ, imprudentiæ, peculatûs, ac ut nihil calumniæ deesset, læsæ Majestatis accusârunt, imò & effecerunt, ut talis crederetur; quippe innocentiam fastidimus, cum misera est, & idèd gravis. Et quid tandem tanto mendaciorum apparatu factum? ut proscriberent, ut exosum Principi redderent, ut occiderent? omnino: sed non idèd victores; cecidit ille, & veritati sanguine litavit, ac tunc primum in palmas effloruit: tunc innocentia erupit, tunc veritas agnita, tunc Deus, & Ecclesiâ causam decidit, ista gultu, ille miraculis: abolitæ consuetudines, calumniæ proditæ, persecutores pœnitentes, & puniti, Rex ipse odia veneratione, & amore commutavit, & sic vicit innocentia. Exadverso Londoniensis, & Eboracensis Episcoporum memoria, qui tunc aulam gubernabant, abolita est, nec aliter ipsos posteritas, quàm ut sacrilegos, & impostores notabit. Quòd si sanctus Archiepiscopus aulæ cessisset, turpique obsequio brevem illam, & fallacem pacem omnique bello pejorem redemisset, & ille Martyris gloriâ, & Ecclesiâ pulcherrimo exemplo careret. Falluntur ergo, qui ut pacem Ecclesijs suis, aut potius sibi concilient, eas Principum voluntati dedunt, & ne prælio quidem tentato signa submittunt. Non hæc Apostolorum, aut Martyrum militia est, quibus à Deo mandatum: *Ecce constitui te super gentes, & super Regna, ut evellas, & destruas, & disperdas, & dissipes, & plantes. Tu ergo ne formides à facie eorum. Ego quippe dedi te hodie in civitatem munitam, & in columnam ferream, & in murum æreum super omnem terram Regibus Juda, & Principibus ejus, & Sacerdotibus, & Populo terræ, & bellabunt adversum te, & non pravelebunt, quia ego tecum sum, ait Dominus, ut liberem te.* (a)

Cæterum ut in D. Thoma insigne fortitudinis exemplum, ita in Pontifice Alexandro constantiæ, & prudentiæ habemus: quot ille omnium Principum, imò sancti ipsius querelis pulsatus est, quòd Regem anathemate non feriret? Et cum tamen cuncta-

retur

retur meliorum spe, ac peiorum metu, quàm acerbè in aulam con-
clamatum? *Roma* nullum innocentibus jus dici, nec asylum veritati, sed poten-
tia dari; vincere, qui plus auro, non iustitiâ valeret: Pontificem tot precibus,
Legationibus, & litteris in Angliam missis quid aliud effecisse, quàm ut ostenderet
contemni se posse, & patrocinia innocentibus data intra verba consistere, obstinato
interim Rege, & Alexandrum semper minantem, & nunquam ferientis habitu ri-
dente. *Roma* omnes misereri, neminem succurrere, & idè tot malis à Deo premi,
quod oppressis non subveniret. Hæc palam, & ab omnibus dicebantur,
qui Angliam fulminari volebant, sed immoto Alexandro; qui
cum hæc severitate, & Regem perdi videret, cogique in defectionem,
nec tamen Archiepiscopo subveniri, maluit ferro abstinere,
& ægrum si non sanare, at saltem nec perdere. Quod quàm pruden-
ter ab Alexandro factum sit, exemplum Henrici VIII. Angliæ
Regis postea docuit, tot lacrymis deploratum, & necdum deletum.



§ IV.

INNOCENTII XI Pontificis Maximi, contra
Regaliæ abusus Decreta, & curæ; & quàm im-
merito ab aliquibus notata;

SUMMARIA.

1. *Multa in Gallijs Ecclesia Decreto Concilij Lugdunensis, & quatuor seculorum beneficio à Regalia libera, idq; Episcopi Galli agnoscunt, & tamen Edicto Regio subscribunt, & quas ob causas?*
2. *Soli Episcopi Alectensis, & Apamiensis causam sustentant ab alijs metu desertam, quod ipsorum testimonijs ostenditur. Apamiensis exilium, & mors.*
3. *Vicarijs ab Apamiensi Capitulo electis alij à Tholosano Archiepiscopo oppositi, sed nullo jure. Nova, & sæva persecutio.*
4. *Alia in Monasterio Carronensi turba.*

s. Romani Pontificis in tot malis cura, & remedia male à quibusdam accepta, & quæ ob causas? quæ sigillatim refelluntur.



I.

EAm supra ostendimus, Concilij Lugdunensis Decreto cautum fuisse, ne Jus Regaliæ ad eas Ecclesias proferretur, quæ hætenus ab hac servitute immunes fuerant; gaudebantque Ecclesiæ hæc nativâ, & canonicâ libertate annos ferè quadringentos, quot videlicet decurrerunt ab anno MCCLXXIV. quando Concilium Lugdunense celebratum est, usque in annum MDCLXIII. cùm Regis Edicto omnes totâ Galliâ Ecclesiæ huic oneri subjectæ sunt. Neque hoc ipsi Galli dissentunt; cùm enim anno MDCLXXXI. mense Majo Episcopi aliquot convenissent, & futuro generali Conventui ad proximum Octobrem materiam agendorum pararent, unus & præcipuus inter alia hæc Episcoporum nomine locutus fertur: *Jus Regaliæ servitutem esse, quæ præsertim, collationes Episcoporum quod atinet, imponi nisi ab Ecclesia, ejusque consensu non possit, semper nobis persuasum fuit; & ideo cùm Concilium Lugdunense Regaliæ, ubi hætenus invaluerat, tolerandum esse duxerit; ad eas verò Ecclesias, ubi hætenus insueta, extendi omnino, & sub pœna anathematis gravissimè interdixerit; sequitur, ut nec ille hanc ipsam servitutem recusare debuerint, quæ hætenus eam tulerant; illa verò, quæ hætenus naturali, & canonicâ libertate fruebantur, justissimè usque in annum MDCLXXII. ferre renuerint.* (a) Ubi vides fateri Galliæ Episcopos, quorum nomine loquebatur, Jus Regaliæ servitutem esse, nec eam aliâ, quàm Ecclesiæ auctoritate imponi potuisse: ab hac verò Regalia immunitatem, fructum esse canonicæ, & naturalis libertatis, quâ quadringentis annis Ecclesiæ, ubi hætenus contraria consuetudo non obtinuit, gavisæ sunt: quæ omnia quàm verè à Gallo sint dicta, jam supra abunde ostendimus, nec animus est repetere. Hanc ergo Libertatem Edictum Ludovici Regis submovit; quod licèt novum, & Galliæ hætenus invisum, non tamen obscurum fuit, quorum consilij id suggestum, peractumque. Erant in aula,

qui
(a) V. la lettera indirizzata ad un Vescovo dell'Assemblea dic 8. August. 1681. f. 5.

qui Principis gratiam quovis pretio parabant ; & quia potentia , gloriaque , ac proferendæ dignitatis avidum cernebant , facile captari poterat , ijs propositis , quæ huic cupiditati blandirentur : tantòque magis , si victoria nec armis , nec auro constaret , & bellum indiceretur vinci volentibus . Ecclesiæ ergo Edictis petita , & quòd Majorum exemplis ea res careret , tantò magis Principem invitabat omnes retrò se Reges vincere festinantem : accedebant in eos , qui maximè videbantur oblectaturi , privata odia , unde criminandi , vindicandique occasio ; & denique si hæc omnia abessent , quæstus urgebat ; Rege enim ad majora intento , alijs Sacerdotia dispensandi cura dabatur : in istos ergo præmia , favores , & clientelæ redibant , magno potentia , opumque incremento : & cùm publica utilitas obtenderetur , privata quærebat , quod postea eventu patuit . Cæterum velandæ cupiditati rationes passim quæsitæ , ac omni colorum genere , ut Principi placerent , ornata ; & pronum erat fallere , armorum potius , aulaque , quàm Canonum , & Ecclesiæ gnarum . His ergo artibus Edictum illud prodijt , quo omnes totâ Galliâ Ecclesiæ , & in provincijs etiam recenti bello quæsitis , Regaliam admittere jubebantur , adjectumque , ut electi Antistites intra duos menses à præstito fidelitatis Sacramento litteras à Rege obtinerent , quibus claudi Regalia inciperet , & proventus Episcopis cedere : litteræ verò in tabularia Cameræ Computorum referrentur : cæterum Episcopi jam olim electi tenerentur hæc ipsa solemnitate defungi . Hæc novæ servitutis professio fuit ; nec alibi , quàm Parisijs edi poterat , magno quidem Episcoporum incommodo , sed non minori eorum emolumento , qui Regaliæ præerant . Varijs in Gallia animis , & foris non minori expectatione Regium hoc Edictum acceptum est ; necdum enim memoriâ exciderat , sæpe id in aula tentatum , sed nullo eventu , Clero Gallicano semper oblectante , & semper victore ; nec minoribus jam animis pugnaturi credebantur , quippe eadem in causa , & libertatis Gallicanæ , quam Pontificibus toties objectabant , memores ; ac Rege , si veritatem doceretur , æqui amante . Cæterum vana expectatio fuit . Plerique jugum accepere , querebantur tamen , dolebantque se invitos cogi , & Notarios , ac testes adhibebant , qui , ne libertati suæ id quidquam noceret , in Tabulas referrent , misero inanique solatio

perditæ Libertatis! Capi, vinciri volumus, & hoc ipsum chirographo testamur; id tantum scribite, liberos nos esse. Recusârunt alij, sed tamen Capitulis suis permisere, ut Regaliæ subscriberent; perinde ac si nulla Pastoris culpa esset, si ejus non imperio quidem, sed permissu oves errâssent; (a) si enim Regaliam suis Ecclesijs imponi justè crediderant, cur ergo ipsi abnuebant? si injustè, cur, ut Canonici id facerent, patiebantur? Enimverò non minus in animarum, quàm militum Ductore eadem, parisque momenti culpa est, facere, & non prohibere, cum possit. Sed Regalistarum importunitas Beneficia, fructûsque raprantium effecit, ut qui istorum gratificationibus liberari vellent, jugum subirent, sædâ quidem, sed utili servitute.

II. Duo tantum Episcopi Regijs Edictis obnixi sunt, Aletensis videlicet, & Apamiensis; & primò quidem omni reverentiâ, & obsequio certatum est, demonstratâ Ecclesiarum immunitate, quam & Concilij Lugdunensis auctoritas, & annorum supra quadringentos decursus firmaverant: sed cum in aula non rationibus, sed imperio ageretur, & soli ipsi certarent, reliquo agmine aut victo, aut composito, nihil effectum est: nec idè cessere; nunquam enim adducti sunt, ut subscriberent, imò vibratis censuris, edictisque propositis procul Regalistas arcebant: Romam etiam inclamârunt, commune Episcoporum asylum, cum periclitantur. Sed quid facerent soli? imò hoc illis crimini dabatur, quòd causam ab omnibus desertam soli sustinerent. Ergo omni malorum genere exerciti, nullâ ætatis, quæ jam provecta erat, nullâ virtutum, quâ præcipuè florebant, nullâ dignitatis reverentiâ; nec alterius culpæ postulabantur, quàm quòd Ecclesias suas, ab hominum memoria, & decreto Concilij Lugdunensis ac ipsorum Galliæ Episcoporum testimonio liberas, nollent in servitutem rapi; imò nec poterant velle, quippe Concilio Lugdunensi enixè id ipsum verante: quid ergo facerent? Regi potius, an Concilio obedirent? omnino sic illis visum, quibus delitiæ, & quies, ac Principis gratia præ Libertate fuit: nec quid Ecclesijs, ac cælo, sed quid mundo deberent, cogitantibus: quid ergo facerent, si secures, & flammæ, & alia tyrannorum instrumenta sævirent? illi sanguinem funde-

rent,

(a) M. de Pamiers fol. 177.

rent, qui vocibus pepercere ? & Neronibus, ac Decijs veritatem edicerent, ante Regem Christianissimum muti, pavidique ? agnovisse enim Galliæ Episcopos, nullo jure Ecclesias gravari, soloque offendendi Regis metu, Regaliam admisisse, ipsorum confessione, & litteris Innocentij Summi Pontificis, palàm est, sic enim loquitur : (a) *Animadvertimus litteras vestras à metu ordiri, quo suavis fore nunquam Sacerdotes Dei esse solent, & in ardua, & excelsa pro Religione, & Ecclesiastica libertate vel aggrediendo sortes, vel persciendo constantes: timuistis ergo, ubi non erat timor, &c.* Et infra. *Nobis excusationem allaturi verum à vobis actarum exaggeratum periculum, ne Sacerdotium, & Imperium inter se colliderentur; proinde existimasse vos, ad officium vestrum pertinere utili condescensione Canones temperare; proinde vos jure vestro decedentes, illud in Regem transulisse.* Hic planè agnoscunt Galliæ Antistites, non potuisse Regaliam universam, & ad omnes Ecclesias extendi, nec istud ad Regni, & coronæ jura, ut aulæ videbatur, pertinere; alioquin nec dispensare illos, nec jure suo cedere oportebat; nemo enim jure alieno cedit: nec Reges, ut jure suo utantur, dispensatione egent.

Illud mirum fuit, nec hæcenus auditum, ut Episcopi in causa dispensarent, tot, ut supra vidimus, Concilij, & ultimo Lugdunensi prohibita. An ergo potestas illis est, Decreta Conciliorum universalium solvendi ? & qui Pontificem Romanum Concilij subesse volunt, ipsi Concilij se præferunt ? dispensatio enim ad Superiorem pertinet.

Nec alià in re tanti momenti dispensandi causa, quàm vanus offendendi Regis metus, & præclara illius de Ecclesijs merita. Regem ergo injustum faciunt, impiumque, qui justitià, & veritate offendatur, nec Antistites ferat officij sui, ac juramenti memores; supponunt ergo Regem ignavià tantum, & adulatione, ac sacrilegio placari, quo nihil indignius de Rege tam justo, tot virtutibus, ac facinoribus claro dici potest. Neque hoc remunerari Principem fuit toties de Ecclesijs, & bene meritum; non enim remuneratur, qui perdit blandiendo; illud potiùs remunerari erat, si errantem revocassent, ostenso præcipitio, in quod perversis consilij agebatur, tenuissent lapsurum: nisi fortè tanti Regis animam minoris, quàm corpus, & sanitatem ducant, negligantque curare, quia

(a) Breve Innoc. XI. ad Galliæ Episcopos Anno. 1682. die 11. April.

quia æternitati perituram. Quanta Davidis in Regnum, & Ecclesiam merita? num ideò celari adulterium, & conniveri homicidio debuit? num poenæ abscondi, ne quietum, & securum turbarent? imò quia amabat, quia fidus erat, & gratiam bene merenti referre properabat, ideò explicatè, impavidèque monuit Propheta, terruitque lethargo periturum: *Tu es, inquit, ille vir: Uiriam percussisti gladio, & uxorem illius accepisti in uxorem tibi, & interfecisti eum gladio filiorum Animon; quamobrem non recedet gladius de domo tua in æternum, &c.* Idem spiritus, idem amor, & libertas Joannis Baptistæ fuit: bene Herodes de illo merebatur, qui libenter dicentem audiebat, & eo audito multa faciebat. Num ideò incæstu, & adulterijs fœdo pepercit? aut non potiùs rogavit, monuit, ac tandem cùm aures flagitio clauderentur, nullo Regis, nullo meretricis metu, amore, ac potentiâ ferocis, quantâ potuit voce inclamavit pereuntem: *Non licet tibi habere uxorem fratris tui.* Non ergo benemeritos remunerant, qui connivent, præbentque nocitura, sed qui negant. Sed nec minùs admirari illas voces, aut horrere juvat, cùm dicunt: *Jure nostro decedentes illud in Regem contulimus.* Vos ergo Ecclesiarum, quæ vobis creditæ sunt, arbitri, & Domini, non custodes, & tutores estis? earumque jura, ac privilegia, ut metus aut cupiditas fuerit, in alios transfertis? hoc nimirum jurastis, cùm infulas acciperetis, & vos mortem potiùs subituros, quàm, ut Ecclesiæ libertatem proderetis, spopondistis? Quo ergo jure transferre potuistis, quæ nec vestra sunt, nec vobis commissa alijs donanda, sed tantùm custodienda? Vobis ergo, vestræque voluntati Concilia, & Canones subsunt, imò fides, & juramenta, & Ecclesiarum Libertas, ac disciplina, quam, ut liberit, Principibus, & Laicis submittitis, ac interim Romanum Pontificem tam indigna respicientem, per Conventus, & Decreta monetis, ut Canones custodiat. Ergo, ut dixi, reliquis omnibus terga vertentibus soli Aletensis, & Apamienfis Episcopi in acie perstiterunt, & quoddam causam Ecclesiæ impigrè suscepissent, omni ærumnarum genere vexati sunt, Rege aut ignaro, aut falsis eorum criminationibus, qui privatis studijs agebantur, prævento; nam Jansenismi, novarumque rerum, & contemptæ Majestatis accusati sunt, cùm tamen non aliâ culpâ laborarent, quàm quòd nollent novæ servituti succumbere, nihilq; æque.

æquè illos angebat, quàm quòd viderent, Beneficia titulo Regaliæ perinde ac si Ecclesiâ vacâset, indignis conferri; quæ pœna nova omnino erat, & nunquam audita: nec tam Episcopos, quàm Ecclesias, Deumque spectabat, ingenti animarum clade. Quippe Episcopus Apamiensis Canonicos suos sub' Regula D. Augustini ad illud vitæ genus reduxerat, quod in primitiva Ecclesiâ olim florebat, abdicatis videlicet patrimonijs, & nullâ temporalium curâ. Toti ergo in animarum salutem, & virtutes incumbebant eâ professione dignas; nec major alibi, quàm in ea Ecclesiâ ardor sanctitatis. At verò Antistite rebus suis spoliato, alij ex delectu Regij Confessarij catervatim irruebant, non animarum, sed honoris, quæstusque avidi, quique assumptâ tesserâ, *biliarij societatis*, ludis, epulisque, & amatorijs cantibus noctes ducebant, ac illis ipsis, qui eos delegerant, pudori erant. Ergo, ut dixi, nova hâc, nullisque sæculis auditâ pœnâ non tam Episcoporum culpæ, si quæ fuerant, quàm Ecclesiæ plestebantur, & majori animarum, quàm facultatum damno; crevitque malum Episcopi morte. Is ærumnis confectus est, cùm prius ad Regem litteras dedisset, quibus rogabat, monebátque, pulcherrimo Libertatis & reverentiæ temperamento.

III. Expletis funebribus, & corpore in sepulchrum illato, Capitulum convenit, & Vicarios Generales, dum novus Episcopus optaretur, Daubaredum, & P. Rech elegère. Daubaredus cùm Archiepiscopum Tholosanum convenisset, humaniter acceptus est, permissusque officio fungi: datæ etiam ad Regalistas litteræ, quibus monebantur, ut contenti præventus accipere, sacris officijs in Ecclesiâ Apamiensium abstinerent, ne materia novis tumultibus præberetur: quod cùm illi neglexissent, adessentque Vesperis, Daubaredus defuncti Antistitis vestigijs, & exemplo inhærens, censuris obstinatos perstringit, nec multò post exilium illi, & carceres decreti, imperio Regis. Eadem fortuna Recho fuit. Is ad Aquas Augustas (vulgò Acqs) relegatus haud procul Burdigalâ; quò cùm pervenisset, ad carceres raptus est à Præfecto Aquitanix, tamque inclementer habitus, ut ne panis quidem suppeteret, præter buccellas à militibus mendicatas. Cerles Capituli electione Daubaredo suffectus est; sed isto velut usurpatæ potestatis ab ijs

accusato, qui nuper anathemate percussus fuerant, Archiepiscopus Tholosanus Fortassinum quendam suum eleemosynis præfectum Vicarium Generalem, ac Officialem jubet. At Cerles libello palam proposito dignitatem suam vindicare, Archiepiscopo injustitiæ notato; quippe nullum Metropolitano in Diœcesin vacantem jus esse, nisi Capitulo aut negligentia, aut malitiâ delinquente. (a) Neutrum verò contigisse: aut si quæ esset, vocandas partes, causamque, & factas Vicariorum electiones examinandas fuisse, pro quarum valore jura præsumant, nisi contrarium probetur: nunc verò nec vocatis partibus, nec exploratâ causâ, electiones subverti, electos turbare, & alienos, ignotâque submitti, sicque Ecclesiam Apamiensem recentibus adhuc lacrymis, viduamque, novo schismate funestari: niti Archiepiscopum, ejusque sententiam vanis rationibus, & ab adversario suggestis, videlicet, invalidas fuisse Vicariorum electiones; quippe Regalista quodam (b) præterito; cæterum hunc nominatim excommunicatum fuisse, tanto censuræ neglectu, ut ne absolvi quidem curâset: prætereâ neque ex numero Capitularium esse, quippe alterius instituti socium, & Canonicorum Regularium vitam ne Tyrocinio quidem expertum; non ergo ad Conventum Regularium vocari debuisse, nec ejus absentia electiones irritas fieri. Hæc à Vicario Apamiensi tantâ ratione dicebantur, ut negari haud possent; & planè Archiepiscopum Tholosanum movère, ut Fortassino suo personam adimeret, tam malè in theatro comparentem: quæsi tamen colores, artésque aulis notæ celando pudori; cùm enim exilia, carceres, prædationes, equitum turmæ, & quidquid in hostes parari solet, nullo sacrorum Ordinum, & Canonicorum, ac sexûs discrimine admoverentur, & reos faceret vel sola amicitia defuncti Antistitis; Fortassinus velut tædio ærumnarum, & quoddam coactum se diceret, Vicariatu abijt: ipsæ sacræ Virgines oblatum à Fortassino Confessarium recusarunt, *nalle se*, dicentes, *semel in anno ad Ecclesiæ præscriptum expiari, quàm ignoto, intrusoque subijci*: tanto majori dedecore, quoddam à fæminis, & ideo procul vindictam. Fortassino solum verrente, novum à Parlamento Parisiensi decretum, quo Canonici Apamienses intra triduum convenire, & viduæ Ecclesiæ Vicarium

(a) cap. Ecclesiæ. de suppl. negl. Prælat. in 6. junctâ Gl. (b) Vulgò M. sc. Juge.

rium dare jubebantur, nisi facerent, Metropolitanum suppleturum: nec multò pòst Tholosanus Archiepiscopus refcribit: *Quia ex Parlamenti præscripto Canonici Apamienses non convenissent, nec Vicarium vacanti Ecclesia dedissent; se vires negligentium supplere, & Episcopum Leonensem Vicarium destinare.* Recusavit Leonensis, noluitque implicari tam fœdo operi; cùm enim ad Episcopatum Apamiensem multò Leonensi opulentiozem nominatus à Rege esset, jam se itineri Parisios accinxerat, viamque inierat, ignarus videlicet omnium, quæ Apamijs contigerant. Ubi ea intellexit, iter continuò vertit, recusavitque generoso contemptu insulas tam indignè jactatas. Cùm ergo Vicarij alij deessent, is, qui crucem Archiepiscopo præferre solebat, Vicarius datur, perinde, ac si ejusdem momenti res esset crucem præferre, & Ecclesiam regere. Cæterùm tam inconcinnè hic ludus agebatur, sive is casus, sive imprudentia fuerit, ut nemo risu temperaret, artificio nimis patente. Jubebantur Apamienses Canonici intra triduum convenire, cùm tamen constaret aut inclusos, aut proscriptos esse, totamque Galliam exilijs implere; qui ergo convenirent? & tamen velut neglexissent, novis à Tholosano Vicarijs eorum Ecclesia gravabatur, exauctoratis, quos nuper, validèque elegerant; ligati ergo, retentique jubebantur incedere, & quia non poterant, pœnas dabant, velut contumaces, inertesque. Quid rogo apud Americos Brasiliâsque fieri poterat in clementiùs? & tamen factum est aliud, quod nulla Posteritas crederet, & Gallia factum inhorruit. Johannes Cerles Capituli electione Daubaredo, & Recho Vicarius successerat, nec dubitari poterat, quin legitimus esset, Tholosano, ut vidimus, nullo jure obnitente, accessitque Romani Pontificis confirmatio, Tholosanum intentato anathemate prohibentis, ne quietum turbaret; at hoc ipsum, quod remorari tantum Præsulem debebat, multò magis accendit. Scribit Parlamento Tholosano, ut in Cerlen, ejusque pertinaciam inquirat, eumque eâ pœnâ plectat, quæ alios exemplo terreat, & obedienciæ moneat. Nemo dubitabat ijs verbis ultimum supplicium innui; nec tamen aliâ culpâ gravabatur, quàm quòd innocens esset, & juramenti Ecclesiæ suæ, ac Pontifici Romano præstiri memor, retinensque; omnes ergo judicium recusabant, in quo aut damnari innocentia, aut offendi Tholosanus deberet. Addun-

tur aliæ, & ferociore litteræ, quibus ignaviam, morâsque incusabat, urgebâtque judicium festinari. Territi Judices, & dicta sententiæ dies. Adfuit Archiepiscopus, & vultu minaci, ac funesta promittente aulam investus, vehementi oratione in Vicarium Apamiensem declamavit, eo digresso, omnium votis damnatus ad mortem est. Ferunt ex judicibus unum assurrexisse, & his verbis collegas allocutum: *Nemo deinceps magnam timoris vim, mirâmq; esse negaveris: ecce enim, quem omnes innocentem creditis, omnes damnatis!* Nec clementior executio fuit, cum enim Vicarius aut lateret, aut dilapsus esset, ejus simulacrum paleis, & centonibus suffultum, & nequid ludibrio abesset, religioso amiculo testum plastro imponunt, totâque Civitate circumducunt, & tandem eo loco, quo puniri solent malefici, aut laqueo, aut gladio finiunt: nihil poterat Londini, aut Genevæ sævius fieri; sed omnia superabat, Religiosum, & Sacerdotem plecti accusante Archiepiscopo: nec facile potest exemplum reperies; hætenus enim veniam reis impetrare, non urgere supplicium, Episcopis mos erat, nisi fortè plus in hominem innocentem, quàm reum licebat, & quodd Romæ absolutus esset, delictum onerabat. Additum sententiæ fuerat, ut effigies Joannis Cerles magni Vicarij, Apamijs, alijsque præcipuis Ecclesijs eodem supplicio afficeretur, quod etiam factum: illud Apamijs contigit memoratu dignum, ut videlicet Licitor Apamienfis nocte intempestâ cum uxore aufugeret, ne se tanto facinore implicaret; adeo ultimæ etiam sortis homines pudebat tam indignæ sententiæ.

IV. Hæc in Gallijs, & præsertim Tholosano Archiepiscopatu agitabantur; quibus ab Archiepiscopo Parisiensi non dispar infortunium acceperat. Caronæ Vico agri Parisini Monasterium visitur: illic sacræ Virgines degunt, Congregationis B. Virginis Ordinis Canonicorum Regularium S. Augustini, Auctore Petro quodam Fourier ejusdem instituti viro, & notæ in Lotharingia pietatis. Earum aliquæ bellis Lotharingiam vastantibus in Belgium migrarunt, ubicum Aurelianensi Ducissæ insigni morum innocentia placuissent, eandem extincto Richelio Cardinali in Galliam comitatæ, haud procul Parisios confedere; illic suis sumptibus Monasterium Ducissa erexerat, (a) & dote instruxerat, impetra-

(a) Anno 1643.

impetravitque ab Alexandro Pontifice, (a) ut Magdalena quædam eidem Monasterio perpetuò præesset; quamvis ex Regulæ instituto triennio tantum durarent, & Matris non Antistitæ nomine; sed adjecta conditio, ut extinctâ Magdalenâ gratia finiretur, & triennales Matres, electæque Virginum suffragijs redirent. Sed quod fieri amat, ea gratia alias incendit, ut eadem potiri velent. Magdalenâ morte sublatâ, alia quædam (b) Ordinis D. Benedicti obtentu Regij chirographi, & favore Archiepiscopi Parisiensis, Monasterij præfecturam occupat, prævenitque electionem, & interim Romæ agit, ut Diploma obtineat, quo ad solutiorem ordinem transire possit, & Antistita confirmetur: ambitioni necessitas prætexta, collapsas Monasterij facultates reparandi. Romæ utrumque negatum, nec diu post vivis excessit. Videbatur Libertas eligendi reddita; cum subito eodem Regis, & Archiepiscopi favore nixa alia quædam (c) ex Cistercio irrumpit, servis, epulis, pompæque insignis: nec Matris nomine contenta, Abbatissam se ferens; hanc quoque instaurandæ Oeconomix, frugalem scilicet, parcâque sumptuum, necessariam dicebant, nec aliam toto ordine reperiri. Sed cum Romæ impetrari Bullæ non possent, ingenio certatum est, ut Antistita esset, & perpetua quidem, non tamen diceretur. Jubet ergo Archiepiscopus, officio fungeretur, dum Bullæ Româ venirent; at certum erat, nunquam venturas Pontifice invito: sæpe Archiepiscopo, Parlamento, Regique à sacris Virginibus supplicatum, sed nunquam auditæ: diu cum intrusa luctatæ sunt, dum tandem effractis foribus, & vi adhibita, magna cum sæcularium manu Monasterium irruit, sacris Virginibus aras amplexis, & Amazonem averfantibus. Hæc ubi Romam pervenire, non potuit Romanus Pontifex Innocentius XI. se Patrem oblivisci, datoque ad afflictas, oppressasque diplomate, libertatem eligendi reddit, (d) omnique obedientiâ in ferocem illam armatâque Antistitam solvit.

Hæc ferè sunt, quæ ab Anno MDCLXXIII. usque in annum MDCLXXXII. contingere; quæ quanti momenti sint, quâque Ecclesiasticam disciplinam, & immunitatem offendant, vulnerent-

M 3

que,

(a) Anno 1657. (b) Madama di Quervend. (c) Angelica le Maître. V. Regale Sacerdotium. fol. 13. (d) Anno 1680.

nihil attinet dicere, se ipsis enim clariora sunt, quàm, ut exponi debeant, & fortè in locis Catholicæ Religioni sacris nihil simile antiquitas vidit, saltem nihil pejus. Nova, gravisque servitus Ecclesijs imposita; termini, quos Universalè Concilium posuerat, submoti: anathemata, quæ idem Concilium infixerat, contempta: quatuor sæculorum possessio, quæ pessimam etiam causam tueretur, turbata: Canones Sacri, imò totum Concilium Lugdunense prophanis tribunalibus adstare jussum, ibique ut Parlamento videretur, causam dicere: Episcopi nec clementius, quàm si prophani essent, habiti, nullæ ætatis, sacrique ordinis reverentiæ: in Clerum verò, Deique servos velut in plebem, prædâ, exilijs, carceribus sævitum; putâsset antiquas persecutiones fervere, nisi quoddam in istis plus sanguinis funderetur, in illis plus dedecoris. Illud verò quale spectaculum fuit, Sacerdotem, & Proepiscopum coram sæculari Magistratu ab Archiepiscopo accusatum, & quamvis innocentem omnes agnoscerent, damnatum, percussumque Carnificis manu? nam quoddam simulacrum, non ipse reus ceciderit, nihil flagitium mitigavit, infamiæ pœnam supplente. Additæ Sacrarum Virginum vexationes, adempta electio, Regulæ turbatæ, intrusa invictis Antistita, claustra, forèsque violatæ, migrationes ad laxiores ordines permittæ, quæ tamen omnium consensu soli Pontifici Romano reservantur, ejusdem Pontificis monita, minæque insuper habitæ, & denique in Conventu Parisiensi omni retrò Antiquitati, Canonibus, Concilijsque etiam Generalibus bellum indictum, perinde, ac si paucis Episcopis jus esset totam Ecclesiam turbandi, evertendique quatuor propositionibus, quæ Concilia Generalia exemplo, & doctrinâ stabiliverant, nec aliâ ratione id factum, quàm ut Pontificis curas, à quo paternè monebantur, aliò averterent, bello domi accenso.

V. Suspirabat ad hæc Romanus Pontifex, & tempus, quod dolori supererat, quærendis remedijs aptabatur. Dissimulatum diu, si fortè, ut fieri solet, malum dilatione, moraque languesceret; neque hoc ignaviæ, aut timoris, sed providentiæ fuit; quædam enim silentio curantur, præsertim ubi pudet fecisse. Sed cum malum ingravesceret, additæ paternæ monitiones, quæ Regi, & Episcopis rei enormitatem ostenderent, & par animæ periculum,
nisi

nisi abfisterent: & quamvis eæ litteræ spirarent libertatem Pontifice dignam, & omni fortunâ majorem, tantundem amoris addebatur, temperatâ Majestate: cùm nec istæ proficerent, aliæ secutæ minis permixtæ, nec tamen nimix: rescissa acta, appellationes receptæ, Rex officij, & exempli Majorum admonitus, Episcopi objurgati, quodd Ecclesiæ causam deseruissent, timore, ut ipsi fatebantur, & conniventia victi, & denique, quæ pro Regalia decreverant, obliterata, quippe metu expressa, & supra Episcoporum potestatem. Quid minus fieri poterat, post tam multa, indignèque commissa? Sed clementia Pontificem morabatur, & spes meliorum, præsertim Rege non suo, sed aliorum consilijs errante; & tamen ausi sunt aliqui tam benignum, parcèque severum, nimix severitatis postulare, nec alia causa fuit in ultimo Parisijs Conventu, ejus auctoritatem, si possent, exarmandi, quàm quodd nimis minacem crederent, an potiùs credi vellent quæsito aut vindictæ, aut impunitati colore? Cæterùm quàm injustæ querelæ fuerint, facile constabit, quæ à nobis dicta sunt, animo reputanti. Conferantur solùm, quæ Romæ, quæque in Gallijs agitata sunt, & quanta hic moderatio, illic, ut modestissimè loquar, impetus fuerit, patebitque, utra pars materiam querendi habuerit, quæ plagam intulit, an quæ accepit? Regaliam, ejùsque substantiam quod attinet, nihil Episcopi opponebant Innocentio Pontifici, imò nec poterant, iisdem enim principijs nitebantur: *Regaliam ex tolerantia Ecclesiæ, non jure aliquo Regio provenire: esse servitutem canonica, & naturali Ecclesiarum libertati oppositam; & idèd à Concilio Ludunensi ad loca, ubi hæctenus inoleverat, restricta, nec extendi à Regijs posse, sed solo Ecclesiæ consensu.* (a) Hæc, inquam, etiam Galliæ Episcopi fatebantur, ut videre est ex illis, quæ in Conventu paucorum Episcoporum primus Commissarius Parisijs disseruit: & in alio pleniore Conventu, ubi Regaliæ, ejùsque extensioni subscriptum est. In epistola ad Romanum Pontificem data, hæc inter alia Episcopi habent: (b) *Existimavimus ad nostrum officium pertinere, aliquam inire rationem tollendi de medio gliscienti dissidijs; nulla* verò

(a) Conventus Paris. Majo Anno 1681. habitus. Breve Innoc. XI. ad Episc. Galliæ circa fin. Regale Sacerdotium. fol. 32. Lettera ad un Vescovo dell'assemblea Generale del Clero di Francia. 10. Aug. 1681. fol. 5. (b) V. Breve Innoc. ad Episcopos Galliæ die 11. April. Anno 1682.

verò apparuit commodior utilis condescensione canones temperandi; propter ceteros jure nostro decedentes, illud in Regem transfulimus. Ubi aperte supponunt, Regaliæ extensionem canonibus prohiberi, eaque jura Episcoporum violari, quibus tamen cedere Episcopi velint, pacis inter Ecclesiam, Regemque conciliandi causâ. Hæc ipsa fuit, ut supra vidimus, omnium retrò Galliæ Episcoporum sententia, non tantum, qui in Concilio Lugdunensi sedere, quique terminos Regaliæ statuerunt, audiente, nec oblectante Philippo Audaci, (qui nunquam id passus esset, si Regaliam sui juris credidisset) sed omnium aliorum, qui semper Parlamentis Regijs, cum proferre hoc jus vellent, obstitere, viceruntque. (a) Ergo, ut diximus, substantiam Regaliæ quod attinet, Romæ Galliæque una sententia Episcoporum fuit, nisi quod isti Parlamento, Regique cesserunt, siue is metus, siue obsequium fuit. Totum ergo certamen circa modum, formam procedendi scribendique vertebatur, & quædam alia, quæ Vicarios Apamienses, & Sanctimoniales Caronenses spectabant; nam Galli, cum acie victoriam desperarent, manipulos, & impedimenta carpebant.

Querebantur: Romanum Pontificem nec vocato, nec audito Tholosano, Vicarios a Capitulo Apamiensi electos confirmasse, & qui deinceps eligerentur, confirmaturum spondisse: eundem diru percussum non observatis formis, quæ hujusmodi penitus præmitti in Gallia solent: ejusdem Tholosani jura in Ecclesiam Apamiensem aut diminuta, aut impedita, Vicarijs, quos elegerat, in ordinem redactis, alijsque, quæ decreverat, Roma abolitis. In negotio quoque Sanctimonialium Carona Papam festinasse sententiam omisso medio, nec Archiepiscopo præmonito: debuisse ex præscripto Concordatorum Judicem in paribus delegari, non Roma sententiam siniri: sic etiam ejusdem Monasterij Matrem Roma confirmatam esse, non Parisijs: imò Archiepiscopum ejus loci Ordinarium præteritum fuisse: ergo non regia viâ, sed per abrupta Roma procedi. Sed & nimis pronas Pontificis aures esse excipiendæ querelæ: narratum Roma, creditumque Carona fractas Monasterij fores, & Anistitiam armis, ac vi induclam: sed id vanissimum esse: id potius mirandum, Pontificem Romanum rebus maximè debitum minutijs detineri, ac rixu seminarum onerari, tanto fastigio indignis; Confessarij hæc curas, non Pontifici esse. Hæc Parisijs, & Tholossæ dicebantur, non quia vera,

(a) Clerus Gallicanus Parlamento Regaliam extendere volenti obstitit Anno 1577. & Anno 1583. & 1606. & 1608. & 1629. & 1655. V. M. de Pamiers à fol. 37.

vera, sed quia aulæ grata. Addebant aliqui: aliud esse Pontificis Personam, aliud Dignitatem; hanc omnis culpæ expertem, & supra omnem venerationem: illam naturæ humanæ conditionibus, & nebulis affici: ignorantia, affectibus, privatique studiis tangi, & ideò sicut errori obnoxiam, ita nec semper oraculi loco esse. Sed facilis hæc omnia responsio. Archiepiscopum Tholosanum nec vocari, nec audiri oportuit, re aliàs clarâ, & quam ipse fatebatur. Constabat mortuum Episcopum Apamiensem, Capitulum intra octo dies convenisse, collatisque suffragiis Vicarium Ecclesiæ dedisse: constabat etiam alios Vicarios à Tholosano suffectos: nec minus certum erat, nullo jure id ei permissum, nisi Capitulo aut malitiâ, aut ignaviâ cessante, sed neutrum contigerat: quæ enim ignavia, cum continuo elegerint? aut quæ malitia, cum optimos? nec alterius culpæ à Tholosano postulabantur, quàm quòd aulæ, & Patronis Regaliæ displicerent. Cum ergo omnia constarent, & ipse fateretur, quid vocari illum, audiri que oportebat? & fortè nec vocatus responderet; nam & litteras à Pontifice acceptas nec responso dignatus est; quid ergo interrogares non responsurum? dedecori parsum: præsertim cum ejus calamo uteretur, qui objurgando Pontifici eloquentiam suam probabat; tanta illi modestia! Sed & Archiepiscopus Fortassinum, aliosque Vicarios suffecerat, nec vocato, nec audito Capitulo Apamiensi; quæ ergo verecundia fuit, velle Pontificem ijs legibus obstringere, quas ipse respuebat? Sed & illud fabulæ, & ludo propinquum: querebatur hoc Pontificis Decreto Ecclesiam Apamiensem Vicariis destitui, qui Viduam gubernarent; & interim Vicarios à Capitulo legitime electos persequeretur, movebaturque officiis, imò morti addicebat, cunctantibus judicibus conscientia præpeditis. Cujus ergo culpa erat, Ecclesiam Vicariis carere? Tholosani legitime electos persequentis, an Papæ eosdem tutantis? Quòd verò Pontifex rescripserit, *se, quos Capitulum eligeret, deinceps confirmaturum*: pari æquitate nitebatur; cur enim non posset promittere, quod poterat facere, imò quod tenebatur? Tholosano enim non tantum electos non confirmante, sed etiam persequente, quis alius præter Pontificem confirmaret? nam si qui alijerant, Tholosano adhærebant in aula præpotenti: & si jus Ecclesiæ Apamiensi Vicarios

statuendi ad Tholosanum devolvebatur, Capitulo negligente; quantum magis jus confirmandi ad Pontificem redibat, Archiepiscopo, aliisque non solum negligentibus, sed etiam odio iraque flagrantibus? Nihil ergo æquius fuit, quàm Pontificem Archiepiscopo, si non præferre, at saltem æquare, & jus devolutionis quod huic, etiam illi præstare, eo solum discrimine, quodd Pontifex summo jure id peteret, Archiepiscopus nullo. Quod de Archiepiscopo diris percusso dicebatur, somnium erat, aut potius juris malè intellecti ignorantia; Pontifex enim non infligerat censuras, sed tantum intentaverat, nec præterita, sed futura memorabat: verba Brevis Apostolici sunt: *Distribui, & in virtute sanctæ obedientie prohibemus, ne in posterum sub pena excommunicationis, &c.* Quæ omnia excommunicationem significant comminatoriam, non verò actualem, aut latæ sententiæ: quis verò nescit alias esse cautelas, formasque ad inferendam, & comminandam censuram? & veniam merentur aulæ potius, quàm Canonum intelligentes, si maluissent ignorata tacere, quàm edicere; sed festinatio declamandi, demerendique Archiepiscopum attentationem turbabat. Illud æquè vanum: *Diminuta fuisse Archiepiscopi jura, & quæ ipse decreverat, Roma abolita.* Nullum enim in Apamienfes Archiepiscopo jus erat, nisi malitia, aut negligentia ostenderetur; sed neutra ostendi poterat; non ergo minuebantur, quæ nunquam fuerant: quæ verò contra Canones peracta, prius abolita sunt, quàm Romam devenissent; quippe suis initijs, & semper irrita: nec Pontifex Romanus abolere se illa dixerat, sed *appellationes admisisse.* (a) Et planè si quis animum in ea intendat, quæ Apamijs contingere, moderationem potius in Romano Pontifice, quàm severitatem mirabitur; nec verò id novum est, ut ad Romanum Pontificem Galli appellaverint, sic enim S. Leo Papa ad Episcopos Provinciæ Viennensis loquitur: (b) *Nobiscum vestra Fraternitas recognoscat, Apostolicam Sedem pro sui reverentia à vestra etiam Provincia Sacerdotibus innumeris relationibus esse consultam, & pro diversarum (quemadmodum antiqua consuetudo obtinebat) appellatione causarum aut retractata, aut confirmata fuisse judicia.*

Quæ de festinata sententia, neglectoque ordine in negotio Carronenfi dicuntur, eadem facilitate refelli possunt: septem

ferè

(a) Breve Apost. Calend. Jan. 1680. (b) S. Leo ad Episcopos Vienn. epist. 89.

ferè annos expectatum Romæ est, dum illi Monasterio, ab ijs, qui turbaverant, pax redderetur, & hæc festinatio dicitur? quot ergo annis expectandum erat, ut modesto nec citato gradu incedere Pontifex diceretur?

Sed *turbatus est ordo*: enimverò nunquam minùs: factum in aperto erat, & in conspectu Urbis Regiæ patratum: septem annos vexatio duraverat: nec lis inter privatos pendeat, sed ipsi Papæ intentabatur; hujus enim est sacras fundaciones, & Regulas mutare, & Religiosos ad Monasteria transferre laxioris disciplinæ: ipsa Monasterij Antistita negotium in manus Pontificis deposuerat, à quo Bullas, & confirmationem expectabat premebátque: & denique Archiepiscopus Parisiensis tantum abest, ut Matrem eligi pateretur, electamque confirmaret, ut potius electiones impediret, & extraneam intruderet. Ex quibus efficaciter concludas, non debuisse Pontificem Parisiensis Archiepiscopi, ejusque asseclarum consensum, & sententiam expectare: tum quia frustra expectaret, cum hi maximè obstreperent: tum quia in re tam patente sententiæ, & vota aliorum necessaria haud erant, quæ in dubijs tantum adhibentur: tum quia ipsæ partes negotium jam Pontifici detulerant, à quo Bullas, & confirmationem petebant; cur ergo Pontifex ab aliorum sententijs penderet, causâ suo Tribunali jam oblata? & denique cum negotium ex majoribus esset, nec posset nisi Pontificiâ auctoritate componi, nec partes id negarent, quæ Romam propterea inclamabant; quid opus erat aliena Tribunalia morari huic causæ longè imparia? non ergo Pontifex ordinem turbabat, sed Galliæ Episcopi, qui causas soli Pontifici reservatas, suis, Regijsque Tribunalibus sistebant. Quodd verò dicerent: *Parvi momenti hæc causas esse, & Pontifice indignas*: planè ostendebant, quàm male animarum pretia æstimarent. Muris dissidijs, odiisque Virgines Carronenses deflagrabant, & ut fieri solet, orationi, disciplinæ, charitati, aliisque virtutibus Christiano, & Religioso dignis nullus locus supererat, sed omnia factionibus, partiùmque studijs servabant, pari scandalo, & animarum clade: & hæc parvi momenti essent, & indigna, ut à Pontifice curarentur? si in Gallijs una urbs, aut castrum periclitaretur, quantus illic armorum strepitus, & turbæ essent, omnibus auxilium festinantibus? Et quodd in litteris nuper

nuper à Pontifice ad Regem scriptis duo tréſve apices acriores viderentur, quantum in aula, in Senatu, & ab Episcopis declamatum est? Veniam ergo Pontifici dabunt, si quantum illi castrum, & apices, tantum ipse animas curet; nisi fortè inter libertates suas etiam illud reponant, ut videlicet animabus perire volentibus, non liceat Pontifici subvenire. Cæterum si negotium Caronense tam parvi, ut dicunt, momenti fuit, cur ergo tam ardente, & tot annis Archiepiscopus Parisiensis illud persecutus est, Regemque implicuit? an verò puderet Pontificem defendere, quod illos non pudebat invadere?

Quòd verò inter Personam Regnantis Pontificiũ, ejusque Dignitatem distinguerent, & huic omnem venerationem, non illi promitterent, utpote erroribus, & natura defectibus obnoxia; planè responsum haud meretur; omnes enim Regnantes hæc criminatio petit: an simili obtentu non etiam sui Regis imperia eluderent? imò quia Dignitas, & Persona conjunguntur, ob reverentiam Dignitatis etiam defectus Personæ ferendi sunt, & huic obsequium debetur illius merito; alioquin nulla amplius obediendi necessitas fuerit, si conditio naturæ Majestati, & Imperijs officiat. Non hæc sensa Carolo Magno, non hic animus fuit, cujus virtutes parcius aliqui imitantur, quàm laudant; is enim in Legibus ad omnes Provincias suas missis ita loquitur: (a) *In memoriam B. Petri Apostoli honoremus sanctam Romanam, & Apostolicam Sedem, ut quæ nobis Sacerdotalis Mater est Dignitatis, esse debeat Ecclesiastica Magistra Rationis. Quare servanda est cum mansuetudine humilitas, ut licet vix ferendum ab illa sancta Sede imponatur jugum, tamen feramus, & piâ devotione toleremus. Quæ ita à nobis dicuntur, ut locum habeant etiam, cum vita Pontificis dignitati haud responderet; quid ergo dicendum erit, ubi Sanctitas vitæ dignitati sociatur? quòd in moderno Pontifice ne hæretici quidem diffitentur: non est animus mihi virtutes Innocentij in has chartas deponere, quippe impar materiæ, & modestiæ gravis futurus, ac silentio venerari, quàm clamore, & pompâ solitus: ipsa tantum Gallia audiatur: Hujus Pontificis solida pietas, & suci experta: ardor dilatandæ fidei conservandæq; disciplina Ecclesiastica: morum integritas: idem sibi quæ similitudo gubernandi tenor, procul omni quæstu, & cupiditate, nec in carnem, ac sanguinem pronus, &c. Hæc Galli*

(a) Naucler. Generat. 28. Concil. Tribur. cap. 3. & habetur d. 19. cap. 3.

Galli humanissimo elogio. Si ergo tanta est moderni Pontificis Sanctitas, æquitâsque, quantam vel ipsi Galli profitentur, quid opuserat inter dignitatem, & Personam distinguere, quasi ista non illam sustineret? Num ergo sanctus hic Pontifex, & incorruptus tunc solum imperfectus esse incipit, cum Gallos perstringit? Sed Innocentio à Gallis evenit, quod Paulo à Galatis: *Sicut Angelum DEI excepisti me: testimonium enim perhibeo vobis, quia si fieri posset, oculos vestros eruissetis, & dedissetis mihi; sed inimicus factus sum vobis vera dicens.*

*****:*****

§ V.

Rationes in Regaliæ patrociniū à Gallis productæ, & refutatæ.

SUMMARI A.

1. *Jus Regalia non est Corona Gallica ingenitum, ut Politici volunt.*
2. *Falsòque supponi ad ea jura, quæ nec præscribi, nec alienari possint, pertinere.*
3. *Nihil Regalia suffragari Gallie Concordata.*
4. *Nihil jura feudi.*
5. *Nec etiam jus Patronatûs.*
6. *Multòque minùs Beneficia à Regibus Gallie in Episcopos, & Ecclesias collata.*



I.



Emoriâ repentem, quæ ex una parte contra Regaliā ex Concilijs, & Ecclesiæ Gallicanæ, imò Regum ipsorum sensu, usque à me suprâ producta sunt; ex altera verò quanto studio, ac contentione in Gallijs pugnatum pro illa sit, admiratio subibit, quænam tandem rationes

nes illæ fuerint, & quàm validæ, ut Concilijs, Patrum Decretis, antiquis Canonibus (quos Galli tam impensè venerantur, & suæ libertatis bases affirmant) & Ecclesiæ Gallicanæ opponi potuerint? quantæ enim molis erat, ut hunc Colossū à Gallis erectum, ipsi Galli everterent? Et tamen, quis crederet! tanti momenti curæque causam, tantoque strepitu, ac pœnarum apparatu agitatam leves aded rationes muniebant, ut meritò dubites, fueritne his aliquando suscepta acrioribus studijs, & minoribus meritis. Et planè cū ipsi Episcopi Galliæ se Pontifici purgârunt, nullum aliud patrociniū, quàm à metu repererunt: celsissimū, renuntiavimus, subscripsimus, non æquitate, non ratione, sed metu victi; aded eorum causā omni præsidio carebat, ut metus in auxilium vocaretur. Qualescūque ergo rationes illæ, aut prætextus fuerint Politicorum (nam Episcopi solum metum allegabant) hic in medium adducemus, ut aspectu vilescant.

Opponitur 1. Jus Regaliæ est jus Regium, hoc est, Regiæ potestati insertum, & coævum, nec tam hominum, aut Pontificum indulgentiā, quàm cœlesti dono Galliæ datum, aded ut quemadmodum nec radijs solem, nec coronam gemmis ei insertis, ita nec Reges Galliæ hoc jure exuere possis, Monarchiæ congenito; sicut ergo Regia petestas universas Provincias, non unam tantum, aut alteram complectitur, ita jus Regaliæ ei potestati annexum.

2. Hæc est præcipua Regiorum Demonstratio, quam Edictum Regium insinuat, (a) & Regij Advocati verbis magnificis, at rebus vacuis exaggerant: & planè nihil dici præstantius poterat, si vera essent; mirumque est, his principijs nixos, Regaliam tantum Regibus concessisse; nimis hoc parcè; pari enim jure, iisdemque rationibus dicere poterant, Regem Galliæ, & Episcopum, & Patriarcham esse, privilegio cœlitus dato, & coronæ innexo, quamvis à majoribus nunquam exercito: sed nec minùs mirari subit, ausos esse rebus tam à vero alienis, fidemque superantibus, ac vanè confictis Regem ludificari. Si per jus Regium intelligunt facultatem aliquam, & privilegium Galliæ Regibus ab Ecclesia concessum, verum est, Regaliam jus Regium esse: at non sequitur, hoc

(a) Edictum Regium de Anno 1673. M. Servin. *prevu. des Libertez. cha. 17. n. 19.* Guilelm. Bened. in cap. Rayn. n. 396.

hoc jus illimitatum esse, & toto Regno diffusum; cum in Concilio Lugdunensi Ecclesia illud restrinxerit, & ijs solum locis concesserit, ubi longâ consuetudine receptum fuerat; quo ergo jure, quod Ecclesia restringit, ipsi extendunt? Si verò per jus Regium, potestatem aliquam intelligas ab Ecclesia independentem, non privilegio, non indulgentiâ datam, sed Coronæ, & Imperio ingentam, aliisque Regijs juribus similem; qualia sunt, belli, pacis, militiæ, vestigialium jura; negandum omnino est, Regaliam jus Regium esse; jus enim percipiendi vacantium Ecclesiarum fructus (saltem si feudales excipias, in Provincijs, ubi ex consuetudine post mortem Vasalli Domino debentur) & præsertim Beneficia, & Canonicatus conferendi, non ad Regiam, sed Ecclesiasticam Dignitatem pertinet, & idè supra Canones, & concessionem Ecclesiæ extendi haud potest; quid enim magis ad Ecclesiam pertinet, quàm Ecclesiæ ministros deligere? ex istorum enim virtute, & præstantia non minùs Ecclesiæ disciplina, quàm ex militum delectu victoria pendet: nec minùs absurdum est dicere Regiæ potestatis officium esse, Sacerdotes, & ministros Ecclesiæ dare, quàm ad Ecclesiasticos pertinere, ut militem conscribant, duces præficient, tentoria metentur, aciemque instruant; quòd si hoc absurdum, illud multò magis. Cùm verò dicunt, hoc privilegium Coronæ Gallicæ cælitus advenisse; miracula narrant nullibi scripta, & nunquam lecta: lego ampullam sacro balsamo plenam, & clypeum aureis lilijs sparsum, cælo demissa esse, Regaliæ nulla mentio, & si argumentari ita licet, quid non tandem Galli sibi vindicent obtentu cælestis privilegij? Sed ex ijs, quæ suprâ diximus, vanitas hujus rationis evidenter convincitur; ostendi enim suprâ, sub primi, & secundi stemmatis Regibus, nullum Regaliæ vestigium observari, imò neque sub primis Regibus tertij stemmatis, usque in sæculum ferè duodecimum, ut testimonio Gerberti (a) Archiepiscopi Rhemensis monstratum est. Qui ergo fieri potest, Regaliam Monarchiæ Gallicæ coævam, & ingentam esse, quæ tanto post tempore, sexcentis videlicet annis à baptizato Clodovæo exorta est? Rursum jus istud Regaliæ non à solis Galliæ Regibus, sed etiam à Regibus Angliæ, aliisque inferioris lineæ Prin-

(a) Gerbert. epist. 118.

Principibus usurpatum est, videlicet: (a) Comitibus Britanniae, Flandriae, Andegaviae, Campaniae, Sabaudiae, Tholosae, Narbonae, Ducibus etiam Nortmanniae, Aquitaniae aliisque. Non potuit ergo solius Monarchiae Gallicae privilegium esse, quod ad alios aequè Principes pertinebat; nec ostendi potest, cur istis minori jure, quàm illi competere; nam si Galli caeleste privilegium obtendant, obtendent & alij eodem, parique fundamento; hoc est, obtendent quidem, sed non ostendent. In Concilio Lugdunensi jus Regaliæ ijs tantum locis, ubi usu inoleverat, permissum, alijs omnibus sublatum est: nec Galli, qui frequentes aderant, & praesertim Philippi Audacis Legati, quidquam obstitere; non ergo credebant, jus istud Coronae Gallicae proprium, & innexum esse, alioquin non ferrent illud violari, restringique, aut saltem repugnarent, & aliquas rationes, ac privilegia opponerent, praesertim cælo lapsa; quisenim credat, sexcentos annos, & in re tanti momenti, Galliam omnem cæcam, mutamque fuisse, & tot saeculorum decursu, ne unum quidem tantum hoc privilegium scriptis, aut memoriae commendasse? A quibus ergo moderni illud accepere, antiquitate silente? Et si jus istud Coronae adnatum est, cur Gallicae tantum, non etiam Hispanicae, Anglicae, Lusitanæ, aliisque? jura enim Regia non uni tantum Coronae, sed omnibus communia sunt. Cur denique Jus istud Regium in tot alijs Galliae Provinciis, quæ Coronae subiacebant, nunquam exercitum acceptumque? quod supra ostendimus. Ipse Philippus Pulcher, quamvis Regaliam Jus Regium appellaverit, aliquoties testatus est, eam universalem non esse, (b) sed ad aliquas tantum Regni sui Ecclesias pertinere, ut supra vidimus. Ex quibus omnibus nemo non videt, primam illam, præcipuamque Rationem, & cui velut basi ingentem illum Colossus imponunt, planè frivolam esse, vanamque; ut mirum sit, imò indignum, tanto Regi decipiendo adhibitam esse. Quid diceres, si quis annulum à te peteret gemmâ insignem, & à majoribus tuis longo ordine acceptum, eumque

(a) V. Matth. Parli. & Guilelm. Pis. ad ann. 1089. Zonar. T. 3. annal. Balsamon in can. 35. sextæ Synodi. Alteserram. lib. 3. de ducib. Gonzal. ad cap. 4. de Offi. Ord. Marcam lib. 8. cap. 18. & cap. 27. Balluc. ibid. in Annotat. M. de Pamiets de la Regale fol. 22. (b) Philippus Pulcher in Edict. de Anno 1302. & 1303.

eumque deberi sibi vellet, nec alio titulo, quàm cœlestis cujusdam privilegij; quod nec probare posset, nec exhibere? Hoc Galli fecerunt.

II. Opponitur 2. Jus Regaliæ nec alienari à Regibus potest, nec ab alijs præscribi; pertinet enim ad jura Coronæ, quibus renuntiare Reges non possunt, aded ut ne juramenta valeant, quæ hujusmodi alienationibus confirmandis adhibentur, ut Innocentius III. in celebri sua Decretali (a) definivit; nullæ ergo Ecclesiæ aut privilegio, aut præscriptione, quominus Regaliæ subiaceant, tueri se possunt.

III. In hac argumentatione duæ propositiones assumuntur, quarum utraque falsa; saltem in eo sensu, quem Adversarii intendunt, ut faciliè intelligas, quàm vera sit conclusio ex falsis principijs illata. Sunt aliqua jura Regiæ Dignitati aded intima, & innexa, ut deponi non possint, nisi abdicatâ majestate; qui enim jure belli, & pacis, indicendi remittendique tributi, gratias, & supplicia statuendi cederet, non Rex, sed subditus esset, nec suo, sed alieno imperio viveret; & hujusmodi jura non posse alienari ultrò concedimus: sed negamus, Regaliam tale jus esse; quot enim Reges sine hoc jure vivunt, integrâ tamen, & florente majestate? An Clodovæus, Pipinus, Carolus Magnus, aliisque usque ad Ludovicum VII. Reges non erant, quia Regaliæ expertes? Non ergo Regalia ejus naturæ jus est, sine quo conservari majestas non possit. Sunt alia, quæ ad jus Regium pertinent, quæque in causas profanas alienari non possunt, sed in sacras, & præsertim Ecclesias: quæ enim in Deum transferuntur, ejusque divinæ Gloriæ propagandæ adhibentur, non alienari, sed ei, cujus alias sunt, reddicentur: nec hujusmodi donationibus Regna, & æraria minuuntur, implentur potius, Deo nunquam ingrato, & semper beneficijs vincente, quod exempla Constantini, Clodovæi, Caroli Magni, aliorumque satis ostendunt. (b) *Tuum Domine Regnum*, inquit pijsimus David, *tua victoria, & tu es super omnes Principes, tua divitiæ, & tua est gloria, & tua sunt omnia, & quæ de manu tua accepimus, dedimus tibi.*

Hæc ergo, quæ Ecclesijs, aliisque pijs causis à Regibus donata sunt, non posse revocari, certa sententia est, & à Gallis admissa;

O

hi

(a) Innoc. III. in cap. intellectu. de jurejur. (b) Paralip. lib. 1. cap. ult.

hi enim antiquos Canones venerari se profitentur, & illis libertatem suam Gallicanam, velut basibus imponunt: at Canones Concilij VIII. Oecumenici ita loquuntur: (a) *Placuit huic sanctæ, & magnæ Synodo, ut res, vel privilegia, quæ Dei Ecclesijs ex longa consuetudine pertinent, sive ab Imperatoribus, sive ab alijs DEI cultoribus, in scriptis, vel sine scriptis, donata, & ab eis per triginta annos possessa sunt, nequaquam quæcunque Persona secularis per potestatem subtrahat, aut per argumenta qualibet auferat. Quiquid ergo secularium contra præsentem definitionem egerit, tanquam sacrilegus judicetur, & donec se correxerit, & Ecclesiæ propria Privilegia restituerit, anathematis.*

Idem suis Nepotibus S. Ludovicus in Pragmatica Sanctione accuratè, enixèque commendat, ejus verba sunt: (b) *Item libertatem, franchisiæ, immunitates, jura, & privilegia per Francorum Reges Prædecessores nostros, Ecclesijs, & Personis Ecclesiasticis Regni nostri concessas, & concessa, innovamus, laudamus, approbamus, & officarijs, ac subditis nostris præsentibus, & futuris districte præcipiendo mandamus, quatenus omnia, & singula diligenter, & attentè servent, &c.*

Idem Sanctus Rex Philippo Audaci filio hæc monita reliquit jam moriturus: (c) *Cave, inquit, ne libertates, & Privilegia à Majoribus tuis in subditos collata unquam infringas, &c.* Et planè gloriosus ille Christianissimus, & Primogenitus Ecclesiæ filij titulus hoc ipsum convincit; obstringitque Reges Galliæ, privilegijs, alijsque juribus Ecclesias ne exuant, quin potiùs augeant, dotentque; Idque majorum exemplis, quibus nunquam magis victoriæ, opesque abundabant, quàm cum in Ecclesijs profusi erant; & verò hostes tanti Regis, non amici sunt, qui omnium, quotquot in Gallico diademate fulserunt, pulcherrimam margaritam sædare aggrediuntur, Pietatem videlicet, ac Religionem Regibus Franciæ præcipuam: & perinde, ac si cum Indorum, Persarumque, non Christianissimo Rege agerent, omnia utilitate metiuntur, nullâ Ecclesiæ, & honestaturâ. Ergo, ut dicebam, etiamsi daremus Regaliam ad jus Coronæ pertinere, non idèd sequeretur, non potuissè illam in Ecclesijs privilegio transferri, & istis præscribi; præsertim cum Reges Galliæ eâ die, quâ sacro Oleo inunguntur, incinguntque diadema, solemnî Sacramento se obstringant Episcopis, & Ec-

(a) Concil. VIII. Oecum. can. 18. (b) Pragmat. Sanctio Ludov. IX. de Anno 1268. (c) Joinville in Vita.

& Ecclesijs Canonica Privilegia conservandi; at verò, quod Privilegium magis canonicum esse potest, quàm quod tot Canonibus, Decretisque Patrum, præsertim ultimo Lugdunensi Concilio, tam sanctè Ecclesijs assertum, & gravissimis pœnis sancitum est? Regem ergo Sacrilegum faciunt potentiæ obtentu. Cæterùm & illud in viris eruditis, quales sunt, qui Regaliam extendunt, mirum est in tanti momenti, & Principis animam implicante, tam levi, vanoque argumento niti, ut quod probare oportebat, supponere cogantur: *Non potest, inquit, Rex jura Gallica Corona alienare, nec Ecclesia ea præscribere.*

Demus. *Atqui Regalia pertinet ad Jura Corona, & Reges eam alienassent, si Ecclesijs cessissent.* Atqui in hac propositione omnia supponuntur, quæ probari debebant. Supponitis dari Jus Regaliæ in eas Ecclesias, quæ nunquam hoc onus subierunt; at hoc probandum erat, nam hic certatur. Supponitis hoc Jus Regaliæ quoad eas Ecclesias, quæ hæstenu exemptæ fuerant, à Regibus alienatum esse; at hoc quoque probandum erat, nihil enim magis negamus; qualem poterat à Regibus alienari, quod Reges nunquam possederant? quod ad Reges nunquam spectavit? & Ecclesiæ qui poterant Jus illud præscribere, quo nunquam caruerant, & quo tanquam proprio, innatòque gaudebant? nemo enim rem suam præscribit. Supponunt ergo, quæ probari debebant, & tamen velut acie victores, servire Ecclesias jubent, eamque Libertatem Ecclesijs adimunt, quam ne vilissimo possent: idque facinus prædicant Christianissimo Rege, Ecclesiæque Primogenito dignum; quod quàm dissentiat ab illius pietate, nihil atrinet dicere.

III. *Opponitur 3. Per Concordata, seu Transactionem inter Leonem X. Pontificem Maximum, & Franciscum I. Galliæ Regem, Jus ad omnes Episcopatus, & Abbatias nominandi, præsentandique ad Reges translatum est, sublatis electionibus; ergo vi Concordatorum redijt antiqua potestas, quâ Reges primi, secundique stemmatis omnia Beneficia, & pro arbitrio dispensabant, idque non aliquibus tantùm locis, sed toto Regno; atqui dispensatio Beneficiorum primum Regaliæ caput, præcipuumque constituit.*

IV. *Hæc Ratio iterum ex falsis principijs contextitur; supponit enim primi secundique stemmatis Reges omnia Beneficia contu-*

lisse, electionibus oppressis. At falsum id esse, ex multis constat. Clodovæus Electiones Episcoporum nunquam turbavit. Idem à Constantino Magno observatum est, nisi cū jam electos auctoritate suā contra æmulorum insidias munebat. Et planè cū ex præscripto Conciliorum, sacrorūque Canonum Gallicanæ Ecclesiæ tunc temporis regerentur, Canones verò eligi Episcopos juberent, dubium non est, non imperio Principum, sed votis, & electione fieri Episcopos debuisse. (a) At rarum est intra terminos, legēsque magnam Potentiam diu cōcereri. Extincto Clodovæo non eadem sacris Canonibus observantia & reverentia stetit, & sæpe ab ejus filiis turbatæ, occupatæque electiones sunt, Episcopis ex castris, aulæque submissis, nec merito, sed aut gratiā, aut precio delectis. Cui malo sæpe remedium à Concilijs Gallicanis quæsitum est, (b) decretūque, ut liberæ electiones essent, nec tamen præter Regis assensum. Clotharius II. in Conventu Parisiensi edictum proposuit, quo ad normam sacrorum Canonum libertas electionibus dabatur. (c) Sed eas Principum cupiditas, præsertim Palatii Magistrorum, & denique Martelli penitus subvertit, adeò, ut publico mercatu, & velut sub hasta Infulæ venderentur, & indignissimis provenirent. Istos, quoddam exemplo, & moribus Ecclesias corrumpere, Pipinus, & Carolomannus sedibus expulere, alijs ex consilio S. Bonifacii in Ecclesias evectis: quod ut tanto securius agerent, privilegio Zachariæ Pontificis, deligendi, quos mallent, donati sunt: hujus privilegij meminit (d) Lupus Ferrariensis, Florus Magister, Marca Archiepiscopus Parisiensis, Maimburgus alijque, & innuunt etiam Joannes X. & Paschalis II. Carolus Magnus, aut libertatem electionibus reddidit, ut aliqui volunt; aut saltem non nisi Pontificum, seu Hadriani, seu Zachariæ privilegio Infulas dispensavit, quas potentiores certatim

(a) Cypr. epist. 68. Clem. epist. ad Corinth. I. Orig. hom. 6. in Lev. Tertull. Apolog. cap. 39. Concil. Nicæn. cap. 4. Con. Chalced. cap. 13. S. Leo, epist. 84. cap. 5. (b) Conc. Aurel. V. can. 10. Anno 549. Conc. Par. III. can. 8. Anno 557. Conc. Paril' V. can. 1. Anno 715. Conc. Cabill. can. 10. Anno 650. V. de elect. Reg. Sacerd. a fol. 43. (c) Edict. Clotharii de anno 615. (d) Lup. Ferrar. epist. 81. Flor. in fragm. de elect. circa ann. 820. Marca lib. 2. cap. 20. Maimburg. histor. Leonocl. fol. 259. Joan. X. PP. epist. ad Herimann. anno 921. Paschal. II. apud Malmesb. lib. 5.

tatim rapiebant ; idque non jure Regio, sed Pontificum gratiâ, quam temporum calamitas extorquebat. A Carolo sic factum esse, præter citatos auctores, etiam Galli fatentur. (a) Ludovicus Pius Caroli Filius Regio diplomate in antiquam libertatem, & præscriptam à Canonibus formam electiones restituit, ut habetur in ejus Capitularibus, (b) quæ Abbas Ansegisus, Hincmarus, & Jvo Carnotensis Carolo adscribunt ; alij verò, & plerique, Ludovico ; non idè tamen, aut Ludovicus, aut alij ab eo Reges penitus ab electionibus exclusi ; quippe Regum consensus quærebat, & eorum, qui imperare poterant, preces pro votis, & electione erant, ut quàm plurimis exemplis constat, & litteris etiam à Concilio Parisiensi (c) ad Ludovicum datis. Quia ergo aut precum, aut Regij consensûs obtentu, aut etiam apertâ intrusionem electiones canonicæ turbabantur, sæpe illis vindicandis Regum edicta repetita sunt, qualia imprimis Ludovici IX. & Caroli VI. (d) Tandem conventionem Leonis X. & Francisci I. torum jus nominandi, abolitis electionibus, ad Reges translatum est. Ex hæcenus dictis facile intelliges, quantum aut ignorantia peccaverint, aut impostura, qui ausi sunt scribere, Reges Francorum primæ, secundæque Stirpis Episcopatus pro arbitrio, & jure Regio contulisse, & huic Juri, quo alij Reges per ignaviam decesserant, post Concordata Leonis redditos esse ; quantâ enim injuriâ, contemptûque veritatis ista dicuntur, cùm exempla, legesque Clodovæi, Caroli, Ludovici, Clotharij, & Ecclesiæ Gallicanæ, quæ suprà produximus, ignorari haud possint, saltem non debeant ; cur enim istarum rerum peritiam profitentur, librisque ostentant, si ignorant ? aut quis pudor est, argumentis tam apertè vanis, irritisque Regalium fulcire, & Principem deludere ? Et cur, rogo, Pipinus, & Carolomannus Zachariæ privilegio instruendi erant, si Episcopatus Jure Regio conferebant ?

Sed nec altera ejusdem Argumenti pars majori fundamento nititur : dicunt enim *concessis nominationibus ad omnes Regni Episcopatus,*

O 3

quod

(a) V. Maimburg. lib. 10. de l' Arianisme fol. 155. Christian. Lup. in Canon. Tomo 3. dissert. 3 cap. 9. P. Thomasin. de la discipl. dell' Egl. p. 3 lib. 2. cap. 24. Regal. Sacerd. fol. 49. (b) Lib. 1. cap. 84. (c) Concil. Paris. V. lib. 3 cap. 22. (d) Pragmat. Sanctio S. Ludovici Anno 1268. & Carol. VI. Anno 1406. & Anno 1418.

quod per Concordata factum est, concessas etiam intelligi ad omnia Beneficia, & Canonatus vacantium Ecclesiarum. At verò, quàm fœda hæc consequentia, & viribus cassa? Constat usque ad Reges tertiæ Stirpis nullum locum Regaliæ fuisse; quo tamen tempore volunt Reges pro arbitrio, supremoque jure Episcopatus contulisse. Constat etiam eo tempore Regaliam prodijisse, quo electiones reductæ, plenæque libertate, ex ipsorum confessione, qui hæc obsecant, donatæ sunt: nulla ergo inter hæc duo jura connexio est, quæ toties separata sunt; quod si nulla connexio, quæ, rogo, simplicitas est, unum ex alio inferre? an nunquam in Juris-prudentiæ, & Dialecticæ scholis audierunt, à separatis non fieri bonam illationem? in odiosis (& quid verò magis, quàm servitus Ecclesijs imposita, & Canonum antiquatio?) restringendas, non ampliandas Leges? In Contractibus non expressa pro omissis haberi? & mille alia, quæ argumentationes istorum elidunt: an verò etiam post Concordata non omnium Galliæ Regum hæc ipsa mens fuit, & ipsius Francisci primi, qui nunquam Regaliam extendi permiscere? nisi fortè ignorantia istos accuses, perinde, ac si Concordata, quæ ipsi inierant, malè intellexerint, & ab istis, qui tanto post tempore venerunt, nec alià re magis, quàm adulatione claris, imperandi artem didicerint.

IV. *Opponitur* 4. Demus, primis Ecclesiæ temporibus, quando Episcopi spontaneis oblationibus, sine alijs patrimonijs vivebant, nullum Regaliæ locum fuisse; at verò quando ingentibus patrimonijs, feudisque donati sunt, mutarunt conditionem; feudorum enim fructus, quæ hæreditate non acquiruntur, qualia sunt Sacerdotijs annexa, ad Dominum redeunt, eique, & nulli alteri, proveniunt. Jure ergo feudi vacantium Ecclesiarum fructibus. Principes poriuntur. Quamvis verò alij etiam proventus, præter feuda, ad Episcopos pertineant, ut tamen Episcopatibus annexuntur, continuò nobiliorem habitum, feudique naturam induunt; & ita extincto Antistite, ad Principes spectant. Collationes Beneficiorum, quia sacrorum Canonum dispositione fructibus æquantur, eandem fortunam cum feudis subeunt, ac Principi cedunt.

RY. Hoc Maimburgi argumentum est, in quo istius Auctoris indolem, & artificia jam passim nota facillè observes. Jus Regaliæ:
uni-

universim ad Reges Francorum pertinere docet; id verò ex Canonibus, sacrisque Concilijs, & usu in Ecclesijs recepto probandum erat; quippe Jus illud sacrum, non prophanum est; & idèò sacris, non prophanis legibus metiendum: sed cùm nullæ suppeterent, quin potius omnes adversarentur, eas altissimo silentio premit, præteritque, & ad argumentum à comparatione vertitur, quo nihil, in foro præsertim, debilius est, & maximè, cùm comparatio à valde dissimilibus ducitur, qualia sunt feudum, & Regalia, ut paulò post ostendam. Deinde cùm ne hoc quoque sufficeret, protegendæ Regaliæ aliud non minùs extraneum, remotumque principium ex Philosophia conductum est, videlicet, de elevatione qualitatum; dicit enim: *Decimas, oblationes, aliòsque proventus Episcopales, hoc ipso, quòd feudum conjunguntur Ecclesia donatis, elevari ad statum nobiliorem, & in naturam feudi migrare*; eo ferè modo, quo ex sententia Philosophorum qualitas substantiæ conjuncta elevatur ad nobiliorem causæ gradum, producendæque substantiam: influentiæ cœlestes, ut conjunguntur Intelligentiæ, elevantur ad producendas formas viventes; quæ quàm sint inania, & longè petita, ac planè indigna, ut in causa tanti momenti vel audiantur, nemo non videt. Pergit deinde vera falsis miscere, ut etiam istis fidem conciliet, colore veritatis inducto. Verum est, quod scribit: postquam Ecclesiæ ingentibus divitijs auctæ sunt, Principes sibi jus adscripsisse Episcopatus conferendi; id inquam verum, sed illud falsum, quod paulò post innuit: *Ab omnibus Principibus factum id esse*. Jam enim ostendimus, sub primæ, & tertiæ stirpis Regibus Galliæ liberas electiones fuisse, & quamvis sæpe ab aliquibus Regum turbatæ, & interceptæ sint, aut privilegio, aut Ecclesiarum rogatu, aut usurpatione factum id est; à quibus deduci argumentum non potest; si enim exempla Regnantium pro jure, & legibus sint, quid tandem non liceat? Verum etiam est: *Jus Regaliæ à feudis ortum duxisse*. Sed illud falsum: *Jus infendendi, seu investitura idem esse cum jure Regaliæ*. Jus enim Investituræ ad feuda solum extenditur; at verò jus Regaliæ ad omnes omnino fructus, sive isti ex decimis, oblationibus, sive aliunde proveniant: imò Beneficiorum Collationes complectitur, quæ nullo pacto ad feuda pertinent; & ipsa feuda Sacerdotijs annexa non sunt personalia, nec morte Episcopi vacant, ut falsò im-

imperitæque supponit; nec enim Episcopis, sed Ecclesijs donantur; istæ verò sunt perpetuæ, nec cum Personis defunguntur, & ideo nec vacationi locus est. Cum ergo feuda Ecclesiæ non sint personalia, sed potius *expacto, & providentia*, ut loquuntur Jurisperiti, & assimilentur *feudisfamilia*, certum est, ex jure communi, eorum fructus ad Principes non redire sublati Episcopis, quamvis novâ Investiturâ opus sit: nisi fortè in ipsa feudorum donatione aliter cautum fuerit. Illud verò quàm vanum est? Decimas videlicet, aliàsque oblationes fidelium Ecclesijs donatas, *ad nobiliorem statum elevari, & feudi naturam induere, sicque ad Principes devolvi*. Egregiam enim verò Philosophiam! elevationis nomen indit servituti, & quæ hætenus totâ retrò antiquitate, & noro Patribus idiomate, *Bona Dei, pretium peccatorum, patrimonium pauperum vocabantur*, Maimburg *bona nobilia* appellantur: & si quæras, in quo hæc nobilitas consistat? ut impunè, *inquit*, in Principum spolia, & peculium cedant; hætenus hæc mancipatûs nota, nunc nobilitatis est. Olim Canonum, legumque sententia fuit: *Quod rei sacre adhaeret, sacrum fieri*: & ideo res fluxas, prophanasque Ecclesijs dicatas, in sacras evadere, omnique prophano commercio exemptas; sed Maimburgus hujus jurisprudentiæ aut negligens, aut ignarus, aliam complexus est, aulæ, sibi que aecommodatam, & cupiditati blandientem, quamvis tam malè sartam testamque, ut pudor fuerit ostentare. Sed adjungit Maimburgus solemnes modestiæ clausulas: *Hæc à se commemorari, non tam ex sua, quàm aliorum sententia; quid enim ipse opinetur, non tanti esse, ut vulgari oporteat*. (a) Cæterum, si non hæc Maimburgi sensa, sed aliorum erant, oportuit aut illa reticere, aut etiam, quæ ad illa responderi solent, recitari; cur enim unius partis argumenta, non alterius promit, si in neutram inclinat? An nescit ex Principum legibus, crimen falsi, & prævaricationis etiam tacendo committi? ab historico præsertim, cujus partes sunt, veritati, non studijs, aut factionibus scribere. Ejusdem tincturæ est, quod dicit de Collationibus Beneficiorum: *Eas videlicet ad fructus pertinere*. Id enim in aliquo sensu verum est: in alio, & quem Maimburgus intendit, falsum. Si enim velit, Collationes Beneficiorum fructus esse Episcopalis potestatis, quia ab hac dependent,

(a) Maimburg. lib. 2. de la decadenze fol. 215,

pendent, & ex ista consequuntur, id verissimum est, & in hoc sensu Canones loquuntur, ut videre est apud Glossam (a) & Barbosam, (b) aliisque Doctores. (c) Cæterum ex fructibus hoc sensu acceptis nulla consequentia duci potest, quæ Regaliæ faveat: illi enim fructus à sacra, & Episcopali potestate proveniunt, & sunt in se ipsis jus aliquod sacrum, subjacentque dispositioni sacrorum Canonum, non verò legum prophanarum: non ergo ad potestatem Regiam pertinere potest, nec Regijs Edictis induci, extendique, quod eleganti, & plenâ libertatis voce S. Ambrosius Valentinianum Imperatorem monebat: *Noli, inquit, te gravare Imperator, ut putes te in ea, quæ Divina sunt, imperiale aliquod jus habere: noli te extollere, si vis diutius imperare: esto DEI subditus; scriptum est enim, quæ DEI, DEO, quæ Cæsaris, Cæsari: ad Imperatorem palatia pertinent, ad Sacerdotes Ecclesie: publicorum tibi munium jus commissum est, non sacrorum: si ex meis aliquid possetur, aut fundus, aut domus, aut aurum, aut argentum, id, quod mei juris est, libenter offerrem; sed templo DEI nihil possum decerpere, nec tradere illud, quod custodiendum, non tradendum accepi.* (d) Hæc est vera sanctorum Patrum, & antiqua jurisprudentia, quorum ego vel unam, liberamque vocem, & tamen charitatis, ac reverentiæ plenam, pluris æstimem omnibus illis blanditijs, & adulationibus, quas Maimburgo aut timor, aut cupiditas distavit, & animus in omne obsequium devinctus, nullo honesti inhonestique discrimine, ac servo, quàm Sacerdote dignior.

V. *Opponitur* s. Rex Galliæ Patronus est omnium, quæ in Gallia sunt, Ecclesiarum, & Beneficiorum; atqui Patroni privilegium, & munus est, ut præsentet, nominetque ad Beneficia vacantia, idque præcipuum Regaliæ caput est: quod si Regibus concedas, cur non etiam aliud, quod multo inferius est, jus videlicet percipiendi omnes vacantium Ecclesiarum fructus?

R. Duobus modis Patronus dici aliquis potest: primo, quia Ecclesiam aliquam fundavit, dotavitque: secundo, quia unius, aut plurium Ecclesiarum Advocatus, & Defensor est, id enim præcipue ad Reges spectat, ut Ecclesias auctoritate suâ muniant,

P

pro-

(a) Gloss. in cap. cùm olim. de Major. & obed. (b) Barb. de Appellat. verb. 107. n. 22. (c) Rosa, Rebuff. (d) S. Ambros. epist. 33. & in orat. contra Maxentium.

protegantque; sed neuter hic titulus fundandæ Regaliæ, multoque minus totâ Galliâ, devictisque Provinciis proferendæ. Qui fundavit, dotavitque Ecclesias, jus quidem habet nominandi Patrores; sed aliud est nominatio, aliud, quod obtentu Regaliæ usurpatur: nominatio, jus examinandi, instituendi, confirmandique, Episcopis, Metropolitanis, aut Summo Pontifici relinquit, quorum nihil observatur in Beneficiis Regaliæ titulo obtentis; hæc enim pleno jure à Rege conferuntur, omnes Episcoporum, & Pontificis partes peragente. Deinde quàm multæ sunt Ecclesiæ, quæ à Regibus nec fundatæ, nec dotatæ sunt; quo ergo jure etiam istæ Regaliæ subduntur? An verò in Galliâ solū Patronos reperire est, & non etiam toto ferè orbe Catholico? quis istorum tamen Regaliam ambivit, usurpavitque? & mirum est, toto quatuor sæculorum decursu, omnibus retrò Galliæ Regibus, totique Concilio Lugdunensi, & Gallicanæ Ecclesiæ jus istud ignotum, imò exosum, proscripsumque fuisse: cū tamen abundarent, qui Ecclesias fundabant, dotabantque, & Patroni titulum merebantur. Planè si Regalia titulo Patroni nitatur, non solū defuncto, sed etiam vivente Episcopo omnes Canonici, & alia Ecclesiæ Beneficia conferri à Patronis possent, quod ne ab ipsis quidem conceditur, qui Regaliam maximè tuentur. Denique Canones omnes antiqui, recentisque pervolvantur, (a) & nunquam Patronis concessum fuisse reperies, ut vendicare sibi possent proventus Ecclesiæ, imò id illis enixè prohibitum. Quòd ergo Patroni Ecclesias aut fundaverint, aut dote instruxerint, nihil eos juvat, ut Regaliâ frui possint. Sed nec titulus Protectoris, Advocatique. Verum est nihil magis, quàm Ecclesiarum curam, & tutelam Regibus deberi; in illis enim pro eorum salute, & felicitate preces, & vota deponuntur: & magis apud aras, quàm in ipsis castris victoriæ parantur, Deo precibus, non armis placato; quod egregiè Patres Concilij Parisiensis adnotarunt, quorum inter alia hæc sunt verba: (b) *Clementissimus Imperator, (Ludovicum Pium alloquuntur) non idèo est vas misericordiae præparatum in gloriam, quia apicem terreni Principatus accepit; sed si in Imperiali culmine rectâ fide vivat: si præ omnibus ita se sanctæ Matri Ecclesiæ memi-*

(a) V. Can. filijs. 16. q. 7. & c. 4. de jure Patron. & Trid. Sess. 25. de Reform. c. 9.

(b) Conc. Parisiens. sub Ludov. Pio. Imperat. l. 2. c. 1. & 2. Tom. 3. Conc. ann. 829.

meminerit filium, ut ejus paci, & tranquillitati per totum mundum prodesse, suum faciat Principatum; magis enim Christianum regitur, atque propagatur Imperium, dum Ecclesiastico statui per omnem terram consulitur, quam cum in parte quacunque terrarum pro temporali securitate pugnatur; Principes enim sæculi potestati adeptæ culmina tenent, ut per eandem potestatem, disciplinam Ecclesiasticam muniant. Caterum intra Ecclesiam potestates necessarie non essent, nisi ut quod non pravelet Sacerdos efficere per doctrinam sermonem, potestas sua imperet per disciplinam terrorem. Sape per Regnum terrenum celeste Regnum proficit, ut qui intra Ecclesiam positi contra fidem, & disciplinam Ecclesia agunt, rigore Principum conterantur. Cognoscant Principes sæculi, debere Deo rationem propter Ecclesiam, quam à Christo tuendam suscipiunt; nam sive augeatur pax, & disciplina Ecclesie per fideles Principes, sive solvatur, ille ab eis rationem exiget, qui eorum potestati Ecclesiam credidit. Reges ergo Ecclesiarum Patroni, & Potestatores sunt, at non idèò vindicare sibi Regaliam possunt; hæc enim protectioni potius, & tutelæ repugnat; Ecclesias enim suis fructibus, & juribus, quæ in vacantia Beneficia habet, exuere, & Regijs thesauris inferre, non tueri, sed prædari est, nec protegere, sed vastare; quod tamen à Regum pietate, & intentione, si veritatem doceantur, alienissimum est: & idèò tot Canonum Regumque Edictis, & omnium ferè Galliæ Juris-Consultorum, Regijque Parlamenti votis Regalia damnata est, aut saltem intra certos terminos cohibita, ut supra ostendimus; quamvis haud ignorarent Protectores, seu Patronos Ecclesiarum Reges esse. Quòd si quæras, quo igitur stipendio, aut mercede Reges Galliæ Ecclesias tueantur, si expertes Regaliæ sint?

Respondebo, indignum esse de stipendio, & mercede cum Regibus loqui; hæc enim servorum præmia, non Principum sunt; an parùm lucris est Deum habere debitorem, & victorias, ac triumphos mercedis loco esse, & fortunam in obsequium accinctam? hoc stipendio Constantini, Theodosij, Clodovæi, alijque Ecclesijs militârunt; quamquam nec ingratas Ecclesias fuisse satis decimæ loquuntur, aliæque Cleri Gallicani ingentes largitiones.

VI. *Opponitur 6.* Qui Ecclesias, aut fundârunt, aut dotârunt, jure præsentandi gaudent; (a) quantò magis Reges hoc ipso jure, totòque Regno gaudebunt, qui Ecclesijs multò majora Beneficia

(a) Russæus l. p. præfat. n. 7.


contulerunt? Præsertim quia Rex etiam illarum Ecclesiarum proventu, in quibus longo usu, & Concilij privilegio, omniumque consensu Regaliâ potitur, in pia opera, augmentumque Ecclesiæ profundit, quos tamen ærarijs suis inferre posset; ergo hæc ipsa Regum moderatio, & liberalitas privilegium Regaliæ meretur; alioquin etiam Princeps liberalitati suæ modum, finemque imponet, quod majori damno Ecclesijs fuerit, quàm si Regaliam totâ Galliâ extendas.

24. Patronis jus præsentandi privilegium Ecclesiæ concessum est: jus verò Regaliæ non solum ab Ecclesia concessum nunquam est, sed semper, graviterque prohibitum, præsertim in ultimo Lugdunensi Concilio, cujus hac in re Decreta, Regaliam extendere prohibentis, omnium Galliæ Regum, Parlamentorum, & Ecclesiæ Gallicanæ reverentiâ, ac quadringentorum annorum lapsu sancita sunt: quæ ergo Philosophia est; à concessis ad inconcessa, à privilegijs ad prohibita argumentari? Et quia Regibus aliqua concessa sunt, velle etiam, ut ijs liceant, quæ vetita, & negata sunt? Præsertim cùm jus præsentandi multum à Jure Regaliæ differat, ut suprà observatum est. Quodd verò additur, Regem proventus ex Regalia quæstos in pia opera largiri, laudem quidem meretur, estque Regiæ pietatis argumentum, nec tamen purgandæ Regaliæ satis est; nam *primò* alij etiam Francorum Reges hujusmodi proventus pijs operibus addixere, nec tamen ausi sunt ultra terminos à Concilio præscriptos Regaliam extendere, quod maxime patuit in Diplomate, & Declaratione (a) Ludovici XIII. Patris Ludovici regnantis; cur ergo prohibent Parentis sui, & Avorum exemplis filium inhærere? quæ aut damnare oportet, id verò impium sit, aut imitari. *Secundò* facienda non sunt mala, ut eveniant bona; non ergo libertas, immunitas, & disciplina Ecclesiæ tot Canonibus sancita, evertenda fuit, ut Neophytis subveniretur: an verò tam inopes, exhaustique Reges Galliæ sunt, ut Beneficia non habeant, nisi Ecclesiarum spolijs, & damnis quæsitæ? id procul ab eorum potentia, & Majestate; nam & in privatos vindicarent, qui, ut paucos regerent, centum spoliassent: & planè æquius esset aliqua pietatis opera omitti, præsertim nullis legibus præcepta,

(a) Declaratio Ludov. XIII. de Anno 1641.

cepta, quàm cum peccato exercere majori culpâ, quàm præmio, quod in simili causa Alexander Papa Henricum Angliæ Regem monebat : Si, inquit, *universa, quæ in usus tuos per hujusmodi angarias de bonis Ecclesiasticis convertuntur, in refectiorem pauperum, vel alijs operibus pietatis expenderes, obsequium non magis DEO gratum efficeres, quàm si aliarum quolibet discooperto aliud cooperires : aut si Petrum crucifigeres, ut Paulum à mortis periculo liberares. Recolere siquidem debes, qualiter Rex Saul devicto Amalech pradam contra Divinum præceptum reservare volebat, cum se ad excusationem sui hac ad sacrificandum reservare proponeret, à Domino fuit reprobatus, & aliis eo vivo in dignitatem, & potestatem Regiam subrogatus, &c.* (a)

Cum ergo dicitur, proventus Regaliæ in pia opera expendi, prius quaerendum est, an Regaliam justo titulo possideant ; nam si injusto (ut de Ecclesijs, ad quas recens extensa est, hætenus monstravimus) frustra sibi de pijs operibus blandiuntur, quæ si ex alieno fiant, ne titulum quidem pij operis merentur. Et quid dicent de Collationibus Beneficiorum ? quo istæ pio opere compensantur ? imò Simoniam redolet, si jus tam sacrum, sacræque dignitati annexum, ob aliquas in pios usus largitiones ab Episcopis in Laicos transferatur. Accedit, quod Regaliâ semel Principi vendicatâ, ejusque arbitrio subditâ, quæ jam in pios usus, paulò post in profanos expenduntur ; quis enim pollicetur, omnibus futuris Regibus eandem pietatem, & moderationem fore ? nec enim eadem virtutis, & abusuum natura est : illa paucorum, & idèò brevis : abusus multorum sunt, & idèò in longum grassantur, & retinentur.



§ VI.

Aliæ Rationes in patrociniū Regaliæ à Gallis productæ.

SUMMARIA.

1. *An Reges Gallie inter sacras Personas reputari debeant, & idèò Regaliæ capaces ?*

P 3

2. *Causam*

(a) Alexand. III. ad Henric. Angliæ Regem.

2. *Causam Regalia in Parliamentis sæpius agitatam fuisse, quo jure, quove eventu?*

3. *Episcoporum consensum, aut spe, aut metu expressum nihil Regijs favere.*

4. *Multoque minus eorundem Episcoporum subscriptionem.*



I.

Opponitur⁷. Reges Galliæ non sunt inter Personas merè Laicas censendi; nam & sacro cælestique oleo perunguntur, & morbos quosdam solo tactu medentur, & Lilia insignium loco ab Angelis accepere, & denique multis in locis Canonicorum officio perfuncti sunt, & habitum gestarunt. (a) Si ergo tot titulis sacri sunt, quid obstat, ut sacrorum jurium capaces sint, & Beneficia jure Regio conferre, fructusque vacantium Ecclesiarum occupare possint? nam & olim apud Romanos Græcosque, ac etiam Judæos Dignitas Regia, & Sacerdotalis miscebantur.

¶ In hoc, & similibus argumentis vix aliquid reperias responso dignum; nec aliud magis probant, quàm pessimam esse causam, quam tuentur; quippe tam vanis rationibus nixam, & quas pudor sit, tot Canonibus, Concilijs, & quatuor sæculorum exemplis opponere. Si, quæ in medium adducunt, Reges Galliæ sacris Personis adscribendos esse probarent, mirum est, si non Episcopum illum, & Pontificem faciunt. Num omnes retrò Reges ijsdem prærogativis non gaudebant, quas illic enumerant; & tamen quis eorum se laicis exemit, sacrisque Personis adscripsit, & Regaliam toto Regno extendit? nec enim oleum, aut lilia cælo missa Sacerdotem, & Clericum faciunt, sed per ministros Ecclesiæ legitima solemnisque inauguratio. Apud Romanos Græcosque Idolorum cultores, ubi omnia prophana, & pro aris lupanaria, sacrilegia pro sacris erant, mirum non est, eosdem Reges, & Sacerdotes fuisse; quod enim absurdum, eos, qui latrones, meretrices,

parrici-

(a) V. Limn. ad capit. Caroli a. 30. n. 61.

parricidâsque pro Dijs habebant, etiam Reges pro Sacerdotibus habuisse? In Judæorum Republica certum est, alia Sacerdotum, alia Regum munia partésque fuisse; quis enim nescit Ozîæ Regis, quoddam Sacerdotum munus occupâisset, inflicta à Deo pœnas? & idèd Josaphatus Rex sacri prophanique Magistratûs officia distinguens: (a) *Azarias, inquiebat, Sacerdos, & Pontifex vester in his, quæ ad Deum pertinent, præsidebit. Porro Zebadhias filius Ismael, qui est Dux in domo Juda, super ea opera erit, quæ ad officium Regis pertinent.*

Ubi vides, utriusque Dignitatis officia, Sacræ Regiæque distinguui; nam quoddam Salomon Abiatharem Majestatis, & mortis reum exilio multaverit, & Pontificatu amoverit, id non ut Rex, sed ut Propheta, & sententiæ Divinæ jam olim in Heli pronuntiatae executor fuit, quod ijs verbis, quæ mox subduntur, significatum videtur: *Ut impleretur sermo Domini, quem locutus est super domum Heli in Silo.* (b) Adde modum, formamque Israeliticæ Reipublicæ gubernandæ, etiam in ijs, quæ cultum templi externum spectabant, ceremonialem fuisse, unâque expirâsse cum Lege Mosaica; & idèd nec extendi posse ad statum Legis Evangelicæ. Sed ut videas, quàm imbecillum sit hoc argumentum, & quàm multis partibus laborer, demus omnia, quæ assumit, adhuc nihil concluder. Quamvis enim Laicis Personis Regem Francorum eximas, & coronæ tiaram jungas, non idèd jus illi, & potestas erit Regaliæ dilatandæ; quod enim ab universali Concilio, omniumque retrò Principum, & quatuor sæculorum observantia sancitum est, ne ab Episcopis quidem refigi potest: imò si propositiones Conventûs Parisiensis audias, ne à Pontifice quidem; quantò minùs à Rege? nihil ergo agunt tot facibus rationum malè compactis, quàm ut ostendant, se velle quidem, conarique Regaliam fulcire, sed non posse, malâ causâ ingenium vincente.

II. *Opponitur 8.* Causa Regaliæ jam aliquoties in Parlamentis, Regiòque Senatu agitata, & cognita est, præsertim anno 1608. in Parlamento Parisiensi, Henrico magno imperante, in quo Regaliam toto Regno extendendam esse, decisum est. Secutæ sunt aliæ Regij Consilij (c) sententiæ, quibus omnes Archiepiscopi, Prælatique

(a) Paralip. 2. cap. 19. (b) Regum 3. cap. 2. (c) Sententiæ Regij Senatûs Anno 1637. & 1638. & 1639. & 1651. & 1653. & 1654. & 1673.

latique Provinciarum Septimaniæ, Provinciæ, Delphinatûs, aliiq; jubebantur intra sex mensium spatia titulos, causâsq; prætenfæ libertatis, & exemptionis offerre; & Episcopi acquievere productis libertatis suæ titulis, instructisque Procuratoribus, qui coram Regio Senatu causam Ecclesiarum agerent, & si possent, Regaliam excuterent. Pependitque ea lis triginta sex annos, ab anno videlicet 1637. usque in annum 1673. mutuo Cleri, Regisque conflictu: donec eo, quo dictum est, anno, in Regio Senatu, & postea ab ipso Rege pronuntiatum est, ad omnes Regni Ecclesias Regaliani pertinere. (a) Cùm ergo Henricus IV. hanc causam ad Regium Consilium avocaverit, ibique tot annis discussa, & definita fuerit, Episcopis Galliæ, quorum intererat, avocationi non solum non oblustantibus, sed etiam tot annorum decursu, Judices agnoscantibus, suasque rationes, ac titulos, quibus muniri credebant, allegantibus. Quid jam queruntur, disputantque causâ tam lentè discussâ, & tandem finitâ? num tempus defuit tot annis ductum? num Judicem incusant, toties agnitum, & nunquam repulsam? num inauditi, indictâque causâ damnati, quam in tot Conventibus, repetitis vicibus dixere? num denique ad legitimum Judicem, justamque sententiam aliquid defuit, quam tot annis expectârunt, & nunc modò incusant, cùm causâ ceciderunt, sero, & intempestivo dolore?

xy. Constat ex ijs, quæ dicta superiùs sunt post Concilium Lugdunenſe Regaliam trecentos, & ultrâ annos, ijs tantùm locis exercitam esse, quæ huic oneri à longo tempore assueverant, reliquis naturali, & canonicâ libertate fruuentibus, quod etiam Ecclesia Gallicana in ultimis Comitij, & litteris ad Innocentium Papam, ipsique Reges, & Parlamenta Galliæ professa sunt: nec Adversarij diffitentur; quibus cùm ista obijcias, id solum respondent: *Non potuisse eorum negligentia Corôna, & Regum Jura deleri, præscribere, nec Reges exemplis ligari.* Primum ergo ab anno 1583. Henrico III. Galliam moderante Ecclesiarum libertas pulsari cœpta, Regio Advocato Regaliam extendere aggresso, qui tamen repulsus est, & silere coactus. Ab eo tempore verum est, perpetuam ferè pugnam Ecclesiæ

(a) Arrestum Regij Consilij Anno 1673. & ei conformis, ac duplex Regis Declaratio Anno 1673.

clésiæ cum Regijs fuisse, illâ semper victrice; quanquam non Regum, sed ministrorum importunitas fuit, quæstum, & gratiam ex lite captantium. Et verò qui istarum rerum notitiam aliquam habet, fateri cogetur, à Regijs ministris varijs artibus certatum esse, ut Clero imponerent, falleréntque incautos. Nam *primò* Regi persuasere, Jus Regaliæ proprium innatúmque Coronæ esse, & ided nec alienari à Regibus, nec à Clero præscribi potuisse: unde Regaliam ad totum Regnum pertinere deducebant; quæ à veritate quàm sint aliena, & captionis plena, jam suprà ostensum est, nec tamen Episcopis communicabantur, ut refelli possent, contenti intra Principis aures latere, tanto tutiùs nocitura, quòd occulta.

Secundò. Episcopi omnes, nullòque discrimine citati sunt, ut rationes, titulósque suæ libertatis proferrent; quod omnino capciosum fuit, & dolo factum; qui etenim privilegio, aut contractu oneroso libertatem adepti erant, meritò titulum petebantur; secus qui naturali, & canonicâ libertate, ac quatuor, & plurium sæculorum possessione, non privilegio, nec contractu tuti erant; ab his enim titulus peti non poterat, cùm nullus major, notiorque tot sæculorum, & pacatâ possessione: & tamen, ut dixi, dum omnes, nullòque discrimine vocantur, factum est, ut etiam illi comparerent, litémque subirent, qui extra omnem aleam, litémque erant, clamantibus interim Regijs, qui pedicas sparserant, agnovisse illos Judicem, forúmque Regium, & ita causâ dictâ, agnitâque damnatos esse.

Tertiò. Sed & illud novum, insolénsque, ac planè iniquum, quòd cogerent Episcopos causas titulósque suæ libertatis producere: quis enim nescit, probationes non ad Reum, sed Actorem pertinere? & possessionem tot annorum, ac juri, & libertati Ecclesiasticæ, omniumque retrò Regum Edictis conformem omni titulo majorem esse? non ergo Ecclesijs probandum erat, cur essent liberæ, sed Regijs, cur vellent in servitutem rapere; & ita semper in Gallijs more receptum fuerat, ut suprà ostendi; iniquum ergo fuit, omni que juri contrarium, quòd onus probandi Regi debitum in Episcopos transferrent.

Quartò. Nec minùs novum, quòd diem dicerent, & forum statuerent, citaréntque Episcopos, ubi nulla lis, nullum dubium
esse.

esse poterat : at verò an Regalia toto Regno extendi deberet , controverti amplius , nec in litem deduci potuit , causâ in Generali quingentorum Episcoporum Concilio , & Rege Philippo , totâque Gallia approbante , jam dudum decisâ , finitâque , cui Henrici IV. & Ludovici XIII. sententiæ , & usus quatuor sæculorum accesserat ; quæ , rogo , causa dici debuit finita , si hæc non debuit ? Et quem in finem iterum liti pugnæque subdebatur , cum nec melius probari , nec clarius decidi posset , quàm jam probata , & decisa fuerat ? ut omnino appareat , non fuisse Episcoporum mentem , cum se Regijs ministris sistebant , causamque Ecclesiæ tuebantur , novam litem ingredi , (id enim non poterant , nisi ministros Regios ipsos Regibus , totique Generali Concilio præponerent) sed solum conscientias eorum instruere , & veritatis admonere , qui pacem turbabant , & obtentu Regaliæ , ac chirographi à Rege extorti , pacificos Beneficiorum possessores impetebant . Non ergo Episcopis Galliæ iudicium subire , sed vexationes redimere , quas patiebantur , animus erat , productâ veritate ; quod sine iudicio fieri posse , quis non videt ? Et ideo Syndicus (a) Provinciæ Narbonensis protestatus est : *Se titulus producturum , quibus suarum Ecclesiarum libertatem muniri crederet ; nolle tamen , ut is actus iuri , & exemptioni Ecclesiarum fraudi , aut damno esset .* Eodem ferè modo , similique protestatione usi sunt Episcopi , dum anno MDCL. Regi supplicarunt , ut Ecclesias liberatæ , & possessioni suæ , quâ tot annis fruebantur , relinqueret . Nec exempla defunt , non solum Episcoporum , sed etiam Summorum Pontificum , qui innocentia suæ , bonæque causæ certi , coram prophano tribunali causam dixere , non quòd iudicem illic agnoscerent , sed ut innocentiam suam purgarent , ejusque testes etiam hostes haberent : & historia Ecclesiastica exemplis abundat , & Gratianus aliqua notat . (b) Sed demus iudices Regios ab Episcopis agnitos , eorumque sententiæ libertatem Ecclesiarum submissam esse ; quid inde consequitur ? num jure id egerant ? num poterant Ecclesiæ suæ privilegij , quæ in tutelam , & depositum acceperant , præiudicium inferre ? & quibus ne fundi quidem alienandi potestas erat , possent alienare libertatem , quâ nihil præstantius , & majus est ? aut forsân eorum arbitrio stabat , ut Concilij universalis

(a) Anno 1639. (b) V. S. Greg. I. 9. epist. 39. Gratian. 2. q. 7. Regal. Sacerdot. f. 358.

salis Canones, tot pœnis armatos, omniumque consensu receptos, & Gallorum sententiâ Romano etiam Pontifici inviolabiles, ipsi violenter, aut violandos alijs permetterent?

Quod si, ut ipsi dicunt, jura Coronæ, & Regiæ Dignitati annexa, nec alienari in Ecclesias, nec præscribi possunt; & ided omnium retrò Galliæ Regum obliterari exempla, & edita volunt, quibus Regaliam restringebant; quanto majori jure, & eorum pace dixerim, nullis Episcoporum votis, nullaque conniventia, privilegia Ecclesiarum, & libertatem alienari in Laicos, præscribere potuisse, & ided frustra exempla, & conniventiam eorum allegari, quibus nec potestas alienandi, nec voluntas fuit: & quo jure ipsi Galliæ Regum, ego Galliæ Episcoporum exempla damno; imò multo majori; nam quæ ipsi in Regibus damnant, juxta Canones: quæ ego in Episcopis, contra Canones fuere.

Quamquam si verum fateri volumus, nunquam Episcopi Regijs ministris, eorumque sententijs, extensionem Regaliæ quod attinet, detulere; nam Parlamentum Parisiense pro adversario potius, & libertatis suæ invasore, quàm pro judice habuerunt, ab eoque decreta non ut sententias amplexi, sed ut injurias, injustoque conatus averfati sunt: præsertim Arrestum anni MDCVIII. quo Henrici magni Edictum abolebant; & planè nihil dici, viderique potuit eo Arresto absurdius, magisque alienum ab omni æquitatè, & reverentia Regi suo debita; præterquam enim, quòd sententiam ferebant sacris Canonibus, Regni que legibus adversam, (quæ, ut vidimus, Regaliam extendi vetabant, & onus probandi Regi, non Ecclesijs imponebant) illud, rogo, quale fuit, ut Edictum à Rege sancitum, & in Parlamento agnitum probandumque, ipsi postea refrigerent, deleverintque, Majestatis, & reverentiæ oblici, perinde, ac si auctoritas illis supra Regem esset, eorumque arbitrio staret, ut, quod is statuerat, ipsi everterent: & tamen, qui contra Regaliam nuper pronuntiârunt, eo præsertim Arresto, tot capitibus irritò, nituntur; dicunt enim nihil se novi moliri, sed antiquis tantum documentis, exemplisque insistere: & si quæras, quænam ea documenta, & exempla sint? Arrestum illud inculcant, quo, ut dixi, nullum unquam infirmius fuit, magisque in omnes regulas, & æquitatis, & reverentiæ offendit; & ided neque

aliud magis ab Episcopis impetitum contemptumque. Ministris ergo, & Officialibus Parlamenti nunquam in hac causa tanquam legitimis iudicibus delatum est. Verum est, ad Regem, Regiumque Consilium delatas à Clero querelas esse, non quòd in hac causa iudicem agnoscerent; nec enim aut Regi, aut Episcopis in mentem venit, ut crederent sententiam in Concilio universali jam latam, mutari à Regibus, aut aboleri posse, nec totà retrò antiquitate exemplum occurreret; sed ut ejus auctoritate Parlamenti conatus susterentur, quod ab Episcopis sæpius postea repetitum, quoties videlicet à Regijs infestabantur, patetque ex eorum Conventibus diversis annis celebratis, (a) quibus contra Regios acerbissimè conclamatum (tantum abest, ut iudices agnoscerentur) & de medijs actum, eorum molestias, conatusque eludendi; & præsertim Anno MDCLXX. quando Episcopi Alestenfis litteræ, quibus rationes pro Ecclesiarum libertate continebantur, in Conventum allatæ, omniumque approbatione, plausuque acceptæ sunt, & rogatus Parisiensis Archiepiscopus, ut Episcoporum querelas, petentium, ne Arrestum, & Declaratio in favorem Regaliæ edita executioni daretur, in sinum Regis deponeret; quod facturum se promissit, sed incertum, an præstiterit.

Falsum ergo est, quod dicitur, acquievissè Episcopos Parlamenti sententiæ, & Regiæ Declarationi. Sed acquieverint; an verò ignorant, postquam experientia docuit, etiam tribunalia infidijs, & errori patere, multa remedia, quibus sententiæ corrigerentur, prodita esse? *Revisionis*, videlicet, *Restitutionis in integrum*, (quæ exemplo minorum Ecclesijs datur) & præsertim *melioris informationis*, quæ uti plurimum æquitatis juxta, & reverentiæ habet, ita minimum Majestatem Principis lædit. Quod silicuit ministris Regijs, tot Regum Edictis, ac repetitis sententijs, & quadringentorum annorum morà usque repulsis, imò omnium Galliæ Jurisconsultorum, in litem redire, & petere toties negata; cur, rogo, id Episcopis non liceat, vitiòque vertatur, qui non aliena, sed sua petunt: nec Canonibus prohibita, sed concessa, causamque sovent tot partibus æquiores? Aut quæ modestia est, eos silentium impetare, qui nullum dicendi finem faciunt, toties tacere jussi?

Quind.

(a) Conventus Generales Cleri Gallicani Annis 1650. & 1655. & 1670.

Quintò. Liquet etiam ex dictis falsissimum esse illud principium, & captionis plenum, quod semper inculcant, videlicet: *Causam Regaliæ non alibi, quàm in Parlamento agitatam esse, nunquam verò in foro Ecclesiastico.* Si velint, cum inter eos, qui ab Ordinario, & qui à Rege obtentu Regaliæ Beneficia acceperunt, lis oritur, hujus cognitionem ad Parlamenta spectare, haud equidem contenderim; hætenus enim id more receptum est, & Ecclesia toleravit: at verò, cum non inter particulares lis vertitur, sed de ipsa Regalia, ejusque extensione certamen est, & quæritur, an ea ad Jus Coronæ pertineat, an Regiæ Dignitati innexa, & ab Ecclesiæ consensu nullo modo dependeat, & ita pro arbitrio Regnantium toti Regno inferri possit, & Parlamento Parisiensi Universalis Concilij Canones subdantur; hæc, inquam, nego ad cognitionem Parlamento spectare posse; negabuntque omnes, quotquot inter sacram Dignitatem prophetamque distinguunt, & unam alteri non miscent; nec argumentis hic opus est, aut longis discursibus, cum vel primo intuitu istarum propositionum absurditas pateat, videlicet: *Jus Beneficia Ecclesiastica conferendi, percipiendique fructus vacantium Ecclesiarum, & Canones laxandi ab Universali Concilio conditos, ad potestatem Laicam, & Parlamentum Parisiense pertinet.*

Cum Decimæ à Clero Gallicano, aut alia subsidia petuntur, sublevandis Regni necessitatibus, non id arbitrio sæcularium, & imperio agitur, sed nutu ac sponte Ecclesiastici Ordinis, cujus Delegati singulis lustris conveniunt. Si ergo nec Parlamenta, nec alij Regis ministri jus sibi vendicant legendæ à Clero pecuniæ, quæ tamen est res merè temporalis; qui ergo fieri potest, ut suæ auctoritatis faciant Beneficia Ecclesiastica conferre? abolere Concilium Universale tot sæculis à Regibus, totâque Galliâ receptum? Libertatem Ecclesiarum perpetuo jugo addicere? idque non paucis tantum annis, sed semper, nec uno tantum alteroque loco, sed ubique? nullâ Canonum, nullâ legum, nullâ Principum, ne Regnantis quidem reverentiâ; hujus enim animam produnt tot alijs curis intentam, & idè fraudibus facilem: illorum verò Edicta legesque obliterant, & ignaviæ accusant, quasi jurium Regni-que negligentes; duplicis culpæ rei, & quod mortuos infestent, & quod vivo adulentur. Et si alia omnia desint, qui potuit Parla-

mentum eam causam cognoscere, quæ cum sit ex majoribus, (a) non solum ex veterum Canonum (qui Libertatis Gallicanæ fundamenta sunt) sed etiam ex Concordati ipsius præscripto ad Pontificem Romanum spectat? An etiam in Concordata legesque Regni, & Ecclesiæ fundamentales Parlamento Jusest?

III. *Opponitur 9.* Quamdiu spes est, ut conando, & obstitendo efficere aliquid possis, laudandi conatus sunt; at spe omni consumptâ, imprudentiæ fuerit conniti, quod non possis; nam & Medici desperatis in morbis remedia abrumpunt, & cum prodesse non possint, cessant mederi, præbentque infirmo, saltem quæ placent, si desint, quæ juvant. Quis nautam laudaverit in portum connitentem adversis ventis? nam satiùs erat à portu abscedere, & vicinum littus subire, tempestate vitatâ, quàm pertinaci irritòque conatu naufragium quærere. Id in Regaliæ causa evenit: pugnatum ab Episcopis est, quamdiu licuit; at etiam viderent oblisti non posse, Rege in victoriam obstinato, & triginta annorum pugnam finire certo; instarentque, nisi cederent, pericula, & clades, & quicquid timeri potest ab irata Majestate, quid aliud superfluit, quàm ut arma potentiori submitterent, & certam cladem spontaneâ deditione occuparent? Nec id timor aut ignavia, sed prudentia fuit, pacem quærere desperatâ victoriâ. Hoc ipsum sacris Scripturis edocemur: (b) *Noli, inquiunt, resistere contra faciem potentis, nec coneris contra istum fluvij.* Et alibi. (c) *Ubi non est audiurus, non effundas sermonem.* Et Salustius: *Prostrâ niti, & nihil aliud laborando, quàm odium quærere, extrema dementia est.* (d) Et S. Augustinus: *Si firrem tibi non prodesse, non te terrem.* Ex qua D. Augustini regula ab omnibus recepta Theologi cum D. Thoma (e) concludunt: *Ubi probabiliter estimatur, quòd peccator admonitionem non recipiat, sed ad pejora labatur, à correctione, cujus finis est emendatio, desistendum; quia ea, quæ sunt ad finem, debent regulari, secundum quòd exigit ratio finis.* Et ita Samuel (f) Populo temere Regem deposcenti, consultè cessit, deditque Saulem, quamvis eum non lateret, hanc Populi petitionem Deo displicere. Sic Alexander

(a) Causæ majores ad Roman. Pontif. pertinent. Innoc. I. ep. ad Vict. Rotom. cap. 3. Vigil. epist. 7. ad Aux. Arelat. Greg. M. epist. 52. lib. 4. Marca lib. 1. cap. 10. & lib. 7. cap. 12. & 13. Concord. inter Leon. X. & Francis. I. (b) Ecclesiast. 4. v. 32. (c) Ecclesiast. 32. v. 6. (d) S. Aug. hom. 41. & cap. si quis 2. d. 7. de pœnit. (e) S. Thom. 22. 2. 6. (f) 1. Reg. 8.

der III. cùm vereretur, (a) ne Angliæ Rex in schisma dilaberetur, aded multa dissimulavit connivitque, ut teste D. Thoma: (b) *Clamaretur in plateis, predicaretur per Civitates, quod Roma justitia non fieret de potentibus. Et alibi. Romana Ecclesia posuit firmamentum suum formidinem, aut res capiat, aut Personas accipit, & auctoritate, quâ præminet, iniqua gerentibus non occurrit.* Quibus istorum querelis Alexander Papa propositi, & moræ tenax, hæc respondit memoratu digna: (c) *Nos sicut novisti, Regem in patientia, sicut decuit, & humilitate vincere cupientes, ei hæcenus multum detulimus, & de misericordia Christi sperantes, quod ille, in cujus manu corda Regum sunt, voluntatem & animum ejus mitigare deberet.* Et in litteris ad Ludovicum Galliæ Regem: (d) *Si petitioni prædicti Regis quandoque annuimus, & ejus visi sumus voluntati favere, more periti medici id fecimus, qui agro, de cujus salute desperat, contraria quacunque appetit, tribuit, tentans ipsum, qualitercunque potest, ad sanitatem revocare. Quapropter cùm consuetudinis sit Romana Ecclesia potius in servanda maturitate plerumque damnum, & jacturam incurrrere, quam in precipitatione peccare, tua non miretur, nec moveatur Serenitas.* Galliæ ergo Episcopi, cùm triginta totos annos pro Ecclesiarum libertate contra Regaliam certassent, & ultimis hæc temporibus non tantum victoriam desperarent, sed etiam cladem prospicerent, Rege victorijs feroce, & obsequium imperante, exemplo Alexandri Pontificis Principi detulere, pacem saltem, si nihil aliud lucrati. Quam in rem duo alia exempla à Maimburgo celebrantur, (e) unum Gregorij M. aliud Hildeberti Archiepiscopi Turonensis, Sanctitate, & doctrinâ clari, & cujus virtutes à S. Bernardo egregie laudantur. (f)

Mauritius Imperator legem conscripserat, quâ milites necdum expletâ militiâ, aut missione acceptâ vetabantur Monasteria ingredi, & Religionem profiteri, jussitque Beatum Gregorium hanc ipsam legem promulgare. Islædi hoc Edicto Religionem, & pietatem credebat, expressitque rationes, quibus ad id credendum movebatur; sed cùm Cæsar mandatis insisteret, paruit Gregorius, clausitque his verbis reverentiæ, & obsequij plenius: (g) *Ego verò hæc Dominis meis loquens quid sum nisi pulvis, & cinis? Ego quidem jussioni subiectus*

(a) Lib. epist. D. Thomæ Cantuar. lib. 2. epist. 46. (b) Ibid. lib. 5. epist. 47. (c) Ibid. lib. 4. epist. 32. (d) Ibid. lib. 4. epist. 51. (e) Maimburg. du Lutheranisme lib. 2. f. 279. (f) S. Bernard. ep. 123. & 124. (g) Greg. lib. 2. epist. 72. Ind. 17.

subiectus, eandem legem per diversas terrarum partes transmittere feci, & quia lex ipsa Omnipotentis Deo minime concordat, ecce per suggestionis meæ paginam Serenissimis Dominis meis nuntiavi. Utrobique ergo, quod debui, exolvi, qui, & Imperatori obedientiam præbui, & pro eo, quod sensi, minime tacui. Adjungitque Maimburgus: En, inquit, Pontificis verba pietate, & doctrinâ præcipui, cujus utinam exemplo discant Episcopi, non esse Principibus obliuiscendum obtentu Zeli, tuendæq; immunitatis Ecclesiasticæ; oportet enim cum Zelum, ut Apostolus monet, scientiâ, & discretione temperari, miserique modestiam libertati; ipsam, ut audeas, quæ Principis, tuamque conscientiam gravant, monere: illam, ut monito, & tamen obsequium urgenti, tandem acquiescas: nec velis opinionibus tuis, velut totidem oraculis Principem illigari. Pergit de Hildeberto narrare. Ludovicus Crassus Galliæ Rex, vacante Ecclesiâ Turonensi, duos ejusdem Ecclesiæ Canonicatus titulo Regaliæ contulerat. Negabat Hildebertus id jure factum; quippe Ecclesiâ Turonensi Regaliæ, & servitutis experte, adiitque Regem, injuriam questurus. Dati à Principe judices, qui causam cognoscerent, sed è Palatio: dicta utrinque causa, & rationes expositæ; sed victoria, & sententia à Rege sterit. Archiepiscopus ab aulico judicio ad Sacrum provocavit, quod solum dicebatur huic causæ finiendæ par esse, ex Canonum præscripto. Rex provocatione offensus, velut alienum tribunal peteretur, omnes Turonensis Ecclesiæ fructus intercipi jubet, & æratio inferri. Quid ageret Hildebertus gratiâ Principis, & opibus lapsus? omisis anathematis, aliisque armis irati, infensique Sacerdotis, ad ultimas preces devolvitur placandumque Principem, adhibito etiam mediatore, quo facilius veniam potiretur, ad quem hæc verba supplicantis leguntur: (a) Nec tamen loquor, tanquam vobis clamorens super Christo Domini deponens, tanquam postulans per Ecclesiasticæ rigorem disciplina subvenire Ecclesiæ: & mihi deprecor per vestrum interventum, & Regi ex charitate suggeri, ne sagittas suas in sine compleat Sacerdote. Hæc Hildebertus notæ Sanctitatis, probatæque miraculis: nec Honorius II. factum improbavit, Rege suis juribus relicto, additque Maimburgus: (b) Honorio Pontifici, æquè ac Gregorio persuasum fuisse, in causis ambiguis, & rationibus utrinque munitis, partes subditorum esse, ut Principi acquiescant, ejusque voluntati, ac legibus cedant.

Sub-

(a) Hildebert. epist. apud Luc. d' Acher. tomo 13. Spic. (b) Maimburg. du Luther. lib. 2. fol. 280.

Subditque Lutheri, & Melanchtonis exempla. Concione abstinendum, quòd Carolus Imperator eas aliquamdiu verâisset; *idque egregium exemplum vocat, & omnibus imitandum.* (a) Non ergo omnis generis exempla defuere, Episcoporum, & Pontificum, Regibus obtemperantium, etiam cum ipsi aliter sentirent; cur ergo fas non fuerit istos imitari? nam Sanctitate, & doctrinâ florebant, & ferè eadem causa vertebatur.

21. Hoc tandem verum, & unicum argumentum est, quod plurimos permovit, ut Regaliæ subscriberent, & servituti annuerent. Timor offendendi Regis, excidendi gratiâ, & ijs, quæ gratiam comitantur, turbandi que pacem ignavis timidisque ingenijs charam, veræ causæ fuerunt Regaliæ admittendi: reliqua velando timori, quem pudebat fateri, quæsitæ sunt. Hanc ergo carnalis prudentiæ, humanique timoris arcem, quam nemo melius, sed neque turpius Maimburgo munivit, evertere animus est, & ad singula respondere, quæ objectabantur.

Nam primò supponunt Principem, ut Regaliâ cederet, persuaderi non potuisse; at falsò id supponi, certissimis argumentis evincitur; nihil enim ejus Religione, & pietate indignus dici potest, quàm noluisse veritati acquiescere, si ostenderetur; id enim pertinacis potiùs animi, quàm Regij est, qui nullâ re magis ut veritate delectantur, quòd S. Ambrosius eleganter expressit, cum Augustum alloqueretur: (b) *Peto, ut patienter sermonem meum audias; nam si indignus sum, qui à te audiar, indignus sum, qui pro te offeram, cui tua vota committas; sed neque imperiale est, dicendi libertatem denegare; neque Sacerdotale, quod sentiat, non dicere; nihil enim in vobis Imperatoribus tam populare, tam amabile est, quàm libertatem etiam in ijs diligere, qui obsequio militiæ vobis subditi sunt; siquidem hoc interest inter bonos, & malos Principes, quòd boni libertatem amant, servitutem improbi: nihil etiam in Sacerdote tam periculosum apud Deum, tam turpe apud homines, quàm, quod sentiat, non liberè pronuntiare; siquidem scriptum est: Loquebar de testimonijs tuis in conspectu Regum, & non confundebat. In causâ DEI quem audias, si Sacerdotem non audias; cujus majore peccatur periculo? quis tibi audebit verum dicere, si Sacerdos non audeat?* Moderni ergo Regis virtutes non patiuntur, ut credam,

R

noluisse

(a) Ibid. fol. 270. Lutherus epist. ad Elect. Saxon. (b) S. Ambros. lib. 5. epist. 29. ad Theodos. Imperat.

noluisse eum veritatem à Sacerdotibus edoceri, & vera dicentibus periculum ingruisse, ne illius gratiâ, & amicitia caderent, & Ecclesiæ premerentur. Pace eorum dixerim, nihil poterant objectare tanto Principe indignius, quæque illius famam magis perstringerent. An ergo Christianissimum Regem, & Ecclesiæ Primogenitum Neronibus, & Decijs comparant, qui exilia, & mortes statuebant veritatem edicentibus? Præsertim cum is juramento se obstringat ad Ecclesiæ libertates, & privilegia observanda; ejus juramenti verba hæc sunt, cum Regiam dignitatem inire: *Promitto vobis, & unicuique de vobis, & Ecclesijs vobis commissis Canonicum Privilegium, & debitam legem atque justitiam, &c.* Vanus ergo is timor fuit, & procul ab ea pietate, & Religione, quas in Principe veneramur. Principes enim, alioquin sapientissimos, aut multitudine rerum, quæ magnam Dominationem semper comitantur, aut adulatione ministrorum falli nemo ignorat: & exempla Davidis Miphibosetum servi delatione punientis, quamvis innoxium, ac Theodosij Magni satis ostendunt; ut mirum non sit, etiam Galliæ Regi tot curis bellisque intento, & militiam præ Canonibus sectanti, impositum esse. Quanta ergo spes erat recusandæ servitutis recens impositæ, si non duo tantum Alectensis, & Apamiensis Episcopi, sed omnes, quorum intererat, & causa agebatur, pari modestiâ, & libertate, omnique ferocia procul, quæ vim argumentis obtundit, læditque Majestatem, Regem adiissent, monstrâssentque: Regiam contra Canonum decreta, contra Concilij Lugdunensis sententiam, totâ Galliâ receptam, contra Regum Edicta, cursumque quatuor sæculorum extendi; imò contra Regis ipsius Sacramentum, dum Regnum auspicatur, & omnium retrò Gallorum jurisprudentiam. Quæ verò de antiquitate Regaliæ dicuntur, quòd nec alienari, nec præscribi possit, sitque privilegium Coronæ insertum, voces esse sono magnificas, rebus vacuas, & assentatione quæfitas, quod etiam Gallici Scriptores observârunt: nec Galliæ Regis Majestatem tam inopem esse veris titulis, ut ad vanos, confictosque recurri oporteat: nunquam magis Regnum floruisse, quam cum pietate in Deum, amore in Ecclesias sustentabatur: hæc Galliæ Regum decora fuisse: his effectum, ut quantum alios Religione, tantum felicitate, & potentiâ vincerent: sicut exadverso nihil
magis

magis obstitisse Regnis, eorûmque casus festinâsse, quàm cum Ecclesiarum facultates, & privilegia carperentur. Hæc plena reverentiæ, & charitatis; nec dubium, non æquis tantùm auribus, sed etiam libentibus ab eo Principe auditum iri, cujus clementia, & comitas tantopere commendantur. Tantôque magis animari debebant, quòd toties vicissent; cum enim ministri Regij à triginta, & suprà annis libertatem Ecclesiarum attentâssent, semper obsistentibus Episcopis repulsi sunt, & contra Regaliam Edicta à Regibus impetrârunt. Quid ergo metuere poterant in tam justa causa, sempérque victores? An non potiùs sperandum erat in eadem omnino causa, & sub æquissimo Rege eandem quoque fortunam, & eventum fore? Quòd si modò victi sunt, & Regijs semper hæctenus victis, victoriam cessere, non Regis hæc culpa, sed eorum fuit, qui non pari cum majoribus suis virtute pugnârunt, & libertatem eorum sudoribus partam, Regio favori submisere, aulæ magis, quàm aris addicti; ficto interim vulgatoque metu, ne gratis viderentur, & sine causa servitutem accepisse; nec cogitabant interim, quàm turpe foret metum obtendere, Sacerdotibus præsertim, quibus supra omnem rerum mortalium curam, & conditionem positis, nihil extra Deum sperare, aut timere licet, alioquin nec unquam officij partes explebunt; nam si navis gubernatorem undæ ventique percellant, & Ducem hostilia signa, ac ferrum nudatum, nec iste victoriam, & pacem, nec ille portum obtinebunt: quantò id in Episcopis veriùs Ducibus, & gubernatoribus animarum? tantôque damnabilior formido fuit, quòd ne tentato quidem hoste fugam arripuerint, ut Innocentius XI. illis verbis, dum ad Episcopos Galliæ scriberet, egregiè notavit: *Non dubitamus, si stetit coram Rege pro causa tam justa defensione, neque desutura vobis verba, quæ loqueremini; nec Regi cor docile, quo vestris annueret postulatis. Nunc cum muneris vestri, & Regia aquatis quodammodo obliti in tanti momenti negotio silentium tenueritis, non videmus, quo probabili fundamento significetis, vos ad ita agendum metu adductos, quòd in controversia victi estis, quòd causa cecidisset: quomodo cecidit, qui numquam stetit? Equis vestrum tam gravem, tam justam causam, tam sacrosanciam curavit apud Regem? Quis ausus est invidia se offerre? quis vel vocem unam emisit memorem pristina libertatis?* (a) Patet ergo ex

R 2

dictis,

(a) Litteræ Innoc. XI. PP. Max. ad Episc. Galliz. Anno 1682.

dictis, quæ de metu, & periculis, & monitione nihil profutura dicebantur, nullo fundamento subnixa, multoque plures sperandi, quàm desperandi causas subfuisse: nec Regem suo vitio, sed aliorum culpâ, & conniventia inexorabilem factum.

Secundo. Sed demus hæc omnia: fingamus inflexibilem Regem, nullamque ei permovendo spem illuxisse: Episcopos gratiâ lapsuros, paratas obstitentibus pœnas, exilia, & quod magis terrebatur, Principis iram; non ideò causa Ecclesiarum omittenda, & servituti acquiescendum fuit, tot Canonum decretis veritatæ; quantum minùs subscribi illam, probarique ab Episcopis debuit, Canonum, Ecclesiarumque custodibus? Si enim culpa silentium fuit, multò magis ipsa societas, & comprobatio criminis: nec illas Apostoli Regulæ ignorare poterant: *Non sunt facienda mala, ne eveniant bona. Et non solum, qui talia agunt, digni sunt morte, sed etiam qui consentiunt facientibus.* Si enim, ut ipsi fatebantur: *Extensio Regaliæ servitutem continebat canonicis institutis, & naturali Ecclesiarum libertati adversam; ac insuper à Concilio Universali prohibitam, & qua Ecclesijs imponi non poterat, nisi ipsius Ecclesiæ consensu.* Si, inquam, hæc ita sunt, nullis ergo minis, nullo periculo, aut metu, imò ne oblatâ quidem morte impellè debebant, ut assensum præberent rei toties prohibitæ, ac tot partibus malæ, quin potiùs repetendæ erant illæ voces, libertatis, & animi plenæ, ac in simili causa à D. Ambrosio prolata: (a) *Si patrimonium meum petitur, invadite: si corpus, occurrat: vultus in vincula rapere, vultus in mortem? voluptati est mihi. Non ergo me vallabo circumfusione populorum, nec altaria tenebo vitam obscans, sed pro altaribus gratiùs inviolabor.* Et infra: (b) *Allegatur Imperatori licere omnia, ipsius esse universa. Respondi: Nolite gravare Imperator, ut putes te in ea, quæ Divini sunt juris, imperiale aliquid jus habere, &c.* Et alibi. *Nabuthe Sanctum Virum scimus interpellatum petitione Regiæ, ut vineam suam daret, ubi Rex succisis vitibus olus vile fereret, scimusque eum respondisse: absit, ut ego Patrum meorum tradam hereditatem.* Si ergo ille vineam non tradidit suam, nos trademus Ecclesiam Christi? Quid igitur responsum est à me contumaciter? dixi enim conventus: *absit à me, ut tradam hereditatem Christi.* Si ille non tradidit Patrum hereditatem, ego tradam Christi hereditatem? Sed & hoc addidi: *absit, ut tradam Patrum hereditatem: hoc est,*

Dionysij.

(a) S. Ambros. epist. ad Marcellinam Sororem. (b) Idem in Orat. contra Auxent. de Basil. trad.

Dionysij qui causâ Christi in exilio defunctus est: hereditatem Eustorgij Consecratoris, hereditatem Myroclis, hereditatem omnium retrò fidelium Episcoporum. Respondi ego, quod Sacerdotis est; quod Imperatoris est, faciat Imperator; prius est, ut animam mihi, quam fidem auferat. Hæc Ambrosius Imperatori unam tantum Ecclesiam petenti; quid dixisset, rogo, non unius tantum, sed omnium Ecclesiarum libertatem infestanti? Nec Ambrosio Imperatoribus charo, & aulis innutrito, aut sanctitas deerat, aut doctrina, ut videri posset impetu ferri, non ratione; aderantque pericula multò præsentibus majora, Augustâ sæviante, Imperatore offenso, & contemni se rato, ac mulieri devincto, denuntiatis exilijs, paratis poenis, ac facibus totâ urbe volitantibus; & tamen inter tot mala, timorisque argumenta, ac omnibus Ecclesijs intentâ clade, num idè aut expavit, aut connivit Ambrosius, aut turpissimis pactis furentem Imperatricem placavit? Stetit, & vicit, pulcherrimo libertatis exemplo.

At, inquit, frustra, & nullâ spe obniti, imprudentis consilij est. Respondeo has voces eorum esse, qui humana solum spectant, nullâ DEI fiduciâ Ecclesiam suam gubernantis; si enim res humanæ, & præsertim sacræ, mortalibus tantum, & fluxis consilijs agerentur, locus timori esset, & desperari de exitu posset; nunc verò ubi Deus ad clavum sedet, præsidetque rebus Ecclesiæ, nulla ratio desperandi subest; jubet enim, & juvat, nec alios magis auxilio suo sustentat, quàm qui eo nituntur, faciuntque imperata, fiduciâ, & obsequio prompti. Non ergo frustra, & nullâ spe obnititur, qui Deum Protectorem habet; hic enim etsi justos permittat adversis conflictari, ubi tamen virtutem suam, & constantiam probârunt, & exempla imitationi reliquere, eorum vota, & conatus implet, seminum, & plantarum more, post nives, hyemésque, cùm mortuæ viderentur, efflorescentium, eamque in rem exempla omnium sæculorum abundant. Quis enim, qui eo tempore vivebat, non credidisset, frustra nullóque eventu à sanctis Martyribus contra Tyrannos, à Paulo contra Neronem, à Basilij, & Athanasij contra Arianos pugnari? quippe aut pauci quàm plurimis, aut imbecilli potentissimis adversabantur; & si humana consuleres, nullum argumentum, quo victoria sperari posset, apparebat; imò nec alia merces, aut stipendia dabantur prædicatæ veritatis, quàm exilia,

tormenta, mortes, & quidquid etiam impavidos invictosque ter-
rere potest: & tamen illis ipsis artibus veritas triumphavit, quibus
premebatur; nec Religionem haberemus, nec Martyres, nec tot
alia fortitudinis, & virtutum exempla, si tot illæ blanditiæ, con-
niventia, assentationes, artesque serviendi, quæ modò inter arca-
na collocantur, animos occupassent; verum enim est, & mille
exemplis comprobatum, quòd S. Thomas Archiepiscopus, &
Martyr Cantuariensis monebat: *Non simulatione, non ingenio regendam
esse Ecclesiam Dei; sed justitiâ, & veritate, quæ se observantem liberat ab omni
periculo.* Libet inter innumera unum seligere, in quo velut in specu-
lo celsitatem animi videas Sacertotali dignitati parem, impavi-
dam videlicet infractamque omnique adulatione, ac turpi obsequio
procul, & contra omnes providentiæ humanæ regulas tunc maxi-
mè validam, cum casura videbatur, quippe Deo nixam, & idè
victtricem. Vastaverat Romanum Imperium Gainas Gothus, au-
debátque victorijs insolens Augustis etiam, ac throno minari. Urbis
Regiæ imminenti, vallatòque Gothorum exercitu, quo Asiam
percurrerat, Arcadius Imperator Chalcedonem usque obviam
occurrit; nam id quòque Barbarus petebat, si non potius imperium
erat. Illic colloquium fuit, & de pace conventum. Conditiones
Barbaro dignæ, & tamen impetratæ, Augusto invalido, pavidò-
que, & idèò facili; eæ verò erant: *Ut Gainas equitum pedumque præ-
fecturâ potiretur, hoc est, exercitum Imperatoris duceret: Saturninus, & Aure-
lianus Senatorum præcipui, & consilij præpotentes, ac idèò suspecti, ac Joannes
omnium Principis conscius dederentur.* Nec obscurum erat, Principem
consilij armisque nudari, exponique arbitriò Gothi Majestatem
inermem; sed premebat necessitas, & major præsentium, quàm
futurorum metus. Ergo in conditiones, & pacem juratum: Sena-
tores Barbaro permitti, proscriptique, & Gainas positis armis,
victorique, ac imperanti similis Urbem Regiam invehit; sed
victò Imperatore, majus certamen cum Chrysostomo supererat.
Ecclesiam Gainas petebat, in qua Arianorum more cum Gothis
sacris operaretur; promittit Arcadius, & accersit Chrysostomum,
imperatque Ecclesiam Arianis traditi, ac potentiam, tyrannidem,
ferociamque Gainæ exaggerat: *Concedenda esse, quæ negari non possunt,
tempori*

tempori aliquid dandum, & prememi necessitati satius esse unam, quam omnes Ecclesias, & Imperium Barbaris cedere: rogare illum, qui imperare possit, & preces armis urgere; medendum ergo presentibus malis, & cætera temporis fore. Videbantur honesta, quæ Arcadius memorabat, & tempori apta, sed non Chrysostomo, res sacras Divinæque non ex fortunæ, sed Dei arbitrio metienti: negat ergo id fieri posse, & colloquium cum Barbaro poscit Arcadio coram. Postridie ad Cæsarem Gainas evocatur, & Ecclesiam, ut Cæsar promiserat, deposcit: cui Chrysostomus: *Quæ tibi Arcadius pollicitus est Gaina, & tu meritis reposcis, nec ille abnuere potest, quippe nihil tam Regium est, ut fidem ac promissa exsolvere; unam ergo Ecclesiam pollicitus, jam omnes offert, patens omnes arbitrio, & pietati tuæ, ut voles, ingredi, & illis nobiscum frui.* At Gainas: *Neque hoc se petere, nec Arcadium promississe. Arianum se esse, & Ecclesiam Arianis petere, nec posse Catholicis misceri. Quantum hoc præmij esset, si pro Romano Imperio tot præliis, & victorijs desunctio vel ara donaretur? & hanc tamen si à Cæsare non possit, à gladio impetraturum.* At Chrysostomus vultu Majestatem composito, ac cæleste aliquid spirante, & quod etiam Barbaro reverentiam afflaret: *Are, inquit, Gaina, & Ecclesia non à gladijs, & Imperatoribus, sed à Sacerdotibus petuntur: nec eas Imperator promissit, nec potuit, nec tu mereris: nam quod prælia, & victorias memoras, pro stipendijs illa, non pro Ecclesijs geruntur: nec tibi honores, & præmia defuere ampla, & ingentia, ac, si verum audio velis, multo meritis tuis majora. Num ergo consulares isti fasces, & exercitus cura & imperio tuo dati, ac fastigium Principi proximum pauca tibi videntur? At mihi non cupidines tuas, sed merita, & acies numeranti, multo debitis plura. Et tu quoque, si pristinas tuas sordes, & angustias, & pauperiæ censueris, eosque habitus, cum seminudus tremensque Danubium transmitteres, huic auro gemmisque, & dignitatum fastigio contuleris, quæ Cæsaris largitate accepisti, fateberis mecum, fortunam tuam supra meritum esse; nec aliud votis tuis relinqui, quam ut Cæsaris beneficia pari gratitudine, & obsequio aques; hanc nimirum Theodosio jurabas, cum ejus clementiâ periturus servarêris: hanc filijs ejus, hanc legibus debes, quas modo delere, frustrarique paras. Simulque Theodosij Magni Edictum, quo omnes Arianæ Ecclesijs arcebantur, sinu expromens: En, inquit, Gaina, legem tuis votis adversam: agnosce Theodosij Majestatem adhuc in filio regnantis, & cui tu vitam, ac fortunam hanc debes, reverentiam, & obsequium redde, & aliquod inter servum, & Principem discrimen admitte. Quid facium hac signa, & acies in Principem suum, & Rempublicam armata?*

armata? quid ista facies imperanti potius, quam supplicanti similis, & nisi manes Theodosij veteni, parricidij plena? Asiam incendisti, Rufinum, & Eutropium prope in Principis sinu obruncasti, Saturninum, & Aurelium Augustum charos inimicosque exilio proscriptisti, & tandem tot facinorum reus, & velut nec castra tuis flagitijs, nec aula sufficerent, transferri illa in Ecclesias jubes, parum videlicet te fortem, & impavidum ratus, nisi utramque Majestatem calcas, humanam, Divinamque. Hæc dicentem Gainas non patienter tantum sustinuit, sed dejecto etiam vultu, ac pudore suffuso, & ne quidem respondere auso; quæ omnia Theodoretus, (a) & Sozomenus (b) memorant. Ubi simul observes, quanta sit potentia, & veneratio veritatis, cum à Sacerdote profertur, in quo virtus juxta, & dignitas sociantur. Si Maimburgum aut Arcadius, aut Chrysostomus interrogasset, quos ille merus, pericula, incendia, bella, & aliorum Principum exempla hæreses ferentium non produxisset in favorem Gainæ? At verò, ut alius spiritus Chrysostomo, alius Maimburgo, sic alia utriusque consilia, isto quæ mundi sunt, illo quæ Dei sapiente. Nec à Deo patrocinium, & suffragium defuit; cum enim Gainas Urbem, & palatium incendio, Arcadium neci destinasset, visæ sunt Gigantum specie Angelorum excubiæ, Regiam, & Principem obvallantium, Gotho absterrito, & Urbem, quod insidiæ patuissent, egresso. Ubi iterum Chrysostomi virtus, & libertas enituit. Cum enim Gainas, quod hostis declaratus esset, irâ vindictæque flagraret, Thraciâ ferro & igni vastatâ, nec reprimendo Barbaro copiæ suppetere, quas ille præmijs, aut studijs devinxerat, jamque Urbem immineret, visum est, ut per Legatos adiretur. Omnibus recusantibus, seu metuerent, seu desponderent, Chrysostomum deligî placuit; nec ipse renuit, quamvis recenti adhuc conflictu, & similitudine. Venienti obviam Gainas processit, dextramque amplexu, & osculo strinxit, & liberos ad genua provolvi jussit, pulcherrimo virtutis triumpho, etiam ab hoste, & tyranno probatæ. Ejusdem postea oratione, & eloquentiâ flexus pacem juravit; quam cum regnandi libidine iterum violasset, fusus tandem est, perijtque, eodem simul tempore Romanis placido mari utentibus, Barbaris verò tempestate jactatis; crederes etiam ventos Chrysostomo militasse, ut pacem, quam à Gainâ non poterat, ab undis impetraret.

En

(a) Theod. lib. 5. cap. 32. (b) Sozom. lib. 8. cap. 47

En ergo Chrysoftomum contra leges, & Philosophiam Palatij toties victorem! Gainas, qui leges Imperatori scribebat, qui ante illius oculos, & penè in sinu charissimos amicorum cædebat, ejus arbitrio capita Senatorum metebantur, gemente Principe, & tamen invalido; qui pacem, ut libuerat, dabat, solvebatque, & ejus armis Coronæ quatiebantur; hic tamen ad unius Sacerdotis, & Episcopi vocem supplex tremensque, & genibus advolutus, Barbarie sopitâ, ac tandem, cum armis non posset, vento marique oppressus est. Quando id unquam toto illo blandiendi, adulandique, & connivendi apparatu Maimburgus effecisset? Hæc idcirco narrare volui, ut falsam ostenderem Maimburgi aliorumque opinionem, statuentium: *Non esse Principibus obsequendum, cum injusta petunt, nec spes est aliqua eos inflectendi.* An verò Gainas, Arcadius, & Eudoxia Imperatrix non injusta imperabant? aut forsan rationes aberant, & potentia, quibus velarent imperium, urgerentque? Et quæ spes erat, vinci illos posse? Num idè cessavit, tacuitque Chrysoftomus? aut forsan nullo præmio, sed irritò perditoque conatu depugnavit, quia displicuit, quia exulavit, quia occidit? imò nunquam magis ejus virtus, & innocentia effloruit, victo Gainâ, pœnitente Arcadio, confectâ Imperatrice, deletis persecutoribus, cœlo terrâque innocentiam testantibus, & denique triumphante exulis cadavere; quæ omnia cessassent, si Gainâ, si Augustis blanditus esset, eorumque votis annuisset, brevi quidem pace, at perpetuo dedecore. Verum est ergo illud Jobi vaticinium: *Iustus cum se consumptum putaverit, sicut Lucifer orietur, & quasi meridianus fulgor consurget tibi ad Vesperam.* In quem locum egregiè S. Gregorius: (a) *Peccatoris lumen in die, est obscurius in vespere, quia in præsentis viæ felicitate attollitur, sed adversitatis tenebræ in fine devoratur. Iusto autem meridianus fulgor ad vespem surgit, quia quanta sibi claritas maneat, cum jam occumbere cœperit, agnoscit.*

Sed nec illud tacendum, eos ipsos, qui tantam curam ostentabant Regiæ dignitatis tuendæ, id tandem adulando effecisse, ut Principes perderent. Eudoxia, postquam gratiâ Mariti excidisset, mœrore collapsa est, nec cineribus quidem quiete permixtâ. Arcadius fraternis odijs, & intestinis bellis appetitus, florente ætate, &

S

fato

(a) S. Greg. lib. 10. cap. 22.

fato immaturo extinctus est, memorando regnantibus exemplo, nullos magis adversari Principum fortunæ, quàm qui maximè blandiuntur. Jam reliqua videamus.

Tertiò. Quæ de Samuele afferuntur, Regem populo concedente, ad rem non faciunt; nec enim suâ sponte id fecit, sed Dei jussu: nec nobis est quæstio, quid Deo, sed quid Sacerdotibus liceat. Deus enim mala aliqua permittit, vel ut puniat, vel ut majus bonum ex malo eliciat. At verò Episcoporum officium non est, ut malum permittant, id enim privatorum; sed ut avertant, aut saltem conentur: nam nec Medicorum ars in eo versatur, ut morbos permittant, sed ut medeantur: nec Pastorum, ut oves errare vagarique sinant, sed ut reducant. Multò minùs Alexandri Pontificis exemplum aliquid probat; quid enim non egit, ut sanctum Archiepiscopum exilio liberaret? quot precibus, quot minis, quot Legationibus laboratum? ac tandem intentata Friderici Imperatoris poena, cui Regno simul, & coronâ interdictum fuerat, Henricum permovit, ut in gratiam cum Sancto rediret. Celebrantur etiam ejusdem Pontificis voces, quando minitanti Regi defectionem intrepidè respondit: (a) *Se duas illi proponere vias, vita & mortu; facile quidem posse illum contemptâ gratiâ, & patientiâ DEI pereuntium praeferre viam, sed se Domino propitiante non recessurum à via rectâ.* Illud verum est, vibrandis Ecclesiæ fulminibus diu multumque abstinuisse; videbat enim Regem in extrema paratum, nec ideò Thomam rediturum; & si hoc telum misisset, inermem se fore, ac ludibrio expositum nudatâ Majestate, idque experientia, & eventus docuit. Prudentis ergo consilij fuit, minari potius, quàm ferire, & timorem augere dilato vulnere; nec aliud Alexander fecit, cujus arcum, qui non assequebantur, damnabant. Cæterum non hoc silentium, & adulatio fuit, quam solam persequimur.

Quartò. Gregorium quod attinet, res sic habet. (b) Scripserat Mauritius Imperator Legem, quâ milites, nisi expletâ militiâ, Religionem profiteri verabantur, misitque Gregorio Pontifici, ut eam alijs Episcopis deferendam, vulgandamque curaret; Gregorius obniti, quòd eam Legem injustam, & impiam diceret, datisque litteris

(a) Joan. Saresber. lib. 2. epist. S. Thom. Cantuar. epist. 66. (b) Anno 593.

litteris modestiâ, & libertate plenis, Augustum monere : (a) *Hanc legem à Juliano Apostata editam primum esse, nec decere, ut Edicta ab Ethnico, & Tyranno, & in odium Religionis scripta, in Christianos transeant. Ut milites se prius are alieno exolvant, cavèantque creditoribus, quam Monasteria subeant, aquissimum id esse, nec vocari in dubium posse : ceterum ubi hæc præstiterint, cur Monasterijs arceantur, ubi delicta expiunt militaris licentia ? invitandos illos potius, quam prohibendos esse, nec ab ullo retrò Imperatorum, quamvis & bellâssent, & vicissent, aliquando id tentatum : cur ergo novis legibus turbaretur Ecclesia, & lacryma penitentium ? Et tamen his magis victorias promoveri, quam bellantium numero : quamvis nec istum minus paucitate illorum, qui castra Monasterijs committunt. Id nuper expertum Imperatorem, quando non armis Persas, nec bellico apparatu, sed precibus debellasset ; istas verò cum Monachis augeri. Imperatores Dei servos esse, Monachos Dei milites. Non ergo deserti, sed impleri militiam, non ab Imperatore ad Deum, à servo ad Ducem transitur ; equum non videri, ut cum castra Caesaris militibus abundent, evacuentur castra Dei. Hæc plena animi, & libertatis ; adjecit alia paris modestiæ : Ego verò hæc loquens Dominis meis, quid sum nisi pulvis, & cinis ? Sed mox flagrante iterum Spiritu, in hanc Apostrophem plenam ardoris, & Majestatis erupit : (b) Ecce ! aperta voce dicitur, ut ei, qui semel in terrena militia signatus fuerit, nisi aut expletâ militiâ, aut pro debilitate corporis repulsus, Domino nostro Jesu Christo militare non liceat. Ad hæc, ecce, per servum ultimum suum, & vestrum respondebit Christus : Ego te de Notario Comitum Excubitorum, de Comite Excubitorum Casarem, & de Casare Imperatorem, nec solum hoc, sed etiam Patrem Imperatorum feci. Ego Sacerdotes meos tua manui commisi, & tu à meo servitio milites tuos subtrahis ? Responde, rogo, piissime Domine Servo tuo, quid venienti, & hæc dicenti responsurus es in judicio Domino tuo ? Et tandem epistolam claudit in hæc verba : Ego quidem jussioni subjectus eandem legem per diversas terrarum partes transmitti feci, & quia Lex ipsa Omnipotentii Deo minime concordat, ecce, per suggestionis meæ paginam Serenissimis Dominis numiavi. Utrobique ergo, quæ debui, exsolvi, qui & Imperatori obedientiam præbui, & pro eo, quod sensi, minime tacei.*

Gregorius ergo, quantum fas erat, paruit Imperatori, ejus lege in diversas Provincias missâ ; eo enim temporis Romana Urbs Imperatoribus subdebatur, & modò sub Ludovico Pio, Pontifici

S 2

relictâ,

(a) Gregor. lib. 2. epist. 63. Indiçt. 11. & epist. 65. ad Medicum Imperatoris.

(b) Greg. lib. 2. epist. 62.

relieta, (a) nisi quodd *fus Regni*, hoc est, fidelitatis Sacramentum, & condendarum legum potestas ad Imperatores spectabat; sed hoc quoque à Carolo Calvo in Pontifices translatus est. (b) Gregorius ergo ut Civis, ac membrum Romani Imperij, non minus Imperatoribus, eorumque legibus subdebatur, quàm modò Archiepiscopi Moguntinus, Colonienfis, & Trevirensis, alijsque. Cæterùm quia eadem lex aliqua ex parte iniqua erat, cùm videlicet milites monasterijs arcebantur, tantùm adest, ut eam observari voluerit, ut potiùs Pontificiâ auctoritate usus correxerit, mutaveritque: & quantum valere illa, aut non valere deberet, illis ipsis Episcopis, ad quos mittebat, præscriberet; ubi apertè ostendit, se in hac parte non subijci Imperatoribus, sed præesse: nec obsequi, sed imperare: & alias esse Civis, alias Pontificis Romani partes; quod enim majus potestatis argumentum, quàm Imperatorum leges censere, erroris notare, ac demum corrigere, & sic correctas, nec aliter observandas proponere? Id fecit Gregorius; non ergo, ut voluit Maimburgus, paruit Imperatori, sed Imperator Gregorio. Hæc ex ipsis litteris Gregorij intellige, quas unà cum Edicto Mauricij ad Episcopos transmissit. Sic ergo ad Orientis, & Occidentis Episcopos scribit Gregorius: *Gregorius Eusebio Thessalonicensi, Urbicio Dyrachitano, Constantino Mediolanensi, Andrea Neapolitano, Joanni Corinthi, Joanni Cretenfi, Martino Ravennati, Januario Sardinia, & omnibus Episcopis Sicilia. Legem, quam piissimus Imperator dedit, ne fortasse hi, qui militia, vel rationibus publicis sunt obligati, dum causarum suarum periculum fugiunt, ad Ecclesiasticum habitum veniant, vel in Monasterijs convertantur, vestra studii fraternitati transmittere; hoc maximè exhortans, quod hi, qui sæculi actionibus implicantur, in Clero Ecclesia præproperè suscipiendi non sunt. Quod si etiam tales Monasterium petunt, suscipiendi nullo modo sunt, nisi quoque rationibus publicis absoluti fuerint. Si qui verd ex militaribus viris in Monasterijs converti festinant, non sunt temere suscipiendi, nisi eorum vita fuerit subtiliter inquisita, & juxta normam Regularem debent in suo habitu per triennium probari, & tunc Monasticum habitum Deo auctore suscipere. Qui si ita sunt probati, atque suscepti, & pro anima sua penitentiam de perpetratis agere student, pro eorum vita, & lucro cælesti, non est talu conversio renuenda. Quà de re etiam Serenissimus, & Christianissimus Imperator, mihi credite, omnimodo placatur, & libenter eorum conversionem*

versionem suscipit, quos in rationibus publicis implicatos non esse cognoscit. Hætenus Gregorius, qui, uti vides, Imperatoris Constitutionem ad terminos juris communis, & sacrorum Canonum reduxit, correxique; sacri enim Canones statuerant, ne obligati rationibus, & officiis publicis ad Sacros Ordines reciperentur, ut habetur, in Concilio Carthaginensi primo, cap. 8. (a) Quod licet de sacris tantum Ordinibus loquatur, ob paritatem tamen rationis, etiam de statu monastico intelligendum est. Cæterum si quis se publicis rationibus exsolvisset, aut dedisset idoneos fidejussores, & insuper trienniali experimento, & tyrocinio constantiam probasset, recipi illum ad Religionem posse, quidquid Imperator decrevisset, Gregorius statuit. Ex hac facti narratione, non meis, sed Gregorij verbis contextâ faciliè intelliges, multa à Maimburgo taceri, multa aliter narrari, quàm se habeant. Vult enim, ut Pontifices Imperatori subdantur, eorumque legibus, quamvis iniquas putent, obtemperent, idque exemplo Gregorij probat, qui Mauritium *Dominum suum* appellat; qui *secinerem*, & *vermem* vocat, quique ejus legem, quam iniquam putabat, nihilominus promulgaverit. At interim tacet Gregorium, cum hæc scriberet, initio epistolæ protestatum esse, se Pontificis auctoritate sepositâ, amico tantum, & privati stilo usurum; & ideò non per Legatos, & Apocrisarios suos, sed per Medicum Imperatoris tradi epistolam voluit, privato, non publico ritu. Verba Gregorij sunt: (b) *Omnipotentii Deo reus est, qui Serenissimis Dominis in omni, quod agit, & loquitur, purus non est. Ego autem indignus pietatis vestra famulus in hac suggestionem neque ut Episcopus, neque ut servus jure Republica, sed jure privato loquor, &c.* Et epistola ad Theodorum Medicum Imperatoris: (c) *Nolo eam (epistolam) à Responsali meo publicè dari; quia vos, qui ei familiariter servitis, loqui ei liberius & apertius potestis, qua pro ejus sunt anima, quoniam in multis est occupatus, &c.* Quid ergo mirum, si Gregorius indutâ privati personâ, privati etiam stilo, ac phrasi utatur? nam oportet sermonem personæ aptari. Secundò & præcipuè tacuit Maimburgus Legem Imperatoriam à Gregorio correctam, emendatamque fuisse, & ita, nec aliter Epi-

(a) Concil. Carthag. I. Anno 348. in cap. un. de oblig. ad ratioc. V. Suar. T. 3. de Relig. lib. 5. cap. 7. & d. 53. in Decret. Grat. (b) Greg. lib. 2. epist. 62. Indict. II. (c) Greg. lib. 2. epist. 65. Ind. II.

scopis transmissam, præceptamque observari; at hoc non subjectionis signum, sed imperij, & auctoritatis fuit; cur ergo circumstantiam tacuit, in qua totus rei cardo vertebatur? sed nec potuit ignorare, qui enim epistolam ignoraret typis vulgatam, & eodem loco à Baronio productam, in quo priorem epistolam ad Mauritium Maimburgus repererat. Denique Maimburgum interrogo, an omnia, quæ Gregorius fecit, scripsitque, pro talibus habeat, quæ nec argui erroris, nec improbari possint? An verò admittat aliqua ab eo facta, aut dicta esse, quæ pro conditione fragilitatis humanæ possint erroris notari? Si hoc ultimum Maimburgus admittat; dicam ego, hunc unum ex illis nævis fuisse, qui Sanctum Pontificem asperferint, dum videlicet legem Imperatoris, quam credebatur Divinis legibus adversari, nimis in Augustos indulgentiâ Episcopis misit, promulgavitque; si enim mala, repugnansque Divinæ legi, deleri debuit suppressique, non vulgari. Si verò, an injusta ea lex esset, dubitabat, ad Pontificem, non Augustum pertinebat illud dubium resolvere; & quid Lege Divinâ permissum, aut vetitum esset, definire; quis enim non indignetur rideatque, si Episcopi casus conscientie Imperatori mittant resolvendos, quanto magis si Pontifices Romani? perinde, ac si miles expugnandæ Urbis rationem à statuarijs petat, aut nauta de Pleiadum exortu, eventumque sartores consulat. Si ergo Gregorius dubitabat, æqua, an iniqua lex esset Mauritij, ipse de hoc dubio statuere, non Principi remittere debuit, juxta illud Michææ: *Labia Sacerdotis custodient scientiam, & legem meam requirent ex ore ipsius.* Ubi vides, ex ore Sacerdotis legem Dei, non Imperatoris querendam esse. Si verò dicat Maimburgus, nihil eorum reprehendi posse, quæ sanctus Gregorius fecit, scripsitque, sed omnes illius actiones regulæ instar nobis esse debere; quæro ex ipso, cur ergo non semel S. Gregorium ipse reprehendat? eumque obnoxium errori fateatur? in historia enim, quam recentissimè scripsit de Pontificatu S. Gregorij M. lib. 2. fol. 106. cum Joannis Patriarchæ Constantinopolitani causam contra S. Pontificem defendendam susciperet, hæc præmittit: *Rem, inquit, à suis principijs examinabo, & quis tandem cardo fuerit controversia inter utrumque agitata; neque me magnum illud Gregorij nomen, & auctoritas morabunt, quin edicam ingenuè, uter*

istorum

istorum jure, an injuriâ certaverit. Equidem persuasum habeo, neminem in hoc mundo, quantavis sanctitate florentem ab ea Regula exemptum esse, quæ habet, falli omnes mortales, ac errare posse. Et eodem lib. 2. à fol. 152. Prolixè rationes B. Gregorij confutat, quibus legem Mauritiij impietatis arguebat. Agnoscit ergo Maimburgus, errâsse Gregorium, cum Mauritium, & Joannem Patriarcham arguebat. Quid ergo mali fuerit, si ergo & errâsse Gregorium dicam, non tunc quidem, cum Mauritium reprehendit, sed quando nimîa indulgentiâ connivit, ejusq; legem, quam iniquam censebat, recepit, transmisitque Episcopis. Tu Gregorium errâsse dicis, cum Mauritiij legem incusavit: ego errâsse dico, cum recepit. An fortè tunc solum Gregorius errori obnoxius, cum Imperatores arguit, & non etiam cum blanditur? Malè ergo exemplo Gregorij utitur Maimburgus, cum eadem libertate, quâ ipse Gregorium severitatis, ego indulgentiæ damnem.

Ejusdem fidei, & farinæ est, quod Maimburgus de Hildeberto narrat: (a) *Hic, inquit, Ludovico Regi Regaliam exigenti restitit primò, deinde cessit; cur ergo non alij etiam Episcopi ejus factum imitentur? nam sanctitate, & doctrinâ florebat. Sed mirum est Hildeberti exempla produci, quo nemo fortiùs adversùs Reges, majorique libertate pugnavit, ut postea videbimus: quòd si daremus, eum in causa Regaliæ Principi cessisse, adhuc nihil probâisset; quo enim tempore Hildebertus floruit, anno videlicet 1222. necdum Concilium Lugdunense peractum, necdum Canones extabant, & anathemata, quibus extendi Regalia vetabatur: necdum Parlamentorum Senatûs-Consulta, Regum edicta, & quatuor sæculorum observantia; verbo, necdum lis decisa erat, & sententia pro Ecclesijs lata: nunc verò causa finita, & nullus amplius excusationi locus est. Non ergo eadem est conditio Episcoporû, qui ante Concilium Lugdunense, & qui post illud vixere; olim venia errori, nunc nulla dari potest. Accedit Ecclesiam Turonensem, pro qua Hildebertus laborabat, ex illis Ecclesijs esse, quæ jam olim Regaliæ subdebantur, & de quibus nulla modò quæstio est. Cæterum veritas est, nunquam Hildebertum eum fuisse, qui in damnum Ecclesiasticæ libertatis Regibus cederet, imò constantissimè oblectatum, quod ex ejus epistolis, actisque perspicuum est; is enim maluit sævissimâ persecutione ab*

Henri-

(a) Maimburg. du Lutheranisme. lib. 2. fol. 279.

Henrico Angliæ Rege jactari, & carceres subire, quàm ut ejus postulatis contra Ecclesiæ libertatem annueret; sicut enim in una suarum epistolarum loquitur: (a) *Longum est enarrare, quàm constanti tyrannide Rex Anglus in nos saviorit, qui temperantiâ Regis abjectâ decreverit non prius Pontifici parendum, quàm Pontificem compelleret in Sacrilegium; quia enim turres Ecclesiæ nostræ deicere nolumus, transfinarimis subijciendi judicij coacti sumus injurias pelagi sustinere.* Et alibi in epist. ad Episcopos, & Clericos omnes: (b) *Oro vos, orate pro me; nam pro Redemptione nihil ago. Semel Christi sanguine redemptus, iterum redimi non requiro. Sanguis ille Redemptio mea, Sanguis ille pretium meum: præterea infamis est Redemptio, quâ libertas perit Ecclesiæ, quâ servitus comparatur, &c.* Epistolâ ad Honorium II. Quantis tribulationum turbinibus Tyroneis agitur Ecclesiæ, vestram, Venerande Pater, latere non credo Sanctitatem; adhuc enim Francorum Rex meam persequitur innocentiam, & quod constat esse Sanctuarij, addixit Fisco. His aliisque premor angustiis, quia Zelo Zelatus sum legem Domini DEI: qui non sum transgressus terminos, quos posuerunt Patres mei: quia dignitates Ecclesiasticas nec ex Regis præcepto disposui, nec ei disponendi facultatem induls; sciens enim, quod oporteret Deo magis obedire, quàm hominibus, Personas elegeri, quæ in disponendi Ecclesiæ negotijs pondus diei portarent, & efflûs. (c) Et alibi: (d) *Jam nihil est, quo serenitatem nimbois temporis expectem: nihil est, quo navis, in cujus puppi sedeo, crebris agitata turbinibus portum quietis attingat. Silent amici, silent Sacerdotes JESU Christi, denique silent & illi, quorum suffragio credidi Regem in gratiam rediturum. Eorum tamen erat, si res ita postulasset, opponere se murum pro Domo Israël. Verùm apud Serenissimum Regem opus est exhortatione potius, quàm increpatione, consilio, quàm præcepto: his ille conveniendus fuit, his reverenter instruendus, ne sagittas suas in fene compleret Sacerdote: ne Sanctiones canonicas evacuaret: ne persequeretur cineres Ecclesiæ jam sepultæ. Inter has tamen angustias nunquam de me sic ira triumphat, ut alicui super Christo Domini clamorem deponere vellem, seu pacem ipsius in manu forti, & excelsa adipisci. Suspecta est pax, ad quam non amore, sed vi, sublimis transeunt Potestates, & sepe sunt posteriora pejora prioribus, &c.* Et tandem in hæc verba concludit digna memoratu: *Si invenero gratiam in oculis DEI, gratiam Regis vel facile consequar, vel utiliter amittam: siquidem offendere hominem propter Dominum, lucrari*

(a) Epist. 20. Tomo. XII. Biblioth. SS. PP. V. Baron. ad Ann. 1107. n. 12.

(b) Epist. 39. in fin. (c) Epist. 67. ad Honor. II. Tomo XII. Biblioth. PP.

(d) Hildeb. epist. 75. ibid.

lucrari est gratiam Dei. Hic jam vides Hildeberti mentem multò aliam, quàm ei Maimburgus affingat; vult enim tumultu, clamoribus, pœnisque canonicis abstinere, quæ Principes irritare magis, quàm mutare solent; sed interim moneri illos, instruique jubet, & miseri reverentiam libertati, paratus tamen eorum potius gratiâ proscribi, quàm Deum silentio offendere, & hoc ipsum lucro adscribens. Planè non est istud Regibus annuere, quod voluit Maimburgus, sed potius obniti, servatâ tamen reverentiâ Majestati debitâ. Quæ ergo fiducia Maimburgo fuit, Hildebertum inter exempla recensere Regibus assentantium? qui tamen maluit carceres, & inopiam ferre, quàm ut Regibus Ecclesiæ libertatem submitteret: alioquin, eadêmque ratione, & Susanna inter amantium, & Samson inter timidorum exempla referri possent.

At Hildebertus intercessores quasvis placando Regi. Verum id quidem; sed aliud est Principi assentiri, aliud rogare, ut innocentia, & ætati parcat jam sponte collabenti, & in occasum pronæ: si quis enim apud Barbaras gentes Evangelium prædicaret, captivusque & ærumnis confectus, aut auro se redimi, aut Principum officijs curet, quis propterea desertæ illum fidei inculet, aut sentire cum Barbaris dicat?

Quod verò Lutheri, & Melanchtonis exempla imitanda esse Episcopis dicat, qui à Carolo Imperatore jussi, concionibus abstinere; id tam indignum, & ab omni procul ratione est, ut pudeat referre, nedum respondere; quis enim nescit ex Lutheri, & Melanchtonis disciplina Ecclesiæ ministros prophanis Magistratibus subdi? mirum ergo non est, ex istorum præscripto, aut tacere illos, aut loqui. At alia Catholicorum doctrina, alia instituta sunt; nisi fortè litare nos Jovi, & Marti, & Junoni jubeat, quia Aristoteles, & Demosthenes idem fecere; sed piget cum umbris luctari, pudetque Maimburgi tam sæda jactantis, seque ipsum ludibrio exponentis tam vilibus mercibus.

Sextò. Concludit Maimburgus: *In causis ambiguis, & quæ rationibus utrinque muniuntur, partes Episcoporum esse, ut acquiescant Principum voluntati; & ipsam Honorij, & Gregorij Pontificum sententiam fuisse.* (a) Hæc Conclusio suis principijs respondet, imò multò illis pejor est; nec

T

tamen

(a) Maimburg. du Luther. lib. 2. fol. 279.

tamen præsentī causæ accommodatur, quæ ambigua non est, sed luce meridianâ clarior, notæque certitudinis. Si enim, quod in Generali Concilio definitum est, quod totâ Galliâ receptum, quod quatuor sæculorum observantiâ, Regumque Edictis, ac usu perpetuo exercitum, probatumque est, non meretur, ut certum, clarumque dici possit, quærimus, quid ergo sit rem esse claram, & certam? aut ad veram certitudinem, & claritatem quid illi desit? Nam quod à Gallorum nonnullis negetur, non idè certitudinem, & claritatem amittit: alioquin nec cælum moveri, nec terram, & montes stare, nec furtum minus flagitium homicidio esse, res erunt certæ indubiæque; quippe ab aliquibus, Zenone videlicet, Copernico, Stoicisque Philosophis negatæ. Quid certius, quàm lilium candere, & fragrare rosas? at istud Domitianus negabat fimeis assuetus: illud iætero, & bile perfusi. Non ergo paucorum contra communem sensum opiniones, præsertim cùm affectibus velut morbis imbuuntur, certitudinem rebus, & claritatem adimunt. Quod verò addit, in rebus ambiguis, & rationibus in utrâque partem militantibus, cedendum esse Principum voluntati; id planè novum mirumque est, & ab omni ratione alienum: imò in rebus ambiguis quid fieri, omitti que debeat, Sacerdotum, non Principum est, judicare, dicente Scriptura: (a) *Si difficile, & ambiguum iudicium apud te esse perspexeris, inter sanguinem, & sanguinem, causam & causam, lepram & lepram, & iudicium intra portas tuas videris verba variare: surge & ascende ad locum, quem elegerit Dominus Deus tuus, veniensq; ad Sacerdotes Levitici generis, & ad Iudicem, qui fuerit illo tempore, quærèque ab eis, qui indicabunt tibi iudicii veritatem, & facies quodcumque dixerint. Et alibi: (b) Populum meum docebunt, quid sit inter sanctum, & pollutum, & cùm fuerit controversia, stabunt in iudicijs meis, & iudicabunt.* Hic vides in rebus controversis, pugnisque opinionum non Sacerdotes Principum voluntati, sed istos submitti Sacerdotum iudicio; alioquin cùm nunquam rationes aliquæ Principibus desint, nunquam etiam corrigendi erunt, semperque eorum voluntati Episcopi subiacebunt; quod quid est aliud, quàm Hierarchiam confundere, & ordines, ac castra Ecclesiæ turbare? Quantis rationibus Valens, Theodosius, Valentinianus, aliique Imperatores cum Athanasio, Ambro-

(a) Deuter. 17. (b) Ezech. 44.

Ambrosio, Chryfostomo pugnabant? at nunquam impetrârunt, quæ postulabant; quippe Pastorum est regere, non ovium: Ducum imperare, non militum: Navarchi ad clavum sedere, ac ventos distinguere, non turbæ: Medici remedia, ac morbos cognoscere: & tandem Sacerdotum, non Principum, Ecclesiam docere.

Quod si absurdum est, ut quis artem doceat, quam nunquam didicit, calluitque, ut si auriga præcepta navigandi, tonsor pingendi tradant, & pictor tonsori, nauta parere aurigæ jubeatur; quantò absurdius, ut Principes castris, & aulis nati, sacrorumque Canonum, ac disciplinæ Ecclesiasticæ, & regendarum animarum ignari, Ecclesijs, & Episcopis præseribant, & isti ab illis ducantur, hoc est, videntes, & docti, à cæcis, ignarisque? præsertim cùm regulæ, & principia, quibus aulæ, & Ecclesiæ reguntur, tantis differant intervallis. Imò fatale semper Principibus fuit, se causis Ecclesiarum miscere, & arcam contingere prophana manu, quod Ecclesiasticam historiam percurrenti perpetuò occurret. Constantini M. Imperium, pace, victorijs, diuturnitate, amplitudine felicissimum fuit; crederes fortunam, & gratiam sub ejus signis militasse, adeò omnia ex voto, prosperèque fluebant: Maxentius, & Licinius Imperatores victi: Scythæ Gothique aliâs indomitæ gentes, fusi fugatique, & vestigales redditæ: Persæ debellati: Pax Imperio reddita, internis externisque bellis sopitis: & denique ab ultimis terræ partibus Indorum Legati auro gemmisque graves, universo velut orbe florem hunc Principum, & delitium generis humani adorante. At verò, ubi manum in Ecclesias verit, proscripto Athanasio, quem intercepti ex Ægypto frumenti accusaverant, (a) continuò prosperorum finis, & mors secuta, veneno à fratribus propinato; quam ei mortem Athanasius prædixit; cùm enim exulandi imperium intrepido ut semper, invistòque animo accepisset, ferunt in has voces erupisse: (b) *Judicabit Dominus inter me & te, quoniam tu consentis calumniatoribus modestiæ nostræ.* Eadem ferè Theodosio juniore calamitas. Proclo Episcopo è vivis sublato successerat Flavianus; displicebat ea electio Chrysaphio Eunucho in aula præpotenti, & Eudoxiæ charo; quippe Flaviani sanctitatem verebatur flagitijs suis adversam, & Pulcheriæ viribus

T 2

sub-

(a) Anno 333. (b) Epiphani. lib. 1. c. 68.

subnixam. Consilium ergo à dolis quæsitum. Monet Flavianum, ut Imperatorem sacro aliquo dono officiat; id præmium fore acceptæ dignitatis, & arrham gratitudinis. Duo panes submissi; sed contendenti Evnucho, aurum, non panes expectari, respondit Episcopus: *Nullam sibi auri copiam esse, præterquam Sacri: hoc verò pauperibus, non aula deberi.* Hinc aucta offensio, & tunc præsertim, cum Flavianus Pulcheriam monuit, eam ambitionis suspectam Ecclesijs destinari, ut Regiâ submoveretur: prævenitque illa spontaneo recessu, Episcopo interim reo vulgati arcani; nec prius cessatum, quàm armatis in illum Eurychianis, Synodoque Ephesinâ in exilium ageretur, annuitque Theodosius, privatis odijs à Chrysaphio, & Eudoxia imbutus. Secuta Dei vindicta, sequenti mox anno, Theodosio, dum venatui indulget, equis lapso, & in Album fluvium abrepto. (a)

Anno CCCCLIII. Valentinianus III. Imperator lege editâ immunitatem Ecclesiasticam minuerat, sublatâ fori exceptione, quâ Clerici hætenus gaudebant, & servis, inquilinis, colonisque, ne votis monasticis se illigarent, prohibitis. Eodémque Anno Attila Italiam ingressus est, vastavitque torrentis more; Aquileia, Mediolanum, Ticinum captæ: & jam Romæ imminebat, cadebátque Imperium, nisi eloquentiâ, & Sanctitate Leonis Papæ respirasset, Barbaro in fugam, & ultra Danubium pulso. (b) Eam postea Legem Imperio fatalem Marcianus abolevit.

Anno DXVII. Hormisdæ Pontifex Max. Legatos cum Epistolis ad Anastasium Imperatorem miserat, monebátque, ut relictâ Eurychetis hæresi in Ecclesiæ sinum rediret, abstinereque persequendis Episcopis. Legati non solum auditi non sunt, sed etiam rejecti, & fragili cymbæ imparatæque impositi, cum ventis, & undis liberet, perituri: inter alia contumaciter dicta etiam hæc audita, & diplomati inserta: (c) *Nos jubere volumus, non juberi.* Sed quo eventu? sequenti anno insomnijs, & spectris vexatus, ac fulmine percussus, cum fugiens thalamos pererraret, infelicitè extinctus est. Elias verò Hierosolymis, Flavianus Antiochiæ Episcopi;

(a) V. Baron. ad Ann. 450. ex Ced. Nic. & Zon. (b) Marcellin. & Cassiod. in Chron. (c) Anastas. in Hormisdæ.

scopi, quos exilio punierat, decimo post die, cælesti tribunali assistere visi sunt, & causam suam contra Anastasium dicere. (a)

Anno DLXV. Justinianus Imperator non legibus, non armis contentus, quibus æternam gloriam sibi paraverat; dum etiam in ipsas aras manus profert, Concilio Chalcedonensi bellum intendit, Vigilium, alióque Episcopos damnat, proscribitque, ac totas noctes versandis rebus Ecclesiæ insumit, repentinâ morte sublatus est, cum prius hæresin incidisset. Lis inter scriptores de Anima est; ego pænituisset crediderem, & absolverem, si modò juvari posset credendo, optandóque: illud timorem auget, quòd eo momento raptus sit, quo Episcopo Antiocheno exilium dictabat. (b)

Anno DCCCCLXXXIII. Otho II. Episcopatum Merseburgensem Beato Laurentio dicatum extinxerat, unierátque Archiepiscopatu Magdeburgensi: eodem anno festinante Deo vindictam ejus exercitus à Græcis in Calabria cæsi, & ipse Imperator vix natando evasit, pervenitque Romam, ubi etiam mœrore consumptus est. Auctor Vitæ S. Hildeberti (c) narrat paulò ante mortem, & nocte intempestâ juvenem apparuisse, decoro ignitòque vultu, & candido amiculo, purpureaque stolâ insignem. Aureum solium Imperatorem sustinebat, circumfusâ Episcoporum, Optimatûmque coronâ. Illuc juvenis accurrit, subduxitque argenteum suppedaneum irato similis; & uni, ne id ageret, inclamanti, minaciter respondit: *Imò, si meum dedecus non emendat, majora faciam, & subtracito scabello ipso solio deponam.* Paulò pòst, ut fides vaticinio esset, secuta clades, & mors Imperatoris. In hujus filio Ottone videlicet III. Magni Ottonis Nepote (qui veneno periit chirothecis ab Amica infuso) concidit Regnantium Ottonum stirps; idque, ut creditur, in pœnam usurpatæ Pontificum electionis, ut scribit Baronius. (d) Nam si Ottonis fortunam, virtutes, & potentiam spectes, perpetuum in ejus familia videri Regnum poterat, fuissetque, si intra aulam, & castra stetisset, Ecclesijs intactis.

Anno MXXXVII. Conradus Imperator Mediolani Archiepiscopum Imperio perduellem bello petijt, agrum Mediolanensem vastavit,

T 3

(a) V. Spond. ex Cyrillo, & Sophron. Anno 518. (b) V. Niceph. lib. 17. cap. 31. Euag. lib. 3. cap. 2. (c) Auctor Vitæ S. Hildeberti contemporaneus apud Sur. dic. 23. Apr. (d) Baron. ad Ann. 1002.

stavit, & leges victis præscripsit; inter quos Placentinum, Cremonensem, & Vercellensem Episcopos exilio damnavit; sed Droimprobante: (a) cum enim Coronam Imperialem incingeret, tonitrua, & fulmina micare, tantoque impetu tempestas agebatur, ut alij mente, alij vitâ exciderent; & Bruno Episcopus testatus est, visum à se, dum Sacris operaretur, Sanctum Ambrosium irato minacique vultu vindictæ accingi: nec multum dilata est, ingenti peste in exercitus immisâ, quæ etiam domum Cæsaris libavit, & ipse inopinâ morte decessit. (b)

Anno MCVI. Henricus III. Imperator, qui Gregorium VII. ausus fuerat Pontificatu exuere, Antipapam Guibertum decernere, Romanam invadere, omnes, qui legitimo Pontifici adhæserant, persequi; (c) tandem à Principibus desertus, à filio oppugnatus, coactusque imperio cedere, vitam privatus absolvit, omnium ferè, quiejus scelera execrabantur, gratulatione.

Anno MCXC. Fridericus Ænobarbus Imperator, cum in Oriente militaret, & ingentibus victorijs Saladinum profligâset, cæsis unâ acie quadringentis millibus equitum, cum ipse sexcentos tantum haberet: alterâ ducentis millibus; infelici casu spem omnem, fructumque tot laborum amisit; cum enim propter ripam Cydni amnis, quem paulò ante transmiserat, epulatus esset, æstum solis, qui tum maxime flagrabat, levaturus, invitante purissimo liquore, in amnem se coniecit, excepit deliquium animique defectio, & sub vesperam mors. Secutæ omnium lacrymæ, etiam hostium. Fas equidem non est, Divina consilia metiri oculo mortali. Neubrigensis (d) tamen non dubitat cælesti vindictæ adscribere, quam Fridericus provocaverit persecutione Alexandri Pontificis, & quod electiones Episcoporum turbâset. Friderico Henricus Filius successit, & huic Otto; nam Philippum ex Henrico Friderici Nepotem Innocentius III. rejecerat, utpote diris implicitum, cum à nonnullis Principum electus est: & illi res prosperæ, florênsque fortuna, dum sacris reverentiam habuit. At verò, ubi Beneficiorum immunem, quæ ab Innocentio III. acceperat, Ecclesiæ terras

invasit,

(a) Sigebert. in Chron. ad Ann. 1039. (b) Herman. Contract. ad Ann. 1037: (c) V. Otton. Frising. & Ursperg. in Henr. III. (d) Neubrig. Lib. 4. cap. 13.

invasit, multis præliis cæsus, à suisque relictus, Imperio, & vitæ caruit; penituit tamen, doluitque. (a)

Fridericus II. Romanæ Ecclesiæ, summisque Pontificibus toties infestus, & anathemate percussus, tandem à proprio filio strangulatur. (b)

Infinis sim, si omnia percurram, quæ in hanc rem dici possunt. Sunt etiam memoratu digna, quæ in sacris litteris proponuntur: Oziæ videlicet Regis: (c) *Qui cum roboratus esset, elevatum est cor ejus in interitum suum; ingressusque templum Domini, adolere voluit incensum super altare Thymiamatis, & minabatur Sacerdotibus, statimque oria est lepra in fronte illius, &c.* Et Saulis, cujus pavendum Regibus exemplum, cum Sacrificia obtulisset contra præceptum Samuelis, Sacrae litteræ ita recensent: (d) *Et obtulit Saul Holocausta, & pacifica; cumque complisset offerens Sacrificia, ecce Samuel veniebat, & egressus est ei obviam, ut salutaret eum; & dixit ei Samuel: Quid fecisti? Respondit Saul: Quia vidi, quod populus dilaberetur à me, & tu non veneras juxta placitos dies, porro Philistinim congregati fuerant in Machmas; necessitate ductus, obtuli holocaustum. Dixitque Samuel: Stulte existi, nec custodisti mandata Domini DEI tui, quæ præcepi tibi; quod si non fecisses, jam tunc preparasset Dominus Regnum tuum in sempiternum; sed nequaquam Regnum tuum consurget.* Hic jam vides, quantum inter se differant DEI, & Politicorum consilia: volunt isti, ut Principibus aliqua imperantibus, & rationes imperandi afferentibus, Episcopi non solum non obsistant, sed etiam obsequantur, quamvis iniquum imperium putent, improbentque rationes, velut Divinæ Legi contrarias, quæsitæque velandis flagitijs. At alia DEI sententia est, qui in rebus ambiguis vult ex Sacerdotum arbitrio Reges pendere; stultosque appellat, qui in rebus sacris exiles aliquas prudentiæ humanæ regulas eorum præceptis anteponunt. Quæ non obtendebat Saul, ne imperio Samuelis stringeretur? Morari Sacerdotem, exercitum dilabi, hostes imminere, & tandem necessitatem omni lege majorem. Si Maimburgus in castris, & Senatu fuisset, non unum tantum Samuelem, sed omnes Prophetas, & Patriarchas his rationibus repulisset, nec ullum finem laudandi Regis inveniret; & tamen is stultus appel-

latur;

(a) V. Abb. Ursperg. & Stadenf. ad Ann. 1214. (b) Anno 1250. (c) Paralip. 2. cap. 26. (d) Reg. 1. cap. 13.

latur, & in præmium contempti Sacerdotis Regno movetur. Idem ferè in alijs exemplis, quæ produxi observes; nemo enim Imperatorum, cum Sacerdotibus obsisteret, suis rationibus carebat: nec istæ unquam Principibus desunt, in tanto adulantium numero, & qui ingenia, calamósque locant inaurandis mendacijs, celandisque, ne appareant. Nec funestos eorum exitus casui adscribas, non destinatæ vindictæ; quæ enim casu fiunt, rarò paucisque contingunt, nec uni facto alligantur; nec enim omnes, qui fodiunt, in thesauros incidunt: nec omnes, qui navigant, in novas Insulas, & Regna jactantur; at verò omnes ferè, qui rebus sacris, & Sacerdotibus salubria monentibus infesti fuerunt, cælestem vindictam experti sunt. Huc tendunt Maimburgi insignes Aphorismi, quos meritò *Artem* appelles, *blandissimè* percundi.

IV. *Opponitur 10.* Plerique Episcoporum, imò omnes, si duos excipias, Regaliæ, ejusque extensioni subscribere: cur ergo omnium sententia non duobus prævaleat? nam & pietate, & doctrinâ conspicui erant. Quis ergo credat, aut cæcos illos omnes, aut impios fuisse, ut veritatem vel non viderent, vel proderent? Et planè cum in rebus moralibus maximum sit momentum in auctoritate dicentium, ea vincet sententia, quæ plus habet auctoritatis; ea verò plus habet auctoritatis, quæ omnium, quàm quæ paucorum est.

12. Multa sunt, quæ responderi possent ad hoc argumentum; supponit enim falsum, videlicet duos tantum fuisse Episcopos, qui se Regaliæ opponerent; imò plerique obstitere, & quàm ægro, invitòque animo Regiam Declarationem acciperent, multis signis expresserunt: alij protestati sunt: alij eodem momento, cum subscribebant, cogi se clamabant, jubebantque à Notario, & testibus in tabulas referri: (a) omnes denique, cum ad Pontificem scribere, timorem professi sunt. (b) Agnoscebant ergo injusta imperari, & quæ libertatem Ecclesiarum, & conscientiam læderent. Nec consensus dici potuit, quem metus expresserat.

Non ergo Alestensis, & Apamiensis Episcopi contra omnes solis sentiebant, imò cum omnibus, cum nemo esset, qui ignoraret, iniqua à Regijs postulari. Solitamen ausi sunt veritatem exilijs, & pœnis præferre, & humanum timorem Divino posthabere. Nec ista,

(a) M. de Pamiers Traët. de la Regale f. 178. (b) Epist. Innoc. XI. ad Episc. Gall.

ista, ut Politici vocant, singularitas, aut obstinatio fuit, sed constantia, & libertas Sacerdotibus digna; alioquin obstinati omnes Martyres: & Ambrosius, Chrysostomus, Athanasius, Basilii obstinati fuistis. Quod si, ut dicunt, plurium exemplis vivendum est, quæ non flagitia licebunt, aut qui locus virtuti? cum ista paucorum sit, illa verò multorum?

Deinde quâ fiduciâ dicunt solos fuisse Alestensem, & Apamiensem Episcopos, qui noluerint extendendæ Regaliæ consensum præstare? qui enim soli, qui cum Concilio Universali Lugdunensi mille, & quingentis Patribus frequenti (inter quos duo Patriarchæ, Constantinopolitanus, & Antiochenus, quindecim Cardinales, septuaginta Archiepiscopi, & Episcopi quingenti) hoc est, cum flore totius Reipublicæ Christianæ, cum omnibus quatuor sæculorum sacris prophanisque Doctoribus sentiebant? Et si omnia desissent, qui suffragio imperioque Romani Pontificis nitebantur: si hoc est esse solum, quæro, quid ergo sit cum multis sentire? aut qui sunt illi, quos audeas, non dico præferre, sed etiam æquare Concilio Lugdunensi? Et si omnium sæculorum documenta, morésque percurras, invenies id semper à sanctis Episcopis observatum, ut illi causæ adhærerent, eamque probarent, quæ Romanis Pontificibus placuisset, & ab hoc victoriam, non à multitudine sperarent. Exempla in promptu. Athanasium totus ferè Orbis, omnesque Episcopi damnaverant, solus Liberius tuebatur; cui cum Constantius Imperator obijceret: *Totus terrarum Orbis non de ejus impietate solum, verum etiam, quod tempus ludere conatus est, sententiam tulit, omnesque terrarum Episcopi, qui in Concilio Tyri celebrato aderant, eum condemnaverunt. Tantiâ Orbis pars in te, Liberi, residet, ut tu solus homini impio subsidio venire, & pacem Orbis, ac Mundi totius dirimere audeas?* Respondit Liberius, quæ ad rem præsentem apprimè faciunt: *Qui ejus damnationi subscripserunt, hoc idè faciârunt, vel quod gloriam à te assequi, vel quod metu percussi, vel denique quod infamiam extimescere viderentur, nec Dei gloriam amplexantes, tua munera ei præstulerunt. Esto, quod ego sim solus, non propterea causa fidei sit inferior; nam olim tres solum erant reperti, qui Regis mandato resisterent. Et cum Constantius replicaret: Unum est, quod queritur: volo, ut tu Ecclesiarum Athanasium condemnantium communionem amplectaris, & deinde Romam redeas; proinde paci consule, subscribe, ut Romam*

reverentis. Respondit dignam Pontifice sententiam : Jam fratres, qui Roma sum, valere jussi : nam leges Ecclesiasticas observare pluris facio, quam Roma habere domicilium. (a)

Hic vides, nec Liberium multitudinem, nec Athanasium spectasse, sed huic Liberij sententiam, Liberio Athanasij innocentiam, & æquitatem ante omnem multitudinem fuisse. Joannem Chrysostomum ab omnibus ferè desertum, damnatumque in gratiam Imperatricis, nihil magis inter tot mala solabatur, ut Innocentij Pontificis cura, & amicitia secum sentientis ; sic enim, cum Cuculi exularet, ad eundem Pontificem scribit : (b) *Tertium nunc annum in exilio versamur, expostis pesti, fami, bello, continuis obsidionibus, solitudini indicibili, quotidiana morti, & Isauricis gladijs : & non mediocriter consolamur vestra solida fides, & charitas, quæ se in me tam tenui, ac simplici oblectant. Hic noster nurus, hac securitas, hic portus absque fluctibus, hic multorum bonorum thesaurus, hac letitia, mirificæq; causa voluptatis, &c.*

Advertis, quid Sanctis olim solatio fuerit, Romanum videlicet Pontificem à suis partibus stare. Solus erat Anselmus, qui libertatem Ecclesiæ Anglicanæ sustineret, reliquis omnibus silentio, & metu defixis ; sic enim narrat Matthæus Paris. (c) *Anselmus à Rege ut laza Majestatis reus postulatur ; huic accusationi, & plurimi Episcopi, præter Episcopum Rossensem, suum calculum adijciebant, & facti sunt ut canes latrantes non audentes. Sed quid Anselmo animos adderet, discere ex Wilhelmo Malmesburiensi : Jubetur, inquit, Anselmus Regi hominum facere, vel absolutis moratur nexibus Regno excedere. Quin potius, respondit ille, inspiciantur Apostolica littera, & quod tenor earum continet, fiat, &c. Solus D. Thomas Cantuariensis in acie perstabat, reliquis omnibus in fugam averfis ; sicut enim Bosoni Cardinali scribit : (d) *Quem aliorum Episcoporum in Insula nostra vidisti, aut legisti se pro tuenda libertate Ecclesiæ, pro conservandis Institutionibus Patrum, pro reverentia, & obedientia Sedis Apostolicæ, præter Cantuarienses, se opposuisse Principibus ? & nostrâ quidem aetate, nec unus extitit : & si veteres revolvantur historia, nullus occurreret, &c. Sed quid eum sustentaret tot adversis impulsus, audi ad Alexandrum PP. scribentem : (e) *Non est, ad quem habeamus refugium post Deum, nisi ad te ;***

cum

* (a) Theodoret. lib. 2. cap. 16. Anno 355. (b) S. Chrysost. epist. 2. ex 7. Anno 406. (c) Matthæus Paris. sub. Gul. 2. ad Ann. 1094. (d) Epistola & Vit. D. Thomæ lib. I. epist. 136. (e) Ibid. epist. 47. lib. 2.

omn̄ etiam ipsi opponant senobis favore hominum, qui intuitu pietatū, & iustitiæ ob reverentiam Sacrosanctæ Ecclesiæ Romanæ nobiscum stare debuerant, & pugnare pro nobis. Et ad Henricum Cardinalem: (a) Certum verò sit, quod nos peram nostram, vel causam Ecclesiæ non credemus, nisi iudicio Domini Papæ, cui Ecclesiæ Anglicanæ stabit, aut cadet. Ergo D. Thomæ tam scedâ tempestate jactato portus Romæ, & anchora fuit; Ademque omnibus sanctis Episcopis animus erat, qui Christum in suo Vicario, cum extremis premerentur, amplexabantur: idque D. Hieronymus egregiè expressit: (b) Ego, inquit, nullum pramium, nisi Christum sequens Beatitudinis tuæ, id est, Cathedra Petri, communionem conficior, super illam Petram adificatam Ecclesiam scio: quicumque extra hanc domum agnum comederit, profanus est: quicumque tecum non colligit, spargit, hoc est, qui Christi non est, Antichristi est, &c. Et iterum; Hic in tres partes scissa Ecclesiæ me ad se rapere festinat: ego interim clamito, si quis Cathedra Petri jungitur, meus est. Non ergo obstinati, non singulares, Alestensis, & Apamienſis Episcopi fuerunt, qui omnium retrò Patrum, & Galliæ ipsius exempla, ac Pontificis Romani iussa, adulationi, suisque commodis prætulere; aut si ista contumacia fuit, Apostoli, Martyres, omnesque sancti Episcopi istius culpæ rei sunt; istos prius incusent, nam exemplis præluxere. Quodd si veritas aliquando, & apertè dicenda est, ac Principibus obſistendum: nec poenæ, exilia ac regnantium odia curanda sunt; quæro, quando id magis, quàm in præſenti causa agendum fuerit, ubi tot modis veritas eluxit, ut ne ab adversariis quidem negata sit; & qui illam prodidere, solum metum professi sint. At metus nec militem, nec Episcopum excusat, cui dictum est: *Bonus Pastor ponit animam suam pro ovibus suis.*

Quando animam ponent, qui ne vocem quidem ausi sunt ponere memorem pristinæ libertatis? aut quæ ignavia Pastoris fuit, non tantum cominus non pugnare; sed ne clamare quidem ausi contra lupum irruentem? miseras oves his custodibus creditas! sed quid dicas, quando nec pugnatum pro ovibus est, nec clamatum, sed scædus potius, & societas cum vastantibus inita? At istud non Chrysostomus, non Basilij, non Ambrosij fecere, quorum virtuti, & doctrinæ, si Maimburgum componas, ne umbram quidem

(a) Ibid. lib. 1. epist. 73. (b) Hieron. epist. ad Damasum Papam.

dem efficiet; neque ipse pro sua modestia diffitebitur: cur ergo non eorum potius exempla imiteris, quàm istum audias?

Dices. At eorum auctoritas, qui Regis Declarationem, extensionemque Regaliæ admiserunt, hanc opinionem probabilem reddidit; cur ergo non liceat amplecti? nam & hæc est probabilem sententiarum natura, & privilegium, ut eas impunè, ac innocentè amplecti possis: & hæc tempestate id more receptum, ut patet totam Theologiam moralem decurrenti, in qua nullam ferè paginam reperiās, non hoc saccharo animarum refertam. Et ferè, ut jam novitas, ac illecebræ colorum in vestibus, ita novitas sententiarum in scholis admissa est, mundoque arridet; quidni ergo te temporari aptes?

Æ. Non est otij, ac instituti mei, quantam moribus, ac disciplina Ecclesiasticæ cladem opinandi licentia intulerit, hic ostendere: satis experientia loquitur, & dedecora sententiarum, quæ Theologiam defœdârunt, adèd, ut non amplius castæ Matronæ similis, sed impudica, crudelis, mendaxque procedat, & qualem vel ipsi Gentiles, Socrates, & Aristoteles, aversentur: mille videlicet coloribus fucata, & omnium amoribus, & cupiditati prompta; possémque longâ inductione demonstrare, nullum ferè Decalogi præceptum esse, quod illa non corruperit, cassumque reddiderit; imò non Catholicæ tantum, sed etiam Christianæ Religionis fundamenta convellit; hinc tot illæ Episcoporum, & Pontificum querelæ, conatúsque huic malo sedando: nec alij magis ei tollendo, ut Galliæ Episcopi laborârunt. Malè ergo præsidium petunt ab opinandi licentia, quam & ipsi erubescunt, damnantque, sed, ut dixi, alterius loci hæc quæstio est. Hic solum asserimus, sententiam, quæ docuit Regaliæ extendi posse, nequaquam inter probabiles censi; qui enim probabilis esse possit, quæ ab Universalis Concilio damnata est? quæ diris percussâ?

Quæ in Concilijs Universalibus decreta sunt, adèd ex sententia Conventionis Parisiensis pro certis habenda, ut ne à Pontifice quidem mutari possint. Si certa, ergo quæ illis opponuntur, non sunt probabilia, sed penitus improbabilia, & absurda; quemadmodum quia hæc propositio: *Nix est alba*: est certa; idèd propositio illi opposita, videlicet: *Nix non est alba*: est omnino improbabilis; nam, ut dixi, quid-

quidquid certo opponitur, est penitus improbabile. Quòd si illa, quæ Conciliorum Decretis opponuntur, sustineri ut probabilia possunt; ergo quæ ab Ario, à Nestorio, à Pelagio, Luthero, aliisque hæreticis tradita, & à Concilijs improbata sunt, defendi ut probabilia, tenerique poterunt; nam si dicas: *Ideo hæreses esse, quia Scripturis adversantur, & à tota Ecclesia rejecta.* Continud respondebunt: *Hoc ipsum quæri, an Scripturis adversentur, an Ecclesia rejecerit? utrumque quidem in Concilijs definitum esse, sed utrumque à se negari: sententiam Concilij contrariam, ut probabilem sustineri; quippe non tantam esse Conciliorum auctoritatem, ut contra illam non agere, non sentire liceat.* Vides, quo tandem deveniant, quibus non tam veritas ad scribendum, quam affectus, & cupiditas fuit; coguntur enim refellere, quæ prius edixerant: & auctoritatem Conciliorum, quam prius ad stellas usque evexerant, cum videlicet eam Pontifici opponebant, nunc tantundem deprimere, cum se illà vident impugnari. Ergo Concilia nunc infirma, nunc valida sunt, ut Gallis conduxerit. Et quid rogo Concilij opus, tot expensis, tot laboribus, annisque coactis, si quæ illa vetant, fieri adhuc possunt probabilitatis obtentu? hæc enim aperit, quod illa claudunt: parumque interest exire volenti, si cum unam clausuris januam, alteram pandas.

Sed Concilium, dices, non potuit admittere, quæ ad jura, Regumque Dignitates spectant, id verò est Jus Regalia.

Respondeo Jus Regaliæ plura completi: Jus videlicet percipiendi fructus feudales, & Regalium: Jus percipiendi alios fructus ex oblationibus, & donationibus fidelium: & denique jus conferendi Canonatus, & alia Beneficia vacantis Ecclesiæ: hæc duo ad Regiam potestatem pertinere, nec legibus Ecclesiæ subijci, tam est falsum, ut nihil amplius; aut enim hæc jura sunt sacra, aut profana? si sacra, non ergo ad Dignitates profanas spectare possunt? si profana, cur Canones toties, imò semper de illis disponunt? cur vetant in usus profanos converti? cur sacrilegij norant qui illa invadunt? cur Simoniacos, qui dato acceptoque pretio acquirunt? hæc planè haud conveniunt merè profanis: & mirum est, aut ignorasse Concilium, quæ illius essent, vel non essent potestatis: aut voluisse aliena usurpare: aut Principes, qui tanto numero aderant, passos esse sua jura involari, præsertim Galliæ Reges (quoniam hoc Concilij

Decretum quadringentis ferè annis amplexati sunt, nunquam injuriam questi) aut denique Maimburgum, eique similes, quæ jura Principum essent, melius, quàm ipsos Principes, Patrèque Concilij calluisse; hæc omnia tam clara sunt, ut ab illis tantum ignorari possint, qui *nolunt intelligere, ut bene agant.*

Ex his omnibus manifestè conficitur, nullam Conventui Parisiensi contra Universale Concilium auctoritatem fuisse, nec posse, quæ illi statuerunt, ut probabilia sustineri; præsertim cùm metu agerentur, quod ipsi in epistolis ad Innocentium XI. Pontificem Maximum professi sunt; quis enim nescit, suffragia metu extorta pro nullis haberi? nec is metus ex vano erat, cùm passim spolia, exilia, carceres, & pejora etiam illis omnibus indicerentur, qui Regaliæ obsisterent; qui ergo vota numerari possunt tot minis pœnisque expressa? absint catenæ, cessent proscriptiones, odia minasque remove, ineanur suffragia sine contentione, & minis; liberæ sint voces Sacerdotum, & tunc demum vota, & consensus numerate, nunc verò quid extorta obijcitis, & prolata invitis animis? voces, non vota fuerunt. Et denique si absint hæc omnia; quis nescit Acta Conventus Parisiensis à Pontifice Romano improbata esse? sic enim in litteris ad Galliæ Episcopos datis loquitur: *Quamobrem per præsentis litteras tradita nobis ab Omnipotente Deo auctoritate, improbamus, rescindimus, & cassamus, qua in ista vestris Comitij's acta sunt in negotio Regalia, sum omnibus inde secutis, & qua in posterum attentari continget, eaque perpetuò irrita, & nulla, & inania declaramus; quamvis cum sint ipsa per se nulla, cassatione, & declaratione hujusmodi non egerent.* (a)

At verò Acta Conciliorum, quæ Pontifices Romani improbârunt, nullius roboris esse, nec posse in opus deduci obtentu probabilitatis, res est certa, & toti retrò antiquitati nota, ac alibi probata. Sufficiat nunc audire S. Leonem: (b) *Consensiones, inquit, Episcoporum Canonum apud Nicaam conditorum regulis repugnantes in irritum mittimus, & per Auctoritatem B. Petri Apostoli generali prorsus definitione cassamus.* Et Beatum Gregorium: (c) *Cuncta acta illius Synodi Sede contra-*
dicente

(a) Litteræ Innoc. XI. ad Arch. & Episc. Galliæ Anno 1682. (b) Acta Conciliorum à Romanis PP. improbata nullius momenti esse Regal. Sacerd. lib. 2. § 10. S. Leo ep. ad Pulch. 55. (c) Greg. lib. 4. ep. 34. Basil. ep. ad Athanas. 52. Theodoret. lib. 2. cap. 22. Sozom. lib. 4. cap. 18. & decretum Greg. lib. 7. cap. 70.

dicente Apostolica, soluta sunt. Nec audebunt Galli negare, qui saltem Concilia particularia infra Pontificis auctoritatem esse docent, ejusque legibus, & potestati subiecta. In quamcunque ergo partem te veritas, nulla est Comitij Parisiensibus auctoritas, nulla probabilitas; quâ munire te possis.

Obijciunt 11. At saltem, quamvis omnia alia desint, nomen, & auctoritas Ecclesiæ Gallicanæ multum momenti, & ponderis habet, & aliquid ei deferendum erit, nec enim persuaderi hominibus potest, errâsse viros tantâ doctrinâ, & virtute, ac famâ præcipuos.

12. Mirum non est, illic errorem fuisse, ubi alios odium, & vindicta, alios spes, & cupiditas, omnes verò metus urgebat. Quanti Osius, Tertullianus, Lucifer, Origenes, Patrèsque Ariminenfes viri? & hi tamen iisdem causis cecidere. Etiam angelos subvertit fastus, & æmulatio. Quod si durum, creditûque difficile tibi videretur aliquot Galliæ Episcopos errâsse: at mihi multò durius, errâsse Concilium Lugdunense, mille Infulis frequens, & cum illo quadringentos fere annos errâsse Ecclesiam Gallicanam, quæ in hæc usque tempora Regaliam negavit posse dilatari; vanitas enim & fucus est, cùm dicunt Gallicanam Ecclesiam Regaliæ suffragari; imò nulla magis obnixa est, nec olim tantum, sed etiam hac tempestate ut injustam agnovit; & planè ab Ecclesiæ Gallicanæ genio, ac institutis degenerat, qui proferendæ Regaliæ assensum præbuit.

Anno MCCLXXIV. Concilium Lugdunense, cujus Galliæ Episcopi magna pars erant, Regaliam extendi vetuit: idemque Regis Christianissimi Philippi Audacis Oratores censuerunt: imò, ut fatetur Guillelmus Durandus (a) testis oculatus, quique Canones Concilij pertexebat, hoc ipsum Decretum *ad clamores Prælatorum Francia promulgatum est.* Nobiscum ergo tunc Gallia sentiebat.

Anno MCCCII. Philippus Pulcher jubet Regaliam *ad aliquot tantum Ecclesias, & ubi hætenus consueverat, pertinere.*

Anno MCCCIV. Philippus Valesius in sua Philippina Constitutione Regaliam non ab omnibus Ecclesijs exigere vult, sed ab ijs tantum, *quæ Juri Regalia subsunt.* Eodem modo loquitur Constitutio: *Dum Episcopus.* Et Codex de antiquis moribus Galliæ: (b) *Non omnes Episcopatus Juri Regalia subduntur.*

Anno

(a) Guill. Durand. in Concil. Lugdunens. edito à Simone Majolo Anno 1569.
(b) L' ancien Coutumier de France lib. 3.

Anno circiter MCCCC. Celebris illa Constitutio edita est, cuius initium, *Dominus Rex*, in qua index omnium Episcopatum contextitur, in quibus Regaliæ locus est, aut non est, ibi: *Dominus Rex, prout constat per antiqua scripta Camera, consuevit capere Regaliæ, cum vacaverit in Provincijs, quæ sequuntur: in tota Provincia Senonensi, &c. Exceptis Diocesi Antysiodorensi, Cameracensi, Lemovicensi, Catburcensi, Ruthenensi, Albiensi, Mimatensi, Macloviensi, Trecorensi, Auxiliensi, Arelatensi, & totâ linguâ Occitanâ.* Evidens ergo est, ad aliqua tantum Galliæ loca Regaliæ fuisse restrictam.

Anno MCCCLII. Aliæ, & antiquior Constitutio, seu Designatio edita est Ecclesiarum Regaliæ subiectarum, cui titulus: *Ecclesiæ cadentes in Regaliæ*: & habetur in Regesto rationum Cameræ Parisiensis, continetque triginta Dioceseon nomina, inter quæ nulla penitus Ecclesia Provinciarum Aquitanix, Septimaniæ, Provincix, & Delphinatûs; supponit ergo has esse exemptas.

Anno MCCCCXCIX. Ludovicus XII. prohibet sub pœna Sacrillegij, ne Officiales Regij in eos Archiepiscopatus, aut Episcopatus Regaliæ inducant, in quibus hætenus ea Regi non competebar.

Anno MDLXXXIII. Cùm Pybracus celebris Advocatus contenderet Regaliæ toto Regno extendi, reclamaverunt Ecclesiæ Gallicanæ Deputati, & Henrico III. demonstrârunt: Ecclesiæ, non solum quæ titulo oneroso, sed etiam quæ à tempore memoriam hominum excedente libertatem suam possedissent, Regaliâ exemptas esse.

Anno MDCVI. Cùm eandem Regaliæ extensionem Regij Advocati urgerent; ad querelas Ecclesiæ Gallicanæ Henricus IV. edixit: *Sua mentis non esse, ut ultra morem, receptamque hætenus consuetudinem Regaliæ extendatur.*

Anno MDCVIII. Advocato Servino eandem Regaliæ ad omnes Ecclesias extensionem urgente, à Clero Gallicano repetitæ querelæ, suas immunitates minui clamante; & Henricus superfederali iussit, causamque ad se advocavit.

Anno MDCXXXVIII. Syndicus Ecclesiarum Narbonensis, & Tholosanæ Senatui Regio titulos, & documenta exhibet, ob quæ in eas Ecclesias nullum esse Regaliæ locum contendebat, protestatus


tus tamen, ne hic actus, & abundans, nec necessaria probatio, ul-
lum ijs Ecclesijs præjudicium asferret.

Anno MDCLV. In Comitijs Cleri Generalibus Bosquetus Gla-
nensis Episcopus, & Marca Archiepiscopus Tholosanus coram Ma-
zarino Cardinali eleganter solidèque. Exemptionem Ecclesiarum
Septimaniæ, aliarumque, & nomine Cleri Gallicani profecuti sunt.

Anno MDCLXX. In Comitijs Cleri Archiepiscopus Hebroma-
nensis pro eadem à Regalia exemptione insigniter diffusèque pero-
ravit; ejusque de hac re Dissertatio in Cleri Archivis reposita est.

Anno MDCLXXXII. Illi ipsi, qui Regaliæ subscripserunt, in li-
teris ad Innocentium Pontificem datis, profitentur: *Se timore ada-*
ctos, ne Imperium, & Sacerdotium colliderentur, multorumque malorum, qua
in Ecclesiam, & Rempublicam consequi possent, jure suo cessisse, & illud in Regem
contulisse. Fatentur ergo, jus percipiendi fructus vacantium Eccle-
siarum, conferendique Beneficia, ad Clerum, non ad Regem per-
tinere: alioquin quomodo cederet Clerus, quod ad eum non per-
tinebat? quomodo in Regem transferret, quòd aliàs ad Regem
spectaret? Denique in hanc nostram sententiam omnes ferè Galliæ
Juris-Consulti conveniunt, videlicet: Gille le Maistre, Glossa in
Pragmaticam Sanctionem, Duarin de Grassalis, Probus, Chop-
pinus, Carondas, Rebuffus, Pasquier, Ossatus Cardinalis, Marca
Archiepiscopus Parisiensis, Bosquet, &c.

Quæ cum ita se habeant, quærimus, quænam tandem sit illa
Ecclesia Gallicana, cujus nomine gloriantur, & quam volunt Re-
galiæ suffragari? & quibus membris constet? Regibus? at isti
extendi Regaliam vetant. Clero? at semper obstitère. Juris-Con-
sultis? pro nobis scribunt, deciduntque. Quid ergo de Ecclesia
Gallicana illis superest, quæ tota nostrarum partium est? Et sæpe,
cum ista mecum perpenderem, subijt dubitatio, an Galli dicendi,
aut saltem an Galliæ spiritu, & doctrinis imbuti essent, qui tam
aliena à Gallorum sensu dicerent scriberentque? & quæ tam mira
constellatio fuerit, quæ Ecclesiæ Gallicanæ novam hanc indolem,
vultumque induxerit ab antiquo dissimilem? Nihil ergo in hac
causa Gallicanæ doctrinæ, præter nomen agnoscimus; quo in sin-
gulis ferè paginis repetito, terrere Maimburgus ignaros voluit, sed
unà seipsum ridendum dare, magno quidem sono, sed rebus vacuo.



§ VII.

Respondetur ad ea, quæ à P. Alexandro Natali ad sæculum XIII. & XIV. in favorem Regaliæ producta sunt.

SUMMARIA.

1. *Patris Alexandri Natalis pro Regalia Dissertatio istius causæ imbecillitatem demonstrat.*
2. *Exempla à P. Alexandro producta, ex illis ipsis auctorebus, quos citat, iniquitatis convicta.*
3. *Totam ferè Dissertationem suam extra orbitam, statimque questionis perducit.*
4. *Principia ab hoc Auctore posita contra Regaliam militant.*
5. *Quàm sint inania, & friuola qua ad Patrum, Canonumque testimonia respondet.*
6. *Nihil exemplis probari, ex antiquo Testamento petitis.*
7. *Ad alia objecta respondetur.*
8. *Arresta, Senatus-Consulta, ultimam Regiam Declarationem, Consensumque Patrum Parisiensis Conventus nihil pro Regalia facere.*



I.



Cripit quoque in favorem Regaliæ P. Alexander Natalis ex Ordine Prædicatorum, Theologiæ Doctor, & Professor in Collegio Parisiensi. Quæ ab isto produenda Regaliæ causâ conscripta sunt, duos in me affectus produxere. Primò, quòd perspectis, expensisque ejus rationibus

tionibus semper magis, magisque intellexerim, iniquissimam esse causam Regaliæ, profuitque veritati impugnata fuisse. Quis enim à Religioso, à Theologo, à Doctore Parisiensi, à viro tot libris & eruditione claro, non aliquid exspectasset, tot sperandi titulis dignum, & par materiæ? præsertim cum calamum arripuisset, hac Regaliæ causâ à tam multis doctisque jam discussâ; unde facile erat, siquid Regaliam juvare posset, & abunde, & cum selectu proferre, quippe flagrantibus nundinis ac Mercatorum plenis. Et tamen, quæ ab hoc viro, Regiæque causæ Patrono allata sunt, adeò misera, detorta, aliena, frigida, ac longissimè & ab ultimis terræ plagis quæsitæ sunt, ut credam nunquam peius Regaliam habuisse, quàm sub hujus patrocinio. Planè nihil ita movit, ut eam iniquissimam reputarem, quàm quòd viderem tam inania esse, & plena pudoris, quæ pro illa dicerentur; sed omnia pervicit, unde Regem demerendi; huic Veritas, Pietas, Religio, omnia cessare: & dum omnes ex flore Majestatis roris aliquid mellisque libare certant, araneorum & crabronum more, perimunt, ut impleantur.

II. Patris ergo Natalis in favorem Regaliæ argumenta hæc sunt. *Primo*, ut probet Regaliam sub Regibus primæ & secundæ stirpis in usu fuisse, exempla profert palàm iniqua, & à Patribus damnata, perinde ac si quis adulteria, usuras & furta, Davidis, Achabi, & Zachæi exemplis purgaret; quod verò flagitium est exemplis nudum? Sic *Dissertat. 2. a. 3. §. 4.* Exemplum Caroli Martelli affert, qui Episcopatum, Abbatiarum, aliorumque Beneficiorum Ecclesiasticorum proventus Nobilibus concessit. Atqui certum est, impiam & sacrilegam fuisse eam bonorum Ecclesiasticorum usurpationem: idque Patres Rhemenfis & Rotomagensis Provinciarum in Synodo Carisiacensi palàm professi sunt *capite 7.* Imò Martelli ipsius filij Carolomannus, & Pipinus in Synodis Liptinensi, & Sueffionensi magnam usurpatorum bonorum partem restitui fecere; nec enim omnia poterant: unde Carolus Magnus nepos, & Ludovicus Pius Martelli pronepos ultimam manum adhibuere, ac restitutionem profecuti sunt. Eodem articulo 3. ex appendice Flodoardi hæc verba allegat: *Defuncto Tilpino Archiepiscopo tenuit D. Rex Carolomannus Rhemense Episcopium in suo Dominatu, & dedit villam Noviliacum in Beneficium Anshero Saxoni.*

Atqui ex eadem appendice Flodoardi, & operibus Hincmari *libro 2. Edit. Sirm.* constat eam villam à Ludovico Balbo Ecclesiæ Rheimensi fuisse restitutam Hincmaro Regi ostendente : *Auctores Sacrorum Canonum damnare Spiritus Sancti iudicio eos, qui Defunctorum elemosinas retinent, & Ecclesijs tradere demorantur, qui ut infideles ab Ecclesia abijcendi, & quasi egentium necatores, &c.* Et 4. 3. §. 13. ex epistolis Joannis VIII. probat hunc Pontificem consensum Carolomanni pro Constitutione Episcopi Vercellensis postulasse, unde concludit *Monarchia Francica jus conferendorum Episcopatum coævum esse* : & tamen ex epistola 10. ejusdem Joannis ad Theodoricum Bisuntinensem Archiepiscopum certum est, id juris non spectasse ad Regem ; ita enim scribit : *Monemus per DEUM Patrem, & Filium, & Spiritum Sanctum, Apostolicâq; auctoritate expresse jubemus, ut ibi Episcopum, neque ex jussu Regis, neque ex petitu plebis consecrare presumas, &c.* Articulo 4. §. 6. adducit exemplum Ludovici Crassi, qui præbendas ac dignitates, quæ Ecclesijs viduaris vacaverant, conferebat frustra obnitente Hildeberto Episcopo Turonensi. Ceterum quàm parùm æqui fuerint Ludovici conatus, nemo melius Hildeberto depinxit ; sic enim scribit epistola 67. ad Honorium II. Papam : *His alijsque premor angustijs, quia Zelo Zelatus sum legem Domini mei, quia non sum transgressus terminos, quos Patres nostri posuerunt, quia dignitates Ecclesiasticas nec ex Regis præcepto disposui, nec ex disponendi facultatem indulsi.* Et de Ludovici in Ecclesiasticos asperitate gravissimæ sunt D. Bernardi querelæ, quas videre licet epistolis 45. & 59.

Articulo 4. §. 12. utitur exemplo Ludovici Junioris à S. Thoma Cantuariensi ab Innocentio II. & III. & Alexandro III. Summis PP. laudato ; is verò Regaliam exercuit. Sed quàm sæpe multumque in bonis Ecclesiasticis usurpandis Ludovicus sui oblitus fuerit, luculentè S. Bernardus testatur epistola 122. *De quo jure presumit, ut Ecclesiarum Possessiones & terras devaslet, ut Christi ovibus Pastores præfici non permittat, ut his quidem electorum promotionem prohibeat, alijs verò dilationem electionis indicet, donec universa consumpserit, donec diripuerit pauperum facultates ?* Nec obstant laudes Ludovico datæ ; multa enim gessit laudibus digna, sed non omnia : quanta Davidi encomia etiam à Deo tribuuntur, quanta Theodosio Magno ab Ambrosio, quanta Brunihildi, & Mauricio à Gregorio Magno ; num ideo adulteria, homicidia, rapinas istorum liceat imitari ? non ergo honestas actionum

num exemplis, sed legibus metienda est, leges enim semper justæ sunt, alioquin leges non forent; exempla etiam in bonis sæpè perversa. Vide de malè usurpatis Ecclesiæ bonis eundem Bernardum epist. 224. ad Stephanum Prænestinum Episcopum, qui apertè usum Regaliæ in Ludovico damnat; postquàm enim dixisset: *Non sufficit spoliari bonis presentibus Domos Episcopales.* Mox tanquam malum multò gravius indigniusque adjungit: *Etiam in terras & in homines manus sacrilega, circumquaque desavit, totius anni ex eis redditus sibi vendicando.* Articulo 4. §. 16. exemplo Henrici II. Angliæ Regis Regaliâ fruents causam suam confirmat, eamque ab Alexandro III. non fuisse improbatam contendit. At contrarium testimonio Alexandri constat, cum enim inter articulos consuetudinum Anglicanarum, quibus subscribere S. Thomas Cantuariensis recusabat, duodecimus fuisset Alexandro exhibitus, & in hæc verba conceptus: *Cum vacaverit Episcopatus, vel Archiepiscopatus, vel Abbatia, vel Prioratus de Dominio Regis, debet esse in manu ejus, & inde percipiet omnes redditus, & exitus sicut Dominicos. Et cum venum fuerit ad consulendum Ecclesiæ, & in Capella ipsius debet fieri electio assensu Regis & consilio Personarum, quas ad hoc faciendum vocaverit, & ibidem Electus faciet Homagium & fidelitatem Domino Regi sicut Ligio Domino, de vita & membris, & de honore suo terreno, salvo ordine suo, priusquàm sit consecratus.* Huic inquam articulo Alexander post maturum examen hanc censuram apposuit: *Hoc damnavit.* Nec obstat quod excipit P. Alexander, videlicet Regaliâ non fuisse absolutè quoad usum fructum videlicet vacantium bonorum, & quoad Collationes Beneficiorum, damnatam; sed tantum quoad abusus illic enumeratos. Ceterum vana est hæc elusio: tum quia cum Pontifex partem tantum damnabat articuli alicujus ex consuetudinibus à Rege Angliæ damnatis, hac formulâ limitatâ utebatur: *Hoc partim damnavi, partim admisit vel toleravi;* cum ergo Pontifex articulum 12. absolutè, non limitatè damnet, certum videtur, fuisse omnino, integrèque rejectum, & consequenter etiam quoad usum fructum, & collationem Beneficiorum, & consequenter quoad Regaliâ. Tum quia Matthæus Parisiensis ad Annum 1164. illas consuetudines vocat iniquas, Deoque detestabiles. Tum quia auctor vitæ S. Thomæ id expressè testatur his verbis: *Mos enim prophanus in plurimis jam Regnis inolevit, quod Episcopatus vacantes, & Monasteria Reges pro voto tenent,*

Et quasi Christo proscripto applicantur Fisco dos vidua, & Crucifixi patrimonium, calamitosorum refrigeria, & subsidia egenorum. Tum denique quia Stephanus Henrici I. Angliæ Regis Successor, Regaliæ, hoc est usurpationi bonorum vacante Ecclesia renuntiaverat, teste Wilhelmo Malmesburiensi ad ann: 1135. in hæc verba: Dum verò Sedes proprijs fuerint Pastoribus vacua, & ipsa & omnium earum possessiones in manu sint & custodia Clericorum, & proborum hominum ejusdem Ecclesia committantur, donec Pastor canonicè substituantur. Pessimam ergo hanc consuetudinem, cui Stephanus renuntiaverat, Henricus II. reducere conabatur, obnitente S. Archiepiscopo Cantuariensi.

Articulo 4. §. 38. exemplo utitur Ermengardis Vice-Comitissæ Narbonensis, quæ juri Regaliæ renuntiavit; *habui ergo, infert P. Alexander, jus Regalia, aliquin renuntiare illi non poterat. Sed quanti pretij hoc exemplum sit, & quàm justo titulo Regaliam niti Ermengardis crediderit, ex ipsius Renuntiationis verbis intellige: (a) Ego Ermengardis Narbonensis Vice-Comitissa recognoscens injuriam, quam Parentes mei & ego in possidendis honoribus & bonis diripiendis decedentium Archiepiscoporum Narbonensis Ecclesia hucusque fecimus, &c. Et Hadrianus IV. Pontifex Max: in Diplomate, quo eam Renuntiationem confirmat: Dilecta in Christo filia Ermengardis, pravam quandam consuetudinem, qua contra DEUM, & Ecclesiam vestram antiquitus inoleverat, abolere desiderans. Ergo quod injuria, quod rapina, quod prava & contra DEUM consuetudo appellatur, id P. Alexander pro basi Regaliæ habet; quid pejus de illa dicere posset, si ex proposito impugnandum suscepisset?*

Quàm plura sunt hujusmodi exempla à P. Alexandro in citata Dissertatione prolata, quæ cum constet iniqua fuisse, sequitur iniquam etiam causam Regaliæ, quæ ex illis deducitur; & Patrem Alexandrum illius patrocinium suscepisse, non ex meritis causæ, sed ex animi affectu, quicumque tandem is fuerit: quis enim sibi unquam persuadeat hominem doctum, & eruditum, studijs innutritum, ex Professione Theologum Criticumque, non animadvertisse exemplis adeò iniquis ab Ecclesia damnatis Regaliæ causam non tam constitui, quàm destrui? Sed utcumque res se haberet, fixum erat Regi placere, hæc meta scribendi.

III. Secundo.

(a) Stephanus Balluc. in addit. ad D. de Marca lib. 8. cap. 18. de Concord. Imper. & Sacerd.

III. *Secundò.* Totam suam Dissertationem rebus & testimonijs infercit nihil ad rem pertinentibus, unde fatigato Lectore, impletisque paginis, ac oculis foliorum numero deceptis, nihil tandem dicit, quod quæstioni respondeat. Quæstio enim est: an Rex Galliæ Regaliâ toto Regno extendere possit, etiam ubi hætenus nunquam more recepta fuerat? Majore suæ Dissertationis parte P. Alexander ostendere conatur Reges Galliæ *Custodiâ rerum Ecclesiasticarum potitos esse, feuda concessisse, Episcopos nominasse, in aliquibus locis Regalia jus exercuisse.* At quæso quid hæc ad rem faciunt? imò contrarium ostendunt, ut postea dicemus. Ergo cùm navigandum in Ortum esset, vela fecit in Occidentem.

IV. *Tertiò.* Imò ut paulò antea insinuaveram; ex principijs Alexandri, contrarium potius sequitur. *Rex Custodiâ gaudet:* esto, sed non custodit, qui consumit; sacrique Canones Custodibus præsertim, Patronisque sub gravissimis pænis prohibent, ne res Ecclesiasticas attrectent. Nullus Principum est, cui in suo Dominio Ecclesiarum custodia commissa non sit; num ergo omnes Principes Regaliâ gaudent? cur ergo propria esse dicitur Gallici Diadematis? an etiam omnium subditorum ac patrimoniorum Custodes Reges non sunt? num ergo licebit illis titulo Custodiæ, mortuoque Patrefamilias, patrimonia mortuorum occupare? aut si hoc non licet in bona profana, cur licebit in bona Deo sacra? aut cur isti jus custodiæ magis præjudicabit, quàm illis? & cur pejor sit causa viduæ Ecclesiæ, quàm viduæ uxoris? Filiorum Christi, qui pauperes sunt, quàm filiorum defuncti Mariti? *Sed Reges Ecclesias fundarunt.* Non planè omnes, præsertim quas novis victorijs in Belgio, Alsatia, Lotharingia, Burgundia Rex Coronæ suæ adiecit, sed nec omnes in Gallia; cur ergo ex omnibus vacantes fructus rapiuntur? num solus Gallus Ecclesias fundavit, & non alij quoque Principes Christiani? cur ergo soli Gallo Regalia? & quæ æquitas ut quæ majores fundarunt Christoque dedicarunt, rapiant Nepotes, & fisco addicant? quòd si semel Regi aut etiam privato donata repeti non possunt, cur repetantur Christo & Ecclesiæ donata? *Sed Principes Ecclesias feudis auxerunt.* Demus; sed vacantium feudorum proventus (nisi ubi jus Relevij obrinuit) non ad Dominum, sed ad vassalli hæredes spectant; imò cum feuda non Episcopis, sed Deo & Ec-

& Ecclesijs donentur, & istæ non moriantur, numquam vacare censentur. Decimæ quæque & oblationes (quæ in plerisque Episcopatibus majorem proventuum partem conficiunt) nihil habent cum feudis commune, multoque minus Collationes Beneficiorum; cur ergo ista omnia nullo discrimine subducuntur Regaliæ? vides quàm inanes sint consequentiæ pro Regalia productæ: & tamen istis Regalia unice innititur, ut sæpè P. Alexander profiteatur. Ludere eum diceres, & in schola cavillari tyrones tentandi causâ, nisi Rex Galliarum arma & potentiam suam lusui misceret.

V. *Quarid.* Sed & levissimæ sunt ac risu dignæ interpretationes, quas sacris Canonibus adhibet, ut eorum vim effugiat; ego planè nihil vanius legi. Exemplum unum alterumue adjungam. Opponitur Regaliæ Canon 25. Concilij Chalcedonensis, quo Regalia expressè his verbis prohibetur: *Reditus verò viduata Ecclesia innegros servari apud Oeconomum ejusdem Ecclesia placuit.* Hic Canon insertus fuit Codici Canonum, quo Gallicana Ecclesia utebatur, nèque hoc negat Alexander, estque testis locupletissimus Hincmarus Archiepiscopus Rhemensis *epist. 9. cap. 41. & epist. 29. ad Carolum Calvum, & epist. 21. ad Vulfadum, & epist. 45. & Annales Bertiniani ad annum 881.* Quid ad hoc Alexander? *Non sunt, inquit, Canones Chalcedonensis Concilij statim & constanter in Gallijs recepti.* Qui ergo sunt Canones, quos Galli recipiunt, si non recipiunt canones quatuor primorum Conciliorum, quos Gregorius M. quatuor comparat Evangelijs? & si non recepti, cur Codici Canonum Ecclesiæ Gallicanæ inserti? & unde tibi constat receptos non esse? *Quia, inquit, Reges non semper observârunt.* Si ergo illi Canones nec recepti esse, nec obligare dicuntur, quos aliqui Regum subinde non observârunt; nulli deinceps sunt canones, nullæ Decalogi leges, de quibus dici non possit, eas nec receptas esse, nec obligare. Cùm recentia Sacrorum Canonum summorumque Pontificum Decreta & Diplomata Regijs Ministris pro vindicanda Ecclesiastica disciplina exhibemus; negant se illis teneri privilegio Gallicanæ libertatis: cùm quærimus, quibus principijs, regulisque Gallicana libertas nitatur? respondent, *quatuor primorum Conciliorum Canonibus.* Cùm ergo eos primorum Conciliorum evidentissimis & certissimis testimonijs ac Decretis convincimus: respondet P. Alexander: *Canones Chalcedonensis & Nicanæ Concilij*

Concilij (nam hoc quoque citato loco adjungit) *in Gallijs non fuisse receptos, nec observatos.* Qui ergo Canones supersunt, quibus Gallicana Ecclesia gubernari possit, si nec recentes admittit, nec antiquos recepit? An verò liberras Gallicanæ Ecclesiæ definiri hoc modo non debet: *Libertas Gallicana est privilegium, quo Ecclesia Gallicæ nullis nec antiquis nec recentibus Canonibus, sed solis Regijs præceptis obligantur?* Regijs enim præceptis eos obligari, & ista Pontificis Maximi diplomatis præferri, atque ex Senatûs Regij arrestis arbitriôque pendere, admitti an repelli debeant, quæ Româ imperantur, nimium experientia, & quæ hætenus scripsimus, demonstrant; Gallicanæ ergo Ecclesiæ libertas est, *servire Regi, & oblectari Canonibus.*

Aliam deinde P. Alexander explicationem Decretis Chalcedonensibus adhibet puerilem sanè ac omnino risu dignam: vid: *Concilium Chalcedonense non esse intelligendum de Custodia vacantium fructuum, sed de ipsis bonis, prædijsq; fructuosis, quæ Successori Episcopo integra servari debeant, fructibus interim Principi concessis.* Canon Concilij ita loquitur: *Reditus viduata Ecclesia integros reservari apud Oeconomum ejusdem Ecclesiæ placuit.* Quis umquam hætenus audivit *reditus* significare prædia? *Reditus, inquit Tiraquellus,* ita appellantur, quòd singulis annis redeant; numquid prædia quotannis redeunt? & quomodo *apud Oeconomum prædia servari poterunt?* horreis vid: aut cellis, aut gazo-phylacijs prædia includentur; quem non pigeat cum hujusmodi hominibus disputare, qui cùm victos se videant, malunt rerum vocabula commutare, ac tempus fallere pudendis responsis, quàm cedere veritati. Fidem ac famam perdit, qui ita scribit.

Ejusdem coloris sunt interpretationes, quas effugiendo Lugdunensi Concilio adhibet. Concilium ita loquitur: *Generali Constitutione sancimus, universos & singulos qui Regalia, Custodiam sive Guardiam Advocationis, &c. vel Defensionis Titulum in Ecclesijs de novo usurpare conantes bona Ecclesiarum vacantium occupare præsumunt, quantumcûque dignitatis honore præfulgeant, &c.* Qui autem ab ipsarum Ecclesiarum fundatione, vel ex antiqua consuetudine jura sibi hujusmodi vindicant, ab illorum abusu si prudenter abstineant, quòd ea quæ non pertinent ad fructus, sive redditus provenientes vacationis tempore, non usurpent. Primò nomine Regalium non occupationem vacantium fructuum, sed jura Imperialia, vid: *Collectas, Tributa, portus & vedigalia* intelligi dicit: at quàm evidenter id falsum, & contra apertam.

apertam mentem Concilij? istæ enim Concilij voces: *Custodia, Guardia, Advocationis Titulus, fructus, reditus* provenientes vacationis tempore, nimis clarè ostendunt, Concilium loqui de Regalia, prout modò de illa quæstio vertitur. Ipsi Episcopi Gallicani Parisijs jussu Regis congregati (nam hoc quoque ad Libertatem Gallicanæ Ecclesiæ pertinet, ut ad Regium mandatum Episcopi Galliæ compareant, dispareantque, atque ut in theatris fieri solet, sibilo Principis scenam ac faciem mutant) in epistola anno 1682. Februario mense data ad Innocentium XI. Pontificem Maximum fatentur Concilium Lugdunense de Regalia in nostrò sensu loqui: *Si jus illud, inquit, quod Regaliam dicimus, aut fidei fundamentis, aut morum Regulis esset adversum; non illud sacrum Lugdunense Concilium sua auctoritate firmasset.* Et in processu verbali eorum Antistitem cum priori anno 1681. æquè Parisijs convenissent: *C'est sur ce principe, que le second Concile de Lyon ayant toleré l'usage de la Regale dans le lieux, ou elle estoit pour lors etabli, & de fendu en meme temps de l'etendre d'avantage.* Secundo. Alij, inquit, censent restrictionem Concilij non spectare Regem Christianissimum, sed Duces, aut alios viros Nobiles, qui jus illud usurpabant, ut colligitur ex Guillelmo Durando, commentario in Concilium Lugdunense, cujus unus ex Patribus fuit, &c. At Durandus testis oculatus expressè testatur eam restrictionem ad Reges pertinere, sicut ait in Verbo: *Regalia: Nota quòd Regalia hic vocantur jura Regia in quibusdam Ecclesijs competentia.* Et infra: *Quantecumque Dignitatis, sive Regia, sive Comitiva, vel cujuscumque alterius sit (de Mandatis Princip. lib. 1. quia reatus hominum honorem excludit lib. 1. cap. ut Senatus, &c.* Et ipsa Concilij verba) *quantecumque Dignitatis honore præsulgeat, id satis indicant.*

Hi sunt loci communes P. Alexandri, quibus Regaliæ patrocinatur vid: exempla apertè iniqua, quæstiones omnino alienæ, & nihil ad rem pertinentes, interpretationes extortæ, pueriles, ipsique auctori erubescendæ. Sed alia quoque videamus, quæ speciali responso indigent, ne videantur silentio probata.

VI. *Opponit 1. Artic. 1. §. 3.* Legimus in veteri Testamento Reges deficientes Sacerdote functos esse ministerio Pontificis etiam ad præficiendos Ministros, ut de Davide legimus 1. Paralip. cap. 24. & Salomone 3. Reg. cap. 1. & Juda Machabæo in libris Machabæorum, & est textus Isidori in cap. Cleros d. 21.

Respondit ad hanc objectionem jam dudum Gelasius Primus Pontifex

Pontifex Max: in libro de Anathemate: *Fuerint hac ante aduentum Christi, ut quidem figurabatur, adhuc tamen in carnalibus actionibus consueti pariter Reges existerent, & pariter Sacerdotes; sed cum ad verum ventum est, Regem eundemq, Pontificem, ultra nec Imperator Pontificis sibi nomen, nec Pontifex Regale fastigium sibi vindicavit.* Si exemplo antiqui Testamenti argumentari licet, sequeretur Reges, imò quoslibet Patres-Familias Ecclesias consecrare, ac etiam Sacrificium offerre posse, id enim legimus sæpe in veteri Testamento factum esse, quàm hoc absurdum? nunc verò postquam longè alia ratio est novi & antiqui Testamenti: postquam Christus Pontificatum, Sacerdotia, & Ecclesiam instituit: postquam iussit Ecclesiam audiri: postquam Ecclesia Laicis prohibuit, ne se immiscerent officijs Sacerdotum: quàm rogo præposterus ordo est, exempla antiqui Testamenti perquirere, & non potius leges Evangelij ac Decreta Ecclesiæ? num ergo Filij Synagogæ sumus, ut ex hujus exemplis, & non Ecclesiæ vivamus? magnum enim verò Regis Christianissimi decus, si Judæorum mores imitetur. Sed & in ipso antiquo Testamento, ubi legimus Reges usurpasse vacantium Sacerdotiorum provenus? nihil ergo hoc argumentum concludit.

VII. *Opponit 2. Artic. 1. §. 3.* In traditione rei suæ potest quilibet apponere pactum quod vult, etiam in spiritualibus. *Textus & Glossa in cap. Eleutherius 18. q. 2.* Reges ergo Christianissimi cum Ecclesias fundarunt, poterant sibi fructus vacantium Ecclesiarum reservare. Nec requiritur, ut Reges hoc jus sibi expressè reservent, præsumuntur enim reservasse, & sufficit ostendere, quòd Rex fuit donator Ecclesiæ, ad hoc sibi jus consequendum. *cap. significavit. de testibus. Et ibi Abbas cap. Dilectus 3. de Prabend. & Glossa notabilis in cap. si quis Basilicam. de consecrat. d. 1.*

¶ 2. Supponit hæc ratio omnes Galliæ Ecclesias à Regibus fundatas, & dotatas esse; id verò apertè falsum est, cum sint quàm plurimæ aut à privatis fundatæ, dotatæque, aut solis decimis & oblationibus auctæ: idque præsertim verum est in Provinciis recentibus victorijs Galliæ adjunctis. Et si hæc Regula vera est, sequetur omnibus Patronis Regaliam convenire, quod Galli utique nunquam concedent. Præsumuntur quidem Patroni jus præsentandi sibi reservasse (id enim plerumque fieri solet, & Jura præ-

præsumunt, quod plerumque contingit) sed nullo modo jus pleno jure Beneficia conferendi, vacantisque fructus occupandi, neque citati canones quidquam de hoc dicunt, ut legentibus palam est. Hoc ergo argumentum ex duobus principiis contextitur, videlicet: ex falsis suppositis, & textibus juris perperam allegatis.

Opponit 3. Art. 3. §. 5. Sub secunda Regum Galliæ Dynastia Gallicanæ Ecclesiæ feuda possidebant cum omnibus oneribus feudalibus: atqui onus & lex feudalis est, ut moriente Vafallo Dominus interim fructus feudales percipiat, dum alius investitur: hoc ergo jure Reges gaudebant in Ecclesijs vacantibus, titulo videlicet & lege feudali.

22. Primò falsum est fructus vacantium feudorum ad Dominum pertinere (nisi ubi jus Relevij receptum erat, quod paucis in locis receptum est) pertinent enim ad hæredes, seu potius ad proximos agnatos, quibus jus feudi ex antiqua investitura quæsitum est cum onere tamen recipiendæ intra diem & annum Investituræ, idque tam notum est, ut mirer P. Alexandrum ignorasse. Deinde esto, fructus Ecclesiarum feudales ad Principes pertinuerint (de quibus intelligendum est Chronicon Cameracensè, (a) cum narrat in historia Gundberti usum fructum vacantis Cameracensis Ecclesiæ ad Imperatorem Lotharium pertinuisse) num ideo fructus decimarum, oblationum, ac præsertim collationes Beneficiorum pertinere ad fructus feudales possunt? & si non possunt, quâ ratione dici potest lege feudali ad Regem spectare?

Opponit 4. Art. 5. §. 22. Frustra contra Regaliam antiqua Senatus-Consulta, Regumque edicta proponuntur, hæc enim ultimâ Ludovici XIV. declaratione abolita sunt; est verò noti juris, priores leges posterioribus abrogari.

22. Aliud est antiquam legem abrogare, aliud jus suum alteri eripere; id verò fieri non potest, & præsertim cum is, quem jure suo spoliast, subditus tuus non est. Jus conferendi Beneficia, fructusque percipiendi ad Ecclesiam pertinet, idque non Regum privilegio, sed innatâ, & canonicâ libertate; quâ ergo conscientiam dici potest, posse hanc libertatem Ecclesijs adimi posterioribus Ludovici Regis declarationibus? aut quæ nunquam Theologia docuit

(a) Balder. Noviom. Episc. lib. 1. cap. 42.

cuit Regem in causa spirituali, & quidem maximi, præcipulque momenti judicem esse? & posterioribus Regum legibus posse Decreta universalis Concilij Lugdunensis aboleri? Hæc sunt tam paradoxa, & à primis Theologiæ principijs aliena, ut mirer potuisse Theologo, qualem se P. Alexander profiteretur, non dico in calumum, sed ne quidem in mentem venire. Ex quo responso solvitur quoque similis ejusdem P. Alexandri oppositio, cum scribit: *Articulo 5. §. 22. Habere Reges potestatem revocandi privilegia à suis Antecessoribus concessa, si contra jura Corona, & in detrimentum supremi dominij concessa credantur, quod in omnia subditorum suorum, & ipsarum Ecclesiarum temporalia bona sibi legiimè vindicant.* Jam enim sæpe probatum est, Ecclesias non privilegio Regum, sed innatâ, & canonicâ libertate Regaliâ absolutas, & exemptas esse; unde cum Reges illas Regaliæ subdunt, non revocant privilegia à Regibus, sed à Deo, naturâ sacrisque canonibus data. Quod verò dicit Alexander: *Reges supremum dominium in bona temporalia Ecclesiarum habere, voces profanæ sunt, & hætenus inauditæ, & ex Alcorano, non sacris Canonibus exscriptæ, unde nec responsum merentur.* Ejusdem farinae est, quod dicit Privilegia Ecclesijs data revocari à Regibus posse, si enim donationes privatis factæ revocari non possunt, quanto minùs Deo & Ecclesijs factæ? quæque non merè gratuitæ sunt, sed antidorales? quid restabit Ecclesijs, si omnia feuda, oblationes, fundique illis à Principibus assignata, moderni Principes repetant, & Avorum liberalitatem majori avaritiâ deleant? Præsertim cum quidquid semel fuerit Deo consecratum, sanctum Sanctorum sit Domino. *Levit. 27.* Certum est liberalitate in Ecclesias crevisse Imperia, unde Theologia P. Alexandri, quàm ei lucrosa est apud Principem pretio adulationis, tam Imperio est fatalis rapiendi indulgentiâ.

Opponit 5. Artículo 6. §. 4. Bona defectu hæredum vacantia ad Regem pertinent, & ad fiscum devolvuntur; porro fructus Episcopopatuum, vel Abbatiarum vacantium istius generis sunt. Accedit quodd Regio fisco multæ utilitates depereunt, ob bona in Ecclesias translata; ad fisci ergo damna compensanda Reges sibi usumfructum vacantium bonorum reservârunt, ac etiam in pretium litterarum Amortizationis, cum videlicet facultatem concedebant, ut fundi ad Ecclesias transferrentur.

IV. Quàm rogo hæc absurda & longè petita ? fateor mihi nunquam magis Regaliam fastidio fuisse, quàm cum hæc legi. Defuncto Episcopo non vacant bona, sed ad Ecclesiam pertinent, huic enim præcipuè, & Deo donantur; quæ ratio est, ut Episcopi testari non possint; si ergo non vacant, quâ ratione dici potest ex jure vacantium ad fiscum pertinere ? An Beneficia Ecclesiastica sunt bona confiscabilia ? & in quibus litteris Amortizationis Reges sibi usumfructum vacantium bonorum reservârunt ? vana sunt ista, & Alexandro indigna.

Opponit 6. Rex cum Beneficia confert, nihil spirituale confert, sed Ecclesiasticas possessiones, seu portionem reddituum spiritualium.

IV. Ipsi quidem fructus, & proventus sunt res temporales; at jus eos percipiendi ob functiones & officia spiritualia, est spirituale; Beneficium enim est propter officium, alioquin vendi, emique possent Beneficia; nec Simoniam incurreret, qui ea pretio aut acciperet, aut conferret; dici enim posset, ea non vendi, emique, nisi quoad jus percipiendi fructus, hos verò ex sententia P. Alexandri esse rem merè temporalem. Deinde cum Rex obtentu Regaliæ Beneficia pleno jure conferat, nec Episcopi in hac collatione ullam partem habeant, certum est à Rege non jus tantum percipiendi fructus V.g. canonicales conferri, sed etiam ipsum officium & dignitatem canonicatus cum omnibus juribus ei annexis, videlicet: Jure capitulari, electionis activæ & passivæ, quæ omnia sunt jura spiritualia. Denique demus jus percipiendi fructus Canonicales non esse jus spirituale, sed temporale, non idèò sequitur posse à Rege usurpari, cum sit jus alienum, & Ecclesiæ tum iunatâ, & canonicâ libertate, tum multorum sæculorum possessione, Regumque editis quaesitum: non utique P. Alexander inter jura Coronæ jus reponet aliena rapiendi. Vide quot rimas habeant hujus Theologi argumenta; nimirum nullum ingenium sufficit tuendæ falsitati, quin erumpat, seque ipsam fœtore prodât.

VIII. *Opponit 7.* Ex diversis Arrestis à tempore S. Ludovici factis constat causam Regaliæ in Regio Senatu agitari, finiri que solitam. Nam anno 1258. de Regalia Aniciensis Ecclesiæ. Anno 1272. de Regalia Ecclesiæ Albigenlis. Anno 1277. de Regalia Ecclesiæ Bituricensis,

Bituricensis, eodémque anno de Regalia Ecclesiæ Burdigalensis. Anno 1275. de Regalia Ecclesiæ Aquensis in Regio Senatu actum est. Anno quóque 1463. Ludovicus XI. declaravit Regaliæ causas & controversias circa jus illud de novo emergentes ad Regiam, Senatúsque Parisiensis cognitionem dumtaxat pertinere, Laicisque sub pœna capitis prohibuit, ne ad Curiam Romanam, alióve Judices Ecclesiasticos Regaliæ causas deferrent. Anno 1575. de Regaliæ jure in Armoricis Ecclesijs, ac præsertim Vannetenis. Anno 1608. de Regalia Bellicensis Ecclesiæ, deinceps sequentibus annis de Regalia Provinciarum, Provinciæ, Delphinatús, Aquitaniæ, & Occitaniæ in Regio Senatu disceptatum est, ac denique Anno 1673. à Ludovico XIV. in Regio consistorio causa Regaliæ finita est, & ad omnes Regni Ecclesias extensa, cui declarationi quatuor Provinciarum Præsules, totúsque Clerus Gallicanus consensum præbuit. Patet ergo longà, & perpetuâ inductione, causam Regaliæ semper in Parlamentis, Regijsque consistorijs agitata fuisse.

Ad hanc objectionem per partes respondendum est. *Primb* ergo ex Arrestis ab Alexandro modò citatis clarissimum est Aniciensem, Albigensem, Bituricensem, Burdigalensem, & Narbonensem Ecclesias aut ex toto, aut ex parte à Regalia exemptas, immunésque fuisse, & videri possunt *de Marca lib. 8. Concord. cap. 24. & cap. 26. Acta Cleri Gallic. Tom. 2. pag. 2. tit. 6. P. Labbe 1. p. Concil. T. 2. pag. 40. Castell. in Hist. Comit. Tolosan. pag. 195.* Cum ergo hæc omnia Arresta aperte déclarent Regaliam non esse totâ Galliâ extensam, sed ad certas Ecclesias limitatam, quo rogo aut pudore, aut conscientia allegantur, ut probetur Regaliam ad totum Galliæ Regnum proferri? aut enim Arresta illa pro justis, aut injustis habes? si pro justis, cur Regaliam extendis, quam illa restringunt? si pro injustis, cur illa producis, ut causam tuam probes? num injusta sententia patrocinari, aut probare aliquid potest? Si ergo illa Arresta justa sunt, pro nobis faciunt; si injusta, frustra à P. Alexandro in sui favorem producuntur. Deinde verum quidem est ex illis constare causam Regaliæ in Regio Senatu fuisse cognitam, & pro Ecclesijs pronuntiatum, non quòd hæc causa *in forma justitiæ* ad Regium forum pertineret, aut Galliæ Antistites Regium Senatum pro legitimo iudice agnoscerent; sed quia à Regijs ministris vexati ad ipsum Regem tanquam

tanquam ad Ecclesiam Defensorem, Protectorem, Advocatum, Canonumque executorem, ac brachium seculare, per viam querelæ, & implorati auxilij, seu informationis recurrendum censebant; duplici enim modo Rex adiri potest, primò ut Judex; secundò ut defensor; hoc secundo modo Gallix Præsules se Regi stirere, & præcitata Senatus-Consulta in favorem Ecclesiæ impetrârunt; id ita esse, patet cum ex ipsius causæ natura, quæ cum sit Ecclesiastica, coram solo Ecclesiastico Judice in forma Judicij expediri potest: non ex protestatione Bertrandi Aduensis Episcopi, qui cum anno 1329. coram Philippo Valesio Ecclesiæ jurisdictionem & libertates defenderet, protestatus est se de Ecclesiæ libertate coram Regio tribunali dicturum, non ad finem subeundi quodcunque judicium, sed solum ad Domini Regis, & ei assistentium consensum informandam: (a) tum denique quia quando contingebat litem cum ipso Rege, & non cum ministris esse, aut Rex ministris committebat, Antistites Gallicani causam summo Pontifici deferrebant, & is postea Regibus imperabat, quid fieri oporteret, id patet & ex Lugdunensi secundo Concilio anno 1274. cujus decretum de restringenda Regalia teste Durando oculato, & postea Mimatensi Episcopo: *Ad clamorem Prælatorum Francia, & Anglia promulgatum est: & Gregorij IX. ita scribentis: Ad audientiam nostram pervenit, quod Senescalli & Baliyi in Christo filij nostri illustris Regis Francie in Narbonensi Provincia consueti decedentibus Ecclesiarum Prælatibus in eadem Provincia, castra, villas, & alia bona Ecclesiarum vacantium contra jus debitum usurpare, & id de novo in Ecclesiarum juribus attentare præsumunt, quod nullo tempore à Prædecessoribus ipsius Regis, vel alijs occasione Regalium, vel aliâ viâ fuit attentatum, unde ipsis nostris litteris dedimus in mandatis, ut à prædictorum excessuum præsumptione omnino desistant. Benedictus quoque XII. in litteris ad Cardinales in Gallia Legatos extensionem Regaliæ ad Provinciam Tironensem & alias multas Regni Ecclesias, tanquam Juri divino & humano contrariam, & plurimum redundantem in oppressionem & conculcationem Ecclesiasticæ libertatis Philippo Valesio interdicit. Videri potest utriusque Bulla apud Marca de Concord. lib. 8. cap. 18. in Appendice. Denique Alexander III. in cap. quanto. de Judicij. ad Regem Angliæ de Patronatu, quod multò infra jus Regaliæ est, plenâque collationes, ita scribit: Causa juris Patronatus ita conjuncta est, & annexa spiritualibus causis, quod nisi Ecclesiastici judicio valeat definiri.*

Secun-

(a) V. Bibliothec PP, T. 14. anno 1618.

Secundò. Ad Ludovici XI. Edictum quod attinet, facillè responderi posset, aliud esse jus, aliud Regum exempla; alioquin si Principum exemplis judicandum sit, quid non denique licebit? præsertim cum notum sit, non pauca fuisse à Ludovico XI. contra Ecclesiasticam immunitatem peracta. Sed quidquid de hoc sit, certum est Ludovicum non loqui de Regaliæ extensione, ac Parlamenti judicio relinquere, an extendi ea possit, aut non possit: sed solum de particularibus Regaliæ causis, quæ inter privatos vertebantur; idem jam longo usu receptum & toleratum erat, aut connivente, aut permittente Ecclesiâ. Jam verò alia quæstio est, an videlicet ad Parlamentum pertineat Concilij Universalis decreta abolere, & contra illius ac Pontificis expressam prohibitionem, Ecclesiam libertate suâ, ac quatuor sæculorum possessione privare? id Ludovici edictum non probat.

Tertiò. Verum quidem est in Senatu Parisiensi causam Nannerensis Ecclesiæ, quæ una est ex Armoricis, judicatam fuisse, & contra illius jura pronuntiatum: sed mox in comitijs Blesensibus reclamante Clero, ac contra canonicam libertatem extendi Regaliam conquerente, ea edicto Henrici IV. ad pristinos limites reducta, ac restituta est, anno videlicet 1606. de quo videantur Acta Cleri Gallicani *tom. 2. p. 2. tit. 6. n. 3.* Sic etiam anno 1608. cum Senatus Ecclesiam Bellicensem, & ejus occasione reliquas Ecclesias Regaliæ subditas declarasset, Clerus non tantum ejus Arresto non paruit, verum etiam litteras ab eodem Henrico impetravit, quibus Rex Senatum ejusmodi causarum cognitione prohibebat, tantoque magis, quod ausus esset contra Regium edictum (quo Regalia extendi vetabatur) pronuntiare, illudque Henrici IV. Edictum à Ludovico XIII. Regnantis patre renovatum est anno 1629. de quo videantur citata Cleri Gallicani Acta *n. 9. anno 1628.* Exempla ergo à P. Alexandro citata omnino contra illum militant, ejusque causam pejorem reddunt.

Quod si paribus animis, parique Ecclesiasticæ libertatis Zelo anno 1673. Antistites Gallicani Ludovico XIV. obviam processissent, ejusque declarationem, quâ libertas Ecclesiarum premebatur, morari ausi essent, nunquam ea contigissent, quæ Ecclesiæ, summiq; Pastoris sinum intimo dolore confecerunt; sed omnia adu-

lationi cessere, & ne tentatâ quidem acie, causa Ecclesiæ prodita est; quanquam & ipsa declaratio per se, & consensus Patrum Parisijs congregatorum tam multis partibus laborant, ut jure optimo rejici, improbarique mereantur; nam *primò* ipsa declaratio Regis Christianissimi contra decretum Concilij Oecumenici Lugdunensis II. contra IV. sæculorum possessionem, contra morem Regum Prædecessorum, ac speciatim contra edicta Henrici IV. & Ludovici XIII. edita est, ac malis artibus extorta. *Secundo* consensus Patrum Parisijs congregatorum metu expressus fuit, ideoque nullus; id ipsi fatentur epistolâ anno 1682. ad Innocentium XI. datâ; & de qua ipse Innocentius in Brevi suo Apostolico, quo Gallis respondet, ita loquitur: *Animadvertimus litteras vestras à metu ordiri; quo suafore nunquam Sacerdotes DEI esse solent vel aggrediendo fortes, vel perficiendo constanter; quem quidem metum falsò judicavistis posse in sinum nostrum effundi.* Et planè non fuisse vanum hunc metum, quamvis Episcopis indignum, persecutio, spolia, carceres, exilia ostenderunt, quæ in eis exercita sunt, qui Regaliæ obstiterunt. *Tertiò* Procuratores Prælatorum (qui Comitij non intererant, quique multò plures numero erant) nullum speciale mandatum habuere subscribendi Regiæ declarationi. Id verò mandatum necessarium erat, utpote ad rem gravissimam, & speciali notâ dignam. *Quarò* præscripsit Aula, designavitque Antistites, qui ad Comitia mitti deberent, exclusis videlicet, qui minimè propitij credebantur, nullâque Concilij Provincialibus permisâ libertate deligendi, mittendique, quos aptiores credebant. *Quinò* nulla potestas fuit Comitij Parisiensibus judicandi Concilij Oecumenici decreta, multòque minùs ea abolendi. *Sextò* nec in Episcoporum potestate & arbitrio erat Ecclesijs his (quarum custodes non arbitri erant) tam duram & universalem servitutem imponendi; si enim inconsulto Pontifice non potest alienari fundus Ecclesiæ, quantò minùs libertas tot sæculis, tot canonibus sancita? *Septimò* causæ majores (qualis utique hæc erat, utpote ad tot Ecclesias pertinens, tot canonibus & concilij subnixa, collationesque Beneficiorum præcipua Ecclesiasticæ disciplinæ capita complectens) soli Pontifici tum jure communi, tum ex concordatis Germaniæ reservantur. *Octavò* causâ per appellationem Romam, ad Summumque Pontificem

cem delatâ , non potuit ab inferioribus Judicibus ferri sententia, & si lata est, nulla fuit. *Nond* quidquid denique Parisijs hac in re factum est, totum id Romanus Pontifex Innocentius XI. datis epistolis ad Patres illius Conventûs anno 1682, irritum, cassûmque declaravit. Frustra ergo Alexander causæ suæ promovendæ Regiam declarationem, Gallorûmque consensum in auxilium vocat, torcapitibus irritum, vanûmque. Hæc sunt, quæ contra Dissertationem P. Alexandri dicenda habui, quo nemo pro hac causa aut prolixius, aut pejûs scripsit, sed neque infirmius, docuitque Regiam contemni, postquam ostendit: nam priûs timebatur aliquid firmamenti habere, cû ejus momenta adhuc laterent; nunc verò postquam in publicum prodijt, reverentiam & pretium amisit. Plura qui volet, legat elegantem omnino librum, quem Leodienfis quidam Theologiæ Doctor disertè, prolixèque contra P. Alexandri Dissertationem scriptis & typo mandavit.





§ VIII.

DOCUMENTA
QUÆDAM
 EX GALLICO IN IDIOMA
 LATINUM TRANSLATA,
AD
 ARGUMENTUM REGALIÆ SPECTANTIA.

Documentum I.

Epistola Illustrissimi & Reverendissimi Domini
 Nicolai Pavillon Episcopi Alectensis ad Regem
 Christianissimum.

Anno 1678. 28 Junij.

Ingens reverentia, quam Majestati Vestræ profiteor;
 Tac etiam metus Eam, quo tempore gravissimis Regni
 curis distinetur, intempestivè adeundi, me in hanc diem
 remorata est, ne, quod jam dudum animo destinaveram,
 exequerer, Eamque in causa Regaliæ spectante litteris
 convenirem. Nunc verò posteaquam eò res devenit, ut
 cogerer pro officij mei instituto super hoc ipso Regaliæ ne-
 gotio decretum quoddam emitte, & illud vulgatum jam
 sit,

fit, perveneritque ad aures Majestatis Vestræ; credidi non amplius calamum cohibendum esse; præsertim cum mihi sapientiam justitiâ clementiâque Majestatis Vestræ accuratè æstimanti dubitare non liceat; benignè pronisque auribus auditum me iri, Eâque æqui bonique consulturam, si quâ par est libertate ea in medium protulero, quæ huic materiæ elucidandæ servire possunt.

Enimverò in hac Regaliæ causa Ecclesiæ meæ, totiûsque Narbonensis Provinciæ (quæ nunquam huic servituti subiecta fuit) præcipuum jus vertitur, idque non Regum privilegio concessum, sed naturali libertate, sacrisque Canonibus nixum, & ipsi Ecclesiarum foundationi congenitum, quòdque sub primo, secundoque Regum Francorum stemmate Ecclesijs adhæsit, & tunc etiam, cum ea Provincia suis, propriisque Principibus subderetur; eandemque libertatem retinuit Ludovico IX. rerum potito, confectoque celebri illo de investituris certamine, quod quinquaginta & amplius annos Ecclesiam juxtà, Imperiûmque collisit; & dum illud præsertim flagraret, insinuari paulatim Regalia cœpit, vicinâsque Parisijs Ecclesias corripere, eas præcipuè, in quibus non tam legibus, quàm consuetudine, usûque præscripto vivebatur; nec tamen Ludovicus Sanctus Ecclesiarum Septimaniæ libertatem hac in reminuï passus est, Rex videlicet, ut vitæ illius scriptores memorant, Ecclesiæ immunitatum observantissimus. Eadem Philippo Audaci Ludovici filio cura & studium fuit, sub cujus imperio, ejûsque legatis coram, in Lugdunensi Concilio, solemni decreto sancitum, veritumque est, ne quis Regaliâ ijs Ecclesijs inferre auderet, quæ hæctenus liberæ, exemptæque fuissent; præceptumque Ecclesiarum Sacerdotibus, ut Regaliâ proferre conantibus omni stu-

Z 3

dio,

dio, viribusque obniterentur. Hoc Lugdunensis Concilij decretum receptum in hoc Regno esse, observatumque Majestas Vestra haud ignorat, illique regiâ auctoritate succedendo Philippi Regis, aliorumque ejus successorum diplomata, & edicta accessere; quippe Galliae Reges contenti tunc temporis erant ijs locis privilegio Regaliæ frui, ubi hæcenus usu recepta fuerat; alij verò abstinebant hujus servitutis expertibus. Et ipse quoque Philippus Pulcher quamvis acerrimè obstitisset Bonifacio VIII. Regaliam evertere festinanti, intra tamen terminos stetit à majoribus suis observatos, imò libertatem hujus Ecclesiæ Narbonensis ipse datis patentibus litteris, quarum autographa in ejusdem Ecclesiæ Archivij detinentur, agnovit, approbavitque. Ab eo verò tempore usque ad Majestatis Vestræ imperium id semper observatum est, videlicet ut cum dubitaretur, an aliquæ Ecclesiæ subjacerent Regaliæ, an verò liberæ essent, ad consuetudinem velut ad Lydium lapidem respiceretur. Et denique ut difficultatibus indies emergentibus occurrì posset, designatio quædam in modum Edicti, aut Regiæ constitutionis prodita est, quæ omnes Ecclesias subjectas, liberâsque complectebatur; inter liberas verò ultimo illius constitutionis articulo Septimanæ Ecclesias videre est. Eandem Regulam Carolus VI. Carolus VII. Ludovicus XI. & Ludovicus XII. Francorum Reges, & Majestatis Vestræ antecessores secuti sunt, qui omnes non ex alijs provincijs, aut Dioccesibus Regaliæ jus vindicare sibi audebant, quàm ubi antiqua Consuetudine jus illud inoleverat. Imò Ludovicus XII. (cui ob insignem in suos clementiam, justitiâque Patris Patriæ cognomentum accessit) ministris suis sub pœna sacrilegij prohibuit, ne fructus Archiepiscopatum, Episcopatum, aliarumque

Eccle-

Ecclesiarum occuparent, in quibus Regaliæ locus non esset.

Parisiense quóque Parliamentum in suis Senatus-Consultis seu Arrestis jam supra trecentos annos hâc ipsâ moderatione usum est, omnésque Auctores, quotquot de hac materia scripsêre, quamvis Coronæ ministri, ac præcipuis in Senatu officijs fungerentur, id semper pro Maxima, certóque axiomate tradidêre, videlicet: Regaliam non esse jus aliquod universale, totóque Regno extensum, sed intra certos limites, numerúmque Ecclesiarum coerceri, quarum aliqua exemptæ sint, præsertim verò Provinciæ Narbonensis, quæ jam à Concilij Lugdunensis temporibus intactæ perdurârunt, illibatæque, & antiquæ libertati relictæ.

Hæc sunt strictim momenta rationésque, quibus Ecclesiæ meæ aliarúmque istarum Provinciarum libertas innitur, quæque mihi animus fuit Majest. Vestræ suggerere; explicavitque jam dudum in celebri libro de Concordia Regni & Sacerdotij (ubi libertates & jura Gallicanæ Ecclesiæ eruditissimè vindicantur) D. de Marca, cujus virtutem Majest. Vestra amavit unâ suspexitque; & ausim Majest. Vestræ affirmare, quæ ab hoc præstantissimo Antistite eo in libro de Regalia disputantur, talia esse, támque compertæ veritatis, ut cui vacaverit ea cum aliqua cura evolvere, de Ecclesiarum nostrarúm libertate dubitare amplius non possit.

Hæc cum mecum perpendo, cogor omnino credere, nunquam Majest. Vestræ explicatum, ostensúmque; fuisse, quibus momentis hæc causa niteretur. Imò potius Majest. Vestræ, quod ex nupera ejus Declaratione apparuit, Regaliæ jus esse Coronæ innexum, atque coævum, ideóque; naturâ tuâ æqualis toto Regno similisq; conditionis. Quæ tamen aliena omnino sunt ab omni Historia, Concilijque Lugdunensis decretis:

decretis: ab antiquis, novisque Regum constitutionibus; & Parlamentorum Arrestis, omniumque Auctorum placitis, qui de hac materia scripsere; ut mirum omnino sit, Majestatis Vestrae ministros ex principiis adeò falsis Ecclesiarum nostrarum libertatem convellere aggressos esse.

Jisdem nec melioribus fundamentis permoti sunt, ut in ultima instantia, quæ in Regio Majestatis Vestrae Senatu agitata est. Episcopis, & capitulis hujus Provinciae necessitatem imponerent expromendi, proferendique titulos suæ à Regalia exemptionis, perinde ac si ista privilegijs, indultisque Principum, aut contractibus quasita esset, & non potiùs naturali ac Canonicâ, & in hunc usque diem productâ libertate niteretur. Quo artificio palàm est voluisse eos Ecclesias suâ naturâ liberas cum ijs confundere, quæ hanc libertatem titulo, & ratione aliquâ particulari adeptæ sunt, ut deinde inferrent, nullâ possessione, nullâque præscriptione, quantumvis longissimâ, & memoriam excedente excuti jugum Regaliæ potuisse, quippe juris nec alienabilis nec præscriptibilis; qua in re nemo non videt eos id supponere, quod maximè in quæstione versatur, probandumque non supponendum erat; priùs enim ostendi oportuit substituisse, agnitumque Jus Regaliæ, quàm nec alienari, nec præscribi posse. Imò ne quidem contra eas Ecclesias hæc ratio procedit, quæ à Regalia Principis privilegio liberatæ sunt, ut videlicet spoliari eâ libertate possint, quâ tot annorum decursu potiuntur; si enim nulla ratio, nulla æquitas permittit privilegia civitatibus, subditisque concessa, & pacto firmata infringi, quanto minùs infringi poterunt Ecclesijs concessa, præsertim cum ijs privilegijs id tantum agatur, ut antiquæ & naturali liberati

tati Ecclesiæ reddantur. Id planè Majestas Vestra agnovit, quando paucis retrò annis prohibuit, ne Ecclesiæ Atrebatensis exemptioni, quæ in his ipsius terminis versabatur, quidquam detraheretur; palam ergo est, Majestatem Vestram si veritatem docta fuisset, multo minùs id circa Ecclesias permissuram, quæ totà retrò antiquitate, & tam multis Regum edictis ac diplomatibus libertate fruebantur. Jam verò Majest. Vestræ aures Ejusque religionem planè deceperunt, idque non tantùm ea ex parte, quæ substantiam, sed etiam quæ modum spectat, hanc causam in judicio disceptandi; eam quippe Majestatis Vestræ Senatui obulère, Sententiæ illic, legesque accepturam, idque obtentu quarundam contentionum, quæ inter Regalistas vertebantur, legitimòsque beneficiorum possessores. At verò non est hæc causa, quam ex communibus Regij Consilij regulis metiri oporteat; nec Clerus in eo Senatu aut Actoris, aut Rei partes, sed supplicantis tantùm induerat, ut videlicet placeret Majestati Vestræ, Suis ministris prohibere, ne porrò Ecclesias divexarent Regaliæ immunes. Hanc quoque viam sub Henrico Magno item Clerus institerat, quando porrecto Principi libello, Parlamenti Parisiensis Arresto, quod anno 1606. vulgatum fuit, adversati sunt: querebantur enim illo non libertatem tantùm Ecclesiarum, sed etiam Regium edictum duobus antè annis emissum, & cui subscribere Parlamentum recusaverat, oppugnari, perrexitque Clerus Patrem Majestatis Vestræ iisdem querelis pulsare, à quo anno 1629. declaratio prodijt, quâ profitebatur, nolle se Regaliâ frui, nisi intra limites, usumque clausorum retrò annorum, hoc est juxta Henrici IV. edictum; nec illud jus ad loca proferre hujus servitutis hætenus expertia; id quod Principis jussu Cleri deputatis à Gallia

Cancellario D. de Marillac expositum est. Sperabátque jam Clerus à tam pio, justoque Principe decretoriam tandem, ultimámque sententiam, quæque pacem juxtà & libertatem Ecclesijs sanciret Regaliæ immunibus; sed quæ tam gloriose Rex Christianissimus animo conceperat; mors intercepit

Hæc & alia plura si Majestati Vestræ quâ oportuit integritate exposita essent, quid aliud ab Ejus æquitate & clementia exspectari potuit, quàm ut tam antiquam & Ecclesijs coævam libertatem, atque à Regibus prædecessoribus toties defensam, ipsa quóque conservatam vellet, illibátamque? & quis dubitet non Eam id acturam, ut quod jam fecerat Ludovicus Justus, edicto Magni Henrici inhæreret potius, quàm Parlamenti Parisiensis Arresto, omnibus retrò Principum edictis, quadrigentorúmque annorum Jurisprudentiæ planè adversanti.

Enimverò omnibus hisce rationibus adductus sum; ut crederem nihil contra Ejus voluntatem, rectásque intentiones facturum me esse, si eâ solemnitate abstinere, quâ Juramentum fidelitatis in Acta publica referre jubebamur; & cum postea hanc ipsam omissionem causarentur ministri Regij, juberéntque in Ecclesia mea velut vacante (cùm tamen 40. ferè annis illi præfedissem) Regaliam aperiri; fateor Majest. Vestræ, in eam me conjectum esse necessitatem, ut cogerer, quantum vires meæ ferrent, Ecclesiam tueri, ejúsque juribus propugnandis ijs medijs experiri, quæ sacri Canones suppeditabant; quid enim aliud poteram, nisi partibus meis deesse vellem? præsertim cùm averti aliàs non possent ingentes illæ turbæ, rerúmque confusio, quam beneficiorum provisiones obtentu Regaliæ, dolísque expressæ Ecclesiæ meæ inferebant, legitimis quic-

quietisq̃ue, & tot annorum possessoribus expulsis. Id verò cum egi, palàm profiteor nihil aliud à me factum spectatumque esse, quàm ut Ecclesiæ legibus, decretisq̃; Oecumenici Concilij totâ Galliâ recepti cultique, & quatuor sæculorum observantiæ parerem. Quod si alij Episcopi nihil simile moliti sunt, non id fuit, quòd in hac causa Regaliæ aliter, quàm ego sentirent; imò ubi se occasio obtulit, satis suam mentem prodidère, ac etiam scriptis libellis contra Regaliæ extensionem protestati sunt, eosque inter Ecclesiarum suarum documenta recondi voluerunt, testes aliquando futuros impugnatae ac frustra defensæ libertatis. Mihi equidem conscientia meæ stimulos sentienti parùm id esse videbatur, nec aliud superesse medium credebam, quo Canonica cadentique Ecclesiæ meæ libertati subvenirem, quàm ut nuperum decretum conciperem, vulgaremque, sicque Jura, proventusque temporales Ecclesiæ meæ, quâ licuit ratione tuerer, multoque magis ut collationibus beneficiorum onfulerem, quæ planè effectus sunt spiritualis & Hierarchicæ potestatis.

Cùm Apostolus Paulus Judæorum Regi assisteret, & pro fidei ac Evangelij veritate inter catenas causam suam peroraret, non potuit imperare sibi, quin in illas voces prorumperet Apostolici spiritûs, sanctæque libertatis plenas: *O Rex non credis Prophetis? scio quia credis.* Placeat Majest. Vestra mihi quoque Episcoporum hujus Gallici Regni minimo, sed Christianissimum Regem alloquenti, easdem voces permittere, clementique animo ferre, si dicam: Non ergo credit Majest. Vestra auctoritati Ecclesiæ in Oecumenico Concilio collectæ? scio, quia credit; quippe inter tot alia insignia, titulosque Gallicæ Majestatis eum inter primos ac pretiosissimos ponit. quo primogenitum

Ecclesiæ, sacrorumque Canonum protectorem compellari se audit. Scio quàm altè Regio illius animo memoria se-
deat sollemnis ejus Sacramenti, quo cùm Regio diademate
cingeretur, ad aram se devinxit, promisitque Ecclesiam,
ejusque ministros, ac Episcopos, privilegia, immunitatés-
que omnes, eorum sacræ dignitati annexas, & vel sacrorum
Canonum, vel Regum auctoritate attributas, conserva-
ruram. Scio etiam quantum amor, studiùmque justitiæ
Majest. Vestræ cordi sit, quam sine uni quidem ex mini-
mis subditorum unquam negavit, egòne credam negatu-
ram esse Ecclesijs? idque in re tanti momenti, eorumque
libertatem adeò vulnerante? Scio denique Majest. Vestram
exemplo D. Ludovici, ex cujus Regio sanguine prognata
est, animo Secum æstimare, nihil æquè necessarium esse,
sed nec magis arduum, quàm idoneos Ecclesiæ ministros
deligere, sicque tantùm abesse augendi, proferendique ultra
limites concessos hoc munus, curamque periculi adeò
plenam contendat, quin potius pavidè anxieque cogitatura
sit, quomodo de illis beneficijs Deo sit responsura, quorum
nominationibus jam dudum onerata est.

Ignoscat Majest. Vestra hanc libertatem Episcopo an-
nis gravi, & tanto jam tempore Pastorales curas sustinenti,
qui que religioni sibi & conscientiæ omnino duceret, silen-
tium tenere in tanti momenti negotio.

Equidem nihil adeò in votis mihi est, quàm ut Majest.
Vestra intelligat, me omnem Ei reverentiam, obsequiùmque;
ex animo profiteri, & si dignata fuerit ad ea animo adver-
tere, quæ hucusque in Ejus sinum effudi, fatebitur Ipsa nihil à
me dictum, scriptumque esse, quod venerationem minuere
possit Ejus Majestati debitam, sed tantùm Ecclesiæ meæ
libertati providisse: hanc in manus meas Christus depo-
suit;

suit, hanc à me reposect; & cum tempus accedet reddendarum rationum, meæque villicationis finiendæ, inter tam multa alia, quæ animum meum angunt, illudque tribunal formidandum reddunt, præcipuum planè id est, quodque nullâ excusatione purgari posset, si contra conscientie meæ voces, apertamque veritatem, causam Ecclesiæ Christi Sponsæ hoc temporis defererem. Recordor à sapiente dictum esse, corda Regum in manibus DEI versari, & ab hoc quocunque voluerit, inflecti. Hunc igitur enixissimis precibus imploro, precorque, ut Spiritum sapientiæ, pietatis, justitiæque in animum Majest. Vestræ effundat, Eamque suis benedictionibus, ac gratiâ illustret, doceatque quid in præsentī causa fieri oporteat, ac etiam in alijs omnibus juxta divini sui cordis voluntatem Regem efficiat. Hæc sunt animi mei sensa, hæc vota, quibus in meis ad aram sacrificijs, precibusque pro Majest. Vestra incessanter defungor, nec enim majus aliud pignus invenio, quo meam erga Majest. Vestram fidelitatem, obsequium, verumque Ejus gloriæ promovendæ desiderium, ac profundam venerationem contester, cum qua vivo, perennoque. Alesti 28. Junij 1678.

Majestatis Vestræ

*Humilissimus, Obsequentissimus & fidelissimus
Servus & Subditus*

Nicolaus Episcopus Alestensis.

Documentum II.

Mandatum Illustrissimi & Reverendissimi Domini Nicolai Pavillon Episcopi Alectensis, contra eos, qui obtentu Regaliæ Alectensis Ecclesiæ Beneficia occupabant.

Nicolaus DEI miseratione Episcopus Alectensis, Charissimis & Dilectissimis Fratribus Ecclesiæ nostræ Cathedralis, & Collegij S. Pauli Canonicis, Archipresbyteris, Rectoribus, Vicarijs, aliisque Personis Ecclesiasticis Salutem & Benedictionem. Quoniam ex querelis, à Promotore hujus Diocesis ad aures nostras delatis intelleximus, quamplures subreptitiè, titulóque Regaliæ, non pauca Beneficia, sive Dignitates illæ sint, sive Canonicatus, tam in Cathedrali, quàm in Collegiata S. Pauli Ecclesia obtinuisse, imò conatos insuper esse, ut obtentu dictæ Regaliæ eorundem Beneficiorum Possessionem caperent; idque non attento, quòd major præfatorum Beneficiorum pars per Canonicam legitimamque Institutionem, jam in alios sit collata, isque longo annorum cursu pacificâ eorundem Possessione fruatur; id verò ad manifestam invasionem, & usurpationem jurium Ecclesiasticorum pertineat, ac antiquis juri-
bus, Canonicæque libertati adversetur Provinciæ Narbonensis, quæ non solum cum proprijs privatisque Dominis serviret, verum etiam posteaquam imperante Ludovico sancto Coronæ Gallicæ juncta est, nunquam Regaliæ subjacuit; imò ejusdem Ludovici, ejusque Successorum Regum patrociniò, antiquas suas immunitates ac jura retinuit, præsertim quoad illa, quæ Regaliam spectant, ac etiam per litteras patentes Philippi Pulchri de Anno 1303. earundem immunitatum ac Privilegiorum confirmationem accepit, & diuturnâ, ac immemoriali possessione libertatem
suam

suam præscripsit ; imò quantumvis hujus Provinciæ jura minus firma essent minusque fundata, quàm reipsâ sint, cui tamen mirum novumque, & hætenus inauditum non accidat, post sex & triginta annos, quibus huic Episcopatu præesse cœpimus, eoque pacificè totidem annorum cursu potiti sumus, ac omnia Beneficia contulimus, nullo Regaliæ impedimento, eandem Regaliæ perinde ac vacante Ecclesiâ in nostra Diœcesi aperiri ? Quanto ergo hujusmodi attentata plus habent novitatis, magisque in Ecclesiæ præjudicium vergunt, tanto magis nostrarum partium est, ut illa in ipsis initijs suffocemus, præsertim cum titulo Regaliæ jam sibi videantur possessionem vendicasse in aliquibus Ecclesiæ nostræ Beneficijs, videlicet, Cimmeliarchatûs nostræ Cathedralis, quem Clericus aliquis Tholosanus resignandum sibi curavit Regaliæ obtentu, ac insuper fructus usurpare conatur, non obstante Mandato & Interdicto nostro, quo, ne deinceps virtute Regaliæ, securæque Possessionis functionibus illius Beneficij seingere præsumeret, sub pœna Excommunicationis ipso facto incurrendæ districtè prohibuimus. Alterum Beneficium est, cui cum à sua fundatione cura animarum annexa sit, habeâtque aliquos Parochianos, quantumvis parvo numero subjectos, jam tamen per aliquot annos à Persona laicæ conditionis possessum est, & ab hac ad aliam transijt, ne nomine quidem notam. Quæ omnia, nisi remedio aliquo opportuno corrigantur, necesse tandem est, ut in maximum Ecclesiæ, dictorumque Capitulorum, ac Diœceseon damnum & confusionem redundant. Quæ cum ita se habeant, præfatus Diœcesis nostræ Promotor instantè rogavit, ut ad hunc effectum auctoritatem nostram interponere dignaremur.

Nos ergo precibus ejusdem Promotoris permoti, &
præ-

præsertim hujusmodi Regalistarum injustis conatibus obviare, ijs verò, qui de præfatis Beneficijs canonicè investiti sunt, ne quidquam molestiæ patiantur, providere cupientes, ac insuper, quantum in nobis est, ac juxta obligationem nobis ex Divinæ Legis, sacrorumque Canonum præscripto impostam, jura & libertates Ecclesiæ nostræ illibata conservare; Capitulis Ecclesiæ nostræ Cathedralis, ac Collegiatæ S. Pauli iterum inhiibemus, prout jam aliàs inhiibimus, ne quemquam eorum, qui subreptitiè, ac prætextu Regaliæ Collationes, aut nominationes impetrârunt, in præfata Beneficia recipiant, in chorum, aut capitulum, aliàsve functiones eorundem Beneficiorum admittant, sub pœna suspensionis, quam ipso facto incurrant, quicunque ad hujusmodi receptionem aut installationem auxilio, aut consilio, aut alio quocunque modo cooperati fuerint. Ipsi verò, ita ut præactum est, Provisis, ne se dictis Beneficijs ingerant, sub pœna Excommunicationis ipso facto incurrendæ. Omnibus etiam Personis Ecclesiasticis æquè prohibentes, ne quocunque modo hujusmodi, ut præfatum est, Provisis, consilium, aut auxilium præstent in capienda Possessione, idque sub pœna suspensionis æquè ipso facto incurrendæ. Mandamus etiam Sacerdori, ad quem notitia istarum primò pervenerit, aut aliàs cuicunque Clerico consurâ insignito, ut omnes actus, aut aliàs quidquid ad hujus Mandati nostri promulgationem necessarium fuerit, diligenter expediat, aut expediri faciat. Datum Alesti in nostris Ædibus Episcopalibus die 5. Martij Anno 1675.

(L.S.)

Nicolaus Episcopus Alestensis

& infra

Ad Mandatum Illustrissimi

Mercier.

Documentum III.

Mandatum Episcopi Alestensis contra D. de Foix, quo monitiones canonicae decernuntur ad effectum, ad Declarationem Excommunicationis procedendi.

Nicolaus DEI miseratione Episcopus Alestensis, omnibus Dioecesis nostrae fidelibus Salutem & Benedictionem à Domino nostro Jesu Christo. Quoniam intelleximus Joannem Petrum Gaston de Foix Dioecesis Coutencensis Presbyterum, Decaniam & Canonicatum Ecclesiae nostrae Cathedralis titulo Regaliae obrinuisse, spatio decem & supra annorum à Petro Pommier Capituli dictae Ecclesiae Decano pacifice possessum, seque in Possessionem ejusdem Beneficii ingessisse, ac etiam Nonae, & Vesperarum Divinis officijs sub ea qualitate & charactere interfuisse, prætendatque omnes deinceps saepesati Beneficii functiones peragere; id verò manifesta sit Mandati nostri infractio die 3. Maij Anno 1676. emissi; eique hesternâ die debito modo legitimeque insinuati; quo eidem aliisque omnibus districtè prohibuimus, ne se Beneficijs nostrae Dioecesis, obtentu Regaliae ingerere auderent, idque sub poena Excommunicationis ipso facto incurrendae. Ipse verò Joannes Petrus saluberrimas exhortationes nostras neglexit, quibus, dum heri nos conveniret, in spiritu lenitatis, & charitatis delinire eum conati sumus. Id autem, cum non solum in Ecclesiae contemptum cedat, verum etiam sacrorum Canonum Decretis, receptisque in hoc Regno legibus adversetur, quibus sancitum est, neminem solius Regaliae titulo, suis Beneficijs, quibus pacifice fruebatur, spoliari posse, nisi prius coram legitimo Judice conventum damnatumque, adeo

ut hujusmodi violentis conatibus non solum jura libertatēque Ecclesiæ nostræ pessumdentur, ac Censuræ in Lugdunensi Concilio super hac re fulminatæ ludibrio habeantur, (cujus quidem Concilij Decreta declarata solum nupero Mandato à nobis sunt, ac præsentī casui applicata) verum etiam, ut diximus, legibus in nostro Regno receptis observatisq; injuria fiat. Has inquam ob causas, utque Mandato nostro, Decretoque Concilij Lugdunensis, ejus initium est: *Generalī Constitutione*: satisfiat, monitiones Canonicas contra sapediſtum D. de Foix expediri jubemus; eique virtute carundem monitionum, ne se præfato ingerat Beneficio, sed Decretis Concilij Lugdunensis, nostroque nupero Mandato primū obtemperet, seriō injungimus. Si verō obtemperare neglexerit, declaramus eum publicè fore denuntiandum, atque Excommunicandum; imò Excommunicationem à Lugdunensi Concilio, nostroque Mandato impositam, ipso facto incurrisse. Quæ quidem monitiones de tertia in tertiam diem eidem insinuabuntur, ita videlicet, ut præsentēs nostræ, postquam ei significatæ fuerint, locum primarum monitionum obtineant. Injungimus etiam primo Presbytero, aut Clerico tonsurā insignito, ut quidquid ad insinuationem, aut executionem præsentis hujus nostri Mandati necessarium fuerit, diligenter, atque incunctanter expediat. Datæ Aleſti in Œdibus nostris Episcopalibus 17. Octob. 1676.

(L. S.)

Nicolaus Episcopus Aleſtenſis.

& infra.

Ex Mandato Illustrissimi

Mercier.

Docu-

Documentum IV.

Episcopi Aleſtensis Epistola ad Regem.

Domine, &c.

Vereor equidem, ne Majestatem Vestram importunè molesteque conveniam; tamen cohiberi non possum, ut non omnium reddam certiore, quæ contra quemdam Ecclesiasticum Decanatum, ejusque officia in Ecclesia nostra Cathedrali captantem, me necessitas coëgit experiri. Et verò tantum mihi audeo de clementia & æquitate Majest. Vestræ polliceri, ut persuasum habeam. Eam potius ipsi fidem præstituram, quæ in Majestatis Vestræ sinum pari libertate ac reverentiâ effundam, quàm illorum vocibus, qui non omittent me reddere suspectum Majestati Vestræ, measque actiones in pejus interpretari. Narrabunt illi, Mandatum à me prodissè, quo non obstante Regij Senatûs Decreto, Ecclesiasticum illum submovebam, commonebâmq; ne Regijs præceptis acquiesceret; cùmque persuaderi à me non posset, ut cœptis absisteret, aliud Mandatum secutum esse, quo ex Disciplinæ Ecclesiasticæ legibus premi illum, arcerique jubebam. At verò, si, quod supplex demissusque, ac quâ possum reverentiâ, exposco, Majestati Vestræ placuerit hanc causam examinare, fatebitur Ipsa, id à me tantum factum esse, quod fieri omnino oportuit. Nondum exciderit Majestati Vestræ, me jam semel datis ad Eandem litteris, quibus rationibus jura & libertates Ecclesiæ meæ contra Regaliam munirentur, suggestisse: nec Ipsa, si modò dignata fuerit animum ad ea advertere, inficias iverit, aut Ecclesiam meam à me prodi debuisse; aut ejus libertati tuendæ, nihil, quod modò in

viribus meis esset. intentatum relinqui. Quid enim aliud poteram, quàm ut Ecclesiæ parerem, ejusque me legibus dederem? At illa in Concilio Generali, quid in hisce angustijs agerem, quémque portum subirem, jam facem præluxerat. Testor veritatem, me nihil aliud egisse, quàm ut Ecclesiæ Mandata exequerer, néque siye me filium, siye ministrum Ecclesiæ cogitarem, parendi necessitate solvi potuisse. Et hoc ipsum est illud, quo me angi vehementer contestor, in eam videlicet me adductum necessitatem, ut videri possem Majestatis Vestræ mandatis oblectari, & tamen nemo illam demissius veneratur; & cui libuerit, actiones meas in hac causa metiri, fateri cogetur, nihil à me magis minúsque peractum esse, quàm necessitas urgeret, ac remedia morbo aptasse, nec prius ad acerba poenàsque Ecclesiæ deventum, quàm spe omni consumptâ, & cum mitiora non proficerent. Nihil aliorum consilij, nihil exterorum suggestionibus debeo; & si quidem Majestati Vestræ placeat hoc culpæ adscribere, totum id crimen meum est, sine complice, sine magistro deliqui, nec ullum admisi erroris socium. Ego hanc causam intimè, lentèque discussi, cum videlicet eam cognoscendi me necessitas & officium premeret. Ego illam omni studio expendi: ego non cursim, nec obiter libavi, sed multa cum cura morâque, non mecum tantum, sed etiam cum ipso Deo contuli, ejusque gratiam ac lumen, ne fortè errore aliquo abriperer, demissè imploravi. Nec verò in hoc stadium tanti sudoris ac pulveris plenum, aliam ob causam decurri, quàm quòd persuasum haberem, nisi id agerem, præcipuis mei muneris partibus defuturum; atque hæc opinio nunquam deleri ex animo meo potuit, imò semper invaluit. Cum enim gravissimo morbo ultimis annis conflictarer, meque

meque jam morti accingerem, vehementer animum meum ea cogitatio pulsare coepit, quâ tangi me, permoverique sentiebam, ut ultimos hujus vitæ meæ annos, ac pauca, quæ supererant, momenta, Deo unicè addicerem, impi-græque officio meo perfunderer, ac præcipuè in causa Regaliæ, quâ implicatum me cernebam, novum fidelitatis exemplum post me relinquerem. Et quia causæ rationesque, quæ animum meum primò imbuerunt, semper eadem, ac immutatæ persistunt, fieri quoque non potest, ut propositum mutem, aliàmque viam insistam. Recor-detur Majestas Vestra, me in ea ætate versari, quâ nihil aliud, quàm vicinam mortem, reddendâque Deo ratio-nes cogitare jam lubet. Infelicissimus ergo, & miserrimus fuerim, si, ut quiete ac malaciâ fruar brevissimi temporis, conscientiæ meæ vim faciam, ac stimulis, quibus agi me sentio, lubens prudensque obnitar, periturus videlicet mo-menti amore. Id verò si agam, fateor me hac unâ culpâ indignum eo gradu ac Dignitate reddi, in quam me Deus provexit, nullâmque mihi ampliùs fiduciam fore pro Ma-jestatis Vestræ, Ejusque Regiæ Familiæ sospitate cœlestem gratiam implorandi. Equidem persuasum semper habui, neminem Principi suo fidelem fore, qui Deo infidelis esset, eamque semper regulam observandam duxi, quam ab Apo-stolo hisce verbis consignatam didiceram, videlicet: *Deum time, & Regem honora*. Hæc sunt adversùs Majest. Vestram animi mei sensa, hæc mecum, uti spero, in extrema dura-bunt, qui tamen gloriari audeo, me nec fide in Majestatem Vestram, nec reverentiâ ulli alteri palmam concedere, Alesti 20. Octob. Anno 1676.

Majestatis Vestræ

*Humillimus, Obsequenissimus & Fidelissimus
Servus & subditus*

Nicolaus Episcopus Alectensis.

Documentum V.

Mandatum Illustrissimi & Reverendissimi
Episcopi Apamiensis

FRANCISCUS miseratione Divinâ Episcopus Apamiensis,
Charissimis & Dilectissimis Fratribus & Canonicis Ec-
clesiarum nostrarum Cathedralis, & Collegiatæ Beatissimæ
Virginis Campensis, Archipresbyteris, Rectoribus, Vicarijs,
aliisque Ecclesiasticis Personis Salutem & Benedictionem.
Intelleximus Dominum Paucet Diœcesis Leonensis Pres-
byterum obtentu Regaliæ, cui Diœcesis nostra Apamien-
sis nunquam subiacuit, Canonicatûs & Archidiaconatûs
Regularium Capituli nostri Cathedralis possessionem ca-
ptare. Et quia tam Episcopale ipsum officium, quo, licet
indigni, perfungimur, quàm etiam Occumenici Lugdu-
nenſis Concilij Decretum, cujus initium est: *Generali Con-
ſtitutione*: gravem nobis imponunt necessitatem, Ecclesiæ
nostræ jura tuendi, impediendique, ne Regalia in eas Eccle-
ſias ac Provincias irrepant, quæ huic ſervituti nunquam
obnoxia fuere; ideò niſi Cenſuras à præſato Concilio inten-
tatas incurrere, ac inſuper gravi conſcientiam noſtram de-
lictò obſtringere vellemus, non potuimus ullo pacto per-
mittere; ut ſilentibus nobis, ac turpi conniventia defixis,
idem Jus Regaliæ in hanc noſtram Diœceſin induceretur;
tantòque magis, quia licet in hac noſtra Diœceſi Regaliæ
locus aliquis eſſe poſſet, quod tamen minimè concedimus,
tamen ad Cathedralẽ Eccleſiam extendi haud poſſet;
quippe quæ ex ſua Inſtitutione Regularis eſt, ac Reforma-
ta; adeòque niſi à Deo ad Religioſum ſtatum evocati, pro-
batique diuturno ac conſueto tyrocinio, ad nullum Cano-
nicatum,

nicatum, aut Dignitatem aliam ejusdem Ecclesiæ nostræ Cathedralis promoveri possunt; quod etiam Pontificio Alexandri VII. Regiôque Diplomate cautum est. Actandem toto triginta trium annorum cursu, quibus huic nostræ Ecclesiæ præfuimus, quamvis indigni, omnia Eiusdem Ecclesiæ vacantia Beneficia, sine contradictione, liberèque contulimus. Ex his igitur aliisque causis, utque partibus à Deo nobis impositis deesse ne videamur, hisce nostris præsentibus litteris Capitulis Cathedralis, & Collegiæ Dominæ nostræ Ecclesiarum districtè inhibemus, ne ad Beneficia, locumque in Choro, aut Capitulo recipiendum, aliàsque præactis Beneficijs annexas functiones exercendas hujusmodi ex titulo Regaliæ provisos admittere præsumant, idque sub pœna suspensionis ipso facto incurrendæ; quâ omnes illi obstricti teneantur, qui quovis modo, aut quæsito colore hujusmodi Beneficiorum usurpatores consilio, aut auxilio adjuverint, aut aliàs eorum conatus promoveant. Ipsos verò, ita ut præfertur, titulo ac colore Regaliæ provisos ac Beneficiatos, ne se hujusmodi Beneficijs ingerant, sub pœna Excommunicationis ipso facto incurrendæ, æquè prohibemus. Præcipimus etiam omnibus Personis Ecclesiasticis, ne ullum auxilium, consilium aut assistentiam ad capiendam, aut incundam possessionem hujusmodi Usurpatoribus præstent, idque sub pœna excommunicationis ipso facto incurrendæ, &c. Data Alekti in Ædibus Episcopalibus 27. April. Anno 1677.

Franciscus Episcopus
Apamiensis.

Docu-

Documentum VI.

Epistola ad Regem Reverendissimi & Illustrissimi Episcopi Apamiensis.

Domine, &c.

INter tot Regias virtutes, quas in sacram Majestatis Vestrae Personam Divina manus effudit, persuasum semper habui, nullam æquè Christianissimo Principe dignam esse, ut facilitatem clementiamque, quâ subditorum, ac præsertim Episcoporum preces plenâque reverentiæ voces benignè admittit. Id mihi animos fiduciâque addidit, ut crederem haud fore ingratum Majestati Vestrae, si quam mihi conati sunt calumniam aspergere, quæque tanto altius in animum meum descendit, quòd fidelitatem, obedientiamque Principi meo debitas, fædare conentur, ad pedes Majest. Vestrae supplex purgarem. Persuadere conati sunt Majestati Vestrae, me non morari tantum, sed nec ferre eos posse, qui militiam profitentur: ac Sacerdotibus Sacramenti Poenitentiae ministris in mandatis dedisse, ne quemquam, qui eam vitam amplexi essent, nec illi abnuntiassent, peccatis expiarent. Facile equidem mihi esset, tam foedæ calumniae diluendæ, eorum numerum recensere, qui ex mea Diocesi sub auspicijs Majestatis Vestrae, aut Ducum, aut gregariorum militum conditione nomen militiæ dederunt; sed vereor, ut Majestatis Vestrae patientiâ abutar. Possem etiam attestaciones ac chirographa exhibere quàm plurium Confessariorum ex locis, ubi miles hyberna egit, asseverantium Sacramenta quamplurimis administrata esse, imò omnibus, modò illis rite accipientibus.

dis animum aptaverant ; & ego nonnullos Sacramento Confirmationis iniciavi. Non potui igitur non vehementer mirari, fuisse ex inimicis meis, qui ut animum Majestatis Vestræ à me averterent, auderent illum tam falsis juxta, & inverecundis criminationibus imbuere. Num ergo ignorare Episcopus potui, artem vitæque militarem non solum innoxiam esse, nisi aliunde inquinetur, sed etiam tuendæ augendæque Reipublicæ necessariam? Quod si aliquando cum militum nonnullis hac in causâ locutus sum, id solum fuit, ut eos exemplo Joannis Baptistæ cohortarer ad innocenter militiam exercendam, ac jussâ Majestatis Vestræ observanda, quæ à nonnullis calcata videbam, dolebamque, populo varijs exactionibus injuriisque vexato ; adeo ut opus fuerit in eorum nonnullos animadvertere.

Patiatur quoque Majestas Vestra, ut hâc ipsâ occasionem ei omnium reddam, quæ inter me, & Ecclesiasticum quendam peracta sunt, cum prætextu Regaliæ Archidiaconatu Apamiensis Ecclesiæ potiri vellet ; ego illum Mandato, ac Censuris Ecclesiasticis procul arcendum duxi ; idque ut agerem, non alias planè ob causas permotus sum, quàm ut conscientiæ meæ, ac juramento satisfacerem, quo cum Episcopalem Cathedram conscendi, ad Ecclesiæ meæ jura ac libertates conservandas sanctè me obstrinxi. Ecclesia Apamiensis, cujus ego curam quamvis indignus sustineo, nunquam Regaliæ subjacuit, idque non tam privilegio, Principum liberalitate accepto, quàm naturali, & à prima fundatione coævâ libertate. Qui ergo confidere ego possem, ut illa Diocesi in meam invehetur, nisi & Dignitate, quâ fungor, indignum me redderem, & Decretis Lugdunensis Concilij quatuor sa-

C c

culorum

culorum observantiâ subnixis, & Regum Galliaë Edictis, ac præsertim Henrici Magni, gloriosæque memoriæ Ludovici Majestatis Vestræ Patris adversarer? Accedit, quod novi hujus juris investio, ne totam eam Reformationem Ecclesiæ meæ penitus everti contingeret, quam pari felicitate & favore cum Pontificis Alexandri VII. tum Majestatis Vestræ eam Regio Diplomate protegentis ad metas perduxit; nec enim sperare licet, eum, qui Archidiaconatum nuper obtinuit (primam videlicet Ecclesiæ meæ Dignitatem) quique illum deinceps sequentur, eo animo huc festinasse, ut sacræ militiæ tyrocinium facerent, communique bonorum societate contenti, mundum, ejusque cupiditates deponerent. Si ergo, qui jam Deo vocante Religionem amplexi sunt, professione suâ, votisque abstinere cogantur, accertum animarum suarum adire naufragium, alijs videlicet, alienisque Beneficia sua, quibus sustentabantur, relicturi, illud quoque & necessario consequeretur, ut Divinis officijs Ecclesia mea destituatur; nec enim, ut Majestati Vestræ suggestum fuit, ea Congregationi sanctæ Genovevæ unita est, sed suis, ac particularibus statutis & legibus gubernatur. Cæterum dignetur Majestas Vestra mihi credere, nihil uspiam terrarum esse, quod fidelitatem ac obedientiam meam, quas Eidem profiteor, ulla ex parte minuire, aut inquinare possit, imò nihil æquè mihi cordi ac curæ est, easque inter præcipua capita mearum obligationum colloco. Nec credo, me aliâ re magis eas Majestati Vestræ probare, testarique potuisse, quam si eodem tempore me Deo, ejusque Divinis præceptis æquè fidum promptumque ostenderem; quam enim fidem ab illis Principes expectent, qui eam Deo negârunt? Enimverò pro Majestate Vestra nullum finem sacrificandi precandique

candique faciam, quo coelestem Ei, totique Regiæ stirpi
Benedictionem, ac Gratiam à Deo efflagitem; ac interim,
quâ majori possum veneratione, & obsequio sum eoque
semper. Apamiæ 29. Jun. 1677.

Majestatis Vestræ

*Humillimus, Obsequentissimus & fidelissimus
Servus & Subditus*

Franciscus Episcopus Apamiensis.

Documentum VII.

Epistola encyclica Reverendissimi Episcopi Alectensis.

NULLUS dubito, sententiam Vicarij & Officialis Narbo-
nensistantâ curâ studioque ubique locorum vulgatam,
& quâ bina à me edita Mandata evertere conatur, in manus
vestras devenisse. Enimverò persuasum ego habeo, eodem
temporis momento, quo illam recepistis, unâ etiam recor-
datos vos esse, quanta mihi incumberet necessitas, jura liber-
tatisque Ecclesiæ meæ, ac Dignitatem Episcopalem, quæ
in hac causâ æquè periclitantur, impigrè tuendi. Id ego
conatus sum efficere Constitutione, quam huc meis an-
nexam legetis, & ex qua facile colligere licebit, non unius
tantum, sed communem, omniumque hujus Provinciæ
Ecclesiarum causam, ac periculum verti. Vos ergo, uti
spero, nec partibus vestris defuturi estis, nec omittetis in
vestris quisque Dioccesibus ea omnia curare, quæ huic sen-
tentia remorandæ, ejusque effectui suspendendo necessa-
ria fuerint. Tantum id agite, ut sociatis junctisque viribus

communem causam amplectimini, vósque Dignitatem Auctoritatémque nostram oppugnantibus, Sacerdotali libertate occuratis, & quod hactenus nimiam fortè indulgentiam peccatum est, pari Zelo, oblatâque occasione oblitteretis. Ego interim Venerabundus perennes.

Aleſti 23. Octob. 1677.

Humilissimus & Obsequiissimus
Servus

Nicolaus Episcopus Aleſtensis.

Documentum VIII.

Actus Capitularis Ecclesiæ Apamiensis contra
Procuratorem Domini Pauceſ Regaliſtæ.

ANno Domini 1677. die vigesimâ Junij comparuerunt in Civitate Apamiensi coram me Notario Regio P. Franciscus Carlat Archipresbyter Ecclesiæ Cathedralis Apamiensis, & Prior Claustralis ex una; & Dominus Joannes Ludovicus la Caze Diœcesis Convenensis, ac D. Petri Pauceſ Presbyteri legitimus Procurator ex altera partibus: qui ultimus exposuit, se circa horam nonam ante meridiem compariturum, atque Chirographum Regium exhibiturum, vigore cujus Archidiaconatus, & Canonicatus Regularis, olim à Domino Mascarone possessus, præfato Domino Petro Pauceſ Presbytero confertur; rogare proinde, ut nomine ac vice sæpediti Domini Petri ac Regij Chirographi intuitu, ut in Archidiaconatum ac Canonicatum Apamiensem recipere eum vellent. Cui petitioni per eundem Dominum Franciscum Carlat Archipresbyterum

cerum responsum est, se post solemne Sacrae Missae officium Capitulares convocaturum. Convocatis ergo, atque in unum collectis Cathedralis Ecclesiae Canonicis, post communem maturamque deliberationem, ex omnium unanimi, atque concordi sententia responsum est: se videlicet, salvo interim omni respectu Majestati Suae debito, non posse, nomine quo supra, dictum Dominum la Caze recipere, idque ex sequentibus rationibus. Primò. Quia per expressam Alexandri VII. Bullam, Diplomate quoque Regio confirmatam, enixè sancitum est, ne quis, nisi post inchoatum, expletumque jussu Episcopi Tyrocinium, sequutramque deinceps Professionem ad Beneficia Ecclesiae Apamiensis recipiatur. Secundò. Quia ab Illustrissimo & Reverendissimo Episcopo suo Cathedrali Capitulo prohibitum est, ne quemquam titulo Regaliae ad Beneficia praenominatae Ecclesiaemitterent, locum in Choro, aut Capitulodarent, aut aliàs fungi permetterent dictorum Beneficiorum officijs, idque sub poena suspensionis ipso facto incurrenda. Tertiò. Quia Decreto tum Generalis Concilij Lugdunensis, cujus initium: *Generali Constitutione*, tum etiam Oecumenici Tridentini *Sess. 22. cap. 11.* inhihetur, ne ullà ratione, consilio, seu auxilio Regaliam promoveant (quae in Ecclesia Apamiensi locum nunquam habuit) neque sub poena anathematis jura Ecclesiarum violari, ac labefactari permittant. Utque praedicta Capitularis Declaratio ignorari à nemine possit, &c.

Documentum IX.

Actus Reverendissimi Episcopi Apamiensis ad
 Reverendissimum Archiepiscopum Tholosanum
 directus.

ANno 1677 die 18. Octob. In Civitate & Palatio Episcopali
 Apamiensi, Regnante Christianissimo Principe Ludo-
 vico Galliae & Navarra Rege, coram me Notario publico
 & Regio, ac testibus infra notandis. Illustrissimus & Re-
 verendissimus Franciscus Stephanus Episcopus Apamiensis
 personaliter constitutus, atq; per hunc actum à me legitime
 conscriptum, verba sua dirigens ad Illustrissimum & Re-
 verendissimum Dominum Josephum de Monpezat Archi-
 episcopum Tholosanum; nec non ad Dominos Guliel-
 mum Cazaniagion Presbyterum & Promotorem Ecclesiae
 ac Provinciae Tholosanae, & Petrum Paucet Presbyterum
 Dioecesis Leonensis, protestatur declaratque: se ejusdem
 D. Archiepiscopi Kalendis Septembris proximè elapsi
 pronuntiatæ sententiæ nullo modo acquiescere ac deferre
 posse, quâ nuperum, hoc est, vigesimâ septimâ Aprilis
 emissum ab eodem D. Episcopo Apamiensi Mandatum Le-
 gibus Regni Gallicani, communique tranquillitati, ac
 hujus Provinciae Ecclesiasticae Disciplinæ adversum, ac
 pròinde unâ cum Censuris ibidem intentatis, nullum viri-
 busque cassum declarat, prohibetque insuper, ne quis hu-
 jusmodi Censuris, aut Mandatis deferat, eisque obediat,
 aut illa executioni mandet; multoque magis ipsi Domino
 Episcopo Apamiensi, ne hujusmodi Mandata deinceps
 publicari, ac executioni dari permittat, seriò injungit.
 Præcepit insuper Capitulo Apamiensi sub poenis à Jure præ-
 scriptis,

scriptis, ut præfatum Dominum Paucet in Canonicum ejusdem Ecclesiæ recipiant, installent, inque possessionem immittant, ita tamen, & non aliter, quàm si juxta formam à Sacris Canonibus, ac litteris Provisionis traditam, vota Religionis, sacràmque Professionem emiseric. Denique Promotori suæ Archidiocesis, imponit, ut præfatum sententiam in ipsa Civitate Metropolitana, nec non Urbe Apamiensi, aliisque Archiepiscopatus sui Diocesis legibus affigi, promulgarique faciat.

Huic ergo à Domino Archiepiscopo Tholosano lata sententiæ, declarat præfatus D. Episcopus Apamiensis se acquiescere ac deferre non posse, eamque tam secundum formam, quàm rem ac substantiam ipsam, nullam irritamque esse pronuntiat. *Primo enim secundum formam nulla est; quia omni jure etiam naturali cautum est, ne sententia à Judice aliquo feratur, nisi auditis prius, aut saltem citatis partibus, quarum interest; id quod innumeris ferè auctoritatibus probare liceret, nisi res esset adeò nota, ac in jure tam clarè decisa, ut ne quidem ullà probatione indigeat. Sufficiat canon 22. Concilij Nicæni: Caveant Judices Ecclesia, ne absente eo, cujus causa ventilatur, sententiam proferant, quia irrita erit. Et Decretis Innocentij IV. in Capitulo: Venerabilibus, de sententia Excommunicationis. In quâ casus, de quo agimus; ferè in terminis definitus est; ita enim habet: Attamen si suffraganeus, vel extra judicium pro suorum jurium defensione: vel etiam in judicio, ex suo procedens officio, inquirendo videlicet, vel simile quid agendo aliquem excommunicet; in hoc casu conveniendus est, ipse suffraganeus coram Archiepiscopo, vel ejus officiali; quia ipse interest, defendere causam suam.* Plapè inauditum est, fuisse à Metropolitano contra suffraganeum in causâ appellationis, ad so-

lam

lam instanciam partis, nec vocatis, quarum intererat, partibus, pronuntiatum. Nec ipse D. Paucet hunc adeò essentialem errorem inficiari potuit, imò illi quavis ratione obse-
gendo colores ac prætextus collegit. Ait enim, posse à Metropolitano contra Suffraganeos Episcopos, titulo denegatæ justitiæ, & si Archiepiscopo de causis constat, cur suffraganei administrare justitiam noluerint, sententiam dici. Caterùm præterquam contra hujusmodi abusum sæpe multumque ab Episcopis declamatum est, oporteretque eum corrigi aliquando; confundit insuper idem D. Paucet voluntariam ac contentiosam Jurisdictionem, & ea, quæ ad gratiam, quæque ad justitiam pertinent. Si quis enim Apostolicâ autoritate Romæ provisus compareat, ac virtute hujusmodi Provisionis Beneficium ab Ordinario petat, is meram gratiam, ejusque executionem; & nihil aliud petit, sicque nullâ partium citatione opus esse videtur. Si verò ab Episcopo aut Metropolitano sententia aliqua in Petitorio feratur, quis unquam dubitavit, vocandas esse partes, de quarum jure ac præjudicio agitur; & nisi vocentur, sententiam esse nullam irritamque? Idemque dicendum est de sententia Judicis sæcularis, quando de mera Possessione Beneficij controversia agitur; si enim hâc formalitate careat, & partes, quarum intererat, vocatæ non sint, nemo negaverit hujusmodi sententiam nullam fuisse. Denique in omni judicio tres distinctæ Personæ reperiri debent, videlicet: Actoris, Rei, Judicisque; idèò quamvis fortè Metropolitanus gratias impertiri soleant à suffraganeis recusatas, nunquam tamen exemplum aliquod produci poterit, fuisse eorundem suffraganeorum sententias & Decreta à Metropolitanis sublata, & pro irritis cassisque declarata, partibus non vocatis.

Multo minùs sustineri potest, quod in hujus tam manifesti erroris defensionem idem D. Paucet allegat, videlicet: Mandatum Reverendissimi D. Episcopi Apamiensis in eadem Apamiensi Diocesi ubique locorum publicatum dispersumque fuisse, sicque omnes juxtà rationes & argumenta, quæ eundem D. Episcopum ad hoc Mandatum expediendum permoverant, in omnium notitiam perlatas esse; non ergo citandas fuisse necessariò partes ad respondendum, cum jam constaret, ac palàm omnibus foret, quid essent responsuræ. Verùm quò sciri potuit, omnes Episcopi Apamiensis rationes eo mandato contineri, & non plures alias in serinio pectoris occultari suo tempore exponendas? Et planè ex industria nonnullæ suppressæ sunt, ac in commodiorem occasionem servatæ. Sed quidquid de hoc sit, novum omnino, & inauditum, ac sine exemplo est, fuisse Reum à Tribunali, ac judiciali defensione exclusum, quia extrajudicialiter, privatimque causam dixerat; quasi verò quis nesciat, in ipso Contradictorio Judicio, Litisque Contestatione, partibus ultro citroque proponentibus, ac respondentibus multo clariùs veritatem micare, ac partium jura palàm fieri. Sed nec ipse D. Paucet unquam mundo persuadebit, aliam ei causam fuisse tam necessariæ Citationis declinandæ, quàm quòd jura rationesque Episcopi Apamiensis ad eò ei clara, omni que exceptione majora videbantur, ut puderet oblucri. Denique si nihil aliud, illud saltem oportebat ab Episcopo intelligere, an opinioni suæ, mandatòque jam semel vulgato insistere, ac inhærere vellet.

Secundo. Ex eo etiam capite Sententia Tholosana quoad formam nulla & irrita est, quòd in illa dicatur: *Mandatum D. Episcopi Apamiensis Legibus Regni Gallicani adversari.*

Quasi verò Archiepiscopi partes sint, de Legibus Re-

gni, earumque contraventionibus judicare, aut Ecclesiastica Jurisdictio alium finem habeat, quàm Canonum Ecclesiasticorum observantiam; aut aliquis etiam Judicium sæcularium sit, qui non omnino sibi persuadeat, hujusmodi sententias defectu Jurisdictionis suos limites excedentis, nullas esse irritasque. Præter hos, & essentielles defectus circa formam judicij commissos, alij nec pauci numero accessere, ab honestate ac decore inter homines observari solito alieni. Demus enim Mandato Episcopi Apamiensis aliquid defuisse, quo reijci mereretur; at honestas saltem exposcebat, & veneratio Dignitati ac Characteri Episcopali debita, ut prius moneretur Apamiensis Episcopus (primus videlicet, & antiquissimus in Archidiecepsi Tholosana Antistes) & aliqua componendæ liti ratio tentaretur, quàm ut liceret in extrema, ac sententiam procedere multis injurijs sparsam; qualis ea est, quam D. Archiepiscopus nuper pronuntiavit, quæque Domini Paucet supplicationem contemptus falsique plenam non admisit tantum, sed etiam recitavit, ac publico exposuit. In ea siquidem dicitur.

Primò. Promississe Regi Episcopum Apamiensem, se juramentum fidelitatis in publica acta referendum præstiturum. Id verò falsum omnino est, nec aliâ intentione à Domino Paucet confictum vulgatumque, quàm ut invidiam odiumque Episcopo conflaret, perinde ac si ipse fidem violasset Regi obligatam; cum tamen super hac causa neque Rex sit aliquando cum Episcopo collocutus, neque ipsi Episcopo unquam in mentem venerit, Regi aliquid simile aut immediatè per se, aut per alios polliceri.

Secundò. Idem D. Paucet Episcopo Apamiensi objectat, malè sententiam ac Decreta Lugdunensis Concilij ab eo esse intellecta, idque ex verbis Concilij, ac Glossa constare.

Cate-

Cæterum hæc cum dicit, palam omnibus facit, se illum ipsum esse, qui mentem Concilij Lugdunensis male affectus est, quique prius de veritate edoceri, instruique certius debuisset, quam ut Episcopo hæc exprobraret non sine dedecore, injuriæque sacre Dignitatis: & præterea quam hæc objectio à vero abludat, idem Episcopus Apamiensis, cum ad hujus quæstionis cardinem ac substantiam sermo perveniet, clarius ostendet, quam ut negari ab aliquo possit.

Tertio. Conatur idem D. Paucet notam læsæ Majestatis Domino Episcopo adspargere, quando adjungit, Censuras ab eo intentatas nullum alium finem spectare, quam ut Populum concitent, ac legibus Ediçtisque Regijs rebellem faciant. Id verò quam est à veritate ac mente ejusdem Domini Episcopi alienum, quamque ejus moribus huc usque inculpatis adversum, tam graves poenæ debentur temeritati ista scribentis; enimverò Episcopus Apamiensis nulli Galliæ Antistitum, aut fidelitatis, obsequij, aut curæ & observantiæ in Regem, ac publicum Galliæ bonum palmam concedet. Quod si in præsentì Regaliæ controversia minus ad Regiam voluntatem accessit, quam Aula speravit; erit aliquando tempus, cum Majestati Suæ constabit, id ex solo metu provenisse Dei offendendi, quem unum Petrus Apostolus honori ac reverentiæ Regibus debitæ præmisit: *Deum, inquiens, time, Regem honorate.* Imò tanto firmitus est vinculum, quod eundem Episcopum Regio servitio adstringit, quanto magis nulli adulationi mixtum, soloque Dei præcepto, Reges honorari jubentis, obligatione subditorum in Principem, Regiisque virtutibus nixum, quibus Majestas Sua abundat, & dignam Se omni obedientiâ ac fidelitate reddit. Sed nec magis curæ ac Religioni fuit, Provinciæ & Diocesis Tholosanæ Pro-

motori in regulas decori ac æquitatis offendere, Episcopo Apamiensi debitæ. Dicit enim, hujus Decreto & Mandato multorum conscientias ac Ordinem Ecclesiasticum turbatum esse; perinde, ac si turbas & motus vereri nos oporteat, quæ in dyscolorum animis veritatis & justitiæ leges excitare solent. Nec enim Episcopi Apamiensis Mandatum aliò spectavit, quàm ne Canones Ecclesiæ violarentur, neque per alias vias ad Beneficia accessus pateret, quàm per illas, quæ ab iisdem sacris Canonibus præscribuntur. Nec ab illo novæ poenæ dictatæ sunt, sed antiquæ, quæ sacrorum Canonum violatoribus debentur, tantùm declaratæ. Atque utinam secum perpenderet Tholosanus Promotor, pacem, pro qua in hac materia adeò laborat, multo animabus fore perniciosiorem, quàm quidquid turbarum & inquietis ex Episcopi Apamiensis Decreto profectum esse dicitur; nihil quippe aliud ab Apamiensi Episcopo factum est, quàm ut Decreta exequeretur Lugdunensis Concilij. Cum ergo anathemata ab hoc Concilio illata Tholosanus Episcopus frustra conetur elidere; sequitur, ut qui illis obstricti sunt, tanto infeliciùs periclitentur, quanto minùs periculum suum sentiunt, eoque liberari haud curant; dicentes: *Pax pax, & non erat pax.*

Id quod postea idem Promotor adjungit, nihil contra Edicta, Declarationes, ac Mandata Regia posse à quoquam sine culpa tentatæ Majestatis decerni; una ex ijs Regulis ac Maximis est, quæ si absque debita limitatione intelligatur, totam evertere Religionem possit.

Sed & illud admiratione dignum: ausum videlicet esse ministrum Archiepiscopalem, cui præcipuè sacros Canones observandi cura incumbit. Archiepiscopo suo supplicare, ut aboleri Decretum faceret, quo executio Lugdunensis

fis

sis Concilij unice urgetur, utque Apamienſi Epifcopo prohiberet, ut deinceps ſimilibus Mandatis faciendis vulgandisque abſtineret. Id verò Jurisdictionem Apamienſis Epifcopi aperte lædit; cùm Metropolitanæ partes ac officium non ſit, leges pro aliena Dioceſi ſtatueret; multoque minus, ne mandatis ſuffraganei obtemperetur, prohibere.

Prohibet idem Promotor, ne à quopiam mortalium hujusmodi Mandatis ac Cenſuris deferatur, perinde, ac ſi obedientia illis præſtita, vitio culpæque adſcribi debeat: & ne fortè Promotoris hæc ſenſa in occulto lateant, aut potius, ut tanto plus habeant doloris, vulgatum ludibrium; curat urgētque, ut ſententia Tholoſana, quâ Epifcopi Apamienſis Mandatum irritum caſſumque decernitur, totâ Provinciâ publicetur, omnibûſque valvis Urbis Metropolitanæ affigatur, ut videlicet tanto hoc apparatu pompæque ſeveritatis omnes Suffraganei Epifcopi, quamvis nunquam auditi, Tholoſanæ ſententiæ ſe quamprimum ſubmittant; perinde videlicet, ac ſi ea non unius Archiepiſcopi, ſed totius Provincialis Concilij ſententia foret, in quo tamen æquum eſſet, eos non conſuli tantum, ſed etiam Perſonam Judicum ſuſtinere. Sed neque hoc ſatis fuit, ut ad fores Eccleſiæ tam inſignis ſententia penderet, illud quoque adiunctum eſt, ut inter publicas ſolemnesque preces ac Concionēs, quæ Miſſæ Sacrificium comitantur, etiam extra Tholoſanam Provinciam promulgaretur.

Ipſe verò D. Archiepiſcopus, à cujus tamen æquitate ſperari debuit fore, ut iſtorum Clericorum audaciam ſua auctoritate coerceret, tantum abſuit, ut id ageret, ut potius ipſe in Mandatum Apamienſe manus immittat, fæderetque, impoſitis criminationibus, perinde ac Conſcientiarum tranquillitati, Eccleſiaſtica Diſciplinæ, ac Gallicis Legibus

adversum; si & Promotoris Tholosani querelis per omnia ac verbatim ferè consentit, unde complures nullitates defectusque non contra formam solum, quod modò ostensum, sed etiam contra substantiam ipsius causæ, quod deinceps manifestum faciam.

Tertio. Tholosana Sententia etiam quod substantiam ac merita causæ ipsius spectat, nulla & irrita est; Episcopi enim Apamiensis Mandatum nihil aliud complectitur, quàm executionem Lugdunensis & Oecumenici Concilij totâ Galliâ recepti, & quatuor ferè sæculorum observantiâ firmati; ex quo sequitur, Dominum Archiepiscopum Tholosanum in præsentī materia incompetentem Judicem esse; cùm enim de causa agatur maximi ac præcipui momenti, totâque Ecclesiâ spectante, deque Generalis Concilij executione, quī potest prohiberi Episcopus, ne id agat observetque, quod à tota Ecclesiâ observari oportet? aut quā ratione ei adimi, aut restringi potestas, quam ab Ecclesiâ recepit? Quidquid ergo hac in re ab Archiepiscopo Tholosano fieri poterat, illud fuit, ut Synodum Provinciale[m] convocaret, in eaque examinari curaret, an Episcopus Apamiensis terminos transgressus esset à Concilio Lugdunensi præscriptos; eâ ferè ratione, quâ in materia civili non potest Judex subalternus de ijs cognoscere, quæ inferior Judex ex Mandato Superioris, utque *merus executor* decrevit peregitque, nisi forsân excessisset fines Mandati. Ipsimet Archiepiscopi & Metropolitanī, si ex Conciliorum sententia loqui velimus, nihil aliud sunt, quàm sacrorum Canonum executores, nec in Episcoporum & Suffraganeorum Diœceses jus ullum habent, exceptis casibus certis in jure expressis. Nec dici potest, spectasse saltem ad dictum D. Archiepiscopum jus cognoscendi

scendi judicandique, an Apamiense Mandatum conforme esset Lugdunensi Concilio; præterquam enim quòd nil clarius est, quàm ut examine aliquo, aut sententiâ indigeat, accedit insuper, materiam & causam hanc tanti esse momenti, ut à solo Archiepiscopo sine Concilio Provinciali decidi non possit; & tamen non solum sine Provinciali Concilio, sed etiam, uti apparet, sine omni alio, etiam privato Concilio decisa est. In Chalcedonenſi Generali Synodo ita decretum est. *Can. 9. Si Clerus adversus suum, vel alium Episcopum habeat causam, apud audientiam Synodi Provinciae ejus conqueratur.* Quod tunc maxime necessarium est, habetque locum, cum non unius tantum Episcopi, sed totius Provinciae causa ac negotium vertitur.

Sed utcumque hæc se habeant, illud saltem certum est, non posse Mandatum Apamiense, ac Censuras in eo contentas pro nullis irritisque haberi, nisi dicamus, aut Lugdunense Concilium de Regaliâ non loqui, aut non esse illud Concilium in Gallijs receptum, aut denique Dioecesi Apamiensem ex illis esse, ubi Regalia jam usu ac consuetudine invaluerat. Sed quidquid ex his dicas, manifesta falsitatis convinci potest. Primum enim quod attinet, ex verbis ipsius Lugdunensis Decreti, ac Glossæ illud explicantis res tota palam fiet. Verba ergo Decreti Lugdunensis ita habent: *Generali Constitutione sancimus, universos & singulos, qui Regalias Custodiam, sive Guardiam, Advocacionis, sive defensionis titulum in Ecclesijs, Monasterijs, seu quibuslibet alijs locis pijs, de novo usurpare conantes, bona Ecclesiarum, Monasteriorum, aut locorum ipsorum vacantium occupare præsumunt, quantacunque Dignitatis honore præfulgeant: Clericos etiam Ecclesiarum, Monachos Monasteriorum, & Personas ceteras locorum eorundem, qui hoc fieri procurant, eo ipso Excommunicationis*
Sententia

sententia decernimus subjacere. Illos verò, qui se, ut deberent, talia facientibus non opponunt, de proventibus Ecclesiarum, seu locorum ipsorum, pro tempore, quo pramissa sine debita contradictione permiserint, aliquid percipere districtius prohibemus. Qui autem ab ipsarum Ecclesiarum, ceterorumque locorum fundatione, vel ex antiqua consuetudine jura sibi hujusmodi vindicant, ab illorum abusu sic prudenter abstineant, & suos ministros in eis faciant sollicitè abstinere, quòd ea, quæ non pertinent ad fructus, sive redditus provenientes vacationis tempore, non usurpent, nec bona cetera, quorum se asserunt habere custodiam, dilabi permittant, sed in bono statu conservent. De elect. & electi potest. in 6. Hactenus Concilij verba, nunc Glossam audiamus. Pro intellectu hujus Capituli supponendum est, secundum veriore intellectum ipsius, quid propriè textus appellet Regalia. Quidam volebant dicere. (His verbis ostendit Auctor Glossæ, se non probare primam hanc Regaliæ acceptionem) quòd Regalia accipiantur pro juribus Imperialibus, de quibus in libris Feudorum. capit. quasint Regalia. Ut si Rex donaverit Regalia Ecclesiæ. & aliquis ea usurpat, de facto sit excommunicatus. Alij dicunt, quòd Regalia accipiantur pro juribus, quæ habet Princeps in aliquibus Ecclesijs, videlicet: quòd vacante aliquâ Ecclesiâ aliquis Comes, vel Dux, qui dicebat se habere jura Regaliæ, in ipsa Ecclesiâ occupavit Custodiam Ecclesiæ vacantis, & dicebat, quòd fructus ipsius Ecclesiæ ad ipsum spectabant, licet non fuisset usus ipso jure. Glossa, quam D. Paucet in sui patrocinium adducit, notat quidem nomine Regaliæ, nova tributa, novas collectas, nova vectigalia intelligi. Sed Archidiaconus hujus Glossæ Auctor adjungit: Regalia, id est, quæ capiunt Reges vacante Ecclesiâ, ut patet in Francia Regno. & Angliâ; nam illi vocantur Regalia jura Regis, quibusdam Ecclesijs vacantibus competentia.

Id, quod

Id, quod postea eadem Glossa adjungit ad verbum, *Custodiat*, satis ostendit, fuisse Concilij Lugdunensis mentem universim de juribus vacantium Ecclesiarum disponere, & non solum prohibere, ne novis tributis, aut collectis gravarentur, sed, etiam ne illarum seu temporalia, seu spiritualia jura, quale est Jus Patronatus, usurparentur; sic enim loquitur Glossa: *Quotumque ergo nomine censeantur usurpantes de novo tale jus in Ecclesijs, & alijs locis pjs. & bona ipsorum locorum vacantium occupantes, excommunicati sint.*

Constat ergo etiam ex sententia ipsius Glossæ, Concilium Lugdunense de jure Regaliæ locutum esse, sive quia illius Constitutionis finis ac intentio fuit, Regaliæ extensionem impedire: sive quia illis verbis: *Regalia, Custodia, seu Guardia*, hoc ipsum jus expressum voluit; & ideo D. Paucet graviter hallucinatus est; cum dixit, constare ex Concilij Lugdunensis, ac Glossæ lectione, malè illius Decreta ab Episcopo Apamiensi fuisse intellecta.

Apparet etiam non solum ex illis Concilij verbis: *De novo usurpare conantes*, sed etiam ex illis Glossæ: *Usurpantes de novo jus*. Et illis: *Licet non fuisset usus ipso jure*. Et præcipuè illis: *De novo à quadraginta annis citra*, Concilij mentem ac intentionem fuisse, ne Regalia ad alias Ecclesias, quàm quæ illi jam assueverant, extenderetur. Id quod tam verum, certumque est, ut quamplures Galli scriptores, qui de hoc argumento libros edidèrunt, videlicet, Ruzæus, Rebuffus, Le maistre, Baunius Jesuita, alijque, pro primo ac præcipuo fundamento Regaliæ sustinendæ tacitam Concilij approbationem ponerent, quam à Concilio factam volunt circa eas Ecclesias, quæ ab immemoriali jam tempore Regaliæ subjacuerant. Ipse Dominus de Marca Archiepiscopus Tholosanus in una suarum Dissertationum, quæ mo-

numentis Ecclesiæ Gallicanæ inserta est, doctè solidèque demonstrat, Patres Lugdunensis Concilij de Regalia, & juxta sensum Apamienſis Episcopi locutos, illudque Decretum totâ Galliâ receptum fuisse: nec Reges aliter Regaliâ gavisos, quàm limitatè, & in iſtantum Ecclesijs, quæ ab immemoriali tempore huic juri, an ſervituri? ſubmiſſæ fuerant. Id quod apprimè concordat cum illis Gloſſæ verbis: *In quibusdam Ecclesijs: in aliquibus Ecclesijs.* Et cum illis Rebuffi: *In aliquibus Episcopatibus*; adeò, ut optimo jure Paſquierius *Aula aſſentatores* vocaverit, qui ad omnes Regni Gallici Ecclesias Regaliam extendere conati ſint. Sed audiendus eſt Dominus de Marca, qui cùm Decretum Lugdunensis Concilij produxiſſet, hæc verba ſubjungit: *Philippus ergo Pulcher, hujus nominis quartus auctoritate Lugdunensis Concilij ſubnixus, Jus Regaliæ, quod prius ſolis moribus uſuque receptum erat, Ediſto quoque ſuo de Anno 1302. firmavit, ita tamen verba mentemque ſuam, verbis ac mente Concilij metitur, ut Regaliam intra terminos ſolius Conſuetudinis reſtringat, nec ad Ecclesias extendi velit, hujus Conſuetudinis expertes; ſic enim loquitur. Item quantum ad Regalias, quas nos, & noſtri Prædeceſſores percipere aſſuevimus, & habere in aliquibus Ecclesijs Regni noſtri, quando eas vacare contingit. Additque eandem Clauſulam Reſtrictivam inveniri in Ediſto Philippi Valeſij de anno 1334. Ex quo hæc verba producit: Pro Ecclesijs Regni noſtri, in quibus Regaliam poſsidemus. Et adhuc clariùs in Ediſto Ludovici XII. Anno 1499. cujus hæc verba ſunt: Inhibemus omnibus miniſtris, & officialibus noſtris, ne in Archiepiscopatus, Episcopatus, Abbatias, & alia hujus noſtri Regni Beneficia, Regaliam uſurpent, ubi hæcenus eam non habuimus, ſub pænâ ſuſpenſionis, &c. Et in Ediſto Henrici IV. de anno 1606. Non intendimus Regaliæ juriſus gaudere.*

gaudere, nisi eo modo & formâ, quâ nos nostrique Antecessores illis hæcenus gavisi sunt, nec eam extendi volumus in præjudicium earum Ecclesiarum, quâ hæcenus exempta fuerunt. Id Henrici Edictum alio Ludovici XIII. confirmatum est de anno 1629. articulo 16. Non est, inquit, voluntatis nostra, Regaliâ titulo Corona possessam alio modo, quàm lapsis retrò annis, ac juxta Edictum gloriosa memoria Genitoris nostri, nobis vindicare. Et magis adhuc specialiter in litteris patentibus Philippi Pulchri de anno 1303. in favorem Narbonensis Provinciæ, hoc est, teste Petro de Marca, totius Septimaniæ: Nolumus, quòd gentes nostra occupent Regalia Ecclesiarum vacantium Provincia Narbonensis. In qua Narbonensi Provincia semper hæcenus Diocesis Apamiensis numerata est; quippe ab origine & fundatione sua Episcopus Apamiensis, Suffraganeus Narbonensis Archiepiscopi fuit, ut nunc Tholosani.

Tertium punctum non minùs certum est, videlicet, nunquam in Ecclesia Apamiensi Regaliæ locum fuisse, nec ullum allegari exemplum in contrarium poterit. Et quanquam juxta notam receptamque Juris Utriusque Regulam, *Actoris, & affirmantis, non Rei, sit probare*; percurram tamen notam, indicemque Cameræ Computorum, relatam in acta Cleri Gallicani, & cujus Galli scriptores meminere, qui de hoc argumento scripserunt, quales sunt Ruffée, Le Maître, & Pasquier; ex quo indice simul patebit, Regem in nulla istarum Ecclesiarum Regaliæ juribus potitum esse; nam nihil potuit improbabilius dici, minùsque consentaneum veritati, quàm illud à Domino Paucet tam confidenter ac impavidè assertum, videlicet hoc Jus Regaliæ etiam in Ecclesijs Septimaniæ illis à prima fundatione coævum esse, totâque retrò antiquitate Coronæ innoxum. Si enim ita est, ut Jus Regaliæ sit Regiæ Coronæ adjun-

etum, nec ab ea separari possit, sequetur omnes Reges hoc jure gaudere, eoque semper gavisos esse, quod tamen falsum omnino est, constatque multis hæcenus sæculis inauditum ignotumque fuisse; nec fundatio, aut dotatio Ecclesiarum aliud jus, quàm Patronatûs tribuit; id verò multo minus onerosum est, multoque minus quàm Regalia, jura Ecclesiarum offendit. Sed & ipsi Galliæ Reges longè aliter de Regalia sensere, quàm Dominus Paucet in eorum gratiam scribat; id quod ex eorum Edictis jam aliàs productis patet, præsertim ex sententia à Philippo III. sancti Ludovici Regis filio data anno 1272. quam Dominus de Marca in antiquo Parlamenti Protocollo reperiri ait in hæc verba : *Sabbatho post Ascensionem Domini restituta fuerunt apud Apamias, & red-dita per Dominum Regem Procuratoribus Capituli Albiensis Regalia Ecclesia Albiensis, qua mortuo Episcopo Albiensi Seneschallus Carcassonnensis ad manum Domini Regis ceperat, & saisina vera sine causa; eum Dominus Rex super hoc aliàs nunquam usus fuisset, prout ex aliorum, & ipsius relatione fuit inventum.*

Idem Dominus Paucet in sua supplicatione Regiam Declarationem producit, quæ Cleri postulationem consecuta est, à Rege petentis: *Ut ad se, suumque Consilium hanc causam evocaret, auditis prius, examinatisque Cleri, Archiepiscoporum, Episcoporum, & Capitulorum actis & Documentis, quise à Regalia immunes esse crederent.* Huic objectioni præter alia multa, quæ dici super hoc argumento possent, quæque sibi impofterum dicenda reservat, respondet præfatus D. Episcopus Apamiensis, sibi eam Declarationem, Clerique in Regium Tribunal submissionem nullo modo opponi posse; cum ipse nunquam titulos & Documenta suæ Exemptionis Regio Senatui examinanda subjecerit; nec Generales Cleri Procuratores, imò ne totus quidem Galli-

cani Cleri Conventus Jus compromittere potuerit, quod ad spiritualement Episcoporum Auctoritatem, omniumque Ecclesiarum Exemptionem pertinet; nec Deputati ullum super hoc Mandatum à Clero habuere.

Adde, quòd, cùm Diplomate Alexandri VII. ac licetis patentibus Regis feliciter regnantis cautum sit, ne ad Beneficia, Dignitates Cathedralis Ecclesiæ Apamiensis quispian recipiatur, qui post accuratum ex Mandato Episcopi tyrocinium, emissamque Professionem Regularem statum non sit amplexus; sequitur Regem neque huic particulari statuto, neque juri Communi (quod habet, Dignitates nulli, nisi qui de gremio sit, conferendas esse, nec ex gremio censerì, qui Professionem non emiseric) suam Declaratione derogatum voluisse.

Æquum igitur fuit, ut super his aliisque, quæ allegari poterant, prius audiretur Episcopus Apamiensis, quàm ejus Mandatum irritum, nullumque declararetur; quæque si audita & perpenſa fuissent, sperari omnino poterat, multo aliter à Domino Archiepiscopo Tholosano pronuntiatum fore.

Ex his ergo, aliisque suo tempore, & loco productis; & producendis rationibus, protestatur Episcopus Apamiensis, declaratque præfatis Dominis Archiepiscopo, Promotori, & Paucet, se nullo modo potuisse, aut debuisse illi sententiæ deferre, sed, &c.

Documentum X.

Mandatum D. Episcopi Apamiensis, quo declarat nuper à se editas Constitutiones contra Regalistas, non obstante sententiâ D. Archiepiscopi Tholosani, executioni dandas esse.

Die 27. Octob. Anno 1677.

FRANCISCUS miseratione Divinâ Episcopus Apamiensis, Charissimis & Dilectissimis Fratribus Ecclesiarum Cathedralis & Collegiatæ Dominæ nostræ de Campo, Canonicis, Archipresbyteris, Rectoribus, Vicarijs, aliisque Personis Ecclesiasticis Salutem & Benedictionem. Intelleximus, quod non obstante inhibitione sub pœna Excommunicationis ipso facto incurrendæ, contra Fratrem Joannem Franciscum le Juge (qui se Sacerdotem ac Religiosum Ordinis S. Augustini Professum nominari facit, prætenditque Canonicatum. ac Eleemosynarij officium in Ecclesia nostra Cathedrali, titulo Regaliæ) à nobis edita, ne se in prædicti Canonicatûs, ac Eleemosynarij officia, eorûmque possessionem virtute Regij Chirographi ingerere præsumeret, eique insuper intimari fecerimus, nos interim omnia Juris media parare, ac experiri velle, quibus prætensa sententia D. Archiepiscopi Tholosani Constitutionem nostram die 28. Aprilis nullam pronuntiantis, pro irrita cassaque declaretur: imò quamvis de nullitate hujusmodi assertæ Tholosanæ sententiæ, tam quoad formam, quàm quoad ipsam substantiam, aliàs evidentè constet. Quoad formam quidem, quia nobis nec auditis, imò ne citaris quidem pronuntiata est, in eaque declaratur, Constitutionem nostram præfatam legibus Regni contrariam esse; quod de-
clarari

clarari ab eodem D. Archiepiscopo non potuit, cum limites ejus potestatis excedat. Quoad substantiam verò, quia non licuit eidem D. Archiepiscopo Constitutionem revocare, aut irritam pronuntiare, quæ nihil aliud, quàm mera executio fuit Generalis Concilij toto Galliarum Regno recepti, nec non Diplomatis ab Alexandro VII. dati, Regiisque literis confirmati, ac maximè conformis naturæ ac qualitati Beneficiorum Ecclesiæ nostræ, quæ à primæ Institutione, ac fundatione sua Regularis fuit. Et tamen his omnibus non attentis præfatus Le Juge non omisit præfatorum Beneficiorum possessionem usurpare, cujus exemplum plures alij imitari forsan possent, eo prætextu, quòd præfata Tholosana sententia, donec per Appellationem ejus effectus suspendatur, vires obtineat, obligetque. Nos igitur ob has similisque causas ordinamus, ut tam dicto Le Juge, quàm alijs omnibus, quorum intererit, intimetur, nos à præfata illa sententia Tholosana legitime appellasse, eamque Appellationem tam præfato Domino Archiepiscopo, quàm etiam Tholosano Promotori, vigesimâ sextâ currentis mensis insinuasse, atque ex Tholosana Cancellaria litteras obtinuisse, quibus certi reddebamur, actum Appellationis nostræ tam dicto Le Juge, quàm alijs omnibus, quibus necesse fuerit, insinuatum iri, ne videlicet ignorantiam prætereundere possint, eoque prætextu immunes se credere, liberosque à Censuris, in Constitutione nostra prolatis, quas sub pœnis ibidem contentis (ob notorios videlicet defectus, & nullitates in ea commissas, & alibi fusiùs à nobis deductas) iterum, quatenus opus fuerit, innovamus. Inhibemus etiam, iterumque interdiciamus, prout in nostris Constitutionibus die 26. Aprilis, & 23. Octobris, jam inhibuimus, atque interdiximus Capitulis Carthe-

Cathedralis & Collegiatæ B. Virginis de Campo Ecclesi-
arum, ne quemquam obtentu Regaliæ in dicta Beneficia
recipiant, installent, &c. sub poena suspensionis ipso fa-
cto, &c. Ipsos verò taliter provisos sub poena Excommuni-
cationis ipso facto incurrendæ, &c. Datæ in Ædibus
nostris Episcopalibus die 27. Octob. Anno 1677.

Franciscus Episcopus Apamienfis.

Notandum est. Anno 1677. die 22. Octob. similem scè Consi-
tutionem à Reverendissimo & Illustrissimo Episcopo Alceſtensi
editam fuisse, contra sententiam Officialis Metropolitani Narbo-
nensis, qui ejusdem Episcopi Mandata, Constitutiones, ac Censuras
contra Magistrum Petrum Gaston irritas declaraverat.

Documentum XI.

Epistola Episcopi Alceſtensis ad Regem
Christianissimum.

25. Octob. 1677.

Mihi ultima vitæ meæ momenta numeranti, & quid
faciendum superſit, ut Divino Tribunali ſecurus ſiſtar,
animo repetenti, occurrit illa Chriſti Domini noſtri ſen-
tentia, quâ jubemur: *Prinſquam Sacrificium ad Altare offera-
mus, fratri noſtro, qui aliquid adverſum nos habet, reconciliari.*
Cum ergo jam tempus accedat, ultimum Sacrificium, hoc
eſt, vitam meam Deo immolandi, credidi neceſſitatem mi-
hi præcipuè incumbere, placandi animum Majeſt. Veſtræ.
Quam ab aliquo jam tempore, ob ea, quæ circa Regaliâ
contigère, offenſam mihi, averſamque experior; tamen
poſſum Majeſtati Veſtræ aſſeverare, me ſemper eo ſenſu
animoque.

animoque fuisse, quæ fidelissimum subditum deceant; quantumvis Regaliam quod attinet, officij, ac Dignitatis meæ ratio eò impulerint, ut cogerer aliqua facere, voluntati, ac Mandatis Majestatis Vestræ minùs, quàm cuperem, accepta; & tamen id ipsum per litteras meas ausus sum Eidem significare, idque eà libertate, quæ Episcopos decet, Sacrorum Jurum Depositariorum: & nunc quoque in hoc vitæ mortisque meæ confinio Majestati Vestræ profiteor, me nihil aliud egisse, quàm quod crederem Conscientiæ, ac officio meo deberi; idque unicum esse dolori meo solatium, & quo spero Deum non esse mihi eam indignationem adscripturum, quam in pectore Majestatis Vestræ dolens mærensque experior; nec ideo tamen has ultimas obligationis meæ partes explorare omittam, simulque hanc ultimam à Majestate Vestra gratiam expetere, dignetur tribus illis ex familia mea Ecclesiasticis Personis, ejusque Mandato proscriptis veniam elementer impertiri, quippe nullius culpæ reis, quàm quod Episcopi, legitimi superioris sui, quémque Divinæ voluntatis interpretem agnoscebant, præceptis obediverint. Non diffido, si modò Majestati Vestræ placuerit id secum reputare, veniam merituos, ac præsentibus angustiis, quibus conflantur, ereptum iri. Impleat Deus Majestatem Vestram cœlestibus Suis Beneficiis, Fámque ad amissim Divini sui cordis, ac voluntatis Regem efficiat. Id unicum est ejus votum, qui plenus venerationis, ac reverentiæ est, erique semper.

Aleſti 25. Octob. 1677.

Majestatis Vestræ

*Humillimus, Obsequentiſſimus & Fidelissimus
Servus ac subditus*

Nicolaus Episcopus Aleſtenſis.

F f

Docu-

Documentum XII.

Primum Breve S. D. N. INNOCENTII PP. XI. ad
Regem Christianissimum.

12. Mart. Anno 1678.

INNOCENTIUS PP. XI.

Charissime. in Christo Fili Noster Salutem & Apostolicam Benedictionem. Jam pridem inaudivimus, non deesse Majestati Tuæ Consiliarios & administratos, qui Tibi persuadere niterentur, ut usum illum antiquum Custodiæ fructuum vacantium Ecclesiarum, quod Regaliam vocant, ad eas quoque Regni Tui Ecclesias extenderes, quas illi juri obnoxias nunquam fuisse, ex ipsis Fiscis Regij Tabularijs liquidò constet. Sed nos memoriâ repetentes, omnem ea de re controversiam communi olim Ecclesiæ Catholicæ consensu, & benignâ Sedis Apostolicæ indulgentiâ, providè, sapienterque compositam fuisse in Concilio Lugdunensi Generali; minimè ad credendum adduci poteramus, Majestatem Tuam consilijs hujusmodi aures præbituram aliquando esse: multo minùs admoturam operi manum, invitâ Synodo, tantæ apud omnem Ecclesiam auctoritatis, & reclamantibus Constitutionibus, & exemplis Regum majorum, qui Constitutionem in eadem Synodo ad regias preces, regijs Legatis præsentibus, in ipsa Gallia, & totâ Gallicâ gente efflagitante sancitam, per integrum quatuor ferme sæculorum spatium, certatim probârunt observâruntque, & præcipuo in honore habuerunt. Nec verisimile videbatur, Majestatem Tuam, postquam tantum Sibi apud Deum meriti, & apud homines gloriæ, eximijs pro Religione

gione Catholica rebus gestis comparavit, ut nullius Majorum Suorum Regum clarissimorum memoria invidere posset, velle rem aggredi, quæ nullâ urgente necessitate, vel æquitate suadente, magnum esset quamplurimis Galliarum Episcopis, eorumque Clero incommodum, & justum dolorem allatura, non sine gravi Catholicorum omnium sensu, qui in Francorum Annalibus, & in Sacrorum Canonum statutis animadvertunt, quantum id veteri consuetudini, & Ecclesiasticæ libertatis ac disciplinæ rationibus adverteatur. Unde plerique, tum veteres tum recentes Galliarum scriptores, quantumvis Majestati Tuarum, & imperio subessent, & auctoritati magnitudinique impensius studebant, in eos, qui præfatam Regaliæ extensionem suadere ausi fuerant, tanquam in mala perdita que causa patronos, & favorem aulae caprantes, liberam indignatione investiti, stylum subinde strinxerunt. Nullus verò Galliarum Regum, vel tentare id voluit, vel tentatum id exequi sustinuit, memor à sapiente præclare præcipi: *Ne transliamus terminos, quos posuerunt Patres nostri.*

Illud præterea nos ejus periculi metu curaque liberabat, quod, cum Majestas Tua, non multis abhinc annis, sanctæ Sedis Apostolicæ liberalitate aucta, ornatæque sit penè supra votum, indultis amplissimis, præter ea, quibus jam Reges Majores Tui ejusdem Sedis benignitate gaudebant, nominandi ad Beneficia Ecclesiastica, non puta vissemus Te sanctissimi sapientissimique olim Galliarum Regis exemplo, cogitare de novis ineundis rationibus regiæ in sacros reditus auctoritatis amplificandæ. Sed ubi allatæ fuere ad Nos bonæ memoriæ Nicolai Episcopi Alectensis litteræ, quibus post debitas religiosè in hanc Sanctam Sedem obsequij, & filialis observantiæ significationes, ad Nos querelas, quas

propè moriens postea renovavit, ob Regaliæ usum in suam Dioecesin, quæ ab eo libera semper fuit, nuper in vectum deferrebat, unaque appellationem à sententia Metropolitani Narbonensis; deinde verò edocti sumus, idem Apamiensi Ecclesiæ contigisse pariter liberæ; tandem vidimus ipsi regium Majestatis Tuæ Decretum, quo omnes Ecclesiæ Gallici Regni, hujusmodi oneri juebantur assuescere, mirati vehementer sumus Constitutionum Apostolicarum, & Generalium Conciliorum decretis, ac tam rectâ compertaque apud omnes veritate & justitiâ, potiores fuisse illorum conatus, qui terrena potius, & caduca, quàm cœlestia & æterna respicientes, dum Majestatis Tuæ gratiam, potentiam amplificando, aucupantur, molestissimos Tibi, & valde periculosos conscientiæ terrores, quod Deus avertat, in id tempus præparant, cum in districto Dei judicio mortales omnes, quocunque tandem potentiæ & dignitatis loco sint, diligentem reddere debeant omnis antea vitæ rationem.

Nos itaque pro nostra non minùs erga æternam, quæ magnæ nobis curæ est & esse debet, Majestatis Tuæ salutem, quam erga inclitum Clerum, & religiosissimos Galliæ Præsules, imò erga universalem Ecclesiarum, cujus in hoc negotio procul dubio causa agitur, Paternâ charitate seriò admonendum Te, & vehementer hortandum obsecrandumque judicavimus, ut à tam injustis, & perniciosis ejusmodi consilij animum abducas; præfatis Alestensi & Apamiarum, cæterisque regni Tui Ecclesijs, quæ usui Regaliæ huc usque obnoxie non fuere, suas libertates atque immunitates sanctas testas relinquas, nec eas de cætero illo modo labefactari finas: sed quidquid in contrarium hactenus actum tentatumque est, repares, & in pristinum statum restitu

cures;

cures; néve celestis beneficentiæ fontem, quem subditæ Tibi gentes, pietatis imprimis justitiæque merito, sicuti credere nos juvat, expertæ huc usque sunt. secus nunc agendo, & Dei per quem regnas, Ecclesiam tam graviter lædendo, obstruas; qui scias hujus quoque vitæ bonæ, & regnorum felicitatem & incrementa, à Divina bonitate unicè dari, expectandæque esse; sicuti innumera omnium gentium, & temporum exempla testantur.

Nos sanè hos animi nostri sensus in sinu tacitos continere non patitur, vel nostri pastoralis officij ratio, cui sollicitudo omnium Ecclesiarum incumbit; vel justitiæ debitum, quo omnibus ad hanc Sanctam Sedem ex veteri justoque more, quem à nulla humana potestate impediri fas est recurrentibus, jus reddere. consilium, opem, ac paternum patrociniū præstare jubemur; vel denique necessitas occurrendi scandalo, quo christiani latè populi ad tantæ exitum rei conversi. afficerentur, si à laicali potestate, Ecclesiæ, eorūque Antistites, & Ministri, suis libertatibus atque immunitatibus, earūque usu & antiquâ possessione, contra generalium Conciliorum decreta, & veterem inconcussamque observantiam spoliarentur; non alio prætextu, quàm novæ atque inauditæ opinionis nullo jure nixæ, cui nonnulli postea accesserunt, non quòd aliquid novi invenerint, quod rei veritatem tam apertam posset in dubium revocare; sed ut rem suam agerent, nihil solliciti, si publicam perderent.

Speramus Majestatem Tuam, causæ justitiæ, & æquitate cognitâ, quæ patet ipsa per se, Paternæ cohortationi ac precibus nostris, prospectata animi Tui pietate & sapientia, perpetuæque in hanc Sedem observantiâ auscultaturam; nôque curâ non minùs molestâ quàm necessariâ, inter

et alias, quibus circumdamur, liberaturum. Sanè si aliter suadentium consilia Majestas Tua paulò attentius excusserit, facile intelliget, homines gratiæ & fortunæ inhiantes, obtentu Regiæ potestatis, suam firmare velle; neque tam effusi amplitudinis Tuæ cupidos, quàm laudis inimicos, cum aucthores Tibi sint, ut qui longinquis non ita pridem expeditionibus, & ad omnem posteritatis memoriâ illustribus, Christianæ Reipublicæ salutem tueri, & Religionem amplificare tantopere studuisti in alienis terris, nunc à Te ipso quodammodo abiens, Ecclesiæ libertatem, auctoritatem, quæ in Tuis imminutam velis. Quâsi verò facile Tibi persuaderi posse confidant, æquum esse, vel fieri posse, ut nobiliteur & crescat ex Ecclesiæ ruinis Imperium, quod religiosissimi fortissimique Reges majores Tui, mirifico in eandem Ecclesiam studio, & pari in Apostolicam Sedem pietatē imprimis partum, Tibi eorum vestigijs strenuè insistenti, amplissimum reliquerunt. Tu Reges eos, Fili charissime, vel potius Te ipsum imitare, & eorum Tuâque præclara facta sæpe in mentem revoca.

Nos quidem oblivisci non possumus Prædecessores nostros Romanos Pontifices, qui similibus de causis graves ac diuturnas pati ærumnas, & immanes contentionum & periculorum procellas, in eo confisi, qui mari ventisque imperat, invicto animo subire non dubitarunt. Hæc ad Majestatem Tuam inviti scribimus, qui in latiori argumentò versari magnoperè cuperemus. Sed postquam Apostolicæ servitutis onus subeundo Divinæ voluntati paruius, liberum jam Nobis non est exequi Nostram, quæ Tuæ obsecundare quacumque in re veller, sicut in pluribus, quas nobis ratio temporum & publicæ pacis studium hætenus indulgere permisit, cognoscere potuisti. Significavimus hæc

ipsa

ipsa Oratori Majestatis Tuæ Nobili Viro Duci d' Estrées, ut ad Te pluribus referret, itidémque Venerabili Fratri, & Archiepiscopo Adrianopolis Nuntio apud Te nostro; quem ut de tota re disserentem, diligenter & benignè, pro more Tuo velis audire vehementer à Te petimus, ac Majestati Tuæ Apostolicam benedictionem impertimur.

Datum Romæ apud sanctum Petrum sub annulo Piscatoris, die 12. Martij 1678. Pontificatus Nostri anno secundo.

Marius Spinula.

Documentum XIII.

Secundum Breve Sanctissimi D. N. INNOCENTII PP. XI. ad Regem Christianissimum.

21. Sept. Anno 1678.

Charissimo in Christo Filio Nostro, Ludovico Francorum Regi Christianissimo.

INNOCENTIUS PP. XI.

CHARissime in Christo Fili noster, salutem & Apostolicam Benedictionem. Ex litteris quibus Majestas Tua ad nostras quintâ Aprilis datas respondit, & ex ijs quæ ad Nos retulit venerabilis frater Archiepiscopus Adrianopolitanus, eò rem adductam videmus, ut Nos vel officio nostro doesse, retinendo verbum in tempore salutis, vel Tibi fortasse molestiæ esse cogamur. Sed dabis, Charissime Fili, pastoralis officij debito, dabis paternæ sollicitudini atque amoris in Te nostro, si Te malè consulentium culpâ, in summo æternæ salutis periculo constitutum videntes, opportunè importunè instamus & obsecramus, elatâ voce clamantes, ut è tam præcipiti loco pedem referas. Duo in primis

primis Tibi pro veris atq; indubitatis affirmari cognovimus
 ex Tuis litteris. Primum quidem Regaliæ jus (uti nuncu-
 pant) in Ecclesias Galliæ universas Majestati Tuæ compe-
 tere, tanquam Regiæ coronæ insitum, & innatum: deinde
 clarissimos Reges Majores Tuos jus illud, & exercuisse dum
 viverent, & ad Te morientes hæreditario ordine transmi-
 sisse: quibus à Te creditis, minimè miramur, si ad ea pro-
 gressus fuisti. quæ talium principiorum consentanea erant.
 Veruntamen illa tam aliena à vero sunt, ut nihil magis.
 Nemo enim sanæ mentis & doctrinæ ausit in dubium revo-
 care, nullum sæculari potestati in res sacras jus esse, nisi
 quatenus Ecclesiæ indulsit autoritas. Hæc autem non so-
 lum Galliæ Regibus non indulsit, ut Regaliam prædictam
 extenderent ad Ecclesias illi oneri non assuetas, sed etiam
 id fieri apertè vetuit in Generali Concilio Lugdunensi,
 quod Gallia imprimis veneratur, ac sanctum habet. Reges
 verò prædecessores Tuos quotquot fuere, ejusdem Concilij
 dispositionem religiosè semper & per quadringentorum
 ferme annorum spatium custodivisse, & si quis eorum de
 illa infringenda cogitavit, re melius pensatâ, ab incepto
 destitisse, audimus in confesso esse apud omnes Scriptores
 præsertim Gallos, & Regia ipsa tabularia ad oculum de-
 monstrare. Quamobrem pati non possumus nec debemus.
 Majestati Tuæ obtrudi errorem tam manifestum, tam con-
 scientiæ Tuæ, tam Galliæ Regno, tam Ecclesiæ universæ
 perniciosum. Semel enim admissio, licere Majestati Tuæ
 adversus Generalis Concilij Lugdunensis decreta, adversus
 Regum majorum Tuorum exempla, adversus ipsam rerum
 sacrarum naturam & primigeniam Ecclesiarum liberta-
 tem, invehere jus Regaliæ in eas quoque Ecclesias, quæ hu-
 jusmodi oneri obnoxia numquam fuere, idque palàm dis-
 sentiente

sentiente & reclamante, & ineluctabilem cœlestis iræ animadversionem multis cum lacrymis denuntiante Romano Pontifice, ad quem sicut verus consuetudo poscebat nonnulli Galliæ Episcopi à Metropolitanorum sententijs appellârunt: nemo non videt, quæ inde Ecclesiæ Catholicæ deformatio ac ruina, quæ sacrarum ac profanarum rerum confusio, sublato quodammodo inter spiritualem ac secularem potestatem pariete medio, sit consequutura, non in Gallia solùm, sed in omnibus alijs Christiani orbis provincijs, manante in dies latius exempli autoritate. Accedet ad hæc (nisi error tam absurdus ac tam certus corrigatur) gravis jactura, & periculum animarum in isto Regno. Illi enim, quos Majestas Tua vacantium Ecclesiarum fructibus augebit, in quibus Ecclesiæ jus illud locum non habet, cum progressu temporis vel monitu Sacerdotum, quibus arcana conscientiæ suæ deregunt, vel etiam ipsi per se (ut in re clara & aperta) viderint, in quos se laqueos induerint, & in quod animam suam perdicionis æternæ discrimen adduxerint, tot censuris adeoque tot sacrilegijs obstricti, tot illicitè perceptis bonis Ecclesiæ, quæ restituere cogantur, incredibile dictum est, quâ animi perturbatione, quibus conscientiæ terroribus agentur, Regiam beneficentiam Tuam magni infortunij loco habituri. Quorum profectò malorum & discriminum culpam (nisi providè arceantur) Majestas Tua haud dubiè in districto Dei judicio sustineret. Vehementer itaque Majestatem Tuam rogamus, ut proxiimâ animi Tui æquitate & sapientia, rem seriò perpendas, ac si innumeris amplissimi Regni Tui negotijs impediris, quominus eam per te cognoscas, viros aliquos, non tam doctrinâ, (quæ non adeò magna requiritur ad hujus causæ cognitionem) quàm pietate fidèque præstantes consulas:.

fulas : vel , si placet , evolvas Acta ipsa Cleri Gallicani nuper impressa , quæ Tibi rei veritatem luculenter aperient. Quâ cognitâ , minimè dubitamus , quin Majestas Tua illico declaret , nihil sibi majori curæ esse , quàm reddi Deo quæ Dei sunt , à quo tantas opes , tam splendidum amplumque Regnum , & omni Regno potiora tot præclara animi corporisque bona accepisti. Longiùs fortasse quàm patitur vel evidens causæ justitia , vel egregia virtus Tua , in hoc argumento immoramur. Verùm non ut confundamus Te hæc scribimus , sed tanquam Filium Charissimum monemus , animo reputantes , nihil prodesse homini , si universum mundum lucretur , animæ verò suæ detrimentum patiatur. Speramus , Charissime Fili , opus non fore , ut novis eximiam Religionem æquitatēque Tuam precibus in hoc negotio interpellemus. Ea ceterò quin est rei magnitudo , in qua non Gallicanæ solùm , sed totius Ecclesiæ dignitas salusque vertitur , ut pro Apostolici officij nostri munere , extrema potiùs pati omnia , quàm causam istam negligenter agere debeamus. Reliqua super hoc argumento accipies à præfato Nuntio nostro , ac Tibi Apostolicam benedictionem perpetuo cum felicitatis Tuæ voto conjunctam amantissimè impertimur. Datum Romæ apud Sanctum Petrum sub annulo Piscatoris die 21. Septembris 1678. Pontificatus Nostri anno tertio , missum verò die quartâ Januarij 1679.

Documentum XIV.

Tertium Breve Sanctissimi D. N. INNOCENTII
PP. XI. ad Regem Christianissimum.

25. Decemb. Anno 1678.

Charif-

Charissimo in Christo Filio Nostro Ludovico
Francorum Regi Christianissimo.

INNOCENTIUS PP. XI.

Charissime in Christo Fili noster, Salutem & Apostolicam Benedictionem. Binis jam litteris fusè & luculenter ostendimus Majestati Tuæ, etiam ex concordia omnium, ferè Galliarum Scriptorum testimonio, & ex ipsis Regij tabularij Tui actis, quàm esset Ecclesiasticæ libertati injuriosum, omni humano divinòque juri contrarium, & alienum à perpetuo Regum Majorum Tuorum more & exemplo, editum septem ab hinc annis à Te Decretum, quo consuetudinem illam custodiendi fructus vacantium Ecclesiarum, quàm Regaliam nuncupant, ad eas quoque Ecclesias extendi jubes, quæ ejusmodi oneri obnoxie nunquam fuere. In quibus litteris vehementer à Te, pro pastoralis officij nostri debito, & pro paternâ quam gerimus æternæ salutis Tuæ curâ, efflagitavimus, ut decretum ipsum, & alia deinceps acta adversus jura & libertates Ecclesiarum, abrogari abolerique mandares. Et sanè illud est causæ ipsius meritum, ea de Regij animi Tui æquitate & magnitudine opinio nostra, ut certâ spe duceremur, Majestatem Tuam, omnibus in locum pristinum quamprimum repositis, eor noster ab ulteriori tantæ rei sollicitudine, tot alijs in Catholicæ Ecclesiæ procuratione districtum, liberaturam. Verùm post plurium mensium spatium, quod longanimitati nostræ probandæ ab ultimis litteris effluxit, nullum adhuc neque ad eas responsum, neque ex his fructum videmus: quin etiam plurimorum litteris & sermone, pro comperto affertur, omnia deteriore loco in dies esse, & prætextu Re-

galia ejusmodi, Beneficiorum collationes, & canonicas institutiones impediri, Episcoporum auctoritatem pessumdari, Ecclesiasticam disciplinam ordinemque turbari, novam denique praxim veteri Ecclesiæ praxi & divinæ institutioni contrariam, invehì à sæculari potestate; neque ea clam & timidè fieri, sed palàm & manu Regiâ. Non repetimus hoc loco (ne actum agamus) quot inde scandala & querelæ, quot in Clerum incommoda nascentur, quod Ecclesiæ universæ à tali exemplo periculum, quæ tempestas immineat, quæ nomini atque honori Tuo macula, quæ conscientia labes incurratur. Satis enim ea in superioribus litteris indicavimus: satis parent ipsa per se. Non patitur tamen sincera & planè paterna erga Te, Regnùmque istud amplissimum charitas nostra, Nos in tantâ Divini honoris injuriâ, in tam gravi Tui ipsius periculo adhuc silere. Sed cogimur iterum intimo cordis affectu, & in visceribus Jesu Christi, rogare obsecrarèque Majestatem Tuam, ut memor ejusdem Christi verborum ad Ecclesiæ Præpositos: *Qui vos audit, me audit.* Nos potiùs, qui parentis, & quidem amantissimi loco sumus, audire velis vera & salutaria suadentes, quàm filios dissidentia, qui terrena tantùm sapiunt, quique consilijs in speciem utilibus, sed reverâ perniciosi, inclyti istius Regni fundamenta, in rerum sacrarum reverentia, & in Ecclesiæ autoritate juribusque tuendis posita, convellunt. Qui quidem si ij esse vellent, quos esse ipsorum dignitas & officium, Tuâque singularis in eos benignitas postulat; imitari potiùs deberent integritatem fidemque eorum, quos olim pari loco positos, memoriæ proditum est, & in Gallicani Cleri nuper acta relatum, liberâ aliquando voce in simili causa monuisse Reges Prædecessores Tuos; meminissent, quid, & quâ Religione, ubi
Regni

Regni gubernacula suscepruri sacro chrismate inungerentur, polliciti Deo fuissent, se videlicet Divinæ ejus gloriæ, omni ope & studio, inservituros, & pro Ecclesiæ suæ sanctæ juribus & libertate asserenda, paratos fore semper sanguinem ipsum vitæque profundere; considerent fluxam & fugacem esse mortalium vitam, Regum præsertim & Principum, qui ubi ad districtum DEI judicium vocarentur, illuc accederent sine custodibus, sine comitatu, sine ullis Regiæ dignitatis insignibus vel potentiæ præsidij, nudi atque inermes, reddituri omnis antea actæ vitæ rationem judici scrutatori cordium, quem nulla res latet, apud quem non est acceptio personarum, qui potestatem habet mittere in gehennam, ubi potentes potenter tormenta patientur. Nec superiori sæculo defuit in Gallia Episcopus, qui in frequenti aliorum Præfulum Aulæque Procerum corona, apud Henricum Regem hujus nominis tertium, Cleri Gallicani causam in re non absimili orans, Regi dixerit: observatum fuisse, nunquam Regias in Gallia defecisse stirpes, nisi ubi Reges indebitas ad Beneficia nominationes arrogare sibi cæpissent, à quibus Sanctus Ludovicus Rex Christianæ humilitatis gloriâ, quàm Regiæ dignitatis culmine sublimior, usque adeò abhorruisset, ut ultro etiam Pontificiâ autoritate sibi delatas rejecerit. Fuit hæc quondam, fuit in Gallia, imò ad hæc nostra tempora strenuè retenta est, penes Episcopalem Ordinem Apostolica loquendi libertas, nihil metuens, nihil sperans nisi à Deo: neque id solum per Reges licuit, sed ita Episcoporum monita semper accepta sunt, ut Episcopi ipsi & sibi meritam laudem, & causæ optatum exitum sint consecuti. manseritque propterea inviolata tam diu atque inconcussa sanctio Oecumenici Concilij Lugdunensis: adeò ut nonnulli Galliæ Re-

ges, impios ac sacrilegos publico decreto eos appellaverint, quicumque Regaliam ad Ecclesias ei non assuetas extendere aliquâ ratione tentarent, sicuti in vestris Annalibus traditum reperitur. Hæc autem temporis præsentis infirmitas, eò accerbior nobis accidit, quòd scimus, Majestatem Tuam nihil ducere inter Regij animi ornamenta præstantius, zelo justitiæ & studio divini honoris, pro quo tam pia, tam salubria decreta nuper edidisti, ac tam multa, tanta cum nominis tui laude & bonorum omnium latitia, in præsens agis, destruendo Synagogas & Azylos Hæreticorum; ut Tibi non minora in cœlo statuere videaris conservatæ propagatæque Religionis trophæa, quàm in terris relicturum speramus devictarum gentium barbararum. Cavendum tamen est diligenter, ne quod dextera, hoc est ingenita pietas Tua ædificat, destruat sinistra, hoc est, callida & iniquâ consilia dicentium tenebras lucem, & lucem tenebras; cùm Apostolico moneamur oraculo, qui in uno delinquit esse omnium reum. Non defuere hæc etiam occasione in Gallia quidam, neque plures deessent ex fratribus nostris Episcopis, viri fortes, divinæ legis ac libertatis Ecclesiasticæ zelatores, qui gravissimam hanc, & toti Franciæ Regno, imò Ecclesiæ universæ communem causam, pari constantiâ & spiritu apud Majestatem Tuam agerent: sed metu quodam justo, ut ipsis videtur, ignoscendoque, ut nos autem judicamus, vano, & non solum Episcopali officio, sed etiam magnanimitati & æquitati Tuæ injurioso, retenti silent, expectantes dum humilitas nostra, à filiali Tua in hanc Sanctam Sedem observantia impetret, quod à Regia Tua justitia, Ecclesijs suis debitum poscere ipsi non audent. Itaque in ijs litteris nostris illorum omnium justum dolorem & preces agnosce: quin imò Dei ipsius vo-

lun-

luntatem, ore te nostro alloquentis, ac seriò monentis, ut prædictum decretum, & quidquid ejus occasione adversùs Ecclesiæ libertatem & jura actum gestumque hætenus fuit, corrigi emendarique omnino cures. Alioquin magnoperè veremur, ne subire aliquando debeas, quam Tibi alijs in litteris denuntiavimus, cœlestis iræ animadversionem. Nos sanè neque hoc negotium per litteras ampliùs urgebimus, neque desides erimus in adhibendis remedijs, quæ traditæ nobis divinitus potestati competunt, quæque in tam gravi periculosoque morbo omittere, sine gravissima neglecti Apostolici muneris culpa non possemus. Neque tandem ullum inde incommodum aut periculum, nullam quantumvis sævam atque horribilem tempestatem pertimescimus; ad hoc enim vocati sumus: neque facimus animam nostram pretiosiores quàm nos; probè intelligentes, non forti solum, sed etiam læto animo subeundas tribulationes propter justitiam, in quibus, & in Cruce Domini nostri Jesu Christi nos unicè gloriari oportet. Causam Dei agimus, quærentes non quæ nostra sunt, sed quæ Jesu Christi. Cum eo propterea, non nobiscum Tibi negotium erit in posterum; cum eo scilicet, adversùs quem non est sapientia, non est consilium, non est potentia. Nos postquam ministerij nostri partes, plantando & rigando, sicut oportet, impleverimus, expectabimus dùm operi incrementum det Deus, à quo accuratâ prece flagitare non desinemus, ut verbis & hortationibus hisce nostris, vim & robur infundat, Majestatis Tuae animum ad salubriora flectendo, unde & tu mereri possis, & nos lætari, res Tuas omnes secundiore in dies cursu fluere, ac subditas imperio Tuo gentes perpetuâ atque opimâ pace florere. Tibi Apostolicam Benedictionem amantissimè impertimur.

Datum Romæ die 29. Decembris anno 1679. Do-

Documentum XV.

Quartum Breve Sanctissimi D. N. INNOCENTII
PP. XI. ad Regem Christianissimum.

3. Martij Anno 1681.

Charissimo in Christo Filio Nostro Ludovico
Francorum Regi Christianissimo.

INNOCENTIUS PP. XI.

CHARissime in Christo Fili Noster, Salutem & Apostolicam Benedictionem. Quò expectatior, eò gratior nobis accidit dilecti Filij nostri Cardinalis d' Estrées in urbem adventus. Virum enim nobis merito suo jam pridem carum, iudicium de illo Tuum, & huc proficiscenti munus impositum fecit etiam cariorem. Lato itaque ac perlibenti animo cum ad nos adeuntem excepimus, & intimo paternæ caritatis sensu complexi sumus. Gaudium autem hoc nostrum non leviter cumulârunt redditæ nobis ab eo Majestatis Tuæ litteræ, insignibus refertæ notis, non solum eximæ & verè filialis Tuæ erga nos, atque erga hanc Sanctam Sedem observantiæ, sed etiam præclari inflammatiq; cujusdam studij, pietate & avitâ gloriâ digni. de Catholica Ecclesia & de tota re Christiana bene merendi, nostrósque in ea administranda pastorales labores & conatus strenuè juvandi. Quâ quidem pij ac liberalis, & planè Regij animi Tui testificatione nihil evenire nobis optatius poterat, in his rerum angustijs, maximisque periculis, quæ Ecclesiam DEI omni ex parte circumstant, quæque cor nostrum de remedio opportuno valde sollicitum continenter excruciant; cum Tibi, & animi Tui Religio, ac magnitudo sua deant.

deant ut velis, & florentissimæ Gallici Regni opes, & conciliata nomini Tuo apud Barbaras quoque gentes reverentia tribuant, ut possis, quæ liberaliter exhibes, efficaciter implere. Ab hoc tamen solatio, quod perpetuum & in dies uberius cuperemus, penè excidimus, ubi idem Cardinalis differere nobiscum aggressus est de negotio Regaliæ, in quo illum Regiæ Tuæ mentis interpretem apud nos fore ad nostras litteras in exitu anni superioris ad Te datas, rescripseras. Cùm enim & causæ ipsius meritum, & animi Tui æquitas, post interposita apud Majestatem Tuam tot officia precésque nostras, felicem tandem gravissimo huic, & multis nominibus permolesto negotio, exitum pollicerentur; nosque hâc unâ spe leniremur, & longiorem ejus moram in itinere, & paterni doloris sensum, quo viscera nostra assiduè transfigunt voces Ecclesiarum Galliæ, Apamiensis præsertim, graviter gementium sub novo jugo per decretum, seu arrestum, quod prodijt octo ab hinc annis mense Februario, illis imposito; ea idem Cardinalis Tuo nomine nobis exposuit, quæ nos ad pristinam sollicitudinem mærorumque revolvunt; quantum enim ex ejusdem sermone conjicere hætenus potuimus, non aliud videtur Mandatum habere, quàm explicandi causas & rationes quibus innititur Decretum, quod diximus. Qua quidem in consideratione hæsimus dubij, quid consilij caperemus: sed vicit sensus, & vivida vis accensi nostri erga Te amoris: quamvis enim ex certis & indubitatis rationibus, & documentis perspecta nobis exploratæque sit justitia causæ, quam tuemur, & pateat ipsa per se; ac propterea fieri non posse credamus, ut Cardinalis quicquam novi asserat, quod nos à sententia dimoveat; cùm verum non sit verò contrarium: convenire tamen Pontificiæ erga Te charitati nostræ duxi-

mus, patienter excipere, quæ ille nobis exponenda habebat, sicuti fecimus. Audivimus enim illum luculenter, & quantum ei libuit, hac de re differentem; si quæ addenda præterea haberet, iterum audiemus. Sed tolle moras, Fili Charissime, & parentis amantissimi veram Tibi, solidamque, non fucatam & umbratilem gloriam, tum in hac mortali vita, tum in æterna, illa peroptantis verba plena salutis libenter audi, & quæ perperam acta sunt, celeriter emenda, & nos ab hac molestissima cura, & molestiore necessitate, pastorale officium exequendi. Te verò ipsum, & Regnum populósq; Tuos, quos omni felicitati florentes cupimus, à divinæ animadversionis periculo liberes: cui quidem magnopere veremur, ne via quamprimum aperiat, si paternis hortationibus, & justissimis postulatis nostris aures diutius ocluseris. Facile enim fiet, ut dum nos lentâ nimis mitique manu (quod utinam divinam non armet in nos quóque) vulnus Ecclesiæ libertati inflictum tractamus, exurgat Deus, & judicet causam suam. Nemo est, qui non intelligat in hac disceptatione summam rerum Ecclesiasticarum in discrimen adduci. Si enim dissimularetur diutius decreti, seu arresti illius malum in dies magis invalescens, brevi profectò fieret, ut disiectis ac revulsis ubique gentium terminis, quos inter utrâmq; potestatem divinâ ordinatione posuerunt patres nostri, nulla relinqueretur ratio tuendæ disciplinæ, nulla sacerdotio reverentia, nullum Episcopali ordini vestigium pristinæ dignitatis. Notum est jam omnibus, & pervulgatum causæ illius meritum. Neque Tu, ut rei veritatem assequâre, necesse habes peregrina documenta scrutari, cum amplissima & certissima domi habeas. Interroga majores Tuos, & dicent Tibi. Plura sunt ab ijs hæc de re edita decreta, eaque Regijs tabularijs inclusa.

inclusa & asservata, quæ omnem dubitationem de medio collunt, accedente præsertim perpetuâ & inconcussâ quadringentorum annorum observantiâ. Stamus adhuc ad ostium & pulsamus, aperi Fili Charissime, aperi cordis Tui finem vocibus Patris Tui, qui Te assiduo gerit in visceribus charitatis Christi, non minus anxius de tua æterna salute, quam videt & magno quidem cum animi sui dolore, apertè periclitari, quàm de Ecclesiarum Galliæ libertate, cui sustinendæ manum applicuit. Exigua sanè ab hac Regaliæ extensione accessio fieret ad Regiam Tuam, auctoritatem, & amplitudinem; sed non parùm nominis Tui laudi decederet, si in animis hominum suspicio oriretur, Te rei parùm consonæ æquitati patrocini-um Tuum præbere. Hæc paulò uberiore affectu volumus ad Te scribere, ut nihil intentatum relinquamus, quod Majestatem Tuam possit ab eorum consilijs abducere, qui præclarè secum, & cum rationibus suis actum iri putant, si summa illa conjunctio animorum, quæ majoribus Tuis Galliæ Regibus, Regnóque ipsi, cum Prædecessoribus nostris, atque Apostolica Sede, semper, & magna quidem cum utrorumque utilitate, & Catholice Ecclesiæ singulari solatio, intercessit; quàmque inter nos conservari, atque in dies magis mutua charitatis officijs colligari, in præsens, si unquam antea, necessarium videtur, paulatim debilitari ac dissolvi incipiat. Quod improbum sanè lucrum (quantum ad nos pertinet) nunquam illi assequentur. Te enim, quæcunque hominum vel temporum iniquitas inciderit, intimo & constanti semper amore, (salvis Dei honore, & Sedis Apostolicæ dignitate) prosequemur. Quem interim quasi præsentem in spiritu charitatis arctè complectimur, dum Majestati Tuæ veram in utròque ho-

244 Dissert. I. § VIII. Documenta ex Gallico
mine felicitatem ab immortali Deo precamur, & Aposto-
licam benedictionem amantissimè impertimur.

Datum Romæ die 3. Martij 1681.

Marius Spinula.

Documentum XVI.

Epistola Illustrissimi & Reverendissimi Domini
Nicolai Pavillon Episcopi Alectensis ad Conventum
Generalem Cleri Gallicani.

2. Julij Anno 1675.

Illustrissimi & Reverendissimi Domini.

Quia certum & persuasum omnino habeo, nihil vobis antiquius, ac æquè cordi esse, quàm ut jura & disciplinam Ecclesiasticam illibata conservetis, ideò imperare mihi non possum, quin in sinum vestrum querelas meas effundam, doceamque, quæ hisce diebus immunitati ac disciplinæ Ecclesiasticæ æquè funesta contingere. Primum est, Tholosanum quemdam Clericum ausum esse, me absente, & Ecclesias Diœcesis meæ Visitationis causâ obcunte, obtentu Regalia in unam hujus Cathedralis Ecclesiæ Dignitatum irrumpere, ejusque possessionem captare. Equidem dissimulare hanc invasionem non potui, nisi officio ac partibus meis deesse vellem; & ideò edita in præensum hunc Regalistam Inhibitione, (cujus hic copias adjungo) & illi, ne se in illius Beneficij functiones ac munia ingerat; & Capitulo Ecclesiæ meæ Cathedrali, ne illum recipiat, seriò ac enixè præcepi. Nec opus est, credo, ut vobis, Illustrissimi & Reverendissimi Domini, hujus Inhibitionis meæ causas & momenta enumerem; sunt enim illa ipsa, quæ lapsis retrò annis Cleri Gallicani Conventus impulerunt,

runt, ut ad conservandas in hac re non solum Provinciæ Narbonensis, sed aliarum etiam Provinciarum, ac particularium Ecclesiarum immunitates tanto Zelo tantæque contentione incumberent. Et ego impetrare à me non potui, ut non imitarer ejusdem Cleri exempla, eodémque Spiritu abimarar, cujus tot notas ac insignia monumenta leguntur in ultima Compilatione, jussu Cleri impressa. Optâssem ego quidem, ne cogerer hanc glaciem primus rumpere; quamvis enim maximi momenti sit Regaliæ causa, nec ad meam tantum Diocesim, sed ad plures integrasque Provincias, ac etiam Ecclesias particulares pertineat; nondum tamen mecum planè statueram, quam in hac causa oporteret me faciem induere: idque solum agebam, ut inter tacitas preces lacrymasque Deo rem totam commendarem, utpote qui omnium Principum corda, in sua potestate ac arbitrio habet, quique Concilijs Episcoporum præsidet, ut is videlicet & Regi sensa inspiraret illius justitiâ & pietate digna: & Conventui vestro media & rationes ostenderet, jura ac libertates Ecclesiæ fortiter asserendi. Sed ecce! ab hac animi ambiguitate inopinatus me eventus liberavit; novusenim ille Regalista ausus est unam ex Ecclesiæ meæ Cathedralis Dignitatibus occupare, ejusque possessionem, perinde, ac si Sedes Episcopalis vacaret, invadere; neque hoc solum, verum etiam asserere, hanc Provinciam non obstante antiquâ libertate, & possessione memoriam hominum excedente, aliisque tot authenticis titulis, Regaliæ obnoxiam esse. imò Regaliam in mea Diocesi jam esse apertam, quam tamen triginta sex annos pacificè gubernaveram, ac Beneficia omnia potestati meæ obnoxia, nullo repugnante contuleram.

En Illustrissimi & Reverendissimi Domini, primum

querelarunt mearum caput, quod necessario insinuandum illis credidi, eosque supplicare, ut suam mihi auctoritatem, ac protectionem dignarentur impertiri.

Alterum est, quod D. Baro, & Vicarius Generalis Domini Episcopi *Mirepicensis* (a) non dubitaverit Provisiorem Regalistæ cujusdam ad Canonicatum Ecclesiæ Collegiæ Diocesis meæ ratam habere, cui tamen haud ignorabat, nec me, nec Vicarium Generalem Domini Cardinalis Bonziji Archiepiscopi Narbonensis subscribere voluisse. Simile exemplum in monumentis Conventus Anni 1660. reperire est Vicarii Generalis Mirepicensis, ob similem omnino errorem notati. Et quia in quamplurimis Cleri Gallicani Conventibus contra hujusmodi conatus remedia quæsitæ sunt, ac Decreta sancita; credidi incumbere mihi necessitatem, casum, qui nuper in hac materia contigerat, quique ex circumstantiis, quæ illum comitatæ sunt, multo gravior evasit, vobis insinuandi; spero enim, nec curam, nec remedia vobis defutura, quibus hujusmodi excessibus imposterum caveatur. Supererant alia quædam Vobis communicanda, sed ea Domino Episcopo *de Beziers*, aliàs hujus nostræ Provinciæ Deputato confidenter aperui, rogaviq; ut in Comitibus exponeret. Nolo Vos amplius morari, finioque has meas inter preces ac vota, quas pro omnibus illis, qui illustrem hunc Senatum componunt, incessanter effundo, simulque, quâ maximâ possum, demissione, ac reverentiâ, sum, eroque semper.

Aleſti 8. Julij 1675.

Humillimus ac Obedientissimus

Servus

Nicolaus Episcopus Aleſtensis.

Documentum XVII.

Epistola ejusdem Domini Episcopi Aleſtenſis ad
 Illuſtriſſimum & Reverendiſſimum Dominum Franciſcum
 de Harlay, Archiepiſcopum Pariſienſem, ac in Co-
 mitijs Cleri Gallicani Præſidem,

8. Julij Anno 1675.

DUo magnique momenti eventus, qui in hac mea Dice-
 ceſi contingere, argumentum mihi, anſamque præ-
 buerunt ad Reverendiſſimos & Illuſtriſſimos Episcopos in
 Pariſienſibus Comitijs congregatos litteras exarandi. Et
 quia hujus venerabilis Senatûs Illuſtriſſima & Reverendiſ-
 ſima Dominatio Veſtra Caput ac Præſidem aget; æquo ani-
 mo, uti ſpero, hanc meam libertatem accipiet, quâ ejus
 Patrocinium imploro, demiffèque obteſtor, dignetur au-
 thoritatem ſuam meis poſtulis accommodare; quæ verò
 ea poſtulata ſint, nolo hic exprimere, cum pro arbitrio, ac
 commoditate ſua à Dominis Episcopis *de Montpellier, &
 Beziers*, hujus Provinciæ Deputatis intelligere ea poſſit,
 quos ego per litteras meas, omnium, quæ occurrunt, red-
 didi certiores. Ego interim precabor Deum, ut Illuſtriſſi-
 mam & Reverendiſſimam Dominationem Veſtram ſuo
 lumine ac gratiâ magis magiſque illuſtret, cujus ego, quâ
 maximâ veneratione ac reverentiâ poſſum, ſum erôque
 ſemper. Aleſti 8. Julij 1675.

Illuſtriſſimæ & Reverendiſſimæ
 Dominationis Veſtræ

Humiliſſimus & Obedientiſſimus
Servus

Nicolaus Episcopus Aleſtenſis.

Docu-

Documentum XVIII.

Epistola Episcopi Alectensis ad Eminentissimum
Cardinalem Petrum de Bonzy Archiepiscopum
Narbonensem.

8. Julij Anno 1675.

Bini eventus, qui paucos ante dies Apamiensem Ecclesiam turbavere, impulerunt me, ut ad Comititia Generalia Parisijs congregata litteras darem, measque illic querelas deponerem. Unus est Tholosani cujusdam Clerici, qui titulo Regaliæ unam ex Ecclesiæ nostræ Cathedralis Dignitatibus obtinuit, ejusque Beneficij possessionem cepit. Alter verò Carcassonensis Clerici, cujus provisionem æquè titulo Regaliæ obtentam Vicarius Generalis Mirepicensis ratam habuit, quam tamen constabat & à me rejectam fuisse, & à D. Dumas Vicario Generali Eminentia Vestra. Quia verò utrumque hoc factum ad publicam quietem, ac utilitatem spectat, & præsertim Narbonensem Ecclesiam tangit, cui præest Eminentia Vestra, credidi mearum esse partium, Eam omnium, quæ occurrunt, reddere certiorum. Et quidem nunquam opportunior se obtulit occasio, quam quæ modò affulget; cum nemini dubium sit, Episcopis, qui ad Comititia Generalia convenire, non modò justissimos titulos, verum etiam auctoritatem suppetere, efficaciter magnoque cum fructu in hac causa laborandi; quod si modò facere omitant, verendum est, ne malum irreparabile evadat, ac remedij expers. Idipsum DD. Episcopis de Montpellier, & de Beziers hujus Provinciæ Deputatis per litteras insinuandum duxi, à quibus plura, quæ ad hujus causæ statum ac necessitatem pertinent, Eminentia

Eminentia Vestra intelliget. Cui ego à Deo gratiam; lumenque exposco, ea omnia intelligendi, peragendique, quæ ad majorem ejus gloriam, ac Ecclesiæ Suæ utilitatem conducere poterunt, ac pari reverentiæ, & sinceri amoris sensu in æternum persevero. Alesti 8. Julij 1675.

Humillimus & Obedientissimus Servus

Nicolaus Episcopus Alestensis.

Documentum XIX.

Epistola Illustrissimi ac Reverendissimi Alestensis ad INNOCENTIUM XI. Pontif. Max. Super Theologiæ Moralis, & Regaliæ corruptelis.

3. Julij Anno 1677.

BEATISSIME PATER,

PRæstitum ab humilitate nostra, Vestræ in Petri Cathedram exaltationi, gratulationis ac devotionis officium benignè adeò & peramenter exceptit Sanctitas Vestra, ut hoc ipso animatus majori cum fiducia iterum ad Illam de gravissimis Ecclesiæ Gallicanæ malis, nec nisi ab Apostolica autoritate & charitate sublevandis, scribere instituerim. Quid epistolæ à pluribus hujusce regni Episcopis ad Sedem Apostolicam de perversis recentiorum Casuistarum dogmatibus destinatæ nuper acciderit, jam, credo, Beatissime Pater, Sanctitas Vestra, tum sui apud Christianissimum Regem Nuntij relatione, tum aliorum fortè querelis inaudivit. Qua dere pluribus hîc agere minimè opus fuerit, cum universam historiæ seriem hartum dator litterarum auribus vestris referre poterit. Sanè vulnus istud Episcopali dignitati inflictum, Beatissime Pater, sentiet & graviter nobiscum feret Charitas Vestra omnium

Ecclesiarum sollicitudine anxia, & ad Episcoporum voces eo propensius sese inclinabit, quò eas indignissimis modis & artibus interclusas fuisse perspexerit. Nec verò alienis egebat hortatoribus Beatitudo Vestra ad Ethicæ Christianæ corruptores cohibendos. Sat illam stimulat morum instituendorum, & disciplinæ in melius informandæ zelus à familiarissimis sibi sacrae Synodi Tridentinae decretis, domesticoque Sancti Caroli exemplo excitatus. Unde planè confidimus fore, ut omnes illas doctrinæ corruptelas tanto districtius configat, quanto eas à fautoribus audacius disseminari intellexerit. Doloze siquidem, imò & indignatione afficietur Sanctitas Vestra, Beatissime Pater, in tantum illos Christianissimi Regis religioni obrepssisse, ut quæsitis coloribus nostrum de scribenda ad Sedem Apostolicam epistola consilium crimini verterint, Episcoposque, abrogato jam pridem contra fas omne provincialium Synodorum usu, etiam de rebus Ecclesiasticis inter se communicandi, & ad Sedem Apostolicam communi nomine referendi antiquo & præcipuo jure interdiceretentaverint. Quod quid est aliud, Beatissime Pater, quàm Ecclesiastici regiminis à Christo Domino instituti, & omnium retrò sæculorum usu comprobati formam pessumdare, unius per totum orbem Episcopatus vinculum solvere, & ipsius, quo Romana gaudet Ecclesia, Primatus jura convellere? Nova hæc & hucusque apud nos inaudita, minustamen quis fortasse mirabitur, si frequentes & penè quotidianas in Ecclesiæ libertatem molitiones attenderit, quibus aulici homines Ecclesiasticæ disciplinæ & doctrinæ causas, sæcularibus magistratibus ac Regiæ potestati addicere conantur. Harum dator litterarum plura tum verbis, tum etiam scripto proferet, quibus Sanctitas Vestra, quæ
&

& quanta in Ecclesiastici ordinis labem quotidie gerantur, intelliget. Inter alia verò, Beatissime Pater, turbas occasio-
 ne juris, ut vocant, Regaliæ, huic nostræ Diocesi invecas
 addiscet Sanctitas Vestra; cujus juris ultra antiquas metas
 extensione, aliquot abhinc annis, Narbonensis nostræ &
 aliarum quatuor aut quinque Ecclesiasticarum Provincia-
 rum, & nonnullarum præterea Dioceseon nativam & ca-
 nonicam libertatem evertere iidem assentatores molun-
 tur. Equidem cum edicto Regio hac de re promulgato
 parere, conscientiam prohibente, renuerim, præcipua no-
 stræ Diocesis beneficia in Regalia, ut volunt, vacantia, per
 Regium diploma, pleno jure, pulsis legitimis & pacificis
 possessoribus, collata sunt: quod etiam in Apamiensi Dio-
 cesi, & fortè alijs quibusdam, sicubi Episcopi non partuere
 edicto, factum est. Cum autem, Beatissime Pater, ex De-
 creto Concilij Generalis Lugdunensis secundi, quod inci-
 pit, Generali constitutione, & pro solemnî Sacramento à
 me in Episcopali consecratione præstito, jura & libertates
 Ecclesiæ mihi commissæ per censuras Ecclesiasticas tueri
 vellem; eò res adducta est, ut duorum Ecclesiæ Cathedra-
 dralis Canonicorum è familiaribus nostris, Archidiaconi
 scilicet & Promotoris, indicta per sigilli Regij litteras rele-
 gatione, uno abhinc anno mulctatus fuero. Eecce mihi
 hanc Epistolam meditati, & præ manibus habenti nova
 advenit mulcta, nova orbitas; dum simili jussione longè
 amandatur Canonicus noster Theologus, quem in priorum
 locum succeram, & in ministerij Episcopalis subsidium
 lateri meo adsciveram. Imò & mihi eadem fors jam hinc
 à priore anno impendebat, adversarijs Ecclesiæ Regiam
 auctoritatem ad id enixè sollicitantibus, nisi eorum consi-
 lium nativâ suâ æquitate & moderatione Christianissimus

Rex posthabuisset. Sed de hoc quantumcunque gravi negotio plura Sanctitati Vestræ proloqui supersedeo, tum ne longiori privatæ calamitatis querimoniâ molestus fiam, tum quia hujus vexationis adhuc vigentis acta à nobis transmissa, quo pacto res tota gesta sit, declarabunt. Itaque, Beatissime Pater, ad corrupta morum dogmata redeo, quod malum latius patet, & plerisque animabus adhuc nocentius est. Huic curando quantum ab initio Pontificatus studium Sanctitas Vestra adhibuerit, universi nōrunt: quod ut Ipsa brevi assequeretur, nihil demum utilius aut promptius occurrit, quàm ut præcipua laxioris doctrinæ capita, jam dudum à plerisque Ecclesiæ Gallicanæ Præsulibus in famoso Casuistarum Apologistâ damnata, iterum ad eorundem Episcoporum relationem, à Sede Apostolica solemnī Decreto damnarentur. Id autem ut ad optatum exitum, obstitentibus licet Casuistica corruptelæ patronis, perducatur, optamus vovemusque. Verum, Beatissime Pater, rerum nostrarum experimentis edoctus, & paternā Vestrā benignitate fretus ausim dicere, nihil penè in damnandis Casuistarum erroribus operæ pretij fore, nisi Eādem Vestrā Authoritate Jansenianæ hæreseos phantasma, quo jamdiu plurimi in his partibus ludificantur, evanescat. Confidentius fortasse quis hoc dictum existimaverit: verissimum tamen est, Beatissime Pater, & nobis res cominus intuentibus quotidianā experienciā certissimum. Apostolicas Constitutiones prædecessorum Vestrorum Innocentij X. & Alexandri VII. submissā omnes mente accipiunt: nec ullus est, qui cum Ecclesia Romana & Catholica perversos atque hæreticos sensus in quinque propositionibus damnatis contentos non ex animo damnet, quod prædictarum Constitutionum præcipuum est caput: & in cæteris etiam nemo

est,

est, qui illis perpetuo Ecclesiæ usu debitam reverentiam non præstet. Id quod probè intellexit Clemens IX. Alexandri VII. Successor, dum Galliæ Episcopis ac Theologis jamdiu vexatis pacem tandem pro Apostolica sapientia & æquitate concessit. Verùm, Beatissime Pater, hujus tam optatæ pacis fructum hæcenus nobis invidit, & vanis artibus subripuit pertinax adversariorum factio, & imperitus ac præposterus nonnullorum zelus. Jansenianæ siquidem hæreseos nomen prorsus jam vanum & inane summo studio retinuerunt: nec illis præsentius aut validius telum, quo se tueantur & cujuslibet ordinis homines sibi adversantes disturbent. Hæc futili accusatione sanctiorem quàmque de moribus doctrinam exsufflant, viros pietate & doctrinâ præstantes traducunt, atque Ecclesiæ ministerijs submovent, non Theologos modò, sed Episcopos populis suspectos efficiunt, pios eorum labores & saluberrima instaurandæ disciplinæ consilia intervertunt, libros informandis moribus aprissimos fidelium manibus excutiunt, omnem denique instituendæ Christianorum vitæ, & ad normam Evangelij componendæ viam occludunt. Illud verò, Beatissime Pater, summo perè animadvertendum est, non solùm hujus fictitiæ hæreseos prætexu grassantem ubique morum corruptelam foveri, sed fidei quòque solidissima dogmata convelli. Quis enim non doleat castissimam & saluberrimam Sanctorum Augustini & Thomæ de gratuita DEI prædestinatione & gratia Christi ad singulos pietatis actus necessaria doctrinam sub invidioso Jansenij nomine à plerisque repudiari, & tanquam erroneam, & hæreseos notâ dignam in cathedris, in pulpitis, in colloquijs traduci? Ita doctrina, quam à multis Pontificibus acriter assertam ac vindicatam hæreditario quasi jure Ecclesiæ possidet, ut agebat

doctissimus Clemens Papa Octavus, passim hodie conculcatur. Ita dogmata, quæ inconcussa tutissimæque nuncupavit Alexander VII. temerario ausu à multis impetuntur. En, Beatissime Pater, Ecclesiæ Gallicanæ vario morborum genere laborantis status brevi Sanctitatis Vestræ oculis delineatus. Solet quidem ægrotantium dolor multas mendendi artes excogitare, sed non omnes æquè commodas & utiles. Unde satius erit, patefactis jam nostris vulneribus totos nos Apostolicæ Vestræ charitati & prudentiæ committere: nisi fortè etiam nostros ea de re sensus cognoscere Vestra Sanctitas opportunum duxerit. Certè fausta omnia à Vestra Beatitudine expectamus, maximè pro tuendis divinæ Gratiae dogmatibus, pro stabiliendis Ethicæ Christianæ regulis, pro sancienda veteri, & canonica Ecclesiarum libertate. Hæret enim cordi Ejus impressa hæc unius ex suis decessoribus sententia: *Optamus, si fieri potest, in diebus nostris Apostolicam fidem, & Ecclesiæ regulas cum subiectis nobis populis custodire, & omnem novam doctrinam sopire.* Equidem, Beatissime Pater, eò ætatis provectus sum, ut hæc, antequam moriar, in Ecclesia videndi vix spes supersit: peregrinationis tamen meæ cursum jam majori cum alacritate, Pontificatûs Veltri specie recreatus & confirmatus persequor; quæ & quanta in Ecclesiam universam bona Sanctitatis Vestræ operâ diffundenda sint, animo prospiciens: quod ut pro singulari sua pietate, & ardenti zelo fructuosius præstare queat, diuturnam ipsi Pontificatûs administrationem exopto, & post hujus ævi labores cumulatissimam in cælo felicitatem apprecor. Alekti die 30 Junij. 1677.

BEATISSIME PATER,
Sanctitatis Vestræ

Humilissimus & Obsequenissimus Filius & Servus

Nicolaus Episcopus Alektensis.

Documentum XX.

Breve Sanctissimi D. N. INNOCENTII PP. XI. ad
 Illustrissimum ac Reverendissimum Episcopum
 Alecensem.

19. Septemb. Anno 1677.

INNOCENTIUS PP. XI.

Venerabilis Frater, salutem & Apostolicam Benedictionem. Susceptam à Nobis de pastoralis in Alecensi Ecclesia regenda, ac Ecclesiastica disciplina instauranda Fraternalitatis tuæ zelo opinionem mirificè confirmârunt Litteræ, quas 30. Julij ad Nos dedisti. Ijs enim refertæ sunt cum pij, tum vigilantis animi sensibus, ut nullum Nobis de eo dubitandi locum relinquant. Pro comperto autem te habere volumus, religiosi studijs tuis constanti Nos præsidio atque auctoritate affuturos, libentérque occasiones omnes amplexuros, ex quibus propensam erga te voluntatem Nostram agnoscere valeas. Quod attinet ad ea, quæ fuse Nobis tum per litteras, tum per earum exhibitorem significasti, tanti profectò momenti sunt, iisque implicata difficultaribus, ut diligenti, & maturâ discussione prorsus indigeant. Pro muneris itaque Nostri debito accuratè eadem examinari mandabimus, illudque super his consilium capiemus, quod in Domino expedire judicaverimus. Assiduus interim apud supremum Patrem luminum juvari precibus vehementer à te petimus, dum Nos dilectionis Nostræ pignus Fraternalitati tuæ Apostolicam benedictionem peramanter impertimur.

19. Sept. 1677.

Docu-

Documentum XXI.

Epistola Reverendissimi Episcopi Alectensis ad
Dominum de Bezons Consiliarium Statūs.

30. Majj. Anno 1676.

Litteras quinto Majj ad me datas, elapsâ retrò hebdoma-
de accepi, cùm domum ex itinere in Diocesim meam
suscepro rediissem; & illæ quidem novum titulum addi-
dêre antiquis obligationibus meis, ob memoriam curâ-
que mei, quam in illis prolixè abundèque ostenditis. Id
ergo agitis, ut quam mihi olim exhibuistis humanitatem,
cùm Jus in hac Provincia diceretis, & cujus pretiosam ad-
huc memoriam retineo, nunc quoque exercere pergatis;
quæ enim in causâ Regaliæ, meæque nuper editæ Consti-
tutionis tam sollicitè suggeritis, novum mihi præbent bene-
volentiæ vestræ argumentum, & à me pari veneratione,
& attentione accepta, atque expensa sunt. In ipso epistolæ
primo limine profitemini, non esse intentionis vestræ,
merita hujus causæ, & an Diocesis nostra Regaliæ subja-
ceat, discutere; illud tamen videri vobis, posse ac debere
nos curare, ut Sacramentum fidelitatis in acta publica re-
feratur; sic enim omnem, quæ nobis impendet, tempe-
statem, discussum, ac possessionem Episcopatus octo &
triginta annos à nobis obtenti firmatum iri. Optâissem equi-
dem, ut postulatis tam sincero animo factis acquiescere, &
causam Regaliæ à nova hac forma, & solemnitate jura-
menti fidelitatis separare licuisset; sed hoc ipsum est, cujus
modum & rationem nunquam hætenus reperi; adeo
enim unum cum altero connexum est, ut eodem momen-
to, quo in juramentum consensero, cogar etiam Regiam,

Regiam-

Regiamque Declarationem consentire, quæ ad meam quoque Diocesim Regaliam extendit. Ego, à quo tempore examinandam hanc quæstionem suscepi, ut tanto securior videlicet, expersque periculi in hac causa progrederer, Deoque, ac conscientia meæ satisfacerem, fateor ingenuè, adeò me certum persuasumque esse redditum, Diocesim meam à Regalia immunem esse, ut non amplius de illius libertate dubitaverim; neque id tantum de particulari Ecclesia meâ, sed de tota Narbonensi Provincia, cujus quoque immunitas non privilegio, non contractu aliquo nititur, sed innatâ & coævâ, atque ab ipsa fundatione, in hanc usque diem acceptâ productâque libertate. Ipsa Metropolitana Narbonensis Ecclesia, quæ omnium in hoc Regno ferè antiquissima est, & à qua mea Alectensis originem duxit, cum hac libertate nata est, eamque & prius quàm Coronæ uniretur, & postquam unita est, Ludovico sancto regnante Regum patrocinio retinuit, præsertim post Lugdunense Concilium, quo Regalia prohibebatur in alia loca, quàm quæ illam usu receperant, extendi; nec exemplum ullum ostendi poterit, violatæ tam sacræ, & antiquæ Possessionis. Id quod Dominus de Marca tam in quadam Deductione ad preces Conventûs Cleri Gallicani de anno 1655. edita, quàm in octavo libro de Concordia Regni, & Sacerdotij præclare ostendit; suppetuntque quàm plurima istius rei monumenta in Actis Cleri Gallicani. Hæ, præter alias, sunt rationes, quæ moratæ me sunt, ne paterer juramentum fidelitatis in acta publica referri, neque Regiæ Declarationi acquiescerem; cum id facere haud possem, nisi conscientia, ac officio meo deasse vellem. Sed nec animus mihi erat ulterius progredi, si modò per aliorum importunitatem licuisset. Ij enim eâ usi occasio-

ne, quòd juramentum fidelitatis inscribi noluissem, perinde ac si Sedes vacaret, quam tamen triginta & octo annos jam impleo, Beneficia Diocesis meæ, titulo Regaliæ obtinere conati sunt, eorūque capiendæ Possessionī certatim advolârunt. Id me in necessitatem inevitabilem conjecit, mentis meæ enixiùs declarandæ; idem quippe futurum erat in hoc rerum statu, silentium tenere, quod Regaliā agnoscere, meāque Ecclesiā proderet. Staturi ergo ad Comitīa Cleri Generalia, quæ in oppido S. Germani convenerant, litteras exarare, ut exemplo videlicet aliorum retrò Comitiorum hanc causā amplexarentur, Regiāque Majestatem convenirent, Eique rei momenta exponerent. Scio quidem Conventum Cleri solutum esse, Rege super causā tam justā tamque necessariā nunquam adito; nec immoror examinandis causis, quæ Clerum retinuerint, ne Regem convenirent, discederentque re infectā, & remedijs non solum non applicitis, sed fortè ne quidem tentatis. Id solum dicam, cum paucos post menses intellexissem, plura Diocesis, & Cathedralis Ecclesiæ meæ Beneficia titulo Regaliæ collata esse, atque hujus Provisionis intuitu legitimos, canonicēque institutos Possessores expulsum iri, credidi necessitatem mihi incumbere, hujusmodi usurpatores arcendi, editā nuper Constitutione, quæ sola supererat ad jura Ecclesiæ meæ defendenda, impediendāque tam irregulāres injustāque Provisiones; nec ego ad hoc remedium priùs deveni, quàm reliquis destitutus, & necessitate adactus justæ defensionis, & si rationes ac momenta expendantur, quæ ad id faciendum me impulerunt, nemo non fatebitur, nihil eā Constitutione Regijs juribus detractum esse, sed Ecclesiæ tantum provisum, ne læderetur; neque enim mihi animus fuit Regaliā, qua-

tenus,

tenus, & in quibus locis usu recepta est, impugnare: illud tantum contendere, non posse salvis justitiâ, & immunitate Ecclesiarum ad loca extendi hujus hactenus servitutis expertia, credidique, neminem ægro animo laturum, si necessitati, & obligationi meæ obsequerem, & libertati Ecclesiæ meæ tuendæ ea remedia impenderem, quæ à Deo acceperam, præsertim cum de jure ageretur tanti momenti, & tot annorum possessione firmato. Neque hæc persuasio privata tantum, & mea est, sed omnium ferè Episcoporum, qui non verentur, ubi occasio tulerit, eam palam explicare, quanquam ob varias rationes passi sint juramentum fidelitatis inscribi; imò nec defuerint, qui ut juribus Ecclesiarum suarum caverent, protestati sint, eamque protestationem in archivis condiderint, parato in futurum præsidio. Denique jus hoc Immunitatis à Regaliæ servitute adeò clarum & perspicuum est, ut nihil aliud credi dicique possit, quàm nunquam illud, quale reverà est, Regi exhibitum propositumque fuisse: quin potius, ut ex Regia Declaratione constat, Regi persuaserunt, Regaliam jus esse Coronæ Gallicæ cœvum innatumque, sicque non minus, quàm Regia ipsa potestas, totâ Galliâ extensum; & tamen hæc, quæ pro certis supponuntur, adeò à vero aliena sunt, ut & historiæ, & Lugdunensis Concilij, & antiquorum, ac recentium Galliæ Regum edictorum, & rationum Camera Parisiensis, & sententiarum trium ferè sæculorum cursu in Parliamentis dictarum, & denique Celebriorum, qui de hoc argumento scripsere, Auctorum testimonijs contrarium manifestè ostendatur.

Sed & illud perperam factum, quòd Ecclesias obstrinxerint ad producendos titulos, & rationes suarum Exemptionum, perinde ac si alijs Ecclesijs similes essent, quæ cum

òlim Regaliæ subjacerent, essentque in Provincijs huic ser-
 vituti obnoxiijs, libertatem tamen suam, aut contractibus
 onerosis, aut Regum privilegijs redemere; & tamen, uti
 sæpe notatum à me est, Diocesis Apamiensis, aliæque
 Narbonensis Provinciæ Ecclesiæ, non privilegijs, aut con-
 tractibus, quòd Regaliæ sint expertes, sed immunitati, ac
 libertati naturali debent nunquam hætenus interruptæ.
 Postquam ergo Ecclesias naturâ, & origine suâ liberas cum
 ijs confuderunt, quæ hanc libertatem titulo aliquo parti-
 culari adeptæ sunt, illud postea adjecere, ut eas ipsas Eccle-
 sias, non obstante immemoriali, ac continuâ possessione,
 Regaliæ eo prætextu submitterent, quasi Regalia ex ijs ju-
 ribus esset, quæ nec præscribi, nec alienari possunt; hæc
 verò ratio id omnino supponit, quod prius probandum
 erat; prius enim probandum erat omnes Regni Ecclesias
 Regaliæ subjectas esse, & tunc modò quærendum, an hoc
 jus præscribi ab Ecclesijs contra Regem, & à Rege in Eccle-
 sias alienari potuerit. Hæc si Regi suggesta fuissent, ni-
 mium ille justitiæ ac religionis habebat, ut Ecclesias eâ li-
 bertate, quam ab origine & fundatione sua, omniumque
 Galliæ Regum patrocinio obtinuerant, privatas vellet.
 Hæc ego tanto libentiùs, majorique fiduciâ vobis commemo-
 ro, quòd cum multis annis huic Provinciæ gubernandæ
 præfueritis, ejusdem jura, morèsque, præsertim in ijs, quæ
 Regaliam spectant, comperta habeatis. Nec credo hanc
 meam agendi scribendique libertatem ingratam ipsi Regi
 futuram; imò ubi intima hujus causæ momenta, sinumque
 perspexerit, credo equidem, quæ hætenus à me peracta
 sunt, rata habiturum, adscripturumque inviolabili in Ejus
 Majestatem obsequio, immensoque desiderio solidæ ve-
 ræque Ejus gloriæ proferendæ. Finio, meque amicitia
 vestra

vestræ, quam perpetuam cupio, enixè commendo, pleniusque reverentiæ, ac gratitudinis æternum persevero.

Alekti 30. Maij. 1676.

Humilissimus & Obedientissimus

Servus

Nicolaus Episcopus Alektenfis.

Documentum XXII.

Secunda epistola ejusdem Alektenfis Episcopi
ad Eminentissimum Cardinalem de Bonziji Archie-
piscopum Narbonensem.

Die 2. Junij. Anno 1676.

Monita, quæ Eminentia Vestra placuit circa nuperam
Constitutionem meam ad Regaliam spectantem per
unum è Vicarijs suis mihi suggerere, cum ingenti animi
ac reverentiæ sensu accepi, eundemque rogavi, ut meo
nomine Eminentia Vestra gratias referret; dum interim
ego maturè, ac coram Deo re omni expensâ statuere me-
cum possem; quid ad proposita respondere oporteret, id-
que postea Eminentiam Vestram per litteras edocerem. Et
verò postquam omnia ad animum revocavi, & quidquid
in utramque partem afferri dicique poterat, accuratè ac
lentè discussi; fateor mihi nihil ex omnibus, quæ affere-
bantur, dignum occurrisse, quo ad mutandam primam
sententiam, meamque Constitutionem revocandam mo-
veripossem. Igitur de Canonica libertate non meæ tantum,
sed omnium hujus Provinciae Ecclesiarum, si ea, quæ in
præfata mea Constitutione exposui, vera sunt, satis hoc
erit, ut omnibus, qui modò judicio aliquo pollent, nec
partibus addicti sunt, justa valensque appareat, & planè

si quis examinandæ huic quæstioni animum adjiciat, fatebitur omnia, quæ à me illic producta sunt, non vera tantum, sed & clarissima, & certissima esse, nec alijs rationibus opus est, quàm ijs, quæ à Domino de Marca ad preces Conventus Gallicani anno 1656. conscripta, ac memoriæ commendata, quæque in libris de Concordia Imperij & Sacerdotij fusiùs ab eodem producta sunt, adjunctâ dissertatione Domini Episcopi Montispeſſulani (quam in una sessionum ejusdem Conventus peroravit) alijsque documentis titulisque, quos inter acta & annales Cleri Gallicani reperire est. In his omnibus hujus Provinciæ libertas & exemptio clarissimè apparet, non privilegij, non Regum favore & beneficio quæsita, sed naturali innatæque ac canonicæ, ipsæque fundatione ductâ libertate. Hanc sibi adjunctam habuit, cum ad coronam Gallicam pervenit, eodémque ferè tempore hanc ei Concilium Lugdunense confirmavit, quo sub pœna excommunicationis omnibus, quantacunque dignitate florentibus, prohibitum est, ne Regaliam ad Ecclesias extenderent, hujus servitutis hætenus insuetas, néve Prælati alijsque gubernandis Ecclesijs admoti auxilio aut consilio eam promoverent, quin potiùs quantum pro virili sua parte possent, illi obniterentur; sed & Galliæ Reges Christianissimi Decretis Concilij Lugdunensis obsecuti, hanc ipsam libertatem intactam illibatamque Ecclesijs voluere. Nam Philippus Pulcher, quàmvis jus Regaliæ pro ijs Ecclesijs, in quibus hætenus usu receptum fuerat, acerrimè tueretur, eâ tamen dato Diplomate, cujus Autographum in Archivij Ecclesiæ Metropolitanae Narbonensis asservatur) hanc ipsam Ecclesiam minimè voluit; tantumque abest, in hac libertatis suæ possessione quatuor ferè sæculorum decursu, quæ à Concilio fluxere, turbatam esse,

ut potius quam plurimis authenticis titulis legitimisque documentis confirmata & stabilita sit. Ecce Eminentissime Cardinalis, Constitutionis à me editæ fundamenta. Ea verò nihil aliud complectitur, quàm quæ à jure communi Concilioque Oecumenico quadringentis jam ferè annis totâ Galliâ recepto decreta sunt. Hoc cum animo reputarem, nunquam difficultates & pericula, quæ ex hac Regaliæ causa consecutura prævidebam, tanti mihi visa sunt, ut removere me ab inceptis deberent. Explevi quæ conscientia meæ ac officio pastoralis debui, cætera Divinae providentiæ committo. Non sum equidem rerum hujus Mundi adeò ignarus, ut non omnino occurrerit, quàm multa & gravia instarent mihi, si pergerem Regiis mandatis oblutari, cæterum quoties DEI & justitiæ ac Ecclesiarum causa agitur, nihil est tam magnum arduumque, quod morari ac perterrere nos debeat, præsertim cum non ego me periculis ac pugnae objecerim, sed potius provocatus coactusque in aciem processerim, nec prius loqui cœperim, quàm cum amplius tacere non licuit; & tunc quoque, cum loqui ac repugnare necessitas fuit, id solum commisi, ut Sacramentum fidelitatis non permiserim in acta publica referri, id enim si permisissem, hoc ipso videbar in Regaliæ consensum. Cum verò ob neglectam hanc solemnitatem Regaliæ in hac mea Ecclesia, cui quadraginta jam annis præfueram, apertam esse contenderent, scripsi ad Comitia Cleri generalia, rogaviq; ut in hoc Regaliæ negotio causam Ecclesiæ sustinerent, ac Regi supplicarent, id enim ab alijs Cleri Conventibus semper hætenus observatum esse, eodémque tempore ad Eminentiam Vestram ac hujus Provinciæ Deputatos litteras exaravi. Non immoror equidem examinandis causis, quæ Patres

illius

illius Sacri Senatûs permoverint, ut nec Rege admonito ; nec provisus remedijs Conveniunt absolverint, cùm tamen ea causa esset, quæ præcipuè ad Clerum spectaret. Nôn ideo tamen minorem mihi credidi obligationem incumbere jura Ecclesiæ meæ defendendæ, quin potius tanto majorem eam esse censui, quanto minus auxilij ab alijs sperarem, & cùm paulò post certior redditus essem, quamplura ac præcipua Ecclesiæ Cathedralis ac Diocesis nostræ beneficia titulo Regaliæ collata esse, consilium tandem cepi Constitutionem meam in publicum edendi, cùm hoc unicum remedium superesset, quo libertatem ejusdem Ecclesiæ tueri, turbâsque, quæ instare videbantur, avertere liceret. Scio obijci mihi, quod etiam Eminentia Vestra dignata est insinquare, hanc causam à Regio Senatu in Judicio Contradictoriis præsentibus Cleri Deputatis judicatam esse, ipsûmque Clerum agnovisse Regium tribunal, sc̃que illi submisisse, non ergo licere ampliùs reclamare. Hæc oppositio quàm est speciosa, tam fundamento ac soliditate caret. Nec enim in hac cāsa, si loqui propriè velimus, Regium forum Clerus agnovit, quippe qui Henricum IV. imploravit, suâsque apud eum querelas deposuit adversus Parliamenti Parisiensis anno 1608. pronuntiatam sententiam, quam Ecclesiæ libertatibus gravem, Regioque Henrici Edicto duos ante annos vulgato, & cui Parisiense Parliamentum aliquamdiu repugnavit, contrariam affirmabant; easdẽque postea querelas apud Ludovicum XIII. gloriose memoriæ, ac regnantis Ludovici Patrem repetijt; isque, ut ex publicis Cleri documentis constat, manum huic negotio finemque per extraordinarios Commissarios (inter quos quamplures Antistites) apponere destinaverat, fecissetque, nisi mors destinata prævertisset. Lites ac

con-

contestationes, quæ postea coram Senatu Regio agitæ sunt, vertebantur solum inter particulares Regalistas ex una, promotósq; ab Ordinarijs ex altera partibus; non ideò tamen Clerus Gallicanus aut finem implorandi Regem fecit, aut libertatem Ecclesiarum Compromisso submittere voluit, quam semper ut certam, nullique dubio, aut liti expositam agnovit. Poterant ergo sententiæ à Regio Consilio latæ, & quibus Procuratores intervenerant, privatorum negotia litésque finire; quippe cum de dubijs incertisq; causis ageretur. Id verò ut ad omnia indistinctè negotia extendatur, etiam ad illa, quæ spiritualem Episcoporum auctoritatem ac Ecclesiarum immunitatem tangunt, quæque nullum prorsus dubium aut litem patiuntur; enimverò indignum id esset, plenumque periculi. Nec verò Procuratorum interventus obligare Episcopos eorumque Dioceses potuit, cum in hujusmodi materijs nullam habeant Deputati, imò ne ipsa quidem Cleri Comitia, concludendi potestatem. Causa Regaliæ publica est, respicitque quinque aut sex Ecclesiasticas Provincias, complurésque particulares Dioceses, agiturque de conservandis Ecclesiæ non solum redditibus temporalibus, sed præsertim Dignitatum, Canoniciuum, aliorumque principalium beneficiorum Collatione, quæ spirituale ac Hierarchicum quoddam jus est, nec libertas aut Possessio, quæ Ecclesiæ hæc in parte fruuntur, dubia aut incerta est, sed certa, notoria, ac omnino comperta; malè ergo Ecclesiæ negotium gessissent, si illud iudicio foroque submitterent Regij Senatús; & si demus id factum esse, semper tamen Episcopis, quorum interest, potestas fuit reclamandi revocandique contra jus & canones gesta. Clero eorum Regio tribunali nihil aliud præstare licuit, quàm

ut causæ momenta Principi exhiberet, ejusque contra Regios Ministros libertati Ecclesiarum infestos opem invocaret, id quod præteritis etiam annis ab eodem Clero factitatum est, quando contra Parisiensis Parlamenti sententiam, Henrico IV. & Ludovico XIII. gloriosæ memoriæ Regibus supplicavit; intelligebat enim, juribus & libertatibus Ecclesiæ quamplurimum detrahi, imò aliquâ ratione ea deferi prodique, si, cum certa & indubia essent, pro incertis & indecisus haberi pateretur, ac cognitioni Regiorum Ministrorum submitteret, qui aliàs naturali quâdam propensione feruntur Regum jura ultra terminos proferendi, & tunc præsertim, cum non de Regis solùm, sed etiam de ipsorummet commodo & auctoritate agitur, ut in præsentì Regaliæ causa. Non ergo formalitates aliqua, quas dicunt in præsentì negotio observatas esse, Episcopis opponi possunt, quò minùs reclamare, suarumque Ecclesiarum jura sustinere debeant, præsertim cum Regijs Ministris jam solemne usque receptum sit, ut quoties bellum Ecclesijs & earum immunitatibus fecerint, semper speciem aliquam formamque justitiæ obtenderint; quam si morari Episcopi voluissent, nunquam causa Ecclesiæ contra eos, qui opprimere eam nitebantur, defensa esset. Imò rem attentè considerantibus palàm est, hoc unum ex eorum artificijs fuisse, qui Ecclesijs Regaliam imponere moliebantur; sensim enim placidèque plures Procuratores, Prælatos & Capitula induxere, ut judicio se sisterent Regij Senatùs. suæque libertatis titulos & acta producerent, ac postea reclamare volentibus opponerent; causam hanc jam examinatam decisamque in Judicio Contradictorio fuisse; prævidebant enim, nisi hisce compendijs uterentur, & aliquam justitiæ formam præferrent, nunquam ad optatum finem per venturos,

ros, & hâc ipsâ justitiâ specie Regis animum occupârunt, effeceruntque ut in suas partes transfiret; nec lucrari aliâ ratione cum poterant, quippe æqui justique amantem; ac etiâ eum de ipsius commodis agitur, earum regularum, quæ semel constitutæ sunt, observantem. Sed nec contenti in ijs, quæ ad formam modumque pertinent, Regi imponere, id multò magis quoad substantiam ipsam fecere; suggesserunt enim Majestati Suæ, Regaliam jus esse Gallicæ coronæ coævum, eique necessariò annexum, ac naturâ suâ universale, ac uniforme, totumque Regnum complecti: quæ omnia planè nova dogmata sunt, recensque inducta, ac historiæ testimonijs, Oecumenici Concilij toto Regno recepti Decisionibus, novis antiquisque Regum edictis, authenticis Cameræ Parisiensis documentis, Parlamentorum ab aliquot jam sæculis arrestis, ac denique Auctorum, qui de hoc Argumento scripsere, quique inter præcipuos Senatores Regisque Ministros numerabantur, sententijs ac doctrinæ contraria. Præterea in hoc ipso, quod nobis obijciunt, Regij Consilij judicio Prælatos & Capitula ad producendos titulos, & alia suæ exemptionis documenta compulerunt, perinde ac si privatis privilegijs ac Contractibus (quemadmodum aliæ quædam Ecclesiæ Regaliæ olim subiectæ, & in Provincijs suis huic oneri assueris) libertatem suam debeant, cum tamen ea potiùs ex natura Ecclesiasticorum Beneficiorum, non aliunde proveniat, nec proinde alio titulo aut probatione, quàm naturalis sive possessionis indigeat. Has verò Ecclesias postquam in earum classem redegerunt, quæ particulari titulo à Regalia exemptæ sunt, continuò adjecerunt, eas nihilominus Regaliæ subiectas esse, nec defendi posse continuâ & immemoriali possessione; quippe jus Regaliæ adeò coronæ annexum esse, ut nec

alienari nec præscribi possit : qua in ratiocinatione illud ipsum supponunt, quod probari, non supponi debuit; si enim jus Regaliæ nec alienari nec præscribi potuit, ergo jus Regaliæ jam constitutum & stabilitum esse oportuit, id verò probari debuit. cùm in hoc ipso tota lis & cardo hujus quæstionis vertatur. Hæc si explicata Regi fuissent, nostrarumque Ecclesiarum jura & libertas, uti par erat, exposita, nimium haberet ille æquitatis, ut numquam pati posset libertatem & prærogativam Ecclesijs adimi, quibus à prima fundatione fruebantur, quæque alij retrò Reges intactas semper illibatasque voluerunt. Id ergo unum superest, ut Regi vid. res tota, ejusque fundamenta & rationes, uti se habent, ante oculos ponantur. nec verò aptior alius est, qui præstare id possit. quàm Eminentia Vestra; character quippe & dignitas Metropolitani, ac præsertim gratia, quâ apud Regiam Majestatem floret, Eminentia Vestra ante alios id præstabunt, ut vid. & loqui de hac causa liberè audeat, & à Principe libenter grateque audiat. Dignata est jam aliquoties Eminentia Vestra mihi significare, gratum sibi acceptumque fore, si cùm necessaria aliqua occurrent, non omitterem eam submonere; ac verò nihil magis necessarium majorisque momenti occurret, quàm quod præsens occasio monendum offert. Libertas nostrarum Ecclesiarum, quâ immunes à Regalia constituuntur, Deposita quoddam est fidei Episcoporum commissum, nobisque obligatio incumbit integrum illud intactumque Christo Jesu supremo Ecclesiarum Pastori restituendi. Ego eâ jam ætate sum, ut reddendis villicationis meæ rationibus vicinum me sentiam, nec aliud magis conscientiam meam prægravaverit, quàm si contra officij mei debitum apertamque veritatem jura ac libertates Ecclesiæ meæ prodam.

dam. Nec ego sum solus, cui hæc causâ tantopere cordi ac curæ sit; nam Eminentiam Vestram non latet, quid plerique Episcoporum sentiant, & quàm aperte, dum occasio se offert, in hac causâ loquantur. Compertum quoque mihi est, nonnullos Episcoporum scriptis protestatos esse, easque protestationes in Archivia suarum Dioceseon condidisse, ut hæc saltem ratione suarum Ecclesiarum juribus consulerent. Me quod attinet, Deum enixè & ex intimo cordis precabor, ut quæ ad majorem sui nominis gloriam, Ecclesiæ utilitatem, ac Conscientiæ quietem faciunt, Eminentiae Vestræ inspirare dignetur; Ipsa interim dignabitur eodem, ut hæcenus, affectu & benevolentia prosequi, qui interim Reverentiæ ac venerationis plenus sum, & ero semper. Alecti 6. Junij 1676.

Eminentiae Vestræ

*Humillimus & Obedientissimus
Servus*

Nicolaus Episcopus Alectensis.

Documentum XXIII.

Actus Appellationis ab Illustrissimo & Reverendissimo Episcopo Alectensi ad summum Pontificem & Sacram Apostolicam Sedem interpositæ contra Eminentiissimi Cardinalis Petri de Bonzj Archiepiscopi Narbonensis Constitutionem in favorem Regalistarum editam.

12. Novemb. Anno 1677.

ANno 1677. die duodecimâ mensis Novembris in Civitate Episcopali Palatio Alectensi coram me Regio Notario & testibus infra nominandis personaliter constitutus Illustrissimus & Reverendissimus Dominus Nicolaus Pavillon,

villon, Episcopus Aleſtenſis (ab integro jam menſe morbo decumbens) poſtquam intellexit , famulum ſuum carceribus detentum eſſe, quem Narbonam miſerat ad inſinuandum actum & declarationem Appellationis, ſuo juſſu inſerpoſitæ à Stephano Durand, ædium Episcopaliū Oſtario, contra ultimam Ordinationem ſeu Mandatum Eminentiffimi Cardinalis Bonziji Archiepiscopi Narbonenſis quinto currentis datam ; cùmque bajulus, qui præſatum Mandatum pertulerat, reſponſum, uti promiſerat, non expectaſſet, imò nec tantum temporis morari ſuſtinuiſſet, quantum opus erat, ut id Mandatum Domino Episcopo innotefceret, & ipſe lecto affixus à ſolis Domæſticis conveniri pateretur, multòque minùs viriū defectu actum Appellationis expedire poſſet, injunxit præſato Durando, ut ipſe appellaret, quippe quem bajulus Archiepiscopi convenerat, eique Mandatum inſinuaverat, promiſeratque reſponſum præſtolari. Has ergo ob cauſas sæpè nominatus D. Episcopus præſenti hoc actū approbat ratamque habet Appellationem à præſato Durand interpoſitam, declaratque famulum, qui modò carceribus detinetur, ſuo juſſu Narbonam proſectum eſſe, ut illic demandatam Appellationem inſinuaret ; & proin immeritò tam durè & inclementer acceptum eſſe, cùm nihil aliud commiſerit, quàm ut actum juſtitie à Domino ſuo imperatum, quique nullo modo ei culpæ imputari poterat, exequeretur. Declarat ergo præſatus D. Episcopus, à Mandato ſeu Conſtitutione D. Archiepiscopi Narbonenſis quinto currentis data tam per viam nullitatis & incompetentiæ, quàm alio quovis legitimo juſtòque titulo ad Sacram Sedem appellare ac proteſtari, ſicut jam tum proteſtatus eſt, & adhuc proteſtatur contra injuſtam detentionem sæpè dicti famuli ſui

sui, & appellationis ab Episcopo imperatæ executoris, utpote qui ex debito officij sui non potuerint impositum appellationis deferendæ Mandatum recusare. Méque Notarium requisivit, ut, &c. Actum die & loco ut suprà, &c.

Nicolaus Episcopus Alecſensis.

Documentum XXIV.

Projectum Appellationis & Protestationis contra Mandatum seu Constitutionem Eminentissimi Cardinalis de Bonzij Archiepiscopi Narbonensis, quod tamen expediri non potuit ob mortem Illustrissimi Episcopi Alecſensis.

ANno 1677. Illustrissimus & Reverendissimus Dominus Nicolaus Pavillon Episcopus Alecſensis coram me Notario constitutus Eminentissimum Cardinalem Bonzij Archiepiscopum Narbonensem, nec non Dominos Candelon, ejusdem Diœcesis Promotorem, & Joannem Petrum Gaston de Foix Presbyterum alloquens dixit, se, cum pro ruenda sacra Episcopali dignitate Constitutionem quamdam sub data vigesimæ secundæ elapsi Octobris emittere, eaque licentiam Officialis Narbonensis, Magistri Bernardi du Mas coercere compulsus esset (qui non sine omnium Episcoporum gravi injuria constitutiones quinto Martij & decimo septimo Octobris Anni 1676. à Reverendissimo & Illustrissimo Domino Episcopo Alecſensi Exemptionis & libertatis Ecclesiasticæ tuendæ gratiâ publicatas ausus esset infirmare irritasque declarare) non potuit præfatus Dominus Episcopus Alecſensis non vehementer mirari, Eminentissimum Cardinalem de Bonzij Archiepiscopum Narbonensem.

bonensem non solum communem omnium Episcoporum causam noluisse amplecti (quorum jura in persona Episcopi Aleſtensis omnium in ea Provincia Episcoporum antiquissimi aperte violata sunt) verum etiam Officiali suo se adjunxisse, ab eoque audacter peracta, editâ die quintâ Novembris Constitutione, sustinere aggressum esse, quâ Domini Episcopi Aleſtensis priorem Constitutionem sacris Canonibus Regniſque legibus ab Ecclesia Gallicana hætenus observatis, nec non quieti Conscientiarum ac Hierarchicæ Disciplinæ contrariam, & censuras in eadem Constitutione latas, irritas nullasque declarat, ac omni effectu cassas. Prohibet insuper inhiſetque præfato Domino Episcopo Aleſtensi, ne deinceps hujusmodi Constitutiones promulget, nisi velit Canonicâ distictione puniri. Jubet deinde sententiam ab Officiali suo pronuntiatam Eidem Domino Episcopo & Capitulis tam Cathedralis quàm Collegiæ S. Pauli Ecclesiarum iteratò insinuari, illique sub pœna Excommunicationis ipso facto ab omnibus Canonicis alijsque Ecclesiasticis personis, quæ directè vel indirectè executionem præfate sententiæ impedirent, incurrendæ, exactè promptèque obediri. Hæc Eminentissimi Cardinalis & Archiepiscopi Narbonensis sententia ut primùm ad notitiam pervenit sæpè dicti Domini Episcopi Aleſtensis, continuo ab ea appellandum duxit, prout etiam appellavit; tantoque plures dolendi causas conquerendique se habere credidit, quòd exaratis ad eundem Eminentissimum Cardinalem litteris (quarum copię huic Appellationis actui adjunctæ sunt) rationes & causas prolixè notaverit, ob quas conscientiæ & obligationi suæ defuturum se credidit, nisi Constitutionem suam quinto Martij anno 1676. datam in lucem emitteret, eaque canonicam & naturalem,

omnisque

omnisque Regaliæ expertem Ecclesiæ Aleſtensis libertatem pro virili sua parte sustineret, & tamen præfatus Dominus Cardinalis ne dignatus quidem ad ea respondere, quæ ab Aleſtensi Episcopo proposita fuerant. eumque, siqua in re à vero aberrasset, præmonere, contra omnes æqui honestique regulas, Constitutionem suam non vulgandam tantum, sed etiam typis imprimendam curavit, ut vid. tantò spectabilius characterem ac dignitatem Episcopalem fœdaret, cum id potiùs præstare debuisset, ut Officialis sui temeritatem coerceret, ac injuriam reparandam curaret, quam in persona Aleſtensis Episcopi toti Episcopali Collegio audacter inuſſerat. Hæc sunt, quæ præfatum Episcopum Aleſtensem impellunt, ut ad rationes respondeat, quæ in Constitutione seu Mandato Narbonensi continentur, illibatâ tamen integrâque reverentiâ sacræ Purpuræ debitâ.

Primò ergo allegatur, sententiam à Domino de Mas pronuntiatam legitimæ potestati inniti; eum quippe cum sit Domini Archiepiscopi Narbonensis Vicarius Generalis & Officialis, ejusque auctoritate & potestate fungatur, potuisse omnia, quæ idem D. Archiepiscopus poterat; nam ex juriur quoque dispositione Judicis delegati & delegantis eandem esse jurisdictionem & potestatem. Ad quod confirmandum sæpè dictus Dominus Archiepiscopus multas congerit Jurium auctoritates, quæ Delegatis favere videntur, additque: *Olim nunc Presbyteros Comitij Generalibus, nunc Diaconos præfuisse, idque non tam propriâ, quàm aliorum auctoritate, quorum vid. personam sustinebant; sua quoque in Comitij suffragia contulisse, quibus Episcopos, Archiepiscopos & Patriarchas damnabant.* Cæterum, omnia hæc argumenta & auctoritates, quæ Domino Archiepiscopo congerere placuit, planè inutilia sunt, nulliusque momenti,

atque in alienum sensum detorta, idque multis ex causis. Nam *primò* pro fundamento id supponunt, quod apertè falsum est; neque enim Officialis est Judex propriè delegatus, sed ordinarius, & ordinariâ fungens jurisdictione, æquè ac alij ejusdem D. Archiepiscopi Judices, & ita quidquid de Judicibus delegatis dicitur, nullo modo aptari potest præsentì argumento. *Secundò*. Quamvis negari haud possit, causas Episcoporum aliquando à Presbyteris & Diaconis judicatas esse, idque auctoritate Antistitum, à quibus delegati erant; nunquam tamen exemplum ostendi potuit, id à solis Presbyteris & Diaconis factum esse, sed semper unà cum alijs Episcopis, ita ut semper verum sit, causas Episcoporum ab alijs & competenti numero Episcopis judicatas esse. Casus ergo, de quo in præsentì agimus, toto cœlo ab eo differt, qui à Domino Archiepiscopo nobis opponitur. Quippe unicus & solus Presbyter est, qui nulli alteri Episcopo junctus ausus est auctoritatem sibi sumere Episcopum judicandi, ejusque Constitutiones irritas nullasque declarandi, id quod nullo antiquitatis exemplo purgari unquam poterit. *Tertiò*. Si principia & rationes Domini Archiepiscopi aliquid convincerent, sequeretur in causis, quæ personas etiam Episcoporum eorùmque depositiones spectant, posse ab aliquot Diaconis, quos Episcopi delegassent, Episcopos judicari, quamvis interim nullus Episcoporum aut Archiepiscoporum dignaretur eas causas cognoscere; quo nihil potest dignitate Episcopali indignius dici, magisque Sacris Canonibus adversum. Hæc omnia satis superque ostendunt, quàm vana sint nullòque fundamento nixa, quæ ab Officiali Narbonensi prætexuntur, & hæc sola sufficerent stabiliendis Episcoporum juribus. Verùm ut hæc ipsa certissima reddantur, ut quæ nullâ tergiversatione

versatione negari possint, ad principium reducemus, quo in Ecclesiastica Disciplina nullum certius firmiusque. Illud verò est, quòd jus ab antiquis Canonibus inductum aboleri destruiq; non potest, nisi auctoritate, quæ, aut major aut par sit Concilijs jus illud constituentibus, aut saltem legitimâ consuetudine & possessione, ob quam illud jus præscriptum, eique à partibus voluntariè renuntiatum esse dici possit. Jam verò certum est, antiquos Canones statuissè, ut causæ Episcoporum à Metropolitano, Conciliove Provinciali, non verò à Sacris Canonibus judicarentur. Quærimus ergo, quis hunc morem à Sacris Canonibus inductum abrogaverit? Aut forsan Concilium aliquod Oecumenicum ostendi potest, quod aliam judicandi formam præscripserit, & Episcopos sententiæ ac judicio Officialium submiserit? Planè si D. Archiepiscopus Narbonensis hujusmodi aliquas auctoritates causæ suæ fulciendæ habuissè, omnino haud dissimulasset; cùm ergo nullas alleget, constat id non oblivioni, sed indigentia adscribendum esse. Multò minùs dici potest consensissè Episcopos, ut hoc jure à Canonibus stabilito privarentur, cùm potiùs auctoritates à Domino Archiepiscopo allegatæ contrarium probent; Ipse enim fateretur, Suffraganeos Diocesis Narbonensis contendissè, non posse Officialem Archiepiscopalem de Episcoporum Constitutionibus judicare, imò totum Clerum Gallicanum super hoc puncto suas querelas Regi obtulissè. Nec etiam dici potest, Officiales in pacifica hujus juris possessione esse, illudque beneficio longævæ consuetudinis præscripssè: cùm è contrario potiùs, quoties hoc jure uti voluerunt, Parlamentorum Arrestis comprehensi sint, hujusmodi appellationes abusùs damnantium; quantò ergo minùs permisissent non judicari tantùm, sed etiam con-

demnari Episcopos non citatos inauditósque? Celebre est Arrestum, præsertim de anno 1577. in favorem Carnotensis & Melitensis Episcoporum, à Citatione Senonensis Officialis tamquam ab abusu appellantium; edixitque Curia, Officiale potestate suâ abusum esse; citationem verò ipsam irritam nullamque declaravit, decrevitque, ne Suffraganei Episcopi juxta Sacrorum Canonum dispositionem in ijs, quæ ad disciplinam correctionemque Ecclesiasticam pertinent, coram Vicarijs Generalibus, sed solùm & immediatè coram Archiepiscopo respondere, eique obedire teneantur. Reperiuntur apud du Luc in Collectione Arrestorum, quæ in publicum edidit, duo alia & antiquiora Arresta, de annis vid. 1550. & 1553. in favorem Nivernensis & Tricassensis Episcoporum, qui cum ab Officiali Senonensi citati essent, Parlamentum pronuntiavit, hujusmodi citationes nullas & abusivas esse, additque præfatus du Luc hæc verba digna memoratu: *Potest quidem Archiepiscopus Provincialis Episcopum in jus ad se vocari jubere, in eumque ius dicere; sed neque per Juridicum, quem Officiale appellat, neque per Vicarium quacumque præditum potestate. Qui ergo? Sanè per semetipsum & alios Provinciales Episcopos, quos in Concilio adhibere habet necesse; cujus contrarium cum Senonensis Archiepiscopus in Nivernensem & Trecentem Episcopos usurpasset, & ij abusum causati provocassent, è forensi prælio superiores evaserunt.*

Hæc verò à præfato Auctore insinuata jurisprudentia adeò certa & indubia est, ut inauditum sit, careâtque exemplo, fuisse Metropolitanum aliquem, qui paria ausus fuerit Narbonensi Officiali, quem proinde coerceri efficaciter oportet. Præsertim cum ne quidem ipsi Domino Archiepiscopo potestas fuerit, ut de Constitutione Domini Episcopi Alecctensis solus judicaret, eaque ratione & modo, quem

quem ejus Officialis sibi usurpavit, idque non solum ex rationibus ab Illustrissimo Domino Episcopo Apamiensi insinuat, (quia vid. id sine cognitione causæ factum, nec partibus, quarum intererat, vocatis, id quod planè Ecclesiæ Sacrorumque Canonum spiritui contrarium est, ut videre licet apud S. Gregorium Magnum *lib. 7. epist. 62.* Apud Adrianum in Capitularibus *capite 22. & 26.* In Concilio Aquisgranensi *anno 816. lib. 1. cap. 35.*) Verum etiam ex eo capite, quòd licet Archiepiscopus Metropolitanus sit omnium suorum Suffraganeorum superior, non ideò tamen judicare de illorum causis potest, nisi in casibus speciatim à Jure permissis; & tunc quoque non solus, sed tantum in Synodo Provinciali, sic enim in Antiocheno *anno 341. cap. 14.* & Constantinopolitano Concilij *anno 382.* & in Capitularibus *capite 29.* apertè statuitur.

Conqueritur quidem Dominus Archiepiscopus Narbonensis, nolle Dominum Episcopum Alecensem Appellationes tamquam ab abusu in Diocesi sua tolerare. Ceterum hæc ipsa criminatio abundè ostendit, non satis de moribus Episcopi Alecensis, ejusque agendi ratione, Domino Archiepiscopo constare. Enimverò ejusmodi Appellationes semper ille admisit, & tunc solum rejecit, quando dolo malo ac justitiæ eludendæ adhibebantur, & quando omnes simul Episcopi contra illas declamabant; tunc enim omnium Episcoporum querelis suas quoque sociavit, & illæ à Parliamentis Regiòque Senatu pro justis acceptæ sunt.

Minus etiam præfatum Episcopum Alecensem morari debet, quod sæpe memoratus Dominus Archiepiscopus in defensionem Officialis sui allegat, eum vid. cum dixisset Constitutionem Domini Episcopi Alecensis *Legibus Regni Gallici adversari*, continuò adjecisse: *Quæ in Ecclesia*

Gallicana hæcenus observata sunt, ut vid. innueret, se de illis tantum legibus loqui, quæ ab Ecclesia receptæ observatæque de prophanis & politicis in Ecclesiasticas transierunt. Cæterum intelligi haud potest de quibus Legibus Officialis loquatur, & quanam illæ Ecclesiasticæ & Politicæ leges sint, quas ab Episcopo Alecensi violatas esse conqueritur. Videri poterat de Regia loqui Declaratione, quæ in favorem Regiæ conscripta & prodita est; sed cum constet eam ab Ecclesia receptam non esse, idque non lateat Dominum Archiepiscopum, qui verba Officialis in alium sensum detorquet, & ea intelligenda esse dicit de nescio qua lege, Episcopis prohibente, ne in causis, de quibus Judices competentes jam aliàs judicârunt, quidquam disponant decernantque, sed supplicare tantum ijs liceat. Sed ad hoc prompta est responsio, vid. nullam esse aut Regiam aut Ecclesiasticam legem, quæ prohibeat Episcopis, quò minus Personis Ecclesiasticis, & manifestis Concilij Oecumenici violatoribus Excommunicationem à Concilio indictam denuntient, quòd solum & unicum est, quod Domino Episcopo Alecensi imputari potest, & ne ad hoc quidem progressus est, nisi ad Conventum Cleri Generalem, ipsumque Dominum Archiepiscopum Narbonensem datis prius litteris, quibus rogabantur, ut super hac causa Regiam Majestatem convenirent; quod cum impetrare à Clero non potuisset, ipsemet litteras ad Regem exaravit, exposuitque rationes, quibus obstrictum se credidit, ut ijs, qui Beneficia suæ Diocesis Regiæ obtentu adepti erant, sese opponeret. Quæ omnia clarè ostendunt, Episcopo Alecensi semper curæ fuisse, ut in hoc negotio omnes partes reverentiæ expleret Principi suo debitæ; & quæ coercendis Regalistis hæcenus fecit, à sola necessitate debitæque officij sui fluxisse.

Illud

Illud quoque nullo fundamento nritur, quod addunt, *Regalia negotium fuisse à Judicibus competentibus jam judicatum decisumque.* Cùm enim Regalia ex juribus spiritualibus constet, quale est jus Beneficia conferendi, certum est, non potuisse nisi duobus modis Regibus acquiri, aut expresso vid. Ecclesiæ privilegio, in Oecumenico Concilio illis concessio, aut perpetuâ & immemoriali possessione, ex qua Ecclesiæ consensus præsumi possit. Jam verò certissimum est, nec legem ullam Ecclesiasticam, nec legitimam possessionem ostendi posse, ob quâ in Provincia Septimaniæ hoc jus sibi Princeps vindicare possit. Quid ergo in negotio hujus naturæ Regia Declaratio operetur? Nec enim ea Declaratio dici potest esse lex Ecclesiastica, nec etiam esse probatio legitimæ Possessionis; imò ex ea potius convincitur, nullam hætenus Possessionem penès Regem fuisse; nam hæc Declaratio eò unicè pertinet, ut Regem in possessionem juris inducat, quam hætenus non habuit. Nullum ergo alium effectum ea Declaratio habet, quàm ut sit argumentum Regiæ voluntatis; at verò innata Regi pietas & justitia nunquam permiserint, ut is suas voluntates pro Ecclesiasticis Legibus, se verò in causis spiritualibus pro Judice competenti haberi velit. Ad solam ergo Ecclesiam spectat de jure & privilegio cognoscere, quod sola dare potuit; nec umquam salvâ veritate dici poterit, hanc causam à competenti Judice decisam esse, quandiu à solo profano Tribunali sententia fluxerit, Ecclesiastico tacente.

Neque illud verum est, agnovisse in hac causa Clerum Gallicanum Regij Senatûs jurisdictionem; id enim falsum est, si loquamur de universali ea quæstione, vid. *An Jus Regalia illimitatè ad Regem pertineat?* Solum enim particulares

iculares privatæque controversiæ, inter Regalistas vid. ex una, & legitimè ab Ordinarijs provisos ex altera partibus, coram Senatu Regio agitata sunt, & in Parlamentis advocata, juxta Henrici IV. & Ludovici XIII. Edicta, quæ contra sententiam Parlamenti anno 1608. ad Cleri Gallicani preces impetrata sunt, id quod Dominus Episcopus Alec-
tensis litteris ad Dominum Archiepiscopum Narbonensem die 6. Junij Anno 1676. exaratis prolixè ostendit.

Nec etiã aliquid probat, quod idem D. Archiepiscopus Narbonensis adjungit de potestate Officialis, aut Vicarij Generalis admittendi Ecclesiasticos (qui se in Curia Romana provisos esse asserunt) ab Episcopo rejectos, quo exemplo conatur ostendere, etiã ab Officiali suo potuisse Constitutionem Episcopi Alec-
tensis damnari, Episcopo non citato. Caterum nemo non videt, quantum inter utrumque casum discriminis intercedat; præter enim illa, quæ in simili causa ab Illustriissimo & Reverendissimo Episcopo Apamien-
si notata sunt, ea etiã substantialis omnino differentia accedit, quod, cum Officialis, seu Vicarius Generalis ratas habet provisiones in Curia Romana factas, quamvis ab Episcopo rejectas, non de Potestate, quam circa hujusmodi provisiones Pontifex habet, judicium sibi sumit, sed tantum de provisi qualitatibus personalibus; quo fit, ut hujusmodi Vicarij sententia nec legis vim habeat, nec ullum Pontificiæ potestati præjudicium pariat. Secus foret, si non tam de qualitatibus personalibus, quam de ipso jure conferendis moveretur, tunc enim quam maximè referret Ecclesiæ, ne hoc jus ab ijs, qui illud non habent, usurpari permitteret; sicque hæc causa propriè ad Ecclesiam pertineret, cujus defensor legitimus & naturalis Episcopus est; non ergo judicari de illa causa potuit,
Episco-

Episcopo non audito : planè res nova & mira est , potuisse Officialem Narbonensem sibi persuadere , coram tribunali suo velut Judicis competentis non disceptari tantùm , sed decidi etiam debuisse , an tota Narbonensis Provincia Regaliæ (de qua omnibus retrò annis exempta fuerat) subjaceret ? idque ne vocatis quidem auditisque Episcopis , quorum utique intererat , ne in novam servitutem illæ Ecclesiæ raperentur . Si ergo hanc novam miràmque formam judicandi admittamus , quoscunque deinceps violandi Ecclesiastica jura cupido incesserit , id tantùm curabunt , ut primò Religionem Principis circumveniant : deinde ut Officiales Episcoporum lucrentur , eosque suarum voluntatum executores faciant ; isti verò omnes Episcopos , qui injustis eorum conatibus obsistent , tamquam qui leges in Regno Gallico stabilitas , & ab Ecclesia receptas violassent , postulabunt . Sed mihi animus non est , perniciosos omnes effectus , nec minùs Ecclesiasticæ Disciplinæ , quàm Religioni ipsi fatales recensere , qui ex hac agendi ratione procul dubio provenient . Ob has igitur aliàsque hujus generis rationes suo loco & tempore producendas præfatus Dominus Episcopus Alectensis declarat , notùmque facit Eminentissimo Domino Cardinali & Archiepiscopo Narbonensi , nec non suprà nominatis Domino Promotori , & Joanni Petro Gaston de Foix , se in appellatione persistere jam semel ad Sanctissimum Dominum nostrum INNOCENTIUM XI. Sedémque Apostolicam à dicta Eminentissimi Cardinalis & Archiepiscopi Ordinatione interposita , ac in optima forma protestatur , quidquid in præjudicium præfatæ appellationis fieri aut attentari contigerit , nullum irritùmque fore (quippe juxta Canonicas Regulas , pendente appellatione nihil fieri aut innovari oportet) suàs-

que Constitutiones 5. Martij & 17. Octobris anno 1676. datas executioni interim dandas esse, donec à sua Sanctitate & Sacra Apostolica Sede aliter disponatur.

Documentum XXV.

Tertia epistola Illustrissimi & Reverendissimi
Episcopi Alectensis ad INNOCENTIUM XI.
Summum Pontificem.

IN hac confectæ ætatis & affectionis paralyticæ sinistram corporis partem occupantis invalescente ægritudine, arctissimam meam cum Apostolica Sede communionem, & singularem erga Pontificatum Sanctitatis Vestræ reverentiam & devotionem hoc monumento testatam volui: simul & extrema Ecclesiæ mihi commissæ amoris officia exhibere satagens, ad authoritatem & tutelam Vestram, quâ maximè modò indiget, confugio. Nativam illius & perpetuam à Regaliæ jure immunitatem, quæ illi cum tota Provincia Ecclesiastica Narbonensi, & alijs quibusdam communis est, juxta Concilij generalis Lugdunensis Constitutionem pro parte mea hucusque tuitus sum. At eam novo & insolito Regaliæ juri post discessum meum jam instantem penitus subjectum iri prospicio, nisi intercessione summæ Vestræ Authoritatis apud Christianissimum Regem ab ejusmodi jugo vindicetur. Quare hoc unum restat, Beatissime Pater, ut ipsam in eadem libertate & immunitate, cum qua quadraginta abhinc annis eam suscepì, Beatitudini Vestræ cùstodiendam commendem. Est & aliud grave mihi, Beatissime Pater, quippe quòd meæ cum Apostolica Sede communioni umbram aliquam of-
fundere

fundere videatur, censura scilicet à Romanis Inquisitoribus Rituali libro, quia me ad usum nostræ Diœcesis editus est, inusta. Libri illius à plurimis licet fratribus Coepiscopis solemnī approbatione laudati novum examen subire non detrecto: imò peropto, si modo Sanctitas Vestra per se pro Sua benignitate oculos & animum advertere dignata fuerit. Quidquid in eo emendandum pro Sua sapientia duxerit, hoc pro reverentia mea emendandum duco. At pristinum Inquisitorum judicium, acerbum nimis & injuriosum eò magis deprecor, quò pleraque Ethicæ Christianæ dogmata, tanquam sub Generali Ritualis nostri censura damnata, à viris illusoribus, qui supra populum, juxta Prophetam, dominantur, passim traduci doleo. Hanc labem à me, hanc à sanctissimis dogmatibus fraudem & calumniam ut amoliatur Sanctitas Vestra, ultimùm obsecro & supplico. Itaque votorum tum hujus, tum superioris Epistolæ summâ in sinu Sanctitatis Vestræ repositâ, mortem expecto. Apostolicâ Vestrâ benedictione jam mihi concessâ munitus, & necessario maximè precum Vestrarum præsidio apud summum Judicem adjuvandus.

Alexti die 25. Octobris Anno 1677.

BEATISSIME PATER,

Sanctitatis Vestræ

*Humillimus & obsequenissimus Filius
& Servus*

Nicolaus Episcopus Alextensis.

Documentum XXVI.

Epistola Eminentissimi Cardinalis Cibo ad Reverendissimum Episcopum Apamiensem.

Data 8. Decembris, Anno 1677.

Illustrissime & Reverendissime Domine.

Accepi unà cum humanissimis litteris tuis, instrumentum appellationis interpositæ à Sententia Archiepiscopi Tholosani: in quo Sanctitas Sua non permittet, ut à paterne sua ergate, & Apamiensem Ecclesiam charitate quicquam diù desideres, sicuti, occasione se dante, certiùs cognoscēs. Tibi Illustrissime & Reverendissime Domine, lata faustaque omnia à DEO auguror. Romæ, die 8. Decembris Anno 1677. Illustrissime & R. D.

Servitor

A. Cardinalis Cibo.

Documentum XXVII.

Secunda epistola Reverendissimi Episcopi Apamiensis ad Regem Christianissimum.

20. Januarij Anno 1678.

Accepi quàm maximâ potui veneratione Arrestum Consilij 28. elapsi Novembris latum, quo Majestas Vestra injungit mihi, ut intra duos menses Sacramentum fidelitatis in acta publica referri faciam, admittamque de quibusdam Canonicatibus alijsque Beneficijs Regularibus Ecclesiæ Apamiensis, titulo Regaliæ provisos, idque sub pœna privationis omnium fructuum & proventuum temporalium. Patiatur Majestas Vestra humillimas preces meas, quas vid. necessitas hujus causæ expressit, Sibi deferri, quasque

que tantò confidentiùs spero auditum iri, quòd ab Episcopo, & in causa Ecclesiæ prolatis; cùm aliàs semper magnorum Principum fuerit, etiam in negotijs merè temporali-
bus querelas subditorum gemitùsque excipere. Enimverò si liceret ante oculos Majestatis Vestræ cor meum intimáf-
que cogitationes expromere, videret Ipsa id, quod animum meum perstringit, non esse mētum proventus temporales amittendi; cùm enim in sacris Canonibus didicerim, Ecclesiasticos fructus esse bona Deo consecrata, nihil aliud ex
ijs reservatum mihi volui, quàm curam administrationem-
que mei Oeconomi; sicque meam Personam ac particulare commodum quod attinet, quidquid Divina Providentia permiserit, pacatissimè feram. Id solum à Majestate Vestra petere mihi liceat, ut si quidem alicuius me culpæ reum poenâque dignum crediderit, dignetur eâ tantùm fructuum parte multare, quæ sustentandæ Personæ ac necessitati meæ parcè adhibetur, nec enim me pudebit Fidelium pietatem ac eleemosynas implorare; tantùm ne hâc poenâ & calamitate meâ quamplures alij ac innocentes involvan-
tur. Cogor enim Majestati Vestræ significare proventus illos, qui ex Consilij sententia subducti mihi sunt, ad alenda duo seminaria, in quibus Clerici animarum saluti ac curæ addicti, magnòque numero sustentantur, ad fabricandam ædem Cathedralem hæreticorum furore planè destructam, ad reparandas ornandâsque reliquas Diœcesis Ecclesias, ad alendos tegendósque pauperes, qui plurimi sunt, & qui hoc subsidio destituti in extremam necessitatem adigentur, & denique ad exolvendum æs alienum, quod ut omnibus hisce expensis par essem, contrahere necessariò debui. Quod ergo ante hæc omnia animum meum intimè ferit, illud est, me licèt ardentissimo desiderio fe-

rar nihil agendi, quod Majestatem Vestram vel levissimè offendat, non posse salvâ, quam Deo ejusque Sponsæ debeo, fidelitate, Arresto mihi nuper significato obtemperare. Neque enim, nisi anathemata à sacris Concilijs vibrata experiri velim, cooperari, imò ne consentire quidem possum, ut Ecclesia juribus spoliatur fidei meæ commissis. Inter ea verò jura unum è præcipuis maximèque spiritualibus est libertas conferendi Beneficia Ecclesiastica, quam libertatem Regalia omnino demolitur: hæc verò in quamplurimis Regni Gallici Provincijs numquam locum habuit, id quod ex Edictis Galliæ Regum, Majestatis Vestræ Prædecessorum, & Parlamentorum, & Cameræ Parisiensis Protocolis, & ex doctrina Auctorum, qui ante Arrestum Parlamenti Parisiensis de annò 1608. de hoc argumento scripsere, & quorum aliqui in præfata Camera Computorum publicis officijs fungebantur, manifestè probari potest. Philippus Probus, vir insignis probatæque doctrinæ, & cui Regalia odio esse non poterat (nam Regaliæ titulo in Ecclesia huic servituti obnoxia Beneficium obtinuerat) non contentus Ecclesias in genere designâsse Regaliæ immunes, Episcopatus quoque in particulari enumerat, exemptos liberòsque, & præsertim Tholosanæ Provinciæ, quorum primum hunc Apamiensem constituit.

Enimverò non potest hoc jus Regaliæ ad Majestatem Vestram pertinere, nisi uno ex sequentibus titulis, vid. aut præcisè, *Jure Regio*: aut titulo *Universalis omnium Ecclesiarum Fundatoris*: aut beneficio *Possessionis*, *memoriam hominum excedentis*: aut denique *Ecclesiæ Privilegio*.

Qui conati sunt persuadere Majestati Vestræ, jus Regaliæ totâ Galliâ extendi, id principium assumpserunt, ut dicerent, Regaliam jus esse Coronæ annexum, ideòque inaliena-

inalienabile & impræscriptibile ; quo fundamento nixi adjecerunt, quemadmodum Regium Diadema rotundum est, eaque figura designat, Coronam Regiam complecti omnia ; sic quoque Regaliam ad omnes Regni Ecclesias proferri, nullâ exceptâ. Sed permittat Majestas Vestra, ut liberè dicam, nihil cogitari posse hâc Maximâ inanius, minûsque fundatum. Quî enim fieri potest, ut jus Beneficia Ecclesiastica conferendi, quod spirituale omnino est, à Regia Potestate & Corona dependeat ? Planè nihil aliud hoc est, quàm spirituales ac temporales confundere potestatem, Ecclesiarum ac Principum jura commiscere : & verò si hoc tantique momenti jus adeò Regiæ Dignitati adjunctum est, quî fieri potest, ut Ministri Regum Majestatis Vestræ Prædecessorum tot sæculorum decursu illud ignoraverint ? an verò aut negligebant, aut nesciebant, quid Regibus deberetur ? & ipsum Parisiense Parlamentum, si hanc Maximam veritati consentaneam esse credidisset, num ausum aliquando esset (quod tamen aliquoties fecit) Regibus onus hanc possessionem probandi imponere, cùm de nonnullis Ecclesijs controversia moveretur ? Sed nec solum hoc Galliæ Regum esset privilegium, sed omnium omnino coronam gestantium, qui eodem jure eadêmque ratione Regaliam, quâ latè dominantur, vendicare sibi possent ; ideo Lugdunense Concilium, cùm titulos recenset, ob quos permitti Regalia possit, solius foundationis, & antiquæ Possessionis mentionem facit.

Alij ergo, qui fallacis hujus Maximæ inanitatem cernunt, diffiduntque tam fragili fundamento, ad alia se vertunt, & Majestati Vestræ tanquam omnium Regni Ecclesiarum Fundatori Regaliam attribuunt. Caterùm si Majestas Vestra observare dignata fuerit, Ecclesiæ Apamiensis pro-

proventus in solis verisque Decimis (quas Deus sibi reservavit, & quarum dispensationem Ecclesiæ Ministris reliquit) consistere. Ipsamet facillè concludet, non fuisse Ecclesiam Apamiensem à Regibus Ejus Majoribus dotatam. Quod verò supra Decimas est, tam parvi est momenti, ut non credam tam modicæ rei intuitu voluisse Reges hujus Ecclesiæ fundatores appellari. Quamquam, etsi demus Fundatores appellandos esse, quis nescit, solam Dotationem, si Privilegium Ecclesiæ absit, non sufficere, ut quis possit Beneficia Ecclesiastica conferre, ac Ministros Ecclesijs constituere?

Possessionem quod attinet, certissimum est, numquam hoc jus à Majestate Vestra in Apamienſi Ecclesia exercitum esse, nec ullum exemplum ostendi poterit.

Denique tantùm abest, Ecclesiam hoc jus extendendæ Regaliæ Principibus concessisse, ut potiùs se illis enixè opposuerit, tunc vid. cùm in Concilio Lugdunenſi statuit, ne Regalia ad loca extenderetur, in quibus recepta hæctenus non fuerat: & quamvis Clerus Gallicanus sæpè Majestatis Vestræ protectionem imploravit adversùs eorum molitiones, qui contra antiquam nativâque Ecclesiarum libertatem Regaliam inducere conabantur, non idèò tamen libertati ac juribus suis renunciare volebant, imò ne Conventus quidem Cleri Generales, quantumvis maximè vellent, præstare id poterant, tum quia Concilio Oecumenico à quatuor jam seculis in Gallijs recepto derogare non poterant; tum etiam quia in causâ communi, & quando agitur de jure & præjudicio singulorum, ex regulis utròque jure receptis oportet singulos, quorum interest, consentire. Jam verò constat, neque me, neque aliquem meorum Prædecessorum consensisse, aut Procuratoribus, aut Depu-

tatis

tatis ad Conventus Generales missis mandatum in hac causa transigendi dedisse. Neque etiam credidi, me Declarationibus à Majestate Vestra in hac causa editis posse acquiescere; multoque minus earum executionem pollicitus sum, nec umquam adduci passus, ut juramentum fidelitatis in acta publica referri permitterem, quod argumentum erat admissæ servitutis. Non ergo intelligere possum, quâ veritate dicatur, universalem Regaliæ causam fuisse in Contradictorio judicio, plenâque cognitione judicatam. Sed præsertim particulares pro Apamienfi Ecclesia rationes sunt, ob quas Regaliæ subdi non potest; cum enim & Alexandro VII. Pontifici Maximo, & Majestati Vestræ placuerit Pontificijs Regiisque Diplomatibus vitam Regularem, ac bonorum communionem juxta Regulam S. Augustini in hac Ecclesia stabilire, idque etiam quamplurimis Arrestis in Parisiensi Parlamento, ac Judicijs Contradictorijs confirmatum fuerit, admissâ semel Regaliâ necessariò consequitur, fructum operis tam pii, & ex quo in publicum bonum tantum emolumentum ac ædificationis processit, planè corruptum iri, cum illi, qui titulo Regaliæ Beneficia occupavêre, numquam persuadendi sint, ut se exacto Tyrocinio, & ex sententia Episcopi submittant. Multo minus excludi se à sacra Professione, si inhabiles reperiantur, patientur, quod unum omnem viam disciplinæ solidæque pietati occludet. Sed nec illud sperare ab ijs licet, ut vid. privatis se facultatibus abdicent, vivântque in communi, & rationes Episcopo reddant; utq; Priori Claustrali se subdant, quæ tamen adeò necessaria sunt, ut Paupertatis & Obedientiæ vota in Ecclesia Apamienfi hætenus inviolabiliter observata, & Arrestis etiam Majestatis Vestræ munita, consistere sine illis haud possint.

Imò hujusmodi, ut vocant, Regalists illis potius alimenta vitæ necessaria subducent, qui bonâ fide titulôque Canonico subnixi solemnem in hac Ecclesia Professionem emisérunt, sêque insuper juxta perpetuam & antiquissimam hujus loci consuetudinem voto stabilitatis obstrinxerunt; nunc verò & domicilio exclusi, ubi votorum suorum observantiam expleant, & alimentis privati, quibus sustententur, contra jus & fas, magnôque cum animarum suarum discrimine, parique scandalo Religionis vagari cogentur.

Hæc sunt quæ Majestati Vestræ necessariò indicanda credidi, & quorum pondus ac solidam veritatem si ipsa dignata fuerit secum expendere, tantum mihi de Majestatis Vestræ justitia polliceor, ut omnino credam, non solum approbaturam, quæ in hac causa hæctenus à me gesta sunt, verum etiam tamquam muneri ac ministerio meo fideliter explendo necessaria vehementer commendaturam, Suâque Regiâ auctoritate pondus ac vires addituram. Et quamvis videri possim solus ego hanc causam ab alijs desertam sustinere, placeat Majestati Vestræ persuasissimum habere, quotquot istarum rerum notitiam honestique curam aliquam habent, nec privatis commodis tanguntur, omnes ferè in hoc convenire, ut fateantur justissimam à me causam foveri, & inter illos ipsos, qui Majestatis Vestræ Declarationibus & Edictis detulère, alij aut jurium suorum ignorantia, aut nimio studio gratificandi Majestati Vestræ decepti sunt. Nec desunt, quos pudet pœnitèrque admissi, Illi verò, qui licèt timidè anxieque mihi persuadere conati sunt, ut contra Concilij Lugdunensis Decreta Majestati Vestræ obtemperarem, nullam aliam rationem adducebant permovendo mihi, quàm metum majoris mali, perinde

inde ac si Regia Majestatis Vestrae potestas veritati ac justitiae opprimendis ferviret, cum potius sperare debuissent, nunquam permissuram esse Majestatem Vestram jura Ecclesiae violari, si modo illi ausi essent Ecclesiarum causam suscipere, tantumque fiduciae habuissent, quantum Majestas Vestra aequitatis.

Ceterum eos quod attinet, qui Regaliam toto Regno extendere voluerunt, pronum est cogitare, non aliam ob causam aggressos esse hoc jus Regium ultra antiquos legitimosque terminos proferre, quam ut Principis favorem compararent, aut augerent, aut etiam in distribuendis Beneficijs, quae ad Majestatis Vestrae Collationem pertinent, majori auctoritate fungerentur.

Quidquid istorum sit, ego interim non omitto lacrymis precibusque Deum Majestati Vestrae propitium reddere, utque in Sacram ejus Personam ac Regna suarum gratiarum thesauros abunde profundat, enixe postulare, & praesertim ne umquam permittat jura Ecclesiae ab eo violari, qui se primogenitum Ecclesiae Filium, ac praecipuum Protectorem gloriatur; id enim si fieret, non tantum apud posteros laboraret Majestatis Vestrae gloria, verum etiam magna aliqua calamitas ejus Regnis a Deo forsitan immineret; id quod ne fiat, ex intimo cordis mei enixeque postulo, quippe qui primas fidelitatis & reverentiae in Majestatem Vestram partes mihi vendico.

Apamijs 20. Januarij 1678.

*Humilimus & Obedientissimus ac Fidelissimus
Servus & Subiectus*

Franciscus Episcopus Apamiensis.

Documentum XXVIII.

Ejusdem Reverendissimi & Illustrissimi Episcopi
 Apamienſis ad Magnum Galliarum Cancellarium
 epiſtola.

1. FEBRUAR. ANNO 1678.

LÆtatus vehementer sum, cùm ex litteris, quas ad me
 exarare dignati estis, intellexi, quanto semper in pre-
 tio apud vos fuerit Reverendissimus Aleſtenſis Episcopus
 glorioſæ memoriæ, sed multum huic animi mei gaudio
 deceſſit, quando ad querelas perveni, quas illius causâ
 subjungitis, perinde ac si improbaretis, quæ in causa Regaliæ
 ab eo peracta sunt. Persuasum equidem habeo, voluisse Vos
 non tam memoriam cinerisq; magni illius Servi Dei cri-
 minari, quàm quid in simili causa mihi agendum esset,
 amicè commonere. Id verò necessitate me obstringit
 causas Vobis rationesq; aperiendi, quæ me, ut hanc ipsam
 causam amplecterer, efficaciter compulserunt.

Fateor enim verò, nihil æquè mihi gratum optatumque
 eveniturum, quàm ut salvâ conscientia acquiescere in hac
 causa possem Regiæ voluntati, id quod etiam litteris ad
 Majestatem Suam datis, commendatisque Domino de Cha-
 teauneuff liberè professus sum: nihil enim præter metum
 offendendi Dei morari me potest, ut non in omnibus, ple-
 néque Regi obtemperem, præsertim cùm ingenuè fateri
 oporteat, Eum, à quo tempore Regni Gallici habenas mo-
 deratur, tam multis magnisque incrementis Catholicam
 Religionem extulisse, ut non Episcopos tantùm, sed omnes
 etiam Sibi Christianos devinxerit, nec quempiam sanguinis
 etiam vitæque pœnitere debeat, si profundi illam pro
 gloria

gloria tanti Principis oporteat. Non ideo tamen permiffum nobis eft, gratitudinem noſtram in Principem adeo bene meritum ceſſione ejus juris teſtari, quod Eccleſia in Concilio Lugdunenſi collecta omni ratione cuſtodiendum fidei noſtræ commiſit; non ergo poteſtatis noſtræ, ſed alterius Oecumenici Concilij fuerit. Beneficia, quæ Eccleſia à Rege accepit, privilegio remunerari Regaliæ extendendæ in loca hujus oneris hætenus immunia, qualia ſunt noſtræ Provinciæ Diœceſes.

Quod ſi vobis placuerit Regaliæ naturam attentius expendere, fatebimini, eam, ſi extra terminos proferatur antiquæ conſuetudinis, & in ſeiſa pernicioſam eſſe, & Eccleſiæ Regumque legibus interdictam, & denique quamplurimis maximisque incommodis obnoxiam.

Primo ergo ex ſeiſa & intrinſecè pernicioſa eſt, quia juſ ſpirituale Regibus tribuit, cujuſ ex multorum Docto- rum ſententiâ Laici abſolutè incapaces ſunt: aut ſaltem non aliter, quàm ſpeciali Eccleſiæ privilegio, quod illi ipſi fatentur, qui Regaliæ partes quàm maximè amplectuntur. Quamvis enim Episcopatum aliorumque Beneficiorum proventus ſint res merè temporales; juſ tamen eos percipiendi, ac præſertim Beneficia conferendi dubium non eſt, rem eſſe maximè ſpiritualem, & ideo abſque Simoniaca labe vendi non poſſe. Hinc eſt, quòd prima ju- ris Canonici Regula ita ſonet: *Beneficium Canonicum non poteſt licitè ſine Canonica Inſtitutione obtineri.* Hinc etiam quòd quamplurima Concilia Romanique Pontifices eos anathemate feriunt, qui à manu laica Beneficia acceperint, præſertim verò quinque Concilia Romana ſub Gregorio VII. habita, quorum unum anno 1080. celebratum ita loquitur: *Quoniam Inveſtituras Eccleſiarum contra ſtatuta*

Sanctorum Patrum à laicis personis in multis partibus cognovimus fieri, & ex eis plurimas perturbationes in Ecclesijs, imò ruinam sancta Religionis oriri, ex quibus Christiana Religio conculcatur, decernimus, ut nullus Clericorum Investituram Episcopatus, vel Ecclesia de manu Imperatoris, vel Regis, vel alicujus laicae personae, vel femina suscipiat; quodsi presumpserit, recognoscat. Investituram Apostolicam auctoritate irritam esse, & se usque ad condignam satisfactionem excommunicationi subiacere. Eodem spiritu, quo Gregorius VII. Episcopi Galliae agebantur, quando in Concilio Claremontano sub Urbano II. Trecenti sub Paschali I. & duobus Pictaviensibus aliisque pluribus severè prohibuerunt, ne Beneficia à Regibus acciperentur. Sic etiam Investiturae, quibus abolendis tantopere Ecclesia laboravit, non ob aliam causam à Pontificibus sacrisque Concilijs damnatae sunt, quàm quòd reipsa nihil aliud esse viderentur, quàm Institutiones Beneficiorum, quae, secluso privilegio, ad solos Episcopos pertinent, ad nullum verò Principem temporalem, teste etiam ipso Chopino, quantumvis alioqui magno iurium Ecclesiasticorum adversario. Nec verò possunt Episcopi in suis Diocesis hoc privilegium concedere, cum ex juris Canonici peritorum communi doctrina non liceat Episcopis servitutem aliquam suis Ecclesijs imponere.

Sed nec in genere tantum extensio Regaliae sacris Canonibus decretisque Summorum Pontificum prohibita est (tunc vid. cum Laicis omnibus etiam Principali dignitate fulgentibus interdicitur, ne ullam sibi proventuum, multoque minus Beneficiorum Ecclesiasticorum dispositionem arrogent) verum etiam speciali Decreto Lugdunensis Concilij, quod dissimulatam potius, quàm comprobata Regaliae possessione pro ijs Ecclesijs, in quibus ex antiquo

tiquo usu Sibi illam deberi Galliarum Reges credebant (quantumvis ante Concilij tacitam approbationem non sine animi scrupulo eam uterentur) ne ad alias Ecclesias extendere-
tur, severissimis Decretis inhibuit. Ipsum quoque Tri-
dentinum Concilium in Tholosano Provinciali Concilio;
& in Conventu Melodunensi anno 1615. à Galliarum Episcopis
receptum juratumque, sub pœna Excommunicationis ipso
facto incurrendæ Episcopis præcipit, ne bona, jura ac pri-
vilegia Ecclesiarum dilabi permittant.

Ipsi Reges Ludovici Regnantis Prædecessores sæpè de-
clararunt, Regaliam non esse jus toto Gallico Regno ex-
tensum. Ludovicus Junior, quo rerum potiente innotescere Regalia cœpit, Aquitaniam Regaliæ immunem esse
declarat. Sanctus Ludovicus, Philippus III. Philippus IV. &
Carolus V. Galliarum Reges, idem de Septimania fatentur. Lu-
dovicus XII. extendi Regaliam vetat, & qui eam dilatare
conantur, Sacrilegij & usurpatæ potestatis notat. Denique
Philippus Valesius, Henricus IV. & Ludovicus XIII. glorio-
sæ memoriæ declarant, nolle ut Regalia in præjudicium
Ecclesiarum, quæ hætenus immunes fuerunt, extendatur.

Et verò etiam si daremus, hanc ipsam Regaliæ exten-
sionem ad ea loca, quæ hætenus libera fuerant, intrinsecè
& ex sua natura perniciosam non esse; & quamvis in Con-
cilio Lugdunensi non eam Ecclesia damnasset, tam multa
tamen sunt absurda & incommoda, quæ ex illa consequun-
tur, ut vel ob hæc sola conniti omnibus viribus debuissim,
ut à mea Diocesi procul arceretur. Ut enim nihil dicam
de Intrusione & Sacrilegio, quibus se obstringunt, qui titulo
Regaliæ Beneficia in Ecclesijs acceptant hujus servitutis
immunibus, deque Excommunicatione, quam ex Decretis
Avenionensis Concilij anno 1326. sub Joanne XXII. ipsa
etiam

etiam Capitula incurrunt, quæ hujusmodi Beneficiatos admittunt; ut inquam hæc omnia taceam, qui fieri potest, ut consentiamus, nos Collatione spoliari omnium Beneficiorum, quæ postea sine alio titulo, aut Institutione Canonica Rex ipse pro arbitrio distribuat? Henricus IV. abstinuit Collatione Dignitatum. Fatetur Pasquier, Cathedralium Ecclesiarum Canonicatus Regaliæ haud subjacere. Idem de Prioratibus Conventualibus alijsque Regularibus Beneficijs dicendum est. Quamplurimis quoque Arrestis definitum est, Præbendas Theologales Regaliæ legibus haud comprehendi. Parva & pauca sunt hæc omnia, nisi & illud adderent, ut potestatem soli Pontifici propriam Regi quoque attribuerent; quippe Resignationes *in favorem*, quæ Jure Canonico Simonia notantur, ac soli Pontifici reservantur, videmus sine alio scrupulo à Rege admitti. Sic etiam pensiones Beneficijs constituere, & Præbendas Regulares sæcularibus conferre *profiteri cupientibus*, Prærogativæ sunt Pontificiæ potestatis, quas tamen translatas in Regem esse videmus. Sed neque hoc sufficit Regaliæ Patronis, nisi insuper plura Regi concederent, quàm Pontifici permittuntur. Rex enim Beneficia etiam alijs confert, quàm in quorum favorem renunciata sunt, quod Papa non facit. Rursus Beneficia non solum ipso jure aut facto vacantia, à quo tempore Regalia aperiri cœpit: verum etiam à Rege conferuntur, quæ de Jure Canonico vacare non censentur, qualia sunt Beneficia *resignata*, *permutata*, *litigiosa*, & quorum possessio nondum personaliter adita est. Denique Episcopis & Capitulis omnis facultas adimitur Provisos examinandi, quamvis fieri possit, ut Censuris, alijsque impedimentis Canonicis teneantur.

Hæ sunt rationes, multæque aliæ, quas libens adijcerem, nisi jam aliàs hæc mea epistola prolixior evasisset; ob quas credidi non licere mihi in hac Regaliæ causa Regijs Declarationibus acquiescere, neglectâ veritate; nec timendum mihi fuit, ne aut scandali periculum, aut præsumptionis adirem, cum ex Sanctorum Gregorij, Bernardi, & Augustini sententia, *melius sit, ut scandalum oriatur, quàm ut veritas relinquantur: nec ita arrogantia cavenda est, ut veritas relinquantur.*

Equidem æstimanti mihi studium amorémque præcipuum, quo causas Ecclesiæ, præsertim meæ Diœcesis semper complexi estis, & cujus in gravissimis occasionibus tot præclara argumenta dedistis, spes omnino affulget, haud ingratum Vobis fore, quòd pari libertate fiduciæque jura Ecclesiæ meæ exponam: nec dubito, ijs coram DEO examinandis Vos curam aliquam impensuros, meque, uti hætenus, commendatum habituros. Persuasum enim habeo, fastigium illud Dignitatis, ad quam Vos DEUS suis donis disposuit provexitque, nihil Vobis de cura ac æstimatione cœlestium bonorum subtraxisse, quæ sola vera & perpetua sunt; quin potiùs auctoritatem illam, quæ ante alios conspicui estis, occasionem ac subsidium fore, Regno Jesu Christi, ejusque Sponsæ dilatando, &c.

Apamijs 1. Februar. 1678.

*Humilissimus & Obedientissimus:
SERVUS.*

Franciscus Episcopus Apamiensis.

P p

Docu-

Documentum XXIX.

Prima epistola Illustrissimi & Reverendissimi
Episcopi Apamiensis ad INNOCENTIIUM XI.
Pontif. Max.

Apamijs 4. Maji 1678.

Beatissimo in Christo patri & Domino Domino
INNOCENTIO XI. Pontifici Maximo.

BEATISSIME PATER,

INlegendis Ecclesiasticis historijs sæpe sapius animadver-
teram, sanctissimam Sedem Episcopos ad se confugien-
tes, maxima cum benignitate semper suscepisse, summô-
que Pontifices paternis visceribus eos esse complexos, quî
pro tuendis Ecclesiæ juribus laborarent. Verum id clariùs
intellexi, & jucundiùs expertus sum, quando me Sua San-
ctitas litteris Apostolicis consolari, imò & hortari dignata
est ad propugnandam Diocesis Apamiensis libertatem, con-
tra servitutem, quam nostri Regaliam vocant, de qua semel
& iterum ad Vestram Sanctitatem scribere non dubitavi.
Equidem, Beatissime Pater, ita mihi videbar affectus, ut non
solum bonis, sed & vitâ spoliari mallet, quàm Ecclesiam,
mihi licet indignissimo commissam, nativâ carere liber-
tate: sed incredibile est, quantos addiderit animos Sancti-
tatis Vestræ consilium, vel potiùs præceptum, aut etiam
Oraculum à Deo per Suum in terris Vicarium ad me dela-
tum, ut modò cœlesti fretus auxilio nihil hac in parte, nisi
mea peccata meamque insipientiam pertimescam.

Regaliæ negotium Beatissime Pater, ad aures Suæ San-
ctitatis, utpote maximis Ecclesiæ universæ negotijs inten-
tæ,

ta, deferre vix unquam ausus fuisset, nisi & hoc ipsi Ecclesiae universae maximi referre perspexissem. Cum enim Rex Christianissimus jure, ut ait, coronae, seu supremi Dominij, non solum fructus seu redditus hujus Dioecesis, cui regenda à triginta tribus annis praefectus sum, sed etiam beneficia Ecclesiastica pleno jure, & absque Canonica institutione conferre intendat, quamvis in ea Regalia nunquam locum habuerit, imò nullibi, nisi sede vacante, habere possit; valdè metuendum est, ne reliqui Principes, imò & Respublicae idem sibi vendicent.

Quod quidem Regalæ jus, Beatissime Pater, quanta sequantur incommoda, jam sum expertus. Jacturam quidem bonorum temporalium etiam cum gaudio sustinui; quippe quibus tamquam oneribus premebar, veritus ne non satis accuratam Deo rationem reddere de illorum dispensatione possem. Doleo autem plurimum, quòd his deficientibus, & immisericorditer ablatis, nequeam, ut hactenus, pauperes penè fame confectos, & infantes expositos seu abjectos alere, aut templa restaurare; quòdque maximè necessarium est, Clericos litteris & virtutibus instruere; aliæque hujusmodi pietatis opera omninò necessaria præstare. Verùm adhuc majorem doloris causam præbet tumultuaria Clericorum tum sæcularium, tum ex diversis ordinibus seu Congregationibus Regularium turba, qui Ecclesiae Cathedralis Apamiensis Beneficia invadunt.

Pluribus, Beatissime Pater, supersedeo, cætera namque, si dignetur annuere Sanctitas Vestra, referet Archipresbyter Aquis, vir mihi fidelissimus: sed, quod magis placet divini honoris, & Ecclesiasticæ disciplinæ studiosissimus, quod in gerendo prudentissimè Archipresbyteri officio, regendæque plebe sibi creditæ, præclare testatus est. Ob-

300 Dissert. I. § VIII. Documenta ex Gallico

secro Beatissime Pater, ut cum Vestra Sanctitas benignè audiat, saluum tutumque curet, & me pariter consilio, auxilio, precibusque juvare dignetur. Interim Deum optim. Max. assiduis obsecrationibus enixè rogabo, ut Sanctitatem Vestram Ecclesiæ suæ diu servet incolumem.

Apamijs die 4. Maij 1678.

BEATISSIME PATER,

Sanctitatis Vestræ

Humillimus & Obsequentissimus

Filius & Famulus

Franciscus Episcopus Apamienlis.

Documentum XXX.

Secunda epistola ejusdem Reverendissimi Episcopi ad INNOCENTIUM XI. Pontif. Max.

Beatissimo in Christo Patri & Domino Domino
INNOCENTIO Pontifici Maximo.

BEATISSIME PATER,

IN paternum sanctitatis vestræ sinum cor meum effusus: Ius circa libertatem Ecclesiæ, quam vobis vehementissimè cordi esse scio, Regaliæ scilicet negotium Apostolico zelo commendaturus, ad humillima beatorum pedum oscula, maxima cum fiducia, iterum accedo. Res est majoris momenti, quàm ut verbis meis queat declarari. Agitur enim B. P. de concedenda Regi Christianissimo facultate, quâ nondum in majori Regni sui parte usus fuerat, vacantium scilicet Ecclesiarum Cathedralium redditus percipiendi, omniâque Beneficia, quæ interim vacare contingerit

gerit (saltem si eorum collatio ad Episcopum pertinebat) pleno jure conferendi, donec novus Episcopus fidelitatis juramentum præstiterit, præstiti juramenti publicum instrumentum in regeſta Curiae computorum fuerit relatum, decretum, seu ut nostri vocant, Arrestum, quo restituenda mandentur bona Episcopalia, soluta prius certa pecuniae quantitate, fuerit obtentum, & Episcopus personalem, non autem per procuratorem tantum, possessionem fuerit adeptus.

Maximum B. P. Ecclesiae vulnus infertur, cum laici Ecclesiae redditus temporales dispensant, quod modis omnibus impedire semper conata est universa Ecclesia. Hac de causa summi Pontifices gravissimos labores, imò & pericula sapissimè susceperunt; verum multo gravior læduntur Ecclesiae jura, dum Beneficia Ecclesiastica sine Canonica institutione inconsulto summo Pontifice, spreto Episcopis, demum absque auctoritate Ecclesiastica pleno jure conferuntur. In hunc abusum acrius insurrexerunt, & fortius pugnaverunt tum summi Pontifices, tum Concilia, tum seorsim Episcopi non pauci. Testis est celebris illa de Investituris controversia, circa quam per annos circiter quinquaginta decertatum est, quamvis jus Regalæ plura & majora mala, & incommoda afferre cernitur, & evidens. Nam investiturarum solemnitatibus potestatem spiritualem nullatenus conferre præsumebant Principes, ut asserit Yvo Carnotensis: cui tamen ceremoniæ viriliter restiterunt summi Pontifices, vel eo solo nomine, quod traditio baculi pastoralis & annuli, auctoritatis imaginem præ se ferret. Jure autem Regalæ non imaginem, sed titulum Beneficiorum pleno jure tradit Rex Christianissimus, adeo ut in ipsis Ecclesijs Cathedralibus Archidiaconatus,

natus, Archipresbyteratus, & Præbendas Theologales, aliasque dignitates aut personatus conferat Clericis ut plurimum ambitiosis & aliàs indignis, quorum tamen fidem, mœurs, ætatem, aliasque tum animi, tum corporis dotes nec Capitulo, nec novo Episcopo, cujus futuri sunt senatores & quasi membra, explorare minimè licet.

Exceptæ quidem B. P. huc usque fuerant ab hoc jure seu veriùs ab hac servitute Ecclesiæ Parochiales propter curam animarum, & jurisdictionem spiritualement in foro conscientiæ. Sed minantur Regis Officiales scriptis etiam typis excusis, Regem horum etiam Beneficiorum saltem præsentationem sibi posse vendicare. Idque jam contigit, collato scilicet Jure Regaliæ Beneficio Sacristia nuncupato, cui erat annexa totius parochiæ animarum cura in Ecclesia collegiata Sancti Felicis Diocesis Tholosanæ, ita ut qui hujusmodi collationem obtinuerat à Rege absq; ullâ institutione Canonicâ, possessionem sit ingressus. Cui quidem malo ut aliquod licet fortè perniciosum, tamen necessarium adhiberetur remedium, Clericus qui Canonico titulo curam hujusmodi obtinuerat, coactus est eam dimittere in manibus Collatoris, Clerico, qui jam à Rege impetraverat, concedendam.

Olim etiam, Beatissime Pater, (ut ex antiquis Curia Parisiensis placitis, seu arrestis constat) Theologi Beneficium Regaliæ non erat obnoxium, ob annexum scilicet concionandi munus, quod missionem Ecclesiasticam requirit, juxta illud oraculum D. Pauli: *Quomodo predicabunt, nisi mittantur*: & concilij Tridentini declarationem. Sed novis quotidie accessionibus autoritas illa Regia exerefcens, in nova semper sese extendit. Sic enim nuper vidimus jure Regaliæ constitutum Theologum in capitulo sancti Pauli Diocesis Alectensis.

Qua

Qua in Beneficiorum provisione, Beatissime Pater, Rex majorem sibi potestatem arrogat, quam exercent summi Pontifices. Non modò enim eum resignationes *in favorem* admittere posse tradunt aulici Doctores, seu verius assentatores, quod hæreditariam successionem sapit, à qua Ecclesia maximè abhorret, quòdque soli summo Pontifici propter potestatis plenitudinem competit; non solum etiam pensiones constituit Rex Christianissimus contra jus Canonicum, quod Beneficia sine diminutione conferri præcipit, verum etiam Beneficia permutata compermutantibus conferre non teneri se arbitratur. Juri quæsito derogat: nam quomodocumque vacet Beneficium, sive de jure, sive de facto; imò licet quis obænto Canonico titulo possessionem per procuratorem sit ingressus, nisi personalis & corporalis fuerit possessio, vacuum reputatur Beneficium, ut ab alio Regiâ provisione munito possit occupari. Nulla regulæ detriennali possessore habetur ratio. Nam etiam post viginti novem annos, à possessione sub Canonico titulo nendum colorato obtenta, potest Clericus jure Regaliæ deturbari. Si quis in aliquod crimen, propter quod beneficio privandus sit, inciderit, vel censuram aut irregularitatem contraxerit, beneficio spoliari potest à Regalista, etiam ante sententiam declaratoriam; quâ viâ causæ criminales Clericorum ad tribunal sæculare trahuntur, cui soli omnium causarum beneficalium interveniente Regaliæ jure non tantum in possessorio, sed etiam in petitorio cognitio est attributa; isque servatur ordo, ut possessio temper Regaliæ adjudicetur lite pendente. Unde si Rex alicujus quantumvis innoxij, censuris soluti, canonico titulo muniti, ac etiam omnino capacis & digni, officium alteri, licet non Clerico, Criminoso, infra debitam ætatem, demum omnino

nino inhabili (si quidem Rex nullius qualitatis mentionem facere tenetur) conferat, iste tamen ex lege Regaliæ, pendente lite, cujus sententia definitiva varijs artibus Regaliæ per longos annos protrahi poterit, possidebit. Nec enim potest Episcopus, aut Capitulum recusare Regaliæ, etiamsi injustitia & defectus tituli appareat.

Præterea Beatissime Pater, nec Summus Pontifex, nec Episcopus, aut alius quisquam collator durante Regaliâ, potest resignationes, permutationes, aut alias juris cessiones admittere, nec per obitum, aut alio quovis modo providere, neque jure prælationis, neque concursus, neque præventionis. Accedit quòd Rex Christianissimus jure Regaliæ pensiones autoritate Apostolicâ jam constitutas, beneficij collatione extinguit. Demum juxta Regalistas Doctores, Apostolicæ constitutiones, Ecclesiarumque statuta non refragantur, quominus Rex jure Regaliæ prohibitu voluntatis utatur. Innumera tandem sunt incommoda, seu potius monstra, quæ sequuntur ex Regaliæ jure, saltem si Doctorum nostrorum sententiam sicut jam in multis, ita in omnibus Rex Christianissimus sequatur: quod sine universi ordinis Ecclesiastici eversione, nec non animarum periculo fieri nequit.

Quod ad Ecclesiam Apamiensem attinet, quam ut vacantem Rex habet, licet à me indignissimo triginta quatuor ab hinc annis occupatam; conferuntur Dignitates & Canonicatus Sæcularibus & Regularibus diversorum Ordinum & Congregationum, ab antiqua Regula longissimè deviantibus, imò & eam ignorantibus: & à possessione deturbantur, qui bonâ fide vora consueta, atque præterea stabilitatis emisérant; non modò illi, quorum Beneficia & Dignitates, ex declaratione Regia Regaliæ obnoxia supponeban-

ponebantur, verùm etiam quæ ab hac servitute juxta Declarationis tenorem erant omnino libera; eo, sicut affirmant, consilio, ut sæcularisationem Capituli à primæva fundatione Regularis, quam meditantur, facilius impetrent; quam tamen non timeo, cum Sua Sanctitas reformationem potius, quàm relaxationem omnium Ordinum, juxta Sanctorum mentem, ac Conciliorum, & novissimè Tridentini decreta moliat, & indefessâ solitudine prosequatur. Facilius beneficijs privantur, quotquot Ecclesiasticæ Libertatis & Disciplinæ sunt studiosi, etiamsi ab ipsis Declarationibus Regis validissimam habeant defensionem; quia nisi primum Regaliam juridicè agnoscant, penitus non audiuntur: ac præterea redditibus suis privantur, occasione reddituum Archidiaconatus à Rege collati, quos Regium placitum sive Arrestum Presbytero sæculari adjudicavit, pro eo etiam tempore, quo nondum possessionem, imò nequitulum à Rege consecutus fuerat; etiamsi reditus hujusmodi fuissent in pia opera conversi, aut fortè aliquid sicet modicum juxta Capitulorum omnium, præcipuè Apamiensis, consuetudinem, à tempore cujus non extat memoria in contrarium, præsentibus & actualiter inservientibus distributum.

Verùm, Beatissime Pater, hæc mala in immensum excreſcent, si Rex nominationem novorum Episcoporum, quæ ad ipsum ex Concordatis inter Leonem X. Papam, & Franciscum I. Francorum Regem initis pertinet, differre voluerit etiam ultra tempus sibi ad hoc præstitutum, quod versutis Aulicis non esset difficile; sicuti suis temporibus factum fuisse testantur & conqueruntur D. Thomas Cantuariensis, ut in ejus vita refertur, & Sanctus Bernardus in suis Epistolis. Interim enim Rex omnia beneficia conferet,

& redditibus temporalibus, si libuerit, potietur. Quamvis enim ab aliquo tempore redditus illos novis relinquat Episcopis, testatur tamen ipsa donationis forma, gratuitam liberalitatem, non verò justitiam se exercere, vel sacris Canonibus morem gerere. Præterquam quòd illa pecuniæ summa, quæ à novo Episcopo Regionum Camera Comptorum persolvenda est, ut liberè temporalium bonorum possessionem capiat, ad libitum augeri poterit, quod sanè maximam habet simoniæ speciem.

Numquam, Beatissime Pater, Ecclesia juris aliquid in res Ecclesiasticas Principibus Sæcularibus concessit, quin ipsi arreptâ inde occasione multò majora usurpaverint; quod ne adductis aliunde probetur exemplis, Ecclesia Gallicana sæpius experta est. Concilium Aurelianense V. *can. 10.* Regis assensum ad electorum Episcoporum consecrationem requirendum duxit, quod aliquam boni speciem præferbat, ut scilicet consentiente utràque potestate Regnum majori cum tranquillitate gubernaretur, & Principes faciliùs brachium, cùm opus esset, commodarent Episcopis, quorum electionem gratam habuissent, illorùmque consilia, sicut suaserat B. Rhemigius, libentiùs audirent. Verùm hinc Reges ad eligendos è Curia Clericos, qui ad Episcopatum promoverentur, sibi viam paraverunt, illudque jus Clotarius II. *anno 615.* ad se pertinere publico declaravit edicto, vel certè supposuit. Caroli Magni non solum de Gallicana, sed etiam de Romana & universali Ecclesia bene meriti patrocínio & defensionì sese commiserunt Episcopi, ejusque auxilio non parùm sunt adjunctæ quam plures Dioceses, imò & opibus auctæ. Qua in re filius ejus Ludovicus cognomine Pius patrem est imitatus; sed nepos Carolus scilicet Calvus, quas defendere tuerique tenebatur, spoliare incepit,

cepit, vixque potuit ad meliorem frugem revocari. Philippus item hoc nomine primus in tertia dynastia Ecclesias sub prætextu investiturarum vendebat, aliasq; devastabat, licet Sancto Gregorio VII. summo Pontifici (ut ipsius litteræ fidem faciunt) acriter hujusmodi sacrilegia reprehendenti debitam polliceretur emendationem. Multum præterea obstitit Episcoporum sine ipsius assensu, licet alias canonicè electorum consecrationi, ut de Gallone refert Jvo Carnotensis.

Ludovicus VII. cognomine Junior, non solum Petrum à Papa Innocentio II in Archiepiscopum Bituricensem consecratum recipere recusavit, sed ipsam Ecclesiam Bituricensem, & Catalaunensem, & Rhemensem, & Parisiensem plurimum afflixit, ut conqueritur Sanctus Bernardus in suis Epistolis.

Si Reges, Beatissime Pater, ad apertè illicita sese extendunt, obsistentibus Summis Pontificibus: quid ipsis dissimulantibus? præsertim si introductam semel possint opponere consuetudinem. Certè cum Concilium Lugdunense Decreto, de non usurpanda Regalia, postulantiibus Francorum Regis oratoribus clausulam ad futura tempora restrictivam adjecisset, Bonifacius VIII. nullâ diligentia, nullo labore obtinere potuit, ut Philippus IV. à convertendis in proprios usus Ecclesiarum vacantium redditibus, & conferendis pleno jure Beneficijs in aliquibus Ecclesijs, in quibus superiores Reges eâ consueverant uti autoritate, abstineret.

Et sanè, Beatissime Pater, Reges nostri primò redditus futuro conservabant Episcopo, deinde feudorum Regalium proventus in sua commoda impendebant. Postmodum idem de decimis, quæ jure Divino ad Ecclesiam pertinent, jus sibi statuerunt. Demum beneficia ipsa pleno jure distribuerunt: & hæc quidem principio in quibusdam tan-

tum Ecclesijs, modò, si Ecclesia fileat, in omnibus. Olim simplices Præbendæ conferebantur, modò etiam Dignitates, quibus annexa est jurisdictio spiritualis, aut onus concionandi, imò licet adjuncta sit animarum cura. Tandem etiam ipsæ parochiales Ecclesiæ (si prælati dissimulent) in hanc servitutem rediguntur, non sine evidenti animarum jactura.

Scio equidem, Beatissime Pater, periculosum esse Rebus præsertim potentibus contradicere, idque jam aliquatenus expertus sum. Verùm non facio animam meam pretiosiores, quàm me. Utinam ob peccata mea indignus non essem, qui non solum cum Beato Anselmo bonis spoliarer (quod misericordiâ Divinâ mihi jam contigit) sed & cum B. Thoma Cantuariensi Archiepiscopo etiam mortem pro juribus Ecclesiæ subirem.

Cæterùm, Beatissime Pater, verendum non est, ne quid hæc occasione, fidei, Religioni, aut Ecclesiasticæ unitati accidat in regno, cui præest Princeps, Christianissimi Regis, Ecclesiæ Primogeniti & Protectoris nomina ab Atavis, pluribus abhinc sæculis accepta maximo tribuens honori; Princeps Religionis & justitiæ amans, sed ab aulicis assentatoribus præventus; in regno, inquam, cujus florentissimus est Clerus, licet fortè in hoc negotio Regiæ voluntati nimis obsequens: in quo demum populus est non solum sincerâ fide, sed etiam magna ex parte Christianis moribus conspicuus agnoscitur.

Mihi certè sufficit causæ justitiæ diu discussa, & evidenter patefacta; quòdque plurimas vires addit, Sanctæ Sedis (cui semper & vivens & moriens adherere cupio) judicio comprobata, ut ex litteris Apostolicis ad Regem Christianissimum didici, quarum exemplar Gallico sermone

mone conscriptum Parisijs huc usque transmissum est; sufficit inquam, Beatissime Pater, ut omnia impendam, & ipse superimpendar, si Deus Optimus Maximus, sicut desiderium suggerit, ita vires subministret, idque Vestra Sanctitas suis precibus impetret.

Dabit, Beatissime Pater, veniam Sanctitas Vestra: si res tanti momenti, cuique aliunde remedium, quàm à Sanctissima Sede non possit adhiberi, breviori Epistolâ non potuit exponi. Scio Sanctitatem Vestram plurimis iisque gravissimis negotijs distineri; sed cùm Rex Christianissimus invictissimas rationes & humillimas preces (ut causæ meritum postulabat) non audierit, ad solitum afflictorum Episcoporum præsidium recurrendum fuit; nec vanam fore spem, licet secus vociferentur adversarij, ut & meum & aliorum Episcoporum frangant animum, confidit.

Datum in Aedibus B. Mariæ de Sabart. Die 8. mensis Novemb. anno verò 1678.

BEATISSIME PATER,

Sanctitatis Vestræ

Humilissimus & obedientissimus in Christo

Filius & famulus

Franciscus Episcopus Apamiensis.

Documentum XXXI.

Primum Breve Sanctissimi D. N. INNOCENTII
Papæ XI. ad Illustrissimum & Reverendissimum
Episcopum Apamiensem.

Venerabili Francisco Episcopo Apamiensi
INNOCENTIUS Papa XI.

Venerabilis Frater, salutem & Apostolicam benedictionem. Molestiarum & incommodorum, quæ pro
tuendis

tuendis juribus Ecclesiæ tibi commissæ sustinere te scribis; Nos quoque maximam in partem venimus, ad quos in primis pertinent damna & offensæ, quæ Christi Dei inferuntur. Gratulandum tamen potius, quàm dolendum est, fraternitati tuæ, de hujusmodi adversis, ex quibus copiosa tibi seges enascitur exercendæ virtutis & constantiæ Pastoralis; cui quidem magno incitamento & pari solatio esse non dubitamus Dei promissum, tribulationem pro ipsius causâ patientibus cælestem opem, ac tandem mercedem magnam nimis defuturam. Quod ad Nos atinet, Regem Christianissimum per litteras diligentissimè scriptas rogavimus, ut non solum Apamiensis Ecclesiæ indemnitati consultum velit, sed etiam omnium aliarum Ecclesiarum, quæ cum juri, quod vocant Regaliæ, obnoxia nunquam fuerint, recentibus tamen Regij senatus decretis contra omnes humani diviniq; juris regulas, ac veterem inconcussamque observantiam, hujusmodi onus subire coactæ sunt. Id ipsum omni contentione ac studio urgere non desistemus, sicubi Officij Nostri ratio, & imposita Nobis omnium Ecclesiarum sollicitudo postulat, confisi in divinæ misericordiæ thesauris, aliquando fore, ut idem Christianissimus Rex pro eximia atque avita pietate sua, rei veritate melius cognitâ, alia consilia, aliam mentem induat. Fraternitati interim tuæ Deum totius consolationis propitium usque precamur, ac peculiaris Nostre erga te charitatis indicem Apostolicam Benedictionem peramanter impertimur. Datum Romæ apud Sanctum Petrum sub annulo Piscatoris die 4. Januarij 1679. Pontificatus Nostri anno tertio.

Marius Spinula.

Docu-

Documentum XXXII.

Breve Sanctissimi D. N. INNOCENTII PP. XI. ad
 Illustrissimum & Reverendissimum Archiepiscopum
 Tholosanum.

Venerabili Fratri Josepho Archiepiscopo Tho-
 losano INNOCENTIUS Papa XI.

VEnerabilis Frater. Delatæ nuper sunt ad nos querelæ
 Monialium Ordinis sanctæ Claræ Urbanistarum in
 Tholosana civitate, graviter dolentiū, & dolorem suum in
 paternum sinum Nostrium multis cum lacrymis deponen-
 tium, ut accisis ac penè perditis rebus suis præsentem opem
 pro Apostolici muneris Nostri debito afferamus: per hos
 enim dies ad illud Monasterium venisse Monialem quam-
 dam magno comitatu, militum etiam cohorte stipatam;
 ut Abbatissatūs perpetui possessionem invaderet, prætextu
 Regiæ nominationis, nulli juri, aut consuetudini, nulli
 Apostolico indulto subnixæ: se quidem ad inusitatæ rei
 spectaculum primò attonitas, mox collectis animis, & im-
 ploratâ cœlesti ope, quacumque ratione licuit, restitisse, ne
 immunitati Ecclesiæ, & instituto Ordinis sui Apostolicâ au-
 thoritate firmato, tam inaudita, ac tam perniciosi exempli
 injuria inferretur; sed superante vi militum cedere tandem
 coactas, effractisq; foribus, & pariete ipso, liberum multis
 sæcularibus aditum patuisse, cum quibus ingressos quoque
 milites violenter ibi & sacrilegè multa patrâsse, magna
 cum totius civitatis indignatione & scandalo, Fraternitate
 autem tuâ, quæ par omnino erat, ut venientibus Lupis Pa-
 storale pectus opponeret, non solum non repugnante, sed
 ultro eos quodammodo invitante, & Monasterium edito
 decreto

decreto per vim recludi jubente. Inhorruit ad tam indignæ rei nuntium animus. Noster, adeoque monstri similis visa est, ut quamvis aliunde quôque eadem afferrentur, vix tamen persuadere Nobis potuissimus, Archiepiscopum Tholosanum, inspectantibus Religiosissimis fortissimisque Galliarum Episcopis, & Galliâ universâ, eò progressum fuisse, ut dignitatis ac muneris sui oblitus, nullo horribilium censurarum, & cœlestis iræ metu, nullâ famæ reverentiâ, tanto facinori, pro quo impediendo animam ipsam, boni Pastoris exemplo, ponere debuisset, non solum non resisteret, sed etiam suffragaretur; nisi memoriâ teneremus, quid duobus abhinc annis in negotio Regaliæ, ut nuncupant, ubi de Apamiensi Ecclesia Tholosanæ suffraganea agebatur, decernere ausus fueris contra manifestam causæ justiciam, contra omnes humani divinique juris regulas, contra ipsius Ecclesiæ totiûsque Provinciæ tuæ jura & libertatem, & contra morem prædecessorum tuorum aliorumque Galliæ Præsulum, qui in similibus casibus Regiæ voluntati atque indignationi, ne muneri suo deessent, obviam fortiter cundo, & Dei causam strenuè orando, læta & salutaria Ecclesijs suis responsa ab ingenita Christianissimorum Regum justitia & pietate retulere. Officij itaque Nostri esse duximus, gravem ac planè acerbum ea de re animi Nostri sensum tibi aperire, tæque in Domino monere, ut diligenter consideres, quo in periculo sis experiundæ divinæ ultionis, quam facile provocabunt gemitus tot lectissimarum Virginum, quarum vitæ innocentia & candor, atque assiduus divinarum laudum concentus deliciæ quodammodo sunt cœlestis Sponsi, cui sacrosancto & insolubili vinculo conjunctæ fuere; nisi quàm primum, emendatis, quæ admissa sunt, misericordiarum Patris clementiam demereri studueris. Alio-

quin.

quin Nos, pro Vicaria Christi Domini in universam Ecclesiam potestate, quâ fungimur quamquam indigni immerereturque, & pro solitudine, quam debemus unicuique Christi fidelium ad paternum patrocinium Nostrum confugiendi, cogemur de opportunis remedijs seriò cogitare.

Datum Romæ die 18. Januarij 1679.

Documentum XXXIII.

Tertia epistola Illustrissimi & Reverendissimi
Episcopi Apamiensis ad Regem Christianissimum.

Apamijs 6. Junij 1679.

QUandoquidem Deus operâ Majestatis Vestræ pacificandæ toti Europæ usus est, spem concepi, fore ut eodem quoque tempore humillimis meis precibus placata Majestas Vestra pacem alijs concessam, Episcopo ejusque afflictissimæ Ecclesiæ haud esset negatura. Quintusdecimus jam mensis agitur, cum omnes Episcopatus mei proventus, qui vid. Patrimonium Christi sunt, & ex meris Decimis constantur, subtrahuntur mihi, & tamen toto hoc tempore nihil eorum omisi, quæ ad omnes officij mei partes explendas necessaria videbantur. Enimverò nullius culpæ mihi conscius sum, ob quam meritus hanc pœnam videri possim, nisi quòd juramentum fidelitatis jam ante quatuor & triginta annos Majestati Vestræ præstitum inscribi non fecerim: & planè testari possum, non hoc ex minori aut observantia, aut veneratione erga Majestatem Vestram provenisse, sed ex solo offendendi Numinis metu, si juramentum illud violâssem, quo conservandis juribus ac privilegijs Ecclesiæ meæ, cum Episcopali Dignitate in-

R. E.

signirer,

signirer, tam solemniter, sancteque me obstrinxi: jura-
mentum inquam illud, quo pro juribus ac libertate Eccle-
siae Sponsae Jesu Christi tuendis, facultates ac vitam, imita-
tione tot aliorum Sanctorum, qui idem jucundissimo ani-
mo praestiterunt, profundere compellerer. Numquid enim
Majestati Vestrae æquum videtur, ut cum pro sustinendis
rationibus Principum hujus Mundi tot hominum millia
intrepidè morti occurrant, nullus tamen sit, qui pari ardore
ac firmitate Ecclesiae causas amplectetur? & quàm infelix
Principum conditio fuerit, si, cum homines sint, ideoque
& errare ipsi, & seduci ab alijs possint, cogamur tamen
eorum voluntati ac imperijs obtemperare, etiam cum ali-
qua jubent Divinis legibus adversa? Quin potius cre-
diderim ego, nullum majus aut amoris, aut fidelitatis argu-
mentum in Principem suum fore, quàm si malè aliquid
agenti jubenuve (quod sapè ignari, præterque intentionem
faciunt) cooperari nolis, ac criminis societatem recuses.
Et abundant planè cum sacrae, tum profanae historiae Epi-
scoporum Procerumque Regiorum exemplis, qui cum
Dominis iniqua imperantibus generosè obstitissent, gratiã
apud Principem magis magisque floruerunt. Hæc Maje-
stati Vestrae tam sunt nota, ut ijs immorari non sit necesse.
Adulantur planè Majestati Vestrae, qui persuadere Ei co-
nantur, Regaliam jus esse Ejus coronæ ac Regiæ potestati
annexum, cum tamen, si brevitatis epistolæ debita non
prohiberet, facile demonstratu esset, nihil aliud esse Re-
galiam, quàm Privilegium, contra primævam Ecclesiarum
libertatem Principibus concessum; idque tam certum &
apud omnes in confesso est, ut intrepidè asseverare possim,
numquam nisi ultimis hisce diebus de hac veritate dubita-
tum esse. Sed nec jus Regalæ percipiendæ Majestati Ve-
stræ

stræ hæcenus adscriptum fuit, nisi Ipsa aut Possessionem memoriam hominum excedentem, aut Privilegia ostendisset Lugdunensi Concilio antiquiora. Hoc enim à quatuorjam seculis in Gallijs receptum sub pœna excommunicationis districtè prohibuit, ne Regalia ad Ecclesias hæc servitute hæcenus liberæ (inter quas est Apamienfis) extenderetur.

Hæ sunt ergo rationes, quibus justitia illius causæ nititur, quam ego defendendam suscepi; & possum Majestati Vestræ affirmare, tam esse illam omnibus æqui bonique amantibus perspectam probatamque, ut nullum mirandi finem faciam, fuisse qui Majestatem Vestram hæc omnia hæcenus celaverint; imò post Summi etiam Pontificis super hoc argumento Majestati Vestræ significatas intentiones pergant nihilominus tanti momenti veritates, ac Principi tam æquo rerumque intelligenti, alienis falsisque coloribus fucare, multoque aliter, quam se habent, proponere.

Me administratione omnium proventuum spoliârunt, idque tam inclementer, ut ne quidem vitæ necessaria reliquerint, quæque etiam flagitiosissimis permittuntur; cum tamen jus necessaria à subditis percipiendi ex Lege Divina proveniat; neque id sit meræ gratuitæque fidelium liberalitatis, sed potius actus necessariæ justitiæ, ac obligationis à Christo subditis impositæ, ut vid. temporalia præstent, à quibus Verbi Divini ac Sacramentorum spiritualia alimenta perceperunt, & ideo Beatus Paulus hoc ipsum jus necessaria alimenta à Fidelibus petendi Apostolis competere fatetur; nec dubium est, ab Apostolis ad Episcopos legitime eorum Successores transisse. Nulla ergo potestas humana oraculo Christi Domini derogare potest, asserentis: *Dignum esse Mercenarium mercede suâ*; & Apostoli:

Neminem suis stipendijs militare; & eum qui oves pascit, ab ovibus vicissim pascendum esse, pronuntiantis. Quòd ergo Episcopi necessaria vitæ à subditis suis, hoc est, proventus Episcopales recipiant, juris est naturalis Divinique. Nunc verò parùm fuit Majestatis Vestræ Ministris, ut me Septuagenarium Episcopum, ac morbis conflitantem, omnibus Episcopatus mei proventibus spoliarent, nisi etiam omnia quoque subsidia, quæ à Capitulo meo Cathedrali expectare debebam, æquè subducerent: nam ex duodecim Canonicis, qui Collegium hujus meæ Ecclesiæ componunt, novem planè abdicarunt, nullà nec servitorum, quibus alij quindecim, alij viginti annos de sua Ecclesia bene meriti sunt, habitâ ratione; nec votorum Religiosæque Professionis, quæ illos ob promissam stabilitatem uni Ecclesiæ adstringit, nec vagari permittit. Taceo excessus ultimæ crudelitatis in eosdem Canonicos exercitæ, quæ uti omnes justitiæ & humanitatis leges perverterunt, ita fidem superarent, nisi documenta præstò essent adeò certa & indubitata, ut credere etiam inviti compellamur. Quod si quæras, quodnam tandem sit illud crimen, quod plecti meruit tam indignis tamque inhumanis modis? Illud unum affertur, quòd vid. Deum offendere verebantur, si Ecclesiæ non obtemperassent, ac censuras contempsissent, quas ego ex præscripto Sacrorum Canonum ijs comminari sum coactus, qui Regaliam meæ Ecclesiæ imponere conabantur, cùm tamen compertissimum sit, eam semper intra terminos Juris communis liberamque stetisse. Sed quod omnem admirationem superat, illud est, Canonicis, quos Regij Ministri expulerant, alios suspectos esse ex omni ferè Gallia, ac sine delectu conductos, aut vid. alterius Instituti ac Religionis socios, aut omnino laicos, aut atate ac moribus juvenes,

juvenes, quique, ut ipsimet fatentur, nullâ re minùs, quàm Ecclesiasticæ vitæ desiderio tanguntur: & denique, quod planè omni exemplo caret, pueris è Collegio recèns eductis, nec sacris Ordinibus, ob immaturam ætatem, adhuc apertis Canonicatus & Dignitates conferuntur, nullâ aut in-
eundi Tyrocinij, aut emittendæ Professionis impositâ necessitate, quod planè nihil aliud est, quàm Ecclesiam ab origine ac fundatione sua Regularem sine auctoritate Pontificis Ecclesiæ Capitis ad conditionem sæcularem reducere; Sed & illud ad malorum cumulum addidère, ut vid. major pars proventuum ad Capitulum Cathedrale spectantium in expensas planè inutiles consumerent, nullâ orandæ Ecclesiæ, nullâ sublevandorum pauperum curâ; imò ut omni obligatione pauperes adjuvandi deinceps absolverentur, Sententiam seu Arrestum à Majestatis Vestræ Consilio impetrârunt, quo Constitutio mea abolebatur; ea verò modicam aliquam eleemosynam indixerat ad solatium trium Parochiarum pauperum, unde mille & octingentarum librarum proventus legebantur. Quis umquam persuadere sibi potuisset, sub Principe, & Catholicæ Religioni ac justitiæ tam addicto, utrâmq; tamen tam apertè, nullôque pudore, & tanto tempore violatam esse? Non omisit quidem preces lacrymâsque miscere, ut remedium tot malis à Deo impetrarem; sed ne videar aut metu, aut negligentia meis precibus defuisse, illud adjungo, ut throno etiam Majestatis Vestræ supplex advolvar, Eamque, quâ maximâ licet, veneratione ac demissione compellem, dignetur Ecclesiam Apamiensem quæ ac alias hujus Provinciæ Diœceses in hanc usque diem hætenus liberam, nativæ ac Canonice immunitati relinquere; nec patiatur Capitulum meum Cathedrale, quod hætenus cum tantâ ædificatione ac

fructu vitam regularem duxit, ad sæcularem statum dilabi. Jubeat denique, juxta Apostolicas ac Canonicas Regulas, liberam mihi plenamque proventuum Episcopaliū administrationem restitui: nam si Regum Galliæ præcipua gloria ac decus fuit, ut in eorum sinu, quoties Episcopi affligerentur, tutam stationem ac asylum suis persecutionibus & ærumnis invenirent; cur sperare non liceat, Majestatem Vestram non permissuram, ut ego, quem semper testimonio etiam hujus Provinciæ fidelissimum habuit, tot deinceps calamitatibus premar? Cæterum utcumq; res meæ eadant, numquam ego cessabo pro Majestatis Vestræ Ejusque Regiæ familiæ incolumitate Divinam Bonitatem implorare, eróque ad cineres usque. Apamijs 6. Junij 1679.

Majestatis Vestræ

Humilimus & Obedientissimus.

Servus.

Franciscus Episcopus Apamiensis.

Documentum XXXIV.

Epistola D. Foncault Aquitanix Præfecti ad
Reverendissimum & Illustrissimum Episcopum
Apamiensem.

A Montauban, 19. Febr. 1678.

CRedidi mearum partium esse, Illustrissimæ & Reverendissimæ Dominationi Vestræ suggerere, crastinâ die, quæ vigesima est currentis mensis, dilationis à Senatu Regio concessæ terminum expirare, quo Illustrissima Dominatio Vestra jubebatur in Camera Computorum Parisiensis juramentum fidelitatis suæ inscribendum emittere.

Pla-

Placeat ergo mihi insinuare, quid sibi in hac causa faciendum proposuerit; jubeor enim, nisi Ipsa Regiæ Declarationi acquieverit, proventus Apamiensis Episcopatus detinere. Spero Dominationem Vestram Majestati Suae gratificaturam, sicque absolutum me iri necessitate tam durum ingratumque imperium explendi. Interim, &c.

A Montanban. 19. Febr. 1678.

Humillimus & Obsequenissimus

Servus

Foncaule

Documentum XXXV.

Responsio Illustrissimi & Reverendissimi Episcopi Apamiensis.

Apamijs 23. Febr. 1678.

VEhementer Vobis obstringor, ob exercitam in me humanitatem, simulque significo, me datis ad Majestatem Suam litteris reverentiâ ac veneratione plenis, quantum vid. Supremo meo Principi debeo, rationes exposuisse, quibus conscientiam meam illigari sentio, ne Sacramentum fidelitatis inscribi permittam. Nec despero, Regem æquitatis amantem aliquid meis precibus delaturum. Planè si placeat Vobis ingens illud desiderium æstimare, quo teneor voluntati Regiæ obsequendi, faciliè intelligetis, me, quâ hætenus nihil charius & antiquius habui, quàm ut semper Principi obtemperarem, ne id quoque in præsentî causâ agam, solo metu offendendi Dei prohiberi. Temporales proventus quod attinet, illi ut semper mihi oneri & periculo fuere, ob necessitatem reddendi de illis Omnipotentî Deo rationem, ita (si modò absit Ecclesiæ injuria) parafissimo

simo animo feram, si alterius curæ ac fidei committantur, qui illos reparandis Ecclesijs sublevandisque pauperibus aptius impendat. Credo equidem, me cordi Deo futurum, & cum ipse unâ cum Dignitate Episcopali causam quoque Ecclesiæ, quæ Jesu Christi est Sponsa, curæ ac fidei meæ commiserit, sperare omnino mihi licet, eum quoque vires sustecturum, quibus pacato latroque animo infortunia omnia excipiam, quæ ob servatam ei fidem obvenire mihi poterunt. Sum interim eroque, dum vixero Apamijs 23. Febr. 1678.

*Humilissimus & Obedientissimus
Servus*

Franciscus Episcopus Apamienfis.

Documentum XXXVI.

Epistola Reverendissimi Episcopi Apamienfis
ad Illustrissimum & Reverendissimum D. Franciscum
deHarlay, Archiepiscopum Parisiensem.

Parisij 6. Junij. Anno 1679.

TOti Galliæ persuasum est, Illustrissimam Dominationem Vestram non parùm contulisse ad novam Regis Declarationem, quâ omnes Regni Gallici Ecclesiæ subdi Regaliæ jubentur. Crediderimverò communem hanc opinionem ex eo fluxisse, quòd Illustrissima Dominatio Vestra operam auctoritatèmq; suam in Comitij Cleri Gallicani, quibus Ipsa præsidebat, non solùm non impendèrit, eumque ut Regi supplicaret, permovere noluerit (id quod D. Episcopus Alestensis nuper defunctus datis ad eadem Comiticia literis enixè petierat) verùm etiam ne id fieret
cla:

elaboraverit, utique eâ ratione permota, quòd Ecclesiarum nostrarum jus nec tam clarum, nec tanti momenti esse crediderit, quàm reverâ est. Enimverò naturalis inclinatio, quâ omnes afficimur Principem demerendi, ignoratio quoque juris Regaliæ, quâ plerosque laborare Sapientissimi quoque Parisiensium confitentur (numquam enim hæc materia etiam ab ijs Episcopis, quorum maximè intererat, satis examinata & discussa fuerat) ac denique usus Regaliæ in quibusdam Ecclesijs Urbi Parisiensi vicinis receptæ; hæc inquam omnia forsan effecere, ut Illustrissimam Dominationem Vestram ea veritas lateret, quam nunc omnes intelligunt, qui modò hoc argumentum maturè omnique affectu liberi examinârunt. Cùm ergo nihil gloriosius sit, quàm si legitimæ rationes suppetant, sententiam mure, omnino de Illustrissimæ Dominationis Vestræ Generositate polliceor mihi, Eam pro auctoritate, quâ apud Regem præcipuè floret, effecturam, ut is ad conservanda privilegia ac jura Ecclesiarum animum adijciat, exemplo vid. tot magnorum Principum Majestatis Sux Prædecessorum, qui ut potentiâ & gloriâ apud posteros florerent, pietate ac religione suâ à Deo impetrârunt. Ipsique Historiarum Scriptores nihil aliud habuere, quo magis gloriam commendarent, quàm quòd honorem Ecclesiæ, quam matris loco venerabantur, privatis Coronæ ipsius causis antehaberen. Et verò persuasum habeo. Ipsum Regem, quippe justum rerum æstimatorem, quemadmodum consilium, quod illi extendendæ Regaliæ suggessistis, Zelo Ejus augendæ potentiæ, Vestræque in eum fidelitatis probandæ adscripsit; ita vicissim, cùm exploratâ jam veritate in aliam Eum sententiam flectere laborabitis, æquitati id Vestræ magnoque amoris adscripturum, quo Ejus æternæ salutis.

verâque gloriæ promovendæ flagratis. Nec fieri à Vobis aliud poterit, quo magis Divinam Benedictionem in Vos Vestramque Ecclesiam provocetis, quôdque omnes in hoc Gallico Regno æqui bonique amantes majori gaudio afficiat; imò quod ipsius Regis gratiam bonâque opinionem magis Vobis conciliet: is enim ingenuè agnoscer, negotiorum multitudinem, quæ animum Vestrum distringunt, impedimento fuisse, ne has Regaliæ materias adeò obscuras implexâsque, & à communi Jure, ablucentes, examinare Vobis licuerit; & tamen ne partibus meis deessem, ego illas datis ad Regem, & Archiepiscopum Tholosanum litteris clarè exposui; nunc tantum illud adjungo, ex communi receptâque omnium Juris-Consultorum opinione: *Omnia libera præsumi, nisi contraria servitus probetur*; quæ veritas si in alijs omnibus locum habeat, multo maximè circa Ecclesias procedit. Nunc ergo si rationes & auctoritates ritè expendantur, quæ pro Regaliæ servitute Ecclesijs imponendæ in medium afferuntur, id unum sufficiet, ut æquitas causæ appareat, quam ego defendendam suscepi: si enim ab usu & antiqua possessione præscindas, alia, quæ cumulari in hanc rem solent, sunt omnium Sapientum sententiâ non infirma solum & inaniâ, sed etiam risu digna. Cùm ergo nec in mea Diœcesi, nec in alijs quampluribus Ecclesijs usus & antiqua consuetudo probari possint, sequitur, non posse illis, nisi sacrilegâ usurpatione Regaliæ servitutem imponi: quod si circa hanc rem dubium aliquod supersit, nihil moror, ut illi Deo juvante quamprimum abundèque satisfaciam. Cæterùm tam multa & singularia Generositatis & Amicitiae argumenta ab Illustissima Dominatione Vestra jam accepi, & si ista deessent, notitia, quam habet de voluntate Romani Pontificis, deque

Sacro:

Sacrorum Canonum Decretis, quæ Prælati in Principum aulis versantibus severissimè prohibent, ne in suarum Ecclesiarum suorumque Coëpiscoporum, imò omnium inferioris etiam conditionis Clericorum detrimentum attentare aliquid audeant, id quod in Concilio Avenionensi Anno 1326. sub Joanne XXII. *capite 25.* & in alio etiam Avenionensi sub Benedicto XII. Anno 1337. *capite 20.* repetitum est: hæc, inquam, omnia securum me certumque reddunt, Illustrissimam Dominationem Vestram præ omnibus privatis affectibus, quæ aliàs morari Eam possent, causam Ecclesiæ amplexuram esse, & interim, &c.

Apamijs 6. Junij 1679.

Illustrissimæ & Reverendissimæ
Dominationis Vestræ

Humilissimus & Obsequentissimus

Servus

Franciscus Episcopus Apamiensis.

Documentum XXXVII.

Epistola ejusdem Illustrissimi & Reverendissimi
Episcopi Apamiensis ad R. P. de la Chaise Societatis Jesu,
& Regis Confessarium:

Asabat. 14. Jun. 1679.

Admodum R. Pater.

Jamdudum animo proposueram A. Reverendam Paternitatem Vestram litteris convenire; sed ne id facerem, duas præsertim ob causas prohibitus sum; primò enim verberbar, ne operam perderem, & nihil scribendo proficerem; deinde ne si conquerer, quas à P. Vestra sufferre molestias

Si 2.

cogor,

cogor, Ipsa privato potius dolori, quàm æquitati Zelóque Immunitatis Ecclesiasticæ conservandæ eas querelas adscriberet. Ne tamen ulla in re partibus meis defuisse viderer, aut aliquid inexpertum reliquisse, bonæ causæ libertatiquæ Ecclesiæ à Divina Providentia mihi commissæ promovendæ, statui amicorum consilijs cedere, & siquid obtineri posset, hâc quoque epistolâ experiri, deinceps exitum hujus causæ, & tam substantiam, quàm modum ipsum ex animo integrèque Deo commissurus, ut is videlicet juxta præscriptum legesque Divinæ Sux Providentiæ omnia moderetur. Equidem si aut contra Paternitatem Vestram, aut ejus Societatem privatis odijs ac simultatibus concitarer, scit Ipsa, quàm multæ præclaræq; occasiones abundaverint, justum animi mei dolorem contestandi, neque ab ullo mortalium id mihi vitio verti potuisset, quippe non mea, sed veritatis ac justitiæ, imò boni publici causâ agebatur; at malui Charitatis Christianæque prudentiæ rationem habere, nec prius silentium abrumpere, quàm necessitas loqui me cogeret.

Planè cùm Paternitatem Vestram & Christianam esse, & Religiosam cogitabam, numquam persuaderi poteram, & nisi aut Ipsa, aut ejus Societas aliqua in re offensâ à me esset, adeò vindictæ avidam fore, ut eam tanto Divinæ Gloriæ ac Immunitatis Ecclesiasticæ dispendio quæreretur.

Reminisci adhuc potest, cùm eam conveniendi Parisijs occasio fuisset, vidissèmque globò Ecclesiasticorum incinctam, ejus favore Beneficia captantium, dixisse mihi: *Hos esse lupos prædam insidiantes.* Quâ ergo conscientia, quæ gregi ovium innocentium alendo debebantur, rapacibus lupis Ipsa projecit? imò ne expectavit quidem, ut fauces aperirent prædæ expetendæ, sed etiam eorum famem prævenit; cùm

cùm enim Canonici Ecclesiæ meæ vitam Regularem proficiantur, quam ego Apostolicâ auctoritate Regisq̃ auspicijs feliciter restitui, ij, qui in Beneficijs Ecclesiasticis nihil aliud quàm proventus opesq̃ affectant, nullâ planè curâ Canonice tangebantur, quibus paupertatis vitæq̃ communis obligatio incumbit. Sed Paternitas Vestra illis animos addidit, oblatâ spe eos Canonice ad vitam sæcularem revocandi, idque se effecturam promisit.

Eadem quoque Patris Ferrier intentio fuerat, vitam Regularem in Ecclesia mea abolere volentis; id verò quàm à Divina voluntate alienum fuerit, satis intelligere Paternitas Vestra ex ijs difficultatibus potuit, quæ Romæ & alibi superari non potuere: non ergo capere possum, ex quibus rationibus animum ipsa adjecerit illi operi destruendo, quod Patres etiam Societatis, quorum utique testimonia suspecta habere non potest, approbare conati sunt, ac sæpè confiteri, illud in Dei gloriam, Diocesis utilitatem, totiusq̃ Ecclesiæ ædificationem redundare; nisi fortè easdem ob causas delendæ vitæ Regulari accincta est, ob quas non est verita palàm jactare, id quoque majori DEI gloriæ accessurum, si jam pridem Ecclesiam meam Regij clausissent. Quò ergo, mi Pater, demissa illa veneratio, & cæca obedientia avolavit, quam Societas Vestra Apostolicæ Sedi hætenus professæ est? video enim conari Vos destruere, quod illa ædificavit; idque non solum sine Sedis Apostolicæ auctoritate, sed etiam contra illam. Observatum enim est, in ultimis Codicillis, quos Paternitas Vestra pro obtinendis Ecclesiæ meæ Canonicatibus expediri fecit, omis- sam fuisse clausulam addi aliàs solitam, quâ vid. qui hujusmodi Beneficia impetraverant, jubebantur habitum Regularem assumere, Tyrocinium experiri, ac denique Pro-

professionem emittere. Qui ergo non omnino cæci sunt, imò qui se inter præcipuos amicos Paternitatis Vestræ profitentur, hæc omnia spectare eò dicunt, ut, non obstantibus Capituli mei Romanæque Sedis protestationibus Decretisque, sæcularis vitæ licentiam inducat, Regulari extinctâ, sicque quacûmque tandem ratione, etiam Professione suâ planè indigna fidem exolvat, quam illis obligavit, quos ad captandos Ecclesiæ meæ Canonicatus jam priùs impulerat.

Utinam saltem Paternitatem Vestram ab hujusmodi conatibus reverentia retineret Gallici Regni, in quo nemo non videt, abuti ipsam fiduciâ, quam munus Confessarij ei apud Regem conciliavit, & quâ id unicè agit, ut præcipua Ecclesiæ jura ab ignaro licèt Rege violentur, utque Principis auctoritate tam injustæ sævæque actiones muniantur, quas, nisi publicis & authenticis monumentis constarent, nemo credere sustineret. Enimverò fieri non potest, ut Paternitas Vestra Regaliæ examinandæ animi solidè adjecerit, quin protinus intellexerit, eam nec in mea, nec in alijs quampluribus Ecclesijs locum habere, sicque ingenti damno Ecclesiam afficere, quando Regi persuadet, ut eam sibi usurpet. Quod si Paternitas Vestra istarum rerum plenam notitiam non habet, quâ rogo conscientiam non minùs inclementer sævæque nos persequitur, quàm si Rei essemus Divinæ humanæque Majestatis?

Non permittit brevitatis epistolæ debita, ut hic aut rationes percurram, quæ causæ à me susceptæ æquitatem ostendant, aut seriem malorum pertexam, quæ tanto jam tempore Regaliæ obtentur perpetior, præsertim cùm persuasum habeam, Paternitatem Vestram non tam ignorantiam rerum, quàm odium mei laborare, quod ut deponat, à solo Deo expectari potest. Enimverò metus Regiam indignationem

pro-

promerendi, si vid. Regi innotescat, se ab eo deceptum esse, cujus unica & præcipua obligatio erat Principem rerum, quæ ad animæ Ipsius æternam salutem veramque gloriam pertinent, admonere, pudor quoque errorem ingenuè confitendi, ac denique ingens cupido deprimenti calcandique Episcopum Societatis Vestrisque maximis (quippe à Christiana Sanctorumque Patrum Doctrina alienis) adversum: hæc, inquam, omnia ingentia sunt, Paternitati Vestræ profitendæ veritatis impedimenta, nec ab alio, quàm, qui cordium Dominus est, superari possunt, & tamen mihi credat (neque enim, uti spero, se ab Episcopo admoneri indignè feret) multa sunt, quæ justo eam timore percellere possint, ne, posteaquam ob calcatam immunitatem Ecclesiasticam Divinam indignationem in se provocavit, Regiam quoque incurrat; Rex enim, quæ est Prudentiâ & æquitate, ubi aliquando intellexerit Se consilij à vobis suggestis, ac contra animi sui sententiam deceptum, tot malorum causam fuisse, non poterit non ea omnia eorumque auctores damnare. Ex adverso si Paternitas Vestra infortunium ac impendunt mala præveniat, expleatque boni Confessarij partes, suamque industriam Regis saluti impendat, cujus vid. animam gubernandam suscepit, Dei Benedictionem experietur, & Rex quoque gratum acceptumque habebit, Se veritatem aliquando saltem edoctum esse. Illos verò, quibus Paternitas Vestra causa fuit, ut Censuras Ecclesiæ incurrerent, longè majori Beneficio affecerit, si potius viam illis & rationem ostenderit, quâ se dignos reddant Ecclesiasticis honoribus, quàm ut contra Canonum præscriptum sibi illos usurpent; & denique quicumque æqui justique amantes sunt, Deum ex animo benedicent, ubi intellexerint, Paternitatem Vestram

stram auctoritatem suam persuadendo Regi interponere, ut Regaliâ intra finès à Majoribus suis obtentos, & à Lugdunensi Concilio (quod extendi eam vetuit) concessos contentus esse velit.

Finio, mi Pater, nec aliud adjungo, quàm esse utique Charitatis Vestræ, pacem tandem concedere Episcopo septuaginta annos nato, quadraginta pastorales infulas sustinenti, & ultimas horas præstolanti; nec ampliùs pati viròs selectæ virtutis, Deoque speciali ratione consecratos, quique cum tanta omnium ædificatione illius se obsequio addixerunt, ab ijs tam sævâ persecutione pulsari dissimilarique, qui se vitæ Regularis hostes profitentur. Spero equidem, me Deo propicio usque in extrema fidelem fore, nec cessabo esse, quidcunque tandem à Paternitate Vestra adversi mihi contigerit.

Admodum Reverendæ

Paternitatis Vestræ.

*Humilissimus & Obedientissimus
Servus*

Franciscus Episcopus Apamiensis.

Documentum XXXVIII.

Secundum Breve Sanctissimi D. N. INNOCENTII
PP. XI. ad Illustrissimum & Reverendissimum Episcopum Apamiensem.

INNOCENTIUS PP. XI.

Venerabilis Frater, salutem & Apostolicam Benedictionem. Præcipuæ argumentum lætitiæ attulerunt nobis, literæ Fraternitatis tuæ proximè ad Nos datæ, in
qui-

quibus eximium tuum de integra atque incorrupta servanda morali Theologia, de instauranda Cleri, & Regularium Ordinum disciplina, deque propulsanda ab Ecclesia secularis potestatis injuria, zelum studiumque disertè declares. Et quidem quod ad diœcesis tuæ rationes pertinet, gratias Divinæ Majestati agere non cessamus, quod in tanta rerum ac temporum difficultate suscitaverit sibi Sacerdotem fidelem, qui opponat murum pro domo Israël. Neque dubitamus, quin tot experimentis probata, & confirmata virtus tua, egregio proposito, Deo bene juvante, ad extremum constanter insistat, parati omni ope & auctoritate nostrâ tibi pro Dei honore tam strenuè laboranti, perpetuò adesse. Reliqua à dilecto filio Archiepysbytero Aquisi Viropio, atque industrio, qui tuas Nobis litteras reddidit, & à quo has Nostras accipies, fusiùs cognosces, ac Fraternitati tuæ Apostolicam Benedictionem peramanter impertimur. Datum Romæ apud Sanctam MARIAM majorem sub annulo Piscatoris die secundâ Augusti 1679. Pontificatus Nostri anno tertio.

Marius Spinula.

Documentum XXXIX.

Epistola ejusdem Illustrissimi & Reverendissimi
Episcopi Apamiensis ad D. de Harlay Procuratorem
Generalem Parlamenti Parisiensis.

Apamijs 4. Septemb. 1679.

Infinuatum mihi fuit Arrestum, seu sententia ad instantiam Vestram à Parlamento pronuntiata, quo coram eodem tribunali sibi jubeor, ad videndum irritari duas Constitu-

T

uones.

tiones meas (perinde ac si in illis edendis indebitam potestatem usurpāssam) contra duos Colonos, qui nomine juvenis cujusdam Barbes de Lussā scholas adhuc terentis, & titulo Regaliæ Beneficium illud adepti proventus Custodi Ecclesiæ Apamienfis assignatos conduxerunt. Ego qui ignorare non possum, quantum & Parlamento ipsi (quippe præcipuo Galliæ Senatui) & Dominationi etiam Vestræ magnam in eo Senatu partem occupanti honoris debeam; quā par est reverentia, præfatum Arrestum excepi, & tamen, ne deferre illi possem, gravissimæ me rationes compulerunt, quas me recensentem dignetur Dominatio Vestra benignè audire.

Primò enim, quibus ego sumptibus tam longum gravemque Processum ingrediar, quando me omnibus spoliârunt, atque ad incitas redegerunt, ne alimentis quidem necessarijs relictis (quæ tamen etiam sceleratissimis permittuntur) ut à viginti jam mensibus vitam amicorum liberalitate utcunque ægréque sustineam? & tamen neminem latet, nec patrimonium mihi esse, quo ultimæ necessitati subveniam, nec interim, quantum per ætatem licet annis ac infirmitatibus fessam, functiones ac curas Pastorales omittere.

Deinde: non intelligo, quam Ecclesia mea expectare à Parlamento justitiam possit, quando & elapso sæculo, & initio currentis, tanto ardore dilatandæ Regaliæ totòque Regno extendendæ incubuit, ut moderari eum Reges oportuerit. Parlamentum enim jus Regaliæ tanquam Coronæ annexum, imò tamquam ipsius Parlamenti præcipuam prærogativam ab aliquot jam annis habuit, quia vid. omnes processus, qui hanc Regaliæ causam spectant, Parlamento deferuntur. Quod si plurium jam seculorum

rum Jurisprudentiam consulas, inuenies, constanter à Parlamento eam Regulam observatam fuisse, ut nunquam pro Rege pronuntiaret, nisi probatâ à Regijs Procuratoribus possessione, quod utique Dominatio Vestra in Protocolis, Tabularijs, librisque Auctorum, qui super hoc argumento scripsere, probè notaverit. Circumstantiæ quoque, quæ Arrestum Parisiense comitantur, hujusmodi sunt, ut facilè ex ijs Parlamenti in me animum colligere liceat: Actionem enim criminalem duobus Clericis intentat, adeò miseris, ut solis eleemosynis (quæ mihi à Fidelibus suppeditantur, & quarum partem ego illis communico) precario sustententur; adeoque innocentibus, ut nullâ aliâ culpâ laborent, quàm quòd binas constitutiones meas paribus insinuârint, & quarum æquitatem examinare non utique ad eos pertinebat.

Tertiò. Quemadmodum certissima res est, non posse jus Regaliæ, nisi Ecclesiæ privilegio ad Reges pertinere; ita certum est, ad eandem Ecclesiam spectare, ut de Regalia cognoscat judicetque, id quod in Lugdunensi Concilio fecit; & quamvis daremus, sententiam Concilij in hac causa non omnino apertam & claram esse, eam tamen interpretari Pontificis Romani partes essent, non Regij Tribunalis. Cùm ergo binis à me editis Constitutionibus nihil aliud egerim, quàm ut Decretum exequerer Concilij Oecumenici (id verò non de privatis tantùm personis loquitur, sed de *quantacunque dignitatis honore præsulgentibus*) nec terminos exceßerim à Concilio præfixos, sequitur injustam esse eorum calumniam, qui in foro sæculari me accusant usurpatæ ac ultra metas dilatatæ potestatis. Has ipsas ob causas numquam ego in dubium revocavi, quin possem deberemque laicos Censuris punire, eosque, quæ-

qui dignam hanc causam esse censebant, quæ hujusmodi poenis sustineretur, præsertim cum non minor Episcopis obligatio incumbat, libertates ac jura Ecclesiæ, quàm fidei dogmata propugnandi, id quod solidè Auctor sermonis ostendit, quem dignum censui, ut Dominationi Vestræ à me transmitteretur.

Non permittit Epistolæ brevitās, ut omnia pertexam, quæ de hac materia dici possunt, quæque libenter adjungam, si modò intelligam id Dominationi Vestræ placere, ac tempus suppetere ea perlegendi. Nunc finem Epistolæ impono, & Dominationem Vestram ardentissimè obtestor, dignetur in memoriam revocare, se & Regij Ministri, & hominis Christiani personam agere, atque ut prima obligationem imponit, ne quidquam de juribus ad Coronam spectantibus dilabi permittat, ita quoque secunda, ne illa in Ecclesiæ præjudiciū extendi patiatur; alioqui periculum esset, coelestem Benedictionem impeditum iri, quam alioqui sibi suæque illustri familiæ Dominatio Vestratam multis egregijsque operibus promerita est.

Apamijs 4. Sept. 1679.

Humilissimus & Obsequentissimus

Servus

Franciscus Episcopus Apamiensis.

Documentum XL.

Tertium Breve Sanctissimi D.N. INNOCENTIJ XI.
ad Illustrissimum & Reverendissimum Episcopum
Apamiensem.

Venerabili Fratri Francisco Episcopo Apamiensi
INNOCENTIUS Papa XI.

Venerabilis Frater, Salutem, & Apostolicam Benedictionem. Perlegimus litteras Fraternitatis tuæ, in quibus afflictum Apamiensis Ecclesiæ statum, & tuum propitiè dolorem Nobis ob oculos ponis; qua de re, Pastoralem zelum, & sollicitudinem magnopere commendamus, & eodem tecum sensu affecti, non cessamus à Patre misericordiarum, pro muneris Nostri debito, postulare, ut pristinam Ecclesiæ isti tranquillitatem, dignitatēque restituat, ac Nobis lumen ad ea decernenda, exequendāque suppeditet, quæ cum tuæ, tum universæ Ecclesiæ rationibus expedire videbuntur. Reliqua ab eo cognosces, qui tuas Nobis litteras reddidit; teque, atque invictam Episcopalis roboris constantiam, quâ cæteris præluces, intimo charitatis affectu in Domino complectentes, Fraternitati tuæ Apostolicam Benedictionem peramanter impertimur.

Datum Romæ apud Sanctum Petrum sub annulo Piscatoris. Die x. Decembrii 1679. Pontificatus Nostri anno iv.

Marius Spinula.

Documentum XLI.

Constitutio Eiusdem Illustrissimi Episcopi
Apamiensis.

7. Febr. 1680.

Franciscus miseratione Divinâ Episcopus Apamiens. &c.
Constitutiones à nobis nuper promulgatæ, quibus procul arcebamus, qui in Diocesi nostra Regaliæ obtentu Beneficia quædam impetraverunt (cùm tamen constet, præ-
fatam.

fatam nostram Dioecesin hujus servitutis penitus immunem esse, nec proinde Regaliæ subijci posse, nisi violatis quam plurimis Sacris Canonibus Regumque Edictis) adeo apud quorundam avaros, ambitiosos, ac Beneficijs Ecclesiasticis inhiantes animos nihil effecere, ut potius reperti sint (quod non sine animi dolore intelleximus) qui Regaliæ obtentu etiam ad Beneficia curata adspirare, & illa obtinere sint conati; id verò omni exemplo caret, ac etiam, ubi aliàs Regaliæ locus est, numquam hætenus usurpatum. Eò igitur temeritatis deventum est, ut in captandis Beneficijs Ecclesiasticis nullus sit regulis aut pudori locus, & quia hujusmodi intrusionibus sistendis nulla amplius remedia supersunt nobis, quàm auctoritas Episcopis à Deo tributa, censuræque Ecclesiasticæ, ultima vid. Ecclesiæ remedia, & quibus non ij solum coerceri debent, qui aliunde quàm per legitimam ac Canonicam januam Ecclesias irrumpunt, sed illi etiam, qui ita irrumpentibus auxilia & consilia subministrant; ideo ex his alijsque causis Constitutiones nostras jam aliàs editas renovamus, ac insuper sub poena Excommunicationis ipso facto incurrendæ omnibus cujuscunque dignitatis ac conditionis personis districtè prohibemus, ne Dignitates, Prioratus, aliæque Beneficia curam animarum annexam habentia pro se aut alijs titulo Regaliæ petere, aut impetrare præsumant: neque, aut suo, aut aliorum nomine eorum Possessionem adeant, aut fructus seu mediatè, seu immediatè percipiant. Prohibemus etiam æquè sub poena Excommunicationis cujuscunque statûs ac conditionis personis, ne scienter ac voluntariè sub quovis prætextu aut colore, Notarij vid. Testis, Emphyteuta, Sub-emphyteuta, aut aliâ quâvis ratione, ad actus & usurpationes supranominatas auxilium, consilium, aut favorem præstent.

338 Dissert. I. § VIII. Documenta ex Gallico
stent. Reservamus etiam nobis, præterquam in articulo
mortis, absolutionem à præfata pœna Excommunicationis.
Apamijs 7. Febr. 1680.

Franciscus Episcopus Apamiensis.

Documentum XLII.

Alia Constitutio Eiusdem Illustrissimi Episcopi
Apamiensis, quâ omnes Fideles suæ Diœcesis ad publicas
preces aliâque pietatis opera placandæ Divinæ indigna-
tioni exhortatur.

22. Febr. 1680.

FRANCISCUS, &c. Clero Populôque Apamiensi salutem
& benedictionem. Tam manifesta sunt indignationis
Divinæ hanc nostram Diœcesin punientis argumenta & ef-
fectus, ut oporteat aut cæcum esse, qui ea non videt, aut pla-
nè insensibilem, qui illis non intimo dolore conficitur. Ec-
clesiarum Pastoribus ultima ferè necessitas incumbit offi-
cio suo abstinendi, omittendique sanctiores quâsque fun-
ctiones, imò eorum nonnulli, qui alioqui se totos addixe-
runt curandis animabus, coguntur gregem suum frequen-
ter deserere, necessitate alimenta mendicandi, id quod sine
dedecore sacri characteris, sine damno quamplurimum abs-
que Sacramentis decedentium, sine juventutis neglectu
necessariâ instructione carentis, ac denique sine infinita
morum corruptela fieri haud potest. Hæc omnia inde pro-
veniunt, quòd legitimi ac canonicè instituti Pastores red-
ditibus sustentandæ vitæ necessarijs priventur; quamvis
nec ad istos solos hæc miseriæ pertineant, sed etiam ad ma-
gnam partem eorum pauperum, qui charitate Ecclesiasti-
corum fovebantur.

Equi-

Equidem ingenuè fatemur, calamitates, quibus conficiamur, nostris peccatis nostrisque imperfectionibus magna ex parte deberi; sed nec Vos abnuetis, Vestrâ quoque peccata multum ad eas contulisse; quamquam & hoc ipsum negligentiae nostrae adscribimus, quippe non eâ, quâ par est, industriâ partes Officij nostri explemus: friget orandi studium: exempla minùs quàm oporteret sincera & incontaminata: amores non satis incorrupti Zeloque Apostolico flagrantes: denique omnes fateamur oportet, flagella Divinae justitiae nostris peccatis, abusuque Divinarum gratiarum provocata fuisse, & forsân graviora adhuc impendent, nisi justitiam Divinam celeri poenitentia, dignaque satisfactione occupemus.

Hæc nostra consilia illis fortè intempestiva videbuntur, qui dies Quadragesimale jejunium præcedentes omni voluptati morumque licentiæ dedicârunt, perinde ac si propositum haberent Spiritui Sancto futuraque poenitentiae impedimenta obijcere. & jejunium atque alia sacri illius temporis opera contra intentionem Ecclesiæ planè inutilia reddere. At veri legitimique Christi fideles, ubi vident Matrem suam Ecclesiam abjectis gaudij insignibus luctu operant, ut suum amorem & obsequium in Matrem testentur, eundem ipsi quoque dolorem, eisdemque mores induunt: & quamquam omni Christiano nullum sit tempus exercendae poenitentiae importunum; tunc tamen, quicumque veram fidem amplectitur, vacare illi obstringitur, quando judicium Dei observatâ Sanctuario incipere, ac etiam cum Divinae gloriae jactura, si ita loqui fas sit, vindictam coelestem exerceri, quod planè præcipuum est irati Numinis argumentum. Nulla ergo ratio permittit, ut filij Matrem dolentem deserant, multoque minùs, ut ejus lacry-

mas non solum non extergant, verum etiam novum ei moerendi fomitem adjungant, effrenatâ vivendi licentiâ; cogantque in eas voces cum Propheta prorumpere: *Sustinui, qui simul contristaretur, & non fui: qui consolaretur, & non inveni.*

Non deerit fortasse, qui credat in potestate nostra esse torrentem malorum sistere, & utinam liceret id nobis intactâ conscientiâ, ac juribus Ecclesiæ illibatis (quorum nos DEUS custodes constituit, etsi indignos) quovis modo præstare. Sed quamvis omnem industriam locaverimus querendis honestis medijs, quibus hæc causâ componeretur, preces quoque ad Deum, & consilia ab hominibus virtute & doctrinâ conspicuis addiderimus, numquam tamen modum reperimus in hac causâ transigendi, DEO conscientiâque inoffensis, præsertim postquam repetitis litteris mentem quoque Sanctissimi D. Nostri Romani Pontificis intelleximus, nostram agendi rationem tanquam Ecclesiæ utilem proficuâque apprimè comprobantis.

Sed & illud salvâ omnino veritate profiteamur, præcipuum doloris nostri argumentum non esse, ærumnas, quibus in hac causâ acerbè jactamur, sed potius damna spiritualia, quæ in nos quoque redundant, ac ultimam necessitatem, quâ pauperes conflantur, & cui sublevandæ nulla nobis potestas relicta est. Æquum igitur est, ut placando Deo avertendisque malis, quæ Diocesi nostram partim affligunt, partim etiam deinceps impendent, manus nobiscum operamque societis.

Omnibus ergo Capitulis, Parochis, Vicarijs Diocesis nostræ præcipimus, ut proximâ Dominicâ, quæ est 25. currentis mensis, publicas supplicationes instituunt. Singulis quoque Sacerdotibus, ut quamprimum commode

porue-

potuerint, ter Missam recitent, quæ in Romano Missali *pro quacunque tribulatione* inscribitur. Reliquis Ecclesiasticis, ut Psalmos Pœnitentiales cum Litanis, Orationibus, ac versiculis consuetis persolvant: omnibus verò ut quartâ & sextâ feriâ, Sabbatòque proximæ hebdomadis jejunent. Laicos etiam exhortamur, ut supplicationibus diligenter intersint, ad Confessionis Sacramenta ritè obeunda sese disponant, Beatissimæ Virginis Rosarium semel minimum recitent, jejunia Ecclesiasticis imposita ipsi quoque suscipiant. Omnes denique Diœcesis nostræ fideles ardentè ac seriò commonemus, ut eleemosynis, aliisque pijs operibus placandæ Divinæ justitiæ impetrandæque misericordiæ diligenter incumbant. Ut verò mens & intentio nostra omnibus innotescat, jussimus hanc nostram Constitutionem sub sacro Missæ Officio in omnibus Parochijs proximâ Dominicâ promulgari, & ad valvas Ecclesiæ Cathedralis affigi. Datæ Apamijs in Seminario nostro 22. Febr. 1680.

Franciscus Episcopus Apamiensis.

Documentum XLIII.

Sententia Excommunicationis ab Illustrissimo
& Reverendissimo Episcopo Apamiensi contra Guerin.

• Palarin Sacerdotem solemniter pronuntiata.

Die 24. Mart. 1680.

Franciscus Dei & Apostolicæ Sedis gratiâ Episcopus Apamiensis, &c. Visâ Constitutione Nostrâ sub data 27. Octobris anno 1677. quâ omnibus Canonicis Cathedralis & Collegiæ Beatissimæ Virginis de Campo Ecclesiarum

districtè prohibetur, ne sub pœna suspensionis ipso facto
 incurrendæ ad præfatarum Ecclesiarum beneficia titulo
 Regaliæ quemquam admittant, neque ad ullos actus Ca-
 pitulares, locum in Choro, aliàsque functiones recipiant.
 Visis etiam actis, & instrumentis executionis à Domino
 Antonio Novè Ecclesiastico Diœcesis Tholosanæ die 26.
 Februarij, anno 1680. Domino Balthasaro d'Ouvrier Decano
 nostræ Collegiæ de Campo insinuatæ: attentâ quoque
 inobedientiâ & contumaciâ contra præfatam nostram
 Constitutionem Domini Guerin Palarin, Canonici & Sa-
 cerdotis sæpeditæ nostræ Collegiæ (quamvis ipse quo-
 que unus ex illis fuerit, qui, ut nostra Constitutio in publi-
 ca Capituli acta referretur, consenserat) quippe qui non
 obstantibus Constitutione, & Inhibitionibus nostris, titulo
 Regaliæ Possessionem Decanatûs Ecclesiæ Collegiæ de
 Campo adire præsumpsit (prou apparer tam ex publico
 actu ad prædictos Canonicos Vigestimâ currentis mensis
 directo, quàm ex stallo locoque Decani ab ipso occupato)
 quantumvis eum non lateret, Diœcesin nostram Regaliæ
 subjectam non esse, imò quamvis Regaliæ subjaceret, De-
 caniam, utpote Beneficium electivum, exemptam esse,
 præsertim cum ipse Palarin septem integros annos Domi-
 num Balthasarum de Ouvrier pro Decano canonicè electo
 semper agnoverit: viso denique prænominato actu ad
 jam dictos Canonicos sub data 20. currentis mensis, & ra-
 tionibus in eo adductis, & præsertim quia sæpè fatus D.
 Palarin, quamvis ter à nobis admonitus, nullas probabi-
 les causas allegat, ob quas excommunicari & denuntiari
 non debeat, invocato D E I Omnipotentis nomine Patris,
 Filij & Spiritûs Sancti de potestate ligandi atque solvendi
 specialiter consili, quam Christus Apostolis Episcopis que
 eorum

eorum Successoribus clementer largiri dignatus est, Declavimus & denuntiavimus, declaramus & denuntiamus pro Excommunicato præfatum Guerin Palarin Presbyterum Canonicum nostræ Ecclesiæ Collegiatæ Beatissimæ Virginis de Campo, eumque velut Excommunicatum separamus à Communione Ecclesiæ, nec non à participatione Corporis & Sanguinis Christi JESU, eumque potestati Sathanæ temporaliter subijcimus, ut per veram sinceramque poenitentiam ejus spiritus salvus fiat in die Domini. Potestatem verò ab hac Excommunicatione absolvendi nobis reservamus, prohibentes & districtè omnibus utriusque sexus inhibentes, ne sub pœna Excommunicationis à Sacerdotibus Canonibus latæ cum prædicto Palarin audeant communicare. Præcipimus etiam, ut præfatus Palarin publicè denuntiatur, ejusque Denuntiationis & Excommunicationis noticia vicinis quoque Diœcesibus insinuetur, nec non omnibus, quibus opus erit, ut ita juxta Juris dispositionem tamquam excommunicatus, & ab Ecclesiæ Communionem separatus habeatur. Factum & pronuntiatum dicto Palarin in nostra Ecclesia de Campo in præsentia Cleri Populique, die 24. mensis Martij Anno 1680.

Franciscus Episcopus Apamienfis.

Notandum, similem quoque Excommunicationis & Denuntiationis sententiam in Petrum Brau ab eodem Illustrissimo & Reverendissimo Episcopo die 24. Martij Anno 1680. fuisse pronuntiatam.

Documentum XLIV.

Constitutio Ejusdem Illustrissimi & Reverendissimi Episcopi Apamiensis ad impediendam Regaliæ in suam Diœcesin introductionem.

Die 31. Martij. 1680.

Franciscus Dei & Apostolicæ Sedis gratiâ Episcopus Apamiensis. Cùm nihil Ecclesia habeat magis necessarium majorisque pretij, quàm & libertatem de Officijs Beneficijsque, præsertim Cathedralium Ecclesiarum disponendi (in quibus Canonici alijque in dignitate constituti in partem sollicitudinis Episcopalis regendæque Diœcesis, præsertim vacante Ecclesiâ, vocati sunt) & liberam temporalium proventuum administrationem, sine quibus nec Divina Officia decorè peragi, nec Ecclesiæ reparari ornarique, nec habiles ministri sustentari, nec quotidianis pauperum necessitatibus subveniri, nec denique expensæ quotidianæ perferri possunt; Introductio verò Regaliæ utròque hoc jure, saltem vacantibus Ecclesijs, priver, eapropter non alio eam loco, quàm duræ servitutis habere possumus, omninòque illi libertati adversæ, quam Christus suo nobis sanguine acquisivit, ipso etiam Ludovico Juniore teste in sua Declaratione de anno 1137. ubi Provinciam Aquitaniam hujusjugi immunem esse faterur.

Hic Regaliæ abusus Laicis Regijsque Ministris occasionem tribuit, Cathedralium & Collegiatarum Ecclesiarum, ac præcipua Diœcesis Beneficia hominibus sine ulla ad statum Ecclesiasticum vocatione conferendi, sine scientia & pietate adimplendi, nec aliud meritum præferentibus, quàm quòd apud Majestatis Sux Ministros, quibus illorum.

istorum Beneficiorum distributio permiffa est, omnem induftriam collocaverint, ut aliquo Beneficio potirentur; quod tamen unicum, quamvis alia deessent, si ex spiritu & disciplina Ecclesiæ res agatur, omnino indignos reddit omni Ecclesiasticâ dignitate. Ex quo sequitur, ut qui ad Episcopatus promoventur, tantum absit ut personas repellant, in quorum humeros partem aliquam Pastoralis sollicitudinis securè depōnant, sed potius, quæ Episcopis boni aliquid præstare volentibus se omni conatu opponant.

Auget malum damnūque, quòd, cūm denominatione ad vacantes Episcopatus Regij juris sit, numquam Regios Officiales occasio & rationes deficient Regem persuadendi, ut nominationem differat, Regaliāmque producat, id quod Divum Bernardum in eas querelas prorumpere coëgit, quæ *epistola* 122. leguntur, tempore vid. Ludovici Junioris more receptum fuisse, ut Episcopatum collatio differretur, quo diutius eorum proventibus frui liceret.

Postquam ergo tam in Constitutionibus nostris, quàm alijs publicis actibus justissimas rationes palàm fecerimus, quæ nos obstringunt, ut, quantum pro nostra virili parte fas est, libertatem Ecclesiæ contra Regaliām tueamur, frustra etiam adhibitis dulcioribus remedijs, qualia sunt preces, adhortationes, demonstrationes, privata publicæque & Canonica admonitiones, cogimur tandem non sine ingenti intimoque dolore alia & acerbiora remedia experiri.

Quamplurima sunt Oecumenica Concilia, Summorumque Pontificum Constitutiones, quibus contra Bonorum juriūque Ecclesiasticorum usurpatores, eosque, qui hujusmodi usurpatoribus auxilium aut consilium præstant, Excommunicatio pronuntiatur, sicque à nobis editæ Constitutiones non tam novas prohibitiones novasque pœnas
com-

complectentur, quàm antiquas renovant applicántque, tan-
tòque magis ad hoc agendum impellimur, quòd Decreta
pœnæque à sacris Canonibus sancitæ, non solos Laicos re-
spiciunt, jurium, bonorum, libertatùmque Ecclesiasticarum
usurpatores; sed etiam in Clericos & Episcopos vibrantur,
qui assensum præbent, neque se hujusmodi usurpationibus,
quantùm licet, opponunt, & præsertim Concilium Lug-
dunense adeò inter alia celebre loquens de hoc ipso Re-
galia argumento non solum *cap. 12.* contra illos tam sæcu-
lares, quàm Ecclesiasticos, qui obtentu Regaliæ in Ecclesijs
hujus juris expertibus vacantia bona usurpant, Excom-
municationis sententiam profert; verùm etiam eos, qui
hujusmodi usurpatoribus connivent, neque uti oporteret
se illis opponunt, fructibus omnium suorum Beneficiorum
privat.

Concilium Avenionense sub Papa Joanne XXII. An-
no 1322. Excommunicationem indicit & illis, qui vacantia
bona Ecclesiarum usurpant, & qui usurpatoribus *gratis*, hoc
est, voluntariè *obediunt*, id quod iisdem ferè verbis in alio
Concilio Avenione æquè habito sub Benedicto XII. Anno
1337. repetitum fuit. Concilium quoque Tridentinum *sess. 22.*
cap. 11. omnibus quacunque dignitate, etiam Regali aut
Imperiali præfulgentibus, sub pœna Excommunicationis
interdicat, ne bona & jura Ecclesiastica sibi vendicent; ijs-
demque pœnis omnes Ecclesiasticos afficit, quicumque hu-
jusmodi usurpatoribus aut consensum, aut operam præstant.

Ecclesiæ quæcunque recepto jam more & antiquâ con-
suetudine Regaliæ jugo assueverunt, non possunt non ge-
mere, & quamdiu Deo libuerit, hanc servitutem non pa-
tienter tolerare. Eas verò Ecclesias quod attinet, quæ nullo
hactenus titulo aut consuetudine juri Regaliæ subjectæ fue-
runt,

runt, earum Episcopi, quippe Pastores Custodésque, suffere potius omnia debent, quam ut antiquam & Canonicam libertatem aboleri, & jugo tam gravi insuetoque Ecclesiis suas supponi patiantur.

Qui hactenus titulo Regaliæ Beneficia nostræ Diocesis occuparunt, ambitionis avaritiæque spiritum, quo nimium quantum agitantur, tam claris manifestisque signis prodiderunt, ut omnino conijcere liceat, nullo eos timore censurarum percelli, quas comminati sumus, quasque actualiter incurrerant, licet nimiam forsan conniventiam unicuique pro excommunicato hactenus denunciaverimus. Et tamen nullum aliud remedium superest nobis, quo hunc malorum torrentem sistamus impediamusque, ne paucorum exempla in plurium perniciem transeant, irreparabili Diocesis nostræ damno, quam ut has poenas extendamus, iisque etiam applicemus, qui consilio, auxilio, aut alio quovis modo introducendæ in hanc nostram Diocesim Regaliæ auctores fuerint, tantoque magis ad hoc agendum constringimur, quod in hac causa non alias nobis partes vendicemus, quam ut exequamur Decreta Ecclesiæ, idque in materia, quam ad cognitionem & potestatem nostram pertinere nemo inficiabitur; quippe cum in illa non de proventibus tantum Ecclesiæ, verum etiam de collationibus Beneficiorum agatur, quæ utique sunt res spirituales meræque Ecclesiasticæ: & verò pollicemur nobis, eos, qui privatis lucris minus cæcè obstinatæque adhærent, facile constitutionibus nostris obtemperaturos, nec sacræ Jurisdictionis declinandæ causâ fallaci vanoque effugio profanos Magistratus appellaturos, id quod in causis, quæ connexionem aliquam cum civilibus habent, sæpè multumque evenit.

Erunt fortasse etiam, qui, cum Censuras à nobis latas incurrerint, superiorem auctoritatem, à qua absolvantur, appellabunt: verum cum notorium sit, vanum hunc esse irritumque recursum, nihil aliud agent, quam ut contumaciam suam Legumque Ecclesiasticarum contemptum magis magisque contestentur. Et præsertim cum nihil aliud agamus, quam ut quamplura cum Generalia, tum Provincialia, & in Gallijs recepta Concilia exequamur, non potest hæc præsens nostra Constitutio nisi ab illis violari, qui totius Ecclesiæ auctoritati unà adversantur, necesse alia potestas, præter Pontificiam, quæ hujus causæ cognitionem pro eo statu, in quo versatur, arrogare sibi possit.

Multò minùs eo prætextu Censuras à nobis latas declinare poterunt, quòd non omnes solemnitates adhiberi alias solitæ observatæ in præsentì negotio fuerint; quis enim nesciat, accidentia, quæ abesse possunt, substantiæ postponi oportere? neque tunc solemnitates necessarias esse, quando sunt impossibiles, id quod in præsentì causa manifestè contingit; nemo enim ignorat, aliquos de Clericis nostris, qui Decreta à nobis edita insinuare & promulgare sunt ausi, injurijs affectos, intentatisque carceribus absterritos esse.

Persuademus ergo nobis, neminem fore tam sui, pietatisque ac religionis immemorem, qui, ut Clericis gratificetur dignitatum quæstusque avidis, tam gravibus magnisque malis (qualia sunt, quæ ex Censuris, præsertim Excommunicatione, proveniunt) implicare se velit, tantumque abfuturum, ut animæ, Dei, tuæque salutis amantes societate eorum, qui anathemate percussi sunt, infici se patiantur, ut potius magno sui merito hanc occasionem, suam erga Ecclesiam obedientiam fidelitatemque con-

standi

standi, amplexuri sint, devitando. vid. obduratos illos, & ab Ecclesiæ Communione separatos peccatores. Quòd si aliqui sint, qui, ne levi aliquo emolumento se privent, aut humanis respectibus obnuntient, malint Ecclesiæ Decretis adversari, ij planè, si in laqueos diaboli incidant, animæque naufragium pariantur, sibi ipsis culpam, non alijs adscribent.

Nos enim quod attinet, Deum toto cordis affectu enixèque precamur, ut in omnes Diocesis nostræ fideles misericordiæ & benignitatis suæ fontes effluere faciat, flagella verò justitiæ & iracundiæ suæ clementer avertat. Nec enim in hac causa, Deo teste, alium nobis finem proposuimus, quàm ut obligationi responderemus, quam nobis Officium nostrum imponit, utque pro virili nostra parte Ecclesiæ nostræ libertatem ac jura tueremur, omniumque fidelium curæ nostræ subditorum saluti caveremus, eorum etiam, quorum corpora vibratâ Excommunicatione *potestati Smihane tradidimus, ut eorum corpora in die Domini salva fiant.* Quòd si aliqui sint, qui Ecclesiæ pœnis abuti, quàm corrigi malint, & remedia ijs curandis à me adhibita in fomenta potiùs contumaciæ convertant, id quidem maximo dolori nobis erit, quippe cùm id Divinæ iracundiæ, quam in hujusmodi obduratos peccatores exercere etiam in hoc mundo solet, præcipuum argumentum sit; illud saltem consolabitur nos, quòd vid. omnes partes ministerij nostri expleverimus, omni que metu liberati simus eas pœnas incurrendi, quas alioqui timidis otiosisque Pastoribus Propheta intentat; quòdque Decretis Ecclesiæ obtemperaverimus, ut arma spiritualia pro Ecclesiæ juribus defendendis stringamus nobis imperantis.

Has igitur aliàsque ob causas post invocatam Spiritûs Sancti gratiam, pòstque audita consilia virorum, doctrinâ

& virtute præstantium, sub pœna Excommunicationis ipso facto incurrendæ omnibus cujuscunque statûs ac dignitatis hominibus districtè injungimus, ne pro se, aut pro alijs Prioratus, Canonicatus, Præbendas, aut alia quæcumque Diœcesis nostræ Beneficia titulo Regaliæ petant, neque eorum Possessionem capiant, aut si aliqua impetrârunt, ne eorum fructus sibi vendicare, aut functiones exercere præsumant. Prohibemus etiam æquè sub pœna Excommunicationis ipso facto incurrendæ omnibus cujuscunque statûs ac conditionis hominibus, ne sub quovis Procuratoris, Commissarii, Conductoris, aut alio nomine titulôque Regaliæ proventus Episcopatûs, seu Capituli nostri, aut aliorum Beneficiorum Diœcesis Apamiensis, sive in parata pecunia, sive in alijs rebus pretio æstimabilibus percipere audeant. Prohibemus denique omnibus & singulis sub pœna Excommunicationis, ne ad percipiendos distribuendosve proventus nostros, aut obtinenda Beneficia nostræ Diœcesis titulo Regaliæ, exercendâsque eorum functiones, aut alium actum edendum, qui Regaliæ in hanc Diœcesin introducendæ servire possit; ne, inquam, ad hæc omnia, aut istorum aliquid auxilio, aut consilio quovis modo concurrant. Quin potius omnes Diœcesanos, ac præsertim Ecclesiasticos exhortamur, ut omni, quâ possunt, honestâ ratione, ac modo, se Regaliâ ejûsque extensionem averfari, ac improbâre contestentur. Quia verò Adversariorum potentia in hac præsentî alijsque Constitutionibus nostris promulgandis non permittit omnes, alioqui necessarias, solemnitates observari, ideò declaramus, eas hoc ipso, quod à nobis publicatæ, & ad valvas Ecclesiarum affixæ fuerint, pro sufficienter promulgatis & publicatis habendas esse, nôsque sine alijs citationibus, monitionibus, aut

infi-

insinuationibus præcedentibus ad poenas, Censuras, & Excommunicationes processuros, quarum etiam absolutionem nobis reservamus, nec permittimus, ut ab his Censuris absolvere possint, quibus alioqui facultatem generalem dedimus à casibus reservatis absolendi. Pronuntiataꝝ Apamijs Clero præsentē 31. Mart. 1680.

Franciscus Episcopus Apamiensis.

Documentum XLV.

Actus in forma epistolari expeditus, quo Illustrissimus & Reverendissimus Episcopus Apamiensis ostendit, Constitutiones suas circa punctum Regaliæ, & Censuras in ijs pronuntiatas, præsertim verò Excommunicationem contra

D. Palarinum latam, non obstantibus sententijs & contrarijs

Constitutionibus Domini Archiepiscopi Tholosani
validas firmasque esse.

Illustrissime & Reverendissime Domine.

Dominus Palarinus, quem ego vigesimâ quartâ elapsi Martij excommunicatum denunciavi, insinuari mihi fecit Illustrissimæ Dominationis Vestræ Decretum, quod illum ad cautelam, ab hujusmodi Censuris non tantum absolvit, verum etiam habilem reddit, qui & possit, & debeat functiones Beneficij & Officij sui exercere; meque insuper coram tribunali Illustrissimæ Dominationis Vestræ octavâ currentis mensis adesse jubet ad videndum, sententiam denuntiataꝝ Excommunicationis, quam contra illum pronuntiaveram, irritari.

Equidem fateri ingenuè debeo, & præsentibus litteris (posteaquam libertas mihi adempta est publicis ac solem-

nioribus tabulis id agendi) palàm testari, me in ijs, quæ Regaliam spectant, nullo modo Illustrissimæ Dominationis Vestræ Jurisdictionem agnoscere posse, & consequenter nec ejus hac in re judicio, sententijs, Decretis, ad Eamque interpositis Appellationibus deferre. Rationes, quæ hoc mihi persuadent, jam alibi in scripto primâ Octobris Anno 1677. exposui, & nemo eas legit, qui non continuò professus sit, se illis convictum esse, nihilominus tamen non prætermittam in præsentī etiam epistola aliqua fusiùs deducere: *Primò* vid. Illustrissimam Dominationem Vestram non esse in ijs, quæ ad Regaliam pertinent, Judicem Competentem. *Secundò*. In Judicio Sententijsque ab Ipsa latis prætermittas fuisse formas necessarias, & quarum defectu validæ dici non possunt. *Tertio*. Etiam in substantia ipsius causæ à regulis Justitiæ planè deflexisse. *Quartò*. Constitutiones à me edictas, & quoad modum, & quoad substantiam ipsam æquas omnino esse. *Quintò*. Appellationes ad Dominationem Vestram Illustrissimam interpositas, & Inhibitiones ab Ipsa factas non posse mearum Constitutionum executionem morari.

Primum quod attinet, multis rationibus incompetencia Vestri fori probari potest; nam *Primò* constat, Excommunicationes contra Ecclesiasticos, aut etiam Laicos pronuntiatas in Concilijs Provincialibus examinatas & discussas fuisse, sic enim antiquis Canonibus sancitum est. In Concilio primo Nicæno *canone 8.* *Singulis annis per unamquàmque Provinciambis in anno Synodi fiant, ut omnes in unum convenientes. Episcopi Provincia ejusmodi questionēs examinent.* In Concilio Sardicensi *can. 17.* idem statuitur, ac insuper, ut, donec æquitas Excommunicationis ritè examinetur, excommunicatus interim ab omnibus evitetur.

Tamen,

Tamen, inquit, priusquam omnia diligenter & fideliter examinentur, eum, qui fuerit à Communione separatus, ante cognitionem nullus debet presumere, ut eum Communioni societ. Ubi Glossa ad illa verba Nullus ante adjungit: Ergo nec Archiepiscopus. cap. per tuas. de Sent. Excom. Concilium Oecumenicum Chalcedonense canone 9. Si Clericus, inquit, habet causam adversus Episcopum proprium, vel adversus alium, apud Synodum Provinciae judicatur. Secundo. Si privata tantum inter me & Dominum Palarinum causa verteretur, non ego detrectarem in foro Illustrissimæ Dominationis Vestræ disceptare, nunc verò cum de Canonibus in sacris Concilijs stabilitis quaestio sit, nec tam agatur de illorum explicatione (tam enim clari sunt, ut nullâ explicatione sit opus) quàm de continuanda eorum executione, prout vid. pluribus jam seculis in hac Provincia usu recepta fuit; at verò non potest Illustrissima Dominatio Vestra prohibere, ne ego Decreta Conciliorum exequar, nisi auctoritatem supra Concilia & modò allegatos canones sibi vendicet. Tertiò. Certum est, majores causas, quales sunt translationes Episcoporum, foundationes novorum Episcopatuum, similisque, soli Pontifici Maximo reservari; at verò causa Regaliæ, in qua agitur de libertate Canonica tot Ecclesiasticarum Provinciarum, longè maxima maximique momenti est, id quod in litteris ad Regem nostrum datis Sanctissimus Pontifex his verbis expressit: *Ea catroquin est rei magnitudo, in qua non Gallicanæ solum, sed totius Ecclesiæ dignitas, salusque vertitur.* Quarto. Canonistæ omnes in cap. sicut olim. de accusat. quod est sextum Concilij Lateranensis sub Innocentio III. ad ea verba: *Canonicas Regulas, docent: Archiepiscopum solum carere potestate condendi statuta totam Provinciam obligantia.* Ita Barbosa, Sanchez, pluresque alij ab hoc

hoc citati loquuntur. Imò ne Concilium quidem Provinciale statutum circa Regaliam condere posset, cùm causa Regaliæ non ad unam tantùm Provinciam, sed quamplures extendatur, & Concilia Generalia, quid in causa Regaliæ observari debeat, jam disposuerint. *Quinò.* Et quantumvis Illustrissimæ Dominationi Vestræ potestatem daremus absolvendi à Censuris, quas sacri Canones inflixerunt, non idèò tamen potestatem haberet ipsos sacros Canones destruendi, impediendique, ne, qui illos infringunt, censuras incurrant à sacris Canonibus intentatas. *Sextò.* Sed & illud bonâ veniâ Illustrissimæ Dominationis Vestræ adjungam, quæ hætenus in causa Regaliæ ab ipsa perpetrata sunt, justissimas mihi causas præbere, eam non tam Judicis, quàm Adversarij loco habendi, suspicandique, multò Eam magis in illorum partes propendere, qui studio flagrant fimbrias temporalis potestatis dilatandi, quàm eorum, quibus jurium & libertatis Ecclesiasticæ cura est.

Secundum quod spectat, defectus, ijque substantiales circa formam commissi in ea sententia, quam primâ Septemb. Anno 1677. Illustrissima Dominatio Vestra pronuntiavit, satis supérque apparent ex ijs, quæ in Actu à me 18. Octobris anno 1677. evulgato producta sunt, nec ego ijs immorabor, solùmque ad casum particularem Domini Palarini calamum restringam. Quòd si nimia & festinata cupiditas huic homini gratificandi animum Dominationis Vestræ Illustrissimæ non sollicitâsset, planè nec Deum magnâ gloriâ, nec proximum magnâ ædificatione privari contigisset, cùm nemo illius Sacerdotis vitam morèsq; ignoret. *Secundò.* Quòd si Dominationi Vestræ Illustrissimæ ratum fixumque erat eum censuris liberare, ac potestatem Sacrosanctum Missæ Sacrificium offerendi, aliàsque sacras functiones.

Ationes obeundi restituere, at saltem vocari ego quoque, & audiri debebam. *Tertiò*. Tantòque major hæc me vocandi audiendique necessitas fuit, quòd omnino incongruum insolensque videretur, potestatem sacras functiones peragendi ei concedere, de quo non planè constaret Censuris solutus, an innexus esset, præsertim cùm Jus Canonicum in *cap. Romana. de Appellat. in 6. §. penult.* in hæc verba disponat: *Sententias Interdicti, vel Suspensionis, seu Excommunicationis in Appellantem ab eo, qui appellatur, promulgatas, nullatenus nisi vocatis partibus, & de Appellatione legitime cognito revocent, aut denuntient esse nullas.* *Quariò*. Ipsimet Auctores, qui scripserunt, Absolutionem ad cautelam aliquid operari in favorem Excommunicati, expressè adjungunt, id tantùm obtinere, quando constat, aut saltem semiplenè probatur, Excommunicationem esse nullam, nec sufficere ut Excommunicatio sit injusta. Ita scribit Pater Gibelinus Jesuita in suo *Traçtatu de Censuris c. 10. q. 2.* *Dubium*, inquit, *non debet esse tantùm de justitia Censuræ, sed de valore.* *Observant autem Covarruvias. & Sayrus ex consensu Canonistarum communiori, nullitatis, quam prætendit, qui idcirco absolutionem ad cautelam petit, causam nominandam in specie, & aliquam saltem in universum probandam esse, imò & semiplenè; quia aliqui pro validitate sententia late præsumitur, & simpliciter proposita nullitate Censuræ ejus absolutio cuicumque illam petenti concederetur, quamvis ad cautelam, sepissimè tum Censuræ, tum Judices illuderentur.* *Quinò*. Absolutio ad cautelam, si ex spiritu & disciplina Ecclesiæ loquamur, nullum aliud effectum habere potest, quàm ut taliter absolutus personam habeat standi in judicio, quam alioquin ex dispositione Sacrorum Canonum (quos saltem in foro Ecclesiastico sequi debet) excommunicati non habent. Ita Innocentius

III. loquitur in cap. *per tuas. de sent. excom. Excommunicatus*, inquit, *vocem non habet appellandi*. Et in epistolis aliquot post annis impressis: *Personam standi in iudicio non habent ij, qui sunt excommunicationis vinculo adstricti. lib. 4. epist. 94.* Feuretus Tractatu de Abusu lib. 7. cap. 2. n. 39. *Excommunicatus ab Ecclesia personam standi in iudicio non habebat*. Et infra: *Exceptio Excommunicationis repellebat Actorem ab agendo, siue in prima instantia, siue in causa Appellationis, & ideo hac Exceptio locum fecit Absolutionibus ad cautelam, qua ideo introductæ sunt, ut litigantes legitimam habeant personam standi in iudicio, ut testabiles vel testes esse possent; denique, ut lis cum eis legitimo Marte decurrere posset. cap. 36. de testibus.* Ipse Clerus Gallicanus in Generalibus Comitij, quæ annis 1661. & 1666. Parisijs agitata sunt, adeo persuasum habuit, Absolutiones ad cautelam non alium effectum habere, quàm habilitandi personas, ut stare in iudicio possint, ut stabiliendæ huic veritati, atque in Regijs Parlamentis Curijsque recipiendæ, Regiam Majestatem imploraverit, Rex verò mense Martio anno 1666. ita rescripserit: *Absolutiones ad cautelam non nisi iuxta formas iuris permittentur, quorum culpe notoria sunt: neque alium effectum producent, quàm ut ita absoluti iudicio sisti possint.*

Tertiò. Fieri fortasse potest, ut Illustrissima Dominatio Vestra persuasum habuerit, Decretum meum, vi cuius Dominum Palarinum excommunicatum postea denuntiavi, irritum cassumque redditum esse sententiâ ab Illustrissima Dominatione Vestra Kalendis Septembris anno 1677. pronuntiata. Sed primò. Præterquam quòd Decretum meum sententiâ Illustrissimæ Dominationis Vestræ posterius fuit, ut ex utriusque datis apparet (cùm Decretum meum 27. Octobris anno 1677. datum fuerit, sententia verò Vestra Kalendis

Septembris ejusdem anni) ideo ut Dominus Palarinus, qui nobis contrarium suggessit, falsi excusari non possit; constare insuper poterat ex ijs, quæ allata à me fuerant, Illustrissimam Dominationem Vestram in causâ Regaliæ Judicem competentem non esse, sicque non potuisse Decreta à me edita, aut deinceps pro conservatione jurium Ecclesiasticorum edenda pro irritis cassisque declarare. *Secundo.* Quodsi Dominatio Vestra Illustrissima Decretum à me propositum, suæque sententiæ adversum, attentatæ usurpatæque Jurisdictionis (sic enim loquitur D. Palarinus) damnamum putat, cur non potiùs hanc notam sententiæ suæ inurit, quàm sacris Canonibus Decretisque Pontificum (nam mihi ob istorum executionem bellum ac persecutionem movent) utique adversari constat. Quis sibi umquam persuasisset, postquam Romanus Pontifex tam validè enixèque ostenderat, Dõminationis Vestræ Illustrissimæ sententiam omni Divino humanoque juri repugnare, imò in manifestam causæ meæ justiciam, morésque ac Privilegia hujus Provinciæ offendere, eam nihilominus non tantùm coëptis non destitisse, verùm etiam latæ priùs sententiæ aliud ejusdem omnino tenoris Decretum adjungere voluisse? Num ergo cùm Ecclesiæ sacrorumque Canonum Decreta exequor ego, Vestri arbitrij ac potestatis est, Constitutiones à me, nec vocato, nec audito editas abolere, cùm interim Pontificis Romani voces, jura Divina & humana, ac Provinciæ hujus immunitates violari clamantis nihil apud Vos proficiant? Num verò Metropolitani in suffraganeos potestas, quæ solius juris humani est, magis sacrosancta magisque reverenda est, quàm auctoritas ab ipso Christo Jesu Pontifici Romano Vicario suo in terris concessa? An ergo ideo Ecclesia alijs Cœpiscopis & Confratribus Vestris

Vos præposuit, ut ejus jura ac libertatem minueretis, & non potius ut ea pro viribus tueremini? & tamen, si loqui veritatem licet, nulla alia potestas Illustrissimæ Dominationi Vestræ extra Diocesin suam competit, quàm quæ à sacris Canonibus permixta est; ij verò numquam utique permittunt canones violari. Opponet fortè mihi Illustrissimæ Dominationi Vestra Breve Romani Pontificis non fuisse juxta formas in foro externo necessarias expeditum: sed numquid non ideò constabat legitimum non esse? & si constabat, num reverentia Pontifici Romano debita, ut illi obtemperaretis, non exigebat? & quid opus juris formæ, quando de re ipsa dubium non erat? *Culpantur hi*, inquit Sixtus Papa, *qui aliter circa fratres egerint, quàm hujus Sedis Rectoribus placere cognoverint.* Sixtus epist. 2. cap. 2. apud Jvon. Decr. p. 5. cap. 3. Et planè quantò major fuit Romani Pontificis moderatio, tantò magis decebat Vos characteris Episcopalis rationem habere, ac Immunitates & Privilegia Ecclesiarum tueri, aut saltem eos non persequi, qui tuendis illis laborabant. Præsertim cùm ex Tractatu, quem nuper Illustrissimæ Dominationi Vestræ transmissi, & ex ijs quæ Septimanix Syndicus validè pro defensione hujus Provinciæ typis edidit, constare luce meridianâ elariùs licuerit, nec Diocesin, nec Provinciam meam Regaliæ subiectam esse. Tertiò. Nullus equidem dubito, plura Oecumenica Concilia à Dominatione Vestra Illustrissima perlecta esse, & ego aliqua in Tractatu Regaliæ citavi, possemque plura producere, ac inter alia testimonium Concilij Lateranensis sub Alexandro III. quod capite 14. ita loquitur: *Presbyter, aut Clericus, qui Ecclesiam per Laicos sine proprij Episcopi auctoritate receperit tenendam, Communionem privetur. & si persisterit, à Ministerio Ecclesiastico, & Ordine deponatur.* Non videtur Domina-

minationi Vestræ Illustrissimæ, hunc ipsum esse casum D. Palarini? *Quarid.* Ipsa Dominatio Vestra Illustrissima continere se non potuit, ut præclaro cuidam viro (qui epistolam meam dignatus fuit exhibere, quique me certum reddidit, Dominum Palarinum numquam à Dominatione Vestra Illustrissima absolutum iri, nisi prius intellectis causis, ob quas ego anathemate illum percussissem) ingenuè fateretur, Sibi omnino persuasum esse, etiamsi in mea Diocesi jus Regaliæ vigeret, non potuisse tamen Dominum de Ouvrier Ecclesiæ duCamp Decanum Officio & possessione suâ pelli, quæ unica fuit occasio excommunicandi Palarinum, & tamen tunc temporis Illustrissimæ Dominationi Vestræ ne media quidem pars earum rationum patebat, quæ pro Decano de Ouvrier militabant. Quomodo ergo non oportuit Palarinum manifestæ culpæ reum à nobis pro excommunicato haberi, aut saltem ad me remitti? juxta dispositionem capituli, *Venerabilis. de sent. Excomm. in 6. §. sanè.* Et quæ tanta necessitas fuit, cum hoc homine ad Beneficij possessionem sacrâsque functiones adeò festinandi, ut ne tempus quidem superesset, formas à sacris Canonibus præscriptas observandi? & planè si umquam sacros Canones observari oportet, qui Metropolitano prohibent, ne citra suorum Suffraganeorum consensum quidquam in Provincia mutet, id maximè locum habet, quando de causis agitur præcipui momenti, quæque ad omnes Episcopos pertinent. *Siquis*, inquiunt Canones, *Metropolitanus Episcopus, nisi quod ad suam solum pertinet Parochiam, sine Concilio & voluntate omnium Comprovincialium Episcoporum aliquid agere tentaverit, gradus sui periculo subiacebit, & quod egerit, irritum habeatur.* Eadem est, nec minùs expressa sententia Canonum: *Archiepiscopus, & Nullus Primas, & Episcopi*, citatorum

ab Antonio Augustino in Juris Pontificij Epitome *l. 3. tit. 18.*

Quartò. Idem Dominus Palarinus ausus est persuadere Illustrissimæ Dominationi Vestræ, solemnitates necessarias à me esse prætermittas. Sed *primò* quamvis verum id esset, neminem tamen causæ latent, quæ me, ut eas omitterein, coegerunt; quis enim solemnitates exigat, quæ & quando impossibiles sunt? & utinam eas omnes observandi facultas mihi permetteretur! sed obstant machinationes meorum adversariorum, à quibus quàm malè haberi sint, quicunque Decreta contra Regaliam, aut ediderunt, aut penes se retinuerunt, aut etiam insinuârunt, exploratus est, quàm dici à me debeat. *Secundo.* Et tamen in his quoque angustijs non omisi necessarias, & essentielles solemnitates adhibere, quippe condemnavi neminem non auditum, aut saltem citatum, ac culpæ manifestæ reum. Quod si ex officio nullòque denuntiante ad Processum sententiâque deveni, ideò fuit, *tum* ne Promotorem, aut Denuntiatorem indignationi periculisque adversariorum exponerem, verebar enim exempla jam præterita; *tum* quia Episcopus in promovendis tuendisque suarum Ecclesiarum juri-bus nullo alio instigatore opus habet, quàm stimulis Conscientiæ & Dignitatis propriæ, totque sacrorum Canonum Summorumque Pontificum Decretis.

Queritur quidem Palarinus, tres Canonicas monitiones à me prætermittas fuisse. Sed *primò* ignorare non debuit, defectu Canonicarum monitionum fieri quidem posse, ut in certis casibus Excommunicatio injusta evadat, non tamen invalida (nisi fortè in eum feratur, qui cum excommunicato communicavit, nec tamen in ea culpa, propter quam excommunicatus est) idque communis habet sententia Doctorum apud Barbosa in *cap. sacro. de sent. excom.*

& Bonacinam *Tract. de Censuris d. 1. q. 1. p. 9. n. 5.* Cùm ergo sententia Excommunicationis à me lata valida fuerit, nec eam defectus monitionum irritam facere potuerit, sequitur Palarinum non potuisse ad cautelam absolvi, nisi fortè ad unicum effectum, ut agere in iudicio posset. *Secundò.* Illud quoque Palarinum scire oportuit, magnum vid. discrimen esse, cùm quis excommunicatur, & cùm declaratur Excommunicationem incurrisse. Quando ergo in pœnam perpetrati delicti excommunicatur aliquis, iura statuunt, priùs trinas admonitiones præmitti oportere, quàm Excommunicatio infligatur: trinam verò eam admonitionem, aut tribus distinctisque terminis, aut uno, qui tribus æquivalet, fieri posse; nam omnis Excommunicatio contumaciam aliquam supponit. Cùm verò agitur non de excommunicando aliquo, sed de illius Excommunicatione declaranda, nullà opus est comminatione, quâ præmoneatur excommunicandus esse (supponimus enim jam esse excommunicatum) sed solâ citatione, ut vid. comparens respondensque rationes, si habet, adducat, ob quas se Excommunicationem non incurrisse ostendat. Ita conceptis expressisque verbis habetur in *capitulo, Reprehensibilis. de Appellat. in 6.* docetque præcitratus Bonacina *n. 1.* qui duas adducit, validasque rationes, vid. *1um* quia lex ipsa non ignorata admonet: *1um* quia sequeretur, nullam Censuram incurri ipso facto propter aliquod delictum, si præter legem necessaria esset alia admonitio. Idem Barbosa in *cap. Romana. de sent. Excomm. in 6. n. 5.* & Toletus Cardinalis, alijque docent. *Tertiò.* Sed ut nulla supersit Palarino tergiversandi causa, illud tantùm in memoriam ei revoco, vid. trinâ vice, dum in ipso flagranti delicto versaretur, à me admonitum fuisse, quod utique sufficiebat ex communi

Do-

Doctorum sententia vibrando tandem in illum anathemati; quæ enim contumacia major indigniorque dici potuit, quàm legitimo Superiori repetitis vicibus, ac iusta imperanti nolle obtemperare? Frustra ergo conqueritur Palatinus se indictâ causâ denuntiatum esse.

Sunt etiam plures casus, in quibus Superior Ecclesiasticus omiſſis Denuntiationibus potest ad Excommunicationis sententiam procedere, quorum plerique in præſenti causâ locum habent; ij verò sunt *primò*, quando fertur Excommunicatio ab Episcopo non tamquam Judice, sed tamquam parte ad defensionem jurium Episcopaliû, scilicet contra occupantem res Ecclesiæ, sive turbantem jura Ecclesiæ. Barboſa in *cap. sacro de sent. Excomm.* Felinus *ibid. n. 6. & in cap. Cùm sit Romana. n. 10. de Appellat.* Innoc. in *cap. Venerabili. n. 3. & 4. ubi etiam Abbas n. 3. & Butrius de Censibus. Secundo*, quando Judex Ecclesiasticus præcipit aliquid, quod ad ejus officium pertinet, quia verè talis non obediendo contumax est, satis enim monet eo ipso, quòd justè aliquid præcipit, vel prohibet. *Tertiò*, quando delictum est commissum in præſentia Judicis. Felin. *cit. n. 7.* Butrius in *cap. ad Apostolicam. de Except.* *Quartò*, quando Judex excommunicat excommunicatum à Jure, in hoc enim casu sufficiens reperitur monitio, cùm lex, statutum, seu sententia semper clamet, & moneat subditos à peccato illo abstinere. *leg. Arriani. Cod. de Heret. & ira habetur in cap. Reprehensibilis. & ibi Abbas n. 6. & 7. de Appellat.* Covarruvias *dicto §. 9.*

Quintò. Certum est tam ex Juris Canonici dispositione, quàm ex Glossis, quæ supra illud commentantur, non esse Appellationibus deferendum, quæ & quando illegitimæ sunt. Ita habetur in *cap. cùm de Appellationibus. in 6. cap. ad nostram. cap. cùm speciali. §. Porro de Appellat. Concil. Trid. sess. 13.*

cap. 1. de Reform. Glossa in cap. *cum Appellationibus*. de Appellat. in 6. Nota, inquit, quod *Judex*, à quo, non debet deferre Appellationi frivola sine causa, vel si causa est irrationabilis, aut est falsa; imò si deferat, peccat mortaliter. Et paulò superius. Quando *Judex*, à quo, præsūmit appellationem frivola; non deferat appellationi. Et Glossa super capitulum *solet*. de sent. Excomm. in 6. Nota ulterius junctà Glossà, quod Sententia Excommunicationis lata post Appellationem in appellantem est nulla; & hoc verum est post Appellationem legitimam interpositam ex causa rationabili & vera; aliàs reprimendo mendosè causam rationabilem posses se eximere à Jurisdictione sui Judicis. Cum ergo non præsumerem ego tantum, sed certus omnino essem, Appellationem, quam Palarinus à meis Decretis, & à Declaratione Excommunicationis ab eo incurssæ interposuit, frivola esse, nullaque validà ratione nixam, planè me peccato alligàssem, si aut ei detulissem, aut cum publico scandalo, omniumque offensione Jura Canonésque Ecclesiasticos violari ab eo passus essem; quippe Appellatio remedium est innocentiae, non defensio iniquitatis, ut loquitur Tridentinum Concilium sess. 13. cap. 1. de Reform. & cap. ad nostram. cap. *cum speciali*. de Appellat. Cæterum Palarini Appellationem illegitimam fuisse, non opus est alio, quam Pontificis Romani testimonio. Tholosanae sententiæ hanc notam inurentis: *Contra manifestam causam justitiam, contra omnes humani Divinæque Juris regulas, contra morem Prædecessorum tuorum, aliorumque Gallia Præsulum, &c.* Omnes ergo Appellationes, quæ contra Decreta à me edita (quamdiu ista sacris Canonibus Concilijsque in hoc Regno receptis fuerint conformia) interpositæ sunt, & quidquid in favorem Regaliæ deinceps Illustrissima Dominatio Vestra molita fuerit, non aliud ex sententia Romani Pontificis elo-

gium merebitur, quàm quòd *contra manifestam causam justitiam, contra omnes humani Divinique Juris regulas, contra ipsius Ecclesia totiusque Provincia jura & libertatem, & contra morem Prædecessorum aliorumque Gallia Præsulum peracta sint.*

Nec potest Palarinus, alijque ei similes, qui censuras incurrerunt, pro se textum capituli *Venerabilis. de sent. Excomm. in 6.* producere, in quo dicitur: *Ubi Superiori competet de Excommunicatione cognoscere, absolutio, seu relaxatio quam ipse fecerit, tenet.* Palàm enim est, in eo canone de eo solùm casu sermonem esse, quando absolutio in præjudicium sacrorum Canonum, Conciliorum, Decretorumque Summorum Pontificum vergat; verba citati capituli sunt: *Quoniam etsi contra jus litigatoris, non tamen contra jus Constitutionis absolvit.* Id quod etiam in capitulo *cùm inter. de sententia & re judicata* habetur. Cùm ergo Illustrissimæ Dominationis Vestræ Kalendis Septembris anno 1677. pronuntiata sententia, secutæque inhibitiones, & quoad formam, & quoad substantiam nullæ irritæque sint, ut abundè alibi ostendi, & ipse quoque Romanus Pontifex testatus est; sequitur me nullo modo ijs deferre debuisse, præsertim cùm me nec vocato, nec audito nulla potestas Vobis fuerit, me potestatis meæ usu interdicendi, ut est expressus textus in *cap. Romana de Appellat. in 6.* & ibi Barbosa alijque plures Canonistæ.

Verum quidem est, me non adlaborasse, ut pronuntiata ab Illustrissima Dominatione Vestra sententia pro nulla irritaque declararetur; cæterùm ne id facerem, causæ intercesserunt toti mundo notæ: sed neque id obstat æquitati meæ causæ, nec ego præsentī actui illud prætendo, ut à sententia Vestra appellem, sed tantùm ut nullitates, ac essentialēs defectus appareant, qui sententiam Vestram
cassam

caſſam reddiderunt, quique tam ſunt manifeſti, ut nec de-
ferre illi poſſim, nec tamen opus habeam appellare; quip-
pe teſte S. Gregorio in *cap. 1. de ſent. & re judic.* *Sententia con-
tra leges canonéſque prolata, licet non ſit appellationeſuſpenſa, non
poieſt tamen ſubſiſtere ipſo jure.* Et S. Symmachus in Concilio
Romano: *Injuſtum judicium, & definitio injuſta Regio metu vel
juſſu à Judicibus ordinata non valet, nec quidquam contra Euan-
gelicam, vel Propheticam, aut Apoſtolicam doctrinam Conſtitu-
tionémque eorum, ſive Sanctorum Patrum actum fuerit, ſtabit.*

Has ergo aliásque ob cauſas liberrimè profiteor, me,
quos haſtenus, aut excommunicavi, aut excommunicatos
declaravi, ſemper pro excommunicatis habiturum, idque
Clero Populóque, ut eos pro talibus habeant, numquam
inculcare ceſſabo, dicámque quod olim in ſimili caſu S.
Anthelmus Episcopus Belvacenſis: *Qui juſtè ligatus eſt, ſol-
vi non debet, niſi priùs per pœnitentiam ſatiſfaciat illi, quem
leſit, atque ita eſi fortaſſis non dignè & pro meritis, ſaltem ex
miſericordia perſuadente, & juſtitia parcente Catholica Eccleſia re-
ſtituatur; neque enim vel ipſi Beato Petro ſic eſt hac collata poteſtas,
ut vel non ſolvenda ſolvere, vel non liganda ligare debeat; quanto
igitur minùs nobis? Id igitur certum habetote, me à ſemel pro-
nuntiata ſententia non diflexurum, ſed eam planè retemurum.*
Apud Surium in vita S. Anthelmi. Ipſam verò Palarini abſolu-
tionem quod attinet, auſim Illuſtriſſimæ Dominationi Ve-
ſtræ illa Lyonis Carnotenſis verba in memoriam revocare:
*Fama Veſtra non bene conſulitis; ſi enim juſto anathematis vinculo
eſt ligatus, cum juſta vincula non diſſolvat, niſi vera cordis con-
verſio, eo adhuc permanente in crimine ad perſuaſionem quamdam
Perſona ſplendide, quid eſt hoc anathema deſtrucere, niſi ſeiſpſum
pravavicatorum conſtituere?*

Hæc ſunt, quæ Illuſtriſſimæ Dominationi Veſtræ in hac

causa significanda duxi, quæque si nimis liberè à me dicta sunt, non id planè fuit, quòd ignorarem, quid reverentiæ deberem; sed quòd in causa DEI Ecclesiæque locum esse crederem honestæ libertati, & si quidem Illustrissimæ Dominationi Vestræ placuerit ea legere, quæ, qui crucem præferebat, S. Thomam Archiepiscopum Cantuariensem intrepidâ libertate admonuit, animadvertet, me, quamvis Episcopum, & quidem omnium hujus Provinciæ seniore, multò parcius quàm ille locutum; & tamen Archiepiscopum monebat, non aliâ culpâ lapsum, quàm nimio in Confratres Ecclesiâque suam amore.

Apamijs 8. Maij 1680.

*Humillimus & Obsequentissimus
Servus*

Franciscus Episcopus Apamiensis.

Documentum XLVI.

Aliud Ejusdem INNOCENTIJ PP. XI. Breve ad
Illustrissimum Episcopum Apamiensem.

Dier. Julij Anno 1680.

Venerabilis Frater, Salutem & Apostolicam Benedictionem. Quod plurimorum sermone Nostris auribus dudù insonat. Fraternalitatis tuæ ad Nos litteræ planè declarant. Te scilicet in tribulationibus gloriantem, & inter affectæ valetudinis incommoda, inter paupertatis & vexationum angustias crescentem quotidie magis in charitate Christi, magno fortique animo illius causam agere, & pergratum DEO hominibusque spectaculum exhibere. Magnum profectò ex tantæ virtutis experimento dolori Nostro solatium
cepimus,

cepimus, & pari obligationis nexu obstringimur, tendendi supplices in cœlum manus, ut uberes profiteamur misericordiarum Patri gratias, quòd difficillimo tempore suscitaverit sibi in isto Regno Sacerdotem fidelem, qui in communi animorum consternatione & silentio, quasi tubam exaltet vocem suam, & opponat murum pro domo Israël: Documentum illustre cæteris, quos Dominus posuit regere Ecclesiam, quam acquisivit sanguine suo, quàm pæclara, quàm gaudij plena res sit, dignos haberi, qui pro Jesu Christi nomine contumeliam patiantur: si contumelia dicenda est, ex qua vera & solida in hac quoque mortali vita oritur gloria, judicio sapientum. Nos quidem, quantum situm in Nobis erit, nullo loco deerimus virtuti tuæ: quamquam etsi decssent omnes, pro explorato tamen habemus Deum causæ suæ, necessitati Ecclesiæ, constanti tuæ in ipsum fidei, assiduis & accuratis precibus Nostris, bonorum denique omnium votis non defuturum. Statueramus efficax remedium adhibere ijs, quæ Archiepiscopus Tholosanus contra Lugdunensis Concilij sanctionem, & contra Apamiensis Ecclesiæ, vel potius Provinciæ Tholosanæ jura libertatemque attentare ausus fuit: sed redditis Christianissimi Regis litteris, in quibus ad ultimas Nostras consuetæ cum filialis observantiæ significatione respondens, se injunxisse significat dilecto filio Nostro Cardinali d' Estrées, ut expedito itinere ad urbem proficiscatur, regiam Nobis mentem super negotio Regaliæ declaraturus: operæ pretium duximus eisdem remedio supersedere, dum Cardinalis adveniat. Nobis enim persuademus, Regem quoque ipsum interim curaturum, ut omnia in locum pristinum reponantur. Quòd si secus accidat, præfatus Archiepiscopus, ab eoque causam habentes pergant in te tuisque Canonicis, aliisque Ecclesiæ

tuæ Beneficarijs vexandis, prætextu juris Metropolitici, tuæ Pastoralis sollicitudinis, & spectatæ constantiæ partes erunt, Te, tuamque Ecclesiam adversus eorum attentata, Sacrorum Canonum, & Constitutionum Apostolicarum ope armisque defendere. Ad Nos enim quod pertinet, omne tibi à Pontificia autoritate, & à paterna charitate Nostra præsidium polliceri debes. Tibique Apostolicam benedictionem peramanter impertimur. Datum Romæ apud sanctam Mariam Majorem sub Annulo Piscatoris, die 17. Julij 1680. Pontificatus Nostri anno quarto.

Marius Spinula.

Documentum XLVII.

Epistola Domini Dorat Archipresbyteri Aquis
sis ad Dominum la Borde.

NOtandum est, Clericum quemdam, nominatum la Borde, ab Illustrissimo Episcopo Apamiensi (qui nunquam induci potuerat, ut illum ad sacros Ordines promoveret) Romam missum esse, ad curanda Diocæsis negotia, quò jam Dominus Dorat ejusdem Episcopi jussu pervenerat, Sacerdos plenæ exploratæque probitatis ac prudentiæ. La Borde, Episcopo Apamiensi jam vita functo, Româ Parisios discessit consilij quorundam permotus, simulque libellum mendacij ac calumnijs refertum Aulæ obtulit, eodémque tempore non erubuit Domino Dorat scribere, se conscientia stimulis adactum, & poenitentia eorum, quæ contra Regiam unitis cum eodem Dorat consilij exercuerat, Româ egressum, Regiamque Clementiam, à qua veniam

niam speraret, appellâsse, atque, ut Doratidem faciat, vehementer hortari. Ad hanc epistolam Doratus sequentem in modum respondit:

*Amice ad quid scripsisti? Vestras decimo quarto Martij exaratas, quo tempore Christi Redemptoris nostri Passionem recolimus, ritè accepi. Fateor enim verò quæ Romæ, non quidem ea, quæ mecum in causa Regaliæ, sed quæ clam me secretò agitâstis, vobis meritò horrore esse. Illud quoque verum est, nec à me negari potest, cum dicitis, vos spe veniæ consequendæ ad nova consilia permotos esse; quamquam illud potiùs dici oportebat, vos vid. spe præmij consequendi, quo labores compensarentur pro Ecclesiæ juribus & libertate suscepti, invitatos esse; quippe vobis animus non fuit, pro Ecclesia militare, postquam armari contra vos mundum experti estis. Priùs enim, cum nondum tempestas deseviret, adeò Regaliam detestati estis, ut eam in epistola ad Illustrissimum Episcopum Apamiensem 18. Septembris anno 1678. Parisijs data *Just* imaginarium appellaretis, imò tam injustum, ut etiam jubente Episcopo ei promovenda numquam animum adyccere, *Vestramque operam locare sustineretis; & adjecistis: Optare quidem Vos, ut Regi citra culpam obsequi liceret, sed rem esse tam evidenter injustam, ut instrumentum esse nolitis ei protegenda.* Et in eadem epistola Vos ita Regaliam sectari ostenditis, ut eam improbetis quidem, nec tamen eam deferendi animus virisque suppetant, *sed similem captivo esse, servitutem averfanti, sed viribus destituito, quibus laqueos abrumpat.* Et palmariam causam, quæ vos Regaliæ devinicat, adjungitis, vid. quia alioqui non essetis *amicus Caesaris.* Et in alia epistola vigesimâ septimâ Augusti data: *Tertiâ jam vice expertos Vos esse dicitis, nemini ad Regem aditum permitti, nisi qui animo veniat**

nias, omnia quæ ab illo sunt, collaudandi approbandique: & ipsos quoque Sorbona Doctores iustissimam credere Ecclesiæ causam; ne id tamen scriptis testentur, metu prohiberi. Hæc tunc quidem Vobis sententia fuit, non animo tantum, sed etiam calamo expressa, parvâ licet Regiæ Majestatis reverentiâ; at verò ubi mortuo Episcopo Apamienfi ex una parte mortuas quoque spes Vestras credidistis, ex altera metus & pericula se ostentârunt, tunc enim verò sepositâ fiduciâ, quam in Deo collocare oportebat, veritique familiæ Vestræ paupertatem, nec aliâ ratione inducti, quàm spe amplioris fortunæ, Conscientiam, Episcopum, Ecclesiam, Vestrosque Amicos deferere statuistis, imò Regis ipsius causam; quippe qui Vestris imposturis calumniisque id solum egistis, ut Eum veritatem celaretis, utque gratiâ apud illum exciderent, qui & Conscientiæ & honoris titulo multo magis quàm vos Ejus obsequio adstricti sunt, quique & in hoc, & in prosequenda Ecclesiæ causa nullum aliud sibi præmium ante oculos ponunt, nec deinceps ponent, Divinâ favente gratiâ, quàm illud unicum, ut Deo vid. placeant. Revocate in memoriam, non prius Vobis alias cogitationes, aliâque sententiam susceptas esse, quàm ubi advertistis, noluisse me cooperari, ut Beneficio, ad quod aspirabatis, potiremini; memineram enim, Illustrissimum Apamiensem sæpè & me, & alijs coram palàm professum esse, Vos ad vitam Ecclesiasticam minimè vocatos esse: quæ etiam causa fuit, ut numquam induci potuerit, ut Vos, quamvis per ætatem liceret, sacris Ordinibus initiaret. Hic quidem fama percrebuit, Vobis eum honorem contigisse, ut ad Regis alloquium admittamini: quod si verum est, vereor, ut si oculos in faciem Vestram conjecerit, pro mirabili, quam à Deo accepit, sagacitate, continuò agnoverit,

agnoverit, nullam verbis vestris se posse fidem adhibere. Maluisssem equidem pro amore, quo vos complector, hæc omnia aeterno silentio involvere, sed tam multa à vobis veritati adversa & scripto, & factò prolata sunt, ut me cogerent veritatem, quam aliàs celatam cuperem, palàm edicere. Libellus, quem, uti scribitis, ad Regem dedistis, & hic ad Eminentissimum Cardinalem de Estrées, ad manus quidem meas necdum pervenit; ceterùm cùm nullius nec in Regem, nec in Deum admissæ culpæ mihi conscius sim, quidquid in eo continetur, si verum sit, pudori non erit; si falsum, imposturæ convincam, nec, ut spero, Deus umquam permittet, ut qui me cognoscunt, aliquid meis moribus indignum credant, præsertim cùm candor sinceritæque mearum intentionum neminem lateat. Ego Romam adij jussu Episcopi mei, cujus merita pietasque non vobis tantum, sed etiam Ecclesiæ toti perspecta sunt. Ego primas negotij & industriæ meæ partes à precibus incepti, quas Sanctitati suæ demississimè obtuli, rogaviq; interpositâ Eminentissimi Cardinalis Cybi operâ, dignaretur apud Christianissimum Regem secretam privatamque Episcopo meo audientiam obtinere; id enim mihi Episcopus imperaverat, sperabatq; si modò rationes ac momenta causæ suæ exponere posset, se justissimo Principi facilè persuasurum, non solum ut institutum suum probaret, verum etiam promoveret. Præclara sunt utique hæc innocentiae meæ testimonia, nec credo suppetere vobis, quæ illis opponatis. Perrexi deinceps approbationem Constitutionum urgere, quas idem Episcopus meus ad Capitulum dederat, obtinuiq; à Summo Pontifice. Exhibui quoque epistolas Eidem Pontifici ab Episcopo, Capituloque Cathedrali datas, quibus Ecclesiæ suæ libertatem commendabant; ac tandem nihil

seu voce, seu scripto omisi, quod ad plenè informandam Sanctitatem Suam de iustitia causæ, quam defendendam susceperam, necessarium crederem. Hæc cum ita se habeant, quid tandem illud est, quod, uti dicitis, Conscientiæ mihi ducere, pœnâsque dare oporteat? an fortè quod Confessariorum meorum consilijs Suæque Sanctitatis Voluntati non sim plenè obsecutus? id enim mihi exprobratis. Cæterum quàm hæc querela nullo fundamento nitatur, Vobis perspectissimum est; ego enim quamdiu Romæ moratus sum, duobus tantum Confessarijs usus sum. Primus fuit R. P. Mariana Sofini, Congregationis Oratorii S. Philippi, cujus memoria non Romæ tantum, sed in toto Orbe Christiano magnæ venerationi est, constat enim sanctitate florentem vivis excessisse; huic ego, donec consilio Medicorum Carbonianum Româ migravit, arcana commisi Conscientiæ meæ, & ex adjuncto litterarum exemplari, quas ad me dedit, perspicere licebit, quam ille de me opinionem habuerit: planè cum in laudes meas effundatur, maluisssem eas epistolas celari, nisi ut illas proderem calumniæ effecissent, quas in me coniecistis; ergo, ut verbis Apostoli utar, *factus sum insipiens, sed vos me cœgistis*. Alter meorum Confessariorum est R. Pater Ascanius Belluzius, Eiusdem Congregationis Superior, cuius laudibus recensendis consultò abstineo, quippe adhuc viventis: quid ille de me sentiat, interrogari potest audiri que: *Ætatem enim habet, ipse loquatur*. Ipsi quoque Illustrissimi & Reverendissimi Episcopi Apamiensis operâ in expianda Conscientia quindecim ferè annos usus fui, dum in Apamiensi Diocesi commorarer; & postquam me Romam contuli, non cessavit, quâ erat charitate, me litteris instruere, imò datis epistolis ad quamplurimos, eosque Primores, ipsùm
que

que summum pontificem meam agendi rationem quam plurimum comprobavit; quæ omnia argumento sunt, nihil contra illius intentiones à me peractum esse, præsertim si ea quoque ad animum reducat, quæ vos ipsi Ejus jussu ad me scripsistis. Sanè multò maiori jure opponere ego vobis possem, quod vos ipsi viro fide dignissimo confessi estis, vid. & Romæ à noto quodam Pœnitentiario, & in Æde Lauretana ab alio Societatis Jesu vehementer improbatam esse mutationem, quam tunc temporis meditabamini, quæque animum, & Conscientiam vestram adeò agitavit, ut & somnus à vobis fugeret. & tristissimæ imagines oculis oberrarent, adeò ut horrore metuque percellerentur, qui vobiscum sermonem miscebant, & ego alijsque quamplures amici vestri id in vobis notaremus; hæc inquam, cum perspectum esset, vobis obijci posse, maluistis prævenire, justasque querelas injustis calumnijs occupare.

Sed nec sufficit vobis, ut me Aulæ Regiæ Christianissimo odiofum redderetis suspectumque, nisi insuper idem Romæ, & apud Summum Pontificem moliremini, Cujus Voluntati dicitis me adversatum, & defectum obsequij eo prætextu velasse, quòd non satis de rerum veritate Pontifici constaret. Cæterum voluntatem Romani Pontificis quod attinet (quam me dicitis nullius pensi habuisse) adeò ex Brevibus ab Eodem Pontifice datis clarum est, ut omnibus constare possit, me ab ea nihil penitus deflexisse; & ego sæpius de hac causa cum Sanctitate Sua locutus sum, estque tanti momenti, ut ne diem quidem Romæ me passa esset consistere, si contra illius intentiones aliquid moliri attentassem. Quod si illud velitis, Pontificem meis sermonibus eò adductum esse, ut sententiam mutaret, sequere ad alia consilia induci pateretur, magnam profectò inju-

riam ei facitis, perinde ac si tantus Pontifex ex meis nutibus arbitrioque penderet, nec quid facto opus sit, intelligere posset, nisi me suggerente. Illud verum est, quòd, cum causâ Regaliæ sit admodum recondita, multisque etiam Gallicanorum Scriptorum ignota, necessarium fuisse, ut Sanctitas quoque Sua dignaretur in ejus fundamenta exactè inquirere, quod etiam abundè fecit. Cum ergo hæc ita se habeant, ingenuè fateor, non posse me non vehementer admirari indignarique malignitati vestræ, quâ totam epistolam aspersistis, & semel iterumque repetere: *Amice ad quid scripsisti?*

Causam Domini Seris quod attinet, ipse rationem eorum reddet, quæ inter utrûmque vestrum Florentiæ contigerunt; cumque sit vir æqui bonique amans, ingenuè veritatem fatebitur. Illud verum est, me nunquam induci potuisse, ut illis quæ scribitis fidem adhiberem, vid. eum vobis minas intentâsse, ac coëgisse, ut litteras ad R. P. Fabrii scriberetis, easque, quas Pater de la Chaise ad vos dederat, vi abstulisse: quis enim sibi persuadeat, hominem excrementum nullisque clientelis subnixum in urbe tam grandî, & contra hominem tam robustum vividumque, ac viribus præpollentem hæc ausum esse? Planè hoc facinus haud dissimile videri possit pugnae, quam David suscepit cum Goliatho Gigante, & quisquis utrûmque Vestrum cognoscit, fabulam omnino narrari opinabitur. Quod si, uti scribitis, ingenuè professus est, vereri se, ne in Vestrum interitum rueretis, profectò à veritate non aberravit; quis enim credat Vobis animum fore ad Vestras culpas dolosque palam faciendos, excipiendâsque poenas, quas propter eâ meriti estis, quando horrore paupertatis aliarumque adversitatum, quæ gloriosæ Vobis fuissent, tam indigna perpetrastis?

Cau-

Causam Ecclesiæ Apamiensis quod attinet, & cui Vos malè ominamini, ea talis est, ut omnino sperem, feliciter absolutum iri, nec minori Ecclesiæ, quàm Regni ipsius bono. Denique si Dominus Serri veritus est, ne nostro in Gallias adventu vita mea periclitaretur, id illius tribuo charitati; alioqui tam mihi Principis justitia perspecta est, ut vanum credam, qui ob fideliter expleta Episcopi sui mandata pœnas ab æquissimo Rege vereatur. Quod si præter Christianissimi Regis intentionem ob expletas honestatis, & Conscientiæ meæ partes adversi aliquid eveniat mihi, spero cum Divina gratia, me id æquo hilarique animo laturum: nec tam me, quàm illos potius miseros fore, qui earum calamitatum auctores mihi fuerint; nam ut bene S. Cyprianus monet *epistolâ 75. Cum nocentes innocentibus injuriam faciunt, illi patiuntur injuriam, qui facere se credunt.* Et S. Hieronymus *epist. 68.. Non qui patitur injuriam, sed qui facit, apud Christianos miser est.*

Hæc sunt quæ ad epistolas Vestras respondenda duxi, quibus illud adjungo, me numquam cessaturum pro salute Vestra memoriam ad aras facere, imò multò jam ardentius quàm olim facturum: quippe verbis Salvatoris nostri impulsus, pronuntiantis: *Orate pro calumniantibus Vos;* & exemplo quoque Regij Prophetæ excitatum, qui cùm calumnijs suorum impeteretur, tantò impensius orabat: *Locuti sunt, inquit, adversum me lingua dolosa. Et sermonibus odij circumdederunt me, pro eo, ut me diligerent; detrahebant mihi, ego autem orabam.* Ergo à Divina misericordia easdem Vobis, quas mihi gratias postulabo, atque utinam præces meas, quamvis ab indigno profusas, ille exaudire dignetur, quem admodum servi sui Davidis exaudivit: *Ego autem, inquit,*

orabam, & exaudistime DEUS meus. Id Ecclesia hodierno
 Officio precatur, & ego ex toto corde persevero.

Roma 2. April. 1681.

Humilissimus & addictissimus Servus

Dorat Archipresbyter Aquisensis:

Documentum XLVIII.

Reverendi Patris Mariana Socini Presbyteri
 Oratorij JESU CHRISTI in Urbe, ad Illustrissimum ac
 Reverendissimum Episcopum Apamiensem.

29. Octob. 1679.

Illustrissime ac Reverendissime Domine:

MAGNUM obtigisse mihi lucrum existimo, ex eo, quòd
 mihi datum sit familiariter atque intimè agnoscere
 Dominum Archipresbyterum Aquisensem, Sacerdotem,
 liceat dicere, dignè Evangelio Christi conversantem, ope-
 rarium inconfusibilem, & quidem in illo & Illustrissimam
 Dominationem Vestram agnovi, tanquam in Discipulo
 Magistrum, tanquam in filio Patrem, utinam dum utrùm-
 que ex corde veneror, utriusque etiam virtutes sedulò
 imitari incipiam.

Non sine magno ac justo animi mœrore audiui motum:
 magnum, qui factus est in mari, ita ut navicula Vestrae Pa-
 storali Sollicitudini credita, jam videatur operiri fluctibus,
 & jam clamandum supersit: *Domine salva nos, perimus.*
 Magna quidem procella, magnum periculum: sed major
 ille, cui data est omnis potestas in cœlo & in terra, qui pro
 Sanctissimo Suo beneplacito imperat ventis & mari, & sit

tran-

tranquillitas magna. Spero equidem, quòd manus Domini erit cum Illustrissimo Domino meo; nec irrita fiet spes mea: quia in paterna Dei providentia, atque ipsius causæ justitia, nec non in tam pij Præsulis vigilantia & constantia innititur.

Gaudeo, Illustrissime Domine, quòd in negotio maxime arduo ac periculis pleno, non quæras, quæ Tua sunt, sed quæ Jesu Christi: quòd omnia arbitreris, ut stercora, ut Christum lucrifacias. Gaudeo potissimè, quòd Zelum Dei habeas, ac Zelum secundum scientiam, Zelum illum, quem, ut ajebat S. Bernardus, inflamat charitas, informat scientia, firmat constantia: Zelum fervidum, circumspectum, invictum, Zelum denique humilem, docilem, absque ulla animi perturbatione, cum cordis dulcedine, cum debito charitatis ordine, ut in majora magis, in minora minus feratur Zelus; quæ quidem Zeli circumstantiæ fulgent egregiè in Illustrissimo Domino meo.

Inficiari quidem non possumus, quin rerum maximæ arduarum eventus, juxta inscrutabilia Dei judicia, incerti sint: sed certissimum est, quòd fideliter ac fortiter propter Christum certantibus reposita sit corona justitiæ, quam reddet in illa die justus Judex.

Ego pluries allocutus sum Eminentissimum Dominum Cardinalem Cibum de rebus ad Ecclesiam Vestram spectantibus: ac testor, quòd optimus hic Cardinalis agnoscit justiciam causæ, nec non Spiritum verè Apostolicum, quo Illustrissima Dominatio Vestra negotium promoveret; ipsumque negotium sæpius ex corde commendavit Sanctissimo Summo Pontifici, nec unquam desister à protectione tam piæ causæ; ac certa sit, quòd Eminentissimus iste Princeps diligit ex animo Illustrissimam Dominationem Vestram,

stram, Vestramque probatam virtutem, prout meretur, in pretio habet. Ipse Summus Pontifex benignam præbet aurem negotio, ac favorem suum, prout DEUS dabit, impendet. Interim ego minimum, quod poterò, libentissimè adjiciam.

Obsecro Illustrissimum Dominum, ut excusare dignetur redditum nimis serum istius meæ Epistolæ. Etenim infirma mea valetudo, cui accedunt non modicæ occupationes, vel adimit, vel minuit culpam tarditatis meæ. Ex corde commendatum me cupio Sanctis Vestris præcibus, prout & ego semper memor ero Vestri apud Deum.

Scribo Illustrissimæ Dominationi Vestræ ex oppido Carboniani in agro Romano, è rustico quodam prædio, quod pertinet ad nostram Congregationem Oratorij, ubi per aliquos dies detineor medicorum consilio. Utinam magnificem Christum in corpore meo, sive per vitam, sive per mortem. Die 29. Octobris. 1679.

Documentum XLIX.

Copia d' una Lettera del medemo Reverendo
Patre Mariana ad una persona di pietà.

21. Ottobre, 1679.

Gl'à che si compiace di sentire il mio parere intorno all' impetrazione delle SS. Reliquie al favore del nostro Signore D. Errigo Dorat, direi che la singolar bontà del supplicante merita qual che singolarità di gratia, essendo ci anco moral certezza, che sotto l'occhio suo saranno tenute con ogni veneratione e culto: è potiamo che non dispiacera à i Santi venire in mani così pie Lodarei che . . . rap-
pre-

presentasse al Signore. . . . il merito del Signore Don Errigo, che oltre alla sua bontà, è anco bene merito della Sede Apostolica per la santità delle cause, che promove in Roma, con suo dispendio, con fatiche, e con pericoli . . . mi favorisca di dire al Signor Don Errigo, che io li do il mio placet, per ottenere le reliquie de' santi con questo patto, che egli si obblighi di esser santo, e di redintegrare al suo tempo le reliquie, che toglie à Roma con le reliquie, che poi resteranno del suo corpo. Mi raccomando con tutto l' cuore alle orationi . . . e di Iuy. 21. Octob. da Carbognano 1679.

Documentum L.

Breve Sanctissimi D.N. INNOCENTII XI. PP.

Ad Canonicos Apaminienses.

INNOCENTIUS PP. XI.

Dilecti Filij, Salutem & Apostolicam Benedictionem.
Nihil accidere Nobis tristius poterat nuntio, quem cum rumore ipso publico vestrae litterae attulerunt; decessisse bonae memoriae Franciscum Apamiensis Ecclesiae Episcopum, eam virtute, eoque Pastoralis zelo, & invicta animi constantia praeditum, ut Vir secundum cor Dei, & verè Apostolicus dici meruerit. Quod autem dolorem nostrum cumulat, eo tempore decessit, quo eum maximè vivere afflicta ejusdem Ecclesiae conditio postulabat. Causam enim vestram, quos tam vigili Pastore, tam provido parente orbatos videmus, non mediocriter angimur. Omnem tamen doloris sensum ab animis nostris debet abstergere consideratio praemiorum, ad quae illum, sicuti sperare fas est, tot pro sua Ecclesia exhausti labores, tot incommoda, atque arumnae pro causa Dei forti magnoque animo ad supremum

mum vitæ spiritum toleratæ, ex hoc mortali carcere evocârunt. Unde spes alia oriri debet, cum validiore in posterum patrocínio rebus vestris è Cœlo affuturum, neque passurum, ut Apamiensis Ecclesiæ Disciplinam tam sapienter à se, tam salubriter restitutam quisquam mortaliū invertat: sed potius à Misericordiarum Patre impetraturum, ut conversis in melius animis consilijsque alicor sentientium, pristina eidem Ecclesiæ pax, tranquillitasque reddatur, ut sponsæ sibi per tot annos ad extremum dilectæ, in præsens viduatæ, Præsul si minus pari, simili tamen spiritu ac virtute contingat; modò vos fideles inveniamini in Canonica libertate ipsius Ecclesiæ pro viribus tuenda, & in observandis sapientissimis constitutionibus, quas ab eo lucubratas, vobisq; ad sanctioris vitæ regulam pro instituti vestri sanctitate propositas. Nos non ita pridem Apostolicâ autoritate firmavimus: quæ ut strenuè, & constanter exequamini, utque istius Diœcesis Clerum in tradita ab ipso disciplina sedulò contineatis, supervacaneum ducimus adhortari; cum diuturno experimento perspecta virtus, fidésque vestra, plus etiam quàm à vobis petere æquum esset, polliceantur. Cæterum ex nostris ad eundem Episcopum Litteris decimâ septimâ Julij datis cognoscere potuistis, quàm præcipuum sibi locum inter Pontificias curas vindicet negotium Apamiense, cum quo plurimarum Gallici Regni Ecclesiarum, vel potius totius Ecclesiæ Catholicæ causâ conjuncta est. Meritas interim, rebus ab excessu Episcopi per vos piè ac fortiter gestis, laudes tribuimus, utque in instituto itinere strenuè pergatis, vos magnoperè hortamur, nihil omissuri eorum, quæ ad prosperum rerum exitum conducere posse intelligemus. Speramus autem ac planè confidimus, divinam bonitatem, vos
 atque

atque Ecclesiam istam singulari cum vestra laude & pro-
ventu ab omni tribulatione, quam subire necesse est, qui-
cumque volunt piè vivere in Christo Jesu, quàm primum
liberaturam. Lata interim vobis omnia assiduo cum Di-
vinæ Gratiæ incremento apprecamur, & intimo paterni
amoris sensu Benedicimus. Datum Romæ apud Sanctam
Mariam Majorem sub Annulo Piscatoris, die 25. Septemb.
1680. Pontificatus Nostri anno quinto.

Marius Spinula.

Documentum LI.

Breve Sanctissimi D. N. INNOCENTII XI. PP.

Ad Illustriſſimum Archiepiſcopum Tholoſanum.

INNOCENTIUS PP. XI.

Venerabilis Frater. Non possumus non vehementer
mirari, quod ad aures nostras pervenit, videlicet Frater-
nitatem tuam veritam non esse passim absolvere eos, quos
novo & injusto Regaliæ titulo, in Apamiensis Diocesis
Beneficia intrusos bonæ memoriæ Franciscus Episcopus
declaravit obstrictos censuris, à Generali Concilio Lugdu-
nensi inflictis; cum præsertim non desint, qui parochiales
quoque Ecclesias (rem antea inauditam) eo prætextu oc-
cupaverint. Admirationem verò Nostram vehementer
auget, quòd nihil statuere potes contra jura, libertatèque
Ecclesiæ Apamiensis, quin idem contra Tholosanam, &
universam Provinciam istam statuas. Præterea ignorare
non potes, Episcopum ipsum Apamiensem à tuis Senten-
tijs ad Nos, & ad hanc sanctam Sedem appellasse, Nosque

appellationem hujusmodi admisisse; cujus rei vel umbra ipsa, si debitam Eidem Sedi reverentiam in consilio habere voluisses, revocare te, atque retrahere ab incepto debuisset. Hæc scribenda ad Fraternitatem tuam duximus; ut & ea, quæ perperam egisti, corrigas, & à similibus in posterum agendis abstineas, atque interim conscientię tuæ consulas.
Datum Romæ die 2. Octobris 1680.

Marius Spinula.

Documentum LII.

Breve Sanctissimi D. N. INNOCENTII XI. PP.

Ad Capitulum Ecclesiæ Apamiensis.

INNOCENTIUS PP. XI.

Dilecti Filij, Salutem & Apostolicam Benedictionem! Præter omnem expectationem Nostram accepimus ex vestris litteris, quæ nuper isthic acciderunt, de dilecto Filio Michaël d' Aubarede Archidiacono, & Vicario Generali, per vos verum & legitimum ejusdem Ecclesiæ Capitulum constituentes, Canonicè Electo, exulare jussu; deque admissis ad celebrationem divinatorum officiorum ijs, quos tanquam in beneficiorum possessionem temerè ac violenter intrusos, bonæ memoriæ Franciscus Episcopus vester innodatos censuris, à generali Concilio Lugdunensi inflictis, promulgaverat. Vestræ tamen pietatis, ac fidei erit, manere in statione, & locum, in quo positi estis, constanter tenere, sicut facitis: neque alios Vicarios Generales sede vacante agnoscere, quàm præfatum Michaëlem d' Aubarede, & alios à vobis electos, vel eligendos; quos etiam quatenus opus sit, autoritate Apostolicâ confirmamus, & respe-

respectivè confirmabimus; mandantes Clero tam Seculari, quàm Regulari & universo populo Apamiensi, ut neminem alium, quàm quos diximus, Vicarium Capitularum agnoscant, aut illi actum ullum obedientiæ præstent; de quo etiam per vos, seu per electos à vobis Vicarios, moneri præfatos, Clerum, & populum volumus, ac mandamus; alios enim, quicumque Vicarij Generalis auctoritatem sibi, quocumque nomine usurpare auderent, antequam novum Episcopum Apamiensi Ecclesiæ præfecerimus, nullum planè jus, aut facultatem habere eos, negotijs se Ecclesiæ, & Diocesis istius immiscendi, eaque omnia, quæ Vicariatus ejusmodi titulo per eos agi contingeret, irrita, & inania, ac nullius momenti fore declaramus. Agendæ interim Divinæ Misericordiæ uberes gratiæ de occasionibus, quibus virtutem, ac fidem vestram exercet, & de singulari constantia, quâ vos armat, ad omnia alacriter pro Christi nomine, cum gaudio sustinenda. Nos paternum Nostrum ob angustias vestras dolorem, eâ interim consideratione lenimus: quod multæ sunt tribulationes justorum, & de omnibus eis liberabit eos Dominus. Ac vobis dilecti Filij, Apostolicam Benedictionem peramanter impertimur.

Datum Romæ apud Sanctam Mariam Majorem sub Annulo Piscatoris die 2. Octobris 1680. Pontificatus Nostri anno quinto.

Marius Spinula.

Documentum LIII.

Epistola Joannis Cerle, Vicarij Generalis Apamienſis Eccleſiæ, Sede vacante, ad INNOCENTII PP. XI.

BEATISSIME PATER,

Post humillima Pedum oscula.

SIm licet pulvis, & cinis, eâ tamen fretus benignitate, quâ nos oviculas Vestras tamquam bonus Pastor Apostolicis humeris gestatis, & sacro gremio confovetis; non verebor ad Vos Dominum meum loqui, & in Sanctitatis Vestræ sinum meas, & totius Apamienſis Eccleſiæ lacrymas effundere. Sed quid lacrymas mærorémque loquor, cum nobis potius lætandum sit (ſiquidem verè Chriſtiani ſumus) illudque Pauli unicoique noſtrûm uſurpandum: *Repletus ſum conſolatione, ſuper abundo gaudio in omni tribulatione noſtra.*

Quanta ſit hæc noſtra tribulatio, Pater Sanctiſſime; enarrare quis queat? Dum enim Sanctitas Veſtra, pendente iſtiusmodi negotij tractatione, non ſolùm poneret fulmina, ſed etiam eſſeratos tot adverſariorum noſtrorum animos, omnimodis Paternæ Clémentiæ officijs delinire conaretur, nobiſque, & induciarum fides, & ſpes propediem ad futuræ pacis ſecuritatem pollicerentur; ecce repentina tempeſtas ingruit. Quôdque Sede vacante nihil innovari paſſi ſumus, & nullâ ratione adduci umquam potuimus, ut anathematizatos, & publicè denuntiatos Regaliſtas in communionem noſtram admitteremus; bonis, Patriâ, libertate ſpoliamur; erramus in ſolitudinibus, egentes, & anguſtiati, vinculis, cateniſque conſtriçti, per oppida circumducimur, ad terrorem omnibus incutien-

dum;

dum: cum sicarijs, ac parricidis, teterimis ergastulis conclusi, suspiria mittimus surdis auribus excipienda; quid plura? Maledicimur, & blasphemamur: extra synagogas faciunt nos: &, ne quid malis nostris desit, in occisionem quoque mittimur.

Stupenda, sed vera loquor, Pater Sanctissime; extitit enim est, sublatuſque durissimi carceris incommodis R. P. Carla, Canonicus, ac Prior noster; foelix, quod libertatis Ecclesiasticæ prima victima cecidit. Fuerat ille, venerabilis Episcopi nostri, in restauranda hujus nostri Capituli sanctiore disciplina adjutor, & administrator præcipuus: jamque senescebat, suæ nostræque saluti sedulo invigilans; cum ecce afflictis nobis, & lacrymantibus, repente, ac violenter eripitur. Nulla innocentissimo seni, qui vel vultu sanctimoniam spirabat, habita est reverentia; laboribus, morbis, & extremâ macie confectus rapitur, trahiturque in ultimos Galliæ recessus, ibique in quadam arce includitur, quæ cum sit ad litus Mediterranei maris, sub pestilenti aëre posita, optimo Seni exitio fuit. Morienti, ac tantum beneficium cum lacrymis postulanti, Ecclesiæ Sacramenta negata sunt; quod, cujus scelere factum sit, nondum planè scire potuimus. R. Patrem Michaelē d' Aubarede Presbyterum virtutibus, quàm natalibus nobiliorem, quem putabamus exilio tantum mulctatum, audivimus ductum Cadomum, ibique in carcerem detrusum. Rev. Pater Rech, tam arctâ custodiâ inclusus restrictuſque est, ut quid de eo factum sit, penitus ignoremus, nisi quod à non levi auctore didicimus, multas illum, initio præsertim, ætumnas esse perpeſsum: quodque fidem superare videtur, multi temporis inediâ esse cruciatum. Cæteri Canonici Regulares fratres mei sedibus suis pulsi, in varijs Oppidis inter

inter se, & à nobis diffitis, tristissimam (secundùm hominem loquor) mæstissimamque vitam agentes, exulant.

Ego peccator peccatorumque primus, solus relictus sum, ut hæc nuntiarem Sanctitati Vestræ. Quamquam quis relictum intactumque putet, hominem toties proscriptum, publicatumque, tam diligenter quæsitum? quem si quis in domum admiserit, in summo bonorum libertatisque periculo versatur? ad quem capiendum Gubernator & Præses Provinciæ, ingentis mercedis pollicitatione, omnes, ac singulos cohortatur? cui vincula, triremes, & acerbiora fortasse supplicia parata sunt? Sed hæc mala, Beatissime Pater, culpæ meæ, atque adeò flagitia, in caput meum, justo Dei judicio invexerunt: cùm sodales mei, quorum consortio, nec Mundus, nec ipsi digni sumus, non ut hostes, sed ut filij, non in poenam, sed in probationem, & in præmium flagellentur.

Sic premimur, sic affligimur, Pater Beatissime, nec mitius habentur, quicumque suspecti sunt, auxilio nos, consilioque juvare suo, aut propensiore benevolentia nos prosequi. Non modò periculosa, sed etiam exitiosa res est amicitia nostra, quemadmodum multi experti sunt. In his est Albiensis Ecclesiæ Theologus, nomine Dufferrier, vir inter nostrates, si quisquam alius, de Ecclesia bene meritis, pietate, eloquentia, rerum Ecclesiasticarum peritia conspicuus, quem bonus quisque Episcopus non modò complectitur ut filium, sed etiam audit, ut magistrum, reveretur ut patrem. Hunc in extremam senectutem vergentem, in ultimos Burgundiæ fines ablegarunt, non alius certè criminis reum, nisi quòd adversarijs in suspicionem venerit, venerabili Episcopo nostro, & nobis consilium aliquando dedisse. Simili poenâ, & ob eandem causam, affectus.

affectus est Presbyter alius nomine Jacobus Cazanave, qui Ecclesiam Tholosanam eximiâ pietate, & Academiam singulari doctrinâ cohonestat.

Oboriuntur mihi lacrymæ, cùm de nobili quodam adolescente mentionem facio, qui, quòd mandatum aliquod nostrum Apamiensis Ecclesiæ foribus appendisset, in horrendas subterranei carceris tenebras projectus est, ibique foetore, alijsque loci molestijs propemodum enectus: ut præ magno beneficio habuerit, hinc eductum, ad Tribunal extraordinarij Judicis, magna cum ignominia trahi, capitisque periculum adire. Plus illi nocuit unus è nostris, qui consanguineus ejus est, quàm prosit habere patrum insignem militiâ Virum, & rebus gestis toto Orbe conspicuum. Quâ re profectò, si quo alio argumento, intelligi potest, quanta sit adversariorum acerbitas, odiorumque magnitudo.

Alios permultos omitto, Pater Sanctissime, pro causa Dei extrema quæque subeuntes. Sed hæc quanta sint, levius fortasse videbuntur, si conferantur cum lugendo illo schismate, quo in Ecclesia Apamiensi tunica Christi inconsutilis scinditur.

Illustrissimus Archiepiscopus Tholosanus non dubitavit Presbyterum quemdam mittere, qui per summam vim nobis omnibus expulsis, in illa Ecclesia, Sede vacante, vices illius ageret, reverà, ut Sponsam Christi Regalistis, ut vocant, conculcandam, adulterandamque traderet.

Religio magna est, ac summa pietas huic Vicario Generali, partem contra Canonicas sanctiones auctoritatem, armis, quibus tota Regio perstrepat, asserere: anathemate perculsos homines altaribus admove: plebem Christianam ad celebranda cum excommunicatis mysteria, & ab

ijs suscipienda Sacramenta, renuentem licet, & fidem sacram legum obtestantem, immisissis militibus adigere: Monachos, & Sanctimonialia in obsequio remanentes, ab usu Sacramentorum arcere, & Monasterijs suis ejicere: Sororem Episcopi nostri, alteram Tabitham, viduam Dynastæ Mirapicensis (quod nomen interpretates Regni percellere est) quæ jam multos annos, erudiendis in Christiana disciplina pauperibus puellis, cum nonnullis pijsissimis Virginibus, quas secum alebat, summa cum humilitate vacabat, Apamijs expellere: Seminarij Domum, qui locus orationi, pijs lectionibus, religioso silentio sacer hucusque fuerat, Regalistarum clamoribus, aleis, compotationibus, in multam noctem protractis, foedandam relinquere: Apamiarum Prætori, Provinciæ Fuxensis Proregi, Aquitaniæ Præsidi, corumque Ministris Ecclesias, ac Monasteria diripientibus, rapinisque, ac sacrilegijs cuncta miscentibus, non solum non resistere, sed etiam omni ope favere, adniti, præstò esse.

Tot tantisque flagitijs, ex uno schismate, tamquam ex suo fonte profluentibus, accessit hæresis. Ajunt enim homines isti Ecclesiæ perduelles, ac publicis instrumentis consignant, jus istud Regaliæ, non aliunde adscitum; non Ecclesiæ, aut Sanctæ Sedis beneficio partum: sed ipsis Regibus innatum, ipsorumque sceptro, ac diademati naturæ legibus ita esse conjunctum, ut ab ijs nullâ ratione divelli possit: hoc est, licere laicis, quatenus laici sunt, si modò rerum potiântur, præcipua Episcoporum obire munia: Canonicos, qui Sede vacante spiritalem jurisdictionem habent, efficere: Theologos ad prædicandum Dei Verbum mittere: Parochis curandas animas tradere, & alia id genus multa præstare. Qui error, Pater Sanctissime.

Henri-

Henricianæ hæresi, toties à Sancta Sede profligatæ, non modò simillimus est, sed eâ multò peior, multoque pestilentior. Quod enim Henriciani obscurè, & quasi per ambages innuebant, isti palàm profitentur, & prædicant. Ex investituris veniebat quidem ad hæresim; at sensim, nec nisi per multos gradus. At in Regalia statim se prodit, & quæ olim in investituris erubescibat, os, frontemque meretricis assumit Hæresis.

Hujus præcipui fautores, Pater Beatissime (horrens, lugensque dico) R.R. PP. Societatis Jesu censentur, & sunt. Non mentior Petro, quem scio coram se mentientes verbi sui mucrone aliquando interemisisse. Hi enim privatis colloquijs, publicis professorum prælectionibus, libris quoque in lucem editis, Regnantium in rebus Ecclesiasticis auctoritatem evehunt, & extollunt. Hi Summos Pontifices, quorum constantia in vendicanda Ecclesiæ libertate omnium sæculorum venerationem promeruit, tamquam aut plus æquo credulos, aut nimium in consilijs præcipites, aut gerendæ rei parùm idoneos spernunt, scommatis districtisque proscindunt. Non habent alios Regalistæ consiliarios, patronos, amicos: per hos fit illis in Aulam aditus. Horum consilio, suavisque, multi quos antea religio impediebat, fractis tandem conscientiae repagulis, in Beneficia Regaliæ, ut mentiuntur, obnoxia, impetu facto irruerunt. Ut non immeritò quispiam dixerit, Regaliæ parentem esse Patrem Ferrier: nutritium, & educatorem Patrem de la Chaise: præconem Patrem Maimburg: Defensores, & Advocatos, atque adeò milites, cæteros omnes Jesuitas. Quod quidem mirum nullatenus videri debet; pinguiore enim Regaliæ fructus Societas percipit; nam cum hujusmodi Beneficia ex nutu ferè, ac voluntate Confessarij con-

ferantur à Principe, nullâ remagis Societatis potentia pro-
vehitur. Hoc illi familias devincit, hoc innumerabilem
clientum multitudinem illi conciliat.

Quod pertinet ad Archiepiscopum Tholosanum, ut est
Jesuitis in cæteris rebus addictissimus, ita in opprimendis
nobis conjunctissimus. Hujus erga Sanctam Sedem ani-
mum nulla res magis demonstrat, quàm quod nuper re-
cepto Apostolico Brevis præstitit. Vocat illico Regium No-
tarium, jubetque scribere: nefas esse sibi ullum Pontifi-
cium rescriptum injussu Regis, aut legere, aut aperire.
Eam esse Concordatorum fidem: sic ferre Ecclesiæ Galli-
canæ libertates. O miseram libertatem omni servitute cru-
deliorem! quâ durissimo sæcularium potestatum jugo
Gentium Regina subjicitur, totque habet ergastula, quot
sunt in Gallia Jurisdictionum Curia.

Ad istiusmodi calamitosam libertatem pertinet, quod
nuper in Senatu Tholosano, autore Illustrissimo Archie-
piscopo, factum est. Nam cautum fuit, ne quis in poste-
rum ullum Apostolicum Breve reciperet, quod non esset
prius in Consilio Regis excussum, ipsique probatum, mul-
tâque immensa dicta eis, qui secus fecerint.

Ego verò, quod Breve miserim, ac unus è Canonicis
nostris, quod obtulerit, in pœnam nescio quam (gravissi-
mam certè) diligentissimè quærimur.

Ecce, Sanctissime Pater, non Apamiensis modò, sed
totius Ecclesiæ Gallicanæ misera, & ærumnosa conditio!
Hæc ad Sanctitatem Vestram supplices manus tendit, quan-
tum per vincula, quibus atteritur, tendere licet. Consola-
mini, precor, moerentem, erigite conculcatam, vinctam,
captivâque redimite. Pereat, Pater Sanctissime, spes
adversariorum nostrorum, qui totam vincendi fiduciam

in eo collocant, quod tristissimum, acerbissimūque luctum universo Christiano Orbi asferre debet. Quorsum enim negotium istud in tam longas, tamque affectatas moras protrahitur? sperant, nimirum, nec dissimulant, extinctis tum Alecēsi, tum Apamiēsi Venerandis Præfulis, qui duo soli conatibus eorum adversabantur, licem ipsam ex ipsorum voluntate, sub alio Summo Pontifice, finem propediem habituram.

Quod quidem, vel cogitasse scelus, & parricidio similium. Sed hæc tam impia, tam crudelis expectatio divinæ providentiæ munere decipietur. Vivet, vivet in multos annos Sanctitas Vestra, Ecclesiāque Gallicanam non modò Regaliæ compedibus liberabit, sed alia quòque vetustiora ipsius vincula catenāsque confringet. Cujusmodi sunt, extincta prorsus Ecclesiastica jurisdictio: Clericorum omnium pessumdata dignitas: & ea portenta, quæ vocant Appellationes ab abusu, quibus quidem per summam temeritatem, & supra Episcopale fastigium, & supra Sanctam Sedem erigit sæculare Tribunal.

Hæc sunt vota, Sanctissime Pater, non nostra duntaxat, sed omnium ferè tum Clericorum, tum Episcoporum totius Galliæ, quorum eadem est nobiscum sententia, etiamsi præ metu longè sit dispar agendi ratio.

Quod ad nos attinet, Pater Beatissime, immensas Sanctati Vestræ gratias referimus, non solum quòd nos, causamque nostram, Paternā benignitate prosecuta sit, sed etiam, quòd ad nostram tenuitatem scribere indignum Apostolico vertice minimè putaverit. Qua in re, Pater Beatissime, sicut in cæteris omnibus, summorum Apostolorum vestigijs insisteris; nam & Paulus pro Onesimo fugitivo mancipio, & Discipulus Domini, Electæ fœminæ Canonica-

cam scripsit Epistolam. Nos verò ea res, & honore cumulat.
& solatio plurimum afficit. Nam quemadmodum Macha-
bæi inter tot adversa, nullum aliud rebus suis perfugium
fomentumque quærebant, habentes solatio sanctissimos
libros; ita nos tot malis jactati, tot incommodis affecti, vix
tanti doloris acerbiter sentimus, habentes solatio Apo-
stolicas litteras. Ignoscat precor, Sanctitas Vestra, quòd ad
ipsam minùs decenti chartâ scribere non dubitaverim.
Istud non meæ culpæ, sed fugæ tribuendum. Vestros Apo-
stolicos pedes exosculari, sacræque vestigia adlambere
glorietur 7. Januarij 1681.

Sanctitatis Vestræ

*Humilissimus & obsequentissimus famulus
& in Christo Filius*

Joannes Cerle, Vicarius Generalis.

Documentum LIV.

Breve INNOCENTIJ XI. PP. ad R. P. Joannem Cerle,
& Capitulum Ecclesiæ Apamiensis.

Dilectis Filijs Joanni Cerle, Canonico & Præ-
centori, & Vicario Generali, Capitulo & Canonicis
Regularibus Ecclesiæ Apamiensis.

INNOCENTIUS PP. XI.

Dilecti Filij, Salutem & Apostolicam Benedictionem.
Quoniam novas in dies prodire accipimus Sathanæ ar-
tes, & machinationes; ut quæ à piæ recordationis Francisco
Episcopo Vestro pro istius Ecclesiæ, & Diocæsis utilitate sa-
lubriter statuta fuere, penitus evertat, & eorum quæ huc
usque

usque acciderunt, experientia nos admonet, non defuturos filios perditionis, errate facientes in via plurimos, qui miscere ac turbare nitantur omnia, perperam interpretando litterarum, ac mandatorum nostrorum sensus, ut excusent; pro more suo, excusationes in peccatis. Nos ne ullum huiusmodi hominum molitionibus locum relinquamus, ad litteras, quas die secundâ mensis Octobris, super negotio Vicariatus Capitularis ad vos dedimus, uberiùs explicandas per Præsentes addendum duximus. Quod si quis præter Vicarios Capitulares, qui à vobis, verum Apamiensis Ecclesiæ Capitulum constituentibus, Canonicè, & de more electi fuerunt, vel pro re nata eligentur, quos autoritate Apostolicâ, quatenus opus sit, confirmamus, & respectivè confirmabimus, Vicariatus ejusmodi nomen, auctoritatè me quocumque titulo electionis, vel deputationis factæ ab intrusis in Canonatus ejusdem Cathedralis, quos idem Episcopus promulgavit obstrictos censuris generalis Concilij Lugdunensis; vel ab ipso Metropolitano, vel ab alia quacumque potestate usurpare præsumpserit: omnia ab ipsis eo nomine acta vel agenda, decreta vel decernenda, cum omnibus & singulis inde secutis, & quomodolibet secuturis, temeraria, & à non habentibus potestatem attentata, ideoque irrita & inania, ac nullius roboris fuisse, nec unquam fore declaramus: eisque, qui prætextu electionis; vel deputationis ejusmodi ullam jurisdictionem exercere ausi fuerint, in virtute sanctæ obedientiæ, & sub pœna majoris excommunicationis, privationis dignitatum & Beneficiorum, quæ obtinent, & ad alia obtinenda inhabilitatis perpetuæ ipso facto incurrendæ districtè prohibemus & interdiciamus, ne id facere ulteriùs præsumant. Eos quoque qui illis quomodolibet paruerint, aut favorem, consilium, auctoritatem

toritatem quocúmque modò præstiterint, cujuscúmque ordinis gradus, ac dignitatis sint, tam Laicos, quàm Clericos, tam sæculares, quàm Regulares, etiam Patres Societatis Jesu, & Metropolitanum ipsum, quem cæteroqui præter causæ meritum, perspecta voluntas nostra, & per nos admittæ appellatio ab ejus sententijs, debent in officio continere, similibus respectivè pœnis eo ipso & absque alia declaratione innodamus, & innodatos fore decernimus ac mandamus; ac earumdem pœnarum absolutionem, & relaxationem Nobis & Romano Pontifici pro tempore existenti duntaxat specialiter reservamus: monentes insuper utriusque sexus fideles, de quarum æterna salute solliciti esse debemus, invalidas esse ac fore confessiones, quas Presbyteri Sæculares, vel Regulares vigore facultatis à prædictis nulliter electis, vel deputatis Vicarijs, audierint, vel in posterum audient: nulla & invalida matrimonia coram Sacerdote, aut Parocho non Canonicè ingressò contracta, vigore licentiæ ab eis concessæ, ac proinde sic contrahentes in concubinato victuros: idémque de Parochijs & alijs Beneficijs per eos collatis decernimus, & ordinamus; & de Licentijs concionandi, & de quocúmque alio actu, aut decreto per eos facto, vel faciendo. Vos interim, dilecti Filij, loci & muneris vestri memores, in creditam vobis curam diligenter incumbite, & haustam ab egregio Pastore, & Patre vestro disciplinam, Apamienfis Ecclesiæ bono, & aliarum incitamento constanter retinete: dum Nos impensè precamur, eum qui habitat in concilio Justorum & Congregatione, ut sit in medio vestrum, & suâ præsentí ope vobis continenter adesse velit, quibus Apostolicam Benedictionem peramanter impertimur.

Datum:

Datum Romæ apud Sanctum Petrum sub Annulo Piscatoris, die prima Januarij 1681. Pontificatus Nostri anno quinto.

Marius Spinula.

Documentum LV.

Epistola R. P. Cerle ad Sanctissimum Pontificem
INNOCENTIUM PP. XI.

Sanctissimo Domino Nostro INNOCENTIO XI.
Pontifici Maximo.

BEATISSIME PATER,

Post humillima Pedum Oscula.

ACceptis flexis genibus, pronôque in terram vultu,
Sanctitatis Vestræ litteris ad meam tenuitatem die primâ Januarij datis, dixi cum Paulo: *Benedictus Deus, & Pater Domini nostri Iesu Christi, pater misericordiarum, & Deus totius consolationis, qui consolatur nos in omni tribulatione nostra.* Quæ enim tanta est, Beatissime Pater, tamque acerba tribulatio, quam non delinuat vel sola tanti tamque mirabilis Pontificis de nobis recordatio? qui se tum in universos fideles, tum peculiariter in nos, quantumvis immeritos, Christi Vicarium exhibet, non solum in plenitudine potestatis, verum etiam in plenitudine charitatis? Quæ tanta est præ malorum pondere, animi abjectio, quam non erigant invictum illud animi robur, quod in Sanctitate Vestra pro tuenda Ecclesiæ libertate pij omnes hujus Sanctæ Matris Filij demirantur, illaque sedium ipsius assistrix sapientia, cujus ope atque lumine inter calumniarum tenebras, & mendaciorum caliginem, veritatem atque justiciam tam perspicaciter interhoscit?

D d d

Sunt

Sunt equidem, Beatissime Pater, etiam in Gallia non pauci Sacerdotes, Monachi, Senatores, omniumque ordinum homines, qui etiam si aliter palàm loquantur, etiam si opem nullam ferant, etiam si metu potestatum inensos sese simulent, nobiscum tamen sentiunt, & ubi fidos arbitros nacti fuerint, quantum nobis condoleant, dissimulare non possunt. Hæc animorum circa causæ justitiam consensus non parùm affert consolationis, sed nisi Sanctitatis Vestræ frequentes consolationes, & quod jam experti sumus, multoque magis quod adhuc speramus, efficax auxilium, confirmarent, fortasse quos calamitatum acerbitas nondum dejecit, diuturnitas tandem opprimeret: aded enim non minuitur incendium, quo jam pridem flagrant Apamiæ, ut majores in dies vires capere videatur, pergentibus nos affligere atque conterere, iisdem qui antea hominibus.

Abuterer, Beatissime Pater, Sanctitatis Vestræ benignitate atque patientiâ, si quæ Illi postremis litteris mala percensui, adhuc commemorarem. Id unum affirmo, tantùm abesse, ut quæ his litteris continebantur, veritatem excederent, ut etiam plurima omissa fuerint. In his sunt exilium Canonici Ecclesiæ Collegiæ Apamiensis, nomine Mascaras, qui, quòd divinis interesset cum Regalistis excommunicatis constantissimè recusaverit, in urbem Brivam Diœcesis Lemovicensis relegatus est: exilium procuratoris Fiscalis Reverendissimi Patris nostri Episcopi Apamiensis in oppidum Daubusson relegati, eo quòd inter concionandum fideles ad fundendas in præsentibus Ecclesiæ necessitatibus preces fuisset cohortatus: ærumnæ Parochi beati Genesij de Mongaillard, ob publicatam significatamque ordinationem nostram, & Vicarij beatæ Magdalenæ de Saurat,

Saurat, ob solam de affixa Ecclesiæ foribus eadem ordinatione suspicionem, in carcerem detruorum: pecuniarum summa ab alijs excussa obdilationem in agnoscendo Vicario Generali à Reverendissimo Metropolitano delegato: Patribus Prædicatoribus Apamiensibus, quòd eidem Vicario parere, & officia divina coram Clericis sub prætextu Regaliæ in beneficia nostra intrusis, ideòque publicè declaratis excommunicatis celebrare recusaverint, erepta schola Philosophiæ cum suis stipendijs, & in Jesuitarum Gymnasium transvecta, additâ insuper pravi Doctrinæ criminatione. Verùm quæ omnia vix longâ possent enumeratione comprehendi, ex immani superioris Aquitaniæ Præsidis voce conijci poterunt: *Tedet nos, inquit, exilijs tantum atque carceribus insanos istos homines plectere: jam crucibus res agenda est, ut perduelles, qui aliâ ratione damari non potuerunt, istâ tollantur.*

Ex illis, quæ postmodum subsequuta sunt, Beatissime Pater, pauca seligam. Vix è manibus emissæ fuerant posteriores nostræ ad Apostolicos Sanctitatis Vestræ pedes litteræ, cùm prætor Apamiensis in optimos quòsque Parochiarum Rectores truculentissimè irruit, propterea solum, quòd putaverant oportere Deo magis obedire, quàm hominibus. Quos quidem capere potuit, ut Parochos sancti Juliani d' Axiat, sancti Petri d' Ormolac, sancti Laurentij de Verniole, sancti Petri de Bonac, tam arctæ custodiæ mancipavit, ut nec Missæ audiendæ, etiam diebus dominicis, nedum celebrandæ facultas concederetur. Aliorum qui fugâ saluti consuluerant, suppellectilem, pecunias, frumentum, & quidquid juvandis alendisque Christi pauperibus provida paraverat charitas, invasit. Quo pacto impletum est, nec uno modo, quod dictum est per Isaiam Prophetam:

Parvuli petierunt panem, & non erat, qui frangeret eis. Nam & corpori suus panis, & animæ suus ablati sunt. Expulsi veris Pastoribus substituti sunt lupi, qui non solidum dispensant Evangelij cibum; sed venenatam propinant doctrinam, laxam vivendi rationem non solum concedentes, sed ad eam etiam invitantes. Parochi qui non animarum tantum, sed & corporum etiam necessitatibus paternam providentiam consulebant, vilioribus cibis dubiam & ærumnosam vitam tolerant, solisque interdum lupicinis vescuntur à suis Parochianis emendicatis, nocturneque quæsitæ, & in suspiciosissimis temporibus tremulam manu datæ atque acceptæ.

Pater Franciscus Roussé, qui solus è fratribus nostris Canonici, non in civitate (ibi enim ne unus quidem supererat) sed in quadam hujus Diocesis Parochia hætenus relictus fuerat, siue quod adversariorum oculis non ita frequenter esset obviæ, siue quod propter optimæ indolis innocentiam parum ipsorum studiis nociturus crederetur, tandem & ipso post graves minas & convicia, viro Religioso & Sacerdote indignissima, conjectus est in carcerem, ubi quæ ad sustentandam vitam necessaria erant, cum nec amici possent, nec inimici curarent suppeditare, appenso ad fenestras sacco, dum hæc ad Sanctitatem Vestram scriberem, emendicare meditabatur. Sic nimirum plectendum erat crimen ipsi obiectum, quod scilicet in quadam ordinatione nostra paucos Typographi errores emendasse incusaretur.

Similem experti sunt ultionem Vicarij Sancti Baudelij de Siguer, & sancti Petri de Mauleon, licet non ipsi, sed Parochi, rei judicarentur; alter quidem quod Concionatorem à Vicariatûs Generalis usurpatore missum admittere recusaret: alter quod me insectantium iram fugientem hospicio

spicio excepiſſe falſò crederetur. Affliguntur enim, non ſolùm qui Eccleſiæ juribus, aut ea defendentibus favent, ſed & qui vel minimâ circa hoc laborant ſuſpicionē.

Non eſt, Beatiffime Pater, habita ſexûs ratio: exulavit Mater Añia Carmelitarum Virginum è numero prudentum præpoſita, cujus precibus, operibus & præſertim uberrimis pœnitentiæ fructibus, non parùm, uti putamus, apud Deum res noſtræ juvabantur; non alia de cauſa, quàm quòd Sanctitatis Veſtræ litteris cohibita, non potuerit, nec ipſius alumnæ, ſpretis nobis, Vicario Generali ab Illuſtriſſimo Archiepiſcopo Tholoſano Apamias miſſo, obediētiā exhibere.

Malè habetur Urbanistarum Sanctæ Claræ Virginum conventus conſtantiffimè nobis ſemper adhærens, quia illarum Prioriſſa non receptis Sacramentis deceſſiſſe creditur, repulſis ſcilicet Sacerdotibus à prædicto Vicario Generali commiſſis, eaque offerentibus; quamquam divinâ ſic ordinante providentiâ non defuerit, qui à nobis legitime approbatus neceſſaria omnia occultè ac quaſi furtim, adminiſtraverit.

Eò deveniunt cæcitatistor malorum auctores, ut non à noſtris tantùm ordinationibus; ſed etiam à Sanctitatis Veſtræ Cenſuris tutos ſe arbitrentur, ſi litteris illas continentibus aditus omnes præcludant. Excubant in Civitatis Apamiensis muris, ad ejus portas, & extra in via cuſtodes, qui accedentes quòſque excutiant, neſortè aliquis actus minùs gratus illuc clanculum inferatur. Si mihi, Beatiffime Pater, Eccleſiæ hujus jura aliunde non conſtarent, vel ipſe introducendæ in eam Regaliæ modus ſuaderet, cauſam juſtitiâ non niti, quæ tam violenti, tamque à

Christiana charitate, atque à Canonica disciplina alienis vijs, ad finem intentum promoveatur.

Sed si juxta Incarnatæ Veritatis oraculum à fructu arbor certissimè cognoscitur; quo modo potest bona esse, quæ tam malos fructus facit? Qui à nostris nos beneficijs exturbârunt, eorum redditus in ludos, comotationesque expendunt. Dominicâ tertiâ in quadragesima, tres ex illis post lautam Cœnam apud unum ex istius Civitatis Magistratibus usque ad tertiam post mediam noctem horam, vigiliam protraxerunt, ut cum fœminis, quibuscum cœnaverant, operam choreis darent. Quæ in re, eò majus creavit eorum licentia scandalum, quòd erat à moribus sub prædicto Episcopo viventium remotissima. Vicarij Generalis ab Illustrissimo Archiepiscopo missi præsentia, licet non per totum illud tempus, intercessit. Non in laicis tantum ædibus, sed & in proprio conventu, Religiosis viris indignissima præstant. Domus illa, quam domum orationis dicere non dubitabo, in qua nos Reverendissimus Pater noster Episcopus Apamiensis, nuper in Christo rursus genuerat, foverat, enutrierat, suis verbis, & multò efficacius exemplis ad omne virtutum genus instruxerat; domus illa, inquam, dum Dominus Episcopus extremo morbo laboraret, aut etiam dum gratissimum Deo spiritum redderet, propriæ ipsius sorori, quamvis pietate in tota Gallia celebri, ac de Diœcesi Apamiensi ob institutam Virginum societatem, ad erudiendas in Christiana disciplina puellas optimè meritæ, non est concessus introitus; domus, inquam, illa, nunc domicilium Regalistarum est, qui non inter se solum, sed aliquando etiam cum mulieribus ibi lautius epulantur. In eo horto, ubi non nisi spiritualia colloquia ferè habebantur, visæ sunt adolescentulæ cum novis istis Canonicis

pro-

prophana colloquia miscentes. Liceat hic exclamare cum Propheta : *DEUS venerunt gentes in hereditatem tuam, polluerunt templum sanctum tuum.*

Quàm felix esset Apamienſis Eccleſia, ſi cum externis hoſtibus ſibi pugnandum eſſet; ſi paratæ ab Ethnicis cruceſ, equulei, rogi, craticulæ, in orbitatem conjicerent. At Eccleſiam cum Eccleſia dimicare, luſtuoſiſſimum miſerimùmque eſt. Vix dici, vix capi poteſt, Beatiffime Pater, quàm multis iſſque graviffimis vulneribus, Reverendiſſimus Archiepiſcopus Tholoſanus Chriſti ſponſam in noſtra Diœceſi affecerit, paternas Sanctitatis Veſtræ commoni- tiones, imò & litteras ipſas parvi pendens.

Scio, Reverendiſſimos Epicoſcopos in Comitijſ Occitanæ congregatos, ægerrimè tuliffe, quòd Præſul ille nefas ſibi dixiſſet. Apoſtolicas litteras legere, priùſquam Regi fuiſſent exhibitæ. Quod quid aliud eſt, ajebant, quàm turpiſſimum cervicibus noſtris jugum imponere, quàm ſacra inter Patrem & Filios commercia præpedire, quàm æternum afflictorum Epicoſcoporum aſylum obſecto novo iſto obice claudere?

Ea eſt, Beatiffime Pater, Metropolitanì noſtri erga Apoſtolicam Sedem obſervantia, de qua, ut accepimus, in ſuis ad Sanctitatem Veſtram litteris gloriatur, ut breviffimo intervallo poſt oblatum ſibi Breve, die ſecundâ Octobris datum, ordinationem ediderit, quam & alias antea editas executioni mandari præcipiebat, non obſtante quacùmque appellatione, vel jam emiſſâ, vel in poſterum emittendâ, quæ clauſula non niſi ad Sanctam Sedem referri poterat, tum quia Eccleſia Tholoſana, aliam à Romana ſuperiorem non agnoſcit, tum quia eò tendebat hæc ordinatio. ut
aliam

aliam à nobis promulgatam abrogaret, quâ interpositæ jam appellationes ad Sanctam Sedem rursus declarabantur.

Infremuit nuper Tholosa, cùm audisset varijs commonitorijs, dicti Illustrissimi Metropolitanæ auctoritate, anathema proclamari ad inquirendum in eos, qui Apostolica de rebus nostris Brevia, aut Gallicè vertissent, aut Typis mandassent, aut populo legenda proposuissent: videlicet crimen est igni & ferro vindicandum, in re tanti momenti, doceri fideles, quodnam sit de tam celebri lite Sanctitatis Vestræ judicium, & quisquis vel authores, vel fautores novit, ad denunciandum excommunicationis gladio sit adigendus. Tantâ commotus audaciâ gravissimus Senator ait, fore propediem, ut coram Officiali Tholosano dies summo Pontifici diceretur.

Solet identidem dictus Archiepiscopus Tholosanus, & nos, & defunctum Venerabilem Patrem nostrum Episcopum Apamiensem insanos vocare, quod pro re tantilla, & ad disciplinam tantum pertinente, tot adversa perpassi sumus. Verum quocumque nomine res ista nuncupetur, malumus cum Gregorio septimo, Gelasio secundo, Anselmo, Thoma Cantuariensi, alijsque sanctis Pontificibus, quorum vestigia in hoc stadio premimus: malumus, inquam, (quod pace illius dictum sit) cum istis Ecclesiæ luminibus insanire, quàm cum Tholosano Antistite sapere.

Miror istam sapientiam non perspicere, quod insaniam nostram nunquam latere potuit; videlicet, non disciplinæ splendorem tantum, sed Regiam Ecclesiæ dignitatem, sed fidem planè hoc in negotio in discrimen vocari. Volunt adversarii, licere Regi decimas, rem sacram, sede vacante, capere, Dignitates aliâque Beneficia pleno jure tribuere; non simplicia modò, verum etiam ea, quibus animarum

cura.

cura conjuncta est, imò & meras Parochias. Quo pacto, ut de alijs sileam, Archipresbyteratu Aquis, clarissimo Magistro Dorat erepto, potitur in præsentiarum Regalista Morean, unius ex Patribus Societatis nepos: quem hac de causa excommunicatum ab Illustrissimo Domino Episcopo Apamiensi declaratum, Dominus Archiepiscopus Tholosanus absolvit.

Affulserat, Beatissime Pater, spes aliqua, fore, ut ab Illustrissimo Archiepiscopo Tholosano pace frueremur, sparsâ scilicet famâ, ipsum ad Sanctitatem Vestram litteras scripsisse, quibus se impofterum à rebus nostris velle penitus abstinere profiteretur: sed evanuit citissimè, multiplicatis à prædicto præfule Vicariorum Generalium pro nostra Diocesi nominationibus. Cum enim primâ à se factâ, & ab ijs ipsis, quos consuluerat, damnatâ, vitium tandem agnovisset, jam quidem revocavit: sed post Senatûs Parisiensis placitum, cui in edicto suo se obsequi protestatur, Illustrissimum Episcopum Leonensem novâ præsumptione Vicarium Generalem creavit; ô summum Sacerdotem de Regali Sacerdotio magnificè sentientem! ô Ecclesiæ bene consulentem! sanctiora sunt illi Parlamenta, quàm Concilia; minûsque Veneranda Sancti Petri Cathedra, quàm profana sæcularium judicum subsellia.

Illustrissimo Episcopo Leonensi, ab hujusmodi Vicarij Generalis munere abhorrente, & ut passim creditur, Sanctitatis Vestræ Censuram pertimescente, Presbyterum quendam domesticum suum, & cruciferum, regendæ huic Ecclesiæ præfecit; iteratis illis nominationibus significans, quam parùm valuissent apud illum Apostolicæ litteræ die secundâ Octobris, tum ad nostrum Capitulum, tum ad illum ipsum datæ. Obtemperavit crucifer, ab eo longè

disfimilis, cujus consilio atque increpatione Divus Thomas Cantuariensis erectus firmatusque est, cum nimio pacis amore, nimiaque deliniendi Regis cupiditate penè subversus esset.

Tentavit & ipse, commonitorio, & censurarum interminatione in Diœcesi Apamiensi, Sanctitatis Vestrae litterarum interpretes, Typographos, promulgatores, executorésque detegere; conscientia tamen stimulis exagitatus; aliquanto post Tholosam repetit. Verùm Dominus Archiepiscopus, qui adversus Sanctitatis Vestrae litteras studet impavidus videri, postridiè quàm Archiepiscopalis Palatii valvis affixum fuit Breve Kalendis Januarij datum, prædictum Vicarium Apamias remisit, pristinumque locum resumere coegit: utque contentam in Brevi excommunicationem, in quam inciderat, se parùm reformidare universæ plebi suaderet, Sanctissimum Missæ Sacrificium publicè, aliâque divina officia solemniter celebravit, à quibus per sex menses abstinuerat.

Non est, Beatissime Pater, tam parùm Christiana Gallia, ut prædictus Dominus Archiepiscopus, Sanctissimæ Sedis contemptum posse non improbari arbitretur: quàmobrem tam odiosam à se opinionem amovere nititur, falsitatem litteris à Sanctitate Vestra emissis affingendo, atque ut res verisimilior evadat, affirmando falsitatem non solum à Sanctitate Vestra fuisse detectam, sed & vindicantam, ejecto secretario, hujusmodi Brevium fabricatore.

Huic rumori adstipulantur quasitestes certissimi, aut veriùs authores sunt Patres Societatis Jesu, præsertim Pater Roques. Non alio ferè Consiliario, non alio rerum suarum scriptore utitur Reverendissimus Archiepiscopus Tholosanus. Utinam unius, aut paucorum tantùm & privatorum
hujus

hujus Societatis hominum esset hæc erga Ecclesiam affectio, aut propagandæ Regaliæ studium. Unus eorum nomine Meynier (ut ceteros omitam) cum ex novo Regaliæ jure fructum jam percepit, ut tres suos nepotes, totidem beneficijs, ut ipse putat, auxerit, ut ego existimo, jugulaverit.

Quot Episcopos eo nomine in visos aulae fecerunt, ex ijs præsertim, qui optimè ministerium suum implent, quique Sanctitatem Vestram æmulati, corruptissimam illam de moribus doctrinam è suis Dioccesibus eliminant.

Quod nobis à Patribus Societatis Apamienfibus obsequium hucusque denegatum sit, de sententia atque decreto primorum Provinciæ factum est, quos accepimuscum ob causam in unum Tholosæ convenisse: utrum num adversus Dominum, & adversus Christum ejus? quid in eo cœtu deliberatum conclusumque fuerit, subsequēta demonstravit contumacia, quæ neque per Sanctitatis Vestræ litteras, poenam excommunicationis læ sententiæ continentes, comprimi potuit. Siquidem etiamnum publicè secularium Confessiones excipere pergunt, & animas Christi sanguine redemptas Diaboli laqueis irretiunt, hoc est absolutionibus, quas Sanctitatem Vestram nullas declarasse non ignorant.

Hæc tanta mala, Pater Sanctissime, quis crederet non alio de fonte profluere, quàm ab eorum de probabilitate doctrina? Narrabant non ita pridem Pater.... & Pater.... non esse quidem indubitatum jus Principis circa Regaliæ; esse summo Pontifici rationes suas, & Regi suas; & nihilominus fas esse Regi, probabilem sententiam sequuto, jus suum tueri; nec debere eum istius controversiæ judicium Sanctæ Sedi permittere: qui sermo adeò perculit quendam adolescentem Clericum, nobilem, doctum, ac pium, ut instar Danielis insurrexerit in istos senes, qui non Su-

fannam, sed sponsam Christi charissimam summâ contumeliâ afficiebant.

Hæc sunt, Pater Sanctissime, quæ Beatitudini Vestræ significare è re Ecclesiæ esse putavi, non ad condemnationem eorum, de quibus loquutus sum (erunt enim semper in cordibus nostris ad commoriendum, & ad convivendum) sed ut eos Sanctitas Vestra, in gremio suo, tanquam filios, non equidem optimè valentes, amanter diligenterque confovendo, pristinæ sanitati restituat.

Quòd verò calamitates nostras oculis Vestris subjecerim, non alio consilio factum est, quàm ut ijs remedium à Sanctitate Vestra quæreretur. Minuuntur quidem mala, quæ tam sacris auribus excipiuntur, deliniuntur filiorum vulnera, quæ videt, & dolet tantus Parens. Verùm ingravescentis doloris magnitudo non nisi validioribus medicamentis curatur. Non precor adversarijs, quas merentur pœnas: exponam tantum, impunitate, aut potiùs paternâ Sanctitatis Vestræ patientiâ, illos ad conterendum nos audaciores jam effectos.

At, *inquiunt viri secundum carnem prudentes*, concedendum tempori, indulgendum Potestatibus, à quibus multum metuas, speres plurimum; scilicet istis artibus imperium Christi partum est? has docuit Apostolos Dominus artes? sic Indulgento, palpando, exivit in omnem terram sonus eorum? Nequaquam sanè, sed Martyrum cruore irrigata crevit Ecclesia, & persecutionum fluctibus jactata, firmitus stetit. Quid verò ista indulgentia, ista aulica obsequia, istæ denique sæculi, non æternitatis artes, Ecclesiæ contulerint, nec me sacræ littæræ, nec me Ecclesiastica monumenta docuerunt.

Flecto genua cordis mei, Beatissime Pater. Vestræque
Sancti-

Sanctitatis, pacem Evangelisantis, Evangelisantis bona, speciosos pedes deosculor. ijsque in spiritu affixus peto, precorque, primò quidem mihi peccatorum omnium miserfermo, deinde Collegis meis, atque in Deo parentibus. Reverendo Patri d' Aubarede, Reverendo Patri Revinctis in Domino, postremò cæteris Canonicis Regularibus, alijsque omnibus, carceres, exilia, vel qualescumque ærumnas pro causâ Dei subeuntibus, Apostolicam Benedictionem, quæ à dextera, bonis tot operibus secundâ, non potest non admodum copiosa in capita nostra defluere.

Datum die 15. mensis Martij 1681.

Sanctitatis Vestræ

*Humillimus & obsequiosissimus in Christo
Servus & Filius*

Joannes Cerle, Presbyter ac Præcentor
Ecclesiæ Cathedralis Apamiensis, nec non
Vicarius Generalis & Officialis.

Documentum LVI.

Alia Epistola R.P. Cerle ad Sanctissimum Pontificem INNOCENTIUM PP. XI.

Sanctissimo Domino nostro INNOCENTIO PP. XI.

SANCTISSIME PATER,

Post humillima Pedum Oscula.

SECURIOR jam audaciórque, ad Vos, Sedémque Apostolicam, iterum, iterumque venio; nihil de mea tenuitate anxius, nec ira de Vestra Majestate sollicitus. Videor enim

enim mihi non indignus omnino, Domini Jesu Vicarium adire, & alloqui, qui dignus habitus sum pro nomine Jesu contumeliam pati. Olim humi repens, vermi, quàm homini similior, nunc cœpi surgere, jamque cœlum, Sanctamque Sedem, quæ tota Cœlestis est, propius intueor; minjrum factus de Cruce celsior, de furca & patibulo sublimior. Sum certè, nec diffiteor, hominum vilissimus, & omnium pedibus conculcandus: tamen videtur non contemnendus, quem confessionis umbra nobilitat, & imago Martyrij. Inspiciens factus sum, Pater Sanctissime, mente excedo, sed sobrium esse non licet sub tanto gloriæ pondere, in tanta gaudij superabundantia.

Porro gloriam illam, illudque gaudium, debeo Tholosano Senatui, qui sive sponte suâ, seu potius Reverendissimi Archiepiscopi Tholosani impulsu, aulicisque mandatis, capitis Sententiam, quam pridem meditabatur, tandem aliquando in me dixit. Damnatus sum peccatorum primus miserrimusque, ut olim celeberrimi quique fidei Confessores, Christi que Athletæ, qui omnes tanquam publicæ quietis perturbatores, patriæ proditores, principum ac potestatum obrectatores (confictis videlicet Sathanâ: auctore criminibus) feliciter perierunt.

Ita perire nondum mihi tribuit Deus, Pater Sanctissime, qui dum alieni insurgentes adversum me è synagoga potentium, quærent animam meam, in nomine suo saluum me fecit, susceptorque fuit animæ meæ. Verùm, spe suâ frustrata crudelitas, cum nostro satiari cruore non potuisset, summo nos dedecore, contumeliæque afficere tentavit. Circumducta est à carnifice, in curru, vehendis ad supplicium reis destinato; effigies nostra per frequentiores Tholosæ vicos, & compita, ferali pompâ, insolentiusque

que ritu; mox in celebri foro præcellæ trahi suspensa; magnum afflictæ Religionis ludibrium! ingens ferocientis impietatis trophaum! Ita Pater Sanctissime, mundo & hominibus, utinam & Angelis, spectaculum facti sumus.

Visebatur in illa tabella, vir Religiosus, veste candidâ unâ cum superpelliceo indutus, qui canonicorum Regularium habitus est. Stabat retrò pictus Carnifex, truci vultu, bipennem vibrans, ac genuflexi cervicibus imminens. Ad hujusmodi latum adversarij, mihi profectò non lugendum spectaculum, fremere omnes boni, & indignari cœperunt. Quid? aiebant, Sacræ & Religiosæ vesti tam procaciter illuditur? Cæteri Rei demptis vestibus interficiuntur, ut dum scelus plequitur, dignitati parcatur. Verè Religionis ludibrium totum illud est, non hominis supplicium. Felix qui sic probro afficitur! ita olim Martyres in Stola candida, & amictu nitidiori, ad necem tanquam ad nuptias procedebant. Fuit quoque, P. S. qui argutè simul & sapienter diceret; quidquid in ea tabula penicillus expresserat, videri sibi earum rerum, quæ intra Gallias cætèpestate gerebantur, emblema. Sub illo superpelliceo candidoque amictu, Ecclesiam Gallicanam latere, miseram prorsus & ærurnosam, cui Schisma Regalistarum, stric togladio, caput amputare pararet; dum eam à summo Pontifice capite suo, valido quidem, sed cassò conatu delvellere niteretur. Hæ sunt, Pater Sanctissime, proborum omnium querelæ; sic sentiunt, sic loquuntur, quicumque apud nos plus Deum timent, quàm hoc sæculum diligunt.

Nemo bonus est, qui sine indignatione audiat, impios quorundam perditorum hominum, paucorum certè, de instituendo in Ecclesia Gallicana Patriarcha susurros: quasi verò, qui juxta antiquos Canones, ne quidem Metro-

polita-

politanum, sine proprii gradûs periculo possunt constituere, possint sibi præficere Patriarcham? aut minùs subditus futurus esset Patriarcha iste summo Pontifici, quàm ij, à quibus accepturus foret potestatem? nisi fortè (quod de Gallicanis Præsulibus sentire nefas est) aliud caput Ecclesiæ adjungentes, monstrum effingere meditentur. Nemo sapiens, qui non intelligat, quo consilio petita sit à rege Nostro Christianissimo congregandorum comitiorum facultas, præsertim per Reverendissimum Archiepiscopum Senonensem, Tholosani fratrem, ac Parisiensi per omnia obsequentem; nemo verus Ecclesiæ filius, qui non doleat, Regis Regum sponsam Ecclesiam, nefarijs laicorum judicium artibus in ordinem redigi.

Sanctitatem Vestram minimè latere puto, quid contra postremas ad nostram exiguitatem Apostolicas litteras, Senatus Parisiensis statuerit, quantumque earum occasione Procurator Generalis garrierit. Inter innumeros, quibus tota ejus scætet oratio, schisma invehentes errores, hic imprimis est, non posse Regni Magistratum decreta (quantumvis Sacris Canonibus, & Apostolicis statutis adversantia) ab ulla potestate Sacra inhiberi, aut infringi: non à Concilio œcumenico, non à Petro, ullòque Petri successore, quæ vox profectò Rapsædis cujusdam potiùs esse videtur, quàm hominis, Deum Israël, ejusque Christum confitentis. Audent quotidie judices laici, Synodici decretis, Pontificijsque Rescriptis authoritatem omnem demere? Non poterit Christi Vicarius, totaque cum Ipso Ecclesia, unius Parlamenti judicij sese opponere, quamquam illa Canonicam disciplinam omnem, jura omnia, Sacram forsitan & ipsam fidem subverterent? Hoc habet in supremis illis Curijs mater Ecclesia præsidium! sic illis (quod quidem

dem nuperi Aulicorum Episcoporum Cœtus acta tantopere jactant) tanquam firmissimis fulcris æternum Christi solium innititur.

Novissimorum sanè temporum iniquitas est, Pater Sanctissime; ut quicumque bellum Ecclesiæ inferunt, benevolentiam simulent, amicitiam præferant. Olim hostes Ecclesiæ, hostes dicebantur; divexabant, non decipiebant, suo satis proditi nomine. Nunc duplex Religionis labor incumbit: nam priusquam se ad hostes suos debellandos accingat, debet illos detegere; quod quidem hodie difficillimum est; cum alii Reformatores dicantur, alii vocentur tutores defensorisque; alij aliis nominibus nuncupentur. Nondum extincto Calvinistarum bello, novum à Parliamentis exoritur. Illi Ecclesiam reformando dilacerant, isti defendendo amplectendoque præfocant.

Gloriabatur olim Lutherus, Lutherique principes affectæ, se novos Prophetas, novosque Apostolos à Deo extra ordinem missos, qui non solum collapsam Ecclesiam erigerent, verum etiam extinctam penitus in lucem revocarent. Nescio, an de novo quodam, & extra ordinem Apostolatu, supremæ nostræ Curiæ glorientur: illud scio, putare homines istos, sui muneris esse, antiquos Canones rueri, priscam disciplinam vindicare, labenti Ecclesiæ humeros supponere. Nimirum, dormit in cymba Christus, oritur Spiritus Sanctus, Sponsa Christi consenuit, annisque fatiscens, se ipsam non potest regere. Potuit quidem aliàs, dum juventute vigeret, dum floreret annis, Canones condere, leges ferre, sibi ipsi cavere: nunc Rectore Pædagogoque indiget, nunc est tutoribus & actoribus committenda. Quidquid egerit anus decrepita, anus delira, suorum.

rum Curatorum, Parlamentorum injussu, irritum decernitur, nullumque planè censetur. O scelera ! O verba impia ! O hostium, quàm filiorum digniora consilia !

Hæc tanta, tamque acerba Ecclesiæ mala, Pater Sanctissime, malorum nostrorum sensum adimunt, ac oblivionem inducunt: de his tamen malis nostris, Vestræ Beatitudinis auribus pergam paucula quædam ingerere. Cùm fuisset, eâ quâ diximus, ignominia in Civitate Tholosana affecti, eadem postmodum Apamiis, & in cæteris Dioceseos oppidis, iniusti sumus; tum contumelia filij, gloriam Patris in memoriam revocavit. Obversabatur omnium animis, Patris pariter & Episcopi nostri optimarum virtutum exemplar, merita quoque & beneficia, quibus tot annis gentem nostram cumulaverat. Hanc ergo, aiebant, reddunt vicem, ei, qui toties nos suâ paupertate ditavit, jejunijs aluit, periculis securos effecit, optimis exemplis ad piè christianèque vivendum, provocavit; qui corpus suum exhibens hostiam, sanctam, Deo placentem, toties in tempore iracundiæ factus est reconciliatio? Pro tot, tantisque viri Dei erga nos meritis, disperditis cæteris ejus filijs omnibus, eum qui unus superesse videbatur, suspendio necare non perhorrescunt. Fuit tum afflictissima hujus Ecclesiæ perquam lugubris facies, Rachele plorante filios suos, & nolente consolari, quia non sunt.

Quis fuerit, Pater Sanctissime, mansuetiorum omnium sensus, animusque, ex ipso Apamiensi Carnifice conijci potest. Ille qui toties oculos suos humano cruore pavebat, cui ars, imò ludus erat, homines torquere, urere, membratim concidere, & omni suppliciorum genere necare, vehementi horrore perculsus est: vixque potuit, conceptam animo feritatem auctore Deo deductus, ore pallenti, labentibus

labentibus genibus, tremulâque manu, effigiem nostram eruci appendere: cûmque id sibi iterum iterûmque præstandum intellexisset, cum Coniuge, rebûsque suis, nocte fugam cepisset. Miseras terras! Infelixque solum! cui tanta feritas est, ut tædio, horrorique sit vel ipsis Carnificibus. Abiisse hominem cûm comperissent, Prætor Civitatis, Præfectûsque Provinciæ, mittunt illicò, qui sedulo fugitivum quærant, inventûmque vi revocent. Comprehensus ad sexagesimum circiter milliarium, negat se in eam Civitatem rediturum, in qua patibulum Innocentiæ paratur, Religioni seduris imminet: se miserum atque calamitosum, tamen esse Catholicum; nec posse Calvinistarum more adversus Ecclesiam bellum gerere, eosque necare, quos illa salvos velit, summâque benignitate prosequeretur; vereri se Dominum Episcopum Apamiensem, signis & virtutibus coruscantem, & suorum haud dubiè non oblitum.

Videtur mihi tortor ille, boni latronis constantiam æmulari, qui de cruce pendens, ausus est confiteri Christum, à Scribis & Pharisæis accusatum, damnatum à Magistratibus, à Regibus illusum, ab Apostolis ita, vel negatum, vel traditum, vel desertum, ut unus tantummodò inventus sit, qui staret juxta crucem ejus, ne unquam de magno numero improbitas gloriaretur, aut erubescendum sibi putaret de paucitate pietas; sic nimirum, divinâ disponente providentiâ, ut innocentia, non solum testimonium, sed etiam præsidium ab eis præstaretur, à quibus minùs videretur expectandum. Cujus præclarum, & à causa nostra non alienum legitur in Annalibus Ecclesiasticis exemplum.

Edinero referente, contendebat Sanctissimus Præsul

Anselmus, cum Henrico Anglorum Rege circa Investituram, & Regaliam. Mittit uterque legatos Romam, ad summum Pontificem Paschalem, & suum utriusque hac in re, ne nunc refragante, judicem: nondum enim aliud suaserat adulatio Christianis Regibus. Causam Anselmi, id est, Ecclesiæ, defendendam suscipiunt duo viri Religiosi; causam Regis, id est sæculi, tres Episcopi. Horum unus, qui præerat Ecclesiæ Norwicensi, nomine Herebertus, exigit ab Episcopo, ne quid imposterum contra Anselmum, ejusque Ecclesiæ dignitatem, aut libertatem, cogitaret, aut faceret.

Non meæ parvitas est, Pater Sanctissime. Reverendissimos Episcopos, Dominos ac Patres meos officij admodum sui. Optarem tamen vehementer, ut ista legissent; quos nuper in ædes suas, Illustrissimus Archiepiscopus Parisiensis, coire jussit. Maluissent profectò, Sanctitati Vestræ, pro ipsarum Ecclesiarum dignitate, tantis laboribus, tantæque gloriæ decertanti, gratias agere, quàm de Apostolicis litteris, pari in Sanctam Sedem contemptu, ac in aulam adulatione conqueri. Utilius sibi fore putassent, Regem nostrum Christianissimum, ac nunquam satis nobis suspiciendum, precibus, & lacrymis pro extinguenda Regalia, reddendæque Apamiensi Ecclesiæ tranquillitate, adire, quàm cum miseris quibusdam leguleis, de Sacrosancti Concilij Lugdunensis autoritate, summo cum ordinis sui dedecore, dubitare. Satiùs existimassent, Præfulis Nostri, viri (ut Sanctitas Vestra loquitur) verè Apostolici ac decoris domus Dei zelatores, æmulatorésque fieri, quàm ijs, qui nos, ejus filios, ad internecionem usque persequuntur, socios se, amicósque adjungere. E re sua potiùs duxissent, Procuratoris Generalis Parisiensis, adversus Sanctam

Quam Sedem adlatrantis, audaciam furorémque, Ecclesiasticis censuris comprimere, quam eum, tanquam egregium athletam, invictúmque Ecclesiæ Gallicanæ libertatum vindicem, summis laudibus evehere. Sanctius denique commodiúsque putassent Archiepiscopum Tholosanum, Regalistas, Regalistarúmque fautores omnes, excommunicationis vinculis innodatos, & Ecclesiam audire nolentes, tanquam Ethnicos & Publicanos habere, & interim eos ad faciendos dignos poenitentiae fructus hortari, quam eorum patrocinium suscipere, & circa Apostolicarum litterarum fórmulas, cavillando, pereuntium cubicis pulvillos consuere, & malis suis indormientibus cervicalia parare. Sed benedictus sit Deus, qui ut olim in condenda, ita nunc in servanda Ecclesia, non multos potentes, non multos nobiles, sed ignobilia mundi, & contemptibilia elegit, & ea quæ non sunt, ut ea quæ sunt destrueret: nunc piscatores, aliquando latrones, postremò carnifices, nominis sui testes habuit. Mirabilis prorsus in sanctis, & sanctus in omnibus operibus suis.

Inter tos vinctos in Domino, qui pro justitia persecutionem patiuntur, unus ex nostris est, gradu tantummodò Novitius, sed probitate, cunctisque Religiosi hominis dignis virtutibus, antiquioribus conferendus. In ejus caput Senatus Tholosanus diligentissimè quæstionem habet. Accusatur, Apostolicas litteras, nostraque edicta Tholosam attulisse, novo prorsus & inaudito crimine; propterea cum sicarijs ac parricidis in carcerem missus est. Quo in loco, Pater Sanctissime, venerabilis Episcopi nostri dignum se præbuit discipulum, filiúmque non degenerem. Nihil illo simplicius, mitius, humilior, ac rursum nihil fortius, animosius: agnus simul, leoque videtur. Interroganti Lai-

cojudici, negat Sacerdotem respondere fas esse: minanti ferrum & ignem, hoc unum refert, quod facis fac citius. Interim semper vigilat, semper orat, semper jejunit: sic pugil Evangelicus, Martyrio maturefcit, sic Confessor Christi passioni suæ præludit. Conquiruntur undique testes. Sed quid referant testes? narrat ille, hominem istum semper silere, aut loqui tantum sermones Dei; alius continuata per multos dies jejunia prædicat; alius intentam semper Deo mentem collaudat; alij, alias ejus virtutes commemorant. Nemo est, qui non jurejurando affirmet, videri sibi hominem istum, non innocentem modò, sed sanctum. Quæ cuncta, Pater Sanctissime, tantum, tamque Religiosum timorem omnibus iniecerunt, ut non nisi trepidè ac reverenter ad Reum Judex accedat. Reus est, sed præfert majestatem judicaturi duodecim tribus Israel.

Istius Athletæ, aliorumque, qui nobis adhæserunt constantiam, Sanctitatis Vestræ litteris, die primâ Januarij datis, post divinum adjutorium acceptam referimus. Sed non unicus fuit illarum fructus; rem planè confecisse videbantur; plurimi ex ijs, qui lapsi fuerant, ad meliorem frugem, peractâ etiam publicâ poenitentia, generosiores evaserunt. Regalistæ nunc sibi proximè, loco cedendum esse dubitabant, Clerus & populus, erga Sanctam Sedem optimè affecti, negotio finem jam ferè impositum gaudebant: Patres Societatis Jesu, fortiores Regaliæ-propugnatores, Sanctæ Sedi resistere cum puderet, varijs artibus inobedientiam occultabant, præsertim falsitatem Apostolicis litteris affingentes. Illustrissimus ipse Archiepiscopus Tholosanus, tantâ erat perturbatione, ad fulminis imminentis fragorem concitatus, ut tam conscientia stimulis, quam pertinacissimæ febris paroxysmis, dirius exagigaretur.

Verum.

Verum, Pater Sanctissime, diuturna Sanctitatis Vestrae patientia, quæ Reos ad perfectam conversionem adducere debuisset, nascens poenitentiae desiderium præfocavit. Reverendissimus Archiepiscopus, primum quidem sparsâ de falsitate rescripti Apostolici famâ, deinde aulicorum Episcoporum defensione, tum litteris à sacra Congregatione ad ipsum scriptis confirmatus est; & Sanctitatem Vestram ulterius non progressuram confidens, nos, aliisque Ecclesiae obsequentes Clericos & laicos, sive per se, sive per Vicarium Generalem à se constitutum, usque ad extremum persequitur. Si quis Ecclesiae mandatis obtemperans, Confessarios quærit legitime approbatos; in strictissima vincula detruditur, aut alijs gravissimis poenis plectitur: Non alius criminis reus est vir quidam, (ut de reliquis taceam) jam pridem in tetro carcere Apamijs distentus, quàm quod Parochum canonicè institutum, ad audiendam mulieris periculosissimè decumbentis Confessionem accersisset. A Parochijs fugant Vicarios omnes piè sanctæque viventes, gregique suo sedulo invigilantes, qui tenuitatis meæ, vel potius Sanctitatis Vestrae vocem audiunt, alienosque sequi recusant: quodque vehementissimi doloris sensum auget, substituuntur perditissimi homines, quorum aliqui publicè ebrij visuntur, alij verbis obscænis fugientes castas virgines prosequuntur, & si comprehendere nequeunt, in blasphemias prorumpunt. Nec laudabiliores sunt Regalistarum mores; eorum unus cum soluta, cum conjugata alter, ita conversantur, ut toti Civitati maximo sint scandalo.

De Patribus Societatis Jesu, utinam! aut nulla mihi dicenda forent, aut bona! sed charitas, quæ operit multitudinem peccatorum, non refugit, imò festinat, de errantibus

bus ovibus protinus admonere pastorem. Ignoscat illis DEUS, non quidem nescientibus, sed maximè omnium scientibus, quid faciunt; dum Sanctæ Sedi palàm illudunt. Post acceptas à Præposito Generali geminas litteras, quarum alterâ de ultimarum Sanctitatis Vestræ litterarum veritate certiores illos faciebat, publicè Regalistarum & aliorum quorumcùmque ad ipsos accedentium Confessiones excipere pergunt, quod à testibus fide dignissimis, ipso Sanctissimo Corporis Christi die, alijsque visum, & confirmatum est. Sperant scilicèt, ob regionum longinquitatem, & pertimescentibus omnibus, qui veritatis conscij sunt, ipsorum iram, & in aula Christianissimi Regis favorem, quæ illic notoria sunt, usque ad Sanctitatem Vestram non perventura. Toleranda fortassis videretur temeritas, si volentibus tantùm noceret, si solos Regalistas jam excommunicationis vinculis innexos, hujusmodi Confessarij solverent, aut veriùs arctiùs constringerent, seipsos eisdem vinculis innodantes: si cæci cæcos tantùm in foveam traherent: sed quod omnem crudelitatem superat, in ruinam, vel invitæ trahuntur animæ. Rector Collegij, nomine Espagnac, qui, ut accepi, de præstito Regalists auxilio & consilio, innocens apud Sanctam Sedem videri voluit, ipsos ad celebranda publicè solemnitérque divina officia, paucis post scriptas suas Apologeticas litteras diebus, hoc est in festo Sancti Xaverij, suam in Ecclesiam admisit, & ad Confessionem, sibi aut suis faciendam, non solum ultro venientes, etiamnum excipit, verùm refugientes militum metu adigit: quod, quàm sincera fuerit ejus excusatio, declarat.

Ise est, Pater Sanctissime, deplorandus Ecclesiæ Apamien-sis status; cui nisi citissimo præsidio, à Vestra Sancti-tate

tate succurratur, quâ possit ratione integram ruinam vitare, non video. Haftenus enim venturi à Sancta Sede auxilii spes labantes sustentabat: sed jam plerique Sanctitatis Vestrae longanimitatem, salutem non arbitantes, & insipientium errore traducti, excidunt à propria firmitate. Moveant, obsecro, Paterna Sanctitatis Vestrae viscera, non Beneficiorum, aut bonorum temporalium rapina, nec carceres, nec exilia, quæ patimur: (pretiosa Dei munera sunt ista) sed parvuli petentes panem, nec habentes qui frangat; sed oves, quas olim regebant pastores ad vitam præduces, nunc perdunt & maculant lupi voraces; sed fideles, qui aut Sacramentis carent, aut ea à Ministris accipere coguntur, quos Sanctitatis Vestrae litteræ, omni potestate destitutos declarârunt. Qui Ecclesiæ causam impugnant, non aliud, quod saltem justitiæ rationisque umbram præseferat, ostendunt, quàm Sanctitatis Vestrae litteras, Rescripta, esse privata, consolationi nostræ indulta, non sententias judicarias, quibus necessario sit parendum. Ceterum, altum in tanta rerum perturbatione silentium, non leve indicium esse, Sanctitatem Vestram, earum rationum momentis, quas exhibent impressa nuper conventûs Episcoporum acta, eo perductam, ut ea, quæ geruntur dissimulando, significet, se non iusta quidem, sed toleranda tamen judicare.

Intrret ergo, Beatissime Pater, in conspectu Vestro, gemitus compeditorum: nec dicant inimici nostri, prævaluimus adversus eos. Exurgat, obsecro, Sanctitas Vestra, & judicet causam nostram: reddat vicinis nostris septuplum in sinu eorum, vindicet sanguinem animarum, qui effusus est, imò qui & in dies magis effunditur. Apprehendat arma & scutum, & exurgat in adiutorium nobis. Effundat

dat frameam, & concludat adversus eos, qui persequuntur nos, & tradat hujusmodi, Sathanæ in interitum carnis, ut spiritus salvus sit in die D. N. I. C. Exurgat & judicet suam, & Ecclesiæ causam; cujus certè si dubia esset nobis justitia, indubitatam faceret, non solùm merita venerabilis patris nostri Episcopi Apamiensis, acerrimi illius defensoris, sed etiam miracula (parcat mihi Sanctitas Vestra hoc verbum) quæ per Pastoralem illius annulum, quem semper mecum gesto, frequentissimè operatur Deus Optimus Maximus. Firmiorem habebimus propheticum Sanctitatis Vestræ sermonem; Christi Vicarij judicium lapsos eriget, titubantes confirmabit, imò & ipsos adversarios, in tenebris & umbra mortis sedentes, illuminabit, & ad præveniendum supremi judicis sententiam excitabit. Nec enim ita omnem extinxerunt Religionis sensum, ut si non citius, saltem, dum de reddenda Deo ratione cogitant, æternam damnationem, cujus excommunicatio imago est, non pertimescant. Et si (quod avertat Deus) ipsi perituri sunt in iniquitate sua, Sanctitas Vestra liberabit animam suam, & ab Ea illorum sanguis non exquiretur.

Eos omnes, qui pro Ecclesiæ dignitate, pro fide & Religione in agone contendunt, méque ipsum, omnium perispermata, merumque abortivum, Sanctitatis Vestræ precibus suppliciter, & Religiosè commendo. Fiet enim, Beatissime Pater, Apostolicis meritis, ut qui servorum Christi tribulationes & angustias patimur, servorum quoque Christi vitam morésque confectemur. Datum die 14. Junij 1681.

Beatitudinis Vestræ Sanctissimos Pedes Deosculor

SANCTISSIME PATER,

*Humillimus & Obsequentissimus in Christo Filius
& famulus*

Joannes Cerle Presbyter, Canonicus,
ac Præcentor Ecclesiæ Cathedralis Apamiarum,
nec non Vicarius Generalis & Officialis.

Documentum LVII.

Quarta Epistola Reverendi P. Cerle ad Sanctissimum Dominum INNOCENTIUM XI. Pontif. Max.

Die 13. April. 1682.

BEATISSIME PATER,

Post humillima Pedum Oscula.

USquequò & superbit impius, & incenditur pauper? Aje-
bat olim ad Innocentium secundum scribens Divus
Bernardus. Uisquequò à tanta impudentia Innocentia
tanta vexatur, & hoc vivo Innocentio? Peccata sine dubio
nostra hoc faciunt, quod Dominus meus tam serò advertit
mentientes sibi, tam lentè exaudit clamantes ad se, in hac
causa duntaxat. Nam aliàs quidem scimus familiare esse
Domino meo, & citò intelligere, & facilè misereri. Propter
eum qui elegit vos, & posuit vos refugium oppressorum,
ponite jam tandem finem & malitiæ oppressoris. & labori-
bus afflictorum, quia satis utrâque res venit in lucem & ma-
nifestationem.

Sic Abbas ille sanctissimus cum suo omniùmque Domi-
no expostulat, sic illius cunctationem urget, sic nimias in
proferendo iudicio moras ægerrimè ferre videtur. Absit, ut
ego peccator tantum mihi apud Innocentium XI. tribuam,
quantum Divus ille apud Innocentium II. sumere sibi ausus est.

Non reprehendo, non expostulo, non queror; doleo
tantùm lacrymórque Ecclesiæ Apamiensi crudelissimè di-
vexatæ, octoginta alijs Ecclesijs sub jugum missis, tot vin-
ctis, tot exulibus, qui cùm Dei causâ Vestro quoque iudicio
tot tantâque mala patiantur, verè Christi Confessores sunt;

denique duobus Episcopis, qui clamant ad vos non jam de terra, sed de cœlo, ut clamor eorum cœlestis citius exaudiri debeat pro sua reverentia, jus huc usque esse negatum. Equidem si beneficium à tanto tempore postulatum fuisset, debueramus consequi, cum pro Vestra in omne hominum genus benignitate, tum pro nostris in defensione Evangelij susceptis laboribus atque periculis. Sed postulent beneficia, qui felices putantur; Nobis, qui miseri esse videmur, satis est, si id quod tenuissimo cuique, quod hostibus debetur, quod nec barbaris quidem nisi apud barbaros negatur, jus consequimur.

Sanè si quod esset aliud in orbe tribunal, in quo Controversia ista dirimi posset, eò profectò confugerem. Non quòd putem in terris quidquam Sanctitate Vestrà posse oriri justius aut melius; sed quòd alij cuicumque potius quàm optimo Parenti malim esse molestus. Sed Vestrum unius est, tam de negotijs Apamienfibus, quàm de universa Regaliæ causa cognoscere; id quod cum per se patet, tum multis quoque scriptis demonstratum est: ita præterea Sanctitas Vestra censuit, cum Ecclesiæ Apamienfis provocationem admisit, ut secus sentire aut dicere incolumi Sanctæ Sedis famâ non possit. Denique nullo graviore vulnere Ecclesiæ libertas authoritâsque afficitur, quàm cum istius causæ cognitionem Vobis, ac Sanctæ Sedi Regaliæ conantur eripere.

Habemus igitur in Sanctitate Vestra Judicem unicum, sed & Optimum; reliquum est, ut velitis, quandoquidem abundè valetis virtute irrumperè iniquitates. En stat coram vobis sordida, afflicta, misera, bonis ac liberis spoliata, plurimis vulneribus confossa, denique vidua desolatissima Ecclesiâ Apamienfis; atque multum tempus, quod altera
illa

illa Evangelica vidua: *Vindica me de adversarijs meis.* An furdior erit imitiorque Judex Deo charus hominibûsque reverendus, quàm fuit Judex ille iniquitatis, qui Deum non timebat, & hominem non reverebatur? Dei loco sedetis, Pater Sanctissime, facite ergo vindictam electorum vestrorum clamantium ad Vos die ac nocte, nec ultra patientiam habeatis in illis.

Ferrent quidem æquo animo molestissimas istas judiciorum moras, nisi idem esset causâ cadere, ac judicium per longum tempus expectare. Ociùs si non judicatur, damnatur: nam cum soliti sint adversarij, suum omne præsidium in usu ac possessione collocare, jure obtinere se putant, quidquid diu ac nemine impediante tenent. Hinc fit, ut illo Vestro silentio, illâque cunctatione, quæ maximè optavère, ea consecuti videantur. Quis enim nefarios eorum conatus comprimat? possessionem quis interpellat? Unus in Sancta Sede videbatur positus obex; at Sancta Sedes dissimulat, silet, expectat, cunctatur, facitque cunctatrice sapientiâ, ut adversarius præceptis dementiâ, cuncta quæ concupierat, nemine impediante obtineat.

Videtur fortasse Regaliæ impedita præscriptio per illas toties in Gallias missas Apostolicas litteras, quibus Sanctitas Vestra satis apertè censuit, contra Ecclesiam facere, qui Regaliam tuerentur. Sed ijs litteris quis nesciat fidem omnem, omnemque auctoritatem esse ademptam? Olim quippe furtivas falsâsque prædicabant: modò alij veras quidem, sed ab hominibus hæreticis, ac nomini Gallico infestis, quâ vi, quâ fraude esse extortas affirmant. Alij quocumque modo, quocumque consilio scriptas, oblivioni tradendas esse: ita haud dubiè Sanctitatem Vestram sentire, quæ datis litteris, cum maximè pernici cursu processura

videretur, repente steterit, Apamienſes deſeruerit, Regaliſtis, utpote innoxijs, ut optimâ cauſâ ſultis, cuncta permiſerit.

Hanc eſſe Sanctitatis Veſtræ ſententiam cum ſtulti omnes arbitrantur, tum cordati nonnulli timent; quem eorum timorem minimè profeſſo miramur. Hinc enim vident Regaliſtas non tabulis, non litteris, ut res dubiæ ſolent, cauſam ſuam propugnare, ſed vi maximè, atque armis tueri, tanquam certiſſimum Regum noſtrorum patrimonium, eoſque qui religione impediti turpiſſimum iſtud Regaliæ jugum pronis cervicibus non trahunt, ut apertos Regis Regniſque hoſtes habere, ac veluti Salicæ legiſ violatoribus aquâ & igni interdicare. Inde verò cernunt Innocentium XI. cujus eſt tantopèrè celebrata conſtantia, à quo ſingulis quibùſve momentis perniciem ſibi metuebat improbitas, tanto ſceleri huc uſque peperciſſe, & necdum tot Eccleſiæ malis. ſolemni decreto. voluiſſe occurrere.

Hæc dum intuentur, Beatiffime Pater, quid putent? Niſi Sanctitatem Veſtram, auditis quæ in ſui deſenſionem multa Regaliſtæ dixerunt, mutato conſilio in aliam pròſuſ. abiſſe ſententiam? Sed nec turpiter decepti ſunt, qui iſta loquuntur, aut prædicant. Abſit, ut reperiatur apud Sanctam Sedem, eſt, non; nec erit ſub veſtro Apoſtolatu incolumis Regalia, quæ fuit in Inveſtituris per ſex ſummi nominis æternæ memoriæ ſummos Pontifices Gregorium VII. Viſtorem III. Urbanum II. Paſchalem II. Gelafium II. & Calixtum II. ut hæreſis nefanda protrita: quam Paſchaliſ ipſe, qui fuit erga rerum humanarum Dominos pœnitendâ manſuetudine lenis, Romano in Concilio cenſuit eſſe contra Spiritum Sanctum, & canonicam inſtitutionem.

Hæc.

Hæc cum ita se habeant, ut quid Domine recessisti longè? despicias in opportunitatibus, in tribulatione? An putatis fore, ut possit Vester aliquando Successor facilius tutiusque resistas componere, Ecclesiæ vulneribus minori cum periculo mederi? Sed quis erit iste Successor tam sui fidens, ut se Innocentio XI. præponat? tam felix, ut in meliora tempora incurrat? tam denique fortis, ut quod monstrum Sanctitas Vestra nascens ac debile vix ausa fuerit perstringere, id ipse jam adultum, jam auctis viribus formidandum non dubitet jugulare? Sed velit ipse, quidquid nos Ecclesiæ Dei optimum fore putamus; illinc adversarij nostri parebunt, ejusque decreta roverebuntur, facti tum de strage nostra feroces, de longa possessione superbi, de Vestro quoque exemplo in insequentes Pontifices pervicacissimi?

Ita est, Pater Sanctissime, sunt apud nos aliæ multæ, nec Regaliâ mitiores pestes, quæ sub nomine libertatum Ecclesias nostras populantur. Quo verò ista defendentes sese umbone clepunt? Non alio profectò, quàm invadentium usu, vel averfantium clade, Summorum Pontificum silentio, quod silentium nutum ac voluntatem interpretantur. Exemplo sint Appellationes tanquam per abusum, illa non ita multo tempore in exitium totius Ecclesiasticæ jurisdictionis exorta monstra. Dubia initio, tremula, paventia prodibant, & vel improbis non satis proba videbantur. Nunc verò quia siluit Roma, quia non obstitit, esserunt in ipsam Romam audacissimum caput, sanctaque videntur, quibus Apostolica fulmina pepercerunt.

Sunt, Beatissime Pater, qui existimant, Sanctitatem Vestram Regaliâ propterea non ritè damnasse, quòd viderentur adversarij meliora suapte spontè inijisse consilia,

ac

ac bonâ fide pacem optare ac quærere. Id enim suadere videbantur, cum Eminentissimi Cardinalis d' Estrées iter Romam susceptum, tum Episcoporum Conventus Parisijs habitus, maximè nuperum illud Edictum, quo metæ modûsque non sine magno Ecclesiæ emolumento, ut quidam putant, Regaliæ posita sunt. Sed me miserum! Quantum bellorum res istæ pacem pollicentes, pacem nuntiantes Ecclesijs Gallicanis attulerunt, afferentque impofterum? & quàm longè ista qui egerunt, aut agenda Summo Principi suaferunt, ab omni veræ pacis veræque concordia cogitatione voluntatèque abfuere! Unum est, fuitque semper illis consilium propositumque, ut omnino tandem Regaliæ possessio in omnes regni Ecclesias induceretur, delusâ interim Sanctitate Vestrà, ne prolatâ sententiâ possessionem inturbaret. Deluso etiam Eminentissimo Cardinali d' Estrées, quem huic simulationi consensisse suspicari non aulam.

Meminerit quæso Sanctitas Vestra (nam ea de re non unas ad Apostolicos Pedes litteras dedi) quo in statu fuerint res nostræ prædicto Eminentissimo Cardinali in Italiam profecto. Nam cum antea satis fuisset adversarijs spoliare nos bonis, cœpimus illo abeunte exilia, vincula, proscriptiones, ac alia quæque acerba pati. Quid plura? In animas quoque sævitum est, dum cogimur passim sceleris assentiri, sacrilegis sociari, Summi Pastoris vocem, minas, anathemata contemnere. Sic pacem cogitabant, qui Eminentissimum Purpuratum Romam mittendi aucthores Regi fuerunt.

Quid dicam de Sacrosanctis Episcopis Lutetiæ congregatis, quibus adeò non fuit animus malis nostris medendi, ut à nemine Ecclesiæ nostræ lethalius vulnus acceperint.

Quibus.

Quibus singulis Ecclesia meritò dixerit: *Tu autem homo pacis mea in quo speravi, qui edebas panes mecum, magnificasti super me supplantationem.* Quid enim est iste Conventus tam fraudulenter, tantòque omnium Canonum contemptu coactus, tam scenicâ pompâ habitus, tam aulae studiis addictus, tam segniter Episcopi nostri, Alectensisque, sed Vestrae praesertim Sanctitatis constantiam æmulatus, tam miserè veteres omnes Galliam inter & Romam controversias, sopitas jam pridem, extinctasque renovans; tam proditoriè Regaliae consentiens, tam inaniter Vobis scribens; tam denique Cleri Gallicani antiquae gloriae ac in Sanctam Sedem observantiae immemor: quid, inquam, est iste Conventus, quàm Ecclesiae magnifica supplantatio?

Cùmque supplantatores isti Ecclesiam perdiderint, tamen uti de re bene gesta gloriantur: pacem loquuntur, pacem suadent, pacem in epistola ad Sanctitatem Vestram scripta ambitiosè praedicant: quasi non simili voce usi sint etiam, qui insigniores Ecclesiae clades intulerunt. Quid enim aliud excusabant Sirmienses Episcopi conclamatâ fide? Mediolanenses jugulato Athanasio? Ariminenses proscriptione? Et ut temporibus viciniore simul & rebus nostris magis affinia loquar, quid excusabant Londinenses, Thoma Cantuariensi in Ecclesiae defensione solo omnino relicto, praeterquàm studium pacis, difficilia tempora, magnos Reges demerendos?

Videntur mihi Episcopi nostri non aliâ ratione pacem querere, quàm quæsisent Seniores populi Israël, si Rege ipsorum vineam Naboth, quæ figura est Ecclesiae per seculares potestates spoliatae, cupiente invadere, Naboth verò tradere renuente, dissidium istud componentes, ita pronuntiassent: *Vineam obtineat Rex, ut faciat sibi hortum oleum,*

*quia vicina est, & prope domum suam. Tu verò Naboth collige ex-
villas vites, & ubi creverint olera, paucula quadam villosaque ab
hortulano regio accipito. Quæ futura fuisset populo Dei de
præclaro illo iudicio mens & sententia? Nonne in iudices
illos tanquam in latrones atque sicarios animadvertendum
esse censuisset?*

Sic tamen omnino fecisse videntur Episcopi nostri; ca-
piat, inquit, Ecclesia solatiolum quoddam in Capitulis
& Beneficijs curam animarum habentibus. In cæteris vin-
eat Rex, serviant octoginta Ecclesiæ ad hoc usque tempus
liberæ, Henriciana hæresis intacta maneat, quidquid Re-
galistarum libido cogitavit, aut finxit, ratum esto. O per-
versum, O turpe iudicium! Quod qui tulerunt, tanto ma-
jori reprehensione digni sunt, quòd imperat nobis gratiâ
Christi non Achab aliquis, non Phocas, non quispiam eorum
Regum, quos olim vel Germania, vel Anglia in Ecclesia-
sticæ libertatis perniciem genuerunt; sed Rex plurimùm
mansuetus, maximè in religionem propensus, justitiæ a-
mantissimus, necnon optimè cujuscumque consilij cupien-
tissimus. Cui cum unus Episcoporum (ita enim fertur) adu-
lando dixisset: *Faëturum se in conventu, quacumque Regi libuis-
sent. Tu verò, inquit Rex, da operam, ut Episcopus sis, verum re-
ctumq; suade: amabo te, si Deum plus cunctis, plus me ipso amaveris.*

Quod Regis admonitum sanctissimum sapientissi-
mumque, si uti par erat, audissent Episcopi, nonne ille po-
tius Regaliâ perpetuis tenebris æternòque silentio dam-
nasset, quàm servitutem Ecclesiæ novo Edicto firmius va-
lidiùsque sanxisset. Est enim illud Edictum, Pater San-
ctissime, malorum nostrorum non levamen, sed cumulus,
quo unum aut alterum in speciem quidem, & ad tempus
dumtaxat depellitur incommodum, ut cætera, quæ in Re-
galia

galia sunt innumera, plus roboris ac firmamenti habeant, ipsque æternitas quædam accedat. Est enim celebre jurisconsultorum effatum, *exceptionem firmare regulam*. Quare dum paucula excipit, cætera Rex firmissimè statuit.

Quæ autem ab ipsa exceptione plurimum roboris accipiunt, ferè sunt hæc: Coronam Regum rotundam, rotundam quoque postulare Regaliam, hoc est, nullâ sui parte præcisam; sed cunctas, quâ latè patet regnum, Ecclesias pervagantem; facultatem patrimonium Christi administrandi, sacerdotes altaribus admovendi, rectores Ecclesijs præficiendi, dotem esse sceptro soliòque ingentitam; quod quàm hæreticum sit, jam sæpe diximus: plus autoritatis habere reges in Ecclesias vacantes, quàm summum Pontificem, Cui neque per resignationem, neque per præventionem, neque propter supplendam Regis negligentiam, neque aliâ quâcûmque ratione fas omnino erit Beneficium ullum, sede vacante, attingere: sed si quid litis contentionisque circa Regaliam, aut obnoxia Regaliæ Beneficia exortum fuerit, nequire Sanctam Sedem, neque ullum Concilium Oecumenicum controversiam istam dirimere, Senatum Parisiensem potius esse. Pars Regum cum sit Regalia, posse quidem cuiuscumque libidine in immensum crescere, nullatenus verò constringi, aut coartari, multo minùs aliquâ sui parte imminui, nec Regibus quidem jubentibus, paciscentibus, summâ potestate annitentibus; jus enim regium etiam ipsis Regibus sanctum. Quare siquid histemporibus vel pacis studio, vel amore religionis, vel collatâ in Episcopos gratiâ Ludovicus XIV. detraxerit de Regalia, delibaveritque, liberum fore sequentibus Regibus, id totum irritum habere ac facere.

Hos aliòsque infelices prorsus ex Regaliæ trunco

erumpentes frutices Edictum illud adeò non refecavit, ut etiam latiores vegetiorésque effecerit. Quamobrem Edicto illo nihil adepti sumus, cuncta verò perdidimus; præsertim si in tot tantisque insurgendi, Ecclesiámque vindicandi causis Sanctitas Vestra quieverit, silueritque. Quàm multi enim sunt, Beatissime Pater, qui cùm Sanctitatem Vestram videbunt post tantam exhibitam constantiam, dubitantem; post tot intentatas minas, habenas sceleri laxantem, putabunt non esse scelus, quod tam magna, tam sancta Potestas non ulciscitur. Credent etiam, quæ regio Edicto sublata sunt, ea tantùm Ecclesiæ fraudi fuisse; cætera reprehensione carere, & utcumque ferenda videri. Quocirca plus ex Vestro feremus detrimenti silentio, quàm ceperimus ex sacrilega Regalistarum sævitia. Hæc enim miseri dumtaxat sumus; illud efficiet, ut tot miserijs digni quoque existimemur.

Viderint deinde quorum interest, (nam aliorum appetitor non sum) quàm mali exempli sit, Episcopos é curiæ nutu pendentes, ausos esse tanto Ecclesiæ detrimento, tantâ Apostolicæ Sedis injuriâ, Vobis inconsultis, imò verò omnino spretis, Regaliæ jure tanto tàmque immenso cedere; cùm præsertim maximè scirent, eam causam apud Sanctam Sedem agi jam captam, imò diu contestatam, ultimóque judicio maturam.

Præsumptionem istam alia multò major multóque nocentior excepit. Nam iidem illi Episcopi, ne quis pœnas suo sociorùmque sceleri debitas exposcat, nihil non moliantur, ut Apostolicam Sedem, cujus est ista ulcisci, in ordinem redigant. Quocirca ausi sunt in florentissimo Sedis Apostolicæ statu, sedente in Cathedra Petri Innocentio XI. toto orbe Christiano de tanto Pontifice sibi gratulante,

tulante, ausi sunt, inquam, de summa Religione statuere, ac quæstiones movere; quæ non nisi tristioribus ac difficillimis schismatis temporibus ventilatæ sunt.

Ecce mirifici istius Concilij egregios Canones: pronuntiat, Apostolicæ Sedis plenitudinem intra Canonum septa coarctari, præsertim verò Ecclesiæ Gallicanæ libertatibus retundi in negotijs fidei: Si quid Papa ut Papa statuerit, id omnino certum non esse; ut autem sit, Ecclesiæ assensum efficere: Papam subesse Concilio quocumque tempore, quacumque ratione; Synodum Constantiensē mitacensuisse. O rem inauditam? iudices sedent pauculi Episcopi; stant Papa Conciliūque Rei. An Papa præster Concilio, an Concilium Papæ incertum eis est. Unum illis constat, utrique dominari, ac præesse augustissimum illorum Conventum; utrique pro sua summa potestate jus dicunt: in eorum arbitrio positum est, aut Papam supra Concilium, aut Concilium supra Papam evehere: quidquid censuerint, orbi Christiano lex esto.

Audacia hæc, Beatissime Pater, quā universæ Ecclesiæ Majestas læditur, Vobis, qui universam Ecclesiam regitis, animadvertenda est, nobis autem qui in novissimo loco recumbimus, tantum lugenda. Quæ verò Ecclesiæ Apamiensis propria mala sunt, præter luctum hoc à me insuper postulant, ut Vos Sanctissime Pater, etiam atque etiam rogem, imò per Petrum Paulūque obtester, ne diutius Ecclesiam illam conquerendo dicere sinatis: *Consolantem me quaesivi, & non inveni.* Educite illam tandem de domo carceris, dirumpite vincula ejus. Denique decernite solemnī iudicio, Christianissimum Regem in tota Apamiensi diocesi Regaliæ jus nullum habere, neque vi sceptri, neque ullo ab Ecclesia concessō privilegio, ut omnium retrō tem-

porum possessio, & rationes demonstrant: nequivisse Archiepiscopum Tholosanum jure Metropolitico Vicarios Generales à Capitulo Apamiensi electos munere suo depellere, aliósque in eorum locum substituere: incidisse cum ipsum Archiepiscopum, Vicariósque ab eo missos, tum eos omnes, qui Vicarijs hujusmodi paruerunt: excommunicationem, aliásque pœnas in Litteris Apostolicis primo Januarij 1681. contentas; nominatim verò eos, quos factâ ritè inquisitione comperi mandatis Apostolicis pertinacissimè resistisse, prout luculenta Romam missa testimonia demonstrant: rescindi denique acta omnia, cum conventûs Provincialis Tholosani: tum illius Generalis. Parisiensis, propter adversus utrúmq; interpositam à me intercessionem oppositionemque.

Justum hoc judicium ut judicetis, Pater Sanctissime, efficiat velim Spiritus ille veritatis, qui arguit mundum de justitia, & de judicio, quique posuit Vos Episcopum regere Ecclesiam DEI, simulque suadeat istâ nimîâ moderatione, cunctationéque rebus Ecclesiæ minimè consuli, sed cuncta potius in deterius ruere, libertatem Ecclesiæ interire, aperiri viam schismati, improborum audaciam majores vires caprare, Henricianam hæresim altas radices figere, infinita denique mala oriri.

Date veniam, Pater Sanctissime, si quid in multiloquio in Vos, aut alios quoscumque incautus peccavi. Sed nesciunt plerumque decorum, quorum calamitas excessit modum; cum animum suus excruciat dolor, parùm aliena majestas afficit. Urgeo Vos: luctabor etiam Vobiscum, quemadmodum cum Angelo Dei, imò cum ipso DEO luctatus est aliquando Jacob, ideo dictus Israël. Porro non dimittam Vos, nisi benedixeritis mihi; latúsque ab
hoc

hoc certamine, tametsi claudus recedam, neque erit mihi pede claudicare molestum, si modo datum fuerit Ecclesiae vincere. Hujus benedictionis, hujus & victoriae certum omen habeo concessam mihi, ac per me toti Dioecesi à Sanctitate Vestra Jubilaei gratiam, quae humillimo ac gratiosissimo animo excepta, tot malorum pondere ferè oppressos interim nos recreavit. Multos Vobis, Pater Sanctissime, annos, & quidquid optimum apprecor, simul, quae Apostolicos pedes exosculor.

Datum die decimâ tertiâ mensis Aprilis anno 1682.

Sanctitatis Vestrae

*Humillimus & Obsequentissimus in Christo
Filius & Famulus*

Cerle Vicarius Generalis Dioecesis
Apamiensis Sede vacante.

Documentum LVIII.

Epistola Cleri Gallicani, auctoritate Regiâ Parisijs congregati ad Sanctissimum Dominum Dominum
INNOCENTIIUM PP. XI.

BEATISSIME PATER,

Quam consecrandi fecimus Apostolicæ Sedi canonicæ Obedientiae professionem, ea nos impellit, quæ Parisijs jussu Regio congregati gessimus, ad Apostolaturn Vestrum referamus, gravesque metus nostros paternum in sinum effundamus : (a) *Cum enim Te Dominus gratia sua præcipua munere in Sede Apostolica collocaverit, talémque nostris*

tem-

(a) Epistola Concilij Milevitani ad Papam Innocentium, inter Epistol. S. Augustini Epist. 92.

temporibus præsiterit, ut nobis potius ad culpam negligentia valeat, si apud venerationem Tuam, quæ pro Ecclesia suggerenda sunt, tacuerimus, quàm ea possit Sanctitas Vestra, vel fastidiosè, vel negligenter accipere, non ambimus, quin magnis periculis nostris Pastoralem diligentiam adhibere digneris.

Sanè, Beatissime Pontifex, à majoribus nostris, sanctis, gravibûsque viris accepimus, Regni & Sacerdotij tuâ piâque concordia res humanas niti: (a) *Dum unum ab altero impugnatur, periclitari utrûmque; eâ occasione & de Regno tolli justitiam, & de Ecclesia pacem, schismata & scandala suscitari, & fieri animarum perditionem simul & corporum;* (b) *Sine horum concordia res humanas nec incolumes esse posse, nec tutas.* Hæc Goffridus Vindocinensis, hæc Ivo Carnotensis, sanctissimi, gravissimique Ecclesiæ Gallicanæ Præsules immortalibus scriptis testata reliquerunt. Hos in medium afferre, & ad Vestram Sanctitatem allegare juvat, quos pro Ecclesiastica libertate, atque Apostolica auctoritate multa perpeffos Sar.âti Vestri Decessores, non tantùm ut probabiles Magistros, sed ut præcipuos, singularésque filios semper habuerint. His accedat tertius Claravallis Abbas, non Gallicanæ tantùm, sed Universæ Ecclesiæ lumen, Sanctus Bernardus, ille Canonum propugnator, ac fortissimæ cuiusque sententiæ gravissimus auctor, ubi nimio rigore Regnum & Sacerdotium dividi, (c) atque *inconfutibilem Christi Tunicam* scindi animadvertit, utili condescensione temperari canones supplicavit, ac pacem utriusque potestatis, quæ utrâmq; fulciat, retineri, præsertim in Gallia, (d) ubi *nullam unquam Regnum inter & Sacerdotium divisionem fuisse* antiquiores Episcopi gloriati erant, ubi
deni-

(a) Goffridus Vindocinensis Opusculo quarto. (b) Ivo Carnotensis Epistola 60. (c) Sanctus Bernardus Epistola 229. (d) Ivo Carnotensis Epistola. 238.

denique, ipso teste Bernardo, toto orbe colliso, ipsisque Pontificibus gravi toties tempestate jactatis, non modò nullæ scissuræ factæ essent, (a) sed etiam *solerent scissura aliæ refarciri*.

Nec minore studio Apostolici Præsules Vestræ Sanctitatis Antecessores eam concordiam commendârunt, cùm geminâ potestate res humanas regi ex sacris Litteris accuratissimè tradidère; quarum proinde concordia publicam pacem, totiusque generis humani statum contineri certissimum sit dicente Prophetâ: (b) *Eccè vir Oriens nomen ejus*, Zorobabel in persona, in figura Christus, certè populi Dei Dux & Princeps; (c) *Et ipse extruet Templum Domino; & ipse portabit gloriam, & sedebit, & dominabitur super solio suo; & erit Sacerdos super solio suo; & consilium pacis erit inter illos duos*. Stet ergo utrûmque solium, alterum Principis, alterum Sacerdotis, auxilio mutuo, mutuâ consensione munitum; hinc populi salus, hinc non tantùm corporum, sed etiam animarum lucra proveniant; hinc denique res humanæ stabili, ac Deo pariter, hominibûsque placitâ tranquillitate decurrant.

Quæ cùm ex Patrum traditione, ipsâque adeò prophetica ac divina auctoritate descenderint, ubi eam pacem nostris temporibus occasione Regaliæ sollicitari vidimus, cœpimus cogitare, quid Majores nostri, quid antiqui Sedis Apostolicæ Antistites præscriberent, pro certo habituri, quod verbo pariter, & exemplo docuissent. Sic autem comperimus, quæ Ecclesiasticâ auctoritate, aternâ lege sancita essent, manere inconcussa; quæ Ecclesiasticâ prohibitione constarent, in his Ecclesiarum Principes, multa pro tenore

li i.

cano-

(a) S. Bernardus Epistola 279: (b) Gelasius Papa Epistola 8. ad Anastasium Imperatorem. (c) Zachariæ cap. 6. vers. 12. & 13.

canonum districtius judicasse, multa pro temporum necessitate tolerasse, ubi non periclitatur fidei veritas, aut morum honestas, quædam instituta temperari, non cæcâ tamen & indiscretâ relaxatione disciplinæ, sed si adesset necessitas, ex qua leges quoque mutari contingeret: sanctos enim Pontifices Antecessores vestros ita præcepisse: (a) *Ubi necessitas non est, Sanctorum Patrum Decreta manere inconvertibilia*; eadem ergo Decreta ex necessitate interdum temperanda: eam verò necessitatem esse, si graves dissensiones, si turbulenti motus, tumultusque imminerent, quam *populorum stragem* Sancti Patres vocant; tunc enim Charitatem, quæ summa Ecclesiæ lex sit, alias emollire ac temperare leges, (b) *ac detrahendum aliquid canonum severitati*; ut majoribus morbis sanandis Charitas sincera subveniat; hinc nempe profectam, à Sanctis Patribus, ipsaque Apostolica Sede toties celebratam moderationem canonum, quæ utili dispensatione, & providâ compensatione librata Ecclesiam ædificet, propulset dissidia, Regnum & Sacerdotium firmâ pace componat.

Hæc ex Sancto Augustino, alijsque Patribus; hæc ex Sanctis Pontificibus, Leone, Gelasio, cæterisque Majores nostri didicerunt, nobisque tradiderunt: (c) *Salvo scilicet fidei fundamento, & communi morum regulâ, toleranda quedam, etiam facienda, quæ infirma videantur; hæc enim facit Charitas, quæ operis multitudinem peccatorum, quæ cum infirmantibus infirmatur, cum scandalizatis uritur, & omnibus omnia fit, ut omnibus prodesse mereatur.* Quod si jus illud Regium, quam Regaliâ dicimus; aut Fidei fundamentis, aut morum regulis esset adversum, non illud utique sancti Pontifices doctrinâ

(a) S. Bernardus Tractatu de Præcepto & Dispensatione cap. 4. (b) Augustinus Epistola 50. (c) Ivo Carnotensis Epistola 214.

Strinâ & pietate conspicui Alexander III. Innocentius III. atque alij comprobâssent; non illud denique sacrum generale Lugdunense Concilium tot personis, totque sub titulis suâ auctoritate firmâssent. At enim extendi vetuit ad eas Ecclesias, quæ primavâ atque innatâ libertate gauderent; sed ut hanc interim quæstionem omittamus, neque minutatim verba Concilij, variôsque sensus quæque antegressa, quæque consecuta sint, expendamus: id sanè liquiddò constât, nullum esse periculum, ut extensum Fidei, moribûsque noceat, quod illasâ Fide, salvâque morum regulâ, longè latèque propagatum, plurimas jam Regni Ecclesias occupârit; ex quo illud efficitur, Regaliæ causam, non ad (a) *Fidei*, morûmque *regulam*, quæ *immobilis & irreformabilis* sit, sed ad disciplinam, quæ pro locis ac temporibus subinde mutetur, quæque temperamenta ac salubrem illam moderationem admittat, omnino pertinere.

Jam ergo constituto quæstionis statu, Beatissime Pater, quantum intelligimus, rem totam expediri haud difficile fuerit; cùm id unum inquirendum restet, justane causa fuerit, cur post Ecclesiarum quarumdam libertatem totis sexaginta annis strenuè propugnata, victi in eo Tribunali, quod ipsi antiquo more Regni appellavimus, acquiescere potiùs, quàm omnia commovere, Regiam potestatem cum Pontificali committere, nova denique bella ciere vellemus. Nos pacem anteponimus, nec in simili causa piget imitari Vindocinensem Abbatem non minùs fortitudine, quàm prudentiâ clarum, cujus verbis dicimus: (b) *Habeat Ecclesia suam libertatem; sed summopere caveat, ne dum nimis emunxerit, eliciat sanguinem, & dum rubiginem de vase conatur eradere, vas ipsum frangatur.*

l i i z

Neque

(a) Tertullia. de Virginibus velandis; (b) Goffridus Vindocinensis opusculo 4.

Neque verò publicam pacem, ac sub tanto Rege prosperum rerum Ecclesiasticarum cursum turbatum oportebat. Adhibe pias aures, Sanctissime Pontifex, & tantisper cogita, quem Regem habeamus: non invictam bello dexteram, ac decora victoriarum prædicaturi sumus pacifici Sacerdotes: habent illæ laudem suam universis Gentibus celebratam, ac pacis gloriâ cumulatam. Utinam, Beatissime Pater, rebus nostris interesse, & coram intueri posses (paternis sanè oculis dignum spectaculum) quàm benignè Optimus Princeps Episcopos audiat, quàm rebus Ecclesiæ faveat, quàm bonos fulciat, quàm invictâ auctoritate frangat contumaces, quàm cœlestem illam nobis à Domino traditam potestatem intemeratam velit. Eo proregente, Jurisdicctio Episcopalis propemodùm profligata emergit è tenebris: nostris jam Decretis, nostræ auctoritati Parliamentà obsecundant, ac Regia Decreta Canonice disciplinæ ancillantur. Jam verò Hæresis quot accipit subinde salutares plagas? Quot Edictis comprimitur? Quot amissa Tempia luges? Quantas nobilium, plebejorumque turbas ad Petri, hoc est, Christi ovile revocatas? Quid deinde referemus, ut Regius animus exosas habeat novitates omnes, nullòque Regni loco consistere patiatur? Est profectò Ludovicus Magnus alter ille Mauritius à Sancto Gregorio Antecessore Vestro toties commendatus: (a) *Cujus temporibus, Hæreticorum ora conticescunt; quia cisi eorum corda in insaniam perversi sensus ebulliunt, Catholicitatem Principis tempore, prava quæ sentiunt, eloqui non præsumunt.*

Hæc coram admiramur, hæc luculentiùs Vestra quoque Sanctitas ab altissima illa, cui totus orbis subest, Petri Sede

(a) Libro 7. Epistolarum Epistolâ 48.

Sede commemorat ; his Apostolicum Vestrum pectus exultat ; siquid fortasse tot inter prospera emergit incommodi, non omnia proinde ad juris apices exigimus ; (a) magno enim Cyrillo Alexandrino Præsule docente didicimus œkonomiâ rerum plerumque cogi nos etiam à stricto & confesso Ecclesiæ jure discedere. Quanti verò æstimamus illa privilegia aliquot Ecclesiarum, si emolumentis damna contendimus ? Quid, quòd illud onus vix Ecclesiæ sentiunt, vacantium Ecclesiarum fructibus, quos Reges vindicare fisco in Ecclesiarum longè maxima parte non dubiâ consuetudine poterant, Successori reservatis, rebusque ad Canonum auctoritatem Ludovici Decimi tertij augustæ memoriæ Edicto redactis ? Quid, quòd in quibusdam Præbendis ac Dignitatibus conferendis, si quid erat asperius, nobis supplicantibus, à Rege mollitum, tanti Principis pietatem, largitatémque commendat ? Quid, quòd Capitulis sua jura servata, certique Judicibus præscripti limites, ne Regaliæ nomine omnia invadantur ? Id subjuncta his litteris gesta testantur, certoque indicio sunt, quàm bene illi aliqua concedantur, qui multa jam sibi possessione vindicata ultrò concedat.

Sed enim exprobrabunt, qui votis suis omnia metiuntur, leve illud quoque (sic enim sentiunt) quod Rex Christianissimus tanto studio assertum Coronæ suæ velit, nobis auctoribus ac flagitantibus poruisse dimitti : næ illi falsi sunt, rerumque nostrarum imperitissimi. Liceat verò nobis, Beatissime Pater, quando eo in cardine totius negotij summa versatur, paulò liberius interturbare graves illas curas Apostolicæ mentis, ac jus Regaliæ Francorum Regibus,

bus, totique Regno infixum, prout nostris hominibus infirum, inditumque est, ab ortu repetere.

Sic nempe inclamant Regij Magistratus, Christianissimos Reges jam inde à Clodovæo, ac primis Christianæ Religionis exordijs, Ecclesiarum omnium, ut pietate filios, ita effusissimâ liberalitate nutritos, & Regiâ defensione propemodum Patronos, ac Tutores extitisse: ea verò, quæ Ecclesiæ in fundis haberent, teste Augustino, jure Cæsareo, hoc est, Regio obtineri, supremamque eorum omnium potestatem penes Reges esse. Hinc à priscais temporibus, vacantium Ecclesiarum Regiâ manu occupata bona, mox reddita Successoribus: nec à Sede Apostolica reprobata, quæ huic juri tuendo antiquissimis etiam temporibus Reges Francorum fecissent; Præbendas quoque, hoc est nativo sensu, stipendia Clericorum, partem Ecclesiasticæ possessionis ac proventus, necdum à toto discretas, si vacarent Ecclesiæ, eodem quoque jure à Principibus collatas; quarum quippe collatio & antiquo jure à solida massa decidi non posset, & recentioribus quoque juris Pontificij institutis in fructu haberetur. Hæc omnia ab antiquo Regibus de se benè meritissimis concessisse Ecclesiam, sanè consensisse, jussque illud utriusque potestatis consensione firmatum, Regiæ Majestati proprium atque congenitum ita coaluisse, ut distrahi nequeat: neque verò fas esse, ut Ecclesiæ primis Francici Imperij temporibus diverso jure haberentur, quæ eâdem Regiâ protectione fulciti, eâdem liberalitate ditari, ejusdem Majestatis reverentiâ ac potestate contineri certum esset. Si quid ergo tristioris diversitatis exortum sit, id esse referendum ad illa tempora, quæ scissum Regni corpus, Ducumque & Comitum olim innocuo, tunc infausto nomine avulsâ ac discerpta membra vix inter se cohærent:

rent:

rent: hos enim Principes, Regalibus occupatis, sæpe etiam sine Regum conscientia relaxatis, omnia perturbasse: at postquam Regia potestas distractas Provincias ad sese revocavit, & afflictum diu, dissipatumque Regnum suum demum integrè sub uno Capite nobilissimo pariter ac valentissimo sanitatem intellexit, tunc obliterandam, quæ laceros artus olim dehonestabat, sædam diversitatem, nec Regio juri ex antiquissimis, receptisque Regni Francici legibus, nocere potuisse possessionem intermissam, quam & per Principes sibi subditos diu retinuisent, nec ipsi unquam animo dimisissent; universasque Ecclesiæ, non tantum ad decorem, sed etiam ad robur, firmamque compagem, eodem denique jure componendas. Neque verò obitare Lugdunense Concilium, quippe quod nec Reges nominet, ex Pontificijs quoque Decretis pro sua Majestate specialiter appellandos, nec de Præbendis loquatur, & aliò verti possit; neque à Pontificibus Regibusve in quæstione Regaliæ, cum de ea maximè ageretur, memoratum, aut leviter saltem indicatum fuerit.

Hæc utcumque se habent; neque enim lubet commemorare, quæ Antecessores nostri reposuerint, aut litigare est animus coram Vestra Sanctitate pacis negotium tractaturis; hæc, inquam, adeò Regijs Magistratibus infixæ menti sedent, ut à se avelli nullâ ratione patiantur, causâque ceciderimus, eorum quoque sententiâ, qui & æquitatis laude florent, & in nostrum ordinem essent propensissimi; quâ consensione victus Rex Maximus, satisque sibi conscius, quàm ab invadendis Ecclesiarum juribus abhorreret, jus Regium putat, quod in universum Regnum penè diffusum, suo velut cursu undique protendatur, rerum similitudine, parique Ecclesiarum conditione, velut in proclive ductum.

atum- Quid hic nobis mentis, Sanctissime Pontifex, planè simpliciterque dicemus; hæc neque omnia ut certa proponimus, nec ut erronea & fidei regulis adversa propulsumus; ac dispensationi providæ locum esse censemus, gravissimos scilicet auctores secuti Apostolicos viros Antecessores Vestros.

Prodeat sanè vir maximus, non minùs in sacris litteris, quàm in Canonum disciplina versatus Innocentius III. atque in simili causa quid agendum sit, doceat: de Regalibus agebatur; jure autem Regalium multa contineri, quæ jam Ecclesijs Regum liberalitate remissa sint, certo certius est. Primùm jus procurationis, sive hospitij, quo Episcopi Abbatèsque Regem domo excipere, totàmque cum ipso curiam, publicàsque personas alere certis temporibus: tum jusexercitûs, quo certos milites ad Regium exercitum ducere, eosque alere deberent: & quidem occupari à Rege Ecclesiarum bona, non modò si illæ vacassent, verùm etiam si Episcopi consueta, quæ vocabant, servitia omisissent; eaque omnia ab eodem fonte Regalium existere, & perspicuum ex sese est, & ipse Innocentius profitetur. Duo ergo Episcopi à Rege accusati, quòd illius injussu milites abduxissent, eorum Regalia manu Regiâ confestim invaduntur, nullâ judicij formâ; nec tantum Regalia, sed etiam alia bona quæcùmque possiderent; id enim juris Regij esse Rex contendebat: Episcopi id negare, tum factum excusare, vim illatam conqueri, gravissimæque expostulationes deferre ad Innocentium. Quid ergo tantus Pontifex? susceptâ, ut decebat, Episcoporum causâ, Philippum Augustum aggreditur, multa interminatus, multûque adhortatus: (a) *Ne inter Regnum & Sacerdotium: scanda-*

(a) Libro I. Epistolarum Epist. 107.

scandalum oriretur; intentato quoque Apostolicæ censuræ metu, nisi Episcopis Regalia, aliâque omnia præter jus factique (sic enim ferebat) occupata relaxaret: gravis sanè causa, in qua Rex Maximus (a) *censurâ cohibendus* esse videretur, sed interim Innocentius ad Episcopos scribit: (b) *Fraternitati Vestræ consulimus bonâ fide, quatenus cum charissimo Filio nostro Rege, quando melius poteris, componere studeritis; quoniam arcus, qui semper est tensus, vires amittit. & nonnunquam Reges melius vincuntur mansuetudine, quàm rigore.* Præclare ille quidem, ubi nullum fideli, nullum morum regulæ creatum periculum est; sed particulare factum, inquit, nec in exemplum trahendum; & tamen agebatur, uti prædictum est, non tantum de Episcoporum facto, sed etiam de Regalium jure, quousque pateret, quæ bona complecteretur, quâ formâ exerceri posset: sed hæc omittamus. Quid Benedictus Duodecimus, unus omnium Pontifex & constantiæ & prudentiæ laude ornatissimus? Is Philippum Valesium Regem editâ Philippinâ multa (c) Regaliæ Juri ab antiquo more diversa velut inferentem gravissimis monitis ab ea tutanda lege deterruit; sed præclare functus officio, ab negotio destitit; neque enim omnia urgenda Pontifici, nec exactè semper ad minutos quosque apices res Ecclesiasticas deducendas: Philippinaque ad nostra usque tempora stetit incolumis.

Sed ne Vestræ Sanctitati molesti simus, postremum commemoramus Bonifacium Octavum; nec tamen refricamus infausta illa dissidia, quæ nec sine lacrymis legi queant: abeant illa in tenebras æterno sepelienda silentio. Id de Bonifacio referre lubet, quod ad pacem conducatur, quod dignitatem pariter atque clementiam Summæ Sedis

K k k:

deeat.

(a) Lib. 3. Epist. 40. (b) Lib. 3. Epist. 107. (c) Rainaldus ad ann. 1337. numero 17.

deceat. Grave erat Bonifacio à Philippo Pulchro, pleno etiam jure conferri Præbendas, seu Regaliæ, seu quovis alio titulo; nec tamen negabat Pontifex, imò profitebatur id fieri posse Ecclesia consensu tacito vel expresso. (a) Rex interim se possessione tuebatur; eo enim jure à se conferri Præbendas, quo à Majoribus, & à Sancto Ludovico avo data essent. Rectè ille & ordine, ut videtur; satis enim constabat, reclamante nemine, eo jure usos: neque fraudi esse poterat optimis Regibus, quòd ad Jus Regium ea revocabant. Id enim Jus Regium esse, quod Coronæ Regiæ ab antiquo insitum, coalitumque sit: atque ut ex simili rem conficiamus, an non Patronatus, quos vocant Laicos, ipsis quoque terris atque dominijs ex possessione inhærere, ac quasi temporalis juris loco esse constar: cùm tamen id juris ex Ecclesiasticæ potestatis fonte profluere nemo non fateatur? Quanto ampliora Regibus & Beneficentiæ & propria Majestas conciliare potuit? Neque id Bonifacium juris consultissimum fugiebat; sed cùm in ancipiti esse videretur, quatenus Juri Regio Præbendas conferendi Ecclesiæ consensus accessisset, quod dubium, quod illicitum reputabat Pontifex, de potestatis plenitudine concedebat, ac licitum faciebat: *Quid enim litigamus, inquit, volumus, ut Rex faciat licitè, quod facit illicitè; volumus super hoc sibi facere gratiam omnem, quam poterimus.* Sic quem nodum solve ex Pontificis sensu, antiqua monumenta juræque non poterant, Apostolicæ potestatis gladio amputabat: atque id Bonifacius Octavus tot inter similitates conferre ultrò voluit in Philippum Pulchrum: quanta Innocentius Undecimus Benevolentissimus & propensissimus in Ludovicum Magnum? Neque

(a) Histoire du différent de Boniface VIII & de Philippe le Bel page 90. page 93. page 78.

que verò ambiguum, quid Orbis Christianus expectet, si Pontifici Pontificem, Regem denique Regi componamus. Id tantum postulamus, ne plus æquo audiantur, qui in Jure Coronæ novas hæreses fingunt, nimisq̃ intelligendo faciunt, nihil ut intelligant præposteri homines, qui quem exsufflant pulverem, ut præclarè Sanctus Augustinus, in suos, aliorumq̃ excutiunt oculos. Vestra verò Sanctitas hæc omnia supergressa, Christianique Orbis intenta comòdis, tantas contentiones ex tenui ortas, sed in gravissima mala, nisi Deus avertat, aliquando erupuras, Apostolicâ auctoritate componat: pacem expetimus, pacem flagitamus, pacem, quæ Vestrum nomen tantâ pietatis ac sanctitatis laude omnibus Gentibus, ipsiq̃ adeò Ecclesiæ hostibus clarum, venerandumq̃ immortalitati consecratura sit. Satis jam, superque Parens Optimus, Devotissimusq̃ Filius repugnante animo altercantur. Nos quidem, Beatissime Pater, ut gratias agimus, quas possumus maximas, quòd Jura quarundam Ecclesiarum, quæ nobis omnibus communia facit ipsa Fraternitas, sarta tectâq̃ esse vultis. ita nostrâ causâ concuti Orbem, Pacemq̃ Christianam conturbari nolumus: quare eo quoque, quidquid inerat, jure decessimus: id in Regem Optimum atque Beneficentissimum ultrò contulimus: (a) *Et si forte propter Canonum rigorem minùs licebat, factum est tamen, quia Ecclesiastica paci sic expediebat; cum enim plenitudo legis sit Charitas, in hoc legibus obtemperatum esse credimus, in quo Charitatis opus implutum esse cognovimus.*

Quæ à nobis acta, si Vestra Sanctitas dignetur inspicere, probaturam esse pro sua æquitate confidimus. Sanè summâ

Kkk 2

con-

(a) Ivo Carnotensis Epistolâ 190.

consensione. pronaque omnium nostrum voluntate gesta esse testamur; cum præsertim nemo sit, qui rebus nostris intellectis, ac perpensis omnibus, quæ recens nobis supplicibus à Rege Maximo statuta sunt, non ultrò fateatur, plura & ampliora concessa, quàm dimissa, atque Ecclesiæ causam Regiæ æquitate ac liberalitate, meliore nunc omnino conditione esse: quamobrem obsecramus, ut quæ à nostra humilitate, non modò publicæ pacis intuitu, sed maximo Ecclesiæ emolumento gesta sunt, quæque Rex Maximus, tanto Religionis studio, tantæque omnium nostrum obtestatione concessit, Regijs Magistratibus nequicquam reclamantibus, sic Vestra Sanctitas complectatur, ut Sacerdotij Regniq[ue] concordiam æternum firmet & sanciat.

Quid enim luctuosius, quàm sub tanto Pontifice, ac tanto Rege, quorum consensione tot in Ecclesiam bona redundatura sint, per invisa & importuna dissidia eludi expectationem Orbis, & publica commoda retardari? Sanè ex quo Ecclesia est, Sede Apostolicâ Regnóque Francorum nihil conjunctius fuisse, & maximo honori duçimus, & Vestri Antecessores libentissimè prædicant; hanc verò perpetuam conjunctionem animorum nostris quoque temporibus auctam oportuit. Quid enim videt Orbis Magno Ludovico majus? Quem Turcæ savienti graviores hostem? Quam expeditiorem manum? Quem animum promptiorem? Quem idoneum magis, quicum ea, quæ Vos assidue pulsan, coercendi hostis, atque amplificandæ Ecclesiæ, communicare consilia? Quem ad ardua quæque jam spontè currentem incitare possitis? Ne verò prohibeat Vestram Sanctitatem Ecclesiarum aliquarum haud tantis sanè moribus digna libertas: solet Ecclesia Christi quædam

dam omittere, ut alia, eaque potiora seruet, multa quoque in melius ferendo, commutare. Ipsa Regalia quantum imminuta est, cum pij Principes à potiundis fructibus jam abstinerint, & gravissima onera alendorum militum ac Procurationum spontè remiserint, ut jam illi à nobis, si necesse sit, memorem animum suo quodam jure reposcere videantur? Quid attinet commemorare in Episcopis atque Abbatibus eligendis, investituris, in iussionibus, permissionibus, assensionibus Regijs, in Episcopatum & Abbatiarum concessione & dono, in Hominijs quoque & Sacramentis fidelitatis, (a) quàm multa primùm centuris gravissimis reprobata, mox ultro concessa sint? Ipsa Apostolica Sedes, arx Ecclesiasticæ libertatis, quàm multa Principum in seipsam quoque jura tolerarit, imò aliquando concesserit, ipsa temporum morâ excussa cervicibus, & in optimum statum spontè restituta? An ergò Ecclesia (a) *levitate usa est? fuitque in illa est & non?* Absit, sed satis sibi conscia æternitatis suæ, ipsique veritati semper immobili animo adhærescens, aliquâ sui parte humanjs se rebus utcunque accommodat, nec tam temporibus, quàm animarum saluti servit. (b) *Hæc dicendo doctrinam Paternitatem Vestram non docemus, sed eandem consulendo & rogando monemus, ut ibi consilij & pietatis studeatis visceribus abundare, ubi fas non est, fortitudinem exercere.*

Quare, Beatissime Pater, ad sacros Vestros pedes ritè provoluti, atque Apostolicam Benedictionem expectantes, Summum illum Ecclesiæ, vestrique unici Primatûs Auctorem oramus, obsecramus, uti mentem Vestram ad pacis consilia inflectat, & quæ pacis studio, exemplo Ma-

Kk k 3

jorum,

(a) 2. ad Corinthos cap. x. v. 17. (b) Ivo Carnotensis Epistolâ 190.

448 Dissert. I. § VIII. Documenta ex Gallico

forum, Sanctitas Vestra gesserit, ea in Vestram gloriam, quam in Christo habetis, totique Ecclesiæ utilitati vertat.

Datum Parisijs tertio Nonas mensis Februarij, anno 1682.

Obsequentissimi & devotissimi Filij ac Servi Vestri,

Archiepiscopi, Episcopi, & alij Ecclesiastici
Viri in Comitij Generalibus Cleri Gallicani
Parisij congregati.

Franciscus Archiepiscopus Parisiensis,
Præses.

*De Mandato Illustrissimorum & Reverendissimorum
Archiepiscoporum, totiusque Cætus Ecclesiastici
in Comitij Generalibus Cleri Gallicani
Parisij congregati.*

Documentum LIX.

Responsio INNOCENTIJ XI. Pontif. Max. ad
epistolam Cleri Gallicani.

Venerabilibus Fratribus Archiepiscopis, Episcopis, & alijs Ecclesiasticis viris, in Comitij Generalibus Cleri Gallicani Parisij Congregatis.

PAternæ Charitati, quâ charissimum in Christo Filium nostrum Ludovicum Regem Christianissimum, Ecclesiæ vestras, vos ipsos, & universum Regnum istud amplectimur, permolestum accidit, ac planè acerbum, cognoscere ex Vestris litteris die tertiâ Februarij ad Nos datis, Episcopos, Clerumque Galliar, qui corona olim, & gaudium erant Apostolicæ Sedis, ita se erga illam in præsens gerere; ut cogamur multis cum lacrymis usurpare propheticum illud:

illud: *Filij matris meae pugnaverunt adversus me.* Quamquam adversus vos ipsos potius pugnat, dum Nobis in ea causa resistitis, in qua Vestrarum Ecclesiarum salus, ac libertas agitur, & in qua Nos pro juribus, & dignitate Episcopali in isto Regno tuenda, ab aliquibus ordinis Vestri pijs, & fortibus viris appellati, absque mora insurreximus, & jam pridem in gradu stamus, nullas privatas Nostros rationes secuti, sed debite Ecclesijs omnibus solitudini, & intimo amori erga vos Nostro satisfacturi.

Nihil sanè lætum, & vestris nominibus dignum eas litteras continere, in ipso earum limine intelleximus. Nam præter ea, quæ de norma in comitijs convocandis, peragendisque servata afferebantur, animadvertimus eas ordiri à metu Vestro, quo suafore, numquam Sacerdotes Dei esse solent, in ardua, & excelsa pro religione, & Ecclesiastica libertate, vel aggrediendo fortes, vel perficiendo constantes: quem quidem metum falso judicavistis posse vos *in sinum Nostrum effundere.* In sinu enim Nostro hospitari perpetuò debet charitas Christi, quæ foras mittit, & longè arceat à se timorem. Quam Charitate erga vos, Regnumque Galliarum paternum cor Nostrum flagrare, multis jam, ac magnis experimentis cognosci potuit, quæ hic referre non est necesse. Si quid est autem, in quo benemerita de vobis sit charitas Nostra, esse imprimis putamus hoc ipsum Regaliæ negotium, ex quo, si seriò res perpendatur, omnis ordinis Vestri dignitas atque autoritas pendet. Timuistis ergo, ubi non erat timor. Id unum timendum vobis erat; ne apud Deum, hominésque redargui jure possent, loco, atque honori Vestro, & Pastoralis officij debito defuisse. Memoria vobis repetenda erant, quæ antiqui illi Sanctissimi Præsules, quos quamplurimi postea quolibet ætate
sunt

sunt imitati, Episcopalis constantiæ, & fortitudinis exempla in hujusmodi casibus, ad vestram eruditionem ediderunt. Incuendæ imagines prædecessorum Vestrorum, non solum qui patrum, sed qui nostrâ quoque memoriâ floruerunt: & qui Ivonis Carnotensis dicta laudâstis, debuistis facta etiam, cum res posceret, imitari. Nostis quæ is fecerit passusque sit, in turbulenta illa & periculosa contentione, inter Urbanum Pontificem, & Philipum Regem, muneris sui esse arbitratus, contra Regiam indignationem stare, bonis spoliari, carceres & exilia perferre, deserentibus alijs causam meliorem. Officij Vestri erat, Sedis Apostolicæ authoritati studia Vestra adjungere, & Pastoralis pectore, humilitate Sacerdotali, causam Ecclesiarum Vestrarum apud Regem agere, ejus conscientiam de tota re instruendo, etiam cum periculo regium in vos animum irritandi; ut possitis in posterum sine rubore in quotidiana psalmodia, Deum alloquentes, Davidica verba proferre: *Loquebar de testimonijs tuis in conspectu Regum, & non confundebam.* Quanto magis id vobis faciendum fuit tam perspectâ, atque exploratâ optimi Principis justitiâ, & pietate, quem singulari benignitate Episcopos audire, Ecclesijs favere, Episcopalem potestatem intemeratam velle, vos ipsi scribitis, & Nos magna cum voluptate legimus in vestris litteris? Non dubitamus, si stetissetis ante Regem pro causâ tam justæ defensione, neque defutura vobis verba, quæ loqueremini, neque Regi cor docile, quo vestris annueret postulatis. Nunc cum muneris vestri, & Regiæ æquitatis quodammodo obliti, in tanti momenti negotio silentium tenueritis; non videmus, quo probabili fundamento significetis, vos ad ita agendum adductos, quod in controversia victi sitis, quod causâ cecideritis. Quomodo cecidit, qui

non stetit? Quomodo victus est, qui non pugnavit? Equis vestrum tam gravem, tam justam causam, tam sacrosanctam oravit apud Regem? cum tamen prædecessores vestri eam in simili periculo constitutam non semel apud superiores Galliarum Reges, imò apud hunc ipsum liberam voce defenderint, victoresque à Regio conspectu discesserint, relatis etiam ab æquissimo Rege præmijs Pastoralis officij strenuè impleri? Quis vestrum in arenam descendit, ut opponeret murum pro domo Israël? quis vel vocem unam emisit memorem pristinae libertatis? Clamaverunt interim, sicut scribitis, & quidem in mala causa pro Regio jure, clamaverunt Regis administri; cum vos in optima pro Christi honore sileretis. Neque illa solidiora, quòd reddituri Nobis rationem, seu veriùs excusationem allaturi rerum in hujusmodi Comitij per vos actarum, exaggeratis periculum, ne sacerdotium & imperium inter se collidantur, & mala, quæ exinde in Ecclesiam, & in rem publicam consequi possent: proinde existimasse vos, ad officium vestrum pertinere aliquam inire rationem tollendi de medio gliscientis dissidij: nullam verò commodiorem apparuisse, remedio ab Ecclesiae Patribus indicato, utili condescensione canones temperandi pro temporum necessitate, ubi neque fidei veritas, neque morum honestas periclitentur: deberi ab ordine vestro, deberi à Gallicana, imò ab universa Ecclesia plurimum Regi, tam præclare de Catholica religione merito, & in dies magis mereri cupienti; propterea vos jure vestro decedentes illud in Regem contulisse. Mittimus hic commemorare, quæ significatis de appellato à vobis seculari magistratu, à quo victi discesseritis: cupimus enim ejus facti memoriam aboleri, & volumus, ea vos verba è litteris vestris expungere, ne in actis

Cleri Gallicani resideant ad dedecus vestri nominis semipiternum. Quæ de Innocentio tertio, Benedicto duodecimo, Bonifacio octavo in vestram defensionem adducitis; non defuere, qui doctis lucubrationibus ostenderint, quàm frivola, atque extranea sint huic causæ. Et magis notum est, quàm ut opus sit commemorare, quo zelo, quâ constantiâ eximij illi Pontifices Ecclesiæ libertatem defenderint adversus seculares potestates: tantum abest, ut eorum exempla possint errori vestro suffragari.

Cæterum ultro admittimus, & laudamus consilium relaxandi canonum disciplinam, pro temporum necessitate, ubi fieri id possit sine fidei, & morum dispendio. Imò addimus cum Augustino: *Toleranda aliquando pro bono unitatis, quæ pro bono aequitatis odio habenda sunt: neque eradicanda zizania, ubi periculum sit, ne simul etiam triticum eradicetur.* Id ita tamen accipi oportet, ut in aliquo tantum peculiari casu, & ad tempus, & ubi necessitas urget, licitum sit, sicut factum est ab Ecclesiâ; cum Arianos & Donatistas Episcopos, ejurato errore, suis Ecclesijs restituit, ut populos, qui secuti eos fuerant, in officio contineret. Aliud est, ubi disciplina Ecclesiæ per universum amplissimi regni ambitum, sine temporis termino, & cum manifesto periculo, ne exemplum latius manet, labefactatur, imò evertitur ipsius disciplinæ & hierarchiæ Ecclesiasticæ fundamentum, sicut evenire necesse esset, si quæ à Rege Christianissimo in negotio regaliæ nuper acta sunt, conniventibus, imo etiam consentientibus vobis contra sacrorum Canonum, & præsertim generalis Concilij Lugdunensis auctoritatem, contra notam jam pridem vobis in ea re mentem Nostram, & contra ipsam jurisjurandi religionem, quâ vos Deo, Romanæ, vestrisque Ecclesijs obligastis, cum

Episcopali

Episcopali charactere imbueremini, hæc sancta Sedes executioni mandari, & malum invalescere, diutius differendo permetteret, ac non ea Nos, pro tradita divinitus humilitati Nostræ suprema in universam Ecclesiam potestate, solemni more, prædecessorum Nostrorum vestigijs inhærentes, improbavimus; cum præsertim per abusum Regaliæ non solum everti disciplinam Ecclesiæ res ipsa doceat, sed etiam fidei ipsius integritatem in discrimen vocari facile intelligatur ex ipsis regionum decretorum verbis, quæ jus conferendi beneficia Regi vindicant, non tamquam profluens ex aliqua Ecclesiæ concessione, sed tamquam ingenum, & coævum regiæ coronæ. Illam verò partem litterarum vestrarum non sine animi horrore legere potuimus, in qua dicitis, vos jure vestro decedentes, illud in Regem contulisse: quasi Ecclesiarum, quæ curæ vestræ creditæ fuere, essetis arbitri, non custodes; & quasi Ecclesiæ ipsæ, & spiritualia earum jura possent sub potestatis secularis jugum mitti ab Episcopis, qui se pro earum libertate in servitutem dare deberent. Vos sanè ipsi hanc veritatem agnovistis, & confessi estis, dum alibi pronuntiastis: *Jus Regalia servitutem quamdam esse, quæ in eo præsertim, quod spectat beneficiorum collationem, imponi non potest, nisi Ecclesiâ concedente, vel saltem consentiente.* Quo jure vos ergo jus illud in Regem contulistis? Cumque sacri canones distrahi vetent jura Ecclesiarum; quomodo ea vos distrahere in animum induxistis, quasi eorumdem canonum authoritati derogare liceat vobis? Revocate in memoriam, quæ inclytus ille conterraneus vester Clarevallensis Abbas non Gallicanæ modò, sed etiam universalis Ecclesiæ lumen à vobis meritò nuncupatus, Eugenium pontificem officij sui admonens reliquit scripta præclare: *Meminisse se esse, cui claves tradi-*

ta, cui oves credita sunt. Esse quidem & alios tali janitores, & gregum pastores, sed cum habeant illi assignatos greges, singuli singulos; ipsi universos creditos, unum unum, nec modo ovium, sed & pastorum Eugenium esse pastorem: idcirco juxta canonum statuta alios Episcopos vocatos fuisse in partem sollicitudinis, ipsum in plenitudinem potestatis. Ex quibus verbis quantum vos admoneri par est de obsequio & obedientia, quam debetis huic Sanctæ Sedi, cui Nos, Deo authore, quamquam immeriti præsidemus; tantumdem pastoralis Nostra sollicitudo excitatur ad inchoandam tandem aliquando in hoc negotio, quam nimia fortasse longanimitas Nostra, dum poenitentia spatium damus, hætenus distulit. Apostolici muneris executionem.

Quamobrem per præsentēs litteras; tradita Nobis ab omnipotenti Deo autoritate, improbamus, rescindimus, & cassamus, quæ in istis vestris comitiis acta sunt in negotio Regaliæ, cum omnibus inde secutis, & quæ in posterum attentari contigerit, eaque perpetuò irrita & inania declaramus; quamvis cum sint ipsa per se manifestè nulla, cassatione aut declaratione hujusmodi non egerent: speramus vos quoque ipsos, re melius consideratâ, celeri retractatione consulturos conscientia vestra, & Cleri Gallici existimationi, ex quo Clero sicuti hucusque non defuere, ita in posterum non defuturos confidimus, qui boni pastoris exemplo, libenter animam ponere parati sint pro ovibus suis, & pro testamento Patrum suorum. Nos quidem pro officij Nostri debito parati sumus, Dei adjutrice gratiâ, sacrificare sacrificium justitiæ, & Ecclesiæ Dei jura, ac libertatem, atque hujus sanctæ Sedis autoritatem, dignitatēque defendere, nihil de Nobis, sed omnia de eo præsumentes, qui Nos confortat, & operatur in Nobis, & qui

qui iussit Petrum super aquas ad se venire. Præterit enim figura hujus mundi, & dies Domini appropinquat. Sic ergo agamus, Venerabiles Fratres; ac Dilecti Filij, ut cum summus Paterfamilias, & Princeps pastorum rationem ponere voluerit cum servis suis, sanguinem pessumdatus, & laceratus Ecclesiæ, quam suo acquisivit, de Nostriis manibus non requirat. Vobis interim omnibus Apostolicam benedictionem, cui cælestem accedere optamus, in timo paterni amoris affectu impartimur.

Datum Romæ die II. Aprilis 1682.

Documentum LX.

Alia Cleri Gallicani epistola ad Sanctissimum
Dominum Nostrium INNOCENTIUM XI. Pontif. Max.

BEATISSIME PATER.

Quantum olim à Majoribus nostris Sedi Apostolicæ delatum est, tantum nos, qui honoris Sacerdotalis successores Patrique animi hæredes sumus, Vestræ Sanctitati debere, solemniter profiteamur; neque id modò, quòd Vestra Beatitudo in præcelso editoque Ecclesiæ loco posita est, sed & quòd illam videmus singulari pietate, & religione summâ, loci auctoritatem exæquare. Cum enim Petri Cathedram eâ quâ debemus veneratione prosequimur, & pariter nobis ante oculos proponimus virtutes eximias, quibus V. S. ornata est, severitatem scilicet Institutorum, studium amplificandæ Ecclesiæ, constantem retinendæ veteris disciplinæ sententiam, quotidianam sollicitudinem omnium Ecclesiarum, obfirmatam non acquie-

scendi carni aut sanguini voluntatem, non possumus non admirari, & summam in honoribus gloriam, & parem in moribus disciplinam. Hæc & alia, quæ sanè magnifica sunt, magnam de Vestro Pontificatu spem omni Ecclesiæ injecerunt; quisque statim Vestri nominis merita prædicare, sibi quisque polliceri cœpit, fore ut summo Pontifice Innocentio Undecimo Ecclesiæ Provincias reciperet, quas Patrum nostrorum memoriâ Hæresis abstulerat, & fides Romana profatis longè finibus amissam recuperaret possessionem. Ea spes Orbis Christiani fuit, eaque opinio hoc magis apud nos invaluit, quòd paribus votis, & simili animorum consensione cum Vestra Sanctitate conveniret Rex Christianissimus, qui, quâ Religione, & quâ præditus est potentiâ, impietatem disturbare, & solus inter Principes Christianos domitam hæresim Romanis subicere fascibus potest; neque frustra est hæc expectare ab invictissimo Principe, qui jam non minùs religione, quàm armis, Magni Nomen implevit. Ille domi hæresis tanquam alicujus hydræ innumera capita Edictorum pondere oppressit: Ille jam pridem foris subactis Provinciis & Civitatibus expugnatis, Romanæ Ecclesiæ religionem intulit, & nuper in Argentoratensem Civitatem, stupente Europâ, & frendente hæresi fidem ab exilio reduxit, expiatóque Dei Sanctuario, signa Catholica sacris affixit postibus, quos tot annos hæreticorum polluerat impietas. Hæc Christianissimus Rex, cujus spectata virtus, summa in rebus gerendis Prudentia, in exequendis Fortitudo admirabilis, Magnitudo animi, Justitia, Fides, Religio, tanquam sagittæ in arcu brachij potentis, ad tollendam hæresim, delendum mendacium. Cum hæc inter sanctissimum Pontificem, & Regem Maximum incredibilis esset virtutum, & voluntatum conspiratio,

no, quid aliud nos augurari oportebat, quàm fidei victorias, & gloriam Ecclesiæ. Verumtamen, Beatissime Pater, hæc contra omnium expectationem perversis quibusdam hominum improborum artibus interpellata sunt: vix præ dolore hæc meminisse, nedum commemorare possumus. Etenim dum Rex Christianissimus pro sua pietate rem Ecclesiæ bene & feliciter gerit, ecce per Provincias & Civitates Galliarum Litteræ Apostolicæ divulgatæ sunt, quibus sacra Regis Christianissimi Majestas offenditur, acerbis minacibusque litteris impetitur ille Rex, Prædicator fidei, Defensor Ecclesiæ, Regionum Præsul, Patriæ Custos, Triumphator Gentium; convelluntur Jura Regni, tolluntur sacra majorum nostrorum deposita, pulsantur Ecclesiæ Gallicanæ libertates, cæditur reverentia Sacerdotalis, Provinciarum Ecclesiarumque Privilegia violantur, subvertitur Jurisdictio Episcoporum, perruptisque terminis, quos Patres nostri constituerunt, ex antiqua Patrum nostrorum hæreditate immeriti dejicimur. Ingemuit, Beatissime Pater, Clerus Gallicanus, cùm videret, contra Canonem Ecclesiasticum, & contra formam judiciorum condemnatum esse Illustrissimum Archiepiscopum Tholosanum; exhorruit districtum & minitantem Capiti Collegæ excommunicationis gladium, demum contra fidem Concordatorum litteræ Pontificiæ absque Canonica causâ denegantur ritè nominato ad Apamiensem Episcopatum; unde accidit, ut non succurratur Ecclesiæ scissurâ laboranti, quoniam non adest Episcopus, qui & pro munere institutionis suæ tollat schisma, & dissidentes ad unitatem revocet.

Unde verò, Beatissime Pater, tot & tantæ in nos irarum causæ? quos olim unus ex Vestræ Sanctitatis Prædecessoribus

bus appellabat Gentem sanctam, Regale Sacerdotium, Populum acquisitionis, cui DEUS Israel benedixit. Nonne nobis eadem, quæ Majoribus nostris fuit in Summum Pontificem devotio? Nonne erga Sanctitatem Vestram reverentiæ & obedientiæ obtestatio similis? idemque nos, quos illos olim ejusdem communionis vinculum Sedi Apostolicæ adstrictos tenet? Dolemus, Beatissime Pater, nihilominus ex vestris litteris in Ecclesia seri discordias; cùmque in dies malum ingravesceret, huic tandem obviam ire cœpimus; habitoque generali Ecclesiæ Gallicanæ conventu in commune providere, ne quid detrimenti Christiana res caperet. Adivimus itaque Regem Christianissimum, & quâ legatione pro Christo fungimur, tanquam Deo exhortante per nos, obsecravimus, ne ex unius negotij causa ædificationem Dei dissolvi sineret. Eum verò, Beatissime Pater, qui pacandi orbis gratiâ, gloriæ & magnitudini suæ, quibus nihil fortissimo Principi pretiosius est, ultrò modum fecit, tranquillitati Ecclesiæ & felicitati Sacerdotum nihil non condonaturum esse, rogationis nostræ eventus comprobavit.

Quoniam verò paci & quieti Ecclesiæ Gallicanæ, non modò in præsentiarum, sed etiam in posterum prospiciendum est, talia nempe præcesserunt, ut similia, vel etiam graviora præcaveri oporteat; præmissò erga Sedem Apostolicam quod decet, reverentiæ & obedientiæ officio, impensius deprecamur Sanctitatem Vestram, ne jura, privilegia, mores, & instituta Majorum convelli, aut minui patiatur, ea præsertim, quæ sacris Canonibus, & Patrum Decretis stabilia nobis semper in honore & usu fuerunt, & quæcumque Ecclesia Gallicana auctoritate consuetudinis & vetustatis possessione defendit: idque cò ardentioribus

votis

votis exposcimus, quo nullâ temporum interruptione, nullâque definitione Patrum hac in re Ecclesiæ Gallicanæ derogatum est. Ejusmodi autem sunt Episcoporum judicia, quæ ex Patrum Decretis. & ex moribus nostris in his partibus à nobis tractari, quin etiam interjectis ad Sedem Apostolicam appellationibus finiri debent; ea quoque, quæ ad jurisdictionem Metropolitanorum & Episcoporum attinent, jura Regni, libertates Ecclesiarum, negotia Ecclesiastica, quæ omnia intra limites Diocæses Galliarum æstimari, agitari, & judicari conditum est. Prudentissimè enim, & justissimè, ut in simili propè negotio Patres Africani ad Cœlestinum Papam scribebant, Nicæni Patres providerunt, quæcûmque negotia, ubi orta, sunt finienda, nec unicuique Provinciæ gratiam Sancti Spiritûs defuturam, quâ æquitas à Christi Sacerdotibus, & prudenter videatur, & constantissimè teneatur.

Oramus itaque Sanctitatem Vestram, & omnibus precibus obtestamur, ut suam, quam Vestris Fratribus Deus tribuit portionem, intactam illibatamque esse velit, ut paterno animo suam filijs hæreditatem sanctam rectamque custodiat, ut vulneribus Ecclesiæ Gallicanæ Matris nostræ piâ, & salubri eorum, quæ gesta sunt, ratione medeatur; nec intercessionem Cleri Gallicani minùs æquis auribus accipiat, dum præsertim periculum est, ne quid dispendij res nostræ, nobis tacentibus, patiantur. Neque hæc pro juribus nostris defendendis repentina supervenerunt subsidia: antiqua Majorum nostrorum documenta sunt, quæ ut hausimus ab ijs, ea pariter hoc Ecclesiastici yigoris, & Sacerdotalis animi exemplo, ad posteros transmittimus. Quin etiam æmulamur sapientiam Patrum, qui in similibus causis, simili modo suis institutis providerunt, neque id ægrè tulisse Sum-

mos Pontifices Bonifacium & Cœlestinum, quin & hisce
 postremis temporibus Innocentium X. accepimus; spera-
 mus quoque, Beatissime Pater, fore ut Vestra Sanctitas
 æqui bonique consulat hanc nostram contestandæ,
 & dirimendæ causæ rationem, ubi sine honoris erga Ve-
 stram Sanctitatem diminutione, sine ulla charitatis offen-
 sione, decertata jura suis possessoribus asseruntur. Nobis
 enim hoc inprimis de Vestra Sanctitate pollicemur, ut ille,
 cujus ad Pontificatum felix ortus, & læti dies fuerunt, cujus
 vita omnis virtutibus tanquam faustis syderibus fulget,
 amoris procul vel levium dissidiorum nebulis, tranquill-
 itatem Ecclesiæ Gallicanæ afferat, & serenitatem. Hoc
 omnium nostrum votum, & hoc cum Apostolica benedi-
 ctione optant, expectantque.

Datum Parisijs pridie Nonas mensis Maij, anno 1682.

Sanctitatis Vestræ

*Obsequentissimi & devotissimi Filij ac Servi
 Vestri,*

Archiepiscopi, Episcopi, & alij Ecclesiastici
 Viri in Comitij Generalibus Cleri Gallicani
 Parisijs congregati.

Franciscus Archiepiscopus Parisiensis
 Præses.

*De Mandato Illustrissimorum & Reverendis-
 simorum Archiepiscoporum, Episcoporum, totiusque
 Cætus Ecclesiastici in Comitij Generalibus Cleri Galli-
 cani Parisijs congregati.*

Documentum LXI.

Epistola Pastorum Apamiensium ad INNOCENTIIUM. XI. Pontif. Max. quâ & veniam petunt, quod Vicarijs Generalibus ab Illustrissimo Archiepiscopo Tholosano constitutis obedientiam detulissent, & Pontifici gratias agunt, quod penitentes veniam benignè donasset.

SANCTISSIME PATER,

Post humillima Pedum oscula,

PECCAVIMUS: nec satis est semel dixisse; addimus iterum iterumque, peccavimus. Denique sine modo vocem illam, quæ tam multis salutis fuit usurpata, multo pluribus perniciem attulit prætermissa, ingeminamus: peccavimus. Sit hoc Epistolæ hujus initium, sit clausula, sit summa. Quid enim aut jucundius legere Vos, aut nos scribere salubrius possumus? Dicat igitur unusquisque nostrum in se reversus, quod ille Adolefscens Evangelicus: *Pater peccavi in calum & coram te.* Gravem quippe in cælum culpam commisimus, qui positâ ad aratrum manu retrorsè respeximus, facti regno Dei minùs idonei, qui animas nostras facientes pretiosiores, quàm nos, minùs metuimus peccare in conspectu Domini, quàm incidere in manus hominum. Denique qui cum hominibus Christi tunicam inconsutilem scindentibus, abominationem desolationis in loco sancto ponentibus, & adversus id omne, quod vocetur Deus, sese erigentibus, fœdam & exitiosam non sponte quidem, sed neque inculpate Societatem inivimus. Coram Vobis, Beatissime Pater, deliquimus desertis ijs. Castris, in quibus Sanctitas Vestra toto animi robore, totaque cum laude præliatur prælia Domini. Tum etiam, quod maluimus plenam ignominiae securitatem quaerere,

quàm

quàm pulchra sanctâque Vobiscum adire pericula, Vobiscum deinde partituri æterni gloriam triumphi. Denique quòd neglectâ Vestrà optimi, supremique Pastoris voce, lubentiùs audivimùs ululatum Lupi.

Auget verò non mediocriter culpam nostram, quòd per crebra Innocentiæ exempla in culpam ruimus: quòd de agone recessimus, cùm maximè socij, Fratresque nostri in stadio current, ac sic current, ut quidam eorum brachium comprehenderint, omnes comprehensuri videantur. Quòd, Pater Sanctissime, Episcopi nostri viri Apostolicì (cui toties singuli dixeramus, etsi omnes scandalizati fuerint in te, ego nunquam scandalizabor) spem decepimus, gloriam obscuravimus, triumphum minuimus, illâque beatam, nec satis prædicandam necessitudinem, quâ cum illo conjuncti fuimus, non satis meminisse, penè contemnere visi sumus.

Ingens profectò culpa fuit hæc, grandèque delictum, ac cui sua non defuit pœna. Profectò in regionem longinquam durissimam servitutem servivimus, sed Cive regionis illius, cui adhæsimus, porcos pascende, fame perimus, siliquas cupimus, nec impetramus, & tamen crudelissimo Domino felices videmur. Non opus est istius calamitatis singulas partes percurrere, quarum vel aliquas meminisse non parva calamitas est.

Habuit tamen pessima ista conditio optimum hoc, quòd nos & de paternæ domûs felicitate cogitare, & in paternæ charitatis amplexus venire compulerit. Surgentes revertimur ad Patrem, apud quem cùm mercenarij loco esse vellemus, excepit nos more filiorum splendide ac peramanter. Præ foribus, extra limen ob metum & reverentiam substiteramus, nec ostium pulsare ausi, nec ulterius

ulterius progredi. Sed moras istas pati non potuerunt paterna viscera, venientique soboli dulcissimi genitoris, non domus tantum, sed pectus quoque patuit.

Decebat quidem nos, Beatissime Pater, tam factæ defectiois labe pollutos, per longum ac laboriosum baptismam, amissum recuperare nitorem, tamque alto vulnere confossos gravioribus subiacere remedijs, ac ita demum pristinae sanitati restitui. Decebat, inquam, nos adstantes, depositos, omnique prorsus sacerdotali honore carentes diu multumque ruinam nostram lugere, Deum placare, ac Universæ Ecclesiæ Gallicanæ, nedum Apamiensi, cui ingens scandalum fuimus, satisfacere. Sed è re fore visum est, resipiscences excipere in Spiritu lenitatis, magisque placuit indulgentia. Itaque affuere statim Vestro nomine, qui venientibus in amplexus ruerent, qui Ecclesiæ redderent, quique in ea solitis oneribus fungi juberent.

Quæ cum ita sint, Beatissime Pater, nostri muneris esse putavimus, pro singulari illa verèque Apostolica in nos benignitate atque clementia Vestra, humillimas hanc Epistolâ Sanctitati Vestræ gratias agere, simulque polliceri, neminem unquam fore (si modò Deus adfuerit) qui Sanctæ Sedis mandata libentiùs audiat, qui ab ea descipientes cautiùs fugiat, quique Schismaticos, & Ecclesiasticæ libertatis hostes perfectiori oderit odio. Aperiantur carceres, acuantur secures, erigantur cruces, effundat in nos crudelitas, quidquid malorum in patres atque Collegas nostros huc usque ingestum est, dabit Christus hæc omnia superare ac vincere, simulque efficiet, ut sic demum magis magisque constingatur sanctissimus ille nexus, qui nos cum Apostolica Sede copulat atque conjungit. Erit nobis sanctum, quid-

quid illa probaverit, eritque reprobum, quidquid rejecerit, nec aliter quàm publicani, ac ethnici loco habebimus, quisquis illam audire contempserit.

Rumor est, Sanctissime Pater, cuncta ad quietem vergere, pacem polliceri, factumque id esse operâ atque industriâ Reverendissimorum Episcoporum, qui convenere Parisios: qui tam arduam, tamque difficilem controversiam, regnum inter & Sacerdotium quomodò componerent, nisi forent Spiritu Sancto repleti? hoc aiunt.

Et enim, si pax ista talis extiterit, qualem à Sanctitatis Vestræ cura, sapientia, tum animi fortitudine populus Christianus universus expectat, qualem per tot labores, gemitus, pericula Episcopus noster quæsit, qualem postulat Sanctæ Sedis violatæ Majestas, Sacro-Sancti Concilij Lugdunensis conculcata auctoritas, Octoginta minimum Ecclesiarum subjugum missa libertas. Si pax ista Domus Dei zelatoribus attollat animos, eosque qui Sanctam Sedem veneratione ac studio prosequuntur, quique pro ea non exigua incommoda perpeSSI sunt, ac nova pro ejus dignitate tuenda, si quid impofterum triste acciderit, ad subeunda pericula, fortiores, alacriorésque efficiat. Denique, si pacem istam Ecclesia dederit, non acceperit, & quidem invita, vim passâ, spreta, ludificata, tunc profectò Reverendissimis Episcopis ex animo gratulabimur; simulque in Domino gaudebimus, Deumque pacis benedictum dicemus ex hoc, nunc & usque in Sæculum.

Contrà verò, si fuerit ista pax non donum Dei, sed opus, imò ludus Sæculi, non Ecclesiæ restituta libertas, sed rata servitus, & si quid melius, catena paulo nitentior; non prostratus error, sed triumphata veritas; non improbitatis atque audaciæ frænum, sed ad quidvis adversus Concilia

cilia œcumenica, adversus Sanctæ Sedis Decreta, adversus omnia sacra imposterum audendum tentandumque incitamentum. Sitor eximios invictosque libertatis Ecclesiasticæ defensores pax reliquerit inglorios, afflictos, oppressos, pedibus conculcatos, contra verò tot improbos, qui ausi sunt altare contra altare erigere. Sanctam Sedem quasi infestis signis petere, multa Sacrilegio patrare, quique de illis adhuc gloriantur (adeò non dolent) nullà nec levi quidem pœnà affecerint, sed gaudere licuerit mercede iniquitatis. Postremò si fuerit pax ista non pax, sed bellum, tanto terribilius, quanto latentius, tanto crudelius, quando callidius, sub blando concordie nomine decipit: erit proh dolor! nobis lugendus non unus, sed duplex casus; noster scilicet, & Religionis; noster quidem, qui in bello corruimus: Religionis autem, quam pax ista quodammodò dejiciet, atque prosternet. Sed melius sperare movent quæcumque huc usque Sanctitas Vestra pro Domo Dei & fecit, & passa est fortiter atque sapienter.

Multo plura fortassis addenda forent, sed utilius modè stiùsque silebimus. Taceant pœnitentes & lugeant, qui nec nimium filere, nec satis lugere possunt. Gaudeat interim lugentibus nobis Sanctitas Vestra, gaudet Angelus non super uno, sed super multis peccatoribus pœnitentiam agentibus. Dignatus est olim Christus Mulieri in Civitate peccatrici osculandos pedes porrigere: num parem pœnitentia nostra ambit honorem? Ambit equidem. Non veremur tali exemplo provocati, Christi potestatis Vicarij, Christi vitæ æmuli non pedes quidem, sed pedum vestigia prono ore osculari ac lambere. Datum die Martij, anno verò 1682.

*Humilissimi & Obsequentissimi in Christo Filij
& Famuli*

Parochi Apamienses.

Documentum LXII.

Quinta Epistola R. P. Cerle ad INNOCENTIUM XI.
Pontif. Max.

SANCTISSIME PATER;

Post humillima pedum Oscula,

QUANTUS ego sum, qui verbis meis loquar Vobiscum; video enim Vos Domine, sicut Angelum Dei, & conturbatum est cor meum præ timore gloriæ Vestræ. Sed recreat me erigitque non parùm, quòd aureæ virgæ summitatem mihi non semel osculandam porrexistis. Illam nunc quoque precor porrigite, mèque liberate à laqueo venantium, & à verbo aspero.

Accepi, Beatissime Pater, esse Romæ, qui dicerent, quidquid ad hoc usque tempus in negotio Regaliæ factum est, partim me inscio factum, partim suasu atque impulsu Clarissimi viri Domini Favoritij Amanuensis Vestri actum esse.

Quia de re, Pater Sanctissime, cùm primum certior factus sum, risi plurimum (quod quidem Vestrâ pace dictum sit) improbi Sycophantæ socordiam, qui se putavit tam crassâ calumniâ, supinôque mendacio Romanam solertiam dexteritatêque in fraudem inducere, ac ipsos videntes, obcæcare.

Cœpi deinde & mihi, & Ecclesiæ timere vehementer. Intellexi nimirum cum ex hac novissima fraude, tum ex omni nequitia genere, quod est in perditissimæ causæ defensione à Regalistis adhibitum, Adversarium nostrum Diabolum summo studio totisque viribus in perniciem nostram incumbere; quippe qui nec viribus, quas habet per-
magnas.

magnas, nec artibus, quibus potissimum valet, ullâ ratione parcat.

Est illi (quod quidem magnus observavit Gregorius) duplex in sacris litteris nomen, nam Leo vocatur, & Draco dicitur. Leo est, quia devorat. Draco quia decipit. utrumque nos, cum Gallijs, tum extra Gallias, quod arduo satis molestissimôq; experimento tristissimis itis temporibus edocti sumus. Hic enim Leo iste adversus nos tremendum rugit, fauces aperit, dentes stringit, ingentem de nobis stragem edit. Romæ verò Draco sibilat, multiplices se torquens in giros, totumque in nos, quod gerit intra viscera lethale virus, evomit.

Hic nos tanquam nimio studio Apostolicæ Sedi addictos, maximèque Catholicos ad internecionem Leo prosequitur. Illic verò nos ut Vobis religione minus, quàm necessitate deditos, ac heterodoxis nescio quibus societate conjunctos, omni Vestro præsidio destituere, invisosque efficere totis viribus ac nervis Draco contendit. Hic Episcoporum agmina commoveret, ut Vos (si Petrus sinat) in ordinem redigat. Illic verò quia Vestra dignitas in tuto est, charissima Vobis capita per fraudem & insidias quærit elidere.

In Gallijs Leonis furor equuleos parat, cruces erigit, exilijs nostris, fugâ, ærumnis cunctas Regni provincias implet & terret: præterea universæ religioni bellum indicit, homines impios & Satanæ traditos in interitum carnis, Sanctos habet: qui verò Sancti sunt, ex Ecclesijs eliminat, ac in vincula conjicit, monasteria in popinas ac lupanaria commutat, virgines expellit, Sacerdotes pessundat, ejectis Pastoribus, ovibus Christi Lupos præficit. Quid plura? Apostolicas litteras, jussiones, Censuras aut stulto ludibrio habet, aut humanâ rabie conculcat. Denique cuncta gerit,

Nnn

quæ

quæ Vos ad citò totquenda fulmina, ad Vestram dignitatem celeriter vindicandam, ad coercendam sine mora improbitatem, ad tuendam summâ festinatione innocentiam impellere, acuire, urgeréque debent.

At Romæ Draco vaserimus callidissimûsque trium annorum moris alias moras nescit. Hunc in suspensionem adducit, illum varijs artibus in suas partes trahit, alios terret, alios allicit, cunctos dolo capit. Ad hoc nihil non pollicetur, nihil non mentitur. Denique omnes machinas adhibet, ut de manu Vestra, Beatissime Pater, fulmen excidat, ut Ecclesia seruiat, ut improbitas tuta sit, ut pietas, & innocentia profanis impiorum conatibus succumbat.

Sed ne diutius vetera, & quæ sunt omnibus perspecta; commemorem, recentiora quædam, necita nota perstringam. Hoc ipso tempore, Pater Sanctissime, quo ad pedes Sanctitatis Vestræ parvitas mea scribit, quinque sunt hujus Diœcesis Parochi carcere conclusi: octoginta verò, quorum sunt occupata obsignatâque bona, non aliam profectò obnoxam aliudve scelus, quàm quia summo illo cælestique beneficio, Jubilæo videlicet à Vobis concessò, ad nostram verò exiguitatem missò destinatòque, persandè usi sunt: quodque eorum nonnulli, quos error humanus fragilitasque abduxerat, in se tandem reversi, quidquid recedendo peccaverant, amare flendo deleverant, tantâque per illos dies salutis induiti sunt virtute ex alto, ut à Vestra fide & obsequio, nostrâque societate nullis terroribus nullisque periculis divelli posse videantur. Denique quod eorum oves Pastorum vocem audientes, nec non exempla sequuntur tempore illo acceptabili cælestibus divitijs mirum in modum locupletatæ sunt, sedemque Apostolicam, unde opes illæ fluxere, ferventiori studio pietate atque honore prosequuntur.

Hoc

Hoc vidit Tartareus Leo, nec tulit, cumque Spirituales opes non posset auferre, temporalibus rapaces unguis iniecit. Diripiuntur Ecclesiæ, spoliantur Pastores, enecantur pauperes, quorum quidem pauperum, qui certè sunt apud nos innumeri, totus ferme in Sacerdotum charitate census & vira est. Hanc crudelem vicem Vestra mansuetudo, patientia, benignitas reposcebat? Hanc illam spem iniecerat, qui ad solemne de tanta lite iudicium impediendum cuncta in Gallijs è sententia Vestra factum iri pollicitus est?

Sed quamquam acerbissima ista sint, omnique crudelitate plena, plus tamen improbitatis ac nequitiae videtur esse in illo, quem, ut diximus, ubique spargunt rumorem; cuius profectò ille artifex est, qui in sacris Litteris & mendax dicitur, & Pater mendacij: me scilicet in his omnibus negotijs non nisi larvam esse, me inconsulto, me prorsus incio fieri, quidquid his temporibus geritur. Etenim si credendum est sycophantis, & calumniae cusoribus, Litteris Apostolicis debitum honorem non detuli, otiosus omnino fui, Regalists non obstiti, illicitis Episcoporum Conventibus non intercessi. Hæc si ita sint, cur tandem fugio? Cur tam diligenter lateo? Cur ubique paratas Cruces invenio? Denique cur alios timeo, qui timeri poteram, si Belial quàm Christi partium esse maluissem?

Esto nihil fecerim, at multa passus sum pro Christo, Ecclesia, pro Sanctissimis Canonibus. Hæcne quoque inficiabuntur? negabuntne cervicibus nostris insticisse Carnificem, atque in imagine cœpisse, quod utinam in Corpore nostro aliquando perficiat? Hæc est gloria nostra, cuius splendorem nullum mendacium obscurabit, quam nulla fraus dolusque nullus, aut minuere, aut nobis eripere poterunt. Hæc est gloria nostra, quæ nos clarissimis

mis Christi Confessoribus adnumerat. Sanctissimis Episcopis confociat, Vobis ipsis Beatissime Pater, fœdere ac societate, quanta quidem inter Dominum & servum haberi potest, conjungit.

At, inquiunt, ad cuncta, quæ præstiti adeunda Dominus Favoritius me impulit. ejus operâ & consilio in omnibus usus sum. Bene est, non poterant profectò res meæ gestæ nobiliori calculo comprobari. Nec enim potuî cuncta non rectè peragere, tam sapientem tamque rerum agendarum peritum authorem secutus.

Sed quamquam tam sapienti monitori aurem præbuisse maximè mihi laudi verteretur, indebitam tamen laudem non aucupor, qui meam, si quam haberem, arbitrer ut stercora, ut Christum lucrifacerem: Favoritium quidem colo, revereorque; at Favoritio nihil penitus debere me sentio, nisi quantum à singulis Christianis debetur homini, cujus sunt in Vos, in Apostolicam Sedem, inque universam Ecclesiam ingentia merita.

Aliud subjungam, Pater Beatissime, audacius fortè liberiusque, sed veniam, uti spero, audaciæ meæ benignitas Vostre non denegabit. Sit licet Favoritius vir usquequaque magnus, licet illius industria, fidésque Vobis spectatæ probatæque sint, quod quidem singularis virtutis argumentum & præmium est, & si pietatem illius, ingenium, solertiam Roma universa, atque omnes omnino boni demirentur, quòdque majoris est gloriæ (ut vult Hieronymus) licet illum hostes Ecclesiæ detestentur, cùmque gladijs nequeant, verbo interficiant, Denique quamquam Favoritius ille sit, cui fideles omnes plurimum de Vestra in illum benignitate confidentes sublimiorem gradum ampliorésque honores deprecantur, ac ne amplius vestrorum potius, quàm

quàm suorum aduersariorum telis pateat. plenam dignitate securitatem exoptent. Quantus quantus sit, tamen multo minor multoque inferior ijs est, quibus in negotio hoc toto Authoribus usus sum. Quinam vero sint illi? Vos Pater Sanctissime, Paulus, Christus.

Docuit me Christus cum verbo, tum exemplo pastoris munus esse pro ovibus animam ponere. Monuit me Paulus depositum ut custodirem. Vos ipsi iussistis prælia Domini ut præliarer, utque fortiter in statione tam sancta permanerem. His Ducibus, his Authoribus movendum regendumque me tradidi. Favoritio nec notus sum, nec ille mihi. Certè nullas unquam ad illum litteras misi, ab eo nullas accepi: ita me Deus adjuvet.

Post confutata protervi Calumniatoris mendacia liceat, Pater Sanctissime, majus nostrum, imò totius Ecclesiæ vulnus summo Medico aperire. Cùm magno apud omnes bonos odio laborare sese intelligerent Patres Societatis Jesu, propter nefariam illam Probabilitatis doctrinam, nuper à Sanctitate Vestra magno fidelium plausu damnatam, ut eam à se invidiam, minimè tamen mutatâ sententiâ depellerent, sanxere in ultimo suo generali Conventu, opinionem illam, quæ propius ad verum accedere videretur, ut plurimum esse sequendam. Quo profectò Decreto non tam veritati consulitur, quàm Ecclesiæ illuditur, quàm Sancta Sedes irridetur, quàm errori latibulum securitâsque paratur.

Hærendum, inquiunt, ut plurimum Sententiæ probabiliori. Cur non semper? quod ratio suadet, quod Sancti Patres admonent, quod Canones præcipiunt? Cur non semper? cùm omnes omnium ferè Sanctorum Patrum paginæ clament: in dubijs tutiorem partem esse sequendam?

dam? An aliquando peccare Sanctum est? An quandoque perire tutum? An Christus ut plurimum tantum est veritas? Mavultque identidem videri & esse probabilitas? Videtur ut plurimum istud Semi-Arianorum alterum ὁμοιότιον, totum videlicet ad fallendos incautos, & fraudem occultandam compositum.

Fas, inquit, interdum esto, nefas ut plurimum ex sententia minus probabili quidpiam aggredi. Verè defecerunt scrutantes scrutationes. Quid est, quod dixisti, o infelix Astutia! O Sententiam necessitate confusam! (Ut ait Tertullianus) quod negatur, præcipitur: quod licet, prohibetur. Cur sapius dumtaxat persequaris, quod semper querendum sit? Quomodo quod nunquam fieri licet, interdum ritè feceris?

Sed quæ res tandem sequendi respuendique opinionem probabiliorē tempus præfiniet? Illa videlicet toties locum habebit Sententia verisimilior, quoties res erit cum rusticis, operarijs, bajulis, ancillis, & id genus mulierculis, quorum sunt levissima nulliusque ponderis, & (quod caput est) nihil ad Societatem pertinentia negotia. Contra verò, quod minus probabile censebitur, id Probabilistæ sequentur, unde magnum sibi commodum obventurum, aut grave periculum metuendum erit. Verbi gratiâ, si orta de Regalia gravis controversia fuerit, certentque invicem, illinc quidem gens potentissima, opibus honoribus aliisque Beneficijs assentientes cumulans, adversantes verò nullo non pœnarum genere afficiens: hinc autem Sancta Sedes futura tantum bona promittens, ac lentis fulminibus parum (ut incredulis videtur) metuenda. Tum liceat Jesuitis valedicere veritati, sibi que in sinu Probabilitatis perfugium & armamentum querere.

Obti-

Obtineat opinio probabilior apud infimæ notæ Jesuitas plebémque, ut ita dicam, Societatis, regendis tenuiorum conscientijs mancipatam, & evangelizare pauperibus missam : liberum verò sit ab ea recedere, istius sacre gentis Proceribus, quibus fors & gloria est stare semper ante Reges & Præsides. Non loquatur in istis Spiritus veritatis, libentiùs in Aula Spiritus Probabilitatis auditur.

Hæc placita, aut monstra veriùs Conventus ille parturijt, Beatissime Pater, nec veriti sunt errorem illum lego sancire, cum in ipsa Urbe Roma, ubi omnis error configitur, tum sub oculis Sanctorum Petri & Pauli, qui fuerunt suntque maximi præcones, assertorésque veritatis. Tum denique audiente spectantéque Innocentio Undecimo, per quem est probabilitas afflicta, per quem est (ut speramus) jugulanda.

Sed adeò ita facere non sunt veriti, ut maximè tali loco, talibùsque testibus Decretum istud edere callidi homines quæsierint, studuerintque, ut si quando in impium Dogma pietas erudita insurgeret, hæc statim excusatione occurrerent. Carere haud dubiè omni reprehensione, quod Ecclesia Romana, quæ est veritatis firmamentum, quòdque Innocentius XI. tantus Censor vidisset, nec arguisset. Sed erravit istorum hominum terrena animalisque Sapientia; non feret profectò, non feret Innocentius XI. Urbem Romam dehonestari tali partu, nec suum Pontificatum pollui tali probro.

Doctrinas istas peregrinas, ut vocat Apostolus, cum palàm proficeantur Patres Jesuitæ, tum Academias omnes, tum omnia Clericorum seminaria impetu factò occupant. Invasère nuper Principis jussu, ac novo quodam productæ extensæque Regaliæ jure Academias hujus Regni permul-

cas, & in his percelebrem illam Tholosanam. Idque agere ausi sunt inconsultâ Sancta Sede; cùm tamen Academia ista omnino Pontificiâ sint, nec minoris Vestrae Ecclesiae referat, Doctores Scholis, quàm Pastores Basilicis præficere, scriptum est enim: *Et ipse dedit quosdam quidem Apostolos. Alios autem Pastores, & Doctores ad consummationem Sanctorum, ad opus ministerij, in adificationem Corporis Christi.* Tantum autem ex antiqua illa Academiarum vindicatione omnes boni cepere doloris, ut nemo eorum sit, qui non lugeat, quique tacitè (neque enim palàm licet) Apostolicæ Sedis fidem adversus iniuriam hanc tantam non deponat.

Occupatis hostili more Academijs, castra movent in seminaria (nam hoc quoque cæcus Romanus censuisse dicitur) nec dubium est, quin primum omnium expugnandum sit Apamiense. Cætera deinde nullo negotio subiguntur. Quid enim hodie non obtinent Jesuitæ Aulae servientes, seu potius imperitantes. Erūtque ista tum inventæ Regaliæ, tum propugnatarum adversus Sanctam Sedem fictitiarum Ecclesiæ Gallicanæ libertatum amplissima optatissimæque merces.

O miseram (cùm istud contigerit, sitamen contigerit) & ærumnosam Ecclesiam Apamiensem! ut cæteras Gallicanas præteream. Etenim seminario nostro præpositi Jesuitæ, statim Sanctissimam illam disciplinam, quam immensis laboribus Episcopus noster restituit, quàmve Sanctitas Vestra Apostolico judicio comprobavit, labefactabunt, penitusque subvertent. Nec aliud egregij Magistri Clericos edocebunt, quàm suas illas circa doctrinam morum portentosas opiniones, nuper à Sanctitate Vestra, atque aliàs ab Apostolica Sede proscriptas. Denique id

in seminario præstabunt, quod strenuè gerunt in Academijs, ubi post Probabilitatem, cui stabiendæ firmandæque præcipuè Societas incumbit, nihil antiquius habent, quàm ut supposititias Ecclesiæ Gallicanæ libertates (quæ Turris est Babilonica certè) adversus Sanctam Sedem erectas foveant ac tueantur.

Superest, Beatissime Pater, ut quod superius antea feci, iterum Vos etiam atque etiam rogem, ne sinat Sanctitas Vestra libertatem Ecclesiæ penitus interire, Religionem universam everti, Apostolicæ Sedis Authoritatem apud quosdam improbos pro nihilo haberi, optimos viros, qui Vos præcipuà fide ac veneratione prosequuntur, diutius opprimi, utque tot malis solemni de ista controversia iudicio festinet occurrere.

Postulat hoc, Beatissime Pater, non solum Vestræ dignitatis ratio, totque optimorum virorum securitas, verum etiam ipsorum Regalistarum alioquin desperata salus. Subvenite illis salubri paternaque increpatione, ut non impleant peccata sua semper, nève perveniat ira Dei super illos usque ad finem. Etenim quoniam ipsis manus Vestræ huc usque pepercerunt, incidunt quotidie in manus Dei viventis; quod quàm horrendum sit, Apostolus edocet. Porro Regalistarum miserrimè pereuntium incidentiumque in manus Dei innumera sunt exempla, Sanctissime Pater, unum tantum, illudque recentissimum Sanctitas Vestra non gravetur audire.

Est quidam Jesuita nomine Meinier Patris Confessarij perfamiliaris, qui ampla & pingua beneficia novo illo Regaliæ jure aliquot suis Nepotibus impetravit. Horum Nepotum, qui videbatur præcipuus, Canonicus Tholosanus effectus, eam vivendi rationem instituit, quæ cæteris

ferè omnibus Regalistis communis est. Inter cætera quibus scatet vitia, pseudo-Canonicus insano ludendi furore laborat, totus in aleam incumbit, in illud baratrum omnes suas facultates, omnes beneficij fructus, non perceptos modò, sed in multos annos percipiendos: denique quidquid habet, quidquid non habet, proijcit. Hinc ad æs alienum convertitur, quo citò præparatus in maximas angustias reductus est. Instat creditor, fames urget, paupercula Mater inopiæ subsidium postulat. Torquet verò, cruciaturque imprimis semper crescens, & ex ipsa paupertate, quâ saltem domari debuerat, ampliores vires capiens in aleam flagitiosa propensio, quæ cuncta hominem ita turbant, agitant, mutant, ut cùm aliàs esset ingenio non parnitendo, stipis factus est inops. Oberrat tristis, anxius, cogitabundus, nusquam sibi constat, nusquam illi quies, rarus illi, aut nullus, vel cum collusoribus sermo. Ita compositus, ita factus, iter in patriam instituit, non quia melius in patria futurum est, sed quoniam ipsi nunquam bene est: Transiens per Albiam Civitatem, quæ triginta circiter milliarijs Tholosâ distat, ibique dies aliquot demoratus, rem totam, si quam habebat, ludendo dilapidat. Pauculam deinde pecuniam mutui specie ab amicis emungit; hæc quoque statim amissâ tantus dolor insedit animo, tantusque furor mentem exagitat, ut nec aliorum consortium ferens, nec sui ipsius patiens Domum in cubiculum confugerit. Quid ibi egerit, secùmque dixerit, solus novit, qui cuncta novit.

Certè in eo, quo se clauferat loco, repentè scopeti fragor auditur, accurritur illico ab ijs, qui proximè aderant, intrant cubiculum, circumspiciunt hominem. O furem! O scelus! invenitur miser humi porrectus, inverfis oculis,

oculis, distorto vultu, sine motu, sine habitu, denique prorsus exanimis. Erat illi frons multis plumbeis glandibus trajecta, discussumque hac illacque cerebrum. Cunctis attonitis, dolentibus, paventibus Prætor advenit, manúque ad cadaver injectâ de parricidio diligenter inquirat.

Verum Jesuitæ, quorum est in ea Civitate ut in cæteris omnibus sæcularis multa potestas, veriti ne multam ea res cum ipsorum Societati invidiam, tum Regalistarum factioni dedecus & ignominiam constaret, si unus è Regalistis insignioribus, si Jesuitæ Nepos, si Jesuitarum Cliens & Affecula parricida sui diceretur, idque tabulis publicis constaret, omnem lapidem movent, ut omnis ea de re actio quasióque sopiatur. Itaque traditur sepulturæ Christianæ cadaver, cujus utinam anima non sit in inferno sepulta.

Mirum est, Pater Sanctissime, quantum mors illa timorem animis injecerit. Hac de re nemo non loquitur, nemo non pavet, éstque omnium cogitatio & sensus, universos Regalistas maledictos esse in omni opere suo; alios aliter tamen miserè disperire. Constátque universos Galliæ Clericos, præter eos, quibus Jesuistica Probabilitas omnem Dei judiciorum timorem adimit, ac infaustam conscientiæ securitatem conciliat, paratos esse fodere potius ac mendicare, quàm infelicia ista beneficia inire, quæ quisquis acceperit, induisse videtur maledictionem tanquam vestimentum.

Hanc animorum præclaram ac plurimùm commendandam affectionem, Beatissime Pater, fovete, erigite, augege illo solemnî judicio Decretóque, quod Gallia universa, Christianissimúsque exoptat, quódque ego à Vobis, Pater Beatissime, postulo, flagitóque per magnum illum Pasto-

rem ovium, qui jam ostium pulsat, repetens rationem villicationis nostræ, qui Petrum formidantem increpuit his verbis: *Modica fidei quare dubitasti?* Qui fidem dedit, adversus Ecclesiam portas inferi non prævalituras, ne quis putaret, licere sibi portarum istarum formidine causam Dei deserere, aut segnius tueri. Qui multo antea Prophetam Ezechielem ita monuerat: *Fili hominis speculatorem dedi te Domui Israël. Et audies de ore meo verbum. & annuntiabis eis ex me. Si dicente me ad impium, morte morieris, non annuntiaveris ei, neque locutus fueris, ut avertatur à via sua impia, & vivat; ipse impius in iniquitate sua morietur: sanguinem autem ejus de manu tua requiram. Si autem tu annuntiaveris impio, & ille non fuerit conversus ab impietate sua, & à via sua impia, ipse quidem in impietate sua morietur, tu autem animam tuam liberasti.* Per illum, inquam, Pastorem, Beatissime Pater, tam fidelem in promissis, tam potentem in auxilijs, tam terribilem in judicijs, Sanctitatem Vestram precor, atque obtestor, ut se ipsam quàmprimum securitati, & Ecclesiam libertati restituat.

Datum die 7. Novembris anno 1682.

Sanctitatis Vestræ pedes exosculor.

*Humilissimus & obsequentissimus in Christo
Filius & Famulus*

Joannes Cerle Presbyter Canonicus, ac
Præcentor Ecclesiæ Cathedralis Apamiarum,
nec non Vicarius Generalis & Officialis Seda
vacante Authoritate Apostolicâ
confirmatus,

Docu-

Documentum LXIII.

Epistola R. P. Cerle ad P. Hispaniac, Rectorem
Collegij Apamiensis Societatis JESU.

Reverende Pater.

Quia veri legitimique Pastores non possunt non intimè commoveri, cum eorum, quos pascendos susceperunt, culpas errorésque spectare coguntur, ita argumentum acerbissimi doloris mihi est, quòd experiar pergere Pater-
nitatem Vestram, ejúsque in Collegio Apamiensi socios, Romanæ Sedi obluetari, nec velle obstinatæ in Illam contumaciæ finem imponere. Enimverò ingens animi afflictio, quam ex vestra cæcitate percipio, illa est, quæ mihi calamum in manus præbet, compellitque vobis ante oculos ponere gravitatem inobedientiæ, quâ mandata summi Pastoris obstinatè hætenus respuistis. Vereor equidem, ne operam perdam, nec aliud hisce meis litteris profecturus sim, quàm ut peccatum peccato addatis, intellectâ vid. nec tamen observatâ veritate: si enim ausi estis Ecclesiæ Caput visibile, Ejúsque voluntatem contemnere, vobis tam enixè, & tanto cum apparatu insinuatam; quâ ratione polliceri mihi possum, vos monitis auscultaturos simplicis Religiosi, quique inter ærumnas & exilia vitam agrè occultè-
que sustentat, ut persecutiones effugiat, quas contra illum vos concitastis? Cæterùm utcúmque res cadat, & licet votis meis effectus non respondeat, nec vos inducere ego possim, ut scandala reparetis, quæ vestrâ culpâ in Ecclesiam Apamiensem induxistis, quæque illam hodièque conficiunt; consequar illud saltem, ut Mundus totus intelligat, me nihil penitus omisisse, quo vos ad officium frugem-

que reducerem. Et verò quis novit, an Christus Mundi Salvator, quisque non nisi modico sputo lumen cæco restituit, quis, inquam, novit, an ad animæ vestræ curandam cæcitatē operâ meâ, hoc est, vilissimo instrumento uti velit, quo magis divitiis gloriæ suæ ostendat, absolutâque illam potestatem, quâ omnium cordibus dominatur? Et verò nullum mihi gaudium majus evenire posset, quàm ut agnitâ tandem veritate, ac errore deposito, quo tenebamini cum cæco illo Evangelico, dicere possitis: *Cæcus cæcus essem, nunc video*: ach nimium felices preces & monitiones meæ, si efficere possent, ut vos errorum vestrorum seriò poeniteret; tunc enim mihi coram Deo gloriari liceret, quòd fratrem meum lucratus essem, eumque in viam veritatis, à qua aberraverat, reduxissem.

Hæc sunt R. Pater, sincera erga vos animi mei sensa, de quorum veritate si aliqua vos pulset dubitatio, testimonium moderatio & patientia illa perhibebunt, quibus contemptum excepi, quo Decreta mea ludibrio habuistis; sed ego malui vobiscum charitate, & lenitate, quàm vindictâ experiri. Nec contentus vos generali & cum Clero universo admonitione complecti, precarique, ne funesto schismati faces subderetis, quo Ecclesia nostra miserrimè inflammatur: privata quoque monita adjeci, & vos nominatim flagrantérque rogavi; accùm prima nihil proficerent, plura & plura identidem suggessi, duosque integros annos rogando minandóque insumpsi, nullumque finem feci vos illius obedientiæ admonendi, quam Ecclesiæ debetis: & tamen si quis in mentem reducat, quantum hâc charitate abusi fueritis, sincerè fatebitur, indignos vos fuisse, quibus tantum charitatis & indulgentiæ impenderetur; nam eodem tempore, quo Regalistæ horrore, & abomina-

tioni

tionem omnibus erant, securi apud vos vestrisque in ædibus morabantur, nullo anathematis metu, quo à Sancto Nostro Antistite perculsi fuerant. Cumque venerabiles illius cineres tumulo abderentur, Regaliæ ex vestris ædibus Collegioque erumpebant, sacras exequias, piisque fidelium luctus, quibus Sanctissimo Præsuli parentabant, profanis precibus gaudiisque turbaturi; tantumque absuit, vos istorum hominum Sacrificia pro profanis impiisque habuisse, ut potius gloriæ adscriberetis, cum pluries in vestris Ecclesijs, invitantibus vobis, sacrilegè litarent, ut adeò sine injuria dici possit, funestum hoc schisma apud vos natum educatumque, vestrisque in ædibus aras discordiæ excitatas esse; & tamen hæc omnia, quibus sanctissimas Ecclesiæ leges defœdastis, præludia tantum pejorum fuere, quæ postea à vobis agitata sunt: si enim veritatem fateri volumus, cui tandem usurpatam ab Illustrissimo Archiepiscopo Tholosano Apamiensis Ecclesiæ auctoritatem, acerbissimam persecutionem in nos excitatam, & mille alias calamitates, quæ hanc nostram Diœcesin inundârunt; cui, inquam, hæc omnia mala nisi societati vestræ adscribemus, immensoque desiderio, Diœcesin hanc nostram Regaliæ subdendi, vitamque regularem, quæ in hac Ecclesia observatur, penitus delendi? Planè Pater la Chaise id dudum animo conceperat, crediditque numquam opportuniùs deduci in opus posse, quàm Ecclesiâ Apamiensi suo Pastore viduatâ; hunc in finem Vicarij Generales, quos Capitulum elegerat, in carceres detrusi, Canonici Reformati exilio proscripti, alius denique Vicarius Generalis à Tholosano Archiepiscopo submissus, ut vid. per tot machinas tandem in manus excommunicatorum Ecclesia nostra deponeretur. Hujus Vicarij sacrilega intrusio nihil aliud effecit,

effecit, quàm ut Clerus totus miserando schismate scindere-
 tur; quippe aut revereri amplectique oportebat usurpatam
 potestatem, aut persecutionibus subjacere quas contempti
 vindicta excitasset; quamvis non defuerint, quamplures
 Ordinis Ecclesiastici, qui maluerint & bonorum jacturam,
 & libertatis facere, quàm verum legitimúmque Pastorem
 deserere, aut qui animo erant minùs ærumnarum toleran-
 te, non priùs intrusum admisère, quàm carceribus exilió-
 que propositis. Soli vos Regularium fuistis, qui Fortassi-
 ni desiderio flagrare vñi estis; huic ut primùm Apamijs
 comparuit, vos illius auctoritatem primi agnovistis, vos
 obedientiam jurastis, quippe qui probè intelligebatis, illi
 nomen Vicarij Generalis, vobis auctoritatem & domina-
 tum in diocesi universam fore. Eodem quóque mo-
 mento, quo ille Apamijs visus est, sex è vestris Patribus
 Confessionalia occuparunt, tantóque impetu sacras hasce
 functiones involare observati estis, ut nemo non crederet,
 vos tantà festinatione velle damna & solitudinem vestram
 præteritam compensare, quando vid. expiatio animarum
 interdicta vobis fuerat. Tunc ergo omnes, ac etiam ob-
 stinatissimi peccatores ad veniam admittebantur, & san-
 guis Redemptoris, tam cautè olim ab Episcopo nostro
 sanctæ memoriæ administratus, nullo prorsus discrimine
 delectuque in obvios quóscque fundebatur. Regalístæ ipsi,
 quamvis anathemate percussi denuntiatiqque, pacem con-
 scientiæ, quam flagitijs amiserant, privilegijs Indulgentiæ-
 que vestræ reperturos sperabant; & verò absolventibus vo-
 bis pacem repperunt, sed fallacem miseramque, nec mi-
 nùs recipienti inutilem, quàm funestam offerenti, quæque
 id tantùm effecit, ut peccatores semper magis magisque
 obstinarentur, sensumque omnem ac dolorem Conscien-
 tiæ

tiæ amitterent, quo uno sanari revocarique ad frugem poterant; hæc omnia mortiferae plagæ sunt Ecclesiæ Apamiensî à vobis inflictæ. & nemo ferè est, qui non id ingenuè agnoscat; quippe non id tantùm agitis, neque hoc solo contenti estis, ut alieni intrusique Pastoris vocem audiaris, sed etiam ordinem ac disciplinam illam deletis, quâ Apamiensis Ecclesia ante alias in Gallia floruerat, eratque nuper admirationi; unde est, ut Societas, quam cum Regalistis, nostræque auctoritatis usurpatoribus contraxistis, vos omnibus bonis exosos reddat, instârque filiorum, qui materna viscera arrodant, ignemque dissensionis ac discordiæ sinu suo circumferant foveântque. Sed & illud delictum ac pertinaciam vestram exaggerat, quòd vid. recordari adhuc liceat, Episcopum nostrum gloriosæ memoriæ, quamvis, quod de Moyse legimus, omnium hominum planè mitissimum, nihilominus ob simile delictum tres è Societate vestra Patres anathemate percussisse, Cælo quòque, ut vos ipsi scitis, contemptum vindicante: ac utinam illius pœna exemplo vobis fuisset, ut saltem dicere de vobis liceret, quod olim de Schismaticis sui temporis Cyprianus: *Qui Christo non crediderant Sacerdotem facienti, credere postea incipiunt Christo Sacerdotem vindicanti.*

Cæterùm tantum abest, vos tam formidando iræ divinæ exemplo absterritos esse, atque ad animum reduxisse, quo apud Deum loco sint, qui voces legitimi Pastoris audire recusant, ut potiùs consideranti mihi, quàm ex pristinis moribus nihil mutaveritis, quantòque contemptu Romani Pontificis Brevia exceperitis, vereri liceat (id quod sine intimi doloris sensu proferre non possum) vos ex eorum numero esse, qui in peccatis obdurantur, quique de malo in peius semper proficiunt; eò enim audaciæ

profecti estis, ut non solum Episcopi Apamiensis monita ludibrio vobis fuerint, sed etiam Principis omnium Episcoporum, supremique Ecclesiae Pastoris ac Vicarij Jesu Christi monita vocésque pari contemptu acceperitis; quoties enim ne funesto huic Schismati vos implicaretis, néve Tholosani Archiepiscopi auctoritatem in Ecclesiam Apamiensem dominatum usurpantis agnosceretis, non Patris tantum affectu monuit, verum etiam judicis severitate prohibuit, majorem Excommunicationem comminatus? vicististamen, & à sententia vos dimovendos non preces Romani Pontificis, non minæ quidquam profecere. Utque delicti vestri ac pertinaciae magnitudo tegeretur saltem, cum deleri non posset, illud artificij excogitastis, ut palam passimque spargeretis, Breve Apostolicum constitutum fuisse subornatumque. Cumque Romani Pontificis sollicitudo hunc quoque prae-textum vicisset, datis ad Provincialem vestrum authenticis Bullæ suæ copijs, num tot tergiversationum, productarumque in longum contumaciae tunc saltem vos puduit? imò pertinaciam auxistis, ipso Provinciali vestro delicti complice, & apud senatum Tholosanum Pontificem Romanum deferente, ac velut Patriæ hostem, Regniue Galliciturbatorem accusante.

Nihil ergo mirandum, si, cum tales sint, qui Societatem vestram gubernant, ij quoque, qui ab eorum nutu exemploque pendent, iisdem moribus, iisdemque exemplis imbuantur. Id nuper apparuit in Rectoribus Apamiensis Collegij, ut juventutem imprudentibus, ita Majorum imitatione praeservidis inconsultisque; ij ergo non contenti apud discipulos suos memoriam Antistitis Apamiensis despicabilem reddere, temeritatem suam eò usque perduxerunt, ut de seditiosis de Romano Pontifice colloquijs, &

con-

contemptum spirantibus sacram illius auctoritatem (quam naturali quâdam veneratione fideles omnes reverentur) deflorare haud erubescerent. Scio equidem magnitudinem criminis partim fervore & imprudentiâ ætatis, partim Seniorum exemplis, quibus seducti illi sunt, utrumque elevari posse; sed tamen neque illud negari debet, Deum nec ætate, nec imprudentiâ cohiberi solitum, quò minus in hujusmodi delicta severè non animaduertat, id quod exemplo patuit puerorum Elisæum Prophetam irridendum.

Enimverò, mi Pater, expectabant omnes, ut quæ a Patribus hujus Provinciæ perperam gesta fuerant, Societas vestra improbaret retractaretque, culpâ in paucos privatòsque revolutâ; verùm spes ista fefellit, nam quæ vos improbè designâstis, tantum absuit ab alijs esse damnata, ut potiùs Societas tota nihil magis curaverit, quàm ut tam indignis auctoritatem præstaret, palàmque faceret, non aliquorum tantùm membrorum, sed corporis totius hanc pervicaciam morbumque fuisse. Et ipse quoque Provincialis vester cum Archiepiscopo Tholosano certare visus est, uter magis alterum superaret contemptu Pontificis. Sed & qui in Societate annis & auctoritate alijs præstabant, cum de Vicario Christi sermo incideret, pari eum juvenibus immoderantiâ loquebantur, adeò, ut, nisi apud pleròsque præ vestris exemplis honestas fuisset, & Apostolicis Brevibus, quæ pro Regalia Romanus Pontifex dederat, illusum esset, & duo sanctissimi Episcopi pro hæreticis habiti, quos tamen idem Pontifex præclarissimus encomijs exornaverat. Denique adeò palàm nullòque pudore Societatis vestræ Patres bellum indixere Vicario Christi, ut nemo non dubitaret, vos ob damnatam Romæ

Theologiam vestram moralem, confixósq; Societatis Auctores, vindictam hâc saltem viâ molitos esse. Expavit Gallia tam indignam agendi rationem, támque alienam à spiritu vestrorum Fundatorum; & quamvis jam aliàs omnium animi offensi essent, quòd viderent in Societate vestra, quæ in Christianis dogmatibus imbuendæ juvenituti aperta fuerat, scribi docerique tam corruptos, sacrísque Evangelijs adversos morum aphorismos; imò qui puriorem doctrinam amplecteretur, sævissimâ persecutione à vobis pulsari; nihilominus tamen cum tanta cum pompa apparatusque fidelitatem & obedientiam erga Sedem Apostolicam ostentaretis, nemo non credidit, vos hujus reverentiæ memores privatos erga Magistros vestros affectus imperio Romani Pontificis submissuros, & si hætenus tam flagranti studio mendacijs patrocinati eratis, id ex inconsulto potiùs Zelo, quàm contemptu provenisse. Nunc verò postquam palàm ostendistis, nullo apud vos loco esse Romani Pontificis jussa, quam rogo sententiam de vestra Societate homines ferent, quando vident eam nunc in hanc, nunc in illam partem rapi, scéque ubicumque majus lucrum & commoditas fuerit, tempori ac favoribus accommodare, eámque auctoritatem, quam aliquando ad cælos usque extulerant, jam depositam velle abrogatámque? Me quod attinet, veniam dabit, si ingenuè fatear, cum turbas & discordias cogito à vobis in Ecclesia excitatas, & illas inter secretas preces gemitúsque Deo meo expono, vehementer vereri, ne vaticinium Sorbonicæ Scholæ de vobis compleatur; quando vid. rogata, an recipi in Gallias Societas vestra deberet? Vestro Instituto regulísque maturè examinatis, tunc temporis cum nullo privato affectu ducebatur, nullámque rationem habebat, ob quam

odiq

odio vos prosequi aut amore deberet, in hanc Sententiam prorupit: *Hac Societas videtur pacis Ecclesia perturbativa. & magis in destructionem, quàm adificationem.*

Et verò quid timeri non debet à Corpore tam vasto, tam præpotenti, ut vestra Societas est, & cuius unicum studium est, Principes ac Magnates hujus sæculi sibi devincere vitam ex regulis mundanæ Politicæ prudentiæque institueret, & nihil non legitimum ducere, quidquid ex opinio- num probabilium indulgentia Societati amplificandæ ser- vire potest? & planè negari haud potest, probabilium opinionum beneficio quamplurimos prætextus & colores vobis obvenisse, obvelandæ pertinaciæ & inobedientiæ ves- stræ; imò cum illæ non solum gravissimas quoque cul- pas excusandi virtute polleant, verum etiam in pulcherri- mas virtutes transformandi, nullus dubito, persuasum esse vobis, quantò magis obsequium Romano Pontifici abnu- itis, tantò perfectiùs vos Regi obedire, perinde ac si igno- rare debeatis, contra Decreta & Constitutiones Ecclesiæ non licere Principibus sæculi obtemperare, ac præsertim in ea causâ, in qua nemo nescit Regis Christianissimi pie- tatem, à duobus postremis Confessarijs, qui illius Con- scientiæ moderabantur, esse circumventam. Quod si ta- men fidelitatis vestræ in Principem fuit, contra Pontificis Romani repetita Decreta Regaliam tueri, quid rogo causæ est, ut vos fidelitatis hujus Romæ pudeat? Nihil enim Romæ Patres vestri ardentius curant, quàm ut Romano Pontifici persuadeant, Jesuitas, qui in Gallijs commoran- tur, innoxios esse, nec se huic causæ umquam implicasse. Hæc, mi Pater, tam omnibus sunt nota, ut jam nemo amplius dubitet, vos spiritu erroris ac mendacij agitari, cujus enim certissima nota est pro temporum, locorum, &

circumstantiarum varietate sententiam mutare. Vos præcipui & ardentissimi Regaliæ Promotores estis, idque tam notum & vulgatum est, ut nemo id ignoret. Vos primæ faces & auctores ejus Schismatis, quo Ecclesia nostra tanto jam tempore conflatur, idque tamquam egregium facinus gloriæ vobis ducitis. Vos denique non aliâ magis ratione apud Regem effecistis, ut in plerâsque hujus Regni Universitates admitteremini, quàm quòd nimio & indefesso studio Regias partes sustinendi, Pontificis gratiâ excideritis, & tamen audetis interim Romæ Pontifici persuadere, nihil à vobis contra Apostolicæ Sedis Decreta, nihil contra reverentiam Ei debitam agitatum esse. Quid est hoc aliud, mi Pater, quàm velle primam culpam majori adhuc flagitio non tam tegere, quàm cumulare, & quo poenam evadatis inobedientiæ ac rebellionis vestræ debitam, non erubescere Deo, & Spiritui Sancto in ejus Vicario mentiri, perinde ac sicut istum decepistis, ita & illum decipere liceret, cui tamen omnia secreta cordis, arcanaque etiam cogitationes apertæ & manifestæ sunt?

Hujus ergo tam districti Judicis æquitatem, si vobis ad mentem revocare otium esset, intelligeretis utique, quantum vestrâ intersit tandem ad meliorem frugem redire, ac vehementi timore concuti, ne is causam Ecclesiæ aliquando suscipiat, vindicetque Vicarij sui contempum, & vos tamquam vasa ignominie, quæque Domum Dei profanant potius dehonestantque, quàm ornent, cum fastidio rejiciat. Hæc sunt, mi Pater, inobedientiæ & pertinaciæ vestræ, nisi illam abrumpatis, funesti effectus, quosque vobis ante oculos ponere animus mihi fuit, ne vid. argui aliquando possem, partibus officij mei defuisse, utque majori cum fiducia usurpare possem illas Apostoli voces:

*Contestor vos, quia mundus sum à sanguine vestro; non enim subterfugi, quò minùs annuntiarem omne consilium Dei vobis. Si ergo in præsentibus litteris meis acriùs fortè Vobiscum locutus sum, quàm alioqui genius meus ferat, cogitate non id à me factum alio fine, quàm ut iusta, & delicto vestro par severitas eum tristitiæ sensum in vobis produceret, quæ est secundùm Deum, quæque in peccatoribus mater est veræ poenitentiae; utque necessitate absolverer ultima Ecclesiæ remedia in vos experiendi. Hæc unica causâ fuit, ob quam non eâ vobiscum lenitate agere potui, quâ alioquin oprâsem: atque utinam liceret vobis intimas animi mei fibras penetrare, videretis nullâ me contra Vos indignatione, aut desiderio vindictæ permoveri, nec persecutionibus, quas in me excitâstis, quidquam illius charitatis minutum esse, quam Pastoralis à me Dignitas exposcit; si enim odio & vindictâ omnes Christiani prohibentur, quantò magis Sacerdotes, primique Jesu Christi Ministri, quos gloriari oportet, ac intimo gaudio perfundi quoties *digni habiti sunt pro nomine Christi contumeliâ pati*. Quodsi Deus tanto me beneficio affecit, quantum est pro ejus gloria privari libertate, ac vitæ periculum quotidianum adire, quæ rogo insania esset, fructus tot laborum amittere, tàmque indignis profanisque affectibus cor incendendum præbere! Officium quo defungor, est officium Charitatis, amorque ac sollicitudo veri Pastoris etiam ad errantes oves profertur, & tunc quoque, cum virgam levat cæditque immorigeras, non sine suspirio sensûque intimi doloris id facit. Testor Conscientiam meam, me ne Charitati quidem in vos defuisse, ipsique, qui alióqui non æquis in me animis sunt, fateri debent, nihil à me non lentè maturéque peractum esse, omnique passione procul. Delictum & inobedientia vestra*

stra cùm publica essent, secretis monitionibus curari non poterant. Palàm ergo vos monui, sed cùm nihil proficerem, nec dignaremini Constitutionibus meis deferre, ad Ecclesiam vos detuli: sed hanc quoque sprevistis, cùm vid. per os visibilis sui Capituli ad vos loqueretur. Quid ergo supererat mihi, nisi vid. delicti vestri complex esse, patique vellem, ut alij quoque exemplo vestro perverterentur; quid, inquam, supererat, quàm ut infectum membrum à reliquo corpore separarem? atque utinam, mi Pater, hunc ictum, quem ego non nisi invitus ac lacrymantibus oculis inferre cogor, declinaretis! Precabor interim Divinam bonitatem, ut ipsa verbis meis eam aspergat efficaciam, quâ tandem devicto pudore, quo tam multi absterrentur, permoveamini, & delictum vestrum agnoscere, & dignâ poenitentia expiare; sic enim tam Christiano & heroico facinore scandalum abolebitis, quo tam multos offendistis. meque ineffabili gaudio perfundetis, compensato dolore, quo ob pervicaciam vestram acerbissimè confectus sum.

Sum interim, eròque semper.

Paternitatis Vestræ

Humilissimus & Obedientissimus Servus

F. J. Cerle Diœcesis Apamienſis Vica-
rius Generalis à Sede Apostolica
configuratus.

DISSER-

DISSERTATIO II.

In

Qua refutantur, quæ Maimburgus in
favorem primæ Propositionis Parisiensis, contra
Summi Pontificis in Reges potestatem, in Libro (a) de
Institutione, & Privilegijs Romanæ Ecclesiæ
conatur producere.

DUOVICUM Maimburgum præcipiti jam ætate,
& in Occasum vergente, vita prius, quàm ardor,
vel potius intemperies scribendi deseret; adeò
illum aut aura ex nuperis libris collecta, aut
Principis gratia, aut vindictæ dulcedo oblectant, ut supre-
mas etiam horas bello malit, quàm paci dicatas: nec ad-
duci possum, ut credam, veritate illum ad scribendum
impelli; hanc enim, quod suprà vidimus, & ex dicendis
constabit, toties seposuit, ut neglecta potius, quàm ama-
ra videatur. Et numquid alia deerant argumenta, in qui-
bus veritati, si hæc adeò placebat, militaret? Sed hoc
unum delegit, quia licet profano potius calamo, quàm sacro
dignum, nec satis ejus vitæ instituto aptum, quod tot annis
profitebatur; aula tamen præcharum erat, et si minùs lau-

Qq q

dis

(a) Maimbourg Traité Historique de l'establissement & Prerogatives de l'eglise
de Rome Anno 1685.

dis, plus pretij promittebat. Et in alijs quidem Libris Pontificiam Dignitatem occultis tantum praelijs, minutisque impetijt, in hoc verò libro, quem refutare aggredimur, plenam aciem instruxit, seque hostem professus est, quamquam majori pompâ, quàm damno. Titulus libro præfixus, *de Privilegijs & Prærogativis Romana Ecclesia, ejusque Episcoporum*. Et verò paucis paginis prærogativas & Privilegia absolvit, reliquas omnes, multoque plures illis evertendis impendit; quasi verò subesse Concilio, falli & errare posse, nullaque in Principes, eorumque Imperia, cum Religio, cum necessitas urget, auctoritate pollere, ad Privilegia Pontificum, aut Episcoporum pertineat; & his tamen totus ferè liber occupatur. Ergo ne titulus quidem, ipsumque limen stratagemate & artificijs caret; quid erit intrò progressis? & tamen singulis paginis candorem, fidem, innocentiam pollicetur, nec alium ferè reperies promissis largiorem. Ego optimâ fide omnia in medium producam, & quæ hic Auctor Gallicè scripsit, ego latinè reddam, conaborque, ut nec verba, nec sensus, nec energiam desideres, nec ulla sit Gallis querela celatæ veritatis. Ea tamen omittam, quæ ad causam non faciunt.





§ I.

Refutantur, quæ Maimburgus in Dedicatoria producit. Falli eos, qui putant, hæreticos ad veram Religionem facilius redituros, Pontificis Romani Auctoritate minutâ.

SUMMARIA.

1. *Referuntur & refutantur, quæ Maimburgus in Dedicatoria ad Regem præfatur.*

2. *Pontificis potestatem nunquam fuisse veram Schismatis causam, sed tantum simulatam, quod exemplo Schismatis Græci ostenditur.*

3. *Anglicani, Germanique.*

4. *Et Sueci, Danici, utrumque Anglicani, Galli que. Veras igitur Schismatis causas esse odium, ambitionem, & reliquas cupiditates.*

5. *Regiam potestatem, Sacramenta, Cælibatum, & ipsa Concilia abolenda esse, si argumentatio Maimburgi valeat; istis enim multò magis hæreticos offendi, quàm Pontificiâ potestate.*


6. *Transactiones cum hæreticis semper infeliciter cecidisse, quod exemplis ostenditur Concilij Ariminensis.*

7. *Et Zenonis Imperatoris.*

8. *Et Honorij Pontificis ac Heratij.*

9. *Et Caroli Imperatoris.*

10. *Et Elia Patriarchæ Babilonici.*



I.



Xponit Maimburgus in Dedicatoria, quam Libro (a) præfixit, scriptionis suæ causas, easque in hæc omnino verba & sensa depromit.

Unum ex præcipuis obſaculis, qua hæreticos morantur, no-
Romana Ecclesie sinum repetant, eam falsamque opinionem esse,
quam tenaciter imbibere, Pontifices videlicet à Catholicis super omnem Ecclesiam
attolli, prerogativas huius debitas in eos transferri, immensamque tribus potesta-
tem, nullis terminis septam, imò nec intra aras illam, sacræque functiones con-
tineri, sed etiam in profana, & Coronas extendi. Hoc hæreticos in Schismate ob-
stinare, quo miserè diuque consueverunt. Huic malo Ecclesiam Gallicanam providi-
se, quando vulgatâ nuper Declaratione, & mentem suam, doctrinamque exposuit,
antiqua Patrum doctrina simillimam, & moras omnes, quibus hæretici tenebantur,
abrupt, denique Regis sui Zelum imitata est, tanto ardore parig, felicitate, suorum,
qui erroribus adhuc attinguntur, conversionem urgentis. Hunc quoque sui libri
scopum esse, in quo ea se dicturum, que nullis artificijs, nullâque subtilitate everi-
possint. Quippe facta narraturum, omni ratiocinio majora. Quòd si liceat verita-
tem faceri; Regem nupero edito, quo Propositiones & Declaratio Parisiensis ar-
mabantur, plus Ecclesie Romana contulisse, quam omnes retrò Gallie Reges; istos
enim divitijs, honoribus ac Imperio auxisse, quibus præstantem illam florentemque
videmus; at fluxa hac esse, nec Ecclesia propria: modernum verò Regem, dum
doctrinam & sensu Ecclesie Gallicane toto Regno stabiliri jubet, illud simul effecisse,
ut Primatus Ecclesie Romana, veraq, illius prerogativa immota redderentur; ut
hæreticis, qui nullum finem ejus impugnandi faciunt, omnis tergiversandi causa
procul esset, velandique à Romana Ecclesia defectionem; utque illi intelligerent,
non esse Gallorum doctrinam, quâ ipsi maxime offenduntur, sed quorandam solùm
privatas opiniones Theologorum, nuper in scholis natas, totique retrò antiquitatis
averſas: sibi jam funere propinquo, nihil gratius fore, si ut socius Regi esse non
possit, tot victorias palmæque metenti (quamquam & istas precibus juvet) at sal-
tem liceat aliquid dicendo scribendoque in eos triumphos conferre, quos quotidie
Ecclesia adjungat, hæresi debellatâ.

Hæc omnino Maimburgus in Dedicatoria ad Regem, quæ li
in

(a) Maimbourg Traité historique de l'etablissement, & prerogatives de l'Eglise de Rome, epître a Roy.

in cortice hæreas, plena Religionis, pietatis & modestiæ sunt, & talia omnino, quæ animos capiant istarum artium ignaros, infuerosque. Credas, illum Areopago, aut Stoâ prodire, aded faciem componit, fingitque virtutem, ac flagrantem se ostendat amore veritatis, tamen in hanc maxime offendit, mallémque erroris, quam doli accusare, nisi toties peritiam sceleret.

Dicit, nos Pontifici tribuere immensam, absolutamque potestatem, nullis terminis clausam. Imò quàm plurimos Ei terminos ponimus, quippe legibus Eum divinis, naturalibus, ac etiam humanis, quæ modò Ejus statui convenient, teneri dicimus. Quòd verò ab alio puniri non possit, id supremæ Dignitatis privilegium est, ac etiam Regiæ; quæ enim rerum confusio, & contemptus Principum esset, si suis suis subditis, plebique ab istis possent?

Dicit, doctrinam Propositionibus Parisiensibus adversam novam esse. Gallicana Ecclesia contrariam, & ad aliquorum Theologorum privatas opiniones spectare. At verò quâ fiducia hæc scribit Maimburgus, quem utique non latet, doctrinam & sententiam nostram è Concilijs, (a) Lugdunensi, (b) Viennensi, (c) Constantiensi, aliisque haustam esse, quæ omnia in Reges apertissime pronuntiârunt? quam in Comitij Cleri (d) sub Ludovico XIII. Ecclesia Gallicana professæ est? quam præcipui, sanctique Galliæ (e) Doctores scriptis complexi sunt? qui ergo dici potest privata opinio, quæ nova, quam à Concilijs accepimus? aut quâ ratione Gallicanæ Ecclesiæ adversa, quam in Galliæ Concilijs Comitijque Gallicana Ecclesia toties expressit? & quam Divi, Bernhardus, Thomas, Bonaventura, insignes in Gallia Doctores constanter, clarèque asseruere? sed hæc alibi probata à me sunt, & postea occurrent. Nunc ad alia convertamur, quæ sunt hujus loci.

I I. Dicit, Propositiones Parisienses ed spectare, ut circumscriptâ, minuatque Pontificis Romani Potestate, Protestantibus odiosâ, tantò isti facilius ad Catholicam, veramque Religionem perducantur, sicque sperari posse subisma

Q99 3

cessa-

(a) Concil. Lugd. in cap. ad Apostolicæ de sent. & re jud. in 6. 1245. (b) Concil. Vienn. in Clem. un. de Jure jur. 1311. (c) Concil. Constant. sess. 20. 23. 39. 42. 1414. (d) Comitia Cleri Gallicani apud Grammond. lib. 1. anno 1615. (e) S. Thomas 2. 2. q. 12. a. 2. in corp. & ad 1. & 2. 2. q. 60. a. 6. ad 3. & in 2. d. 44. q. 9. a. 2. & in 2. ad Corinth. cap. 11. & in ep. ad Philipp. circa fin. & opusc. 20. lib. 3. cap. 10. 17. 19. S. Bonav. de Eccl. Hierarch. p. 2. c. 1. S. Bernard. lib. 1. de consid.

cessaturum, sublatis ejus causis. Hæc Maymburgus speciosè, ac recepto jam more, nemo enim aut Rempublicam aut Religionem aggreditur, nisi publici boni obtentu. Sacras prophanasque historias pervolve, reperies, nec Ecclesias hæresi, nec Rempublicam seditione turbatam esse, ut non aliquam boni publici curam seditioni prætexerent; ergo mirum aut novum non est, si privatis studijs, ne oculos incurrant, Religionis & modestiæ velum prætenditur. Quàm verò nihil eorum sit, quæ Maimburgus producit, tu ex sequentibus intellige.

Primò falsum est, Romani Pontificis supremam potestatem veram Schismatis causam fuisse, quamvis forsan obtenta fuerit, & jam paratæ defectioni quæsitæ. Oportet enim inter Schismatis, & prætextûs causas distinguere; isti cum speciosi sint, & Religionem, pietatem, bonique publici curam ostendent, facillè patent, imò & cum pompa jactantur; causæ verò in latebris sunt, quippe ex ambitione, quæstu, privatisque odijs natæ, & quas celari potius juvet, pudeatque proferri. Pertinacissimum fuit Photij Schisma, & Græciæ funestum, quod toties compressum, toties gliscens resurgensque tandem in flammam erupit, Ecclesiæ juxta & Imperio fatalem, nec prius resedit, quàm utriusque ruinâ. Veræ illius causæ ambitio, odium, & cupido vindictæ, sed hæc clam habita, quia sæda proflenti, nec gratiam plausumque repertura. Quæsitæ à Religione prætextus, & mendacijs aucti, ut placerent, caperentque incautos. Bardas Imperatori Michaeli præcharus, & in aula potens Ignatium Patriarcham sanctissimum exilio proscripserat; causa odij, quæ omnibus bonis, solus enim Imperatorem juventâ ac indulgentiâ Bardæ in omne flagitium ruentem, exemplo, reverentiâ, monitisque morabatur, ipsûmque Bardam incestis nuptijs junctum Ecclesiâ prohibuerat. His ex causis odium: sed ne huic exilium adscriberent, aliæ productæ; affectati Imperij, & quodd cum Theodora Augusta olim Curatrice clam conspirasset, accusatus est. Ejecto Photium sufficiunt, Bardæ amicum, belli pacisque artibus, ingenio ac litteris summum, sed ambitionis immensæ, ac in omne flagitium promptæ, dum honoribus, quorum cupiditate flagrabat, potiretur; aded ut ingenij viribus, quo tantum valebat, etiam magicas artes sociaret; intra
sex.

sex dies ex milite & aulico in Patriarcham evasit. Omnes qui Ignatio studebant, pulsi, punitique, aut præmijs corrupti: sed cum videret, se, dum Romanum Pontificem amicum, faventemque non haberet, incertum semper, dubiumque dignitatis suæ fore, hunc omni artificio lucrari studet. Decreta ad illum ab Imperatore Legatio, quâ primi ex Aula fungebantur; munera auro gemmisque gravia; adiecti à Photio Episcopi tres, qui formulam huius Nicolao (a) exhiberent, litterasque offerrent, lacrynis, precibus ac simulatione plenas, quibus Patriarchatum recusabat: invitum se imparémque fatebatur, sed Imperatoris, Cleri, omniumque precibus victum, ut Insulas sustineret, Ignatio sponte digresso, & oneri succumbente. Summa erat, ut Nicolaus Legatos suos mitteret, qui Ecclesiam Constantinopoli componerent. Annuic Nicolaus, misitque, sed illi aut pœnis ac diuturno carcere fessi, aut corrupti muneribus in Synodo 318. Patrum Photio dignitatem confirmant, abrogantque Ignatio Apostolicam Sedem appellanti. Hæc ubi Nicolaus explorata habuit, Photium damnat, privâtque dignitate, & Ignatium restituit. (b) Hinc omnes à Photio discedere, ipse indignissimè ferens, Bardæ potentiâ fretus, omnia pœnis, exitijs, adulationibus, præmijs miscens Synodum cogit, & suffragijs mille subornatis, quamvis omnes ferè repugnarent, in Nicolaum Pontificem anathema torquet. Crevitque audacia Trevirensis & Colonienfis Archiepiscoporum accessu. Lotharius Austrasiæ Rex Waldradæ amoribus flagrabat, ardebâtque in nuptias; nec potiundi spes erat, vivente Thietpergâ legitimâ Uxore: hujus repudium ab Archiepiscopo obtinuit in Synodo Aquisgranensi, accusatâ Thietbergâ incestus, damnatâque, & thoro Walburgæ concessio. Nicolaus Archiepiscopos tanti, vulgarique mali auctores dignitate privat, & illi dolore amissæ dignitatis, cupidique vindictæ Phorio se jungunt; hinc auctum Schisma, & titulus Oecumenici Patriarchæ à Photio sumptus. Sed ne color flagitio abesset, & quod furor & ambitio erat, Religio putaretur, calumniæ in Ecclesiam Latinam, Romanumque Pontificem sparset: *Quodd Latini Sacerdotes sacro*

(a) Nicol. PP. encycl. ad Patres & episc. & ad ep. Orient. Epist. ad omnia. fid. V. Baron. ad ann. 859. ubi epist. Photij n. 61. (b) Nicet.

sacro Chrismate inungant à se baptizatos ; quòd aquam Chrismati misceant ; quòd Spiritum S. à Patre Filioque procedentem faciant ; & denique præter alia, quòd Papa miserabili tyrannide fideles premat. Tyrannum Photius, & Colonienfis ac Trevirensis appellabant, à quo tot flagitijs suis pœnas metuebant. Auxit Schisma Bulgariæ certamen.

Anno DCCCXXXV. Bogares Bulgarorum Princeps Christianam fidem susceperat ; anno verò DCCCLVI. petitis, impetratisque à Nicolao Papa Legatis baptismo tincti fuerant. Orta post eorum conversionem altercatio, ad utrum Patriarchatum ea provincia pertineret, Romanum an Constantinopolitanum ? Romanus enim totam Europam, Thraciamque complectebatur, utramque etiam Epirum, Thessaliam, Dardaniam, Daciàmque, quas Bulgari inhabitant, semperque à Romana Ecclesia regi solitas, Ipsique Bulgari cum se Romano Pontifici subdidere, suo Regi, non Græco parebant. Lis tamen à Legatis Sedium Patriarchalium pro Græcis decisa. Romani negabant, se hâc sententiâ ligari, quippe ab inferioribus latâ. Hadrianus (a) Ignatium Patriarcham omnésque alios Græciæ Episcopos, nisi Bulgariâ decederent, dirisferit, & dignitatibus privat : hinc auctæ querelæ, & animorum dissidia, Schisma confirmatum. Cui magna accessio à Michaële Cerulario, omnia Constantinopoli miscente : is enim, quòd è simplici laico promotus esset, timeretque, ne suam electionem contra Canones factam Pontifex Rom. irritam pronuntiaret, nec ferret titulum Patriarchæ Oecumenici ab eodem Pontifice sibi denegatum, defectionem maturavit, aliósque errores Pontifici, Latinisque imposuit : Quòd more Judaico Sabbato abstinere ; quòd suffocatis vescerentur ; quòd azymos sacrificio adhiberent. (b) Sed ipse multarum hæresum convictus à Legatis Leonis Papæ solemnibus apparatu omni populo, Cleroque spectante, Constantinopoli sacris est interdictus : auctæ immensum iræ, & in omnes Orientis Patriarchas, quod Photius non potuerat, Schisma est propagatum, ac Pontificis Romani nomen sacris Diptychis erasum. Quod ergo Photius inchoaverat, Michael absolvit, promovitque ejus conatus mors Leonis Papæ, & Imperium Theodoræ Imperatricis Patriarchæ obse-

(a) V. Anastas. in vita Hadr. anno 869. (b) V. de error. Cerularij Spond. ad ann. 1054. n. 3.

obsequentis. Sic Schisma Orientem corripuit, corrupitque. Jam verò in toro hujus Schismatis decursu facile observes, quantum inter causas & prætextus Schismatis intersit. Veræ causæ, quæ Phorium, quæ Michaelem Patriarchas in Pontificem armarunt; æmulatio, ambitio, odium, vindicta fuerunt, metusque impendentium pœnarum, quas flagitijs meruerant; sed pudebat has prodere, palàmque ostentare; quis enim Photio assentiretur dicenti: ejurate Rom. Pontificem, quia violari Canones non patitur, quia Eunuchos ex Regio cubili in Patriarchas attolli; legitimos Episcopos exilio pelli, sacras dignitates pretio emi, titulum Oecumenici à nobis usurpari, & Ecclesias impleri flagitijs verat, pœnasque obstinatis comminatur, & ideo nec nos Pontificem sustinemus, nec vos eum colite: hæc inquam si Phorius diceret, quando reperiret socios defectionis? & tamen hoc veræ erant causæ; sed alias quæri oportuit, quæ plus honesti præferrent, magisque animos caperent, obrentu publici boni, Religionem videlicet abusibus corruptam, & potestatem Tyrannidi mixtam; alioquin Phorius, quamdiu nec vindicta, nec odio ardebat, aberatque pœnarum metus, coluit Vaticanum, ejusque potestatem velut sacram aram complexus est, nec prius evertit, quam inimicam sensit; quod manifesto argumento est, non eam potestatem Photio displicuisse, ad quam potius confugit, imploravitque, sed alias fuisse Schismatis causas, quas videlicet supra memoravi. Audi Nicetam: (a) *Init itaque consilium Phorius de mittendis Legatis ad antiquam Romanam, & à Nicolao Papa Legatos petere, occasione videlicet, ut Ecclesiam corrigeret, nec non illos, qui hæresin Iconoclastarum tuerentur, à Christiano nomine omnino rescinderet.* Vides, quanti Phorius auctoritatem Pontificis Romani faciat, quâ Ecclesiam Constantinopolitanam emendari, & hæreticos excindi posse sperat, Imperatori & Patriarchæ invictos. Nec dubium, si Nicolaus & Hadrianus Pontifices Photij votis annuissent, & huic Insulas permitterent Ignatio raptas, aut impunè saltem grassari permitterent, nunquam illum de Schismate cogitarurum. At verò ubi vindicem illum, minacemque viderunt, quid aliud supererat, quàm aut ut cederent monenti, aut exarmarent feriturum? illud fastus & ambitio prohibebat, hoc ergo

R r r

elegē-

(a) Nicet. Ign. & Nicol. PP. in encycl. ad omnes Patres & Episc.

elegerunt, impugnata potestate, à qua vapulabant. Idémque omnibus perduellibus modus & genius fuit, ut videlicet in caput & Principes Reipublicæ arma primò & ante omnia converterent, & cum istis perpetuis odijs confingerent; quippe ijs salvis nusquam tuta defectio. Quid ergo mirum est, si hæretici, aliique istis similes, cum perdere Ecclesiam, suâque cupiditates explere vellent, in caput Ecclesiæ arma & odia vertisse, à quo uno cupitis arcebantur? Eadem ergo in omni Schismate observes.

III. Quanta Henrico Angliæ Regi, dum pacato adhuc animo, sanòque esset, Pontificis reverentia? cujus etiam Jura edito Libro, impugnatoque Luthero, asseruit, raro in Regibus exemplo, & forsan unico. Ubi verò amare Bolenam cœpit, fastidire legitimos thoros, Reginam thalamo, Aulâque submovere, adulteram in amplexum recipere, idque, ne flagitij puderet, nuptiali, publicoque apparatu; nec interim movere Pontificem posset, ut adulterio, cujus exemplum totam Angliam incendebat, aut subscriberet, aut indulgeret; tunc enim verò declamare in Pontificem cœpit, ac Schisma moliri, eamque potestatem Tyrannidis incusare, quam suis amoribus, incestu ac adulterio pollutis videbat adversari. Si ergo diceret Pontifex: *Bolenam obline, Uxorem ablega, incestu ac adulterio frueri, Angliam exemplo corrumpe, omnes leges, divinas, humanasque solve, utque libido fuerit, ama & jube.* Hæc inquam si Pontifex diceret amanti & Regi, nunquam se Anglia Schismate obligasset. Illi ergo solum Pontificem oderunt, qui nollent aliquem esse, quem vereri deberent, quisque obstarét illicita cupientibus. Quid latroni, homicidæ, adultero magis in votis, quam nullum in Republica judicem esse, nullas leges? nullumque scelerum vindicem? quantique emerent istos excindi? Idem advertas in Lutheri, Calvinique Schismate. Lutherum vitæ monasticæ rædebat, displicebant jejunia, vigiliæ, Lutheri latendique necessitas, & alia, quæ expiandis criminibus Religio invexit, noctes præsertim cœlibes, castæque & expertes amorum; quid consilij, ut hæc licerent optata, & tamen verita? Judex, vindexque auferendus; is Papa fuit, hoc enim valente nunquam votis Lutherus potiretur, huic evertendo omnia omnibus concessa, persuasum populo, nil bonis operibus opus, divina præcepta ultra vires hominum esse, & idè nec curanda,

randa, fide omnia contineri, implerique, jejunia, expiationes, & quidquid humanæ corruptæque naturæ durum, ad fabulas & superstitiones pertinere. Religiosis sublata vota. Clericis nuptiæ concessæ. Principibus sacra æquæ ac profana. Quid posset facilius persuaderi, quàm ista naturæ blandientia? nam & promptissima navigatio secundo fluvio. Ut verò hæc omnia & tuto licerent, auferendus è medio Judex, & idèò omnibus inculcatum, Pontificis auctoritatem non legitimam, nec à Deo institutam esse, sed usurpatam, tyrannicam, & Antichristo propriam, & idèò nec curandam. Sic Schisma formatum. Nec ferè aliæ rationes Principes permoverunt, ut fidem Lutheri amplexarentur, non tam odio Pontificis, quàm amore libertatis, suarumque cupiditatum, à quibus initium, & ab istis ad persequendos Pontifices progressus fuit, nec prius persequi desinent, quàm abstant illicitis; quemadmodum non prius latroni, ut Judicem amet, persuaseris, quàm aut Judex ad latrocinia conniveat, aut ipse latrocinij absteineat; Quantumcūque ergo Pontificiæ dignitati abstrahas, nunquam eam Protestantibus conciliaveris, nisi una efficias, ut istis aut omnia liceant, quæ eorum cupiditates permulcent, aut omnia permittantur, Pontifice videlicet aut muto, aut complice.

IV. Sic Suecia defecit. Cùm enim Gustavus Eriksonius Patriam à Danis oppressam longo bellorum & victoriarum cursu liberasset, ac ærarium tot belli sumptibus, debitisque exhaustum esset, eique replendo media quærentur, persuasum ei à Secretario suo est, & quodam Olao Petri hæresi Lutheranà jam tinctis, ut fidem Lutheranam amplexaretur, eam enim ad moderni sæculi genium esse, ac plerisque Principum placere, & ex illius præscripto omnia Ecclesiasticorum bona & facultates, quorum tanta copia esset, in Regium Fiscum reditura. Quid posset gratius cani Principi egeno, cupidòque? Ergo Lutheri dogmata recepta, (a) Ecclesiæ, Monasteria, Canonicatus spoliati, opesque Regiæ, tot rivis in unum alveum ductis, supra modum auctæ, aliqua eorum parte in nobiles Familias sparsâ, ut istos novæ Religionis adstringeret dulcedo prædæ, Idem Daniæ casus. Christiernum II. Daniæ &

R r r 2

Sueciæ

(a) Florimundus Raymundus lib. 4. cap. 14. anno 1527. Maimbourg Lutheran. lib. 1. fol. 113.

Sueciæ Regem Subditi Regno expulerant, ob crudelitatem, perfidiâque exosum, ejus Patruo, Friderico Holsatiæ Duce, in thronum evecto. Reliquit Christiernus filium Carolo Imperatori ex Sorore, quam Christiernus duxerat, nepotem; hoc paternum Regnum repente, armisque ac fortunâ Caroli subnixo, Fridericus societatem cum Protestantibus iniit, eorûmq; Præconibus accessum in Daniam præbuit. Friderico morte sublato, hujus filius Protestantium operâ Patri suffectus est, quem Christiernum III. appellârunt. Hic ut causam suam contra Comitem Palatinum ex Domo Bavarica muniret (is enim Dorotheam Christierni II. filiam duxerat, legitimam Daniæ hæredem) Lutheranis Principibus se fœdere adstrinxit, eorûmq; Religionem totâ Daniâ induxit, urgente præsertim Luthero, & Optimates monente, ut opes à majoribus in Templâ & Monasteria profusas occuparent. Episcopos verò, ut sibi suisque Clericis socias uxores pararent. Et litteris exempla adjecit (a) submisso Iohanne Machabæo, qui Monasterio profugus sacram virginem abduxerat, merueratque Apostolatu fungi tam præclaro facinore. Sigismundus Augustus, cum Moscovitico & Tartarico bello premeretur, Lutheri hæresin in Polonia gliscentem exscindere omisit, ne videlicet domi forisque bellum haberet, & cum illo Stirps Jagellonica (b) extincta est, neglectæ Religionis pœnâ. Elisabetha Angliæ Regina, Bolenæ & Henrici filia, cum se natam videret ex nuptiis à Pontifice damnatis, spargerentque, qui Catholicos oderant, eam ut notham declaratum, abdicatûmq; iri, translatò in Mariam Angliæ Regno; nihil habuit antiquius, quàm ut metu perdedendi Imperij Pontificem (c) & Religionem ejuraret, quamvis ei retinendæ se juramento adstrinxisset. Galliam quod attinet, certum est, non odio in Pontificem Romanum Calvino adhæsisse, sed Principum æmulatione ambitûque, & quâvis ratione suas partes augere properantium. Margaritha Valesia, Francisci Primi Galliarum Regis Soror, Henrico Alibrettano nupta, cujus Patrem Julius II. Navarræ Regno privaverat, Ferdinando Arragoniæ Rege suffecto, Pontifici ob injuriam, ut credebatur, infesta Lutheri

(a) Florim. Raym. lib. 4. cap. 13. Spond. anno. 1533. (b) Idem lib. 4. cap. 7.
 (c) Idem lib. 6. cap. 10. anno 1558.

Lutheri Socios in Aulam, in Regnum, in Cathedras accepit, parumque abfuit, ut Regem corrumpere, evocato Parisios Philippo Melanchtone, sed iterum morari jussu, operâ Archiepiscopi Lugdunenſis. Montmorancios & Collinios fratres, Condæumque Principem (quorum ductu hæſiſ Calvini Galliam implevit, vastavique, præpotens facta; cùm Francisco Primo, & Henrico Secundo (a) Imperantibus humi ſerperet) Hugonottis adhæſiſſe odio Guisliæ Ducum, qui favore apud Regem florebat, & Regno moderabantur, multorum etiam è Gallis opinio est. Francisco II. apostemate extincto Catharina Medicea, dum Carolus Rex adoleſceret, gubernandæ Galliæ ſucceſſit. Ea ſervandæ potentie anxia, hinc Guisios Duces, hinc Navarræ Regem, Condæumque Principem metuebat; iſtorum ergo vires æquare ſtatuit, minori potentia futuros, ſi pares æmulique. Navarræ Regem Galliæ Vicarium conſtituit, Collinios fratres in gratiam & intima conſilia admittit, Condæum Principem Ambroſianæ conjurationis reum, & carceribus, ubi mortem exſpectabat, traditum, libertati reſtituit, ſicque dum iſtos omnes Guisiorum potentie opponit, arbitra interim omnium ſedens, morientem hæreſin reſtituit, tot illis Principibus nixam. Imò cùm Navarræ Rex armatus, minaxque inſtaret, & ſibi, primo videlicet Regij Sanguinis Principi, debere habenas diceret: nec ſatis à Guisio opis, quem nimium quàm vellet depreſſerat, poteſtatem cum Navarræo partita eſt, ſœdus cum Collinijs initum, libertas prædicandi Calviniſtiſ data, & quod hætenus à morte Clodovæi nunquam contigerat, Galliæ Regiam minax triumphanſque hæreſis inveſta eſt, (b) cœpitque dominari; tanti unius ſeminæ imperandi avidæ ambitio ſterit; imò & Scotiam perdidit, nunquam enim adduci potuit, ut Mariæ Stuartæ cum hæreticis conſiſtanti auxilia ſubmitteret, unde mors Regniæ ac Religionis ſecuta. Et quamvis ab Henrico III. Legati in Angliam miſſi, qui libertatem Stuartæ in ſpeciem urgerent, néve ejus ſanguine ſecures imbuerentur; occultè tamèn; Regioque Chirographo additi Eliſabethæ animi in Stuartæ perniciem. Cauſa fuit, quòd vererentur, ne, ſi iſta floreſcente adhuc ætate Eliſabethæ ſuperviveret, præter eximias formæ, animique

R r r 3

que

(a) Anno 1559. & 1560. (b) V. Maimbourg Calvin. lib. 2. & 3.

que dotes, quibus animos rapiebat, junctis insuper Angliæ, Scotiæ, Hiberniæque viribus, auctâque in immensum Guisiorum potentia, (a) quorum ea neptis erat, Galliæ coronam occuparent; quod ne fieret, Reginæ innocentis sanguine, ac Religionis jacturâ fortunæ ac ambitioni litatum. Hactenus à nobis hæc observata sunt, ut intelligas, veras Schismatis & defectionis causas partim fuisse dulcedinem novorum dogmatum, omnia voluptati concedentium, quæque tantò facilius credebantur, quòd & placerent, & honesticolore pingerentur; partim verò animi passiones, rationem secum more torrentis rapientium; jam videlicet, vindictam, odium, cupiditatem, metum, & si qui alij turbines animorum. Nemini verò potestas Pontificum Romanorum causa discedendi, labendique fuit, quòd eam divinis scripturis, veræque fidei adversari putarent, nisi parato jam, peractoque Schismate; tunc enim, cum huic purgando omnes rationes quærentur, contestis veris causis, mirum haud fuit, etiam Pontifices occurrisse, aut innato omnibus malis in Judices odio, aut quòd viderent, gratas esse populis in maximos querelas, aut denique quòd nunquam se tutos crederent, valente Pontifice. Exarmari ergo debuit, ne feriret.

V. II. Si ex sententia Maimburgi ideò Pontificia potestas minuenda est, quia hæretici illam averfantur, & hoc ipsum Propositiones Parisienses spectârunt, annon videt, eâdem ratione Regiæ potestati bellum indici? hanc enim non minùs hæretici, quam Pontificiam oderunt, & ideò nunquam ferè Regnum aliquod hæresis intravit, ut non eodem tempore & Ecclesias, & Thronos concuteret: suntque notissima Belgij, Bohemiæ, Daniæ, Germaniæ, Galliæ, Hungariæque exempla, & hoc ipso tempore, quo scribimus. Quis nescit, quoties in vitam Leopoldi Augusti, veneno, insidijs, apertòque bello, ac Turcis in Austriam evocatis conspiratum ab hæreticis sit, ductore Tekelio Comite? In ipsa Gallia quater plenâ acie pugnatum, tercenties minoribus sed cruentis prælijs, urbes captæ, vastatæque, templa everfa, Regum sepulchra cinerisque effosa, species aliqua Reipublicæ in ipso sinu Monarchiæ educta, omnia ferro ignique fœdata, ipsa Principis majestas insidijs

petita,

(a) V. Maimbourg Calvin. lib. 3.

petita, decemque Gallorum myriades indictâ causâ, & nullius culpæ comperti per tormenta consumpti, & denique nihil non actum, ut Ecclesiâ, Regnóque dejectis hæresis triumpharet. Hæ ferè sunt artes, quibus novum Evangelium ferro flammâque scriptum, ac Sanguine maceratum induci Provincijs videmus, Imperijs plerumque aut concussis, aut collapsis. Parùm ergo Maimburgus fecit, cùm Pontificiam potestatem circumscriptit, hæresi placandæ; addere debuit & Regiam, quam non minùs odio prosequuntur, & Sacramenta Eucharistiæ ac Pœnitentiæ, jejunia, Cœlibatum, Concilia, ac omnia Ecclesiæ præcepta, quæ multò magis, quàm Pontificem aversantur, imò propter illa Pontifices oderunt: fac enim omnia hæreticis concedi, pax continuò cum Romanis erit, ac dissidia cessabunt, perinde ac Phreneticus remedia, non medicos horret, & cum istis conveniet, si illa sustuleris. Malè ergo Maimburgus medicum amoliri, non remedia voluit.

III. Sed nec alijs argumentis opus, cùm experientia & exempla idipsum testentur; dicant enim si possunt, quot ad veram Religionem nuperæ propositiones hæreticos permoverint? an aliqui eorum idèd Catholicam fidem receperint, quia Pontificis auctoritas Parisijs laboravit? (a) imò si verum fateri volumus, plurimùm illis insolentia & animus crevit, aut quòd gauderent, intestinis nostrorum bellis, crederentque, solutam esse eam Spiritûs & fidei unitatem, quâ tantopere gloriamur, aut quòd Calvinii argumentis Gallos persuasos putarent, ad eas propositiones vulgandas, præsertim cùm viderent, non alijs rationibus eas muniri, quàm toties à se propositis, sicque victos Catholicos, victores se crederent, aut denique quòd scirent, illas à turbatis, iratisque animis prodijisse, præsertim Tholosani, & Parisiensis Archiepiscoporum, sicque non tam veritati, quàm æstui ac vindictæ adscriberent, quæ fidem & gratiam non merentur.

IV. Accedit denique perpetuus Ecclesiæ usus, quæ semper in materia fidei ab hujusmodi transactionibus cum hæreticis abhorruit, quæque nunquam prosperè ceciderunt, nec alium fructum habuere, quàm ut Catholici turbarentur, nec hæretici crederent.

VI.

(a) V. Reg. Sacerd. fol. 28.

VI. Anno CCCXXV. Damnata in Synodo Nicena Arrij blasphemia, cum Patres laborarent, quo maxime nomine Filij divinitatem exprimerent, nam quæ illi Arriani tribuebant, videlicet *Potentia, similitudinis, Imaginis, æterni*, æquè creaturis aptabantur; occurrit vox *homousij*, seu *Consubstantialis*, quam ex ipsis litteris Eusebij Nicomediensis hausere, is enim tanquam absurdum inferebat, videlicet: (a) *Sequi filium Dei esse Patri consubstantialem, si semel admitatur, esse increatum.* Intremuit ad has voces hæresis Arriana, quibus se proditam videbat, nullo amplius latebris loco; sed communi à Patribus plausu accepta est. Nihil non actum ab Arrianis, ut eam expungerent, jurabant, se Catholicos, submittebant se Decretis Nicenis, Filio Dei divinitatem asseriebant, nec æquum esse, ut Orbis & Ecclesiæ scinderentur unius vocolæ gratiâ. Audi Hieronymum: apud quem ita Arriani: (b) *De usâ nomine abijciendo verisimilis ratio prebebat, quia in Scripturis non invenitur, & multos simpliciores novitate suâ scandalizat, & idè placuit auferri: nec erat curâ Episcopis de vocabulo, cum sensus esset intus.* Et idè contra hanc unam vocem, velut arcem veræ Religionis totis viribus in Concilijs, Hierosolymitano, Antiocheno, Sirmiensi ac Ariminenſi ab Arrianis pugnatum est: nunquam tamen persuaderi Catholicis potuit, ut in publicis fidei Confessionibus hâc voce abſisterent, quamvis eam potum discordiarum Arriani appellarent, eaque sublatâ pacem promitterent. Nec alia de causa Liberius Pontifex, Patrêſque Concilij Ariminenſis in Ecclesia pulsati sunt, adèd ut Hieronymus diceret: (c) *Conclamatam fidem Concilij Niceni, Orbemque se Arrianum miratum esse; quàm quòd voce Consubstantialis abſtinerent, concordia studio.* Sed quid hâc indulgentiâ Concilij Ariminenſis (d) profectum est? nisi ut ipsos Patres postea puderet, & ignaviâ ab Ecclesia, Romanôque Pontifice damnarentur, ipsi verò Arriani in pejus laberentur; nam cum vocem *Consubstantialis* abjecissent, *substantia* retinere, tum huius pertæsi, (e) *per omnia similis*, postea *similis* tantum, & tandem *Dissimilem* reddiderunt: tanti fuit hæreticis detulisse.

VII. Anno CCCCLXXXII. Zeno Imperator edictum vulgavit, quod Henoticum appellatum est, spe, obrentuque, Eurychianos hære-

(a) Ambros. de fid. ad Grat. lib. 3. cap. ult. (b) Hieron. adu. Lucifer. (c) Hieron. ibid. (n) Concil. Arim. anno 359. (e) V. Baron. ad ann. 359. n. 38.

hæreticos Catholicis conciliandi. Ejus hæc origo. Eutyches Monachus Nestorium, duas in Christo naturas asserentem, dum ardentius persequitur, eò provectus est, ut nec duas quidem naturas & operationes admitteret, sed unam tantum. Damnatuſ est in Concilio Chalcedonenſi, ſed non ideò error extinctuſ, quin in multis magnòſque ſerperet, Episcopos præſertim, quibus ut major doctrina, ita major ambitio, & novi cupido, unde admiratio, plauſuſque ingenij. Inter illos Petruſ Moguſ, quem in Alexandrinam Sedem, quâ nuper ſcleribuſ exciderat, Zeno Imperator evexerat, Acacio nitente, & Joanni Talaidæ inſenſo, quem Alexandrini elegerant; huic crimini datum, quòd Inſulas recepiſſet, voto ejuratuſ. Sed veritas erat offenſio Patriarchæ, quem electio Talaidæ latuerat, litteriſcaſu amiſſiſ; ſed quod caſu fuerat, contemptu arbitrabatur. Moguſ Eutychianam hæreſin imbiberat, eandemque Zenoni inſtillaverat, occultè tamen ac velo teſtam, ne palam micaret. Perſuadet Zenoni, ut Eccleſiâ diſcordiſ flagrantem viam aliquam meditetur, componendæ paciſ, animòſque ſociandi, non quòd pacem curaret, ſed ut, quod pugna bellèque non poterat, deditiõne lucraretur, quam ſi Catholici haud inirent, quod futurum prævidebat, novæ cauſæ ſuppeterent, eoſ perſequendi. Euenitque ex voto. Zeno edictuſ vulgat, additque cauſaſ dictu pulcherrimaſ, ſed re inaneſ. Nicenum, Conſtantinopolitanuſ, ac Ephelinuſ Concilia recipi jubet, Chalcedonenſe præterit, abolètque ſilentio. *Afferuntur, inquit, nobiſ libelli ſuppliceſ, à piſ Monafterioruſ Præſectiſ, eremiſ, & aliſ Reverendiſſimiſ Viriſ, qui noſ vehementer obteſtantur, ut ſanctiſſimiſ Eccleſiſ reſtituatur concordia, membræque membris conjungantur. Nam quia membra Eccleſiæ non coaleſcebant, factuſ eſt, ut inſinita hominuſ multitudineſ partim Baptiſmatiſ lavacro argenteſ mortiẽ obierint, partim divinæ Communioniſ minimè participet ex corporeſ communionẽ emigrãrint, qui etiam cœdeſ inſinita inde factæ. Quotuſque igitur eſt, qui non optãrũt, iſta corrigi, inque meliorem ſtatuſ reduci, &c. Videſ, quã ſpecioſæ rationeſ huic edicto prætexantur, ſed quo eventu? tantuſ abſuit, hæreticoſ leniri, pacẽque componi, ut illi quidẽ optatiſ potirentur, & victoriã inſolenteſ, obtentuſque rejectæ paciſ, tantò acerbioſ Catholiciſ inſultarent, nec ideò tamen Henotico placarentur. Cũ enim ab Henotico Conciliuſ Chalcedonenſe non*

satis clarè damnaretur, à Patriarcha Alexandrino Petro Mogo deficiunt, unde illis Acephalorum nomen. Ergo nec hæreticis edicto, nec Catholicis satisfactum, auctis potiùs, quàm sopitis turbis, qui plerùmque exitus solet esse istarum transactionum, ut bene illic notat Baronius. (a) Et idèd Felix Papa in epistola ad Zenonem scripta, Henoticum perstringens: *Non est hoc, inquit, acerrimum decessisse periculum, quando nec saucijs firma adhibetur curatio, & sanis ingeriuntur miserranda contagio. Quid est illud dicere, jam causam nullam superesse certaminis, nisi hæreticis tribuatur victoria?*

VIII. Anno DCXXXIII. Cyrus Patriarcha Alexandrinus Eutychianâ hæresi tinctus, quam tamen studiosè premebat, utpote toties damnatam; Synodum Alexandriæ (b) cogit, effecitque, ut Episcopi conciliandæ inter Eutychianos & Catholicos paci mediâ viam inirent, assertis quidem contra Eutychen duabus in Christo naturis, sed ut aliquid ei concederent, redderentq; in Catholicos proniorem, duabus voluntatibus & operationibus suppressis, pro quibus dicendum esse statuerunt, *unam Theandricam, seu Dei virilem voluntatem & operationem.* Causa prætexebatur, quòd ex una parte & re ipsa duæ voluntates & naturæ contra Eutychen docerentur; sicut enim, qui diceret, *vas aureo argenteum*, duo metalla innueret, unum auri, aliud argenti; & cùm dicimus, *globum terraqueum*, significamus, globum ex duobus elementis compactum, terræ videlicet & aquæ; ità qui diceret, *voluntatem Dei virilem*, duas voluntates & naturas exprimeret, divinam videlicet & humanam. Ex altera verò parte hac moderatione, & unius vocis compendio omnes hæreses & bella componi, nam & Apollinaristas, qui loco animæ vel intellectûs verbum in Christo ponunt, & Nestorianos, qui non aliam unionem agnoscunt, quàm secundùm affectum & voluntatem, Eutychianos, qui unam Christi naturam in eo convenire, ut unam voluntatem admittant; istos omnes Catholicis fœderari, duabus voluntatibus non quidem negatis, sed suppressis silentio. Audi verba ipsius Decreti Alexandrini: *Bonino Christo vero Deo nostro omnibus præfulgenti, omnesque ad saluberrimam & veram ejus fidem dirigenti, & in unam Sanctam, eandemque Ecclesiam Catholicam convocanti præsentem satisfactionem facimus pro unitate Sanctarum Dei*

(a) Baron. ad ann. 482. n. 43. (b) Sexta Synod. aët. 12.

Dei Ecclesiarum. Et Sergij in epistola ad Honorium: (a) *Multoties Sancti Patres nostri, ut lucrarentur plurimarum animarum salutem, dum alia emergerent capitula, Deo placitis dispensationibus usi fuisse videntur, nihil de subtilitate Ecclesie dogmatum exagitantibus, & dicentes, quod oporteat utique etiam in presenti, dum tantorum multium populorum Salus præ manibus ponitur, nihil de hoc per contentionem altercari. Quomodo enim non esset durum & valde onerosum, resolvere & evertere omnem illam futuram concordiam, atq; unitatem, qua bene effecta fuerat tam apud Alexandrinam Magnam Civitatem, quam per universas subæa Provincias? Hic vides, idem prorsus à Sergio & Monothelitis, quod jam à Maimburgo, jactari, nomen videlicet & obtentum pacis, ac spem hæreticos molliendi. Sed vana hæc erant, ludebantque incautos. Re ipsa id Sergius agebat, ut partes suas augeret, tot alijs hæreticis sibi adjunctis, ut Catholicos deciperet inani specie captos, eorumque auctoritate suam causam muniret, ut tutius lateret simulatâ concordia, & larvâ pietatis tectus, utque Eutychianismum stabiliret specie oppugnantis, deceptisque, qui obitare poterant; admiscâ enim unâ solùm in Christo voluntate sequebatur, ut una esset natura; quid enim natura humana ageret, si operari humano modo, si velle & nolle non posset? perinde ac si rotam in mola ponas, quæ volvi non possit, aut lampadem è tholo suspendas, quæ ardere nequeat. Sophronius Patriarcha Hierosolymitanus continuò huic doctrinæ adversatus est, seu fraudem, seu periculum veritus, deditque ad Sergium epistolas, (b) quibus ut absisteret monebat, adeò tamen suspectum hæresis non habuit, ut etiam ejus preces expeteret, multisque commendaret. Honorius verò Papa adeò captus est tot illecebris ac pompâ pietatis, præsertim quòd Leonis M. & Concilij Chalcedonenfis fidem profiteretur, conceptisque verbis duas naturas, duasque operationes assereret, sed tantùm taceri hoc vellet concordia studio, & ne aliqui crederent, duas in Christo voluntates fuisse, contrarias sibi, discordesque, quales in nobis experimur, & Paulus deplorat; ut ad Sergium (c) velut ad Catholicum Episcopum, piùmque rescriberet, ejusque sententiam de ta-*

Sff 2

cendis.

(a) Serg. ad Honor. in 6. Syn. act. 12. V. Baron. & Spond. ad ann. 633. (b) Epist. Sophr. ad Serg. encycl. in act. 6. Syn. act. 12. anno 633. (c) Epist. Honorij ad Serg. in 6. Syn. act. 12.

cendis duabus operationibus probaret, quæ res Honorium hæresis suspectum reddidit, falsò id quidem (ut ex ejus (a) epistolis ad Sergium datis clarissimè constat, & ex Dialogo S. Maximi (b) contra Pyrrhum Monothelitam, ubi duas voluntates, duasque naturas agnoscit) sed tamen ex Sergij voto, Honorij auctoritate ad firmandam hæresin abutentis, nec aliud Monothelitæ optabant, fallacissimo pacis obtentu; ipsùmque Heraclium Imperatorem lucrati sunt, à quo etiam *ethesis* illa prodijt, tot votis & Concilij damnata, ipsique Sergio fatalis, eodem quippe anno vità excessit, quo illa prodijt. Hic ergo fructus compositionis fuit, falli, scindique Catholicos, regi verò hæreticos, positionis fortiores. Idemque ab hæreticis quæsitum Constantis Imperatoris edicto, quod Typum appellârunt. Paulus enim Patriarcha Constantinopolitanus, & hæresi corruptus, cum istam ubique, præsertim in Ecclesia Occidentali proscriptam videret, Constanti Imperatori persuadet, ut duas voluntates, aut unam dici edicto prohibeat, ac silentium partibus imponat: & pax edicto prætentâ; vera enim causa, ut notat S. Maximus Martyr (c) in Disputatione cum Pyrrho, fuit; ut quoquo modo vel silentio saltem daminari videretur de duabus voluntatibus expressa sententia. Et ideo Martinus Papa, cum in Synodo Lateranensi eum Typum damnâset, egregiè illius causas refutavit; verba Synodi sunt: Sancta Synodus dixit: (d) *Relectus Typus bonum quidem intentum habere dignoscitur, dissonantem autem virtutem intentui continet. Bonum est namque procul dubio, & omnibus timentibus Deum desiderabile, cohibere dissensiones & altercationes, pro causa fidei, sed non est utile & bonum, cum malo destruere bonum, id est cum hæreticis Orithodoxorum Patrum verba & dogmata, quoniam hoc potius exurrit, non mitigat.*

IX. Anno MDXXXIV. Maximè enituit, quàm sint inutiles hujusmodi cum hæreticis transactiones, & neutri parti satisfaciant. Decreverat Carolus Imperator Francisco Gallie Regi rotis viribus bellum inferre, frustra Paulo Pontifice pacem suadente.

(a) Epist. Hon. ad Serg. act. 12. & 13. in 6. Syn. (b) S. Maximus disput. adu. Pyrrhum. apud Baron. tomo. 8. annal. ad ann. 645. V. Reg. Sacerd. fol. 547. (c) S. Max. in disput. cum Pyrrho Monoth. anno 645. (d) Concil. Lateran. sub Mart. PP. Secret. 4. anno 649.

dente. Eum in finem quâvis ratione Principes Germaniæ ad-
jungere sibi statuit. Comitia Spiræ indicta, quod Septemviri
omnes, & Ferdinandus Frater convenère. Protestantibustantò
major audacia, petendique licentia, quod Cæsarem auxilij egen-
tem, cupidumque viderent. Ergo edictum Augustanum Protes-
tantibus infestum suspendi impetrant. Secuta alia constitutio,
quâ pacis, animosque omnium componendi gratiâ, dum Con-
cilium Oecumenicum conveniret, multa interim statuebantur;
ejus inter alia capita hæc etiam erant: (a) Concilium Oecumenicum
Christianum ac liberum in Germania conveniret, aut saltem Nationale. Quid
si hæc haberi non possent, Conventus proximo autumno aut vere haberetur, in
quo viri docti de Cæsaris auctoritate usq; ad proximum Concilium decernerent,
quid observari, quid omitti oporteret, nullâ Pontificis mentione, interim super-
federetur quæstionibus de bonis Ecclesiæ direptis, Protestantes essent idonei, ut Ju-
dicij Cæsarea Camera assiderent, unde prius arcebantur; Catholici vetera velli-
galia Ecclesijs solverent, etiam quas hæretici occupabant; tam ex hæreticis, quam
Catholicis ludimagistri eligerentur & Concionatores, quibus stipendia vel ex Ec-
clesijs, vel ex pjs largitionibus fidelium præberentur; usus quoque Calicis, &
Sacerdotum, qui ad Lutherum defecerant, Matrimonia permittentur. In reli-
quis ferè omnibus, quæ dogmata spectant, jubebantur Lutherani Catholicis assen-
tiri. Hæc ferè capita illius edicti, quibus, ut vides, aliqua Catho-
licis, aliqua hæreticis tribuebantur, imò hæreticis omnia, nam
Catholicis pleraque demebantur, nullo additamento. Præcipui
Protestantium edictum respuere, videlicet Bucerus, Musculus,
Osiander, Brentius, Fridericus Saxonix Dux, & ipse Calvinus.
Sed Catholici multò maximè, aded ut alij Carolus Zenoni, Hera-
clio & Constanti compararent, alij palàm ex eo quærent: An ergo
ad Lutherum defecisset? & Paulus Pontifex, quamvis ætate jam præ-
cipiti, multisque vinculis ob Farnesiam familiam Carolo adstrictus,
nec ejus potentiam veritus tot victorijs florentem, gravissimis ad
Eum litteris abrogari hoc edictum aut corrigi jussit: planè Catho-
licam Religionem vehementer afflixit, Lutheranis ab eo tempore
multò potentioribus, & hæresi palàm exultante, ac passim victri-
ce, tantumque absuit, hanc Transactione eam leniri, ac intra certos

Sff 3

termi-

(a) V. Palav. hist. Conc. Trident. lib. 5. cap. 5. à n. 2. & cap. 6. & 7. & Breve
Pauli III. anno 1544.

terminos contineri, ac Concilio, quod promiserant, submitti, ut potius insolescerent, & nunquam magis Concilio adfuerantur. Cognovitque ipse Carolus errorem, quando à Spirensi Decreto paulatim recessit, maximo Protestantium dolore, parique indignatione, qui ferre non possent Cæsarem Pontifici obsequentem.

Maimburgus historię, quam de Lutheranismō scribit, hanc quoque de Constitutione Caroli Imperatoris narrationem intexit, eamque eo præsertim nomine excusat: (a) *Quod illi nihil contra Catholicam fidem statutum fuerit, sed duo tantum in Protestantibus tolerata, usus videlicet Calicis, & Matrimonia Sacerdotum, qui defecerant. Cur verò tolerari non potuerint duo, quando ob temporum injurias tolerari tota hæresis debuit? num ergo majoris culpa fuit, aliqua ferre, quam omnia?* Hæc qui in Maimburgum legat, ipsam verò rerum historiam ignoret, verissima esse credat, & quibus opponi nihil possit. Cæterum id Maimburgum deficit, quod toties profitetur, bona vid: fides, & veritatis accurata enarratio. Nunquam Paulus Pontifex, quoddamque permitteret, toleraret aut conniveret, Carolum incusavit; quis enim nescit, tolerari flagitia posse, cum curari non possunt, aut pejora timeantur? sed quod Concilia, Conventusque, in quibus de Religione ageretur, promitteret, nullā Pontificis mentione, cujus tamen officij & potestatis est, ea indicere, illisque prælidere; quod bona Ecclesiastica hæreticis permitteret, spoliatis Catholicis, idque Edicto sanciret; quis verò nescit, quantum in simili, imo eadem causā Chrysostomus & Ambrosius cum Principibus, Theodosio & Arcadio conflixerint? quod Scholis, sacrisque Concioni- bus hæreticos æquè deligi juberet, eosque stipendijs Ecclesiarum conducere, immenso Juventutis damno, nec ista Pontificis auctoritate, sed suā sanciret. Et quamvis non perpetuum hoc Edictum, sed temporaneum & provisorium diceretur, usque dum vid: *Libertatem & Christianum Consilium ac Universale conveniret*; verba hæc tantum erant, rebus cassa, quis enim tam obtusæ mentis esset, qui non prævideret, nunquam pro legitimo, libero, ac Universali Concilio à Protestantibus habitum iri, cui Pontifex præsidisset, & in quo ipsi non vota conferrent? perpetua ergo erit Contentio, non prius finienda, quàm Concilium conveniret Protestantibus placitum, nunquam

(a) Maimbourg du Lutheran. lib. 5. fol. 204.

nunquam enim placitum erat. Deinde quis posset spem aliquam concipere, bona, proventusque Ecclesiasticos semel in manus hæreticorum collapsos, iterum ad Ecclesias ac legitimos Dominos redituros? ac Prostantes in Scholas, in Cathedras, in Tribunalia ac Dignitates receptos, illinc iterum, ut primum Cæsari ac Concilio placeret, excessuros? Idque eventus comprobavit. Celebrato enim, finitoque Concilio non idem finita sunt, quæ Cæsar illis concesserat, aut quæ ipsi usurpaverant. Merito igitur Spirense hoc edictum Paulus damnavit, rescindique voluit. Nec obstant, quæ de temporum injuria ac necessitate dicebantur componendæ pacis. Pax enim, quod toties Pontifex rogaverat, cum Francisco potius Galliarum Rege, quam cum hæreticis componenda erat, id enim & Religioni, & Imperio, ut postea paruit, magis conducebat, cessavissetque necessitas, tam multa, & tam noxia indulgendi, pace cum Gallis confectâ. Sed dum æmulatio, & cupido gloriæ, ac spes vindicandi Cæsarem urgent, armantque in Gallos, cum Protestantibus fœdus successit, quod etiam Maimburgus observat, deploratque in sua de Luthero historia lib. 5. raro alioquin Carolo propitius, nisi cum Pontifici obluatur. Deinde ut bene Pontifex notavit in Diplomate ad Carolum; nullum prorsus est tam malum consilium, quod non specioso aliquo pietatis aut utilitatis nomine vestiatur; nec verò tanta necessitas fuerat, ut oporteret, Carolum tam multa circa Religionem, tantique periculi statuere, nec audito, nec rogato Pontifice, imò ejus Legato Wormatiæ dimisso, ne à Carolo destinata moraretur. Hæc sola Pontifex arguebat, ut ex illius literis ad Carolum patet, & tamen hæc omnia Maimburgus præterit, producitque in medium, quasi à Pontifice reprehensa, quæ nunquam reprehendit, tolerantiam videlicet Calicis & Nuptiarum, omittit verò, quæ planè reprehensa sunt. Ergo cum Edictum Cæsaris contra Pontificis sententiam excusat, perinde facit, ac si quis Advocatus Judici reum purgaret, tacitis veris ejus delictis, ijs verò dilutis, quæ nunquam fecit, & quæ nemo objecit. Quæ artificia, quantum à candore & veritate historica aliena sint, præsertim in causis tanti momenti, nemo non videt, abrogantque Maimburgo fidem, etiam vera dicenti, quippe fraudem semel deprehensam semper timemus.

X. *Anno MDCX.* Tentata est Concordia Nestorianos inter, Romanamque Ecclesiam. Ejus occasio hæc fuit. Venerant Romanam, dum illic Sacrum tempus ageretur, duo ex Chaldæa Viri, hæresi Nestorianâ tincti. Excepti humaniter, donatique, & ex illorum numero fuere, quibus Paulus V. Pontifex Max: pedes abluit, detersitque ac osculo libavit. Rapuit illos Majestatis Romanæ admiratio, tantâ præsertim charitate ac modestiâ mixtæ, reversique in Patriam Eliæ Babylonico Patriarchæ omnia, quæ Romæ viderant, acceperantque, narrant, immenso præconio. Exarsit is protinus, flagrantique desiderio Societatis Romanæ, sed obstabat suorum in Nestorium amor, quem ut Sanctum colebant, sciebantque Romanis execrationi esse; modum ergo excogitat, quo & Nestorium, & ejus doctrinam retineret, & tamen Pontifici probaret. Quatuor ferè propositionibus totus Nestorij error continetur. Prima: *Beatissimam Virginem nec esse, nec dici debere DEI, sed tantum Christi matrem.* Reineri hanc Propositionem volebant, eâ tamen interpretatione mollitam, ut dicerent; ideò à Chaldæis Nestorio addictis non vocari DEI genitricem, quia Deitas non generatur, quantumvis, cum Christus etiam sit Deus, æquè in hoc sensu Deipara vocari possit. Secunda propositio hæc erat: *Una in Christo sunt Personæ.* Hanc sustineri posse dicebant, si duarum Personarum nomine duas naturas singulares intelligas, quas in Christo esse nemo ex Catholicis negat; quamvis etiam una Persona dici possit, propter unionem utriusque naturæ; unio enim facit ex duobus unum. Tertia propositio: *In Christo est una voluntas.* Una, inquiunt, & duplex, quia utraque natura voluntate suâ & propriâ pollet, una, quia perfecte sibi consentiunt. Quarta Propositio: *spiritus S. ex Patre, non ex Filio procedit;* intellige ex Filio tanquam ex alio Spiratore, aut ex alia spirandi virtute, est enim unus cum patre Spirator, & eadem spirandi virtus; in alio tamen sensu, ut duæ sunt, distinctæque Personæ, ex Patre Filioque dici poterat procedere. Sic Babylonius Patriarcha conciliari posse credebat Chaldæos, Latinosque. ambiguit vid. verborum formâ, & in utrumque sensum contextit; perinde ac si unitas & veritas fidei ex verborum specie, ludoque, non ex sensu penderet. Missus ad Pontificem Romanum Adam
quidam

quidam Orientis Archimandrita, & Ecclesiæ Babylonicæ Archidiaconus, qui si posset, ita Romanæ Ecclesiæ Babylonicam sociaret, ut tamen Nestorium retinere, ejusque propositiones liceret, sanâ tamen interpretatione purgatas. Auditus est Romæ, ejusque subtilitates expensæ, quibus conabatur mendacium veritati, Nestorium Christo fœderare. Sed responsum est illi: *Nunquam ejusmodi artificia Catholica Religioni bene vertisse: veritatem sine suco & larva incedere, sui securam, nec pigmentis ac velis egere: hanc falsi indolem esse, ut videri pudeat, seque latebris involvat. Si rem ipsam tenerent, cur verba resugerent rebus exprimendis necessaria? errorem enim in verbis admissum ad res ipsas derivari; nam si aquila v. gr. nomen equi imponas, non deerit, qui inferat, aquilas hinnire, & quadrupedes esse; non ergo satis esse, ut in rebus fidei ac Religionis bene sentias, nisi etiam bene loquaris, quippe sermonem animi testem ac inducem esse, & velut ex sono metallum, ita animum fidemque verbis asstuari, falsique saltem audientes, nisi illa vero consentiant. Nihil quidem Pontifici suprapacem & concordiam esse, tamen bonis artibus quasi, alioquin etiam turpem victoriam pudorẽ esse. nec diurnam fore, arenâ tantum, plumis que subnixam, hoc est, verbis, non rebus constantem.* Hæc Archi-Diacono responsa, nec ille abnuit, ejuravitque Nestorium, non idem tamen Patriarcha, Chaldæique permoti, qui erroribus insistere: isque perpetuus ferẽ eventus fuit tentatæ cum hæreticis concordiæ.

Multa ex hætenus dictis colligere liceat; nunquam vid: hujusmodi in rebus fidei Transactiones bene Catholicis cessisse, nam & istos turbârunt, nec hæreticos vicere: imò animus istis, & fastus ac insolentia crevit, seque victores, victos illos ferebant; nec alio fine inducijs illis utebantur, quàm ut interim suas partes augerent, tantòque liberiùs suis erroribus alios inficerent, quòd amici, non hostes haberentur, fallerentque incautos obtentu concordiæ, mentitæque pietatis, quæ semper fraudi miscebatur. Alij tempus & occasiones lucrabantur. Alij ut aliquid obtinuerant, gradum ad alia proferebant, nec prius cessaturi, quàm fastigio potirentur, quod de Arrianis ostendimus. Alij denique privatas affectiones vindictæ, odijque communi prætextu Religionis & concordie celabant, utràmque prodituri, ut illas explerent. Verbo, nunquam feliciter & sine damno transactum cum hæreticis est, etiam cum de vocibus tantum certamen vertebatur;

batur; quantò id magis timendum, quando non de vocibus, modòque loquendi, sed de gravissimis rebus cum Gallis conflictamur? Pontifex Concilio subiaceat, Pontifex errare possit, & ideo nemo Pontifici parereteneatur, quamdiu ratio aliqua non abtemperandi occurrat, occurret autem semper, & hoc pretio pax cum hæreticis fiat, imò tantum speretur. Quæso quid hoc est aliud, quàm Ordinem Ecclesiæ adimere, sine quo non Regna tantum & exercitus, sed ne familia quidem, domusque privata consistere potest? quàm Caput & Gubernatorem è medio tollere, & necessariam imperandi facultatem, trunco corpore, & in casum pendente? & quis tanto præsentique periculo incertam spem emat, hæreticos convertendi? Quanquam nemo non videt, prætextum hunc esse, speciem inanem fallendis, ludendisque simplicium oculis. Quis enim credat Archiepiscopos irâ, vindictâque in Romanum Pontificem calentes, huic bellum intulisse, Religionis potiùs & concordie studio, quàm animi sui & offensæ causâ? & cur illos hic ardor hæreticos convertendi, ac Vaticanum oppugnandi tunc primùm incendit, cum ultionem meditabantur? Pace ergo illorum dixerim; quidquid in ijs Comitijis (a) agitabatur, non hæreticis, sed vindictæ datum; odium, non Religio fuit; sed hæc ostendi debuit, ut illud tutius & ex occulto feriret.



§ II.

Agitur de Prima Conventûs Parisiensis Propositione. Ecclesiæ Gallicanæ consensus pro Pontificis indirecta potestate in Reges & Principes, eorûmque Bona & Dignitates temporales.


SUMMARIA.

1. Ecclesiæ Gallicanæ authoritas Parisiensibus Propositionibus prætexta exemplo omnium ferè Hæreticorum, & quam ab causam?

2. AN-

(a) V. Reg. Sacerd. in prælud. § 1.

2. *Authoritas Pontificia in Reges exercita exemplis Galliam spectantibus probatur, & primo Gregor. II. in Leonem Isauricum.*
3. *Et Zacharia in Childericum Regem.*
4. *Et Stephani Pontificis.*
5. *Et Hadriani in Desiderium Regem.*
6. *Ejusdem Hadriani in gratiam Caroli M.*
7. *Et Leonis III. Imperium Romanum in Carolum Imperatorem transerentis.*
8. *Et S. Gregorij M.*
9. *Aliud ejusdem Gregorij exemplum.*
10. *Et Episcoporum Gallie in Ludovicum I. Imperatorem.*
11. *Iterum Gallie Episcoporum in Lotharium Imperatorem.*
12. *Et Nicolai Papa.*
13. *Et Hadriani II. in Carolum Calvum.*
14. *Et Fulconis Archiepiscopi Rhemensis in Carolum Simplem.*
15. *Et Concilij Lateranensis sub Alexandro III.*
16. *Et alterius Concilij Lateranensis sub Innocentio III.*
17. *Innocentij IV. in Fridericum Imperatorem.*
18. *Et Clementis V.*
19. *Et Concilij Constantiensis.*
20. *Et Concilij Viennensis.*
21. *Et Concilij Basileensis.*
22. *Et Concilij Tridentini.*
23. *Et Universitatis Sorbonica.*
24. *Et totius Cleri Gallicani.*
25. *Et Testimonijs celeberrimorum in Gallia Doctorum.*
26. *Multa in rem nostram contra Maimburgum ex dictis colliguntur.*



I.

Ropositiones nuper Parisijs editæ, ut tantò pluribus probarentur, auctoritate ac nomine Ecclesiæ Gallicanæ adornatæ sunt, cùm enim nec ratione, nec usu, nec antiquitate fulcirentur, quin potùs hæc omnia obsterent, auctoritas quæsitæ est, & quod rei deerat, titulo compensatum. Sic falsis corruptisque nummis effigies & elogia Principum imponi videmus, ut fallant incautos, regâtque metalli vitium imaginis reverentia. Quem verò non caperet auctoritas Ecclesiæ Gallicanæ? & istam omnibus ferè paginis Maimburgus inculcat; nemo enim, qui illam Magistram habet, errare se credat, aut, si erret, excusari errorem posse, imò laudari tam grandi exemplo. Et hæc causa fuit, ut nemo hæreticorum Spiritui S. aliisque sanctis Doctoribus sua dogmata non imponeret, ut tantò dulciora essent eorum auctoritate ac exemplis condita. Ebion sanctum Petrum, Arriani Lucianum Martyrem, Origenem, ipsùmque Antonium Magnum, Pelagiani Augustinum, Zosimum, Clerumque Romanum jactabant, alij alios. Et ultimis hisce temporibus quid non Lutherus & Calvinus egere, ut suis opinionibus primitivam Ecclesiam favere ostenderent? Ergo nihil novi est, magnos Patronos magnis erroribus quæri, imò & præferri, quo populi salutem studia, animique caprantur, istis enim nec tempus, nec cura est, ut, quid singuli scripserint, explorent, sicque magno illo strepitu, umbrisque nominum ludi se nesciunt, fallique, & tamen falluntur. Idem Maimburgo consilium fuit, cùm toties Propositiones Conventûs Parisiensis pro doctrina Ecclesiæ Gallicanæ jactavit, pulcherrimo quidem, sed falsissimo elogio, nihil enim ab Ecclesiæ Gallicanæ sensu, doctrinæque alienum magis dici aut scribi potuit; toties enim Ecclesia Gallicana, & in publicis Conventibus, doctrinâ, exemplôque contrarium professæ est, ut mirari subeat, quinam sint illi Galli, qui tantum à Gallis absunt, aut quænam sit illa Ecclesia Gallicana, quæ Ecclesiæ Gallicanæ tantopere ac palàm adversatur, quod jamjam longâ inductione, pèrque omnes

omnes Ordines Ecclesiæ Gallicanæ dicere aggredimur, lectoris arbitrio relinquenti, utra Ecclesiæ Gallicanæ sententia dici debeat, nostra, quæ tot seculis & ab omnibus Galliæ ordinibus recepta est, & tot publicis actibus expressa, an Maimburgi, quæ nuper, & à paucis, ijsque aut metu, aut spe, aut irâ corruptis, Parisijs prodijt.

Anno DCCXXXI. Cùm Leo Isaurus sacras Imagines totâ Græciâ persequeretur, eosque, qui amplecti hæresin nollent, exilijs, proscriptiōibus, tormentis vexaret, ipsius Deiparæ Virginis, omniumque Sanctorum icones in Urbe Regia uno fasce incendisset, ipsamque Italiam invaderet, Sicarijs in Pontificem missis, feralique edicto, quo Imagines tollebantur, Romæ proponi iussu, Gregorius II. Pontifex Maximus, cùm nec à Græcis, nec à Longobardis, Venetisque auxilium speraret afflictæ Religioni, fœdus cum Carolo Martello, Gallisque adversus Græcorum Imperatorem sancit, Consulatū Carolo Principi offert, eumque missis, acceptisque Legatis, ac juncto fœdere in Italiam vocat, venissetque, nisi mors occupasset. Erat verò Consulis dignitas supremæ proxima (saltem si Patriciatum excipias) quod Ovidius illis versibus indicat: (a)

*Qui quamquam est ingens, & nullum Martia summo
Alius Imperium Consule Roma videt.*

Solusque Imperator Consulem designabat, ut disertè notat Flavius Vopiscus in Aureliano. Consulis jura, lapsâ jam, extinctâque Republicâ hæc erant: Senatum rogare, jus dicere, tutores dare, manumittere, vestigalia locare, Ludos & præsertim Circenses edere, annis nomen dare (quod Justinianus abolitum voluit, (b) & annos ab Imperatoribus dici) togâ pictâ seu palmatâ uti, quæ olim triumphantium propria tantum, purpurâ, aurôque intexta, & quam etiam Trabeam appellabant. Justinianus (c) voluit lege editâ, Imperatores jugi Consulatu fungi. Oblatum ergo à Gregorio Consulatū Romanum Martellus accepit, præmisitque Abbatem Corbejensem, qui fœdus cum Romanis iniret, sponderetque auxilium, ipse secuturus, nisi mors obstitisset. Gregorius

T t t 3

nihil

(a) Ovid. de Pont. lib. 4. eleg. 9. (b) Lipsius de Magistr. Pop. Rom. cap. 8. (c) Justinian. Nov. 105.

nihil interea omittere, ut Leonem molliret, rogare, minari, Italiae populos, ne à Græco deficerent, quod jam parabant, cohibere, Legatis agere, & totos quinque annos flectendo Cæsari impendere; quæ omnia cum frustra essent, Leone implacabili, & in dies pejori, Gregorius coactâ Romæ Synodo, (a) ut Zonaras testatur, anathemate Leonem ferit, prohibetque vestigialia perfolvi, quibus in Italiae & Ecclesiæ perniciem utebatur. Hæc in Leonem Gregorius, quæ ut fiant clariora, Auctorum testimonia adscribam.

Fredegarius, qui jussu fratris Caroli Martelli scripsit, & historiam Gregorij Turonensis profecutus est: (b) *Eo tempore, inquit, B. Papa Gregorius bis à Roma claves venerandi sepulchri cum vinculis S. Petri, & muneribus magnis & infinitis, Legatione memorato Principi destinavit, eo pacto patrat, ut ad partes Imperatoris recederet, & Romanum Consulatatum prefato Principi sanciret. Ipse itaque Princeps mirifico & magnifico honore ipsam Legationem recepit, munera magnifica obtulit, atque cum magnis præmijs cum suis sodalibus missis Grimonem Abbatem Corbejenfis Monasterij, & Sigebertum Reclusum S. Dionysij Romam ad Limina SS. Petri & Pauli destinavit.*

Theophanes: (c) *Comperto Leonis Imperat. proposito Gregorius Papa Romanus, scriptâ prius ad ipsum decretali epistolâ, quâ de fide quidquam statuere, & antiqua Ecclesia sancta à sanctis Patribus firmata innovare, aut convellere, non decere Imperatorem commonet, Italia tandem ac Roma tributa deferri ad illum prohibet.*

Et ad annum Leonis 13. In Seniori verò Roma Gregorius Vir Apostolicus, & Petri verticis Apostolorum Confessor verbo & actu coruscans, qui removit Romam & Italiam, nec non & omnia tam Reipubl. quàm Ecclesia jura in Hesperijs ab obediencia Leonis.

Et ad annum 730. Gregorius Sanctissimus Prasul Leonem per epistolas tanquam impiè agentem redarguens, & Romam cum tota Italia ab ejus Imperio recedere faciens.

Cedrenus: (d) *Anno nono Leo impius cepit de sacris imaginibus everendis sermonem facere, quo cognito Gregorius Roma Papa tribuit Italia. & Roma eum prohibuit.*

Et iterum ubi de eveſto Anastasio in Cathedram Germani egit: *Roma autem Gregorius Apostolicus Vir à Leone ob ejus impietatem defecit, & pacto cum Francis isto tributa Leoni denegavit.*

Zonaras

(a) Zonar. T.3. in Leone circa f. (b) c. 110. in Chron. floruit sec. 8. (c) Theoph. in Chron. in vita Leon. floruit circa ann. 787. (d) Cedr. in Leon. ad ann. 9.

Zonaras in suis Annalibus : (a) *Qua de causa Gregorius, qui tum Roma veteris Ecclesiam gubernabat, repudiata Præsidis nova Roma societate, nec non eorum, qui illum sequebantur : illos cum eorum Imperatore Synodico anathemate obstringit, & vectigalia, qua ad illud usque tempus inde pendebantur, inhibuit, isto cum Francis fœdere.*

Vides in hoc exemplo, quantâ cautelâ, prudentiâque, & quibus gradibus contra Imperatorem Gregorius processerit, quæ nisi observentur, plus mali ab extremis hisce remedijs, quàm boni expectes. Primò nullum finem monendi, curandique Imperatorem, per litteras, Legatos, preces, minasque fecit ; nec idè abruptit, cum obstinatum vidit, flectique nescium ; ferri potuit, dum intra Græciam sæviret : ubi hæresis & edicta in Italiam parabantur, nec mitiora proficerent, ad extrema devenit, prius tamen securitati, quàm remedijs provisum, nec consilij inermibus creditum ; à potentissimo Principe, amicòque auxilia petita, fœdus conjunctum, vires sociatæ, honores, fascèsque Romani, præludia Imperij, oblatis, Synodus acta, anathemata vibrata, & tandem rebus omnibus dispositis, maturisque, nec alias moras periculum patiente, Imperium Leoni abrogatum, nec illud totum, sed ea tantum parte, quæ magis egebat, servarique poterat, Italia videlicet. Tantumque absuit, hoc exemplo Francos offendi, aut Clerum obluere, quasi Gregorius inconcessa tentaret, ut potius fœdus cum eo jungerent, Consulatum admitterent, sponderentque suppetias adversus Græcos ; agnovit ergo Gallia hanc, quam defendimus, in Pontifice potestatem.

Maimburgus ut hoc exemplo se liberet : (b) *Duas in Gregorio personas distinguit, Pontificis videlicet, & Civis Romani ; à Pontificem, monuisse, rogasse, minatum esse, populos ne deficerent cohibuisse ; à vero inter Cives Romanos præcipuum, jure naturalis defensionis usum, cum alijs Romanis conspirasse, ac jugum Græci Imperatoris excussisse, externo Principe invocato. Hæc Maymburgi responsio est, qui eam potestatem, quam nos Pontifici Romano, ipse subditis & Civibus in Reges concedit, eamque ad defensionem Juris naturalis pertinere dicit, & similem ei facit, quam quilibet de plebe habet, ut furenti Regi, aut phrenesi capto gladium extorqueat.* (c)

Jam

(a) Zonar. T. 3. anal. in Leon. Isaur. circa f. floruit circa ann. 1120. (b) Maimb. Traicté de l'eglise de Rome cap. 29. & des Iconoclastes. T. 1. f. 148. (c) V. Reg. Sacerd. f. 242.

Jam ergo Maimburgus potestatem abdicandi Reges subditis Regni, imò unius Provinciæ tribuit, an verò id magis decorum, consultumque Regnantibus, quàm si illos Pontifici Romano, Christique Vicario subdas? quòd si nihil eorum majestati, quieti, ac potentiae obstat, ut judicari, puniri que ab eis possint, quibus ipsi imperant, quantò minùs si ab eo, cui obsequuntur, quemque ut Patrem reverentur? Quòd si jure naturalis defensionis id subditis licet, ne Respublica concidat, quantò magis eodem jure naturalis defensionis id liceat Pontifici, ne Ecclesia pereat? nec enim Jura naturalis defensionis minùs Pontifici, quàm Civibus permittuntur. Necerit puto Maimburgus tam inhumanus, ut potestatem extorquendi ferrum è manu furentis Principis, quam pedisse quo & licè concedit, Pontifici neget; nam si còerceri furentem Principem oporteat, meliùs id, honestiùsque Pontifex, quàm alius fecerit. Ubi verò sunt illa, & ingentia mala, quæ ex hac potestate Pontifici data Conventus Parisiensis consequi ominatur? dicunt enim, *invidiosam illam, & gravem Principibus, ac populis esse*; at verò, si hanc ipsam potestatem civibus, populisque uniusurbis, aut Provinciæ tribuas, non erit invidiosa, non gravis? an unquam causæ deficiendi, ac Principes incusandi subditis deerunt, si semel id eis liceat? Malè ergo Majestati Regnantium Maimburgus consuluit, quando non uni tantum Pontifici potestatem Reges abdicandi permisit, sed singulis penè Urbibus ac Provinciis, nec enim totum Imperium à Leone Imperatore, sed Roma tantum, & Italiæ aliquot Provinciæ defecerunt. Hùc ergo redit tota Maimburgi disputatio, ut Imperia, quæ nos Pontifici, ille populo submittat, simili damno, & scèdiore servitute.

Et denique si datur aliquis casus, quo Principes saltem à Regnì statibus, & in Comitij Generalibus exauctorari possunt, & subditi Juramento solvuntur; ergo quando is casus adsit, & quando Juramenti obligatio cesset, pertinebit ad Summum Pontificem declarare (ad hunc enim causæ majores & Juramentorum spectant, (a) nec Galli diffitentur) si ergo Pontifex declaret, Roma-

nos

(a) Causæ maj. & Juram. pertinent. ad Summ. Pontif. V. DD. in c. 1. de Transl. Episc. Canum lib. 6. cap. 4. Cler. Gallic. ap. Grammond. lib. 1. f. 65. Maimb. Tr. de l'Eglise Romaine cap. 5. & 13. de jud. & cap. 34. de elec.

nos juramento Græcis exhibito non vinciri, eòſque Imperium alijs poſſe deferre, certum erit, Juramento liberari, ac in alios Coronas deponi, nullâ Imperantium injuriâ: ſive ergo potestas, quam Pontifices in Reges exercent, ſit declarativa, ſive decifiſiva & ſtatutiva, certum eſt, ex principijs Maimburgi negari eam haud poſſe, eique Reges ſubjacere, quemadmodum ſi centum aureos gemmario debeam, quia is adamantem mihi vendidit: eo verò aut gemmam non exhibente, aut falſam; ſi judex pronunciet, me obligatione centum aureos præſtandi ſolutum eſſe: certum eſt, me nihil debere, nec petere aliquid venditorem poſſe, quamvis Judex declaraverit potiùs, debitum nullum, aut extinctum eſſe, quàm ut illud ſuſtulerit. Si ergo Pontifex, ſeu declaret, ſeu ſtatuat, poteſt Regibus, cùm neceſſitas fuerit, Coronas adimere; neque id magis eorum minuit, læditque majeſtatem, quàm ſi hoc ipſum Subditis permittas, quod facit Maimburgus. Cæterum hæc ita dicuntur, quaſi concedam, Gregorium non Pontificis partes, ſed Civis egiſſe, quando Italiam Græcis, & Imperium, & tributa ademit. Sed veritas eſt, eam diſtinctionem fruſtrâ à Maimburgo, & infelicitè répertam; fruſtrâ quidem, quia nullo Auctore: infelicitè, quia nullo effectu, imò pari aut majori damno; quis enim ferat Maimburgum, toties proſitentem, ſe omni ſubſtitute ac diſtinctione abſtinere velle, ſolâque hiſtoriâ contentum ea narraturum, qua vel ſoli invidiam faciant, nec ab ullo mortalium negari poſſint; nunc verò ubi urgeri ſe videt, ad diſtinctiones recurrere à nullo Auctorum traditas, à nullo cogitatas, quæque nec ipſi Maimburgo incidiffent, niſi, premente veritate, aut ſateri cogeretur, quod novit, aut dicere, quod nemo credet; nullus enim ex citatis Auctoribus aliud dicit, quàm Gregorium Pontificem ad Martellum Legationem deſtinâſſe, Conſulatum obtuliſſe, prohibuiſſe tributa deſerri & alia, quæ nimis clara ſunt, ut corrumpi aut fuſcari ſiniſtrâ interpretatione poſſint. Nec tantum Maimburgo debemus, ut ei nullos teſtes alleganti, ac poſt tot ſecula ſcribenti, nimiumque partibus addito majorem fidem præſtemus, quàm Fredegario, Theophani ac Zonaræ, res ſuorum temporum, & vicina narrantibus, quibus etiam adde Sigonium ita loquentem: *Gregorius Pontifex decretum propoſuit, quo Leonem Imperatorem priorum communionem removii, ac mox Ita-*

lia populos Sacramenti, quo se illi obligaverant, religione exsolvit, & ne ei aut tributum darent, aut alia ratione obedirent, indixit. Ubi vides Gregorium non Civem, sed Pontificem egisse, ad hunc enim pertinet populos Sacramenti religione absolovere. Idque etiam ex eo evidenter deducitur, quod citati auctores hisce verbis utantur: Consulatum sancivimus, tributa deferri prohibuimus, vectigalia inhibuimus, sedus cum Francis percussit, ne obedirent indixit; quæ verba superioritatem omninò indicant, qualem Gregorius ut Civis supra Romanos non habuit, ea enim tota ad Imperatores & Exarchos pertinebat; non ergo ut Civis, sed ut Pontifex Romanus prohibebat, inhibebat, edicebat, inibatque cum externis Principibus fœdera. Nec obstat, hunc eundem Gregorium in secunda ad Leonem epistola (a) scripsisse, nullam esse Pontificibus in Reges, eorumque Palatia potestatem: Nam quemadmodum, inquit, Pontifex introspiciendi in Palatium potestatem non habet, ac dignitates Regias deferendi: sic neque Imperator in Ecclesias introspiciendi, & electiones in Clero peragendi. Additque Maimburgus: His solis verbis debilitatem illius argumenti ostendi, quod ab exemplo Gregorij petitur. Miram hujus præfidentiam juxta & simplicitatem! non observantis, quæ à nobis concedantur, quæque negentur; nos ipsi concedimus, nullam esse Pontifici Romano in Reges ordinariam & directam potestatem, nec ex istorum arbitrio deferri Regna, sed vel successionem, vel electionem, vel jure belli, aliòve legitimo titulo; & quamvis in raro aliquo casu, & indirectè, rebûsque in arcto stantibus etiam hoc Pontifici competat, hæc tamen rara & indirecta, merèque contingens potestas non denominat subiectum, nec ab ea dicimur aliquid posse; sic dicimus, non posse Ecclesiasticos nubere, non posse Principes alieno Juri derogare, non posse carnes Sabbatho comedere, non posse Gallos in Romanos Imperatores eligi, & mille alia, quæ absolutam, certisque circumstantiis adstrictam potestatem non excludunt; & hanc ipsam Pontifici permissam ex Gregorij literis deducas; nam in prima ad Leonem Imper. hæc habet: Siro autem debes, ac pro certo habere, Pontifices, qui pro tempore Roma extiterint, concilianda pacis causâ sedere, tanquam parietem intergerinum septumque medianum Orientis & Occidentis, ac pacis arbitros & moderatores esse. Et epistolâ secundâ circa f. Et nos culpam peccati recipimus,

108

(a) Epist. II. Greg. II. ad Leon. Isaur. anno 716.

ut qui potestatem à Deo receperimus, terrena, cœlestiâque solvendi atq; ligandi. Ubi vides, Potestatem Pontificiam non ad cœlestia solum & spiritualia, sed etiam terrena & temporalia proferri, quando videlicet necessitas postulat. Sed præsertim ex illis verbis argumentari licet, quibus ut Imperatori in Ecclesias & Clericorum electiones; ita Pontifici in Palatia, Regesque nullum esse Jus dicit. At verò si Clerus Episcopum aliquem hæresi imbutum, aut perduellem eligat, quique Ecclesiam vastet, quis dubitat, si alia remedia absint, nec periculum moras patiatur, posse Imperatorem, tanquam Ecclesiæ Advocatum, prohibere, ne is eligatur, aut electum Regno, & Ecclesiâ arcere? nec pauca sunt hujus rei exempla. Si ergo id natura ipsa, ac necessitas Ecclesiæ defendendæ Principibus concessit, quanto magis Pontifici in Principes & Regna? cum nihil magis Ecclesiæ noceat, exponatque ruinæ, ut hæresis coronata; si enim tot illa clades & ærumnas excitavit inermis & abiecta, quid faciet armata, regnansque? & experientia plus satis docuit, ex principum Religione etiam subditorum Religionem, fidemque pendere. Cæterum cum extincto Martello, & Pipino necdum noto, aut rerum potito, auxilium à Francis cessaret, & Græci Exarchum adhuc in Italia, & Siciliam, Calabriamque obtinerent, Longobardi verò hæresi & armis grassarentur, ac Romæ imminerent, non destitère Romani Pontifices, Gregorius vid. II. Gregorius III. Paulus, Stephanus, Zacharias, Hadrianus, alijque apud Græcos Imperatores literis ac legatis agere, ut in sinum Catholicæ Ecclesiæ redirent, & Romam, Italiâque à Longobardis tuerentur; cum tandem rebus omnibus desperatis Pipinus & Carolus subvenère, Imperio Græcis adempto.

III. Anno DCCLII. Contigit auctoritate Pontificis Romani celebris illa Regni Francici de Merovingica in Carolinam stirpem translatio, quæ sola sufficeret, si omnia alia deessent, ad demonstrandum, quæ tunc temporis fuerit Gallicanæ Ecclesiæ sententia, tunc inquam temporis, cum doctrinâ ac pietate florebat, omni procul adulatione, & Romana Ecclesia aded à Longobardis oppressa, ut nihil ab ea sperari, nihil metui posset; nec ferè in historia Gallica aliud reperies pluribus ac majoribus testibus proditum, ut tantò magis eorum præfidentiam admireris, qui audent

tam aperta negare, & oculos Soli claudunt, ne cogantur videre: duplicis culpæ rei, & negatæ veritatis, & amissi pudoris; quid enim credas tam certa abnuentibus? Fluxerant à baptismo Clodovæi anni quinquaginta duo supra ducentos, & Franciam duodeviginti Principes gubernaverant, sed civilibus bellis, fratrumque discordiâ, ac Regum ignaviâ res Francicæ jam ferè conciderant. Reges ruri potius, quàm in aula degere, otio & delictijs vitamducere, præparcis tamen, & privatæ potius, quàm Regiæ fortis; rarè in publico, nisi cùm Legatos audirent, redderéntque responsa, neceæ pro arbitrio, sed suggesta, aut etiam jussa, inani Majestatis simulachro, nisi quodd Solio insisterent. Cùm prodirent, plaustrum pro curru, boves pro equis erant; producta, fluénsque barba, & coma in humeros fusa; hæc pompa, hoc fastigium Francicæ majestatis, quod pluribus Eginhardus testatur. Jus interim belli pacisque, ac Regni moderandi penes Palatij Magistros; & dum isti aut retinendæ potentie, aut vincendis æmulis, aut Regibus pro arbitrio deligendis, abdicandisque certant, Regnum intereà civili bello consumi, Franciæ Provincias, ut quisque occupaverat, in diversos scindi Principatus: Saracenos, Gothosque aut sponte, aut in subsidium vocatos Galliæ infundis; & quamvis deleti essent Martelli virtute, parique fortunâ, nulla spectamen componendi Regni, Regibus lasciviâ ac otio torpentibus, Præfectis verò Palatij civili bello collisis, quodd Regij sanguinis non essent, invalidâ apud populos reverentiâ. Nec melior Ecclesiæ, quàm Regni facies. Ararijs bello exhaustis, Ecclesiarum decimas & facultates occupaverant. Ex his stipendia militi, Ducibus præmia; & quodd bellum contra Paganos, Gothosque actum, pietas obtendebatur; promissitque Martellus, omnia Ecclesijs redditurum confecto bello; sed ut fieri solet, inane id solatium, & irritum fuit, hostes cæsi, fugatique, bellum peractum, Martellus victorijs ac triumphis plenus, sed nudæ, spoliatæque ut prius Ecclesiæ; eoque audaciæ & avaritiæ deventum, ut Episcopatus & Sacerdotia à Laicis obtinerentur, pretioque Insulæ vænirent, sædo quidem, sed publico mercatu. Quæ postea Zachariæ causâ fuit, ut Pipino privilegium concederet nominandi Episcopos ad omnes Regni Ecclesias, quod

graviss

gravissimi Auctores (a) tradunt. Sicin Gallia res habebant, nec melior aliarum Orbis Ecclesiarum conditio. Italiam Longobardi, Africæ bello, hæresi, prædatione vastabant: Græciam Bulgari, Avars, Saraceni, civilesque discordiæ, sed omnium pessimè Iconoclastarum sævities: Hispaniam, Africamque Alani, Wandali, Sueci, Gothique, & Turcæ quoque gliscebant. Crederes, communi bello Ecclesiam peti, ipsamque periclitari arcem Religionis, Longobardis Romam accinctis. Et ecce! cùm minimè crederes, à Pipino Legati & auxilium. Poscebat Pipinus Regnum à Zacharia Pontifice, & Childericum Regem deponi, poteratque audax votum videri, nisi necessitas & periclitans Religio excusaret: *Childericum Regem ignavia ac delitijs marcere, non ingenium illi regendo Imperio, non sobolem firmando esse, nec maius ab eo auxilium Francis, quàm à simulachro gemmis, auròque intecto. Cessare populis reverentiam tam abiecta, derisq; Majestatis: Regnum interea domi suisque laborare, quippe nullis legibus plebem, primoresque franari Regis contemptu: instare Barbaros totâ Asiâ, Africâ, Hispaniâque victores: jam quartâ vice Pyreneis superatis Franciam irruisse: ter à Martello Patre, nuper à se victos, deletosque: redituros tamen, quippe exploratis jam montibus, & nivibus assuetos, & tot cladibus asperatos potius, quàm fusos; si vincant, nam lubricam fortunam esse, nec uni addiclam, quis Italiam, quis Romam, ipsamque Religionem tueri possit? Solam Galliam Barbaris obflare, nec Pipino apud Gallos, dum Corona absit, satis reverentia ac fidei esse, plerisque Imperium aspernantibus, Corona vacuum. Childerico sobolis experte defunctoque civile bellum inter amulos arsurum, irrupturos Barbaros, Patriæ ac Religionis excidio. An ergo non expediat, prævenire potius, quàm operiri extrema, & Regem deligere, tot infortunjs ac necessitatibus parem? Id futurum, si Pontifex Romanus jubeat, nec aliud Gallos expectare, tanto operi promptos, accinctosque.* Permovit Zachariam oratio, & instans Religionis, Regni que periculum. Ergo Childericum Imperio moveri, tonderique; Pipinum omnium votis eligi jubet, Francos verò juramento absolvit, quod Childerico dixerant. Quod

U u u 3

rogo

(a) V. Lup. Ferrar. epist. 81. 98. & 99. S. Bonif. ep. ad Zach. PP. Floard. in hist. Rhem. de Privil. Hadr. I. De Privil. à Zach. concessio. Joan. X. PP. ep. ad Herim. Colon. Florum Magistrum in fragin. de elect. ad calcem op. S. Agob. Paschal. II. PP. apud Malesbur l. 5. della Marca lib 8. c. 20. Majnab. des Iconocl. t. 2. f. 259. Reg. Sac. f. 57.

rogo majus exemplum velis Pontificiæ in Reges potestatis, quàm coronas uni stirpi & familiæ insertas, in alias transferre? tantumque abfuit, Gallos obniti, ac Zachariæ adversari, velut inconcessa tentanti, ut potius id ipsum expeterent, acceptarentque concordibus votis, pari in Pipinum amore, & Pontificem reverentiâ; patet ergo, quænam fuerit eotemporis sententia Ecclesiæ Gallicæ; & ne ulla dubitandi ratio superfit, dabimus auctorum omni exceptione majorum verba, & ea tam clara, ut negari à nemine possint, nisi qui fidem abrogari sibi velit, & inter eos censer, quos victos licet, edoctosque pudet veritatem fateri, quam agnoscunt, maluntque obstinati potius videri, quàm victi.

Eginhardus perpetuus Carolo comes, eique à Secretis, quique non audita solum & præterita, sed visa & præsentia scribebat: (a) *Gens*, inquit: *Merovingorum usq; in Hilderikum Regem, qui jussu Stephani Romani Pontificis depositus, ac deorsus durasse putatur.* Et infra: (b) *Pipinus autem per jussionem Romani Pontificis ex præfeto Palatii Rex constitutus est.* Et in annalibus: (c) *Burkardus Wirzburgensis Episcopus, & Jolualdus Presbyter Capellanus missi sunt Romam ad Zachariam Papam, ut consulerent Papam, de causa Regum, per quos prædictus Pontifex mandavit, melius esse, illum vocari Regem, apud quem Summa potestatis consisteret, datæque auctoritate suâ jussit Pipinum Regem constitui.* Et alibi ad annum 750. *Hoc anno secundum Romani Pontificis sanctionem Pipinus Rex Francorum appellatus est.* Nota, hanc translationem ab Eginhardo jam Zachariæ, jam Stephano tribui, quia illam uterque promovit, Zachariæ initium, Stephani exitus & perfectio fuit; eodem enim anno, quo Zacharias Pipinum Regem jussit, & Francos Sacramento exsolvit, ipse vitam finivit. Stephanus verò Jus Regium Pipino & Filijs confirmavit, ut postea videbimus, unxitque & Coronam imposuit.

Annales Francici à Pithæo editi: *Septingentesimo, quinquagesimo secundo anno Zacharias Papa ex auctoritate Petri Apostoli mandavit populo Francorum, ut Pipinus, qui potestate Regis utebatur, nominis quoque Dignitate frueretur.*

Frede-

(a) Eginh. in vita Caroli M. ab initio. (b) Et in annal. ad ann. 749. & ad ann. 750. Obijt Eginhardus anno 843. juxta Chronol. Bolandi T. 2. Jan. f. 875.

Fredegarius: (a) *Quo tempore unà cum consilio, & consensu omnium Francorum missa relatione à Sede Apostolica, auctoritate percepta praelatus Pipinus electione totius Franciæ in Sedem Regni sublimatur.*

Rhegino: (b) *Iussu Papa per auctoritatem Apostolicam Pipinum Regem creari, ne perturbaretur Christianitatis Ordo.*

Otto Frilingensis, Imperatorum nepos: (c) *Zacharias consultus respondit, & ipsius auctoritate Pipinus à Bonifacio Archiepiscopo Moguntino, & alijs Regni Principibus in Regem eligitur. Et alibi: Anno Domini 754. Pipinus à Stephano Papa I. à fidelitatis Sacramento, quod Hilderico promiserat, cum alijs Regni Francorum Proceribus absolvitur.*

Abbas Urspergensis: (d) *Sic ergo Pipinus ex Prasecto Palatii auctoritate Apostolica sublimatus, & unctus in Sedem Regni, regnavit annis quindecim, absolutus per eundem Stephanum Papam à Juramento, quod Regi Childerico cum ceteris Regni primoribus fecit. Et alibi: Zacharias verò Papa super huiusmodi negotio consultus, remandavit, melius esse, eum vocari Regem, apud quem summa potestas consisteret, datæque auctoritate suâ Pipinum Regem iussu constitui.*

Sigebertus: (e) *Pipinus verò Princeps Apostolicâ auctoritate, & Francorum electione à S. Bonifacio Moguntia Archiepiscopo in Regem ungitur & consecratur.*

Ludovicus II. (f) *Caroli M. Pronepos, qui res in familia sua gestas recentèque ignorare non poterat, in Epistola ad Basilium Orientis Imperatorem: Matrem omnium Ecclesiarum DEI (Romanam videlicet Ecclesiam) defendendam suscepimus, ex qua & regnandi prius, & postea Imperandi auctoritatem Prosapia nostra seminarium sumpsi: nam Francorum Principes primò Reges, deinde verò Imperatores dicti sumus idcirco, qui à Romano Pontifice ad hoc oleo sancto persusi sum, &c. Ubi vides, Ludovicum Imperatorem agnoscere, auctoritatem regnandi Carolinæ Prosapiæ à Romana Ecclesia provenisse.*

Schafnaburgensis: (g) *Pipinus decreto Zacharia Papa per unctionem S. Bonifacii Rex appellatus est.*

Hermannus Contractus: (h) *Pipinus auctoritate Stephani Papa, decessor ac depositus Hilderico Rex Francorum factus est.*

Albertus

(a) Fredeg. ad ann. 751. f. 161. floruit seculo 8. (b) Rhegino in Chron. obiit circa initium sec. 10. (c) Otto Frising. lib. 5. c. 22. & 23. obiit anno 1158. (d) Abbas Ursperg. ad ann. 743. circa fin. floruit seculo undec. (e) Siegb. ad ann. 750. floruit seculo undec. (f) Ludov. Imper. epist. apol. ad Basil: ann. 871 habetur apud Baron. & du Chesne Tomo 3. (g) Lamb. Schafnaburg. in hist. Germ. (h) Herm. Contr. ad ann. 752. in Chron.

Albertus Crantzius : (a) Merito Summus Pontifex, & Gallorum Rex mutuis se auollunt favoribus, quando ab initio hac Sedes Domui Caroli hoc praestitit, ut Regiam haberet Dignitatem.

Carolus Sigonius : (b) Pipinus Zachariam consulit, uter ei Regio fastigio dignior videretur? is qui otio languens nihil ad communem utilitatem asferret, an qui dies noctesque de Regni utilitate cogitaret? Cui Zacharias respondit, omnino se Regem illum cogitare, qui Regni commodis & utilitati serviret : rogatusque ab illo, Decretum pro magnitudine potestatis interposuit, quo Regnum Childerico abrogavit, & Francis Sacramenti Religione solutis, ut Pipinum Regem substituerent, Auctor fuit. Quo decreto accepto Franci convenerunt, ac Childerico abdicato Pipinum Regem designarunt, eumque Sueffione per Bonifacium Archiepiscopum consecrarunt.

Paulus Aemilius rerum Francicarum scriptor accuratissimus: Pipinus Burchardum Wirzburgensium Episcopum ad Zachariam Pontificem Max. Oratorem mittit, ut Franci solverentur Jurisjurandi religione, qua se Childerico devinxerant. Oratione Episcopi motus Zacharias initio minime audebat tam magni momenti cogitationem suscipere, sed tandem Francos Sacramento Regi Childerico dicto solvit.

Præter jam citatos Auctores videndi sunt (c) Aimoinus, Marianus, (d) Scotus, (e) Gaguinus, Sabellicus, (f) Spondanus, alijque, qui iisdem ferè verbis hanc translationem recensent; ubi simul adverte, esse omni exceptione majores, quippe integerrimâ fide, quique aut res suorum ferè temporum, recentisque narrabant, aut Principum partibus addicti potius, quàm Pontificum, imò istis infensi, quales Frisingensis, Urspergensis & Siebertus; & denique eodem modo deponunt, videlicet Childerici ignaviam, Pipini ad Zachariam Legationem, consilium à Pontifice peritum, acceptumque, uter videlicet dignior Imperio esset, Childericus ignaviâ torpens, an Pipinus bello & victorijs promptus? decretum & mandatum Zachariæ Pipinum eligi jubentis; juramenti, quo Franci tenebantur, absolutionem, & denique omnium votis electum. Pipinum. Jam verò post tam multa

(a) Crantzius lib. 1. metropol. c. 14. (b) Carol. Sigon. de Regno Ital. ad ann. 750. obiit anno 1585. (c) Aimoin. de gest. Franc. l. 4. c. 6. (d) Scotus l. 3. Chron. (e) Robert. Gagu. l. 3. Chron. f. 45. (f) Spond. ad ann. 751. Sabellicus cænead. 8. l. 8. Platina in Zach. Greg. VII. in c. alius 15. q. 6.

multa, & tam clara testimonia quid aliud à Maimburgo expectares, quàm aut veritati cessurum, quippe tot testibus & probationibus nixæ, aut saltem alios producturum, pari numero, parique auctoritate; id enim causæ gravitas, ac toties ostentatus amor veritatis, & vitæ Institutum duplici titulo Sacrum, Religiosi videl: & Sacerdotis exposcebant, præsertim cum toto eo libro, quem ultimò edidit, nullum finem protestandi faciat: *Se non disputationibus, non subtilitate usurum, sed historiâ & factis evidentibus, quæq; nullam tergiversationem admittant.* Audi jam verò, quid exhibeat post tot magnificè promissa: (a) *Quæ, inquit, de Zacharia dicuntur, nullius momenti sunt, supponuntque Francica historia extremam ignorantiam; Francia enim Optimates sunt, qui Coronam Pipino detulere, non verò Pontifex Romanus; hic enim rogantibus & consilium expetentibus, an id liceret? respondit licere; consuluit ergo, non imperavit. Et verò æquum id consilium fuerit, an secus, non est hujus loci disputare; enimverò verba, quibus antiqui Scriptores hanc Translationem describunt, clarissima sunt, ut ostendant, nihil aliud quàm consilium à Francis petium esse, ut videlicet electionem, quam animo agitabant, Summi Pontificis auctoritate munirent; nam Chronicon vetus à Pitæo editum: Missi sunt, inquit, ad Zachariam Papam, ut consulerent. Et Annales Francorum Metenses: Missi fuerunt ad Zachariam interrogandum, si bene fuisset, annon? ergo nihil aliud à Pontifice & petium, & datum, quàm solum merumque consilium, & hoc ipsum improbavit Stephanus Zacharia Successor, qui teste Theophane ejus temporis Scriptore à Pipino ob violatam Childerico fidem pœnas expetiit; aut ergo Stephanus, aut Zacharias erravit; imò cum Franci Hugonem Capetum solio imposuere, Carolo debitum, ne consilium quidem à Joanne XV. expectatum est, nullò minùs Imperium. Hæc Maimburgus. Ignorantiam primò historiæ Francicæ opponit nobis, sed ego Lectoris arbitrium posco; nam piget cum Maimburgo loqui, tam vana jactante, an nos historiam Francicam ignoremus, qui præcipuos historiæ Francicæ scriptores non legimus tantum, sed verbatim allegamus, Eginhardum videlicet, Fredegarium, Reginonem, Pithæum, Æmilium, aliòsque. Quòd si ignorantia hæc est, non nostra, sed omnium illorum fuit. Quis verò est Maimburgus, ut istos ignorantie accuset? aut quæ ipsius merita, fidelsque toties fœdara, ut eum Eginhardo, Ottoni, Urspergenfi, Aimoino æques, præferas?*

X x x

que?

(a) Maimb. Tr. de l'Egl. de Rome c. 29. f. 404.

que? Quod si istos ipse non legit, quæ rogò hæc negligentia, & ignorantia fuit, nescire tam obvia, tamque necessaria historiam proficienti? Scribit, quæ non legit, jactat, quæ ignorat, proficitur, quæ nescit, & tamen objectat alijs ignorantiam; hoc novum modestiæ genus. Si verò hos ipsos Auctores legit, quos modò produximus, cur rogo silentio præterit? & illum ipsum Pithœum, quem citat, cur una tantum ex parte recitat, præmitte aliam, quæ totam rem explicat? consilium enim à Francorum Legatis petiit, & à Pontifice datum, nemo inficias iverit, sed Imperium consilio accessisse & nos asserimus, & historici tradunt, & ipse inter alios Pithœus his verbis exponit, quæ Maimburgus omisit, vid: *Zacharias Papa ex auctoritate Petri Apostoli mandat populo Francorum, ut Pipinus, qui potestate Regiâ utebatur, nominis quoque dignitate frueretur. Et Eginhardus studiosè inter consilium & præceptum distinguens, utrumque Pontifici attribuit: (a) Rurhardus, inquit, Episcopus & Folradus Capellani missi sunt Romam ad Zachariam Papam, ut consulerent de causa Regum, qui illo tempore nomen tantum Regis, sed nullam potestatem Regiam habuerunt; per quos prædictus Pontifex mandavit, melius esse, eum vocari Regem, apud quem summa potestas consisteret. Hactenus consilium. Audi nunc mandatum: Datâque auctoritate suâ jussit Pipinum Regem constitui. Et ad annum 750. Hoc anno secundum Romanum Pontificis sanctionem Pipinus Rex Francorum appellatus est. Dicine potuit aliquid clarius? Et idem in vita Caroli: Childericus Rex jussu Stephani Pontificis depositus ac decessus, & in Monasterium detrusus est. Et Rhegino: Jussit Papa per auctoritatem Apostolicam, Pipinum Regem creari, ne perturbaretur Christianitatis Ordo. Et Otto Frisingensis: Pipinus à Stephano Papa fidelitatis sacramento, quod Hilderico promiserat, absolutus est. Et Urspergensis: Pipinus ex Prefecto Palatii auctoritate Apostolica sublimatus postea regnavit annis quindecim, absolutus per Stephanum Papam juramento, &c. Et Aimoinus: Missi sunt Romam ad consulendum Pontificem, datâque auctoritate suâ jussit Pipinum Regem institui: hoc anno secundum Romanum Pontificis sanctionem Pipinus Rex Francorum appellatus est. Hæc omnia an solum consilium denotent, clarius est, quàm ut explicari à me debeat; sanè, solvere aliquem Juramento, jubere, sancire, non sunt consilia, sed præcepta, nec aliâ ratione Maimburgus ea tacuit, quàm quia convinci se illis videbat. Quanto id verò historiæ, suisque dedecore, ac fidei, quæ in scriptore prima*

(a) Eginh. in annal. ad ann. 749.

ma esse debet, detrimento, nihil attinet dicere; quis enim jam credat Maimburgo, tam comperta neganti, tamque indignis artificijs fucanti veritatem? Tinctorem eum magis, quam hiltoricum credas. At, inquit, *Theophanes scribit, Pipinum Stephano pernas dedisse violata Childerico fidei.* Sed quàm ista veritati consentiant, sufficit repetere, quæ modò ex Eginhardo, Urspergensî & Frisingensi reculimus, qui omnes Pipinum juramento fuisse solutum à Stephano tradunt; non potuit ergo Stephanus punire, quod ipse fecerat, aut si Pipinus injustè alienum Regnum invaserat, parum fuit punire, nisi restitueret: & tamen tantum abfuit, Stephanum restitui jussisse, ut potius Regnum Pipino confirmaret, quod citati Auctores tradunt; & mirum est, Theophanem, qui aut Constantinopoli, aut in exilio agebat, tanto Româ & Parisijs intervallo, Eginhardo præferri, qui in Aula, ubi hæc contingebant, versabatur, Carolo Pipini filio à secretis, & omnium conscio, quæ illic fiebant: id perinde fuerit, ac si de ijs, quæ Romæ contingunt, malis nautæ Bizantino, quàm Romano Senatori fidem habere. Imò idem Theophanes (a) pro nobis contra Maimburgum testatur, sic enim scribit: *Prædictus namque Stephanus vi pressus, & crudelitate coactus Asulphi, simul etiam cohortatus est ab eodem Pipino ire in Franciam, & facere quacunque posset; qui veniens Pipinum provehit in Regem, virum probatissimum, &c. Cur ergo non etiam Pontificem Franci rogârunt, cum Hugonem Capetum Regno admovent? Vanum est hoc argumentum, non enim sequitur, quod semel omissum est, non esse alio tempore factum, id enim perinde est, ac si dicas: Semel siccavit David, nec tamen bibuit; ergo quoties sitiet, non bibit.* Ergo non sequitur, si Hugo Capetus Coronam à Pontifice non accepit, non etiam Pipinum accepisse, nec enim semper à Pontificis manu Coronæ proveniunt, sed cùm necessitas postulat, & ut loquitur Regino, *cum ordo Christianitatis periclitatur.*

IV. Anno DCCLIV. Aliud specimen, nec minùs egregium Pontificiæ auctoritatis in Gallijs editum. Asulphus Longobardum Rex ferro ignique Italiam vastabat, & Romæ imminabat, prædæ avidus, jamque Urbem obsederat. Auxilia à Græco petita, Longobardus donis, ut abscederet, tentatus, sed omnia frustra; preces ergo ad Pipinum versæ, qui Pontificis necessitate compertâ, Rhodigangum Episcopum mittit, Ducemque Ancha-

(a) Theoph. lib. 22,

rium, ut illum in Franciam deducant : jam Barbari Urbem premebant, cepissentque, sed Legatis in castris comparentibus obsequio omiſſa, metu & reverentiâ Franci; Stephanus Parisios à Legatis deductus, illic omni apparatu, cultuque exceptus, & mixtâ amori reverentiâ; ipse Pipinus cum Regia Coniuge, liberisque obviâ processit, & equum comitatus est obsequij causâ. In eo conventu decreta in Aistulphum expeditio, & Regia Dignitas, quæ nuper per Legatos, nunc coram, & ab ipso Pontifice, majorique apparatu, Pipino collata, cui etiam Sacra Unctio, & solennis Coronatio addita. Quæ ratio est, ut multi scriptorum nunc à Zacharia Pipinum, nunc à Stephano provectum dicant; sed veritas est, ab utroque factum: sed illud in hac secunda multò ampliùs, quòd non contentus Pipinum Regem dicere, jussit insuper, adegitque Francos juramento, ne Regem ex alia stirpe, quàm Pipini deligeret. Nec putandum est, prætergressos juramentum, cum Hugonem Capetum Throno intulere, omisso Carolo Primo Lotharingiæ Duce, & proximo Regij Sanguinis Principe; quamvis enim, ut dixi, is proximè Ludovicum Quintum ultimum Galliæ Regem, & sine liberis functum attingeret, quippe hujus Patruus, & Lotharii Regis frater; Capetus tamen & ipse Pipini progenies erat, ex Childeprando vid: Pipini Crassi filio, & Martelli fratre, quod etiam passim Galli testantur, ut apud (a) Spondanum & Morerum videre est. Sed ut fides narrationis constet, verba scriptorum numerabimus.

Theophanes: (b) *Prædictus Papa Stephanus vi pressus, & crudelitate coactus Aistulphi, simul etiam cohortatus à Pipino ire in Franciam, veniens Pipinum provehit in Regem, Virum probatissimum.*

Ludovicus (c) Caroli M. filius: *Gesta autem sunt hæc à B. Stephano Papa adjuvantibus SS. Apostolis Petro & Paulo anno ab Incarnatione DCCLIV. quo inter oblationem & celebrationem Sanctissimi Sacrificij unxit in Reges Francorum florentissimum Pipinum Regem, & duos ejus filios, atq; Francorum Proceres auctoritate B. Petri obligavit & obtestatus est, ut nunquam de altera stirpe Regem supra se præsumant aliquo modo constituere, quos & divina providentia ad Sanctissimam & Apostolicam Sedem tuendam eligere dignata est.*

Gagu-

(a) V. Spond. ad ann. 987. & Moret. in Childepr. (b) Theoph. lib. 22. (c) Lud. in cp. ad Hilduin. quæ habetur in Arcopag.

Gaguinus : (a) Stephanus autem ut Regi gratificaretur, Pipino benedixit, & posteritati ejus, atq; qui temeritate aliquâ adversus Francos bella moverent, Communione Christianâ interdixit.

Abbas Ursperg : (b) Francorum Populus unâ cum Proceribus auctoritate B. Petri Apostoli obligavit, & protestatus est eos, ut nunquam de alia stirpe sibi Regem praeponerent, quos divina Providentia in defensionem Ecclesiae dignata est sublimare.

Paulus Aemilius : (c) Hâc celebritate Pipinum coronavit, sacrâque unctione imbuvi, omniâque fausta in omne tempus apprecatus est. simul divi, detestationeq; infectatus, si quis contrâ moliri auderet; itâ prius acceptum jus regnandi, tunc quasi divinitus confirmatum, & immortale factum in ea familia videbatur.

Nauclerus : Stephanus Papa, ut Ecclesia defendenda ipse accepit, Pipinum sacrâ unctione in Regia dignitatis honore confirmavit. Pipino benedixit, & posteritati ejus, atque qui temeritate aliquâ adversus Francos bella moveret, Communione Christianâ interdixit.

Carolus Sigonius : (d) Solemni pompâ Carolum, & Carolomanum Reges inunxit, solemnî carmine adstantes Francorum Proceres sacra detestationis obstringens, ne quando alios, quàm exillorum progenie regnare juberent, quos constaret, Divinâ Providentiâ ad Catholicâ Ecclesiâ tutelam adfinitos, Universâ inter Francorum Nobilitate plaudente.

Habemus hic iterum, quid senserit Gallia de pontificis potestate, tantum enim abest, obtituisse Pontifici, ista decernenti, ut potius & audierit, & oraverit, & Regnatrices Capetam ac Borboniam familias Pontifici Romano debeat.

V. Anno DCCLXXIII. Desiderius Longobardorum Rex Ecclesiae Ditiones populatur, exarchiam Ravennatem occupat, & Romam cum exercitu movet : causa belli, præter regnandi cupiditatem, quoddâ Hadrianus Pontifex noller Carolomanni liberos, nepotésque Desiderij ex filia Carolomanno nupta, Reges, habilesque paterno Regno, quod totum Carolo Magno cesserat, appellare. Audi Aemilius : Longobardus contendebat, ut Hadrianus Pontifex Carolomanni liberos, eosdem Pipini nepotes Reges appellaret, muneréque, quoddâ ejus judicium Sanctum apud Francos fore non dubitaret, Regnumque paternum ad adolescentulos rediitum. Vides hic iterum, quænam tunc temporis Francorum mens & sententia fuerit, quàmque etiam apud Barbaros vulgata.

X x x 3

VI. Anno

(a) Gaguin. hist. Franco. lib. 3. f. 45. (b) Abb. Ursperg. ad ann. 753. (c) Aemil. in vita Pipini propè init. (d) Carolus Sigo. lib. 3. Italiz ad ann. 754.

VI. *Anno DCC LXXIV.* Carolus Magnus Ticino expugnato, Rege Desiderio capto, deletoque Regno Longobardorum, quod annis ducentis steterat, Patritij Romani dignitate ab Hadriano Pontifice augetur; hâc Imperio aptabatur. Constantinus Augustus præcipuè Patritij dignitatem extulerat, primâ post Cæsares, majorique Præfecturâ Prætorij. Patres Imperatorum dicebantur; si bellum inferendum, si pax faciendum, aut alia Imperij cura, primum cum Patritijs consilium: paludamentum humeris injectum, annulus dextro indici insertus, caput aureo, circulo revinctum, picti calcei, sublimisque Sella insignia Patritij erant. Ejusque officium & curæ, tueri populum, hostes repellere, urbemque gubernare; tantique fuit, Patritium esse, ut non à Romanis solum ea Dignitas, sed ab exteris etiam Principibus peteretur, eamque Theodorico Gothorum Regi datam à Zenone legimus. Vide (a) Cancellum, & Cassiodorum (b) de Patritij dignitate, Adelmum (c) verò, Sigebertum (d) & ex hoc (e) Gratianum, qui hujus in Carolum collatæ meminerunt.

VII. *Anno DCCC.* Contigit celebris illa Occidentalis Imperij in Francos translatio, auctoritate Leonis III. Pontificis Max. facta. Ejus translationis seriem & narrationem in Regali Sacerdotio descriptam habes, nec mihi animus est repetere illic dicta. Solum observa, eum tunc temporis Romanæ Ecclesiæ statum fuisse, ut meritò Romanus Pontifex huic Translationi animum adiecerit. Italia quadringentos ferè annos sub Gothorum & Longobardorum dominatu gemuerat, nunc à Græcis, nunc à Gothis, nunc à Longobardis; jam civili, jam externo Marte sedata, & quod acerbius erat, cum Ariana, cum Iconoclastica hæresioties collisa, & tantum non victa. Quoties ad Romæ portas nunc Luitprandi, nunc Aistulphi, nunc Desiderij classicum sonuit? quoties accensæ à Barbaro faces Urbi delendæ? quoties necando Pontifici nunc insidiæ, nunc venenum, nunc Sacerdos à Græco immissus? Et quamvis & Pipini, & Caroli M. annis respuisset Italia ac Roma viderentur, Longobardis planè deletis: ut prius tamen in Franciam redibant, nova iterum bella, nova pericula

(a) Cancell. p. i. diff. 2. c. 4. (b) Cassiod. l. 8. ep. 9. & seqq. (c) Adelm. ad ann. 802. (d) Sigeb. in Chron. ad ann. 774. (e) Grat. in c. Hadrianus & seqq. d. 63.

ricula nasci, crederes pacem ferre non posse, tot jam seculis bello assuetos. Eò factiones, turbæque civiles, cum Carolus exercitus abduxisset, Romæ processerant, ut Leonem Pontificem Sacras Litanias obeuntem æmuli aggredirentur, cæderentque, ac oculos eruerent: elapsus ad Carolum, cum exercitu Romam reduxit: supplicia de reis sumpta. Sedebant Constantinopoli Imperatores Græci, aut proferendæ hæresi, aut domesticis & intestinis bellis intenti, nullâ Italiæ, nec imperij curâ. Constantinus cum Matre de Imperio contendebat, & hæc prævaluit, ac filio oculos primum, tum vitam ademit: Sol septendium latuit tanti sceleris odio, ac navibus toto mari, ac sine luce errantibus, aut anchorâ fixis, dum lux rediret. Saraceni, Bulgari, Auaræque, Græciam vastabant: quod istis intactum reliquumque, civile bellum absumperat. Ergo ut inclinanti, imò labenti Imperio Leo subveniret, desperatâ à Græcis ope, Carolum deligit, & in Francos communi etiam Senatûs Populique Romani assensu, coronam deposuit, quam nemo magis ut ille tueri poterat, nemo melius Religionis aptare. Vide, quæ in Regali Sacerdotio (a) narrata sunt.

Factam esse hanc Imperij Occidentalis translationem auctoritate Romani Pontificis jam dudum Bellarminus ostendit duodecim Imperatorum, aliorumque Principum, quinque & triginta historicorum, septemque Pontificum testimonijs: ego, ne jam notis insistam, unum alterumque libabo.

Omnes historici, Græci, Latinique, quotquot de hac Imperij translatione loquuntur, eam Leoni Pontifici tribuunt, exprimuntque his verbis: *Carolus à Leone Papa coronatus est, ac Imperator appellatus est: Leo Francos Romam admisit: Carolus à Summo Pontifice ablato Patrij nomine, coronatus: Leo Papa Carolum fecit Imperatorem: Leo de Græcis Imperatoribus ad Reges Francorum & Germanos Imperium transfudit: Leo Carolum ad imperium unxit, & hanc dignitatem à Græcis in Francos transfudit: Leo illustra Caroli merita remunerans, eum Imperatorem appellat.* Sic omnes scribunt, nec aliâ dicendi formulâ utuntur, cum hujus rei mentionem faciunt, ut bene Spondanus (b) & ipse Gallus pronuntiet: *Non tantum Eginhardus & Anastasius de collata per Leonem Pontificem dignitate Carolo M. sunt testes, sed fatentur id ipsam Latini omnes, & Græci*

(a) Reg. Sacerd. f. 136. (b) Spond. ad ann. 800.

& Græci auctores. Quoddè Carolus aut jure belli, aut Senatûs Populique Romani donatione Imperium acceperit, nullus omnino meminît, sed populo solas acclamationes tribuunt, quæ utique Imperatorem haud faciunt. Jam verò in rebus ad historiam pertinentibus, quæque nisi ex scriptorum fide sciri non possunt, cur non potiùs id dicas, credâsque, quod omnes dicunt, quàm quod omnes tacent? & quæ ratio velit, ut, quod omnes asserunt, tu neges, & quod omnes tacent, tu asseras? & verò si non Leo Imperium in Carolum transtulit, sed Senatus aut Populus, cur ex tot auctoribus Græcis, Latinisque, nemo Senatûs, nemo Populi meminît, omnes Leonis? aut cum aliquam Populi, Senatûsve mentionem faciunt, cur istis solas acclamationes tribuunt, de Leone verò, transtulisse Imperium, fecisse & appellâsse Imperatorem dicunt? cum potiùs contrarium dici oporteret; si enim Carolus à Senatu, Populoque Imperium habuit, ergo principales, præcipuæque partes Senatûs & populi erant, & huic translatio & appellatio, non Leoni, ministro tantum, non auctori, adscribenda erat: quemadmodum licet S. Bonifacius Archiepiscopus Moguntinus Pipinum, Filiûsque Reges Francorum unxerit, nemo tamen scriptorum dixit, Bonifacium transtulisse in Carolum Regnum, Reges constituisse, sed Zachariam, cujus jussu & auctoritate Bonifacius agebatur, nec auctor, sed minister erat. Patet ergo ex omnium Latinorum, Græcorumque testimonijs, ac uniformi loquendi modo, non solum titulum & Coronationem, sed ipsam Dignitatem ac potestatem Imperatoriam à Romano Pontifice in Carolum translatam esse.

Ludovicus Imperator conquerenti Basilio Imperatori, quoddè titulum ac dignitatem Imperatoris usurparet, soli Græco debitam, hæc per Legatos & epistolas respondit, anno 871. datas; hoc est septuagesimo post translationem anno, recenti adhuc facti rerumque memoriâ: (a) *Mirari, inquit, se Fratemitas Tua dilecta significat, quoddè non Francorum, sed Romanorum Imperator appellemur; sed scire te convenit, quia nisi Romanorum Imperator essemus, utique nec Francorum. A Romanis enim hoc nomen & dignitatem assumpsimus, quorum gentem & Urbem divinitus*

(a) Epist. Ludov. II. Imp. ad Basilium æquè Orient. Imp. anno 871. ap. Baron. ad eund. ann. n. 51. & Andr. du Chesne Tom. 3.

vinitus gubernandam, & matrem omnium Ecclesiarum DEI gubernandam suscepimus, ex qua & regnandi prius, & postea imperandi auctoritatem profapia nostra Seminarium sumpsit; nam Francorum Principes prius Reges, deinde Imperatores dicti sunt ij dumtaxat, qui à Romano Pontifice oleo sancto perfusi sunt. Preterea cum tales saepe ad Imperium sint adsciti; qui nullâ divinâ operatione per Pontificum ministerium propositi solum à Senatu & Populo, imperatoriâ dignitate potiti sunt: nonnulli verò nec sic, sed tantum à militibus sunt acclamati, & ipsi Patres nostri gloriosi Reges absque invidia Imperatores nos vocitant, attendentes ad unctionem & sacrationem, quâ per Summi Pontificis manus sumus ad hoc cultum proveci. Et ibidem: Illud autem mirarimur possumus, quòd sublimitas tua ad novam & recentiorè appellationem aspirare nos autumat, cum non solum, vel tunc ab Avo nostro, non usurpante, ut perhibes, sed DEI nutu & Ecclesie iudicio, Summiq; Pontificis per impositionem & unctionem manus obtinuit. Vides in his litteris Ludovicum Imperatorem non belli, non Senatûs Populique Romani, quasi ab his Imperium accepisset, sed solius Pontificis meminisse: nec dicit, Carolum Magnum populi, aut Senatûs iudicio, sed DEI nutu & Ecclesia, Summiq; Pontificis iudicio Imperio potitum esse. Cur ergo semper Populum & Senatum excludit, si ab istis Imperium sumpsit? annon poterat eadem operâ jus belli, ac popularis electionis prætexere, si Imperium istis debebat? aut forsitan quæ in Ludovici familia, & adhuc recentia contingebant, melius Maimburgo post tot secula scribenti, quàm ipsi Ludovico constabant? & quis credat homini privato, abditoque, & curis huius mundi soluto, qualem se Maimburgus proficitur, magis Imperij iura, titulôsq; quàm Imperatori explorata esse? imò quod bene observandum, idem Ludovicus titulos obtinendi Imperij diligenter distinguens, alios militum, Senatûs, populique consensu, se verò DEI nutu, & Ecclesia Summiq; Pontificis iudicio electum dicit, & Imperio potitum; non ergo Senatui, non populo Romano, non armis hoc debuit, sed post Deum Ecclesie & Pontificis dono.

Albertus Imperator (a) in litteris ad Bonifacium VIII. *Prosteor, Beatissime Pater, me honorum omnium largitori ac vobis fore pro innumeris misericordijs ac immensis beneficijs obligatum, &c. Recognoscens igitur, quòd Rom. Imperium per Sedem Apostolicam de Gracis translatum est in personam Magnifici Caroli in Germanos, &c.*

Yyy

Prin-

(a) Albert. Imp. in lit. ad Bonif. VIII. anno 1303.

Principes Electores (a) in litteris ad Nicolaum III. PP. Nos Principes Imperij universis presentem paginam inspecturis, &c. Complectens ab olim Romana Mater Ecclesia quoddam quasi germanâ charitate Germaniam illam eo terrena dignitatis nomine decoravit, quod est super omne nomen, temporaliter praesidentium super omnem terram, &c.

Clemens V. in Concilio Viennensi Oecumenico : *Romani Principes Sacrosanctam Ecclesiam Romanam, ac Romanum Pontificem fervore fidei venerantes eidem Romano Pontifici sua submittere capita non reputabant indignum, seque illi & eidem Ecclesiae Rom. quae à Graecis Imperium transtulit in Germanos, adstringere vinculo Juramenti &c.* Nota, hoc etiam testimonium maximi ponderis esse, quippe à Pontifice Gallo, in ipsâ Gallia, praesente, audiente & approbante totâ Ecclesiâ Gallicanâ, ac tandem ipsis actis Concilij Oecumenici insertum, aded ut non tam Clementis Pontificis, aut Concilij Decretum, quàm totius Ecclesiâ Gallicanâ haberi debeat. Et ipse Maimburgus rei veritate convictus, & hoc Concilij Viennensis, & illa, quæ suprâ citavimus, Electorum, & Imperatorum testimonia : (b) *Tanquam verissima, indubitata, & aded fide digna pronuntiat, ut ea nec negari, imò nec indubium vocari posse dicat. Sed addit, intelligenda esse, non de vera, realique potestate, sed tantum de ritu & ceremoniâ ac coronatione externa; in electione enim, ipsôque electo Imperatore duo distingui: primum, quod sit caput supremusque Princeps & Monarcha Germanici Imperij, à quo Principes alij dependeant, & hoc primum quod spectat, nec Electores, nec Imperatores à Romano Pontifice quidquam accepisse; cum Jure naturali, divinôque, ut in alijs Regnis electivis, sic & in Germanico Imperio possint Opimates sibi Caput & Principem deligere. Secundum, quod in electo Imperatore spectari debeat, esse, quod electus solus, exclusisque alijs omnibus unice Jus habeat coronam à Romano Pontifice postulandi: hanc verò Coronationem à Romano Pontifice fluxisse quidem, esse tamen ritum haud necessarium, & sine quo tota Majestas Imperatori constet. Hæc Maimburgus in libro de Imperij Declinatione; & in historia Iconoclastarum: (c) *Carolum M. Imperium Occidentis, ipsamque Italiam bello occupasse ait; Romam verò populi Romani donatione: nec aliud à Leone Papa, quàm Coronam, hoc est,**

(a) Lit. Princ. Elect. anno 1269. Indict. 7. Rodolphi Imp. ann. 6. V. Baron. ad ann. 996. n. 44. & Bellarm. l. 3. c. 3. V. Serrar. lib. 1. rerum Mogunt. & Grets. in defens. Bellarm. c. 18 (b) Maimb. de la decadenze de l'empire lib. 2. ad ann. 996. (c) Id. in hist. Iconocl. lib. 4. an. 800.

non ipsum Imperium, sed insignia tantum, nudamque ceremoniam accepisse: imò nec ipsam, nisi Civium Romanorum precibus compulsam, eum sine sine Augustum conclamantium, tunc enim nec prius à Leone coronatum. Additque: Se quidem de hac Imperij translatione nolle sententiam pronuntiare, eamque arbitrio lectoris committere; principia tantum statuisse, ex quibus rei veritas facili deduci possit. (hæc principia sunt, quæ modo ex eodem scriptore commemoravi) Eum verò, qui alia, quàm ipse principia statuat, omnino errare, & à vero abluere, pulchrâque rerum ideas & imagines velut somniantem ante oculos ponere, quæ delectent quidem, sed nunquam fuerint. Carolum ergo Magnum jure partim belli, partim hereditario magnam Occidentis partem obtinuisse; quid ergo illi defuit, ut Imperator duceretur? quod si dici noluit, modestiâ fuit; maxime postquam dono & sponteâ Populi Rom. subjectione Romanæ Urbis potius est; nam eandem ob causam Odoacer & Theodoricus Imperatores appellati sunt, subactâ Româ. Hæc Maimburgus citatis locis, repetitque Tractatu de Romana Ecclesia c. 29. Quæ omnia ex Matthæo Illyrico Lutherano Centuriatore accepta sunt, nec quidquam Gallicas voces Maimburgus ex suo addidit, mirumque est, Maimburgum, cum hæc Lutherani argumenta ex Bellarmino, ubi ea legerat, descripsisset, non etiam Bellarmini solutiones adjecisse; curenim has dissimulavit, si bonas? aut si malas, cur non evertit? aut quæ Religio, ac bona fides fuit, quæ Lutheranis nobis objiciunt, pro argumentis suis sumere, & quæ nos illis respondemus, silentio à Maimburgo premi? ergo ut vinceret in mala causa, non erubuit Lutheranum advocare, eumque mendacijs præcipuum, turpi utique triumpho, quamvis vicisset. Sed ad singula respondendum. 1. Dicit, solam coronationem, ritumque externum à Pontifice Maximo, non veram & Imperatoriam potestatem tributam Carolo esse, hanc enim Senatui, Populoque & militi, non Leoni adscribendam. Si ita est, cur ergo nemo ex tor scriptoribus antiquis (nam recentiores haud moramur, Sigibertum vid. & alios paucos) qui eam translationem commemorant, Populo aut Senatui adscribunt, sed Leoni tantum? nam si Leo instrumentum fuit, populus verò & Senatus auctor, & causa principalis, cur tantum opus non causæ potius principali, quàm instrumento dicaretur? cur solas acclamationes populo tribuunt, cum potius rem ipsam, collatamque dignitatem tri-

buere debuissent, si vera sunt, quæ Maimburgus narrat; nam quod scribit, prius à populo, Senatūque Carolum Imperatorem acclamatum esse, quàm Leo coronam imponeret, falsum esse ex Eginhardi historia constat, qui Carolo à secretis, & spectaculo interessat, sic enim loquitur: (a) *Cum die Sacratissimâ Natalis Domini ad missarum solennia fuisset ingressus, & coram Altari assisteret, Leo Papa coronam capiti ejus imposuit, cuncto Romanorum populo acclamante; Carolo Augusto à Deo coronato &c.* Et Anastasius in vita Leonis: *Tunc almissus Pontifex manibus suis proprijs pretiosissimâ Coronâ coronavit eum, tunc universi fideles unanimiter exclamarunt: Carolo piissimo Augusto à Deo coronato, Vides, semper Coronationis prius mentionem fieri, quàm acclamationis: nec populum acclamasse, nisi jam coronato; eodémque modo alij Scriptores narrant, vid. Annales Francorum, Aimoinus, Otto Frisingensis, alijque. Quæ ergo Maymurgus fides, tam comperta & vulgata neganti? hausit nimirum ex Illyrico Centuriatore, cujus argumenta descripsit, & quo nemo mendacijs largior. (b) Et planè consuluisse Maimburgus famæ ac pudori suo, si postquam animo fixerat veritatem oppugnare, alium saltem ducem elegeret, & mendacijs minùs infamem. Nota etiam in vita Carolica verba Eginhardi: *Imperatoris & Augusti nomen in tantum aversatus est, ut affirmaret, se eo die nunquam Ecclesiam intraturum fuisse, si Leonis consilium scire potuisset; cur non dicit: Si Senatus Populique Romani consilium præsire potuisset? Nisi quia rem totam ex Leonis auctoritate pendere intelligebat. Sed & illud mirum, certumque indicium falsi, in re tam celebri, ac certatim à tot historicis, Græcis, Latinisque conscripta, ne unum quidem à Maimburgo allegari posse suæ sententiæ testem; nam si aliquem haberet, quanto illum apparatu, pompæque verborum in scenam produceret? id enim solet; cur ergo credas, quod nemo dicit, neges verò, aut in alienos sensus detorqueas, quod omnes, & tanto numero, clarèque dicunt? ergo majorem nemini, quàm omnibus fidem habeas? Sed & ipse Maimburgus locis suprà citatis fatetur, documenta & testimonia Innocentij III. in capit. *venerabilem. de elect. Principum Electorum, Alberti Imperatoris, & Concilij Vienne*nsis**

(a) Eginh. in annal. ad an. 801. (b) De Illyr. mend. v. Bellarm. lib. de transl. Imp. c. 2. & Baron. ad ann. 800. n. 17.

nenfis (a) esse certissima, indubitata, nec posse negari nisi fundamentis historia, fideique humana convulsis. At verò hæc ipsa & indubitata testimonia non solum de ritu ac ceremonia externa, & coronatione non necessaria, sed de vera, realique Dignitate Imperiali intelligenda esse tam clarum est, ut nihil magis; sic enim sonant: Germanis Principibus concessum esse Jus eligendi Advocatum & Defensorem Ecclesia: Electoribus dissidentibus posse Romanum Pontificem non tantum Imperatorem, sed etiam Regem eligere, alio rejecto, omnique dignitate excluso: posse Pontificem declarare, electum à Principibus, propter hæresin, Censuram, aliudque impedimentum inhabilem Regno esse: posse imò teneri subditos ab eo, quem Pontifex, ejusve Legatus excluderint, omnino deficere, & juramento solvi: Imperium auctoritate Pontificis à Græcis in Germanos translatum esse: Imperatorem ab eodem Pontifice per Electores recipere temporalis gladii potestatem. Hæc omnia sunt verba ipsissima Innocentij, Concilij Viennensis, Alberti Casaris, ac Principum Electorum, quæ an explicari possint de sola ceremonia externa, ritûque haud necessario, clarius est, quàm dici debeat; mirumque sit, Gallos ipsos Maimburgo non irasci, tam infirmis, caducisque humeris tantam molem sustinenti, & supra vires conanti. Accedit & insigne Glabri testimonium (qui & ipse Gallus fuit, & utique ex sensu Gallicane Ecclesiæ scribebat) dum Jure Imperatorem eligendi necdum ad Septem-Viros translato hæc scribit: *Illud nimium concedere ac perhonestum videtur, atq; ad pacis tutelam optimum Decretum, scilicet, ut ne quisquam audacter Imperij Romani Sceptrum prapropere gestare Princeps appetat, seu ut Imperator dici aut esse valeat, nisi quem Papa Sedis Romana morum probitate delegerit aptum Reipublica, eique commiserit insigne Imperiale.* (b) Additque causam: *Quod olim ubique terrarum quilibet Tyranni sese provocaciter impellentes sapissimè essent Imperatores creati, quanquam minus apti Reipublica.* Asserit hinc Glaber, ad Romanum Pontificem publici boni, vitandæque Tyrannidis causâ pertinuisse, non solum coronare, sed etiam deligere Imperatorem, & contra Pontificis voluntatem neminem dici Imperatorem, imò nec esse potuisse: non ergo Pontifex ritum tantum externum, nec necessarium circa Imperatores

exerce-

Y y 3

(a) Maimburg. de la decad. lib. 2. ad ann. 996. propè init. (b) Glaber. lib. 1. in f. floruit circa ann. 1040. V. & Panvin. de Comit. Imper. & Regal. Sacerdot. fol. 148.

exercebat; hic enim non pertinet ad *delectum Imperatoris*, & ad hoc, ut dicatur aliquis, *suus Imperator*: & verò quid compescendis tyrannis solus hic ritus profuisset, si nihil Imperatoribus dabat, adimebátque? num tyranni titulis tantum, & specie coercentur rebus vacuà? Commendat verò Glaber hanc in Pontifice potestatem, eamque dicit *Reipublica necessariam*; tantum abest, ut eam reprehendat, & inconcessam credat. Vides ergo, quæ tunc temporis fuerit Ecclesiæ Gallicanæ sententia. Sed ad convincendam Maimburgi vanam illam distinctionem, egregium est testimonium (a) Synodi Ticinensis, in qua expressis ac conceptis verbis habemus, Coronationem illam, quam Pontifices præstant, non esse merum ritum externum, nudumque ministerium, *sed electionem & approbationem, & solemnem ad Imperij Romani sceptræ protectionem*. Quod postea Decretum Concilij Ticinensis ab Episcopis Galliæ in Synodo Pontigonensi *actione 2.* lectum, approbatumque est, teste Aimoino; excluso Ludovico fratre Germaniæ Rege, & Imperij æmulo. Et quamvis Galliæ Antistites in eadem Synodo Pontigonensi nunquam flecti potuerint, ut contra Galliæ privilegia Ansegiso Archiepiscopo Senonensi Primatum deferrent: quamvis subornato privilegio, & Caroli Imperatoris potentiâ, id enixè urgentis, fulciretur; ubi tamen de Imperatoris electione actum est, omnium assensus extemplò secutus, reverentiâ Pontificis Romani. Nec ulli Episcoporum in mentem venit, ut dicerent, supra Pontificis Romani potestatem id esse, eoque Regni & Ecclesiæ Gallicanæ libertates violari; nam si violari istas crederent, cur non eodem animo, eademque constantiâ Pontifici & Carolo obfisterent, quâ utique obfiterunt, cum pro Archiepiscopo Senonensi Primatum peterent? non ergo obluſtandi animus, sed ratio illis defuit; elucet hic iterum, Coronationem à Pontifice factam non fuisse Galliæ iudicio speciem tantum ac pompam externam, sed Juri ac potestati Imperatoriæ conjunctam. Equidem non id ago, ut hic decidam, jure an injuriâ Joannes VIII. Carolum Calvum promoverit, neglecto Ludovico fratre, sed solum ut Pontificis Romani ostendam in Impe-

(a) Syn. Ticin. §. unde nos. Habetur in annal. Pichæi f. 391. & apud Baron. ad ann. 876. V. Spond. ad eund. ann. n. 2. & ann. 875. n. 2. Syn. Pontigon. A & 2. apud Spond. anno 876. n. 2. & Aimoin. lib. 5. c. 33. Grets. Apol. Baron. c. 15.

Imperatores exercitam, agnitamque à Gallis potestatem. Credo equidem satis auctoritate probatum, Leonem, cum Carolum Magnum Imperatorem pronuntiavit, non solum ei nomen, sed etiam Imperatoriam potestatem contulisse; sed etiamsi auctoritas abesset, id satis ratio ostenderet; si enim ante Leonis Coronationem jam Imperator Carolus, ut contendit Maimburgus, cur nulla apud auctores istius Imperij mentio? cur modò post Coronam à Leone acceptam ab omnibus historicis Imperator appellatus? cur in omnibus Diplomatis ante Coronationem datis Regis titulum, postea verò Imperatoris præfigit? & denique cur anni illius Imperij modò à Coronatione numerantur? si enim Coronatio res tantum accidentalis erat, nullumque Jus Imperatori tribuebat, & Carolus multò prius Imperator, cur non potius ab ipsa vera realique potestate, quàm à mero titulo umbræque Dignitatis anni ducebantur? quod perinde est, ac si Regni sui annos non ab ea die numeret aliquis, quâ successit, vel electus est, sed ab eo, quo cum Sceptro & purpura in publicum processit; cum tamen fieri possit, ut multis prius annis Rex fuerit, quàm insignia Regni induerit. *Sed*, inquit, Maimburgus, *modestia feci, ne vellet Imperator appellari.* Inane responsum. Modestia enim aliena tantum usurpari prohibet, non proprijs uti; quis enim modestiæ adscriberet, & non potius aut hypocriti aut pudori rustico, si qui Parochus est, nollet Parochus dici: & qui Episcopus est, omnique conatu Episcopatum captasset, nollet eo adepto Episcopus vocari? quod si Carolo tanta modestiæ cura, oportebat illum non tam titulo & insignibus irasci, quàm ipsi dignitati & potestati Imperatoriæ, quam teste Maimburgo tot prius annis adeptus erat, ac Græcis eripuerat: ipsique Græci nunquam prius de Carolo conquesti sunt, quasi Jura Occidentis Imperatorum occuparet (cum tamen multos jam annos præter Franciam & Germaniam Italiæ potiretur) sed modò, cum coronatum illum à Leone audierunt; id manifesto argumento est, non ante Coronationem Imperatorem fuisse, sed Regem; quod in Carolo æquè ac in alijs Longobardorum Regibus patienter Græci ferebant.

II. *Sed*, inquit Maimburgus, *quid Carolo deerat, ut Imperator dici ante Coronationem non posset, cum jam maximà Occidentis parte potiretur, & quantà nemo alius Imperatorum, Franciâ videlicet, Alemanniâ, Italiâq., aut quid illi Coro-*
natio

natio adjecit, quod prius non haberet? Resp. Hoc argumentum ex Illyrico descripsit Maimburgus, recitatque Bellarminus, *l. de transl. imp. c. 13. arg. 16.* Sed Maimburgus, ut tempori ac calamo parceret, Illyrici argumenta velut sua deprompsit, tacuitque Bellarmini responsa. Concedo ergo, magnam Occidentis Partem Carolo paruisse, sed ut Regi, non Imperatori; prius enim quàm Carolo hæc dignitas à Leone conferretur, legitimi Imperatores Occidentis Græci erant: nec oberat, paucas in Occidente Provincias eis tunc temporis paruisse; constat enim, Jura Imperij aut Monarchiæ vel in una Civitate, & exiguo terræ spatio conservari, quod leges Romanæ & ex illis Hermes (a) insignis Juris-Consultus egregiè ostendunt; & quantula Imperij Romani pars est, quam nostri Imperatores obtinent? Cum ergo Occidentis Imperatores Græci essent, & in Italia Siciliam, Neapolin, Apuliam, Calabriamque tenerent, non poterat Carolus Imperator esse aut dici, nisi translato per Leonem Imperio: nec verò hæc Translatio merè titularis fuit & honoraria, ut putat Maimburgus; nam primò novus Imperatoris & Augusti titulus accessit, & cum titulo Jus præcedendi, gaudendique omnibus Privilegijs Romani Imperatoris, quæ tunc temporis majora fuisset, quàm nostrorum Imperatorum, exemplo Henrici II. constare videtur, qui missis ad Concilium Turonense Legatis (b) graviter de Ferdinando Magno Castellæ & Legionis Rege conquestus est, quòd titulos & insignia Augusti usurparet, nolletque Henrico legitimo Imperatori obtemperare; & Ferdinandus Victori II. ut alienis honoribus abstinere monenti, modeste acquievit. Quanti verò etiam nuda insignia, tituli que, ac Jus præcedendi à magnis Principibus fiant, quantæque pro illis contentione certetur, nihil attinet dicere, quippe & antiquis, & recentibus exemplis res nota est. Nec diffitetur (c) Maimburgus, Nicephorum Logothetam, qui Irenæ successerat, ægerime tulisse, acceptum à Carolo Imperatoris nomen; sed cum armatum illum, victoremque metueret, amicum quàm hostem maluit. Basilii quoque graviter cum Ludovico II. per literas exposulavit, (d) quòd

(a) Hermes in fascie. Juris publ. l. 1. q. 3. n. 30. argum. L. 7. ff. quod cuiusque univ. b) Anno 1015. (c) Maimb. des Iconcl. l. 4. f. 102. (d) Spond. ad ann. 871. & 968. Anastas. in Vita Hadr.

quodd non Regem, sed Imperatorem se scriberet, ejusque Legatos in Synodo Constantinopolitana pessimè habuit, quodd Ludovicum Imperatorem appellassent; imò ex literis Apostolicis, quas dolo corruperat, expungi hunc titulum fecit; eandemque ob causam indignè accepti Ottonis Primi (a) Legati à Nicephoro Phoca, cujus privignam Ottoni filio petebat. In Occidente verò palàm est, quanti hic titulus & Corona ab Imperatoribus ambirentur: hinc omnium ferè Imperatorum à Carolo M. usque ad Rodolphum in Italiam (b) expeditiones; nec anni Imperij à die successionis, velectionis, sed à die Coronationis per Romanum Pontificem numerabantur, ut passim in historia occurrit, & in Regali Sacerdotio exemplis probatum. Patet ergo, quanti à Græcis, Latinisque hæc Coronatio fieret, quantumvis daremus, quod tamen falsum est, merè titularem fuisse. *Secundò*, accedebat præter titulum Imperatoris jus quòque non tantum eas Provincias occupandi, quæ ad Imperium Occidentis pertinebant, à Græcis, aut injustè ab alijs possessæ (erant verò Apulia, Calabria, Sicilia, Neapolis, Illyricum, Candia, Dalmatia, Cyclades insulæ) sed etiam retinendi, quæ Carolus Longobardis, & Longobardi Græcis eripuerant; Longobardi enim injusto bello Italiam, & per Tyrannidem invaserant, non ergo ejus Dominium Græcus amiserat, & idèd nec Carolus retinere eam poterat, quippe legitimo, invitòque Domino ablatam: & Græci nunc Legatis ad Pipinum missis, nunc classe in Carolum armatà & atroci pugnà defuncti Duce Adagiso Desiderij filio Italiam repetebant; cesseruntque eà tandem pace cum Francis ac fœdere composito, ac Sicilià, Calabrià, Apuliàque retentis: sed id translatò jam Imperio evenit. Ut ergo Carolus justo titulo Italiam possideret, non suffecit, ut Longobardos bello vinceret, isti enim non Domini Italiæ, sed raptores erant, nisi insuper Imperio Occidentis augeretur, quod, ut dixi, à Leone ei præstitum. Cùm ergo Maimburgus quærit, quid hæc translatio Carolo adjecerit, jam aliàs majorem Occidentis partem obtinenti? Respondeo, adjecisse titulum, præcedentiam, & alia Imperatorum Occidentis privilegia, ac insuper jus Italiam à Longobardis possessam occupandi, aliàsque insuper Provincias, quæ ad Imperium

Z z z

Occi-

(a) Spond. ad ann. 968. (b) Vide Reg. Sacerd. f. 148.

Occidentis pertinebant, nec Longobardis paruerant, vindicandi; & jam Pipinus Caroli filius bello accingebatur; sed ut dixi, Græcus prævenit, festinatâ pace, quod Æmilius in vita Caroli observat.

III. Objicit insuper Maimburgus: *Romæ Imperij Caput spontaneâ Senatus Populique Romani cessione Carolo advenisse, ergo jam antè dici Romanorum Imperator poterat, quàm à Leone coronâ cingeretur: sic Odoacer & Theodoricus Imperatores dicti sunt, Romæ adepti. Respond.* Promiserat Maimburgus, se de Imperij translatione ea dicturum, quæ ipsam lucem vincant certitudine, nec in dubium vocari possint; nunc promissi oblitus rem ponit incertissimam: incerta enim sunt, quæ de spontanea Romanorum subjectione narrat (nam Agilbertus, Abbas S. Richardi, non Francis jurâsse Romanos, sed Pontifici Leoni iussu Caroli Imperatoris, scribit) & videri potest Bellarminus (a) de Translatione Imperij. Sed juraverint Carolo Romani, at id fieri potuit iussu & auctoritate Pontificis Romani, à juramento, quod Græco fecerant, solutis; imò ita factum esse persuadent *tum* omnium scriptorum vota, uni Pontifici hanc Imperij translationem adscribentium, *tum* exempla Zachariæ Pontificis, & Stephani IV. de quo Theagnus, & ex illo Maimburgus: (b) *Stephanus postquam Pontificatum suscepit, statim iussu omnem populum Romanum fidelitatem cum Juramento promittere Ludovico.* Sed demus, populum Romanum se Carolo subjecisse, demus, id sponte sua, non Leonis auctoritate aggressum esse, non idèò Carolus Romanorum & Occidentis Imperator; Imperialis quippe dignitas non est loco & Urbi alligata, alioquin qui hanc haberet, continuè Imperator esset, qui non haberet, non esset; ergo nec Leopoldus, nec alij longâ serie Augusti Imperatores Romanorum dici possent, nam Româ caruere: an verò Reges Hispaniæ, Galliæ, Angliæque Romanorum Imperatores, quia Regnis præsunt, quæ olim Provinciæ fuerant Romani Imperij? non ergo Roma, non Romanæ Provinciæ Imperatores faciunt, sed qui legitimo ordine, jure videl. sanguinis, aut electionis Romanis Principibus succedit, sive is Romæ, seu Viennæ Regiam figat, nam ut observat Poëta:

Sejos habitante Camillo

allie Roma fuit.

Patet

(a) Bellarm. de Transl. Imp. l. 1. c. 1. n. 15. & c. 13. ad 11. (b) Maimb. des Iconocl. lib. 4. ad ann. 800. Theagn. de gest. Lud. Pij c. 16. 17. 18.

Patet ergo ex dictis, quàm multis partibus Maimburgi laboraret obiectio; nam quod de Odoacre & Theodorico addit, quâsi occupatâ Româ Imperium gellerint, infelicitèr, imperitèrque ex Illyrico suo descripsit, qui hoc ipso argumento utitur (a) de translatione Imperij pag. 26. quamvis centurium in Centurijs docuerit *Centur. 6. c. 16.* Quid rogo Barbari & Tyranni exemplum probeat? eodem enim Jure Imperium & Italiam tenebant, quo Pyratæ & latrones viatorum spolia, tantùmque ad probandum Theodorici & Odoacris exemplum valer, quantum pyratarum & latronum; ubi videas Maimburgi paupertatem tam infelicibus exemplis usi, cum alia deessent malæ causæ firmamenta. Deinde Theodoricus non ob Romam, Italiamque occupatam Imperator dictus, sed dono Zenonis, qui triumphum, Consulatam, & equestrem in foro statuam Theodorico detulit, imò in filium adoptavit, præmia bellicæ virtutis, navatæque contra rebelles operæ: sed ipse fortunam suam non ferens, & majora, quàm caperet, animo agitando, primò Orientem, tum Italiam tentavit, subegitque, Benefactori suo ingratus, de quibus Evagrium, (b) Ennodium, Jordanemque Episcopum consule.

IV. Objicit etiam (c) Maimburgus in libro de Imperij declinatione: *Friderico Primo Imperatore vehementer Hadriano IV. Pontifici in senso, quod in literis ad eum datis hæc verba posuisset; in signe Corona beneficium tibi contulimus; Hadrianum repetitâ ad Casarem Legatione protestatum esse, se illis verbis nihil aliud significare voluisse, quàm imperialis dignitatis in signe capiti suo imposuimus.* Fatetur ergo Hadrianus, nullum aliud Pontificis munus esse circa Imperatores, quàm Coronam eis imponere; & hoc totum esse, quod præstant, cum dicuntur Imperatorem constituere, quod, etiam Fridericus in Conventu Principum his verbis expressit, teste Radevico, (d) Ottonis Frisingani Continuatore: *Libram Imperij nostri Coronam divino tantum beneficio adscribimus; electionis primam vocem Moguntino Archiepiscopo, deinde quod superest, cæteris secundum Ordinem Principibus, Regalem undionem Colonienfis, supremam verò, quæ Imperialis est, Summo Pontifici, quidquid præter hæc ex abundanti est, à malo est.*

Z z z 2

Ergo

(a) V. Bellarm. de transl. Imp. l. 1. c. 1. n. 7. (b) Euagr. l. 3. c. 25 Enno d. in Paneg. Jord. Episc. in Orat. Spond. alijsque (c) Maimb. de la decad. l. 5. f. 432. (d) Radev. lib. 2. cap. 15. & 16.

Ergo ex Hadriani & Friderici sententia, cùm Pontifices Imperatorem coronant, nihil exhibent præter externam ceremoniam, sacramque Unctionem: *Idque*, inquit Maimburgus loco citato, *tota hæcenus Gallia credidit; quidquid enim Imperialis potestatis in Occidente Carolus & Otto Magni possederant, aut paterna hereditati, aut gladio debent.* Respond. Confundit Maimburgus tempora, educitque argumentum, quàm visu speciosum rerum imperitis, tam historiam callentibus ne aspectu quidem dignum, quod, serè in hoc scriptore perpetuum. Cùm hæc Episcopi Germaniæ ad Hadrianum ex mente Friderici scriberent, agebatur annus 1157. quo tempore Jus eligendi Imperatorem in certos Germaniæ Principes auctoritate Summorum Pontificum translatum fuerat. Sciendum enim est, dominante stirpe ac familiâ Carolinâ jure legitimæ successionis Regnum Germaniæ deferri (cui Imperium annexum erat) vel potius transmitti ad proximos Agnatos consuevisse; sed extinctâ Carolinâ stirpe Reges eligi cœpere. Ea in Ludovico IV. (a) Imperatore Arnulphi filio, ac sine virili prole defuncto, extincta est. Supererat ex Carolina stirpe Carolus cognomento Simplex, Franciæ Rex, sed eo ob ignaviam contempto, Imperium à Principibus Germaniæ Ottoni Saxonæ Duci, istoque recusante Conrado Primo, Franconiæ Principi, oblatum. Anno DCCCCXIX. moritur Conradus, & Henricus Auceps Saxonæ Dux, ad quem Conradus insignia Imperij transmiserat, communi Principum voto sufficitur. Anno DCCCCXXXVII. in Comitij Generalibus Aquisgranum indictis Otto Magnus Henrici Aucupis filius Rex Germaniæ pronuntiatur, inungiturque ab Archiepiscopo Moguntino. Ottoni, ejusque filijs, quò eos ad liberandam Romanam Ecclesiam invitaret à Tyrannidis oppressam Leo VIII. privilegium concedit, eligendi successores Germaniæ Reges, postea ad Imperium à Pontifice promovendos. Recitant hoc Privilegium non Baronius (b) tantum, sed etiam ipsi Centuriatores (c) Lutherani, verba Privilegij inter alia sunt etiam hæc: *Nos quoque Leo, servus servorum DEI, Episcopi similiter cum toto Clero & universo populo Romano constituimus, confirmamus, & per nostram Apostolicam auctoritatem concedimus, atque largimur*
Domino

(a) Anno 912. (b) Baron. ad ann. 996. n. 41. habetur cap. in Synodo. d. 63.
 (c) Centuriar. Cent. 10. cap. 16.

Domino Ottoni Primo Teutonico Regi, ejusque successoribus hujus Regni Italia in perpetuum facultatem successorum eligendi &c. Quo privilegio Otto ejusque filius usi sine alia electione, jure sanguinis Imperium adepti sunt. Witichindus tamen, Continuator Rheginonis, & Platina in vita Benedicti VII. etiam istos à populo electos dicunt. Post Ottones non amplius successione, sed electione provesti Imperatores, quod de Henrico II. Rege, & I. Imperatore, qui Ottoni III. successit, Conrado II. Rege & I. Imperatore, Hemrico IV. Rege & III. Imperatore, Henrico IV. Imperatore, Lothario II. Conrado II. Imperatore. Friderico I. Ottone IV. & Friderico II. docent Auctores (a) hic ad marginem citati. Sæpetamen in forma eligendi variatum, aliquandiu enim etiam populus ad suffragia admissus, imò Principes, Urbésque Italiæ, ipsique per suos Legatos Pontifices, quia videlicet Italiæ Regnum pars Germanici Imperij censebatur: aliquando ad solos Principes Officiales, Ministrósque Imperij jus eligendi spectavit: aliquando soli, omnesque, qui vellent, Principes Germaniæ. Tandem ad Septem Viros res delata, adeò ut ultima de Electoribus Constitutio multa capita complecteretur, videl: ut non hæreditate, sed electione Imperium quæretur; ut soli Principes, non populus eligat; ut soli Germani; ut non omnes, sed sex tantum aut septem. Fuisse autem institutum Collegium Electorale, receptumque non quidem quoad numerum Electorum, sed quoad alia electionis capita supra commemorata, ac Principibus Germaniæ jus eligendi concessum, idque ante obitum non solum Friderici II. sed etiam Friderici I. Imperatorum, dubitari non potest; id enim omnes Auctores (si Onuphrium Panvinum excipias de Comitibus Imperatorum, & Auentinum) gravissimique testantur, ac Friderico II. coævi; ij sunt S. Thomas, (b) Beatus Augustinus Triumphus, Lupoldus Bambergensis, Aluarus Pelagius, & Ioannes Villanus, alijque quos citat Bellarminus; hi omnes ad tempora Ottonis III. referunt hoc Privilegium, & facultatem Principibus Germaniæ datam circa Imperatoris electionem; & ab Ottone III. per ducentos & supra

Z z z 3

annos

(a) Otto Frising. l. 6. c. 27. & 28. l. 7. c. 22. & l. 2. de reb. Frid. Ursperg. in Chron. anno 1033. & 1106. Continuator Sigeberti an. 1126. Witich. l. 1. rer. Saxon. Luitpr. l. 2. c. 7. (b) S. Thom. l. 3. de Regim. Princ. c. 19. B. Aug. Triumph. de pot. eccl. q. 35. Lupold. l. de jur. Imp. c. 3. Alu. Pelag. l. 1. a. 41. Villan. l. 4. hist. Flor. c. 2.

annos usque ad Fridericum II. negari haud potest, Jus eligendi penes omnes Principes fuisse, id enim & ipsæ electiones ostendunt, & litteræ Romanorum Pontificum ad omnes Principes Germaniæ datæ de nova Imperatoris electione, Gregorij (a) videlicet VII. circa annum MLXXX, & (b) Innocentij III. MCC. Ipse Fridericus II. non à septem tantum, sed à quàm plurimis Germaniæ Principibus electus est, ut apparet ex Comitij ea de causa habitis. Numerus ergo Septem - Viralis aut à Gregorio V. natione Germano, & Ottonis III. Nepote institutus est, quod voluit Bellarminus; obijt verò Gregorius anno 999. & jus eligendi concessit Germanis in Synodo Romana anno DCCCXCVI. aut in Synodo Lugdunensi prima ab Innocentio IV. anno MCCXLV. quod probat Baronius (c) testimonio Matthæi (d) Parisiensis, & actuum Concilij Lugdunensis, in quibus id. clarè asseritur. Et verò multæ magnæque rationes erant, numerum Electorum ad paucos restringendi, ob ingentia mala, flammæque bellorum, quæ totum Imperium, Ecclesiâque in partes scindebant, vastabantque ambitione Candidatorum. Nisi malis dicere, in Concilio Lugdunensi primo non tam fuisse constitutum numerum Septem - Viralem, quàm renovatum, præceptumque observari, cùm hætenus induci Principes non potuissent, ut se jure eligendi abdicarent. Deberi verò hunc numerum, formamque eligendi Summorum Pontificum auctoritati, in Regali Sacerdotio (e) evidenter ostendimus, productis vid: testimonijs omni exceptione majoribus, ac etiam confessione adversariorum certissimis. Patet ergo ex dictis, frustrà à Maymburgotestimonia Hadriani PP. & Frederici I. Imperatoris objectari, nullum Jus Pontificij Romano, exceptâ Coronatione, sacræque Unctione agnoscentium; eo enim tempore totum Jus eligendi in Principes Germaniæ Pontifices transtulerant, & idè non Pontificum ea cura, sed Principum erat, nisi cùm Ecclesiæ & publicæ necessitas aliud exigerent; quæ ergo consequentia à Friderico ad Carolum Magnum, quando & ultima necessitas Pontificem urgebat, & jus Imperatorem eligendi necdum ad alio translatum?

V.

(a) Innocent. III. in cap. venerabilem. de elect. (b) Greg. VII. l. 4. ep. 3. (c) Matth. Paris. in V. Henr. III. (d) Baron. ad ann. 996. (e) V. Regale Sacerd. f. 166.

V. Allegat Maymburgus testimonium Ottonis Frisingensis, Viri sanctitate & eruditione præcipui, nec minus Pontificum, quam veritatis studiosi; is enim ita loquitur: (a) *Lego & relego Romanorum Regum & Imperatorum gesta, & nusquam invenio, quenquam eorum ante hunc à Romano Pontifice vel excommunicatum, vel depositum.* Hæc Otto non scriberet, si aut legisset, aut putasset, Græcos Imperatores majori parte Romani Imperij à Leone privatos esse. Et verò quis credat, à tam præclaro scriptore rem tam celebrem aut ignoratam, aut negatam esse? *Resp.* Ottonem Frisinganum (b) inter præclaros Scriptores numerandum esse nemo inficias jverit; sed & illud compertum, non caruisse illum nævis, quæ humanam naturam comitantur. Quantis ille laudibus Gilbertum Porretanum non extulit? aded ut S. Bernhardum, qui Porretanum confutabat, nimij ardoris incusaret: sed moriturus errorem agnovit, deploravitque, ac libros, quos ea de re scripserat, corrigi à suis jussit, teste Radevico (c) Canonico Frisingano. Quid ergo mirum, si Otto Imperatorum frater & Patruus naturæ aliquid & affectui indulserit? præsertim cum semper aulam & castra Cæsaris sequeretur, ubi querelæ in Pontificem perpetuæ. Et reverà deceptum Ottonem, cum scripsit, à nullo ante Gregorium Pontificem Imperatores Romanorum excommunicatos fuisse, plus quam certum est; nam anno CCXXXVI. Fabianus Papa teste Eusebio (d) Philippum Imperatorem multis delictis impiatum Ecclesiâ ejecit, nec prius admisit, quam publicâ pœnitentiâ & confessione veniam flagitijs impetraret. Anno CCCVII. Innocentius Pontifex Arcadium & Eudoxiam Imperatores ob proscriptum Chrysostomum anathemate percussit; inter alia litteris ad eos datis ita Pontifex loquitur: (e) *Itaque ego minimus & peccator, cui thronus Magni Petri commissus est, segrege & rejicio te, & illam, à perceptione immaculatum mysteriorum DEI nostri. Episcopum autem, aut Clericum Sanctæ DEI Ecclesiæ, qui administrare aut exhibere ea vobis ausus fuerit, dignitate excidisse decerno; quod siut homines potentes quenquam ad id vi adegeritis, scitote, id vobis non*
par-

(a) Otto Frising. in Chron. l. 6. c. 35. (b) Otto Frising. l. 1. c. 46. (c) Radev. in Frid. l. 1. c. 46. (d) Euseb. l. 6. hist. c. 17. Spond. ad ann. 146. n. 2. (e) Theodor. l. 1. c. 34. Niceph. l. 13. c. 34. Glycas Annal. p. 4. Extant Tom. 1. epist. Rom. PP. ep. Innoc. 17.

parvum peccatum fore, in tremendo illo Judicii die, cum neminem hujus vite dignitas & honor adjuvare poterunt. Anno DII. Symachus Papa Anastasium Imperatorem Sacris interdicat. Anno DXXXVII. idem fulmen in Theodorum Augustam Justiniani Conjugem: Quod pertinaciter Eutychianis faveret, à Vigilio Pontifice vibratum, ut testis est B. Gregorius Papa. (a) Anno DCCXXX. Leo Isauricus à Gregorio II. quod Sacras Imagines persequeretur, in Synodo Romana diris percutitur: testes sunt Theophanes, Zonaras, Græci & Latini omnes. Aut ergo deceptus est Otto Frisingensis, cum negat, quendam Imperatorum à Summis Pontificibus excommunicatum esse, aut intelligendus de Imperatoribus Germanis. Sed qui excusos Maimburgum tantum historiæ ostentatorem, & hæc noscitur? quique toties, tantoque verborum strepitu Baronio congreditur; nunc Ottoni propitium, eo solum nomine, quod contra Pontifices scribat; nam si Ottoni contra Imperatores similis error excidisset, quantâ putas solertiâ illi expromendo Maimburgus laboraret? aded hunc hominem non veritas, sed odium delectat. VI. Opponi etiam potest, quod narrat Sigebertus in Chronico, videl: Clodovæum Regem ab Anastasio Imperatore Codicillos de Consulatu, & Coronam auream accepisse cum gemmis, & tunicam blatteam, & ex ea die Consulem, & Augustum appellatum esse, ipsum verò Coronam cum gemmis Sancto Petro dono misisse. Causa quærendæ, parandæque cum Clodovæo amicitie bellum fuit cum Theodorico, (quod Pannoniam occupasset) Gothisque susceptum, quo tempore eisdem Gothos Clodovæus ingenti clade delevit, Alarico eorum Rege sua manu percusso. Si ergo, inquit, Anastasij Imperatoris dono Clodovæus Consul & Augustus fuit, sequitur hanc dignitatem Augustalem ad Clodovæi posteros, & consequenter Carolum Magnum, non Pontificis auctoritate, sed hæreditariò devenisse. Resp. Cum nullus Scriptorum Clodovæum, multoque minus ejus posteros in fastos consulares, aut numerum Imperatorum referat, palàm est, sola insignia, titulúmque Clodovæo oblata, non verò ipsam Consulis potestatem: & hoc ipsum fuisse prærogativam Personalem, & cum Clodovæo extinctam, nec in ejus posteros propagatam; quisenim ex omnibus Franciæ Scriptoribus

Reges

Reges Galliae Imperatores & Augustos appellavit? & quam ob causam Graeci Imperatores tam ægro animo hunc titulum à Carolo assumptum esse doluere, si ad ipsum, ejusque majores spectabat, Graecorum dono? Adde, nec Carolum Magnum ex Clodovæi, sed Pipini stirpe progenitum, & idem nec potuisse jure hæreditario gaudere Clodovæi privilegijs. VII. Objicit etiam Illyricus Sigeberti, Vincentij Belluacensis, & Lupoldi auctoritatem, qui videntur hanc Imperij Translationem non Pontifici, sed populo adscribere. Resp. Qui rogo sunt hi Auctores, & tam pauci numero, & tot annis à Carolo remoti, ut possint cum alijs innumeris, ac Carolo cœvis componi, qui omnes hanc Translationem Imperij non populo, sed Pontifici tribuunt? & cum Imperium non penes populum Rom. sed Græcos esset, qui poterant Romani tribuere, quod non habebant? idem perinde esset, ac si diceres, posse Gallos Imperium Romanum in Principes Borbonios transferre, cum tamen nec Galli hoc Imperium habeant, nec dare alijs possint. Et Sigebertus nihil aliud dicit, quàm (a) *populum Carolo Regi Imperatorias laudes acclamasse*. Lupoldus verò ex instituto probat, non potuisse à populo Romano Imperium transferri. Vincentius Belluacensis idem quod Sigebertus scribit, nihil ergo ex his Auctoribus probari potest.

Patet nisi fallor ex hætenus dictis, Romani Imperij Translationem auctoritate Romani Pontificis factam esse, & argumenta, quæ in contrarium opponuntur, tam esse infirma, & omnium præsertim antiquorum testimonijs aded convinci, ut vel hoc ipso imbecillitatem suæ causæ ostendant, quòd tam vanis nitantur: sed nescientibus imponunt; brevi tamen, & sædo mendacij solatio, placuisse imperitis, & decepisse. Nunc ad alia exempla hujus Pontificiæ potestatis vertamur, si minùs celebria, at æquè vera, semper tamen intra Galliam hærebimus, idem propositum mihi, ut longà, certaque inductione ostendam, quænam mens fuerit Ecclesiæ Gallicanæ.

VIII. Anno DXCIII. *Potentibus Francorum Regibus*, inquit Spondanus, *B. Gregorius Magnus Monasterio Sueffionensi S. Medardi in Gallia Privilegium concedit, quo illud constituit caput omnium Monasteriorum totius Gallie.*

A a a a

(a) V. Bellarm. de transf. Imp. l. 1. c. 10,

Gr

& nullius voluit dationi subijci, præterquam Sedis Apostolicæ. Initium hujus Privilegij sic habet: Pretiosissimis lapidibus in Diademate Christi, &c. Et infra: Si quis autem Regum, Antistitum, judicum hujus Apostolicæ auctoritatis & nostræ præceptionis Decreta violaverit, vel aliter ordinaverit, ejuscuq; dignitatis vel sublimitatis sit, honore suo privetur. Huic privilegio Theodoricus Rex, alijque Franciæ Episcopi subscripsere, ut intelligas, quæ tunc temporis Ecclesiæ Gallicanæ mens, & sententia fuerit. Adverte tamen, eam subscriptionem postea adjectam esse Theodorico Galliam gubernante; anno enim, quo ea Constitutio facta est, videl. DXCIII. Gildibertus regnabat. Tanta verò fuit modestia, pietas & doctrina Gregorij, ut eum aut fastu, aut ignorantia errasse, dubitare nemo possit.

IX. Anno DCIII. Idem Gregorius M. concessis privilegijs Xenodochio à Brunihilda Regina & Theodorico ejus nepote eandem clausulam subnectit, vid. *Si quis verò Regum, Sacerdotum, judicum hanc Constitutionis nostræ paginam agnoscens contra eam venire tentaverit, potestatis, honorisque sui dignitate privetur.* Nota circa has Epistolas, eas inter epistolas B. Gregorij (a) reperiri, & in omnibus quidem tam impressis, quam scriptis Codicibus, citantque non solum Gregorius VII. sed etiam illi, qui Galliæ monumenta collegerunt, vid. Andreas du Chesne, Jacobus Sirmondus, alijque quam plures Galli, & ab undecim fere seculis nemo de illis dubitavit. Maimburgus, cum nihil solidi objectare his epistolis posset, in solitas invektivas effunditur, & armis destitutus cymbalo perstrepat: *Impossuras crassissimas vocat, & inverecundos, qui earum testimonio utuntur.* Si quæras, quibus rationibus contra tot seculorum cursum nitatur, tamque insignes viros, ad quorum vix simbrias ipse assurgat, tam indignis censuris perstringat? nullas prorsus adducit, imò nec testes, perinde ac si Maimburgi auctoritas toties fœdara, & malæ fidei comperta tanti sit, ut undecim seculorum possessioni præferri debeat, & in ejus gratiam Gregorius Pontifex, Spondanus, alijque impudentiæ notari; nam quòd dicit; *repugnare Gregorij modestia tam severas Clau-*

(a) Greg. VII. l. 8. ep. 2. & l. 4. ep. 2. & 23. Sirm. Concil. Gall. T. 2. Andr. du Chesne hist. Franc. T. 2. Spond. ad ann. 593. n. 6. Baron. ibid. n. 95. Greg. M. l. 17. ep. 10. ind. 6. V. tract. de libert. Ecclesiæ Gall. f. 175. Maimb. traité de l'Eglise de Rome f. 403.

Clausulas ; jam suprà ostendimus, eum Gregorium fuisse, qui & obsequi sciret & imperare, & cùm necessitas posceret, modestiam severitati jungeret.

X. Anno DCCCXXIII. In Ludovicum Pium Imperatorem Pipinus, Lotharius, & Ludovicus filij armantur. Causa pudendi belli ambitio ; jamque acie congregi paratis Gregorius Papa, qui ex Italia advolaverat, pugnam diremit : sed eo digressò bellum iterum, litésque accensæ. Conventus Episcoporum Compendij habitus ; illic Sacerdotum auctoritate Imperium Ludovicum ademptum, & Lothario filio traditum. Audi annales Francorum ex Bibliotheca Pithœi editos, qui sententiam ab Episcopis latam ità referunt : *Omni*bus in Christiana Religione scire convenit, quale sit ministerium Episcoporum, quos constat esse Vicarios Christi, & Clavigeros Regni Cælorum, &c. Et infrà : Proinde notum esse necessarium duximus, qualiter nos Episcopi super Imperio Domini Lotharij Imperatoris constituti memoratum Principem humiliter addivimus, & hoc quidem illi, seu Optimatibus ejus, seu omnigenali. ui populi, quia undique illuc confluxerat, manifestari curavimus, qualis sit vigor & potestas, seu ministerium Sacerdotale, & qualis meretur damnari sententiâ, qui monitis Sacerdotalibus noluerit obedire. Et infrà : Sed quia idem Princeps Ludovicus ministerium sibi commissum negligenter tractavit, & multa, quæ DEO & hominibus displicent, fecerit, & facere compulerit, & in multis nefandis consilijs Deum irritavit, & populum sibi subiectum ad generalem interitum contraxit, & ab eo divino justoque judicio subitò Imperialis sui subtracta potestas, nos tamen, &c. Vides, quid Episcopi Galliæ senserint de Ecclesiastica in Regna potestate. Et quamvis postea (a) hoc Decretum, ut Æmilij & Marianus Scotus norant, auctoritate Gregorij Pontificis rescissum fuerit, & Juditha Augusta Imperio & thoro restituta, ac Lugdunensis Archiepiscopi temeritas multata, imò ab omnibus ferè Gallis execrationi habita ; non idè id fuit, quòd negarent, hanc esse in Ecclesia potestatem, sed quia, ut loquitur, qui res gestas Ludovici tunc temporis conscripsit, pro his, de quibus jam penitentiâ innotuerat, iterum publicâ penitentiâ judicatur. Cùm ne forenses quidem leges contra unam culpam semel commissam bis invehant vindictam, cùmque absentem & inauditum, nèque consentientem, neque convictum adjudicant. Ubi vides, non esse de potestate, sed de abusu querelam : imò Ludovi-

Aaaa 2

cus,

(a) Baron. ad ann. 833.

cus, quamvis exercitus affluerent, constaretque injustam esse sententiam, & urgeretur totius Galliae votis in thronum redire; ut tamen palam faceret, quantum ipse potestati Ecclesiasticae deferret, noluit nisi Episcoporum manibus Coronam recipere, gladioque accingi. Sic enim auctor vitae Ludovici: *At verò ij, qui cum Ludovico remanserant, enim ad recipiendas Imperatorias Insulas hortabantur, sed Imperator nequaquam propere eorum voluit sententia acquiescere, sed Episcopali ministerio voluit reconciliari, & per manus Episcoporum armis accingi consensit.* Agnovit ergo Ludovicus, esse in Ecclesia potestatem, quæ Imperatores moveat noxios Religioni; idque in Gallia aded receptum fuerat, ut non solum Ludovicus Imperator, sed postea etiam Carolus simplex id agnoverit; cum enim anno DCCCXCVIII. cum Normannis tunc temporis idolorum servituti addictis fœdus contra Odonem Franciæ Tyrannum pararet, Fulco Archiepiscopus Rhemensis, pietate & doctrinâ celeberrimus, reintellectâ Carolum ab incepto revocat, minatus, nisi impio fœdere abstat, *se nunquam ei fidelem extitutum, sed & quoscunque posset, ab ejus fidelitate revocaturum, & cum omnibus Episcopis suis ipsum Regem aeterno anathemate damnaturum.* Verba sunt ipsius Fulconis (a) apud Flodoardum. Paruit Rex salubria monenti, & DEUS in præmium auditi Sacerdotis Odonem æmulum Regni è medio sustulit. Cæterum circa utrumque observa, cum Reges exauctorare, eorumque subditos juramento absolvere ad majores causas pertineat, & plerumque totius Ecclesiæ aut quies, aut turbatio in eo vertatur; non posse rem tanti periculi à solis Episcopis suscipi, sine Romani Pontificis auctoritate, assensuque, ad quem in majoribus causis judicium & sententia pertinent; & in hoc quoque graviter ab Episcopis peccatum, qui Ludovico Imperium ademerunt; sed hoc ad abusum potestatis pertinet, de quo modò non disputamus, quis enim nescit, non ided privari potestate supremos Principes, quia aliqui eâ abutuntur, alioquin omnis è mundo potestas proscribenda, quia vix aliqua non abusu fœdatur: id verò perindè esset, ac si oculos linguamque omnibus adempta velis, quibus homines toties delinquant; majori perniciæ, quàm remedio. Subinde tamen silentium & approbatio Pontificis Romani pro assensu fuit, quod etiam in sequenti exemplo observa.

XI, An-

(a) Flodoard. lib. 4. cap. 5.

XI. *Anno DCCCXLII.* Lotharius Imperator Ludovicum, Carolumque fratres bello aggressus, acie vincitur, fugamque capit. Episcopi Galliae Aquis conveniunt, & Lotharium Regno, Imperioque abdicant, duobus fratribus in ejus locum suffectis; prius tamen de Lotharij criminibus cognoscunt, vindicantque, ac tunc demum Imperio ejiciunt; sed nec fratres admissi, nisi prius se iuste & ex legum praescripto regnatos jurassent; audi Nichardum, Francorum nobilissimum, & Caroli M. ex filia nepotem, qui quae omnia coram spectabat; sic enim inter alia: *Qui Episcopi ab initio gesta Lotharij spectantes, quomodo Patrem suum Regno pepulerit: quoties populum Christianum perjurum effecit: quot homicidia, adulteria, incendia universalis Ecclesiae suae nefandissimam cupiditate perpeffa sit: insuper autem neque scientiam gubernandae Republicae illum habere. Ergo omnibus unanimiter visum est, atque consentiunt, quod vindicta Dei illum ejecerit, Regnumque fratribus suis melioribus se ad regendum tradiderit. Verumtamen haud quaquam illis Episcopi hanc lucemiam dedere, donec percunctati sunt, an secundum Dei voluntatem regere vellent? & respondentibus se velle, ajunt, & auctoritate divina ut illud suscipiatis, & secundum Dei voluntatem Regatis, monemus, hortamur, atque praecipimus.* Vides hic, Galliae Episcopos jus Imperijs ac Regibus dicere, nostramque sententiam non calamo solum, sed exemplo docere, & Coronas de uno in aliud Caput transferre, certis tamen, fixisque legibus, & juramento sancitis: quid amplius velis?

XII. *Anno DCCCLX.* Ludovicus Pius Imperator, cum tres filios reliquisset, Lotharium primum Imperatorem, Ludovicum Germaniae Regem, & Carolum Calvum, istorumque factionibus, bellisque Civilibus, diu Imperium & Gallia conflictarentur; tandem inter Ludovicum & Carolum fratres, eorumque ex fratre nepotem Lotharium (filium Lotharij Imperatoris) pax sancita est, ac mutuis juramentis firmata; sed Caroli ambitio, pactorum ac finium impatiens omnia abruptit, invasitque fratris ac nepotis Provincias; hinc à Ludovico & Lothario ad Nicolaum querelae, quibus ut in vasorem compesceret petebatur; inter alia sic Pontificem alloquuntur: (a) *Oporteret vestra auctoritatis jubar propter generalem sollicitudinem nostros invadere fines, ut quos nulla movent fraternae charitatis*

A a a 3

viscera.

(a) Exactis Concilij apud Confluent: in M.S. Cod. Anton. August. ap. Baron. ad ann. 860.

viscera, Apostolica invecio ad censuram venire Ecclesiasticam compellat. Vides hic testimonio Regum Galliae, posse Romanos Pontifices de causis Principum temporalibus cognoscere, sententiam proferre, & compellere repugnantes, quod magis etiam ex mox dicendis apparebit. Nam cum idem Lotharius Waldradam pellicem deperiret, eamque, abdicatâ Theutpergâ Reginâ, in thorum recepisset, Nicolaus Papa, nili protinùs relispiceret, non tantùm Ecclesiâ, sed etiam Regno se illum amoturum minatus est. Sic enim loquitur: (a) *Non putamus, te in tantam tui perniciem devolvendum, ut contra nostras definitiones, vel adversùs dictam summam B. Petri confugio prorsùs innixam, agere quoquo modo consentias, cùm tibi potius & Regno tuo, quàm Theutperga acquiras omninò dispendium.* Quibus verbis Regni abdicationem minari Nicolaum non solum Baronius & Spondanus ad an. DCCCLXVI. testantur, sed etiam ipse Lotharius agnovisse videtur, quando in hæc verba (b) reverentiæ & modestiæ plena Nicolao respondit: *Utique Antecessores nostri Sanctissimorum Prædecessorum vestrorum monitis obedierunt, ita nos etiam coram excellentia Apostolatus vestri nos humiliare cupimus; quamobrem cernuo lumine vestram assatim deposcimus Paternitatem, ut dum nos vobis, misissis vestris per omnia obedire volumus, non aliquem nostri DEO miserante consimilem super nos extollere, aut terra praponere vestre libeat Paternitati, ne foris ipsi talem contra moliri velint causam, quam tolerare non valentes pro Regio munimine, inter nos aliquod scandalum evenire possit.* Et infra: *Nulli prorsùs homini subiecti esse volentes, nisi DEO, & sancto Petro, ac cæteris Sanctis, vestrag, Paternitatis culmini, mi Pater & Domine &c.* Vides, profliteri Lotharium, se nulli prorsùs homini subiectum esse, nisi sancto Petro, ac cæteris Sanctis; quod utique de subiectione temporali saltem indirecta accipiendum est, si enim de subiectione merè Spirituali intelligas, quis nescit, Reges non soli Pontifici, sed etiam Episcopis, alijsque Sacerdotibus subiectos esse? Rursus illa verba: *Vestram deposcimus Paternitatem, ne aliquem nostri consimilem super nos extollere, aut terra praponere libeat;* aperte significant, & Pontificem minatum esse, & Regem timuisse, ne alius Regno imponeretur.

XIII. Anno DCCCLXIX. Mortuo Lothario Carolus Calvus ejus Regnum invadit, occupâtque assensu Procerum, excluso Ludovico

(a) Epist. Nicol. 91. apud Binn. T. 3 Conc. sect. 2. (b) Epist. Loth. ad Nicol. PP. ex Cod. Treu. ap. Baron. ad ann. 866. n. 43.

vico Imperatore defuncti fratre, ac legitimo Regni hærede. Hadrianus II. qui Nicolao successerat, ubi id intellexit, Legatos ad Carolum mittit, jubetque alieno Regno abstinere, nisi pareat, anathema intentat, infirmatque electionem iniquè peractam. Verba Pontificis ad Regem, & Episcopos apud Aimoinum (a) sunt ista: *Regnum quondam Lotharii, quod spirituali filio nostro Ludovico Imperatori hereditario jure debebatur, mortalium nullus invadat, nullus commoveat, nullus ad seſectere conetur; quod si quis præſumat, non ſolum per noſtra auctoritatis miniſterium infirmabitur, verum etiam vinculis anathematis obligatus cum Diabolo omnino locabitur.* Et infra: (b) *Carolus peractâ venatione Autumnali ad Monasterium S. Dionysij perrexit, ubi Apostolicos Legatos cum epistolis ad se & ad Episcopos Regni sui directis, terribiliter sibi Regnum quondam Lotharii inſerdicentibus, moleſte accepit.* Et ipse Hadrianus in epistola ad Carolum Regem: *Ludovico Caſari contra hoſtes Chriſtiani nominis dimicanti, pro liberatione populi DEI multis laboribus inſiſtenti, & ſarvacenorum multitudinem ſuperanti, ut pax fieret, cedere noluiſti &c.* Et infra: (c) *Igitur monemus, & auctoritate Apoſtolicâ modis quibus poſſumus ſpiritualiter ſuademus, paternoque affectu præcipimus, ut jam tertio monitus ab invaſione Regni ſpiritualis filij noſtri, Chriſtianiffimi Principis te ſubtrahas; nos etenim, niſi ſaltem noſtris parueris monitis, nullo pacto, nulloque prætermittimus ingenio, quominus noſmet ipſi partes illas petamus, & quod noſtri eſt miniſterij penitus peragamus.* Vides hîc iterum, Romanum Pontificem juſ Regibus dicere, & ad quem Regna pertineant, aut non pertineant definire, ac procerum Regni electionem, quod injuſta ea eſſet, penitus ſolvere. Sciendum enim eſt, in Synodo Metenſi ab Episcopis & Magnatibus Regni fuiſſe Carolo delatam Coronam, quorum inter alia ſunt etiam hæc verba: (d) *Quia voluntatem DEI unanimitate noſtrâ videmus, hunc Regni hujus heredem eſſe legitimum, cui nos ſpondè commiſimus, vid: præſentem Regem ac Principem noſtrum Carolum, ut nobis præſit & proſit &c.* Pontifex ergo Romanus dum Regiam electionem ab Episcopis & Optimatibus factam auctoritate ſuâ diſſolvit, ſatis oſtendit, quid in Reges & Regna poſſit. Nec obſtat, Hincmarum Archiepiſcopum Rhemenſem, aliôſque Galliæ Episcopos obſtiſſe Pon-

(a) Aimoin. l. 5. c. 24. & 26. (b) Id. l. cit. c. 27. (c) Ep. Hadr. PP. ad Carol. Reg. apud. Baron. anno 870. ex Cod. Petr. Fabr. Pariſijs allato. (d) Ex Actis Syn. Met. quam prædatoriam appellârunt..

Pontificis decreto, quorum hæc sensa & verba in epistola Hincmari ad (a) Hadrianum leguntur : *Omne Regnum seculi hujus bellis quaritur, victorijs propagatur, & non Apostolicis, vel Episcoporum excommunicationibus obtinetur; & scripturam divinam proponunt dicere: Domini est Regnum, & cui voluerit dabit illud: & Dominus Apostolicus Rex & Episcopus esse simul non potest, & sui antecessores Ecclesiasticum Ordinem, quod suum est, & non Rempublicam, quod Regum est, tractaverunt.* Hæc ex Gallorum sententia Hincmarus; non ergo hanc in Pontificibus potestatem admiserunt, imò reiiciunt, damnantque. *Resp.* Mirum non est, si Hincmarus, alijque Episcopi, qui in Concilio Metensi Coronam Carolo imposuerunt, Ludovico abdicato, nunc quodque factum excusent, quid enim aliud exspectares à Synodo Prædatoria, qualem hanc Metensem appellarunt? & quem latent Hincmari artificia, & intemperies scribendi? Malè ergo ab irato & offenso, & Regi Carolo adversus Pontificem tot titulis devincto argumentum sumitur. Deinde demus, Gallos obstitisse, at saltem constat, Hadrianum Pontificem auctoritate suâ in Reges æquè ac alios Summos Pontifices usum, & ita falli Maymburgum, qui negat, conaturque inductione ostendere, nunquam id Pontifices ausos esse, quasi verò exempla Zachariæ, Gregorij, Leonis, Stephani, Nicolai, aliorumque ignorentur, qui Regibus imperarunt: frontesque Coronatas Imperio crucis submisere: & in hoc ipso exemplo, quod manibus versamus, quis nescit, Carolum Calvum auctoritate jussuque Joannis Pontificis (quod in Concilio Pontigonensi Galli venerati sunt, non ausi obistere) coronam & Imperium accepisse (b) Ludovico debitum majori natu? Agnovit ergo Gallia hanc Pontificum in Reges potestatem, sed tunc, cum pacata, cum libera passionibus fuit, & ratione, non irâ ad clavum sedente.

XIV. *Anno DCCCXVIII.* Carolus Simplex Ludovici Balbi filius, cum se imparem videret Tyrannis Galliam occupantibus, præsertim Odoni Comiti Parisiensi, cum quo paulò antè pacem inierat, vires cum Northmannis idolorum cultoribus sociare parat, ac fœdus componere; quod ubi Fulco Rhemorum Archi-Episcopus intellexit, ac Religionem, animasque periclitari

impio-

(a) Epist. Hincm. ad Hadr. PP. anno 870. (b) Aimoin. l. 7. c. 31. 32. & 33.

impiorum consortio, literas ad Regem componit, libertatis ac ardoris plenas, & quales solent, cum quis amat, dolētque, & medius inter indignationem ac reverentiam pendet, claudique his verbis Epistolam, quæ ad propositum nostrum apprimè faciunt, vid: *Melius enim fuerat, vos non nasci, quam Diaboli patrocinio velle regnare. Scitis enim, quia si hoc feceritis & talibus Consilijs acquieveritis, nunquam me fidelem habebitis, sed & quosūnque potuero, à vestra fidelitate revocabo, & cum omnibus Coepiscopis nieis vos & omnes vestros excommunicans aeterno anathemate condemnabo.* Pro fidelitate, quam vobis servo, gembundus scribo, Regnum enim, quod DELL dat, firmum habet fundamentum; quod verò per injustitiam & rapinas acquiritur, caducum est, & citò deciduum. Hæc Fulco apud (a) Flodoardum. Fuit is nobilitate, pietate, ac doctrinâ insignis, & inter præcipua Ecclesiæ Gallicanæ lumina censeri potest. Si ergo is credidit, ob Religionem in discrimen adductam, ac fœdus cum gentilibus initum, quorum societate periclitari, pervertique Imperium posset, Regiâ dignitate exui Regem debere, idque in potestate Archi-Episcopi Rhemensis esse; quantò magis hanc ipsam potestatem Romano Pontifici tribueret, cujus custodiæ ac curæ omnes Ecclesiæ committuntur? Nec Fulco tam præsidenter & omnium suorum Coepiscoporum nomine hæc scriberet, nisi ei constaret, hanc aliorum Galliæ Episcoporum mentem & sententiam esse.

XV. Anno MCLXXIX. Celebratum est Concilium Lateranense Oecumenicum, cui quàm plurimi Galliæ Episcopi interfuere, in quo cap. ultimo in Dominos, qui certum prædonum genus foverent, hæc pœna indicitur: *Relaxatos se noverint à debito fidelitatis, & hominū ac totius obsequij, donec in tanta iniquitate permanferint.* Agnoverunt ergo Patres, & inter illos Galliæ Præsules, posse à Summo Pontifice (nam huic Synodo Alexander III. præsidebat,) non solum spiritualibus pœnis, quæ plerūque à sceleratis contemnuntur, sed etiam temporalibus delinquentes puniri.

XVI. Anno MCCXVI. Magnum & Oecumenicum Lateranense Concilium convenit, quo nullum frequentius, ac pluribus Infulis celebre, quippe cui adfuerunt, Urspergensis, Stradensis & Parisio testibus, (b) Episcopi 412. Archi-Episcopi 70. Prælati alij supra

B b b b

800. Pa-

(a) Flodoard. hist. Rhem. l. 4. c. 5. (b) Y. Raynald. ad ann. 1215.

800. Patriarchæ Constantinopolitanus & Hierosolymitanus, Legati Alexandrini & Antiocheni Patriarcharum. Imperatorum Orientis & Occidentis, Regumque Hierosolymorum, Angliæ, Galliæ, (Philippi Augusti) Arragoniæ, Hungariæ, Cypri, aliorumque Principum Oratores, prædeditque Innocentius III. In hoc verò Concilio, quod merito Conventum totius Orbis Christiani vocaveris, cap. 3. ita statutum est: *Si verò Dominus temporalis requisitus vel monitus ab Ecclesia terram suam purgare neglexerit ab hac heretica fœditate, per Metropolitanum & cæteros Comprovinciales Episcopos excommunicationis vinculo innodetur, & si satisfacere contempserit intra annum, significetur hoc Summo Pontifici, ut ex tunc ipse vassallos ab ejus fidelitate denuntiet absolutos, & terram exponat Catholicis occupandam.* En tibi totius Orbis Christiani sententiam! Cui tantum abest Gallos obsistere, ut potius & ipsi, magna quippe illius Concilij portio, sua vota contulerint. In eodem Concilio Dominium Tholosanum Comiti Monfortio dono datum, exuto Raymundo, quodd Albigenes bello adjuvisset. Verba Concilij sunt: (a) *sacro consulto Concilio ita duximus providendum, ut Raymundus Tholosanus Comes ab ejus Dominio, quod utique grave gessit, perpetuo sit exclusus.* Probavitque tota Gallia, & ipse Philippus Rex, quando præstandi Juramenti causâ (nam supremum Tholosæ jus Regi Innocentius reservaverat) ad se venientem summâ gratulatione plausuque excepit. Alia ergo tunc temporis Ecclesiæ Gallicanæ sententia fuit, quàm nupera Conventus Parisiensis.

XVII. Anno MCCXLV. Innocentius IV. Friderici Imperatoris arma, quibus totâ Italiâ grassabatur, veritus, in Galliam secedit, & Lugduni Concilium indicit, ubi Pontificio apparatu, cultuque insignis, facèsque cum ingenti aliorum Episcoporum agmine manu quatiens, & mox terræ obversas extinguens, diras solemnî pompâ in Fridericum pronuntiat, privâtque Imperio, ac Principibus, ut alium eligant, mandat; & illi nec mora obsecuti, Henricum Thuringiæ Ducem Imperatorem pronuntiant. Sententia in Fridericum prolata hæc fuit: *Nos super præmissis, & quàm pluribus alijs ejus nefandis excessibus cum fratribus nostris, & sancto Concilio deliberatione prahabita diligenti (cum JESU Christi vices licet immeriti in terris, nobisque in B. Petri persona sit dictum, quodcûnque ligaveris super terram, ligatum erit &*

in

(a) V. Lucam Dachet. T. 7. spic. & Rayn. ad ann. 1214. n. 19. & anno 1215. n. 25.

in Cælis :) memoratum Principem omni honore ac dignitate privatum à Domino offendimus, & denuntiamus, & nihilominus sententiando privamus omnes, qui ei juramento fidelitatis tenentur adstricti, à juramento hujusmodi perpetuò absolves, auctoritate Apostolicâ firmiter inhibendo, ne quisquam de cætero sibi tanquam Imperatori vel Regi pareat, vel intendat.

Ludovicus Maimburgus libro II. des Croisades ad ann. 1245. fol. 116. cum sententiam Innocentij recitasset, hæc subdit : *En me-
mo temp les Eueques, qui tenoient des cierges allumez, approuvent & confirment la
sentence, & en les eteignant prononcent l'anatheme contre lui.* Hoc est : Eodem
momento Pontificis sententiam Episcopi confirmarunt, ratamque habuerunt, ex-
tinguisque, quas manu gestabant facibus, anathema Friderico dixerunt. De hoc
eodem Concilio Æmilius & Spondanus hæc habent : *Nisi S. Ludovi-
cus Rex Francorum huic Concilio dignitatem, roburque præstisset, turbasset illud
armis Fridericus.* Habes hic iterum Ecclesiæ Gallicanæ sententiam,
non utcunque, sed in ipsa Gallia, plenôque Concilio expressam, &
eui muniendæ Episcopi vota, Rex potentiam suam commodârunt :
nec habuit Maimburgus, quid huic Concilio opponeret, quam-
vis alioquin nec timido ingenio, nec parco exceptionum. Jam
tecum expende, quæ sit eorum fiducia, qui audent nobis Eccle-
siam Gallicanam opponere, cum nullibi plura aut fortiora exem-
pla, quàm in Gallia pro nobis obvenerint. Et si nihil aliud, quàm
Concilij Lugdunensis auctoritas esset, qui rogo sunt illi, qui non
dico præferri, sed vel comparari possint cum tam magno, tam san-
cto, celebrique Confessu, totâque Galliâ tantâ veneratione culto ?

XVIII. Anno MCCCVII. Interfecto Alberto Imperatore Philip-
pus Pulcher Galliæ Rex re in Senatu maturè agitatâ solemnem ad
Clementem V. Pontificem, qui tunc in Gallijs morabatur, Lega-
tionem decernit, sibi que Imperium, aut Carolo fratri deposcit.
Inter alias rationes permovendo Pontifici hanc etiam Legati pro-
duxerunt, videl : *Cui enim, inquiebat, fiat injuria, si vacantis Imperij
conditio permittitur ? idem fecerunt olim Pontifices alij.* Sed Clemens ni-
miam Philippi potentiam verebatur, si Regno Imperium con-
jungeret ; spatium ergo deliberando petit, & interim clàm missis
nuntijs Henricum Luzenburgensem promoveri ab Electoribus
curat. Vide Conradum Vecerium, (a) Bzovium, & Æmilius,

B b b b 2

aliôf.

(a) Conr. Vccer. l. de gest. Henr. VII. Bzov. ad ann. 1307. Æmil. in Phil. Pulch.

aliósq̃ue. Agnovit ergo Rex Galliaë, Regiúsque Senatus, posse Imperia à Pontifice transferri, alioquin cur peterent, quæ fieri non possunt ? idque ab alijs retrò Pontificibus factum esse professi sunt.

XIX. Anno MCCCCXIV. Inchoatum est Constantiense Concilium, cui interfuere Sigismundus Imperator, quatuor Patriarchæ, Cardinales viginti novem, Archiepiscopi septem & quadraginta, Episcopi centum sexaginta (alij 270.) Prælati & Doctores sexaginta quatuor supra quingentos; taceo promiscuum vulgus, quod ad mille sexaginta pervenisse dicitur. Cæterum in hoc Concilio præcipuas fuisse Gallorum partes & Galli fatentur, Maimburgus præsertim, (a) in magno Schismate Occidentis: & res ipsa loquitur, cum nemo ignoret, quid Universitas Parisiensis, ejusque Cancellarius Joannes Gerson in Concilio præstiterint, à cujus doctrina, calamóque, velut pacis Oraculo Patres pendebant, cui meritiè illud Eliæ applies elogium: (b) *Et surrexit Elias quasi ignis, & verbum ipsius quasi facula ardebat.* Episcopi Conventus Parisiensis propositione secundà dicunt: *Decreta Concilij Constantiensis à Sede Apostolica comprobata, ac totius Ecclesiæ usu confirmata, atque ab Ecclesiâ Gallicana Religione perpetuè esse custodita.* At verò nullum Concilium magis, pluribusque exemplis hanc ipsam Pontificis in Reges potestatem ostendit, deciditque, ut aded & secum ipsis pugnent, qui Concilium Constantiense miris laudibus extollunt, simulque ab ejus doctrina discedunt; & cum Ecclesiâ Gallicana, quæ in Concilio sedit, in Concilio dixit, & quam tamen Maimburgus non audit, imò eodem tempore impugnat, laudatque. Concilium ergo Constantiense *Sessione 20.* Friderico Austriae Duci, *in virtute sanctæ Obsequiæ, & sub pena privationis omnium bonorum Feudalium, quæ ab Ecclesiâ vel Imperio obtinet, & inhabilitationis suæ, & filiorum suorum ad obtinendum tam feuda, quam officia & Beneficia, & honoris ac fama, & communionis in consilijs Principum mandat, ne jura & bona Episcopatus Tridentini invadat.* Et *Sess. 31.* in monitorio contra Comitum virtutum: *Et si prædictas penas interdicti & excommunicationis dictus Fridericus animis sustinuerit induratus, ad omnes alias penas spirituales & temporales procedere valeant.* Et *Sessione 39.* *Si quis in electione metum, vel impressionem aut violentiam intulerit, cujuscunque status vel præminencia fuerit, etiamsi Regali aut Imperiali præfulgeat dignitate, illas penas ipso facto incurrat,*

quæ

(a) Maimb. Grand. Schism. d' Occid. præsertim. l. 3. (b) Eccles. c. 48.

qua in Constitutione Bonifacii VIII, quæ incipit, *Felices*, continentur. Ea verò sunt, ut sit infamis, bannitus, intestabilis, nec ad alicuius bonæ ex testamento, vel ab intestato vocetur; dentur cuncta ipsius ædificia in ruinam, nullus ei debita reddere teneatur, & alia, quæ habentur in c. 5. de pæn. in 6. Et in Bulla Martini Sess. ult. idem Pontifex sacro approbante Concilio: (a) Volumus, inquit, ac statuimus, ut omnes & singulos hereticos, etiamsi Regali, Reginali, aut aliâ quâvis Ecclesiasticâ vel mundanâ præfulgeant dignitate, auctoritate nostrâ diligenter inquirere studeatis, & per pœnas excommunicationis, nec non privationis dignitatum, ac etiam bonorum, & dignitatum secularium puniri faciatis, &c. Similia habentur in Constitutione Carolina auctoritate Concilij edita (ut habetur Sess. 19.) quam reperies postacta Concilij, præsertim verò in §. item eadē auctoritate, & §. item dicta Synodus. Habes hic iterum illius Synodi sententiam, quā Patres Conventus Parisiensis tam impensè dilaudant, quam sanctam & immotam, semperque in Gallijs custoditam ac cultam pronuntiant, & cuius decretis Pontificiam potestatem alligatam volunt: & tamen hæc ipsa est, quæ Regibus imperat, quæ Coronis minatur, quæ honores, dignitates, testaments delinquentibus adimit, quæque omnem potestatem temporalem fidei rebellem compescit, exarmatque. Quid aliud volunt, & quæ alia superest probandi necessitas post tam clarum, evidēsq; testimonium? Galli erant, qui in hac Synodo sedebant, Galli, qui vota conferebant, Galli, qui primas acies ducebant, Galli denique, qui nullum finem faciunt hujus Synodi laudandæ. Ergo quia sententia, doctrinæque hujus Synodi abscedunt, qualis Maimburgus, ei que similes, nec Galli dici merentur, nec Gallicanæ Ecclesiæ sensus imbuti sunt.

Maimburgus, ut auctoritate & exemplo Concilij se liberet, in libro (b) de magno Schismate Occidentis, dicit: *Concilium rem ausum esse, quæ nullo pacto sustineri, excusarique possit, quæq; Principum supremæ Dignitati planè advesseur, nullumque exemplum in quatuor primis Concilijs habeat: & privilegium infallibilitatis à DEO Concilijs datum, ad sola fidei dogmata, non ad Regna & Principum dignitates pertinere. Errare ergo Concilium in hac parte potuisse, imò errasse.* Hæc Maimburgus, quæ ego verbatim ex Gallico transtuli, ut inconstans hujus auctoris, accepsque ingenium videas, & in omnem partem versatile, ut Re-

B b b b 3

g. bus

(a) V. etiam Sess. 15. & 17. (b) Maimb. grand Schism. d' Occid. l. 6. f. 370.

gibus blandiatur. Concilium Constantiense, ubi contra Pontifices statuere aliquid videbatur, ad Cælum extollit, nec ejus laudandi finem ullum aut exitum reperit. Ubi verò pro Pontifice aliquid & contra Reges decernit, continuò errat Concilium, fallitur Concilium, limites suos & alveum egreditur, non excusari, non sustineri potest. Quis hîc non videat, calamum & ingenium Maimburgi non veritati, quæ & una, eadêmque est, sed adulationi dicatum esse, in personas & obsequium intentæ? Quis verò ferat privatum hunc hominem, nec optimo metallo fustum, tam Sacro Senatui, & ex flore totius Europæ, Galliæque præsertim collecto insultantem, quasi is ea decreverit, *quæ nullo pacto suscipiri excusarique possint*, minúsque quàm Maimburgus suæ potestatis limites ac Principum jura cognoverit? Enimverò nimium hic auctor sibi blanditur, si tam Sancto Concilio, & Patribus tantâ virtute ac doctrinâ insignibus non dico se tantum exæquet, sed etiam præponat. Ubi etiam observes, eos, qui tot encomijs Concilia exornant, ac etiam Pontifici præferunt, non eò spectare, ut Concilijs subdantur, sed solum ut istorum obrentu, quæ tardissimè & rarò conveniunt, parata interim Pontificis Imperia deludant, eodêmque artificio Concilij imponant, si aliquando convenerint. Dicunt enim, aut in ijs, quæ ad fidem non pertinent, errare posse, aut non esse recepta, aut non esse universalis, saltem non constare, aut mille alia, quæ nunquam desunt quærentibus. Ergo obtentu Concilij anarchia & libertas paratur, nullis legibus, nulli Magistratui, nulli obsequio devincta; solâ gubernante voluptate. Sed rem ipsam quod attinet, nolo cum Maimburgo de singulis, quæ objectas, contendere, ea enim aut principium petunt, aut alibi soluta sunt, & infrâ redibunt. Id solum dico, non jam veri quæstionem, an falli aut non falli Concilium possit? sed quæ in hoc argumento Ecclesiæ Gallicanæ sententia fuerit? eam verò sensisse, etiam Regna & Principatus Pontificum potestati subiacere, testimonio, exemploque Constantiensis Concilij demonstravimus. Cum enim hoc Concilium tam severas pœnas Principibus distaret, cum dignitatibus, imò Regnis exueret, an Galli Concilio non assidebant? annon primas illi partes agebant? an sua quôque vota non illi conferebant? num Patribus ea decernentibus aut

Gerson,

Gerſon, aut Uniuerſitatis Pariſienſis Legati, aut Gallorum alius obluſtatus eſt? ſive ergo Concilium errauerit, ſive expert erroris fuerit, Gallorum ea doctrina & ſenſus fuit. Erratque Maimburgus, alióſque in errorem inducit, cum jaſtat, ſententiam, quam nos tuemur, Eccleſiæ Gallicanæ aduerſam eſſe; qui enim aduerſa, quam Eccleſia Gallicana, & præcipui illius Doctores in Concilio Oecumenico tam enixe, exemplisque repetitis profeſſa eſt? An ergo ea ſolùm erit Maimburgo Eccleſia Gallicana, quæ Regibus adulatur: quæ non adulatur, non erit? at Eccleſiam non adulatio, ſed veritas facit. Et verò neminem credo tam fore imprudentem, qui non malit cum Concilijs Oecumenicis, quàm Maimburgo ſentire; ſi enim errare illa, fallique poſſunt, & aliter quàm veritas permittit, ſcripturas explicare, quantò magis Maimburgus, eique ſimiles? nam & minus periculum, & major errori venia, in ambiguo, incertoque plures, gnaróſque viarum elegiſſe, quos ſequaris; quippe & peritiſſimis potiùs medijs valetudinem noſtram, & verſatiſſimis Gubernatoribus navigationem committimus, quàm Unguentario nuper Scholas egreſſo, & nauclero, marium, ventorùmque & ſtellarum, quæ ſpectari ſolent, ignaro. At, inquit Maimburgus, *antiqua Concilia, & Papa ſpiritualibus poenis contenti, temporalibus abſtinebant, nec legimus, in Coronas & Regna ſaviſſe.* Reſp. Peſſima ſemper fuit à negativis argumentatio; quàm enim multa hodie, & ſalubriſter fiunt, olim inſueta? Olim nulla Antipodum, Americæ, Magnetis, & mille medicinarum notitia & uſus, quæ modò & paſſim abundant: an idèò nemo hodie in Americam navigabit, quia olim nulla illuc navigatio? nemo contra febres Chinamchinæ ſumet, quia olim ignota? produntur & creſcunt cum morbis, annisſque remedia, & quæ multis retrò annis aut noxia, aut occulta, nunc aperta & ſalubria. In ipſa fide, hoc eſt, anima noſtræ Religionis quàm multa aut dubia, aut intra velum ſubducta, nunc in apriculum emereſcere, ſemper quidem vera, at non ſemper patentia. Ipſe Maimburgus percurrat illa Privilegia, aut, ut vocant, Eccleſiæ Gallicanæ libertates, quàm multa illic inveniet elapſis retrò temporibus non ignota tantùm, ſed etiam damnata? non ergo ſequitur, ut modò non liceant, quæ olim uſurpata non ſunt, mutatà præſertim hominum, temporumque

con-

conditione. Olim uni aut summum duobus Principibus totus Orbis Oriens, Occidentique parebat, quæ ergo Pontificum imprudentia fuisset, cum ipsi inermes, nudique potentiâ essent, aggregandi tam potentes, & pœnas vibrare, quas nec accipere Principes vellent, nec exequi ipsi possent? Deinde, major olim sacrarum pœnarum reverentia & metus erat, ut adeo nec temporalibus uti oporteret. Audi Arcadium Imperatorem, quàm modestè, demissèque intentatas ab Innocentio Pontifice censuras sit deprecatus: *Omninò ô Pontifex DEI ne quidquam eorum, quæ in Legatos audaciè perpetrata sunt, sciente me factum est. Nobis ergo placetur Paterna humanitas tua, nèque deseras nos expertes mysteriorum Sacrorum. Tunc etiam filiam tuam Eudoxiam, quæ peccaverit, ultus sum, quæ etiam ex his gravissimo morbo correpta lectulo decumbit. Ne igitur sæpius pœnas sumas ô Reverendissime Pater: ubi autem erit pœnitentia bonum, nisi is, qui pœniteat, veniam consequatur? Igitur si nos quidem ex pœnitentibus non essemus, merito aditus ad veniam clauderetur.* (a) De Theodosio Imperatore audi S. Ambrosium: (b) *Stravit omne, quo utebatur, insigne Regium: deflevit in Ecclesia publicè peccatum suum, quod ei aliorum fraude obrepserat; gemitu & lachrymis oravit veniam. Quod privati erubescunt, non erubuit Imperator publicè agere pœnitentiam, nèque postea ullus dies fuit, quo non illum doleret errorem. Si ergo Arcadium & Theodosium Principes imitarentur, pari in Sacra & Sacerdotes reverentiâ, nihil opus temporalibus pœnis, sacræ sufficerent; nunc verò ubi parvus aut nullus sacrorum sensus, & solæ dignitates ac Coronæ in pretio & cura sunt, æternorum neglectu; quid aliud superest, quàm ut fatali somno abrumpendo (quo plerique tenentur) ea applicentur, quæ cum magis doleant, magis excitant, sanantque; nam si censuris semper pugnatum esset, quando Frederici, Henrici, alijque ad mentem redijissent? Ergo ut præmia, quibus bene meritos Ecclesia muneratur, si sacra tantum & spiritualia essent, parum animos excitarent, ita & pœnæ parum compercerent. Cælum ergo terræ miscendum, & spes, metusque utroque temperanda.*

XX. Anno MCCCXI. Viennæ in Gallijs Concilium Universale celebratum est, aderantque Galliæ, Angliæ, & Arragoniæ Reges, Patriarchæ, Alexandrinus & Antiochenus, Episcopi centum
qua-

(a) V. Glyc. annal. p. 4. & Baron. ad ann. 497. (b) S. Ambr. orat. in fun. Theod.

quatuordecim, præfedit Clemens V. natione Gallus, ipsisque Gallis addictissimus, qui que Sedem Pontificiam Avenionem transtulerat, gemente aut indignante Italia. In hoc Concilio nostram sententiam Ecclesia Gallicana iterum professæ est, videl: *Ecclesiam Romanam à Gracis Romanum Imperium ad Germanos transtulisse, & ad certos eorum Principes jus & potestatem eligendi Regem ab eadem Ecclesia pervenisse, &c.* Quæ verba sunt ipsius Clementis in Concilio Viennensi, imò ipsius Ecclesiæ Gallicanæ, quæ maximam hujus sacri Senatûs partem implebat.

XXI. Anno MCCCCXXXII. Synodus Basileensis in Salvo Conductu, seu fide publica Legationis Pontificiæ (a) data sic loquitur: *Exhortatur omnes & singulos Christi fideles, cujuscunque dignitatis, gradus, aut præminentia existant, spiritualis seu temporalis, etiamsi Regali fulgeant Dignitate, eisque in virtute sanctæ obedientiæ mandat, ut si per eorum dominia, terras, Civitates, territoria, aut alia loca transire contingat, sub pana, sententijs & censuris, tam Constantiensis, quàm hujus sacra Synodi decretis conventis & fulminatis, districte injungendo, quatenus vos & vestrum quemlibet cum vestra Comitissa securos, liberos, & tuos cum rebus vestris ire, stare & redire sine molestia & impedimento permittant, &c.* Pænæ verò à Concilio Constantiensi (b) decretæ, quarum Basileenses meminerunt, habentur. in hæc verba sess. 17. *Quicunque cujuscunque statûs aut conditionis existat, etiamsi Regalis, euntes vel redeuntes impediverit, aut perturbaverit, sententiam excommunicationis incurrat, & ulterius omni honore & dignitate ipso facto sit privatus.* Episcopi ergo Galliæ, qui magno numero, nec minori auctoritate Concilio tunc aderant, sentiebant, Reges, etiam quod temporalia spectat, Ecclesiasticæ potestati subiacere; quod præsertim argumentum contra Maimburgum (c) valet, qui decreta Basileensis Concilij valida, & ab Eugenio confirmata esse omni studio contendit.

XXII. Anno MDLXIII. In Synodo Oecumenica Tridentina Sessione 25. (d) cui Galliæ Episcopi & præsertim Cardinalis Lotharingicus intererant, omnium approbatione & consensu duella & monomachiæ prohibita, ijsque hæc pœna appositæ: *Qui pugnam in duello commiserint, & qui eorum patrini vocantur, excommunicationis, ac omnium bonorum suorum proscriptionis, ac perpetua infamia panam incurram, & ut*

Cccc

bomi-

(a) Concil. Basil. in Congreg. Gener. anno 1432. habetur in append. epistol. Conc. ap. Binium. T. 4. Concil. (b) Concil. Constant. Sess. 17. (c) Maimbourg. Traité dell' egliæ de Rome c. 25. (d) Concil. Trid. Sess. 25. c. 19.

homicida juxta sacros Canones puniri debeant. De hoc & alijs decretis eadem Sessione editis hæc habet Pallavicinus: (a) *De his, quæ propositæ sunt, mirus fuit consensus.* Agnoverunt ergo, probâruntque hanc nostram sententiam Galliæ Antistites (nam Oratores ob alias causas Concilio abscesserant) quorum in Concilio magna & spectata auctoritas, Lotharingi præsertim, quem ut instar Collegæ haberent, rerumque omnium conscium, suis Legatis Pontifex imperaverat. *Nec obstat, non fuisse Concilium Tridentinum in Gallijs receptum, id enim ob alias causas contigit, quæ à Pallavicino (b) memorantur, ejusque receptio non à Galliæ Episcopis (de quorum sententia disputamus) sed ab Optimatibus Regni, & Regina præsertim pendebat, rationibus Politicis abstermita, & præsertim ne Calvinistas tunc temporis in Gallia præpotentes offenderet.*

XXIII. Anno MDLXXXIX. Duce Guisio, ejusque fratre Cardinali ab Henrico III. occisis, *Facultas Theologica Sorbone, inquit Spondanus ad hunc annum, die 7. Januarij congregata, post publicam supplicationem omnium Ordinum dicta facultatis, & Missam de Spiritu S. celebratam audita omnium & singulorum Magistrorum, qui ad septuaginta convenerant, maturè, accuratè & liberè deliberatione, & multis ac varijs rationibus, quæ magna ex parte ex sacris scripturis, canonicis Sanctionibus, & Decretis Pontificum in medium prodita fuere, conclusum est à Decano nemine refragante per modum consilij ad liberandas Conscientias, populum solutum esse à juramento fidelitatis & obedientia Henrico præstito. Seniores tamen theologi ipsæque ad eundem Decanus, qui tunc erat Joannes Faber, censuit, ut res integra ad Pontificem remitteretur; qui Decretum illud uti temerarium valdè improbatum.* Hactenus Spondanus. Vides ergo quæ tunc temporis fuerit Sorbonæ sententia, posse vid. Reges abdicari: & quamvis temerarium fuerit, id propriâ auctoritate aggressam esse, temeritatem tamen correxit, adornatâ ad Sixtum V. quatuor Optimatum Legatione, qui id ipsum à Pontifice peterent. Hunc verò censuisse, omnino Pontifices id posse, quamvis hac potestate uti tunc noluerit; certissimum est, quippe qui primo Pontificatus sui anno, videlicet MDLXXXV. Henricum Navarræ Regem, ejusque fratrem, Principem Condeum, omni Regio jure, ac Principali Dignitate spoliavit, ut videre est apud (c) Spondanum.

Sed

(a) Pallavic. in hist. Concilij Trid. l. 24. c. 7. n. 2. (b) V. Pallav. cit. c. 10. & 11. (c) Spondanus ad ann. 1585.

Sed & ipsi Sorbonicæ Facultatis Decanus & Seniores hanc ipsam potestatem professi sunt, quando vid. censuerunt, *rem totam Pontifici remittendam*. Imò totius Sorbonicæ facultatis hæc sententia fuit, missâ ad Pontificem celebri Legatione, quâ, ut dixi, Regem exauctori petebant.

XXIV. Anno denique MDCXV. Clerus Gallicanus in publicis & Universalibus Regni Comitijis hanc nostram sententiam egregie & clarissimè professus est, cum etiam Clerus novam quandam legem abrogari peteret tertio Ordini (qui ex Magistratibus sub alternis, minorique populo constat) proficuum: Continuo, inquit Gramondus, (a) ubi id tertij Ordinis Oratoribus constituit, rati, ut res erat, peti Ordinem suum, statim proponunt ibidem toties Clero obstrepente agitatam; nullam videlicet esse potestatem in temporalibus supra Regiam, unique immediate DEO debitam Coronam à Gallis Regibus &c. Nota ea verba; *obstrepente Clero*; ijs enim significatur, propositionem Parisijs editam, & nuper à Maimburgo ex professo defensam, à populo ultimòque Ordine receptam quidem jâ statamque, sed *obstrepente* semper & adversante Clero; sicque sententiam dici posse plebis, non Ecclesiæ Gallicanæ. Pergit postea idem Gramondus dicere: Clerum perorante doctissimo Perrenio probasse, potestati Romanæ Sedis in Reges hæreticâ labe infectos, Regiùmque sæptis, subscripsisse, quotquot ante Calvinum Theologia traherere. Contrariam opinionem novam esse, Luthero & Calvino auctoribus natam, cui veterum nemo subscripsit, recentiorum pauci; hunc errorem primum fuisse Henrico VIII. Angliæ Regi vidui in hæresin; apertam rebellionem sonare in solium Petri; si Reges Galliæ fautores hæresiarum, si novi dogmatis assertores, deberi ultionem Vicario DEI, ad quem ex lege pertineat perjurij pœna. In eam sententiam exactis seculis tum, tri & hodie passim toto Orbe Catholico, si Galliam demis, contrariam sententiam tanquam dogma positum defendi posse ad summum &c. Et infra, cum Senatores Parlamenti in eandem sententiam cum tertio Ordine conspirassent, placitumque vulgassent, vid: Pro lege Politicâ, Regniq; fundamentali habendum esse, quod Rex Galliæ nullum alium in temporalibus superiorem agnoscat; excauduit, inquit, Clerus, non eas esse Parlamenti partes; Comitijis Generalibus convocatis Regiùm omne Jus translatum in ipsa, addit velut justitio indicto cessare

Cccc 2

fare

(a) Gramond. Regij Consist. Senat. & in Parlam. Tholof. Præses l. 1. hist. ad annum 1615. fol. 60.

*fare debeat omnis Magistratus. Clerum & Nobilitatem convenire in eandem sententiam, nec ideo contrariam opinionem valere, quia ita populus censet; duorum vota & calculos uni prevalere. Audis hic iterum duos Galliae Ordines, Clerum videlicet & Nobilitatem, pro nostra sententia esse, populum & Parlamentum adversari; & idem cum suprâ Perronius dixerat: *Exactis seculis in nostram sententiam itum, iri & hodie passim toto Orbe Catholico, si Galliam demis*; id solum significavit, toto Orbe Catholico sententiam nostram teneri, in sola Gallia Populum, Parlamenta, & reliquum vulgus Politicorum contrâ opinari, Clero tamen & Nobilitate nostram sententiam complexo, hos enim duos Ordines, ut vidimus, clarè excipit, quod etiam ex ijs patet, quæ postea subjungit, certatum videl. esse de Tridentino Concilio Galliae inferendo: *Eleganter & doctè perorante Perronio; sed prevaluit Clero Populus: creditum tunc potuisse conciliari opiniones Cleri, & populi, factâ quasi compensatione, nempe si Clerus tertij Ordinis articulum admitteret, negantem Summo Pontifici jus esse in Regna.* (a) Ergo propositio, quæ Pontifici hanc potestatem in Regna adimebat, populi & politicorum: quæ assererat, Cleri erat; maluitque Clerus, non recipi Tridentinum, quàm populo contra Pontificem assentiri; permittebat tamen, utramque Propositionem problematicè defendi, unam, quia veram, alteram, quia Senatûs, populique aurâ subnixam, ut idem Gramondus (b) testatur. Habemus hic iterum testimonium omni exceptione majus, & Ecclesiæ Gallicanæ luculentam professionem, quâ mentem suam ante paucos annos non solum declaravit, sed etiam contra Senatum, populûmque egregiè tutata est. Nec habuit Maimburgus, quid opponeret, nisi, (c) *Perroniam Cardinalem suo, privatoque nomine, non Cleri locutum in Comitij; esse.* Cæterum quis non videt, sine omni fundamento hæc dici, solòque studio impugnandæ ac premendæ veritatis, nullâ historiæ aut notitiæ, aut curâ. Demus solius Perronij hanc mentem fuisse, an æquum non erat, eum potius, quàm Maymburgum audire? quis enim Maimburgus, ut non dicam præferri, sed componi cum Perronio debeat, auctoritate, eloquentiâ, doctrinâ scriptisque præcipuo? Sed nec Perronium ex sua tantum, sed ro-*

tius

(a) Gramond. l. cit. (b) Gramond. cit. f. 67. (c) Maimb. Traité de l'Eglise de Rome ch. 30. f. 416.

tius Cleri sententia locutum esse, clarius est, quàm ut ab aliquo dubitari possit. Gramondus enim illis verbis: *Clerus perorante Perronio*: & infra: *Excanduit Clerus*: Et, *Clerum & nobilitatem in eandem sententiam convenire*: & paulò post: *Credidit tunc potuisse conciliari opiniones Cleri & Populi, nempe si Clerus articulum tertij ordinis admitteret, &c.* Plus satis demonstrat, voces quidem unius Perronij, sed mentem ac sententiam totius Cleri fuisse; quod etiam ipse Perronius professus est, quando in ea Oratione, quæ actis Gallicanæ Ecclesiæ inserta, se non suo tantum, sed totius Ecclesiastici & Nobilium Ordinis nomine loqui testatur; ejus verba (a) sunt: *Considerez, que ce non est point moy, que vous ecoutez; car ce non est point moy, qui parle en cette cause, mais tout le corps de l'Ordre Ecclesiastique, & tout celui de la Noblesse &c.* Hoc est: *Nec verò in animum vestrum inducite, me eum esse, quem vos loquentem auditis, & cujus voces excipitis: mihi credite, non ego in hac causa loquor, sed Clerus & Nobilitas tota &c.* Et verò oportuit Perronium mente ac pudore omni destitutum esse, si in publicis Comitij, & ubi tot testibus redargui, vincique poterat, ea diceret, & nobilitati, Cleroque tribueret, quæ sciret, non solum injussu, sed etiam contra utriusque sententiam à se proferri. Quis rogo tantum Maimburgi testimonio tribuat, ut hoc credat de Perronio Cardinali? & quid Gramondo facias, & Gallo, & Parlamenti Tholosæ Præsidi, resque suorum temporum scribenti, qui toties, ut supra vidimus, non Perronij tantum, sed Cleri hanc fuisse mentem profitetur? Vidimus in hoc toto exemplorum, annorumque decursu, semper Ecclesiæ Gallicanæ hanc sedisse opinionem, ut crederent, incertis casibus Regna Pontifici subiacere: nunc Scriptorum nomina recitabo, qui aut Galli fuere, aut in Gallia celebres, eandemque sententiam amplexi sunt, & quia eorum verba in Regali Sacerdotio recensita sunt, aut aliàs nota, ijs supersedebo. Ji ergo sunt, inter alios quàm plurimos, sequentes.

XXV. S. Thomas 2. 2. q. 12. a. 2. in corp. & ib. ad 1. & 2. 2. q. 69. a. 6. ad 3. & in 2. d. 44. q. 9. a. 2. & in 2. ad Corinth. c. 11. lect. 2. & in epist. ad Philipp. circa fin. & opus. 20 de Regim. Princip. l. 3. c. 10. & cap. 17. Negant tamen aliqui, hoc Opusculum esse S. Thomæ. S. Bonaventura, l. de Eccl. Hier. arch. p. 2. c. 1. T. 7. operum. Et in 4. d. 37. Joannes Gerson Cancellarius Univer-

fitatis Parisiensis *p. 4. serm. de pace & unit. Gracov. consid. 5. Petrus Ble-*
senfis ep. 146. S. Petrus Cluniacensis l. 6. ep. 28. S. Bernardus l. 1. de con-
sider. c. 6. & l. 4. c. 3. S. Augustinus Triumphus, Sanctorum Thomæ
& Bonaventuræ Parisijs discipulus q. 1. de potest. Eccles. p. 1. a. 7. & 8.
Alexander Alensis Parisijs Theologiæ Lector, & SS. Thomæ & Bo-
naventuræ Magister p. 3. Summa q. 48. membro 1. a. 3. Henricus Gan-
davensis Doctor Sorbonicus quodl. 6. q. 23. Umbertus ex Diocesi
Viennensi serm. 70. Petrus Paludanus in 3. sent. d. 40. q. 2. concl. 4. Fran-
ciscus Mayronus in Schola Parisiensi Doctor insignis in 4. d. 19. q. 4.
Durandus Episcopus Meldens. in tract. de orig. Jurisd. Eccles. q. 3. Joa-
nes de Parisijs c. 14. Jacobus Almainus Doctor Parisiensis tract. de pot.
Eccles. c. 9. & q. 2. c. 5. ad c. 8. Occam. Joannes Major Doctor Parisiensis
in 4. d. 24. ad 4. Gulielmus Durandus Episcopus Mimatenfis in Spec.
Jur. Tit. de Legat. §. 6. n. 17. Joannes Monachus de suppl. negligent. Pralat.
n. 4. Joannes Selva tract. de benefic. p. 3. q. 8. n. 31. Stephanus Anfrerius
in Senatu Tholosano Præses tract. de potest. Eccl. n. 32. Joannes Faber
in Senatu Parisiensi causarum Patronus in l. 1. c. de summa Trin. n. 10.
Petrus Gregorius Tholosanus in varijs Galliæ Academijs Professor
de Rep. l. 26. c. 5. Fulco Archiepiscopus Rhemenfis in ep. ad Carolum
Simplicem Gallie Regem apud Flodoardum l. 4. c. 5. Perronius Cardinalis
apud Gramondum l. 1. hist. ad ann. 1615.

XXVI. Ex allegatis hactenus testimonijs multa colligere
 licet, quæ hic breviter observabo. I. Falli Maimburgum, (falli
 dico, malo enim erroris eum, quàm doli postulare) cùm in ulti-
 mo Tractatu (a) de Ecclesia Romana sententiam hanc nostram
 illis tantùm attribuit, qui citra alpes morantur. Ergo ex sen-
 tentia Maimburgi Patres Conciliorum, Lugdunensis, Viennensis,
 & Ordinis Ecclesiastici in Comitijs Parisiensibus, quæ Gramondus
 describit, Gerson etiam, Fulco, Petrus Blesensis, alijsque præcipui
 in Gallia scriptores Cisalpini erant; nec advertit Maimburgus,
 hujusmodi hyperbolicis locutionibus; & aded à vero. abludenti-
 bus id solumagi, ut historiam suam totam, etiam ubi vera recitat,
 suspicioni exponat, dubiàmque reddat; quis enim credat inex-
 plorata narranti, ubi tantà in rebus obvijs certisque fiducià im-
 pingit. Si quis serid, enixèque contenderet, nullos passeres in Eu-

ropa

(a) Maimb. Traité hist. de l'eglise c. 26. f. 367.

ropa videri, crederes tu illi, Pegafos ex India, Gryphésque memoranti? II. In nulla Orbis parte plura exempla exercitæ in Reges potestatis, quàm in Gallia reperiri, & exempla non unius tantum, aut alterius, sed omnium ferè Gallix Ordinum, Pontificum, videl: Regum, Imperatorum, Synodorum Comitiorumque Gallicanæ Ecclesiæ; quos omnes, imò si ex illis unicum Maimburgo, eique similibus opponas, sufficiet toti huic agmini fundendo, delendoque; quienim illi, ut vel unius Thomæ, Bonaventuræ, aut Bernhardi auctoritatem, vultumque sustineant, quantò minùs integræ unius Synodi, imò plurium Synodorum? III. Et illi ipsi, qui hanc nostram sententiam calamo, aut exemplo illustrarunt, tantæ doctrinæ & sanctitatis florere, ut apicem in utroque contigerint, nec dici, imò nec cogitari potest, illos aut partium adulatione, aut fastu, aut Scripturarum ignorantia deceptos esse, corruptosve; ij sunt S. Gregorius M. S. Zacharias, S. Leo Pontifices: S. Thomas, S. Bernardus, S. Bonaventura, S. Antonius, S. Petrus Cluniacensis, S. Augustinus Triumphus, Innocentius III. Gerson, alijque. Jam peto ex Maimburgo, ut sententiæ nostræ tot Sanctis munitæ vel unum pro sua opponat: quòd si nullum habet, ut planè non habet, neque enim aliquem allegat, dicat rogo quid causæ sit, ut nullus Sanctorum ei sententiæ subscripserit, nostræ verò quàm plures? an istis fortè doctrina, aut modestia, aut animi moderatio, aut aliquid eorum defuit, quod persuadendæ veritati faciat? aut fortè non Bonaventura, non Thomas, non Gregorius, non Bernardus, non Patres Lateranensis, Viennensis, & Lugdunensis Conciliorum, Scripturæ Patrumque mentem & sensa intellexere? quòd si nihil horum dici potest, quæ causa Maimburgo fuit, & sacris addito, & Pontifici jurato, eam sententiam deferendi, impugnandique, quam omnes Societatis suæ Doctores tot editis libris professi sunt, quæque tot habuit munimenta veritatis? Nam quòd ait: *Omnes primitiva Ecclesia Patres, quique ante quintum seculum scripserunt, pro sua opinione stare, & istos merito prahabendos esse recentioribus;* id unum est ex solitis Maimburgi (a) argumentis, magno strepitu nihil præstantis: nimirum Concilia Oecumenica, Thomas, Bonaventura, Gregorius Magnus, alijque Ecclesiæ, Patrumque

(a) Maimb. de l'egl. de Rome chap. 28. circa fol. 392.

que sensum ignorabant; & illi, quos ipse citat, in genere tantum loquuntur, videl: *Obediendum esse Principibus, etiam Paganis, hereticis, & ut loquitur Apostolus, dyabolis, eosque soli DEO subjacere.* Quæ omnia generalia & verissima sunt, quis enim negat, Persarum Regi quamvis impio, veræque Religionis experti teneri subditos etiam Christianos obedire, eumque etiam eorum, quæ impiè agit, nemini præter Deum obnoxium esse? idem de alijs Regibus dicas. Hæc inquam in genere prolata verissima sunt; nemo verò eorum Patrum, quos recitat Maimburgus, negant: *Posse Reges in aliquo casu, & cum Ecclesiam, fidemque persequuntur, exarmari, Regnòque exui, & subditos juramento solvi.* De hoc solo quæstio vertitur, nèque hoc inficiantur Patres, imò ex principijs (a) Maimburgi inficiari non poterant, qui hanc potestatem Reges destituendi, quam nos Pontifici, ipse statibus & Comitibus Generalibus toties concedit. Ex adverso Concilia & Patres, quos pro nostra sententia produximus, hanc quæstionem, de qua modò contendimus, in particulari & individuo proponunt, an videlicet possint in certo, raroque casu Pontifices Romani imperia Regibus adimere? deciduntque, posse. Quis verò nescit, duos testes, qui in particulari deponunt, centum prævalere, qui in genere tantum? & dispositionem legis particularem & specificam centum Regulis generalibus præferri? nam si quis Theologus, aut Juris-Consultus ex generalibus illis præceptis: *Non esse jurandum, & neminem cum alterius injuria fieri debere locupletiores;* inferret, in nullo casu particulari, ne in Judicio quidem, & jubente Magistratu jurandum esse, nec præscriptionem, quâ quis cum alterius damno dutescit, permissam, is meritò se omnibus ridendum proponeret. Et idè toties in Jure Romano, Sacrisque Canonibus illæ regulæ repetuntur; *Generi per species derogatur: in generali concessione non censentur comprehensa, quæ specialis notâ indigent, &c.* Nihil ergo probant generales illæ Patrum locutiones, multòque minus Patribus derogant à nobis productis, & de hoc ipso casu particulari loquentibus, quem nos præ manibus habemus. IV. Sed & illud nimis præfidenter, inconsultèque à Maimburgo (b) dictum, videl: *Ecclesiam Gallicanam, omnesque Gallia Doctores, sententiam,*

qua

(a) Maimb. hist. Iconocl. l. 2. f. 257. & l. 4. scz pilæ. Et Traité de l'Egl. de Rome ch. 29. circa finem. (b) Maimb. Tr. de l'Egl. de Rome ch. 26. f. 365.

que in Reges Pontifici iustituit, semper pro noxia, plenâque discriminis & seditionis habuisse. Crediderim hic Maimburgo excidisse, quid aut de quibus loquatur, si enim de Concilijs Occumenicis in Gallia celebratis, totque alijs sacris Doctoribus loqui se cogitaret, qui nostram sententiam exemplis, calamôque tradidère, auderétne illis seditionis notam, publicæque inquietis attribueret? Seditiosum ergo Concilium Lugdunense, seditiosum Viennense? Seditiosi Leo, Gregorius, Zacharias, alijque tot sancti Pontifices? Et quæ tandem est illa Ecclesia Gallicana, quâ toties vanèque gloriatur? num illa Pontificibus, Episcopis, Synodisque & Doctoribus Gallix constat? & si constat, cur nullos pro se Maimburgus producit? si nullis constat, oportet ergo Ecclesiam Gallicanam Idèam quandam Platonicam esse, solo nomine insignem, reique expertem. Quid si mihi pro Ecclesia Gallicana Conventum Parisiensem, & aliquos ex Sorbona Doctores objiciant, continuò illud Cœlestini Pontificis (a) reponam: *Desinat incescere vetustatem novitas*. Suspecta est mihi Ecclesia Gallicana nova, recensque, & antiquæ opposita. Ubi Synodos habetis, quas Viennensè, Lugdunensè, Lateranensè ac Constantiensè æquare possitis? ubi Doctores nostris Bonaventuræ, Thomæ, Antonino pares? malo cum Bernardo, Fulcone, Gersono, Zacharia sentire, quàm cum Maimburgo, & Conventu Parisiensi paucorum Prælatorum, & in quo spes metusque præsedit: Comitibus totius Orbis præpono in Gallijs habita, à Gallis culta, & tunc solùm à Gallis impugnata, cum plus aulæ, quàm Ecclesiæ delatum. Sed illud quis non videat? Maimburgum, qui Patres sexti, septimique & octavi seculi à nobis producos, tanquam novos, recensquenatos repellit, nunc velle, ut ijs fidem habeamus, qui decimo sexto seculo Parisijs convenère? istos nimirum mille annis recentiores pro antiquis habet, illos pro novis. V. Denique nec tantum exemplis, decretisque Ecclesiæ Gallicanæ, sed etiam ex Maimburgi principijs veritas Conclusionis nostræ deduci potest. Is enim in historia Iconoclastarum, in libro de Imperij declinatione, & in Tractatu historico de Ecclesia Romana, communi Procerum, statuumque consensu Imperium Francicum in Pipinum & Hugonem Capetum, Romanum Italicumque in Carolum

Dddd

Mag-

(a) Cœlest. PP. ad Episc. Gall.

Magnum translata esse docet, civiūque Romanorum auctoritate tributa Copronymo Imper. negata, Urbemque à Græco ad Francos defecisse, (a) idque in libro de Imperij declinatione *ex singulari DEI providentia Regnum Gallicum protegentis, & Pipinum excitantis evenisse* dicit. Et in libro de Ecclesia Rom. *Quod populus, Senatusque tributa Copronymo negaverim, imploraverimque tutelam externi Principis, juri naturalis defensionis adscribit.* Hæc Maimburgi doctrina si vera est, sequitur ergo dari casum, in quo status & Comitia abdicare Regem aliquem possint, quemadmodum Childebertum, Copronymum, Constantinum, & Carolum Lotharingæ Ducem abdicarunt, Capeto Coronæ admoto; & negari haud potest, hanc esse ex majoribus causis, cum in illis de Regnis, bellisque agatur, totque alijs damnis, quæ hujusmodi mutationes consequuntur. Si ergo dubitari contingat, an is casus evenierit, adsintque circumstantiæ, quæ subditos Juramento liberent, ad quem pertinebit hunc casum decidere, qui ex majoribus est, & causam juramenti cognoscere, quæ omnino spiritualis est, nisi ad Summum Pontificem, cui causæ majores reservantur? idque Ecclesia Gallicana cognovit, quando teste Maimburgo Zachariam consuluit, liceretne ipsis Childeberto Pipinum sufficere? si ergo definiat, licere, imò necessarium esse, poterunt subditi, ac etiam tenebuntur subditos solvat, sive declararet solutos esse, perinde idem effectus consequetur, subditis æquè obsequio liberis, quemadmodum cum Pontifex declaravit, matrimonium Henrici IV. cum Margaretha Valesia irritum, cassumque fuisse, perinde ad novas nuptias libertatem est nactus, coactusque primas illas abrumpere, ac si Pontifex non irritum tantum declarasset, sed etiam fecisset. Eadem ergo vis Pontifici, seu declaranti, seu statuenti: hanc frustra impugnant, coacti illam cedere. Quid enim interest intrare volenti, si januam unam claudas, alterâ patiente? In quamcūque partem ergo se vertant, frustrâ laborant, seque ipsos implicant, vincente veritate. Et hæc de mente, sententiæque Ecclesiæ Gallicanæ: restat, ut quæ Maimburgus objicit solvantur, quanquam jam dudum & millies soluta, argumentis vid. exoletis, marcidisque, & toties à Luthero, Calvino, Illyricoque (quem Maimburgus à secretis habuit) declamatis.

§ III,

(a) La decad. de l'Emp. l. I. f. 7. Tr. hist. de l'Egl. de Rome c. 29.

§ III.

Solvuntur, quæ contra Pontificis indirectam in Regna potestatem Maimburgus, alijque objectant.

SUMMARIA.

1. Indirectam Pontificis in Reges potestatem, nec Gallicana Ecclesia, nec publico bono adversam esse, exemplis docetur.
2. Nec exemplo Christi adversari.
3. Nec Textibus SS. Scriptura: Matth. 20. Marci 10. Luca 22. Roman. 13. 1. Petri 2.
4. Falli Maimburgum, asserentem subditos ab Obedientia Principibus debita exsolvi non posse.
5. Eandem potestatem Theologice ex SS. Litteris deduci.
6. Neque improbari à S. Bernardo.
7. Neque ab alijs SS. Patribus, aut antiquis Pontificibus.

L



Non est mihi animus, singula persequi, quæ in ultimo Tractatu de Ecclesia Romana Maimburgus Pontificiæ potestati objectat, tam enim multa, aut extra lineam quæstionis, aut nihil probantia congerit, ut pigeat jam cadentia movere, irritoque labore papiliones istos

prosequi, infestos quidem, sed innoxios flori. Illa tantum seligemus, quæ fallere incautos possint colore veritatis.

Opponit I. Antiquorum Patrum & Ecclesiæ Gallicanæ auctoritatem; sed quàm id immeritò, nullòque fundamento, jam in prioribus Paragrapho evidenter ostendimus.

Opponit II. Ecclesiam Gallicanam, omnesque Galliæ Doctores existimasse, sententiam, quæ Pontifici Romano potestatem in Reges concedit, periculi damni que plenam esse, & publicæ tranquillitati adversam. (a)

Resp. Quæ fuerit Ecclesiæ Gallicanæ, Galliæque Doctorum sententia, & quàm malâ fide ejus auctoritatem jactet Maimburgus, jam suprà ostendimus: quod verò hanc nostram doctrinam *periculi, damni que plenam dicat, & publicæ quieti adversam*; id more suo jactat, non probat Maimburgus. Sed nos evidentibus argumentis contrarium ostendimus. I. Certum est, Ecclesiæ Gallicanæ florem Concilij Lugdunensi, Viennensi, Constantiensi, & Basileensi adfuisse, & tamen in his ipsis Concilijs sententia hæc nostra non probata solum & admissa est, sed magnis exemplis exercita, ut suprà ostensum: quis ergo non miretur, audere Maimburgum tam insignem, claramque falsitatem Parisijs vendere, Regique offerre, nescias, majori suo, an Principis ludibrio? & quæ rogo in sacrosancta Concilia Maimburgi reverentia, quæ ut Pontifici Romano præferat, in cælos usque alibi extollit, nunc verò cum eorum Decretis se premividet, ea docuisse dicit: *Qua periculi, damni que plena sint, & publicæ quieti adversentur.* Ergo Concilia jam sunt Sacrosancta, jam seditiosa, utcunque Maimburgo placuerit. Nos verò qui sacra & Oecumenica Concilia eodem semper, parique tenore veneramur, nec tam in illis Senatum præcipuâ pietate ac doctrinâ florentem, quàm æternam veritatem Concilij præsentem adoramus, id potius dicimus, doctrinam in Concilijs expressam, exercitamque, non perniciosam, non seditiosam esse, sed amoris, pacisque plenam, Religioni, fideique conservandæ necessariam, quæque Ecclesiam Gallicanam, & præcipuos illius Doctores decuit.

II. Ipse Maimburgus, cum hanc ipsam potestatem destituendi Reges Comitibus & Statibus Generalibus tribuit, tantum abest, ut seditiosam,

(a) Maimb. de l'Egl. de Rome ch. 26. circa fin.

ditiosam, noxiàmque dicat, ut potius *ex jure naturali, singularique Dei providentia* fluxisse velit, & eos, qui legitimis Regibus à Senatu substituti fuerunt, non perduelles, non Tyrannos vocat, sed à *DEO singulari bonitate excitatos*: sic loquitur, (a) cùm de Pipino, Carolo Magno, & Hugone Capeto sermonem facit; non ergo abdicatio Regum, in certis casibus peracta, talis est, qualem Maimburgus describit, hoc est, seditiosa, turbarùmque Civilium causa; alioquin non à DEO, non à natura proveniret, sed potius contra naturæ, Dei que institutum: imò conservandis Regnis sæpè necessaria, nam & Franciæ Regnum, nisi Pipinus succollasset Childerico suffectus, ruinam minabatur. Quæ tamen ita dicta velim, non ut Maimburgi sententiam probem, hanc potestatem eliminandi Reges in populum, Senatùmque conferentis: sed ut probem, vel ex ipso Maimburgi testimonio, potestatem abdicandi Reges, si ritè peragatur, & à legitima potestate, nec seditiosam esse, nec publicæ quieti noxiam, imò sæpè proficuum. Quod exemplis jamjam ostendam. III. Franciæ Regnum ignaviâ Regum eò devenerat, ut Saracenorum incurfu, bellisque Civilibus jam ferè concideret, & quod magis gemendum, hæresis Arriana invehì Romam parabat, fuissetque Longobardo ad portas strepente; sed Pipinus Zachariæ & Stephani jussu Imperio admotus, pristinae majestati Galliam restituit, Longobardos submovit, Græcos cælo terræque infestos, quique in Vicarium Christi torres sicarios armaverant, Italiâ exiit, Romanam Ecclesiam hætenus inopem, solâque Religione tutam, & idè injuriæ expositam ingentibus Provinciis auxit, fecitque metuendam duplici terrore septam, majestatis & Religionis: ac denique collabentem Religionem ipse sinu excepit, sustentavitque, & quod omnia superat, Carolum Magnum successorem reliquit, quo nullum præstantius Ecclesiæ & Orbi beneficium. Hæc omnia & ingentia utique bona cessassent, nisi Zachariæ Pontificis jussu Pipinus Coronam accepisset, non Saraceni expulsi, non Monarchia vindicata, non Saxones ad veram fidem conversi, Idolis abdicatis, non Græcus domicus, non Longobardus excisus, & Ecclesia Catholica nunquam tot naufragijs crepta. Hæc omnia Zachariæ debemus coronas trans-

D d d d 3

ferenci,

(a) Maimb. la decad. l. 1. f. 7. & Tr. hist. de l' Egl. de Rome c. 29.

ferenti. Gregorij VII. contra Henricum IV. Imperatorem, & Investituras certamen nemo ignorat; & is quidem nimis severitatis & inclementiæ à multis notatus est: sed DEUS æquè multis prodigijs ejus innocentiam absolvit, quæ Leo Ostiensis, (a) & Bertholdus Constantiensis enarrant, & eventus ostendit, luctas Gregorij insigniter Ecclesiæ profuisse, dignasque omninò, quæ tam grandi conatu agerentur; quamvis enim Gregorius in acie ceciderit, nec victoriæ superfuerit, ejus tamen exemplo successores Pontifices, Victor III. Urbanus II. Paschalis II. Gelasius II. & Calixtus II. inhæsere; & hic tandem, indicto Romæ Concilio, quingentorum annorum bellum absolvit, libertatem electionibus reddidit, præsertim Pontificijs & Episcopalibus; & investituras quoad spiritualia sustulit, Henrico in gratiam sinumque recepto, sicque finis impositus tot illis & ingentibus malis, quæ dignitates consequebantur Principum voto, imperiòque collatas, & fundamenta jacta altissimæ illius pacis, quæ modò Sacerdotium Imperio conjungit. Et cui tanti operis laus, nisi Gregorio? hoc enim cessante nec bellum cum Principibus, nec victoria fuisset, non Investituræ abolitæ, non libertas electionibus reddita, Pontificum præsertim, ex quo uno quanta in Ecclesiam mala profluxerint, quanta rerum omnium confusio, dici haud potest. Bellum ergo Gregorij pax Ecclesiæ fuit. Idem de Gregorio V. dicas, (b) (aut si quis alius Pontifex fuit, nam aliquem ex Pontificibus fuisse testimonio Concilij Viennensis, ipsorumque Electorum constat) qui jus eligendi Imperatorem in Collegium Principum Germaniæ transtulit, à quo tempore illa bella civilia, discordiæque cessarunt Imperio fatales, ob ambitionem Candidatorum, ferro flammæque pro Corona, velut eridis pomo certantium. Evolve historiam profanam ad Ludovicum usque Imperatorem, & Caroli M. filium, invenies, Imperium gravissimis bellis conflictatum, ac ferè deletum esse ob studia ambientium Coronam. Ludovicum ipsum Pipinus, Lotharius & Ludovicus filij, quod Caroli Judithæ filio favere videretur, bello appetunt, ac throno movent, (c) & Lotharium Imperatorem dicunt: nec aliàs funestius bellum Patre, filijs

— (a) Leo Ost. l. 3. c. 53. Berthold. Constant. in append. ad Herm. (b) V. Reg. Sacerd. f. 166. (c) Anno 833.

que pro Imperio decernentibus. Ludovico Lotharius successit, (a) exarsitque inter fratres bellum Civile imperandi cupidine, nec prius cessatum, quàm collatis signis concurrerent, gemente Franciâ, & civili discordiâ propè confectâ. Idem Carolo Calvo infortunium, (b) nunc cum Lothario fratre, nunc cum Ludovico nepote, armis implicito, jam victore, jam victo. Carolus Crassus Imperio à suis exutus, (c) & Arnulphus suffectus, quo tempore multi simul Tyranni Coronam invaserant, videlicet, Berengarius, Wido, Odo Parisiensis, & Rodolphus Conradi filius: adeoque omnium animos bellandi cupido invaserat, ut etiam Episcopi & Abbates armari in acie viserentur, pronumque est cogitare, quæ tum facies & perturbatio Occidentis fuerit, totbellis, cædibus ac discordijs agitati; duravitque ad Ottones usque. Quæ sub Henricis & Fridericis, & quàm multa infausse contigerint, notiora sunt, quàm memorari debeant; quæ omnia aut omnino, aut majori ex parte sublata sunt translato ad Principes Septemviros, auctoritate Romani Pontificis, jure eligendi. Patet ergo, hanc potestatem, quam Pontifici in Imperia tribuimus, non discordiæ, non seditioni, sed paci servire. Quod si aliquando contrarium evenit, non potestatis, non Pontificis culpa, sed eorum fuit, qui remedia obstinate respuebant, peracerba illa quidem, sed tamen salubria pertinacibus morbis; quàm multi sub medentis manû ferroxque labuntur? anided artem potius, quàm morbum accuses? Sed nunquam magis, ut in Henrici Magni conversione hujus Pontificiæ potestatis necessitas juxta & utilitas apparuit. Mortuo Francisco Duce Alenfonio Henrici III. fratre, Regisque sterili matrimonio, proximus Regij sanguinis sequebatur Henricus Borbonius, Navarræ Rex, sed Calvino addictus; hunc & fratrem ejus Principem Condæum Sixtus V. Pontifex Maximus inhábiles Regno declarat, excluditque. Henrico Rege per sicarium & insidias cæso pleræque Galliæ Civitates ab Henrico Borbonio, quem ob hæresin aversabantur, abstractæ, sœdus cum externis Principibus iñtum, diræ à Gregorio XIV. repetitæ, immisissique exercitus, effusique thesauri, quos Sixtus condiderat, ne hæresis cum Borbonio Principe thronum conscenderet; & hic quidem virtute ac
forti-

fortitudine militari, & plerumque victor, diu torrentem sustinuit. Sed cum Clemens VIII. potestatem Regem eligendi federatis dedisset, & isti Comitria Luteriæ agerent, multique Europæ Principum hunc Galliæ florem rapturi viderentur, prævenit Henricus, seque Catholicum, cum potiri aliàs Regno haud posset, palam professus est; quod ubi constitit, tota in eum Gallia confluit, exterique pulsi, & Regnum pace compositum. Henricum ergo, ut Catholicus esset, Pontifices evicere; si enim thronum conscendisset hæresi imbutus, quis dubitet, majorem Galliæ partem exemplo Regis corruptam fore? Filij verò, nepotisque ex Henrico nati, Ludovici videlicet, XIII. & XIV. eandem pestem Throno intulissent; quis enim credat, aliam eos Religionem, quam Patris, Avique, & in qua nati, educatique essent, amplexuros? Perpetuum ergo hoc malum Galliæ fuisset, & Religioni fatale, plerisque, ut fieri amat, aut metu, aut adulatione Regem imitantibus. Quodd ergo Henricus Magnus hæresi exemptus, quodd Gallia hac peste intacta, quodd Ludovicum regnantem non Catholicum tantum, sed ardore veræ avitæque Religionis Constantino ac Theodosio parem habeamus, hæresi toto Regno ejectâ, devictâque; Vobis post Deum, Romani Pontifices Sixte, Gregori, Clemens, vestræque potestati debemus, quâ opportunè usi percussistis, secuistis, ac tandem sanastis. Ingemuit quidem Gallia, alrumque indoluit, recenti adhuc plagâ, & multum sanguinis micante; nunc sana vigensque ferrum illud; manumque curatricem amplectitur, alioquin, si medicus parceret, peritura; nunc valet, quia seclta. At, inquires, infinita calamitates Regna & Imperium afflixere, cum Reges à Pontificibus Romanis abdicabantur, ut in Henricis, Fridericis, & Anglia Regibus observatum est: satius ergo esset, hæc potestate aut carere, aut non uti Pontifices. Resp. Nulla est in rebus humanis aut ars, aut status, aut conditio tam perfecta & absoluta, quæ non multis magnisque incommodis misceatur, & ob quæ si tollenda illa essent, tolli omnes artes, potestates, ac statuum conditiones oporteret, idque omnibus his incommodis multo pejus foret. Ex Regia potestate quot injuriæ, ex arte navigandi quot naufragia, ex scientia militari quot cædes, artisque nocendi? ex matrimonijs quot adulteria, litisque domesticæ, & partus Reipublicæ noxij? an ideo Regia potestas, matrimonia, artisque abolen-

abolendæ? at multò id peius, ac pluribus obnoxium malis, sublati videlicet humanis commercijs; datæque injurijs, vagisque amoribus licentiâ. Idem dicas de potestate Reges abdicandi: fateor bella, discordias comitari; at quantò pejora, si eos hæresin profiteri, matrimonia solvere, Ecclesias depilare ferres, idque impune, nullòque freno & exemplo, quòd pro Imperio esse solet in subditos manante? quanta rerum omnium, morumque corruptio sequeretur? Deinde videndum est, an ea incommoda, quæ nobis adversarij objectant, ex usu Pontificiæ potestatis, an verò ex eorum vitio proveniant, qui emendari nolunt, provocantque extrema remedia: dolorem enim irrogati supplicij cujus culpæ adscribes, reo, an Judici? flagitio, an legi? Henricus Bolænam amat, fastiditque Uxorem, & thalamo ejicit, ducitque amicam publicam publico ritu. Europa tam turpi exemplo attonita, hæretque cui primas lachrymas spargat, triumphanti unius libidini, an alterius oppressæ innocentiae. Pontifex Romanus rogat, minatur, terretque, & longas inducias pœnitentiæ donat, ac tandem obstinatum, & ludibria flagitijs jungentem sacris interdicat: hic amore & iracundiâ flagrans Romæ bellum, denuntiat, seque jugo subducit. *O incauti*, inquit, *Pontificem*, *qui Angliam perdidit intempestivâ severitate!* Sed cur non potius exclamant: *O inconsultum Regem*, *qui animam, Regniûque posuisti infano amori!* nulla enim necessitas fuit adulterio cœdari, sed maxima adulterium punire: hoc Pontifex fecit, illud Henricus. Cur ergo malis defectionis culpam illi adscribere, qui scelus justè & necessitate punivit, quàm illi, qui impiè & voluntate commisit? alioquin omne flagitium impune fuerit, si sufficiat metu defectionis terrere puniturum. Et idèd tanquam plena constantiæ & libertatis celebratur apud Joannem Saresberiensem illa Alexandri III. vox, quando Regijs Legatis minantibus, nisi Thomam Archiepiscopum abdicaret, Regem ad Mahometis Religionem defecturum, intrepidè respondit: (a) *Potest Rex eligere viam pravam, ego tamen non recedam à via recta.* Et illa Divi Thomæ Archiepiscopi & Martyris Cantuariensis, cùm scriberet ad Ecclesiæ Romanæ Cardinales: (b) *Non simulatione, non ingenio regenda est Ecclesia, sed justitiâ & veritate, quæ se observantem liberat ab omni periculo.* Non

Eeee

nega-

(a) Joan. Saresb. ep. 66. inter epist. S. Th. Cant. (b) Inter epist. S. Th. epist. 46.

negaverim tamen, hujusmodi interdicta, censuras, & præsertim Regnorum mutationes parcissimè adhibendas, nec alijs morbis, quàm desperatis, nam nec membra truncamus, nisi medicinis absumptis; quod etiam eleganter Concilium Tridentinum (a) præmonuit: videlicet, *Excommunicationis gladium sobriè, magnâque circumspèctione exercendum, cum experientia doceat, si temerè aut levibus ex causis incutiat, magis contemni, quàm formidari, & pernicipi potius asserre, quàm salutem.* Cujus exemplum illustre apud eundem D. Thomam Cantuariensem, qui Regem Angliæ excommunicatione percussurus Sueffionem ad D. Virginem peregrè profectus est, triduûmque inter preces insumpsit, ut videl. vibrando sacro fulmini Deum haberet directorem, (b) néve aliquid humani affectûs, aut vindictæ tam sacro operi misceretur.

II. Oponitur III. (c) *Christus, inquit Maimburgus, non Herodem Regno, non Pilatum Prætorio expulit, quamvis impios, injustosque, imò utrique ac præsertim Cæsari se subjecit, iussitque pro se suoque Vicario tributum persolveri, apertèque professus est, Regnum suum non esse de hoc mundo.* Quo ergo jure Romanus Pontifex faciet, quæ Christus non fecit? sibi que potestatem sumet, quam Christus non sumpsit? *Nec enim discipulus est supra Magistrum, nec servus major Domino suo.* Et si Christus non Cæsarem, non Herodem Regno interdixit, cur Pontifex Fridericos & Henricos interdicit? an isti Tiberio & Herode pejores? aut major Pontifici, quàm Christo in Reges auctoritas?

Resp. Hoc argumentum aded infirmum est, ut multis modis impugnari possit; nam I. si exemplo Christi Domini agendum sit, dubitari vix potest, utrâque illi dignitatem collatum esse, Sacerdotalem videlicet & Regiam, id enim Angelicus Doctor (d) expressè docet, & saltem id verum est quoad illa, quæ gubernandæ Ecclesiæ, & redemptioni consummandæ necessaria erant, nam ut idem S. Doctor scribit: *Cui committitur principale, committitur & accessorium; omnes verò res humana ordinantur in finem beatiitudinis, quæ est salus æterna.* Et hæc ipsa videtur expressa sacræ Scripturæ sententia, nam Matth. ult. *Data est mihi, inquit Christus, omnis potestas in celo & in terra;*

(a) Concil. Trid. de Reform. Sess. 25. c. 3. (b) Joan. Saresb. ep. 140. (c) Maimb. Tr. hist. de l'Egl. de Rome ch. 27. f. 367. (d) S. Thom. l. 1. de Regim. Princ. c. 12. & seq. & p. 3. q. 59. a. 4.

in terra; & Paulus ad Hebr. *Quem constituit heredem universorum.* Et Apocal. 1. *Princeps Regum terra;* & Apocal. 6. *Rex Regum & Domus Dominantium.* Et radix hujus Regiæ potestatis videtur fuisse unio hypostatica; communicatâ enim naturæ humanæ formâ Deitatis, communicatæ sunt etiam omnes divinæ proprietates, quarum capax erat natura humana. Quis verò neget, capacem fuisse Imperatoriæ & Regiæ dignitatis? quemadmodum formâ ignis ferro communicatâ omnes juxtâ ignis proprietates communicatas videmus, adeò ut non ignis solum, sed etiam ferrum luceat, rubescat, caleatque ut ignis; quòd si unio ignis ad ferrum, quæ merè accidentalis est, transiensque, omnes ignis proprietates ferro communes facit, quantò magis unio hypostatica, quæ substantialis est, ac æterna, omnes proprietates naturæ Divinæ, & consequenter etiam Regiam in res temporales potestatem humanitati impresserit? Et hâc ipsâ potestate Christus, quantum vis formam servi præferret, aliquoties usus est, solvendo videl. leges Civiles, & de rebus temporalibus aliorum disponendo; nam adulterij ream, compertâque absolvit, & pœnâ legibus præscriptâ exemit. Ficulneam nullâ Domini licentiâ aridam fecit, inutilēque, greges porcorum invitis & gementibus Dominis Dæmonio immisso aquis præfocavit. Quâ rogo hæc potestate, nisi Regiâ, absolutâque, nullisq; legibus obstrictâ? Quæ tamen Regia potestas cum immediatè à Deo esset, & vi unionis hypostaticæ, optimè dixit Christus: *Regnum suum non esse ex hoc mundo,* non negat, Regnum suum esse in hoc mundo, erat enim: sed, *esse ex hoc mundo;* quippe nullo Jure aut titulo humano partum, quo modo hujus mundi Regna quærentur, hoc est, non electione, non successionē, non vi armorum, nec donatione paratum, sed immediatè à DEO, & vi unionis hypostaticæ. Negari ergo hæud potest, Christum potestate in Reges præditum fuisse. Quæro jam ex Maimburgo, an Christi exemplo Pontificiam Potestatem metiri velit, aut non velit? Si non vult, cur ergo impugnandæ huic potestati Christi exemplum producit, quo eam impugnare, aut non vult, aut non potest? si vult, ergo sequitur exemplo Christi etiam Pontificem Romanum imperare Regibus posse, habuit enim Christus hanc potestatem, ergo etiam, si exemplo Christi uti velis, Pontifex Romanus. *At Christus nunquam Reges deposuit.* Resp. Non hic

de usu, sed potestate quæri, hanc verò Christum habuisse negari haud potest, & si habuit, ergo uti etiam potuit. *Cur verò usus non est?* Quia passurus, quia moriturus venerat, nec vindictæ, aut potentia, sed humilitatis & patientiæ exempla daturus; si enim Herodem & Pilatum Regno ac Præfecturâ pelleret, quando pateretur? quando moreretur? quando genus humanum redimeret? & quis ab illo pati injurias disceret, hostesque amplecti, si in hostes vindicaret? Nec propterea caruit potestate, quia illâ uti noluit: quis enim neger, multis eum scientijs & artibus præditum, quas nunquam exercuit? militari videl: Astrologicâ, Medicâque. Nam & nostri Reges multa possunt, quæ nunquam exercent, indigna videlicet tanto fastigio, aut saltem incommoda. Cur ergo Summi Pontifices exemplo Christi non etiam hæc potestate abtinent, quamvis eam habeant? quia Christus Ecclesiam voluit non armis, non vi, non sapientiâ humanâ, sed humilitate, patientiâ & miraculis institui, ne illa opus humanum, sed cœleste tantum crederetur. At verò semel institutam, humanis medijs ac industriâ propagari; nam & corpus humanum solus ipse, ac è terra produxit, productum tamen nec solus, nec è terra multiplicat, sed alijs ac naturalibus modis. Et quis agricolam aut vinitorem non rideret, qui segetem vitæque non culturâ, non aratâ terrâ, nec sparsis seminibus, aut palmite palis adstricto speraret, quia Deus ex nihilo produxit? non ergo sequitur eodem modo, quo plantata est, conservari Ecclesiam debere, & ea quæ à Christo, etiam à Pontifice omitti debere. Alioquin nec mitras Episcopis, nec sericum, nec annulum, nec equos, rhedâsque permittes, quia Christus nihil istorum usurpavit. Ergo quid Pontifici aut Episcopis liceat, non ex ijs sumendum est, quæ Christus omisit, sed quæ praxis usûsque Ecclesiæ obtinuit: præsertim causis, statûque rerum mutatis: alioquin si exemplo Christi nec adulteria punias, nec calumnias refellas, nec contra injurias militem scribas, nec latrones castiges, sed potius præmijs dones, quæ facies Ecclesiæ & Reipublicæ fuerit? nullum ergo argumentum deduci potest ex ijs, quæ Christus omisit. Unde patet, Maimburgi argumentationem multis & grandibus vitijs laborare. Promiserat is initio capitis vigesimi septimi: *Se non multis, nec subtilibus argumentis usurum, sed ultra omnem disputationem ea tantum pro-*

produiturum, quæ magni instat splendoris se ipsa ostentent, & modò oculos habeas, cerni ab omnibus possint. Quis non expectaret post tam magnificè promissa insignem aliquam, invictamque Demonstrationem? & tamen ex suppositis non tantum non certis, aut saltem dubijs, sed evidentè falsis procedit. Supponit enim, Christum ut hominem nec potestatem in temporalibus Regiam habuisse, nec eamulum; cum tamen non testimonio tantum Angelici Doctoris, sed omnium ferè Theologorum contrarium constet, saltem si de potestate indirecta loquamur, quatenus illa gubernandæ Ecclesiæ serviebat, eamque aliquoties exercuit, rarè tamen, quia videlicet non idèò in mundum venerat, ut exempla regnandi, imperandique daret (id enim sponte suâ natura facit, nec exemplis urgenda est) sed potius obsequendi, ferendique adversa. Deinde adducto Christi exemplo Pontificem omni in Reges potestate Maimburgus privat: at si exemplo Christi utamur, contrarium omninò sequitur; hanc enim potestatem Christus habuit, ergo & Papa, si istum ex Maimburgi sententia metiri velis. Supponit denique, omnia, quæ Christus fecit, omisitque Redemptionis peragendæ, & Ecclesiæ constituendæ causâ, fieri quòque, omittique à Pontificibus debere, etiam peractâ redemptione, Ecclesiæque institutâ; quod perinde est, ac si dicas, constructo jam, absolutoque ædificio Patrem familiâs, qui ædes inhabitat, iisdem instrumentis, operis, fabrisque indigere, quibus Architectus, dum ædes construeret. En egregiam Maimburgi demonstrationem, ferro & adamante contextam, si promissa spectes; si facta, vitream, fragilemque, & vix dignam relatu. II. Multò minùs aliquid probat, quod adjungit; videl: *Iussisse Christum pro se & Petro tributum solvi; Petrum ergo subiectum Cæsari voluit: si subiectus, quò ergo Cæsari imperabit? quò Regno deponet?* Resp. Christus non ex debito, sed spontaneâ voluntate tributum solvit, ut apertè ex illis verbis constat: (a) *Quid tibi videatur Simon? Reges terra à quibus accipiunt tributum, vel censum? à filiis suis, an ab alienis? & ille duxit, ab alienis.* Dixit illi Iesus, ergo liberi sunt filij: ut autem non scandalizemus eos, da eis pro me & te, &c. Non ergo Christus & Petrus tenebantur tributum solvere (sicut nec filij & familia Regum) liberi ergo erant; quæ verò est mirabilis

Eccc 3

hæc

hæc consequentia Maimburgi: *Christus & Petrus liberi à tributo erant; ergo subijciebantur Cæsari?* cum potius contrarium deduci oporteret, videl: *Ergo non subijciebantur Cæsari.* Sed Maimburgus nec Religionem habuit, sententiam Evangelij truncare, & ea verba subtrahere, quæ rem totam declarabant, nec consequens inferre præmissis contrarium, perinde ac si diceret: *Sollucet, ergo nox est.* Quod si concedamus, etiam Pontifices Romanos subiectos Cæsari fuisse, quoad ea, quæ res temporales, civilesque spectant, non idem sequitur, non posse in certis circumstantiis, & quando agitur de Ecclesia conservanda, Cæsares, Regesque deponere: nunquid enim Galli, Romanique, qui Pipinum & Hugonem, ac Carolum Magnum Imperio donârunt, legitimis Regibus subiacebant? & istis tamen ex sententia Maimburgi Regna abrogârunt. Deinde cum Pontifex Romanus declarat, subditos Principi hæretico, aut Ecclesiam persequenti juramento non amplius obstringi, cessat ea subiectio, & consequenter obligatio obsequendi. Sed & jus naturale defendendæ Religionis, & tot animas perituras, multo est antiquius, fortiusque jure subjectionis erga Principes Seculares; cessat ergo subiectio periclitante Religione. Ac denique potestas indirecta Pontificis Rom. in Principes, Regesque temporales, est verè Spiritualis & Ecclesiastica, quippe gubernandæ Ecclesiæ, servandæque Religionis data, & Pontificio Characteri innexa; non ergo quoad hujus exercitium Imperatori Pontifex subiectus dici potest. Quemadmodum bona Ecclesiasticorum, quantumvis temporalia, quia tamen Ecclesiæ serviunt, nec quoad Dominium, nec quoad usum Principibus secularibus subiecta esse possunt. Nihil ergo probat Maimburgi argumentum.

III. *Opponitur IV.* Christus apud Matthæum (a) prohibet Apostolos omni dominatione illis verbis: *Scitis, quia Principes gentium dominantur eorum, & qui majores sunt, potestatem exercent inter eos; vos autem non sic.*

Resp. Hunc quoque Scripturæ locum Catholicis obijciunt Calvinistæ, ex quorum libris omnia ferè argumenta sua exscripsit Maimburgus, labori ut credo parvens, aut meliorum inopiâ. Contendebant Apostoli, quis in eorum Collegio Primatum obtineret? dabat-

(a) Matthæi c. 20. Marci 10. Lucæ 22. Maimb. cit. c. 27. f. 367.

dabátque ansam importunæ æmulationi duorum Piscatorum supplicatio, primas Sedes in Regno Christi expetentium, matre interpellante. Christus, ut primas scintillas extinguat gliscentis ambitionis, monet illos officij ac professionis Apostolicæ, nec enim Regnum suum alijs Regnis simile esse, nec apparatu niti, pompâque seculari, nec Apostolos, eorûmque Successores ad dominandum, imperandumque & regendam Rempublicam vocari, sed ad pascendas animas, prædicandum Evangelium, corrigenda hominum flagitia, evertendam Idololatriam, exercendâque omne genus virtutes, humilitatis præsertim & contemptûs caducarum voluptatum. Quæ omnia verissima sunt, & nos quoque, has esse præcipuas partes Romani Pontificis constanter asserimus. Si verò Principes in hæresin labantur, & Religioni & animabus ingentem ac inevitabilem perniciem moliantur, non prohibet Christus, eos à Romanis Pontificibus coerceri, & gladium velut furentibus eripi; id enim cum ex Jure naturalis defensionis, ac officio Pastoralis consequatur, noluit hic Christus exprimere, cum potius comprimenda esset Apostolorum ambitio, quam novis facibus accendenda. Nulla est ergo hæc consequentia: *Status & dignitas Pontificia ac Apostolica ad gubernandam Ecclesiam, non verò ad dominatum terrestri Reipublica ordinatur. Ergo nunquam potest Regibus Ecclesiam persequentibus potestatem Regiam adimere, aut Subditos juramento solvere; imò contrarium potius inferri debuit: cum enim causa & cognitio Juramenti, quibus videl: casibus obliget, aut non obliget, sit spiritualis, & temporalis potestas subordinetur potestati spirituali, tanquam medium fini, sitque, spectatâ conditione humanâ, maxima connexio rerum spiritualium cum temporalibus, ac gubernandæ Ecclesiæ sit omnino necessarium Ecclesiæ hostes coercere (quemadmodum eadem est ars militaris, quæ cives munit, repellitque hostes) sequitur, ut concessâ supremâ potestate spirituali Ecclesiam gubernandi, concedi etiam debuerit potestas Regibus imperandi, cõsque, si necessitas & periculum Religionis urgeat, exautorandi, non quidem absoluta & ordinaria, sed subsidaria & eventualis, atque ut dixi ad casum puræ necessitatis restricta, idque juxta naturalia illa & communia prudentiæ axiomata, atque toties à Sacris Theologis, Jurisque-Consultis*

repe-

repetita, vid. (a) *Cuiusque committitur principale, committitur & accessorium; & Concessa alicui Jurisdictione conceduntur omnia, quæ ad illam necessaria sunt, & sine quibus exerceri illa efficaciter non potest.*

Opponitur V. Jubent sacræ Scripturæ, ad Romanos 13. (b) *Ut omnis anima (& consequenter etiam Pontifex Romanus) sublimioribus potestatibus subiecta sit.* Et apud Matthæum: (c) *Ut reddantur quæ sunt Cæsaris Cæsari, & quæ sunt DEI DEO: ut obediamus Regibus etiam dyscolis, idque, non solum propter iram, (d) sed etiam propter conscientiam.* Acceditque (e) exemplum Ecclesiæ primitivæ, quando vid. flagrante persecutione, & Christianis omnigenere tormentorum, videlicetque ad cultum Idolorum adactis, nemo tamen contra legitimos Principes arma sumpsit, nemo cum illis de Imperio contendit, seque juramento solum credidit. Néque id metui tribuas, aut paucitati Christianorum, aut quòd Principe Catholico careret, quem sequerentur, quique Imperij Principibus bellum inferret. Nam qui poterant illi aut paucitati, aut metu cohiberi, qui non morti tantum, sed etiam pœnis morte acerbioribus tantâ alacritate se offerebant? illi bellum refugerent pro Religione, qui gladios, ignisque velut delicias amplexabantur? Audi Tertullianum: (f) *Si hostes exertos, non tantum vindices occultos agere vellemus, deesset nobis vis numerorum & copiarum? vestra omnia implevimus, urbes, Insulas, castella, castra ipsa, sola vobis reliquimus templa; cui bello non idonei, non prompti fuissetus, & non impares copiis, qui tam libenter trucidamur?* Eodem modo sæviante hæresi Arrianâ, & Neronom ac Deciorum crudelitatem æquante, & quando rerum in Occidente Catholici potiebantur, sub Imperatoribus Constantio & Valentiniano æquè Catholicis, deerant illis arma, vires Ducisque copiarum, quas Valenti & Constantio opponerent? & tamen quando nec causa, nec vires, Ducisque Catholicis aberant: & tempus vindicandæ Religionis: quis de Imperatoribus dejiciendis, solvendisque subditis juramento cogitavit? non ergo Pontifices Romani id sibi licere credebant; nam si crederent licere, cur non eodem modo illi Decios, Neronas, Constantios, Valentisque, quo

(a) S. Thom. 3. p. q. 59. a. 4. & L. fin. ff. de off. ejus, cui mand. jurisd. & l. 2. de jurisd. omn. Jud. & c. præterea de off. Jud. deleg. V. Reg. Sacerd. à fol. 236.

(b) Rom. 13. (c) Matth. 22. (d) Et 1. Petri 2. (e) Maimb. cit. c. 27. f. 369. (f) Tertul. in apolog. c. 7.

quo nuperi Pontifices Fridericos, Henricosque persequerentur? aderat enim par, imò æquior causa protegendæ Religionis, nec vires minores.

Resp. Sententias S. Scripturæ quod attinet, generales illæ sunt, nec se ad casum adeò specialem & extraordinarium, de quo nos loquimur, extendunt. Quòd enim Principibus obediendum sit, omnique cultu ac reverentiâ, quamvis dyscoli impijque, prosequendi, nemo dubitat, nemo negat; imò ipsi Summi Pontifices, cum adhuc quoad temporalia Imperatoribus subderentur, summâ illos reverentiâ observabant, adeò ut Stephanus II. in Epistola (a) ad Pipinum, *se ejus vestigijs advolvi*; Gregorius (b) verò Magnus in Epistola ad Mauritium; *se vermem, pulverem, cineremque* profiterentur; non hic satis reverentiæ & obsequio datum? Cæterum, ut etiam suprâ notavimus, generales illæ locutiones nihil casui derogant, de quo nos loquimur. Quemadmodum enim generalia illa præcepta: *Ego autem dico Vobis, omninò non jurare: non occides: non furtum facies*, non extenduntur ad casus necessitatis, & naturalis defensionis, ita nèque ad casum, de quo agimus; quæ enim major necessitas, aut quæ justior defensio, quam animarum, quàm fidei & Religionis? *Cur ergo non etiam antiqui Pontifices hanc potestate usi sunt?* *Resp.* Nullum esse argumentum à negativis, multa enim olim facta non sunt, idque ex certis causis, quæ tamen fieri alioquin potuissent. Nec Decius, nec Diocletianus, nec Titus, nec alij retrò Imperatores Constantinopoli Regiam fixerant, num idè nec Constantinus id potuit? Sic olim Episcopi & Pontifices in commune vivebant, nec distinctis suisque Patrimonijs instructi erant, nec etiam à solo Clero, multòque minùs à solis Canonicijs eligebantur; num ergo aliter vivere, eligique non poterant? Fateri ergo oportet, multa olim, quæ fieri poterant, facta non esse. Eodem modo, quòd olim Constantios, Valentes, aliòsque impios persecutores Pontifices tulerint, nec eos diris percusserint, (quod utique poterant, nèque Maimburgus negabit) multòque minùs Imperijs exuerint, dubium non est, ob magnas, gravèsque causas fecisse, præsertim pejorum metu, & exili, quod temporalia spectat, Pontificum majestate, quòdque nulla spes alluceret imperata exequendi; nam & immensa

F f f f

tunc

(a) Steph. II. epist. 4. ad Pipin. (b) Greg. M. epist. 62. ad Mauric.

tunc erat Imperatorum potestas, aut toto, aut mediâ Orbis parte dominantium, promptisque exercitibus, militiæ ac pugnæ paratis; ergo tunc temporis aut non decuit, aut non oportuit, aut non expedit, multoque tutius ferre & expectare, quàm hostes & fortiores excire inutiles ac noxiâ vindictâ. Alioquin si hoc exemplum antiquitatis aliquid urgeat, quo jure ex sententia Maimburgi Franci Pipino & Capeto, Romani Carolo Imperium detulere, ipsique acceptarunt? si nefas hoc fuit, nunquam pejus, quàm in Gallia & à Gallis peccatum. Sed & illud huc facit, quòd non olim tantum, sed hoc etiam tempore, quando Summi Pontifices hanc sibi in Reges & Imperia potestatem convenire putant, multos tamen hæreticos Principes tolerant, nullisque eos pœnis nec sacris, nec profanis insectantur, nec subditos Juramento absolvunt, idque aut metu pejorum, aut quia credunt se frustra conaturos, quamvis multi, potentisque Catholici Principes non desint, quorum armis uti possent; nec propterea sequitur, arbitrari modernos Pontifices, se hâc potestate uti non posse; ita non sequitur, & antiquos Pontifices id arbitratos esse, qui ob similes causas censuris, pœnisque abstinabant, non quòd causæ aut potestas, sed quòd tempus abesset, nam navigatio non omni vento opportuna.

IV. *Opponitur VI. Obedientia*, (a) quam subditi Principibus debent, juris divini est, & à DEO imperata, non ergo dispensare, eamque solvere Pontifices possunt, ut sæpe in sacris Canonibus definitum est, docentque illis verbis sacræ Scripturæ: *Quod Deus conjunxit, homo non separet*. Alioquin auctoritate Pontificum etiam matrimonia laxari possent.

Resp. Observabit lector, promississe Maimburgum, se argumentationibus non usurum, & consultò quidem, nihil enim eo infelicius, cum argumentari incipit; cum historiam texit, evolvitque præterita & olim facta, fallit quidem, sed observari nisi ab eruditis non potest, & quibus libri & otium est percurrendi antiqua. Cum verò philosophari incipit, rationesque deponere ex suo contextas, aded aberrat, ut nemo non notet, videatque, aut indo-

leat

(a) Maimb. cit. cap. 27. fol. 372. (b) c. sunt quidam 25. q. 1. c. litteras de restitut. Spoliat. c. super eo 4. de usur. S. Thom. 1. 2. q. 97. a. 4. ad 3. & quodl. 4. q. 8. a. 3. vide Reg. Sacerdot. f. 360.

leat tam malè in metam collimanti, appareatque, majorem illum eloquentiæ operam, quàm Theologiæ dedisse. Si obedientia Regibus debita juris divini est, quod solvi à nullo & nunquam potest, quis ergo Francos, Romanosque juramento exsolvit, quod Childerico, quod Constantino dixerant? idque vidente, approbante, imò acceptante Galliâ? Quis in juramentis, quis in votis dispensat, quorum obligatio juris utique naturalis est, divinisque? Sed & principium Mainburgus petit, supponit enim, quod probandum erat, videl. præcepta divina, præsertim positiva pro omni casu obligare, cum contrarium constet, etiam in præceptis negativis; præceptum enim *non occidendi* in certis casibus & circumstantiis non obligat, præsertim in casu defensionis; ità nec præceptum *Principibus obediendi*, quando necessitas defendendæ Religionis, quæ multò fortior & antiquior est, urget. Declaratio verò, an ea necessitas urgeat, adsintque circumstantiæ, ob quas juramenti obligatio cesser, est una ex majoribus causis, & idè Pontifici reservata, nec privatorum judicio permessa, alioquin nemo non causas fingeret, legitimos Magistratus respuendi, essentque omnia latrocinii ac factionibus plena.

V. *Opponitur VII.* (a) Potestas hæc indirecta, quæ Pontifici Romano tribuitur, nullum habet à sacris litteris patrocinium, ne leve quidem, atque ex tot auctoritatibus, quæ illi opinioni sustinendæ producuntur, nulla à sacris Conciliis, sanctisque Patribus in eum sensum explicatur, qui illis à Bellarmino & Suarezio falsò attribuitur. Illæ verò Evangelicæ sententiæ: *Pasce agnos meos, & quodcunque solveris super terram, erit solutum & in calis*, intelligendæ sunt de sola potestate spiritali, non verò temporali, & sic à Patribus intellectæ, explicatæque sunt.

Resp. Scripturas quod attinet, alibi ostensum est, hanc nostram sententiam aperte & Theologicè ex illis deduci, parique ratione, quâ olim SS. Patres per evidentem ac naturalem discursum suas Conclusiones contra hæreticos ex sacris literis inferebant. Nam I. In veteri testamento Oziam Regem incensa in templo adolentem, & idè leprâ statim percussam Summus Pontifex Azarias non solum ut templo egrederetur rogavit, sed etiam invicem

F f f f 2

ejecit:

(a) Mainb. cit. c. 27. §. 373.

ejecit : Cúmque, inquit Scriptura, (a) respexisset eum Azarias Pontifex, & omnes reliqui Sacerdotes vidissent lepram in fronte ejus, festinavit expulerunt eum, & habitavit in domo separata plenus leprá, & filius ejus rexit domum Regis, & judicabat populum terra. Ubi observa, Pontificum munus fuisse, de Principis lepra cognoscere, & ubi infestum reperissent, omniconmercio ac hominum societate excludere, sicque inhabilem Regno pronuntiare, nam Levitici 13. ita statuitur : (b) *Quicumque ergo maculatus fuerit leprá, & separatus est ad arbitrium Sacerdotis, solus habitabit extra castra.* Sicut ergo Pontifices Aaronici de lepra Principis cognoscebant, eaque infectos templo arcebant, omnique humaná societate, sicque inhabiles declarabant gubernandæ Reipublicæ : néque id obstabat reverentiæ Principi debitæ, omnique naturali ac divino jure sancitæ : ita Romani Pontifices de morali Principum lepra sententiam dicunt, id enim ad majores causas pertinet, soli Vicario Christi reservatas, nam & olim solus Pontifex lepram notabat, & hujus jussu Ozias templo excessit. Et sic leprá correpti omni commercio, congressuque humano arcebantur, & ided inepti, exclusique Regno, aded ut idem esset, pronuntiare leprosum aliquem, & Regno indignum : ita Princeps hæresi corruptus, corrupensque alios, & propterea Sacris interdictus decreto Apostolico (c) hominum commercio & societate excluditur, aded ut *nec cibum cum illo sumere, nec eum salutare permittaris.* Sicenim habes Epistolá 2. B. Joannis Apostoli : *Si quis venit ad vos, & hanc doctrinam non afferit, nolite recipere eum in domum, nec ave ei duxeritis; qui enim dicit illi ave, communicat operibus ejus malignis.* Quæ Apostolica prohibitio saltem tunc locum habet, cum est periculum, ne tu vel tui ab hæretico pervertaris (quod perversionis periculum tunc maximè obversatur, cum Princeps aliquis hæresin suam, aliòsve errores exemplo, aut etiam armis propagat?) in quo casu non humano tantum jure, sed etiam divino & naturali sociari hæretico, aut excommunicato non potes ; & videri possunt Beda, Fabianus, Callixtus, & canones Apostolici à Gratiano (d) citati. Et quamvis necessitas Principibus obsequendi, quâ subditi stringuntur, eosdem excuset, permittatque, ut hæretico, aut excommunicato

(a) 2. Paralipom. c. 26. (b) Levit. 13. v. 44. (c) 1. ad Corinth. 5. & ep. 2. B. Joh. Apost. v. 10. (d) V. causam 11. q. 3. in decreto Gratiani, & can. omnis 24. q. 14

cato convivant, quis tamen Pontificem prohibeat, ne ex Apostolorum præscripto, regulæque subditos omni consortio & societate cum hæretico Principe interdicit, à quo ipsi vi & exemplis corrumpuntur? si enim tanta perniciēs ab hæreticis privatae sortis, & ideò vetat Apostolus cum ijs communicare, quantò majus à Principe periculum, quantòque major necessitas eum devitandi? & si lepra Reges deposuit, quæ in corpora tantum serpit, sævitque, quanto magis hæresis animabus ac Religioni funesta? Quòd si nihil Azarias contra reverentiam deliquit Principi suo debitam, quando leprosum abegit, permisitque alium Regem subiectis; cur Pontifex Romanus delinquat, si eodem jure in hæreticum agat? an forsàn major hæretico reverentia, quàm leproso debetur? aut lepra majus hæresi delictum, majorique poenâ dignum? At, inquit, præcipit Dells, à leproso Principe, non hæretico secedere: imò multò magis ab hæretico; quæ enim major separatio, quàm non communi eum mensâ aut domo, imò nec salutatione dignari? hæc enim omnia hæreticis & excommunicatione percussis Apostoli vetant, leprosis concessa, nam salutare licebat. Si ergo Pontifex Romanus, Gregorius videl: XIV aut Clemens VIII. Gallis præcipiat; nolite cum Henrico Navarræo adhuc hæresin spirante, & Galliam infecturo, *cibum sumere, aut recipere cum in domum, nec ave ei dixeritis, qui enim dicit ei ave, communicat operibus ejus malignis*; auderétne Maimburgus dicere, Pontifices præter, imò contra Scripturas agere, cùm tamen id ipsum agerent, diceréntque, quod Scriptura, quod Apostoli? Dices, *Apostolos non loqui de Principibus, sed de privatis tantum.* Resp. Nec in libro Levitici expressè de Principibus à populo separandis, si leprâ tangantur, sermonem esse; & tamen Azarias Pontifex ob paritatem rationis etiam de Regibus intellexit, nec enim minùs periculi à Regis, quàm privati lepra; idem de hæresi dicas, alijsque contagiosis Principum morbis, quorum tantò potentius venenum, nam infinita illis media, artésque pestem dilatandi. Illud quòque circa factum & lepram Ozia memoria dignum, quod ex SS. Hieronymo, Cyrillo, Origene, & Chrysostomo notat Cornelius & Tirinus, videl: *Privasse Deum Judæos suis Oraculis, prophetiâ & spiritum usque ad mortem Ozia, quòd ejus consortio & præsentia contaminarentur.* Tanti apud Deum fuit, Regi à Pontifice

ejecto, lepræque fœdato sociari. II. Id etiam efficaciter probat locus ille S. Pauli; 1. ad Corin. 6. præsertim junctâ Patrum interpretatione, sic enim Corinthios recens ad Christum conversos alloquitur: *Audet aliquis vestrum habens negotium adversus alterum judicari apud iniquos, & non apud Sanctos? an nescitis, quoniam Sancti de hoc mundo judicabunt? & si in vobis judicatur mundus, indigni estis, qui de minimis judicetis? nescitis, quoniam Angelos judicabimus, quanto magis secularia? Videbat Apostolus, periclitari Christianos, eorumque Religionem ludibrio exponi, quando litium finiendarum causâ gentilium commercia, tribunalia, favorémque captabant; & ideò vult lites & judicia à Christianis agitari, componique, nec Tribunalia Paganorum quæri: & ne causarentur, se potestate judicandi destitutos, ostendit, ijs, quibus causæ spirituales committuntur, multò magis seculares committi: *Nescitis, inquit, quoniam Angelos judicabimus, quanto magis secularia?* Quasi dicat, interprete in eum locum D. Thoma: *Qui idoneus est ad majora, multò magis idoneus erit ad minora.* Ex qua Apostoli doctrina hoc judicium causarum secularium postea commissum fuit Presbyteris & Episcopis, ut expressè testantur (a) Clemens PP. Nyssenus, Ambrosius, Augustinus, Synesius, Theodosius & Carolus M. Imperatores; Apostolus tamen non demandat hoc officium causas seculares cognoscendi Episcopo Corinthiorum: *Quia*, ut ait Ambrosius, *necdum Rector in eorum Ecclesia erat constitutus*; quippe recens ad fidem conversi erant. Eodémque modo hunc locum intelligunt Anacletus, Gregorius M. Gregorius VII. & S. Bernhardus. Et ne quis dicat, in causis tantùm arbitrarijs, & ex partium consensu Episcopos judicasse, audiat verba Theodosij, quæ in decreto habentur: *Etiamsi alia pars refragetur.* Quæ verba necessitatem, non arbitrium sonant. Multò minùs dici potest, hanc in causas secularium jurisdictionem ex privilegio Principum, Theodosij videl: & Caroli, non ex jure divino aut naturali Episcopis provenisse; nam nec Apostolus, nec Patres hujus privilegij meminere, imò aliqui eorum ante Theodosij & Caroli*

(a) Clem. PP. II. constit. 49. & seq. Nyssen. in vita Greg. Thaumaturg. Ambr. 2. Offic. c. 29. August. de op. Monach. c. 26. Synes. ep. 57. & 58. Greg. M. 2. p. Pastoral. c. 7. Greg. VII. l. 8. ep. 21. S. Bernhard. de consid. l. 1. c. 6. & l. 16. de Episc. jud. Cod. Theod. & in Capitular. Carol. 6. & c. quicunque & seq. II. q. 3.

roli tempora vixerunt : nec fundamentum ex concessione Principum, sed ex ipsa potestatis spiritualis natura sumunt, cui temporalis subordinatur ; id enim ea verba Apostoli significant : *Si in vobis iudicabitur mundus, indigni estis, qui de minimis iudicetis ? nescitis, quia Angelos iudicabimus, quanto magis secularia ?* Et illa S. Bernardi : (a) *Denique ubi necessitas exigit, audi quid censcat, non ego, sed Apostolus ; si enim in vobis iudicabitur hic mundus, indigni estis, qui de minimis iudicetis ?* Et S. Thomæ : *Qui idoneus est ad majora, multo magis idoneus erit ad minora.* Ubi vides hanc potestatem in secularia non in privilegium, & concessionem Principum, sed in ipsam naturam & prerogativam characteris spiritualis ab Apostolo, Sanctisque Patribus referri. Ergo ex hac & superiori Apostolorum sententia argumentari ita licet : quando perversionis, amittendæque Religionis periculum instat, quod evitari aliâ ratione non potest, Apostoli non contenti spiritualibus poenis, etiam de rebus temporalibus disponunt, easque de uno in alium transferunt ; dant enim potestatem iudicariam ijs, qui non habent, prohibentque jure hospitatis, humanæque societatis (quæ est Juris gentium, & hominibus ferè opatissima) ergo potestas spiritualis indirectè se extendit ex doctrina Apostolorum etiam ad dispositionem bonorum temporalium, quatenus ista conservandæ animæ ac Religioni deserviunt. Dices, *nihil Apostolus de Regibus exautorandis dicit.* Resp. Tu qui negas omnem Pontifici in Regna potestatem, ex quo fundamento id negas, nisi quoddam solam, unicamque in Pontifice agnoscas spirituales potestatem, nèque hanc ad temporalia extendi dicas ? id enim omnibus ferè paginis Maimburgus sonat : contrarium ex doctrina Apostoli, Patrumque ostendimus. Cadit ergo fundamentum, quo nitebaris, & cum illo opinio tua. Quodd si semel extendi ad temporalia potestatem spirituales dicis, idque conservandæ Religionis causâ, cur non ad Regna, cum nulla major, quàm ab hæreticis Regibus, aut Ecclesiam perfectibus perniciēs ? quod nimium exempla, fideique ruinæ docent. Sed quia Reges Ecclesiâ, Regnòque interdicere ex causis non majoribus tantum, sed maximis est, ac præsertim arduis, ex ijsque salus aut perniciēs Regnorum ac Ecclesiæ pender ; idè solis Summis Pontificibus id hodie permittitur, ut colli-

(a) S. Bernard. de confid. l. i. c. 6.

colligitur *ex t. ne aliqui de privil. in d.* docentque communiter Doctores, (a) & ipse Maimburgus fatetur, causas majores ad tribunal Pontificis pertinere, exemplo Moſis, cui ex conſilio Jethro Summæ lires ſubmittebantur, reliquæ, minuræque inferioribus commiſſæ. Quia tamen occupatio circa negotia, cauſasque ſeculares vehementer animum implet, advocatque à cura animarum, ideò ordinariè ac extra neceſſitatem nec Chriſtus (b) implicari ijs voluit, repulſitque de hæreditate interpellantem; & Apoſtolus prohibuit *militantem DEO implicare ſe negotijs ſecularibus, ut placeat DEO*; quod eleganter D. Gregorius (c) in ſuo Paſtorali, & Bernhardus in libris de conſideratione (d) proſequuntur. III. Huc faciunt verba & promiſſio Chriſti ad Petrum: (e) *Tu es Petrus, & ſuper hanc Petram ædificabo Eccleſiam meam, & quodcumque ligaveris ſuper terram, erit ligatum & in cælis, & quod ſolveris ſuper terram, erit ſolutum & in cælis.* In his verbis ex omniũ Catholicorum ſenſu committitur Petro ſumma in cauſis ſpiritalibus, & animas ligandi, ſolvendi que potestas. Atqui cauſæ Juramentorum ſunt ſpirituales, & quouſque ac in quibus caſibus obligent, pertinet ad Summum Sacerdotem definire; poterit ergo definire in certo caſu non obligare, & ſi definiat, non obligare in caſu, de quo agimus, hæc ejus definitio, utpote ſuper cauſa ſpiritali, & à ſupremo Judice facta à nullo alio improbari poterit, everſitque. Rurſus, ſi juramenta ac obedientia Regibus præſtita in ipſorum ſubditorum, Regũque perniciem, damnũque animarum vergat, ſolvi utique ab eo poterunt, cui ſuprema cura animarum data, eorũque omnium, quæ animabus noxia: alioquin quid proderit, animas ſolvendas, curandæque committere, non verò eas curandi, ſolvendi que modos, & ſinem imperare negatis medijs? id enim perinde fuerit, ac ſi navigare aliquem juberet ſubtractò navi, aut Clafſicum canere ſubductis tubis. Imò contrarium in Imperijs, negotijsque humanis exerceri videmus, quantòque magis in divinis, quorum Ordo & efficacia major? Si enim Rex aliquis ſupremum exercitũ Ducem conſti-

(a) V. Silv. v. excommunicatio t. n. 10. Henriq. l. 13. c. 15. Sà v. excommunicatio n. 13. Laym. de Pœnit. c. 10. n. 3. Maimb. Tr. de l' Egl. de Rome fol. 60.
 (b) Luc. 12. 14. & 3. ad Timoth. 2. v. 4. (c) S. Gregor. in Paſtor. p. 2. c. 7. (d) S. Bernh. de conſid. l. 1. c. 6. & l. 4. c. 3. V. Reg. Sacerd. f. 102. (e) Matth. 16.

constituat, jubeatque Urbem terrâ marique ab hostibus cinctam obsidione solvere; quis neget hoc ipso summo illi Imperatori commissam potestatem, & fabris imperandi, ut arma expediant, & frumentarijs, ut commeatus comportent, & Classium Præfecto, ut vela faciat; qui si cessent, aut etiam ad hostes deficere parati sint, quis neget, posse illos (quamvis alioquin militiæ Duci non subint) non imperio tantum, sed etiam pœnis surgeri, imò officijs exui, aliòsque imponi, qui victoriam juvent, paratamque defectionem morentur? Si ergo potestas solvendi obsidionem tantum auctoritatis tribuit Duci exercitûs, etiam in eos, qui subditi aliâs non sunt; quantum plus tribuet potestas solvendi peccata, animasque liberandi Vicario Christi ac capiti Ecclesiæ? *Dices*; illa Mathæi verba intelligenda tantum sunt de potestate spiritali absolvendi peccata, non verò deponendi Reges, subditosque ab obedientia, quam illis debent, liberandi. *Resp.* Verum id est, si de potestate ordinaria & principali loquamur, quæ Apostolis, eorûmque successoribus ad animas, non Regna disponenda commissæ est: sed ex hac ipsa potestate regendi animas, solvendique peccata, sequitur alia & indirecta potestas, ac pro raro casu, statuendi vid. etiam de temporalibus, quando id necessitas conservandæ Religionis requirit, nec aliter vitari peccata, deleri que possunt, quemadmodum potestas gubernandi Urbem includit etiam, saltem pro casu necessitatis, repellendi hostes, comprimendique ac exauctorandi cives perduelles, si domari aliter non possint. De hac tamen potestate non ita expressè primi Ecclesiæ Patres loquuntur, tum quia includitur in prima, tum quia minùs principalis, & prima Scripturæ ac Patribus cura fuit, animas instituere, tum denique quia raro locum habet. Patet verò, leges non loqui de casibus, qui raro, sed qui plerumque contingunt. Et denique in hac controversia evenit, quod in alijs plerisque, ut videlicet tunc primum Patres expressè, clarèque loquerentur, cum cœpir agitari, ac in dubium verti. Et planè quis non videt, sub Neronibus & Decijs, aut sub Constantinis & Theodosijs importunè hanc quæstionem motum & explicatum iri, quando aut nulla spes, aut nulla necessitas, aut nullæ vires exequendi: at verò ubi periclitari Religio à Regibus cœpir, viris que ac Principes oblari, qui casuram sustinerent, quod

præsertim à Pipini & Caroli M. temporibus evenit, non omisit Ecclesia potestate suâ uti, eamque Scripturæ testimonijs fulcire, non quidem in alienos à veritate sensus detorquendo (id enim Maimburgus non sine gravi injuria, parique imprudentia Concilij Universalibus, Lugdunensi, Viennensi, duplici Lateranensi, Constantiensi, Tridentinôque affingit, & consequenter Ecclesiæ Gallicanæ, quæ magna pars istorum Conciliorum fuit) sed veritatem explicando, in Scripturis quidem, apertisque Scripturæ exemplis contentam, sed à primis Ecclesiæ Patribus non evolutam, tacitamque, quippe alieno tempore, & Principibus hoc remedio non egentibus, aut non sanandis. Idque ut dicebam in Ecclesia frequentissimum, tunc videl. scripturas explicari hactenus inobservatas, decidique quæstiones, cum occasio ferebat, quod multis quidem exemplis Patrumque testimonijs illustrari posset, sed uno alteroque contentus rem totam absolvam. Primis Ecclesiæ temporibus, cum aut delendis idolis, aut Filio, Sanctoque Spiritui asserendæ divinitati, à Macedonianis, Arrianisque impugnata, Patres laborabant, nulla ferè apud illos mentio, aut si aliqua, levis admodum, incidensque, quod à Patre, Filioque Spiritus S. procederet; & ipse sacer textus aded nihil de hac Processione expressè videtur statuere, ut potius solius à Patre processionis meminerit: & sanè antiqui Patres nullum Scripturæ testimonium producunt, quo hanc Processionem confirment, quippe alijs bellis intenti, nihil pro ea parte curabant, quæ hoste carebat; nec diffitetur Maimburgus, (a) non laborasse Ecclesiam Orientalem huic Processioni examinandæ. At verò ubi impugnari ab hæreticis hæc veritas cœpit (quæ maxime silentio Scripturæ nitebatur) præsertim à Theodoro, (b) Priscillianistis, Joanne Monacho Hierosolymitano, Theophylacto, Photioque, tunc enim verò certatim ac velut signo dato Concilia, (c) Patrêque exciti, & veritati defendendæ calami exerti: in quàm plurimis Synodis Processio à Patre, Filioque decantata, præsertim Toletana prima, tertia, octava & duodecima, Gentiliacensi,

(a) Maimb. de Schism. Orient. T. 1. l. 2. f. 113. (b) Theodoret. in confut. anathem. 9. Cyr. Priscillian. ap. S. Leonem Epist. 93. (c) Concil. Tolet. 1. apud Baron, anno 447. Concil. Gestil. ap. Maimb. hist. des Iconcl. l. 3. Concil. Nicen. 2. aq. 7. Concil. Foro jul. T. 7. Concil. edit. Paris. V. Maimb. cit. de Schism. Orient.

cenſi, Nicena ſecunda, Foro-Julienſi, Aquileſgranenſi, Arelatenſi ſexta, Romana ſub Benediſto VIII. Barenſi in Apulia, Lateranenſi ſub Innocentio III. Lugdunenſi ſub Gregorio X. ac tandem Florentina ſub Eugenio IV. Tunc etiam in favorem ejuſdem Proceſſionis ſacrarum ſcripturarum ſententiæ expoſitæ: quamvis antiqui Patres nunquam eas in hunc ſenſum explicaverint. Ex illis enim verbis: *Omnia quæcûnque habet Pater mea ſunt, propterea dixi vobis, quia de meo accipiet. Et: Cûm venerit Paraclitus, quem ego mittam vobis; ita argu- mentabantur: Si omnia, quæ habet Pater, dedit filio, ergo etiam filio dedit vim ſpirativam; ſi ſpiritus Sanctus aliquid de Filio accipit, vel aliquid accidentale, vel aliquid ſubſtantiale accipit? non accidentale, quia alioquin Deus non eſſet: ſi aliquid ſubſtantiale, ergo ſecundum ſubſtantiam à Filio procedit. Si ſpiritus Sanctus mittitur à Filio, aut mittitur auctoritate & imperio, aut Origine, quomodo arbores dicuntur flores mittere; non auctoritate & imperio (hoc enim ſervitum ſonat & ſubjectionem, quæ in DEUM non cadit) ergo Origine. Quæ explicationes. veræ quidem ſunt, ſed apud Patres quatuor primorum ſeculorum irauditæ, quippe nondum armamentarium expanderant, ſilente hoſte, quietoque. Et ided cûm Græci in Florentino (a) Concilio ſæpiſſimè ſilentium ſcripturæ & Eccleſiæ objicerent, reſponſum à Latinis eſt: Eadem Eccleſia diverſis temporibus, ac urgente neceſſitate acceſſionem facere poteſt, quæ quidem facultas nunquam poterit auferri, noſter enim Salvator inquit: Ecce ego vobiſcum ſum omnibus diebus uſque ad conſummationem ſeculi. Nihil ergo eſt novi, ſi novis in Eccleſia quæſtionibus exortis novæ ſint explicationes ſcripturarum, novæ deciſiones auditæ. Id quod etiam Patres obſervârunt: Tertullianus: (b) Nihil, inquit, ſine ætate eſt, & omnia tempus expectant. Aſpice ipſam creaturam paulatim ad fructum promoveri; granum eſt primum, & de grano frutex oritur, & de fructu arbuſcula eniſtitur, deinde rami & frondes invaleſcunt, & totum arboris nomen expanditur, indè germinis tumor, & ſlos de germine ſolvitur, de flore fructus aperitur. Is quoque rudis aliquando & informis paulatim ætatem ſuam digerens eruditur in manſuetudinem ſaporis. Sic & juſtitia (nam idem Deus juſtitia & creatura) primum fuit in rudimentis &c. Et S. Auguſtinus: (c) Multa ad fidem Catholicam pertinentia, dum hereticorum callidâ iniquitudine agitantur, ut adverſus eos de-*

Gggg 2

fendi

(a) Concil. Florent. ſeſſ. 6. (b) Tertul. de veland. Virg. c. 1. (c) S. Auguſt. l. 16. de civ. c. 2.

fendi possint, & considerantur diligentius, & intelliguntur clarius, & instantius predicantur, & ab adversario mota quæstio discendi existit occasio. Et Gregorius Nazianzenus : (a) Rogabo Patrem, & aliam Paracletum dabit vobis, ut maneat vobiscum in æternum. Vides illuminationes paulatim nobis asfulgentes, Theologiaq; ordinem, quem nobis tenere præstiterit, ut nec rependit, nec confertim omnia in lucem efferamus, nec in finem usque occultemus. Et Gregorius M. (b) Hoc quoque nobis sciendum est, quia & per incrementa temporum crevit scientia spiritalium Patrum, plus namque Moyses, quam Abraham, plus Propheta, quam Moyses, plus Apostoli, quam Propheta in Omnipotentis Dei scientia eruditi sunt. Fallor, si hac ipsa scriptura non loquitur; & mensus est, inquit, lumen porta calamo uno: mensura ergo calami, quæ est sex cubitorum, & palmo ducatur ad cubitos tredecim, quia quando mundus ad extremitatem ducitur, tandem nobis æterna scientia aditum clarius aperitur. In quam sententiam exponit idem Gregorius illud (c) Danielis vaticinium: *Plurimi pertransibunt, & multiplex erit scientia; sive ut clarius habent hebraici Codices: Discurrerem multi, & multiplicabitur scientia.* Et septuaginta: *Donec doceantur multi, & multiplicetur scientia.* Convincunt hæc omnia, frustra Maimburgum excipere, illos Scripturæ textus, qui à nobis citantur, non fuisse à Patribus antiquis explicatos de potestate, quam in certis casibus habet Ecclesia, Reges in ordinem redigendi, solvendi que subditos à vinculo juramenti, quo illis devinciuntur: nondum enim hæc quæstio mota fuerat, & propterea nec eam scripturis illustrari oportebat; quæ necessitas enim probationes, testesque cumulandi, lite necdum instructâ? præsertim Patribus in tot bella, hostesque accinctis. Num ergo Concilijs, Lugdunensi, alijsque loqui non licuit, quia illi tacebant? aut forsân plus habent auctoritatis, probandi que efficaciam, tacentes, quam loquentes testes? aut alligata est virtus ac potentia Spiritûs sancti, ut radius heri nube obseptus micare hodie non possit? præsertim cum in sacris literis tam multa testimonia & exempla extent, pro hac nostra sententia, quæ partim produximus, partim infra producemus, ut non tam silentem Scripturam, quam apertè loquentem habeamus. Nam IV. efficax argumentum sumitur ex illis Christi verbis ad Petrum: *Simon Joannis diligis me? pascere oves meas;* idque tertio Christus repetijt. Agnoscunt hic SS. Patres, est que in

(a) S. Naz. serm. 4. de Theol. (b) Greg. M. hom. 16. in Ezech. (c) Daniel. 12. v. 4.

in sacris Concilijs definitum, ac perpetuâ traditione, usque in Ecclesia probatum, per hæc verba soli Beato Petro, ejusque successoribus supremam, ac totius Ecclesiæ curam traditam esse, quod Sancti Leo (a) & Bernhardus eleganter expresserunt, nec Galli negant. Ex illis verbis argumentari ita licet. Cura universam Christi Ecclesiam, ejusque oves pascendi Petro, & Successoribus commissa est. At verò cura Pastoralis non solum id requirit, ut oves pascas, tondeas, mulgeas, ducas, reducâsque, & morbidas cures, sed etiam ut si quæ ex illis sanari non possit, aliâsque inficiat, Pastor eam ab alijs separet, lupumque irruentem arceat, vinciatque, ne gregem irrumpat; hæc enim si omitteret, præstaretque alia omnia, meritò diceretur suo officio defuisse, nec Pastoris partes explisse: non quòd Pastoris cura sit, medicum aut venatorem agere, sed quia curari oves non possunt, nisi illa exhibeantur, & commissis ovibus illa omnia commissa censentur. Quòd si Pastor invadente gregem latrone aut taceat, aut acquiescat, aut solis vocibus adversetur, nec cum possit, eum vinciat, aut armis exuat, ne possit nocere, idque eâ ratione excusaret, quòd sola sibi in oves potestas tradita sit, nulla in prædones luposque, quis rogo non timidum, ignavumque, ac sui muneris oblitum diceret, & gregis vastati reum? Sic cum pontifice Romanos se habet. Pastor ille, Christiani omnes, etiam Principes, Regesque ad oves pertinent: fac ex ovibus unam non morbidam tantum, sed lue correptam esse, alijsque funestam, aut quod pejuse est, in lupum verti, & in oves juxta Pastoremque grassari, volo dicere, Principem aliquem ex ovibus Christi hæreticâ labe contaminari, & Ecclesiæ ac Religioni bellum stragemque moliri, nec ullis rationibus, non minis, non precibus sanari, sistique posse, num à Summo Ecclesiæ Pastore vinciri, exarmarique non possit. eâque potentia exui, quâ in sui, aliorumque perniciem abutitur? licet hoc Pastori in prædonem lupumque, cur non Pontifici in hæreticum, hostemque Ecclesiæ? aut forsan majus periculum, damnumque ovibus à lupo, quàm Christianis ab hæretico Principe? aut jura naturalis defensionis, quæ in Pastore locum habent, non habebunt in Romano Pontifice? Paret ergo ex cura Pastoralis Petro & Successoribus commissa, sequi necessariò

(a) S. Leo serm. 3. de assumpt. sua. S. Bernh. l. 3. de consid. c. 7.

potestatem oves morbidas ſeparandi ab ovibus ſanis, arcendique lupos ovibus infeſtos. *Nec obſtat*, quod inferſt (a) Maimburgus, videl: ſequi, ut quemadmodum lupo, ita & Princeps, qui Eccleſiam perſequitur, à quovis & quocunque modo cohiberi, opprimique poſſit, id verò parricidijs ac cædibus januam aperire, & unam eſſe ex Draconis legibus, ſanguine, non atramento ſcriptam. *Reſp.* Abſit, ut hæc conſequentia deduci ex noſtris principijs poſſit, aut à nobis unquam concedatur; & Maimburgus artiſticio profeſſione ſua ac fide hitoriç nimis indigno, ut odium noſtræ opinionis conciliaret, nobis id attribuit, ut doceamus, *quemadmodum lupo, ita & Principem hæreſi infeſtum omni modo quo poteſt auferri è medio poſſe*: id enim verò deteſtamur, non docemus, imò toties repetimus, hanc ex majoribus cauſis eſſe ſoli Pontifici (b) permiſſis, nec quovis modo aut tempore, ſed certis gradibus ac moderatione cohibendos eſſe; primò enim rationibus tentandos, tum precibus, inde minis, poſtea cenſuris, ſacriſque pœnis; nec ultra procedendum, niſi mala in extrema proruperint; nec ullo privato damno in Scepra, & Coronas bellum cieri poſſe, ſed publico tantum fidei & Eccleſiæ malo: & tunc quòque ſiſti hic vindictam, aut oçius remedia oportere, nec Catholici Religioni ſanguinelitari, præſertim Regio: quippe baſami arbuſculæ ſimilem Eccleſiam eſſe, quæ cum plagas ab ebore, vitroque ſuſtineat, imò pretioſas lacrimas reddat, ferro tantum abhorret, & contactu inareſcit: nihil ergo ferro & Eccleſiæ; quod multi ſacri Canones & apertè decernunt, docetque Gratianus (c) eleganter in Decreto. Quantum hæc doctrina à ſævis illis & ſanguinarijs vocibus diſtat: *Poſſe Principes omni modo quo poteſt è medio tolli*; id enim ſignificant verba illa Gallica Maimburgi: *Dont il ſe peut deſaire, omni modo quo poteſt. Quamvis verò Jus naturalis deſenſionis, curæque ac cuſtodiciæ Paſtoralis Jus Paſtoribus in lupos tribuat, & Pontifici in Reges, diverſo tamen modo; ſemper enim ſacri Canones, exempla Patrum, ac manſuetudo Eccleſiæ propria ſanguini pepercere, præſertim*
Regio;

(a) Maimb. Tr. hiſt. f. 376. c. 27. (b) Cauſas maj. ad S. Pontif. pertinere habes ap. Innoc. I. ep. ad Vitric. Rhotomag. Pelag. ep. 8. Vigil. ep. 7. ad Auxan. Greg. M. ep. 52. l. 4. Concord. Leon. X. Marca l. 1. de concord. Sacerd. lib. 7. c. 10. 11. 13. (c) Decretum in c. his, à quibus. & c. ſi in morte. 23. q. 8. & Grat. poſt. c. nos. q. 7. cauſa 2.

Regio : aded ut, qui etiam justè sanguinem effudissent, altaribus arcerentur. Jus ergo Pontificum usque ad purpuram, sed citra sanguinem stetit. V. Præceptis ac sententijs Evangelicis exempla Christi accedunt, ejusque Apostolorum multò verbis potiora. Ipse enim Christus, qui formam servi acceperat, qui venerat ministrare, non ministrari, qui tributum Principibus solverat, qui jusserat dari Cæsari, quæ sunt Cæsaris, qui licet interpellatus noluerat dividendæ hæreditati se miscere, & tandem qui Regnum suum non esse de hoc mundo professus fuerat; nihilominus tamen, ubi salus animarum, & Redemptio humani generis poscebat, de rebus hominum temporalibus absolutâ quâdam & Regiâ potestate disposuit, nam & ficum arefecit, & gregem porcorum merisit, & mulierem adulterij ream contra leges absolvit; Petrus verò & Paulus Christi discipuli alijs oculos (a) alijs vitam miraculo ademere, multò Regnis chariora: nec spiritualia tantùm, sed etiam corporalia beneficia omnibus præstabant, quia hæc persuadendæ fidei, ac plantandæ Religioni erant necessaria. Ex quibus omnibus planè deducitur, Deum Apostolis, eorùmque successoribus potestatem tribuisse, non tantùm spiritualia, sed etiam temporalia bona largiendi, quatenus ista spiritualibus serviebant. Quodd si poterant visum, auditum, vitam ipsam largiri, quantò magis Regna, si hæc tantum Religioni conferrent, sintque bona temporalia multò illis inferiora? Ceterùm quia hæc potestas Regna transferendi, si omnibus passim Episcopis concedatur, multò magis Ecclesiæ nocet, quàm profit; ided uni Romano Pontifici est reservata. 17. Suffragatur etiam, præter verbum DEI scriptum, & exercitum; verbum DEI impressum, innatùmque, quod Jus naturale appellamus, hoc enim est quædam divinæ legis impressio, singulorum animis insculpta, quam nemo non audit, nemo non intelligit, nullòque tempore aut deleri potest, aut corrumpi, fucarique interpretationibus falsis, quâ ratione multùm antecellit verbum DEI scriptum, nec minùs impius fuerit, qui verbo & legi DEI naturali, quàm qui scriptæ repugnaverit, utriusque enim idem Deus est auctor, & istam dictavit tantùm, illam verò scripsit, impressitque. Ex principijs ergo Juris naturalis sententiam hanc nostram multifariâ

proba-

(a) V. Act. 5. & 13. V. Hieron. Chrysost. Greg. M. apud Gratian. causa 23. q. 7.

probamus. *Primo*. Nemo dubitat, defensionem esse Juris naturalis, adeò ut nullum ferè animal non instinctu tantum, sed armis etiam natura instruxerit vi repellendæ necessarijs: (a)

*Accepit mundus legem, dedit arma per omnes
Admonuitque sui, pugnant virtute leones,
Et morsu canis, & cauda sic scorpium iclu,
Omnibus ignota mortis timor, omnibus hostem
Præsidiumque datum sentire, & noscere tels
Vimque, modumque sui.*

Habet verò locum justa defensio, quoties injustè ab alio invaderis, sunt enim hæc correlativa, injusta invasio, ac justa defensio, & una ex altera resultat; nec refert, si, quite invadit, subditus non sit, aut quacunque dignitate præfulgeat, alioquin si Regem Galliæ Rex Hispaniæ aut Persarum invaderet, repellere invadentes non posset; & ipsa natura, quâ omnes pares sumus, delictumque invadentem subjicit. Licet ergo, qui tibi, rebûsque tuis vim affert, repellere, armisque exuere, quibuste aggreditur, (quæ omnium modestissima est defensio) omnique modo eniti, ne damno immerentem afficiat. Si ergo Rex aliquis Ecclesiâ, Religionem, fidemque invadat, aut invadere paratus sit, poterit is, qui Ecclesiæ præest, eamque gubernat, ubi aliâ ratione non possit, armis nudare, ac nocendi instrumenta adimere, Sceptra videl: Coronas, subditosque, quibus multò magis Principes, quàm ferro, ignisque grassantur, quæque nisi furentibus eripias, nunquam desinent ferire; cum illorum arbitrio sedeat, injuriâ abstinere, & pace frui. Si ergo aliqua defensio est justa, imò necessaria, quæ rogo justior, quàm quæ Religionis & fidei causâ suscipitur? licet domum defendere, non liceat Ecclesiâ? licet gladium & facem latroni eripere, non liceat Sceptrum & Coronam? quæ nisi excutias, nunquam gladij, facisque cessabunt? Demus, Regna & Imperia non subdi Pontifici; at subduntur naturæ, quæ defensionem imperat, aut permittit; nam nec Persæ Gallo subduntur, num idèd Gallos feret, si illi invadant? Aut quæ possit moderatior defensio esse, quàm quæ arma nocituro aufert? negari ergo non potest, jure naturalis Defensionis Regna & Imperia Pontifici Romano subdi. *Secundò*, Ex jure naturalis defensionis aliud &

(a) Ovid, in Haliey.

par jus exsurgit, legitimi videlicet belli, quod æquè ad æquitatem naturalem pertinet, estque species naturalis Defensionis. Si quis ergo Princeps publica commercia turbet, Provincias tuas invadat, pacta infringat, subditos tuos vi, pecuniâ, malisque artibus corumpat, certum est, hujusmodi Principem, quamvis alioquin nullo tibi jure subiectum, bello peti, & nisi absistat, acceptetque justas pacis conditiones, etiam Regno privari posse, quo modo videmus, tot Regna & Imperia aut everfa, aut translata. Ergo etiam Pontifex Romanus Principes Ecclesiæ infestos, eamque illatâ hæresi corrumpere molientes, poterit justo bello coercere, & nisi absistant, coronis privare; cur enim totius Ecclesiæ defendendæ causâ non liceat, quod licet unius Castri aut Civitatis causâ? *Tertio*; Si videas innocentem aliquem à latronibus impeti, & continuo trucidandum esse, nec alia ratio suppetat eum injustâ cæde liberandi nisi tela extorqueas, equosque quibus fugientem insequuntur, injectis vinculis moreris; quis neget, te facere id posse, idque naturam permittere, quæ omnibus innocentiam commendavit? aded ut Sanctus Ambrosius, & ex illo Doctor Angelicus (a) pronuntiet: *Eum qui non repellit injuriam à socio, cum possit, tam esse in vicio, quam ille, qui facit.* Idemque S. Doctor alibi docet, Principibus etiam infidelibus, nulloque modo subiectis posse ab Ecclesia bellum indici, si fideles persequantur, eosque in suæ Religionis exercitio impedian: (b) quantò magis poterit Principi Christiano titulo baptismi ac specialis Juramenti Ecclesiæ subiecto? cui enim magis innocentium cura, præsertim in ijs, quæ ad animam pertinent, æternamque salutem, quam Ecclesiæ committitur? Si ergo tu potes latronem vincire, quamvis non tibi, sed Magistratui suo subiectum, ne innocentem perimat, quantò magis poterit Ecclesia constringere Principes, ne animas perdant? *Quarto*: Est etiam jure naturalis notum, in mutuis ac reciprocis pactis te nec pacto nec juramento teneri, altero fidem datam fallente, nec promissis stante, unde illud axioma manavit, omni jure receptum: (c) videlicet, *frangenti fidem impune fidem non servari.* Cum ergo Principes, quos

H h h h

tempo-

(a) S. Thom. 2. 2. q. 60. a. 6 ad 2. (b) S. Thom. 2. 2. q. 10. a. 8. (c) V. c. 3. de jurejur. c. 28. de Simon. c. frustillâ. de R. J. in 6. l. cum proponas 21. C. de pactis. Et Clement. un. de jurejur.

tempore Imperium ineunt, solemnî juramento, se Ecclesiæ, subditisque obstringant, de Catholica fide observanda, tuendaque: si id non præstent, aut quod pejus est, illi evertendæ accingantur, & promissis absistant, dubium non est, posse publicâ auctoritate coerceri, exsolviq; subditos juramento ac obsequio Principi promisso, quod etiam eleganter docuit S. Doctor (a) in libro de Regimine Principis. Poterit ergo Summus Pontifex in hoc aut simili casu declarare, juramentum non stringere, & pacta rescindi, Principedatam fidem violante; quâ verò in re gravius violari fides poterit, quàm in ijs, quæ animam, ac æternam felicitatem spectant? Videri possunt juramenta Caroli M. & Ottonis Imperatorum apud Spondan. (b) & Gratianum in Decreto. Ethæc quidem sunt primæ naturæ principia, adeoque evidentia, & clara, ut negari possint à nemine, imò illis nemo non conformiter vivit. Constat ergo, quàm injusta fuerit Maimburgi censura negantis, nostram hanc sententiam divino testimonio fulciri; at verò ostendimus, eam verbo Dei scripto, exercito, innatôque subniti, quid ampliùs velit?

VI. *Objicitur VII.* (c) Negat S. Bernardus Pontifici ut tali ullum Dominatum competere, quantò ergo minùs auctoritas Reges dõstituenti? verba S. Bernardi (d) sunt: *Eslo, ut aliâ quâvisque ratione hac tibi vendices, sed non Apostolico jure, nec enim Petrus tibi dare potuit, quod non habuit.* Nulla ergo ex Christi institutione & jure Apostolico Pontifici auctoritas, quàm sola spiritalis, ligandi videlicet, solvendique animas.

Resp. Agit sculptorem, non historicum Maimburgus; cædit, truncat, versâtque Bernardum, ut statuam mendacio fingat. Negat Bernardus: *Aurum & argenti Pontifices sibi Apostolico jure vendere, sed aliunde.* Nemo id negat: alioquin Apostoli non essent, qui auro, argentôque caruere. Docet idem Bernardus: *Non reliquissè Apostolos suis successoribus dominationem juxta sententiam Petri, (e) non dominantes in Clero, sed forma gregis facti; & exemplum ac edictum Salvatoris: (f) Qui major est vestrum, fiat sicut minor, & qui præcessor sicut qui ministrat, ego autem in medio vestrum sum, sicut qui ministrat; & concludit: Planum*

(a) S. Thom. I. 1. de Regim. Princ. c. 6. (b) Spondan. 800. Grat. c. tibi. d. 63. (c) Maimb. Tr. hist. de l' Eglise de Rome f. 391. (d) Bernh. l. 1. de consid. c. 2. (e) I. Petri 5. (f) Lucæ. 22.

est, *Apostolis interdicitur Dominatus*. Hæc Bernardi sententia est, qui ut patet, non de Dominatu Pontificis in Principes, sed in Clerum loquitur; additque in eundem (a) sensum sequentia: *Dominabis lupos, sed ovibus non dominaberis, pascendas utique, non premendas suscepisti*. Ubi planum est, Bernardum de Dominatu etiam in Clerum & Ecclesiasticos loqui. Si ergo eo modo Bernardum explices, quo Maimburgus, sequeretur, non tantum Regibus & Principibus, sed etiam Clericis imperare Pontifices non posse, id verò absurdum est, & nequidem à Maimburgo concessum. Vult ergo Bernardus, Pontificem nec secularium, nec Ecclesiasticarum personarum Dominum, sed Pastorem & Rectorem esse, sicque non posse de ovibus suis, earumque rebus pro arbitrio disponere; id enim discriminis est inter Dominum & Rectorem, quòd huic ratio, illi arbitrium pro lege sit: & Domino, quid sibi, Pastori, quid ovibus profit, curæ est. Tota ergo Pontificia & Episcopalis potestas ministerialis est, non dominativa, quia videl. Ecclesiæ servit, spectatque Ecclesiæ, non Pontificis & Episcoporum privata commoda: & idèd etiam cum Principes judicat, abdicatque, non id agit Pontifex potestate Dominativâ, sed ministeriali, quia non suo, sed Ecclesiæ bono. Quemadmodum cum Tutor pupillo imperat, irritatque ejus contractus, non sequitur, Tutorem esse pupilli Dominum; aut cum morbidas oves Pastor sejungit, & medicus infestum membrum truncat, nemo propterea dixerit, Pastorem esse ovium Dominum, medicum membrorum; imò serviunt etiam cum saviunt, & idèd mercedem accipiunt crudelis obsequij. Cæterum agnovisse Bernardum hanc indirectam & ministerialem potestatem, quâ Pontifices in temporalia funguntur, dubium non est, nec latuit, ut credo, Maimburgum; sed maluit celare veritatem, quàm fateri se victum. Is enim libro 1. de considerat: cum hæc præmisisset: *Non monstrabunt puto aliquando, ubi quispiam Apostolorum iudex sederit hominum, aut divisor terminorum, aut distributor terrarum; stetitse lego Apostolos judicandos, sedisse judicantes non lego; ergo in criminibus, non in possessionibus potestas vestra: habent hæc infima & terrena iudices suos, quid fines alios invaditis? quid saltem vestram in alienam messem extenditis?* mox subiungit, quæ ad propositum nostrum apprinè faciunt: Denique ubi necessitas exigit, audi, quid dicat, non ego, sed Apostolus: *si enim in vobis judicabitur hic mundus, indi-*

H h h h 2

gni

qui estis, qui de minimis judicetis? Sed aliud est, incidenter incurrere in ista, causa quidem urgente, aliud ultro incumbere istis, tanquam magnis, dignisque tali & talium intentione rebus. Vides hic, Bernardum duas, distinctasque rerum temporalium constituere potestates, unam directam & Ordinariam, quam Regibus tribuit, aliam indirectam & incidentem, & necessitate urgente, quam Pontifici Romano. Vides ergo, quam malâ fide Patres alleger Maimburgus; & quàm rogo imperita fuit illa consequentia: Prohibentur Pontifices dominari; ergo prohibentur Regibus imperare, eosque si necessitas & periculum fidei urgeat, Regnis amovere? Quasi verò imperare, prohibere, infesta membra secare, lupos arcere, latrones ne ob sint vincere, ad solos Dominos, & non etiam ad ministris, tutores, Pastoresque pertineat? Rursus, quantum abest à veritate & candore sacri Scriptoris, Bernardum de dominatu in Clerum loquentem interpretari, quasi de Dominatu in Principes loqueretur? & sententiam truncam, detortamque in alienos sensus producere, illas verò tacere, in quibus se ipsum clarè, distinctèque Bernardus explicat? Qui excuset hunc hominem? nisi dicas, necessitate illum deliquisse, quippe non potuisse malam causam nisi peioribus artificiis sustinere.

VII. Opponitur VIII. Sancti Patres, & antiqui Pontifices duas illas potestates, temporalem videl: & spiritualementem distinguunt, & unam ab altera independentem constituunt, aded ut sicut Imperatori nulla in Ecclesiis, ita Pontifici nulla in Palatia & Regna sit potestas; ita enim Gelasius I. Nicolaus I. & Gregorius II. loquuntur: tantumque abest, ut Sceptra & Coronas Imperatoribus raperent, ut potius eos colerent demississimis obsequiis, (a) aded ut se eorum vestigijs praevalvi, cineres & vermes esse, eorumque iussionibus subiectos dicerent; quæ sunt verba Pelagij I. Stephani II. & Gregorij Magni. Resp. I. Duas esse potestates temporalem & spiritualementem, nemo negat; sicut nec illud, jure ordinario & citra necessitatem nullam esse in Principes Regesque Pontifici Potestatem; id enim & ipsi Pontifices fatentur, & nos alibi ex istorum, Patrumque testimonijs, (b) Nicolai videl: Stephani VI. Gregorij II.

Alexan-

(a) Maimb. cit. c. 29. à f. 394. (b) Nicol. I. ep. 8. ad Mich. Steph. VI. epist. ad Basil. Imp. apud Baron. ad an. 885. Greg. II. ep. ad Leon. Isaur. ap. Bar. anno 726. Alex. III. in c. 7. de appell. & c. 7. qui filij sint legit. S. Bernad. l. 2. de cons. c. 6. & l. 4. c. 3. V. Reg. Sacerd. l. 2. f. 101. & f. 153.

Alexandri III. & Bernhardi probavimus. Id tamen non obstat, ut premente necessitate ac Religionis periculo leges Principibus dare, eosque cohibere non liceat Pontifici: id Jojadas, id Azarias Pontifices florente Synagoga fecere, quanto magis id nostris Pontificibus liceat, quorum dignitas tanto major, sublimiorque? & ideò S. Bernhardus à fastu & adulatione alienissimus, quique Pontifices omni Dominatu, curaque temporalium arcet, nec vult, ut *falcem mittam in Principum messem*, hoc ipsum tamen concedit, si necessitas urget: non ergo sequitur, ut, si Patres ordinariam in Reges potestatem negent, hanc ipsam etiam negent in casu urgentis necessitatis, & Religionis periculo laborantis. Quis enim nescit, quàm multa necessitas excuset? non licet alteri vitam, non domum adimere, licebit, si ratio publici boni, si defensio exigant: neque hoc est falcem in alienam messem proferre, aut limites egredi Ecclesiasticæ Potestatis; cùm enim omnis potestas & felicitas temporalis ordinentur ad Religionem, veramque fidem stabilendam, tanquam media ad finem; potestas Ecclesiastica, quæ Religioni & Fidei præest, etiam de medijs, hoc est, de potestate, rebusque temporalibus disponet; neque hoc est limites egredi, cùm eadem sit finis & mediorum disciplina; quamvis enim ad navis gubernatorem id solum pertineat, ut navim in portum agat, non verò, ut cœli cursum, stellarumque metiatur; nemo propterea dixerit, cùm Ursam, cùm Arcturum & Plejadas examinat, cùmque in omnes Cœli plagas oculum defigit, & in ipso Magnete polum quærit, extra terminos ferri suæ artis, quia videl: quâ ratione hæc omnia media sunt & adjumenta felicitis navigationis, ad artem nauticam pertinent, suntque Gubernatori necessaria. At non minus Regia potestas veræ Religionis, quis enim nescit, quantum intersit veræ Religionis, quis imperet? Testes Anglia, Germania, Suecia & Dania, suorum Principum exempla, & casus secuti: ut ergo Regia potestas veræ Religionis aut noxia, aut proficua, sic Pontifici subdita; & sicut nimia & addua Cœlorum contemplatio navarcho inutilis, quippe alias curas moraretur huic arti proprias; & illa tantum salubris, quæ navi gubernandæ servit: ita & Pontifici nulla de Regni cura, nisi cùm Religio poscit, naufragium factura alioquin, si assiduus & velut ex proposito

sito in has stellas intendat, navis interim curam, cursumque omit-
 tet, & dum Regna quærit, animas perdet. Hoc solum Patres, nec
 aliud in Pontifice damnant. II. Unde jam patet, quàm incautè
 Maimburgus dixerit, potestatem temporalem nullo modo à spiri-
 tuali pendere; quì enim fieri hoc potest? cùm bona temporalia
 sint media & instrumenta Religionis, fidei, æternæque felicitatis:
 an media à fine, instrumenta à causa principali non pendent? Id
 perindè esset, ac si diceret, animam omninò à corpore non pendere,
 cùm tamen nemo nesciat, jacere animam inertem, desidèrque,
 nec posse in actiones micare, languido & ægro corpore; mulè
 magis corpus ab anima pendet, & idè ab ista sustentatur, alioquin
 fato cessurum. Sic ergo temporalia à Spiritualibus pendunt, &
 ista illis imperant; sic virtutes, quæ animam exornant, etiam in
 corpus exundant, & huic moderantur: & idè Religio, fides,
 charitas non solum animam ad actus internos, sed etiam corpus
 ad externos impellunt. Malè ergo supponit Maimburgus, potesta-
 tem Regiam & temporalem à spirituali non pendere, id enim per-
 indè est, ac si dicat, nec terram à cælo, nec corpus ab anima, nec
 media pendere à fine, imò si experientiam examinet, cursumque
 annorum, fatebitur, Regnorum felicitatem à Religione fluxisse,
 & cum ista aut crevisse, aut declinasse, quod pronum esset omnium
 ferè Imperiorum exemplis ostendere, nisi id alij præstitissent.
 Cicero Romanum Imperium solà Religionis curâ ad tantum fa-
 stigium pertrigisse scribit, cujus verba memoratu digna hic adscri-
 bamus: *Quàm volumus, inquit, P. C. nos amemus, tamen nec numero Hispanos, nec robore Gallos, nec validitate Pænos, nec artibus Græcos, sed pietate ac Reli-
 gione, à quæ hæc unâ sapientiâ. quod Deorum immortalium munere omnia regi,
 gubernarique præfeximus, omnes gentes, nationesque superavimus.* (a) Quòd si
 tantum Imperijs contulit æstimata Religio, DEO etiam umbras
 virtutum adamante, quantum conferet vera, nec mendacijs
 fucata? Si ergo spiritualia sunt meta & causa bonorum tempo-
 raliùm, & itque etiam Pagani agnovèrè, quì potuit Maimburgus
 dicere, potestatem temporalem à spirituali haud pendere? III. Quòd
 verò ad id, Pontifices humillimis formis supplicasse Imperatoribus,
 veniunt quidem est, idque ad Pontificum modestiam pertinet; &
 nihil

(a) Cicero Orat. de Arusp. Resp.

nihil obstat, quin tempus & necessitas poscerent, non eâdem majestate, quâ nuper modelliâ, uterentur, vicésque obsequendi, imperandique miscerent, nunc abjecti, nunc sublimes, nunc rogantibus, nunc jubentibus similes, utcûnque DEI gloria postulâset; cûm enim Episcopi, ac olim etiam Pontifices Imperatoribus quoad temporalia subjicerentur, quoad Spirituality verò Patres Imperatorum essent, rogabant ut subditi, imperabant ut Patres; idque tum sacræ litteræ, tum etiam sancti Patres egregiè adverterunt, nam Ecclesiasticus : (a) *Noli, inquit, esse humilu in sapientia tua, ne humiliatus in stultitiam seducaris.* Et S. Paulinus : (b) *illa humilitas condemnatur, quæ non ex fide, sed ignaviâ mentu hominibus adducitur, & humanam gratiam magis, quàm suam salutem curat, mendaciis famula, veritatis mimica, libertatis expers, iniquitati obnoxia.* Et S. Bernardus : (c) *Agit hoc nimirum in cordibus electorum gratia prerogativa divina, ut eos nec humilitas pusillanimes reddat, nec magnanimitas arrogantes, magis autem cooperentur sibi, ut non solum nulla ex magnanimitate submeret elatio, sed binè maximè provehatur humilitas: ac vicissim ex occasione humilitatis pusillanimitas nulla subrepat, sed quò minus de sua quisque vel in minimis presumere consuevit, eò amplius etiam in magnis quibûsque de divina virtute confidat.* Quæ Sanctorum monita egregiè ab illis ipsis Pontificibus observata sunt, quos Maimburgus adducit, nec enim eodem semper tono cecinnere, sed jam blandi, jam minaces, jam tubâ, jam cheli personabant, ut Principum mores deposcerent, quod etiam suprâ à me notatum, & videri possunt epistolæ (d) Gelasij I. ad Anastasium, Gregorij M. ad Mauritium, & Gregorij II. ad Leonem Imperatores; quæ revera non tam litteris scriptæ, quàm flammis videntur, adeo libertatem spirant, & animum tanto fastigio dignum, & alibi exempla dedimus. Quid enim fortius illis Gregorij vobis (e) ad Mauritium Imperatorem : *Ecce per me ultimum servum suam & vestrum respondebit Christus; ego te de notario Comitem excubiutorum, de Comite excubiutorum Casarem, de Casare Imperatorem, nec solum hoc, sed Patrem Imperatorum feci. Ego Sacerdotes meos tua manus commisi, & tu à meo ser-*

vitis

(a) Ecclesiast. c. 13. (b) S. Paulin. epist. 17. ad Amand. (c) S. Bernard. serm. 1. de Virg. Deip. n. 13. (d) Gelas. ep. ad Anast. T. 1. Conc. ap. Bin. Greg. M. ad Mauric. l. 1. ep. 62. Greg. II. ep. 2. ad Leon. T. 3. Conc. V. Regale Sacerd. f. 38. (e) Greg. epist. 62. l. 1.

vitio milites tuos subtrahis? responde rogo piissime Domine servo tuo, quid venienti & hac ducenti responsurus es in iudicio Domino tuo? Et Symmachi ad Anastasium Imperatorem: Precor Imperator, pace tua dixerim, memento te hominem, ut possis uti concessa tibi divinitus potestate. Defer DEO in nobis, & nos deferemus DEO in te. Cæterum si tu DEO non defers, non potes ejus uti privilegio, cujus jura contemnis. Et Gregorij Papæ ad Leonem Isauricum: Obsecutus es pervicaci animo tuo, & dixisti: Imperator sum & Sacerdos. Audi humilitatem nostram Imperator, & cessa, sanctamque Ecclesiam sequere, prout accepisti, non Imperatorum dogmata, sed Pontificum. In administrationibus seculi militarem & ineptum quem habes sensum, ac crassum, in spiritualibus dogmatum administrationibus habere non putes &c. Taceo in vestivas Ambrosij in Theodosium, quas cum per volvo, ac perpetuis illis blanditijs confero, quibus Principes nostros Maimburgus demulcet, cælisque exæquat, vehementer fateor, antiquis me Patribus indignari, isti enim semper aliquid in Principibus notabant, quod reprehenderent. Stephanus IV. amores cum Longobarda Carolo M. exprobrat, Athanasius Constantino festinata judicia, Innocentius Arcadio Joannis Chrysostomi exilia, Ambrosius Valentiniano impietatem, aut potius conniventiam, Theodosio sævitiam, denique semper in Solibus nostris aliquas Ecclipses observant. Hæc vero nostrâ tempestate omnia Principum laudantur, credas, illos priscis Paradisi rosis simillimos, quæ spinarum expertes nascebantur. Siamant, elegantes appellantur, placidique, ac vitium instar semper gratiores alieno amplexu. Si aliena bello invadunt, Herôes ac bellatores, vastisque animis, ac metas spernentibus: si Pontifices non audiunt, multèntque recta monentes, & aras transiliant Religionis, jurium suorum tenaces; denique nullum Principis vitium elogio vacat. Ergo aut antiqui illi, sanctique Patres in censendis Principum vitijs nimij erant, errantque, aut Principes nostrimulè Constantinis, Carolis, Theodosijs perfectiores, nec ex eadem massa peccatrice compacti, aut denique adulatores omnes illi, qui omnes paginas implent ijs elogijs, quæ ipsi Principes erubescant, tacitis interea maculis, & ideo perpetuis. Quod si Theodosius & Constantinus viverent, fallor, nisi Maimburgus utriusque vitijs litaret, solitisque adulandi artibus unius volupra-

ti, &c

ti, & alterius sævitiae incensum adoleret, & quod olim Nero, ardentem incendio Romam cantu fallere, quàm aquis juvare mallet.



§ IV.

Solvuntur aliæ objectiones, quæ à Maimburgo ex Actis & Auctoritate Ecclesiæ Gallicanæ adducuntur.

SUMMARIA.


1. Pontificis indirecta in Reges potestati non obesse Acta inter Gregorium, & Ludovicum Imperatorem.

2. Neque Acta inter Bonifacium, & Philippum Regem Gallie, quæ fusiùs percurruntur.

3. Nec denique alia ex Actis & Auctoritate Ecclesiæ Gallicanæ à Maimburgo adducta.



I.

 Pponitur IX. (a) Cùm Ludovicus, Pipinus & Lotharius in Ludovicum Patrem & Imperatorem arma sumpsis-
sent, seque eorum partibus Gregorius Papa adjunxis-
set, utque eorum causam promoveret, Româ in castra
profectus esset; Imperator missis ad eum legatis primò
conqueri, quòd in hostium castris contra majorum exempla hære-
ret, deinde cùm intellectum esset, eum anathemata, dirasque pa-
rare, nisi filiorum voluntati & postularis acquiesceret, cordatè
ab Episcopis responsum: Si excommunicatus adveniret, excommunicatus
abiret, cùm aliter se habeat auctoritas antiquorum Canonum. Liqueat ergo
vel

vel hoc uno exemplo, Episcopis Galliæ eam opinionem animo sedisse, ut crederent, non esse Pontifici permittendum, ut se rebus causisque Principum immisceat.

Resp. Fallit Maimburgus, rēque multo aliter narrat, quā se habeat, idque odio Pontificis; cui enim alteri causæ adscribas falsam narrationem? quamvis dedecore in solum auctorem recedente. Audi Aimoinum (a) Floriacensem in sua historia Francica: Tandem ad id ventum est, ut filios Imperatoris in unum cum copiis, quibus poterant, coire facerent, Gregoriumque Papam advocarent sub ornatu quasi, qui Patri solus filios reconciliare deberet, aut posset; rei tamen veritas post claruit. Cum verò rumor usquequaque diffusus fereret de ceteris, quod verum erat, de Papa verò Romano, quod idē adesset, ut tam Imperatorem, quā Episcopos excommunicatōnis irritare vellet vinculis, si qui inobedientes essent sue, filiorūque Imperatoris voluntati, parū quid surripuit Episcopis præsumptio audacia, assentientibus, nullo modo se velle ejus succumbere voluntati, sed si excommunicaturus adveniret, excommunicatus abiret. Ductus autem Papa in habitationem Castrensem multo assertionibus perducit, se tantum iter non ob aliud suscepisse, nisi quod dicebatur, quod inexorabili contra filios discordiā laboraret, idēque pacem inter utrāque partem ferere velle. Remissus autem ab Imperatore ad filios, ut pacem mutuam neceret, cum penē omnis populus ad eos torrentis more deflueret, nequaquam ut fuerat iussus, redire est permissus. Et post pauca: Ipsum verò Ludovicum Lotharius ad sua cum Carolo admodum puero deduxit, & Imperium inter fratres ternā scissione partiit. Gregorius Papa talia cernens cum maximo dolore Romam regreditur. Paulus verò Æmilius (b) in vita Ludovici: Gregorio in Italiam regresso Lugdunū Conciliū Episcoporum, quos filij Reges contraxerant, habitum, Imperiūque Patri abdicatum; quod decretum mox à Gregorio Pontifice Maximo rescissum est, & audacia Archiepiscopi Lugdunensis multata. Vides, quantum differant Aimoini & Maimburgi narratio. Aimoinus dicit: Gregorium in castra à filijs Ludovici evocatum, pretextu pacis concilandam. Non ergo Gregorius idē profectus ad illos est, quod eis magis, quā Patri faveret, sed quia illexerant spe pacis ineundæ. Falsum ergo, quod ait Maimburgus, eum ut perduellibus faveret, in castra venisse. Rursus scribit Aimoinus: Rumore jactatum esse, Pontificem ut anathemate Imperatorem feriret, advenisse; addicque: Cum verò rumor ferret de ceteris, quod verum esset, de Rom. verò Pontifice, quod

(a) Aimoin. in gest. Franc. l. 5. c. 14. (b) Æmil. in Ludov. Pio.

quòd idèd adesset, ut Imperatorem excommunicaret. Quibus verbis aperte ostendit, rumores de alijs fuisse veros, non verò de Romano Pontifice sparsos. Cur rogo Maimburgus rumores accipit pro veritate? an nescit, nihil esse incertius rumore vulgi, & præsertim ab hostibus sparsò? nam intererat Principum, ut Pontificem à suis partibus esse crederetur. Et quæ rogo integritas scribentis, veritatem & historiam facere, quod Aimoinus rumorem? nec lectorem monere, ne falleretur. Si Maimburgus *jaclatum* id diceret, ferri poterat, sed quòd ipse tanquam certam veritatem producat, asseratque, quod rumor tantum fuit, isque, ut innuit Aimoinus, subornatus; nulla ætas Maimburgo ignoscet, quippe se ipsum dedecore, & lectorem erroribus implicant. Adjungit Aimoinus: *Surripuit Episcopi presumptio audacia, asserentibus, nullo modo se velle ejus succumbere voluntati. Vocat Aimoinus audaciam, quam Maimburgus pro exemplo adducit: miseram causam tam caducis argumentis nixam! quæ enim vitia excusari non possint, si audacia, & libido, & homicidia pro exemplis adducantur?* Sed rem totam absolvit, quod Aimoinus & Æmilius addunt, videl. *Gregorium Papam Italia cernentem cum maximo mœrore Romam esse regressum.* Non ergo Gregorius Ludovico adversabatur, alioquin nec ejus vices tanto mœrore prosequeretur, nec decretum, quo Imperio exuebatur, rescinderet, quin potius confirmaret. Quis ergo non videat, mirereturque, maluisse Maimburgum rumori credere, quàm innocentiam tot argumentis probatam? Pro qua & illud facit, quòd Gregorium tribus postea annis Lotharius bello invasit, nec revocari potuit, nisi Ludovici imperio, minisque, & festinatâ ad filium Legatione. Audi illius temporis scriptorem Anonymum in vita Ludovici: *Nuntiatum est Imperatori, quòd Lotharius Ecclesiam S. Petri, & homines ejus crudelissimâ clade vexaret, quare animam Imperatoris mississimum aded exasperavit, ut quodammodo extraordinariè missos dirigeret, nullum penè aditum iter consiciendum spatium tribuens. Tantum ergo abest, Gregorium Ludovici filijs favisse, ipsi verò Ludovico adversatum esse, ut hunc amicum & protectorem, illos hostes haberet.* Sed, inquit Maimburgus, *cur in hostium castris hærebat Gregorius, Ludovico contempto, & per Legatos exprobrante, ut si more antecessorum suorum aderat, cur tantas nelleret moras, non sibi occurrendo?* Respondeo, non hanc Gregorij, sed Principum

cipum culpam fuisse, Pontificem vanâ spe pacis lactantium, & ne castris excederet prohibentium, quod etiam Aimoinus citatus illis verbis notavit: *Nequaquam, ut fuerat jussus, redire est permissus. At saltem apparet, inquit, noluisse Gallia Episcopos, Pontificem Romanum negotijs Regum implicari, hoc enim ea verba significant; nullo modo se velle ejus voluntati succumbere, si excommunicaturus adveniret, excommunicatus abiret.* Resp. Mirum esse, ut paucorum Antistitum verba, qui ab armato ad armatos veniebant, vicinâque pugnâ feroces, quôsq; Aimoinus ipse *presumptionis & audacia* notat; toti Ecclesiæ Gallicanæ adscribantur. Cœterum si removeas verborum intemperantiam, falsamque opinionem, quâ Gregorium credebant Ludovici hostibus favere; verum erat, nihil Pontificis anathemata, si illis justam Ludovici causam morari vellet, & perduellium tueri, valitura. Quippe injusto bello Ludovicus petebatur, ejus verò defensio non justa tantum, sed necessaria; quis verò nescit, non posse justam defensionem anathemate prohiberi? aut quis unquam docuit, Pontifici parendum esse æqua prohibenti, aut flagitia imperanti? Hoc ergo exemplum, etiam si daremus sincerum esse, incorruptumque, nihil prorsus ad rem facit, sed intexi debuit inopiâ meliorum, & Maimburgus, cum virtute non possit, numero pugnare.

II. *Opponitur X. (a) Bonifacio VIII. jura Coronæ Gallicæ palàm aggresso, præsertim verò in Bulla, cujus initium: Unam Sanctam* (ea enim Pontificem Romanum etiam quoad temporalia omnibus Regnantibus præficit) nemo ignorat, Philippum Pulchrum Galliæ Regem, omnemque Ecclesiam Gallicanam omnes vires intendisse, & ad futurum Concilium provocasse, nec unquam subjacere huic potestati voluisse; patet ergo, quænam Ecclesiæ Gallicanæ sententia tunc fuerit.

Resp. Quæ Bonifacio VIII. & Philippo Regi contigere, utinam pateretur Maimburgus silentio involvi, deleri que ex Galliæ monumentis; eorum sanè adeò Philippum puduit, quippe à suis delusum, ut in Concilio Viennensi, teste Nauclero (b) Doctore Sorbonico, eorum memoriam aboleri, nec filijs imputari petierit, obtinuitque publico Diplomate; & planè nulli funestior ea tragedia

(a) Maimb. cit. c. 30. f. 415. (b) Naucler. de Monarch. p. 4. l. 7. c. 18. Joan. Rub. in Bonif. f. 235. Villan. l. 9. c. 22. Clem. V. in Regest. epist. 32.

gedia fuit, quàm Regiæ domui paulò pòst excisæ, ut notat (a) S. Antoninus. Nam Bonifacium quod attinet, nullius innocentia gloriosius probata, quod postea dicemus, Quæ ergo Maimburgo delectatio, cineres Regios turbare, & olim oblitterata, ac Regno fatalia proferre? ego ea tantum expromam, quæ innocentiam Bonifacij ostendant. Is Anagninæ in Patria sua operâ præsertim Colummensium, quorum duos purpurâ exuerat, & Nogareti captus tenebatur. Triduum jam fluxerat, Anagninenses & pudore tanti flagitij, & quadringentis equis, quos Ursini adduxerant, freti Pontificem liberant; hostes aut capti, aut cæsi, fugatique; Pontifex advocatâ Concione omnes veniâ donat, tum Romam petit, exceptus infinitâ omnium gratulatione, & in modum triumphantis. Consilium agitantem, in quo tanti sceleris vindictam, & delicto parem repeteret, mors occupavit; placidè solutum esse, sacrisque omnibus procuratum, ac ratione ad extremum constante Processus (b) Bonifacij, Jacobus Stephanesius, (c) Nauclerus, alijque testantur, nec furenti similem, arrosisque digitis & illiso capite extinctum, si alia omnia desint, satis ex illius cadavere constat, sano integròque, quod trecentis pòst annis effossum est, & videri authentica Instrumenta possunt apud Bzovium (d) & Rubeum. Obijt 7. Octobris Anno 1303. trigésimo quinto die à captivitate. Missi in Galliam nuntij, qui Philippo mortem referrent. Eâ in Galliam perlata Episcopus Maurianensis fertur in hoc vaticinium prorupisse, teste D. Antonino: (e) *Hoc novum magnum dabit Regno Francia gaudium, sed extrema gaudij luctus occupabit, nam propter tantum excessum notabile DEl iudicium irruet super eum & progeniem ejus.* Successit Bonifacio Benedictus XI. & huic veneno interficius florésque propinato Clemens V. operâ Pratenfis Cardinalis, & beneficio Philippi Regis, in cujus gratiam sedes in Galliam translata, immenso Italiæ luctu, damnòque. Inter alios articulos Regi à Clemente promissos quartus fuit, (f) *ut Bonifacij memoriam damnaret.* Quis non crederet conclamaturn esse? Rege videlicet accusante, Pontifice obstricto, & Reo non silente tantum, sed etiam extincto?

liii 3

Clemens

(a) S. Antoninus. p. 3. Tit. 21. c. 3. Bzovius. T. 14. (b) Process. Bonif. pag. 36. & p. 151. (c) Naucl. p. 4. l. 7. c. 18. Jacob. Stephan. test. oculatus. (d) Bzov. cit. Rub. f. 347. (e) V. S. Antonin. 3. p. T. 10. c. 8. (f) Masson. in V. Philippi Pulchri, & Ciacccon. in V. Clem. V.

Clemens ad Concilium retulit: illic à trecentis Patribus absolutus: accusatores repulsi, fraudes detectæ Philippus Rex ingenti pœnitudine tactus, sequē deceptum ingemuit. Audi Naclerum (a) Doctorem Sorbonicum: Bonifacium post novem annos Clemens V. annuentibus trecentis Patribus in Concilio Viennensi, ubi præsens aderat Rex Francia Philippus, verum Catholicum, nullâque labe pollutum fuisse pronuntiavit. Omnium malevolorum calumnias, imposturas, mendaciâque in illius Pontificis famam comorta, ut Regi placerent, placendo illuderent, illusum deciperent, ipse Pontifex cum toto Concilio detestatus execrationis subiecit. Ipsi vero Regi Philippo agnoscens dissidiorum crimina contra Bonifacium perpetrata, eique per ignorantiam se commississe, proditorie Sycophantarum illusionibus illusum deceptumque profitens Clemens V. ignoravit. Qui cum valde metueret, ne illa criminum falsorum accusatio, qua deceptus Bonifacio affinxerat, sibi ac posteris dedecori verteretur, propterea Clemens Pontifex cum universa Synodo sancivit, nunquam Philippo Regi, tanquam innocenti, aut saltem nescienti, proditorum decepto fraudibus ea exprobratum iri. Sed non idē placatum Numen, nam Civitas Anagnina fame, (b) peste, civilibus bellis, ruinisque penē deleta, nec prius à malis cessatum, quàm à Clemente VII. impetrato Episcopo, qui eos noxâ à majoribus contractâ liberaret. Alij proditorum immaturâ aut morte, aut clade sublati. Philippus (c) Rex dum aprum insequitur, equo lapsus, extinctusque tres filios reliquit, infelices omnes Uxorū adulterijs, teste Divo Antonino & Emilio: illis breve Regnum, nullique mares, & ita familiâ Pulchri extinctâ Valesia successit. Observavit Genebrardus, & ex illo Spondanus, Philippo nihil prosperi evenisse post captum Bonifacium. Si quæras, unde Philippi odia fluxerint; respondet Maimburgus: (d) Bonifacium in Jura Gallici Sceptri saltem misisse, sequa per celebrem illam Bullam. Unam Sanctam, velut sublâtâ in alium face jurgiorum, Regnantibus omnibus præferre aggressum; hinc orta dissidia. Sic Maimburgus, aut ignarus, aut quod magis crediderim, dissimulans rerum, Quicunque enim prætextus fuerint funesti dissidij, certum est, causas multo alias fuisse, & quàm decoras Bonifacio, tam indignas Philippo à suis circumvento. Quod ut clarè sub oculos ponam, singula suis annis distinguam.

Anno

(a) Nacl. de Monarch. p. 4. l. 7. c. 18. (b) Alex. Bonon. in descript. Lat. (c) Joan. Villan. l. 9. c. 65. S. Anton. p. 3. T. 2. c. 3. § 4. Masson. in V. Phil. Raynald. anno 1314. n. 26. Spond. ad ann. 1314. (d) Maimb. cit. c. 30. f. 419.

Anno MCCCXIV. Cœlestinus V. Pontificatu abijt, eique in Cardinalium Senatu liberè renuntiat; succedit omnium votis Cardinalis Cajetanus, sèque Bonifacium VIII. appellat. Multos ea electio gaudio, quàm plures mœore affecit; Cœlestinus enim sanctitate & miraculis populum devinxerat, Principes verò ingenti liberalitate, regendique dulcedine. Bonifacius ergo velut affectatæ Tiaræ ac dolo obtentæ incusatus. Sed immeritò, quamvis enim Cœlestinum rerum humanarum, gubernandique rudem, & in largitione, Principumque postulata nimis facilem multi illius temporis auctores (a) tradant, præsertim verò Clemens V. in Bulla Canonizationis; Bonifacium tamen dissuasisse, ne Pontificatu cederet, multi & oculati testantur; inter quos Ægidius Columna: (b) *Comprobari potuit ex pluribus tunc viventibus, Bonifacium, cùm in minoribus ageret, persuasisse Domino Cœlestino, quod non renuntiaret, quia sufficiebat Collegio, quod nomen sua Sanctitatis invocaretur super eo.* Eadem habet Cardinalis Stephanesius. Obluctata est præsertim Universalitas Parisiensis, de qua in Actis coram (c) Clemente V. hæc habentur: *Cùm verò hæc Parisijs inaudirentur, quæri & examinari capium est super ingressu illegitimo dicti Bonifacij, videl: an teneret dicti Cœlestini renuntiatio, vel non? consuluntur plures Doctores, & in Theologia Magistri, qui viderunt in materia diligenter, & determinarunt eorum plurimi & magni, Cœlestinum renuntiare non potuisse, Constitutionemque suam in contrarium prius editam non tenuisse, nec eum id, quia contra DEUM esset, & ejus Evangelium & omnem rationem, statuere potuisse.* Cœterùm errasse Universitatem patuit ex Concilij Viennensis, & Ecclesiæ assensu, Bonifacium pro vero Pontifice agnoscentis. Et ipse (d) Maimburgus in historia Schismatis Occidentis fatetur, posse, imò debere in aliquo casu Pontificem etiam legitimum, & pro tali habitum Pontificatu cedere, confirmatque Archi-Episcopi Parisiensis auctoritate, cum quo præcipua historiæ suæ puncta contulisse se ait.

Anno MCCCXV. Bonifacius Adolphum Imperatorem societate ac fœdere cum Eduardo Angliæ Rege contra Philippum prohibet: utrumque verò Regem societate componit. Eodem anno Con-

stitutio-

(a) Lucenf. in Bonif. Petrarch. l. 2. de vita solit. Villan. l. 8. & Clem. V. in Bulla Canoniz. (b) Ægid. Columna l. de renunt. Papæ. Stephanes. de renunt. Cœlest. (c) Acta inter Bonif. & Phil. coram Clem. V. (d) Maimb. hist. du. grand. Schism. d'Occid. l. 5.

stitutionem edit, quâ libertatem Ecclesiarum contra omnes Principum conatus tueretur, vindicâque. Carolum II. Galliae Principem, & S. Ludovici ex fratre nepotem Siciliae throno imponit, omnique studio contra Friderici & Sicularum conatus fovet. Constantia Siciliae Regina Henrico VI. Imperatori nupserrat, dato Siciliae Regno dotis loco. Henricus Friderico II. filio reliquerat, hic Conrado, Conradus verò veneno extinctus Conradino filio, quem Innocentij IV. tutelâ bimulum commisit. At Manfredus Friderici nothus armis, donisque Siciliam obtinebat, Tyranni nomine in Tutorem mutato. Sed Innocentius IV. Urbanus IV. Clemens IV. Rom. Pontifices sibi asseruerant, quippe Ecclesiae feudum, amissumque Friderici & filiorum perfidiâ; erantque majestatis rei. Urbanus in Carolum I. Andegavensium Comitem transtulit, S. Ludovici Galliae Regis fratrem: hujus filius Conradino extincto, pacatisque Siculis, Sceptro succedit. Sed turbatis iterum rebus Friderico Regis Arragoniae fratri Sicilia se dedit; at Bonifacius VIII. Gallum, uti dicebam, potenter sustinebat.

Anno MCCXCVI. Guido Flandriae princeps filiam Philippam Eduardo Walliae Principi, Angliaeque hæredi despondet. Philippus Galliae Rex, cui suspecta cum hoste affinitas Flandri, Guidonem, Uxorémque Corbolum invitat, retinetque, nec prius libertas reddita, quam sponsa infidem data. Intercessit pro virgine Bonifacius, sed neglectæ à Gallo preces; hinc bellum ab Anglo, nisi Bonifacius inducias imperâisset, quippe dum Christiani Principes intestinis bellis consumuntur, Christianum nomen in Syria deletur. Replendis interim ærarijs, quæ domesticis bellis exsugebantur, in Anglia, Galliaque gravissima tributa indicta: in Gallijs centesima mercatoribus imposita, tum quinquagesima, nullo secularium, Clerique discrimine. In Anglia, obnitente tributis Clero, bona Ecclesiastica occupata, cujus postea sceleris adeò Eduardum Regem poenituit, ut largè fluentibus lacrymis veniam ab Episcopis posceret. Cum ergo Immunitas Ecclesiastica tot modis ab illis everteretur, qui tueri debebant, nec ferre Bonifacius id posset, editâ Sanctione Principibus prohibet: *Ne quidquam à personis Ecclesiasticis quovis doni, mutui aut subsidij nomine recipiant, nisi Pontifici.*

Pontifice consulto, & nisi parcant, anathemate percellit. Exarsere Politici, quorum manibus sacri æris semper aliquid hærebat; & ne titulus abesset honestæ iræ, Bonifacium inculant, quasi necessarios sumptus avertat tuendæ Galliæ, belloque à Gallo, Anglo, Germanoque impendente. Utque Bonifacium ferirent simili plagâ, edictum à Rege extorquent, quo ne aurum argentumque Galliâ efferretur, prohibebatur. Sed Bonifacius lædi hoc edicto pietatem Gallicam, & majorum exempla ostendens, nec Gallo opportunum, eo tempore, quo ab Hispano, Germano, Anglōque bellum instaret, Pontificem provocari; effecit apud Regem, ut edictum revocaretur, molli videlicet adhuc Philippi animo, ac remedia admitte[n]te.

Anno MCCXCVII. Fridericus Arragonius Siciliæ Tyrannus Cardinales Columnenses sibi devincit, trahitque in societatem belli & prodicionis: eos Bonifacius, cùm molliri, averrîque haud possent, arcibus, purpurâ, sacrisque exuit; hinc implacatum ab illis odium, & Bonifacium, Regemque inter perpetuæ discordiarum faces, ac tandem incendium, nescias Ecclesiæ magis, an Regno funestum? Eodem hoc anno Bonifacius dato ad Philippum Diplomate profretur, nunquam sibi mentem fuisse, ut Galliæ Præsules non possent voluntarijs subsidijs Regem adjuvare, modò vis abesset, noménque triburi: imò necessitate urgente, aut illos, qui feudum accepissent à Rege, (a) cogi etiam posse. Divus Ludovicus Gallicarum Rex hoc ipso anno inter Sanctos relatus.

Anno MCCC. Annum Jubilæum Bonifacius celebrat, ad quem supra ducentes mille peregrinos convenisse ajunt. Carolum Valesium Regis fratrem comprimendis Italiæ, & Siciliæ motibus Imperatorem deligit, oblati in necessarios sumptus Galliæ decimis, & utriusque Imperij spe.

Anno MCCCII. Philippus ministrorum consilij actus, Rhemenfis, Carnutenfis, Laudunensis & Pictaviensis Ecclesiarum bona ac jura occupat, præsertim verò Lugdunensis, Narbonensis & Apamiensis, quarum Præsules earum Urbium dominatu gaudebant. Ipsum verò Episcopum Apamiensem violatâ Immunitate Ecclesiasticâ, immissâ satellitum manu ad se vocat, traditque custodiendum

K kkk

Archi-

(a) V. c. Clericis de Immunit. Eccles.

Archiepiscopo Narbonensi, Bonifacius Episcopum solvi, Romamque mitti ad dicendam causam, ablatâ Ecclesiâ Apamienſi, jubet, & Episcopos Galliæ ad Concilium dimitti; nam ut ait S. Antoninus: (a) *Philippus Episcopatus vacantes, cum essent bona Episcoporum, diripiebat, & investituræ eorum facere volebat. Quamobrem Bonifacius ut magnanimus & audax neminem timens cepit contra ipsum agere, tanquam inimicum Ecclesiæ, & Prælatos Franciæ ad Urbem ad celebrandum Concilium vocavit.* Sed Philippo hæc contra Galliæ Privilegia fieri contendente, Bonifacius, ne obtentu Privilegij Ecclesiæ everterentur, exhiberi ea jubet, & interim viribus carere.

Anno MCCCII. Tandem Gallicæ nubes tempestatem effundunt, tanto tempore collectam. Philippus Ariminensem & Apamienſem Episcopos, quamvis Apostolicam Sedem appellantes, carceribus detinet. Prælatos ad Concilium evocatos Galliâ exire prohibet; & quis crederet? isti Philippo potius, quamvis persequenti, quàm Bonifacio, qui illorum causam agebat, detulere; adeò illos aura, quæ ex Aula spirabat, corruerat, ut præ libertate servitutem amarent. Idem Philippus Legatos Pontificios exire Regno jubet, calumniarum copias (b) pronuntiari è Cathedra Parisijs in æde D. Virginis facit, & à Comminatorijs Bonifacij ad futurum Concilium provocat. Quo tempore Bonifacius Cathedræ suæ juribus vindicandis celebrem eam Decretalem vulgat, cujus initium: *Unam Sanctam Ecclesiam.* Tota hujus Constitutionis summa ea est, ut ostendat, duplicem in Ecclesia gladium esse, materiale videlicet & spirituale, & gladium materiale sub spirituali esse. Quod si gladius & potestas materialis exerraverit, corrigendam & judicandam esse à potestate spirituali. Hæc Bonifacij doctrina totidem ferè verbis ex Divi Pauli, & Bernardi desumpta est; nam temporalem potestatem à spirituali judicandam esse illis verbis Apostolus expressit: *Si angelos judicabimus, quomodo magis temporalia?* Duplicem verò in Ecclesia gladium esse, temporalem & spirituale, S. Bernhardus in l. i. de consider. c. 6. ad Eugen. tradit. Non ergo novæ doctrinæ auctor Bonifacius; nec aliud scripsit, quàm quod calamo exemplisque antiquitas expresserat. Sed cum Philippi animus jam irâ caleret, adderentque faces Regij Ministri, facile

(a) Antonin. 3. p. T. 20. c. 8. § 20. Joan. Villan. l. 8. c. 62. Æmil. in Phil. Fulchro. (b) V. Maçon. in vita Bonif.

facile fuit Bonifacij verba in aliena sensa torquere; dicebant enim, Pontificem sibi in Francicam Coronam jus vendicare, quasi illa Ecclesiae Beneficium esset, quàm tamen tantùm Cœlo deberet; idque in publicis Comitijis jactatum, quò major in Bonifacium invidia conflaretur. Prohibiti etiam Præsules, ne Concilium, quò à Pontifice vocabantur, adirent. Bonifacius eos omnes censuris afficit, qui Romanum iter morarentur, nec tamen Regem expressit: imò Joannem Cardinalem Parisios mittit, qui Regis animum molliat, exsolvatquè censuris.

Anno MCCCIII. Cùm nihil efficeret Legatus Cardinalis, (a) Bonifacius Albertum Imperatorem in Philippum concitat; hic in publicis Comitijis Bonifacium hæresis, usurpari Papatûs, & Simonie postulat, totòque Regno vulgari jubet, & ad Concilium provocat, qui que Regijs edictis & voluntati obniterentur, exilio pulsi, & ipse Bonifacius, ut suprà indicavi, Anagninæ captus. Hic ordo & series Tragœdiæ, ex qua Maimburgum facillè convincas; nec enim dissidia Philippi cum Bonifacio ex eo fluxere, quòd hic aut coronam auferre minaretur, aut Constitutionem illam, *Unam Sanctam*, ediderit; hæc enim contigerunt natis jam jurgijs, adultisque, ut suprà vidimus; imò quàm plurimis beneficijs Philippum Bonifacius affecerat: sed veræ causæ sunt illæ ipsæ, quas Maimburgus regit, videlicet: quòd ægrè haberet Gallos, Cœlestinum Pontificatu cessisse; is enim cùm omnes suâ virtute metiretur, facilis erat in Principum postulata, Gallorum præsertim; successerat Bonifacius, si minori Sanctitate, at majori prudentiâ, nec dolis obviâ: hinc primi Sorbonæ impetus, negantis potuisse Cœlestinum renuntiare, ideòque nec Bonifacium Papam esse: quòd Ordinem Clericalem tributis, vestigalibus, decimis gravari vetuerit inconsulto Pontifice; cùm enim bello inter se Gallus, Anglûsque sævirent, Regijs ærarijs exhaustis, bello sustentando Ecclesiæ premebantur: quòd Columnenses purpurâ exuisset, & isti perpetuis querelis aulam, Regemque incirarent: quòd Ecclesiarum jura, Lugdunensis præsertim, Narbonensis & Apamiensis occupasset Philippus, quarum Urbium dominatu hæcenus Episcopi gavisi erant: quòd Episcopum Apamiensem violatâ immunitate inclu-

K k k k 2

fisset;

sisset; & tandem, Episcopos Galliæ, ut corruenti Immunitati subveniret, ad Concilium evocasset. Hæ inquam veræ causæ persequendi Bonifacium, sed pudebat istas, quippe Gallo indecoras, nec ejus causæ profuturas, proferre. Quis enim Philippo accederet, ejusque studia probaret, si fateretur, se Pontifici, quod Ecclesias, quod Canones, quod immunitatem tueretur, bellum dixisse? alia ergo quæsitæ, si minùs vera, at fallendis incautis aptiora, & quæ colore saltem placerent, si pretio non possent. Quoddò verò multi Galliarum Præsules contra Bonifacium; & cum Rege sentirent, nihil Maimburgum juvat; quis enim nescit, Episcopi in Aula frequentes quot vinculis Regi adstringantur? nam & chamæleontes ex flore, herbisque, quibus adhærent, colores sumunt. Quæ causa unquam justior fuit, quàm Chrysostomi, Athanasij, Thomæque Cantuariensis? & tamen nemo his magis, ut Episcopi adversabantur, quippe qui ex Principum nutu pendebant, eosque sequebantur, quos duci oportebat. Nec mirum ergo, nec novum esse debet, pleròsque Galliæ Antistitem Philippo Regi adhæsisse, id enim potentia, non causæ dabatur; præsertim cum metus & penæ jungerentur; constat enim, quàm plurimos, qui Bonifacio studebant, exilio & carceribus multatos esse, ut Massonius (a) in vita Philippi, & acta coram Clemente testantur; nihil ergo subsidij à votis Episcoporum, quos metus, & carceres, & exilia urgebant: absint minæ & proscriptiones, liberæque sint voces Episcoporum, nec strepitu catenarum, minisque expressæ, & tunc demum pondus & momentum habebunt, alioquin nihil fidei extortis.

Dices; quæ Bonifacius in Philippum scripsit, fecitque, à Clemente V. abolita & deleta sunt; ergo id signum est, Regem innocentem fuisse. *Resp.* Clementem Gallorum operâ, Regis præsertim, Pontificatu potitum esse, & multa priùs Regi promississe, ac etiam jramento confirmasse, præsertim de Bonifacij memoria abolenda, notius est, quàm ut repeti à me debeat. Quid ergo mirum, si Pontifex Gallus, quisque in Gallijs morabatur, imò sacram Sedem ed transtulerat, Regi tot beneficijs, promissisque ac jurejurando devinctus erat, multum Philippi gratiæ & potentia derulerit, ac præsertim paci Ecclesiæ? nec disputaverim, quanto id jure: illud

certum

(a) Masson. in V. Phil. Proctissus f. 230.

certum, Clementem propterea apud multos malè audivisse, & Bonifacii memoriam, quam Philippus persequebatur, cœlesti prodigio assertam esse. Sanè quod Pontificis potestatem in Reges spectat, Bonifacii vestigijs Clementem inhæsisse patet tum ex Hungariæ Regno, quod contra Ottonis Bavariae Ducis studia Carolo Martello asseruit, tum etiam ex celebri (a) Constitutione, quam in Concilio Viennensi edidit, & suprâ produximus; ut si pugnare velimus Clementis exemplo, plus id Maimburgus, quàm nobis noceat.

III. Addit alia Maimburgus Ecclesiae Gallicanae testimonia, ad quæ cum superiori §. responderimus, nolumus hic repetere. Illud tantum observa, Ecclesiae Gallicanae auctoritatem, & à Maimburgo, & à me proferri, sed longo discrimine; Maimburgus enim non habet antiquiora Gallicani Cleri testimonia & Decreta, quàm à decimo quarto seculo, & tunc quidem temporis, cum dissidia inter Pontifices, Regesque ardebant, & Clerus, ut fieri solet, spe, metuque ac etiam adulatione in Regias partes trahebatur, multique pietate ac doctrinâ præcipui Pontifici adhærebant: erantque Conventus illi Gallicani particulares tantum; nec Maimburgus ex Sanctis Ecclesiae Gallicanae Patribus aut Doctoribus proferre aliquem potuit, cui sententiam suam cum decoro committeret: nec enim moror sententias aliquas generales, & quæ nullam penitus rei, de qua loquimur, mentionem faciunt; multò minùs Concilia aliqua Generalia, quæ sententiæ ejus fa-
veant, produci possunt: planè nullum Maimburgus produxit, quamvis suæ causæ adornandæ omnia concusserit. At verò Ecclesia Gallicana, quam nostræ sententiæ apertè consentientem vidimus, non nova, recensque, sed antiqua, & septimi jam seculi est, abundatque Patribus, Sanctisque Ecclesiae Doctoribus, quinque Concilij Generalibus prævalida, nec in genere tantum, sed de casu, quem præ manibus habemus, in particulari & individuo loquitur, & tunc temporis sententiam suam de Pontificia supra Reges potestate dixit, quando Summa Pontificum, Regumque concordia, omnique procul affectuum, iræque tempestate, ac placidis annis veritas promebatur. Jam lectoris arbitrium esto, utri sententiæ auctoritas Ecclesiae Gallicanae magis suffragetur. Quod

Kkkk. 3

fi

(a) V. Raynald. ad ann. 1307.

si palma antiquitati danda, nostra multò antiquior, utquæ novem jam secula in Ecclesia duravit, tot exemplis, tot Patrum oraculis, tot Concilijs suffulta, florénsque. Valeant ergo, vincántque illæ à Sanctis Patribus toties repetitæ & inculcatæ voces, videl: (a) *Mos iste semper in Ecclesia viguit, ut quò quisque religiosior foret, eò promptius novellis opinionibus contraret.* Christianus ergo Catholicus providebit, ut antiquitati inhereat, quæ prorsus jam non potest ab ulla novitatis fraude seduci. Sed, inquit Maimburgus, (b) *potestas in Reges Pontificiam nunquam magis, fortissimè, ut in multimo Conventu Parisiensi, repressa, restricta que est.* Rex verò utpote Conciliorum, Canonumque defensor doctrinam ejus Conventus quatuor propositionibus comprehensam toto Regno acceptari, colique jussit, eo serè modo, quo apud Superiores Religionum fieri solet, ut certa aliqua doctrina, Thomæ videlicet aut Scoti teneri jubeatur, concordia causâ. Resp. At ego in nullo Conventu magis, graviusque, ut in illo Parisiensi, peccatum esse crediderim, nec simplici, sed cumulato errore, quod pace & reverenti Sacri illius Senatûs dixerim, nunquam dicturus, nisi cogeret majestas offensi. Primò enim, quis nescit, iram, metumque huic Choro (c) præfedissee? quos verò fructus expectes radice infectâ? Repetantur memoriâ Antiochense, Ariminense, & Ephesinum II. Concilia, videbis semper periclitatam esse veritatem, animis irâ, metuque agitatîs. Elisæus quamvis adversus Joram idolis addictum sacro, justoque Zelo inardesceret, non prius tamen Sancto Spiritu afflari potuit, quàm turbatum, flagrantemque animum poneret mulcente tibicinis manu: (d) *Adducite, inquit, mihi Psalter, cumque caneret Psalter, facta est super eum manus Domini.* Si ergo coelesti etiam flammæ tantum fumi est, ut radium veritatis obumbraret, quantum erit terrestri illi, densæque, & quam odium ac vindicta incendit? Quæ ergo auctoritas ei Conventui esse potuit, in quo ira præsedet, terror suffragium inijt, metus decedit, & adulatio subscripsit? quæ si quis neget, Apamiensis tragediæ tantum recordetur, & fatebitur, nihil à me supra verum, sed multum infra memorari. Secundò. Negari haud potest, majores causas ad Romani Pontificis cognitionem pertinere, idque inter hujus Privilegia Maimburgus (e) reposuit: at verò causæ, quas Conventus Parisiensis

(a) Vincent. Lirin. comment. l. r. c. 3. & 9. (b) Maimb. Tr. hist. del'Egl. de Rome ch. 30. f. 425. (c) V. Reg. Sacerd. f. 73. (d) 4. Reg. c. 3. (e) Maimb. cit. c. 5. f. 62.

rifensis decidendas sibi fumpfit, non majores tantum sunt, sed omnium maximæ, versantur enim inter prima Ecclesiæ & Reipublicæ capita, Pontifices videl: Reges, & Concilia universalia. Si enim quæstio verteretur, an Gallici Regni Status sint supra Regem, possintque istum judicare, punire, ac etiam Regnis exuere? an à Rege ad Comitia Regni appellari possit? an Sententiæ ac edicta Regia tanquam errori ac injustitiæ obnoxia recusari impune possint, & ab illis tanquam ab abusu ad futuros Reges, aut futura Comitia provocari? Si inquam hujusmodi quæstiones agitari Parisijs contingeret, quis non illas maximi momenti esse diceret, quippe ad Regni aut quietem, aut turbas pertinentes, & plurimorum bellorum ac seditionum faces? & qui hujusmodi quæstiones aut hætenus inauditas, aut saltem dudum sopitas excitaret, imò in privatis Conventibus jactari, palamque affigi vellet, quo rogo is alio nomine dignus esset, quàm factiosi ac perduellis? at verò similes omnino in Conventu Parisiensim propositis tantum & auditæ, sed etiam decisæ sunt, imò imperatæ; armatæque supplicijs, si non jussu, at rogatu, nutuque Patrum. Non dico, factiosos illic, aut perduelles sedisse; absit, me reverentiæ oblivisci, tot magnatibus, sacrisque Infulis debitæ; illic dico non potuisse tanti, imò maximi momenti causas ab eo Conventu agnosci, multoque minus decidi, quippe soli Pontifici reservatas, etiam Gallorum, & Maimburgi judicio. Quo ergo jure tribunalia miscent, & sepem utriusque potestatis perumpunt, sibi que causas vendicant Pontifici tantum sepositas? & qui hæc faciunt, magnæ auctoritatis Maimburgo, invictæque videntur; at nullius mihi, quantæ videl: si de causis Regni Gallici Hispanus pronuntiaret, aut Anglus de jure margaritas piscandi in Sinu Persico. Tertio. Omni Jure, naturali videl: divino, humanoque statutum est, ut non prius in aliquem sententia dicatur, quàm vocatus is fuerit, auditusque, & copia data suas rationes deducendi. Jam verò Conventus Parisiensis Tiaræ Pontificiæ duos, quos habuit, pretiosissimos uniones subduxit, supremum videl: in rebus fidei judicium, & potestatem Reges abdicandi, quoties necessitas tutandæ Religionis exegerit: quæ duo si negent Galli ad Pontificem certò pertinere, negare saltem non possunt, dubium esse, an ad Pontifices pertineant.

neant; id enim saltem evincunt tot Patrum, tot Doctorum, Conciliorumque testimonia, & præsertim possessio tot exemplis à Romano Pontifice in Gallis exercita. Quo ergo jure potuit Conventus Parisiensis Romanum Pontificem tam egregijs prærogativis exuere, non auditum, non defensum, nec saltem licis admonitum? Cur possessione abdicatus tot annis obtentâ? si vel unum ex opulentis illis Sacerdotijs Archi-Episcopo Parisiensi adimeres, quibus fruitur; nec is prius causam in senatu dixisset, quantæ rogo de injuria, violatisque legibus querelæ? & tamen quantum inter Pontificem & Archi-Episcopum, inter Sacerdotium, supremamque potestatem discriminis? *Dices*, sententiam & declarationem Conventus Parisiensis ad solam Galliam pertinere. Esto: at potestas Pontificia non Gallias minùs, quàm alias mundi partes complectitur, nec minùs in ijs, quæ fidem, morèsque spectant, Gallia quàm Italia Pontifici subjicitur, quod nec Galli ipsi negant; quo ergo jure, non auditum, non defensum Pontificem eo jure privant, quod in Gallijs habuit, posseditque tot annos, quòque privari nisi auditus non debuit? Demus enim, non habuisse, at saltem habere se credidit, contenditque ingentibus rationibus nixus; non ergo condemnari debuit, nisi præsens, auditusque. Quòd si dicant, nihil novi Parisienses statuisse, sed tantùm antiqua, & jam olim à Patribus statuta, declarasse. Respondeo, hoc ipsum in dubium vocari, imò gravissimis rationibus ostendi, Patres & Concilia contrarium statuisse: non ergo tam grave, & controversum dubium decidi à Parisiensibus debuit, nec præsentibus, nec auditis partibus, quarum intererat; alioquin si is litem lucretur, vincatque, qui stare pro se. Jura & scripturas dicit, seque nihil aliud expetere, quàm olim Jure & scripturis decisa, & idè nec judice, nec sententiâ opus esse; quis tam reus, quem non continuò absolvas? nec enim tam malam causam quis habeat, qui non Canones, non Leges, & scripturas appellet: imò ij maximè, qui suæ causæ minùs confidunt, tympanorum more, fortius ex vacuo sonantium. *Quarid*. Certum est, non posse superiorem ab inferioribus judicari, multòque minùs juribus, quæ habere se contendit, privari. Quis verò Conventum Parisiensem Pontifici & Concilij præposuit, ut ab istis sancita ille refugeret? ergo Conventus Parisiensis

sienſis Concilij Vienneniſi, Lateranenſi, Lugdunenſi ac Conſtan-
tientiſi major, ut quæ hæc comprobârunt, ille damnaret? & doctri-
nam in ijs Concilijs non prolatam ſolùm, ſed etiam ac toties exer-
citam aboleri juberet, imò ſeditioſam, ſacriſque ſcripturis adver-
ſam appellaret? huc ergo tendunt tot illa encomia, ac prærogativæ
Conciliorum à Gallis invidioſè jactata, ut videlicet Pontifici qui-
dem præferantur, Galliæ tamen Episcopis ſubjaceant, ab iſtis, ut
libuerit, obliteranda. Concilia Eccleſiam univerſalem repræſen-
tent, Concilia errorum expertia, Concilia omni Pontifice ſuperiora,
Conventui tamen Pariſienſi ad pedes jaceant, corrigenda, impro-
banda, imò & damnanda, utcùnque aulæ placuerit, & Infulis ab
aula pendentibus. Quòd ſi Conventus Pariſienſis ingenuè fateat-
tur, ut planè fateri debet, ſe multò infra Concilium eſſe, & Ponti-
ficum decreta; quærimus, quâ ergo auctoritate auſus fuerit
ſententiam proferre, imò imperare, ac minacibus decretis
obtrudere, adeò Conciliorum doctrinæ, exemplique adverſari?
Num ergo Archi-Epiſcopus Pariſienſis pateretur, aliquem è De-
canis ſuis Ruralibus collectis clericorum comitijs Archi-Epiſcopi
decreta contrarijs evertere, & ſuas opiniones Archi-Epiſcopi præ-
ferre, imò imperare? atqui non minùs Archi-Epiſcopus, Con-
ventusque Pariſienſis Pontifici & Concilijs ſubeſt, quàm Decani
Antiftiti ſuo; non ergo contra Pontificum, Conciliorumque de-
creta ſtatuerere quidquam poterant; & quæ ſtatuerunt, nullius
ponderis ac momenti ſunt. Si enim corrigi, judicarique Ponti-
fices & Concilia oportebat, ab alijs Pontificibus & Concilijs de-
cui, non à Conventu Pariſienſi, cui nulla in majores poteſtas;
alioquin quanta Hierarchiæ Eccleſiaſticæ confuſio, ſi liceat
contra ſuperiorum ſtatuta non tantùm docere, ſed etiam impe-
rare? Id quoque egregie obſervavit Cardinalis Richelius
(quo vix alius doctior, certè nemo Regi ſuo addictior,
magiſque de Regno Galliæ meritus) in libro, (a) quem Epi-
ſcopus ſcripſit, & necdum Romanâ Purpurâ inſignis; ſic enim
cap. 8. gallicè ſcribit, quæ ego latinè reddam: *Ipſe Clerus Eccleſia ali-*
vujus particularis, qualis eſt Eccleſia Galliana, non poſſet hanc quaſtionem deci-
L III
dere,

(a) Cardinal. de Richel. livre intitulé: *Le Principaux points de Foy de B*
deſſe, ch. 12.

dere, cum ad solam Ecclesiam pertineat fidei articulos definire; imò cum in hac re jus & causa veritatur omnium Regnorum statuūque Orbis Christiani, uni & particulari Regno, sine auctoritate assensūque aliorum Regnorum permixtum non est de hac re sententiam ferre; imò quod plus est, ex huiusmodi decisione (quod videlicet Pontifici Romano nullo casu liceat de Regnis disponere) necesse est certissimum schisma in Ecclesia consequi; cum videlicet articulus Fidei singularis, & pro una tantum Ecclesia Galliana statuitur, non pro tota Ecclesia Catholica, unde schismatis & divisionis in rebus Fidei occasio dabitur. Adde eam sententiam (quæ videlicet Pontifici Romano potestatem indirectam adimit) bono & securitati Regnantium non solum inutilem, verum etiam noxiam esse, ut ex ijs videre est, quæ super hoc argumento magnus ille Perronius Cardinalis scripsit, sæculi sui ornamentum, quique materiam hanc ed eloquentiâ & doctrinâ, quam omnes in hoc Purpurato demurantur, prolixè discussit. Vides hic à Richelio necdum Purpurato, Romæque obstricto, sententiam Perronij Cardinalis (qui Pontificis Romani potestatem indirectam tam ardentè eruditèque defenderat) approbari: quâ igitur facie audet Maimburgus dicere, nunquam id Galliam sensisse? num igitur Perronius & Richelius Cardinales Galli non erant? num in sinu Sorbonicæ scholæ non enutriti? num doctrinâ & charitate in Principem, supra omnes, qui unquam Galliam infederint, non eximij? num in nupero Conventu Parisiensi aliquis fuit, qui Perronio & Richelio, non dicam præponi, sed ne quidem æquari potuerit? num uni Perronio aut Richelio millo Maimburgi sufficiant? Et iste sciverit, quod illi ignoraverint? negat Perronius, negat Richelius hanc esse Galliæ sententiam, affirmat Maimburgus; utri major fides? utri plus credas?

Nec obstat, pietatem & Religionem obtendi; id enim commune jam omnibus fallere volentibus, ut videlicet honesta prætexant, & quod de Panthera memorat Plinius, *odore inviant perituros*. Estq; præferendæ Religionis artificium tam vetus, ut S. Leo jam olim illud observaverit in epistola (b) ad Theodosium Imperat. *Privata causa pietatis aguntur obtentu, & cupiditatum quisque suarum Religionem habet velut prædissequam*. Patet ergo ex dictis, auctoritatem Conventus Parisiensis, quam inter præcipuas Maimburgus ponit, planè nullius ponderis esse, nullamque habere vim probandi. Sed nec minus inano illud,

(a) S. Leo ep. 25, ad Theod:

illud, quod addit: *Regem videlicet, utpote Sacrorum Canonum Protectorem, Conveniūs Parisiensis Declarationem recipi toto Regno jussisse, idque exemplo superiorum Regularium, suos Clientes unius Doctoris sententia adstringentium concordia studio.* Jussisse Regem, Declarationem Parisiensem toto Regno vulgari, recipique nemo inficiatur. At verò id fecisse tanquam Canonum Protectorem, unum est ex solemnibus Maimburgo paradoxis; persecutoris enim Canonum, non protectoris est, doctrinas Canonibus adversas munire, suamque illis auctoritatem præstare; nèque Rex id suo, sed aliorum instinctu fecit, regentium videlicet privatas vindictas alienâ & deceptâ Majestate. Et verò in qua Religione receptum vidit Maimburgus, doctrinas imperari Canonibus, Concilijs, Pontificibus, Sanctisque Patribus ac moribus adversas, qualis est illa, quam buccinantur Politici? Scio, multis in scholis receptum esse, ut à sententijs Augustini, Thomæ, Scotique abscedere non liceat; sed ut non liceat à Declaratione Parisiensi, nec ratio, nec conscientia permittet: spēsque omnino est, ubi prius imperus deferbuerint, cesserintque voces aulæ adulationis, Regem tandem, Galliâque æquitati cessurum; & quod semper evenit, brevis ævi futuras fraudes, perpetuâ veritate.

FINIS

Primæ & secundæ Dissertationis.



INDEX PRIMÆ DISSERTATIONIS.

- §. I. Quid Regalia, quæ ejus initia, quomodo extensa, & quibus titulis, ac rationibus innixa. fol. 1

SUMMARI A.

1. Malè Catholicos, sacrosque Doctores domesticis præliis concurrere, cum externa abundet; sed adulationi, privatæque cupiditatibus hoc deberi, &c. 1
2. Quid Regalia, & per quos gradus provecta? De Custodia, Infecudatione, Spolijs & collationibus beneficiorum. Hæc omnia contra Canones fieri. 5
3. Regaliam usque ad tertiam Regum Galliarum stirpem aut ignotam, aut pro abusu habitam esse. Libertas Cleri Gallicani olim Reges admonentis. 11
4. Regaliam sub finem sæculi xi. inductam. Error Mainburgi illam ex Concilio Lateranensi, & privilegio Calixti II. deducentis. 17
5. Ante Concilium Lugdunense solâ consuetudine jus Regaliæ stetit, non ideo tamen aut licitum, aut concessum, quia toleratum. 21
6. Concilium Lugdunense Regaliam intra consuetudinem coercet, precibus præsertim Gallicanæ Ecclesiæ, ac eo Concilio ususfructus vacantium bonorum, & Collatio Beneficiorum concessa? 26
7. Regaliam toto Regno extendere aliquoties à Regijs ministris tentatum est, adversante semper, & vincente Clero. Edicta Henrici III. & Henrici IV. & Ludovici XIII. & tandem Ludovici XIV. quo ultimo jus Regaliæ ad omnes Galliarum Imperij Provincias extensum est. 30

- §. II. Jus Regaliæ, quod hætenus in aliquibus tantum Galliarum Ecclesijs locum habuit, non posse ad omnes extendi. fol. 33

SUMMARI A.

1. Regalia, omnium retrò Contiliorum, ipsiusque Galliarum testimonijs damnata, consuetudine sustineri vix poterat: saltem ubi consuetudo non erat, etiam ante Concilium Lugdunense exerceri non potuisse, duorum Galliarum Regum exemplis, & Parlamentorum sententijs evidenter ostenditur. 33
2. Concilij Lugd. decreto Regaliæ extensio prohibetur, idque Gallis petentibus. 36
3. Idem ex varijs Regum, & Parlamentorum Galliarum Constitutionibus, Arrestisque, & omnium ferè Gallorum testimonijs probatur. 37
4. Non eas solum Ecclesias eximi, quæ titulo oneroso libertatem redemere, sed omnes, quæ in possessione suæ libertatis fuere, idque Gallos ipsos fateri. 40
5. Parva Regum Galliarum ex Regalijs emolumenta; maxima ipsorum, & Ecclesiarum damna: Ludovici VII. & IX. egregia in hanc rem exempla. 41

- §. III. Certamen contra Regaliam à S. Thoma Cantuariensi Archiepiscopo susceptum, aliisque in simili causa laborantibus propositum. 44

SUMMARI A.

1. Regibus suis & reverentiam, & libertatem Pastores debent. 45
2. S. Thomas Archiepiscopus. Regaliæ abusus impugnatur, & hæc ei necis causa &c. 46
3. Regem offendit, & quas ob causas? 48
4. Subscribit Cleri duarum Regijs consuetudinibus, & quare? penitentieque. 49
5. Northamptoniæ cum Regijs configit. 53

INDEX.

6. Fuga, exilium, pericula, & epistolæ ad Alexandrum Papam. 53
7. Alexander Henrici Legatos Senonis audit, & paulò post S. Archiepiscopum, qui causam in sacro Consistorio dicit, postea resignat. 59
8. Pontiniaci Monachum agit, & ab Henrico pellitur: Schisma Henrici, & ab Alexandro Legati. 64
9. Regem convenit, orátque, nec tamen placat, & quam ob causam? Cum Gallie Rege in gratiam redit. Et quas ob causas assentiri Regi non potuit? 67
10. Alij ab Alexandro in Angliam Legati, sed nullo effectu. Sanctus Henricum convenit, nec tamen flectit: tandem Alexandri Legatis Rex cedit. 73
11. Pax cum Archiepiscopo inita. Redit in Angliam. Novæ ab Archiepiscopo Eboracensi turbæ: Regis querelæ, & secuta S. Archiepiscopi cædes. 76
12. Regis pœnitentia, ac tandè mors. D. Thomæ, & Alexandri PP. constantia. 77

-
- §. IV. Innocentij XI. Pontificis Maximi, contra Regaliæ abusus Decreta, & curæ, quàm immeritò ab aliquibus notata. fol. 83

SUMMARI A.

1. Multæ in Gallijs Ecclesiæ Decreto Concilij Lugdunensis, & quatuor sæculorum beneficio à Regalia liberæ, idque Episcopi Galli agnoscunt, & tamen Edicto Regio subseribunt, & quas ob causas? 84
2. Soli Episcopi Alectensis, & Apamiensis causam sustentant ab alijs metu desertam, quod ipsorum testimonijs ostenditur. Apamiens. exilium, & mors. 86
3. Vicarijs ab Apamiensi Capitulo electis alijs à Tholosano Archiepiscopo oppositi, sed nullo jure. Nova, & sæva persecutio. 89
4. Aliæ in Monasterio Carronensi turbæ. 92
5. Romani Pontificis in tot malis curæ, & quas ob causas, &c. 94

-
- §. V. Rationes in Regaliæ patrociniũ à Gallis productæ, & refutatæ. fol. 101

SUMMARI A.

1. Jus Regaliæ non est Coronæ Gallicæ ingenitum, ut Politici volunt. 101
2. Falsòq; supponi ad ea jura, quæ nec præscribi, nec alienari possint, pertinere. 105
3. Nihil Regaliæ suffragari Gallicæ Concordata. 107
4. Nihil jura feudi. 110
5. Nec etiam jus Patronatûs. 113
6. Multòq; minùs Beneficia à Regibus Gallicæ in Episcopos collata, &c. 115

-
- §. VI. Aliæ Rationes in patrociniũ Regaliæ à Gallis productæ. fol. 117

SUMMARI A.

1. An Reges inter sacras Personas & Regaliæ capaces reputari debeant, &c. 118
2. Causam Regaliæ in Parliamentis sæpius agitatam fuisse, quo jure, &c. 119
3. Episcoporum consensum, aut spe, aut metu expressum nihil Regijs favere. 126
4. Multòque minus eorundem Episcoporum subscriptionem. 152

-
- §. VII. Respondetur ad ea, quæ à P. Alexandro Natali ad sæculum XIII. & XIV. in favorem Regaliæ producta sunt. fol. 162

SUMMARI A.

1. Patris Alexandri Natalis pro Regalia Dissertatio istius causæ imbecillitatem demonstrat. 162
2. Exemplà à P. Alexandro producta, ex illis, quos citat, falsi convicta. 163

INDEX.

3. Totam ferè Dissertationem suam extra orbitam quæstionis perducit.	167
4. Principia ab hoc Auctore posita contra Regaliam militant.	167
5. Quàm sint inania, quæ ad Patrum, Canonumque testimonia responder.	168
6. Nihil exemplis probari, ex antiquo Testamento petitis.	170
7. Ad alia objecta respondetur.	171
8. Arresta, Senatus-Consulta, ultimam Regiam Declarationem, Consensumque Patrum Parisiensis Conventus nihil pro Regalia facere.	174
<hr/>	
§. VII. Documenta ad argumentum Regaliæ spectantia.	180
1. Prima Epistola Alestensis Episcopi ad Regem Christianissimum.	180
2. Mandatum Ejusdem contra eos, qui vi Regaliæ beneficia obtinebant.	190
3. Mandatum Ejusdem Alestensis Episcopi contra D. de Foix.	193
4. Secunda Epistola Alestensis ad Regem.	195
5. Mandatum Episcopi Apamiensis.	198
6. Prima Epistola Episcopi Apamiensis ad Regem.	200
7. Epistola Encyclica Episcopi Alestensis.	203
8. Actus Capitularis contra D. Paucet Regalistam.	204
9. Actus Episcopi Apamiensis contra Archiepisc. Tholosanum.	206
10. Mandatum Episcopi Apamiensis contra Regalistas.	211
11. Tertia Epistola Alestensis Episcopi ad Regem.	214
12. Primum Breve S. D. N. Innocentij Papæ ad Regem.	216.
13. Secundum Breve S. D. N. Innocentij Papæ ad Regem.	217
14. Tertium Breve S. D. N. Innocentij Papæ ad Regem.	234
15. Quartum Breve S. D. N. Innocentij Papæ ad Regem.	240
16. Epistola Episcopi Alestensis ad Conventum Cleri Gallicani.	244.
17. Epistola Ejusdem ad Archiepiscopum Parisiensem.	247
18. Epistola Ejusdem ad Cardinalem Bonzium Archiep. Narbon.	248
19. Epistola Ejusdem ad Innocentium Papam super Theologiæ Moralis & Regaliæ corruptelis.	249
20. Breve S. D. N. Innocentij Papæ ad Episcopum Alestensem.	255
21. Epistola Episcopi Alestensis ad D. Bezons Consiliarium Status.	256
22. Secunda Epistola Alestensis ad Cardinalem Bonzium.	261
23. Actus Appellationis Alestensis ad S. Pontif. contra Cardin. Bonzium.	269
24. Projectum Appellationis contra Mandatum Cardinalis de Bonzy.	271
25. Alia Epistola Episcopi Alestensis ad S. D. N. Innocentium Papam.	282
26. Epistola Cardinalis Cibo ad Episcopum Apamiensem.	284
27. Secunda Epistola Episcopi Apamiensis ad Regem.	284
28. Epistola Ejusdem Apamiensis ad Magnum Gallix Cancellarium.	292
29. Prima Epistola Episcopi Apamiensis ad S. D. N. Innocentium Papam.	296
30. Secunda Epistola Ejusdem Apamiensis ad S. D. N. Innocentium Papam.	300
31. Primum Breve S. D. N. Innocentij Papæ ad Episcopum Apamiensem.	309
32. Breve S. D. N. Innocentij Papæ ad Archiepiscopum Tholosanum.	311
33. Tertia Epistola Episcopi Apamiensis ad Regem.	313
34. Epistola D. Foucault Aquitanix Præfecti ad Episc. Apamiensem.	318
35. Responsio Reverendissimi Episcopi Apamiensis.	319
36. Epistola Episcopi Apamiensis ad Archiepiscopum Parisiensem.	320
37. Epistola Episc. Apamiensis ad R. P. de la Chaise Regis Confessarium.	323

INDEX.

38. Secundum Breve S. D. N. Innocentij Papæ ad Episcopum Apamiensem.	326
39. Epistola Epif. Apamiensis ad Procuratorem Parlamenti Parisiensis.	329
40. Tertium Breve S. D. N. Innocentij Papæ ad Episcopum Apamiensem.	338
41. Constitutio Episcopi Apamiensis.	336
42. Constit. Eiusdem, quâ Dilectânos suos ad Preces publicas exhortatur.	338
43. Sententia Excommunicationis ab Eodem contra Regalistam pronuntiata.	341
44. Constitutio alia Eiusdem ad impediendam Regaliæ introductionem.	344
45. Actus, quo Epif. Apam. confirmat constitutiones suas contra Regalist.	351
46. Quartum Breve S. D. N. Innocentij Papæ ad Episcopum Apamiensem.	366
47. Epistola D. Dorat Archipresbyteri Aquis ad D. la Borde.	368
48. Epistola P. Mariana Socini ad Episcopum Apamiensem.	376
49. Epistola Eiusdem P. Mariana ad quandam Personam Devotam.	378
50. Breve S. D. N. Innocentij Papæ ad Canonicos Apamienses.	379
51. Breve S. D. N. Innocentij Papæ ad Archiepiscopum Tholosanum.	381
52. Breve S. D. N. Innocentij Papæ ad Capitulum Apamiense.	384
53. Prima Epistola D. Ioannis Cerle Vicarij Apamiensis ad Innocentium PP.	384
54. Breve S. D. N. Innocentij PP. ad P. Cerle, & Capitulum Apamiense.	391
55. Secunda Epistola D. Cerle ad S. D. N. Innocentium PP.	395
56. Tertia Epistola eiusdem D. Cerle ad S. D. N. Innocentium PP.	407
57. Epistola quarta P. Cerle ad S. D. N. Innocentium PP.	411
58. Epistola Cleri Gallicani ad S. D. N. Innocentium PP.	431
59. Responso Innocentij Papæ ad Clerum Gallieanum.	448
60. Alia Cleri Gallicani Epistola ad Innocentium PP.	455
61. Epistola Pastorum Apamiensium ad Innocentium PP.	461
62. Quinta Epistola P. Cerle ad Innocentium PP.	466
63. Epistola P. Cerle ad P. Rectorem Collegij Apamiensis S. I.	479

INDEX SECUNDÆ DISSERTATIONIS.

§. I. Refutantur, quæ Maimburgus in Dedicatoria producit. Falli eos, qui putant; hæreticos ad veram Religionem facilius redimere. Pontificis Romani Auctoritate minui.	493
SUMMARIA.	
1. Refutantur, quæ Maimburgus in Dedicatoria ad Regem præfatur.	494
2. Pontificis potestatem non fuisse veram Græci Schismatis causam.	498
3. Idem ostenditur exemplo Schismatis Anglicani, Germanique.	500
4. Et Sueci, Daniel, iterumque Anglicani, Gallicque. Quæ ergo causa?	501
5. Regiam potestatem, Sacramenta, Cœlibatum, & ipsa Concilia abolenda esse, si argumentatio Maimburgi valeat; &c.	504
6. Transactiones cum hæreticis semper infelicitèr cecidisse, quod exemplis ostenditur Concilij Ariminensis.	506
7. Et Zenonis Imperatoris.	506
8. Et Honorij Pontificis ac Heraclij.	508
9. Et Caroli Imperatoris.	510
10. Et Eliæ Patriarchæ Babylonici.	514

§. II. Agitur de Prima Conventus Parisiensis Propositione. Ecclesiæ Gallicæ consensus pro Pontificis indirecta potestate in Reges & Principes, eorumque Bona & Dignitates temporales.	516
Eccle-	

INDEX.

SUMMARIA.

1. Ecclesiæ Gallicanæ authoritas Parisiensibus Propositionibus prætexta exemplo omnium ferè Hæreticorum, & quam ob causam?	518
2. Authoritas Pontificia in Reges exercita exemplis Galliam spectantibus probatur, & primò Gregorij II. in Leonem Isauricum.	519
3. Et Zachariæ in Childericum Regem.	525
4. Et Stephani Pontificis.	533
5. Et Hadriani in Desiderium Regem.	535
6. Ejusdem Hadriani in gratiam Caroli M.	536
7. Et Leonis III. Imperium Romanum in Carolum M. transferentis.	536
8. Et S. Gregorij M.	555
9. Aliud ejusdem Gregorij exemplum.	556
10. Episcoporum Galliarum in Ludovicum I. Imperatorem.	557
11. Iterum Galliarum Episcoporum in Lotharium Imperatorem.	559
12. Et Nicolai Papæ.	559
13. Et Hadriani II. in Carolum Calvum.	560
14. Et Fulconis Archiepiscopi Rhemensis in Carolum Simplicem.	562
15. Et Concilij Lateranensis sub Alexandro III.	563
16. Et alterius Concilij Lateranensis sub Innocentio III.	563
17. Innocentij IV. in Fridericum Imperatorem.	564
18. Et Clementis V.	568
19. Et Concilij Constantiensis.	566
20. Et Concilij Viennensis.	570
21. Et Concilij Basileensis.	571
22. Et Concilij Tridentini.	571
23. Et Universitatis Sorbonicæ.	572
24. Et totius Cleri Gallicani.	573
25. Et Testimonijs celeberrimorum in Gallia Doctorum.	575
26. Multa in rem nostram contra Maimburgum ex dictis colliguntur.	576

§. III. Solvuntur, quæ contra Pontificis indirectam in Regna potestatem Maimburgus, alijque objectant.	581
--	-----

SUMMARIA.

1. Indirectam Pontificis in Reges potestatem, publico bono non obesse.	581
2. Nec exemplo Christi adversari.	582
3. Nec SS. Scripturæ: Matth. 20. Marci 10. Luc. 22. Roman. 13. 1. Petri 2.	592
4. Subditos ab Obedientia Principibus debita exsolvi posse.	596
5. Eandem potestatem Theologicæ ex SS. Litteris deduci.	597
6. Neque improbari à S. Bernardo.	602
7. Neque ab alijs SS. Patribus, aut antiquis Pontificibus.	614

§. IV. Solvuntur aliæ objectiones, quæ à Maimburgo ex Actis & Auctoritatibus Ecclesiæ Gallicanæ adducuntur.	619
---	-----

SUMMARIA.

1. Pontificis indirectæ in Reges potestati non obesse Acta inter Gregorium, & Ludovicum Imperatorem.	619
2. Neque Acta inter Bonifacium, & Philippum Regem Galliarum, &c.	622
3. Nec denique alia ex Actis & Auctoritate Ecclesiæ Gallicanæ adducta.	63

FINIS.

DISSERTATIO III.

In

Qua refutantur, quæ Maimburgus in
favorem secundæ Propositionis Parisiensis pro-
ducit, conaturque Romanum Pontificem Concilio
Generali submittere.

§. I.

Refelluntur Maimburgi argumenta ab ex-
emplis Leonis, Vigilij, Honorij, Siricij, Silvestri
Pontificum, & Concilij Arelatensis petita.

SUMMARIA.

1. Concilia si Acephala sint, aut Pontifici opposita, aut ab eo non
confirmata; non esse certa Spiritus Sancti organa, nec erroris ex-
perta, idque testimonio Patrum, ipsiusque Maimburgi, & ratio-
nibus probatur.

2. Majorem esse Pontificis, quàm Concilij auctoritatem, verbis
exemplisque probatur Leonis Magni, frustra Maimburgo circa
unum, alterumve Leonis verbum rixante.

3. Pertexitur Vigilij historia. Nestorij mores, promotio, hæreses,
damnatio, extrema.

4. Nestorij libri edicto Theodosij flammis cremati, eorum loco
à Nestorij Clientibus Theodori Mopsuesteni scripta varijs linguis
c vulgantur.

plisque probaturum, quibus opponere nihil possis. Sic ille ingenti pompâ verborum aures auditorum animosque captans. Cæterum quàm malè hujus Auctoris promissa rebus ipsis respondeant, florèsque Autumni æmulentur colore tantum nobiles, & fructuum steriles; jam Lector didicerit quàm plurimis experimentis, & quæ mox dicam, adhuc clariùs aperient.

Subesse Concilia Romano Pontifici in Regali Sacerdotio (a) copiosè probatum est, idque scripturæ & Conciliorum tam claris testimonijs, ut planè responderi ad ea nihil possit: nec ipse Maimburgus aliquid reperit, quòd opponeret tam evidentibus argumentis, & ideo illa omnia silentio transmisit, fugam quàm prælium malens desperatâ victoriâ; nihilo eorum, quæ illic dicta sunt, repetendum duxi, sed solum quæ Maimburgus scripsit, examinabo, temporis ac verborum parvus, & unicæ veritati intentus; ergò rem ipsam aggredior.

Opponit. (b) Spiritus Sanctus est, qui in Concilijs Oecumenicis loquitur, & cui soli infallibilitatem Concilij debemus; quemadmodum plurium ac discordium vocum concentus, & harmonia, non organis, non fistulis, sed artificis, ac Musico debetur instrumenta moderanti, & ideo in decisione ac Decretis primi Hierosolymitani Concilij hæc verba leguntur: *Visum est spiritui Sancto & nobis.* Anima ergò Concilij est Spiritus Sanctus, atqui Pontifex Romanus subest Spiritui Sancto, ergò etiam subest Concilio, cujus voces & Decreta, sunt voces & decreta Spiritus Sancti.

12. Verum est Spiritum S. per Concilia loqui, & voces Concilij Universalis voces esse Spiritus Sancti juxta illud Christi Domini: *Non enim vos estis, qui loquimini, sed Spiritus Patris mei, qui loquitur in vobis.* Cæterum non omne Concilium est aptum organum Spiritus Sancti, nec omnes Concilij voces sunt Spiritus Sancti; quis enim dicat Decreta Conciliorum Ariminensis, cui 400. Patres assederunt, Ephesini secundi, cui 128. Antiocheni, Basileensis, aliorumque, in quibus toties, tam graviter erratum est, à Spiritu Sancto fluxisse? & de quibus Gregorius Nazianzenus (c) conquestus est: *Nunquam sine periculo & offensione Sacerdotum haberi Conventus; & nullius Concilij sinem*

A 2

latum

(a) Regal. Sacerdot. l. 2. à l. 275. (b) Maimb. cit. cap. 17. fol. 201. (c) Gregor. Nazianz. ep. 55. ad Procop.

letum, faustumque visum à se esse. Sicut ergò non omnis fistula canenti apta, ita nec omne Concilium est aptum organum loquentis Spiritus Sancti: sed illud tantum, quod Oecumenicum est, quod legitime convocatum, approbatumque à Romano Pontifice, ut alibi probatum est. Quomodo enim erit Concilium Universale, quod integrum non est? quomodo autem integrum, cui Caput deest? integrum Templum fundamento destitutum? Integra Familia Oeconomi aut Vicarij expers? Cùm ergò Pontifex Romanus sit Caput, fundamentum, & Paterfamilias Ecclesiæ; tam non potest sine illo, ejusque assensu Concilium dici Universale, legitimum, integrumque, quàm non potest exercitus sine Duce, domus sine fundamento, familia sine Oeconomo integra dici. Apparuitque id ipsum in prima Illa Synodo Hierosolymitana, quam merito exemplar omnium aliarum dicas; in qua licet omnes Spiritu Sancto abundarent, non prius tamen vox Spiritus Sancti audita, aut contentiones pacatæ, quæ Sanctos Antistites agitabant, quàm Petro sententiam præloquente, ac viam Spiritui Sancto parante.

Audi sacrum textum. (a) *Conveneruntque Apostoli & seniores videre de hoc verbo:* (b) *Cùm autem magna confusio fieret, surgens Petrus dixit ad eos: quid tentatis DEUM imponere jugum super cervices discipulorum, quod neque Patres nostri, neque nos portare potuimus? Tacuit autem omnis multitudo. Ubi vides prius Concilium varijs opinionibus agitatum esse, quàm Petrus loqueretur: postea eo sententiam proferente, lite jam velut finitâ, omnium silentium esse consecutum.* Hæc etiam causa fuit, ut sæpè à Patribus dictum sit, nullum valere Concilium, nullòsque Canones præter Romani Pontificis auctoritatem sanciri posse; quia videlicet credebant Patres, ut animam in corpore capitis experte mutam esse; ita nec Spiritum Sanctum in Concilij loqui, nisi per caput Ecclesiæ, quod est Romanus Pontifex. Audi eorum verba. Patres Concilij Romani sub Damaso PP. (c) *Numerus Episcoporum, qui erant Arimini congregati, præjudicij vim habere non debet, præsertim cum formula illa composita sit, neque Episcopo Romano, cujus sententia ante omnia expectanda erat, nec Vincentio, neque alijs consentientibus.* Et Gelasius I. *Cognoscant igitur illud secundum scripturas sanctas, traditionemque Majorum secundum*

Ca-

(a) Actorum 15. (b) Patres Concil. Roman. Anno 359. (c) S. Gelasius Tomo de Anath. Vinc. ab init. T. 2. Concil. Obijt Anno 496.

Canones regulasque Ecclesia, pro fide communi & veritate Catholica & Apostolica, pro qua hanc fieri Sedes Apostolica delegavit, sacramque firmavit, à tota Ecclesia indubitanter recipi (loquitur de Synodo Chalcedonenſi) alia autem, quæ illuc prolata sunt, vel potius ventilata, quæ Sedes Apostolica gerenda nullatenus delegavit, mox à Vicarijs Sedis Apostolica contradicte manifestum est. &c. Ubi vides illa tantum ab Ecclesia recipi Concilia, quæ & quatenus à Sede Romana sunt approbata, quæ verò & quatenus approbata & confirmata non sunt, nec in Ecclesia recipi oportere.

Nicolaus I. (a) Denique in Universalibus Synodis quid ratum, vel quid prorsus acceptum, nisi quod Sedes B. Petri probavit, ut ipsi sentis: sicut econtrario, quod ipsa sola reprobat, hoc solummodo constat hæcenus reprobatum. Et S. Leo IX. (b) Non lateat vos, non debere præter sententiam Romani Pontificis Universale Concilium celebrari, aut Episcopos damnari, vel deponi; quia etsi licet examinare, definitivam tamen dare sententiam absque consensu Romani Pontificis non licet dare, quod in sacris Canonibus statutum potestis invenire. Scilicet, quia omnium Ecclesiarum Majores & difficiliore causa per sanctam Sedem definienda sunt. Socrates (c) de Concilio Antiocheno loquens: Julius Romanus Episcopus neutiquam aderat, nec quemquam, qui ejus locum suppleret, ed misit, cum Canon Ecclesiasticus habeat, non oportere absque sententia Romani Pontificis Decreta Ecclesijs sanciri. Et infra: (d) Julius Episcopus, ijs qui Antiochia convenerant, per litteras respondit, eos contra Ecclesie canones egisse, cum Canon Ecclesiasticus vetet, ne Decreta absque sententia Episcopi Romani Ecclesijs sanciantur. Et Sozomenus: (e) Lex est ad Sacerdotij dignitatem spectans, quæ pronuntiat acta illa irrita esse, quæ præter sententiam Episcopi Romani constituuntur. Si ergo ex Sanctorum Patrum, Canonumque sententia, quæ in Concilijs statuuntur, nisi à Romano Pontifice approbentur, irrita & nulla sunt, nec recipi ab Ecclesia debent; necessarium sequitur, ut Concilium Pontifice destitutum, aut quod pejus est, Pontifici oppositum, non esse Spiritus Sancti organum, sed falli & errare posse; qui enim sint voces & organa Spiritus Sancti, quæ irrita, quæ nulla sunt, quæ Sacris Canonibus adversa & prohibita, quæ recipi in Ecclesia non debent, quæ improbari possunt, quæque ultimam & definitivam sententiam expectant Romani Pontificis? Sic enim Patres loquuntur, Non ergo loquitur Spiritus Sanctus per

(a) Nicolaus I. PP. epist. 7. (b) S. Leo IX. ep. 4. Obijt Anno 1054. (c) Sozomen. lib. 2. hist. Eccles. c. 5. (d) Idem. lib. 13. (e) Sozomen. lib. 2. c. 9.

Concilium Acephalum, & capite truncatum, quale est, quod Pontifici aut opponitur, aut auctoritate illius & assensu caret. Erat ergo Maimburgus, cum scribit : (a) *Romanos Pontifices, cum Decreta Conciliorum confirmant, nihil aliud agere, quam ut votum suum & suffragium apponant, eadem omnimò ratione, quâ alij Episcopi qui Concilijs inter sunt, quique Concilio superiores utique non sunt; dicuntur tamen acta Concilij confirmare, cum illis subscribunt, suumque calculum addunt.* Sed ex productis supra testimonijs, quis non videt, quæ hunc inter sit inter confirmationem Romani Pontificis, aliorumque Episcoporum? si enim Romani Pontificis assensus & confirmatio æquè ac unius ex alijs Episcopis, non est absolute necessaria, cur ergo Patres, ipsique Canones toties repetunt, irrita, cassa esse Concilia, sacrisque Canonibus adversa, & prohibita, quæ neque recipi in Ecclesia debeant, nisi accesserit Pontificis confirmatio? quomodo irrita? quomodo cassa, si nihil necessarium illis desit? quod si confirmatio Pontificis nihil habet supra aliorum Episcoporum confirmationem, ergo dicuntur cassa, irrita, prohibita, improbara Concilia, quibus votum unius aut alterius Episcopi, Tholosani v. g. aut Salisburgensis, aut Viennensis, aut Antiocheni non accesserit; quæ omnia & absurdissima sunt, & in Patribus, sacrisque Canonibus nunquam lecta, nunquam audita. Vides in quæ absurda animus ruat semel alienis affectibus tinctus, occupatusque, & veritati oclusus. Ergo antè Pontificis assensum imperfecta Concilia, nec satis certa, quæ in illis decreta sunt: idque ex principijs à Gallis & Maimburgo admissis omnino consequitur. Fatetur enim in Tractatu historico de prærogativis Ecclesiæ Romanæ : (b) *Pontificis partes & munus esse, ut iudicium & sententiam ferat in causis majoribus, & fidem ac mores spectantibus; quod his verbis Gallicè expressit: C'est à lui de juger des causes majeures, comme sont celles, qui regardent la foy, & qui sont ambiguës, les coutumes Universales, &c. dont le jugement lui appartient, & lui doit estre rapporté, &c.* Si ita est, & toties à Patribus inculcatur, ergo Summi Pontifices, cum Concilia confirmant, in quibus maximæ tantum causæ fidei morumque agitantur; non solum id agunt, quod reliqui Episcopi, hoc est, nudum suffragium & votum ferunt; (id enim non esset ulla prærogativa Pontificis Romani, cum ad singulos Episcopos pertineat) sed in-

(a) Maimb. Traité histor. ch. 27. f. 209. (b) Maimb. Traité histor. ch. 5. f. 63

Super ultimum iudicium & sententiam dicunt, aded ut *probare* aut *improbare possint* à Concilijs Universalibus decreta, ut Nicolaus primus loquitur. Nec tamen frustra sunt Concilia: cùm enim ad fidem stabilendam, hæresesque debellandas, non sufficiat decernere, quid credendum sit, sed oporteat insuper rationes credendi in medium proferre, scripturas explicare, quæ ab hæreticis opponuntur, revincere, & manifestæ falsitatis arguere, quodque præcipuum est, de remedijs cogitare, quibus & infecti sanentur, & ad sanos pestis haud perveniat; quis non videt hæc omnia longè copiosius, tutiusque à Concilio obtineri, ubi ex toto Catholico orbe Patres doctrinâ, pietate, ac experientiâ præcipui conveniunt, quàm à solo Romano Pontifice? nam & duo oculi plùs uno vident; & stellæ, quamvis à sole radientur, & hic solus etiam sine illis diem efficiat; habent tamen suos ac proprios influxus, quibus adjuvant solem, redduntque potentiorẽ Orbi gubernando: hoc ergò Patres Pontifici, quod stellæ soli; lucent, juvantque, sed diem non reddunt.

Dices, Concilio Constantinopolitano primo nec per se, nec per Legatos Damasus Pontifex præsedet, & tamen pro Oecumenico & legitimo habitum est; ergò approbatio Pontificis non est Concilio necessaria.

Resp. Non interfuit quidem Damasus illi Concilio, quippe qui eodem tempore Synodum Romæ collegerat, ad quam & Orientales Episcopos evocavit; sed tamen certum est approbasse, & confirmasse, quæ in hac Synodo contra Arianos decreta sunt, id enim expresse Photius testatur libello de septem Synodis, & S. Gregorius M. l. 6. epist. 125. ubi scribit: *Non omnes ejus Concilij canones receptos à Romana Ecclesia esse: Canones, inquit, Constantinopolitani Concilij Eudokianos damnant; sed quis fuerit eorum auctor Eudoxis, minime ostendunt. Romana autem Ecclesia eosdem canones, vel gesta Synodi illius, hætenus non habet, nec accipit, in hoc autem eandem Synodum accepit, quod est per eam contra Macedonianos definitum.* Hic Gregorius apertè testatur, non omnes illius Concilij canones à Romana Ecclesia receptos esse; supponitque penes Romanam Ecclesiam esse, quos Conciliorum Canones probet, improbèque: quomodo ergò major Concilij, quàm Pontificis auctoritas, si penes istum est Conciliorum canones alios falsi damnare, & rursus omnes

8 Dissert. III. §. I. Refelluntur Maimburgi argumenta;

omnes examini subdere, an vero, an falso consentiant? planè non est hoc Concilio subdi, sed præesse, nec obsequi, sed imperare.

At, inquit Maimburgus: (a) Si Decreta in Concilijs sancita nec certa sunt, nec vires habent, nisi post Romani Pontificis sententiam? ergò hujus arbitrio steterit, utrum ad fidem aliquid pertineat: & si decretis Nicani Concilij Silvester Papa abnuisset, ergò & Ariani hæretici non essent, & eorum errores aequè ac alias opiniones amplecti impudè ac sine culpa licuisset, quæ omnia absurdissima sunt, & a nemine concessa.

Resp. Si aliquid roboris huic argumento insit, non minùs Concilij auctoritatem, quàm Pontificis evertit. Quæro enim si Concilium Nicænum decrevisset, filium non esse æqualem Patri; an ided pro vero haberi id debuisset? aut ante Concilij decreta liberum erat Divinitatem filio adimere? aut Arius nisi post Concilij sententiam hæreticus non fuit? quod si dicas: hypothesim illam esse impossibile, & ut in scholis loquimur, de subjecto non supponente; neque enim Concilium errare posse, aut aliquid contra veritatem in scripturis revelatam definire; & Arium quidem, aliòsque hæreticos etiam ante Concilij sententiam fuisse, quippe qui veritati in scripturis expressæ, agnitæque obliuiscerentur, nec judicio Ecclesiæ submitti vellent. Alios verò & pleròsque errasse quidem, non tamen ante Concilij sententiam hæreticos dici potuisse, cum parati essent veritatem admittere, si docerentur. Hæc igitur si tu dicas in favorem Concilij, ego multò magis, majorique jure in favorem dicam Pontificis, ejusque Confirmationis; Pontifici enim, non Concilio dictum: *Super hanc Petram ædificabo Ecclesiam meam. Pontifici: Tibi dabo claves regni Cælorum. Pontifici: Ego pro te rogabo, ut non deficiat fides tua. Pontifici denique, non Concilio: Pascite oves meas.* Cum ergò toties in scripturis habeamus Ecclesiam Pontifici regendam, docendamque; commissam esse: nunquam verò Pontificem Concilio aut Ecclesiæ regendum, pascendumque: cur non malis id dicere, quod scriptura dicit; quàm dicere, quod nunquam & nullibi dicit? Præsertim quia si Pontificis confirmationem removeas, unde constabit Concilium aliquod Universale & legitimum fuisse? unde vota libera non metu, non fraude, non pretio extorta, non ambitione aut contra æquitatem corrupta, ut in Concilijs Ariminensi, Ephesino,

Con:

(a) Maimb. Traité hist. ch. 17. fol. 109.

Constantinopolitano, ac etiam Chalcedonenſi, & Baſileenſi evenit? Quis me certum firmumque reddet, non æquè alia concilia erraſſe, aut erratura, ſi errârunt illa tot, tamque egregijs Patribus florentia? an credam historicis Concilium aliquod Univerſale & legitimum fuiſſe ſcribentibus? quaſi verò errantibus Concilijs, & tot Patrum cohortibus unus alterque historicus errorum ſit expers: aut fides mea, quæ Divina & certa eſſe debet, ac etiam, ſi oporteat, morte ſancienda, ex unius aut alterius historici narratione pendeat. At Eccleſia Concilium recipit, & idèd legitimum ac Univerſale eſſe conſtat. Imò ut Eccleſia recipere teneretur, oportuit priùs conſtare legitimum & Univerſale fuiſſe, unde autem id conſtabit, ſi Pontificis Romani auctoritatem & confirmationem ſubmoveas? Deinde Eccleſia non ſolum recipit decreta, canonèſque Conciliorum Univerſalium, ſed etiam particularium, imò privatorum ſubinde Doctorum, non ergò ſequitur Concilium legitimum & univerſale fuiſſe, quia ab Eccleſia receptum eſt. Patet ergò ex hætenus dictis, cùm Pontifex confirmat, eam confirmationem non honorariam eſſe, aut aliorum Episcoporum Confirmationi parem, ſed omninò & abſolutè neceſſariam.

II. *Opponitur* 2. S. Leo Magnus, quamvis opinionem Eutycheris hæreſis damnâſſet, & duâs in Chriſto naturas litteris ad Flavianum Patriarcham datis egregiè aſſeruiſſet, permixtis tamen eandem Eutycheris cauſam in Concilio Episcoporum examinari tanquàm in pleniori iudicio; imò ad Theodoretum ſcribens, ſibi gratulatur, ſuam de duabus naturis ſententiam à Concilio confirmatam, totòque Orbe receptam eſſe: ſic enim in litteris ad Flavianum ſcribit: *Quia piè ac religioſè Chriſtianiffimus Imperator haberi voluit Episcopale Concilium, ut pleniori iudicio error aboleri poſſit. Agnoſcit ergo Leo Papa iudicium Concilij eſſe plenius & ſuperius iudicio & ſententiâ Concilij, ſicque maiorem huius auctoritatem, quàm illius eſſe. Idem S. Pontifex epistolâ ad Flavianum: (b) Gloriamur, inquit, in Domino, qui nullum nos in noſtris fratribus deſiderium ſentire permiſit, ſed quæ noſtro prius miniſterio deſinierat, univerſa fraternitatis firmavit aſſenſu, ut verè à ſe prodiſſe oſtenderet, quod prius ab omnium ſede firmatum totius orbis iudicium recepiſſit. Supponit ergò S. Leo definitiones Pontificum confirmari, & rut-*

B

ſum

(a) Maimb. Traittè hiſt. ch. 19. fol. 213. (b) S. Leo epiſt. ad Flavian. 16.

sum examinari à Concilio posse; nec prius constare an à DEO prodierint, quàm si totius Orbis recipiantur iudicio: quæ omnia ostendunt Concilia supra Pontifices esse.

Resp. Auctoritatem Romani Pontificis multò Concilij superiorum esse, nemo clariùs ut Leo Magnus doctrinâ exemplòque professus est; nec finem mirandi facio, Maimburgum in urbe Regia, & sub oculis tot eruditorum, tantâ fiduciâ res compertissimas negare, cavillarique circa apices verborum, cum mens & sententia Leonis sit apertissima, perinde ac si aliquis lucere solem negaret nubeculâ tantum circa illum exortâ, quamvis aliàs mille radijs se prodât. Audi Leonem & judica. Primò in illa ipsâ epistola ad Synodum Ephesinam data, quam Maimburgus citat, circa finem hæc Leo (a) scribit: *Fratres nostros Julianum Episcopum, Renatum Presbyterum, & Hilarium Diaconum misi, qui vice meâ sancto Conventui nostræ fraternitatis intersint, & communi nobiscum sententiâ, quæ Domino sint placitura, constituent; hoc est, ut primum errore pestifero damnato, etiam de ipsis, qui imprudenter erravî, restitutione tractetur, si tamen sensus hæreticos, quibus imperitiâ ejus fuerat irretita, plenè aperti que propriâ voce damnaverit.* Et Epistola ad Concilium Chalcedonense: (b) in quo ejusdem Eutycheris causa discussa est. *Fraternitas Vestra, inquit, me Synodo existimet presidere, qui nunc in Vicarijs meis adsum, & jam ductum in fidei Catholica prædicatione non desum, ut qui non potestis ignorare, quid ex antiqua traditione credamus, non possitis ignorare quid cupiamus. Unde fratres Charissimi rejectâ penitus audaciâ disputandi contra fidem divinitus inspiratam, non liceat defendi, quod non licet credi, cum secundum Evangelicas auctoritates, Apostolicamque doctrinam plenissimè & lucidissimè per litteras, quas ad Flavianum Episcopum misimus, fuerit declaratum, quæ sit de sacramento Incarnationis Domini Nostri pia & sincera confessio.* Et Epistolâ 33. ad Pulcheriam Augustam: *Remoto longarum disputationum labore Cyrilli Alexandrini Episcopi epistola acquiescat, & epistola mea ad Flavianum, quia & mea & SS. Patrum de Incarnatione concors per omnia & una Confessio est, quam si quis existimaverit non sequendam, ipse se à compage Catholica Unitatis abscindit.* Similia habet epist. 40 & 41. ad Martianum Imperatorem. Et 49. ad Pulcheriam Augustam. In quibus imitatus est Leo Cælestinum Antecessorem suum, qui in commonitorio

Legat-

(a) Epist. Leonis ad Synod: 2. Tom. 2. Concil. (b) Leo in epist. 45. Concil. Chalced.

Legatis suis ad Concilium Ephesinum dato, hæc clarissima & digna memoratu habet. (a) *Auctoritatem Sedis Apostolica custodite; siquidem & instructiones, quæ vobis tradita sunt, hoc loquantur, ut interesse Conventui debeatis: ad disputationem si fuerit ventum, vos de eorum sententijs judicare debeatis, non subire Examen.* Constat ex his omnibus Cælestinum & Leonem præscripsisse, quid credi, quid decerni oporteret, ut videlicet primò hæresis Eutychetis damnaretur, ut à doctrina literis Cyrilli & Leonis comprehensa ne latum unguem discederent Patres, idque subpœna anathematis: ut disputationibus abstinere: ut Eutyches verbo scriptoque hæresin recantaret, sicque cathedræ restitueretur: ut denique Legati de Patrum Concilijque sententijs judicium ferrent; ipsi verò Pontificis Romani doctrinam minimè examini, judicioque Concilij subderent: potestne aliquid dici imò cogitari, quod amplius Pontificis supra Concilium auctoritatem exprimat? aut qui sunt characteres superioris, si isti non sunt? aut quod unquam Concilium tales Pontificiæ auctoritati & Decretis Leges præscripsit, quales Leo Concilij? tantumque abest, ut Concilium quereretur doleretque Leonem aliena usurpare, & auctoritatem Concilij debitam in se transferre, ut potius summis laudibus Leoni acclamaret, ejusque epistolas velut Cælo lapsas amplecteretur, ut videre est in actis Concilij *actione 2. circa finem.* Nec Leonis potestas intra verba stetit, sed processit in exempla. Cum enim Patres fidei professionem concepissent, essetque omnium votis comprobata, soli Leonis Legati eam, quod minùs perfecta, rejecerunt, Patresque quamvis oblustantes, ut aliam eederent, coegere, idque imperio & auctoritate, manifestoque potestatis, quam in Concilium exercebant, argumento. Audi acta Concilij, *actione 5.* Omnes Reverendissimi Episcopi præter Romanos & aliquot Orientales clamaverunt: *Definitio omnibus placet; hæc fides Patrum: qui aliter credit, anathema sit.* Paschasius & Lucentius Vicarii Sedis Apostolica dixerunt: *si non consentiunt epistola Apostolica Beatissimi Papa Leonis, jubete nobis scriptum dare, ut reveriamur.* Vides hic iterum tantum abesse, ut Leo doctrinam & epistolam suam examini Patrum Concilijque subdat, ut potius velit, apertèque & in pleno confesso profuturatur,

B 2

opor-

(a) Commonitorium Cælestini nuper editum per Steph. Balluz. ex M. S. Colbertino.

oportere, ut Patres ad normam, mentémque Leonis decernant; éstne rogo discipulum hoc agere, an Magistrum? obsequi, an imperare? Si Pontifex Concilio subest, cur imperat? cur à toto Concilio probata improbat rejicitque? cur compellit Concilium oblitescere jam ab omnibus decreta & nova proferre? cur suam Epistolam pro norma præscribitque, eique Concilium alligat, nec patitur ab ea recedi? paruitque Concilium, & aliam edidit fidei Professionem, quæ habetur *actum. 6.* Eadem auctoritate Pontificis Legati canonem 28. Synodi Chalcedonensis irritum, cassúmque voluerunt, quo videlicet primus locus post Romanum Pontificem Alexandrino debitus Archiepiscopo Constantinopolitano cedebatur, quo iterum ostendere, Pontificem non subdi, sed imperare Concilio, & rescindere ab isto perperam facta. *Vide Actionem 15. Con. Chal: circa finem.* Jam Lectoris judicium esto, quàm verè Maimburgus dixerit, Leonem doctrinam suam Concilio examinandam permisisse, cum potiùseam pro norma & amissi Concilio præscripserit, verueritque ab ea recedi: quis dicat Lydium lapidem ab auro, perpendicularum à pariete examinari, & non potiùs contrarium?

Cur ergò dixit Leo, Concilij judicium plenius esse, ab eoque aboleri errores oportere?

Resp. Quia licèt Concilium oppositum Papæ, aut ab ipso non confirmatum, sit infra Papam; conjunctum tamen, & approbatum à Papa, multò perfectius, utiliùsque est, quàm solum Papæ judicium, ut etiam suprà monuimus: nec verò quæstio est, an Concilium confirmatum à Papa sit infra aut supra Papam (hæc enim quæstio est meri nominis, & theoretica, ac ferè illi similis, quam speculativi in scholis agitant, an videlicet Deus solus sit majus bonum, quàm DEUS & creaturæ) sed an Concilium à Papa non confirmatum, imò Papæ oppositum sit supra Papam, eique imperare possit; unde patet, ne stat ù quidem quæstionis Maimburgum intellexisse, qui ergo scopum tangeret nunquam visum? Quemadmodum ergò licet Rex sit supra Senatum, nec aliqua sit contra Regiam voluntatem auctoritas Senatùs: si tamen Rex in senatu & cum senatu agat, nemo dubitat, multò ejus diplomata meliora & perfectiora fore (utpote tot aliorum consilij & instructionibus acuta) quàm si à solo prodeant. Idem de Pontifice dicas, præsertim in causa Eutychetis: in qua cum non solum ageretur de Decretis fidei scribendis

bendis: sed etiam de modo hæreticos convincendi, exarmandi, Eutycheten restituendi, Imperatorem ne perverteretur (nam pestis jam aulam penetraverat) edocendi, quis non videt hæc omnia multò securius perfectiusque à Concilio Græcorum Patrum, quàm Romæ à Leone tot rerum ignaro peractum iri? præsertim cum Dioscorus, alijque, qui Eutycheti studebant, ausi essent in Leonem sententiam proferre; non ergo eum judicem paterentur, quem ipsi reum damnatumque peregerant: prudentis ergo fuit celare potius, quàm exponere Majestatem. Quod verò Leo Pontifex sibi grateretur, sententiam suam de duplici Christi natura à Concilio receptam esse, idè est, *tum* quòd multi, qui discordias quàm pacem malebant, Leonem non eadem cum Concilio sentire jactarent, quod ipse Leo in epistola (a) ad Martianum Augustum restatur: *tum* quia ut idem Leo in epistola ad Theodoricum se explicat; etiam quæ fidei sunt, quæque omne dubium excludunt, examinari possunt, non eà quidem ratione, ut eis subesse falsum suspicemur; sed ut clarè intellecta, & cum ratione & scripturis collata tantò melius firmiusque animo hæreant. Quàm multa in scripturis examinamus? nec idèd dubij, sed avidi veritatis; audi ipsum Leonem (b) in eadem epistola ad Theodoricum: *Ipsa quoque veritas, & clariùs enitescit, & fortiùs retinetur, dum, quæ fides priùs docuerat, hæc postea examinatio confirmaret.* Cæterùm persuasum fuisse Leoni, non Pontifices Concilio, sed Concilium Pontificibus subdi, manifestum est ex superius dictis, & ex auctoritate, quam in concilio Chalcedonenfè Leo exercuit, expressitque clarissimè in epistola ad Theodoricum, quam citat Maimburgus: cum enim Leo gratulatus sibi esset, Concilium in eandem secum sententiam conspirasse, hæc subiungit: *Ut in hoc quoque capite membra concordent, in quo amplius nobis crescit gaudendi materia.* Et post pauca: *Multum denique Sacerdotalis officij meritum splendet, ubi sic summorum servatur auctoritas, ut in nullo inferiorum putetur imminuta libertas.* En hic iterum apertè Leo proficitur Pontificem in Concilio Universalì partes Capitii agere; reliquos Episcopos membra esse; si Pontifex illius sacri corporis Caput est, ergo ad eum pertinet dirigere, gubernare, movere; ad Patres verò dirigi, gubernari, moverique. Rursus per ea verba: *Sic summorum servatur auctoritas, ut in nullo inferiorum*

B 3

yum

(a) Epist. Leon. ad Mart. Aug. 63. inter ep. SS. PP. (b) Leo ep. 67. ad Theodoric.

rum putetur ininvincibilis Libertas. Clarissimè ostendit supremam in Concilijs potestatem penes Pontificem esse, Patres verò inferiores, subditosque; & tamen Maimburgus, cum superioritatem Pontificis tam luculenter in epistolis Leonis expressam videat, & quod majus est, clarissimis exemplis in conspectu Chalcedonenfis Concilij exercitam probatamque: hæc omnia silentio tegit, cum duobus aut tribus verbis rixatur, aquam in pumice & victoriam in syllabis quaerens; quæ tamen ut vidimus, & ipsa nihil ad rem faciunt.

III. *Opponitur 3. (a)* Exemplum Vigilij Pontificis: hic enim cum constitutionem edidisset, quæ tria Capitula comprobabat, verabaturque, ne à quoquam mortalium damnarentur; Concilium Constantinopolitanum quintum & Vigilij Constitutionem, & doctrinam trium capitulorum examinandam suscepit, damnavitque obliuctante primùm Vigilio, ac tandem Concilio cedente. Si ergò Concilium examinat damnatque, quæ tanto studio, tantæque animi contentione ac solemnî diplomate Vigilius decreverat; oportet utique majorem esse Concilij, quàm Pontificis auctoritatem, & hunc illius judicio subjacere. Vigilij verba in Constituto ad Imperatorem Justinianum inter alia hæc sunt: (b) *Aperitissimè lucet veritate ex verbis epistolæ venerabilis Iba relictissimo ac piissimo intellectu perspectis, Patres nostros in Chalcedone residentes rectissimè orthodoxam ejusdem viri fidem pronuntiasse, & ideo præsentis sententiæ vestræ auctoritate statuimus atque decernimus, cum in omnibus, tum etiam in memorata venerabilis Iba epistola intermeratum Patrum Chalcedone residentium manere judicium.* His verbis Vigilius non solum Personam Ibae, sed etiam ejus epistolam, quamvis mille blasphemijs plenam hæresi absolvit, & in mitiorem partem explicat, idque obtentâ Concilij Chalcedonenfis auctoritate. Additque in fine Constituti: *Si quid verò de ipsâ tribus Capitulis contra hæc, quæ hic asserimus vel statuimus, factum, dictum atque conscriptum fuerit, hoc modis omnibus ex auctoritate Sedis Apostolicæ refutamus.* En Vigilium ex Cathedra decidentem! & tamen Concilium œcumenicum Constantinopolitanum à tota Ecclesia receptum, cultumque contrarium omninò decidit, sic enim loquitur: (c) *Si quis*

defen-

(a) Maimb. *Traité de Hist.* ch. 18. fol. 126. & ch. 17. fol. 89. & ch. 11. fol. 148. & *hist. du Pontific.* de S. Gregor. l. 1. c. 31. (b) Constitutum Vigilij non procul à fine apud Baron. ad Annum 553. n. 196. (c) *Concil. Oecum.* s. collat. 3. cap. 14.

Defendit epistolam Iba, quam ad Marim Persam hereticum dicitur Ibas scripsisse, quæ abnegat DEUM Verbum ex Virgine Maria incarnatum, & eam non anathematizat, & qui præsunt eam defendere, vel insertam ei impietatem, nomine sanctorum Patrum, vel Concilij Chalcedonenfis, anathema sibi. Concilium ergo non damnat solum, sed etiam anathemate punit Vigilium ejusque constitutum. (a) Et Pelagius II. ac Gregorius Magnus apertè Vigilium ignorantia errasse profitentur, ac postmodum meliora edoctum Concilij sententiam amplexum esse, Constituto, quod prius ediderat, enixè damnato. Patet ergo tot Pontificum, qui post Vigilium sedere, imò totius Ecclesiæ consensu, quæ tria capitula damnavit; & Pontificem errasse, & à Concilio correctum, imò perculsum esse anathemate, & rursus Pontifices infra Concilium esse, & ab isto judicari posse, puniri que.

Resp. Multum spei collocat Maimburgus in Constituto causæque Vigili: ea verò qualis fuerit, altius repetemus, atque ut clariùs veritas appareat, omnia per annos distinguuntur. Anno CCCCXXVIII. Sisinio Episcopo Constantinopolitano morte sublato, Theodosius imperator ex Populi voto Nestorium sufficit Presbyterum & Monachum Antiochenum. Pietas illum Zelusque adversum hæreticos, & viseloquentiæ omnibus commendaverant: sed ut notat Theodoretus, ingentem ambitionem, quâ insulas captabat, his dotibus rexerat simulatâ virtute. Nata ex ambitione se ostentandi cupido, veterumque contemptus: & novorum, quæ magis animos stringunt, ingens prurigo, ac tandem hæresis. Dicebat in Christo ut duas naturas, ita duas Personas esse, Divinam, humanamque, & ita DEUM nec conceptum, nec natum ex Virgine, nec passum, mortuumque, sed hominem solum. Latuit aliquandiu venenum tum dulcedine orationis, quâ errores condiebat, tum opinione virtutis, quâ populum occupaverat externa spectantem, ignarumque occulti. Anno CCCCXXIX. Nestorius hæreses suas palam expromit, binisq; litteris à Cyrillo Alexandriæ Episcopo erroris monetur. Sequenti proximè anno collectâ Romæ synodo Cælestinus Pontifex Nestorium insulis privat; Cyrillo prosecutionem causæ, suâsque vices delegat. Hauerat

(a) Pelagius II. ep. 7. quæ est 3. ad Episc. Istr. Gregor. M. lib. 3. ep. 2. 3. 4. 37. & lib. 7. ep. 10. 53.

ferat virus à Theodoro Mopswesteno Nestorius Chrysostomî quondam in Monasticis collega. Anno^o CCCCXXXI. Nestorij causa in Ephesina Synodo agitur, & ipse cùm ne quidem adesse dignaretur quamvis vocatus, hæresis damnatus, ac Episcopatu exutus est: libri flammis addicti. Supervenit post quintum diem Joannes Episcopus Antiochenus jam olim Nestorio amicus, iraque in Cyrillum fremens, antiquâ quippe æmulatione Alexandrinæ & Antiochenæ Sedis, ac recenti odio ob amici casum, præsertim quoddà à Patribus expectatus non esset, pugnam instaurat, sublevatque Nestorium varijs in Cyrillum Patrèsque conjectis calumnijs; sed momentaneum solatium; quippe fraudes detectæ, & Nestorius primò in Monasterium, tum in exilium ejectus, ubi linguâ vermibus exesâ, solutòq; putredine corpore vitam absolvit. Joannes & ipse à Patribus damnatus, dejectusque, semper tamen ei mora poenitendi data: nam & speserat clementiâ flecti posse; metus verò, ne si durius haberetur, totam Syriam desperatâ veniâ perverteret: responditque eventus, nam sequenti anno Joannes Nestorio, hæresique abjuratâ, cùm Romano Pontifice primùm, mox cum Cyrillo in gratiam redijt, junctisq; dextris in Nestorium duxit.

IV. Anno CCCCXXV. Theodosius lege latâ Nestorij libros, quibus hæresin propagabat, cremari jubet; at qui Nestorio studebant, Theodori Mopswesteni libros evulgant, Syriacâ, Persicâ, Armenicâque linguâ conscriptos, quò à pluribus legerentur. Theodorum pietatis & doctrinæ species, & ex istis veneratio celebrem reddiderant; at eodem, quo Nestorius veneno turgebât, imò à Theodoro Nestorius acceperat; ergò mutato solum nomine eadem pestis serpebat. Accensa, ut fieri amat partium studia, alijs Theodorum laudantibus, detestantibus alijs, quippe qui eosdem in Theodoro errores agnoscerent, aliâ quidem larvâ, sed eodem vultu parique scditate. Fuerat inter præcipuos Theodori, Nestorijque cultores Theodorerus (a) Cyri Episcopus, vir pietate & doctrinâ insigni, sed pari in Cyrillum odio, & cujus capitula instinctu Joannis Antiocheni confutaverat; sed tandem veritati cedens, & Nestorium, cujus amicitiam coluerat, detestatus est, & Cyrillo placatur, ut ex ejus scriptis apparet.

V. Anno

(a) Theodoret. ep. I. ad Sperad. & 83. ad Dioscor. & l. 4. ad Nestor.

V. Anno CCCCXLVIII. Eutyches Archimandrita dum nimio inconsultoque ardore Nestorium persequitur, in aliam hæresim impingit, docetque, ut unam in Christo Personam, sic unam naturam esse; nec abstitit monitus quamvis à Flaviano Episcopo Constantinopolitano, damnatusque repetitâ Synodo: sed obstinaverat animum, aut pretio sui, aut aulæ patrocínio, Chrysaphij præsertim, multorumque Episcoporum nova præ antiquis amplextantium. Delendo igitur tam pernicioso errori Synodus Chalcedonenfis indicta, ubi omnium votis hæresis Eutychiana conclamata est. In hac Synodo, quod maximè ad rem nostram facit, duo Episcopi Theodoretus Cypri, & Ibas Edessæ Episcopi Nestorianæ hæresis suspecti à Patribus absoluti sunt. De Theodoro jam dixi, de Iba hæc accipe; is cum alijs Syriæ Episcopis Joanni Antiocheno adhæserat, Cyrillo infensus, & Nestorio amicus, pro cuius erroribus ad Maryn Persam epistolam scripsit, in qua & Theodorum laudibus effert, Cyrillum verò perstringit, tanquam is odio in Theodorum anathematismos scripsisset; & hæresi Apollinaris infectus esset: cum enim Cyrillus unam Christi Personam assereret, Ibas unam naturam intelligebat, videturque totum hoc certamen cum Cyrillo inde provenisse, quod Ibas socijque Personam & naturam confunderent, & cum à Cyrillo unam Personam audirent, ipsi unam naturam intelligerent; & idè, (ut in eadem Ibæ epistola legitur) nec Joannes Antiochenus prius Cyrillo reconciliari voluit, quàm istas propositiones damnaver, videlicet: *Divinitas passa est; & Una est natura Divinitatis & Humanitatis.* Cum ergò, ut dixi, Joannes Antiochenus, & Cyrillus Alexandrinus dextras iunxissent, unaque Nestorium damnassent; Ibas, qui erranti Patriarchæ comes fuerat, pœnitentem quòque secutus est, pacatusque Cyrillo vires & calamus in Nestorium vertit, & idè ad calcem epistolæ, quam ad Maryn dedit, gratulatur reductam pacem, extincta odia, sedatam Ecclesiæ tempestatem, duosque Patriarchas belli quondam duces, nunc mutuâ charitate, eadèmq; fide compositos. Quibus verbis se quòque Ibas significabat cum Cyrillo communicare, eandèmq; fidem complecti, nec aliud in Cyrillo aliquando damnasse, quàm quod videretur unicam in Christo natu-

ram profiteri; nota enim epistolam (a) Ibæ hæc capita complecti.
 1. Criminatur Cyrillum, quòd diceret, *Unam esse naturam Divinitatis & Humanitatis, nec esse differentiam inter Templum & inhabitantem in eo*, quòdque odio, malisque artibus effecerit, ut Nestorius deponeretur. 2. Multis laudibus Theodorum Mopsuestenum effert, ejusque Zelum in profligandis hæreticis commemorat, vocatque beatum, & veritatis Prædicatorem. 3. Denique Pacem inter Joannem Antiochenum & Cyrillum commemorat, sibi que redditâ Ecclesijs pace, sublatisque dissidijs gratulatur, innuitque eandem sibi & Cyrillo, ac Joanni Antiocheno fidem esse, sicque Catholicum se ostendit, & Nestorio adversum, quod etiam illis verbis apertissimè declarat: *Ecclesia*, inquit, *sic dicit, sicut tua Religiosus novit, & à principio est edocta, atque firmata ex liberis Beatissimorum Patrum, due natura, una virtus, una Persona, quòd est unus Filius Dominus noster, &c.* Græcè: (b) *Δύο φύσεις, μία δύναμις, ἐν πρῶτον.* Quæ doctrina, ut palàm est, Nestorianæ omninò est opposita, & hæc causa fuit, ut Ibas bis hæreticis Nestorianæ postulatus, bis in solemnibus Episcoporum Conventibus culpæ expers, innocensque declaratus sit, Beryti videlicet & Tyri: (c) nec Mireris Theodori libros ab Iba laudari; eo enim tempore necdum satis de Theodori scriptis constabat, alijs eos execrantibus, alijs verò laudantibus, & blasphemias, quæ in ijs legebantur, non Theodoro adscribentibus, sed alijs, qui ejus scripta corruperunt: eadem ferè ratione, quâ olim multi Patrum Originem defenderunt, & nostrâ quoque ætate multi Jansenium. Quæ causa fuit, ut non à solo Iba, sed etiam ab alijs laudatus sit Theodorus, ejusque scripta, tanquam veritati ac fidei Catholicæ consentanea, videlicet à Joanne Patriarcha Antiocheno, (d) postquam in sinum Ecclesiæ redierat; & Theodereto in Dialogis adversus Eutychetem. Mirum ergo non est, Ibam Tyri & Beryti omnium Episcoporum judicio Nestorianismi, cujus postulabatur, absolutum esse, quod anno Christi 448. contigit: cùmque in iisdem Tyrio & Berytensi Conventibus maximè epistolam Ibæ ad Marim urgent aduersarij, tantum abest eum hæresis convictum esse, ut potius

Patres

(a) Epistola Ibæ habetur in actis Conc. Chalced. act. 10. (b) V. Baron. & Spondan. ad Annum 458. (c) Joann. Antioch. epist. ad Theodos. & ad Cyrill. & ad Procl. Constantinopolit. Theodoret. in dialog. Eranistæ; & epist. 16. ad Iren.

Patres ejusdem epistolæ argumento Ibam Orthodoxum & innocentem pronuntiârint; ut habetur in Actis & subscriptionibus Concilij Chalcedonenfis *actione decimâ*: imò quod majus, idem Concilium Chalcedonenfe lectâ, auditâque Ibæ epistolâ ad Marim pronuntiavit, apparere ex eadem epistola, Ibam Orthodoxum esse, verba Patrum & sententiæ hæc sunt: *Paschasius & Lucentius tenentes locum Sedis Apostolica dixerunt: Relectis charis agnovimus ex sententia Reverendissimorum Episcoporum (qui videlicet Tyri & Berithi convenerunt) Ibam Reverendissimum innocentem approbari; relectâ enim ejus epistolâ agnovimus eum esse Orthodoxum: & ob hoc determinimus, & honorem Episcopatus, & Ecclesiam ei esse restituendam.* Hæc Patrum Chalcedonenfium sententia fuit de Ibæ epistola; ubi tamen observa, non dicere Patres, epistolam Ibæ orthodoxam esse (nam ob immodicas Theodori laudes, damnatumque hæresis Cyrillum in suspicionem vocari poterat) sed ex illa Ibam orthodoxum probari; cum enim ad calcem epistolæ Cyrilli fidem comprobaret, gauderétque Joannem Antiochenum cum illo communicâsse, pacemque inijsse, sibi que propterea ac toti Ecclesiæ gratularetur; apertè ostendebat, se quòque cum Cyrillo consentire, sicque Orthodoxum esse, & Nestorio adversum; sicut enim cum Ariana hæresis Ecclesiam in duas partes scinderet, seque occultissimis artificijs abderet, nec satis hæretici à Catholicis distingui possent, quippe laruatâ fideâque facie; certissimum veritatis indicium erat, cum Athanasio communicare; ita peste Nestorianâ grassante, nullum certius argumentum sanæ intactæque Religionis, quàm Cyrillo adhærere, quod, cum in sua epistola Ibas profiteretur, mirum non est, à Concilio Chalcedonenfi pro Catholico receptum esse. Hanc rationem Eunomius Episcopus Nicomediæ attigit, quandò *actione 10.* Concilij Chalcedonenfis Ibam absolvit; Jam, inquit, ex ijs, quæ relecta sunt, innoxius approbatus est Ibas Reverendissimus, in quibus enim dicendo male culpæ visus est Beatissimum Cyrillum, in postremis rectè confessus, illa, in quibus culpavi, resutavi. Manifestum ergo est, quamvis epistola Ibæ hæresin redoleret, quia tamen circa finem epistolæ cum Cyrillo communicare se profitebatur, & Nestorium damnabat, idè à Patribus Concilij Chalcedonenfis pronuntiatum est: *Ibam ex epistola ad Marim data Orthodoxum apparere.* Et sic quidem habuit causa Ibæ Episcopi Edesseni in Concilio Chalcedonenfi

agitata; non omittam tamen, etiam illud dicere, sanctos Gregorium M. (a) & Epiphanium conari, ut ostendant, eam epistolam Ibæ non fuisse; sed obstant, acta Tyrij, Berithensis, & Chalcedonensis Conciliorum, ex quibus liquidò patet, Ibam eam epistolam pro sua agnovisse. In eadem Iquòque Chalcedonensi Synodo Theodoretus Episcopus Cyri *actione 8.* absolutus est, ac sedi suæ, cum Nestorium detestatus esset, restitutus. Hic monasticam vitam amplexus Cyri Episcopus renuntiatus est, immensòsque labores pro fide Catholica, contra Gentiles, & hæreticos suscepit; sed postea Theodori Mopsuesteni & Nestorij amicitia (quorum immensis laudibus omnes libros implebat) ad eò sedatus est, ut eodem morbo infectus videretur, præsertim ubi contra Cyrillum, quem Catholici omnes ut arcem veræ Religionis venerabantur, calumum strinxit; eadem quippe fidei & Cyrilli causa videbatur, ut qui hunc impeteret, illam quòque aggressus putaretur: sed tandem detecta veritate, observatisque Nestorij & Theodori erroribus, præsertim cum obstinatos eos vidit, pedem à præcipitio, cui impendebat, retraxit, subscripsitque Leonis epistolæ, quæ protestera colebatur sacræ militiæ; & ab eo vicissim in communionem & amicitiam receptus est; nam tanti Doctoris accessu partes Catholicorum augeri lætabatur, & ob has quòque causas Concilio Chalcedonensi Theodoretus pro Catholico habitus est. Audi acta Chalcedonensis, *actione 8.* Residentibus omnibus ante cancellos sanctissimi altaris, Reverendissimi Episcopi dixerunt: Theodoretus modo anathematizet Nestorium. Theodoretus dixit: Ego per DEI gratiam ab Orthodoxis sum nutritus, & Orthodoxè sum edoctus, & Orthodoxè predicavi, & non solum Nestorium & Eutychen, sed omnem hominem, qui rectè non sapit, aversor, & alienum existimo: & dum diceret hæc, Reverendissimi Episcopi clamaverunt: clarè dic anathema Nestorio & dogmatibus ejus: anathema Nestorio & amantibus eum. Theodoretus dixit: verè non dico, nisi quomodo novi DEO placere; neque de Civitate cogito, neque honore opus habeo, neque ob hoc adveni. Nestorium & Eutychen, & omnem hominem dicentem vel opinantem duos filios, anathematizo; & cum diceret, Reverendissimi Episcopi clamaverunt: dic apertè anathema Nestorio, & quicquid ejus sunt, sapiunt. Theodoretus dixit: Anathema Nestorio, & ei, qui non dicit DEI genitricem Virginem Mariam, & qui in duos filios partiitur unum filium DEI unigenitum. Omnes Episcopi clama-

(a) S. Gregor. l. 7. epist. 53. & Epiphani. A. 6. Concil. Nic. II.

clamaverunt: Theodoretus dignus est sede: Ecclesia Orthodoxum, Ecclesia Pastorem recipiat. Paschasius & Lucentius habentes locum Apostolica Sedis dixerunt: Sanctissimum & venerabilem Episcopum Theodoretum Sanctissimus & Beatissimus Univerſa Ecclesia Episcopus Urbis Roma Leo dudum in communionem suscepit. Quoniam igitur Nestorius & Eutychen anathematizavit, Sanctissima & Venerabilissima Synodus, insuper verò & nostra humilitas reddi ei Ecclesiam propriam desinuit. Vides ergo in hoc Concilio Oecumenico Theodoretum & pro Orthodoxo acclamatum esse, & pro digno, cui sedes redderetur. Hæc sunt ergo tria Concilij Chalcedonenſis decantata Capitula, & ex quibus invidiâ Eutychianorum Concilio Chalcedonenſi ad-versantium tot postea discordiæ & malorum series deductæ sunt. Absolutio videlicet Ibæ, Theodreti & Theodori Mopsuesteni, quamvis enim de hoc ultimo nihil Concilium deciderit; hoc ipsum tamen silentium, & quoddam Ibam ac Theodoretum perpetuos ac indefessos Theodori laudatores Concilium recepiſſet, vitio vertebatur, quasi Nestorio faveret, quamvis ut vidimus, & Nestorium Patres execrarentur, ejusque causam redderent debiliorem, præcipuis ejusdem defensoribus in vera Religionis castra translatis: nec enim favere hosti dicendusest, qui eum ducibus ac militibus privat, suisque eos partibus clementiâ & præmijs adstrinxit: id fecit Concilium.

VI. Anno DXXXVIII. Hoc est octoginta septem annis post Concilium Chalcedonenſe de tribus capitulismota contentio, prius ne cogitatum quidem, ut aliquid turbaretur. Res ita evenit. Miſſus fuerat in Orientem ab Agapito Pontifice Pelagius, ut Romanæ sedis legatione fungeretur; is è Palæstina reverſus (ubi Episcopum Alexandrinum patrata cædis reum gradu dejecerat.) Monachorum agmen secum duxerat Origeni inſenſum: ingentem texuerant errorum catalogum, quibus suos libros inſperſerat, urgebântque istos simul cum Auctore damnari: *Quandiu enim Origenis nomen in Ecclesia vigeret, istius errores deleri ex animis non poſſe Auctoris reverentiâ; nec perſuaderi hominibus, ut cum coli arborem, amarique videant, fructus tamen averſentur; istos verò sponde collapsuros arbore truncatâ.* Hæc Monachi nec sine aſſenſu in aula repetebant, Pelagij præſertim, & Justiniani Imperatoris; Pelagij quidem, quoddam liti tanto tempore, tantoque animorum æſtu inter Catholicos agitata finem

imponi cuperet. Imperatoris verò, quòd innato quodam fatalique impetu rebus sacris se implicaret, amarèque inter Insulas spectari : ergò unius ardor, & alterius ostentatio bellum in Originem accendit. Indictum Constantinopoli Concilium, in eoque damnatus cum erroribus Origenes : & quamvis Paschasius & Mennas Episcopus Constantinopolitanus iudices sedissent, diploma tamen, quòd sententiam & errores complectebatur, Imperatoris nomine expeditum, sive id genio Imperatoris datum, sive ut adversarios percellerent, sceptrum magis quàm pedū vereri solitos. Agebat in aula Theodorus Cæsareæ Archiepiscopus, florebatque Principis gratiâ ; sed Origeni & Eutychianis planè addictus, occulto tamen celatòque veneno, & in occasiones prompto. Is damnatum Origenem acerbè indoluit, credebátque à Pelagio non tam cineribus Origenis, quàm sibi illudum, hinc ardor vindicandi ; utque securior esset certiorque vindicta, pressus intra animum dolor, nec vultu proditus. Ubi opportunitas fuit, Principi ostendit, perire Ecclesiam Eutychianorum & Acephalorum discordijs : & tamen finiri contentiones posse facili obviòque remedio : si Concilium Chalcedonense omnes recipiant, nihil amplius dissidij fore : ut verò recipiant, illud unum ob stare, quòd Theodorum Mopswestenum, & Theodoretum, præcipuè verò Ibæ epistolam Patres comprobassent : istos verò Nestorio apertè favere, sicque Nestorium quòque ejusque sententias visas à Concilio comprobari, cum illos admisissent : hoc Catholicos Nestorio ut par erat adversos offendi, hoc unum morari, ne Concilium pacemque admittant : si ergò tria illa Capitula damnentur, & Concilium admissum, & pacem redditum iri, nullo impendio : litandum esse omnium paci bonoque, paucis mortuorum cineribus, idque ipsum Ibam, sociòsque si viverent optaturos, gloriam verò redditæ pacis penes Imperatorem fore. Hæc Theodorus obtentu Religionis : sed vindicta quærebat : prævidebat enim Pelagium sociòsque, ut termini monerentur à Concilio & Patribus fixi, nunquam assensuros ; hinc illis cum Principe bellum, & ex bello offensam : aut si assentirent, semel Concilij Chalcedonensis eversâ deletaque aliquà parte, facile totum impugnari, aut in dubium vocari posse, id verò Eutychianis saluti fore. Hæc Theodori sensa, sed Principi abstrusa. Is

oratione

oratione permotus, & Theodoræ Conjugis, quàm deperibat, blanditijs edictum proponit, quo tria Capitula damnabantur. Ingens inter Catholicos accensum certamen, quodd negarent convelli posse à Concilio statuta; eadèmq; Vigiliij Romani Pontificis sententiaerat: cùmque adverteret Imperator, in hujus exemplum omnium oculos defigi, & eò inclinaturam victoriam, ubi Vigilius esset, Constantinopolim eum accersit, excipitque obviam progressus. Omni ergò arte laboratum, ut hanc arcem everterent: præmiis juncta: spes metusque temperati: & quod omnia vincebat, Imperatricis preces lachrymæque ac promissorum exactio; promiserat enim Vigilius, si Pontificatum ab Imperatrice obtineret, se tribus Capitulis abnuntiaturum; quid ergò negaret & famina, & Augustæ, & Benefactrici? maximè cùm preces, ut dixi, lacrymis, minisque armarentur. Nec minùs se Vigilius in omnem partem vertebat suspensus pendensque animi, cui inter contrarios ventos vela laxaret; quippe damnatis tribus Capitulis Concilium quoque Chalcedonense damnari videbatur, immensæ eorum indignatione, præsertim Occidentalium, qui nihil demum Concilio permittebant. Obsisteret verò Imperatoribus; plenum hoc discriminis, damni que: decrevit ergò mediâ incedere, quod plerumque in ambiguis solet. Primò liberum cuique edixit, ut in hac re pro arbitrio sentirent, scriberentque, donec Concilium definiret; nec enim de rebus fidei quæstionem: nec Ibas Catholicus aut hæreticus sit, ad fidei articulos pertinere, libertatem ergò opinandi esse. Deinde in gratiam Imperatoris, à quo continuò pulsabatur, libellum concipit, quem tamen occultum voluit, secretumque, quo tria Capitula arguebat. Sed Libello vulgato, offensisque Occidentalibus apertè se Orientalium sententijs adjungit, ut istos saltem lucraretur, quippe numero & potentiâ majores. Adversari indignatique Occidentales, quodd crederent unam eandemque esse Capitulorum & Concilij causam; & Vigilius Schisma veritus, indicto Episcoporum, qui aderant, Concilio silentium partibus indicit, exoratque Imperatorem, ut in proximum ac universale Concilium suspendi edictum velit; annuitq; Augustus. Interim Vigilius Theodorum hæresis compertum, & Episcopum Cæsareæ Augusto prædilectum, sed Schismatis auctorem Ecclesiæ sacrisq; interdi-

cit; quo uno ostendit in negotio trium Capitulorum non animum sibi, nec constantiam, sed causam defuisse: quodq; jam in hanc jam in aliam partem flecteret, non timori aut gratiæ, sed concordiæ datum, nec parcum se ferri, cum morbus & necessitas poscerent. Augustus interim moræ impatiens, & præsertim agitante Theodorâ, contra quàm pactus esset, & frustra oblucente Vigilio, Edictum palàm proponit, jubetque Episcopos, qui subscribere morarentur, in carceres & exilia rapi: ipse Vigilius, cum micantes jam gladios & catenas videret, Thessalonicam & ad aras confugit, vulneribus in faciem acceptis. Sed cum terræ motibus, hiatibus, marisque inundatione ac incurfibus Barbarorum Imperium concideret, Imperator & Menna Patriarcha malis fessi, devictique, veniam sacrilegij petere, & Edicta aufferri jussa. Hæc ab anno 547. usque in annum 552. peracta.

VII. Tandem Anno DLIII. Concilium Oecumenicum Constantinopoli habitum, in quo de Origenis, Nestorij, & Eutychetis erroribus actum, quos variè obtegebant, præsertim verò de tribus Capitulis: causabantur enim Eutychiani, se propter tria Capitula Synodum Chalcedonensem amplecti non posse, quodd Nestorio faverent, & isti *Hesitantij* appellabantur, aut etiam Acephali. Missa ad Vigilium ornatissima Legatio 20. videlicet Metropolitanorum Antistitum, inter quos tres Patriarchæ: ubi vides, quantietiam ab hostibus Romanum fastigium æstimaretur, nam cum Patriarcha aliquis evocandus, tres solum mittebantur. Repetita dein Legatio additque præcipui Magistratus, & ipse Bellisarius armorum Dux, rogabantque Vigilium, ut Synodo adesse veller. Ille primum inducias petere, tum morbum causari, & absentiam Occidentalium Episcoporum, qui præcipuè edicto Imperatoris turbabantur: ac tandem, quid de tribus Capitulis sentiret, scripta editurum. Et planè nolebat Vigilius Synodum in Græcia, sed in Sicilia convenire, ut videlicet Occidentales Episcopi adesse possent, & vota liberè conferri; sed id ipsum Augustus verebatur, prævidebátque se numero victum iri, si Occidens conflueret: ergò nec alijs, nec Pontifice expectatis initium Synodo fieri voluit. Illyrici Antistites adesse recusarunt: Primasius Adrumeti in Africa Metropolitanus, cum ad Synodum vocaretur, intre-

intrepidè respondit: *Papâ non prasente non venio.* Alij qui ex Africa & Italia aderant, paucique Orientis Episcopi Vigilio adhæsere, ut ex eorum subscriptionibus pater. Tres primæ collationes mittendis Legationibus, legendæque fidei professione insumptæ. In quarta recitatæ sunt Theodori Mopsuesteni blasphemix, & in illas à Patribus conclamatum. In quinta, quæ Patres adversus Theodorum scripserant, quæque Theodoretus in Cyrillum, producta: addita Patrum exempla & sententiæ, quibus etiam defunctos damnari posse probatum est. Acceptum etiam auditumque Vigilij Constitutum, quo fortiter prolixèque protribus Capitulis defudabat. Rationes Vigilij ad hæc capita reducebantur: *Que Concilium Chalcedonense statuisset, nullâ ratione, nulloque obtentu subverti debere; alioquin unâ Concilij parte oppugnatâ, totum infringi, ac dubium reddi; nec enim ostendi posse, cur in uno potius, quàm in alio errare potuerint Patres: Triumphaturum Eutychem, sociisque, Concilio semel impulsio eversoque, nec majorem illis evenire posse victoriam, quàm ut suspectum videant damnatumque tribunal, in quo ipsi causâ ceciderint. Jam serè sæculum fluxisse, quo tribus Capitulis nemo item intenderit, quid ergo causa esse, ut novo nec necessario bello Ecclesia collidatur? cur modò improbentur tot jam annis probata? Nestorianam hæresin tam clarè enixèque in Concilio Chalcedonensi damnatam esse, tamque repetitis vicibus, ut venturam in mentem nemini possit, eam tribus illis Capitulis aut assertam, aut admissam esse, nec Chalcedonensibus Patribus tam parùm lucis adfuisse, nec Ecclesiam tam recordem, inertemque, ut tot annorum cursu aut statueret, aut permitteret, qua Religionem fidemque minuerent. Ut Theodoretus & ibas damnantur, nihil ad fidem pertinere; hanc enim de rebus, non Personis esse; quid ergò intersu Theodoro to Ibas, parci, si modò qua illi docuerunt, constet & ab illis revocata, & ab Ecclesia Concilioque proscripita? id semper in Ecclesia receptum esse, ut penitentes in sinum reciperet; apertisque amoris & Clementie osthij aditum ostenderet reverti volentibus; alioquin nullum errori remedium & sinem fore, si crederetur, ignosci non posse. Ignovisse Ecclesiam vivis, nec culpa securis; cur in mortuos sciretur, nec amplius offensuros? Quod si leges Canonisque prohibeant, absentem aliquem indefensumque damnari; quanto magis emortuum, & in publica Synodo absolutum? falli Patres si crederent, hanc in mortuos sententiâ pacem redituram; imò novum bellum incendi, novumque hæresi triumphum parari; Occidentis Antistes nunquam Chalcedonensibus illud passuros; istos ergo perniciosos Schismate involvi, reddi, Patribus, qui Constantinopolim pervenerint, insensos,*

aversosque, & quam ipsi sententiam in tria Capitula protulerint, illos planè rejecturos; quanto hoc Synodi dedecore, quantoque damno? Hæreticus id lucrì accedere, ut cum duas Synodos adversis Decretis pugnantes videant, utramque parì ludibrio habeant; hunc ergò fructum Concilio fore, ut nulla Concilij reverentia, fidèsq; habeatur. Hoc Hæreticos cupere. Hæc Vigilij sensa & rationes erant in Constituto expressa; sed cohiberi torrens non potuit, quin Ibas ejusque epistola ad Marin damnaretur, quod factum Aëtione sextâ, repetito in Nestorium & Mopsuestenum anathemate. Septimâ collatione plures Vigilij litteræ in Synodo lectæ, quibus tria Capitula damnâsse videbatur. Octavâ tandem in tria Capitula pronuntiatum: sic habuit Synodus Constantinopolitana; secutæ persecutiones, proscriptiones, exilia Episcoporum, qui nollent tria Capitula damnare: nec Vigilio pepercere, ad carceres & exilium rapti cum Clericorum manu, qui ei adhærebant. Inter ipsos Catholicos ingens discordia, quàm plurimis tria Capitula damnare recusantibus, quod postea dicemus. Redijt tandem ab Exilio Vigilij, ac in Sicilia morbis, ærumnisque consumptus vitam finivit. Testantur quàm plurimi, Vigilium (a) tandem Concilio subscripsisse, idque ne videretur Nestorio & præsertim Origeni favere, cujus errores paulatim Orientem occupabant; maluit ergò majori morbo occurrere, & impendens naufragium brevi, vilique jacturâ redimere: quæ causa fuit Pelagio & Gregorio Magno Pontificibus, ut hoc quoque Concilium curarent recipi, quod tandem magnis laboribus effecere, cum palàm ostendissent, in rebus ad fidem spectantibus nihil à quinta Synodo definitum, quod Decretis Chalcedonensibus adversaretur, id enim præcipuè omnium ferè animis infederat, quod ubi dedocti sunt, manus tandem communi paci dedere; hoc enim sancti illi Pontifices observârunt, ut cum certamen de fide non esset, aliquid darent optatæ Concordiæ, cederentque Græcis genti superbæ, ac vinci dedignantibus, & flecti nescijs.

VIII. Ex hac historica narratione multa deducere licet memoratu digna, & quæ facillè nubes discutiant ex narratione Maimburgi offusas. *Primo* certum est causam trium Capitulorum nihil ad fidem spectâsse: errores enim Theodori, Theodoretæque omnes

Catho-

(a) Vigilium quintæ Synodo subscripsisse testes sunt Evagr. lib. 4. c. 33 Niceph. lib. 17. c. 27. & 28. alijque. V. Reg. Sacerd. fol. 310.

Catholici æquè detestabantur : lis tantùm de Personis erat: hæc quæstio facti erat ; nec enim sequitur, ut qui hæresin docuit, continuò sit hæreticus, mens enim & pertinacia hæreticum, non calamus facit; & sæpè ignorantia delinquitur, præsertim cùm illi errores abjurassent, & in Leonis sententiam ac scripta flexissent, idque S. Gregorius (a) multis locis testatur, salvâ videlicet fide de tribus Capitulis certatum esse : *De illa, inquit, Synodo, quæ Constantinopoli facta est, quæ à multis quinta vocatur, scire vos volo, quod in ea de Personis tantummodo, non autem de fide aliquid gestum est, & de Personis, de quibus in Chalcedonensi Concilio nihil continetur. Et l. 3. epist. 2. Postquam talis fuisse pro nulla re facta est, justum fuit, ut Sedes Apostolica curam gerat. Et Pelagius II. epist. 2. ad Eliam, vocat quæstionem superfluum.* Docuitque idiplum experientia ; quamvis enim absoluto Concilio ejusdem canones ab oninibus recepti sint, cùm nihil aliud repeterent, quàm Ephesini & Chalcedonensis Conciliorum Decreta ; in ijs tamen, quæ ad tria Capitula spectant, totus serè Occidens oblectatus est, collectisque Concilijs defensio trium Capitulorum suscepta, nec propterea quisquam hæresis accusatus est : quippe persuasum habebant, majorem esse Vigilij quàm Concilij auctoritatem ; quamvis enim Vigilius, cùm adhuc animi penderet, in privatis quibusdam Epistolis adversus tria Capitula scripssisset, nunquam tamen rem definivit tulitque sententiam, nisi eo diplomate, quod Constitutum appellavit, Synodoque exhibuit, & hoc solo tanquàm Pontificiâ auctoritate edito Occidentales contra Synodi Decreta nitebantur. Victor ergò & Facundus Hermianensis post Concilium Constantinopolitanum Africani Episcopi pro tribus Capitulis dissertissimè scripserunt, & idèò ad pœnas (b) quæsitæ. Africa, Illyrium, Hybernia, & totus serè Occidens fatente etiam Maimburgo causam trium Capitulorum contra quintam Synodum amplexus, idèmq; in Concilio Aquilejensi definitum : nec aliâ isti ratione ducebantur, quàm quòd crederent, doctrinam quintæ Synodi, quâ parte de tribus Capitulis agit, sententiæ Pontificis Romani adversari, sicque hujus potiùs auctoritati, quàm Synodo deferendum esse ; nec ullis artibus aut pœnis, nec millies objectâ Concilij auctoritate priùs moveri po-

D 2

tuerunt,

(a) S. Gregorius lib. 3. epist. 37. (b) Maimb. Histor. du Pontif. de S. Greg. lib. 1. fol. 37. & fol. 34.

tuerunt, ut tria Capitula damnarent, quàm edocti à summis Pontificibus, hanc ipsam esse Romanæ Sedis sententiam tempori ac concordia cedentis, præsertim cum quæstio de fide non esset; palam ergo est, Omnes Episcopos Occidentis, ac etiam Gallicanam Ecclesiam ejus sententiæ tum temporis fuisse, ut crederent nullam esse Synodo auctoritatem à Romanis Pontificibus improbatæ, & istorum Decreta omni Synodo potiora esse: alioquin si id non crederent, cur Pontifici potius quàm Synodo adhærerent? cur improbarent, repellerentque Synodi Decreta, collectisque Episcoporum Concilijs, ac libris disertissimè scriptis ea impugnant, nec pœnis, nec exilijs, nec aliâ quâvis ratione ad ea recipienda moveri prius possent, nisi à Romanis Pontificibus jussi? jubet Synodus, non audiunt: jubet Pontifex, obtemperant; cujus ergo auctoritatem majoris ducunt? illius, quem respuunt, an cujus admittunt? sed ne quid ex nostro præter verum finxisse videamur, audiendus Gregorius in epistola, quam adhuc Diaconus nomine Pelagij Pontificis ad Univerfos Iſtriæ Episcopos scripsit, & habetur tomo 2. Conciliorum p. 2. inter fragmenta Concilij Constantinopolitani. *Rursum, inquit, per epistolam vestram dicitur à sede Apostolica vos doctos, atque à scrinio sanctæ Ecclesiæ, cui DEO auctore præsumus, confirmatos, ne huic rei consentire debeatis. Atque hanc opitulationem excusationi Vestra adjungitis, quòd in causa principio & Sedes Apostolica per Vigilium Papam, & omnes Latinarum Provinciarum Principes damnationi trium Capitulorum fortiter resisterunt. Et Beda l. de 6. ætatib. Synodum Aquilejensem ob imperitiam fidei quintum Unversale Concilium suscipere diffidit, donec salutaribus B. Papa Sergij monitis instructa & ipsa huic cum cæteris Ecclesijs annuere consentit. Et Platina in vita Sergij: Ecclesiam Aquilejensem quintam Synodum non omnino approbantem ad sanitatem doctrinæ & auctoritatem suâ tandem perduxit. Plus ergo Patres & Ecclesia Aquilejensis Sergio Pontifici, quàm quintæ Synodo deferendum censuit. Quòd si Pelagius, Gregorius, Sergius, alijque Pontifices perrexissent quintæ Synodo obniti, eamque improbassent, certissimum est, eam toto Occidente nunquam acceptam fore, cum vix tandem, & post longum certamen Pontificum auctoritate evictum sit, ut reciperetur: plus ergo istis reverentiæ & submissionis quàm Concilio datum; hoc enim quamvis centum septuaginta quinque Episcoporum votis, ac Principis Majestate, ac præterea sævissimis legibus*

legibus, ac longâ persecutione armatum, nunquam tamen evicit, ut ei Occidentales subscriberent; soli ergo Vaticano gloria confectæ pacis impetratque obsequij servabatur. Postquam verò reliquæ Ecclesiæ Occidentis causâ vitandi schismatis, exemploque Pontificum cesserant; meritò S. Gregorius & Pelagius querebantur paucasillas reliquias, in re, ut loquitur idem Gregorius, *nullius momenti, merèque superflua, nec fidei connexa*, opinionem suam paci & charitati præferre, & ab aliarum Ecclesiarum societate disjungi: quis enim Ibas & Theodoretus, ut istorum causâ perire Unitatem, pacemque vellent? præsertim cum ex sensu verbisque quintæ Synodi conditionata solum esset eorum damnatio, *si videlicet erroribus immortui essent*; constabat verò immortuos non esse, imò errores execratos: quid ergo damni si Græcorum pertinaciæ communique concordia mortuos damniarent, innoxia sententiâ nec obfuturâ? tam magna victoria tam parvi stabat!

Dices ex illa ipsa alijsque Gregorij Epistolis apparet, creditum à plerisque fuisse, Pelagium & Gregorium aliòsque Romanos Pontifices contra Concilij Chalcedonensis decreta sentire, & ideò tanto tempore morati sunt, obluſtatique, ut tria Capitula damnarent: credebant ergo Pontifices errare posse, sicut planè errasse Vigilium oportuit, qui non privatis tantum Epistolis, sed solemnibus ac Pontificio diplomate, quod *Judicatum* vocabant, in tria Capitula pronuntiavit: postea alio, parique auctoritate, quod *Constitutum* dicebant, eadem Capitula prolixè sustinuit, veruitque damnari. Ac tandem sexto, postquam exulavit, mense Pontificiâ Decretali tria iterum Capitula oblitterata voluit, addiditque hæc verba: *Qua verò aut à me, aut ab alijs ad defensionem prædictorum trium Capitulorum facta sunt, præsentis hujus scripti nostri definitione evacuamus*. Oportet ergo inter tot sibi que adversas Vigilij sententias aliquam falso laborare; falli ergo Pontifices possunt.

Resp. Jam supra monui, quæstionem de tribus Capitulis citra fidem stetisse, imò à S. Gregorio & Pelagio *nullius momenti & superflua* vocatam esse; in hujusmodi autem falli Pontifices posse ultro fatemur: quamquam nec Vigilius, aut alij errabant, cum pro varijs temporum hominumque circumstantijs nunc damnari tria Capitula, nunc sustineri volebant. Cum timor erat, ne illis dam-

riatis Capitulis damnari quóque Synodus Chalcedonenfis videretur (id quod optabant Eutyriani) aut saltem in dubium vocari, frementibus Occidentis Episcopis, ac Schisma minantibus, nisi abstereretur: credidit Vigilius abstinendum novis esse, antiquisque vestigijs inhærendum, quod in suo Constituto prolixè demonstravit. Ubi verò exadversò prævidit multò plus periculi ab Orientalibus, nisi Capitula damnarentur, instare; omnibus videlicet in eam sententiam ruentibus, ipsòque Imperatore tanto ardore agmen ducente; præsertim cùm Nestoriani ea Capitula suis erroribus prætexerent, multisque Theodreti & Ibæ auctoritate imponerent, videréntque sub istorum nominibus à Concilio admissis venena quóque animis illabi, majorque multò spes alluaceret Occidentalium animos placandi, permovendique, quàm Græcorum, qui instatam pertinaciám duplici auctoritate Principis videlicet Synodique obfirmabant. Ex his, inquam, alijsque rationibus, utque gliscenti Schismati, & ingens incendium promittenti fomenta subducerentur, permotus est Vigilius, alijsque post eum Pontifices, consilia sæpius, non finem mutare: neque hoc inconstantis, aut errantis fuit, quippe eadem semper navigatione, & eundem portum spectante, quamvis contrarijs ventis, & ex adverso flantibus; & Medici remedia vertunt mutantibus morbis; nec alternatio errori, sed arti adscribitur; imò is error esset, nolle consilia temporibus aptare, eodémque vestitu gaudij, luctusque diebus incedere. Prudentis ergò fuit consilij non obstinari, affigique, sed ut res ferret, in diversa transire, & locum necessitati dare: alioquin si error is fuisset, sequeretur etiam Concilia Oecumenica errori esse obnoxia; nam & Synodus Chalcedonenfis sententiam pro tribus Capitulis tulit, quam postea Synodus Constantinopolitana mutatis causis correxit; sic B. Paulus, qui in circumcisionem tam acriter investus aliquandò fuit, eam postea Timotheo adhibuit, ne Judæos offenderet; quam cùm videret Gentilibus fastidio & scandalo esse, obliterari iterum voluit, Petro vehementer objurgato: hoc ergò Vigilius fecit alijsque Pontifices; nam quòd timiditas Vigilio opponebatur perinde ac si in Augusti sententiam metu, non ratione flexisset, res ipsa Vigiliū & eventus purgârunt; eodem enim tempore, quo inter Pa-

pam

pam & Augustum lis ista fervebat, Theodorum Episcopum Cæsareæ, Mennamque Patriarcham Imperatori prædilectos, ipsamque Augustam hæresis compertam Vigilius Ecclesiæ sacrisque exclusit; non hæc timentis erant, sed intrepidi, invidique, & ipsum Imperatorem in charissimis Capitibus provocantis: quis ergo dubitet non eadem ausurum in causa Capitulorum, si eadem necessitas foret severitatem exerendi? sed aprior clementia videbatur, & hæc tandem finem certamini dedit. *Secundo* Illud quoque diligenter observandum, Concilium hoc quintum non potuisse prius pro Oecumenico haberi, quàm confirmatum à Vigilio, aut alijs Pontificibus fuerit: & ideo cùm Vigilius, quod tria Capitula spectat, confirmare illud renuerit; sequitur nihil momenti aut virium fuisse: hinc Patres tanto conatu egerunt, ut ei Vigilius interesset; audi istius epistolam ad Synodum: (a) *Poposcit Vestra Fraternitas, ut nobis presidentibus de tribus Capitulis, ex quibus questio nata est, conferatur, & finis quaestioni ipsi DEO placitus, & convenienter ijs, quæ à quatuor sanctis Concilijs definita sunt, imponatur: quibus ita dictis postulationibus annuimus, ut de tribus Capitulis sacro Regulari Conventu, servatâ aequitate, & medijs SS. Evangelij Collationem cum unitis fratribus habeamus, & finis detur placitus DEO. Collatione quoque VII. ejusdem quintæ Synodi multæ Vigiliij epistolæ recitatæ sunt, quibus ostendere conabantur, Vigilium tribus Capitulis adversatum esse, nec aliud eâ sessione actum, & tandem collatione 8. ante sententiam definitivam præfati hæc sunt: Quia contigit Vigilium Religiosissimum omnibus interesse, quæ in tribus Capitulis annotata sunt, & tàm in scriptis, quàm sine scriptis in Concilio convenire &c. Imò ipse Mennas Patriarcha Constantinopolitanus, teste Facundo (b) Africæ Episcopo, nunquàm Justiniani edicto contra tria Capitula assentiri voluit, nisi juramento accepto, nullam fore subscriptionem, si Pontifex reclamasset: agnoscebant ergo Patres Concilij necessariam esse Pontificis confirmationem & assensum, pro quo ostendendo tàm enixè laborabant; quæ Confirmatio, dum abfuit, persuaderi Occidentalibus non potuit, ut Concilium reciperent; sed nemo luculentius hujus necessitatem, ut B. Gregorius Magnus in suis epistolis ad Episcopos Istriæ Illyriciq; in causa Capitulorum scriptis ostendit; citat enim laudatque multa Leonis Magni testi-*

monia,

(a) Epistola Vigiliij 8. inter epist. PP. (b) Facund. pro Defens. c. 2. & 4.

monia, qui canonem 28. Concilij Chalcedonenfis Patriarchæ Constantinopolitano secundas deferentis aboleri voluit, nulliusque momenti esse, quippe invitâ Romanâ sede conceptum, editumque; Romanam enim sedem tantum ea confirmâsse, quæ sunt fidei, non verò, quæ pertinent ad Personas, & ideò quæ à Romana sede confirmata non fuerant, nullius quoque ponderis fuisse. Audi Leonem epistolâ ad Pulcheriam Augultam: *Consensiones verò Episcoporum, sanctorum Canonum apud Nicæam conditorum regulis repugnantes unitâ nobiscum vestra fides pietate in irritum mitimus, & per auctoritatem Beati Petri Apostoli generali prorsus definitione cassamus.* Oporteret ergò magnam esse Confirmationis Pontificiæ auctoritatem & necessitatem, quando ejus defectu aut dissensu decreta Synodi Oecumenicæ irritantur & cassantur. Et in Epistola ad Martianum Augultum. *Nam & vestra pietatis apices, & ipsius Anatolij scripta declamant, Legatos Sedis Apostolicæ sicut oportuit contradictione justissimâ eivestuisse, ut inexcusabilis esset præsumptio, quo se nec increpata cohiberet. Si inexcusabilis est, & præsumptione laborat, qui licet auctoritate Concilij muniatur, contradicentem tamen habet Pontificem, sequitur nullam esse Concilij auctoritatem, cùm Pontificem adversantem habet: & tamen nota, quòd sedis prærogativa, quam Patriarcha Constantinopolitanus expetebat, quamvis Nicænæ Synodo adversaretur, eamque Pontifices Romani tanto ardore impugnâssent; nihilominus tamen mutatâ rerum temporumque conditione ab iisdem Pontificibus Romanis communis concordie causâ Patriarchis Bizantinis in Concilio Lateranensi quarto permissa est.* Unde argumentari sic licet: si à Concilio Chalcedonensi statuta, Leo, Simplicius, Gelasius, (a) Gregorius, Nicolaus alijsque Pontifices evertunt, idque jure merito factum esse Martianus Imperator & Anatolius Patriarcha consentunt; rursum mutatâ temporum conditione, pacisque causâ eundem illum Chalcedonensem Canonem toties damnatum, Pontifices ratum volunt, nec errorem hunc esse, sed prudentiam omnes dicunt, temporis aptantem; quid mirum aut novum esse potest in causâ trium Capitulorum, variatis rebus variatum toties à Concilijs & Vigilio, alijsque Pontificibus esse? aut cur potius in hoc Pontifices, quàm in illo erroris arguas? Quamvis si erroris fuit, prius

(a) Vide Gelasium I. epist. 13. ad Episcop. Dard.

prius Concilium Chalcedonense, quàm Vigilus erravit, & ideo aut utrùmque, aut neutrum damnas, paris videlicet utriusque aut culpâ, aut innocentia. Elucet etiam, quanti sit Pontificis Romani confirmatio; hoc enim abnuente, quod duo Concilia Oecumenica statuerunt, pro sede videlicet Constantinopolitana, proque causa trium Capitulorum, acceptum non est, sed à quàm plurimis impugnatum: ubi verò Romanus Pontifex annuit, sublatae lites & contentiones, & omnium votis conspiratum, aded ut ab hujus auctoritate præcipue penderet, recipi Concilia, an respui deberent; quod Patres septimi Concilij aperte professi sunt: sic enim loquuntur: (a) *Hoc autem subtilius, inquit, est considerandum in ipsa sacra & venerabili septima Synodo, in qua nullus eorum, qui in his partibus Episcopi erant, convenisse repertus est. Sed nullum ex hoc sancta adhuc Synodo præjudicium, neque prohibitio vires habuit aliqua statuendi, & manifesta faciendi recta dogmata, præcipue cum sanctissimus & Apostolicus Papa concordaverit, & in ea inventus sit per suos Apocrypharios. Tertio. Ex his omnibus, quæ in causam trium Capitulorum dicta sunt, facile colligis, quàm multa Maimburgus involvat tegendæ veritati, quæ si aperte & sigillatim edidisset, se ipsam veritas proferebat, sed maluit obscura & insidijs apta. Dicit: Vigilum errasse, cum sententiam tulit pro tribus Capitulis. At non erravit Vigilus, sed necessitati, & tempori cessit, mutavitque opportunè consilia, idque exemplo Pauli Apostoli, aliorumque Pontificum & Patrum, imò omnium serè mortalium, consilia & media, non finem mutantium; aut si error is fuit, non ad fidem, sed personas spectabat: de quo nulla nobis nec quæstio, nec cura est. Dicit: Sententiam Vigilij à Concilio examinatam & abolitam esse, & ita palam omnino fieri, Ecclesiam persuasum fuisse, Pontifices Concilio subjacere. Sed quàm hoc imperitè & extra lineam? nobis enim quæstio est de auctoritate Pontificum in causis fidei decidendis; at verò jam supra ostendimus, causam trium Capitulorum ad fidem non pertinuisse; quæ ergo consequentia est à rebus heterogeneis & disparatis? deinde si Vigilus erravit, sequitur etiam Conciliū Oecumenicum Chalcedonense æquè & prius errasse, quod eadem, quæ Vigilus de tribus Capitulis definiuit; sequitur ergo, non Pontifices solum, sed etiam Concilia errori obnoxia esse, quod maxime refugit Maimburgus; denique*

E

fi ideo

(a) Synod. 7. A. 3. in epist. Episc. Orient.

si idèd Concilium supra Pontificem, quia hujus sententiam examini subjecit, correxitque: sequitur eadem ratione Pontificem esse supra Concilium: nam Concilij Chalcedonensis decretum de primatu Patriarchæ Constantinopolitani à Romanis Pontificibus discussum, rejectumque est, ut suprà ostensum. Quòd si dicas illud ad fidem non spectasse, & idèd nihil in fidei rebus Concilij derogatum; idem ego de causa trium Capitulorum dicam, quæ cum fide connexa non est, nec quidquam Pontificum auctoritati detrahit, quâ pollent in rebus fidei decidendis. Vides quàm seipsum Maimburgus involvat, felicior semper inchoandis, quàm finiendis bellis.

IX. Objicitur 4. (a) Honorius I. in sexta Oecumenica Synodo hæresis Monothelitarum accusatus, damnatusque est: potest ergo Pontifex errare, judicarique à Concilio. Quòd si dicas corruptam esse à Græcis Synodum sextam, (b) & Honorium culpæ quidem expertem esse, malè verò à Patribus intellectum, explicatumque; quid rogo dices ad septimæ & octavæ Synodorum, ad Hadriani, Leonis, Agathonis, Nicephori, Tharasis, Theodori, Bedæ, & aliorum Patrum testimonia idipsum asserentium? *At male Patres Honorium sunt interpretati.* Ekto; saltè ergo crediderunt posse Pontifices errare, nisi enim id crederent, nunquam errasse eos dicerent; fuit ergo omnium eorum Patrum sententia, & Pontifices errori esse obnoxios, & Concilij judicio subjacere; & qui contrarium docent, sententiæ doctrinæque Conciliorum adversantur.

Resp. Utcùnque Honorij res se habeant; certum est, nihil causæ nostræ ejus exemplum aut errorem obstare, si quis fuit: quis enim nescit epistolam Honorij ad Pyrrhum & Sergium, & ob quas hæresis accusatus dicitur, privatas fuisse, non publicas, nec dogmaticas, & in quibus nihil Honorius definit, sed mentem tantum suam, privatamque sententiam aperuit? in hujusmodi verò epistolis errare Pontifices posse, corrigique, non inficior, neque hoc in questionem venit; neque enim omnia, quæ agunt, aut dicunt Pontifices, continuò oracula sunt, & humanæ conditionis expertia, sed solum cum Pontifices agunt, vel ut scholæ loquuntur, cum *exta-*

ibedra

(a) Maimb. Tract. histor. cap. 18. primæ Edit. fol. 155. & cap. 12. fol. 118. (b) Synod. 6. Act. 4. & Act. 13. Synod. 8. Act. 7. Leo II. epist. 2. ad Epist. Hisp. & epist. 4. Nicephor. epist. 3. ad Leonem III. Tharac. epist. ad suman. Sacerdot. Anioch. Synod. 7. Act. 3. Beda de nat. rer. c. 67. V. Regal. Sacerd. f. 546.

*libera docent; quemadmodum non omnia, quæ Reges dicunt, scribuntque, continuo sunt edicta & sententiæ, nec vim edicti aut sententiæ habent. Errat ergo Mainburgus, & ne statum quidem quæstionis intelligit: jacitque tela incerto scopo, ignotæque, sed de hoc postea. Nunc verò hæresin Honorij, quod spectat, fateor in nulla re magis ambiguum me animi, incertumque fuisse; ex una enim parte tam multi sunt, gravésque in Honorium testes, ut vix audeam absolvere tot testibus impetum: ex altera verò tam clarum est in ijs epistolis, quæ unicè arguuntur, nullam hæresin esse, ut non ausim damnare delicti immunem: quid enim? si quis è regio diademate sublatum à me dicat consumptumque pretiosum adamantem, idque centum confirmant; & tamen nec vestigium furti in diademate ostendi, nec gemmarum defectus possit, integro videlicet numero, illibatoque, num furti damnari potero plectique? num major vocibus fides, quàm oculis dabitur? Eadem omnino Honorij causa: furti illius & gravissimi postulant, testes magni, multique: dicunt unam è duabus in Christo voluntatibus eum subduxisse: si locum patrati furti interroges, litteras ad Pirrhum, Sergiumque ostendant. Si litteras inspicias, omnesque illarum sinus excutias, tantum abest unam voluntatem desiderari, ut potius utramque clausimè Honorius asserat, utramque Lector inveniat. Innocens ergo Honorius, si veritatem spectes; Reus, si testes: veritas ergo testibus cedit, an testes veritati? & quæ accusatio tam valida, si non constet de corpore delicti? Imò si constet nullum esse delictum? & quæ tu ablata & absumpta dicas, ego ostendam eodem semper loco fuisse, & adhuc esse? Ergo persuasum omnino habeo, errorem aliquem Græcorum fraude in sextam Synodum irrepsisse, & ut fieri amat, in alios postea derivatum esse, qui auctoritate Concilij decepti fuerint, nullam indagandæ veritatis, aut curam aut studio; cum superfluum id crederent, sententia à Patribus dictâ. Fateor arduum esse, originem, causamque erroris detegere, sed quàm multa, quorum causam ignoramus? nemo dubitat Ægyptum Nilorigari, quamvis origine occultâ. Certum igitur est primo Acta sextæ Synodi à Græcis corrupta esse, nec id novum apud Græcos, nam & Acta quintæ Synodi infecerant testibus Patribus *actum. 12. Et 14. sextæ Synodi: & Sessione 8.* gloriatur Macharius Archiepiscopus*

Antiochenus Patrum scripta, ut suis opinionibus opportunum videbatur, aptata à se esse. Beatus etiam Gregorius, *lib. 5. epist. 19. ad Narsen*, Concilia Chalcedonense & Ephesinum fateatur eâdem fraude fœdata, idemque B. Leo (a) & Anastasius testantur. Eadem Nicolai primi querela epistolâ ad Michaëlem Imperatorem. Quid ergo novum est, Græcos hâc arte non imbutos tantum, sed etiam superbos, quique tertiam, quartam, quintam & septimam Synodos aggressi fuerant, pari audaciâ in sextam grassatos esse, nullo pudore, imò etiam fastu, quippe ingenio adscribebant. *Secundò* ipse Agatho Papa in epistola Synodali (quam Patres sextæ Synodi (b) summis laudibus extulerunt) cum de hæresi Monothelitarum disputaret, negat, *Romanam Ecclesiam juxta Christi promissionem à vera fide unquam desisse, sed suos Prædecessores semper hæresibus restitisse, & fratres in fide confirmasse.* Qui rogo id Agatho & in confessu totius orbis ediceret, recenti adhuc Honorij exemplo, & Patribus tam noto? Quis non Salomonem rideret, si in publicis regni Comitijis pronuntiaret, nullum è sua Judæque familia homicidio & adulterio obstrictum fuisse, cum vestigia fœdati Thalami, calentisque Uriæ sanguinis omnium oculos adhuc implerent? Mendax ergo Agatho impudensque, qui Patribus tam aperto mendacio illuderet; sed multò isti nocentiores, qui non ferrent tantum Agathonis mendacium, sed etiam applauderent, clamarentque: *Petrum in Agathone locutum esse: Hoc dicerent mentienti?* *Tertiò* si verum est, Honorium à Concilio Hæresis damnatum esse, pace dixerim tantorum Patrum, nec majus delictum imputari, nec iniquior sententia esse potuit. Honorius hæreticus, Honorio anathema: interim verò nulli tanti delicti testes, nulla judicia, nullum causæ examen, nullus, qui jam dudum defuncti innocentiam sustineret, sed uno eodémque temporis momento Honorius Pontifex Romanus, reus & victus, damnatusque; crederes de papavere in hortis demetendo, non de Pontifico Romano causam agitari: & quando vel vilissimum caput tantâ injuriâ, rerumque neglectu judicatum est? cum Arius & Nestorius, cum Theodorus & Mopsuestenus, Theodoretus, aliique postulati sunt, quorum tamen hæreses notæ vulgatæque, & tot libris ac

specta-

(a) S. Leo epist. 87. ad Palæstinos. Anastas. præfat. in 8. Synod. (b) Sextæ Synod. act. 12. & 14. V. act. 8. & 18.

ſpectatoribus ſparſæ; quantâ nihilominus curâ ſtudiôque, & probationum morâ ſententiæ dilatæ ſunt, invitis velut extortæ? adeo ut cùm in Neſtorium pronuntiarent, gemitus ſententiam ſequerentur: in ſolos Honorij & indefenſos cineres nullo examine, nulloque apparatu, vibrata curſim anathemata? quis hoc de tanto Concilio? præſertim cùm in promptu Honorij epiſtolæ eſſent, in quibus expreſſis diſſertiliſque verbis duas naturas, duâſque operationes fatebatur, Monothelitarum hæreſi conſixâ potiùs quàm probatâ. Si ergo verum eſſet, Honorium in hac Synodo hæreſis damnatum eſſe, oporteret Synodum in iudicio tanti momenti ſummæ iniquitatis & ſocordiæ pulſari, imò ignorantie: nemo enim, qui rem ipſam conſideretur, ſi nomen reticere juſtas ob cauſas velit, ut Honorius reticere volebat, hæreticus appellari debet, præſertim re nondum definitâ; alioquin & Hieronymus hæreticus fuerit, (a) qui cenſuit non eſſe tres hypotaſes in DEO dicendas: & Auguſtinus, qui Paſcentio Ariano vocem homouſij omitti permittebat, modò fateatur filium ejuſdem cum Patre ſubſtantie & naturæ. Hæreſis ergo non vocum, ſed rerum eſt: quæ ergo Patrum ignorantia, Honorium hæreſis damnare, qui hæreſin ipſe damnabat, & quibuſdam tantum vocibus abſtinendum ſcribebat concordie cauſâ, quodque vocibus duarum naturarum quàm plures abuterentur, quaſi in Chriſto duæ & contrarie fuiſſent, quales videlicet in nobis ſunt, adverſæ ſibi, rebellésque? hæc tota Honorij culpa, ob quam an hæretici nomen & pœnas meruerit, clarius eſt, quàm ut Synodus potuerit ignorare, & alibi (b) oſtenſum eſt.

Dices: Honorius cum Sergio communicabat, imò eidem ſcripſerat, ſe cum eo ſentire, ſibiſque probari, quæ Sergius propoſuerat, ergo ex hoc capite meritò pro hæretico habitus eſt.

Reſp. Latebat adhuc hæreſis Sergij, aut quoddam recens, aut quoddam pietate fucata, & necdum perſtrinxerat Occidentem, quæ cauſa ut non Honorius ſolum, ſed alij quàm plures doctriâ & virtute præſtantes cum Sergio communicarent, quippe necdum comperto: ſic Baſilius vir alioquin ſeverâ pietate cum Euſtachio Epifcopo Ariano communicare viſus, & tot calumnijs præſertim in Occidente petitus, ſic Chryſoſtomus cum Origeniſtis, Innocentius cum

Pelagio, quòd videlicet pietate & religione, quas simulabant, capti, eorum societatem non respuerent, aut quòd ægros ignorarent, aut quòd sperarent curari posse: quando mederentur, si fugerent laborantes? non sequitur ergò Honorium quòque febribus æstuâsse, quia decumbentibus assedit.

At Honorius Sergio Monothelita hæretico assentiri se dicit, ergò & ipse Hæreticus Monothelita est.

Resp. Videndum priùs, qua in re Honorius Sergio assentitur: sicut enim non omnia, quæ hæreticus dicit, hæreses sunt, ita non omnis, qui hæretico aliqua in re assentitur, continuò hæreticus est. Concedit Lutherus tres esse Personas in una natura Divina; num idèò hæreticus & Lutheranus erit, qui hac in re sentire cum Luthero se dicat? Honorius ergò una in re cum Sergio hæretico sentit; abstinendum videlicet illis vocibus: *Dua Voluntates in Christo, dua operationes*; id enim novum esse, nec necessarium veritati, & potiùs ad Philosophorum & Grammaticorum scholas pertinere; imò abuti aliquos ijs vocibus, ut ostendant, populòque persuadeant, duas in Christo voluntates discordes fuisse: ergò voces quod attinet, premendas eas esse concordiae causâ, & nec unam voluntatem, nec duas dicendas esse, sed potiùs duas naturas propria operantes in una Persona: in hoc ergò eadem Honorij opinio & Sergij fuit, neque id hæresis, sed prudens cautela, ne fomes daretur gliscenti discordiæ. Multa dissimulari possunt malo adhuc modico, & remedium patiente, quæ postea obfirmata ferri non debent. Rem verò ipsam quòd attinet, an videlicet duæ in Christo naturæ, duæque operationes essent, dissenti omninò à Sergio Honorio; Sergius enim omnèsque Monothelitæ negabant esse duas in Christo voluntates, duâsque operationes; sed unam tantùm voluntatem, unâmq; operationem admitti volebant; at Honorius clarissimè dicit: *Non esse dicendum unam voluntatem unâmq; operationem, sed tamen unum Operatorem Christum propter unitatem suppositi*: monètque Sergium, ut deinceps omittat dicere, unam esse in Christo voluntatem: *Utrâsque, inquit, naturas in uno Christo cum aliterius communione operantes atque operatrices consisteri debemus, & Divinam quidem, qua DEI sunt, operantem, & humanam, qua carnis sunt, exequentem.* En tibi duas naturas, duâsque operatrices Potentias, & duas quòque operationes

rationes, humanam videlicet & Divinam: quid poterat contra Monothelitas expressius dici? si enim, ut dicit Honorius, natura humana in Christo operatur, ergo operationem aliquam humanam habet (Divinam enim habere non potest.) ergo in Christo duæ sunt operationes, humana & Divina. Rursus Monothelitæ nullam propriam & humanam operationem in Christo admittebant, sed solam Divinam; humanam naturam patientem tantum & recipientem, eo ferè modo, quo tabula aut marmor recipit tantum, non format imagines, actio verò Pictoris, sculpsitorisque à solo Pictore aut sculpsore est: id observat S. Thomas, (a) clarèque Sergius ad Honorium scribit: *Quemadmodum, inquit, corpus nostrum regitur & disponitur ab intellectuali & rationali anima nostra; ita & in Domino natura tota humana, ejus conspersio ab ipsius Verbi Deitate semper in omni bus mota, ut sit carnis quidem passio, DEI autem operatio.* Idemque Pyrrhus fateatur in Dialogo, quem cum Maximo habuit. At Honorius: *Unum quidem Operatorem esse dicit, at duas operatrices naturas. Ita ut Divina, quæ DEI sunt, operetur, humana, quæ hominis: sicutque humanam naturam non patitur tantum, sed etiam operari.* Qui ergo Monothelita Honorius, si Monothelitis è diametro adversatur, negatque quæ illi asserunt, asserit, quæ negant? At Monothelita Honorij societate, & communione gloriabantur. Sed nos quærimus, qualis Honorius fuerit, non qualem finxerint Monothelitæ; quis enim nescit hoc Hæreticis semper solemne fuisse, ut Patrum auctoritatem suis erroribus prætexerent? alioquin hæreticus Basilius fuerit, hæreticus Hieronymus, Chrysostomus, & præsertim Augustinus, quorum Societatem & olim & nunc quoque Hæretici passim vanèque ostentant. Palam est ergo, si epistolas Honorij examines, quarum causam hæresis postulatus est, innocentem illum esse, & culpæ immunem, & idèd nec credi posse in Concilio damnatum, præsertim jam prædefunctum, & de quo dubitari merito debuit, essetne hæresi immortalus, si quam contraxisset. *Quarid* denique summi momenti est S. Maximi Monachi & Martyris testimonium, quo Honorium Papam omni culpa & hæresis suspicione absolvit. Is præcipuam Sanctitatem florebat, cui tandem Martyrij palmam adjunxit; Monothelitarum perpetuus malleus, eorumque errorum aded gnarus, ut Pyrrhum Monothel-

(a) S. Thomas 3. p. q. 18. a. 1. Sergius. epist. ad Honor. act. 12. sextæ Synodi.

nothelitarum Principem & Constantinopolitanum Patriarcham publico congressu & disputatione vicerit, converteritque; non ergo aut adulationis, aut ignorantiae notari potest: & præsertim cum ejus disputatio publicè aëdita, publicè excepta fuerit, nec quidquam à Maximo narratum, non planè compertum, certumque veritatis. Cum ergo Pyrrhus Honorij auctoritatem Maximo in hæc verba objiceret: *Quid de Honorio ad respondendum habes, qui aperit Auctessori meo unam voluntatem Domini Christi esse tradidit?* Respondit Maximus: *Quis fuerit fide & auctoritate dignus epistola hujus interpret, qui eam ex persona Honorij scripsit adhuc superstes, & qui totum Occidentem cum virtutibus, tum dogmatibus fidei illustravit? an ij qui Constantinopoli, quæ ex corde erant, loquebantur?* Pyrrhus: *Cui hanc composuit.* Maximus: *Is igitur ipse cum ad Divum Constantinum Imperatorem ex Persona rursus sancti Papa Joannis de hac epistola scriberet, dixit: unam diximus voluntatem in Domino, non Divinitatis & Humanitatis, sed Humanitatis solius; cum enim Sergius scripsisset, quod quidam duas voluntates contrarias ponerent; diximus Christum non duas voluntates contrarias habuisse, carnis videlicet & Spiritus, sicut nos habemus post peccatum (a) &c.* Hæc Maximus, cui Pyrrhus acquievit, nec habuit, quod reponeret. Contigit verò hæc disputatione Anno Christi DCXLV. hoc est annos triginta sex, antequam Concilium Constantinopolitanum convenerit. Considera, an Maximus hæc dicere auderet, an Pyrrhus reciperet, nisi uterque vera esse & extra dubium credidissent. Reperitur etiam in Collectaneis Anastasij à doctissimo Sirmondo editis Apologia Joannis Papæ IV. ad Constantinum Imperatorem Heraclij Filium, epistolas Honorij Catholicas esse, nec ullâ hæresi inquinatas, & fraude Monothelitarum in alienos, perversosque sensus expositas. Hoc scriberet Joannes Christi Constantinopolim & Imperatori, nisi certus veritatis? alioquin convinci poterat falsitatis, & palàm argui epistolis, quas Honorius scripserat, in lucem depromptis. Sic in Synodo Lateranensi (b) sub Martino Papa & Martyre, & in Romana sub Agathone, ubi accuratè de hæresi Monothelitarum à Patribus actum, damnatiquè nominatim Theodorus, Cyrus, Sergius, Pyrrhus & Paulus, nullâ Honorij mentione; at qui potuit præteriri, si eadem tinctus

labe,

(a) V. Dialogum Græcolatinum S. Max. apud Baron. in App. Tom. 8. (b) Concil. Lateran. sub Martino. PP. Anno 649. Concil. Rom. sub Agath. Anno 680.

labe, & in sexta Synodo eodem fasce cum alijs hæreticis implici-
tus? sicetiam Photius, (a) Zonaras, & Paulus Diaconus, ubi enume-
rant in sexta Synodo damnatos, nullam habent Honorij men-
tionem. Ex quibus omnibus deducas, meritò, & à quamplurimis
asserri, Honorij nomen aut fraude, aut errore in acta Concilij de-
venisse, & postea in alios quàm plures; quamvis ut suprà monui,
difficile sit causam & originem erroris aut fraudis evolvere; la-
tente videlicet radice, & ramos tantùm ostendente; non enim se-
quitur non esse, quæ sunt occulta. *Quintò.* Sed quidquid sit de Ho-
norij lapsu, illud certum est, nihil obesse infallibilitati Pontificum,
& auctoritati, quam illis in Concilio tribuimus. Epistolæ, quas
Honorius ad Sergium dedit, privatæ sunt, nec fideles alloquun-
tur, nec quidquam decidunt; quamvis enim ex lege contradi-
ctoriarum oporteat duas voluntates & operationes in Christo esse,
vel non esse; Honorius tamen neutrum vult dici, sed tantùm duas
cum proprijs operationibus; quod planè non est decidere, sed rem
in medio, & suspensam relinquere. At verò non in omni casu, nec
in quovis scripto nos Pontificem infallibilem esse dicimus, ac erro-
ris securum; sed tunc solùm, cum Pontificem agit, & Magistrum
Ecclesiæ, hoc est, cum actum aliquem exercet, qui ad solum Penti-
ficem pertinet, qualis non est epistolas scribere, aut scriptis respon-
dere, & quid consultum credas, aperire; id enim non soli Pontifici
Romano, sed cuivis, non Episcopo solùm, sed etiam privato per-
missum est; cum enim hoc privilegium infallibilitatis in publicum
Ecclesiæ bonum vergat, noluit DEUS illud Personæ, sed officio
annecti, & tunc solùm præstò esse, cum Pontificali officio fungere-
tur, eo serè modo, quo in veteri Testamento non semper, nec
quovis tempore oracula Pontifici dabantur; sed tunc solùm, cum
Pontificio apparatu cultuque Templo & arcæ se sisteret, quæ cum
alibi fusè sint (a) demonstrata, repeti non debent. Nec verò, ut
inquit Maimburgus, (b) *sunt hæc ænigmata, & responsa ambigua, ac plena
obscuritatis, & quæ nec illi satis intelligunt, qui ea proferunt;* enim verò opor-
tet Maimburgum in alio orbe natum, & nunquam, non dicam in
scholis, sed nec in foro aut palatio visum, qui ea pro obscuris &
impervijs habeat, quæ nemo non videt; quis enim tam simplex,

F

rudisque

(a) V. Reg. Sacerdot. fol. 467. (b) Maimb. Tract. Histor. c. 12. f. 122.

rudisque, & humanæ societatis ignarus, qui nesciat, non omnes Regum actiones Regias esse, & privilegio Majestatis gaudere? nec omnia Judicum verba & epistolas ad leges & edicta pertinere? quæ si clara & obvia sunt, & omnibus comperta; quæ tandem sunt illa arcana vocæque impenetrabiles, nec ipsis loquentibus notæ, cum nos dicimus, non omnia Pontificum scripta ad oracula & dogmata pertinere, sed ea solum, quæ ut Pontifices & Ecclesiæ Magistri, atque à Cathedra pronuntiant? hoc est, cum rebus mature discussis causam aliquam definiunt, jubentque definita pro fidei veritatibus haberi, eosque, qui secus credunt, haberi pro hæreticis volunt? hic est actus Pontificiæ auctoritatis, & in hoc falli aut errare Pontifices posse negamus: nec unquam Maimburgus contrarium ostender: in alijs verò actibus, qui Pontificiæ potestati non sunt proprii, falli eos posse, communique mortalium conditioni erroribus obnoxia subiacere ultrò concedimus. Denique ut brevi argumento omnia concludam: aut Honorius hæreticus fuit, aut non fuit? si non fuit, falsa ergo accusatio, nulloque fundamento nixa, quæ ex illo consequuntur: si hæreticus fuit, concedimus Papam hæreticum judicari à Concilio posse, neque hoc in quæstione vertitur; cum enim fides sit vita Corporis Mystici, aded ut ex mente S. Pauli, Justus ex fide vivat: qui fidem non habet, non est membrum vivum Ecclesiæ; qui ergo erit Caput Ecclesiæ, qui ne membrum quidem est? & ideo sacris Canonibus (a) toties definitum est, Pontificem Romanum in sola hæresis causa judicari à Concilio posse, quia videlicet sola hæresis facit, ut definit esse membrum, & consequenter caput Ecclesiæ. Vides ergo Exempla à Maimburgo adducta tot partibus laborare, ut non tantum evidentibus demonstrationibus accenseri non possint, quales ipse promissit, sed vix levibus conjecturis; quippe aut ex dubijs principijs, aut ex falsis procedunt, aut extra statum quæstionis vagantur: capiunt tamen, eliduntque ignaros; Tartarorum excursionibus similes, imbelli tantum plebi, minutæque infestis, sed armatis impares.

X. *Objicitur.*

(a) C. audivimus 24. q. 1. c. Novatianus q. 1. c. didicimus. c. Acharius 24. q. 1. c. oves 2. q. 7. c. si Papa. d. 40. Cajet. Tr. de auct. Conc. & Pap. c. 20. S. Anton. in summa, tert. p. T. 23. c. 3. §. 4. Suar. de fide. p. 10. l. 6. Bellarm. de Rom. Pontif. l. 2. c. 30. V. Reg. Sacerd. f. 415.

X. *Obijciunt*. s. Donatistæ in causa schismatis Carthaginensis, cum Cæcilianum ejus Ecclesiæ Episcopum Romæ multis querelis onerassent; is verò sententiâ Melchiadis Papæ absolutus esset, ad Concilium appellârunt, idque Constantini Imperatoris Arelate ijs datum, magno Episcoporum numero frequens. In eo sententia in Donatum dicta, innocentia Cæciliani probata. De hoc Concilio ita Augustinus: *Putemus illos Episcopos, qui Romæ judicârunt, non bonos judices fuisse: restabat adhuc plenarium Ecclesiæ Universalis Concilium, ubi etiam cum ipsis judicibus causa posset agitari, ut si male judicasse convicti essent, eorum sententia solverentur.* Fatetur ergo Augustinus minorem Pontifici auctoritatem quàm Concilio esse: ab hoc enim judicari Pontificum sententias posse, solvique. Exclamâtque hic Maimburgus, perinde ac si bellum confectum, nec alia cura, quàm elevandi trophæi esset: (a) *Ingenû, inquit, liberè que fateor, nullo magis exemplo constare Pontificum sententias tribunalis Conciliorum submitti; in hoc enim examinari possunt, corrigique, si injuste appareant.*

Resp. Historia Concilij Arelatenfis sic habet: Anno Christi CCCVI. Cessatum est in Africa à fidelium persecutionibus, Maxentij Imperatoris seu indulgentiâ, seu metu: quippe Christianos lucrari properabat Constantino Imperij æmulo palàm addictos. Contigit eodem tempore Mensurium Carthagine Episcopum morte defungi: successit omnium votis Cæcilianus Mensurij quondam Diaconus, consecravîtque Felix Aptungitanus Episcopus. Vehementer hâc electione Botrus & Cælestius offensi, quibus & spes fuerat, & par ambitio, eas insulas occupandi, nunc spe dejectos cupido inceslerat vindicandi; auctusque æmulorum numerus seniorum factione, à quibus sacra vasa auro, argentoque insignia novus Episcopus reperierat: sed quod peius omni malo, femina præpotens, iraque & opibus ferox tempestatem ciebat, Lucilla ea fuit, quam cum Episcopus objurgasset, quòd indignâ superstitione prius cineres cujusdam cadaveris libaret, (quod Martyris fuisse needum satis constabat) quàm sacro epulo accumberet, immenso objurgantis odio flagravit, effuditque, ut licuit. Quæsitæ criminationes, quæ odium obtegerent; videlicet: *Quòd alienâ manu consecratus esset, Secundo Tegisitano Episcopo & Numidia Primæ*

F 2

pra-

(a) Maimb. cit. cap. 18. f. 159.

præterito, neglectoque. Quod Martyres, qui carcere tenebantur, fame necasset; quodque à Traditoribus sacris initiatus. Paratis ergo calumnijs Cæcilianum in jus vocant, causam dicturum: is negat se adesse posse, Judicibus jam odio corruptis, & palàm adversis. Absentem ergò in Conventu 70. ferè Episcoporum damnant, eique Majoranum sufficiunt Lucillæ præcharum; hinc natum schisma pertinax, funestumque, Duce præsertim Donato Episcopo, qui nomen factioni dedit, auxitque eloquentiâ populari, ac rebus turbandis aptâ. Nihil moveri Cæcilianus, innocentia, & Pontificis Romani tutus auctoritate: audi Augustinum: (a) *Conspirantem multitudinem inimicorum non curabat, cum videret se & Romane, in qua Apostolica Cathedra semper viguit Principatus, & ceteris terris, unde Evangelium ad ipsam Africam venit, per communicatorias litteras esse conjunctum, ubi paratus esset causam suam dicere.* Donatistæ, cum causæ suæ ac Romæ diffiderent, à Constantino Imperatore, qui tunc in Gallijs morabatur, Gallos judices petunt. (b) Constantinus Romam, cum litteris ad Melchiadem Pontificem mittit, illic enim causas majores agitari oportere; additi tamen tres à Gallia Antistites, Maternus Colonienfis, Rheticius Augustodunensis, & Marinus Arelatenfis Episcopi, quibus Itali quindecim adjecti: Cæcilianus omnium votis absolutus, sed præsertim Melchiadis sententiâ, de qua ita (c) Optatus: *Etiam Melchiadis sententiâ, quâ judicium clausum est his verbis &c.* Et Augustinus: (d) *Qualis ipsius Melchiadis prolata est sententia, quàm integra, provida atque pacifica &c.* & post pauca: *O Virum optimum, Osilium Christianæ pacis, & partem Christiana plebis!* Provocatum à Donatistis ad aliud & plenius Concilium, ut apertè testantur DD. Augustinus (e) & Optatus: & quamvis Constantinus provocationi cesserit pacis studio, eam tamen provocationem, & ipse & alij Patres detestati sunt, & impiam crediderunt. Audi S. Optatum, qui cum Melchiadis sententiam retulisset, continuò hæc subdit: (f) *Sufficit ergò etiam Donatum tot sententijs esse percussum, & Cæcilianum tanto judicio esse purgatum, & tamen Donatus ab Episcopis appellandum esse credit, ad quam Appellationem Constantinus*

(a) S. August. epist. 162. (b) V. S. Optat. l. 3. contra Parmenian. (c) Optatus loco cit. (d) Aug. epist. 162. (e) August. in psal. contra part. Donati. Optatus lib. cit. (f) Optatus l. 1. contra Parmenian. Idem fatetur Maimb. Tract. hist. cap. 18. fol. 157.

stantinus sic respondit: *Orabida furoris audacia! sicut in causis Gentilium fieri solet, appellationem interposuerum.* Tantum ergò abest, Constantinum hanc provocationem pro legitima habuisse, ut eam furoris & audaciæ plenam dixerit, & Christianis indignam: nota tamen hæc verba à Constantino repetita videri, cum postea iidem Donatistæ à Concilio Arelatenſi ad Augusti tribunal provocârunt, ut animadvertit Sirmondus, & eruditissimus Schelstrate. (a) Invehitur in eandem provocationem Constantinus epist: ad Chrestum Episcopum Syracusanum apud Eusebium, (b) & præsertim Augustinus: (c) *Tanta, inquit, auctoritatis Episcopos, quorum iudicio & Cæciliani innocentia, & eorum improbitas declarata est; non apud alios collegas, sed apud Imperatorem accusare ausi sunt, quod male iudicârunt.* Dedit ille Arelatenſe Concilium, non quia jam necesse erat, sed eorum perversitatibus cedens, & omnimodò cupiens eorum impudentiam cobibere. Et iterum: *Nèque enim ausus est Christianus Imperator sic eorum tumultuosas & fallaces querelas suscipere, ut de iudicio Episcoporum, qui Roma sederant, ipse iudicaret.* Ubi vides hanc provocationem ab Augustino impudentia & perversitatis notari, & fallacibus ac tumultuosis querelis accenſeri; quod etiam de Marca Archi-Episcopus Parisiensis fatetur: (d) *Alienum, inquit, putabat Constantinus, à disciplina, res à Pontifice Romano iudicatas refricari.* Sed tamen ut dixi concordia datum, ut causa Cæciliani iterum cognosceretur. Id factum in Concilio Arelatenſi. Convenerunt Patres ex toto ferè Occidente, Gallia videlicet, Hispania, Italia, Africa ac etiam Britannia, quæ causa est, ut Augustinus hoc Concilium plenarium vocet, (e) & ex *Universa Ecclesia collectum.* Numerus Episcoporum ex communi sententia non minor ducentis; id enim expressè testatur S. Augustinus: (f) quamvis Ado (g) sexcentos numeret. Cæterum non videtur hoc Concilium verè & in rigore Occumenicum appellari posse, sed solum Patriarchale, cum ad illud nemo ex Oriente convenerit, sed illi tantum Episcopi, qui Patriarchatui Romano parebant, is verò totam Europam complectebatur, & provincias Africæ Occidentales; & huiusmodi Concilia, imò etiam Nationalia sæpè à sanctis Patribus uni-

F 3

versalia

(a) Schelstr. Antiq. illustr. p. 2. dissert. 1. c. 7. a. 3. §. 1. n. 122. (b) Euseb. lib. 10. cap. 5. (c) S. August. epist. 162. (d) Marca lib. 4. de Concord. cap. 17. n. 2. (e) S. August. L. 2. de Bapt. contra Donat. (f) S. August. lib. 1. contra epist. Parric. cap. 5. (g) Ado in chron. ætat. &c.

versalia appellantur, ut patet ex Concilijs Romanis sub Symmacho, Toletano III. c. 18. & Carthaginensi IV. quæ omnia universalis dicuntur, quamvis ex una tantum Provincia collecta; quantum ergo magis Arelatense gaudere hoc titulo potuit, cui Episcopi ex tot Provincijs, Regnisque aderant? Et sanè omnium ferè sententia est, Concilium Nicænum fuisse primum Oecumenicum. Adfuisse huic Concilio Legatos Silvestri Pontificis dubium non est; ij enim nominantur initio Concilij Arelatensis primi, videlicet Claudius & Vitus Presbyteri, Eugenius & Cyriacus Diaconus. Sed dubium est, an præfederint, cum in epistola Synodali Marinus cæterique Episcoporum nominentur nullâ mentione Legatorum factâ: Et in Synodo Arelatensi II. can. 18. dicatur: *ad Arelatensis Episcopi arbitrium Synodum congregandam*. Sciendum ergo est, non omnes Pontificum Legatos semper Concilijs præfedis, præsertim Provincialibus; nec semper primo loco potitos, nisi cum mandato præsidendi mitterentur, quod exemplo Constantinopolitanæ Synodi abundè probatur, in qua Anthimus damnatus est præsidente Menna Patriarcha, alijs verò Legatis Apostolicæ Sedis post Mennam aliósque Episcopos subscribentibus, ut habetur in sententia contra Anthimum *sess. 4.* Sic etiam summus Pontifex alicui ex Græcis Episcopis suas partes munusque præsidendi imponebat, quo casu Romani Legati primo loco abstinebant: sic Cyrillus Concilio Ephestino nomine Cœlestini, Mennas nomine Agapethi Pontificum præfuere: sic denique S. Leo Anastasium Thessalonicæ Episcopum suum per Illyricum constituit Vicarium, Gregorius Augustinum per Angliam, Leandrum per Hispaniam, Zosimus (a) Archi-Episcopum Arelatensem per Galliam: qui Vicarij Primates appellabantur, omnesque Metropolitanos & Archi-Episcopos dignitate & loco anteibant: cisque inter alia, quæ nomine Pontificis peragebant, illud etiam concessum, ut nomine Pontificis Concilia Nationalia convocarent. Hæc ergo causa fuit, ut Marinus Arelatensis Episcopus ante alios Legatos Concilio præsideret: idque sequentibus annis frequenter evenit, ut videlicet Arelatenses Episcopi Vicarij Apostolici & Primates essent; apertèque etiam colligitur ex canone 12. Concilij Arel-

(a) V. epist. 5. Zosimi Papæ ad Episc. Galliar. & libellum Episcoporum Provinciar. ad Arclat. Leon. I.

Arelatenſis ſecundi: *Ad Arelatenſis, inquit, Epifcopi arbitrium Synodus congreganda.* Sed quo jure Arelatenſi hoc competat, niſi quia Vicarius Romani Pontificis, & ideo Primus? Cæterum miſſa fuiſſe aſta Concilij Romam, & illic confirmata, dubium non eſt ex Epift: Synodali, quam Patres ad Silveſtrum dedere, & habetur poſt aſta Concilij, quod etiam Bail Doct̃or Pariſienſis ingenuè profeſſus eſt Tom. 2. ad hoc Concilium: *ipſa, inquit, Synodus Arelatenſis ſubditam ſe agnovit Pontificis juriſdictioni, ut teſtata eſt per Epistolam Synodicam ad Silveſtrum Melchiadis Suceſſorem, miſſam eo fine, ut qua ſtatuiſſet, auctoritate Pontificiâ confirmaret.* Sed & illud egregium reverentiæ in Pontificem argumentum, quòd licet inter duas partes judicium verteretur, Cæcilianum videlicet Donatūque; iſtum accuſatorem, illum accuſatum; noluit tamen Concilium, ut partes Rei Cæcilianus ſuſtineret, qui, pe jam à Melchiade abſolutus, ſed eum, ejusque ſocios Epifcopos inter Patres Judicēſque Concilij admittit, & ideo tam in Epiftola Synodica, quàm etiam in ſententia contra Donatum lata Cæcilianus ſubſcribit. Quæ verò ratio, ut Cæcilianus Romano Tribunali reus aſſiſteret; Arelatenſis verò Collega & Judex, niſi quia Patribus indignum videbatur, ut pro Reo haberent, multòque minùs ut damnarent, quem Roma abſolviffet? non ergo id agebant Patres Arelatenſes, ut corrigerent, aut in dubium vocarent à Pontifice judicata; ſed ut convincerent Donati impudentiam, alios ſemper, aliòſque judices fatigantis: nam ab hoc etiam Conventu ad Auguſtum provocavit; at iſte in hæc verba reſcripſit cedro & æternitate digna: (a) *Meum judicium poſtulant, qui ipſe judicium Chriſti expecto; dico enim, ut ſe veritas habet, ſacerdotum judicium ita debet haberi, ac ſi ipſe Dominus reſidens judicet; nihil enim licet his aliud ſentire, vel aliud judicare, niſi quod Chriſti Magiſterio ſunt edocli.* Hæceſt ſeries & hiſtoria Concilij Arelatenſis, non meâ, ſed ſcriptorum omni exceptione majorum fide, & ex ipſis authenticis actis, quæ ad marginem notavi, expoſita. Promptum jamerit quàm plurima ex ijs deducere, quæ obiccta Maimburgi non refellant tantum, ſed etiam malæ fidei convincant. Nam primo Argumentum ex Concilio Arelatenſi ſumprum Maimburgus à Calvino didicit, exſcripſitque, quod in hoc homine ferè perpetuum,

(a) Reſcript. Conſtant. apud. Optat. l. 1. contra Parmenian.

tuum, nihil enim novi assert, præter styli condimenta; alia ex Illyrico, Centuriatoribus & Calvino collecta, dissimulatis Catholicorum responsis, quæ cum vinci non possent, celata maluit, quam producta. Verba Calvini sunt: *Constantinus appellationis judicium demandat Episcopo Arelatensi, sedet ille iudex, ut post Romanum Pontificem, quod visum fuit, pronuntiet. Si Romana Sedes Summum habet judicium sine provocatione, cur sibi tam insignem calumniam irrogari permittit Melchisedes, ut sibi Episcopus Arelatensis præferatur?* En tibi Calvini voces, & sensa Maimburgi simillima! enim verò miserrimam causam, quæ juvari non potest, nisi pudendis auxilijs. *Secundò ostendit Maimburgus, se ne quidem intelligere, qui sit status Controversiæ, & qui sensus quæstionis, quam tanto studio sed cæco versat, ut cogar de illo dicere, quæ olim S. Gregorius: (a) Non intelligentes neque de quibus loquuntur, neque de quibus affirmant. Quærimus enim an in rebus ad fidem spectantibus major sit Concilij, an Pontificis auctoritas?* Maimburgus Concilium præfert, allegatque Cæciliani exemplum; at in eo non de fide, sed de facto & delicto agebatur, an videlicet Cæcilianus sacros Codices prodidisset, & Martyres inedia consecisset: quid rogo facit judicium delicti ad judicium fidei? aut quæ consequentia à tam disjunctis? fieri enim potest, ut in factis, quæ sub oculis hominum & testes cadunt; major sit penès Patres notitia, qui factum conspexere; quàm penès Pontifices procul remotos, quique ob hanc ipsam causam cognitionem facti alijs, vicinisque committunt. Nam & Columbo ex novo, nobisque opposito orbe redeunti, ac postea tot alijs testibus major fides habita, quàm Zachariæ Pontifici, (b) alios sub terra homines, hoc est, Antipodas neganti, & propterea sanctum Virgilium graviter reprehendenti. Deinde constat Concilium Arelatense à Silvestro Pontifice approbatum, confirmatumque fuisse: atqui nulla quæstio est de Concilijs à Pontifice confirmatis: cum enim quærimus, an Pontifex sit supra Concilium, non quærimus de eo Concilio, cujus pars Pontifex fuit, & quod ipse confirmavit; sed de Concilio Papæ opposito, cum videlicet aliud Pontifex, aliud Concilium definit, & diversa utriusque sententia est, quemadmodum cum quærimus, an tectum sit altius domo? quæstio non est de tecto, ut est pars domus (si enim

nec

(a) Greg. lib. 4. epist. 14. (b) V. Baron. ann. 748.

nec tectum nec domus altior, cum sint una tantum res, & tectum pars domus) sed de tecto, ut res à domo reliqua distincta, & de domo ut separatà à tecto & non conjuncta. Quæ cum planè sint nota, & in primis Logicæ rudimentis exponi soleant, mirum est à Maimburgo ignorata, & ita nec statum quæstionis intellectum. An fortè non tam illi studium fuit apta, quàm multa congerere? quippe regendis falsis multitudo opportuna. *Tertiè.* Supponit Maimburgus Concilium Arelatense Oecumenicum fuisse (constat enim alia, quæ Oecumenica non sunt, Pontificibus haud præferri) at contrarium ostendimus, videturque omnium ferè sententia, qui Nicænum pro primo Oecumenico statuunt; ergo nec hoc quidem ad rem & propositum facit. *Quarè.* Certum est, ut suprà observatum, in hoc Concilio non de fide, sed de facto, & delicto disputatum esse. Quæro igitur ex Maimburgo, extra fidei causas, & ubi de facto, aut delicto Episcoporum agitur, an Concilium supra Pontificem esse credat, aut non credat? si non credit, cur ergo exemplo utitur, suo etiam judicio ac sententiâ inutiles, vanoque? si credit, manifesti erroris tenetur; constat enim exemplis, doctrinæque SS. Patrum extra fidei causas, & ubi de Episcoporum juribus & delictis agitur, errare Concilia posse, corrigique à Summis Pontificibus debere: sic canon quintus Synodi Constantinopolitanæ, & canon vigesimus octavus Synodi Chalcedonensis, qui in præjudicium Patriarchæ Alexandrini vergebant, à Leone I. & Gregorio M. aliisque intermedijs Pontificibus improbatum sunt, abrogatique. Audi S. Leonem ep. 6. ad Synodum Chalcedonensem: (a) *Ut & fraterna Universitas, & omnium fidelium corda cognoscant, non solum per fratres, qui vicem meam executi sunt, sed etiam per approbationem gestorum Synodaliū propriam vobiscum inisse sententiam, in sola videlicet fidei causa, quod sæpe videlicet dicendum est.* Et Gelasium Papam in Tomode Anathematis Vinculo: (b) *Ne forte quod solent dicant, quod si Synodus Chalcedonensis admittitur, omnia constare debeant, quæ illinc videantur esse deprompta. Cognoscant illud secundum scripturas sanctas, traditionemque Majorum, secundum Canones, regulasque Ecclesiæ, pro fide communi & veritate Catholica, pro qua hanc fieri Sedes Apostolica delegavit,*

G

fa-

(a) S. Leo epist. 53. ad Pulcher. & 59. ad Synod. Chalc. & ad Martian. Imp. & ad Anatoli. Patriarch. & S. Greg. lib. 6. epist. 32. (b) Gelasius L. PP. Tom. de Anath. vinc. Tom. 2. Concil. inter opuscul. Gelas.

*factumque firmavit, à tota Ecclesia indubitanter admitti: alia autem, quæ per incompetentem præsumptionem illic prolata sunt, vel potius ventilata, quæ Sedes Apostolica gerenda nullatenus delegavit, mox à Vicarijs Sedis Apostolica contradic- tum manifestum est, quæ Sedes Apostolica etiam petente Martino Principe nulla- tenus approbavit. Similia habet S. Gregorius M. in epistola (a) Pelagij II. nomine ad Episcopos Istriæ scripta. Imò ipse Maimburgus, hoc ipso Tractatu, quem refutamus, & alibi apertè docet, causas Episcoporum, præsertim, cum de illis deponendis agitur, ad Sum- mum Pontificem pertinere; sic enim loquitur cap. 5. *Deplus come Pape est sans contredit par dessus chaque eveque de quelque dignité qu'il soit; & par dessus toutes les eglises, & tous les synods particuliers, on peut appeller de tous ces eveques, & de tous ces synods à son tribunal. C'est à luy de juger des causes majeures, come sont celles, qui regardent la foy, la deposition des Eveques, &c.* Hoc est: Cum dubitari non possit, Majorem esse Pontificis Romani, quàm singulorum Episcoporum, quantacumque dignitate ij sint, aut Synodorum particularium auctoritatem; sequitur, ut ab Episcopis quibuslibet, Synodisque ad Tribunal Pontificis appellari possit: hujus officij est, de majoribus causis judicare, quales sunt quæ fidem aut Episcoporum depositionem spectant. Si ergo Conciliorum exem- plis, sanctorumque Patrum assertione, & ipsa confessione Maim- burgi certum est, à Synodis particularibus (qualis fuit Arelatenfis) ad Summum Pontificem appellari, præsertim in causis Episco- porum; aded ut etiam in Concilijs Oecumenicis contra Episcopos statuta, fuerint postea à Romano Pontifice revocata, neque hoc negari possit: quæ rogo fiducia Maimburgus dicere potuit: *Majo- rem Concilij Arelatensis auctoritatem, quàm Pontificis fuisse? & hujus tribunal, illius tribunalis subiectum, atque à Pontifice pronuntiatam sententiam potuisse ab eo Concilio examinari, delerique?* Num ergo Maimburgus ignorabat causis Episcoporum, qualis erat, quæ Arelate agitabatur, maxi- mè cum de eorum depositione agitur, ad Pontificem pertinere? Num eum latebat, non solum quæ in Synodis particularibus, sed etiam, quæ in Oecumenicis contra Episcopos decreta fuerant, à Pontificibus sublata esse, ac penitus rescissa, idque toto Orbe com- probante? aut forsan major Arelatensi, quàm Chalcedonenfi, & Constantinopolitano Concilijs auctoritas & dignitas fuit? & hæc*

tamen

(a) Epistola Pelagij II. quæ habetur in fragmentis Synodi quintæ Tom. 2. Conc. p. 2.

tamen, cum de Episcopis statuissent, Roma correxit, abolevitque: idque jure factum & Imperator Martianus, & Patriarcha Anatholius, quamvis hostis, agnovit; Leo quoque, Gelasius, Gregorius, aliique testati sunt: qui ergo dici potuit Arelatense Tribunal Romano præfuisse, si corrigi, si judicari, damnarique ab isto potuit, idque exemplo tot aliorum? *Cur ergo, inquires, permisit Melchias Romanam sententiam inferiori, externoque, sibi Tribunali?* R. Quia pacem & concordiam amabat, sperabaturque, quod etiam evenit, eorum pertinaciam fatigari hæc conniventia, vinique posse; nec verò alienum, externumque Tribunal fuit, cui Legati aderant, quodque ipse confirmabat, Concilium ergo Arelatense non eâ conditione aut peritum, aut admissum est, ut de Melchias sententia judicaret; sed ut instrueret, frangeretque obstinatos, non majori quidem, sed repetita auctoritate. Alioquin si idem Pontifices Concilio subduntur, quia causa semel à Pontifice decisa in Conciliis iterum examinata est, sequeretur Concilia etiam Imperatoribus subdi; cum enim Donatistæ in Concilio Arelateni damnati essent, illi ipsi ad Constantinum Imperatorem provocârunt, auditique sunt, ne aliquis esset excusationis locus: audi Augustinum: (a) *Atq, utnam saltem ipsius Constantini judicio insanissimis animositatibus suis finem posuissent, atque ut eis ipse cessit, ut de illa causa post Episcopos judicaret, à sanctis Anustibus postea veniam petiturus, dum tamen alij, quod ulterius dicerent, non haberent, si ejus sententia non obtemperarent, ad quem ipsi provocaverunt; jussit enim ille, ut ei partes occurrerent Romam ad agendam causam, quò cum Cæcilianus nescio qua de causa non occurrisset, præcepit, ut Mediolanum sequerentur, quò cum etiam Cæcilianus pervenisset, ipsum quoque sicut scripsit, exhibuit, cognitaque causa, qua diligentia, qua cautela, qua provisione, sicut ejus indicant littera. Vides hic Cæcilianum jam à Synodo examinatum, auditum, absolviturumque: ab Imperatore citari iterum, examinari, absolvi; an ergo Imperator supra Concilium? quod si non idem Imperator supra Concilium, quia à Concilio ad Imperatorem provocatum est; quare Concilium supra Pontificem, quia à Pontifice ad Concilium Donatistæ provocârunt? si enim provocatio sit signum subjectionis, sequitur non solum Pontificem infra Concilium esse, sed etiam Concilium infra Imperatorem: quippe & à Pontifice, &*

(a) S. August. epist. 83.

à Concilio provocatum est; quodd si dicas temerariam fuisse à Concilio provocationem; dicam & ego temerariam fuisse à Pontifice Romano, & quid dico temerariam? (a) imò *perversam, impudentem, rabidam, furiosam, audacemque* Constantinus & Augustinus appellant.

At, inquit, Maimburgus, S. Augustinus eadem epistolâ hæc habet: *Putemus illos Episcopos, qui Romæ judicârunt, non bonos judices fuisse; restabat adhuc Ecclesia Universalis Concilium, ubi etiam cum ipsis judicibus causa posset agitari, ut si malè judicâsse convicti essent, eorum sententiæ solverentur.* Supponit ergo Augustinus, errare Romanum Pontificem, ejusque sententias à Concilio corrigi, solvique posse, quæ omnia sunt argumenta superioritatis.

Resp. Si hæc sint argumenta superioritatis, sequitur omninò multò supra Concilium Pontifices esse, palàm enim est, ab istis Concilia Occumenica non solum correctâ, sed etiam temeritatis damnata esse, cum perperam de Episcopis eorumque causis statuissent, quod suprà de Constantinopolitano & Chalcedonensi Concilijs, & testimonijs Leonis, Gelasij, & Gregorij ostendimus; nobis ergò pugnat Maimburgus, quamvis invitus. Sciendum igitur est sententias Romani Pontificis immotas quidem ratasque esse, nec ullius subjectas Tribunali, imò ab illis velut à quibusdam Lineis regulisque Concilia pendere, quod alibi fusè (b) ostensum est, fateturque & confirmat auctoritate S. Augustini Maimburgus ipse libro (c) de vera Ecclesia, quando videlicet tranquillo placidòque animo, & affectibus libero veritatem admittebat, adulandi adhuc rudis; sic enim scribit: *Après que ceux de Carthage & de Numidie l'eurent jugé contraire alla Doctrine de la foy, on attendit la décision du Pape Innocent. Durant cette intervalle saint Augustin écrivant à Hilaire d' Arles de cette Nouvelle herésie de Pelagius, dit qu'elle n'est pas encore ouvertement reconnue par toute de toute l'église. Mais aussitôt, que le Pape Innocent eut fait contre elle la Constitution, qui fut reçue avec tant d'applaudissement de toute le Chrestien; alors le digne de Pelagius fut tenu universellement par tout pour heretique, & ce saint Docteur déclarant ce, que le souverain Pontife avoit défini, auquel on avoit envoie le deux Conciles d' Afrique, ajousta ces belles paroles: De hac causa jam duo Concilia missa sunt ad Sedem Apostolicam, imò etiam Rescripta venerant, causa finita est, utinam aliquando error finiat.* Je sçay bien,

(a) Constantin. epist. ad Chrestum Epif. Syrac. apud Euseb. lib. 10. August. epist. 162. (b) Regal. Sacerdot. l. 2. (c) Maimb. l. de la Uray Egl. scd. 7. fol. 304.

bien, que cette heresie fut condamnée encore quelque temps apres au Concile d' Ephese ; (a) Mais ce fut sans en faire une plus exacte discussion , & comme un erreur déjà reprouvée par un jugement legitime, come les Peres le declarerent dans la lettre sinodale au Pape Celestin. Hoc est: Postquam à Carthaginis, Numidia³, Patribus declaratum est, haresim nuper à Pelagio conceptam edinamque fidei adversari, adhuc tamen quid de illa Innocentius Papa desiniret , expectabatur. Interim verò decisione illius necdum vulgata, scribit Augustinus (b) Hilario Arolatenfi, errores Pelagij nondum à tota Ecclesia haresis damnatas; nondum, inquit, evidenter ab Ecclesia separata est. Ubi verò Innocentij consultatio eam haresim damnantis summa omnium gratulatione fidelibus innotuit; enimverò dogma Pelagianum à tota Ecclesia pro heretico habium credimusque. Et ipse S. Doctor, cum Populo explicaret, qua in hac causa Romanus Pontifex, cui duo Africa Concilia transmissa fuerant, decrevisset, in hac verba prorumpit digna memoratu: de hac causa jam duo Concilia missa sunt ad Sedem Apostolicam &c. Non me equidem latet, paucis post annis hanc ipsam haresim in Concilio Ephesino confixam esse; sed id obiter cursimque factum; quippe causâ per legitimum ac solemne iudicium jam finitâ, quod Patres Ephesini in epistola Synodali ad Celestinum Pontificem aperte professi sunt. Hæc Maimburgus, cum animo adhuc integro scriberet, intusque affectibus aulæ, quibus fateretur, in rebus fidei dictâ semel à Pontifice Romano sententiâ causam finiri, nec amplius aliquid superesse, quod oporteat à Concilijs agnosci, decidique, eamque Augustini mentem, & Synodi Ephesinæ fuisse, quod & elegantibus versibus S. Prosper insinuat:

- - Pestem subeuntem prima recidit
Sedes Roma Petri, qua Pastoralis honoris
Facta caput Mundo, quidquid non possidet armis,
Religione tenet.

Ergò ut ostendi Papæ sententia etiam ante vota Concilij firma & erroris tuta; sæpè tamen eam Pontifices ad Concilium referrebant, non quòd huic subessent, sed quia in rebus factum spectantibus major penès plures, quàm unum notitia, & ut omnem tergiversandi occasionem adversarijs adimerent; nec aliud Pontificis & Concilij Tribunal erat, sed unum, idemque; quippe nihil valiturum, nisi Roma subscriberet, & quod illi statuisent, ipsa firmasset: Patres ergo numerum, sed pondus Pontifices dabant;

G 3

id quod

(a) Concil. Ephesin. act. 5. (b) August. epist. 94.

id quod S. Zosimus eleganter expressit litteris ad Concilium Carthaginense datis: (a) *Quamvis, inquit, Patrum traditio Apostolica Sedis auctoritatem tantam tribuere, ut de ejus judicio disceptare nullus auderet: idque per Canones seuper, regulasque servaverit, & currens adhuc suis legibus Ecclesiastica disciplina Petri nomine, à quo ipsa quoque descendit, reverentiam quam debet exolvat. Tamen cum tantum nobis esset auctoritatis, ut nullus de nostra possit retractare sententia, nihil edimus, quod non ad vestram notitiam nostris ultrò litteris referremus, dantes hæc fraternitati, ut in commune consulentes, non quia quid deberet fieri, nesciremus, aut faceremus aliquid, quod contra Ecclesie utilitatem veniens displiceret, sed pariter vobiscum volumus habere tractatum de illo &c. &c.* En tibi sententiæ nostræ, & confutati Maimburgi luculentum testimonium! Afferit Zosimus, tantam esse Apostolicæ Sedis auctoritatem, ut de ejus judicio disceptare nullus audeat, nec ejus sententiam retractari posse, idque Patrum traditione acceptum, & firmatum esse. Quid possit contra Maimburgum clarius dici? & observa non hæc in angulis, latebrisque Zosimum scribere, sed plena in luce, subque oculis Carthaginensis Concilij, à quo facile argui poterat, convincique, nisi verà & comperta scripssisset vel dixisset. Quia verò Zosimo objeci poterat, quod nobis objecit Maimburgus: *Cur videlicet summi Pontifices sententias suas Conciliorum examini submittant, si judicari à nullo possunt? Cur Innocentius Pontifex causas à se finitas ad Concilium Arelatense referri est passus?* Respondet Zosimus: *Non ideo factum, quod aut nescirent Pontifices, quid fieri deberet, aut facere aliquid possent, quod Ecclesia utilitati adversaretur, sed ut fraternitati deferrent &c.* Ubi vides jam ante mille & ducentos ac supra annos, hoc est, florente Ecclesiâ, & ubi nulla fastûs suspicio, aut cupiditas aliena usurpandi, sententiam hanc nostram pro vera, certâque habitam, & Patrum traditione subnixam, videlicet sententias Romani Pontificis nullius judicio subjectas, & erroris expertes esse, id enim apertè sonant ea verba: *De ejus judicio disceptare nullus audet: nullus de nostra potest retractare sententia: non quia quid deberet fieri nesciremus, aut faceremus aliquid, quod contra Ecclesie utilitatem displiceret &c.* Ergò cum Pontifices præsertim in quæstionibus facti ad Concilia referunt; non id agitur, ut Concilium judicet, rescindatque Romæ judicata; id enim potestatis majoris esset, quam Zosimus Concilio negat, sed ut solùm meliùs Pontificem

(a) Zosim. epist. ad Episc. African. Anno 418. apud Baron. ad eund. Annam.

ficem doceant, an factum ita se habeat, suggerantque, quid fieri oporteat; nam & Regio senatui nulla potestas rescindendi à Rege decreta, sed solum ostendendi, deprecandique. Ita Concilij Arelatensis res & causa se habuit.

XI. *Obijciunt* 6. (a) Siricius Papa, qui Damasus successerat, apertè confitetur, se Concilio subiectum esse, cujus tam ingenua, & in re propria testantis Confessio maximi utique momenti esse debet. Durabat adhuc Antiochenum Schisma, extinctis Paulino & Meletio Episcopis, quibus utriusque fautores duos suffecerant, Flavianum videlicet Meletio, & Evagrium Paulino. Huic tam pernicioso dissidio componendo Concilium Capuanum indictum fuerat, Flaviano, Evagrioque citatis. Absuit Flavianus, rogavitque Theodosium Imperatorem, ut hæc causa alteri in Oriente Synodo committeretur; at Episcopi, qui Capuam convenerant, Theophilo Episcopo Alexandrino, alijsque Ægypti Episcopis hanc ipsam Flaviani Evagriique causam delegant; Bonosi verò (blasphemiae in Deiparam Virginem accusati) Any시오 Episcopo Thessalonicensi, subiectisque illi Episcopis: hi ad Siricium Pontificem deferunt. Siricius abnuitt, negavitque facultatem sibi esse eam causam cognoscendi, quam Patres Capuani, Theophilo alijsque detulerant. Verba Siricij sunt in epistola ad Anysium Thessalonicensem: *Cum hujusmodi fuerit Concilij Capuensis judicium, ut finitimi Bonosi atque ejus accusatoribus Judices admitterentur, advertimus, quod nobis judicandi forma competere non possit &c.* Et infra: *Primum est, ut ij judicent, quibus judicandi facultas est data, vos enim totius Synodi vice decernitis, nos quasi ex Synodi auctoritate judicare non convenit.* En Siricium Concilio submissum! si enim major Siricij potestas, quàm Concilij esset, cur non posset Concilij decretum factamque delegationem rescindere, & causam alijs Judicibus creditam, ad suum, hoc est, altius, præstantiusque Tribunal avocare?

Resp. Hoc Maimburgi argumentum more solito multis partibus laborat. Nam *Primo* Concilium Capuanum non Oecumenicum fuit, sed particulare; sequeretur ergo etiam Concilio particulari Pontificem subijci, quod tamen etiam ipse Maimburgus non admittit, sic enim in hoc ipso tractatu, quem refutamus, loquitur.

(a) Maimb. Traité de l'Egl. de Rom. ch. 19. f. 161.

loquitur: (a) *De plus come le Pape est en cette qualité sans contredit par dessus chaque Eveque de quelque dignité qu'il soit, & par dessus toutes les Eglises, & tous les sinods particuliers; on peut appeller de tous ces Eveques, & de tous ces sinods à son Tribunal.* Si ergo, ut hic loquitur Maimburgus, Pontificis Romani Potestas omnibus Ecclesijs, Synodisque particularibus praeferat, ideòque ab omnibus particularibus Synodis ad Tribunal Romanum appellari potest; si inquam ita res se habet; quâ fiduciâ Maimburgus dicere potuit, Siricium Capuensis judicio subiectum, & hujus Decreto alligarum fuisse? *Secundò.* Sed etiam ipsi Patres Capuensis Synodi inter quos praecipuus Ambrosius, quamvis hujus causae cognitionem Theophilo, aliisque detulissent; semper tamen quidquid illi judicassent, Pontificis Romani judicio & approbationi subjecerunt. Verba Ambrosij ad Theophilum Alexandrinum haec sunt: *Sanè referendum arbitramur ad sanctum Fratrem nostrum Romanæ Sacerdotem Ecclesiae, quoniam praesumimus eam te judicaturum, quâ etiam illi displicere nequeant; ita enim utile erit consultum sententia, ita pacis & quietis securitas, si id vestro statuatur consilio, quod Communioni nostra dissensum non afferet; ut nos quoque accepti nostrorum serie statutorum, cum id gestum esse cognoverimus, quod Ecclesia Romana haud dubie comprobaverit, laeti fructum hujusmodi examinis adipiscamur.* Vides tantum abfuisse, ut Patres Capuenses, & inter illos Ambrosius crediderint Romanum Pontificem Concilij Delegatis subesse, aut rescindere non posse ab istis judicata, ut potius eam regulam Delegatis praescriberent; ne videlicet, quidquam judicarent, quod Romano Pontifici displicere, aut probari ab eo non posset. Agnovit ergo Concilium, esse altius aliquod Tribunal, cui placere oporteret, & cujus censuræ Concilij acta subjacerent. *Tertiò.* Sed illud quoque mirum, voluisse Maimburgum ad confirmandam tanti momenti causam, epistolam adhibere dubiæ omnino incertæque fidei; illam Maimburgus Siricio adscribit; at illa nec inter Siricij epistolas reperitur, nec Siricij nomen, sed Ambrosij præfert, habetæque libro 10. epistolarum Ambrosij epistolâ 79. cum hac inscriptione: *Divi Ambrosij ad Theophilum & Anysium, excusantis se de judicio ferendo inter Bonosum Episcopum, &c.* Et quamvis negent aliqui eam epistolam Ambrosij esse; non continuò sequitur esse Siricij, quæ enim hæc consequentia, ut ideò eam Siricius scripserit, quia non scripsit Ambrosius?

Quarta.

(a) Maimb. Traité de l'Egl. de Rom. ch 5. f. 43.

Quarto. Sed demus scripsisse Siricium, non tamen sequitur aliquid ab eo derogari Pontificiæ potestati: nec enim passim & sine magna, urgentēque ratione Pontifici licet ordinem, gradusque judiciorum, & Conciliorum ac Sacerdotum judicia, sententias & privilegia turbare, & causas alijs commissas suo tribunalì vindicare; imò nulli æquè ut Romano Pontifici incumbit, Conciliorum & Episcoporum jura & prærogativas custodire, quod eleganter Gregorius Magnus hisce verbis expressit: (a) *De Ecclesiasticis Privilegijs, quod vestra fraternitas scribit, hoc postpositâ dubitatione tenent; quia sicut nostra defendimus, ita singulis quoque Ecclesijs sua jura servamus, nec cuilibet favente gratiâ ultra quàm meretur impertiar, nec ulli hoc, quod sui juris est, ambitu stimulante derogabo: sed fratres meos per omnia honorare cupio, &c.* Extâtque ejusdem Divi Gregorij exemplum memoriâ dignum: cùm enim Trajanus quidam Melitam Insulam, ubi Episcopus designatus erat, proficisceretur, quatuor ex Monasterio Syracusano Monachos petijt, viæ & curarum solatio futuros; concessit Gregorius, eâ tamen lege, ut Episcopi Syracusani, cui Monasterium illud subiectum erat, licentia & facultas accederet. *Petijt, inquit Gregorius, à nobis Trajanus, ut de Monasterio, quod in civitate Syracusana situm est, ei quatuor, vel quinque dari Monachi debuissent; quia ad Locum proficiscens incognitum, si proprios, quorum consolatione utatur, non habeat mens affecta tristitiâ, minùs se ad ea, qua sunt utilitatis erigit, & ante incipit succumbere, quàm laboret. In qua re, ne Reverendissimi fratris & Coepiscopi nostri Joannis privilegiorum videremur prærogativam minuire, ita hoc illi noveris esse concessum, ut tamen fratris nostri Joannis sit arbitrio per omnia servatum.* Siricius ergo cùm noluit causæ Bonosii Episcopi se immiscere, non id fuit, quòd crederet sententiam & Decretum Concilij non subjacere Tribunali Romano, imò & Patres Concilij, & ipse Maimburgus, ut vidimus, subjacere professi sunt; sed quòd non appareret publica urgēnsque ratio eam causam advocandi; nihil ergo Pontificiæ potestati, quam defendimus, obstat exemplum Siricij: & cùm Maimburgus dixit: *Exemplo Siricij nihil clarius, sinceriusque contra Pontificiam auctoritatem afferri posse; constat unum esse ex solitis Maimburgi strategematibus, ingentibus promissis Lectorem fallentis, & cui meritò applicare possis illud Divi Augu-*

H

stini

(a) S. Gregor. M. epist. ad Domin. Carthag. Episc. l. 2. ep. 39. V. causam
35. q. 2.

fini Symbolum de utre inflato: (a) *Utres, inquit, duos si videas, unum plenum, alterum inflatum; in utroque eadem est magnitudo, sed non in utroque eadem plenitudo: si attendas, falleris, si appendas invenies.* Sic ergo se habent Maimburgi argumenta, ut videlicet magna appareant videnti, sed inania ponderanti.

Obijciunt 7. Innocentius Primus, cum à Johanne Chrysostomo (qui æmulatorum factionibus, Theophili præsertim, damnatus pulsusque fuerat) appellaretur? Chrysostomum ad Oecumenicum Concilium remisit, iussitque ab hoc solo remedium expectare, sibi enim nec vires, nec aliud consilium suppetere; verba Innocentij sunt: (b) *Quodnam remedium hisce malis asseremus? Necessaria erit Synodalis cognitio; ea sola est, quæ hujusmodi procellarum impetus retardare potest.* Et infra: *Ac nos quidem multum deliberamus, quonam modo Synodus Oecumenica congregari possit, per quam turbulenti isti motus consopiri possint. Expectemus auxilium DEI cuncta nobis esse restituenda.* Agnoscit ergò Innocentius (c) plus auxilij & auctoritatis in Concilio, quàm Pontifice Romano esse; alioquin cur Chrysostomum ad Concilium remittit? cur remedia in tam longum tempus, & tam lentum Senatum differt? cur nullum aliud remedium præter Concilium superesse profiteretur? imò multò promptius supererat, multoque validius, sententia videlicet Pontificis Romani, si major hujus, quàm Concilij auctoritas fuit. Hoc Innocentij exemplum adeò Maimburgo placuit, ut postquàm illud recitasset, suàsque ex illo consequentias deduxisset, in hæc verba prorumperet. *Potuisse ne, inquit, clarioribus verbis exprimere Innocentius auctoritatem Concilij ad multò plura extendi, majorémque quàm Pontificis Romani esse, sicq; Pontificem Concilio subesse?*

Resp. Adeò hoc argumentum nihil probat, ut potius in antiquum lapidem Maimburgus impingat, semperque magis ac magis ostendat, se ne statum quidem ejus quæstionis intelligere, quam tanto labore agitandam suscepit, perinde ac si jaculum mitteret scopi metæque ignarus. Nec enim à nobis quæritur, an Concilium à Pontifice coactum, directum, approbatumque sit supra Pontificem? id enim parum ad praxim usumque pertinet: sed

(a) Augustinus serm. 172. de Temp. (b) Innoe. epist. ad Cler. Constantinopolitan. Anno 404. (c) Maimburgus cit. fol. 163.

sed tota quæstio in eo vertitur, an Concilium Papæ oppositum, & ab isto non approbatum, quale Basileense fuit, præponi Pontifici debeat, adeò ut Concilio magis, quàm Pontifici deferri oporteat contraria decernenti, & Concilium improbanti. Patet ergò nihil probare Innocentij exemplum; cùm enim dicit, afflidis Chrysofomi rebus *solum Concilium posse subvenire*, de Concilio loquitur non acephalo, non improbato, non Pontifici adverso, sed cum isto consentiente, nulla ergò consequentia ab uno ad alium, & tam disparatum casum. Et meritò tunc temporis credidit Innocentius adjuvando Chrysofomo non sufficere solius Pontificis manum, sed expectandum Concilium; quippe si solus Pontifex Theophili sententiam & iudicium rescinderet, cui tot alij Orientis Episcopi subscripserant; timendum omnino erat, ne Schisma conflaretur; Græcis ingenitâ levitate fastûque ad omnia promptis, & præsertim Augustis Chrysofomo adversantibus, quæ postea Phoriano Schismati causæ fuerunt. Prudenter ergò Innocentius vitando civili bello Concilium indici voluit, quo Chrysofomi causa majori non tantùm auctoritate, sed etiam numero fulciretur, nec ulla Græcis tergiversandi causa superesset, si pleno totius Ecclesiæ senatu vincerentur. Innocentius ergò ut necessitati confuleret, potestatem seposuit. Idem responderi debet ad exemplum Innocentij III. qui urgenti Philippo Augusto divortium Ingelburgæ Reginae, respondit: *Non posse a se aliquid ex suo sensu pro Rege definiri, nec debere absque deliberatione Concilij aliquid determinari*. Loquitur enim Innocentius de Concilio, cui Pontifex præest, approbatque; non verò de Concilio Papæ adverso, de quo solum est quæstio: & meritò Pontifex in re tanti momenti, & publico omnium scandalo juncta, tamque ambigua, varijssque & contrarijs opinionibus agitata (constat enim in Concilio Sueffionensi quindecim totos dies in utramque partem disputatum esse) & eo tempore, quo Innocentius Philippi Regis operâ armisque præcipuè utebatur; prudenter rem ad Concilium retulisse, sive ut longis dilationibus amantem Regem fatigaret, sive ut odium repulsæ in alios conferret. Verba Innocentij hæc sunt: *Si super hoc absque generali deliberatione Concilij determinare aliquid tentavimus, præter Divinam offensam, & mundanam infamiam, forsitan Ordinis & officij nostri*

periculum immineret, cum contra veritatis sententiam (quod DEUS conjunctis, homo non separet) nostra non possit auctoritas dispensare. Vides Innocentium non de sententia Concilij, sed deliberatione loqui, quæ nullam infert superioritatem: deliberationem verò prætexit ob allatas causas; alioquin palàm erat, non magis posse Concilium dispensare in præcepto Divino de non dissolvendo Matrimonium ratum & consummatum, quàm Papam; qui si contra tam clarè in Evangelio expressam veritatem dispenseret; meritiò hæresis suspectus esset, sicque ordinis & Officij sui periculum adiret.

Obijciunt 1. (a) In Concilio Romano sub Symmacho Pontifice Decreto Patrum sub gravi pœna vetitum est, ne bona Ecclesiæ Romanæ quovis necessitatis obtentu in perpetuum alienentur. Cum verò sex & triginta post annos Agapetus (b) Pontifex rogaretur, ut hujusmodi prædium alienari permetteret sublevandæ pauperum necessitati; respondit, non posse se ullâ ratione in hanc alienationem consentire: Divini enim, inquit, consideratione judicij, necesse nobis est, quidquid sancta Synodalis decrevit auctoritas, inviolabiliter custodire. Si ergo Concilium aliqua prohibere Pontificibus potest, & si facultas non est Pontificibus rescindendi à Concilij statuta, constat ergo majorem Concilij auctoritatem, quàm Pontificibus esse, & istos subditi illorum Decretis.

Resp. Errat iterum Maimburgus, receditque à statu quæstionis; alia enim quæstio est, an quando Pontifex & Concilium contraria sibi sentiunt, major sit Pontificis, quàm Concilij auctoritas? Alia: an Pontifex Decretis Concilij à Papa comprobatis teneatur? fieri enim potest, ut Pontifex aut alius Princeps, ejus legibus teneatur, cui subiectus non est: quis enim nescit, nec sibi Pontificem, nec Antecessoribus subiectum esse, cum quibus pari fungitur potestate? & tamen communis cum Sacrorum, tum prophano- rum Doctorum sententia est, Principem quemlibet, præsertim verò summum Pontificem tam suis, quàm Antecessorum legibus quoad vim directivam obstringi: idque à Sanctis Patribus, (c) sacrisque

(a) Maimb. cit. ch. 19, f. 167. Concil. Rom. sub Symm. PP. de non alien. reb. Eccles. c. 4. Anno D. (b) Agapetus epist. ad Cæsar. Arelat. (c) V. Gelas. epist. ad Episc. Dard. in c. confidimus 25. q. 1. Ivon. ep. ad Hug. Arch. Lugdun. c. contra statuta 25. q. 1. Greg. PP. l. 5. ep. 12. in c. iustitiz 25. q. 1. Leo PP. Pelagius, Isidorus in causa. 25. q. 2. & c. iustum d. 9. & S. Th. 1. 2. q. 96. ar. 5.

erisque Canonibus sæpè repetitum est, docetque S. Thomas Theologorum Princeps ; non ergo sequitur Pontificem Concilio subditi, quia Concilij à se approbati Decretis tenetur, nam & suis legibus & Antecessorum tenetur; nec ideo tamen aut sibi, aut Antecessoribus suis subiectus est, minorique potestate. Sciendum ergo est, postquam semel Decretum aliquod statutum in Concilijs fuit, resultare hoc ipso obligationem naturalem, quæ Legislatorem etiam obstringat ad legum suarum observantiam, quantum videlicet ejus status & conditio patitur; cùm enim proximus legum finis sit earundem observatio, ac promotio boni publici, nihil verò magis legis observantiam, & communem utilitatem ex legum observantia redundantem impediatur, quàm si Legislator ipse in legem offendant, eamque suo exemplo contemptui ac ludibrio exponat, (imitantur enim subditi vitia Principum, quibus auctoritas delinquentis venerationem & speciem, imò impunitatem conciliat; quæ enim fiduciâ sua scelera in alijs puniant?) inde fit, ut ex natura legis, & Justitiæ, officijque, quo Principes funguntur, ac subditos ad legum observantiam urgere tenentur, ac transgressores pœnis afficere, ut ipsi quoque Principes suis & Antecessorum legibus obstringantur: non quòd Principes aut sibi, aut Antecessoribus subdantur, sed quia legum natura, ac ratio officij id à Principe postulant; hanc obligationem agnovit etiam Christus, quando Phariseis exprobravit: (a) *Quod gravia hominibus onera imponerent, quæ ipsi nollent digito tangere.* Agnoverunt etiam Prophani, ac Gentiles scriptores, apud quos toties hæc axiomata reperies, videlicet: *Quod quisque juris in alium statuit, ipse eodem jure uti debet.* Et: *Patere legem, quam ipse suleris, &c.* Et S. Ambrosius (b) epistolâ ad Valentinianum Imperatorem: *Quod cùm præscripsisti alijs, præscripsisti etiam tibi; Leges enim Imperator fert, quas primus ipse custodiat.* Aliud ergo Maimburgus probavit, quàm probare oportuit; probavit enim Pontifices Decretis Conciliorum à se probatorum obligari; at hoc probandum non erat, quippe à nobis concessum. Illud ergo probandum erat: *Pontificem Decretis Conciliorum teneri, quæ ipse improbat.* Hoc tacuit Maimburgus; falsi enim convinci poterat, patuitque in Constantinopolitano, & Chalcedonenfi, quorum Decreta, quamvis Occum-

nica essent, non sunt tamen omnia à Pontificibus accepta, imò rejecta, tantum abest, ut se illis subjectos crederent. Imò si à Decretis Conciliorum etiam Generalium argumentari licet, fortissimum pro Pontifice habemus argumentum; certum enim est, Dispensationem esse actum superioris: at verò quis nescit in Decretis Conciliorum sæpissimè dispensasse Pontifices? quod alibi (a) demonstratum est.

XII. *Obijciunt* g. (b) Silvester II. Romanus Pontifex, & eruditione celeberrimus, in epistola, quam ad Seguinum Senonensem Archiepiscopum scripsit, hæc habet inter alia: (c) *Constanter dico, quòd si ipse Romanus Episcopus in fratrem peccaverit, sapiensque admonitus Ecclesiam non audierit: hic inquam Romanus Episcopus precepto DEI est habendus sicut Ethnicus & Publicanus.* His Silvestri verbis, hæc Maimburgus ex suo addit commentarij loco: *Potuisse*ne, inquit, *clarioribus verbis hic Papa profueri; Pontifices Romanos, quantumvis Ecclesie capita, non idèò tamen Legibus Conciliorum, qua Universalem Ecclesiam repræsentant, exemptos esse?*

Resp. Gerberti testimonium, qui postea Silvester II. dictus est, pudori potiùs Maimburgo esse debuit, quàm argumento: ego, ut veritatem intelligas, rem totam à principiis suis evolvam. Anno DCCCCXXXVII. Ludovico V. Francorum Rege extincto, in thronum erectus est Hugo Capetus, Parisiensium Comes; is è Regio quidem Francorum sanguine ortum duxerat, quod alibi ostendimus, sed dubium non erat, deberi Regnum Carolo Lotharingæ Duci, quippe Ludovici Patruo, proximòque sanguinis Regij; sed quòd Imperatori, Germanisque nimium adhæreret, Gallos offenderat, averteratque. Natum Civile bellum, Hugone Carolòque pro Corona certantibus, & initia quidem Carolo fausta, Lauduno tunc Regià Civitate Rhemisque captis, idque ut ferebatur operà & proditione Principis Arnulphi, postea Rhemensis Archiepiscopi: quas Insulas cum acciperet, juramento se Hugoni Regi devinxerat, sed Patruj amor juramento & fidei præpotuit, Rhemòsque hosti aperuit. Hugo collectis iterum copijs Lauduni languentem Carolum obsidet, capitque, & Aurelianus custodiæ mandat: secuta Rhemorum deditio, & Arnulphus proditionis ac Majestatis reus Concilio Rhemensi sistitur, cui inter alios Segui-

nus

(a) Vide Regal. Sacerdot. fol. 581. (b) Maimb. cit. ch. 29. fol. 169. (c) Epist. 2. Gerberti ad Seguinum Ep. Senon.

nus aderat Archi-Episcopus Senonensis & Apostolicæ Sedis Legatus. In hac Synodo certamen primò fuit de Patrum potestate, an vid: exauctorare illis Episcopum liceret sine Romani Pontificis assensu? negabant qui Arnulphum tuebantur, inter quos Abbo Floriacensis Abbas præcipuâ doctrinâ ac sanctitate, & postea Martyr: Quippe ex factorum Canonum sententia majores causas & Episcoporum depositiones Romano Pontifici reservari. Sed vicit opinio adversantium Arnulpho: Missos Romam Legatos octodecim mensium spatio, ad liman palatii præsolatos esse; non admissos, non auditos rediisse; ergo tam longum silentium pro assensu esse, impletumque quidquid Pontifici deberetur tam prolixo obsequio. Stabilitâ Concilij auctoritate damnatus Arnulphus, cum prius delictum confessus esset, sacrisque infulis exutus, & Gerbertus deposito suffectus. Seguinus recusavit sententiæ subscribere; reliqui Episcopi quamvis inviti, metu tamen & reverentiâ Regis Arnulpho in sensu vinci se passi sunt: (a) *Venerabilis autem Seguinus Archiepiscopus non consensit in degradationem Arnulphi, neque in ordinationem Gerberti; jussio autem Regis urgebat: alij verò Episcopi licet inviti, tamen propter timorem Regis degradaverunt Arnulphum, & ordinarunt Gerbertum.* Maimburgus, (b) *decipi hunc auctorem dicit, & aperte falsa narrare, nullamque speciem veritatis habentia; se verò hanc Gerberti historiam ex monumentis fide dignissimis, quæque in dubium vocari haud possunt, recensere.* Si verò ab eo quæras; quæ nam ea sint monumenta fide dignissima? nulla alia profert, quàm epistolas Gerberti, & acta Synodi Rhemenensis ab eodem Gerberto conscripta; quæ Sæctarij nostrorum temporum, perinde ac si Thesaurum reperissent, duplici editione (c) in lucem protulere. Gerbertum verò constat amarissimo in Pontificem animo fuisse, quippe hujus auctoritate sede Rhemeni ejectum, & ipse fatetur Maimburgus (d) *Gerberti scripta, præsertim epistolas ad Seguinum datas plus sellis, quàm rationis habere.* Ipse Gerbertus, ut habetur in appendice Aimoini, (e) *intelligens, quod injustè Pontificalem suscepisset dignitatem, penitentiam ductus est;* quando videlicet misso Leone Apostolicæ Sedis Legato, novâque Synodo Rhemis coactâ, Arnulphus sedi restitutus

(a) Aimoin. l. 5. (b) Maimb. de la decad. l. 1. fol. 95. (c) Magdeburg. Centur. 10. cap. 9. & scorium Francosur. Anno 1600. (d) Maimb. de la decad. l. 2. f. 94. (e) Aimoin. l. 5. c. 45.

tus est Gerberto pulso; qui Gallis offensus, à quibus desertum se viderat, in Germaniam ad Ottonem III. confugit, & hujus patrocínio Pontificatum adeptus est; damnavitque, quæ tantâ olim contentione contra Arnulphum, Romanumque Pontificem declamaverat, sic enim scribit in epistola ad Arnulphum, quam Balluzius recitat: (a) *Quapropter tibi Arnulpho quibusdam excessibus pontificali honore privato subvenire dignum duximus, ut quia tua abdicatio Romano assensu caruis, Romana pietatis munere credaris posse reparari.* Vides hic fatentem Gerbertum, non debuisse sine Romano consensu Archi-Episcopatu exui Arnulphum; & ipse de Marca ac Glossa Pragmaticæ Sanctionis Depositiones Episcoporum soli Pontifici reservatas esse agnoscunt: (b) *Idque in Gallia, reliquisque Orbis Christiani Provinciis receptum esse, & in mores versum.* Ex quibus jam videas, quàm falsò dixerit Maimburgus: *Gerberti scripta esse omni fide dignissima, & quibus cedere debeant, quæ Continuator Aimoini posteritati reliquit.* Ergò ex calculo Maimburgi, quæ ab irato, ab offenso, ab hoste scripta sunt, quæque revocata, correctâ, & in publica Synodo deleta, ac ab hæreticis evulgata in odium sedis Romanæ, monumenta sunt fide dignissima, omnique dubio majora. Quæ ergo erunt indigna fide? Planè vel hoc uno exemplo pater, quantum excæcandis hominum mentibus, delendisque communis vitæ, ac rationis humanæ principijs animi passiones valeant. Quòd verò ad Aimoini Continuatore pertinet, & quem Maimburgus suspectæ fidei reddit; Lectoris omniumque prudentum judicio relinquimus, illi magis fidem habere velint res ferè suorum temporum, sed tamen aliena non sua, & quorum nullâ curâ aut lucro, damnòque tangebatur, narranti; an Gerberto tot titulis offenso, iratòque, & quem ipse Maimburgus (c) fatetur *plus ira, quàm rationi & veritati indulgisse.* Jam ergo ex hac Gerberti historia facilè intelligas, quàm nihil ad rem faciat Maimburgi argumentum, quàmque multis partibus erret; illa enim Gerberti verba, quibus dicit: *Pontificem admonitum, nec Ecclesiam audientem tanquam Ethnicum & Publicanum habendum esse:* perinde recenser, ac si à Gerberto jam Pontifice dicta essent (ut videlicet tantò sit fortius argumentum ex confessione ipsius Pontificis

pe-

(a) Balluz. ad lib. 7. de Marca c. 25. (b) De Marca l. 7. c. 25. n. 9. Guim. in Gl. Pragm. tit. de Concub. (c) Maimb. de la Decad. l. 1. fol. 95.

petitum) sic enim scribit: (a) *Sur quoy ce Pape écrivant à Seguin, non à point fait de difficulté de s'exprimer en ces termes extrêmement forts, &c. Et infra: Ce Pape peut il faire entendre plus clairement, que les Papes sont soumis au Concile General?* Quibus verbis aperte Lectorem fallit; nec enim Pontificis hoc est testimonium, nec ea Gerbertus scripsit, cum jam Pontifex esset, sed adhuc Monachus, & iratus, offensusque Pontifici, qui unus obstabat, ne infulis Rhemensibus potiretur; imò Pontifex factus se ipsum correxerat, revocavitque tam imprudenter olim effusa, ut ex epistola ad Arnulphum ostendi: hæc omnia Maimburgus aut mutavit, aut tacuit, ut ita argumento planè inani inutilique speciem aliquam veritatis afferret artificio planè indigno, & quod non dicam in historico & Sacerdote, sed ne in plebejo quidem feras.

Postquam Maimburgus capite 19. ex Pontificum testimonijs, quæ modò refutavimus, conatus fuisset ostendere Pontifices subiacere Concilio; caput 20. subjungit, in quo testimonia Pontificum recenset, qui sacris Canonibus, sacrarumque Conciliorum Decretis teneri se profitentur; ex quo concludit, infra Concilium Pontifices esse: sed hoc jam supra ad objectionem octavam refutavimus, & ita repetere nolumus jam semel dicta. Illud discussione indiget, quod circa finem ejus capituli de Appellatione ab abusu commemorat, quòdque in sequenti Paragrapho explicandum suscipimus.



I

§. II.

(a) Maimb. Traitté de l'Egl. ch. 19. fol. 169.




§. II.

De Appellationibus tanquam ab abusu.

SUMMARIA.

1. *Quinque Parisienses propositiones eò pertinere, ut omnes causa spirituales Parlamento prophanisque Tribunalibus subdantur, idque testimonio Maimburgi palàm fieri. Appellationes ab abusu Concilio Oecumenico substituentis.*
2. *Appellationes ab abusu recentes esse, & prateritis retrò annis ignotas, idque testimonijs Constantini & Theodorici ostenditur.*
3. *Earum Appellationum injustitia tum ex ipso Appellationis nomine, tum ex gradibus, quibus provec̃ta sunt, probatur.*
4. *Et ex querelis Cleri Gallicanicas Appellationes improbantis.*
5. *Et ex varijs rationibus.*
6. *Respondetur ad Regionum argumenta.*



I.

Maimburgus finem capitis vigesimi his verbis concludit: (a) Cum Romani Pontifices limites à sacris Canonibus praescriptos transgressi suà potestate abuterentur; ad futura Concilia appellari ceptum est. Id in causa Bonifacij VIII factum, in omnium Regum coronas dominatum usurpantis. Iterumque ab Universitate Parisiensi, ubi contra Canonum praescripta, & Ecclesia Gallicana privilegia, Decimis se onerari, aliisque exactionibus sensit. Sed praesertim & frequentius id agitatum in Germania. Verùm cum illa ad futurum Consilium appellationes, aut

(a) Maimb. Traittè de l'Eglise. ch. 20. fol. 182;

nimis lentum remedium afferrent grassantibus malis, aut Pontificia auctoritati, sententiisque eludendis adhiberentur, unius serè sæculi morâ, quæ convocandis Concilijs necessaria est, & idèd à Pio II. Julioque II. hujusmodi provocaciones jure merito damnata sunt. Aliud remedium in Gallijs successit, Appellationes videlicet tanquam ab abusu, à Summis Pontificibus ad Parlamentum facta, id quippe Majestatem, Justitiâque Regis representat; & ad hunc velut ad Canonum protectorem spectat, providere, nequid attentetur illis contrarium; imò & Bullas, sententias, legesque Ecclesiasticas ad examen, judiciûque suum revocare, arbitrarique, an aliquid Canonibus, ac Galliæ libertatibus adversum complectantur. Hactenus Maimburgus, ubi planè faciem nudavit, seque ipsum agnoscendum proposuit, & quò tenderent propositiones Parisienses ostendit, toties & tam quæsitis coloribus pietatem professæ: ut nimirum tota de rebus causisque Ecclesiasticis potestas, ad Reges & Parlamenta, forûmque sæculare transferatur: & hanc vocant Gallicanæ Ecclesiæ libertatem, Regi & senatoribus Regijs servire. Errant, inquit, falluntur Pontifices, ergo Concilij subdantur; sed quia longum est, molestûque Concilia expectare; subdantur Regi & Parlamenti, profanisque tribunalibus; & ne velum desit tam pudendo facinori, abusus Pontificiæ potestatis vocetur, quidquid non placet. Possit error, possit fraus, possit ignorantia in Pontifices cadere; non possit in Regem & Parlamenta: & ea infallibilitas, quæ Pontifici debebatur, Regibus & Parlamenti donetur: isti sedcant, judicentque, Reo interim Pontifice, & ad pedes prophani Tribunalis sententiam præstolante, & hoc ipsum appelletur *libertas Gallicana*. Potestne à Maimburgo dici, imò cogitari aliquid indignius Christianâ pietate? sed rem ipsam aggrediamur.

II. *Primo*. Constat hujusmodi appellationes tanquam ab abusu novas esse recentisque, & ultimis sæculis natas, quando videlicet & disciplinæ Ecclesiasticæ fastidium, & libido opinandi nova, gliscénque adulatio, ac etiam aliquorum Pontificum prædura imperia medicinas quærere coegerunt morbis peiores. Feuretus putat anno 1404. primûm emerxisse. Auctor (a) libertatum Ecclesiæ Gallicanæ ad Annum 1489. refert. Acta Cleri Gallicani non

(a) Carolus Feuretus l. 1. c. 2. Auctor libert. Gallic. Tom. 1. pag. 96. Acta Cleri Gallic. Tom. 1. Tit. 2. c. 19. Stephan. Pasquier. l. 3. c. 38. V. Traët. de libert. Eccles. Gallic. lib. 12.

ante annum 1533. cœpisse. Eadem serè sententia Petri de Marca, aliorumque Galliæ scriptorum, ex quibus jam facilè intelligas huiusmodi provocationes vel ex hoc capite improbandas esse, quòd novæ sint; semper enim novitas in ijs, quæ ad fidem, ac disciplinam Ecclesiasticam pertinent, suspecta fuit, præsertim cum Canonibus, praxique Ecclesiæ adversabatur. Audi S. Vincentium Lerinensem (a) in præclaro suo Commonitorio: *Mos iste semper in Ecclesia vixit, ut quo quisque Religiosior foret, eo promptius novellis adinventio- nibus contraheret. Et alibi: Christianus ergo Catholicus providebit, ut antiqui- tati inhereat, quæ prorsus jam non potest ab ulla novitatis fraude seduci.* Et planè si totam percurras antiquitatem, nunquam reperies appella- tiones ab Ecclesiastico ad prophanum tribunal sine horrore & exe- cratione auditas esse, cujus in Donatistis egregium exemplum; cum enim isti à sententia Melchiadis, Romanæque Synodi, aut ut alij volunt, à Synodo Arelateni ad Constantinum provocàs- sent; isteste Optato Milevitano, rei indignitate commotus in hæc verba prorupit: (b) *O rabida furoris audacia! sicut in causis Gentilium fieri solet, appellationem interposuerunt.* Quibus verbis non id tantum objurgat Constantinus, quòd Donatistæ ex levibus causis appel- lās- sent (huiusmodi enim appellationes, ne quidem à Gentilibus admittebantur) sed quòd ab Ecclesiastico tribunali, & in causa Ecclesiastica ad Imperatorem provocàs- sent. Quid jam diceret Constantinus, si has ipsas provocationes, & suscipi in Gallia, & defendi ut legitimas videret? Memoratu quoque digna est illa Theodorici, quamvis Ariani, sententia, qui cum à Patribus, quid in causa Symmachi Pontificis agi veller, consultus esset? Respon- dit modestiâ Rege dignâ: (c) *In synodali esse arbitrio in tanto negotio sequenda præscribere, nec aliquid ad se præter reverentiam de Ecclesiasticis negotijs pertinere.*

III. *Secundò.* Sed & ipsum nomen appellationis injustitiam istarum provocationum ostendit: Appellatio enim est à minori Ju- dice ad majorem facta provocatio: atqui potestas secularis etiam Regia multò est minor omni potestate Ecclesiasticâ; quâ ergo ratione à majori potestate ad minorem appellatur? Demus injustas esse Episcoporum & Pontificum sententias; num ideo, quia injustæ sunt,

(a) Vincent. Lerin. lib. 1. Commonit. c. 3. & 9. (b) Optatus lib. 1. contra Parm. (c) V. acta Synod. Palmar. Anno 502. & ibi Baron. ad cund. Annum 512.

sunt, debent majori injustitiâ propulsari? quæ verò major injustitia, quàm privatam injuriam publico Ecclesiæ dedecore ac damno vindicare, eamque non alieno tantùm tribunali, sed etiam minori subijcere? si ergo Reges suâ potestate abuti contingat; an idèò privatis Civibus à Regia sententia obtentu abusûs ad Parlamentum appellare licebit? & si quis id audeat, non in illum tantum læsæ Majestatis reum vindicabunt? si ergo nullo abusûs prætextu appellari à Rege ad Parlamentum non licet, quantò minus licebit à Pontifice ad Regem, aut Parlamentum?

Tertiò. Nihil verò istarum Appellationum indignitatem æquè prodit, ut illi gradus, quibus ad summum licentiæ & inverecundiæ pervenerunt. Primò enim exortu modeste, timidèque ac intra necessitatem procedebant, quæ causa fuit, ut Ecclesiæ irreperent conniventibus, nec in vitis Episcopis, aut in observatæ videlicet, aut contemptæ, & præsertim quòd soli Pontifici objectarentur, ejus potestatem arctari, non ingratum Episcopis amore libertatis. Initio igitur eò solum pertinebant hujusmodi appellationes, ut executio suspenderetur, nec ultra temporalia aut beneficia proferebantur. Deinde coacti Episcopi, ut Decreta, quæ accusabantur, revocarent. Postèa ab ipso met senatu irrita & nulla declarata; tandem in omni causa spiritali, Matrimoniali, ac Sacramentali appellari cæptum est; ut enim nulla causa, in qua aut committi abusus, aut fingi, & prætexi non possit, ita etiam nulla hujusmodi appellationibus non obnoxia, si enim loquitur Jacobus Duhamel in sua Politica Regia, quam exhibet Compiler Liberratum Gallicarum Tomo 1. fol. 590. *si contra has regulas, inquit, edita, Constitutiones, & placita Curiarum supremarum, si contra libertates & Immunitates Regni, si contra Jurisdictiones Regias, aliquid à Judicibus Ecclesiasticis fieri, vel attentari contigerit; remedium est Appellatio, quasi ab abusu: idque intelligo non solum de causis Criminalibus Regijs & privilegiatis, sed etiam de rebus Civilibus secularibus, & profanis, imò etiam spiritalibus & sacramentalibus: est enim Appellatio quasi ab abusu, via ad tribuendum Curijs Parliamentorum rerum spiritalium cognitionem, qua aliàs ipsis non competeret.* Nulla ergo est causa tam sancta, quæ jurisdictionem Parlamenti, istarumque Appellationum laqueos effugere possit. Rursus appellari etiam solet, quando abusus non est notorius, unde facile fuerit abusum

figere, & causari, quando & ubi nullus abusus est, sicque omnes sententias Ecclesiasticas ludificari abusuum prætextu. Accedit quòd hujusmodi Appellatio nullo tempore finiat, ac etiam post centum annos proponi possit, etiam post tertiam conformemque sententiam, etiam non servato Tribunalium ordine; & Judex Ecclesiasticus interpositâ eâ Appellatione ad Magistratus sæculares, superfedere interim executione debet: ut tandem, qui hujusmodi Appellationibus repugnaverit, litemque indixerit, reus habeatur contemptæ Majestatis, quæ omnia constant ex Feureto l. 1. quem de hoc argumento conscripsit. Vides ergo Appellationum tanquam ab abusu, conservandorumque canonum prætextu omnium maximum abusum induci, & canonicam disciplinam maximè ac in suis fundamentis everti; quis enim abusus major, quàm qui sacram, prophanamque potestatem confundit; imò sacræ potestati omnem nervum incidit, eamque penitus inutilem reddit appellationum objectu? aut quid sacris Canonibus magis adversum, quàm quod Immunitatem Ecclesiasticam tot Canonibus, tot Martyrum pugnis sancitam penitus evertit?

IV. *Quarior* Et ideò Clerus Gallicanus de hisce Appellationibus tanquam ab abusu, frequenter & gravissimè conquestus est, quippe cùm totam Ecclesiæ libertatem aboleri jis videret. Extant inter acta Cleri Gallicani Tom. 5. Orationes, & alia innumera ferè documenta, ex quibus apparet Antistites Galliæ omnibus viribus connivisse, ut hujusmodi Appellationes sacræ libertati fatales submoverentur; sed cùm sultinere torrentem non possent, illud saltem conatos, ut earum abusus quibusdam limitibus acterminis cohiberent, sed vix aliquo operæ pretio, aulâ & adulatione prævalente. Videri etiam potest Tom: 1. eorundem Cleri Gallicani Actorum, ubi in Tractatu de libertate Ecclesiastica cap. 9. hæc leguntur, quæ Cleri Gallicani sensa plus satis explicant. Omnium malorum vulnerumque, quibus Ecclesiastica potestas & disciplina aliquando afflicta est; illud maximum, quod ab Appellationibus tanquam ab abusu recepit. Artificium à Regijs Officialibus excogitatum, ut omnes causas Ecclesiasticas, quarum nulla eis cognitio aut judicium competit, suis Tribunalibus addicerent. Cum enim nihil in mundo sit, cui non abusus aliquis oblectari possit, ita nulla jam erit Persona Ecclesiastica cujusunque ea gradûs aut digni-

dignitatis sit, qua colore, obtentūque exercitiabus non ad pedes fysi possit praphani tribunalis, prostratā interim captivāque eā libertate, qua & Gallus ornamēto, & tot terrarum Orbi olim exemplo fuit. id est, quod ultimo hoc saeculo Ecclesia Gallicana auctoritatem juxta & venerationem subtrahit, ac sœram morum disciplinam planè subvertit; atque utinam post hanc Ecclesia desolationem, quam oculis usurpamus; non etiā Imperij ruina subsequatur. Quid possit contra hujusmodi Appellationes gravius dici à Clero Gallicano? Nec minùs patheticè nomine ejusdem Cleri Episcopus Ambianensis: (a) *Sed Appellationes, inquit, ab abusu multò plus confusionis damniq̃ Ecclesijs attulere. Hæ sunt nova fabula naniq̃, prioribus retrò saeculis in Gallijs nunquam audita, & quarum veneno alia Christiani Orbis Nationes hætenus infecta sunt.* Hæc sunt de Appellationibus tanquam ab abusu Cleri Gallicani sensa, à quibus quantum Maimburgi de ijsdem Appellationibus sententia abhorreat, nemo non intelligit; ut mirum videri debeat, hominem, qui singulis ferè paginis auctoritatem jactat Cleri Gallicani, eamque cœlis exæquat; quoties videlicet inumbrandæ Pontificum Majestati servire Maimburgo videtur: nunc verò ubi de viribus & libertate Ecclesiarum agitur, palàm à Clero Gallicano deficere, & quod rem ipsam spectat, totam de causis spiritualibus judicandi potestatem Parliamentis adscribere: aded videlicet se Aulæ devinxit, ut hanc unam respiceret, nullo æqui aut iniqui discrimine, & solâ Principem demerendi cupidine.

V. *Quid.* Sed & nihil magis, ut istæ Appellationes, rectæ Rationi adversum. Quidquid enim tot Canonum & Conciliorum apparatu, ac etiā Principum edictis circa Immunitatem Ecclesiasticam, ac etiā tot Episcoporum ac Martyrum pugnis sancitum est, totum illud evertitur istarum Appellationum ludibrio. Quidquid enim aut Pontifices, aut Episcopi decernent, quod Principi non placeat, *abusus potestatis* vocabitur; nec deerunt venales animi, calamiq̃, quibus Palatia semper abundarunt; qui inducis coloribus in abusum transformant, quidquid aulæ displicuit. Quid ergo tam rectum fuerit, quod vocari abusus non possit? & consequenter quæ causa tam sancta & Ecclesiastica,

(a) Episcop. Ambian. in Orat. nomine Cleri Gallican. Anno 1666. Tom. 5. Actor. Cler. Gallic.

stica, quæ prophanis judicijs non subdatur? quò ergo tot Concilia; tot Canones, tot Principum edicta, Patrùmque labores, ne sæculares de causis Ecclesiasticis judicent prohibentium? quoties enim aut sacerdoti obtemperare noluerò, aut libido vel quæstus fuerit res sacras contrectandi, abusum vocabo: frustra ergo canones, frustra reliquæ Tabernaculi fores clausæ, hæc unâ patente; quid enim interest, quâ januâ irrumpas? Ex quo aliud incommodum sequitur, & præcipui quidem momenti, videlicet, inutilem fore omnem potestatis Ecclesiasticæ monendi vim, puniendique, ac Principes sæculares dirigendi. Nemo planè Pontificis & Ecclesiasticorum directione magis, quàm Principes, indiget; in summo quippe fastigio constitutis, cùm nec potestas desit, nec cupiditas pro arbitrio imperandi; & nemo sit, qui cupiditates Principum aut metu, aut imperio moretur: imò perpetuæ sint voces, omnia in Principe comprobantium; quis rogo aut errantes, aut præcipitio imminentes moneat teneatque, aut objectis sacrarum legum & canonum repagulis, periculo arceat, si Pontifici communi omnium Patri, & Majestate ac Religione etiam Regibus verendâ id non permittas? At verò quid Pontifices & Episcopi ampliùs possint, si ab eorum legibus, Decretisq; appellare liceat, sicque inutilia ea reddere abusuum obtentu? an verò Principibus colores deerunt, omnia in abusum fingendi? aut erit aliquid tam sanctum, tam justum, quod appellari abusus non possit, si Principi non placeat? Prohibent canones, & ad istorum normam prohibent Pontifices turbare liberas electiones, proventus Ecclesiasticos invadere, Episcoporum causas prophanis Tribunalibus subdere, Beneficia in unam, eandemque Personam confertim deponere, & alia mille Canonibus adversa: obtemperare Principes renuunt, & tam justa imperia abusum vocant potestatis. Quid ergo proderit in Pontifice, alijsque Episcopis potestas imperandi, si nulla in subditis necessitas obsequendi? Deinde quàm illud absurdum, quòd velint Parlamentum, Senatores, Regem aliàsque potestates sæculares de Pontifice & Episcopis judicare, an, cùm imperant, cùm prohibent, puniuntque, suâ potestate contra Canones abutantur? quomodo enim de canonum, rerumque Ecclesiasticarum abusu judicabunt, Canonum ipsi rerumque Ecclesiasticarum aut rudes, aut negligentes?

gentes? & qui negant Pontifici de rebus Politicis iudicandi potestatem, sibi potestatem usurpabunt de rebus Ecclesiasticis decernendi? quod ergo eorum sententiâ Pontifici in Reges non licet, Regibus in Pontifices licebit? aut fortè de rebus ad aras Deumque spectantibus, deque sacrorum Canonum intellectu, eorumque abusu melius Reges, Regiisque Parisijs Ministri, quàm Pontifices ipsi & Episcopi iudicabunt? id perinde fuerit, ac si iudicium de rebus militaribus nautæ, aut de rebus nauticis Cantori permittas, & sententiam ab Astrologo expectes, quando & ubi in pingenda imagine suis pictor coloribus ac penicillo abusus sit; quod si artificii in sua arte credendum est, quidni rebus Ecclesiam arâsque spectantibus Pontifici potiùs & Episcopis credas, quàm Regi, Parlamento, Aulæque Ministris? Idque tantò æquius est, quod Rex quoque alique Principes sæculares in rebus merè temporalibus nunquam permissuri sunt, ut ab eorum sententijs, ad Episcoporum Tribunalia provocetur obtentu abusus; idque si quis attentet, velut offensæ Majestatis reus gravissimas pœnas daturus est: & tamen quis neget abuti illos posse Regiâ potestate? Si ergo quia Reges, quia Parlamenta errare possunt, suâque potestate abuti, non idèò tamen ab eorum sententijs ad Episcopos licet appellare, quanto minùs licebit à Pontifice ad Reges?

VI. Unde facilè respondeas ad ea, quæ objectari solent, quæque ad hoc unum reducuntur, videlicet, Reges Canonum Custodes esse, legumque præsertim naturalium defensores, si ergo aliquid Pontifices contra Canones (a) moliantur, aut privatis, Regiisque juribus officiant; poterunt Reges eorum conatus coercere, & Decreta compescere; quo verò titulo & colore honestiore, quàm si objiciant abusos esse potestate? & in hunc finem accumulantur canones, quibus rerum Ecclesiasticarum custodia Principibus deferretur.

Resp. Multis modis refelli potest hæc objectio. Nam *Primò*, si à Pontificum, Episcoporumque Decretis Ecclesiasticis appellari potest ad Magistratum sæcularem prætextu abusus & jure naturalis defensionis; sequetur pari imò eâdem ratione, à Ma-

K

gistratu

(a) Can. filijs 16. q. 7. can. boni Principis d. 96. can. Tributum 13. q. 8. can. Principes 23. q. 5. can. Maximianus 23. q. 3. & q. 5. & can. Regum. can. Imperatoribus. can. qui potest.

gistratu sæculari ad Ecclesiasticum provocari posse, & hæc provocatione suspendi Decreta & sententias sæcularium Magistratum, quippe qui potestate suâ abuti possunt, imò sæpè abutuntur; neminus jus naturalis Defensionis Pontifici, quàm Regi tribuendum est; imò illi multò magis, quantò videlicet Ecclesiastica dignitas multò sæculari major; & innocentium cura, legumque naturalium custodia multò magis Pontifici, quàm Regibus commendata; omnes ergo causæ abusu prætextu ad forum Ecclesiasticum trahi poterunt; quòd si hoc non permittunt Principes, nec æquum arbitrantur, quæ æquitas fuerit, ut quam ipsi ferre renuunt, servitutem, Ecclesijs imponant? *Secundo*. Si Reges, aliique Principes sæculares Canonum custodes sunt, oportet ergo ut Canones non destruant, sed tueantur, conserventque; neque enim custodem arborum, vinearumque appellaveris, qui eas fuerit deprædatus, omnesque earum fructus pro arbitrio suis usibus addixerit, ita Canonum custos non qui evertit, sed qui observat. At verò quid magis & sæpius Canones inculcant, quàm Personarum & causarum Ecclesiasticarum exemptionem, & ne causæ cœlestes prophanis Tribunalibus sistantur? qui ergo istos Canones violat, tam sæpè tam enixè Ecclesiæ commendatos, & non atramento tantum, sed etiam sanguine & vulneribus scriptos; istos, inquam, Canonum custodes, an hostes dixeris? *Tertiò*. Dubium non est, posse non Principes solum, Regesque, sed quemlibet etiam privatæ conditionis hominem impedire, ne Pontifices manifestam alteri injuriam inferant, cumque aut vitâ, aut bonis, aut ijs, quæ utròque chariora sunt, privent; si enim Pontificum aliquis capite aut exilio puniri vellet innocentem; quis neget posse me aut carceribus apertis, aut monstratâ fuga, aut alio quovis modo periclitanti & afflictæ innocentiae remedium quærere? siquidem Pontificum potestas ad ædificandum, non destruendum data; si ergo contingat veritatem & justitiam eos destruere, non tam Pontifici, quàm Vastatori obstitas, ac ultra potestatem suam grassanti; cœterum hæc locum habent, cum abusus, & injustitia manifesta, & notoria sunt, ac omnium oculis exposita, non verò cum Parlamentis solum, Regiisque Ministris, & Principum Adulatoribus talia apparent, aut ijs, qui Pontificum Decretis aut sententijs cohibentur, ne cupitis fruantur;

tur; quid enim erit tam rectum, & justum, quod istorum iudicio non iniquum, injustumque credatur? si Rei ædamnati iudicia & querelas attendas, nulla unquam fuit iusta sententia, nec placuit perituris. At, inquires, *judicabit Parlamentum, æqua an iniqua fuerit à Pontifice Appellatio*; sed hoc ipsum querimur, & negamus fieri posse; neque enim pronuntiari potest iusta Appellatio, nisi sententiam injustam dicas: at quæ Parlamento in sententias Pontificum potestas & jurisdictio? aut qui Canones, & quæ ratio permittat, ut plus deferas Parlamento absolventi, quàm Pontifici damnantis? num verò Parlamentum permetteret, in sententijs à se datis, causisque temporalibus ad Pontificem appellari, & hunc de iustitia Appellationis cognoscere? cur ergo in causis spiritualibus sibi tribuant, usurpantque, quod in merè temporalibus, quæ multò minoris momenti sunt, Pontifici non permittunt? Quacunque ergo ex parte hujusmodi Appellationes inspicias, injustæ sunt, & Gallorum pietate prorsus indignæ.



§. III.

Respondetur ad auctoritatem Concilij Pisani.

SUMMARIA.

1. *Auctoritas Concilij Pisani à Maimburgo adducta.*
2. *Hujus Concilij auctoritatem multis ex capitibus dubiam esse & incertam, evidentibus argumentis ostenditur, & auctoritate ipsius Concilij Constantiensis, ac etiam Maimburgi testimonio.*
3. *Nec tamen aliquid in Concilio Pisano aut decusum, aut factum, quod Pontificum in Concilia auctoritati derogare possit; & questionem in Concilio agitatam toto Cælo ab ea distinctam esse, quæ modo inter nos vertitur.*
4. *Mala fides Maimburgi sententiam Parisiensis Universitatis pervertentis.*

I.



Bjicitur 10. (a) In Concilio Pisano, quod Anno MCCCCIX. congregatum & peractum est, multis cum scriptis tum exemplis ostensum est, Pontifices Concilio subdi, & ab isto judicari, puniri, damnarique posse. Nam primò cum quidam in sacro illo Senatu sustinuissent, nullam Concilij esse in Pontifices Romanos potestatem; Patres eam protestationem derisui habuere, utpote nullo Antiquitatis exemplo sultam. Deinde quidam Petrus Plauſt doctrinà celebris, & unus ex Universitatis Parisiensis deputatis, quæ tunc temporis ad supremum gloriæ pervenerat, egregiè multisque rationibus ostendit, multum Ecclesiam supra Pontifices esse, & consequenter etiam Concilium, quo Ecclesia representatur, addiditque hanc esse Parisiensis, omniumque Galliæ Universitatum sententiam. Ut primùm peroravit, exscenditque cathedrâ, securus est Novariensis Episcopus, seque ex suggestu ostentans, & voce, quâ omnibus intelligi possêt, protestatus est, centum & tres Doctores ac Theologiæ Licentiatos, qui ex varijs Universitatibus confluerant, jussûque Cardinalium hanc causam diligenter examinaverant, cum Parisiensi schola in eandem sententiam convenire; imò & Bononiensem ac Florentinam famâ doctrinæque celebres; & Florentinam quidem scripto libello, quem viginti Doctores subsignaverant, mentem suam expressisse. Tandem re in Concilio maturè, lentèque discussâ, Benedictum XIII. & Gregorium XII. quamquam eorum alter verus Pontifex esset, Papali dignitate abdicârunt, initisque suffragijs novum Ecclesiæ Pontificem dedere, Alexandrum videlicet V. quem pro vero Legitimòque Pontifice, & tora ferè Ecclesia, si paucos excipias Benedicto, Gregoriòque addictos, agnovit; & ipse Alexander, quamvis notæ sanctitatis, mortique vicinus, ubi finiri ambitio solet, se verum Pontificem pro-

(a) Maimb. Traité d'Hist. ch. 21. f. 184. & du Grand Schism. d'Occident lib. 4. à fol. 63.

professus est. Patet ergo Auctoritatem Concilij supra Pontificem in Concilio Pisano multis modis ostensam esse. Et verò fuisse hoc Concilium Oecumenicum, & unum ex majoribus conventibus, qui unquam in Ecclesia peracti sint, pater ex numero & dignitate Prælatorum, qui illi adfuerunt: quippe, Cardinales quinque supra viginti, Patriarchæ quatuor, Episcopi 182. Abbates 290. inter quos Capita & Generales omnium Ordinum, Magni Ordinum S. Sepulchri, Theutonici, Rhodiorumque Magistri, Universitatum Parisiensis, Tholosanæ, Aurelianensis, Andegavensis, Cracoviensis, Viennensis, Pragensis, Colonienſis, Oxfordienſis, Cantabrigienſis, Bononienſis, Florentinæ aliarumque Deputati: Legati quoque Metropolitanarum & Cathedralium Ecclesiarum supra centum: Theologiæ, sacrorumque Canonum supra trecentos Doctores. Oratores denique Galliæ, Poloniæ, Bohemiæ, Cypri, Siciliaeque Regum: Ducum quoque Bavariae, Burgundiae, Lotharingiae, Brabantij, Brandenburgi, omniumque ferè Germaniæ Principum; præter alios Hispaniæ, Arragoniæ, Hungariæ, Sueciæ, Norwegiæ, Daniæque Reges, qui tandem Concilio Pisano adhæsere. Ergo quo primùm tempore conferri inter se Conciliorum potestas & Pontificum cæpit, tot Regnorum, Provinciarum, Universitatum, Ordinum, Doctorum, Episcoporum, hoc est, totius ferè Christiani Orbis vox una & sententia fuit, Pontifices Concilio subesse, ab eoque judicari, puniri, deponique posse. Hactenus ferè verba Maimburgi ex Gallico translata.

II. *Resp.* Hæc Maimburgi narratio partim & argumentatio, eodem filo, quo reliquæ hujus Auctoris, contexta est: videlicet ex principiis aut dubijs, aut falsis, semper tamen specie veri coloratis, ut eodem tempore placeant, fallantque incautos? Nam *Primo* certum quidem est in Concilio Pisano fuisse Gregorium XII. & Benedictum XIII. Pontificatu ejectos, electumque Alexandrum, sed non æquè certum jure id factum, & ex legitima potestate; nec propterea novi Pontificis electione cessavit dubitatio, quis pro vero Pontifice habendus esset: nec sublatum Schisma, imò quod plerique eorum temporum Auctores norant, auctum potiùs, diffusumque novi Pontificis accessione, adeò, ut cùm priùs Ecclesia in duas, postea in tres factiones scinderetur, augente incertitudinem

Pontificum numero, eâ ferè ratione, quâ in Labyrintho, non ideò certiùseas, quia pluribus vijs: & qui Gregorio ac Benedicto adhærebant, nec pro hæreticis aut Schismaticis habiti sunt, quodd videlicet multis nec inanibus rationibus niterentur, ut Concilio Pisano non subscriberent, nec satis de vero Pastore constaret; imò etiam sanctos reperiās, qui Concilio Pisano obluſtati sunt, inter quos S. Antoninus: (a) *Pisanum Concilium, inquit, vel Conciliabulum, cum non esset alicuius eorum, qui se pro Pontifice gerebant, auctoritate congregatum, non erat ablatum ipsum Schisma, sed augmentatum ex duobus, tribusve se pro Papa gerentibus.* Et alibi testatur: *Gregorium à multis DELM timentibus & peritis creditum fuisse verum Pontificem tempore ejusdem Concilij.* Si ergo à Pisano conventu electo Alexandro, depositisque Benedicto & Gregorio, multi nihilominus sanctitate & doctrinâ conspicui, nec Alexandrum agnovère, nec à Gregorio separati, nec tamen pro Schismaticis, sed pro veris pijsque catholicis habiti sunt, sequitur omnino, Concilium Pisanum non fuisse pro certo & Oecumenico, nec novam electionem Alexandri, & Gregorij abdicationem pro legitima habitam; alioquin Schismatici impijque, qui aut legitimo Concilio, aut vero Pontifici obfisterent, & abdicato, falsòque adhærent. Planè post Concilium Pisanum, Neapolitanum & Siciliæ Regna, Romandiola, Ducèsque Bavariz, ac plurimi Germaniæ Episcopi Gregorio adhæsere, nèque is alligari se voto credebatur, quod de Pontificatu abdicando emiserat; quippe cum id votum conditionatum esset, si videlicet Petrus de Luna id ipsum præstaret; hoc quippe dignitatem retinente, nec pax Ecclesiæ obtineri poterat, nec Schisma extingui, cum Regna, Provinciæ que non pauca Benedicto parerent, Arragonia videlicet, Navarra, Castellæ, Scoria, Baleares, Corsica, Sardinia, aliæque, & Eugenius IV. in apologia (b) fatetur Obedientias Gregorij & Benedicti fuisse non modicam Christianitatis partem. Idque apertè Petrus de Alliaco Episcopus Cameracensis professus est, qui sedente Constantiensi Concilio librum scripsit de Ecclesiæ & Cardinalium potestate; is enim primam conclusionem his verbis expressit:

(a) *Lites*

(a) S. Antonin. 3. p. Tit. 22. c. 5. §. 2. & c. 6. §. 2. (b) V. epist. Archiepisc. Narb. in M. S. Regesto Concil. Schelſſtatte in Actis Concil. Const. fol. 51. Eugen. IV. in Apolog. contra Basilenses. Turrecr. lib. de Eccles.

(a) Licet Concilium Pisenum fuerit legitime ac canonicè celebratum, & duobus olim contententes de Papatu iuste & canonicè condemnati, & electio Alexandri V. fuerit rite ac canonicè facta, prout hæc omnia tenet Obedientia Domini nostri Papae Johannis XXIII. tamen due Obedientia duorum contententium probabiliter tenent contrarium, in qua opinionum diversa & adversa veritate non sunt minores difficultates Juris & facti, quam ante Concilium Pisenum erat de Justitia duorum contententium. Hæc Alliaci confessio doctrinâ clarissimi, quique eodem tempore scribebat, rerum, quæ in Concilio fiebant scientissimus, tantò pluris esse debet, quòd ipse à Joanne XXIII. purpuram accepisset, ejusque partes teneret; sicque non tam odio aut partium studiis, quàm rei veritate ad hæc scribenda permotus credi debeat. Et re ipsâ Concilium Constantiense hanc Alliaci sententiam amplexum est, approbavitque. Cùm enim Anno 1415. die 4. Januarij Joannes Dominicus Cardinalis & Nuntius Gregorij XII. in Concilio comparuisset, cæptum est à Patribus discipulari, an cum purpura & insignibus Cardinalis admittendus esset? multis abluentibus, censebant alij admitti eum debere, inter quos Alliacensis Cardinalis præcipuus, cujus etiam sententia prævaluit, & Gregorij Legatus galero purpureo insignis magnòque apparatu in Constantiam investus est. Acta Concilij ex duobus MM. SS. Codicibus Bibliothecæ (b) Victorinæ, Maimburgo sæpe & vehementer laudatis. Alij asseruerunt, Licentiam fratri Joanni Dominici concedendam cum capello rubeo ingrediendi: & hujus sententia fuit R. D. Petrus Cardinalis Cameracensis, & quidam alij, die namque 22. Januarij, D. Frater Joannes Dominici Tituli S. Marci Presbyter Cardinalis Ragusinus, ut Cardinalis & cum Capello rubeo medius inter Dominos Ducem Bavarie & Ducem Briegæ sequentibus Dominis VVormatiensi, spirensi, & VVerdensi Episcopis in Obedientia dicti Gregorij persistentibus, qui omnes predictis Legatis Gregorij extra Constantiam obviavere, & Civitatem Constantiam sunt ingressi &c. Nora Episcopum Ragusinum à Concilio Pisano, & ab Alexandro V. & Joanne XXIII. nunquam pro Cardinali agnitum esse, sed Patres Constantienses rationibus Petri Alliacensis permoti eum pro tali recepere, sicque ipso facto professi sunt, jura Gregorij non adeò projecta esse & conclamata, ut sustineri

(a) Petrus Alliac. in Conclusionib. à Philippo Lahbæo editis, & in Appendicem Concil. Constant. rejectis. (b) Regest. Concil. Constant. ex duobus MM. SS. Bibliothecæ S. Victorinæ.

stineri pro vero Pontifice non posset; si enim certum erat Gregorium Pontificem non esse: ergo æquè certum, non esse veros Cardinales, quos ipse purpurâ induisset, cur ergo protalibus habitis, admisisque? Idem Episcopus Ragusinus, cum Gregorij XII. insignia Pontificia ædibus suis appendisset, & propterea ingens inter Patres certamen accensum esset, eorum præsertim, qui Joannis partes sequebantur; die 20. Novembris collectis in Concilio Patribus certatum diu est, pugnantibus Antistitum votis, tandem prævaluit sententia negantium tolerari insignia Pontificia deberi, nisi ipse Gregorius coram præsensque adesset; in hoc ergo omnium vota convenere, ipsi Gregorio permitti posse, si adesset, ut insignibus uteretur Pontificiæ dignitatis: non ergo certum erat Pontificem non esse; quomodo enim in tam sacro senatu permetterent Gregorium Mimum agere, & in ludibrium supremæ potestatis, ipsoque Joanne Pontifice coram tiaram ostentare alteri raptam? Audi ipsius Concilij tabulas: (b) *Alij verò assererant supradicta arma in locis pradiis in Obedientia Domini Nostri Joannis XXIII. constitutis affigi non potuisse, & per consequens, ex quo deleta fuerant, reponi non debere, & hujus sententia fuit D. Patriarcha Gradenfis, & alij, qui plures, quàm alteri sententia adhaferunt dicentes, nisi Angelus Carrario personaliter veniret, ipsius arma ibidem non debere depingi. Sed nihil æquè ostendit, Patres Concilij Constantiensis Decreta Pisani Concilij, & Gregorij abdicationem, ac electionem Alexandri, & Joannis, pro dubijs, incertisque habuisse, quàm quæ sessione 14. peracta sunt, in qua cum Gregorius non prius Papatu cedere vellet, quàm ut Joannis XXIII. tanquam Pontificis mentio nulla fieret, ut Sigismundus Imperator auctoritate & delegatione Gregorij Concilio præsideret, ut ipsum Concilium tanquam prius non ritè congregatum, iterum suâ auctoritate convocaretur, & confirmaretur, quòd etiam à Cardinali Ragusino nomine Gregorij factum est, & sic tandem ipse Gregorius Pontificatu cessit. Tantum verò abest, Gregorium à Concilio pro pseudo-Pontifice habitum esse, aut pro Schismaticis, qui eum venerabantur; ut semper, quoties Gregorij*

(a) Regest. Actorum Constant. ex 2. MM SS. eodd. Biblioth. S. Victoris apud doctiss. Schellstratt. in Tract. de sensu & auctoritate Decretor. Concilij Constant. fol. 153.

gorij mentio incidebat, tanquam de dubio Pontifice loqueretur, & hanc formulam adhiberet, cautam quidem, sed tamen venerationi mixtam, videlicet: *Ille Dominus, qui in sua Obedientia dicitur Gregorius XII.* Et cum Resignationem, & alia Gregorij postulata admisit, his verbis usum est: (a) *Dilectam Convocationem, Auctorizationem, & Confirmationem, in quantum ad Gregorium pertinet, & attinet, eis admiserunt.* Quibus verbis omnino Patres significant Gregorium pro dubio saltem Pontifice sustineri potuisse; alioquin si illum pro certo & notorio Pseudopontifice, & temerario Invasore sacrae Sedis haberent, quâ ratione, imò quâ conscientia permitterent, ut Concilium indiceret, confirmaret, novum Praesidem deligeret, & denique abdicaret se potestate, quam non habebat? Planè fuisset hæc indulgentia & simulatio, tam sacro, amploque senatu plusquam indigna. Maimburgus quidem in libro (b) de Magno Schismate Occidentis hæc omnia pro lusu & scena habet, Patribus id Gregorio indulgentibus: *Ut Synagoga suam cum apparatu pompæque funeraret, inani quidem solatio, sed tamen innoxio.* Cæterum alias oportet esse Maimburgi curas, & cogitationes hominis privati imbutique politicorum principijs, ac utilia tantum, non honesta, aut decora spectantis: alias Concilij Oecumenici tot Purpuratorum, Antistitum, Principumque affluxu insignis, & nihil indignum quovis obtentu admissuri. Ac deinde prudentum judicio reliquerim, majorem Maimburgo fidem habere velint, post duos sæcula & ex suo scribenti, quam Petro Alliacensi Cardinali & Archiepiscopo Cameracensi, quique Concilio aderat, & omnia coram spectabat, Joanni XXIII. à quo Purpuram induerat, alioquin additissimus; is verò in Conclusionibus Anno 1415. post primam Sessionem mense Februario Patribus Concilij oblatis, honores Gregorio oblatos non vanæ ostentationi, inanisque fabulæ tribuit, sed quòd *due Obedientia Gregorij & Benedicti istos probabiliter pro Pontificibus tenerent, in qua opinionum diversa & adversa veritate non essent minores difficultates Juris & facti, quam ante Concilium Pisenum erant.* (c) Honores ergo à Patribus Gregorio exhibiti non vanæ fabulæ dati,

L

ut

(a) Session. 14. (b) Maimb. histor. du grand. Schif. d' Occid. l. 5. f. 309.
(c) Ex Gestis Constant. Concil. in 4. MM. SS. & Append. ejusdem Synodi Edit. Paris. apud Labb. Tom. XI. Concil.

ut Maimburgo visum, sed Gregorij rationibus suum Pontificatum multis facti & Juris fundamentis, ac assecularum auctoritate fulcientis. Nec dubium est, eadem ratione, iisdem honoribus Benedictum XIII. à Concilio afficiendum fuisse, si modò æquè animum paci adiecisset; nam & ejus Pontificatum probabilem reddebant, cum tot Regnorum, Principumque auctoritas, qui ejus partes sequebantur: tum etiam quamplures juris factique rationes, quas ipse septem horarum spatio, quibus peroravit in Conventu Perpiniani habito, tantâ eloquentiâ persecutus est, ut attonitos, defixosque redderet Auditores: nec minimum pondus ejus causæ addebat duorum fratrum sanctitas, Vincentij videlicet, & Bonifacij Ferrerij, Benedicto etiam post Pisanum Concilium addicti. Et denique Johannes Gerson, (a) cujus auctoritatem tantopere & ubique contra Pontifices Maimburgus deprædicat, in tractatu de modo se habendi tempore Schismatis hæc habet: *In Schismate presentis tam dubio, temerarium, injuriosum & scandalosum est asserere, omnes tenentes istam partem vel alteram esse extra statum salutis, vel excommunicatos, vel rationabiliter de schismate suspectos.* Et infra: *Tota ratio fundatur in hoc, quòd nunquam fuit tam rationalis & vehemens causa dubitationis in aliquo Schismate, sicut in isto, cujus signum evidens est varietas opinionum Doctorum, & inter doctissimos & probatissimos ex utraque parte &c. Potest ergo illud dici rationabiliter dubitabile, quod plurimi & maximè sapientes dubitabile reputant & prædicant &c.* Quæ doctrina & ratiocinatio Gersonis etiam post Concilium Pisanum locum habuit; nam etiam post illud fuit varietas opinionum Doctorum inter doctissimos & probatissimos, ut enim de solo Benedicto XIII. loquar, cujus Obedientia multò alijs inferior minorque, etiam post Pisanum Concilium, à quo depositus est, ei Regna Scotiæ, Navarræ, Castellæ, Arragoniæ, Sardiniaque adhæserunt, inter quos S. Vincentius Ferrerius, qui novem post Pisanum Concilium annis constanter Benedicto adhæsit, nullo Sanctitatis suæ damno, quod etiam fatetur Maimburgus. (b) Non ergo constabat Concilium Pisanum Oecumenicum esse, & Alexandrum in Concilio electum, ejusque successores veros Pontifices; alioquin non sanctus, sed Ethnicus & Publicanus, qui noller Eccle-

siam

(a) Joann. Gerson. 2. part. operum. (b) Maimb. du Grand. Schism. d'Occident lib. 5. fol. 453.

fiam audire, veròque ac legitimo Pontifici parere. Utque irrefragabili testimonio omnia concludam, id ipsum tres nationes, Gallica, Hispanica & Italica cum Collegio Cardinalium professæ sunt, hoc est, major saniorque Concilij pars, quando in protestatione contra Germanicam Nationem edita, & in qua petebatur, ut omisso interim Reformationis articulo ad electionem procederetur indubitati Pontificis, ita loquuntur: (a) *Ecclesia in periculo remaneret, quia vix aut nunquam Summus Pontifex indubitatus posset haberi, quia vix congregaretur indubitatum Concilium deficiente Capite, ad quod pertinet convocare.* En! fatentur Patres Constantienses, nec Pisanum, nec aliud Concilium certum esse posse sub incerto Pontifice. Hæc omnia eò pertinent, ut ostendam auctoritatem Concilij Pisani tot Principum, Regum, Antistitum, Sanctorum, ipsiusque Concilij Constantiensis opinione nullo modo certam, & indubiam fuisse, ideòque à quamplurimis mortalium sine Schismatis nota Benedictum & Gregorium pro veris Pontificibus agnitos, quod etiam Maimburgus nunquam sibi constans profiteri compulsus est, quando in libro de magno Schismate Occidentis scribit: (b) *Eorum sententiam, qui Benedictum pro vero Pontifice agnoscebant, probabilem fuisse (quamvis contraria magis probabilis esset) & ideò viros sanctitate, doctrinâ, & dignitate præcipuos petuisse illam securâ conscientia amplecti.* Si ergo teste Maimburgo hæc propositio: *Benedictus est verus Papa;* erat probabilis, ergo ejus opposita, videlicet, *Benedictus non est verus Papa,* non erat certa, quod enim est certum, excludit contrariæ sententiæ omnem probabilitatem; quemadmodum quia hæc propositio, *nix est alba,* est certa; ejus opposita videlicet, *nix non est alba,* omnino non est probabilis: sequitur ergo Benedictum & Gregorium fuisse probabiliter veros Pontifices, & consequenter auctoritatem Concilij Pisani, quod utrumque deposuerat, ex Principijs Maimburgi, nullo modo certam, sed dubiam fuisse, quod probare susceperam. Erravit ergo Maimburgus, quando indubias & evidentes veritates Lectori pollicitus, dubias, incertasque supposuit.

III. *Secundo.* Demus tamen Concilio Pisano omnem auctoritatem

L 2

tatem

(a) Protestatio trium Nationum in Concilio Constantiensi post session. 38^a ex Gestis Concilij in 4. MM. SS. eod. apud Schellstratt. fol. 6. (b) Maimb. hist. du Grand. Schism. d' Occident lib. 6. fol. 379. ad Annum 1415.

quam Maimburgus optat, etiamquam non habuit, adhuc tamen certum est, nihil pro Maimburgo, ejusque sententia facere. Duo enim quæri possunt, *Primo*, an Concilij Oecumenici auctoritas sit major auctoritate Pontificis Schismatici, Hæretici, dubiique, adeò ut talis Pontifex à Concilio judicari possit, deponique? *Secundo*, an Concilij Oecumenici auctoritas sit major auctoritate Pontificis Catholici legitimi & certi? De hoc secundo tota quæstio & controversia inter nos est, de hoc Propositiones Parisienses loquuntur, hoc Maimburgus probandum suscepit, hoc probandum ergo erat. At Concilium Pisanum nihil penitus loquitur de hoc secundo, sed de primo tantum, de quo nulla dubitatio, nulla controversia est; quæ ergo nova hæc disputandi, demonstrandique methodus, probare jam aliàs certa & concessa, non probare negata? quærimus de Pontifice certo, Maimburgus probat de Pontifice dubio: quærimus de Pontifice Catholico, probat de hæretico: perinde, ac si iter Romam quærenti, alter Constantinopolim monstraret. Nihil ergo ad rem faciunt, quæ disputat, & ut dici solet, toto ostio aberrat. Id autem quàm verum sit, hoc est, Concilium Pisanum loqui solum de Pontifice dubio, Schismatico & Hæretico, ex jam dicendis intellige, ubi etiam notabis, quàm malâ fide idem Maimburgus acta Concilij Pisani alleget, invertatque, ut videlicet quod veritate non potuit, evincat pudendis artificijs.

Certum igitur est, quo tempore Concilium Pisanum celebratum est, in eoque Gregorius & Benedictus depositi, nullum certum Pontificem extitisse, sed ob infinitas & contrarias juris & facti rationes vehementer dubitatum esse, utri Pontificum parendum esset, toto Christiano Orbe in duas factiones diviso; nam Italia cum suis Insulis, Germania, Bohemia, Hungaria, Polonia, Angliæque Gregorio parebant, Gallia verò, Hispania, Scotia cum subjectis Insulis Benedicto. Hæc verò incertitudo, uter ex duobus Pontifex esset, tanta fuit, ut Universitates Parisiensis & Bononiensis eam inextricabilem vocaverint, sic enim in Conclusionibus Concilio porrectis loquuntur: (a) *Quinta conclusio stante dubio inextricabili Papas propter*

(a) Conclusiones Universit. Paris. & Bonon. ex Gobel. Paderb. Offi. & habentur inter acta Conc. Pisan. apud Binn. T. 3. Conc. p. 2. & Lucam d' Acher, Tom. 6. spicil.

propter dubium facti & juris, ne in subversionem fidei Ecclesia sic maneat perpetuò divisa cum tanto scandalo & animarum perditione; provisio spectat ad Concilium, ut utrumque eis non cedentibus possit à Papatu ejicere. In quibus verbis duo observa: unum, fateri Parisiensem Universitatem inextricabile dubium fuisse, quis ex duobus verus esset & legitimus Pontifex, sicque casum & quæstionem, quæ tunc temporis in Universitate Conciliòque vertebatur, non eam fuisse, de qua modò disputamus, videlicet de vero & indubitato, sed de dubio Pontifice; ut proinde, quæ de uno casu decisa in Concilio & Universitate sunt, malè ad alium casum adeò diversum applicentur. Alterum verò, quod in ijs verbis observari oportet, est, utramque Universitatem, Bononiensem videlicet & Parisiensem, potestatem Concilij de Pontifice exauctorando expressè ad solum casum dubij Pontificis restringere; sic enim loquitur: *Stante dubio Papatus inextricabili, provisio spectat ad Concilium.* Si ergo nullum sit dubium, provisio non pertinebit ad Concilium; si enim absolute, ac etiam omni dubio remoto posset de Pontifice Concilium providere, cur restringeret ad solum casum Pontificis dubij? Certum igitur & indubitatum est, Concilium Pisanum agere, & decidere de alio omnino casu, quàm ille sit, de quonos disputamus; illud enim de dubio Pontifice, nos de indubitato, certòque loquimur. Imò quod majus est, Patres Concilij Pisani velut trepidarent etiam in dubios, incertòsque Pontifices sententiam dicere, illud omni studio conati sunt, ut aliam causam, magisque certam inquirerent Pontificem deponendi, hæresin videlicet, quæ unica causa est, ob quam Pontifices dignitate suâ excidunt; & idè in omnibus sessionibus, citationibus & sententijs in duos Pontifices latis, hanc causam eos deponendi obtendunt: *Quòd videlicet essent notorij Schismatici, necnon notorij hæretici, & à fide devij;* credebant enim remotà hæresi, ne quidem judicari illos à Concilio, multò minùs deponi posse. Id ita esse ex singulis sessionibus hujus Concilij pater, quas breviter percurram. Nam sess. 3. hæc habentur: *Declaratio ad Decretum latum contra duos contendentes de Papatu ob contumaciam ipsorum in causa fidei, & schismatis contumacia.* Et infra. *Sancta Synodus Dominos Petrum de Luna, & Angelum Corario de Papatu contendentes, & quantum in eis est, Ecclesiam DEI in notorio schismate tenentes, & proclamatos in causa Schismatis*

Et fidei ad hoc præsens & sacrum Concilium. Et sess. 9. Insuper sacra Synodus ex causis, quibus supra pronuntiavit, statuit, & decrevit, præfatos contententes de Papatu in præsentī causa Schismatis & fidei contumaces fore &c. Et infra. Item eadem sacrosancta Synodus in favorem fidei, & Schismatis extirpandi &c. Et sess. 13. in oratione Magistri Petri Plauti: Et postmodum posuit opinionem Universitatis Parisiensis, videlicet, quod Petrus de Luna est Schismaticus, pertinax, & hereticus, etiam accipiendū hæresim propriè & strictè, & præcisè ab Ecclesia DEI &c. Idem habetur sess. 14. & sess. 15. ubi recitatur sententia in Benedictum & Gregorium à Concilio dicta: Christi nomine invocato sancta & Universalis Synodus declarat &c. Utrūq; fuisse, & esse notorios Schismaticos, & antiqui Schismatis nutritores, nec non notorios hereticos, & à fide devios. Et in prima conclusione Parisiensis & Bononiensis Universitatum: Utrūque de Papatu contendentes ex debito Pastoralis officij veri vel prætensi stante Schismate tam inveterato teneatur & debet credere, ex quo propter dubia juris & facti super Papatu aliter dari non potest unio & pax in Ecclesia DEI &c. Et in 3. conclusione. Papa stante tali Schismate pertinaciter resistendo incurrit crimen notorium, propter quod subijcitur provisioni Concilij, & ultra hoc concluditur Schismatis nutritor & fautor, cujus obstinatione & vetustate descenditur in hæresim, & fides ladicur, cujus provisio pertinet ad Concilium. Hactenus Acta Concilij, ex quibus apertè intelligas Concilium semper loqui de dubio Pontifice, hæresisque comperto, & Schismatis tempore, & idè semper hæc à Patribus repeti; sollicitis quippe, ne de alio quàm Schismatis casu, aut alio Pontifice, quàm dubio incertoque intelligerentur. Eandemque Universitatis Parisiensis doctrinam & cautelam fuisse, suas Conclusiones ad casum Schismatis restringentis. Nec enim epistolam ignorabant Adriani II. in octava Synodo lectam approbatamque action. 7. ubi inter alia hæc habet: Romanum Pontificem de omnium Ecclesiarum Presulibus judicasse legimus, de eo verò quemquam judicasse non legimus. Licet enim Honorio ab Orientalibus anathema dictum sit, sciendum tamen est, quia fuerat super hæresi accusatus, propter quam solum licitum est minoribus Majorum suorum moribus resistere. Vides Adrianum ne Concilio quidem Oecumenico permittere (hoc enim Honorio anathema dixerat) ut extra casum hæresis Pontificem judicet, néque Concilium Oecumenicum octavum contradixit; sed potiùs summis laudibus eam epistolam extulit. Patet

tet ergo Concilij Pisani mentem, doctrinam & decreta, ad solum Schismatis & hæresis casum pertinere, de quo alibi (a) actum.

IV. Sed excusari Maimburgus utcunque posset, quippe aut statum quæstionis, de qua nunc agimus, aut Concilij mentem & verba non satis observavit: illud verò nulla ætas, nulla historia (cui fidem suam obstrinxit) ignoscet, quòd sciens prudensque sententiam Parisiensis Universitatis pervertit, eique non alium tantum sensum, sed alia omnino etiam verba adaptet, pari & sui dedecore, & Lectorum, quos fallit, injuriâ. In suo enim Tractatu historico de Prærogativis Ecclesiæ Romanæ capite 21. fol. 148. prope initium hæc habet: *Petrus Plausi unus ex Universitatis Parisiensis deputatis longâ, doctâque oratione, quam in pleno Patrum confesso peroravit, multis rationibus Ecclesiæ Universalis, & consequenter Concilij, quod eam representat, auctoritatem Pontificia auctoritati præstare ostendit, addiditque hanc esse Parisiensis, & omnium Gallia Universitatum sententiam.* Sed quam à veritate hoc sit alienum, facile ex verbis actusque Concilij intelleges, quæ aliud omnino exhibent, quæque non potuit ignorare Maimburgus: sic ergo habent: (b). *Decima tertia sessio fuit die Mercurij, die 29. Majj, in qua post Missam & Litanias Magister Petrus Plausi pro Universitate Parisiensi dixit, opinionem Universitatis esse, istos duos contententes debere reputari Schismaticos, & hæreticos pertinaces, firmans auctoritatem Concilij ad decidendam hanc causam, & declarandum, eos esse ab Ecclesia præcisos & abjectos &c.* Postea in medio: *Unus Episcopus Italianus dictus Novariensis legi quandam schedulam facientem mentionem; qualiter secundum ordinationem Domnorum Cardinalium per D. Cardinalem Mediolanensem fuerunt simul congregati omnes Magistri in Theologia & Licentiat, qui ad dictum Concilium de multis partibus & Universitatibus convenerunt, & inter eos fuerit habita plena deliberatio super ista materia, & postea in eandem opinionem convenerant, & concordēs fuerunt, videlicet, quod dictos contententes tenent Schismaticos &c.* Vides quàm alia sit Parisiensis aliarumque Universitatum sententia, ab ea, quàm illis affingit Maimburgus; non enim dicunt: *Concilia esse supra Pontificem*, ut ille mirâ fiduciâ scribit: *Sed Benedictum & Gregorium pro schismaticis & hæreticis habendos, & Concilium*

(a) Regale Sacerdot. fol. 415. & 462. (b) Acta Pisana ex editione Lucæ & Acher sess. 13. & Philippi Labb. edit. Paris.

lium esse in hac causa cognoscenda iudicem. Quod toto Cælo diversum est, ut patet. Sed piguit Maimburgum sententiam & verba Univerſitatis referre, quippe causæ suæ aut noxia, aut inutilia: at hoc non historici, sed Poetæ officium. Equidem fateor, cùm primùm legendis Maimburgi historijs animum adjeci, magna me hujus hominis opinio, magna expectatio cœperat, illectum quippe & dulcedine Gallici sermonis, & ingentibus promissis tam multa & mira Lectori pollicentis: nec falli me posse credebam; nec ignorantiam in viro erudito, & doctrinam passim jactante: nec fraudes in sacerdote suspicabar: & animum firmabant narrationes historicæ tot ornamentis & coloribus veritatis aspersæ, ac candorem simplicitatēque toties professæ. Ubi verò me & semel, & decies, & centies deceptum vidi; fateor non minùs trepidum, anxiùmque per hujus hominis historias incedere, quàm olim Moyses, cùm per spinas, vepresque nudis pedibus ad rubum vocaretur; suspensio videlicet semper gradu, & casum, aut vulnus timente. Nunc reliqua videamus.



§. IV.

Agitur de Concilio Constantiensi, & argumentis ex eo petitis respondetur.

SUMMARIA.

1. Exhibentur Concilij Constantiensis Acta suis temporibus distincta.
2. Patres Constantienses circa auctoritatem Concilij in quinque sententias divisi, quarum ultima & pejor, ac votis infrequentior Johannis Gersonis.
3. Octo argumentis invictisque ostenditur, Decreta 4. & 5. Sessionum necessario examine ac deliberatione caruisse, nec posse dici conciliariter facta.
4. Eadem Decreta ne in ipso quidem Constantiensi Concilio, nec à Patribus pro Decretis Oecumenici Concilij habita esse, testimonijs gravissimorum auctorum, qui Concilio intererant, ac etiam Gallorum alijs novem argumentis demonstratur.
5. Sed nec præfata 4. & 5. Sessionum Decreta à Martino V. Pontifice Max. esse confirmata.
6. Imò Concilium Constantiense pro nobis esse, quatuor argumentis evincitur.

I.



Utoritate Concilij Constantiensis nimium quantum sibi Maimburgus blanditur, in eoque spem victoriæ reponit, ac doctissimam Canonici Schelstrate de hoc argumento dissertationem aliquot capitulis incescit, triumphanti potius, quàm pugnantij similis; nam & hanc

hanc quoque inter alias habet fallendi artes, ut victoriam simulet, etiam dum cadit. Ut ergo Constantiensis Concilij mentem, ac sententiam plenè intelligas, tria hoc paragrapho exequar. Primum seriem & acta Constantiensis Concilij per sua tempora distinguam. Secundò Constantiensè Concilium à nobis ~~esse~~ demonstrabo. Tertio ad ea, quæ Maimburgus objectat, respondebo.

Acta ergo Constantiensis Concilij quod atinet, ea ex suis principijs deducta sic habent. Anno MCCCX. post longum Purgatorum certamen Clemens V. Archiepiscopus Burdigalensis Galus in Pontificem eligitur operâ præsertim Cardinalis Pratenfis, & Philippi Pulchri Galliæ Regis, cum quo secretæ pactiones. Is Apostolicam Sedem Avenionem in Gallias transtulit, hæsitque septuaginta & supra annos sub varijs Pontificibus, videlicet, Clemente V. Joanne XXII. Benedicto X. aliàs XII. Clemente VI. Innocentio VI. Urbano V. Gregorio XI. Creditur Clemens Sedem in Gallijs ex arcanis pactis fixisse. Sexta enim Philippi postulario, cum de Pontificatu transigerent, his verbis concepta fuit: (a) *Sextam gratiam mihi reservo, exprimendam loco & tempore suo, arduam & magnam.*

Anno MCCCCLXXVII. Gregorius XI. Galliam relinquit, reditque in Urbem. Persuaserunt Gregorium, ut rediret, sanctarum Brigittæ & Catharinæ preces & Oracula, Italiæ Legationes, præsertim verò calamitates ac bella, quæ illam ferè consumpserant; sed vix annus effluxit, cum Gallias iterum cogitantem mors occupavit. Successit Cardinalium electione Archiepiscopus Barenfis, qui Urbanus VI. appellatus est: hic cum inconsulto impetu Ecclesiasticorum morbos aggreditur, & initia medendi à ferro, flammâq; incipit, omnium à se animos avertit, Gallorum præsertim, qui Fundos secedunt, & Cardinalem Gebennensem Pontificem adversus Urbanum renuntiant Clementis VII. nomine. Honestus titulus Schismati quæsitus, quòd videlicet prior Urbani electio metu, minisque Populi Romani extorta fuisset, Cardinales, nisi Italum aut Romanum eligerent, ad mortem exposcentis. Sed, ut monui, prætextus hic erat; præterquam enim, quòd etiam ante popularem tumultum in Archiepiscopum Barensem convenissent, quippe ex sexdecim purpuratis (inter quos undecim Galli, Itali quatuor, unusque Hispanus) cum Itali, Gallique nolent

(a) S. Anton. p. 3. tit. 27. cap. 1.

lent Papam Lemovicensem, & Lemovicenses perennare sibi tiaram
 vellent, jam quatuor suæ gentis Pontificibus superbi; tandem in
 Barensem plerique convenère, idque Gebennensis Cardinalis, po-
 steà Clemens appellatus, Marino Episcopo Cassanensi omnium
 arcanorum confcio aperuit, & hic palàm deposuit: verba Geben-
 nensis inter alia hæc fuere: (a) *Nunquam isti iradiatores Lemovicenses
 tam potentes erunt, quin pro ista vice nos habebimus Italicum Papam. Per hæc
 sancta DEI Evangelia nunquam habebimus alium Papam, quàm Archiepiscopum
 Barensem, aut alium, quem ad præsens nolo tibi indicare. Ipse Cardinalis
 S. Petri vir integerrimus, & neutri factioni addictus, & cui relu-
 cianti, placandòque Populo Papatûs insignia injecta sunt; cùm
 mors immineret, publicis tabulis professus est: (b) *Se à Gallis prius
 quàm Conclave ingrederentur, rogatum esse, ut suffragia pro Barenfi sociarent.*
 Patet ergo jam ante Populi tumultum, merùmque incertum, in
 Urbanum VI. conspiratum esse, non ergo metus extorsit, quod
 merum præcessit. Nec metus injectus à Populo fuerat, ut Italicum,
 sed Romanum eligerent, quàmvis Italicum aut Romanum prius
 postulassent. Audi verba unius ex Populi signiferis sic ad Concla-
 vis fenestram Cardinales alloquentis: (b) *Sitis Domini mei, quod in
 introitu Conclavis multi clamaverunt rogantes vos, quod eis daretis Italicum, vel
 Romanum; nunc autem pro parte totius Populi sum missus, & vobis eorum pro
 parte notifico, quod solum volunt eis dari Romanum, nec essent contenti de Italico;
 timent enim, ne sub aliqua conventionem secreta, inter vos & aliquem Italicum non
 Romanum ipse reduceret Curiam Avenionem. Et post aliqua: Placeat Deo,
 quod nobis detis Romanum, alioquin procul dubio sentietis.* Idque non intra
 minas sterit, sed in facta prorupit: cùm enim audissent Barensem,
 qui Romanus non erat, electum esse; eum occultissimis latebris
 abditum, & electores Cardinales ad necem quæsierunt; qui tamen
 inter tumultus elapsi preestati sunt, se millies potiùs mortem
 futuros, quàm ut Romanum, aliudque præter Barensem elige-
 rent. Audi ex actis hujus Schismatis Abbatis Sistrensis depositionem:
 (d) *Propter quod* (Cardinalem vid. S. Petri, qui Romanus*

M 2

erat,

(a) Depositiõ Episcopi Cassanensis in actis Schism. Tom. 2. p. 38. & 67. & 4.
 p. 63. 64. & 78. v. Rayn. ad Ann. 1378 n. 1. (b) Extat Tom 2. de Schism. p. 38.
 (c) Ex actis Schism. Tom. 2. p. 82. Depositiõ Abbatis Sistrensis (d) Depositiõ Ab-
 batis Sistrensis Tom. 7. de Schism. p. 82.

erat, electum non esse) tota Civitas concurret ad arma, & circumeuntes Palatium minabantur interficere Cardinales; quorum auditis minis aliqui de ipsis Dominis frugerunt solarium Conclavis, & per posticum credentes aufugere finaliter capti sunt a populo, & cum magnis pressuris & opprobrijs reducti sunt in Conclave, terris per populum, quod nisi eligerent Romanum, erant mortem nullatenus evasuri. Et infra: Et istis quatuor manifestarunt Domini Cardinales electionem Archiepiscopi Barenfis, dicentes eis, quod Populus bene posset eos interficere omnes, sed non habere Romanum pro ista vice. Et Episcopus Tudertinus in sua depositione: (a) Ipsi vero recedentibus, ego dixi Domino Nostro: (Urbano videlicet) Audistis quid dixerunt illi? & ille dixit, quid dixerunt? & ego recitavi sibi verba dicta pereos: & ipse dixit: non cognoscunt me bene, si tenerent mille spathas ad collum meum, non renuntiarem. Constat ergo, sponte Cardinales Neapolitanum elegisse, populo Romanum flagitante. Sed quod omnia superat, cessante jam metu, pacatisque omnibus, & summâ pace compositis, Cardinales tres ferè menses Romæ hæserunt, ab ijsque Urbanus Throno impositus, tiarâ redimitus, cultusque omni veneratione est; illi sacris operanti, senarumque agenti, & de gravissimis negotijs consultanti adstiterè, quodque omnia superat, datis tum privatis, tum publicis ac nomine totius Collegij ad Principes litteris Urbanum verum esse Pontificem professi sunt, quod etiam ipse Maimburgus fatetur, (b) alijque gravissimi Auctores. Imò Cardinales absentes, qui utique metu tangi non poterant, aut per litteras (c) (sex videlicet, qui Avenione morabantur) aut coram, ut Cardinalis Ambianensis, præcipuus postea discordiarum solis, Urbanum venerati sunt. Imò in Conventu Episcoporum Parisijs habito, cui Archi-Episcopi sex, Episcopi triginta, & quàmplurimi alij Doctores, Prælatique assederunt, decretum fuit, testimonijs Cardinalium, qui Urbanum reijciebant, seque ipsos mendacij damnabant, standum non esse; à qua postea sententia, ut notat Æmilius (d) in alio minùsque frequenti Conventu recessum est. Et verò qui crederes Cardinalibus illis, qui odio Urbani flagrabant, qui se hostes illius profitebantur, qui Clemem-

tem

(a) Tom. 2. Schism. p. 43. (b) Maimb. Grand. Schism. d' Occid. lib. 1. foli 57. ex Cod. S. Victor. Paris. Frassard. in Chron. Walting. in Rich. Æmil. in Carolo V. (c) Extant litteræ Tom. 2. Schism. p. 32. (d) Paulus Æmilius in Carolo V.

tem novâ electione promoverant, eique se juramento addixerant, quique seipſos mendacij & perjuri j arguebant, ob electum, coronatum promulgatumque Principibus, & trimestri obsequio adoratum Urbanum ? quis vel in profano Tribunali, minimique pretij causâ testem admitteret tot labibus inquinatum ? & metus, qui objectabatur, aut idoneis testibus probari poterat, aut non poterat ? si non poterat, vicit Urbanus : si poterat, certè Cardinales, ut ostendi, idonei testes non erant. Planè electio Urbani, si non certa, at saltem dubia erat ; ergo donec probaretur contrarium, possessioni suæ relinquendus ; alioquin semper, & cum libuerit, promptum erit Schismate Ecclesiam turbare, & novum Pontificem jam aliàs electo opponere, quæſito videlicet aliquo crimine, objectoque electioni, & non probato, & tunc demum ad alia vota procedendum ; præsertim cum Urbanus Concilium Oecumenicum offerret, in quo & sua, & æmuli jura promerentur, relictâ Patribus sententiâ, uter præferendus ; nam quamvis longum esset Concilij remedium, at aliud non supererat, & multò longius peiùsque Schismatis malum, quod Ecclesiam quinquaginta ferè annorum morâ, & innumeris calamitatibus afflixit ; at Clemens eique additi Cardinales oblatum Concilium respuerunt (c) manifesto indicio malæ causæ semper Judicem formidantis. Cæterum neque illud negari potest, Urbani peracerbum & immite ingenium, ac præmaturum Zelum non quidem causam Schismati, sed occasionem dedisse : nam cum sopire ante vulnus ægros oporteret, ne ferrum sentirent aut recusarent, excitabat potiùs admonebaturque doloris inclementibus modis : perinde ac si cruciatu magis, quàm curâ gauderet ; hinc omnium averſi animi, ac vindictâ flagrantés, intentique privatis odijs fatiandis. Hæc occasione Schismatis duxi memoranda, & præsertim quia Maimburgus in libro (d) de magno Schismate pro Clemente multa disseruit. Cæterum utcumque res habuerit, certum est ex Clementis electione diuturnum obstinatumque Schisma natum esse, quo nullum magis diutiùsque Ecclesiam concussit, nec ante mortem Benedicti XIII, hoc est annos novem & quadraginta extin-

M 3

ctum

(a) V. Tom. 1. de Schism. p. 36. & Tom. 16. p. 11. & Raynald. ad Annum 1378. n. 42. & seqq. (b) Lib. 1. à fol. 105.

ctum est, incerto Orbe Christiano, cui capiti obsequeretur. Successerunt Urbano Bonifacius IX. Innocentius VII. Gregorius XII. Alexander V. & Johannes XXIII. Clementi verò Benedictus XIII.

Anno MCCCXCIII. Benedictus, qui Clementi successerat, primò in Conclavi, deinde post electionem solemnem se juramento obstringit de abijcienda tiara, si & quoties id publicæ pacis inter sit; Idem à Gregorio XII. qui Innocentium excepit, juratum est. Eà tamen conditione si Benedictus cederet.

Anno MCCCCIX. Cùm uterque Pontificum cessionem æmuli exspectaret, & ita obstinatè throno hærent, neutro primam aleam jaciente; Cardinales Pisam conveniunt, collectaque ibi Synodo Benedictum & Gregorium deponunt, substituuntque Alexandrum. Causam utrūque deponendi, eligendique Alexandrum Parisiensis & Bononiensis Universitates his verbis expressere: *Quia tante dubio inextricabili Papatu propter dubia facti & juris, provisio spectat ad Concilium.* Et Patres Concilij Pisani: (a) *Visis & diligenter inspectis omnibus & singulis productis, probatis & agitat, habitaque prius inter se ipsos, & demum cum copiosa multitudine Magistrorum in sacra Theologia, atq; utriusque Juris Doctorum pluries diligenti collatione, tandem deliberatione maturâ in predictos tanquam de Papatu colludentes, Schismaticos & veros hæreticos sententiam Depositionis pronuntiat.* Ubi vides sententiam in hæreticos & dubios Pontifices ferri, sicque penitus nihil obstaré sententiæ nostræ, qui de Catholico tantum, certoque Pontifice loquimur. Cæterum electione Alexandri invaluit potius Schisma, non extinctum est; Benedicto & Gregorio firmiter throno hærentibus, & multorum Regum, Principumque, imò sanctorum ope ac obedientia subnixis, unde patet modicam apud Catholicos huius Concilij reverentiam fuisse.

Anno MCCCCX. Moritur Alexander, eique Balthasar Cossa Legatus Bononiensis, postea Johannes XXIII. appellatus sufficitur, is auctoritate Sigismundi Romanorum Imperatoris (cujus potentia indigebat) aut victus, aut deceptus Concilium Constantiam indicit, eamque Anno MCCCCXV. solemnem pompâ in vestus est. Die sextâ decimâ Novembris prima sessio habita est, in qua nihil

(a) Concil. Pisani. sess. 15. mense Jun. die 5.

nihil de unione actum. Decimâ nonâ Novembris ad valvas Aedium Augustinianorum insignia Gregorij Pontificis pependere, quæ sequenti nocte, jussu ut creditur, Joannis sublata sunt: ingens super ea re inter Patres natum certamen, (a) cùm alij auferri insignia, alij sustineri vellent; omnium tandem sententia fuit, si Gregorius coram adesset, Insignibus Pontificijs uti posse. Non ergo Patribus constabat, Gregorium Pontificem non esse; cur enim insignia Pontificia illi permetterent, quem pro Antipapa haberent? Die vigesimâ quartâ Decembris Sigismundus Imperator Constantiam ingreditur, & Pontifice sacris operante, Evangelium cantat Diaconi amictu. Secuta Imperatorem ingens Principum ac Antistitum turba, adebunt unâ die triginta equorum milia numerata sint: solum Archiepiscopum Moguntinum Thorace ex rubro holoserico insignem, ferrôque ad latus pendente sexcenti equites comitati, ut videas, quæ illorum temporum conditio fuerit. Patriarchæ 4. Cardinales 29. Archiepiscopi 47. Episcopi 160. qui postea ad 300. crevêre.

II. Anno MCCCCXV. Mense Januario Joanni Dominico Gregorij Legato à Patribus permissum, (b) ut pileo, vestitûque Cardinalitio ingredi Constantiam posset, oblucente quamvis Johanne Pontifice. Mense Febuario, cùm Cardinalis S. Marci libellum sparsisset, quo multa contra Johannis auctoritatem dicebantur; alij continuò in ejusdem defensionem producti, & inter alia hæresis postulabatur, qui indubitatum Pontificem, & nullâ hæresi contaminatum cogi posse ad cedendum dixisset. Sed Cardinalis Cameracensis pugnam dirempturus conclusiones aliquot Patribus obtulit, in quarum prima continebatur: (c) *Duas Obedientias Joanni contrarias probabiliter sustinere electionem Alexandri, ejusque successorum non esse legitime ac canonice factam, & in hac opinionum diversitate non esse minores difficultates Juris & facti, quam ante Concilium Pisanum erat de justitia duorum contendentium; & idèò attentâ perplexitate casus presentis pro pace Ecclesia acceleranda posse de Papatu contendentes ad sessionem compelli, & nolentes de-*

poni.

(a) Ita habent duo MM. SS. Regesti Constant. V. Schelstrate in Tract. de Decret. Conc. Const. fol. 30. & fol. 153. (b) Ita habet Regestum Constant. in duobus MM. SS. & Codices Bibliothecæ S. Victoris Paris. (c) Cardinalis Cameracensis Concl. 3. & 6. ex 4. MM. SS. Codic. apud Labbeum in Append. Conc. Constant. Tomo XI. edit. Paris. Schelstrate fol. 152.

poni. Vides hic iterum agi tantum de Pontifice dubio, & ex hoc ipso dubio procedere Patres; qui consilio Alliacensis obsecuti sunt ad Joannem deponendum; & ipse Cardinalis omnium, quæ Pisis ac Constantiæ agebantur, conscius fatetur Pontificatum Johannis dubium esse: malè ergo, quæ Constantiæ decreta & peccata sunt de Pontifice dubio, extenduntur ad casum Pontificis certi. Hoc etiam anno Gregorius XII. Legatis suis concedit, ut acta Concilij confirment, ejusque auctoritatem Oecumenicæ Synodi tribuant, eâ tamen conditione, ut Joannes Concilio non præsit, neque id à Johanne convocatum dicatur: nec Joannes postea Concilio præfuit, imò nec arcanis eorum congressibus adesse permixtus est, ne videlicet consilia pacis turbaret solitis artibus; quomodo ergo pro vero, certoque Pontifice habebant, quem necut Præsidem, imò nec collegam ferebant? Vide sessionem 14.

Die 2. Martij Joannes promittit, se Papatu cessurum, modò Gregorius & Benedictus idem præstent. *Diebus 13. 15. & 19. Martij* laboratum est, ut Johannes Procuratorem deligeret, qui ejusdem nomine, quando & ubi Concilio videretur, Pontificatum abdicaret. Videbat Johannes se hoc telo peti, cogique ante alios duos tiaram deponere; id ne fieret, multis artibus certatum, sed cum declinare istum haud posset, Schafhusam profundâ nocte elapsus est, inde Friburgum & Brisacum; secuti à Concilio Legati, qui reditum persuaderent.

Die Martij, 23. peroravit Johannes Gerson, & multa contra Pontificis auctoritatem disseruit; hinc nata quæstio de superioritate Concilij supra Pontificem: & Johannes Galliæ Oratoribus amarè conquestus est Gersonis audaciam, Vaticanum oppugnantis: quæ causa fuit, ut ijdem Galli cum Cardinalibus collatis capitibus se decretis opposuerint contra Sedis Apostolicæ auctoritatem edendis, & ipse Rex, ut videbimus, ægerrimo animo tulerit, Johannem à Concilio depositum esse, quod etiam Maimburgus (a) alijsque fatentur. *Die Martij 26.* celebrata est ante meridiem tertia sessio: huic duo tantum Cardinales adfuere Cameracensis videlicet, & Florentinus; statutum fuit in ea sessione: *Concilium*

Con-

(a) Maimb. du Grand. Schism. lib. 5. à fol. 182. Monach. Dionys. lib. 35. cap. 18. M. Laboureur ibid.

Constantiense per recessum Johannis dissolutum non esse, sed nec dissolvi debere, ante Schismatis extirpationem, nec ad alium locum transferri posse sine consensu Concilij. Hæc omnia non aliâ ratione Alliacensis & Zabarella Cardinales publicari permiserunt, quàm ut illa Joannes Papa rata haberet, confirmaretque. Videre est hanc Cardinalium protestationem apud Philippum Labbeum in appendice Synodi Constantiensis Tomo XI. Conciliorum, & Manuscripto Capranicensi, ex quo Labbeus descripsit.

Die 29. Martij Joannes Schaffhusâ profugit, quippe vicinam Constantiam metuens. Turbati Patres, offensique, & à pluribus Germanicæ, Anglicæ, Gallicæ nationum deliberatum, fixumque est, ut in crastinum sessio quarta perageretur, in eaque hæc capita decernerentur, videlicet: *Primo* quòd Concilium Constantiense potestatem habeat immediatè à Deo, cui etiam Papa obedireteneatur, in his quæ pertinent ad fidem, extirpationem Schismatis, & reformationem Ecclesiæ in capite & in membris. *Secundò* quòd cogi possit, si obedire contumaciter contempserit. *Tertiò* alia complura, quæ omnia cum non solum nationi Italicæ displicerent, sed nec sacro Collegio ad deliberandum oblata essent; noluerunt Cardinales, Gallicæque Oratores sessionem adire, nisi secundum Capitulum, quo dicebatur, *Pontificem cogi posse, omitteretur*: & in primo decreto illa verba, *de reformanda Ecclesia in capite & in membris, deleberentur*; quod etiam communi voto à Patribus sequenti die acceptum est, cum videlicet Episcopali vestitu insignes jam quartæ sessioni accingerentur; idque annitente præsertim Imperatore Sigismundo. Cum verò Cardinalis Florentinus, cujus officium erat Decreta in publicis sessionibus legere, ad verba de reformatione Ecclesiæ in Capite & membris pervenisset, nec ea, ut conditum fuerat, deleta à Nationibus observâset, continuò Decretum abruptit; eamque partem falsam esse, additamque præter communem deliberationem, professus; ergo clausula de reformatione eâ sessione quartâ omissa est; sed & Cardinales monuerunt Nationes, *ut suspenderent ad tempus materias illas, quæ magnas habent difficultates, & maturam exigunt deliberationem*; ea videlicet, quæ auctoritatem Pontificiam spectabant. Ita notant Abbas Panormitanus in sententia finali, & Regestum Concilii Constantiensis in tribus Manuscriptis Codicibus, quorum verba

recitata reperies apud doctissimum (a) Schelstrate. Et verò ea verba, quæ dicunt: *Papam in ijs, qua ad reformandam Ecclesiam in Capite & membris pertinent, Concilio subjectum esse*, in sessione 4. omissa fuisse, illud certissimo argumento est; quòd in omnibus ferè Codicibus manuscriptis, qui in Romana, Viennensi, Parisiensi & Salernitana Bibliothecis reperiuntur, ea verba absint, imò ne quidem in tribus Codicibus Manuscriptis, qui acta (b) Concilij Constantiensis complectuntur, & ex quibus Basileenses sua decreta compilârunt; sed neque in celebri illo Manuscripto Capranicensi, qui ad usum Cardinalis de Capranica, Basileensis Concilij temporibus scriptus videtur, & ex quo Philippus Labbeus Constantiensis Concilij ultimæ editioni multa adjunxit, confirmâtque sæpè laudatus Schelstrate (c) testimonij Gobelini Personæ, qui tempore Concilij scribebat, ipsorumque Basileensium, ac aliorum in Gallia codicum; qui etiam alibi notat in Decreto sessionis quartæ, ubi dicitur: *Papam teneri obedire Concilio in his, qua pertinent ad fidem, extirpationem Schismatis* & eas voces, *ad fidem*, primò appositas esse à Petro Crabbè in sua editione Anni 1538. ex qua in alias postea editiones derivatæ sunt; nam in antiquioribus editionibus videlicet Haggenoviensi Anno 1500. Mediolanensi Anno 1511. Parisiensi Anno 1524. Colonienfi Anno 1530. illæ voces desiderantur; id verò Tabellionum negligentia, qui eas voces omiserint, Maimburgus tribuit. Sed utcùnque res habeat, excusari vix potest Maimburgus, (d) quando in suo Tractatu historico, magnis, ut solet, verborum ampullis, triumphos Lectori de Schelstrato pollicitus, ex diversis Gersonis (e) operibus, ac etiam Orationibus in Concilio dictis, probare conatur, ea verba, quæ reformationem spectant, Decreto sessionis quartæ adjuncta fuisse, adeoque victoriæ securus est, sibi que blanditur, ut Schelstrate ad ponenda arma, pacemque ac veniam erroris perendam invitet; nescias victori, an insultanti similior: additque plures alios manuscriptos Codices, quos omnes convenire cum Gersono dicit. Sed Maimburgum egregie confutavit convicitque eruditissi-

mus

(a) Schelstrate in actis Conc. Constant. fol. 2. & 3. & seqq. & in Tract. de sensu. & auctor. Decretor. &c. f. 41. & fol. 84. (b) Schelstr. in Tract. de sensu &c. fol. 24. & 26. (c) Schelstr. in Tract. de sensu & auctor. fol. 42. (d) Maimb. Tract. histor. à fol. 238. (e) Gerson serm. pro viaggio Reg. Roman. & Tract. de potest. Eccles. & serm. in Dom. 2. post Epiphaniam.

mus Schelstrate, ubi evidenter allatisque verbis ostendit Gersonem & consequenter Codices ei conformes loqui de Decretis die 6. Aprilis hoc est, sessione quintâ editis, non verò de Decretis sessionis quartæ, quæ trigesima Martij celebrata est. Utrâque ergo sessionem Maimburgus confudit, suumque errorem alienum credidit. Dices unde ergo provenit, ut omnes Concilij Constantiensis editiones in Decreto sessionis quartæ hæc verba constanter exhibeant: *Et ad Reformationem Generalem Ecclesia DEI in Capite & in membris?* Respondeo errorem ex eo fluxisse, quòd cum Basileenses viderent auctoritatem suam & Concilium paulatim contemptui ac ludibrio esse, ut fulcirent cadentem auctoritatem, cogitasse de edendis Concilij Constantiensis actis, quorum subsidio Vaticanum impugnarent. Duobus ergo Cardinalibus, toridemque Episcopis, ac Theologiæ Doctoribus, & Archidiacono Zagabriensi Provinciam imponunt, Decreta Constantiensia exhibendi. Id Anno 1447. ab eis peractum: ex hoc codice Joannes Hober ex Inderdorff sacre Theologiæ Baccalaurus, Anno 1490. alium suâ manu exaravit, transmisitque Hieronymo de Croaria juris utriusque Doctori, & hic postea anno 1499. Hagenovij in oppido Imperiali typis vulgatus est. Post hanc aliæ tres editiones prodierunt, quibus acta Constantiensis Concilij juxta Basileensem Collectionem continebantur. Error ergo præsentium editionum circa sessionem quartam à Basileensibus manavit, nec ipse Maimburgus negare potest, Basileensem Collectionem, & editiones ex illa profectas defectu laborare; tam enim editio Hagenoviensis, quam tres aliæ postea securæ illam particulam, *ad fidem*, omisere, quam Maimburgus necessariam agnoscit. Et hæc quidem circa sessionem quartam ex laudatissimo Schelstrate notanda duxi, jam ad quintam veniamus.

Post quartam cœpta est præparari materia pro sessione quinta; Decretum videlicet, quo dicebatur: *Pontificem Concilio in rebus fidei, morumque Reformatione Concilio subiectum esse, & ab isto cogi posse.* Et quamvis summi momenti res hæc esset, & aliquando novo & peiori Schismati fomitem datura; sicque longissimo & accurato examine prius cognoscenda, quam decerneretur: nihil tamen aliud à Patribus factum, quàm ut aliquos deputarent, qui cum Cardinale Zabarella Florentino conferrent; is erat, qui illis articulis in sessio-

ne quarta graviter obstiterat. At Deputati perindè ac in re levi, parvique pretij rem paucis absolverunt, (a) ac inter alia multa die 2. Aprilis statuere: *Ut proximâ sessione omnes articuli & clausula concordata per Nationes in ultima sessione pratermissa expedirentur.* Ita habet Regestum Concilij: & notant ejusdem Concilij gesta, quàm leve ac perfunctorium examen fuerit, quo tanti ponderis argumentum expendebatur his verbis: (b) *Post sessionem quartam fuit per Cardinalem Florentinum cum Deputatis aequaliter disputatum: finaliter Concilium voluit ex integro dictas definitiones in alia sessione pronuntiari, &c.* Vides inter paucos, privatorumque ac extra sessionem, nec initis suffragijs, hoc est, non Conciliariter, nec tam decernentium, quàm altercantium more, eo ferè modo, quo in circulis Philosophorum solet, inter Cardinalem & Deputatos disputatum esse, idque ut acta commemorant, aequaliter, hoc est, leviter, cursimque, nec quantum oportebat. (c) Cum ergo sentirent Cardinales in sessione quinta ea à Nationibus decretum iri, quæ nec examinata erant, nec approbare ipsi poterant, statuerunt sessione abstinere: sed postea cum viderent, id sine publica offensa, periculòque ne Concilium solveretur, fieri non posse; adire quidem sessionem parant: protestati tamen in ædibus Palatii Constantiensis, ubi infulas fumebant, se vitandi scandali causâ, non verò animo illis consentiendi, quæ audiebant proximâ sessione decretum iri, Conventui adfuturos; idemque Gallici Oratores, qui Cardinalibus se adjunxerant, professi sunt. Audi Regestum Concilij: (c) *Die Sabbathi sextâ mensis Aprilis, cum per prius inter Nationes & Dominos Cardinales altercatum esset super correctione & emendatione Capitulorum in precedenti sessione (quarta) statutorum; tandem ordinatum & conclusum est, quod supradicta Capitula modo infrascripto corrigerentur. Convenientibus ergo dictâ die Gloriosissimo Principe Sigismundo Romanorum & Hungaria Rege semper Augusto, Reverendissimis Dominis Cardinalibus cæterisque Principibus & alijs in sacro Concilio existentibus, præmissâ per Dominos Cardinales & Oratores Regis Francia protestatione factâ, quod propter scandalum evitandum ad sessionem ibant, non animo consentiendi ijs, quæ audierunt statui debere, &c.*

Cum ergo quinta sessio ageretur, & Decreta legi publicè à Cardinali

(a) Regest. Concil. Constant. in tribus MM. SS. apud Schelstr. fol. 42. Traët. de sensu & auctor. &c. (b) Gesta Concil. ex 4. MM. SS. (c) Regestum Concilij in tribus MM. SS. Codd. apud Schelstr. Traët. de sensu & auctor. &c. fol. 42.

dinali Florentino de more oporteret, recuſavit id munus, quippe qui unà cum ſacro Collegio ijs decretis nunquam maturè, & conciliariter diſcuſſis obluſtatus ſemper eſſet; electus igitur Poznanienſis vices Florentini obiit, legítque à Nationibus ſtatuta. Et hæc eſt illa ſeſſio quinta, cujus Decretis tantopere Maimburgus præſedit; cæterum quàm vanis & caducis fundamentis, nemo ex tot alijs, qui hoc ipſum conati ſunt, elegantius, fortiùſque doctiſſimo Schelſtrato demonſtravit. Sciendum igitur eſt, Decreta Seſſionis quintæ, nec Conciliariter, nec cum examine tantæ rei debito, maturæve deliberatione, qualem res tanta exigebat, vulgata eſſe, hoc ita ſe habere evidentiffimis testimonijs & argumentis oſtendam. *Primò.* In antiquis Concilijs, quoties fidei aliquis articulus, aut aliàs majoris momenti agitabatur; toties ſcripturarum testimonia, Antiquitatis monumenta, Conciliorum, Patrumque Decreta producebantur, quibus veritas fulciretur, ſic in Niceno primo & ſecundo, Chalcedonenſi, alijsque Concilijs factum; ubi longam ſeriem argumentorum reperies. Imò ipſum Concilium Conſtantiense in alijs articulis decidendis monere ſolet legitimum longumque examen ac diſcuſſionem præceſſiſſe. Exempla ſunt Seſſione 15. ubi cùm errores Johannis Huſi damnandi eſſent: *Habitâ*, inquit, *per prius plenariâ informatione & diligenti deliberatione Reverendiſſimorum in Chriſto Patrum S. R. Eccleſiæ Cardinalium, Patriarcharum, Episcoporum, & cæterorum Prælatorum & Doctõrum ſacra pagina, & juris utriusque in multitudine copioſa &c.* *Habitâ collatione per plures Magiſtros in ſacra paigna &c.* Et ſeſſ. 24. in citatione contra Benedictum XIII. *Mandavimus per nonnullos venerabiles viros fratres, & dilectos Eccleſiæ filios Cardinales S. R. Eccleſiæ & alios Prælatos, & alios tam ſacra pagina, quàm juris utriusque Profeſſores Commiſſarios noſtros ad hoc ſpecialiter deputatos inquiri, informationemque recipi, quam legitime receptam referri juſſimus in publica ſeſſione noſtra ſacroſanctæ Conſtantiensis Synodi; quâ plenè auditâ & diſcuſſâ maturo decrevimus atque digeſto conſilio &c.* Et ſeſſ. 30. ubi approbatur ſubtractio Obedientiæ factæ per Regem Arragonum: *Eadem ſacroſanctæ Synodus cauſis & motivis planè inſpectis, & diligenter examinatis, de quorum veritate facta extitit eidem Synodo plena fides &c.* idè eam S. Synodus ex certa ſcientia & cauſa debite cognita &c. Vides Concilium etiam in quæſtionibus multò minoris momenti, quàm ſit illa, de qua modò agi-

mus, nihil decernere, nisi *habita plenaria informatione, & diligenti deliberatione, habitâ collatione per plures Magistros sacrae paginae, & juris utriusque maturo, atque digesto consilio &c.* At verò ubi de potestate Pontificia agitur, deque supremo jure Majestatis, hoc est, de quaestione omnium, si fidem excipias, maxima; non rogatae scripturae, non auditi Patres, non examinata Concilia, non collata in sessionibus capita, sed ex abrupto, cursimque, & in ipso sessionis limine: *Declaramus, inquit, Concilio immediatam à DEO potestatem esse, cui Pontifex subdit, cui obedire teneatur.* Quid quaeso est rem inconsultò & sine examine definire, si hoc non est? & quid minus fieri posset, si de minimo Sacerdote, imò ædituo in ordinem redigendo ageretur? Videantur acta Synodi Ephesinae, illic apparebit, quantâ curâ, lentisque gradibus, quantâ testium & scripturarum, Patrumque mole laboratum sit, an Nestorius deiceretur; nunc verò non de uno Pontifice, sed de omnibus, imò de ipsa Pontificia dignitate quaestio vertitur, quantò igitur pluribus testibus, majorique curâ agi res debuit? & tamen nulla magis, minorique studio festinata; quæ omnia mihi æstimanti semper magis, magisque persuasum, fixumque est, non fuisse Concilij mentem quidquam definire de Pontifice certo, sed tantum dubio & tempore Schismatis, hoc enim minoris operæ & indaginis erat. Sciendum enim est, tempore Synodi Constantiensis circa Concilij supremam auctoritatem varias Doctorum opiniones fuisse. Prima, ne Schismatis quidem tempore posse dubios Pontifices à Concilio judicari, cui sententiæ Benedictus XIII. adhærebat teste S. Antonino, (a) imò & Gregorius XII. quique istorum partes amplexabantur, hoc est, ingentia Regna, virique doctrinâ & sanctitate conspicui; cum enim in Concilio Pisano utrique Pontificia dignitas adempta esset; & ipsi exauctorati Pontifices, & ipsorum sequaces negabant id jure factum esse, nec ullam Concilio in Vicarios Christi potestatem fuisse; ergo credebant, ne Schismatis quidem tempore, nec in dubios Pontifices quidquam Concilio licere; & videri potest Raynaldus ad annum 1409. Altera sententia fuit, nullum Pontificem ne Schismatis quidem tempore deponi posse, nisi ob solum hæresis crimen; fuit hujus sententiæ Concilium Pisenum, quod

non

(a) S. Antonin. T. 3. Chron. Tit. 22. §. 3.

non prius Benedictum & Gregorium damnare voluit, quàm ut accusatos, convictosque, ut Patres credebant, hæreticæ pravitatis, quod suprà demonstravimus, & habent acta Pisani Concilij à Notarijs ipsius Synodi conscripta, ubi inter alia : (a) *Omnes Magistri in Theologia, tam Episcopi, quàm Abbates, & Generales ordinum Mendicantium anno 1429. die 28. Maij ad requisitionem sacri Collegij Cardinalium congregati sunt in sacristia Fratrum Minorum, ut deliberarent de his duobus articulis: anduo de Papatu contententes essent Schismatici & hæretici reputandi, & dato sic, utrum sub titulo hæresis sint ab universali Ecclesia & Papatus regimine ejiciendi. Ad has quæstiones habitâ ad invicem pluries maturâ deliberatione concorditer & unanimiter responsum fuit, prædictos hæreticos censeri, & ut tales per sententiam declarari ac deponi posse. Patet ergo, ne Patres quidem Pisanos ausos esse in Pontificem pronuntiare, nisi hæresis manifestum, quod pluribus suprà ostensum. Tertia sententia fuit Petri de Alliaco Cardinalis Cameracensis, qui Pontificem tempore Schismatis subjacere Concilio credidit, ab eoque judicari deponique posse credebatur; & hanc suam sententiam scriptis commendavit, porrexitque Patribus, quorum plerisque probata est; & hæc causa fuit, ut Concilium huic sententiæ examinandæ minùs laboraret, ut potè jam passim notæ, acceptæque. Quarta sententia fuit Cardinalis Zabarellæ, admittentis quidem posse tempore Schismatis novum eligi Pontificem; sed negantis ante factam electionem de Reformatione in Capite & membris agendum esse: ut enim nulla pejor Deformatio, quàm Schisma, ita nihil prius emendari oportere; & ided articulus de Reformatione in primo Decreto sessionis quartæ ommissus fuit; id quòque eleganter expresserunt quatuor Nationes in protestatione post trigessimam octavam Sessionem, ubi inter alia: *Si Reformatio, inquit, faciendâ est de Deformatis, quâ major est, aut esse potest in Corpore deformitas, quàm carere capite, & esse acephalum? illa igitur prior, tanquam magis necessaria debet esse Reformatio, quæ corpus ipsum ad Caput reformet. Et infra: Duplex secundum sacros Doctores est Unio Ecclesiæ, una membrorum ad invicem, quæ jam creditur esse facta: altera membrorum ad Caput, ut constituatur corpus integrum & perfectum, & ista non est facta; igitur primo loco fienda. Patet ergo sententiam eorum, qui docebant tempore Schismatis de Pontificis electione,**

non

(a) Acta Concilij Pisani à Notarijs ipsius conscripta in duobus MM. SS. Codicibus.

non de morum Reformatione agi oportere, celebrem fuisse, & in Synodo frequentem, imò potiorē. Quinta denique sententia fuit Joannis Gersonis, (a) qui Pontifices non solum durante Schismate, sed semper & absolute, omnique tempore Concilio subesse voluit, ab eoque posse judicari; in hunc sensum decreta Sessionis quintæ Gerson intellexit, eoque progressus est, ut scriberet, à vero & indubitato Pontifice ad Concilium appellari posse, & Martino id neganti Tractatum illum opposuerit, cui titulus : *An & quomodo appellare liceat.* Huic sententiæ Gersonis nunquam Concilium acquievit, & ideo Decretis quartæ & quintæ Sessionis semper illa verba apposuit : *In his, quæ pertinent ad extirpationem dicti Schismatis, & pro extirpatione dicti Schismatis.* Quibus verbis ostendit Concilium, se cum Gersone non sentire, qui absolutam subjectionem volebat; cum Patres de limitata solum, & in casu excepto intelligi vellent, hoc est, tempore Schismatis.

III. Sed jam perge, & alia testimonia percurramus, quæ defectum examinis & necessariæ deliberationis circa quartæ, & quintæ Sessionum Decreta ostendant. *Secundò.* Martinus V. ut habetur *sess. 45.* in Confirmatione Concilij proficitur : *Se omnia & singula determinata, conclusa & decreta in Materis fidei per Concilium Constantiense conciliariter tenere velle; ipsaque sic conciliariter facta approbare & ratificare, & non aliter, nec alio modo.* Supponit ergo Martinus, fuisse in Synodo Constantiensi aliqua conciliariter facta, & hæc confirmat : alia verò non conciliariter, hoc est, sine examine & deliberatione, nec votis & sententijs in Conventu dictis, & hæc confirmare renuit : non verò apparet, quæ Decreta sint minus conciliariter facta, quàm quartæ, quintæque sessionum; nec putes hanc esse opinionem aut conjecturam domi meæ natam, audi testimonium Jacobi Spondani Galli, & Apamiensis Episcopi, qui Manuscriptos codices Regiæ, sanctique Victoris Bibliothecarum egregie pervolvit, ejusque de Synodo Constantiensi historiam, pulcherrimam Spondani operum Maimburgus pronuntiat; is verò ad annum 1418. ita scribit : *Putamus Nuntiorum Polonia petitionem de industria Martini nutu ad ultimam sessionem reservatam, ut ea occasione significaret, quæ Concilij de-*

creta

(a) Johannes Gerson in serm. Domin. 2. post Epiphan. & serm. pro Viaggio Regis Romanor.

creta ipse auctoritate Apostolica ac supremâ probaret, quæ verò non; ne si amed
 quidquam de ijs agere voluisset, murmur aliquod, tumultumque in Patribus ex-
 citaret ob ea, quæ ambigüe decreta fuissent de auctoritate Concilij supra Pontificem,
 quas absolutè ut sonare videntur sumptas, nullo modo Martinus agnoscere, aut pro-
 bare voluit, utpotè contrarias existimatis, & praxi antiquioris Ecclesiæ, & collata
 Petro, ejusque successoribus potestati, ipsique demum naturæ rei, quæ caput debet
 membra regere, non regi à membris. Hæc Spondanus. Tertio. Gesta Concilij
 Constantiensis ad sess. 7. (b) Penè in omnibus Concilij decretis factum est, ut
 Cardinalibus ita arcto & brevi tempore ostensa sint decreta à Nationibus conclusa,
 ut non fuerit in eorum potestate sufficienter deliberare, imò in magnum contemptum
 habiti sunt, & finaliter petiverunt, quòd cum essent in Concilio quatuor Nationes,
 una Angliæ, in qua non erant 20. capita, de quibus tres solum Prælati: & Cardi-
 nales essent 16. & alij futuri, de quibus plures Magni & insignes Doctores propter
 dignitatem Collegij haberent dignitatem tantam & auctoritatem, sicut natio An-
 glicana. Quod fuit recusatum & dictum, ut venirent ad Nationes. Quarto.
 eadem Manuscripta testantur, noluisse Cardinales ad sessionem
 quartam venire: Eò quòd super illis non fuerint habita, nec sufficienter petita
 deliberationes eorum. Quinto. Abbas Panormitanus in sententia finali,
 & Regestum Constantiensis Concilij in tribus Manuscriptis Codici-
 bus memorant, Nationes in quarta sessione fuisse à Cardinalibus
 monitas: Ut suspenderent ad tempus materias illas, quæ habent magnas diffi-
 cultates, & maturam exigunt deliberationem. Sexto. Petrus Alliæensis
 apud Gallias celeberrimus in Tractatu de Ecclesiæ & Cardinalium
 auctoritate, quem ante adventum scripsit Legatorum Regis Ca-
 stellæ, parte 1. cap. 4. aliqua dubia proponit, ut super illis Concilium
 deliberaret, ne illius acta in futurum in dubium vocarentur: Nam
 apud nonnullos, inquit, magnam perplexitatem inducunt. Primum dubium:
 an quatuor nationes in hoc sacro Concilio sic distincta excluso Cardinalium Collegio
 faciant Concilium generale, cum sint plura Concilia particularia valdè inæqualia,
 & improporcionabiliter divisa. (Nam Anglicana Natio complectebatur
 vota solum 20. Gallicana supra 300. & tamen Gallicanæ voces non
 vincebant, nec habebantur pro pluribus, cum quælibet Natio pro
 uno tantum voto computaretur) & ad partem deliberantia, quæ delibe-
 ratio, exclusâ deliberatione dicti Collegij Cardinalium, & non factâ in communi
 sessione collatione votorum, videtur multis non esse censenda deliberatio Concilij
 concilia-

O

(a) Gesta Conc. Constant. in 4. MM. Codd. apud Schellstrat. fol. 104.

conciliariter facta. Secundum dubium, an dictæ Nationes, quæ sunt multa Collegia particularia, quæ multis videntur contra vel præter consuetudinem antiquam sacrorum Conciliorum instituta, licet ex rationabili causa & sub debitis circumstantiis ita restitui potuerint, & habuerint à Jure Divino vel humano auctoritatem privandi Romanam Ecclesiam & sacrum Collegium (quod est antiquum Collegium, & in antiquo jure, & in sacris generalibus Concilijs, & in sanctorum Patrum Decretis fundatum) privandi inquam jure suo, habendi scilicet votum in sacro Concilio, & Summum Pontificem eligendi. Vides jam tunc temporis de validitate Decretorum Constantiensium ob defectum deliberationis Conciliaris dubitatum esse; sicque antiquam hanc querellam non novam esse, nec à nobis repertam. *Septimo.* Quatuor Manuscripti Codices, quibus acta Concilij continentur: Die 2. Maij Anno 1415. Cardinales licet præsentés in sessione fuerunt, nunquam illam formam viderant; eodem enim die circa horam septimam de mane fuit data eis copia ad deliberandum super illa, cum jam plures prelati sederent, & immeret relatio novorum fienda Regi & Deputatis Nationum in sacris illis, in qua relatione præsentés fuere, nec poterant illam formam videre, cum statim facta relatione perventum est ad sessionem, quæ jam peracta erat, & ita penè in omnibus Decretis Concilij factum est. Cardinalibus ita arcto & brevi tempore ostensa sunt Decreta jam conclusa à Nationibus, ut non fuerit in eorum potestate super illis sufficienter deliberare, imò fuerunt in magnum contemptum habiti, &c. *Octavo.* Die Septembris 11. Anno 1417. in protestatione, quam tres Nationes, & Collegium Cardinalium contra Germanicam Nationem ediderunt, hæc inter alia leguntur: Clerus & populus nonnullorum Regnorum & Provinciarum nondum clarè & solidè huic sacro Concilio adhaerunt, necnon etiam quorundam, qui eidem Concilio adhaerunt propter rumores discordiarum, & quasi impressionum, quas in eodem Concilio fieri audiunt, fides jam de eodem Concilio dicitur vacillare. Et infra: His diebus magnus terror & turbatio dicebatur esse in Concilio, fama enim erat communis, & multis scientes de Consilij Regis dixerunt amicum, quod Rex proponebat & deliberaverat aliquando capere omnes Cardinales, & postea restrinxit ad sex; sed Cardinales & alij, de quorum proscriptione dicebatur, constantes steterunt, nec omiserunt loqui, & prosequi, quæ eis iusta videbantur. Causa autem odij Regis in eos dicebatur, quod Rex volebat habere Papam ad voluntatem suam, & illis stantibus non poterat. Ex his omnibus evidenter colligitur, multa in Concilio contigisse, ob quæ merito dubitari

dubitari poterat, imò dubitatum est, an illius Decreta, præsertim, quæ Pontificiam dignitatem spectabant, consultò, deliberatè, & Conciliariter concepta essent, quippe cùm Patrum vota aut metu Rectorum, aut exclusione Cardinalium, aut nimia festinatione, quæ examen prævertebat, redderentur suspecta; idque in particulari de Decretis quartæ & quintæ sessionum intelligendum esse ex allatis testimonijs constat, illa enim apertè ostendunt, Capitula illa post tumultum de celebranda sessione quarta in unica Congregatione Nationum conclusa fuisse, & totam deliberationem unius diei tempore absolutam, neque deliberationem illam fuisse communem & Conciliarem, ut oportuit; cùm nec in sessione habita fuerit, nec audita Cardinalium vota.

IV. Age jam verò, & Decreta illarum sessionum ne quidem à Concilio, Oecumenico & Generali facta esse, nec pro talibus à viris Gravissimis & doctissimis habita, demonstramus.

Primò. Certum est Johannem XXIII. nunquam ijs Decretis assensum esse. Is enim in litteris ad Ducem Biturigæ (a) datis causas exponit, cur Decretis Constantiensibus deferre non posset: *Quòd, videlicet, licet in Concilijs generalibus non debeat fieri Nationum differentia, sed omnes & singulos sententiam suam dicere publicè oporteat, ut unius instructione informetur alij; hoc tamen Constantia non fuerit permisso, quin imò statutum, quamlibet Nationem unam tantummodo vocem, sive suffragium habituram, etiam si in Natione Gallica essent ducenta voces notabiles, & in Italica totidem: & de Anglicana essent tantum tres Prælati ibi personaliter comparantes, ac Cæteri Clerici novem numero. Deinde quòd cùm in Concilijs Generalibus secundum statuta Canonum vis suffragij non competat nisi Cardinalibus, Patriarchis, Archiepiscopis & Episcopis, quorum suffragia requirenda sunt in sessionibus publicè, & non privatis consilijs; nihilominus quicunque ad hujusmodi consilia fuissent admissi, nullo discrimine personarum habito, omnium suffragia, etiam Layorum, subtrahitis Prælatorum suffragijs recepta sint, & licet in Concilijs suffragia debeant esse libera, nihilominus multa extiterunt cavillationes, & subornationes per minas, & terrores ab Imperatore procedentes.* Hæc Johannis querela nullam fidem, aut parvam mereretur, nisi omnino ijs consentanea esset, quæ iisdem penè verbis à Spondano, à Cardinali Alliaccensi, ab Actis

O 2

Concilij

(a) Johannis XXIII. in epist. ad Duc. Bitur. in Sorbona publicè lecta, & in duobus MM. SS. Codd. Biblioth. S. Victor. asservata.

Concilij in 4. manuscriptis Codicibus, & denique à tribus Nationibus, & Cardinalium Collegio in Protestatione recensentur, quorum testimonia suprà produximus, ut adeò dubitari non possit, vera esse, quæ Johannes commemorat, quæque Eugenij IV. testimonio indubitata redduntur, is enim in sua Apologia: (a) *Contra Decreta de auctoritate Conciliorum nonnulli reclamaverunt graviter, qui strepente multitudinem superati (sicut his novissimis temporibus, quibus carnales exuberant passiones, factum esse manifestum est) audiri nequiverunt.* Non ergo pro Decretis Concilij Oecumenici habita sunt, aut haberi potuere, quæ contra Conciliorum Oecumenicorum normam facta sunt, hoc est, quæ metu extorta, quæ non conciliariter, nec auditis, sed exclusis, quorum intererat, admissis verò, qui admitti non debebant, nec servatà votorum pluralitate, decreta sunt. Idque egregio confirmatur exemplo, verbisque Caroli VII. Regis Galliarum; qui cum à Deputatis Concilij Constantiensis audivisset sententiam à Patribus in Johannem XXIII. latam; non tantum eam improbavit, negavitque id Synodo licuisse, sed etiam ipsos Deputatos amare objurgans: *Ecquis, inquit, eam vobis licentiam dedit; ut auderetis in Pontificem Romanum manus injicere, eique dignitatem ac insulas adimere, quod nuper Constantia fecistis? Postquam ergo eò audacia pervenistis, quid aliud superest vobis, quam ut parifacimore Regi Regisque Principibus coronam & imperium involeitis? sed enim ne id vobis procedat, mature preveniam.* Hæc Maimburgus totidem ferè verbis, quæ ex Gallico reddidi, adjungitque: (b) *Jam ab annis nongentis Ecclesia Gallicana hanc sententiam fuisse, ut videlicet excepto hæresis casu, à nullo hominum, nulloque Concilio, sed à solo Deo judicari Pontifex Romanus, deponique possit.* Hæc Maimburgus sui, suarumque opinionum, quas alibi docuit, in gratiam Regis Galliæ oblitus; adeò videlicet illum Reges demerendi impetus cœpit, ut jam amicus Pontifici, jam hostis appereat, ut cùnque Regi placuerit; sed de hoc aliàs. Palàm igitur hoc exemplo fit, Regi Galliæ Regioque senatui Decreta quartæ & quintæ sessionum nunquam probata fuisse, adeoque aut non habuisse Concilium pro Oecumenico, legitimoque, aut arbitratos esse, nullam Concilio in Papam esse potestatem.

Secundo

(a) Eugenius IV. in Apolog. contra Basil. (b) Maimb. Grand. Schism. d'Occid. lib. 5. fol. 307. V. Spond. ad Annum 1415. n. 12. & ibi B204.

Secundò. In Regesto Concilij Constantiensis, quod duobus Manuscriptis continetur, hæc leguntur: *Die 6. Aprilis Anno 1415. Cum per Dominos Cardinales & Nationes altercatum esset super correctione & emendatione Capitulorum in precedenti sessione (quarta) statutorum, tandem ordinatum & conclusum est, quòd supradicta Capitula modo infra-scripto corrigerentur, &c. præmissa per Dominos Cardinales & Oratores Regis Francia protestatione secretâ in Camera Paramentorum Palatij Constantiensis secretè factâ, quòd propter scandalum evitandum ad sessionem ibant, non animo consentiendi his, quæ audierant in ea statui debere, &c.* Censuerunt ergo Cardinales, Gallicique Oratores, quo tempore sessiones quarta & quinta agebantur, aut Concilium non fuisse Oecumenicum, aut nullâ potestate in Pontifices præditum; alioquin quî poterant Decretis Concilij haud annuere, quòd Oecumenicum & legitimum crederent? imò nisi annuissent, pro Schismaticis habendi erant, nec tamen habiti sunt.

Tertiò. Cardinalis Turrecremata in lib. de Ecclesia: Nullus, inquit, dubitat, quòd asserere, quòd sola obedientia Joannis faceret Concilium Universale, Universalem Ecclesiam representans, esset temerarium ac scandalosum alijs duabus Obedientijs. Omnes ergo Episcopi, Cardinales, Doctores, omnesque Universitates, Scotiæ, Lusitaniæ, Castellæ, Navarræ, Aragoniæ, totiusque Hispaniæ, Bearnæ quòque, Sardinæ, Corsicæ, Majoricæ, Bavaræ, Flaminæ, celebrèsque Wormatiensis, Spirensis, & Werdensis Episcopatus, qui Gregorio & Benedicto adhærebant, Concilium Constantiense, quo tempore duæ sessiones quarta & quinta agebantur, pro Oecumenico & Universali non habuerunt; nec propterea ab ullo mortalium pro Schismaticis aut hæreticis habiti sunt; non ergo certa & indubitata ea Decreta dici poterant, quæ à tam multis & celeberrimis Ecclesijs, pro irritis, nullisque habebantur, illas & inviolatâ conscientiâ.

Quartò. Eugenius IV. Pontifex Maximus in Apologia contra Basileenses: *Non dixit Obedientia Gregorij, non Benedicti, quæ Christianitatis pars non modica fuit, ante tempus Conventionis plenarium fuisse Concilium, nec prius actitata, quasi Synodi Generalis plenariâ auctoritate suscepit; itaque oportuit ipsis convenientibus primò ab Obedientia Gregorij, deinde ab Obedientia Benedicti novum Concilium convocari, hincque Universâ Ecclesiâ concurrente plenaria Synodi rem & nomen accepit. Quod ergo ante illum articulum*

ipsis à Patribus ibi confidentibus actum est, Universæ Ecclesiæ non debet adscribi, sed eis tantum qui ibidem considerant, & unius tantum Obedientia Synodum faciebant. Fuit ergo Eugenij, omniumque, qui Eugenio adhærebant, hoc est, totius Orbis Christiani sententia (paucis exceptis, qui Basileæ tumultuabantur) Constantiense Concilium, cum illæ duæ sessiones peragebantur, non fuisse Oecumenicum, sed particulare tantum, unius videlicet Obedientiæ Johannis XXIII.

Quintò. Idem Cardinalis Turrecremata lib. 2. de Ecclesiæ cap. 99. Neque ipsa integræ Joannis XXIII. Obedientia consensus; quoniam plures Patres doctissimi illius Obedientia illis non præstiterunt consensum, aut assensum suum. Plures ergo & doctissimi viri, etiam ex Johannis Obedientia credebant, se Decretis illis haud illigari, sed posse obniti, & consequenter non fuisse eo tempore Concilium Oecumenicum, aut saltem suâ potestate abusum; aut quâdici potuit Concilium Universale, cui deerant tot suffragia, aut contempta videlicet, aut contraria, aut non audita? Idem Turrecremata, qui Concilio Constantiensi interfuit: Congregatio, inquit, Constantiæ celebratâ tempora habuit: primum fuit, in quo sola Obedientia Joannis præfati Constantiæ convenerat. Secundum tempus fuit, in quo Angelus Corrarius, vocatus in Obedientia sua Gregorius XII. juri suo cedens præfata Congregationi, sub certis modo & forma se conjunxit. Tertium tempus est, in quo Reges & Principes ac Prælati Obedientes Petro de Luna, Benedicto XIII. vocatò in Obedientia sua, per suos Oratores novâ factâ convocatione Concilij se unierunt præfate Congregationi ad pacem dandam Ecclesiæ, & fuimus nos præsentés, tunc in Minoribus constituti; pro quo solo tempore convenientibus omnibus simul tribus Obedientijs fuit certum dicere, quod Universalis Ecclesiæ fuit representativè congregata Constantiæ. Hæc Turrecremata, cui utpote præsentis, rerumque omnium conscio, quæ Constantiæ agebantur, & doctrinâ ac pietate præstanti, nec partibus additò, meritò fidem adhibeas.

Sextò. Sessione decimâ quartâ Concilij Constantiensis leguntur Bullæ Gregorij certis conditionibus Papatu renuntiantis, in quarum prima Arimini data tertio Idus Maij Anno 1414. Concedit suis Legatis Congregationem Constantiensem, in quantum per serenitatem Regiam, & non per Balihafrem se nuncupari facientem Joannem Papam XXIII. vocatam vice suâ ad prædictorum effectum convocandi & auctorizandi in Generale Concilium, remotâ tamen omnimodo Balihafaris præfidentia, & præfentiâ

senti à ab ipslem. Hanc Gregorij Bullam, quâ Concilium ante Sessionem decimam quartam apertè Oecumenicum negabatur, non solum actis suis Synodus Constantiensis inferuit; sed etiam ex consensu quatuor Nationum, omniumque Patrum Archiepiscopus Mediolanensis tabulas legit, quibus dicebatur: Quodd Concilium memoratum dictam convocationem, auctorisationem, & confirmationem, in quantum ad eundem Gregorium pertinet & attinet, eis admittit, Collegium ipsius D. Gregorij nuncupati, alteri Collegio videlicet olim Johannis Papa, & è converso, unius omnino decrevit, & Notarij rogati de præmissis non faciant mentionem in instrumentis suis de Papa vel Sede Apostolica, sed de Sigismundo Romanorum Rege usque ad cessionem nomine dicti Gregorij faciendam. Et sess. 20. non prius Obedientia Benedicti se Patribus Constantiensibus adjunxit, quàm ut iterum Concilium convocaretur, perinde ac si hætenus legitime convocatum non esset, neque Oecumenicum fuisset: ut Congregatio titulo abstineret Concilij Oecumenici. Et sexaginta litteræ ad Regem Arragoniæ Ferdinandum missæ sunt, nullâ Concilij Generalis inscriptione; quæ omnia à Patribus Concilij acceptata, confirmata & jurata sunt, ut videre est in Actis vigesimæ sessionis, & in duobus Codicibus Manuscriptis Regestum Concilij continentibus. Agnoscebant ergo Patres Constantienses, antequam Obedientiæ Gregorij & Benedicti sese adungerent reliquis, nondum satis constare de auctoritate Concilij, & an esset Oecumenicum; si enim constabat Oecumenicum esse, cur novam Concilij convocationem, cur Decreta priora in dubium revocari permittebant, abstinebantque titulo Oecumenicæ Synodi, toties in prioribus sessionibus usurpato? Nec dici potest id Patres tolerasse studio pacis: nec enim hanc tantum causam fuisse; sed eam præcipuè, quodd reverà à magna Christiani Orbis parte, imò etiam à quàm plurimis in ipsa Synodo, negaretur Oecumenica & legitima esse (alioquin nunquam pacem tam cardè indignisque conditionibus emerent, & Decreta prioribus sancita sessionibus permitterent aut everti, aut in dubium revocari) id quod ex Tur-recremata, Petro Alliacenfi, Eugenio IV. alijsque supra ostendimus. Et ideo Arragonensis Regis Legati protestati sunt: (a) Quodd quidem vellem se unire Concilio, non tamen reputare esse Generale Concilium, neque agi de rebus Generalis Concilij, donec venirent Legati Regis Castella.

Septimò.

(a) Ex 4. Codd. MM. SS. apud Schelstr. in dissert. Antwerp. fol. 52.

Septimò. Sessione 14. sub gravissimis pœnis decretum de non eligendo sine assensu Concilij Romano Pontifice hisce verbis editum fuerat : *Sacro sancta Generalis Constantiensis Synodus pronuntiat, statuit, & ordinat ad electionem futuri Pontificis nullatenus procedatur, sine deliberatione & consensu hujus sacri Concilij Generalis, & si quid fieret, sit ipso facto auctoritate hujus Concilij irritum & inane; nullusque electum contra hoc Decretum in Papam recipiat sub pœna maledictionis aeterna, & savoria schismatis. &c.* Quid poterat à Concilio enixius decerni, & gravioribus pœnis armari? & tamen, quia Benedicti XIII. Obedientia necdum accesserat, ideòque ea Synodus pro Oecumenica non habebatur, adeò huic Decreto delatum non est, ut & Collegium Cardinalium, & Natio Hispanica, imò & tres reliquæ Nationes protestatæ sint illud Decretum, aut nullum esse, aut saltem dubia auctoritatis; & ex eo sequi, Ecclesiam DEI sine capite & lege futuram esse, sed nec illo Hispanicam Nationem ligari potuisse, quamvis validum foret: nec haberi posse indubitatum Concilium deficiente capite, ad quod pertinet Concilium convocare. Hæc omnia palàm faciunt, non fuisse eo tempore Concilium Constantiense pro certo ac Oecumenico habitum; qui enim certum & Oecumenicum, quod negant esse indubitatum, quod Acephalum dicunt, cujus Decreta invalida, nec illis Nationem Hispanicam ligari volunt, imò turbari Ecclesiam, reddique ex legem? hæc planè non sunt notæ legitimæ & Oecumenicæ Synodi: & hæc si objici poterant sessioni decimæ quartæ, quanto magis sessioni quartæ & quintæ, tot aliàs, ut suprà ostendi, defectibus laborantibus, & in quibus Obedientia Gregorij nondum se reliquo agmini sociaverat? In quatuor Codicibus Manuscriptis (quos Schellstrate edidit in Tractatu Romæ edito) ad Annum 1417. hæc habentur: *Hu diebus post ejectionem Petri de Luna infra decem dies Cardinales attendentes constitutionem: ubi majus. de elect. in 6. alia jura, & etiam Decreta Concilij super electione Papa hæc vice, pro qua Concilium decrevit electionem faciendam modo & formâ, loco, tempore & materiâ per Concilium ordmandis, & pœnas terribiles imponit contrarium facientibus, suspenditque omnia jura positiva in illa materia; licet dicti Cardinales non reputarent dicta Decreta valere propter opinioniones Doctorum ita dicentium; noluerunt tamen illa publicè impugnare &c.* Propter quod fecerunt Protestationes in omnibus Nationibus, mitiores, quàm potuerunt, per quas posset jus eorum conservari, & nullus de Concilio de-

beret

beret exasperari &c. Et infra : *Dictam protestationem fecerunt in qualibet Natione per duos Cardinales & Procuratorem, cum duobus Notarijs Nationis Italiae &c. Et in alia Protestatione ejusdem sacri Collegij, ac trium Nationum, videlicet, Italicæ, Hispanicæ, Gallicæque. Audite hæc omnes, auribus percipite, qui habitatis Orbem &c. Vos præsunt Venerabilem Nationem pluries & insinuat exhortati sumi & requisierunt, quatenus attentis periculis Ecclesiæ sanctæ DEI velletis per vos vel Deputatos vestros cum dictis tribus Nationibus Italia, Galia, Hispania & Cardinales super modo futura electionis maxime de electoribus tractare, agere & convenire, quod facere, & super hoc respondere jam multis diebus distulistis, & non fecistis, licet asseratis sine vestro consensu & ordinatione Concilij, super modo, forma, loco, tempore & materia non posse ad dictam electionem procedi, obstantibus quibusdam hujus Concilij decretis, quibus nos, Hispanica Natio, etiamsi alias valida existerent, non ligamur. Et infra : Cum si ante dictam provisionem Ecclesiæ de Pastore, aut saltem modi electionis illius, suppositis hujus Concilij Decretis, quibus omnia jura circa electionem Pontificis edita, dicuntur esse suspensa; ex quo sequetur Ecclesiam DEI esse sine capite, & sine lege & ordinatione electionum Pontificum, hoc Concilium casu aliquo dissolvatur, prout jam multa causa videntur imminere; Ecclesiæ in periculo remaneret, quia vix aut nunquam summus Pontifex indubitatè posset haberi, quia vix congregaretur indubitatum Concilium deficiente capite, ad quod pertinet convocare &c.*

Octavo. Sessione 39. præscribitur forma Professionis fidei, quam Romani Pontifices legitimè electi facere tenentur in hæc verba: In nomine sanctæ & Individuæ Trinitatis, &c. Anno à Nativitate Domini, &c, ego electus in Papam Omnipotenti Deo corde & ore profiteor, me firmiter credere & tenere sanctam fidem Catholicam, secundum traditionem Apostolorum, Generalium Conciliorum & aliorum Sanctorum Patrum; maxime autem Sanctorum octo Conciliorum, videlicet primi Nicani, secundi Constantinopolitani, tertij Ephesini, quarti Chalcedonensis, quinti & sexti Constantinopolitanorum, septimi Nicani, octavi quoque Constantinopolitani; nec non Lateranensis, Lugdunensis, & Viennensis Generalium etiam Conciliorum, & illam fidem usque ad unum apicem immutatam servare: ritum quoque pariter Sacramentorum Ecclesiæ. Ecce! enumerat Constantiensis Synodus omnia Generalia Concilia, in quorum fidem jurare oporteat Romanum Pontificem; cur rogo ex omnibus Generalibus Concilijs solum Constantiense omittitur, quod tamen adeò expressè ac nominatim sessionibus

P

quartâ

quartâ & quintâ decretis fidei à se statuendis Romanum Pontificem illigaverat; id quod à nullo hætenus Conciliorum legimus factum; cur ergo solum Constantiense omittitur, quo nullum magis exprimi debebat? nimirum agnoscebant Patres Constantiense Concilium, utpote à Romano Pontifice necdum approbatum, dici non posse Oecumenicum, & ided nec inter Oecumenica reponi debere.

Nonò. Petrus Alliacensis, qui tractatum de Ecclesiæ, & Cardinalium auctoritate anno 1417. scripsit, hoc est, quando sessio vigesima sexta jam Constantiæ habita, & Obedientia Benedicti se Concilio adjunxerat; parte illius libri primâ cap. 4. dubia aliqua proponit: *Que*, dicebat, *apud nonnullos magnam inducere perplexitatem. Primò an quatuor Nationes in hoc sacro Concilio, excluso Cardinalium Collegio faciant Concilium generale, cum sint plura Concilia particularia valdè inæqualia & impropor-tionaliter divisa, & ad partem deliberantia, que deliberatio, exclusâ deliberatione Collegij, & non factâ in communi sessione collatione votorum, videtur multis non esse censenda deliberatio Concilij conciliariter facta. Secundò an dictæ Nationes, quæ sunt nova Collegia particularia, habuerint à jure Divino vel humano auctoritatem privandi Romanam Ecclesiam, & sacrum Collegium jure suo, habendi scilicet vocem in sacro Concilio, & Summum Pontificem eligendi. Hæc Cameracensis Cardinalis, qui postea adjungit: Hæc à se proponi eo consilio, ut super his Concilium deliberet, ne in futurum ejus acta improben-tur. Ergo jam tunc temporis apud multos Concilij auctoritas vacillabat, eratque incertum, an pro Oecumenico, legitimòque habendum esset, idque præter alias rationes, etiam ex his capitibus: tum, quod non tam unum Corpus unumque Concilium, quàm quatuor & diversæ Congregationes viderentur, ex quatuor Nationibus constatæ, idque contra instituta morémque omnium retrò Conciliorum: tum, quia numerus votorum non rectè iniri poterat, aded ut minor pars æquivaleret multò & decuplo majori, quod apertè libertati, exemplo omnium Conciliorum, sacris Canonibus, rectæque rationi adversabatur; Natio enim Anglicana viginti tantum votis constabat; Gallicana & Italica singulæ trecenis, & tamen Anglicanæ vota æquivalabant votis Gallicanæ, cum quælibet Natio pro uno tantum voto computaretur: tum, quia deliberatio, & examen rerum, quæ definiri oportebat, non instituebatur Conciliariter,*

hoc

hoc est, in communi omnium Nationum, sed in privatis singulorum Conventibus, quæ dici Conciliaris deliberatio non poterat: quemadmodum in causis, quæ capitulariter decerni deberent, non haberetur pro resolutione Capitulari, quæ in particularibus Capitularium congressibus caperetur, ut si in electione Episcopi v. g. Constantiensis, Suevi, Helveti, Franconesque Canonici in privatis, distinctisque Cœtibus, non in communi conventu sua vota conferrent, præsertim si Helvetorum vota, quæ tantum sunt tria, æquivalere Suevorum deberent, quæ sunt supra viginti: tum denique, quia Cardinales ad deliberandum non admittebantur; quamvis enim non oporteat ad Concilium Oecumenicum omnes Episcopos convenire, oportet tamen nullum excludi, accedere & interesse volentem. Si ergo ex his capitibus, teste Alliacensi Cardinali, auctoritas Concilij dubia reddebatur; quanto id magis de sessionibus quarta & quinta dicendum, cui una tantum Obedientia intererat, & in quam, præter istos, tot alij defectus incurrebant supra notati?

V. Si ergo auctoritas Concilij Constantiensis, priusquam à Martino V. confirmaretur, Regi, Senatui & Oratoribus Gallicis, imò Cardinalibus, ipsisque Concilij Patribus aut dubia, aut nulla habebatur, idque invictis testimonijs à nobis probatum est; quid tandem præsidij ab hujus Concilij decretis sperare Maimburgus potest? at celavit hæc omnia, ut cum vincere non posset, saltem abderet veritatem. Sed præter jam dicta aliud adhuc superest, quod illis Decretis valide objiciamus. Nego enim illa in senatu, quem Adversarij volunt, & præsertim Maimburgus, Martino V. confirmata esse. Nam *Primo* Martinus V. *sessione 45.* his verbis Concilij Decreta confirmat. *Omnia & singula determinata, & conclusa, decreta in materia fidei per præsens sacrum Generale Concilium Constantiense conciliariter tenere ac inviolabiliter observare volebat, & nunquam contravenire quoquo modo; ipsaque sic conciliariter facta approbat & ratificat, & non aliter, nec alio modo.* Hic Martinus ea solum Concilij acta confirmat, quæ ad materiam fidei pertinent, & *Conciliariter facta*, non verò approbat, quæ ad fidem non spectant, nec sunt conciliariter facta: at talia sunt Decreta quartæ & quintæ sessionum: hæc enim propositio: *Concilium est supra Papam certum & indubitatum*, non est de fide, alioquin

totus ferè Catholicus Orbis, si paucos in Gallia excipias, omnèſque Doctores, & Universitates, ipsique Romani Pontifices, qui contrarium scriptis & exemplis docuere, hæretici vocandi essent; quod utique ne Maimburgus quidem dixerit, quamvis alioquin lati thoracis homo. Ea insuper Decreta non fuisse Conciliariter edita, jam suprà magnis testimonijs & præsertim Spondani Episcopi Galli & Maimburgo commendatissimi ostendimus; si ergo nec ad fidem spectant, nec Conciliariter sunt facta; sequitur à Martino V. confirmata non esse. Ubi sciendum est triplicis generis causas in Concilio agitatas esse, videlicet, fidei, Unionis, & Reformationis. Per materias fidei ea in Concilio intelligebantur, quæ contra hæreticos decernebant: & ubi de materijs fidei mentio aliqua in Concilio incidit, semper agitur de ijs, quæ contra Johannem Wicleſsum, Johannem Huſ, & Hieronymum Pragensem decreta sunt, nec aliam fidei materiam in hoc Concilio reperies; id quod specialiter in sessione quinta observare licet, cum enim legerentur primum & secundum Decretum (in quibus de auctoritate Concilij statuitur) præmittitur: *Fueruntque pronuntiatii articuli & constitutiones sequentes per Reverendum D. Andreamelectum Poznanienſem.* Ubi vides eos articulos, qui de Pontificis & Concilij auctoritate agunt, *Constitutiones*, non Dogmata vocari: hisce verò Constitutionibus perlectis, ubi ad Dogmata perventum, hæc præmittuntur: *Quibus peractis supradictus Reverendus Pater D. Andreas electus Poznanienſis in materia fidei, & super materia Johannis Huſ quadam avisamenta perlegebat.* Ubi vides Concilium expresse distinguere inter Constitutiones & materias fidei: & prima illa Decreta, quibus auctoritas Concilij sancitur, ad Constitutiones, non ad Dogmata referri.

Secundò. Tantum abest, Martinum Decreta quartæ & quintæ sessionum in sensu Adversariorum confirmare voluisse, ut ea potius vidente, audiente, nec repugnante Concilio obliterata & deleta voluerit. Cum enim Poloniæ Legatus Archi-Episcopus Gnesnensis cum eoque Polonica Natio libellum quemdam famosum contra Uladislauum Regem, totamque Polonicam Nationem à Joanne Falckenberg editum, damnari hæresis cuperent, imò & à toto Concilio ac Cardinalium Collegio damnatus esset; solus obstitit Martinus, negavitque hanc fidei causam esse; cum ergo

ergo Poloni ad futurum Concilium à Martino appellassent, Martinus Constitutionem edidit anno primo sui Pontificatus 6. Idus Martij, in qua : Nulli, inquit, *fas est, à supremo Judice, videlicet, Apostolica Sede seu Romano Pontifice JESU Christi Vicario in terris appellare, aut illius judicium in causis fidei (qua tanquam majores ad ipsius & Sedem Apostolicam deferenda sunt) declinare.* Meminit hujus Constitutionis Joannes Gerson in Dialogo Apologetico pro Concilio Constantiensi, & occasione illius Tractatum scribit, *quomodo & an liceat à Summo Pontifice appellare?* Quid poterat Martinus expressius dicere contra Concilij auctoritatem, duobus illis Decretis ex sensu Adversariorum sancitam? Volunt enim illis definitum esse, Pontificem subiacere Concilio; at Martinus superiorem se proficitur. Volunt in causis fidei Pontificem Concilij Decretis alligatum esse; at Pontifex in causis fidei dijudicandis supremam auctoritatem non Concilio, sed sibi competere pronuntiat; nec altius esse tribunal, ad quod liceat appellare. Quis jam credat Martinum ea Concilij Decreta confirmasse, quæ tam serid, tamque enixè confutat? idque vidente, audiente, nec repugnante Concilio? Unde faciliè intelligas, quàm inanis sit Maimburgi cavillatio, asserentis id tantum Martinum prohibere: *Ne ad Episcopos particulariter sumptos appellari à Pontifice possit, non verò prohibere appellationes ad Episcopos in Concilio congregatos.* Vana responsio, nec causæ, nec veritati idonea. Martinus enim hanc suam de non appellando Constitutionem Appellationi opposuit à Polonis factæ; Poloni verò non ad Episcopos particulariter sumptos, sed ad futurum Concilium appellaverant; hoc ergo, non illud Martinus prohibuit; & ideo Johannes Gerson Tractatu, *quomodo & an liceat à Pontifice appellare*, omnem lapidem movet, ut ostendat, eam Martini Constitutionem Decretis Synodalibus repugnare: at non repugnasset Decretis Synodalibus, si tantum prohiberet Appellationem ad particulares Episcopos, & Romanum Pontificem singulis tantum Episcopis præponeret; id enim Decreta Concilij nunquam statuerant, quæ, cum Pontificis auctoritatem circumscribunt, non eam singulis aut particularibus Episcopis, sed toti Concilio submittunt.

Urid. Id quoque Henricus Spondanus Episcopus Apamiensis
P 2 ingenuè

ingenue professus est, cui utpote Gallo, notæque pietatis, ac Regibus charo, nec partibus addicto, fidem merito adhibeas. Is verò ita loquitur: (a) *Ea quæ ambigüe decreta fuissent de auctoritate Concilij supra Pontificem, & de potestate reformandi Ecclesiam tam in capite, quam in membris, absolue ut sonare videntur, sumpta, nulli modo Martinus agnoscere, aut approbare voluit, utpotè contraria existimata, & praxi antiquioris Ecclesiæ, & collata à Christo Domino potestati, ipsique demum naturæ rei, quæ caput debet membra regere, non regi à membris.*

VI. Superest jam, ut ad plenam dictorum Synodi Decretorum intelligentiam ostendamus, Patrum Constantiensium mentem sensumque non fuisse, ut Concilij auctoritatem in omni casu, omni que tempore Pontificiæ prælatam vellent, sed solum in casu Schismatis, dubiique Pontificis. Id verum, certumque esse ex sequentibus discere.

Nam primò quoties Concilium de hac re loquitur, semper verba & Decreta sua ad casum Schismatis restringit. Sessione 4. *Hæc sancta Synodus Constantiensis faciens pro extirpatione præsentis Schismatis & nomine ac Reformatione Ecclesiæ Dñi in capite & in membris fienda.* Et infra: *Et primò quòd ipsa Synodus in Spiritu sancto congregata generale Concilium faciens, Ecclesiam Catholicam militantem representans potestatem à Christo immediate habet, cui quilibet, cujuscunque status vel dignitatis, etiamsi Papalis existat, obedire tenetur, in his, quæ pertinent ad fidem & extirpationem dicti Schismatis &c.* Et sessione 5. *Et primò declarat, quòd ipsa immediate à Christo potestatem habet, cui quilibet, etiamsi Papalis dignitatis existat, obedire tenetur in his, quæ pertinent ad fidem, & extirpationem dicti Schismatis, Reformationem Ecclesiæ in capite & in membris.* Et infra: *Item declarat, quòd quicumque cujuscunque dignitatis, etiam Papalis, qui mandatis, statutis, seu ordinationibus hujus sacrosanctæ Synodi, aut cujuscunque alterius Concilij Generalis legitime congregati super præmissis, aut ad ea pertinentibus, factu, vel faciendis &c.* Obserua sermonem semper esse de solo Concilio Constantiensi, quando nullus certus Pontifex, & obstinatum Schisma Ecclesiam dividebat; cùm verò de alijs Concilijs Generalibus mentio fit; adjicitur continuò clausula restrictiva, videlicet: *Super præmissis seu ad ea pertinentibus.* Quæ verò sint illa præmissa, constat ex antecedentibus verbis: *Hæc sancta Synodus Constantiensis Generale Concilium*

(a) Spondan. ad Annum 1414.

edilium faciens pro extirpatione ipsius Schismatis, & Unione, & Reformatione Ecclesie DEI in capite & in membris &c. Nulla ergo Concilij in Pontifices potestas, nisi cum agitur de extirpando Schismate, & Unione Ecclesie, & consequenter in casu dubij Pontificis. Si enim absolute, omnique casu Concilium sit supra Pontificem, cur rogo Patres Constantienses toties, tamque repetitis verbis hanc potestatem restringunt, aut ad Concilium Constantiense, aut ad casum presentis Schismatis? quis nescit clausulas præsertim sæpius repetitas operari aliquid debere? & inclusionem unius esse exclusionem alterius? Planè & Concilij, & veritati injuriam facere, si quod semper Concilij licet, ipsi ad unum casum restringerint; quemadmodum si petenti facultatem comedendi carnes in Quadragesima, Pontifex aut Episcopus rescribat: *Concedo, ut possis ter in hebdomade carnibus vesci*; nemo dubitabit pluries non licere; cur enim si semper licere voluissent, ad ternas vices licentiam restringerent?

Secundo. Cum Synodus Constantiensis deponere Joannem vellet, nec tamen id satis auderet defectu potestatis; primò illum Schismatis & hæresis accusarunt, quòd scirent hoc uno delicto moveri Pontifices posse, idque sacris Canonibus sancitum: sed cum id non procederet, nec probari posset monente in publico congressu Cardinale S. Marci: (a) *Ut attenderet Concilium, quod Prætorator Concilij proposuerat crimen hæresis, & fautoriam Schismati, & alia quædam non constare.* Patres omisâ hæresis accusatione, collatisque cum Sigismundo Imperatore sacroque Collegio consilij, censuerunt illud superesse, ut Pontifex in sententiam à Concilio ferendam consentiret, ac spontè renunciaret: deletique quatuor Cardinales, inter quos Florentinus & Cameracensis, qui hæc legatione fungerentur, moverentque Joannem: & latâ jam in eum sententiâ, repetita Legatio est, annuitque Joannes utrique Legationi. Audi acta ipsius Concilij. *Statim Rex, Cardinales & Deputati, pluresque tractaverunt materiam, quòd Papa consentiret sententiæ suæ depositionis, & ex abundanti renunciaret.* Et infra: *Ordinatum fuit, quòd Cardinales de Urbinis, Cameracensis, de Tbalanco, Salutiarius, & Florentinus irent ad Papam.* Et infra post latam sententiam. (b) *Concilium misit ad Papam, &*

Papa

(a) Gesta Constantiens. ex 4. MM. SS. Codd. (b) Ex iisdem MM. SS. 14. Maji 1415.

Papa sententia acquievit, & ex abundanti renuntiavit in forma prædictæ fbedula. Forma autem à Concilio missa inter alia hæc habet: Porro si omnino dictum sacrum Concilium vult procedere ad sententiam, scilicet amovendo eundem Dominum Joannem à Papatu, affirmat, quod non vult reclamare, nec reclamabit contra dictam sententiam proferendam, quin inno ipsam ratificabit & approbabit, & eandem acceptabit, & in quantum in se fuit, confirmabit &c. Et in instrumento Concordatorum Narbonæ inter Regem Romanorum & Legatos Concilij ex una, & Obedientiam Benedicti ex altera partibus. Dominus, qui Gregorius XII. in sua Obedientia dicebatur, sua sponte cessit. Sic & Dominus, qui Joannes XXIII. dicebatur, facere voluit atque fecit. Ubi vides Joannis exauctorationem non sententiæ Concilij tribui, sed spontaneæ cessionis. Si ergo Concilium Constantiense ne dubium quidem Pontificem, & tempore schismatis est ausum, nisi prius hæresis notatum, & hæc non probatâ, nisi consentientem, approbantem, suoque jure ac sponte cedentem, quantò minùs id auderent in Pontificem verum & legitimum, & planè indubium? quantòque minùs decreta quartæ & quintæ sessionum extendi ad hunc vellent?

Tertio. Post trium Obedientiarum Unionem, novum inter Patres certamen est ortum, quo diù multumque collisi sunt. Volebant tres Nationes, Hispanica videlicet, Italica & Gallica, & cum istis Cardinalium Collegium, non prius de Reformatione sermonem fieri, quàm certus & indubius Pontifex eligeretur; quippe præcipuam, maximèque necessariam Reformationis partem esse, si schisma tolleretur: tolli autem non posse, nisi certo Pontifice, hunc ergo ante omnia eligendum. At Natio Germanica præmitti volebat morum reformationem in capite & in membris, quâ etiam Pontifex teneretur. Post longum certamen vicit trium Nationum sententia, celsitque Germanica, eâ tamen conditione: Ut à Concilio expediretur asscuratio, & cautio per Decretum irritans, quòd post electionem Papa fieret Reformatio ante Coronationem Papa, & administratio-
nem aliquam. Quâ postulatione Germanorum auditâ, perpensaque subjungunt acta: (a) Postea fuerunt facta diversa forma, ac tandem fuit dictum,

(a) Ex 4. MM. SS. Codd. apud Schellstr. fol. 168. & habetur in protestatione trium Nationum contra Nationem Germanicam ante sessionem 40. die 11. Septemb. Anno 1417.

dictum, quod Papa electus ligari non poteſt. Hic apertè ſuam mentem Concilium explicavit : nam ſeſſione quartâ & quintâ agebatur de Pontifice dubio; quippe tres Pontifices Eccleſiam in diverſas partes ſcindebant, & idèò deſinitum eſt, ſubjacere Pontifices Conciliorum Decretis. Ubi autem de vero & indubitato Pontifice actum, ingenuè Patres profitentur: *Electum Pontificem ligari non poſſe.* Quid clariùs dici poterat? ſi enim crederent Concilij poteſtatem etiam in verum & indubitatum Pontificem extendi, idque Decretis quartæ & quintæ ſeſſionum ſancitum eſſe, quid morantur, renuuntque electo Pontifici leges ſtatuerè, & niſi obſervet, pœnas, Depoſitionem ac alia minari, quæ in tres dubios Pontifices experti ſunt? *Non poteſt, inquit, electus Pontifex ligari.* At Johannem, Benedictum, Gregorium ligaviſtis, cur non etiam Martinum? Quia videlicet de hoc conſtabat legitimum eſſe, non verò de illis. Patet ergo ex hoc Nationum reſponſo, quæ fuerit Concilij mens de poteſtate in verum, certumque Pontificem, cum videlicet Concilio ligari non poſſe. Et idèò in Decreto ſeſſionis 45. à quinque Nationibus Conciliariter edito ſtatuitur: *Ut Romanus Pontifex proximè aſſumendus Eccleſiam in Capite & membris reformet.* Nulla tamen, ut ſeſſionibus quartâ & quintâ, addita pœna; quia videlicet ſentiebant, verum certumque Pontificem nullius Concilij poteſtati coactivæ ſubjacere, & idèò contrà quàm Germanica Natio poſtulaverat, nullam pœnam nolenti præhigunt. Quod etiam diſcrimen inter certum, dubiumque Pontificem egregiè obſervatum eſt ſeſſione 39. ubi enim ſermo eſt de vero & indubitato Pontifice, ſtatuitur quidem, ut ſingulis quinquennijs Concilium indicat, nullâ tamen omittentis pœnâ: ſequenti verò paragrapho, ubi agitur de tempore & caſu Schiſmatis, dubioque Pontifice, graviffimæ pœnæ, ac etiam privatio Papatûs negligenti ſtatuantur; certum igitur eſt, nec negari poteſt, aliam fuiſſe Concilij mentem circa dubium, aliam circa certum indubitatumque Pontificem.

Quarid. Seſſione ultimâ in Bulla Martini ſacro approbante Concilio edita contra hæreſes Wicleſſi & Huſſij expreſſè dicitur: *Papam Canonicè electum ſupremam in Eccleſia DEI habere poteſtatem.* Atqui non haberet ſupremam, ſi poteſtati Concilij ſubjaceret; nemo enim dixerit, in Republica Romana, aut alia Democratica ſupremam

mam potestatem esse penès Consulem aut Ducem, sed penès Comitìa Popularia.

Quid. Eandem Pontificis auctoritatem manifestè ostendit Constitutio Martini V. prohibentis libellum Johannis à Falckenberg hæresis damnari (quem tamen totum Concilium damnaverat) & pronuntiantis, non posse à Pontifice ad Concilium appellari, supremumque in causis fidei tribunal esse penès Pontificem, non Concilium, idque audiente, nec contradicente Concilio, de quo suprà.

Et hæc sunt, quæ circa quartam & quintam sessiones monenda censui, quæque apud doctissimum Schelstratum fusiùs deducta reperies; ego enim, ut candidè veritatem profitear, neminem credo magis de veritate in hac causa meritum esse; quippe nullâ re magis quàm auctoritate Concilij Constantiensis gloriabantur Gallici Antistites, & tamen hoc illis Palladium Schelstratus eripuit, quod nemo ante illum, ut acta Concilij Constantiensis magna ex parte, Basileensium artibus sepulta, in lucem erumperent, & veritati testimonium ferrent. Superest nunc, ut quæ istis Maimburgus objecit, diluamus.



§. V.


Respondetur ad reliquas Maimburgi Objectiones.

S U M M A R I A.

1. Respondetur ad ea, quæ Maimburgus Codicibus Manuscriptis opponit.
2. Et ad Gersonis Auctoritatem.
3. Et ad Concilij Pisani.
4. Et ad argumentum ex titulo Oecumenici Concilij sumptum.

Opponit

I.

 *Pponit* 1. (a) Manuscriptos Codices, ex quibus multa hætenus testimonia deducta sunt; non posse actis Concilij Constantiensis jam editis, & ducentorum annorum possessione probatis, quidquam præjudicare; quidquid ergo ex illis productum est, infirmæ fidei, ac vacillantis esse.

Resp. Nihil apud eruditos est novi, si ex antiquis ac indubitatis Manuscriptis multa suppleantur, aut suppressa, aut inobservata, & typis omissa; hinc est, ut in omnibus Bibliothecis tanta sit cura, & pretium manuscriptis ac ineditis libris; & in Gallia præsertim, nihil ferè Eruditus solemnius, quàm ut hujusmodi documentis veritatem illustrent; hinc tot illa spicilegia, mantissæ, fragmenta, Observationes, ex quibus Sirmundus, Balluzius, Labbeus, Duchesne, Monachi S. Dionysij, alijque suos libros, novâsque Sanctorum Patrum, & Conciliorum editiones instruxerunt. Ipse Maimburgus hujusmodi antiquitates quoties ostentat? & præsertim libro secundo magni Schismatis Occidentis, ubi cum in favorem Clementis VII. per 4. integra folia pretium cujusdam manuscripti jactâset, suamque in eo consequendo felicitatem; non contentus ejus manuscripti auctoritate Clementis electionem Urbani præferre, ac insuper Monachum S. Dionysij, Juvenalem de Urbinis, ipsumque Spondanum præstantissimos scriptores erroris ac negligentiae damnâsse, adjungit ista pompæ ac magnificentiae plena: *Se quidem eloquentiâ stylique elegantia superari ab alijs potuisse, fidem verò, ac diligentiam quod attingit, nemini palmam concedere.* Si ergo Maimburgus tantum manuscriptis suis tribuit, ut eorum auctoritate & Pontifici tiaram, & præclarissimis scriptoribus fidem adimat, se verò illis omnibus præponat; quid tandem offendere illum posset; si nos non uno tamen, sed pluribus, sibi que planè conformibus manuscriptis nixi, nullo aut nostro lucro, aut aliorum damno, ea tantum suppleamus, quæ Constantiensi Concilio

Q²

desunt?

defunt? aut qui Codices majorem fidem merentur, quàm quibus stylus, character, antiquitas, ac locus ipse fidem conciliat? contat enim omnia Conciliorum acta Romam mitti solita, quod, ut alia omittam, de Nicæna prima & octava Synodis ex (a) actis ipsorum Conciliorum, & Anastasio certum est. Et planè in nullo Concilio major necessitas recurrendi ad Autographa Codicèsq; manuscriptos, ut in Constantiensi; hoc enim jussu Patrum Basileensium typis vulgari cœptum est; quippe cùm auctoritatem suam apud pleròsque contemptui esse viderent, ut eam casui vicinam fulcissent, ac Cathedram Petri, quam suis non poterant, alienis viribus concuterent; Synodi Constantiensis typis evulgandæ consilium cœpere. Delecti ad hoc opus Cardinales duo, totidemque Episcopi & Doctores, & Archidiaconus Zagabriensis, qui Synodi Decreta ex actis Constantiensibus extraherent. Id ab illis perfectum Anno 1442. & Codex, quem conscripserant, bullâ plumbeâ, filòque serico firmatus, & à Deputatis subscriptus. Ex hoc aliud exemplar Johannes Hober ex Inderdorff manu propriâ descripsit, quod cum Originali convenire testatus est Matthias Strinbach; & anno 1499. hoc ipsum exemplar typis mandatum est in Imperiali oppido Hagenow, & deinceps aliæ editiones omnes, quæ cùm auctores habuerint ipsos Basileenses, Pontifici Romano hostes implacatos, pronum est videre, quanta necessitas fuerit manuscriptos Codices consulendi, credendiq; libenter ab ijse omnia omissa, quæ Pontifici favere possent. Nec obstat, quod de longa possessione memorat Maimburgus; nullo enim tempore veritati præscribitur; alioquin Americam, Brasiliâque negabimus repertas esse, quia olim invisas, occultâsq; : quod si tempus nihil obfuit quærentibus terram, cur obstit quærentibus veritatem? & idè eleganter Tertullianus lib. de præscriptionibus: *Sempiterna quadam res est veritas, cui nemo præscribere potest; non spatium temporum, non patrocinia Personarum, non privilegia Nationum.* Et S. Augustinus in Psalm. 61. *Luce veritas latere potuerit, vinci non potuit.*

II. Opponit 2. (b) Auctoritatem Joannis Gersonis doctrinâ & pietate celebris, qui in sermone coram Concilij Patribus habito

secundâ

(a) V Acta Concil Nicæn. lib. 3. & Turrian. proëm. in Canon. Syn. Nicæn. & Anastas. præfat. ad 8. Synod. (b) Maimb. Traité histor. ch. 23. fol. 403.

secundâ post Epiphaniâ Dominicâ hæc habet : *Huic veritati (loquitur de Decretis quartæ & quintæ Sessionum) fundata supra petram sacra scriptura quisquis à proposito detrahit ; cadit in hæresin jam damnatam , quam nullus unquam Theologus , maxime Parisiensis & sanctus asseruit. Vidi nuper sanctum Thomam & Bonaventuram ; hic reliquorum libros non habeo ; damus super eam & plenam summo Pontifici potestatem Ecclesiasticam : rectè proculdubio , sed hoc faciunt in comparatione ad fideles singulos , & Ecclesias particulares. Dum etenim comparatio facienda fuisset ad auctoritatem Ecclesiæ Synodaliter congregatæ , subiecissent Papam , & usum potestatis suæ eidem Ecclesiæ tanquam Matrisuæ &c. Constat ergo testimonio Joannis Gersonis , Concilij mentem & sententiam fuisse etiam legitimum & indubitatum Pontificem (talis enim esse debet , cui singuli fideles , & particulares Ecclesiæ obedire tenentur) Concilio Occumenico subiacere.*

Resp. Multa responderi possunt ad Gersonis auctoritatem ; nam primò quæro ex Maimburgo , an Gersonem talem esse putet , cui fides necessariò adhiberi debeat ? & an ipse paratus quoque sit eam fidem illi præstare , quam à nobis exigit ? si negat , frustra nobis eam auctoritatem objectat , quam ipse contemnit , rejicitque. Si affirmat , ergo concedere debet , esse in Pontifice Romano indi rectam in Reges & Regna potestatem , posse etiam Principes Ecclesiasticos & sæculares privatâ auctoritate occidi ; utrûmque enim Gersonius (a) docuit , & tamen Maimburgus utrûmque negat , non ergo auctoritas Gersonis tanta est , quam recusare non liceat , etiam exemplo Maimburgi ; & planè Gersonem nimio Zelo , quo sui temporis abusus & flagitia persequeretur , extra justis , rectique limites abreptum esse , ne illi quidem negant , quæ ejus patrocinium maxime susceperunt. Nihil ergo auctoritas Gersonis convincit , præsertim tot alijs auctoritatibus oppressa.

Secundò. Idem Gerson hæresis damnat contrarium opinantes ; id verò manifestè falsum est etiam confessione adversariorum : alioquin omnis Hispania , Italia , Polonia , Germania ac tota ferè Europa hæresis damnanda ; hæretici etiam tot illi sancti & Doctores , & integra Regna , quæ Gregorio , & Benedicto ad hære-

Q3

(a) Gerson parte 4. serm. de pace & Unit. Græcor. confid. 5. & par. 2. in Regul. Moral. de præcept. Decalogi , & opusc. contra Adulator. confid. 7.

hærebant, quique Decreta illarum sessionum nunquam pro legitimis agnovère. Qui ergo fidem habeamus erudito quidem piòque Doctori, sed nimio, cæcòque impetu toties labenti?

Tertio. Ejusdem farinae est, quod subjungit idem Gerson, sententiam nostram, quæ Concilium Papæ submittit, à nullo Theologorum & sanctorum traditam esse. An ergo in Obedientia Gregorij & Benedicti, quæ magnam Christiani Orbis partem complectebatur, nulli sancti, & Theologi, qui vel hæc ipsâ ratione Constantiensis Concilij Decreta respuebant, quòd dicerent, nihil Concilij in Pontifices licere? & tamen dubij illi erant, incertique, quid de indubijs, certisque Pontificibus dicerent? An vero in Nicæna, Ephesina, Chalcedonensi, Lateranensi, Lugdunenſi Synodis nulli sancti, nulli Theologi erant? & tamen isti omnes pro summis Pontificibus pronuntiârunt, ut alibi (a) ostendimus. An verò Bonifacius, Gelasius, Symmachus, Nicolaus, Cyrillus, Damasus, Athanasius, Isidorus, Bernardus, aliique, qui Pontifices Concilio prætulère, sancti non erant?

Quarto. Fatetur Gerson in allegatis verbis, à se in præſenti controverſia nullum alium Auctorem præter Thomam, & Bonaventuram lectum esse, defectu librorum, qui ad manus non erant; & verò nullum esse à Gersone lectum infallibili argumento est, quòd nullum nèque ex Patribus, nèque ex Concilijs testimonium citat; nec verò in re tam magni momenti, tamque à multis etiam in Concilio impugnata citare omiſſiſſet, si quis Gersoni faveret, quod etiam observabis circa quartæ & quintæ Sessionum Decreta: quæ ergo major negligentia fingi potuit, quàm in re tanta, interque summa Ecclesiæ capita vertente, ex solo impetu privati affectûs, nullo teste, nullâ lege, nullòque antiquitatis, Patrûmque examine festinare sententiam, & Pontificem eâ ratione damnare, quâ nec privatum hominem liquiſſet? Nullum, inquit, legi præter Bonaventuram, & Thomam: & tamen assero sententiam contrariam, quæ Pontifici faveret, à nullo Theologo, nullòque sancto doceri, imò hæreticam esse. Ignosce mihi Gerson, non sunt hæc verba Parisiensi togâ, tantòque digna Doctore, humani aliquid & passus, & quod ratio non debuit, impetus edixit. Si nullum præter Thomam & Bonaventuram

turam legisti, unde ergo tibi constat, sententiam, quæ Pontificem Concilij præfert, à nullo Theologo, nulloque sancto doceri? num ergo sciri potest, quid Theologi, quid Sancti doceant, si eorum libros non legeris? quo ergo fundamento asseris, quod ignoras? doces, quod non didicisti? si ergo legisses, quæ Gelasius scripserat, videlicet: (a) *Sancta memoria Flavianum Pontificum Congregatione damnatum pari tenore, quoniam Sedes Apostolica non consensit, ab solvit, ac pro veritate fidei, ut Synodus Chædodonenfis fieret, sola decrevit.* Et Nicolaus primus: *Non ergo dicatis, in causa pietatis non eguisse vos Romanæ Ecclesiæ, quæ collecta Concilia sua auctoritate firmat, & sua moderatione custodit.* Unde quidam eorum, quia consensum Romani Pontificis non habuerunt, valetudinem perdididerunt &c. Et Bonifacius: *Nunquam etenim licuit, de eo rursus, quod semel statutum est ab Apostolica Sede, tractari.* Et Cælestinum in Commonitorio seu Instructione Legatis ad Concilium Ephesinum dato: *Instructiones, quæ vobis traditæ sunt, hoc loquuntur, ut conventui interesse debeatis. Si ad disputationem ventum fuerit, vos de eorum sententijs judicare debeatis, non subire exanien &c.* Hæc inquam & alia multa, quæ alibi notavimus, si Gerson legisset, nunquam urique scriberet, sententiam, quæ Romanum Pontificem Concilij præfert, à nullo Theologorum, & Sanctorum traditam esse.

Quinid. Sed multò gravius hallucinatur Gerson, minorique venià, quando allegans sanctorum Thomæ & Bonaventuræ auctoritatem, dicit eos loqui de Summo Pontifice cum Ecclesijs singulis & particularibus, non verò cum omnibus Episcopis in Synodo congregatis; Id verò tam apertè falsum est, ut oporteat nec eos quidem à Gersone lectos esse; aut si legit, aded fuisse averſo, occupatòque animo in tunc temporis Pontifices, ut ne ad ea quidem, quæ legebat, animum adverteret. Audi utrùmque S. Doctorem. Sanctus ergo Thomas in 2. 2. q. 1. art. 10. in C. ita loquitur: *Ad illius auctoritatem pertinet finaliter determinare ea, quæ sunt fidei; ut ea ab omnibus inconcussa fide teneantur: hoc autem pertinet ad auctoritatem Summi Pontificis, ad quem majores & difficiliore Ecclesiæ quæstiones deferuntur; & hujus ratio est, quia una fides debet esse unius Ecclesiæ, quod servari non posset, nisi quæstio fidei de fide exorta determinetur*

(a) S. Gelasius epist. 13. Nicolaus primus epist. 8. S. Cælestinus in Commonitorio apud Balluzium ex Cod. Colbertino, & ex Cod. Romano apud Schellr. in dissert. Romana fol. 67.

minetur per eum, qui toti Ecclesie præst. Et ideo ad solam auctoritatem Summi Pontificis pertinet nova editio Symboli, sicut & alia omnia, quæ pertinent ad totam Ecclesiam, ut congregare Synodum &c. Et ad 2. Unde pertinet ad Summum Pontificem, cujus auctoritate Synodus congregatur, & ejus sententia confirmatur. Hic clarum est, sanctum Doctorem loqui non de Ecclesijs particularibus, sed de tota & Universalis Ecclesia, & etiam Universalibus Synodis, tum quia expressè loquitur de Synodis, earumque Confirmationibus: tum etiam, quia loquitur de articulis Fidei, deque Symbolis fidei, quæ ut patet, non tantum ad singulas & particulares Ecclesias, sed etiam & maximè ad Synodos Universales pertinent: tum denique, quia dicit, *finalem determinationem fidei ad Romanum Pontificem, eumque solum pertinere*; ac utrumque falsum est, si Concilium sit supra Pontificem; tunc enim finalis determinatio ad Concilium pertinebit. Clara est ergo sententia S. Thomæ. Idem q. 10. de Potent. art. 4. ad 13. Ita etiam Romanus Pontifex hoc sua auctoritate potest (hoc est, interpretari Symbolum) cujus auctoritate sola Synodus congregari potest, & à quo sententia Synodi confirmatur, & ad ipsum à Synodo appellatur, quæ omnia patent ex Gestis Chalcedonenſis Synodi. Hic S. Thomas Summum Pontificem expressè cum Synodo Oecumenica comparat, ut patet exemplo Synodi Chalcedonenſis, quam allegat, & tandem eundem Pontificem Synodo majorem facit, dum scribit: *A Concilio ad Pontificem appellari*. Et in Opusculo 19. contra impugnantes Religionem: *Sancti Patres in Concilijs congregati, nihil statuere possunt, nisi auctoritate Summi Pontificis interveniente, sine qua nec Concilia celebrari possunt*. Si Concilia nihil statuere possunt sine auctoritate Summi Pontificis, ergo certum est, majorem esse Summi Pontificis, quàm Conciliorum auctoritatem; major enim potest statuere sine consensu minoris, Princeps videlicet sine consensu Senatûs, Episcopus sine consensu Vicarij, aut Synodi Diocesanae. Ex quibus luce meridiana clarius est S. Thomam non solum Ecclesijs particularibus, sed etiam Synodis Universalibus Summi Pontificis auctoritatem præferre. Ex quibus placeat Lectori duo observare. Primum, quantum noceat cognoscendæ veritati, animum asserre alienis opinionibus jam semel imbutum, occupatumque. Nemo negaverit fuisse Gersonem selectæ doctrinæ & pietatis, & tamen quia jam semel opinionem imbiberat Ponti-

Pontifici adversam; idque ut persuasum omnino habeo, Zelo Ecclesiam adjuvandi ambitione trium Pontificum miserè collisam; adeò illius animum hæc tinctura corruptit, ut cum Divos Thomam & Bonaventuram ante oculos haberet, legerétque, non tamen eos intellexerit, imò in sensus detorserit eorum menti adeò contrarios, ut nemo non errorem observet: ergo ut natura omni colore pupillam nudavit, quò omnes colores caperet; ita seponenda est omnis opinio veritatem captanti. *Secundò.* Nec minus quòque observatione dignum est, quàm parvâ curâ, studiòque hæc quæstio in Synodo Constantiensi agitata fuerit; nec tam ad momenta veritatis, quàm ex animorum affectu, impulsuque decisa: si enim Gerson flos Gallicanæ Sapientiæ, & excujus ore Galli omnes pendebant, quique in Constantiensi Synodo omnem paginam implebat, si is, inquam, nullos alios præter Thomam & Bonaventuram in hac quæstione legerat, & istos tam malè intellexit, ut ne quidem legisse videatur: quid rogo de alijs Patribus dices, minùs Gerson eruditus, minùs pijs, minùsque lectioni addictis? Unde semper magis magisque verum apparet, quod superius probaverant: videlicet, Decreta quartæ & quintæ sessionum sine examine & deliberatione sufficienti, actantæ materiæ pari fuisse in Concilio vulgata. S. Bonaventura suam mentem his verbis expressit: *Summus verò Pontifex, penès quem prima in terris residet auctoritas, non à Rege, non à Principe seculari, non ab homine judicatur, sed solius DEI reservatur arbitrio.* Si prima in terris auctoritas penès Summum Pontificem residet, ergo non penès Concilium: si à nullo hominum judicari potest, sed solius DEI reservatur arbitrio, ergo à Concilio non potest judicari, multòque minùs deponi, alioquin non solius DEI arbitrio reservaretur.

III. *Oppositio 3.* (a) Hanc quæstionem de superioritate Concilij in Concilio Pisano, ubi primum agitata est, fuisse decisam; in Concilio verò Constantiensi adeò maturè exactèque discussam, ut nulla magis, quippe toto ferè Concilij tempore in Congressibus ac Disputationibus in Concilio habitis tam ante, quàm post Gersonis Orationem, de nulla ferè aliare, quàm de ista sermonem inter Patres fuisse, ac tandem omnium Nationum consensu pro Concilio

R

in

(a) Maimb. cit. ch. 23. fol. 216.

in quarta & quinta sessionibus sententiam latam esse. Nam quòd aliqui Patrum ante Decreta ac præsertim Cardinales obluçtati, ac protestati fuerint; nihil ob stare valori Decretorum, quæ tandem omnium conspiratione acceptata sunt, Spiritu sancto opinionum pugnas pacante; alioquin nullas Pontificum electiones, nulla Concilia, ac præsertim Tridentinum sustineri posse, in quibus ante Decreta, communémque electionem tot contrarijs votis atque sententijs certatum à Patribus est: quis nescit ex qualitaturn pugna tandem corpora formari? sic veritatem ex pugna opinionum. Hæc Maimburgus.

Resp. Supponit Maimburgus quæstionem, de qua agimus, fuisse in Pisana Synodo pro Concilio decisam, at contrarium jam suprà ostendimus; Concilium enim Pisanum, ac Bononiensis & Parisiensis Universitates sententiam suam expressè ad casum Schismatis, dubiósque tunc temporis Pontifices restrinxere, imò nec in eos, quamvis dubios pronuntiare ausa sunt, nisi ob causam hæresis & Schismatis, quâ utérque Pontificum notabatur; nihil ergo in materia, de qua agimus, Pisanum Concilium decidit. Imò ut supra ostendi, potius à nobis Concilium facit. Multò minoris pretij sunt, quæ de Synodo Constantiensi dicuntur. In illa fuisse inter privatos Cœtus & tumultuariè, ut fieri solet in scholis Philosophicis, disputatum, verum est: sed fuisse maturam & Synodalem discussionem ac examen institutum, hoc est, dictis in publicis sessionibus sententijs, auditis pacatè singulorum rationibus, examinatis Patrum ac Conciliorum in hac materia doctrinis, exemplisq; ac antiquæ Ecclesiæ traditione; hoc est quod negamus in Synodo Constantiensi, ac quarta & quinta sessionibus factum; quod apertè ex eo ostenditur, quòd in omnibus tam editis, quàm scriptis hujus Concilij actis, nec unica quidem ratio, aut Patrum auctoritas in medium producta fuerit, quâ Concilij potestas supra Pontificem probaretur, multò minùs auditæ in contrarium rationes; quî potuit igitur Synodalis Deliberatio vocari, quæ nec in sessionibus facta, nec ullis rationibus in medium pro una, alterâve parte productis. Deliberare enim non est aliquid asserere, aut negare, sed rationes utriusque partis expendere; idque exemplis ostenditur Conciliorum, quæ ipse Maimburgus producit,

ducit, Nicæni videlicet, & Tridentini. Quærebatur in Concilio Nicæno, an Filius Divinæ & æqualis naturæ cum Patre esset; hoc est, DEUS, an Creatura? hoc Arrius, illud Orthodoxi volebant; & planè res tam clarè in scripturis decisa fuerat, ut nullo examine, nullâque disceptatione opus videretur; & tamen non suffecit Patribus Nicænis in re tam clara, liquidâque id agere, quod Patribus Constantiensibus in re multò magis dubia, quæque majori indagine opus habebat; non suffecit inquam, non partibus, non testibus auditis, non libratæ causæ momentis Decretum effundere Constantiensis simile: sed per moras, lentèque, & omnium sententijs, ac etiam quæ ab adversarijs proponerantur, auditis, tandem pronuntiatum est. Videantur acta Concilij Nicæni, patebitque quantum Patres vel in unius Philosophi, quem Arriani conduxerant, argumentis dissolvendis curæ impenderint, nec prius cessaverint, adductis varijs è scriptura, rerumque natura argumentis, quàm planè convicerint. In Nicæna secunda Synodo plus quàm ducenta sanctorum Patrum testimonia producta, quibus colendas esse Imagines probatum est. In Ephesina Synodo nullum ferè allegandis, expendendisq; Patrum testimonijs contra Nestorium finem invenies. Idem in secunda Constantinopolitana, & in Florentina Synodis factum. Idem quoque in Tridentina, quam tamen pro se allegat Maimburgus. In ea enim non solum capita fidei decernenda diligentissimè examinabantur; sed etiam in publicis sessionibus adeo patienter singulorum sententiæ ac momenta rationum audita, ut subinde unius ex patribus voces ad duas & suprà horas proferrentur; ipsæque etiam sessiones & Decreta non semel cum ingenti temporis, sumpruumque impendio, dilatae sunt, eâ tantum ratione, ut Lutheranis ad Concilium vocatis suorum dogmatum argumenta proferre liceret. Nihil verò simile ut dixi, in quarta & quinta sessionibus factum, in quibus idem deliberandi, judicandique momentum fuit. Verum quidem est, in omnibus Concilijs, antequam sententiâ à Patribus ferretur, pugnam aliquam & discordiam opinionum ac votorum fuisse (neque hoc in Constantiensis Concilio damnamus) at semel sententijs dictis, Decretisque ex plurium votis in Concilio sancitis omnes tandem acquiescebant, transibantque in plurium sententiam; quòd videlicet sci-

rent hanc Concilij Oecumenicis deberi reverentiam; & qui hujusmodi decretis repugnarent, pro hæreticis habebantur. Aliter se res habuit in Decretis quartæ & quintæ sessionum, illis enim non à paucis tantum hominum, sed ab integris Regnis: nec solum antequam Decreta sancirentur, sed etiam posteaquam sancita sunt, vehementer repugnatum est, nec propterea pro hæreticis habiti, ut supra ostensum; id verò manifestum signum est, non fuisse Concilium eo tempore, quo hujusmodi Decreta confecta sunt, pro Oecumenico habitum.

IV. *Opponit* 4. (a) Ut Concilium aliquod dicatur Oecumenicum, non requiritur omnes Episcopos ei interesse; sufficit omnes invitari, omnibusque patere; alioquin nullum ferè Concilium Oecumenicum fuerit, ac præsertim Tridentinum, cui nulli ex Anglia, Scotia, Dania, Norwegia, Suecia, Ægypto, Græcia, aliisque Provinciis interfuerit, quæ Romanum Pontificem haud agnoscunt; pari ergo ratione nihil obfuit Constantienfi Concilio eorum Antistitem absentia, qui Gregorio & Benedicto addicti, Joannem verum Pontificem respuebant; alioquin si istorum defectu Synodus Constantienfis Oecumenica non fuit, non ergo errores Hussij & Wicleffi pro hæreticis, damnatisque habendi sunt, quippe trium Obedientiarum Unione necdum secuta, & incerto adhuc Pontifice. Sequetur etiam invalidam fuisse Joannis Depositionem, electionem Martini, ac omnium, qui Martino succedere; id quod Cardinalis Julianus, cum Eugenij nomine Basileensi Concilio præsideret, eleganter notavit litteris ad Eugenium datis. Quod si dicas Joannem Depositioni consensisse; facile respondebo eum consensum fuisse gravissimo metu extortum, perpetui videlicet carceris, quem Joanni nullibi locorum tuto Martinus jam paraverat, quemque ille Martini pedibus affusus Florentiæ deprecatus est, idque Aretinus (b) rerum Italicarum scriptor expressè testatur: quæ potuit igitur Depositiō valida dici, quam & injusta ac usurpata potestas, & metus tam gravis extorsit? Multo minùs Bellarmini responsio sustineri potest asserentis: *Non posse quidem Concilium sine Papa nova fidei dogmata definire, posse tamen tempore Schismatis judicare, quis verus sit*

(a) Maimb. cit. ch. 22. fol. 220. (b) Leonard. Aretin. in histor. rerum Italicarum.

ſu Papa. Primò enim quisneſcit in primo Conſtantinopolitano Concilio ſancitam, ac inter fidei dogmata contra hæreſin Macedonianam relatam eſſe Spiritûs Sancti Divinitatem, cui tamen Concilio nec immediatè Damafus, nec per Legatos præſedit? Sic etiam contra trium Capitulorum hæreſin à quinta Synodo pronuntiatum eſt, non tantum Vigilio non conſentiente, ſed etiam repugnante. Secundò nunquàm in Concilio Conſtantiensì dubitatum eſt Joannem eſſe verum, legitimumque Pontificem, non ergo dici potuit ſententiam à Patribus non in certum ac indubium Pontificem, ſed in dubium, & de quo non conſtabat, prolata eſſe. Ac denique ſi quo tempore Synodus Conſtantiensìs Joannem depoſuit, Univerſalis & Oecumenica dici non poterat, quâ ergo poteſtate ſententiam in eum dixit, cum omnium conſenſu id ſolum Oecumenico, non particulari Concilio liceat?

Reſp. Primò. Verum eſt, ad Oecumenicum Concilium non requiri, ut omnes Epifcopi Concilio interſint; neque ex hoc capite quartæ, quintæque Sèſſionum Decreta reiſcimus, ſed ex illo, quòd ut ſuprà vidimus, ac teſte Cardinali Alliacenſi, prima & præcipua Senatûs Eccleſiaſtici pars, Cardinales videlicet, aut excluſi fuerint, aut quod idem erat, capita rerum agendarum adedò occultata, ut deliberare illis non liceret. Deinde, quòd illi, qui Concilio non adfuerant, non ſolum non hæretici, aut *miſera Chriſtianitatis reliquiæ* eſſent (ut quinque Regnorum populos Maimburgus pro ſolita modeſtia appellat) ſed & Catholici & maximo numero, ac ſapientiâ, imò ſanctitate celebres; & tamen Concilium pro Oecumenico non haberent, necejus Decretis alligari ſe crederent, adedò ut Hiſpanica Natio alijs Nationibus ac Cardinalium Collegio approbantibus, proteſtata ſit, ſe *Decretis Concilij, quæ ante Unionem Obedientiarum facta erant, non alligari*; idque ut dixi non ſolum tres aliæ Nationes non improbârunt, verum etiam poſitivè acceptârunt, ſuæque proteſtationi inferuerunt, quam ex Geſtis Concilij fideliter conſcriptis, & in quatuor Manuſcriptis repertam Schellſtratus (a) verbatim recitavit, noſque ſuprà libavimus. Ipſum quoque Concilium Gregorio, & Benedicto ſeu potiùs Benedicti Obedientiâ perentibus, titulo Oecumenici abſtinuit, permifitque Con-

R 3

cilium

(a) Schellſtr. in Diſſertat. Antverp. fol. 6. & in Romana fol. 255.

cilium iterum indici, perinde ac si ante Unionem non legitime indictum, nec Oecumenicum fuerit, ex quibus omnibus, multisque alijs, & non ex sola Episcoporum absentia, collegimus, tempore quartæ & quintæ sessionum Concilium Constantiense Oecumenicum dici non potuisse, quæ uti patet de alijs Concilijs dici non possunt.

Secundò. Errores Hussij & Wicleffi, quod attinet, verum est, illos ante trium Obedientiarum Unionem damnatos hæresis esse; at non sequitur idè pro hæreticis non esse habendos; quamvis enim Concilium tunc Oecumenicum non fuerit, at postea jam Unione composita, Oecumenicum evasit, & Martinus V. Sessione quadagesimâ quintâ in Bulla confirmatoria Concilij omnes Wicleffi, & Hussij errores sigillatim recensens, eos *sacro approbante Concilio* condemnat, ac hæresis notat, adjungitque, *se omnia & singula determinata, conclusa, & Decreta in materijs fidei per Concilium Constantiense Conciliariter tenere velle, ipsaque sic conciliariter facta approbare, & ratificare.* Nihil ergo timendum, ne errores Wicleffi impunè abeant, quipè à Concilio, cum jam Oecumenicum esset, & capiti Unitum, damnati; ac etiam ab ipso Martino Summo Pontifice, cujus vel sola auctoritas, etiam remoto Concilio rebus fidei decidendis sufficiens omninò est, ut suprà ostensum.

Tertiò. Depositionem Joannis quod attinet, ea valida fuit: tum, quia non constabat esse verum, & indubitatum Pontificem, duobus alijs eandem dignitatem magno rationum ac Clientum numero sibi vendicantibus: tum etiam, quia Joannes consensit spontè liberèque; sciendum enim est, Joannem ter in sententiam Depositionis consensisse, videlicet die 24. Maij Anno 1415 in Opido Cellæ, quando videlicet liber, omnique metu solutus Papatui renuntiavit, rogatusque totius Concilij nomine à quatuor Cardinalibus, de Ursinis, Cameracensi, de Thallanco, Sallutiarum, & Florentino sententiæ acquievit propediem ferendæ. Verba Joannis sunt. *Ego Joannes Papa XXIII. predicta de mandato meo per alium scripta approbo, confirmo, ac spontè & liberè volo adimplere cum effectu.* Rursus die 29. Maij sess. 12. Lata est in Joannem sententia, qui acquievit, atque ex abundanti renuntiavit. Ita habent Gestæ Constantiensis Concilij in quatuor Manuscriptis, & acta ejusdem

dem Concilij à quatuor Protonotarijs conscripta, ac etiam edita. Ac tandem cum metu perpetui carceris à Martino parati in Ligures aufugisset, liber, nullòque metu impulsus iterum renuntiavit, si Aretino credendum est, quem Maimburgus citat quidem, sed malâ fide, ijs videlicet silentio præteritis, quæ nocere poterant malæ causæ. Sic enim Aretinus: *Dum apud Ligures esset & sui juris, sive conscientia ductus, sive quod desperabat aliquid proficere posse, sponte sua Florentiam venit, & sese pedibus Martini subiiciens, eum ut Pontificem verum, & unicum recognovit.* Idemque Aretinus Martinum alloquens: (a) *Joannes Pontifex, de cujus Depositione propter vim adhibitam multi dubitabant, securitate atque fiducia hujus loci Florentiam venuit, ibique se sponte sua subiecit, quo facto omnis est penitus scrupulus, ambiguitasque sublata, neque de vi ulla adhibita sollicitus esse quisquam potest, cum ipsius voluntaria in loco sibi tutissimo sit inspecta subjectio.* Audis Aretinum non semel tantum, sed sæpè confidentem, Joannem sponte sua, cum esset sui juris, securitate atque fiducia Urbis florentina, nullâ vi adhibitâ, sed in loco tutissimo voluntariâ subiectione Papatu cessisse. Quæ omnia efficaciter ostendunt, Joannis cessionem liberam, nullòque metu expressam fuisse; sed demus metum, quid inde sequitur? Invalidam fuisse Joannis cessionem? nullo pacto: Joannes enim tam ante, quam post Pontificatum sæpius promiserat, imò juramento se obstrinxerat, boni publici, Schismaticisque finiendi causâ Papatu abire, idque præstare tenebatur: metus ergo ei incussus, ut se juramento, promissisque absolveret, justus erat; at justo metu peracta omni jure subsistunt, quod legibus sæpè definitum est, & à Doctoribus communiter receptum: tantòque magis, quia Joannes dubius erat, non certus & indubitatus Pontifex; hic verò Concilio subjacet tanquam legitimo Magistratui, de quo in Jure Cæsareo l. 3. §. *sed vim ff. quod metus causa*, ita legimus: *Vim accipimus atrocem, & eam, quæ adversus bonos mores fiat; non eam, quam Magistratus intulit, sibi et jure licito, & jure honoris, quem sustinet.* Nihil ergo probant, quæ de metu Maimburgus memorat.

Quarid. Contendit Maimburgus, posse res fidei à Concilio sine consensu Pontificis definiri, sed nihil magis à vero, doctrinæque Parrum alienum dici potest; id alibi demonstravimus, estque expressa Nicolai primi sententia: (b) *Non, inquit, dicatis in causâ pietatis*


(a) Leonard. Aretin. in hist. sui temp. (b) Nicolaus I. epist. 8.

*tatis non eguisse vos Romane Ecclesia, quæ collecta Concilia sua auctoritate firmat, & sua moderatione custodit. Unde quadam eorum, quia consensum Romani Pontificis non habuerunt, valetudinem perdiderunt. Taceo multa alia, quæ alibi reperies: (a) nec obstant, quæ de Concilij primo & quinto Constantinopolitano Maimburgus opponit: nam primum quod attinet, certum est auctoritate Damasi Pontificis convocatum, & ab eodem confirmatum esse, id enim ex gestis (b) Damasi, ejusdemq; epistola apud Theodoretum, & libello Photij, ac etiam Divi Gregorij auctoritate clarius est, quàm ut negari possit; quamvis nec alià confirmatione opus fuerat, cùm idem Damasus Papa judicium Synodi Constantinopolitanæ præveniens, Sabellij, Macedonij, & Eunomij opiniones prædamnaverit, dirasque & anathemata in eorum hæreses dixerit, ut habetur Tomo primo Conciliorum ante Synodum Constantinopolitanam: quid ergo confirmaret jam olim confirmata, imò Concilio præscripta? falsum igitur est, quod Maimburgus pro certo supponit, videlicet, Concilium Constantinopolitanum sine Pontificis Romani consensu dogmata fidei sanxisse. Sed illud æquè falsum, videlicet: *Hæreses trium Capitulorum non solum non assentiente, sed etiam invito Vigilio Pontifice à Synodo Constantinopolitana confixas esse.* At certum est, quæstionem de tribus capitulis citra fidem sterisse, nec eos, qui aut negabant, aut asserabant, hæresis notatos esse; id in historia Ecclesiastica tam certum est, ut persuaderi non possim ignorasse Maimburgum; qui enim tam communia & vulgata ignoraret, qui etiam arcana ostentat, alijsque inaccessa? Ergo ut dixi causa trium capitulorum testibus Gregorio, & Pelagio Pontificibus, imò toto ferè Occidente nihil ad fidem spectabat, quod alibi fusè ostensum. Errores enim Theodori, Theodoretæ, Ibæque omnes Catholici detestabantur: is de Personis erat, an videlicet pro hæreticis damnatisque habendi essent, quos Synodus Chalcedonenfis absolverat, ut enim non continuè est pictor, qui pingit; cùm sæpè casu & ignorantia arcis id fiat, ut in annulo Pyrrhi: ita non continuè hæreticus, cui hæresin docuit. Audi S. Gregorium: (c) *De illa*, inquit, *Synodo,**

NON

(a) V. Regal. Sacerdot. lib. 2. (b) Gesta Damasi apud Baron. ad ann. 382. Theodoret. lib. 2. c. 22. Photius in libello de 7. Synod. S. Gregorij I. 6. epist. 125. (c) S. Gregor. lib. 3. epist. 37. & lib. 3. epist. 2. & Pelag. II. ep. 2. ad Eliam.

qua Constantinopoli facta est, scire vos volo, quia in ea de Personis tantummodo, non autem de fide aliquid gestum est. Et alibi de iisdem tribus Capitulis loquens: Postquam talis scissura pro nulla re facta est, justum fuit, ut sedes Apostolica curam gerat. Et Pelagius II. vocat quæstionem super suam. Certum ergo est, quæstionem trium capitulorum intra metas fidei stetit, totumque ferè Occidentem, qui eorum damnationi subscribere renuerat, nunquam pro hæretico habitum esse. Ubi simul observes, quibus modis, quàmque ab honesto alienis fulcire suam causam Maimburgus conetur. Probandum suscepit, posse sine consensu Pontificis res fidei à Concilio definiri: id verò ut persuaderet, exemplis opus erat: sed vera haud suppetebant, quid ergo consilij? falsa subornantur; Damasus, Vigilus producuntur; falso quidem uterque iudicio, sed tamen fallendis Lecto-ribus opportuno; quotus enim quisque aut tempore, aut libris abundat quærendæ accevolvendæ veritati?



§. VI.

Respondetur ad auctoritatem Basileensis Concilij, & Universitatis Parisiensis.

SUMMARIA.

1. Respondetur ad auctoritatem Basileensis Concilij.
2. Frustra Ecclesia Gallicana Auctoritatem in auxilium vocari; imò eam pro Pontifice stetisse multis exemplis ostenditur, ac etiam confessione ipsius Maimburgi.
3. An ex eo, quòd totum sit majus suâ parte, concludatur, Concilium esse supra Papam? ubi cavillationes Maimburgi refutantur.
4. Insignis Maimburgi fallacia in citando Pij II. testimonio.

I.

Pponit Maimburgus 12. Auctoritatem Concilij Basileenfis: (a) hoc enim *sessio* 2. definit, Concilium esse supra Pontificem; nec posse, nisi Patres consentiant, Concilium à Summo Pontifice aliò transferri aut dissolvi. Et *sess.* 3. monitorium contra Eugenium IV. expedit, pœnâsque non obtemperanti decernit. Et *sess.* 4. prohibet, ne durante Concilio Pontifex ad promotionem novorum Cardinalium procedat. Et *sess.* 7. non posse Papam de Beneficijs Cardinalium à Concilio punitorum disponere, Et *sess.* 8. Eugenium auctoritative, & sub pœnis contumaciæ ad Concilium citat. Et *sess.* 9. rescindit omnia acta & processus ab Eugenio Summo Pontifice contra Wilhelmum Concilij protectorem factos. Et *sess.* 12. acriter in Eugenium Summum Pontificem declamat, definitque & olim in Romanos Pontifices à Concilijs animadversum esse, & deinceps animadverti posse. Et *sess.* 14. Conditiones Eugenio Papæ tribus formulis comprehensæ à Concilio præscribuntur, in quas nisi consentiat, Papatu exuitur. Et *sess.* 16. Eugenius Papa, ut ibi habetur: *citationi, monitioni, & requisitioni sacri Concilij plenarie satisfacit*: Bullas & diplomata contra Concilium à se edita, nulla & inania fuisse declarat: ipsum verò Concilium fuisse legitimè inchoatum, legitimèque continuatum; quo videtur Eugenius omnia in superioribus sessionibus facta, & consequenter citationes, & sententias contra se dictas confirmasse, & Concilij auctoritatem supra legitimum Papam agnovisse. Et *sess.* 17. admittit, ut præsideant, Legatos Papæ, sed cum certis conditionibus, quarum præcipua, ne ullam in Concilium exerceant jurisdictionem coactivam. Et *sess.* 18. expressè definit, majorem esse Concilij, quàm Papæ auctoritatem, & hunc nisi obediat, posse à Concilio puniri. Et *sess.* 21. tollit Concilium omnes Annatas, & qui eas exegerit, pœnâ Simoniacis decretâ punit: ipsum verò Summum Pontificem, si aliquid contra hoc Decretum molitur, jubet Concilio deferri. Et *sess.* 26. iterum definit Papam notoriè

criminosa

(a) Majmb. cap. 21. à fol. 192

criminosum jurisdictioni Concilij subiacere, ipsūque Eugenium Papam in jus vocat. Et *sess. 29.* circa medium, clarissimè iterum auctoritas Concilij supra Papam asseritur. Et *sess. 31.* Eugenium suspendit. Et *sess. 33.* etiam deponit. Et *sess. 38.* Concilium Generale supra Papam esse definit, idque ad veritatem fidei Catholicæ pertinere, & qui hoc pertinaciter negat, hæreticum esse. Et *sess. 39.* Amadæum Sabaudicæ Ducem, sub nomine Felicis V. Papam renuntiat.

In appendice ad *sess. 17.* quæ habetur post Acta Concilij, Legati Eugenij IV. Romani Pontificis, *jurant fideliter laborare pro statu & honore Concilij Basileensis, ejusque decreta defendere & manutenere, & specialiter decretum Concilij Constantiensis de subjectione Pontificis. Et aliud Synodi Basileensis decretum, quod Papa Concilio Universali obedire teneatur. Idem habet Platina in vita Eugenij IV.*

Ex his Concilij Basileensis actis sic argumentari licet: Quidquid à legitimo Concilio definitum est, & à legitimo Pontifice confirmatum, id pro vero ratoque haberi debet: sed Concilio Pontificem subiacere, & à Concilio citari, judicari, puniri que posse; & ipsa Synodus Basileensis definivit, & Eugenius Papa confirmavit tanquam ritè legitimèque facta.

Resp. Multa sunt, quæ ad Basileensis Concilij Auctoritatem dici possunt. Primò ergo aliqua in genere, tum ad singula respondimus. Concilium Basileense ab Eugenio IV. convocatum, misso Juliano Cardinali, sicque legitimè inchoatum esse, dubitari non potest; ita enim habetur in Actis Concilij Sessione primâ. Sed cum adverteret Eugenius, Basileam Civitatem opportunam non esse, solvi Concilium jubet, aliò transferendum. Hinc primæ faces discordiarum. Sed Eugenium hæ causæ moverant. *Quod* paucissimi Antistites Basileam accedere possent, ardente inter Austriæ, ac Burgundiæ Duces bello, Bohemis hæreticis omnes circa Regiones incurfantibus, & idè itineribus omnibus infestis, occupatisque. *Quod* Græcorum Imperator, alique ejus Imperij Principes, societatem cum Latina Ecclesia inituri, Urbem in Italia peterent, tam longo itineri commodam, marique vicinam, & idè Basileam averfarentur. *Quod* ingentis momenti negotia in Concilio agitata Pontificis præsentiam poscerent; Is verò & decori, & necessitatis causâ, exire Italiâ non poterat, bellis & tu-

multibus absentiam secuturis. Hæ Pontifici causæ solvendi Basileensis Concilij, alióque movendi. Hinc Patrum indignatio, tum seditio, & aperta defectio, ac perpetuum bellum, non cum Pontifice tantum, sed cum ipsa Pontificia Dignitate. Varia Patres concitabant. Quàm plurium ambitio tiaram captantium: Columnenses Eugenio implacati, quòd eorum avaritiæ obstitisset, cum thesauris inhiassent à Martino relictis: Dominicus Capranica, aliique, quòd Purpurâ carerent à Martino paratâ: Philippus Dux Mediolanensis, perpetuus Eugenio hostis, quòd hujus curâ Italiæ Imperio arceretur: Cardinalis S. Eustachij à Patribus Avenionensi & Venusino Comitatus contra jus fasque præfectus, ideóque barbarum bellique gaudens, ac turbido securus: Alphonfus Arragoniæ Rex, à Neapolitanis ad solium evocatus, quod extinctâ Andegavensi Stirpe Ecclesiæ accesserat: Carolus VII. Galliarum Rex impulsu Alphonfi Arragonij, ac opportunitate Regiam potestatem augendi, Ecclesiasticâ oppressâ Basileensium favore; quod etiam consecutus est celebri illâ Pragmaticâ sanctione, toties impugnatâ, toties victrice, ac tandem deletâ. Hæc erant, quæ Basileensium animos adversus Pontificem armabant, implebantque Concilium discordijs, seditionibus, tumultu, ambitione; adeò ut non tam Synodum, quàm Eurippum crederes, ventis ac tempestatibus turbidum: & in quo vota & suffragia non veritati, sed singulorum affectui & cupiditatibus quærebantur. Quæso te, quam fidem adhibeas tam suspectæ Auctoritati, quæque ex Principum, & ambientium motu nutuque pendebat, aut vindictâ, aut cupiditate sententiam ferente? Nego ergo hanc Synodum, sed Synagogam fuisse pro tiara jurgantium: & in qua non Patres, sed Principes decernebant, nec fidei causâ, sed ambitionis agebatur. Et quamvis hæc manifesta sint, nec ab alio negari possint, quàm historiæ ignaro; addam tamen confirmandæ veritati eorum testimonia, qui Concilio intererant, scribebantque, integritate ac doctrinâ celebres, omni que majores exceptione.

S. Antoninus (a) Concilium Basileense, postquam ab Eugenio Pontifice jussu dissolvi, vocat: *Conciliabulum viribus cassum, Syna-*

803470

(a) S. Anton. 3. p. Tr. 22, cap. 10. §. 4.

gogam Sathana, temerarium, & presumptuosum Convantum &c. B. Joannes Capistranus : (a) *synodum profanam, excommunicatam, inordinatam, basilicorum speluncam, Daemonum cavernam &c.* Joannes de Turrecremata : *Nullus sana mentis vir, qui novit, cum quanta gravitate, integritate, & modestia, fidei judicia tractanda sint, judicabit esse universali consensu totius Ecclesie conclusa, Spirituique sancto dictata, in quibus hujusmodi factiones, & practica intervenerunt.* Pius II. in Bulla Retractionis : *Multi doctissimi viri, & sanctitate celebres scire se dicebant, Basileenses Spiritum Sanctum non habere Auctorem.* Beatus Albergattus teste Sigonio : (b) *Cum audisset, quae in contemptum Apostolicae Sedis Basileenses decrevisset, Vir antiquae probitatis exarsit, atque graviter eorum facta increpuit, & ut in auctoritate Summi Pontificis permanerent, admonuit.* Idem supra laudatus Turrecremata : (c) *Talia Decreta Concilij Basileensis (videlicet contra Pontificiam auctoritatem) ad furorem quorundam hostium Apostolicae Sedis cum multitudine Populi parvi preiij, & nullius auctoritatis publicata sunt; & ideo plures attendentes, praedicta Decreta adversa esse Sanctorum Patrum doctrinis, non modo in Deputationibus suis contradixerunt, & reclamaverunt, verum etiam in Sessionibus ipsius Concilij interesse noluerunt.* Episcopus Meldensis Caroli septimi ad Eugenium Legatus, Regis sui Gallorumque nomine Basileensem Synodum (d) *vesanam* appellat, oratione in Cardinalium Collegio habitâ. Synodus quoque Florentina (e) *Declarationes Basileenses tanquam impias scandalosas, in manifestam Ecclesiae fissuram, a omnis Ecclesiastici Ordinis confusionem tendentes damnat reprobâque.* Denique Concilium Lateranense (cui Ludovicus Galliae Rex tanquam legitimo & Oecumenico per suos Legatos se adherere professus est) Sessione undecimâ appellat Basileensem Synodum : *conciliabulum schismaticum, seditiosum, & nullius prorsus auctoritatis.* Si ergo, ut ex adductis haecenus testimonijs liquet, Concilium Basileense schismaticum, sathanicum, temerarium, presumptuosum, demoniacum, serpentinum, factiosum, vesanum, viribus cassum, Spiritui sancto destitutum, furiosum, sanctorum Patrum doctrina, & exemplis adversum, scandalosum, reprobatum, damnatumque fuit : amabo te, ex tali Concilio quale subsidium speres? annon pudeat tam sordidi faedique patrocinij?

S 3

(a) B. Joan. Capistran. de Papæ & Conc. auctor. p. 3. (b) Carol. Sigon. in Vita c. 13. (c) Turrecrem. summa de Eccl. lib. 2. cap. 100. (d) V. Rainald. ad ann. 1441. n. 10. (e) Conc. Florent. in sess. publica anno 1439. prid. Non. sept.

trocinij? Ego fidem adhibeam, ego moveri tam indignis testimonijs? Imò si alia omnia cessent, hoc unum suffecerit spernendæ Adversariorum sententiæ, quòd tam miseris pudendisq; auxilijs sustentetur; impiam prodit tam profanus comitatus.

Dices. Synodum Basileensem tunc solùm damnatam esse, cùm Eugenium deposuit, Amadæo suscepto; tunc enim Schismatica evasit.

Resp. Constat ex allatis testimonijs, Basileensem Synodum non solùm ob evectum Antipapam, sed etiam quòd Eugenio obtemperare noller, illùmque Concilio submittere conaretur, graviter à Viris doctrinâ & pietate præcipuis vapulasse, & execrationi habitam. Si enim Concilium est supra Papam, si hunc citare, punire, ac obsequium detestantem in ordinem redigere potest; quid tandem Synodus deliquit, si Eugenio, cùm Concilio non pareret, alium Pontificem suffecit? Uta est potestate ac jure suo; non ergo *Schismatica*, non *Sathanica*, non *vesana* dici debuit: aut si debuit, non tunc solùm, cùm Eugenium dejecit; sed multò maximè cùm citavit, cùm decrevit, cùm Concilio subjecit; ex his enim necessariò sequebatur, deponi etiam posse, nam ad superiorem id spectat. Nec causa deponendi deerat; si enim Pontifex Concilio subjectus, ergo non solvere Concilium, non transferre, non Patres anathemate punire, non aliud Concilium indicere poterat; quæ tamen cùm omnia faceret, nec Decretis Basileensium toties repetitis acquiesceret, meritò pænas dabat. Si ergo Eugenius Concilio subjectus, si nocens, si obstinatus, quid mali Concilium fecit? si subjectum, & nocentem damnavit, aliùmque Pontificem delegit? Ergo Basileense Concilium aut semper, aut nunquam deliquit.

Secundò. Tantum abest, Concilij Basileensis auctoritate causam nostram pejorem reddi, ut potiùs maximum pro nobis ex illa argumentum sumatur. *Tum*, quia illius Decretis, quâ parte auctoritatem Pontificiam impugnabant, omnes Viti sancti, doctrinæque præcipui adversati sunt, videlicet, S. Antoninus, S. Bernardinus, S. Laurentius Justinianus, B. Albergattus, B. Capistranus, alique, adeò, ut ne quidem Sessionibus interesse voluerint, in quibus ea Decreta concepta & vulgata sunt, ut testatur Turrecre-

mata

mata paulo antè laudatus. Concilium quoque Florentinum centum quadraginta Episcoporum (inter quos Patriarcha Constantinopolitanus, ac cæterorum trium Patriarcharum Legati) & Concilium Lateranense centum quatuordecim Episcoporum, eadem Decreta execrati sunt. Ipsos Patres Basileenses adèd hujus Concilij puduit, ut confertim se Eugenio adjunxerint, abscederentque Basileâ, vix viginti, unôque Cardinali relictis; & hi ut numerum supplerent, cadavera Episcoporum, qui jam vitâ decesserant, inferri Synodo jussere, ut à mortuis saltem suffragia impetrarent, cum à vivis non possent. Denique tota Ecclesia Orbisque Christianus, & Decreta, & audaciam Basileensium damnavit, quando illis invitis Eugenium pro Pontifice habuit; quamvis enim Basileense Concilium Eugenium accusâssent, citâssent, damnâssent, abdicâssentque, Ecclesia tamen ac omnes Catholici damnatum à Concilio abdicatumque pro vero legitimôque coluit. Agnovit ergo Ecclesia tota, & errâsse Basileense Concilium, & nullam in Pontifices exercere auctoritatem posse; si enim Concilium Basileense non erravit, habuitque in Pontificem potestatem, cur ergo Ecclesia, quem Concilium damnavit, quem Concilium abdicavit, pro damnato abdicatôque non habuit? Adde Concilium Basileense, postquam adversari cæpit Romano Pontifici, adèd discordijs, factionibus, rapinis, aliisque facinoribus fœdari cæpit, sacro Conventu indignis, ut omnium confessione in Schismaticum evaserit, illique excindendo, velut communi mortali malo, Principes ferro, cælum peste armari oportuerit, quâ tandem illa rebellium acies dissipata est. Quo exemplo manifestè patuit, eandem esse Politici ac naturalis Corporis rationem; utrûmque enim quamvis floridum aliàs, vegetumque amisso Capite in cadaver evadit.

Dices. Basileense Concilium, quo tempore Eugenium damnavit, non fuisse legitimum.

Resp. Quæro, quam ob causam legitimum non fuerit, nisi quia ab Eugenio solutum, & Patribus majori ex parte ad Pontificem reversis? Ergo Concilium Pontifici subjacet; alioquin invitum repugnansque dimitti à Pontifice non posset: ergo censuerunt Patres, majorem esse Pontifici, quàm Concilio potestatem; alioquin

quin Concilio potiùs obtemperare, quàm Pontifici debebant : & illi potiùs, quàm huic adherere ; nunc verò, postquam Concilium desorunt, ut Pontifici se adjungant, idque totà Ecclesià probante, manifestè profitentur, majorem esse Pontificis, quàm Concilij potestatem. Quacùnque ergo ex parte Basileense Concilium aspicias, constat insigne ex illo causæ nostræ patrociniū, invictumque accedere ; nunquam enim illud Sanctissimi viri (quotquot videlicet eà ætate florebant scribebantque) nunquam Florentinum & Lateranense Concilium, imò totius Ecclesiæ consensus damnasset, quando contra tot, ac singulis ferè sessionibus pronuntiata Decreta, Eugenium pro legitimo Pontifice habuit, & hujus imperium Basileensium Decretis semper præhabuit. Nobis ergo militat, non Adversarijs Basileense Concilium.

Tertiò. Sessionem secundam Basileensem quod attinet, in qua decernitur : *Certum legitimūque Pontificem Concilio subjacere.* Dico multis modis impugnari eam posse ; constat enim, quo tempore habita est, Synodum Basileensem jam ab Eugenio solutam, revocatamque fuisse. Si ergo Synodus à Pontifice non confirmata nullius roboris est, quanto magis nullius roboris erit, non tantum non confirmata, sed positivè rejecta, rescissa, & improbata ? Deinde ex supradictis, Sanctorumque Patrum testimonijs, quæ alibi produximus, certum est, non posse à Concilio definiti, nisi illa, ad quæ definienda convocatum est ; & ideo Leo Primus, (a) Gregorius Magnus, (b) Paschalis II. (c) quæ in Concilijs Oecumenicis, Constantinopolitano primo, & Chalcedonenſi contra auctoritatem Patriarchæ Alexandrini decreta fuerant, irrita & inania esse voluerunt, ut alibi demonstratum est. Si ergo Sancti Patres ne quidem tantorum Conciliorum auctoritate, qualia Constantinopolitanum, & Chalcedonenſe, moveri potuerunt, ut admitterent, quæ contra auctoritatem Patriarchæ Alexandrini decreta fuerant ; quanto minùs admisissent, quæ Concilium Basileense contra Romani Pontificis ? An pejor causa, minòrque reverentia Pontifici maximo, quàm Alexandrino Patriarchæ ? aut major Basileensi Concilio, quàm Constantinopolitano & Chalcedonenſi

(a) Leo I. epist. 53. ad Pulch. (b) Gregor. M. l. 6. epist. 31. (c) Paschal. II. epist. 3. ad Eliam, quæ habetur Tomo 2. Conc. p. 2. in fragm. Synodi V.

donensi auctoritas, ut quod ista in Patriarcham non poterant, istud posset in Romanum Pontificem? Nihil ergo ex Decretis secundæ Synodi Basileensis contra superioritatem Pontificis Romani deduci potest: idémque dicas ad alias sessiones, in quibus multa Pontificiæ potestati contraria statuta sunt.

Quartò. Ad sessionem 16, in qua Eugenius Bullas & diplomata à se contra Concilium edita, nulla & inania fuisse declarat: ipsum verò Concilium fuisse legitimè inchoatum, legitimèque continuatum; multa responderi possunt. Cardinalis enim Turrecremata omnium conficius, testisque oculatus negat eas Bullas Eugenij, sed à Cardinalibus quibusdam expeditas, Pontifice decumbente, ærumnis morboque confecto: (a) *Andreas*, inquit, *Venetus*, *Dominij Venetorum tunc Orator*, & aliqui *Domini Cardinales*, timentes futurum magnum scandalum in Ecclesia, imitati sunt *Domino Eugenio*, nisi Bullas illas adhesionis concederet, ipsum solum recedentes relinquerent; inde præfato Domino in lecto decumbente, præfati Domini referuntur Bullas illas taliter qualiter expedivisse, & misisse Basileam. Neque hoc novum in Eugenio, cujus testimonio (b) constat, prolixiores illas litteras, quæ in ipsius defensionem ad Universos Christi fideles inscriptæ sunt, quæque sessione 16. recitantur, subornatas esse. Deinde certum est, quæ Eugenius in favorem Basileensium scripsit, omnium gravissimo metu, qui in hominem cadere possit, etiam constantissimum, expressa fuisse. Armis domi forisque obsidebatur: Principes omnes ab eo defecerant: Sigismundus tantùm animi pendebat: Roma capta: Cardinales offensi: Schisma jam ferè conflatum, minæque omnium, qui supererant, defectionem inclamantium, nisi Basileensibus annueret. Quis rogo major metus injici poterat? aut quis pro validis agnoscat, toties negata, ac tandem tanto metu concessa? An jure meritò non hic cum magno Athanasio (c) dicas? *Non est censenda ejus sententia, quam mina & terrores extorserunt; sed ea, quam protulit, cum liberos habere affectus.* Denique licet Eugenius omnes Bullas revocaverit, quibus Concilium Basileense solvi jubebat, vitandique Schismatis causâ Concilium ratum legitimumque esse voluerit; nunquam tamen Decreta confirmavit, quæ contra Pontificiam Dignitatem edita in

T

Con-

(a) Turrecrem. lib. 2. cap. 100. (b) Vide sess. 16. & Spond. ad ann. 1433. n. 13. & 14. (c) S. Athanas. epist. ad solit. Vitam agentes.

Concilio fuerant; aliud enim est, Concilium esse verum legitimūque, aliud omnia, quæ in Concilio facta sunt, legitime facta esse; nam & Concilium Constantinopolitanum, & Chalcedonense, & Constantiense legitima erant, & tamen non omnia, quæ in illis decreta sunt, Leo, Pelagius, Gregorius, Martinus approbârunt, ut suprà notatum est. Et quàm multa illegitimè invalidèque fiunt à legitimo veròque Principe? non ergo sequitur, approbato concordia causa Basileensi Concilio, omnia quoque, quæ in illo facta sunt, ab Eugenio approbata esse. Testatur id Cardinalis Turrecremata, qui Eugenij verba in Concilio Florentino differētis recitat. (a) *Eugenius, inquit, Florentia in Disputatione publica respondit ita dicens: Nos quidem progressum Concilij approbavimus, volentes ut procederet, ut inceperat; non tamen approbavimus ejus Decreta. Et in hoc sapientissimè fecit: quis enim nisi imprudentissimus Princeps approbaret Decreta, quæ nunquam vidisset, aut quæ prius non examinasset, si in eis minus rectum, aut minus verum, aut minus expediens reperiretur? Lege totam Eugenij Bullam, quæ sessione 16. recitatur, & ne verbum quidem invenies, quo dicatur Basileensium Decreta confirmari; imò, quod efficacissimè convincit, Legati ab Eugenio missi, rogatique, ut Decreto Constantiensi de subjectione Pontificis subscriberent, subscripserunt (uti expressè habetur sessione 17.) nomine proprio privatoque; non verò ut Legati Pontificis; quod evidentissimo argumento est, aliam fuisse Eugenij mentem; alioquin quid opus erat protestari, se id nomine proprio, non verò nomine Eugenij præstare velle? Idipsum testantur (b) Turrecremata, & (c) Spondanus. Et hæc sunt, quæ de Basileensi Concilio dicenda habui studio curaque veritatis.*

II. *Opponit 13.* (d) Universitatem Parisiensem, totamque Gallicanam Ecclesiam, ac præcipuos hujus Ecclesiæ ac Universitatis Doctores præferre Concilij auctoritatem auctoritati Pontificiæ.

Resp. Primò. Equidem asserere non possum, quid modò Universitas Parisiensis, & Ecclesia Gallicana de hac re sentiant; video enim omnes in Regis obsequium spectare, nullâ Canonum, nullâ Ecclesiasticæ libertatis curâ, nec tam ex ratione, quàm metu præmijque pendere: & quid mirum, etiam scholas gratiæ & favori celsisse,

(a) Turrecrem. Sum. de Eccl. lib. 2. cap. 100. (b) Turrecrem. lib. 2. cap. 100, (c) Spond. ad ann. 1434. n. 2. (d) Maimb. cap. 25. fol. 253.

cessisse, si templa cesserunt? scribunt ergo calamo Doctores, quod Episcopi docent exemplo. Cæterum paucos ante annos non hanc Ecclesiæ Gallicanæ, & Universitatis sententiam fuisse, graves testantur & oculati scriptores; nam Anno 1662. die 12. Decembris Parisijs in Collegio Claremontano Patres Societatis contra hæreses & Schisma sæculi X. hanc thesin publicè exposuerunt, defenderuntque, videlicet: *Datur in Ecclesia Romana Controversiarum fidei Index infallibilis, etiam extra Concilium Generale, tum in questionibus juris, tum facti; unde post Innocentij X. & Alexandri VII. Constitutiones, fide divinâ credi potest, librum, cui titulus Augustinus Jansenij, esse hæreticum, & quinque propositiones ex illo excerptas Jansenij esse, & in sensu Jansenij damnatas.* In hac thesi agitur quidem de sola Pontificis infallibilitate, sed ex illa apertè sequitur, Concilium non esse supra Pontificem; si enim Papa etiam extra Concilium in rebus fidei errare & falli non potest, ergo nec corrigi, nec judicari à Concilio potest, & consequenter nec Concilio subijcitur. Patres ergo Societatis, quamvis Parisijs essent, & Parisijs docerent, non crediderunt, mentem esse Universitatis Parisiensis, aut Ecclesiæ Gallicanæ, ut Concilium Pontifici præferatur; quis enim credat aut ignorasse illos Ecclesiæ Gallicanæ sententiam, aut contempsisse? nisi fortè dicas, aliam illorum temporum, aliam istorum conditionem esse; tunc enim fortiter contra Jansenium scribebatur, quia quid Jansenio aut placeret, aut displiceret, parum intererat: nunc verò aptari calamus debet Regio favori, oportetque Pontificis auctoritatem ex Principis gratia metiri. Alia quamplurima omitto, quæ sequenti Dissertatione prolixè dicentur.

Resp. Secundo. Sed ut dixi, parum mihi curæ est, quid modò Ecclesiæ Gallicana sentiat; quærimus quid olim senserit, quando videlicet illibata inōcensq; florebat, veritatis, non gratiæ anxia, nec ad Regis arbitrium suspensa. Eam pro nobis sterisse, sequentia clarè ostendunt.

Nam *Primò* Anno CCCXCXVIII. mortuo Anastasio Pontifice Maximo delectus est Symmachus Romanæ Ecclesiæ Diaconus. At Festus è primis senatoribus corrupto pecunijs Clero, magnam ejus partem sibi adjunxerat, & suffragia pro Laurentio S. Praxedis Archipresbytero paraverat, eodè mque die Symma-

cho opposuerat, emptâ auro electione. Creditum est, id datum à Festo Anastasij Imperatoris Eutychiani gratiæ, cui, cum Constantinopoli Anastasij Pontificis Legatum ageret, pollicitus erat, se acturum, ut Roma Henotico subscriberet. Cum ergo Schisma in Urbe flagraret, nec partium studia componi possent, itum ad Theodoricum Regem, qui pro (a) Symmacho, quippe pluribus votis electo sententiam dixit: nec id jure factum, sed necessitate ac meliorum desperatione, deque partium consensu. Festus judicio victus ad fraudes & calumnias vertitur. Multa Symmacho flagitia imposita, præsertim adulterij, utque Pontificatu absolveretur, à Theodorico petita. Is Episcopum destinavit, qui criminationes, causamque Symmachi examinaret, sed vociferante (b) Clero, id contra Canones fieri, nec ab alio judicari Pontificem, quam à S. Concilio posse, imò ne à Concilio quidem, nisi illud Pontifex convocasset; Symmachum rogat, Concilium indicat. Is Regi assensus Romam centum & quindecim Episcopos vocat, seque eorum judicio spontè submittit. Audi acta Synodi Palmaris; sicut enim teste Anastasio in Honorio, Porticus Basilicæ S. Petri Palmaria dicebatur: *Memorati Pontifices* (quos videlicet Theodoricus ad Synodum invitaverat) *suggererunt Regi, ipsum Symmachum, qui dicebatur impetratus, debuisse Synodum convocare, scientes, quia ejus Sedes primum Petri Apostoli est meritum, vel Principatus, nec antedictæ Sedis Antistitem minorum subjacuisse judicio. Sed potentissimus Princeps ipsum quoque Papam in colligenda Synodo voluntatem suam demonstrasse significavit &c.* Sed cum in Synodo nullus fieret disceptandi finis; Symmachus moræ & contentionum fessus, quamvis tertio vocatus negat, se amplius velle judicio sisti, & minorum, quibus nullum in se jus esset, sententias experiri; nec Patres abnuerunt, quorum ad Regem scribentium hæc sunt verba: (c) *Nobis quid facere possimus, non remansit, nec inivum ad disceptationem nostram adducere possumus; nova res est, Pontificem Sedis istius apud nos audiri, nullum constat exemplum &c.* Inhorruit Gallia, ubi Reum Pontificem audiit, multo magis ubi Concilium judicasse. Ergo somnium nomine ad Festum, Symmachumque

(a) Anastasius in Symmacho (b) V. Tom. 4. Concil. edit. Paris. & Maymbi de Schism. Occident. lib. 5. fol. 295. Cassiodor. in chron. anno 500.

(c) V. Tom. 4. Concil. edit. Paris. fol. 1330. & seqq.

que Romani Senatûs capita hæc Avitus Episcopus Viennensis scribit : (a) *Dum de causa Romana Ecclesia anxijimus ac trepidi essemus, utpote nutare statum nostrum in lacesito vertice sentientes, quos omnes una criminatio percussisset, si statum Principis obruisset. In Sacerdotibus cæteris potest, si quid fortè nutaverit, reformari; at si Papa Urbis vocatur in dubium, Episcopatus jam videbitur non Episcopus vacillare. Sanctorum voce patet Pontificum dignitatem Sedis ejus sanctam toto Orbe Venerabilem, dum illis, quidquid fidelium est, ubique submittitur, dum totius Orbi caput esse dignatur; de qua mihi videtur dictum per Prophetam: si hac humiliabitur, ad cujus confugietis auxilium, & ubi relinquetis gloriam vestram. Non facile datur intelligi, quâ vel ratione, vel lege ab inferioribus eminentior judicetur, quod Synodus ipsa venerabilis laudabili Constitutione prospiciens causam, quam (quod salvâ reverentiâ dictum sit) penè temerè suscepit inquirendam, divino potius servavit examini. En tibi Gallicane Ecclesiæ sententiam doctrinâ ac pietate florentis, quippe sub tempora baptizati Clodovæi: Non posse Romanum Pontificem in dubium seu judicium vocari: illi quidquid est fidelium, submitti, esse totius Orbis Caput, & temerè à Synodo judicari, sed Divino tantum examini servari. Ita Galliæ Antistites ante mille centum & octoginta annos sensere. Nequè dicas, id tantum de Synodo particulari intelligendum esse, non verò de Synodo Oecumenica. Respondeo vanum esse hoc effugium, omnes enim rationes, sacræque auctoritates, quæ probant Pontificem particulari Synodo, probant etiam Oecumenicâ esse superiorem: & citati Patres Gallicani expressè fatentur, Romanum Pontificem Divino tantum examini servari; quod falsum esset, si Oecumenico Concilio subjaceret. Et ita, quod maximi momenti est, Ennodius sensit; is enim & Gallus erat, nec ignorare poterat mentem Ecclesiæ Gallicanæ, eodémque tempore vixit, quo Synodus agebatur, & pro Symmacho eloquentissimè scripsit, tantòque pretio apud Patres Synodi Romanæ Apologeticum fuit ab eo conscriptum, ut redigi voluerint inter acta Synodalia, & pro doctrina Synodali ab omnibus haberi. Audi acta ipsius Synodi: Eo recitato libello, & ab omnibus consonâ voce comprobato sancta Synodus dixit: hac futuris temporibus referrentur, atq; ab omnibus teneantur, & ab omnibus servantur: hic libellus integerrimè synodali ter ab omnibus teneatur, atque inter*

T 3

quarta

(a) S. Avitus Episc. Viennens. ep. 2. communi omnium Episcoporum Galliæ nomine apud Sirmund. in Eanod.

quarta & quinta Synodorum actiones interponitur, quia Synodali auctoritate conscriptus est, & roboratus. Ad qua omnes ter unâ voce responderunt, ut fiat rogatus. Jam verò cum tantæ sit auctoritatis Apologeticum Ennodij, audi quid ipse sentiat de Pontificis potestate nulli humano judicio obnoxia: Aliorum hominum causas DEUS voluit homines terminare, sed Sedis ipsius Praefules suo sine quaestione reservavit arbitrio: voluit B. Petri successores Cælo tantum debere innocentiam. Dicas forsitan: omnium animarum talis erit in illa disceptatione conditio. Replicabo, uni dictum: Tu es Petrus, & super hanc petram aedificabo Ecclesiam meam. Si ergo DEUS Romanos Pontifices suo soli arbitrio reservavit; si voluit Cælo tantum debere innocentiam, patet illos Oecumenico Concilio minimè subdi, alioquin falsum esset eos soli Divino arbitrio reservari, & Cælo tantum innocentiam debere. Id verò tam clarum est, ut ipse Maimburgus tum Ennodij, tum Antistitum Galliæ, quorum voces Avitus Viennensis calamo expresserat, testimonijs victus libro quarto de magno Schismate Occidentis fol. 307. in hæc verba proruperit: *Par l'histoire meme de Symmachus il est tout evident, que le Concile de Rome, toute l'Eglise Gallicane, Ennodius & le Canon rapportez dans le Decret de Gratien avoient deja decidé plus de neuf cens ans auparavant, que c'est à Dieu seul, qu'on doit reserver la connoissance, & le jugement des crimes, qu'on pourroit imputer aux Papes, & consequentement qu'il n'y a Personne, qui ait droit de les juger, ny de les déposer, si ce n'estoit, qu'ils fussent Heretiques, car il est certain, qu'en ces cas ils ne seroient plus Papes.* Hoc est: Ex ipsa Symmachii Historia certissimum est, tam Concilium Romanum, quàm Ecclesiam totam Gallicanam, Ennodium, Canonisque à Gratiano citatos jam ante nongentos annos decidisse, solius DEI iudicio cognitionem, sententiamque eorum criminum reservari, qua Romanis Pontificibus imputantur; & proinde nulli mortalium fas esse sententiam contra illos dicere, eoque Pontificatum abrogare, nisi sortè hæresi tangerentur, tunc enim certum est, eos ne Pontifices quidem esse. Hactenus Maimburgus cum adhuc innocenti calamo scriberet, nec præmijs capto, & hoc ipso exemplo utitur, ut ostendat: Non licuisse Concilio Constantiensi Joannem XXIII. Pontificatu exuere, idque Senatum Regium censuisse. Si ergo ex sententia Caroli VII. Galliarum Regis, ejusque senatus, ac etiam ipsius Maimburgi non licuit Oecumenico Concilio etiam tempore Schismatis, etiam in dubium Pontificem sententiam ferre, quântò minùs licebit in unicum, verum, indubiũque? Sed ut dixi, hæc Maimburgus scripsit

scripsit pace inter Pontificem, Regemque florente; ubi turbata est, animum ac sententiam mutavit, Regique accessit, non quòd hujus causa melior, sed quia vicinior, potentiòrque, sicque pretium ex propinquo paratius. Ergo sive Concilium Romanum, sive Gallicanam Ecclesiam, sive Ennodium & Maimburgum æquè Gallos interroges; Papa omni Concilio superior.

Secundo. Facit pro hac nostra sententia egregium Ennodij Galli (qualem se sæpè proficitur) testimonium modò recensitum.

Tertiò. Anno DCCC. Cùm Carolus Magnus Romæ ageret, & Leonem III. criminibus, quæ ab æmulis objectabantur, in Synodo purgari vellet, Antistites maximâ & præcipuâ parte Galli (ut testatur Anastasius in vita Leonis) in hæc verba exclamârunt: Nos Sedem Apostolicam, quæ est caput omnium Ecclesiarum, judicare non audemus. Nam ipsa nos omnes, ipsa à nemine judicatur, quemadmodum antiquitus mos fuit. Ita Anastasius in vita Leonis. Si à nemine judicatur, ergo neque à Concilio Oecumenico; & nota ea verba: Sicut antiquitus mos fuit. Nostra ergo sententia jam dudum Antiquitati commendata fuit, nec uti falsò supponit Maimburgus, modò tyrocinium egressa.

Quarid. Anno circiter 1004. Ivo Carnotensis epist. 183. Judicia Romana Ecclesia à nemine retractari possunt; & si quis aliquando hujus Ecclesie auctoritatem prægravatum se sentiat, non debet in Ægyptum descendere propter auxilium, sed ab ipsa ad ipsam confugere, & inde expectare levamen, unde se conqueritur accepisse gravamen. Si ergo Judicia Romana Ecclesia à nemine retractari possunt; si ab Ecclesia prægravatus ad nullum alium recurrere, ergo Concilium non est supra Papam, alioquin hujus judicia retractari possent, & prægravatus à Pontifice, non ad hunc redire teneretur, sed posset ad Concilium provocare.

Quinto. Anno circiter 1300. S. Thomas Aquinas, qui Parisijs didicit, docuitque, & quo Universitas Parisiensis neminem habuit doctrinâ & sanctitate majorem; is opusculo contra impugnantes Religionem capite 4. ita loquitur: Papa habet immediatam jurisdictionem in omnes Christianos, quia Romana Ecclesia nullis Synodicis constitutis cæteris Ecclesijs prelatâ est, sed Evangelicâ voce Domini & Salvatoris nostri primatum obtinuit, & illa, quæ sancti Patres determinaverunt esse juris positivi, sunt relicta sub dispositione Pape, ut possit ea mutare vel dispensare secundum opportunitates temporum vel negotiorum. Sancti enim Patres in Concilijs congregati, nihil statuere possunt,

possunt, nisi auctoritate Romani Pontificis interveniente, sine qua etiam nec Concilium congregari potest. Et Quæstione de Pot. a. 4. ad 3. Romanus Pontifex hoc sua auctoritate potest (hoc est, interpretari Symbolum) cujus auctoritate solâ Synodus congregari potest, & à quo sententia Synodi confirmatur, & ad ipsum à Synodo appellatur. Quæ omnia patent ex Gestis Chalcedonensis Synodi. Nec est necessarium, quod ad ejus expositionem congregatur Universale Concilium; cum quantôque id fieri prohibeant belli dissidia, sicut in 7. Synodo id legitur, quod Constantinus Imperator dixit, quod propter imminencia bella Universalem Synodum congregare non potuit, sed tamen illi, qui convenerunt, quadam dubia in fide exorta sequentes sententiam Agathonis determinaverunt.

Sextò. Sanctus quoque Bonaventura Clarissimum Universitatis Parisiensis Lumen, & de quo Joannes Gerson ejusdem Universitatis Cancellarius verissimè dixit: (a) Nunquam talem Doctorem habuisse studium Parisiense: Hic, inquam, Seraphicus Doctor de Cœlesti Hierarchia p. 2. c. 1. Summus Pontifex, penes quem prima in terris residet auctoritas, non à Rege, non à Principe seculari, non ab homine judicatur, sed solum DEI judicio reservatur.

Septimò. Extollunt Moderni Galli Decreta Concilij Constantiensis, ac præsertim Patres Conventus Parisiensis, ut proinde hujus Concilij doctrina dici possit doctrina modernæ Ecclesiæ Gallicanæ: at Patres Concilij Constantiensis negant Concilium esse supra certum & indubitatum Pontificem, idque patet ex eo, quod quoties potestatem Concilio in Pontificem tribuunt, toties clausulam taxativam & restrictivam apponunt, videlicet: *In his, quæ pertinent ad fidem & extirpationem dicti Schismatis; super præmissis, aut ad ea pertinentibus, pro Unione Ecclesiæ &c.* Planè hæ restrictiones aperte significant, in alijs casibus, quando videlicet nec Schisma est, nec dubius Papa, nullam esse Concilio potestatem; exceptio enim firmat regulam in contrarium, quemadmodum si Episcopus dicat: *Concedimus Petro facultatem audiendi missam in sacello domestico durante morbo;* hoc ipso innueret, morbo finito, facultatem quoque sublatam: Sicque Henricus Spondanus quamvis Gallus & Episcopus Apamiensis in Annalibus Ecclesiasticis intelligendum esse Concilium Constantiense disertè, multisq; in locis profiteretur: præcipuè verò ad *Ann. 1415. n. 54. & ad Ann. 1418. n. 5.* cujus verba postea exscribemus.

Sed

(a) Gerson de lib. Leg. confid. 5. p. 2.

Sed præsertim Concilium suam mentem expressit, quando die 1^a Septembris Anno 1417. ante sessionem 40. post trium Obedientiarum Unionem, cum tres Nationes Italica, Hispanica, & Gallica vellent prius certum Pontificem eligi, quam ad Decretum Reformationis procedi; Germanica verò contenderet præmittendam Reformationem, tandem acquievit Germanica tribus alijs nationibus, idque jure merito, quid enim magis ad Reformationem necessarium, quam tolli Schisma, & reddi Ecclesiæ Unionem? Post quæ, subjungunt acta, (a) *suerunt facta diversa forme Decreti ad hoc; ac tandem fuit dictum, quod Papa electus ligari non poterat; ita habetur in 4. Manuscriptis Codicibus à doctissimo Schelstrato editis, relatisque in actis & Gestis Concilij Constantiensis. Si Papa à Concilio ligari non potest; sequitur ergo Concilium non esse supra Pontificem, idem enim adversarij Concilium Pontifici præponunt, ut ligari, judicarique à Concilio possit; at Concilium Constantiense negat id fieri posse. Eadem die, mense, & anno in Protestatione à tribus Nationibus (quarum florentissima Natio Gallicana, ut ex actis patet) contra Germanicam edita, & communi nomine à Cardinali Pisano lecta, cujus initium: *Audite hæc omnes gentes, circa medium hæc habentur: Si ante dictam provisionem Ecclesia de Pastore, aut saltem modi electionis illius, suppositis hujus Concilij Decretis, quibus omnia jura circa electionem Summi Pontificis edita dicuntur esse suspensa, sequeretur Ecclesiam DEI esse sine Capite, & sine Lege, & Ecclesia in periculo remaneret, quia vix congregaretur indubitatum Concilium deficiente Capite, ad quod pertinet convocare. Quomodo ergo Concilium est supra Papam, quando ne quidem est Concilium, multoque minus habet auctoritatem Conciliarem, deficiente Papâ? Quomodo sustineri potest, auctoritatem Concilij esse immediatè à Christo, si ne Concilium quidem esse aut dici potest, Pontifice sublato, eisque auctoritatem non præstante? Quod si defectu Pontificij consensus Concilium evadit nullum, multo magis erit nullum, Papâ expressè contradicente; plus enim est, positivè contradicere, quam tantum non consentire. Rursus in Bulla Martini V. sacro approbante Concilio facta, quæ habetur sessione ultimâ, inter alias propositiones, quæ aliquem suspectum hæresis reddunt, etiam hæc ponitur: *Papa canonicè electus***

II

(a) Schelstrat. in Actis & Gestis Concilij Constant. fol. 268.

non

non est successor Petri, nec habet in Ecclesia DEI supremam auctoritatem. Agnoscit ergo Concilium, supremam in Pontifice potestatem, atqui suprema non esset, si Concilio subjaceret; quemadmodum in statu Democratico, qualis erat Respublica Romana, & hodiè Helvetica, nemo dicit supremam potestatem esse penes Consulem, sed penes Comitum Popularem. En tibi Concilium Constantiense, ipsamque Ecclesiam Gallicanam, præcipuam videlicet illius Concilij partem sententiæ nostræ subscribentem!

Octavò. Insigne Ecclesiæ Gallicanæ testimonium habemus in protestatione, quam ea ante Sessionem 40. Concilij Constantiensis contra Nationem Germanicam edidit, quodque modò antè retulimus.

Nonò. Anno 1441. Carolus VII. Francorum Rex celebrato apud Biturigas Galliæ præsulum Conventu, missaque ad Eugenium IV. legatione, cujus Princeps Episcopus Meldenis, non solum Eugenium pro vero Pontifice agnovit, respuitque Decreta Basileensia, verum etiam Pontificis Romani supra Concilium auctoritatem palàm testatus est; verba Meldenis Episcopi hæc sunt. *Nimio fervore resistendi ad hanc insaniam devenerunt (Basileenses videlicet) quod supremam potestatem in uno supposito consistere denegant, sed eam in multitudine, qua cuncta in diversa scinditur, collocant, & sic pulcherrimam Ecclesiam Monarchiam, que Christianos hucusque tenuit in unitate fidei, in una professione Religionis Christianæ, in uno ritu sacramentorum, in una observantia mandatorum, in eisdem ceremonijs divini cultus, atque pacem & tranquillitatem asseruit, nunc abolere contendunt, nobilissimam Politiam, qua beatitudinem caelestem habet pro fine, ad Democratiam vel Aristocratiam redegentes.* Et hoc animaduertens præfatus Rex Christianissimus vehementi dolore ingemiscit, ac remedia ubique perquiri, ac denique consulto Prælatorum &c. *Observa, quæ Galli censurâ nostram ab Adversariorum sententia distinguant; Adversariorum enim sententiam, quæ Concilium Pontifici præponit, insaniam vocant. Nostram verò, quæ Concilium Pontifici subdit, ac perfectam Ecclesiæ Monarchiam statuit; (a) Pulcherrima Monarchia, Unitatis, fidei, ac Religionis Christianæ, Obedientiæ, pacis, ac tranquillitatis Matrem appellant; quid poterat luculentius à Gallis dici? aut quis*

(a) Habetur tota Oratio Episcopi Meldenis apud Raynald. ad ann. 1441. ex Codice Vaticano 4177. descripta.

quis unquam sententiam nostram pulchrioribus encomijs, Adversariorum verò graviore censurâ notavit? Neque hæc solius Regis aut Episcopi Meldenensis sensa fuere, sed ut in eadem Oratione habetur: *Ex Consilio Prælatorum, & aliorum multorum sapientum Regnisui, &c.* Hæc Gallus perorabat.

Decimò. Anno MDXIII. Ludovicus Galliæ Rex Legatos suos Cardinalem videlicet Sanseverinum, Claudium Seisellum electum Episcopum Massiliensem, ac Ludovicum Furbin ad Concilium Lateranensem mittit, qui exhibitis Regijs litteris professi sunt: *Galliæ Regem, Concilio Pisano ac omnibus in eo peractis renuntiare: Concilio verò Lateranensi tanquam Legitimo, unico, indubitato & Oecumenico adherere, & quam primum fieri poterit, effecturum, ut aliqui Prelati & insignes viri nomina Ecclesiæ Gallicanæ cum sufficienti mandato submittantur, qui Concilio Lateranensi adhareant & assistant, quemadmodum cetera Nationes.* Idemque Claudius Massiliensis Episcopus publicis instrumentis & litteris, (a) quas Concilio sequenti anno exhibuit, palam fecit, ostenditque: *Cabilonensem, Lexoviensem, Ambianensem, Engolismensem, & Laudunensem Episcopos una cum aliquot Doctoribus in Theologia, & utroque jure iur ad Pontificem summississe, ad renuntiandum Pisano Conventui, & adharendum Lateranensi Synodo.* In hoc autem Concilio, quod Galli pro vero & Oecumenico habuere, sessione 10. pronuntiatum est: *Solum Romanum Pontificem pro tempore existentem auctoritatem super omnia Concilia, plenamque potestatem habere Conciliorum indicendorum, transferendorum, ac dissolvendorum, id quo ex sacrarum litterarum testimonio, dictis Sanctorum Patrum, sacrorumque Canonum Decretis constare, &c.* Et quamvis per modum Dogmatis definitum non fuerit, negari tamen haud potest, maximæ auctoritatis hanc doctrinam esse, utpote in Concilio Universalis assertam, probatam, & cui nullus Episcoporum resistere est ausus.

Undecimò. Hanc ipsam veritatem agnovit, ac sæpè in suis professus est Henricus Spondanus Natione Gallus, dignitate Episcopus, doctrinâ eximius, parique pietate ac honorum contemptu, sicque adulationis expertus, quam nemo gratis exercet. Is ad Annum 1415. n. 16. ubi agit de sessione 4. Concilij Constantiensis, ita loquitur: *Hoc Decretum sessionis 4. accipiendum est de tempore Schismatis, cum dubitaretur, quis verus esset Pontifex; de quo semel dicimus, cum apud diversos*

U. 2

plu-

(a) V. Acta Concilij scilicet 8. & 9. Spondan. ad ann. 1514. n. 3.

plurisque ejus seculi auctores repèriunt assertum, Concilium esse supra Pontificem, Papam subesse Ecclesiæ, intellexisse omnes (si verba eorum diligenter expendantur) intelligendumque omnino esse, quando agitur de fide aut tempore Schismatis, quoniam si Papa fortè fieret hereticus, desineret esse Papa, tempore verò Schismatis incertius est: Ecclesiæ autem nec unquam labi in hæresin potest, nec ejus auctoritas est unquam incerta. Et ad annum 1418. n. 5. Quæ ambigunt dicta fuerant de auctoritate Concilij supra Pontificem, & de potestate reformandi Ecclesiæ, tam in Capite, quam in membris, ut sonare videntur, absolute sumptis nullo modo Martinus agnoscere, aut probare voluit, utpote contrarias existimatas & praxi antiquioris Ecclesiæ, & collata à Christo Domino Petro, ejusque successoribus auctoritati ac potestati, ipsiq; demum nature rei, quæ Caput debet membra regere, non regi à membris, &c. Hæc Spondanus, cui utique nemo unquam imputabit, aut ignorasse illum Ecclesiæ Gallicanæ sententiam, aut ab ea descivisse.

Duodecimò. Ipse Maimburgus infestus ad eò Romanæ sedis, seu nondum adulatione corruptus, seu veritati cedens; id ipsum apertissime professus est in libro de Magno Schismate Occidentis lib. 5. fol. 307. ubi cum longâ oratione, & exemplo Symmachi Papæ, quod suprà retulimus, ac præsertim auctoritate Ecclesiæ Gallicanæ tunc temporis sanctitate ac doctrinâ eximie ostendisset: Pontificem Romanum nullius Synodi, sed solius DEI judicio subjacere, hæc tandem verba ex suo adjungit: *Manifestum omnino est, exemplo Synodi Romanæ, testimonio Ennodij, Ecclesiæ Gallicanæ, sacrorumque Canonum à Gratiano citatorum, jam supra nongentos annos decisum esse, soli DEO judicium reservari eorum criminum, quæ Pontifici Romano imputantur, siq; nulli Mortalium fas esse Pontificem judicare, aut eum Pontificiâ dignitate exuere: solâ hæresi exceptâ, quam si incurrat, certum est, illum nec dici, nec esse Pontificem posse.* En tibi & Ecclesiæ Gallicanæ, & ipsius Maimburgi manifestam sententiam! quam si postea Maimburgus mutavit, non causæ hoc vitium, quæ semper eadem est, sed animi fuit, indignatione in Pontificem, amore in Principem, & cupiditate præmiorum capti, aut si hæc omnia defuere, (nec enim mortuum judicaverim) eum societas aulæ corrumpit, ardorque non tam vera scribendi, quam grata & placitura. Miserum si tam brevi, fluxoque pretio calamum locavit, & temporis, non æternitati scripsit. Plura dici possent, quibus Ecclesiæ Gallicanam pro nobis stare palam fieret; sed id

totâ

totâ Dissertatione quartâ ex professo, & luce meridianâ clariùs demonstrabitur.

III. *Opponit 14.* (a) Totum est nobilius parte, & corpus est nobilius membro, idque non tantum lumine naturali evidens est, sed etiam sancti Patres testantur: S. Augustinus de Baptismo: *Totum suis paribus optime praponitur.* Et S. Hieronymus epistolâ ad Evagrium: *Major est auctoritas Orbis, quàm Urbis.* Atqui summus Pontifex cum sit caput, est etiam pars, & membrum Ecclesiæ, ergò Ecclesia & consequenter Concilium, quod Ecclesiam representat est nobilior, & superior Pontifice.

Resp. Si ita est, ergo & Synodus Diæcesana est supra Episcopum, & exercitus supra Ducem, & Capitulum supra Abbatem, quia Episcopus est Caput suæ Ecclesiæ, & Dux caput exercitus, & Abbas caput Capituli, poteritque Synodus Episcopos deponere, exercitus Duces, Capitulum Abbates judicare, punire, ac etiam deponere; quæ si admittantur, quis non videt solvi omnem Ecclesiasticam, humanamque disciplinam? nam si semel hæc potestas subditis permittatur, sive sigillatim sive collectim sumptis, nunquam causa deerit obtestandi. Imò hoc Maymburgi Principium ejus potius sententiam destruit; quippe Capitis officium est, non solum singula ac separata membra gubernare, sed universum collectumque corpus: sicut & Belli Imperator non singulis tantum militibus, aut manipulis, sed Universo exercitui imperat, præscribitque quid agere, quid omittere oporteat; & tunc primum collabi imperium Romanum cæpit, quando exercitus deligendi, deponendique Imperatoris sibi jus vendicavit; tuncque florentissimum stetit, quando, ut sub Octaviano Augusto contigit, unus omnibus imperabat immuni ac securâ Majestate; quod si aliquando penes senatum, Romanum Imperium stetit, modicâ adhuc Republica id fuit; nam dilatata, & Orbem complexâ nunquam bellis civilibus jactari desijt, donec summâ rerum unus potiretur: Idem dicas de Ecclesia toto Orbe diffusa, quæ toties turbata est, ac discordijs scissa, quoties Pontificis imperium aut rospuit, aut excussit; testes Græcia, Anglia, Germania; nec ulla hæresis prodijt, quæ non simul, eodémque tempore DEO rebel-

lis & Pontifici fuerit : ipsa Concilia cùm imperare, non obsequi maluerunt, quantas in Ecclesia, & implacabiles tempestates concitârunt ? nec prius composita, quàm redditâ Pontifici obedientiâ, idque in Pisano, & Basileensi Concilijs palàm fuit ; ergo ut dixi, tam non potest pax in Ecclesia, & Concilijs esse, nisi Pontifici submittantur ; quàm in exercitu, nisi upi pareat Imperatori, seque regi patiatur ; aut in corpore, nisi à Capite sustentetur, motumque accipiat ; est ergo, ut dicebam, de ratione ac bono corporis, ut regatur à Capite, non ut regat, & idèd semper magis corpori consultum est, ut quaecunque caput habeat, etiam æg- rum & infirmum, quàm nullum ; & pessimus is Medicus foret, quideponi caput, & truncari juberet, quo corpori mederetur ; Carnificis hæc remedia, non Medici sunt. Imò hoc ipso, quòd Ecclesia est præstantior, nobiliórque Pontifice Romano, non quidem jurisdictione & auctoritate, sed extensione ac fine, (cùm Papa sit propter Ecclesiam, & propter hanc magis, quàm propter Pa- pam Christus sit incarnatus, ac Religionem, & Sacramenta insti- tuerit, quemadmodùm & Rex est propter Populos, & Dux pro- pter exercitum) oportuit Pontificem Ecclesiæ, & Concilijs præ- esse, ac imperare, cùm hæc ipsa superioritas Pontificis, & subjeçtio Ecclesiæ ac Conciliorum cedat in maximum bonum, utilitatem, pacem, ac perfectionem Ecclesiæ, quemadmodùm & Magister est propter Discipulos, & Dux propter exercitus, & Tutor Principis propter Principem, & idèd oportet Magistrum, Ducem ac Tuto- rem imperare, discipulos verò, exercitum, ac pupillum subesse, quia videlicet istorum interest, subesse potius regi què, quàm im- perare, nec aliud magis exercitui, Discipulis, pupillisque noceret, quàm si mallent imperare, quàm obsequi. Nec obstat, quod ri- diculè obijcit Maymburgus : *Aliam, videlicet, esse Regis Ducisque ratio- nem, aliam Pontificis* : Illos enim esse non tantùm capita, sed etiam Dominos, & idèd imperare & præesse, non subijci, prohibente Christo Dominatum illis verbis : *Reges Gentium dominantur eorum, vos autem non sic.* Quasi verò ad solos Dominos pertineat imperare, & non etiam ad eos, qui licèt Do- mini non sint, jurisdictionem tamen & auctoritatem in alios ha- bent ; num Dux à Principe bello præfectus Dominus est exerci- tum, quos ducit ? num Dominus Discipulorum est Magister ?

Tu-

Tutor Pupilli, Medicus ægroti, Judex litigantium ? & tamen hi omnes superiores sunt, imperantque, alij verò, qui forsan Domini sunt, obedire tenentur ; sed Maimburgus non distinguit inter Dominum Jurisdictionis, & inter Dominum proprietatis ; Pontifex non est *Dominus Proprietarius* Ecclesiæ, & ideo non potest pro lubitu de bonis seu temporalibus, seu spiritualibus Ecclesiæ dispo- nere ; est tamen *Dominus Jurisdictionis* : nec Christus omnem Domi- natum in Ecclesia prohibet, sed tantum qualem *Reges Gentium* usur- pare solent, hoc est, cum fastu, pompa & ambitione conjunctum. Rursus prohibet Dominatum Proprietatis, & qui cedat inde- structionem Ecclesiæ, non verò Dominatum Jurisdictionis, & qui necessarius est ad ædificationem Ecclesiæ, qualis videlicet, Judicij, Tutori, Medico, Pastorique competit, quem si ab Ecclesia tollas, quid intererit inter Ecclesiam, & Brasiliam ? At Ecclesia est totum, Pontifex est membrum Ecclesiæ, ergo Pontifex est infra Ecclesiam, & ab ista regi, & gubernari debet. Hæc illatio tantum valet, quantum istæ : Caput est membrum corporis, & corpus est totum, ergo caput est infra corpus, & regi, gubernari, ac moveri à corpore debet ; Dux belli est caput, & membrum exercitus, ergò regi, judicari, puniri- que ab exercitu debet. Admitto Pontificem esse Caput, & mem- brum Ecclesiæ ac Concilij Oecumenici, sed nego propterea Ec- clesiæ ac Concilio subijci, nec enim est membrum qualecunque ; sed membrum hierarchicum, ac principium totius motus, ac Di- rectionis spiritualis, de cujus ratione est, ut moveat, & non ut mo- veatur ; ut gubernet, non ut gubernetur, & hoc ipsum ad com- modum Ecclesiæ pertinet. Deinde Ecclesia ut opposita & sepa- rata à Pontifice, tam non est totum, quàm corpus à capite discin- ctum non potest dici totum corpus ; & exercitus ut oppositus ac separatus à suo Duce, non est totus & integer exercitus, sed optimâ sui parte minutus, ineptusque victoriæ, ac hosti obnoxius. Ex quot vitijs, abundat Maimburgi argumentatio ? supponit enim, omnem Dominatum in Ecclesia à Christo sublatum esse : nullam esse distinctionem inter Dominum Jurisdictionis & Proprietatis : eum tantum imperare & gubernare ac auctoritatem in, alios ha- bere, qui Dominus est : Concilium à Papa separatum, eique op- positum esse aut repræsentare totum, & integrum corpus Ecclesiæ.

& alia

& alia similia, quæ falsissima omnino sunt. Sicut & illud falsum, quod Concilium sit supra Papam, quia vacante sede, aut Pontifice dubio pertineat ad Concilium de Pontifice dubio sententiam ferre, ex quo colligit, Concilium esse supra Papam etiam certum; manifesta enim est disparitas, nam Papa dubius, cum lateat, nec missionem & commissionem suam ostendat, non est caput visibile Ecclesiæ, cum de illo non constet: nec tenetur Ecclesia ei obedire utpote Commissionem suam non probanti: & quamvis vacante sede decernere, & imperare Concilium possit, quia in hoc casu supremum est in Ecclesia tribunal (sicut capitulum vacante Sede Episcopali) neque possit in rebus fidei errare; cum deficiente Capite visibili à Capite invisibili, hoc est, Christo gubernetur; secus est, postquam Caput visibile electum est, tunc enim cessat immediatus Christi in Ecclesiam influxus, qui Ecclesiam suam non aliter vult gubernare, quam per vocem ac directionem Capitis visibilis: quemadmodum ferè quamdiu Populo Israelitico humanus cibus in deserto defuit, cælesti eum pavit: at ubi Chanaanæ ingressis cibus humanus præstod fuit, cælestis defuit, aliter ergo DEUS Ecclesiam regit Capite visibili destitutam; aliter Capite visibili instructam, sicut aliter pavit Israël, cum humanus cibus defecerat, aliter cum abundabat; aliter Eliam in deserto, aliter in Civitate.

IV. *Opponit 15. (a) Testimonium Pij II. Summi Pontificis.* Pius, inquit, II. cum adhuc Æneas Silvius vocaretur, agerètur Basileensis Concilij Secretarium, exemplo Doctorum Parisiensium omnem nervum intendit, ut defenderet majorem esse Concilij, quam Pontificis auctoritatem: at verò ubi Pontificatum obtinuit, ex rationibus, quas facile quivis imaginari sibi potest, animum induxit, ut mundo palam faceret, se ab ea sententia recessisse, quam olim utpote de meritis ac justitia causa optimè instructus ardentissimè defenderat. Id per Bullam fecit, in qua retractat, revocaturque, quæ Basilea docuerat, & tamen in hac ipsa retractatione non potuit imperare sibi, quin manifesta veritati suffragium ferret, aperirèturque utriusque sententia, & quam deserebat, & quam recens complectebatur, elogium. Ejus verba: iuebatur antiquam sententiam, ille (hoc est Cardinalis) novam defendebat: extollebamus Concilij Generalis auctoritatem, ille Apostolicæ Sedis potestatem magnopere commendabat. En ingenuam Pij confessionem

(a) Maimb. cap. 25. fol. 156.

nem ! fatetur sententiam, quæ Concilij partes tuetur, antiquam esse; eam verò quæ Pontificem præfert, novam recensque inventam. At verò id ipsum est, quod nobis probandum suscepimus; quippe id solum præsentis libro agimus, ut Lectoribus ostendamus, quantum hac in re antiquitatis mens & sententia fuerit. Ergo postquam tam solemne & irrefragabile Pij II. testimonium pro causa nostra habemus; merito, quod etiam in alijs articulis supra recensitis observatum est, celeberrimo illud Cælestini I. dictum usurpaverim: *Desinat incesse Novitas Verustatem.* Hætenus Maimburgus, cujus verba ex Gallico ad amissum transtuli.

Resp. Duo complectitur Maimburgi objectio. Primum est, Pium postquam Pontificatum adeptus est, opinionem de Concilio mutasse, quam cò usque altè imbiberat, parique ardore defenderat; id denotant ea Maimburgi verba: *Mais quand luy même fut devenu Pape, il crut par une raison, que l'on peut aisément deviner, qu'il devoit faire scavoir à tout le Monde, qu'il avoit changé de sentiment, & qu'il croit alors tout le contraire de ce, qu'il avoit soutenu auparavant.* Hoc est, Postquam ipse Pontificatum obtinuit, in animum induxit, toti Mundo palam facere, se mutasse sententiam, & tunc contraria illis sentire, quæ prius defenderat. Et infra: *C'est ce qu'il fit solennellement par une Bulle, dans la quale il se retracte, & en se retractant pour déclarer, qu'il vouloit suivre une autre opinion, &c.* hoc est, Hoc ipsum solemniter vigore Pontificiæ Bullæ executus est, in qua retractat priorem suam sententiam, & dum retractat, simul profitetur, se aliam opinionem amplecti velle. Et infra: *Ce Pape qui voulut bien changer d'avis, changeant de condition.* Hoc est: *Hic Papa volens sententiam mutare, cum mutavit conditionem.* Quæ omnia aperte significant, Pium tunc primum sententiam suam de auctoritate Concilij mutasse, cum mutavit statum, rerumque potitus est. Secundum est, quod Maimburgus in ea objectione asserit: *Pium in Bulla retractationis scripsisse, sententiam, quæ Concilium Pontifici præfert, antiquam esse, quæ verò Pontificem Concilio, novam, recentemque.* Cæterum hæc duo, quæ Maimburgus allegatâ ad marginem Pij Pontificis Bullâ scribit, tam sunt à vero aliena; tamque compertæ falsitatis, & ipsi Bullæ, quam allegat, contraria, ut mirer non erubuisse adeo corruptis mercibus incautos fallere, eos præsertim, quibus Bullam legendi aut tempus, aut occasio deerat, aut saltem non esse veritum, tandem fallaciam observatum iri æterno Auctoris dedecore. Primum quod attinet, certum, & ex ipsa Bulla (a) manifestum est,

X

Pium

(a) Bulla Pij II. quæ in Bullario est 10. Anno 1463. §. 4.

Pium multò antè, quàm Pontificatu potiretur, sententiam mutasse, imò cùm nondum sacris ordinibus initiatus est. Audi ipsam Bullam à Maimburgo productam, & malignà interpretatione corruptam. Dicent fortàsie aliqui, cum Pontificatu nobis hanc opinionem advenisse, & cum dignitate mutatam esse sententiam. Haud ità est, longè aliter actum. Anno salutis primo & trigésimo supra millesimum quadringentesimum, cum Dominico Capranica, quem Martinus V. in secreto Cardinalium Consistorio creaverat, Eugenius IV. preverat, Basileam petivimus. Julianus aderat Cardinalis S. Angeli: Is cùm ceteris præsaret, audità Eugenij revocatione, præsidentiam dimisso tanquàm Summo Pontifici vellet obedire; sed cùm auferretur indies, Eugenio vel invito Concilij præsidentiam resumpsit, & auctoritatem Concilij mirum in modum extollens, eminentiam primæ sedis suppressere cœpit, & cùm esset facundissimus, facile persuasit Auditoribus, quæ cupiebat. Nos qui ex patria juvenes, non ex Urbe illuc migraveramus, & nova tunc primùm avis ex Senensi Gymnasio evolaveramus, rudes & inexperti vera esse arbitrabamur cuncta, quæ dicebantur: nec putabamus mentiri alios, qui nesciremus ipsi mentiri, atque ut est innatum homini, tetra & horrenda crimina odio habebamus. Nec Eugenium amare poteramus, quem tot, tantique testes indignum Pontificio culmine dicerent. Et infra: Adversus Concilij dignitatem mutire aliquid crimen hæresis fuit: Una omnium vox Concilium Eugenio præferebat. De Sedis Apostolica præcellentia aut silentium, aut contemptus, Concilium Concilium cuncta sonabant. Didicimus ergo, quæ audivimus. Et infra: Et quamvis postea Julianus S. Angeli, & Johannes S. Petri Cardinales, quibus plurimum credebamur, ad Eugenium defecissent, quamquam paucissimi in fide Basileensi remansissent, nolimus tamen credere, existimantes cunctos, qui abibant, metu recedere, ne bona temporalis perderent. Post pauca: Forè per id tempus (cùm videl: Æneas in aula Friderici Imperatoris, qui neutri parti, hoc est, nec Eugenio, nec Concilio adhæreret) Julianus sancti Angeli Cardinalis ex Hungaria Vieniem venit; cum eo sermonem pro veteri consuetudine miscuimus; sæpè de rebus Basileensibus disputavimus; tuebamur antiquam sententiam, ille novam defendebat. Extollebamus Concilij Generalis auctoritatem, ille Apostolica Sedis potestatem magnoperè collaudabat, &c. Et paulò post: Ad extremum cùm suis scriptis dictisque Cardinalem premeremus, vincere mihi videretur; subridens ille: Tu, inquit, Ænea tabellis obsignatis agis mecum, & quoniam aliquando sensimus ut dixis, idcirco & hodie idem putas debere sentire, & addictos priori sententia credis? cur non liceat omni tempore relicto falso verum amplecti? Tu qui errantem olim secutus es, cur non modo se-

querio

queris recta monentem? &c. Et infra: *Haerunt pectori nostro verba viri; quibus consideratis cecidit ab oculis nostris caligo, qua velut aranearum tela verum cernere impediebat.* Erasmus adhuc penè Laici, quando ad Eugenij Obedientiam redimus. Ex Basilea Clericali tantum charactere insigniti recessimus, nec unquam sacros induimus ordines, nisi post veritatem cognitam Basileensi cecitate relicta &c. Haecenus Pij Bulla, ex qua sequentia deducimus.

Primò. Pium II. non scripturae, non Patrum, non Conciliorum auctoritate adductum esse, ut Basileensi sententiae adhæreret, sed ut ipsemet fatetur, rerum ignorantia, inconsultâ juventute, calumnijs in Eugenium jactatis, societate & exemplis aliorum.

Secundò. Pium multò ante Pontificatum, imò penè adhuc Laicum mutasse sententiam, quam Basileae conceperat de Concilij auctoritate, idque non Romae, sed Viennae in Austria, ubi veritatem ab illis edoctus est, qui Eugenium maximè impugnauerant. Quanta ergo Maimburgi aut ignorantia, ut causam suam quovis modo juvaret, scribentis Pium mutasse cum Dignitate sententiam!

Tertiò. Illa Pij verba: *Turbamur antiquam sententiam, ille novam defendebat. Extollebamus Concilij Generalis auctoritatem, ille Apostolica Sedis potestatem magnopere collaudabat.* Non eum habent sensum, quem Maimburgus illis affingit; quasi videlicet Pius crederet, sententiam, quae Concilium Pontifici praefert, fuisse in Ecclesia jam antiquam, & ab antiquis Patribus, Conciliisque receptam: quae verò Pontifici favet, novam, recentemque: non hic, inquam, eorum verborum sensus est, sed ut apertissime ex verbis & contextu patet, iste: Pium, cum Cardinali S. Angeli Juliano antiquam, quam olim ipse Julianus Basileae defenderat, pro Concilio opinionem, objiceret, & pro hac olim à Juliano assertâ opinione pugnaret; Julianum econtrâ antiquae suae opinionis poenitentem, novam, quam pro Pontifice amplexus erat, conatum esse Pio persuadere: primò enim contra Pontificem Julianus Basileae scripserat, dixeratque, multòque perverterat, & hanc vocat *sententiam ejus antiquam*: postea poenitens pro Pontifice steterat, & hanc vocat *Pius novam Juliani sententiam*. Id ita esse luce clarius est ex suprâ recitatis Bullae verbis. Potuistine jam rogo indignius aliud facinus cogitari, quàm hoc Maimburgi, non erubescens tam pudendis artibus Galliam decipere, ac veritati imponere? potuistine aliquid turpius facere Tiberius, Sejanus,

Machiavellus, aut quisquis veritati bellum indixit? ego nullum huic fallaciæ aut parem legi, aut fœdiorem: ignoscerem tamen necessitate peccanti; quippe non poterat defendi pessima causa, nisi pessimis artibus, nisi eam sponte suscepisset; quod verò sine flagitio fieri non potuit, non decuit velle. Cœterum tantum abfuit, Pium in ea Bulla retractatoria sententiam, quam nos defendimus, pro nova habuisse, ut eam potiùs antiquissimam, & antiquissimis Conciliorum, Patrùmque Decretis consentaneam fateatur; sicut enim ad finem Bullæ loquitur: *Veneramur Constantiense Concilium, & cuncta quæ præcesserunt, à Romanis Pontificibus nostris Prædecessoribus approbata, inter quæ nullum unquàm invenimus fuisse ratum, quod stante Romano indubitato Pontifice absque ipsius auctoritate convenerit, quia non est Corpus Ecclesiæ sine Capite, & omnis ex Capite defluit in membra potestas.* Si ergo nulla fuere Concilia, quæ pro ratis haberi potuerint, nisi post Summi Pontificis approbationem; & nulla est in Ecclesiâ potestas, quæ non defluerit à Capite; sequitur omnia Concilia à Pontifice indubitato pendere, sicquæ doctrinam & veritatem, quam modò tutamur, tam esse antiquam, quàm sunt ipsa Concilia, imò cum istis natam. /

Opponit 16. (a) Ipsi Romani Pontifices, præsertim Gelasius, Cœlestinus I. Leo, Simplicius, Martinus, Gregorius Magnus, Joannes VIII. Eugenius III. apertè profitentur: Se sacrarum Canonum, Conciliorumque Decretis subiectos esse; non posse terminos Patrum præterire; non contra statuta majorum agere; contra DEUM, & Canonum Sanctiones non posse supplicantium precibus acquiescere, Pontificibus regulas dominari, non Pontifices Regulis &c.

Resp. Ad hanc objectionem jam sæpè, & invictè responsum est. Loquuntur Pontifices de Concilijs non Acephalis, & à Pontifice Romano improbatis; sed de Concilijs confirmatis, approbatisque, de quibus nulla in præsentia quæstio est. Deinde alia est subiectio quoad vim Directivam, alia quoad vim coactivam: de hac in Concilio Constantiensi dictum est: *Papam electum ligari non posse*, ut supra ostendimus. De directiva certum est, nullam inferre superioritatem; nam & Papa suis legibus, & suorum Antecessorum obligatur; non idèò tamen Papa aut sibi, aut suis Antecessoribus

(a) Maimb. ch. 10. fol. 10.

foribus subiectus est; & ratio est, quia vis directiva non tam ex lege humana, quàm divina, & naturali proficiscitur vitandi scandali, se conformandi cum alijs Reipublicæ partibus, ac præsertim non provocandi subditos ad contemptum Legum, quod fieret Legislatore nullas Leges curante. Deinde multa dicimur non posse, quæ licet validè à nobis fiant, non tamen honestè, non licitè, non utiliter, hæc enim à Jure Civili, & Canonico inter impossibilia reputantur, & in hoc sensu celebrem illam sententiam pronuntiârunt Imperatores, videlicet: (a) *Dignam esse vocem Majestate Regnantis, Legibus alligatum se Principem profiteri, & majus imperio esse, submittere legibus Principatum.* Et Paulus Jurisconsultus: *Legata Imperatorem vindicare invecundum est, decet enim tantam Majestatem eas servare leges, quibus ipse solutus est.*

Et hîc Finis esto tertiæ Dissertationis.



X 3

DIS.

(a) L. digna vox ff. de Legibus. L. ex imperfecto. ff. de Legatis 3. V. Regale Sacerdot. fol. 445. S. Thom. 2. 2. q. 96. a. 5. ad 3. Gratian. causa 25. q. 1.



DISSERTATIO IV.

In

Qua refutantur, quæ contra Romani Pontificis
è Cathedra pronuntians Infallibilitatem à Maim-
burgo, aliisque opponuntur.

§. I.

Ex praxi, usûque Ecclesiæ, ac Phrasi, modô-
que loquendi omnium SS. Patrum ostenditur
Pontificis Romani infallibilitas.

SUMMARIA.

1. *Summum Pontificem Infallibilem esse, ex omnium SS. Pa-
trum Elogiis ostenditur.*

2. *Ex inductione omnium sæculorum, quibus quicumque
Romano Pontifici obtemperabant pro Orthodoxis,*

3. *Eos verò, qui non obtemperabant, pro Atheis & Hæreticis
habitos esse demonstratur.*

4. *Ex usu & Praxi Pontificum, multa fidei Dogmata sine
Concilio decidentium.*

5. *Ac hæreses plerâque absque concursu Concilij Occumenici
damnantium; quod inductione probatur, Cerdonis, Valentini,
Ibiodoti, Montanistarum, Cataphrygum, Origenis, Cypriani.*

6. *Necnon*

6. Necnon Apollinaris, Ioviniani, Ruffini, Pelagij, Nestorij.
7. Ad stipulante ipsâmes Synodo Chalcedonensi.
8. Præterea ex damnatione Petri Cnaphai Eutychiani, Monothelitarum, Iconoclastarum, Photij, Berengarij. Abailardi, Lutheri, Michaëlis Baij, Jansenij.
9. Ac Novissimè Ludovici de Molines sub INNOCENTIO XI. Moderno PP.
10. Tandem testimonio Bernonis Mon. S. Galli, postea Abbatis Augiensis.



I.



Maimburgus Romani Pontificis auctoritatem in rebus fidei decidendis impugnaturus, solitis artibus pugnae præludit, reverentiam, obsequiumque prohetur; præsertim, (a) se Patrum, se Conciliorum, ac venerabilis Antiquitatis sententiam expositurum, & ex hujus voto, citra omnem argumentandi, disputandique strepitum (nam hoc abstinere se omnino velle) causam finiturum. Ita Maimburgus, tunc blandissimus, cum infidias parat, ac semper promissis dives. Pollicetur Antiquitatem, ut hujus reverentiâ causam suam muniat; & muniret quidem, si Antiquitatem ex vero sponderet. Sed tam certum est, Antiquitatem totam Maimburgo obsistere, ac pro nobis facere, ut omnino appareat, hanc quoque unam esse ex Maimburgi fallacijs, pyratarum more vexilla mucantis, alienamque militiam profitentis. Totius ergo retrò Antiquitatis hanc unam, veramque sententiam fuisse ostendam, ut videlicet crederent, quæ à Romano Pontifice in materia fidei semel decisa forent, inconcussa esse, omnisque dubij expertia, nec posse rejici, aut in litem vocari, nisi ab ijs, qui aut Schismatis, aut etiam Hæresis notâ configi vellent. Si ergo palam fecero, & Concilia, & Patres, & omnium seculorum traditionem à nobis stare, duas simul victorias consequar, videlicet, & Maimburgum falsi convincam, Antiquitatem simulantis; & Galli-

(a) Maimb. Traité historiç. ch. 6. fol. 55.

Gallicanam Ecclesiam nostrarum esse partium ostendam, hæc enim palàm profitetur, se adhærere antiquorum Patrum, Conciliorumque auctoritati. Unum ergo, idemque erit, antiquos Patres pro nobis, & Ecclesiam Gallicanam proferre, præsertim cum Patres Conventûs ultimi Parisiensis in limine suæ Declarationis profiteantur, fundamenta Libertatum Gallicanæ Ecclesiæ *Sacris Canonibus, Patrumque auctoritate, & traditione niti*. Patres ergo, Sacrosque Canones audiamus, & ex istorum voto causa decidatur. Nam Scripturas Sacras quod attinet, illæ tam claræ sunt, & in Regali Sacerdotio ex mente Sacrorum Ecclesiæ Doctorum tam luculenter explicatæ, ut nihil dicendum super sit, pigetque jam dicta repetere. Primò ergo modum loquendi in genere in hac materia à Patribus usurpatum, tum praxin Ecclesiæ, ac tandem Patrum per omnium Seculorum decursum sententias expendemus.

Primò igitur, Infallibilitas. Pontificum in rebus fidei decernendis ex ijs titulis ac elogijs constat, quæ non ab uno tantum, aut altero, sed ab omnibus certatim Patribus Pontifici Romano tribuuntur. Sexta Synodus in Prosphonetico ad Constantium Imperatorem: *Adamantem fidei; vocat, cujus solida mens aggressionibus atque consiliis aliena à fide opinionis non est vulnerabilis*. S. Chrysostomus homiliâ 2. in Psalm. 50, & homiliâ de Petro & Elia: *Basim fidei immobilem*. Tres Synodi Africanæ in Synodica ad Damasum: *Beatitudinem, cui Episcoporum judiciaria, & summorum sinem Ecclesiasticorum negotiorum in honorem beatissimi Petri Patrum Decreta omnium cunctam reservare sententiam*. Paschasius Legatus Pontificius in tertia Oecumenica Synodo Ephesina, Patribus non tantum non reclamantibus, sed vehementer, & effusè applaudentibus: *Caput Universalis Ecclesiæ, Petri Apostoli præditum potestate, qui Ecclesiæ fundamentum, & Petra Fidei appellatur*. Philippus itidem Legatus in Concilio Ephesino Tomo 2. cap. 15. *Caput totius Fidei*. Iterum S. Chrysostomus in Encomio SS. Petri & Pauli: *Consiliarium necessarium Christianorum*. Andronicus Imperator epistolâ ad Joannem XXI. apud Eugubinum l. 2. de Donatione Constantini: *Successorem Petri Apostoli, verticis Apostolorum, qui habet potestatem de fide judicandi, & si quæ de fide suborta sunt quaestiones, suo judicio dissolvendi*. Iterum Concilium Ephesinum Tomo 2. cap. 15. S. Petrus Chrysologus *serm. 107.* & Martinus I. *epist. 11.* S. *selmus.*

Selmus l. de Incarnat. verbi c. 1. Custodem vitæ & fidei Christianæ. Synodus Alexandrina ad Felicem Papam, & Sergius Cyprius in Concilio Lateranensi sub Martino I. Depositorem prophetarum hæreses. Tertullianus l. de Præscript. Felicem, cui totam doctrinam Apostoli cum suo sanguine profuderunt. Constantinus Pogonatus ad Leonem Papam: Pastorem Romanæ Ecclesiæ super Petram fundata, & portis inferi, hæc est, insidijs hæreticorum ex prædicatione Christi nunquam succubitura. S. Maximus epist. ad Abbatem Thalassium: Pastorem Ecclesiæ, quæ ab olim hucusque omnibus præest, utpote senior cunctarum, quæ sub sole sunt, Ecclesiarum, ac nullis (propter Pontificatus protectionem) scriptis, aut Synodicarum editionibus charitarum subiecta. Theodorus Studita ad Paschalem lib. 2. epist. 13. Facem divinitus lucentem ad Ecclesiæ, quæ sub Cælo est, illuminationem in Apostolica Sede colludentem. Sergius Cyprius ad Theodorum Papam in Concilio Lateran: sub Martino I. Secretario 2. Firmamentum à DEO fixum, & immobile, ac formam lucidissimam fidei divinitus constitutam. Iterum Theodorus Studita epist. ad Paschalem Papam. l. 2. ep. 13. Fontem verè illumem, ac sincerum jam inde à principio veræ fidei. Andreas Cretensis serm. de Transfiguratur. Et Stephanus Episcopus Dorensis epist. ad Synodum Lateranensem sub Martino I. consultatione 2. Fundamentum dogmatum Fidei. S. Athanasius cum Collegis epist. ad Felicem Papam: Fundamentum, super quod Columnæ Ecclesiæ confirmatae sunt. Sozimus Papa epist. 10. Iudex, de cujus iudicio disceptare nemo audeat. Synodus Romana sub Nicolao I. contra Phorium: Iudex omnes judicans, ipse à nemine judicandus. S. Bonifacius apud Surium in vita S. Burchard l. 1. c. 9. Magister Universalis Episcoporum. S. Ignatius ad Nicolaum I. Medicus unus, singularis, præcellens, Catholicissimus, à DEO provivus sanandis Christi membris. Hincmarus initio operis de Divortio: Nutritivus & Doctor omnium Ecclesiarum. Tarasius ad Hadrianum Papam: Oculus totius Corporis ostendens rectam veritatis semitam. Oluvi Rex Saxonum apud Bedam l. 3. histor. Angl. c. 25. Osiarius, cujus obediendum est statutis, ne advenientibus ad fores Regni Cælorum non sit, qui referet, averso illo, qui claves tenere probatur. Theodorus Studita epist. ad Paschalem: Portus securus totius Ecclesiæ. Hieronymus epist. 16. Portus intissimus totius Catholica Communionis. Rupertus præfatione ad libros de SS. Trinitate Pontifici inscripta: Præceptor Christianæ fidei. Constantinus Magnus in Edicto:

Princeps cunctis Sacerdotibus totius mundi, cujus judicio, quæq; ad cultum DEI, vel fidei Christiana stabilitatem procurata fuerint, disponuntur. Gotfridus Vindocinensis epist. 7. l. 1. *Princeps Fidei Catholicae.* Iterum Constantinus Pogonatus epist. ad Leonem Papam: *Propugnator firmus veritatis, accinctus verbi gladio, cujus est omnem hæreticum auditum, atque doctrinam præcidere.* Concilium Chalcedonense actione 29. in Proponetico ad Marcianum Imperatorem: *Propugnator impenetrabilis ab omni errore, quem DEUS providit doctrinis, eum per omnia veritati adstringens, ut quemadmodum Petrus, &c.* Theodoretus Studita: *Thronus supremus verticalis, in quo Christus fidei claves posuit, adversus quem non prævalerunt usque ad condemnationem Porta inferi, ora scilicet hæreticorum.* Hæc & alia quam plurima elogia, quæ non ab uno tantum, sed ab omnibus ferè Patribus confertim in Summum Pontificem cumulantur, omnino persuadent, sensisse illos, & cum eis totam Ecclesiam, Pontifices Romanos in rebus fidei decidendis errorum expertes esse, nec falli posse. Nec enim Ecclesia, & fideles universi aliud sentire & credere poterant, quàm didicerant; nec ab alijs didicerant, quàm à Sanctis Patribus, suis videl. Doctoribus, & Magistris; nec sancti Patres aliud docuerant, quàm quod ipsi sentiebant; tantòque majoris momenti eorum testimonium habendum est, quòd, cum scriberent causà adhuc integrà, nec in litem vocatà, eximiatque insuper sanctitate florerent; suspicari nemo potest, eos aut partium studio, aut adulatione corruptos festinasse tot elogijs Pontificis gratiam promereri; nondum erant ea tempora, nec favore, aut pretio calami locabantur. Quòd si Patres hæc de Concilij dixissent, quæ de Pontifice dixerunt, annon crederent adversarij, se omnino acie victores esse, quantòque cum triumpho illa ubique decantarent? Et tamen ne ullum quidem apicem proferre possunt, quo Concilium Acephalum, ac Papæ oppositum à Patribus laudetur, multò minùs, quo infallibile appelletur, aut ei *suprema in rebus fidei judicandis auctoritas* tribuatur. Quando enim, & apud quos Ecclesiæ Doctores legerunt, Concilium Acephalum, & quod pejus est, Concilium Papæ oppositum, ab eoque dissentiens, esse *Fidei adamantem, esse basim immobilem, esse supremum Fidei tribunal, quod à nullo judicari possit, esse fundamentum, & Caput Ecclesiæ?* Hæc planè nunquam de Concilio Papæ opposito, aut etiam de Con-
lio

lio non confirmato dicuntur; nec ab adversarijs, qui tamen tot folia impugnando Pontifici impleverunt, vel syllaba produci potuit; si ergo, uti dicunt, Sanctorum Patrum vestigijs aded constanter inhaerent, cur Concilij privilegia tribuunt, quæ Patres nunquam tribuerunt? Pontifici verò cur negant, quæ Patres nunquam negarunt, sed certatim & confertim, atque à primis Ecclesiæ nascentis temporibus tribuerunt? Hoc est ergo Patrum exempla sectari, negare, quod Patres asserunt, asserere, quod Patres negant? Nec dicant, elogia hætenus recitata non ad Pontifices universim pertinere, sed vel ad S. Petrum, vel ad alios particulares Pontifices, v. gr. Leonem, Cælestinum, &c. sicque esse elogia Personalialia, & Dignitatis; ac consequenter non posse ad omnes Pontifices extendi. *Respondeo enim*, pleròsque allegatorum Patrum loqui de Privilegio Cathedræ, non Personæ, & fundari in promissionibus à Christo factis, videl. *Tu es Petrus, &c. Porta inferi non prevalebunt &c. Pasce oves meas, &c.* Quæ promissiones ex sensu omnium Catholicorum sunt universales, nec ad solum Petrum, aut particulares aliquos Pontifices, sed ad omnes Petri successores pertinent; alioquin quomodo probarent perpetuum & universalem Primatum omnium Romanorum Pontificum? Et planè negari non potest, hanc omninò Christi mentem, & Ecclesiæ necessitatem fuisse. Nam privatam Petri personam quod attinet, parùm intererat, eam fallibilem esse, aut infallibilem, imò si abstrahas à publica Ecclesiæ utilitate, minùs Petro nocebat, eum falli posse, quàm peccare posse, & tamen certum est, peccare potuisse. Si verò non privatam Petri personam, sed ejus Dignitatem ac officium, & consequenter Ecclesiæ Catholicæ necessitatem attendas, æquè, imò magis oportebat, omnes Petri successores, quàm ipsum Petrum, in rebus & dogmatibus fidei tradendis infallibiles esse; mortuis enim Apostolis, sanctitate ac miraculorum gratiâ minùs, quàm Apostolorum ætate, abundante, hæresibus ex omni parte erumpentibus, ac fidem impugnantibus, quis non videt, majorem nunc esse ad conservandam Religionem Capitis visibilis & infallibilis necessitatem, quàm fuerit olim? nisi dicas, firmum, ac solidum fundamentum tantum domui inchoandæ necessarium esse, non verò perficiendæ & consummandæ; ac peritum cœli, marisque Navarchum incipiendæ

tantum navigationi quaerendum esse, & dum navis adhuc in portu est, aut prope littus, non verò navi in altum provecta, & ventis ac tempestate jactata. *Nec obstat*, non amplius opus esse Capite ac Pastore visibili, Ecclesiâ jam constitutâ, & Petro, aliisque Apostolis per scripturas loquentibus; nam de ipso scripturarum sensu & interpretatione summa concertatio est, nec aliunde tot hæreses natæ, prolataeque, quàm ex falsa scripturarum explicatione; unde, ut insistam prælibatæ similitudini, sicut ad felicem, securamque navigationem non sufficit, chartas hydrographicas, cursumque stellarum ante oculos poni navigantibus, nisi unus sit Governator, qui & eas intelligat, & cursui, ac necessitati aptare noverit, suoque Imperio ac directione reliqua servitia, remigisque in officio contineat; ita in Ecclesia DEI, in qua tot quotidie naufragia animarum, ac fidei, parum est, mysteria Religionis chartis inscriptas esse; nisi alius sit, qui eas certò interpretetur, & cui omnes fideles sine ulla erroris suspitione obedire teneantur, alioquin quàm timida erit, & anxia Religio, semper videl. aut cadens, aut casum expectans? Hæc omnia probant, Privilegium Infallibilitatis non soli Petro, sed omnibus ejus successoribus necessarium esse: & Patres, qui de Petro loquuntur, non de persona, sed de officio Petri, ac Dignitate loqui, sicque de omnibus Romanis Pontificibus, ad quos Dignitas & officium transit. Deinde Patres loquuntur de ingenti ac præcipuo Ecclesiæ Romanæ privilegio, nullis alijs Ecclesijs concessio; at nullum esset peculiare privilegium, si id tantum vellent, Petrum, Leonem, & Cælestinum, paucosque alios in tradendis fidei dogmatibus nullo errore corruptos fuisse; quæ est enim Ecclesia toto Orbe terrarum, quæ vel Apostolos fundatores non habuerit, vel alios Episcopos immaculatæ fidei? Non ergo esset hoc speciale Privilegium Romanæ Ecclesiæ, si Patres de uno tantum, aut altero Pontifice intelligantur, aut de solo Petro.

II. *Secundo*. Accedit praxis, ususque Ecclesiæ perpetuus, qui hanc ipsam Romanorum Pontificum infallibilitatem multis ex capitibus vincit; nam quicumque à Pontifice Romano in rebus fidei decreta & definita non recepisset, sed ijs oblectatus esset, pro hæretico & Schismatico habitus est, & ab Ecclesiæ communione præcisus. Ita rem se habere Patrum testimonia in medium prolata certum, palamque facient,

Anno CIX. Passus est S. Ignatius Apostolorum discipulus, qui epistolâ ad Romanos, postquam Ecclesiam Romæ existentem vocasset: *DEO dignam, decore dignam, merito beatissimam, dignam laude, dignam, quâ quis potiat, castissimam & præcellentem dilectione Christi, spiritu plenam, &c.* Postea circa medium loquens de Cleto & Clemente successoribus Petri: *Quijgitur, inquit, his non obedit, atheus prorsus, & impius est, & Christum contemnit, & constitutionem ejus imminuit.* Ubi nota, Ignatium loqui non de solis Clemente, & Cleto, sed de omnibus Petri successoribus, ut significant ea verba: *Constitutionem Christi imminuit.* Constitutio verò Christi, videl. *Super hanc petram, &c. Tibi dabo claves Regni colorum, &c.* complectitur non solum Petrum, sed omnes ejus successores, ut constans est omnium Catholicorum sententia.

Anno CCLXI. S. Cyprianus martyrium subiit. Is libro 4. epist. 9. ita scribit: *Qui Cathedram Petri, supra quam fundata est Ecclesia, deserit, in Ecclesia se esse non confidat.* At Cathedram Petri deserit, qui, quæ Petrus, Petrique successores ex Cathedra definiunt, acceptare renuit; quid enim est aliud Cathedram deserere? aut si Cathedra Petri errare potest, cur non æquè Cathedram Petri, ac Cathedram Pauli, Jacobi, Joannis, aliorumque deserere liceret? quisquis enim errare potest, deseripotes, nec fidem meretur; nec ob aliam causam Infallibilitas Romanæ Cathedræ negatur, quàm ut eam impunè liceat deserere. Neque dicas, S. Cyprianum de ijs tantum loqui, qui Cathedram Petri in omnibus, non verò, qui in uno tantum, alteroque articulo ab ea deficiunt. Hæc enim evasio ridicula, & vana est. Nam qui docent, Cathedram Petri errare posse, non tantum in uno, alteroque, sed in omnibus utcumque libuerit deserunt. Cum enim dicis, Pontificem ex Cathedra docentem errare, fallique posse in exponendo vero scripturæ sensu, rebusque fidei decidendis, quæro, an in omnibus? Si in omnibus, ergo aperte sequitur, posse in omnibus deseri, sicut potest in omnibus errare. Si in uno tantum, alteroque, quæro, in quo possit errare, & in quo non possit? & cur in uno magis, quàm in altero? & quam ob causam voluerit Christus in uno potius esse infallibilem, quàm in alio, cum tamen oporteat, Ecclesiam, & consequenter Ecclesiæ Magistrum, & Pastorem non in uno tantum, alteroque,

que, sed in omnibus, quæ ad fidem pertinent, erroris expertem esse. Quid, rogo, proderit, unam hosti portam occludere, aliâ patente? unum venenum respuere, aliud admittere? fundamentum Ecclesiæ una ex parte firmum, solidumque esse, aliâ infirmum, acruinæ obnoxium? Deinde nullus unquam fuit, eritque hæreticus, qui in omnibus fidei articulis à Cathedra, & doctrina Romanorum Pontificum recesserit, non Arrius, non Pelagius, non Nestorius, non Lutherus, non Calvinus; frustra ergo & line causa diceret Cyprianus: *Qui Cathedram Petri deserit, in Ecclesia non esse*; quippe de casu loqueretur, qui nunquam contigit, & nunquam contingere potest. Imò si Patrum testimonia consideres, luce meridiana clarius erit, eos de particularibus tantum casibus loqui, non verò de ijs, qui universim, omniq[ue] ex parte, & quoad omnes fidei articulos à Cathedra Petri deficiunt. *Nèque duas, Cathedram Petri deserendam non esse, quando ex præscripto sacræ scripturæ, verbique divini aliquid docet, in hoc enim casu, non verò in alijs esse infallibilem.* Verum quidem est, nunquam debere Romanum Pontificem aliquid docere, quod scripturæ, & veritati adversetur, sed quæstio est, utrum possit huiusmodi aliquid contra scripturam, & veritatem docere? nam si potest, frustra ex Cathedra Petrus clamabit; dicam enim, quoties libebit, ejus doctrinam cum scripturis pugnare, nec unquam scripturæ, & rationes deerunt ad id confirmandum, sicut nec Arrio, nec Luthero, nec alijs hæreticis omnibus defuere. Quando, rogo, lis finietur, si ex partium arbitrio pendeat, declarare, sententiam à Judice prolatam contra leges pugnare, & ideo nec obligare? Nec Cyprianus de Privilegio Cathedræ, sed sacræ scripturæ loqueretur, (quemadmodum quòd hederæ plantæ implicita sursum, & in altum feratur, non est proprietas hederæ, sed plantæ) cùm tamen constet, loqui de Privilegio Cathedræ. Et frustra diceret Cyprianus: *Qui Cathedram Petri deserit, non esse in Ecclesia, si crederet, Cathedram Petri errori subiectam esse, & tunc solum non deserendam, cùm constet, eam nihil aliud docere, quàm quod docet Scriptura*; hoc enim non tantum Cathedræ Romanæ privilegium est, sed etiam Constantinopolitanæ, Alexandrinæ, Mediolanensis, imò omnium Episcoporum, & Sacerdotum, ac etiam cujuslibet privati Doctoris, ut videli-

videlicet errare non possint, nec deferri debeant, quoties & quando aliquid scribunt, docentque sacræ Scripturæ consentaneum; In hoc ergo sensu æquè dicere poterat Cyprianus: *qui Cathedram Carthaginensem, Mediolanensem, in d. Tertulliani, & Origenis deserit, in Ecclesia se esse non confidat.* Quæ omnia quàm sint absurda, nemo non videt. Hæc observatio sequentibus quoque Patrum testimonijs aptanda est, ne oporteat idem sæpiùs repetere.

Anno CCCLXVIII. Obijt Optatus Milevitanus, qui libro 2. contra Parmenionem hæc habet: *Negare non potes, scire te, in Urbe Roma Petro primò Cathedram Episcopalem esse collatam, in qua una Cathedra unitas ab omnibus servaretur, ut jam Schismaticus, & peccator sit, qui contra singularem Cathedram alteram collocaret.* Si unitas ab omnibus cum Cathedra Petri servanda est, oportet ergo, eam Cathedram esse infallibilem, alioquin ab ea discordare liceret: ubi verò est discordia, ibi utique non est unitas doctrinæ; & cur potiùs in Cathedra Petri sit *unitas doctrina ab omnibus servanda*, si æquè a calia Ecclesiæ Cathedra Petri errare possit? Et rursus si Schismaticus est, qui contra singularem Petri Cathedram aliam collocat, quæro, an ab hac nota eximì possint, *qui contra Cathedram Petri aliam Cathedram in Concilio collocant*, quales fuerunt Basileenses? Quæro etiam, an qui contra Cathedram Petri, & contra sacrosancta Innocentij XI. decreta, & Diplomata, Regaliam extendi prohibentis, eandem Regaliæ extensionem approbârunt, quique idem Pontificem falli, ac errare posse docuerunt, ut, quoties luberet, eum possent erroris arguere, aliàmque doctrinam Pontificiæ doctrinæ oppositam docere? quæro, inquam, an ij contra Cathedram Petri non aliam Cathedram collocent? quid enim est aliud alia Cathedra, quàm alia doctrina? Nam si velint tunc tantùm Cathedram contra Cathedram collocari, quando Pontifici legitimè electo alius Pontifex opponitur, nihil hîc speciale Cathedræ Romanæ concederetur. Rursus si Schismaticus est, qui doctrinæ à Cathedra Romana traditæ aliàm doctrinam opponit; ergo oportet, doctrinam Romanæ Cathedræ esse infallibilem; nec enim Schismaticus dicit potest, qui doctrinam probabilem quidem, sed tamen adhuc incertam, ac errori obnoxiam amplecti renuit.

Anno CCCXCII. Obije S. Ambrosius, qui in Oratione funebri de excessu fratris sui Saryri : *Advocavi, inquit, Saryrus Episcopum, nec ullam veram putavi, nisi solius fidei gratiam, percunctansque est ex eo, utrumnam cum Episcopis Catholicis, hoc est, cum Romana Ecclesia conveniret? Et epistolâ II. ad Ageruchiam : In omnibus Romana Ecclesia formam, & typum sequimur.* Si ergo ex mente Ambrosij unum, idémque est : Cum Ecclesia Catholica, & cum Romana Ecclesia convenire; sequitur, eum, qui non convenit cum Ecclesia Romana, multoque magis, qui ab ea positivè in rebus fidei dissentit, ne quidem cum Ecclesia Catholica consentire, & consequenter Schismaticum esse. Ergo oportet, doctrinam Ecclesiæ Romanæ, hoc est, Romani Pontificis à Cathedra pronuntiantis, omninò infallibilem esse, alioquin cur ab ea dissentire non liceat, si errare potest?

Anno CCCXXX. Obije S. Augustinus, qui epistolâ 157. *In verbis, inquit, Apostolica Sedes tam antiqua, atque fundata, certa & clara est Catholica fides, ut nefas sit dubitare Christianis.* Si doctrina & decreta fidei Sedis Romanæ sunt certa, si, qui de illis dubitat, non est Christianus, sed nefarius, ergo doctrina Sedis Romanæ est infallibilis, alioquin & dubitare de illa liceret, nec magis nefarius esset, indignisque nomine Christiano, qui illam, quàm qui Constantinopolitanæ, aut alterius Sedis decreta respueret.

Anno CCCXXX. Obije S. Hieronymus, cujus hæc sunt verba epist. 57. ad Damasum Pontificem : *Ego Beatitudinî Tuæ, id est, Cathedre Petri communionem consocior, super illam Petram adificatam Ecclesiam scio. Quicumque extra hanc domum agnum comederit, profanus est, si quis in Arca Noë non fuerit, peribit regname Diluvio. Quicumque tecum non colligit, dispergit, hoc est, qui Christi non est, est Antichristi.* Observa, unum idémque esse apud S. Hieronymum, Cathedram Petri (qui utique errare non potest) & Cathedram Pontificis Romani; & qui cum Pontifice Romano non colligit, hoc est, contrariam ab eo in rebus fidei sententiam tener, non esse Christi, sed Antichristi, nec intra arcam Noë, (hoc est, in Ecclesia) sed extra illam, hominémque profanum esse. Quæ utique dici non possunt, nisi de doctrina certa & infallibili. Idem Hieronymus in expositione Symboli : *Si autem hæc nostra Confessio Apostolatus Trîjudicio comprobatur, quicumque me culpate voluerit, se imperitum, vel malevolum, vel etiam non Catholicum, non me hæreticum comprobabit.*

Anno CCCCXXXII. S. Cœlestinus I. Pontifex Maximus extinctus est. Hic epist. ad Episcopos Galliæ hæc habet: *Satis sufficere credimus, quidquid secundum prædictas regulas Apostolicæ Sedis nos scripta docuerunt; ut prorsus non opinemur Catholicum, quod apparuerit præfixis sententijs esse contrarium.*

Anno CCCCXLIV. Moritur Cyrillus Alexandrinus. Hic epist. ad Cœlestinum ita scribit: *Quamvis hæc ita se habeant, non prius tamen Nestorij communionem confidenter deferere ausi sumus, quam hæc ipsa Pietati Tuæ indicavimus. Digneris proinde, quid huc sentias, declarare, quò liquido constet, communicarene nos cum Nestorio oporteat, an verò libere eidem denuntiare, &c.* Nestorius gravissimis scripturæ, Patrûmque testimonijs premebatur, & tamen non palàm constabat, communicare cum illo, an secus oporteret; idque ex sententia Pontificis unicè pendebat, ut patet ex allegata Cyrilli sententia; itémque ex alia Hieronymi epistola 58. ad Damasum: *Si rectum putatis, tres hypothesis cum suis interpretationibus debere nos dicere, non negamus, sed mihi credite, venenum sub melle latet.* Si ergo sententia Pontificis, & cum ea consensus est nota veræ & Catholicæ Religionis, sequitur, esse infallibilem, & erroris expertem; doctrina enim falsa & incerta non potest esse signum veræ & indubitatæ fidei.

Anno CCCCLXI. S. Leo Magnus mortem oppetijt. Is epist. 87. ad Episcopos Viennensis Ecclesiæ: *Prædicationis Evangelij Sacramentum ita Dominus ad omnes Apostolos pertinere voluit, ut in Beatissimo Petro Apostolorum omnium summo principaliter collocaret, ut ab ipso, velut quodam Capite, dona sua, velut in corpus omne, diffunderet, ut exortem se mysterij esse divini intelligeret, quisquis ausus fuisset à Petri soliditate recedere.* Néque dicas, S. Leònem loqui de sola Petri persona, non verò de illius successoribus. Nam ex contextu ejus Epistolæ palàm est, S. Leonem hanc ipsam Petri prærogativam ad omnes ejus successores extendere. Deinde si personam Petri consideres, prout tantum Apostolus erat, non magis ejus doctrina in rebus fidei infallibilis erat, atque à DEO inspirata, quam aliorum Apostolorum; & ideo S. Leo, ut patet etiam ex ejus verbis, loquitur de Infallibilitate S. Petri, non ut Apostolus erat, sed ut Caput Ecclesiæ, & consequenter de Infallibilitate Dignitati annexa, quæ perpetua est, & ad omnes Petri successores transmissa; idque jure meritò, cum Ecclesiæ non primà tantum sui ætate, sed semper & perpetuò visibili Capite, fundamento

damento solido, ac Judice controversiarum indiguerit; oportuit ergo Infallibilitatem in bonum ac ædificationem Ecclesiæ Petro concessam non cum ipso Petro interire, sed in ejus successores perpetuari.

Anno DXLIX. S. Pelagius Papa Augustinum citans: (a) *Contra Apostolicam Sedem temerè credentes, pessima dividit opinio, quod Subisima specialiter esse denuntiat Augustinus.*

Anno DXLIX. Patres Concilij Aurelianensis in Gallia: *Quæ etiam Sæcæ Sedes Apostolica condemnat, similiter cum suis auctoribus & sectatoribus execrantes anathematizamus, rectum atque Apostolicum in Christi nomine fidei ordinem pradicantes.*

Anno DCCCLXXVIII. Patres Concilij Trecensis æquè in Gallijs habiti: *Judicium vestra auctoritatis, quod privilegio Divi Petri & Sedis Apostolica protulistis, voto, voce & unanimitate nostrâ persequimur, scilicet quos excommunicastis, excommunicamus, quos ab Ecclesia abjecistis abjicimus. Sententia ergo Pontificis est infallibilis auctoritatis; quomodo enim dignus esset Ecclesiâ excludi, qui dubiæ, incertæque doctrinæ fidem non adhiberet? Et nota illa verba: Judicium vestre auctoritatis, quod privilegio Divi Petri, & Sedis Apostolica protulistis, &c. Quæ omnino significant, infallibilitatem judiciorum Apostolicorum in rebus fidei fundari in privilegio Divi Petri, Sedisque Apostolica, sicque esse perpetuum, & ad omnes Pontifices, Petrique Successores pertinere.*

Anno DCCCXLIII. Gregorius IV. Pontifex Maximus epist. ad universos Episcopos, prout habetur c. præceptis d. 12. *Omnis Sancta Religionis relatio ad Sedem Apostolicam quasi ad Caput Ecclesiarum debeat referri, & inde normam sumere, ubi sumpsit Originem, cujus auctoritatis sanctionem omnes teneant Sacerdotes, qui nolunt ab Apostolica Petra, supra quam Christus universalem fundavit Ecclesiam, societate divelli.*

Anno MLXI. S. Nicolaus Papa II. in epistola ad Mediolanenses, & habetur in c. omnes d. 22. *Fidem violat, qui adversus illam agit, qua mater est fidei, & illi contumax invenitur, qui eam forsitan non cunctis Ecclesijs prætulisse invenitur.*

Anno MLXXXV. Gregorius VII. in dictato Canone 26. *Catholicus non habeatur, qui non concordat Romane Ecclesiæ. Scio, apud aliquos Galorum Gregorium VII. non bene audire, quippe nimis severitatis*

accu-

(a) Habetur in decret. Grat. c. quon. 24 q. 1.

accusatum (severitatem enim in Pontifice appellant, quam in aliquo suorum Judicum animi magnitudinem, in Senatore invictam fidelitatem appellarent) sed cum Gregorius nihil aliud dicat, quam quod alij sancti Patres & pontifices dixerunt, non potest in Gregorio in dubium ea sententia vocari, quam ab alijs sanctis Patribus hausit; alioquin poterit Gregorius dicere, quod olim S. Hieronymus cepit. 77. *Quid unum hominem exceptis socijs criminantur? si rivus tenuiter fluit, non est alvei culpa, sed fontis.*

Anno MCLXXII. Hugo Etherianus de Process. Spiritûs Sancti l. 3. c. 10. qui habetur in Bibliotheca Patrum: *Æquum est, ratum habere, quod tanta Ecclesia decernit, quod tantus Pontifex annuntiat; qui autem prima Sedis, imò totius Orbis Prasuli resistunt, Christi dispositioni resistunt, & nisi resistant, contumacia judicio pletemur. Quicunque Christi naviculam spernit, incaute navigat, & nisi plumbeas moles pervicacitatis abjiciat, insistent maria.*

Anno MLII. S. Leo IX. epistolâ ad Michaëlem Patriarcham Constantinopolitanum: *Quid hoc monstri est, frater charissime? Romana Ecclesia adeò non est sola, vel, sicut tu putas, una, ut in toto orbe terrarum quacunque natio dissensit superbè ab ea, non sit jam dicenda, vel habenda Ecclesia aliqua, sed omnino nulla, quin potius Conciliabulum hæreticorum, aut Convenciculum Schismaticorum, & Synagoga Sathana.*

Anno MCXIV. S. Ivo Carnotensis epistolâ 8. Cujus judicij & Constitutionibus obviare est hæretica pravitas notam incurrere. Loquitur Ivo de quodam judicio prolato ab Urbano II. extra omne Concilium Oecumenicum.

Anno circiter MCC. Goffridus Vindocinensis epist. 30. Eodem spiritu, quo distante & lex prima per Moysen data est, & per Christum secunda, S. Apostolica Sedes Canones dedit, & ipso inspirante exposuit. Si quis igitur Apostolica Sedi in Canonum expositione contrarium sentiat, non sapit, quicunque est ille, sed desipit, non cultor, vel expositor divine legis, sed insidiator & oppressor indubitanter agnoscitur.

Ex his Patrum, etiam primorum seculorum, sententijs manifestum est, eos, qui in rebus fidei Summorum Pontificum Decreta non receperunt, pro hæreticis ac Schismaticis ab Ecclesia habitos esse, & consequenter infallibilem esse Summorum Pontificum auctoritatem; si enim falli possent, eorum Decreta ad Fidem non pertinerent; si ad Fidem non pertinerent, ergo qui contra illa sen-

sentiret, hæreticus non esset, hæresis enim est peccatum fidei oppositum; nec incerta & dubia sub pœna hæresis, & schismatis credere teneor; fides enim est de certis & infallibilibus, non de incertis, dubiisque.

Néque dicas, Patres loqui de Pontificum Decretis ab Ecclesia receptis. Nam *Primo* ex contextu allatorum testimoniorum constat, Patres loqui de Decretis Pontificum recens editis, & nondum totâ Ecclesiâ vulgatis, & consequenter necdum in Ecclesia receptis; nec Patres ullam mentionem faciunt de necessario Ecclesiæ consensu, ut legentibus patet; gratis ergo, & sine ullo fundamento id dicitur; & mirum est, Adversarios tanto strepitu Patres inclamare, & quando postea Patrum auctoritate opprimuntur, ad tergiversationes fugere nullo Patrum testimonio nixas. Agite enim, quis Augustinus, quis Ambrosius, quis Hieronymus dicit, Decreta Pontificum in causis fidei rejici posse, donec Ecclesiæ consensus accedat? Quodd si nullus dicit, ut planè nullus dicit, nec produci aliquis potest, quis pudor est, vos, qui singulis paginis ad Patres vano terrore provocatis, in re tanti momenti sine Patribus loqui? & cum nos non manipulos tantum, sed agmina Patrum producimus, istorum auctoritati distinctiunculas opponitis apud vos natas, repertasque eludendæ veritati, perinde ac si Patres dicant, quidquid vos fingitis.

Secundo. Si certitudo Decretorum, quæ Pontifices in causis fidei ediderunt, à consensu Ecclesiæ penderet, ergo non Ecclesia in Petro, ejusque successoribus fundatur, sed potius Petrus in Ecclesia fundatur, nec Petrus erit fundamentum Ecclesiæ, sed Ecclesia potius erit fundamentum Petri; id verò tam aperte sacris litteris, Patrumque testimonijs repugnat, ut nihil magis; semper enim Patres hanc Infallibilitatem referunt in speciale Privilegium Christi Petro concessum, & illis verbis explicarum: *Super hanc Petram adificabo Ecclesiam meam; & tu conversus confirma fratres tuos. Pascite oves meas*; cum potius ex Adversariorum explicatione dicere oportuisset: *Super Ecclesiam fundabo Petrum; tu Ecclesia confirma Petrum &c.* Quæ omnia in Scripturis, & Patribus inaudita sunt, & tamen ex mente Adversariorum necessario consequerentur.

Tertio. Patres, ut ex eorum verbis constar, loquuntur de hac Infallibilitate doctrinæ tanquam de specialissimo Petri privilegio, nulli alteri concessio. Atqui si sententiæ Pontificum non sunt certæ, & indubiæ, nisi post consensum Ecclesiæ, nihil planè speciale Petro conceditur; quis enim nescit, non Pontificis tantum, sed cujuslibet Episcopi, privatique Doctoris sententias certas esse, si eas Ecclesia recipiat? quid ergo plus Petro conceditur, quàm Paulo, & Jacobo, & Augustino, & Bedæ?

Quarto. Cùm dicis, Pontificum Decreta assensu Ecclesiæ fieri certa, quid intelligis nomine Ecclesiæ? particulares aliquas Ecclesias? at istæ errare omnes possunt, & à vera fide deficere, ut nimirum experientiâ constat. Quomodo ergo fieri potest, ut illæ Ecclesiæ sententias Pontificum reddant infallibiles, & erroris immunes, quæ falli ipsæ, ac errare possunt? num curvum est regula recti? Si verò nomine Ecclesiæ Ecclesiam universalem intelligis, ista, ne cæco modo, velatisque oculis doctrinæ incertæ consentiat, oportebit, quoties à Pontifice aliquid decernitur, Ecclesiam universalem, aut saltem Concilium Oecumenicum convenire, ac Pontificum Decreta examinare, utpote errori obnoxia, & sic tandem consentire; id verò falsissimum est, ut ex postea dicendis patebit, cùm quàm plurimæ hæreses à solis Pontificibus damnatæ sint, nullo Conciliorum assensu; imò Pontifices ipsis Concilijs credenda præscribebant, nec patiebantur sua Decreta in dubium vocari, ut in Regali Sacerdotio (a) ostendimus, & videri possunt epistolæ Leonis PP. præsertim 40. 41. 45. 49. 59. & acta Concilij Chalcedonenfis *actione 1. & 2. & 3. & 5. & 16.* Et Evagrius l. 2. c. 4. Tantumque abest, sententias Pontificum, ut infallibiles sint, consensu Ecclesiæ in Concilijs congregatæ indigere, ut potius ipsorum Conciliorum Decreta nulla sint, nisi auctoritate Pontificum confirmentur, quod in Regali Sacerdotio (b) ostendimus. Vide interim epistolam Hadriani ad Tarasium lectam in 7. Synodo actione 2. Gelasium epistolâ 13. & opusculo de anathem. Tomo 2. Conciliorum, post Concilium Chalcedonense. Socratem l. 2. c. 11. & 13. Sozomenum l. 3. c. 9. Theodoretum l. 2. c. 22.

Z 3

Quinto.

(a) Regale Sacerd. fol. 314. (b) Reg. Sacerd. fol. 309.

Quintò. Patres à nobis producti expressè, clarèque scribunt, teneri Ecclesias sub pœna hæresis, & schismatis Pontificum Decreta recipere, idque quia *non licet à Petra soliditate recedere*, quia à *Summo Pontifice, quasi à quodam Capite in omnia membra Christi dona diffunduntur* &c. quia Petro dictum est: *Pasce Oves meas*. Quæ omnia ostendunt, non idèò Pontificum decreta certa esse, quia ab Ecclesia recipiuntur, sed idèò recipi, & recipi debere, quia certa sunt.

Sextò. In tota historia Ecclesiastica paucissimos reperias Catholicos, qui solemnì Papæ judicio restiterint, & si resistere, ostendit eventus, eos omnes in errore versatos esse, quod manifestum signum est, Papæ circa fidem sententias etiam ante Ecclesiæ consensum infallibiles esse; & idèò cùm post latam à Papa sententiam Concilia celebrabantur, id erat, ut hæreticorum contumaciæ mederentur (quanquam neminem hæreticorum reperias, qui non eadem audaciâ, quâ Pontificum, etiam Conciliorum Decreta respuerit) utque collatis capitibus de remedijs providerent, quibus singulæ Ecclesiæ contra hæreticorum venena munirentur; non verò ut Pontificum solemne de Fide decretum in dubium revocarent, multòque minùs, ut abolerent, quod jam suprà exemplo Chalcedonensis Concilij observavimus. Erravit S. Cyprianus, quando contra Stephani decretum rebaptizari hæreticos voluit. Erravit S. Polycarpus, aliique Asiani Episcopi, quando, licèt prædicatione B. Joannis Evangelistæ recens imbuti, contra S. Anicetum, aliòsque Romanos Pontifices Pascha celebrari volebant decimâ quartâ Lunâ, quacùnque die illud tandem incideret; quam ob causam S. Victor Papa omnes Asiæ Episcopos, aliòsque finitimos (quippe teste Eusebio (a) hæresis suspectos) excommunicatione ferire parabat. Et quamvis S. Jrenæus, aliique tantam severitatem haud probarent (quam tamen gravissimas ob causas Baronius necessariam fuisse contendit) nunquam tamen auctoritatem & Potestatem Pontificiam in dubium revocare ausi sunt. Hæc omnia cum in finem dicimus, ut intelligas, etiam ante consensum Ecclesiæ Pontificum sententias ratas, errorisque securas fuisse, & errasse, qui illis obstitabant.

Septimò

(a) Euseb. & Baron. ad annum 198.

Septimò. Denique, Ipsi Patres, ac etiam Galliæ Doctores sentiunt, scribuntque, omnes Christi fideles necessitate constringi, ut quæ Pontifices in causis fidei decrevissent, amplectantur, sicque manifestè supponunt, etiam ante consensum Ecclesiæ rata, & fixa esse, ac erroris expertia Pontificum Decreta, nec dependere à consensu Ecclesiæ, sed potius consensum Ecclesiæ necessariò Pontificum decretis deberi. Audi aliqua tantum Patrum testimonia, nam plura in progressu dabimus. Epistola sex Galliæ Episcoporum, quæ inter epistolas D. Bernhærdi est 370. sic habet: *Nihil dubium est, quòd ea, quæ Apostolicè firmanur auctoritate, rata semper existunt, nec alicujus possunt deinceps cavillatione mutilari.* S. Calixtus I. epist. ad omnes Galliarum Episcopos : (a) *Talibus igitur gloriantes indicijs rogamus, ne in illis partibus contra Apostolicam statuta fieri sinas, sed nostrà fultu auctoritate, nocivè compescite &c.* S. Eusebius epistolà æquè ad omnes Galliæ Episcopos : (b) *Si amplius de talibus, aut his similibus aliquid fuerit deliberandum, celeriter ad Nos relatio dirigatur, ut pertractatà qualitate horum, nostra, quid observari debeat, sollicitudo constituat.* S. Innocentius Papa epist. 3. ad Exuperium Episcopum Tholosanum : (c) *Ei quidem dilectio tua institutum secuta prudentum ad Sedem Apostolicam referre maluit, quid de rebus dubijs custodire deberet potius, quàm usurpatione præsumptà, quæ sibi viderentur, obtinere.* S. Zosimus epist. 8. ad Hilarium Narbonensem Episcopum : (d) *Quæ à Nobis sunt sub DEI judicio constitutà, si quid contra hæc tentaveris, Catholicà communionem discretus serò de illicitis ingemises.* S. Cælestinus Papa epist. ad Episcopos Galliæ : (e) *Ad constituendum gratiam DEI satis sufficere credimus, quidquid secundum prædictas Regulas Apostolicæ Sedis scripta docuerunt, ut prorsus non opinemur Catholicum, quod apparuerit præfixis sententijs esse contrarium.* Patres Concilij Turonensis II. canone 20. (f) *Quis Sacerdotum contra Decreta talia, quæ à sede Apostolica processerunt, agere præsumat ?* Nicolaus I. (g) *In Romana Synodo, quæ extat apud Annales Fuldenses : Si quis dogmata, mandata, interdicta, sanctiones, vel Decreta pro Catholica Fide, pro Ecclesiastica disciplina, pro correctione Fidelium, pro emendatione sceleratorum, pro interdictione imminuentium, aut futurorum malorum à Sede Apostolica præfule salubriter promul-*

gata

(a) Anno circiter CCXIX. (b) Anno circiter CCCIX. (c) Anno circiter CCCCII. (d) Anno circiter CCCCXVI. (e) Anno circiter CCCCXXIII. (f) Anno DLXX. (g) Obijt Nicolaus DCCCLXVII.

gata contempserit, anathema sit. Episcopi Galliarum in Concilio Pontigonensi can. 1. (a) *Quæ secundum sacrum suum ministerium Apostolicâ auctoritate Spiritus Pater noster, & universalis Papa decreverit, cum summa veneratione ab omnibus suscipiantur, & debitâ illi obedientiâ in omnibus observentur.* Denique (ut alia quàm plurima omittam, quæ videri possunt apud eruditissimum Cardinalem Aguirre, qui tam præclare, solidèque hoc argumentum profecutus est, ut credam, omnibus gloriam præreperam esse, aliquid melius, fortiusque scribendi, & reverà quidquid de auctoritate Pontificia Bellarminus, alijque collegerunt, umbra est, si ad hunc solem conferantur) Galliæ Episcopi novissimè, hoc est anno MDCLIII. literis decimâ nonâ Julij ad Innocentium X. datis: *Judicis, inquit, pro sanctiendæ regule Fidei à summis Pontificibus lata super Episcoporum consultatione (sive suam in actis Relationis sententiam ponant, sive omittant) divinâ aequè ac summâ per universam Ecclesiam auctoritate niti, cui Christiani omnes ex officio ipsius quoque mentis obsequium præstare tenentur. Eâ nos quoque sententiâ ac fide imbuti &c.* Quid potuit clarius, & manifestius a Gallis dici? Nota præsertim illa verba: *Summâ ac divinâ auctoritate niti.* Siergo etiam ex Gallicane Ecclesiæ sententiâ Pontificum Decreta à nullo mutari, violarique possunt, sed ea sub pœna Anathematis recipere, ac observare tenentur, sequitur evidentissimè, etiam ante consensum Ecclesiæ infallibilia & certissima esse, alioquin liberum esset ea aut amplecti, aut respuere. Et reverà cùm Illustrissimi Episcopi in ultimo Parisiensi Conventu declarârunt: *Non esse Pontificis irreformabile Judicium, nisi Ecclesiæ consensus accesserit*, id planè non ob aliam causam fecere, quàm ut liberè postea, quæ Innocentius XI. contra Regaliam decreverat, effugere possent, prætextu erroris, quippe prima cura est Reo sententiam formidanti, contra Judicis auctoritatem excipere. Ut planè & ex natura rei, & ex adversariorum intentione idem sit, præsertim in rebus fidei, falli Pontificem posse, & non teneri Ecclesiam obedire. Quis enim obediat præcipienti impossibilia? at impossibile est, ut fide divinâ credas, quod est dubium & incertum, cùm Fides Divina sit de rebus certis & indubijs.

III. *Tertiò.* Exortâ aliquâ de rebus fidei quæstione, ut Catholici

(a) Anno DCCCLXXVI.

lici ab hæreticis aliquâ, certâque notâ distinguerentur, utque certi ipsi essent, quid credere, quid respuere deberent, se id credere profitebantur, quod Pontifices Romani crederent, damnare, quod ipsi damnarent, suâque fidem in rebus fidei eorum iudicio submittebant, & doctrinâ à Pontificibus Romanis, quamvis extra Concilium, hæresis damnata, statim pro hæretica habebatur. Ex quo sequitur, iudicium Pontificis esse infallibile, & irreformabile; si enim falli & reformari posset iudicium Pontificis, ergo falli & reformari possent dogmata ab eo decisa, utpote errori obnoxia, & fallibili ac lubricâ auctoritate nixa; at dogmata fidei nunquam falli aut reformari, corrigique possunt, cum sint æternæ veritatis, & idèò in rebus fidei semel decisa semper decisa, semel vera semper vera, sicut econtrâ semel reprobata semper reprobata, semel falsa semper falsa. Nec sufficit dicere (quod Patres ultimi Conventus Parisiensis in sua Declaratione insinuant) *præcipuas esse in rebus fidei partes Romani Pontificis, non tamen sententiam irreformabilem*. Quomodo enim reformabilis, si ex illa pendet Ecclesiæ fides? si ex illa Catholici ab hæreticis distinguuntur? si, qui illam reformare ac mutare conantur, pro hæreticis, & Schismaticis habentur? si ex illa pendet, quænam doctrina Catholica, quænam hæretica sit? num ergo aut fides, aut hæresis reformari potest, ut quæ semel vera fuit, postea evadat falsa, & quæ semel falsa, postea sit vera? Sed audiamus testimonia Patrum, ad sententiam Rom. Pontificis, velut ad lydium lapidem, suam aliorumque fidem explorantium, verumque aurum à falso distinguentium. Credo equidem, neminem lecturum, quin statim cedat veritati; tam videlicet clara, tam manifesta sunt, ut unum idemque sit, ea legere & vinci, aut si vinci nolis, saltem confundi pudore ac conscientia veritatis. Excurramus ergo per omnes seculorum ætates. Quia tamen sæpe in hac tota Dissertatione testimonia antiquorum Pontificum trium priorum seculorum usque ad Siricium occurrent, qui obiit anno 398. & illa à gravissimis auctoribus in dubium vocantur, quamvis Decreto Gratiani inserta, præmittendum est, quantæ, & cuius sint auctoritatis. Et primò quidem non agimus de epistolis S. Cornelij, quæ extant inter opera S. Cypriani, nèque de epistolis Julij I. quæ referuntur à S. Athanasio Apolog. 1. nec de epistolis Liberij, quæ à

S. Hilario, in fragmenta recensentur, nec de epistola Damasi ad Illyrici Episcopos, quam exscribit Theodoretus l. 2. histor. Ecclesiast. c. 22. sola ergo quæstio est de ijs epistolis, quas ex Ilidori mercatoris collectione Compilatores Canonum in numerum & Catalogum Decretalium retulêre, nec earum à veteribus historiæ Ecclesiasticæ scriptoribus, aut sanctis Patribus ulla sit mentio. Tales sunt S. Clementis quinque, S. Anacleti tres, Evaristi duæ, Alexandri tres, Sixti I. duæ, Telephori una, Hygini duæ, Pij I. quatuor, Aniceti una, Soteris duæ, Eleutherij una, Victoris quatuor, Zephyrij duæ, Callisti I. duæ, Urbani I. una, Pontiani duæ, Anteri una, Fabiani tres, Cornelij duæ, Lucij una, Stephani I. duæ, Sixti II. duæ, Dionysij duæ, Felicis I. tres, Eutychiani duæ, Caij una, Marcellini duæ, Marcelli I. duæ, Eusebij tres, Melchiadis una, Sylvestri una, Marci una ad S. Athanasium, Julij I. duæ, Liberij duæ, Felicis II. duæ, Damasi plures, nimirum tres ad S. Hieronymum, ad Afros de Chor-Episcopis, ad universos Episcopos Italæ, ad Aurelium. De his quærimus, legitimæ sint, an verò supposititiae, & dico esse supposititias, & falsò ijs Pontificibus adscriptas. Id ita esse ex sequentibus rationibus patet. *Primò.* Quia illæ epistolæ abundant verborum sordibus, omninò alienæ sunt ab elegantia sermonis illius ætatis, & à Majestate & gravitate alijs Pontificibus, qui tunc temporis scribebant, usurpata. *Secundò.* Quia eodem scribendi stylo & charactere præditæ sunt, ut unius tantum scriptoris, non plurium & diversorum esse omninò videantur. *Tertio.* Quia utuntur vulgata S. Hieronymi versione, quæ multò recentior est, ut proinde videantur post ætatem Hieronymi scriptæ. *Quarto.* Quia Hieronymo, qui scriptorum Ecclesiasticorum catalogum texuit, Innocentio, Leoni, aliisque sanctis Patribus incognitæ. *Quinto.* Quia Dionysius Exiguus, qui tempore Justiniani scripsit, & Romæ omnium Pontificum Romanorum Constituta, Decreta & epistolas colligebat, nunquam earum meminit, sed initium à Siricio facit. *Sextò.* Quia Legum Imperatoriarum verba, quæ in Codice Theodosiano habentur, usurpant, cum tamen ij Pontifices duobus, aut tribus seculis Codicem Theodosianum præcesserint. *Septimò.* Leo IV. anno circiter 850. diligenter epistolas Decretales enumerans initium sumit à Siricio Papa. *Octavò.* Codex Canonum Ecclesiæ Romanæ ex tribus vetustissimis exemplaribus

trans

transcriptus solas exhibet Decretales à tempore Siricij. *Nond.* Earum epistolarum argumenta, contra morem omnium Ecclesiasticorum Doctorum & Patrum, qui ijs seculis scripsere, omninò ijs temporibus non conveniunt, & nihil tradunt, quod controversijs, quæ eâ tempestate agitabantur, accommodatum sit. *Decimò.* Omnes ferè veterum Pontificum epistolæ falsis temporum & Consulum notis consignantur. *Undecimò.* Ipse Baronius & Bellarminus, imò plerique hujus temporis Auctores apocryphas esse fatentur. *Duodecimò.* Singulæ propemodùm manifestis erroribus scatent, v. g. epistolæ Anacleti habent testimonia Damasi, Augustini, Idacij, Gregorij M. Gelasij, aliorumque, qui diu post vixere. Agunt quòque de Patriarchis, quorum nomen primò audiri cœpit circa tempus Concilij Chalcedonenfis. Et ita de reliquis. Ergo, ut dixi, primorum Pontificum epistolæ omninò supposititiæ videntur, non idè tamen contemnendæ auctoritatis: Nam, ut de Marca (a) fateatur, *descentijs & verbis legum, Canonum antiquorum, & Sanctorum Patrum, qui quarto seculo floruerunt, si pauca demas, confirmatas esse constat.* Ea idè Hincmarus, qui octavo seculo floruit Rhemenfis Archiepiscopus, quamvis negaret, eas epistolas ad Canones pertinere, nec canonum auctoritate præditas esse, eas tamen magni facit, earumque auctoritate sæpè utitur, & cum Hincmaro tota ferè Gallia, teste eodem de Marca, (b) unde in Concilio Rhemenfi anno DCCCCII. Anacleti, Julij, Damasi, aliorumq; Pontificum epistolæ expenduntur in causa Arnulphi. Et Ivo quòque Carnotensis suæ Canonum collectioni intexit, quam ad Ecclesiæ Gallicanæ usum publicavit circa annum *MI.* Agnovit etiam Concilium Aquisgranense circa annū Domini DCCCXXXVI. Concilium Colonienſe anno DCCCLXXXVII. Moguntinum anno DCCCLXXXVIII. Metense anno DCCCLXXXVII. Triburiense anno DCCCLXXXV. Rhemenſe anno DCCCLXXXII. Lateranense sub Callisto II. Ex quibus constat, Decretales primorum trium seculorum non esse quidem eorum Pontificum, quibus inscribuntur, magni tamen momenti, magnæque auctoritatis; quid enim refert, cui nomini tribuantur, si veræ sunt? nec interest, Apellem, aut Parrhasium auctorem imago habeat, si pulchra est & placet;

A a 2

(a) Marca lib. 3. cap. 5. §. 1. (b) Marca lib. 3. cap. 6. §. 2.

placet; sint aurum, si non sunt gemmæ, an ideò contemnas? His ita de auctoritate earum epistolarum disputatis videamus, quomodo Patres omnium seculorum thesin nostram confirment.

S. Irenæus antiquissimus & doctissimus Patrum, & Episcopus Lugdunensis lib. 3. adversus hæreses c. 3. *Sed quoniam valde longum est, in hoc tali volumine omnium Ecclesiarum enumerare successiones, maxime & antiquissima, & omnibus cognita à gloriosissimis duobus Apostolis Petro & Paulo Roma fundata & constituta Ecclesia eam, quam habet ab Apostolis traditionem, & annuntiatam hominibus fidem, confundimus omnes eos, qui quoquomodo vel per sui placentiam malam, vel vanam gloriam, vel per cœcilitatem, præterquam oportet, colligunt. Ad hanc enim Ecclesiam propter principalem Principatum necesse est, omnem convenire Ecclesiam, in qua semper ab ijs, qui sunt undique, conservata est ea, quæ est ab Apostolis, traditio. Vides signum, quo hæreticos confundimus, & Catholicos ab ijs distinguimus, esse traditionem & fidem, qua in Roma constituta Ecclesia semper servata est, & consequenter usque ad finem mundi semper conservabitur, alioquin non oporteret, aut eam omnes convenire Ecclesias.*

Tertullianus de Præscriptionibus c. 36. loquens de Romana Ecclesia: *Statu, inquit, felix Ecclesia, cui totam doctrinam Apostoli cum suo sanguine profuderunt, videamus, quid dixerit, quid docuerit. En tibi lydium lapidem, quoties dubitas.*

S. Hieronymus ad Damasum Papam de tribus hypostasibus: *Idcirco obtestor Beatitudinem Tuam, per crucem Domini, ut mihi litteris Tuis, apud quem in Syria communicare debeam, significes. Noli despicere animam, pro qua Christus mortuus est. Discernite obsecro; non timebo iras hypostasas dicere, si jubetis. Quamobrem obtestor Beatitudinem Tuam, ut mihi epistolis Tuis sive tacendarum, sive dicendarum hypostasem detur auctoritas.*

Idem S. Hieronymus in Expositione Symboli circa finem, prout etiam allegatur à S. Thoma 2. 2. q. 11. a. 1. ad 3. *Hæc est fides, Papa Beatissime, quam in Catholica didicimus Ecclesia, in qua si minus pervi, aut parum caute forte aliquid positum est, emendari cupimus à Te, qui Petri fidem & Sedem tenes; si autem hæc nostra Confessio Apostolatus Tui iudicio comprobatur, quicumque me culpate voluerit, se impertitum, vel malevolum, vel etiam non Catholicum, non hæreticum comprobabit.*

Cyrillus Alexandrinus in libris Thesauri de SS. Trinitate (manifestum est, non tantum quatuordecim esse, sed triginta duos, qui

qui à priscis scriptoribus allegantur) quos allegant S. Thomas opusc. 1. contra errores Græcorum cap. 68. & opusc. 29. cap. 3. Cardinalis Turrecremata l. de Potestate. Gennadius in opere quadripartito pro Synodo Florentina. Alanus Copus Dial. 1. cap. 13. Andreas Episcopus Græcus Colossensis in Synodo Florentina, nemine Græcorum dissentiente; hi inquam omnes nunquam auderent in facie Græcæ Ecclesiæ eos libros citare, nisi palam esset, esse Cyrilli, quamvis, ut dixi, nunc quatuordecim tantum legantur, reliquis, uti creditur, Græcorum in Romanam Ecclesiam invidiâ sublati. Hic ergo Cyrillus ita loquitur: *Debeamus nos ut qui membra sumus, Capiti nostro Pontifici Romano, & Apostolica fidei adherere; ad nos perinet, inde, quid credendum, quid opinandum, quid tenendum sit, querere.*

S. Augustinus lib. 2. de verbis Apostoli: *Jam enim de hac causa (hæresi videlicet Pelagiana) missa sunt ad Sedem Apostolicam duo Concilia, inde etiam Rescripta venerunt, causa finita est.*

Theodoretus lib. 4. histor. c. 2. *Gratianus toto Imperio potius scripsit legem, quâ jubebat, sacras Ecclesias tradi, qui Damasi (is erat Episcopus Romæ) communionem amplexarentur.*

S. Cyrillus epist. ad Cœlestinum Papam: *Quamvis hæc ita se habeant, non prius tamen Nestorij communionem confidenter deferere ausi sumus, quam hæc ipsa Tuæ pietati indicaremus. Digneris proinde, quid sentias declarare, quod liquido nobis constet, communicare cum Nestorio oporteat, an libere ei denuntiare.*

Theodoretus Cyri Episcopus epist. ad Leonem PP. *Ego suffragium Sedis Apostolicæ effragio, vestram sententiam expecto, quod si sententia eorum, qui condemnarunt, acquiescere jussieris, acquiescam.*

Justinianus epistolâ ad Hormisdam Papam: *Hoc enim credimus esse Catholicum, quod vestro Religioso responso nobis fuerit intinatum.*

S. Agatho epistolâ ad Constantinum Imperatorem, quæ habetur actione quartâ Sextæ Synodi. *Hæc Apostolica ejus Ecclesiæ nunquam à via veritatis deflexa est, ejus auctoritatem semper omnis Catholica Christi Ecclesiæ, & Universales Synodi fideliter amplectentes in cunctis seculis sunt omnesque venerabiles Patres ejus fidem amplexi & sancti quidam Doctores Orthodoxi venerati atque secuti sunt, hæretici autem falsis criminationibus, ac derogationum odijs infecuti.*

Constantinus Pogonatus ad Leonem II. PP. *Sia firmus propugnator pietatis, accinus verbi gladio, cuius est, omnem hæreticam doctrinam præcidere.*

S. Fulgentius I. de Incarnat. verbi: *Quod Romana, quæ mundi cæcumen est, tenet & docet Ecclesia, totus cum ea Christianus Orbis nihil hesitans credit, & ad salutem non dubitat confiteri.*

Simplicius PP. epist. 4. ad Zenonem Imperatorem: *Perstas enim in Successoribus suis hac & eadem Apostolica norma doctrina, cui Dominus totius curam injunxit Ovis, cui se usque ad finem sæculi minimè defuturum, cui portas inferi nunquam prævaliturus esse promisit.*

Joannes Episcopus Constantinopolitanus in epist. ad Hormisdam PP. & in Regula fidei, quæ habetur post epist. 6. ejusdem Hormisdæ: *Et quia non potest Domini nostri prætermitti sententia, quæ dicit: Tu es Petrus &c. hæc, quæ dicta sunt, verum probantur effectibus, quia in Sede Apostolica immaculata est semper servata Religio. Unde sicut prædiximus, sequentes in omnibus Apostolicam Sedem, & predicantes ejus omnia constituta, spero, ut in una communione vobiscum, quam Sedes Apostolica prædicat, esse merear, in qua est integra, & vera Christiana Religionis soliditas.*

Omitto Patres posteriorum seculorum, quia in Regali Sacerdotio, & apud Eminentissimum Aguirre exscripti sunt. Isti sufficiant ex primis sæculis deprompti, selectique, quippe doctrinæ & virtute præstantes, & omni adulatione intacti. Ex istis aperte constat, quod probandum susceperam, videl: Catholicos hoc præcipue signo ab hæreticis distingui solitos, quod illi sub vexillis militarent Romani Pontificis, eandemque cum isto fidem profiterentur. Hæc ergo tessera veræ Religionis: *Romanus sum.* Et verò nulla alia esse poterat, quo enim ab hæretico aliàs distinguaris? Scripturas allegas? non desunt hæretico, aut saltem in alienum sensum interpretabitur. Patres? suos quoque opponit, nemo magis Augustinum jactat, ut Lutherus, & Calvinus. Miracula? ficta esse dicet, & unde probabis vera, nisi testimonio Pontificis? Nullum ergo apertius signum, magisque apud summos, medios, infimos, doctos, indoctosque perspectum, quam si cum Papa consentias; ut primum dixeris, *Romanus sum*, jam omnes intelligunt, re non Arianum, non Pelagianum, non Lutheranum, non Calvinistam, sed Catholicum esse. Sic Hieronymus, sic Athanasius, sic

sic Augustinus ab hæreticis distincti. Ex quo sequitur, sententias Romani Pontificis in causa fidei prolatas omnino infallibiles esse, alioquin si & veræ, & falsæ esse possunt, quomodo verum à falso, Catholicum ab hæretico distinguunt? Quis ignem à fumo cognosceret, si fumus etiam aquæ conjungi posset? Quis militem à Senatore solo gladio, palliòque, cum ab utroque gestentur? Sic frustra Patres, cæterisque fideles veram à falsa Religione auctoritate Pontificiâ discernent, si hæc tam falsæ, quàm veræ patrocinaretur.

IV. *Quarid.* Illud quoque Pontificiæ Infallibilitatis certissimum argumentum, quòd multa Christianæ fidei dogmata à solis Romanis Pontificibus sint decisa, hæresesque damnatæ; ex quo, ut jam supra ostendi, necessariò sequitur, sententias Romani Pontificis in causa fidei pronuntiatas omnis esse erroris expertes; quod enim fide divinâ credo, non tantum verum est, sed etiam certum, ita ut falsum esse non possit: & fideles ita prompti, paratique esse debent, ad hujusmodi dogmata amplexanda, & retinenda, contrariâsque hæreses respuendas, ut nec sanguini, nec vitæ, exemplo tot millium martyrum, parcere oporteat. Jam verò quàm plurimas hæreses solâ Pontificum auctoritate proscriptas, & dogmata contraria constituta esse nullo etiam Concilij Oecumenici adminiculo, ita certum est, ut negari non possit.

Nolebant Pelagiani Summorum Pontificum sententijs acquiescere, quibus & necessitas gratiæ assereretur, & Pelagij errores hæresis damnabantur; provocabantque Pelagiani ad Concilium Universale, quibus egregiè Augustinus (a) in hæc verba respondet: An verò Congregatione Synodi opuserat, ut aperta permissis damnaretur? quasi nulla hæresis aliquando nisi Synodi congregatione damnata sit, cum potius varissime inventiantur, propter quas damnandas necessitas talis extiterit &c. Et paulò post: Verùm istorum superbia hanc etiam gloriam captare intelligitur, ut propter illos Orientis, & Occidentis Synodus congregetur. Orbem quippe Catholicum quoniam pervertere nequeunt, saltem commovere conantur. &c. Et alibi: (b) Quasi verò in Concilio Episcoporum, quod non salubriter, sed jactanter propter vestras quæstiones debere ductis congregari, si sederem Episcopi, quos.

(a) August. lib. 4. contra duas epist. Pelagian. cap. 12. (b) Idem lib. 1. contra Julian. c. 60.

quos suprà memoravi, faciliè inventires, quos eis in doctrina Ecclesiastica antiquius tradita aquare, nedum præferre posses. Et alibi : (a) Si in Concilio, ejus videris desiderare judicium, sederent Cyprianus, Hilarius, Gregorius, Basilus, Joannes Constantinopolitanus, ut taceam alios, nunquid doctiores, prudentiores, veraciores Judices querere audeas ? ipsi contra dogmata vestra clamant, ipsi scriptis suis scripta vestra condemnant, quid queris amplius ? Quòd si quæras, si Concilio Oecumenico (de hoc enim loqui Augustinum certum est ex illis verbis : *Ut propter illos Orientis & Occidentis Synodus congregeretur* ; opus non est, cujus ergo auctoritate & sententiâ hæreses elidentur, verusque Sacrarum Scripturarum sensus elucidabitur ? respondet Augustinus : Si Romana Ecclesia Presidentem R. Innocentium audire voluisses, jam tunc periculosa Juventutem tuam Pelagianis laqueis exuisses. Quid enim potuit vir ille Sanctus Africanis respondere Concilijs, nisi quod antiquius Apostolica Sedes, & Romana cum cæteris perseveranter teneret Ecclesia ? Quibus verbis duo docet Augustinus, videlicet, & non posse Romanum Pontificem ab antiqua, & vera doctrina aberrare, & ejus auctoritatem sufficere hæreticis laqueis exuendis. S. Prosper quoque in Chronico : Tunc Pelagianorum machina fracte sunt, quando B. memoria Innocentius nefandi erroris capita Apostolico mucrone percussu. Et S. Hieronymus de Irenæo Romam misso : Omnium doctrinarum curiosissimus explorator non moles adificiorum Urbem circumeundo, sed Apostolica Sedis fidem, ritus, mores, ac disciplinam, quam illi Petrus, & Paulus Apostolorum Principes tradidissent, perscrutabatur, nactusque ibi Apostolicas traditiones integras & illibatas, ut ab Apostolis tradita fuerant, ad eas omnes, quos scriptis exagitat, exinde provocavi hæreticos, quos scires eo solo iam patenti testimonio posse convinci. Sozomenus l. 6. c. 22. Qua de controversia Romanus Pontifex certior factus, scripsit ad Ecclesias Orientis litteras, ut unâ cum Sacerdotibus, & Episcopis Occidentis Trinitatem, & Consubstantialiam esse, & gloriâ equalem existimarent. Quo facto singuli rebus ab Ecclesia Romana senel judicatis acquieverunt, hæcque Controversia finem habere visa est Sixtus II. PP. Memor sum, me sub illius nomine Ecclesiæ præsidere, cujus à Domino JESU Christo confessio est glorificata, & cujus fides nullam hæresin unquam fovit, sed omnes quidem hæreses destruit. Omitto alia jam superius memorata.

Dices. Etiam ab alijs Episcopis, privatissque Synodis fuisse hæreses damnatas, ut ex Augustino constat, locis citatis ; non ideo

tamen

(a) Ibid. l. 2. c. 37. vide etiam l. 2. c. 10.

tamen sequi, sententias Episcoporum & particularium Synodorum esse irreformabiles; ergo ex hoc Capite non potest deduci Infallibilitas Summorum Pontificum.

Resp. Maximum esse discrimen inter sententias Pontificum, & inter sententias Episcoporum hæresin aliquam damnantium. Episcoporum enim sententiæ erant tantum doctrinales, non verò dogmaticæ & ultimæ, atque irreformabiles; nec prius valebant, quam à Summo Pontifice confirmarentur; sententiæ verò Pontificum Dogmaticæ & ultimæ, nec poterant iterum in iudicium, litemque vocari, adeò, ut si permissu Summorum Pontificum prædamnata à Pontifice hæreses iterum in Concilijs examinarentur, non id erat, quòd causâ à Romano Pontifice jam finitâ dubitare liceret, sed ut auctoritate tot Patrum, doctrinâ & sanctitate florentium, argumentisque ab eis tantâ efficacîâ & eloquentiâ productis hæreticorum pervicacia obrueretur. Id ita esse patet testimonijs eorundem Patrum. Nam S. Hieronymus: (a) *Hæc est Fides, inquit, Pater Beatissime, quam in Ecclesia Catholica didicimus, quâque semper tenuimus, & tenemus, in qua si minus perit, aut minus causè foris aliquid positum est, emendari cupimus à Te, qui Petri & fidem, & Sedem tenor.* S. Cyrillus Alexandrinus epistolâ ad Cælestinum PP. *Quamvis hæc ita se habeant, non prius tamen Nestorij communionem confidenter deserere ausi fuimus, quàm hac ipsa Pietati Tuæ indicaremus. Digneris proinde, quid his sentias, declarare.* S. Paschalis PP. (b) *Ajunt, in Concilij statum non inveniri, quasi Romana Ecclesia legem Concilia ulla præfixerint, cum omnia Concilia per Romani Pontificis auctoritatem & facta sint, & robur acceperint, & in eorum statutis Romani Pontificis patenter excipiatur auctoritas.* S. Innocentius I. PP. *Quid, quid, quamvis de disjunctis, remotisque Provincijs ageretur, non prius Patres ducebant finiendum, nisi ad Sedis notitiam perveniret, ut tota hujus auctoritate pronuntiatio firmaretur.* S. Stephanus Archiepiscopus suo & trium Africæ Conciliorum nomine: (c) *Vestra Sedi Episcoporum iudicia, & summorum finem iudiciorum Ecclesiasticorum in honorem Beatissimi Petri Patrum Decreta omnium cunctam reservare sententiam; antiquis enim regulis constitutum est, ut quidquid horum, quamvis in remotis ageretur Provincijs, non prius tractandum, vel accipiendum sit, nisi ad notitiam alius Sedis Vestra fuerit deducum,*

B b

Etum,

(a) Habetur in Decr. Gratiani, cap. quoniam 14. q. 1. (b) In capit. signi-
ficatissime de eccl. (c) In epist. ad Damas. PP.

Am, ut ejus auctoritate juxta quod pronuntiatum fuerit firmaretur. S. Damasus: (a) Nulla unquam Concilia rata leguntur, quæ non sint fulta Apostolicâ auctoritate. Cœlestinus PP. in Instruptione Legatis suis ad Concilium Ephesinum data: (b) Auctoritatem Sedis Apostolicæ custodire debetis, siquidem & Instruptiones, quæ vobis tradita sunt, hoc loquuntur, ut interesse Conventui debeatis: ad disceptationem si fuerit ventum, vos de eorum sententijs judicare debeatis, non subire examen. S. Gelasius: (c) Hoc robur obtinuit, quod in Synodo firmavit Sedis Apostolicæ auctoritas, quod resutavit, firmitatem habere non potuit. Omitto sexcenta alia, ex quibus palam est, latum discrimen à Patribus agnitum esse inter sententias Episcoporum, & sententias Romanorum Pontificum, hæreses aliquas damnantium, ut videl. istorum vellent esse ultimas & decretorias, illorum verò adhuc reformabiles, & judicio Pontificum, etiamsi in Concilio Oecumenico latæ essent, omnino subjeetas.

Sed videamus nunc, quænam in particulari hæreses à solis Romanis Pontificibus extra Concilium Oecumenicum damnatæ sint.

Certum est, à Christi nativitate usque ad annum 325. quo Concilium Nicænum celebratum est, nulla fuisse Oecumenica Concilia celebrata, & tamen quàm plurimæ hæreses toto hoc annorum decursu & extitère, & abolitæ, aut saltem damnatæ sunt. Et quamvis in particulari non semper ostendi possit, eas à Romano Pontifice damnatas esse, quippe flagrantibus persecutionibus, & Ecclesiâ Romanâ omnibus venis sanguinem fundente, orium non erat Romanis Pontificibus multa scribendi, & posterorum memoriæ commendandi; vix tamen dubium esse potest, auctoritate Summorum Pontificum fuisse confixas. Constat enim unâ parte testimonijs suprà productis, Ecclesiam supra fidem Petri ejusque successorum fundatam esse, idque Patres primorum seculorum palam professi sunt, nam præter dicta Sozomenus scribit: (d) *Julium ad eos, qui Antiochia convenerant, scripsisse, atque incusasse, quod contra leges Ecclesiæ cum ad Concilium non vocassent, nam Legem esse ad Sacerdotij dignitatem spectantem, quæ pronuntiat, acta illa irrita esse, quæ præter sententiam* Episcopi

(a) Epist. ad Stephanum. (b) Commonitor. Cœlest. à Balluzio nuper editum ex MM. SS. Codic. Colbertino & Vaticano. (c) S. Gelasi l. de vinculo anathem. (d) Lib. 3. hist. cap. 9.

Episcopi Romani constituuntur. Et ipse Athanasius ex persona Julij, cujus epistolam recitat: (a) *An, inquit, ignari estis, hanc consuetudinem esse, ut nobis scribatur, ut hinc, quod justum est, desimiri possit? nunc autem nos, quos certiorem minime fecerunt, postquam jam egerunt, quod libuit, suffragatores suæ damnationis, cui non interfuimus, esse volunt; non ita se habent Petri & Pauli ordinationes, non ita Patres docuerunt, sed fastus iste, & novum studium est. Quæ enim accepimus à B. Petro Apostolo, hæc vobis scribimus.* Ubi vides, hanc Pontificis Romani auctoritatem ad Apostolorum traditionem referri. Ex altera verò parte æquè constat, Pontificum in fidei causis sententiam aded Ecclesiam Catholicam venerari solitam, ut qui eam non reciperent, teste S. Ignatio Episcopò Antiocheno, qui primo Seculo floruit: (b) *Qui his non obedit* (loquitur de SS. Cleto & Clemente) *Atheus prorsus & impius fit, & Christum contemnit, & Constitutionem ejus imminuit.* At quæ est Christi constitutio, nisi illa? *Tu es Petrus, &c. Tibi dabo claves Regni Cælorum, &c. Pæse oves meas.* At hæc Christi constitutio aut de omnibus Petri successoribus intelligenda est, aut non est intelligenda de Cleto & Clemente, cùm enim potius de Cleto, quàm de Alexandro, de Gregorio, de Innocentio? Cùm ergo constet, Romanis Pontificibus supremam in causis fidei decidendis auctoritatem concessam, eamque in primitiva quòque Ecclesia agnitam, summæque veneratione exceptam esse; quis dubitet, in profligandis hæresibus Summos Pontifices illà non esse usos? Poterant, debebant, ergo fecere, alioquin sancti non essent. Et ideo S. Irenæus de S. Clemente scribit: (c) *Dissensione non modicâ inter eos, qui essent Corinthi, fratres sancti, scripsit quæ est Romæ Ecclesiæ potentissimas litteras Corinthiis, ad pacem eos congregans, & fidem eorum reparans, & annuntians, quam ab Apostolis receperant, traditionem.* Sic Cerdon & Valentinus hæresiarchæ (d) coram Hygino S. Pontifice hæreses suas recantârunt. Sic Theodorus hæresiarcha, Theodoret (e) & Eusebio testibus, à Victore Pontifice damnatus, & Ecclesiâ ejectus est, quodd doceret, Christum hominem tantummodò, non etiam Deum esse. Idem Victor, ut habet Eusebius, *totius Asiæ Ecclesias, & alias finitimas* (quamvis traditionem Joannis Evangelistæ prætexerent)

B b 2

tan-

(a) S. Athanas. apolog. 2. ad Orient. (b) S. Ignat. epist. ad Roman. (c) S. Iren. lib. 3. adu. hæres. cap. 3. (d) Anno 155. testibus Irenæo lib. 3. cap. 4. Eusebio lib. 4. cap. 10. (e) Anno 196. Theodoret. hæretic. fab. lib. 2. Eusebius lib. 5. hist. cap. 27.

tanquam alterius fidei & opinionis literis graviter objurgatas simul omnes à Communione Ecclesiæ semovendas duxit; quòd videl. celebrarent Pascha decimâ quartâ Lunâ, quacumque die incidisset. Id verò quamvis Ecclesiæ Romana tolerasset, postquam tamen verti in hæresin cœpit, & Judaïsimo ansam præbere (quod Nicephorus testatur) (a) quòdque conniventia Ecclesiæ fuerat, pro necessitate ac debito jactari, (pari ferè ratione, quâ hæc tempestate de necessitate utriusque in Communione speciei à Calvinistis disseritur) Victor necessariam esse severitatem credidit, quamvis ab ea sanctum Pontificem Irenæus vehementer dehorretus sit, potestatem quidem Pontificis agnoscens, sed usum restringi cupiens. Ubi nota, quamvis plurimi historici Ecclesiastici, videl. Eusebius, Irenæus, Nicephorus, Hieronymus, Photius, aliique hujus rei meminerint, nullus eorum tamen scribit, Episcopos Victori hanc potestatem negasse, sed tantum hortatos esse, ut pacis causâ nimîâ severitate temperaret. Et temperavit quidem Victor, sed ejus sententia contra omnium Asianorum, & Synodi Ephesinæ Decreta omnino vicit, ac Nicæno Concilio confirmata est. Paulò pòst Zephyrinus (b) Victori succedens hæresin Montanistarum & Cataphrygum anathemate ferit, & præcipuum hujus hæresis Caput Tertullianum, quod ipsemet fatetur, (c) unde perpetuum Tertulliani in Pontifices odium, more omnium hæreticorum, Judicem, à quo plestuntur, aversantium. De ejusdem Zephyrini contra Cataphrygas Decreto hæc scribit Tertullianus: *Audio etiam, decretum esse propositum, & quidem peremptorium; Pontifex Maximus, Episcopus Episcoporum dicit; ego & mæchia, & fornicationis delicta sanctis poenitentia dimitto.* Ubi observas, jam tunc temporis, quamvis flagrante persecutione, Romanos Pontifices supremâ auctoritate suâ uti solitos esse, in materia videl. fidei (talis enim erat, de qua tunc temporis quærebatur, videlicet, an relapsi ad poenitentiam recipi possent) Decreta, & quidem *peremptoria*, hoc est, definitiva proponendo, quibus omnes Christi fideles obedire tenentur; hæc verò Decreta, ut aliàs ostendi, infallibilitatem Pontificiam supponunt. Origenes à Dionysio Episcopo Alexandrino hæresis accusatus, fidei suæ professionem Romam ad Fabianum Ponti-

(a) Niceph. lib. 4. cap. 30. Tertull. de Præscript. cap. 53. Euseb. 5. hist. cap. 91

(b) Anno 215. (c) Tertull. de jejuna. cap. 1.

Pontificem misit : (a) sed cùm calamo fides non haberetur, ipse Romam accessit, (b) ratus, se hæresis notâ satis absolutum fore, si à Romano Pontifice reciperetur.

V. Cyprianus, omnesque ferè Africani Patres, à Stephano Papa (c) anathemate percussi, aut saltem territi, ob repetitum hæreticorum baptisma. Ubi planè enituit invicta Romanorum Pontificum auctoritas, quando contra torrentem Africanæ eloquentiæ, & sanctitatis, frustra obnitente Cypriano (cujus in Ecclesia Catholica eæ tempestate summa veneratio) veritati suffragium tulit, effecitque, ut toto Orbe probaretur. Planè nunquam magis credi potuit, errasse Pontificem, quàm cùm Cypriano, totque, & tam numerosis Synodis (in quibus florem Catholicæ Religionis facile collectum vidisses) adversatus est; vicit tamen, & pro illo veritas stetit. Quando errabit Pontifex, si tunc non erravit? num aliquando doctiores, sanctioresque adversarios habebit, quàm Cyprianum, & tot alias Synodos Orientis? ergo si tunc, quando tam multi, robustique impellebant, hæc Petra non cecidit, frustra expectas aliquando casuram; stetit, stabitque, ut Petram decet.

Dices: Etiam post prolatam à Stephano sententiam, dirasque intentatas nec Cyprianus, nec alij Africanæ Episcopi acquievère; non ergo credebant, Pontificem falli non posse.

Resp. De certamine Cypriani cum Stephano alibi dictum est, & dicetur postea, cùm objectiones dissolvemus; nunc verò id solum dico, Cyprianum, ejusque assecclas, si crediderunt Pontificem ex Cathedra docentem falli posse, omnino errasse; neque id mirum est, aut absurdum; si enim errarunt circa Baptismum, cur non errare potuerint circa Pontificem? & si tu absurdum & falsum esse non credis, cùm dicitur, Cyprianum circa Baptismum errasse, cur absurdum, & falsum esse credas, cùm dicimus, errasse circa Pontificem? præfertim cùm nemo unquam falsam doctrinam pertinaciter defenderit, qui non hoc ipso cum Romano Pontifice bellum gesserit, jurato videlicet, & necessario mendacij hoste, ac vindice veritatis; ut aded unum idemque sit, Pontifici bellum, & veritati indicere, quemadmodum unum idemque est, in leges & in Judicem offendere. Et verò ubi primus ille animorum ardor de-

B b 3

ferbuit,

(a) Anno 248. (b) Euseb. lib. 6. hist. cap. 28. 29. (c) Anno 258.

ferbuit, qui Cypriani, & Firmiliani calamos myrrhâ, & felle impleverat, rediitque serenitas agnoscendæ veritatis necessaria; resipuit Cyprianus, totumque illud agmen Africanorum, sequè Pontifici Romano submisit. Cum ergo Cyprianum habeamus, & errantem, & poenitentem, quærimus ex Gallis, cur malint errantem sequi, quàm poenitentem? Audi Augustinum: (a) *Correxisse autem Cyprianus istam sententiam non invenitur, non incongruenter tamen de tali viro existimandum est, quòd correxit, & fortasse suppressum sit ab eis, qui hos errore nimium delectati sunt, & tanto velut patrociniò carere noluerunt.* Idem testatur clarissimis verbis S. Hieronymus de Episcopis, qui cum Cypriano decreverant, hæreticos rebaptizandos esse. Verba Hieronymi hæc sunt: (b) *Denique illi ipsi Episcopi, qui rebaptizandos hæreticos cum Cypriano statuerant, ad antiquam consuetudinem revoluti (quæ habebat, non esse rebaptizandos hæreticos, & quâ maxime Stephanus nitebatur) novum emisere Decretum.* Et Cresconius Donatista objicit Augustino: (c) *Majores nostri (Donatistæ videlicet) ab Orientalium propterea à communione discreti sunt, quia illi solum judicium resciderunt, quo eis placuerat de illa questione (an videlicet hæretici rebaptizandi essent) Cypriano, atque illi Africano Concilio consensire oportere.* Cui respondet Augustinus: (d) *Paucos illos Orientales, quinquaginta videlicet (totidem erant Episcopi in Synodo Iconiensi Firmiliano præsidente) non tantum judicium suum rescidisse, verum etiam correxisse.* De Dionysio quoque Patriarcha Alexandrino mutasse eum sententiam, ac Stephano manus dedisse clarum videtur, tum ex familiarissimis ejus Epistolis ad Xistum Stephani successorem apud Eusebium: (e) tum quia adeò Stephani sententiæ accefferat, ut ne quidem fratrem quandam atque admodum provecctâ, & Baptismate apud hæreticos tinctum, sed pleno impietate, plenòque blasphemia, nèque ullam omnino cum nostro habente similitudinem, sis ausus rebaptizare, nisi permetteret Romanus Pontifex; sic enim epistolam ad Xistum concludit: *Profectò opus habeo Frater consilio tuo, & sententiam tuam expellere, ne forte ipse hallucinetur tali negotio ad me delato.* Ita Eusebius; patet ergo, Africanos Episcopos, eorumque Coryphæos Firmilianum, & Dionysium sententiam

(a) August. epist. 48. ad Vincent. (b) S. Hieron. Dial. contra Luciferianos. (c) Crescon. lib. 3. cap. 2. (d) August. contra Crescon. lib. 3. cap. 3. (e) Euseb. lib. 7. cap. 9.

tentiam correxisse. Quando ergo Arelatense, quod multò post celebratum est, canone.1. decernit : *Afros propriâ lege uti, ut rebaptizent*, intelligendum est, ut bene notavit Sirmondus, non de quibuscunque Catholicis Afris (quales erant Cypriani sectatores) sed de Afris Donatistis & Schismaticis ; & idèd in Concilio Romano ante Concilium Arelatense celebrato sub Melchiade Papa, Donato etiam ab Africæ Episcopis vitio datum, imò damnatus est, quòd *confessus esse se rebaptizasse*, teste Optato Milevitano ; ergo certum est, eâ tempestate non fuisse apud Africanos moris, ut tincti ab hæreticis iterum ringerentur, alioquin quomodo ab Africanis Episcopis id soli Donato crimini verteretur ? Hæc omnia ed spectant , ut ostendamus, Africanos Episcopos, præsertim Firmilianum & Dionysium respuisse. Jam Lectoris judicium esto, quorum æquior sit causa : adversariorum, qui errantes Africanos sequuntur, an nostra, qui sequimur pœnitentes ? Illud quòque ex Augustino addendum ; paucos fuisse, qui cum Cypriano Pontifici obluſtabantur : (c) *Quinquaginta videl. Episcopi Orientales, & septuaginta Afri contra tot millia Episcoporum, quibus hic error (Cypriani) in toto Orbe displicuit.* Quæro jam iterum, utrum magis expediat paucorum errores amplecti, an multorum veritatem, imò tot millium Episcoporum, & totius Orbis consensum, qui Romani Pontificis sententiam venerati sunt ? Quanquam si verum dici oportet, nihil Stephanus ex Cathedra, & per modum Dogmatis definivit ; cùm enim Cyprianus Anno CCLVI. in secundo Carthaginensi Concilio, quòd omnes Africæ Episcopi convenerant, solemni Decreto hæreticorum baptisma damnasset, illudque per literas Synodicas Stephano Papæ confirmandum misisset, Stephanus in hæc verba respondit : *Si quis à quacunque heresi venerit ad nos, nihil innovetur, nisi quod traditum est.* Quibus verbis planè contrariam Cypriani sententiam hæresis non damnavit, sed vetuit tantum, nihil innovari, hoc est, antiquam Ecclesiæ traditionem, usumque retineri, donec tota hæc quæstio in Concilio Universalidecideretur, ut sæpe testatur Augustinus. Et meritò ad Concilium universale rejecta est, cùm enim potissima quæstio facti, non juris esset : *An videlicet rebaptizatio hæreticorum antiqua totius Ecclesiæ consuetudini, & traditioni adversaretur*, meritò Concilium univer-

(a) 3. August. contra Cresconium lib. 3. cap. 3.

universale expetebatur, ut videlicet singuli Episcopi de suarum Ecclesiarum usu ac consuetudine testari possent. Et quia pauci Episcopi Africani contra tot millium Episcoporum, imò totius Orbis sententiam (ut testatur Augustinus) non solum privatam opinionem sustinebant, verum etiam contra Decretum Pontificis Romani ne quidem operiri Concilium, & interim repetito Baptismo abstinere volebant, imò primam Sedem convitijs onerabant, planè sacro calamo indignis (qua de causa S. Augustinus (a) Cyprianum reprehendit) jure merito excommunicationem illis Romanus Pontifex Stephanus minatus est, non tamen inflixit, deprecante Dionysio Patriarcha Alexandrino; sic enim ipse testatur epistolâ ad Xistum Pontificem: (b) *Atque ut pro omnibus Episcopis illum deprecaver, epistolam scripsi.* De quo vide Schellstrate (c) & Alexandrum Natalem, (d) & simul adverte, moris fuisse, ut sanctissimi Episcopi excommunicationem apud Romanos Pontifices deprecarentur, eamque ne vibrarent dissuaderent; sic Irenæus Victorem, sic Dionysius Stephanum Pontifices rogârunt.

Ex hoc Cypriani consiliu magnum pro Infallibilitate Pontificia argumentum sumitur. Cyprianus tantâ doctrinâ, pietate, eloquentiâ, ingenio, ac insuper tot Episcoporum, & trium Synodorum votis subnixus, ubi tamen à Romano Pontifice secessit, in hæresin & errores prolapsus est, postea ab Ecclesia damnatus; naufragium fecit, anchoram perdidit; quis ergo deinceps speret, se absque periculo & impune à Romani Pontificis sententia deslexurum, sibi que stationem promittat Cypriano cadente? *Tu es Petrus, & super hanc Petram, inquit Christus, ædificabo Ecclesiam meam.* Ergo super hanc Petram ædificium es, extra hanc Petram ruina.

VI. Anno CCCLXXIII. Primus Damasus hæresin Apollinaris, simulque Timotheum & Vitalem Apollinaris discipulos extra Concilium Oecumenicum damnavit. Negabant isti Divinitatem Spiritûs S. Damasi verò Decretum fuisse peremptorium & decisivum, ac necessitatem Ecclesijs imposuisse, ut reciperetur, authenticis

(a) August. lib. 5. contra Donat. cap. 25. (b) Apud Euseb. lib. 7. cap. 5. (c) Schellstr. in antiquit. illustrata p. 2. dissert. I. cap. 5. 4. 5. (d) Alex. Natal. ad cœculum 3. Dissert. 12.

thenticis Documentis probari potest, ac insuper testimonio Ecclesiæ Gallicanæ. Theodoretus hæc habet : (a) *Damasus simul ut exortam hanc hæresin accepit, non Apollinarem solum, verum etiam Timotheum ejus discipulum abdicavit, quam rem etiam Episcopis Orientalibus significavit. Damasus ipse in epist. ad Episcopos Orientis : (b) Scitis velim, Fratres, nos Timotheum ipsum cum impio ejus dogmate jam pridem abdicasse, & ob eam causam credimus, impiæ ejus reliquias nihil in posterum momenti habituras. Jam enim semel formulam fidei edidimus &c.* Et post pauca : *Quid est, quod abdicationem Timothei à me rursus requiratis, qui etiam hic judicio Sedis Apostolica abdicatus est unà cum Magistro suo Apollinari? quod si alios quosdam ad suam perducatur sententiam, sciant illi, se cum illo unà perituros, ut qui animum induxerint Ecclesiæ Canonis repugnare.* Nota illa Damasi verba : *Jam pridem impium ejus dogma abdicavimus, quam ob causam credimus, ejus reliquias nihil in posterum momenti habituras.* Quæ causalis supponit omnino, sententias Pontificis Romani in causis fidei esse ultimas & irreformabiles, alioquin quæ esset consequentia? *Damnâvimus dogma Apollinaris, ergo illud dogma nihil amplius momenti habebit?* Imò habebit, quia damnatio Pontificis revocari potest, & errori subjecta, nec certam fidem facit, nisi ab Ecclesia recipiatur; non ergo sufficit à Damaso damnatam esse. Sed & illa verba : *Sciant, se cum Apollinari unà perituros, &c.* eandem Infallibilitatem ostendunt. Ipsi Galliæ Episcopi ex hoc Damasi Decreto Pontificiam Infallibilitatem recentissime agnoverunt, & Papæ Decreta divinâ ac summâ per universam Ecclesiam auctoritate niti professi sunt. Sic enim ad Innocentium X. anno 1653. scribunt : *Perspectum enim habebat (Zosimus videl. PP.) non solum ex Christi pollicitatione, sed etiam ex actis priorum Pontificum, & ex anathematizatione adversus Apollinarem & Macedonium nondum ab ulla Oecumenica Synodo damnatos à Damaso paulo ante factis, iudicia pro sancienda Regula fidei à Summis Pontificibus lata, divinâ aqûe ac summâ per universam Ecclesiam auctoritate niti, cui Christiani omnes ex officio ipsius etiam mentis obsequium præstare teneantur. Nèq; obstat, post Damasi definitionem in Concilio Constantinopolitano eandem Pneumatomachorum causam fuisse agitatum, damnatamque; nèque enim id factum, quod sententia Pontificis incertæ fidei esset, ac retractari posset, sed quia hæretici eadem temeritate, quâ Spiritui Sancto sacræque Scripturæ, etiam Pontificum judicio*

C c

oblu-

(a) Theodoret. lib. 5. cap. 10. (b) Theodoretus ibidem.

obluſtabantur, & quid mirum, qui DEO & Scripturæ non crede-
 bant, non credidiſſe Pontifici? num idè errare ſcriptura poteſt,
 quia hæretici ſcripturæ non credunt? Ut ergo eorum contumacia
 tot Patrum doctri- nâ & pietate florentium teſtimonijs, ac inſuper
 argumentis, quæ ab illis in medium proferebantur, vinceretur,
 permiffiſt Papa, eandem cauſam in plenario Concilio agitari, cujus
 auctoritas licet non ſit major Pontificiâ in *decernendo*, ac *decidendo*, eſt
 tamen major in *docendo* & *inſtruendo*, ob præclaram ſcientiam, ſacun-
 diam, ac Zelum Episcoporum, qui Concilio interſunt. Sicut ergo
 cùm Chriſtus Apoſtoliſ dixit: *Paraclitus autem Spiritus, quem Pater*
mittet in nomine meo, ille docebit vos omnia, & ſuggeret vobis omnia, quacunque
dixerò (Græcè *Ἐγὼ*, hoc eſt, dixi, prout etiam Arabicus & Syrus
 habet) *vobis*; non idè ſequitur, Spiritum Sanctum majoris eſſe au-
 thoritatis, quàm Chriſtum, aut poſſe corrigere, quæ à Chriſto
 dicta ſunt; ſed tantùm, Spiritûs Sancti partes eſſe, inſinuare, ex-
 plicare, & credentium animos ſuaviter, fortiterque diſponere, ut
 credant, quæ à Chriſto dicta ſunt; ita Concilij partes ſunt, non
 immutare Pontificum Decreta ad fidem pertinentia, ſed ſolùm
 explicare, & fidelium animos doctri- nâ, eloquentiâque, quæ in
 Concilijs abundant, permovere. Et hoc modo intelligendus eſt
 etiam S. Auguſtinus, quando, præcipuè in cauſa S. Cypriani, Con-
 cilium Univerſale toties commendat. Verbo, Papa eſt ſupra Con-
 cilium in *decernendo*, Concilium ſupra Papam in *docendo*, ſi non ſem-
 per, at sæpè; quemadmodum major poteſt eſſe in Senatoribus &
 Conſultoribus doctri- na, jurisque peritia; at penès Judicem major,
 imò unica poteſtas judicandi, litèmq; finiendi. Et illud quoque
 obſervatione dignum, quod S. Hieronymus notat, videl. in Syno-
 do Nicæna, quæ anno 325. celebrata eſt, nullam fieri expreſſam
 mentionem errorum Origenis, Valentini, Marcionis, Cataphryga-
 rum, aut Manichæi, (a) quos ceritè ante Synodum fuiſſe dubium non eſt. Ex quo
 evidenter colligitur, Patres Nicænæ Synodi ſententias Summorum
 Pontificum pro indubitatis habuiſſe, alioquin cur eas hæreſes in-
 tactas & indemnatas relinquerent, quas ſoli Pontifices damnâſſent
 extra Concilium Univerſale? damnatas enim eſſe à Pontificibus,
 & idè quoque ab Eccleſia rejectas patet tum ex ijs, quæ diximus,

tum

(a) Hieron. epiſt. 65. cap. 1.

tum ex luculento Damasi testimonio, sic enim ad Stephanum Archiepiscopum Carthaginensem, & tria Africæ Concilia scribit: *Satis, Fratres Charissimi, firmamentum à DEO fixum, & immobile suorum Sacerdotum, id est, omnium Episcoporum Apostolicam Sedem esse constitutam, & verticem Ecclesiarum &c.* nam ut nôsti, Synodum sine ejus auctoritate fieri non est Catholicum, neque ulla unquam Concilia rata leguntur, qua non fuerint ejus *sulta auctoritate &c.* Et circa medium: *Cujus Sedis Apostolica ante omnia decebat eos (Patres Concilij Ariminensis) expectare Decretum.* Quæ tantum abest, ut ab Episcopis improbata fuerint, ut ipsi potius ad eundem Damasum ita scriberent: *Notum facimus Vestre Beatitudini, quòd quidam fratres venerabiles Episcopos vobis inconsultis à proprio dejiciunt gradu, cum Vestra Sedi Episcoporum judicia & summorum finem negotiorum Patrum decreta omnium cunctam reservare sententiam inquirendi reverentia de DEI rebus, quas omni curâ & sollicitudine observare debemus.* Hæc omnia falsa sunt, si Pontifex errare, ejusque sententiæ in materia fidei corrigi possunt; quomodo enim *finis negotiorum suorum Pontifici reservatur*, si aliud adhuc Ecclesiæ aut Conciliorum examen & judicium expectandum est? Quomodo Sedi Romanæ *Patrum Decreta omnium cunctam reservare sententiam*, si post ejus sententiam, quia errare potest, alijs sententijs locus est? Quomodo nulla *Concilia rata legimur, qua non fuerint Sedis Apostolicæ sulta auctoritate*, cum potius Sedis Romanæ judicia non sint rata ex mente adversariorum, nisi Conciliorum auctoritate fulciantur?

Anno CCCXC. Emergit, larvâque deposuit hæresis Joviniani. Eam S. Hieronymus acri, flammatoque stylo confixit, crederes non tam scribere, quàm tonare; sed dum torus est inextollenda Virginitate, visus est in extrema prolabi, & matrimonium quoque averfari, unde multorum in Hieronymum querelæ, quas ille scriptâ apologiâ delevit. Siricius verò Papa, ubi eam hæresin detexit, coactâ Romæ Synodo continud damnavit, datisque litteris ad S. Ambrosium, nam Mediolani quoque grassabatur, pro damnata haberi eam voluit. Sic enim scribit: *Nos sanè nuptiarum vota non aspernauer accipimus, sed Virginum nuptias majore honorificentia honoramus. Facto igitur Presbyterio (hoc est Synodo) invenimus, ea doctrina nostra, hoc est, Christi esse contraria, unde omnium nostrum tam Presbyterorum & Diaconorum, quàm totius Cleri una lata fuit sententia, ut Jovinianus, Auxentius,*

Genialis, divinâ sententiâ & nostro judicio in perpetuum damnati exire Ecclesiâ remanerent. Quod custodituram Sanctitatem Vestram non ambigens hæc scripta direxi. Ubi etiam nota, Siricium Pontificem pro eodem habere, Dei & Papæ judicium. Respondit Ambrosius suo & Mediolanensis Synodi nomine: (a) Recognovimus litteris Sanctitatis Tuae boni Pastoris excubias, qui fideliter commissam Tibi januam servas, & piâ sollicitudine Christi ovile custodu, dignus, quem Domini oves audiant & sequantur.

Anno CCCCL. Anastasius Papa Rufinum Origenistarum Coryphæum Romam vocat ad causam dicendam; sed tergiversantem, & comparere renuentem (quippe haud ignorabat, si semel Romæ hæresis notaretur, se toto Orbe Catholico abominationi, & pro hæretico habitum iri) hæresis damnat, & unâ Infallibilitatem Pontificiam egregio testimonio sancit; audi Hieronymum, & postea ipsum Anastasium; Hieronymus ergo hæc de Rufino scribit: (b) *Innocentem te vocas, ad cuius interpretationem (transitulerat enim Origenis Periarchon) Roma contremuit? Absentem, qui accusatus respondere non audes, & intantum Romana Urbis judicium fugis, ut magis obsidionem Barbaricam, quàm pacata Urbis velu sententiam sustinere? Anastasius verò episc. ad Joannem Hierosolymorum Episcopum hæc habet: Absit hac ab Ecclesia Romana nequaquam Catholica disciplina. Nunquam profecto eveniet, ut aliquâ hoc admittamus ratione, quod jure, meritoque damnamus. Quapropter in toto Orbe Christi DEI diffusa providentia probare dignabitur, accipere nos omnino non posse, qua Ecclesiam maculent. Mihi cerid cura non deerit, Evangelij fidem circa meos custodire populos, partisque populi mei, per quæq; Orbis terrarum spatia diffusæ, quantum possum, litteris convenire, ne qua profana Interpretationis origo subrepat. Audis, profiteri Anastasium: Nunquam per Christi providentiam eventurum, sed nec evenire posse, ut Romanus Pontifex recipiat, qua Ecclesiam maculent. Quid est hoc aliud, quàm infallibilem esse?*

Anno circiter CCCCLVI. Innocentius Primus hæresin Pelagianam damnavit extra omne Concilium Oecumenicum, & teste Augustino insigne Infallibilitatis Pontificiæ documentum post se reliquit. Sicenim de Innocentio apud S. Prosperum: (c) *Constituimus, in Pelagium atque Celestium per venerabilem Episcopum Innocentium de Beatissimi Apostoli Sede prolatam manere sententiam. Et Gennadius: (d) Multis*

Cata-

(a) V. Epistolæ Rom. Pontificum Tomo 1. (b) S. Hieron. apolog. in Rufin. (c) S. Prosper adv. Collator. (d) Gennad. de viris illustr. cap. 43.

Cataphrygas (Innocentius videlicet) & Pelagium ac Cælestium invenit hereticos, & damnavit eos, & hoc constituit, ut qui natus fuerit de Christiana, rursus nasci debeat per Baptismum, hoc est, baptizari debeat, quod Pelagius damnabat. Idem S. Prosper: Tunc Pelagianorum machinæ fraile, quando B. memoria Innocentius nefandi erroris capita Apostolico mucrone percussit. S. Augustinus l. 2. contra Pelagium & Cælestium c. 7. Cælestius B. Papa Innocentij non est ausus literis obfistere, imò se omnia, quæ Sedes illa damnalet, damnaturum esse promissit. Et lib. 2. cap. 3. contra duas epistolas Pelagianorum: Per Papæ Rescriptum causa Pelagianorum finita est, totòque Orbe post ejus damnationem damnati sunt, ac litteris Innocentij tota de hac re dubitatio sublata est. Et contra Julianum l. 1. c. 4. Puta, eam tibi partem Orbis sufficere debere, in qua primum Apostolorum suorum voluit Dominus martyrio coronare. Cui Ecclesiæ præsidenti Beatum Innocentium si audire voluisses, jam tunc periculosam juventutem tuam Pelagianis laqueis exuisses. Nihil enim potuit Vir ille Sanctus Africanis respondere Concilijs, nisi quod antiquitus Apostolica Sedes & Romana cum cæteris tenet perseveranter Ecclesiæ. Et serm. 2. de verbis Apostoli: Jam enim de hac causa (hæresi videlicet Pelagiana) duo Concilia missa sunt ad Sedem Apostolicam, inde etiam Rescripta venerunt; causa finita est, utinam etiam error finiaturs? Quomodo dici potest per Rescripta Apostolica causa finita esse, si judicia Romani Pontificis errori subiecta sunt, si examinari debent, si consensu Ecclesiæ, si sententiâ Concilij Oecumenici indigent? an Pelagiani respondere non poterant, nullo modo causam finitam esse, quippe in nullo Oecumenico Concilio damnata; nam Concilia, quorum Augustinus meminit, fuerunt solum Provincialia? Ipsi denique Gallicanæ Ecclesiæ Antistites litteris ad Innocentium X. datis: Innocentius l. Pelagianam heresin, inquit, damnavit olim ad Episcoporum Africa relationem; sic ad Gallicanorum Episcoporum consultationem heresin ex adverso Pelagiana oppositam Innocentius X. auctoritate suâ proscripsit &c. Vides, non solum novum exemplum damnatarum ab Innocentio hæreseon, sed etiam Infallibilitatem Romani Pontificis palam assertam, quidenim aliud sonant illa Augustini verba: Per Papæ Rescriptum causa Pelagianorum finita est, ac litteris Innocentij tota dubitatio sublata. Et illa: Puto, eam tibi partem Orbis sufficere debere, in qua primus Apostolorum martyrio coronatus est. Et illa: Nil potui vir ille sanctus (Innocentius) Africanis respondere Concilijs, quam quod antiquitus Apostolica Sedes tenet &c.

Anno CCCCLVIII. Cælestius Pelagianus, cum pollicitus esset B. Innocentij sententijs acquiescere, postea verò eandem hæresin redoleret, iterum Carthagine in Synodo 214. Patrum damnatus est; sed cum ab hac Synodi Carthaginensis sententia appellasset, Zosimus Pontifex appellationem recepit; causa recipiendæ appellationis, teste Augustino: (a) *Quod Cælestius litteris B. Innocentij Papa, quibus de hac redubitatione tota sublata est, consentire respondit, & propterea Libellus ejus Catholicus dictus est.* Sed cum Romæ Cælestius recusaret, errores, quæ famâ, quæ proprijs scriptis sibi impositos damnare, Zosimus Papa, & Cælestio, & hæresi Pelagianæ extremum vulnus inflixit, adeò, ut post Zosimi Decretum toto Orbe deleta sit. Audi eorum temporum scriptores, qui & hoc testantur, & Pontificiæ Infallibilitati insigne suffragium præstant. S. Prosper: (b) *Concilio, inquit, apud Carthaginem habito ducentorum decem, & septem Episcoporum ad Pontificem Zosimum Synodalia Decreta perlata sunt, quibus probatis per totum Orbem hæresis Pelagiana damnata est.* Ipse Zosimus Pontifex epistolâ ad Aurelium & Episcopos Carthagine congregatos: (c) *Quamvis Patrum traditio Apostolica Sedi auctoritatem tantam tribuerit, ut de ejus judicio disceptare nullus auderet, idque per Canones semper, regulâque servaverit; tamen cum tantum nobis esset auctoritatis, ut nullus de nostra possit retractare sententia, nihil egimus, quod non ad vestram notitiam nostris ultrò litteris referimus, non quia, quid deberet fieri, nesciremus, aut faceremus aliquid, quod contra utilitatem Ecclesiæ veniens displaceret, sed pariter vobiscum volumus habere tractatum &c.* Nihil poterat pro Infallibilitate clariùs dici, qui enim falli posse Pontificem dicunt, consequenter etiam volunt, de Pontificis judicio disceptari, ejusque sententiam retractari posse; id verò Zosimus negat; & quod Pontifices congregari subindè Concilia permittant, non id necessitatis esse, aut ignorantia, quasi quid deberet fieri nesciat, aut aliquid contra utilitatem Ecclesiæ discernere possit; sed ut fraternæ Charitati consulat. Hæc omnia adversarios manifestè confundunt. Paulinus Diaconus epistolâ ad eundem Zosimum PP. *Beatitudinis Tuæ jussuam obsecro, Domine Zosime Papa Venerabilis; nunquam Fides vera turbatur, & maxime in Ecclesiâ Apostolica. Cui non sufficit ista sententia? Pontificis videlicet Romani) quis hanc tam salubrem, tam amplexabilem, tam*

piam

(a) S. August. ad Bonifac. contra litter. Pelagij lib. 2. cap. 3. (b) S. Prosper. in Chron. (c) V. integram epistolam apud Baron. ad ann. 418. n. 3.

piam respiceret alius, nisi qui à fide devius est? Hæc omninò infallibilitatem Pontificiam sonant, alioquin & *fides Cathedra Romana turbari posset*, nec esset à fide devius, qui Pontificijs Decretis non acquiesceret, nec *sufficeret Romana sententia*. Ipse S. Augustinus l. 2. retractat. c. 50. testatur, postquam Innocentius, & Zosimus Summi Pontifices doctrinam Pelagij ut hæreticam damnarunt, omnes Catholicos eos pro hæreticis habuisse.

Anno CCCXXX. Nestoriana hæresis palàm erumpere, larvæque deponere cæpit. Et Cyrillus Alexandriæ Episcopus ut primum comparentem vidit, gravissimis scriptis confutavit, nec tamen prius Nestorium pro hæretico habere, ejusque Communionem abstinere ausus est, quàm Cælestini Pontificis sententiam exquireret. Hic verò indictâ Romam Synodo non solum Nestorium, hæresinque Nestorianam confixit, totòque Orbe proscriptam voluit, verum etiam Patribus Synodi Oecumenicæ Ephesinæ, quid in hac causa definire eos oporteret, præscripsit, prohibuitque, ne à sententia Romana vellatum unguem abscederent. Quid amplius cupias pro asserenda suprema & infallibili in causis fidei Pontificum auctoritate? si enim falli Pontifex potest, cur asserit Cyrillus, se nullâ aliâ ratione de Nestorio damnando certum reddi posse, quàm ex sententia Pontificis? & quid est aliud, esse infallibilem, quàm esse certum? & si potest errare Pontifex, cur non possit à Concilio corrigi? & si corrigi potest, cur prohibet, ne aliter Concilium judicet, quàm Papa judicavit? Planè tam sunt invicta Infallibilitatis Pontificiæ hæc argumenta, ut desiderari majora non possint. Sed testes audiamus. Cyrillus ergo epistolâ ad Cælestinum (cujus hoc initium: *Si in rebus usque adeo serijs*) hæc scribit: *At quamvis ita res habeat, non prius tamen illius communionem confidenter deferere ausi fuimus, quàm hæc ipsa Pietati Tue indicaremus. Digneris proinde, quid hic sentias, declarare, quò liquido nobis constet, communicarene nos cum illo oporteat, an verò liberè ei denuntiare, neminem cum eo communicare, qui hujusmodi erroneam doctrinam prædicat.* S. Cælestinus epistolâ ad Nestorium, quæ in Concilio Ephesino summis laudibus excepta est, & quam Evangelicus (a) divinam appellat circa finem: *Aperitè igitur hanc nostram scias esse sententiam, ut nisi hanc persidam novitatem intra decimum diem*

(a) Evagr. lib. 1. cap. 4. Baron. anno 430.

diem apertâ & scriptâ confessione damnaveris, ab universalis te Ecclesia Catholica communionem dejectum scias, quam formam nostrî iudicii per filium meum Possidonium Diaconum destinavimus, ut agat vice nostrâ, quatenus statutum nostrum vel tibi, vel universis Fratribus innotescat. Et in Communitorio (a) suis Legatis ad Concilium Ephesinum dato, quod nuper Stephanus Balluzius edidit: Auctoritatem Sedis Apostolicæ custodire debetis, & conventui interesse, ad disceptationem si fuerit ventum, vos de eorum sententijs iudicare debetis, non subire examen. Idem Cælestinus epistolâ ad Synodum Ephesinam datâ: (b) Direximus pro nostrâ solitudine sanctos Fratres & Consecratos nostros, qui ijs, quæ aguntur, intersint, & quæ à nobis antea statuta sunt exequantur, quibus præstandum à vestra sanctitate non dubitamus assensum. Et Projectus Cælestini Legatus: Litterarum S. Papæ Cælestini Episcopi formam vestra sanctitas consideret, ut ea, quæ & dudum antè definire, & nunc in memoriam revocare dignatus est, juxta communis fidei regulam ad finem deduci jubeatis. Et ibidem Firmus Cæsareæ Cappadociæ Episcopus: Apostolica & sancta Sedes Cælestini sanctissimi Episcopi per litteras, quas misit etiam antè de præsentî negotio, sententiam, regulamque præscripsit, quam nos quoque secuti formam illam executioni mandavimus, Canonicum Apostolicumque iudicium in illum exequentes. Vides, tantum abesse, ut Pontificum sententiæ tanquam errori obnoxie iudicari, corrigique à Concilio debeant, ut potiùs illæ normæ ac regulæ sint, ad quas Concilij Decreta exigere debeant, errata & abolenda, si illis non respondeant; nec alias esse Concilij partes, quam ut Pontificum sententias jam priùs prolatas exequantur, sicut enim Cælestinus, ejusque Legati, imò & Patres Concilij profitentur. Quòd si Concilium à Pontificis sententia deflectat, non Pontifex erriabit, sed Concilium; nec sententia Pontificis corrigi, sed Concilij debebit, quod tum ex allatis testimonijs constat, tum etiam luculento exemplo, quod in eadem Synodo Ephesina proditum est. Cum enim Juvenalis Episcopus Hierosolymitanus ob celebritatem ejus Urbis contra Cæsariensis Episcopi jura Primatum totius Palestine affectâisset, ac etiam communi totius ferè Synodi suffragio obtinuisset, obstitere Legati Apostolicæ Sedis, & auctoritate, quâ supra Concilium pollebant, Decretum Synodi abolitum voluere, id quod

(a) Commonit. Cælest. apud Balluz. ex M. S. Cod. Colbertino, & conservato in Bibliotheca Vaticana. (b) Habetur in actis Synodi Ephes. p. 2. act. 2.

quod S. Leo Magnus memorat, simulque quantum Pontifex Romanus Concilio præstet, his verbis memoriâ dignis ostendit : (a) *Quoties, inquit, ob incurrentes causas Generalis Congregatio facta fuerit Sacerdotum, difficile est, ut cupiditas improborum non aliquid supra mensuram suam molitur appetere, sicut etiam in Ephesina Synodo Juvenalis Episcopus ad obtinendum Palestina Principatum credidit, se posse sufficere, quod sancta memoria Cyrillus mernâ perhorrescens multum poposcit scriptis suis, ut illicitis conatibus nullus præbeatur assensus. Hoc tamen proprium definitionis mea est, ut quantumlibet numerus Sacerdotum amplior aliquid per quorundam subreptionem decernat, id iustitiæ consideratione cassetur. Iterum sæpè memoratus S. Cœlestinus Papa epistolâ ad S. Ephesinam Synodum : Tandem malorum sine gaudendum est, tandem iniquè loquentium os videmus esse obstructum. Hujusmodi fideliter peracta rei vos executores ac defensores nobiscum videamus fuisse fidei Sacerdotes. Ubi iterum vides, non alias esse Concilij partes, quàm ut exequatur, quæ à Summo Pontifice definita sunt. Unde facile responderetur Ludovico Dupino interroganti: Si Pontifices infallibiles sunt, quid opus cogi Concilia? Cui respondeo, cogi Concilia, non ut retractent, revocentque jam semel à Pontificibus definita, sed ut exequantur, ut illustrent, ut compellant, utque ab hæreticis objecta, quæ valent eloquentiâ & ingenio, refutent, prout clarissimè in Concilijs Nicæno & Ephesino apparuit, in quibus Christianæ fidei Dogmata præclarissimis argumentis non tantum definita, sed etiam illustrata & munita sunt. Non ergo convocantur Concilia, ut Pontificum Decreta examinent, vera an falsa sint, sed ut eorum veritatem magis, magisque illustrent; quemadmodum cum sacrarum Scripturarum sententias ad examen vocamus, non id agitur, ut de eorum veritate dubitetur, sed ut eadem veritas, quam illæ complectuntur, omnibus perspecta fiat, omnique argumentorum genere conspicua evadat: nam & qui telecopiis, aliisque instrumentis solem intuetur, non dubitat, an sol existat, luceatque, sed id agit, ut solem existentem & lucentem magis, magisque agnoscat. Et quoties unum, idemque dogma in diversis Concilijs Oecumenicis examinatum, discussumque est? num ideo prioris Concilij dubia fides, & errori obnoxia? sic contra hæresin Arrianam post Nicænam Synodum etiam in Synodis Sardicensi, &*

D d

Ari-

(a) S. Leo epist. 61. Baron. ad ann. 431. n. 103.

Ariminensi actum est. Sic hæresis Nestoriana non solum in Synodo Ephesina, verum etiam in Chalcedonensi & Constantinopolitana iterum, iterumque damnata est; & de una, eademque fidei veritate quam multi Prophetæ vaticinati sunt? num ideo priorum Prophetarum falsa vaticinia, aut dubia, quia alij idem cecinere? Nihil ergo Pontificum auctoritati obstat, quodd, quæ ipsi definiverant, alia Concilia postmodum æquè deciderint, præsertim cum eorum decisiones, nisi Pontificis Romani auctoritas accederet, vanæ irritæque haberentur. Sed quid opus argumentis, quando ex allatis Patrum testimonijs constat, Concilia exequi tantum solita esse Pontificum Decreta, nec illis licuisse aliud pronuntiare, quam Roma præscripsisset? Quæ testimonia sive Dupinus legit, sive non legit, æquè reus est; si enim legit, quantæ pertinaciæ est, agnoscere veritatem, nec tamen admittere? si non legit, quantæ temeritatis scribere, quæ ignoret? Et planè legenti Dupinum palam est, non aliam ei metam fuisse, quam Maimburgi argumenta (quæ in libello de Privilegijs Ecclesiæ Romanæ recitaverat) exscribere, & Latinitati tradere, nullâ interim veritatis aut curâ, aut notitiâ. Sed hæc ex dicendis adhuc clariora evadent.

VII. Anno CCCCXLIX. Celebrata est Synodus Chalcedonensis, cujus occasione non solum auctoritas Romani Pontificis in dammandis etiam extra Concilium Oecumenicum hæreticis, ac statuedis fidei dogmatibus, verum etiam summa Infallibilitas multifariam enituit, multisque testimonijs & exemplis probata est, ut ex dicendis patebit. S. Leo ad Patres Ephesi in causa Eutychetis congregandos: (a) *Fratres nostros Julianum Episcopum, Renatum Presbyterum, & filium meum Hilarium Diaconum misi, qui vice meâ sancto Conveniui intersint, & communi vobiscum sententiâ, quæ Domino sint placitura, constituant. Hoc est, ut primum pestifero errore damnato etiam de ipsis, qui impudenter erravit, restitutione tractetur. si tamen sensus hæreticos, quibus imperitia ejus fuit irretita, planè, aperièque propriâ voce & subscriptione damnaverit, quod etiam in Libello, quem ad nos miserat, est professus, spondens per omnia nostram se esse sententiam secuturum. Vides igitur Leonem jam prædamnâsse extra Concilium hæresin Eutychetis, nec suam jam prius prolatam sententiam Concilij arbitrio aut judicio subijcere, sed potius & modum, & substantiam*

(a) S. Leo epist. 15.

substantiam, quo procedere debeant, præscribere; num hoc aut Leo faceret, aut Concilium pateretur, si errare Pontifex posset? si infrà Concilium esset? nec enim minor majori præscribit, nec is, qui errare non potest, ab eo se doceri, ducique & imperari permittit, qui errare potest. Idem S. Leo epistolâ ad Patres Synodi Chalcedonenſis: (a) *Tamen in his Fratribus, qui ab Apostolica Sede directi sunt, me Synodo vestra Fraternitas existimet præsidere, qui nunc in Varijs meis adsum, & jam dudum fidei Catholica prædicatione non desum, ut, qui non potestis ignorare, quid ex antiqua traditione credamus, non possitis dubitare, quid cupiamus. Unde Fratres charissimi, rejectâ penitus audaciâ disputandi contra fidem divinitus inspiratam, vana errantium infidelitas conquiescat, nec liceat descendi, quod non licet credi: cum secundum Evangelicas veritates, secundum Propheticas voces, Apostolicamque doctrinam plenissime & lucidissime per litteras, quas ad B. memoria Flavianum misimus, fuerit declaratum, qua sit de Sacramento Incarnationis Domini nostri pia & sincera confessio. Si errare Pontifex potest, si Concilio subiectus est, cur non liceat ejus epistolam examini subijcere? cur illi Patres Concilij adstricti sint? quænam ergo sunt nocte infallibilitatis, si hæ non sunt? & quid amplius præstare Pontifex debet, ut credatur Concilio major, expertusque erroris? Dicant adversarij, si quid habent, & si non habent, cedant veritati. Martianus quoque Imperator Oratione ad Concilium habitâ: De cetero autem nemo de nativitate Domini aliud disputare audeat, præter quod Apostolicum præmium trecentorum decem & octo Patrum consonans huic doctrinæ tradidisse noscitur, sicut Sanctissimi Papa Leonis, qui Apostolicum gubernat ibronium, ad sancta memoria Flavianum testantur littera. Et Valentinianus Imperator epistolâ ad Theodosium (b) *Fidem, quam à nostris majoribus traditam accepimus, debemus cum omni devotione defendere, & dignitatem propriæ venerationis B. Apostolo Petro intemeratam conservare, quatenus Beatissimus Romana Ecclesiæ Episcopus, cui Principatum super omnes antiquitas contulit, locum habeat, ac facultatem de Fide ac Sacerdotibus judicandi. Hæc enim gratiâ secundum solemnitatem Conciliorum & Constantinopolitanus Episcopus cum per libellos appellavit, propter contentionem, qua orta est de Fide. Et Galla Placidia ad eundem Theodosium Filium: Hæc itaque gratiâ mansuetudo tu tantis malis resistens veritatem immaculatam fidei Catholica Religionis servari præcipiat, ut secundum formam & definitionem Apostolicæ Sedis in statu Sacerdotij**

D d 2

illeſo

(a) Leo epist. 47. (b) Extat Tomo 1. Conciliorum ante Concil. Chalced.

illaflo manente, Flaviano ad Concilij (non Oecumenicum, fed Romanum & nationale Italix, quod Leo Romam indixerat) & Apoftolica Sedis judicium transmittatur, in qua primus ille, qui coeleftes claves dignus fuit accipere, Principatum Epifcopatus ordinavit. Vides hic iterum, judicia in caufis fidei Romanæ Sedi committi, refervarique, & ad illius præfcriptum & normam instituenda effe, quæ utique fuma eft Infallibilitatis nota, cum oporteat regulam & normam erroris expertem effe.

Néque dicas: Summos Pontifices more aliorum Epifcoporum fententias quidem ferre in caufis fidei, fed non ultimas, nec infallibiles & peremptorias, has enim Concilio refervari.

*Refpondeo, allata Patrum testimonia nimis effe clara, ut tam inanibus & ridiculis diffinctionibus eludi poffint. Si enim Pontificum fententiæ in caufis Fidei non funt decretoriæ, & definitivæ, fed folum doctrinales; cur Patres fub pœna anathematis eas recipi toto Orbis terrarum jubent? cur illis adstringunt Concilia, nec permittunt in dubium vocari? cur toties protestantur, non valere Conciliorum Decreta, nifi à Pontificibus confirmata? & quænam eft confenda ultima & definitiva fententia, quæ nullam aliam expectat, à qua confirmetur? (quales funt fententiæ Romanorum Pontificum) an quæ aliam expectat, à qua neceffariò pendeat, quales funt omnes Sententiæ Conciliorum, ut fuprà oftendimus? Et denique potestatem Romanorum Pontificum caufas fidei decidendi Patres in fpeciali privilegio fundant Cathedræ Petri; at verò Judicium ferre tantum doctrinale, quodque examinari, corrigique poffit, nec priùs certum reddatur, quàm Ecclefia illud acceperit, non eft fpeciale Privilegium Sedis Apoftolicæ, fed cujuslibet Epifcopi, imò & privati Doctõris, Theologiæ utcunque imbuti. Sed age jam alios quodque testes audiamus. Theodoretus epiftolâ ad Renatum Cardinalem: (a) *Hac igitur de caufa, inquit, tuam oro fãctitatem, ut perfuadeas fãctiffimo atque Beatiffimo Archi-Epifcopo Tuo, ut Apoftolicâ utatur auctoritate, & præcipiat, ad veftrum convolare Concilium. Habes enim Sãctiffima illa Sedes omnium per orbem terrarum Ducatum, & Principatum, multis quidem ex caufis, præcipuè verò, quòd hereticæ labe immunis permansit, & nullus, qui contraria fentit veritati, in illa unquam fedis, fed Apoftolicam gratiam integram & immaculatam fervavit. Quæ enim*
à nobis*

(a) Theodoret. epift. 116. apud Baronium an. 449. n. 124.

à nobis decernuntur, contenti his erimus, & illis acquiescemus, quacunque illa fuerint, vestro justo iudicio confisi. Si teste Theodoreto Primatus Romana Ecclesia præsertim in eo consistit, quod hæreticâ labe immunis permansit, & nullus in ea sedet, qui contraria sensit veritati; sequitur, ut quemadmodum semper penès Romanam Ecclesiam Primatus stetit & stabit, ita etiam semper Romana Sedes, & immunis fuerit, & immunis futura sit ab omni hæresi & errore; in hac enim Immunitate Primatus Pontificius (qui salvâ fide negari non potest) teste Theodoreto consistit; sed hic Primatus est perpetuus, ergo etiam perpetua ea Immunitas. Illud quôque insigniter ostendit, quàm præcipuæ sint partes Romani Pontificis in damnandis hæresibus, multoque supra Concilium; quodd cum in Synodo Chalcedonensi omnium Patrum suffragio formula & confessio fidei contra hæreses Eutychetis contextâ esset, eamque pertinacissimè Patres defenderent, adèò ut contentâ voce clamarent: (a) *Definitio omnibus placet, hæc Fides Patrum, qui aliter sentit, anathema sit; altera Definitio non sit*; Legati nihilominus Romani Pontificis eam semper respuerunt (quod videlicet non omnino Leonis epistolæ consentanea esset) parati Concilium dissolvere, ac reinfestâ Romam reverti: *Si enim, inquiebant, non consensit Epistola Apostolica, & Beatissimi Viri Papa Leonis, jubete nobis rescriptam dari; ut reveriamur.* Ipsi quôque Concilij Judices: *Ergo addite Definitioni secundum iudicium Sanctissimi Papa nostri Leonis, duas esse naturas unitas in Christo inconvertibiliter, inseparabiliter & inconfuse.* Assenserunt Patres, aliâque Fidei formulam ex præscripto Leonis ediderunt. Quæro jam, quid apertius & efficacius dici possit pro superioritate Pontificis supra Concilium, pròque ejus Infallibilitate? Si Pontifex Concilio subiectus est, cur imperat, non obsequitur? cur cogit? cur præscribit? & si non patitur, Patres Concilij aliter in rebus fidei loqui aut scribere, quàm ipse loquatur & scribat; quantò minùs pateretur, aliter sentire, aliter credere? Denique S. Gelasius Pp. opusc. de anathemate: *Cognoscant igitur illud (Concilium videlicet Chalcedonense) secundum Scripturas sanctas, traditionemque Conciliorum pro fide communi & veritate Catholica, & Apostolica, pro qua hanc fieri formam Sedes Apostolica delegavit, factâque firmavit à tota Ecclesia indubitanter admitti; alia autem, qua Sedes Apostolica nullatenus delegavit, max à vicarijs Sedis Aposto-*

D d 3

lica

(a) Acta Conc. Chalced. act. 5.

lica contradiſta manifeſtum. Quid clarius dici poterat ? Nihil videlicet in Concilijs etiam Oecumenicis definita valere, niſi à Sede Apoſtolica priùs præſcripta fuerint, & poſteà confirmata.

Obijcies I. Sophronius (a) ex S. Gregorio narrat, Leonem cùm epistolam dogmaticam contra Eutycheten, & Nestorium ſcripſiſſet, eam Apoſtolorum tumulo cum his verbis impoſuiſſe: *Si quid ut homo, vel minùs cautè poſui, Tu, cui à Domino Salvatore noſtro hæc Sedes commiſſa eſt, emenda.* Poſt quatuor verò dies, quos inter preces & vigilias conſumpſerat, Apoſtolum apparuiſſe ac dixiſſe: *Legi & emandavi.* Quam cùm Leo aperuiſſet, legiſſetque, *Apoſtolica manu emendatam* inveniſſe. Niſi ergo Petrus emendàſſet, Leo in rebus fidei tradendis erràſſet; cur ergo non poſſint alij Pontifices errare, doctrinà & pietate Leone inferiores, & quorum epistolas non ſolet Petrus emendare ?

Reſp. Priùs oporteret iſtarum viſionum veritatem oſtendi, quàm ex illis argumentari; nec enim poteſt eſſe certa, & neceſſaria conſequentia ex incertis, dubijsque principijs: & nos certa, non dubia quærimus, nec ex viſionibus, ſed ex traditione, Patrùmque doctrina argumenta petimus; mirùmque eſt S. Leonem nihil de hac Petri emendatione dixiſſe, quo fidem epistolæ ſuæ adſtrueret; fuiſſetque operæ pretium, quando videlicet Eutychiani eandem epistolam corruperunt, adeò ut Neſtorianiſmum redolere, multisque in Eccleſia Alexandrina ſuſpecta hæreſis videretur; quæ cauſa fuit, ut B. Leo (b) datis ad Martianum literis Imperatorem rogaverit, curaret epistolam ſuam fideliter in Græcam linguam transferri. Sed demus, hanc viſionem certam eſſe; quis neſcit potuiſſe emendari epistolam, non quòd errorem aliquem fidei contineret, ſed quia tamen myſterium aut non plenè, aut non clarè, aut utriusque myſterio imparibus explicabat ? nam & domum, & imaginem, & faciem emendamus, integrâ, nec mutarâ ſubſtantiâ. Imò hoc ipſum oſtendit, quantâ, quàmque ſpeciali providentiâ DEUS Pontificio calamomoderetur, ut quantumvis humano aliquo errore tangatur, non permittat tamen, eum in Eccleſiæ perniciem vulgari, ſed illum quovis modo emendet, ſeu miraculo, ſeu ſpeciali revelatione, qualis & Petri fuit, de quo Chriſtus: *Beatus es*

Si-

(a) Sophron. Pratoſpirit. 147. (b) S. Leo epistol. 69. Baron. ad ann. 454.

Simón Barjona, quia caro, & sanguis non revelavit tibi, sed Pater meus, qui in cælis est. Et Caiphæ Summi Sacerdotis, qui licet impiissimus, & in ipso procinctu flagrantis Deicidij, prophetavit tamen privilegio Pontificatus. Prophetavit, inquit Evangelista, quia Pontifex erat anni illius. Si prophetavit Caiphæ, quanto magis prophetabit Innocentius, prophetabit Alexander, ubi non de occidendo DEO, sed fide stabilienda agitur?

Obijciunt II. Epistola Dogmatica S. Leonis à multis impugnata est, nec prius admittitur, quam post longum examen; id enim S. Leo testatur epistolâ ad Theodoretum: (a) Gloriamur, inquit, in Domino, qui nullum nos in nostris Fratribus detrimentum sustinere permisit, sed quæ nostro prius ministerio definiverat, universæ Fraternalitatis irretractabili firmavit assensu, ut verè à se prodixisse ostenderet, quod prius à priina Sede firmatum totius Christiani Orbis iudicium recepisset. Nam ne aliarum Sedium consensus assentationis esse videretur, inventi prius sunt, qui de nostris iudicijs ambigerent. Et dum nonnulli à Dissensionis incitatis auctore ad contradictionis bella profiliunt, ad majus bonum malum ejus perventum est. Ipsa quoque veritas clariùs enitescit, dum, quæ fides prius docuerat, postea examinatio confirmat. Multum denique Sacerdotalis officij mernum splendet, ubi sui summorum servatur auctoritas, ut in nullo inferiorum putetur immutata libertas. Si ergo doctrina Leonis, quam in Dogmatica sua epistola exprefferat, in dubium & ad examen vocata est, sequitur, quòd non crediderint Patres, Leonem errare non posse; quis enim rem certam examinet? Sic etiam Eusebius Mediolanensis Episcopus coactâ Synodo eandem epistolam ad normam Traditionis exegit; sic enim ad Leonem scribit: Recitatâ epistolâ, quam ad Orientem Sanctitas vestra transniferat, clariuit, eam Prophetarum assertionibus, Evangelicis auctoritatibus, Apostolica doctrina testimonijs, omnibusque sensibus convenire, quos Beatus Ambrosius suis libris inseruit. Ex his Alexander Natalis concludit, (b) summi quidem Pontificis partes esse: Uti causas fidei ad Synodum referat, ut formam edende Definitionis in causa fidei concipiat, ut in fide, & pace Ecclesiarum constituenda à sacris scripturis, à Canonibus, à traditione majorum nullo pacto discedat; quod, utrum ita se habeat, expendere partes Concilij erunt, & ita non prius Decreta Pontificum rata & certa esse, quam à Concilio confirmentur.

Resp.

(a) S. Leo epist. 65. (b) Alex Natal. ad Seculum V. Dissert. 12.

Resp. Hæc Objection multa complectitur, quæ sigillatim sunt examinanda. *Primò.* *Epistola*, inquit, *Leonis*, duu multumque prius examinata est, quàm reciperetur. Esto; sed nego, omne examen, omnemque disputationem esse de re incertâ, dubiâque. Quanto studio, quantisque disputationibus sacras litteras examinamus, earumque mysteria discutimus, ac innumeris objectionibus exercemus? Num idèd incertæ veritatis sunt, & qui illas dictavit Spiritus S. errori obnoxius est? Et Christus Joannis, *Scrutamini scripturas, & illæ sunt, quæ testimonium perhibent de me.* Num verba & prædicatio Christi dubiæ fidei, quia eorum veritas ad testimonia Prophetarum examinanda erat? Quàm multis, variisque instrumentis Astrologi Solis, Lunæque cursum, & ecclypses examinant, observantque? num idèd de Solis existentia, motu, umbræque ambigui sunt? Non ergo sequitur, ut, quidquid examini subjicitur, mox sit incertum, & dubiæ fidei; aliqua enim examinamus, quia licet vera, falsis tamen aliunde suggestis admixta sunt; sic aurum igne examinatur, ut à fæcibus purgetur; alia examinamus, quia licet vera, nobis tamen obscura sunt. Utrumque accidit epistolæ Dogmaticæ Leonis; nam ut suprà diximus, Eutychediani eam corrumperant, & Nestorianismo miscuerant, ne fidem mereretur. Rursus quia Latino idiomate, cujus plerique in Synodo Patres ignari erant, concepta, à quàm plurimis malè intelligebatur, adèd ut Romanis Legatis ei explicandæ sudandum fuerit; quàm primùm verò explicata est, omnium vota promeruit, nullo examine, nullo conflictu consensum morante. Id ita esse patet exactis Concilij; cum Palestinæ, & Illyrici Episcopi ignorantia linguæ aliqua in epistola Leonis non intelligerent, & idèd consensum suspenderent, tandem edocti industriâ Legatorum sic locuti sunt: *Factum est autem nobis certum de epistola missa ab ipsius Beatitudine à sanctissimis Episcopis Paschasino, Lucentio, qui nobis dilucidaverunt, quæ obscuritas linguæ seceruere subnotabat.* Quæro igitur, si linguam Syriacam ignorantibus Evangelium Syriacè conscriptum exhiberem, peteremque, ut continuò assensum suum præberet, is verò differret, ignorantiam linguæ causatus; an propterea dicendus esset de Evangelij veritate dubitare? Non ergo epistola Leonis examinata est, ex qua parte Leonis erat, sed ex qua parte aut ab Eutychedianis corrupta,

aut

aut à Græcis malè intellecta imperitiâ sermonis; alioquin de illius veritate nullam dubitandi, disputandique rationem fuisse tam certum est, ut nihil certius esse possit; sic enim ipse Leo epist. 45. ad Synodum: *Fratres charissimi, rejectâ penitus audaciâ disputandi non liceat defendi, quod non licet credi, cum secundum Evangelicas auctoritates plenissimè & lucidissimè per litteras, quas ad Flavianum Episcopum misimus, fuerit declaratum, quæ sit de Sacramento Incarnationis pia & sincera confessio.* Et epistolâ 33. ad Pulcheriam Augustam: *Simplex est, & absolutum quod poscunt, ut remoto longarum disputationum labore Cyrilli epistola acquiescat, & epistola mea, quæ ad Flavianum Episcopum est directâ, consentiat, quia & mea, & Sanctorum Patrum concors & una confessio est, quam si quis existimaverit non sequendam, ipse se à compage Catholica Unitatis abscondit.* Et actione 1. Concilij Chalcedonensis Lucentius Legatus: *Quoniam Sancta memoria Flaviani fides concordat cum Apostolica Sede, & Patrum traditione, sententiam, quæ illum à hæreticis constat esse damnatum, in eos retorqueri à sancta Synodo necesse est.* Et actione 2. Cecropius Sebastopolitanus: *Emerferant, quæ ad Eutychen pertinebant, & super ijs forma data est à sanctissimo Episcopo Romana Urbis, & epistola omnes subscripsimus; Reverendissimi Episcopi clamaverunt: Omnes ista dicimus.* Et actione 4. Sedis Apostolicæ Legatus: *Manifestum est, nec poterit dubitari, unam Eidem Beati Papa Leonis cum trecentorum decem & octo Patrum apud Nicaam concordare, &c.* Ex his aliisque, quæ prolixè in medium adduci possent, clarissimum est, epistolam Leonis hujusmodi fuisse, ut nullus Catholicorum de ejus veritate dubitaverit, præsertim postquam obscuræ quædam sententiæ ob ignorantiam Latinæ linguæ à Romanis Legatis explicatæ sunt. Quòd verò Monachi quidam Eutychiani, adeoque hæretici Leonis epistolæ subscribere noluerint, nihil causæ nostræ efficit; nec enim contendimus, Infallibilitatem Pontificis apud hæreticos certam esse, sed apud Catholicos tantum. Imò illi ipsi, qui epistolam Leonis in dubium vocabant, renuebantque illi subscribere, æquè Concilij Decreta in dubium vocabant, æquè adversabantur, æquè cum sacris Concilij Nicæni Canonibus conferri volebant; cum enim Patres sæpè decrevisent, Leonis epistolam recipiendam esse, quiq; ei subscribere noller, anathemate feriendum, hæresisque notandum; pergebant tamen oblatrare, adversarique. Si ergo Infallibilitas Pontificis idèò neganda

est, quia aliqui circa ejus epistolam conflictabantur; æquè Infallibilitas Concilij neganda erit, cum istius Decreta ab illis ipsis respuerentur, qui Pontificiam epistolam respuebant, ut videre est totâ ferè actione 4. Et idèd hujusmodi concerrationes & dubitationes tam S. Leo loco citato in Objectione, quàm Patres Concilij actione 4. *Aspiritu malo contradictionis & hæresis profectas esse dicunt.* Patet ergo hoc Alexandri argumentum quàm multis ex capitibus invalidum & inermis sit. *Secundò.* In præfata Objectione opponitur, epistolam Leonis fuisse collatam ab Eusebio Episcopo Mediolanensi aliisque, cum Sanctorum Patrum testimonijs & doctrina, cumque Decretis Concilij Nicæni, & tunc primum receptam esse, cum palàm fuit, eam nihil antiquæ doctrinæ adversum complecti; atqui nullâ collatione opus erat, si credebant, Leonem errare non posse.

Resp. Hæc Objectio non minùs Concilij Infallibilitatem, quàm Pontificis impugnât, nam & Concilij Chalcedonensis Decreta fuisse cum Decretis Nicænæ Synodi, Sanctorumque Patrum doctrina ab Episcopis collata, & idèd recepta, quia doctrinæ Patrum consentanea reperiebantur, innumeris ferè testimonijs ostendi posset; aliqua tantùm libabimus. Episcopi Europæ sic ad Leonem Imperatorem loquuntur: *Chalcedone collectum magnum & Universale Concilium, eò quòd prædicta Concilia (Nicænum videl. Ephesium, & Constantinopolitanum) firmaverit, nihilque commoverit, nec augmentum vel detrimentum fecerit, aut quidquam quæ tunc fuerunt definita commoverit, aut aliquid incongruenter interpretatum sit. Servamus &c.* Vides hîc, Decreta Concilij Chalcedonensis cum Decretis aliarum Synodorum fuisse collata, & idèd ab Episcopis Europæ recepta, quòd cum Decretis Nicænæ, Constantinopolitanæ & Ephesinæ Synodorum concordarent; an propterea dicendum erit, Decreta Concilij Universalis incertæ fidei esse, nec priùs obligare, quàm à nobis cum sacris Scripturis, Patrumque traditione collata fuerint? Audi etiam Stephanum Episcopum epistolâ ad Leonem Imperatorem, quæ habetur post acta Concilij Chalcedonensis: *Tanti & talis Concilij (Chalcedonensis videl.) amplectere judicium Serenissime & Orthodoxe Imperator, tales namque sapuisse comperimus omnes, qui verbo & doctrinâ DEO placuerunt, id est, Beatus Athanasius, sic & Basilius magnus, &*
Gregorius

Gregorius Nazianzenus, & Gregorius Nissa, & Joannes Constantinopolitanus, verborum simul & cogitationum pelagus benedictum. En tibi Concilij Chalcedonenfis recipiendi rationes, quia videlicet Athanasio, Basilio, aliisque consentit; quid si ergo non consentiret? num idem erraret? num idem arbitrio nostro stabit, Decreta Concilij Universalis cum doctrina Athanasij, aliorumque Patrum conferre, & si cum illa consentire videantur, recipere, sin minus, respuere? Sicut ergo hæc Collatio Decretorum Concilij cum doctrina Patrum nihil nocet Infallibilitati Conciliorum; ita etiam nihil nocet Infallibilitati Pontificum. *Ad quid ergo hæc collatio, si constat, Pontificem falli non posse? cur autem lydio lapide exploras, si constat, aurum esse?* Respondeo, quia lumen lumini additum majorem lucem & claritatem affert, redditque objectum magis magisque visendum; quoties duas faces accendimus, cum una sufficiat? ipsa fidei mysteria, quoties parabolis, similitudinibus, & argumentis à Philosophia petitis illustrantur, quamvis certa, quamvis indubitata? num idem major Philosophiæ, quam fidei certitudo? nutriunt hæc fidem, si non pariunt. Deinde Concilia & Pontificum Decreta non solum fidelibus, sed etiam infidelibus & hæreticis scribuntur, istos ut sanent, illos ut confitent; ergo ut etiam hæreticos convincant, rationibus munienda sunt, quas etiam hæretici capiant; tales sunt, quæ à scripturis & Patribus ac Synodis petuntur, olim & ab omnibus receptis. Novit aurifex, quid sit aurum, ignoro ego; mihi ergo, non illi Lydius admoveretur. Merito igitur, cum Eurychiani, sicut omnes æquè hæretici Leonis Papæ epistolam, & Concilij Decreta respuerent, ad scripturas, ad Synodum Nicænam, ad Patres revocabantur; alioquin veris Catholicis nullam fuisse de Leonis epistola rationem dubitandi, adeoque nullam examinandi necessitatem ex dictis certum est, & audiri adhuc possunt acta Chalcedonenfis Synodi; nam actione 4. Paschasinus dixit: *Manifestum est, nec poterit dubitari, fidem Beatissimi Papa Leonis cum trecentorum Patrum concordare &c.* Et S. Leo epist. ad Leonem Imperatorem, quæ habetur post acta Concilij Chalcedonenfis: *Licet ea, quæ à Sede Apostolica judicata sunt, sufficerent, insidias tamen hæreticorum etiam hæc, quæ sunt adjecta, referabunt.* Ubi vides, sufficere quidem in causis fidei Apostolicæ Sedis judicium: Sed tamen convincendis hæreticis Patrum quoque suffragia ad-

mitti. *Tertio*. Concludit P. Alexander, Pontificum Decreta in causis fidei non prius rata & certa esse, quàm à Concilio confirmantur.

Resp. Tam falsa hæc est Conclusio, quam falsa sunt principia, ex quibus illa deducitur, & quæ jam suprà confutavimus. Imò tantum abest, ut Decreta Pontificum à Concilio confirmari debeant, ut potius certissima sit regula, & millies à Patribus repetita, videlicet: *Concilia à Pontifice Romano non confirmata nullius valoris esse*. Et id ipsum confirmant, quæ de Concilio Chalcedonenſi hætenus dicta sunt, videl. *Leonem præscripsisse Concilio, quid definiri, quid non definiri oporteret; Concilij Decreta alia confirmasse, alia improbasse; in causis Fidei sufficere Pontificis Rom. sententiam*. Quod si Pontificis Decreta non prius valida & rata sunt, quàm à Concilio Oecumenico confirmantur, quid rogo plus habent Decretis cujuslibet Episcopi? & ubi est illud tam à Patribus declamatum Romanæ Sedis privilegium in causis fidei decidendis? Et hæc sufficiant pro Infallibilitate Pontificis ex Chalcedonenſi Concilio excerpta.

VIII. Anno CCCLXXXIII. Prorupit hæresis Petri Cnaphæi, qui non solum Eurychianus hæreticus, sed etiam Apollinarista, atque Sabellianus erat, sicque ob hæresin ex tribus hæresibus constatam merito Hæresiarcha appellatus est; hunc à Felice III. in Synodo Romana damnatum esse, totâque Ecclesiâ proscriptum, & simul insigne Infallibilitatis Romanæ argumentum editum esse ex sequentibus patebit. Evagrius hæc habet: (a) *Mittuntur à Felice ad Zenonem Imperatorem Vitalis, & Misenus Episcopi, ut ejus auctoritate tum Concilium Chalcedonenſe firmarent, tum Petrus ut hæreticus Episcopatu pelleretur, tum denique Acacius mitteretur ad ipsum Felicem, rationem de rebus, quas Joannes ei objectasset, redditurus*. Idem Evagrius cap. 20. (b) *Quod quidem Romanum Concilium, quæ sequuntur, de Petro pronunciavit: Petrum hæreticum jam pridem sententiâ sacre Sedis Apostolica condemnatum, interdictum Ecclesiâ, & anathemate multatum Ecclesia Romana non recipit*. Et ipsa Synodus Romana: (c) *Successor Prasulum Sedis Apostolica caput est omnium, Domino ad B. Petrum Apostolum dicente: Tu es Petrus, & super hanc Petram edificabo Ecclesiam meam; quam vocem sequentes sancti Patres apud Niceam congregati confirmationem rerum, atque auctoritatem sanctæ Romanæ Ecclesiæ detulerunt, quam utramque usque ad ætatem nostram successiones omnes Christi*

gratiâ

(a) Evag. lib. 3. cap. 18. (b) Idem l. 3. c. 20. (c) Inter epistolâs Felicis epist. 4.

gratia præstante custodiunt. Ut intelligas, quæ de Canone Nicæno Synodus Romana hic memorat, sciendum est, tribus locis de Romani Pontificis Primatu Canones Nicænos loqui, juxta diversas editiones, videlicet canone 6. canone 19. & canone 40. Quamvis enim Rufinus, communisque sententia tantum viginti Canones numeret, gravissimæ tamen rationes sunt, quæ persuadent plures, hoc esse usque ad 70. fuisse: tum quia acta Concilij Nicæni ab hæreticis Arrianis flammis corrupta sunt, tum quia Julius I. epistolâ ad Orientales, quam S. Athanasius citat Apologiâ 2. meminit Canonis 71. ubi de appellationibus ad Romanum Pontificem agitur. S. Hieronymus contra Luciferianos agens de rebaptizatione meminit Canonis 31. 32. 34. 35. 36. S. Augustinus epistolâ 100. Canonis 48. in versione Turriani, & in versione Abrahami Euhelenis canonis 52. & canonis 54. S. Leo PP. Primus epistolâ ad Theodosium 24. ubi agit de Appellatione Flaviani, Canonis 71. Et denique multa apud antiquos scriptores in Nicæna Synodo constituta esse leguntur, quæ modò in vulgatis Canonibus reperire non est; ut adeò certum sit, multò plura in Synodo Nicæna decreta esse, quam viginti Canones complectantur. Sed quidquid de hoc sit, sextus saltem Canon Nicænus indubitatæ fidei est, quantumvis & hunc, prout modò in Tomis Conciliorum legitur, esse corruptum, nec eam sententiam reddere, quam antiqui Patres repræsentant, certum sit; is enim Canon, prout in vulgatis exemplaribus legitur, comparisonem tantum instituit quoad Patriarchatum inter Pontificem Romanum & Episcopum Alexandrinum, ut videlicet hic intra terminos sibi à Synodo assignatos, Ægyptum videlicet, Pentapolim, Lybiâque eandem Patriarchalem potestatem exerceat, quam Romanus Pontifex intra suum Patriarchatum, cujus quidem nullos terminos Nicænum Concilium assignat. At verò lapsis retrò temporibus multò plura hic Canon continebat, Primatum videlicet, & judicariam universalem Pontificis potestatem. Bonifacius (a) enim primus epistolâ 9. ad Episcopos Thessaliæ: *Institutio, inquit, universalis Ecclesiæ de Beati Petri sumpsit honore principium, in quo regimen ejus & summa consistit. Nicæna Synodi non aliud præcepta testantur, adeò ut non aliquid super eum suæ ausa constitueret.*

E c 3

(a) Obijt anno 422.

stitueret, cum videret nihil supra meritum suum posse conferri; omnia denique huic moverat Domini sermone concessa. Nota, ne quidem Concilium Nicænum, quamvis omnium celeberrimum, quamvis circa Alexandrinum, Antiochenum & Hierosolymitanum Patriarchas multa constituisset, non tamen circa Romanum Pontificem, & quam ob causam? nisi quodd agnosceret, omne Concilium, quantumvis Oecumenicum, infra Pontificem esse? Stephanus V. (a) *An ignoras, inquit, quid in prima Nicæna Synodo presidente ibi Constantino B. Sylvestro Papa de non judicando supremo Throno per Legatos pronuntiârit?* In Concilio Chalcedonenſi actione 16. Paschasius Episcopus, & Leonis Legatus hæc habet: *Trecentorum decem & octo Patrum canon sextus: Quod Ecclesia Romana semper habuit Primatum; teneat autem & Ægyptus, ut Episcopus Alexandrinus omnem habeat potestatem &c.* S. Leo IX. epist. 1. ad Michaellem Patriarcham: (b) *Beatissimo & Apostolico Pontifice Sylvestro divinius decernente, spiritualique ejus Filio Constantino cum universa Synodo approbante ac subscribente, ut Prima Sedes à nemine judicetur.* S. Gelasius I. Tract. adversus Græcos: (c) *Quâ ratione vel consequentiâ alijs Sedibus deferendum est, si prima Beatissimi Petri Sedes antiqua & vetusta reverentia non deseritur, per quam omnium Sacerdotum dignitas semper est roborata, atque firmata, trecentorumque decem & octo Patrum invicta & singulari judicio vetustissimus judicatus est honor?* Constat ex Patrum testimonijs, multò ampliorẽ fuisse Concilij Nicæni de Romano Pontifice sententiam, quam quæ modò in vulgatis Canonibus habetur.

Anno CCCXCIII. Gelasius Papa in Synodo Romana septuaginta Episcoporum, quinam libri sint Canonici, quinam verò apocryphi (hoc est, aut dubiæ, aut malæ fidei, aut erroribus aspersi) definit, sicque lapidem fundamentalem veræ Religionis ponit; quidenim certi in fide Catholica, si incertum sit, quodnam sit verbum DEI? Claudit Gelasius hoc Decretum de libris Canonis his verbis supremam auctoritatem indicantibus: *Hec omnia & his similia non solum repudiata, verum etiam ab omni Romana, Catholica & Apostolica Ecclesia eliminata, atque cum suis auctoribus sub anathematis indissolubili vinculo in æternum consuemur esse damnata.* In eodem Decreto hæc habet Gelasius: *Sancta Romana, Catholica & Apostolica Ecclesia nullis Synodis constitutis cæteris Ecclesijs prælata est, sed Evangelicâ voce Domini & Salvæ*

(a) Obijt anno 817. (b) Obijt anno 1054. (c) Obijt anno 496.

Salvatoris nostri Primatum obtinuit. Et infra: Eadem Sancta Romana Ecclesia post illas veteris & novi Testamenti etiam has suscipi non prohibet scripturas, videl. Sanctam Synodum Nicenam, trecentorum decem & octo Patrum, sanctam Synodum Constantinopolitanam, sanctamque Synodum Ephesinam. Nota ea verba; etiam has suscipi non prohibet scripturas &c. Quibus manifestum est, Papam esse supra Concilium, nec ullum esse Concilium tam Oecumenicum, tam sanctum, quod ex Pontificia approbatione non pendeat; cujus enim est prohibere, nisi superioris? & quomodo prohiberi possit à Pontifice, quod à Pontificis potestate non pendeat? Prohibebit miles Ducis Imperium recipi, Senator Imperatoris?

Anno DXXXIV. Cùm Justinianus Imperator ad Joannem II. Rom. Pontificem splendidam Legationem misisset, rogarétque, ejus Decreto definiri, an salvâ fide Catholicâ admitti hæc propositio posset, videl. *Unus de Trinitate passus est?* Joannes habitâ Romæ Synodo definivit, posse. Quamvis enim Hormisdas Papa aliquando eas voces novitatis suspectas, & ab Eutychianis repertas (tacebant enim nomen *Persona*, & tantum *Unum* dicebant, quod æque de *Unitatis natura* intelligi poterat) vetuisset; mutatis tamen personis, submotoque periculo, ad confundendos Nestorianos (qui negabant, unam esse in Christo personam) Joannes Papa definivit, posse eam propositionem admitti. Hâc occasione insigniter quoque Primatus & Infallibilitas Pontificia emicuit; nam in Epistola, quam Justinianus Imperator ad Joannem Pontificem scripsit, hæc habentur: *In presenti, qua commota sunt, quamvis manifesta & indubitata sint, & secundum Apostolica Vestrâ Sedis doctrinam ab omnibus semper Sacerdotibus firmiter custodita & predicata, necessarium tamen duximus, ut ad Vestrâ Sanctitatem perveniat, nec enim patimur quidquam, quod ad Ecclesiarum statum pertinet, quamvis manifestum & indubitatum sit, quod movetur, ut non etiam Vestrâ innotescat sanctitati, quæ caput est omnium Ecclesiarum.* Fatetur hic palam Justinianus: *Quæ ab Apostolica Sede decreta sunt, ab omnibus semper Sacerdotibus firmiter custodita & predicata esse; quod omnino Infallibilitatem arguit, alioquin quæ causa esset, ut ab omnibus reciperentur, & firmiter custodirentur Pontificum Decreta?* Et infra in eadem epistola: *Omnes Sacerdotes Sancta Catholica & Apostolica Ecclesia sequentes Sanctitatem Vestrâ, & custodientes statum & unitatem DEI Ecclesiarum, quam habens ab Apostolica Vestrâ Sanctitatis*

Sede, nihil penitus immutantes de Ecclesie statu. Joannes verò Papa in Responsoribus ad Justinianum: ipsos (hoc est Acœmeres Eutychianos) minime in nostra Communione recepimus, & ab omni Ecclesia Catholica esse iussimus alienos, nisi errore damnato doctrinam nostram quantocius sequerentur. Equum quippe est, ut qui nostris statutis non præstant obedientiam, Ecclesijs habeantur extorres. At quomodo æquum, ut qui non obedit Apostolicæ Sedis Decreto, ab Ecclesia habeatur extorris, si errare Sedes Apostolica potest? Nemo enim cæcam hanc & necessariam obedientiam debet incerto Duci. Quid ergo ex sententia Joannis meriti sunt, qui Innocentij XI. Decretis non tantum non obtemperârunt, sed etiam ejus auctoritati bellum intulere? Idem Justinianus aliâ ad Hormisdam Papam Epistolâ: Hoc enim credimus esse Catholicum, quod Vestro Religioso responso nobis fuerit intimum. Credebat utique Justinianus, Papam esse infallibilem; alioquin falsum esset, id esse Catholicum, quod Papa pronuntiat.

Anno DCXLVIII. Theodorus Papa hæresin Monothelitarum, ejusque præcipuos auctores ante omne Oecumenicum Concilium damnat; sic enim Anastasius in vita Theodori: Sanctissimus Papa Theodorus scripsit Paulo Patriarchæ, sed cum non posset à suo conamine revocare, justè ab Apostolica Sede depositionis Sententiâ percussus est. Theophanes ad annum 20. Heraclij Imperatoris: Theodorus plenitudine convocatâ Ecclesia (hoc est Synodo Romanâ) ad Sepulchrum verticis Apostolorum accessit, & divino calice expostulato, ex vivifico sanguine in astringentium sultavit, & nâ propriâ manu depositionem Pyrrhi fecit.

Anno DCXLIX. Celebrata est Synodus Romana, in qua Martinus Papa hæresin Monothelitarum damnavit, & insignia quoque Pontificiæ Infallibilitatis exempla prodita sunt. Sic enim epistolâ II. ad Hierosolymitanum & Antiochenum Episcopos Martinus loquitur: Nos verò, id est, hujus sanctæ Sedis Pontifices ad custodiam domus pervigiles non permisimus eos Fidei thesaurum surripere, sed ipsos catenis impia & adulterina eorum doctrina constringentes accuratâ demonstratione, & examinatione eorum, quæ ab ipsis contra integritatem fidei scripta sunt, tum ipsos, tum ea, quæ impie docuerunt, igne Canonica sententia velut mala Zizania exurentes Synodali ter condemnâvimus. Idem Martinus epistolâ 13. enarrans, quæ sibi acciderant Constantinianâ Basilicâ exeunti, Calliopa (qui ad eum trucidandum missus fuerat) pro foribus stante

stante : *Cum, inquit, exirem ab Ecclesia, in qua exercitus me cum armis constrinxerat, clara voce dixerunt : anathema habeat, quisquis dixerit vel crediderit, quia Martinus usque ad unum apicem fidem mutavit, aut mutaturus sit.* Hic aperte Ecclesia Romana agnoscit & profitetur, non posse Pontificem fidem mutare, & consequenter infallibilem esse; sunt enim termini æquivalentes, esse infallibilem, & esse in vera Fide immutabilem. Et Secretario secundo Synodi Lateranensis Maurus Episcopus Cæsenas : *In his qua moventur, & contra Patrum Orthodoxorum Decreta proponuntur, me non aliter sentire, nisi quomodo sancta vestra Apostolica doctrina & orthodoxa tenet Ecclesia, profiteor.* Agnoscit ergo infallibilem esse doctrinam Apostolicæ Sedis; alioquin quâ conscientia dicere posset, se credere, quod Papa credit? non esset hoc inniti super baculo cundineo? nec Fidem divinam, sed humanam & fallibilem profiteri, quippe humano ac fallibili judicio nixam? non est hoc credere, sed opinari, nec supra Petram, sed super arenam ædificare. Si falli potest Papa, ergo & falli potest, qui credit, quod credit Papa; sed vera fides falli non potest. Eodem Secretario 2. Sophronius Stephanum Dorilensem ita alloquitur : *Quantocyus ergo ex sinibus terre ad terminos ejus deambula, donec ad Apostolicam Sedem pervenias, ubi Orthodoxorum dogmatum fundamenta existunt, & non quiescas instantius petens, atque exorans, donec ex Apostolica prudentia, qua in DEO est, ad victoriam judicium perducere debeant, & noviter introductorum dogmatum destructionem.* Fierine potest, ut in Sede Romana sint Orthodoxorum dogmatum fundamenta, si Sedes Romana in rebus fidei falli potest? Contra fundamenta fidei ne portæ quidem Inferi possunt prævalere, quomodo error & ignorantia prævalebunt? aut ergo falsum est, quod Sophronius profitetur, quodque Synodus tacendo approbat; videl. *In Sede Romana Orthodoxorum dogmatum fundamenta reperiri*; aut falsum est, Papam errare posse, repugnat enim, esse fidei fundamentum, & labi posse.

Anno DCLXXX. Romæ ab Agathone PP. Synodus celebrata est, in qua, sicut & in sequenti Oecumenica, quæ fuit sexta Constantinopolitana, multa Pontificæ Infallibilitatis argumenta & testimonia prodita sunt, quæ hic breviter libabimus. Agatho igitur epistolâ ad Constantinum & Fratres Imperatores ex Synodo Romana hæc habet : *Cujus, (B. Petri) adniten- te præsidio has Apostolica ejus*

Ecclesia nunquam à via veritatis in qualibet erroris parte deflexa est, cujus auctoritatem usque Apostolorum omnium Principis semper omnis Catholica Ecclesia, & Universales Synodi fideliter amplectentes in cunctis secula sunt, omnesque venerabiles Patres Apostolicam ejus doctrinam amplexi, per quam & probatissima Ecclesia luminaria claruerunt, & sancti Orthodoxi Doctores venerati sunt, hæretici autem falsis criminationibus ac odijs infecuti. Et infra: Hæc est vera Fidei regula, quam & in prosperis, & in adversis vivaciter tenuit ac defendit hæc spiritualis mater vestri tranquillissimi Imperij, Apostolica Christi Ecclesia, quæ per DEI omnipotentis gratiam à transiit Apostolica traditionis nunquam errasse probabatur, nec hæreticis novitatibus depravata succubuit. Quid rogo dici poterat, quod magis Pontificiam Infallibilitatem probaret? Fac, me Romæ in ea Synodo largis stipendijs Advocatum fuisse; num poteram aliquid accommodatius & efficacius dicere? Nunquam à via veritatis deflexit, nunquam erravit, nunquam Universales Synodi ab ejus doctrina discessere, nunquam Patres ejus dogmata non sunt amplexi, nunquam à tramite Apostolicæ traditionis secessit. Quid est, esse Infallibilem, si hoc non est?

Dices, Agatho de præterito loquitur, non de futuro; dicit, nunquam errasse, non verò, nunquam erraturos Pontifices; & quid, si addam, Agathonem errasse, quando dixit, Pontifices errare non posse.

Resp. Ratio Agathonis omne tempus, præteritum & futurum complectitur; quodd enim nunquam erraverit, rationem hanc affert, quia videl. Petri Confessio à DEO revelata est; quia spirituales oves Ecclesia ternâ commendatione à Domino pascendas suscepit; quia Christus Petro dixit: Ego pro te rogavi, ut non deficiat fides tua. Quæ rationes omne tempus complectuntur; numquid enim pro aliquo tantum tempore Christus Petro oves commendavit, & non semper? & pro aliquo tantum tempore pro Petro rogavit? Quodd si Sedes Romana, quando Ethnici Imperatores ferro & flammâ in eam grassabantur, quando Arriana, Pelagiana, Nestoriana, Eutychiana hæreses impietate & potentiâ armatæ eam impellebant; quando inquam tot erant errandi causæ, nunquam tamen erravit; quis credat, erraturam, quando errandi causæ cessarunt? Stetit, cum quateretur, non stabit, cum quies est? non cessit adversis ventis, cedet, aut mergetur secundis? & cum lubricum & glaciem calcarer, erecta tamen

tamen & immota processit, nutabit nunc, cadérque plano & flo-
rente itinere? Millies ergo cecidisset, si cadere posset; nunc autem
ideò non cecidit, quia non potuit, sustinente videlicet Christo:
Et innixa super dilectum. Quanquam nec argumentis opus est, cum
ipse Agathò objectioni occurrat, & Sedem Romanam non tantum
nunquam errasse, sed ne quidem errare posse apertè dicat; sic enim
pergit: *Sed ut ab exordio Fidei Christiana percepit ab auctoribus suis, Apostolo-
rum Christi Principibus, illibata finctenus permanet secundum ipsius Domini
Salvatoris divinam sollicitationem: Ego autem pro te rogavi, ut non deficiat fides
tua.* Nota ea verba, quæ omnem cavillationem præcidunt, videl.
Illibata finctenus permanet. Néque hæc solius sunt Agathonis verba,
sed totius sextæ Synodi, quæ Agathonis epistolam instar oraculi
habuit, ut videre est in actis ejusdem Synodi. Idem Agathò in
epistola Synodali ad Patres Oecumenicæ Constantinopolitanæ, Le-
gatos se quidem mittere, qui Synodo universali assistant, ita ta-
men, ut nullo modo permittat, quæ ab ipso Agathone definita
erant, in dubium aut disputationem vocari, multò minùs inverti;
quod quid aliud est dicere, quàm Pontificem in rebus fidei deci-
dendis & infallibilem esse (cum ne quidem in Concilio Universali
disputari de ijs debeat, quæ semel ipse deciderit) & omni Concilio
superiorem, cum Concilio imperet, præscribâtque, quid credere
debeat? Sed audi ipsum Agathonem in Epistola suis ad Concilium
Legatis data: *Personis autem de nostra humilitati Ordine prævidimus diri-
gere, quæ omnium nostrum suggestionem, in qua & Apostolica nostra fidei conse-
sionem prælabavimus, offerre debeant; non tanquam de incertis contendere, sed ut
certa &que immutabilia compendiosâ definitione proferre.* Et iterum: (a)
Porritoribus testimonia aliquorum Sanctorum Patrum, quos hæc Apostolica Christi
Ecclesia suscipit, cum eorum libris tradidimus, ut ex ijs dumtaxat satisfacere stu-
deant. Licentiam proinde eis, sive auctoritatem dedimus apud tranquillissimum
Vestrum Imperium simpliciter satisfaciendi, in quantum eis dumtaxat injunctum
est, ut nihil profectò præsumant augere, nihil minuire, sed traditionem hujus Apo-
stolicæ Sedis, ut à Prædecessoribus Apostolicis Pontificibus instituta est, sincerè enar-
rare. Vides hic iterum, Pontificem Concilio præscribere, quid
credere, quid definire debeat, aut non debeat; imò prohibere, ne
ijs, quæ ipse definierat, addatur aliquid, aut minuat.

F f 2

aliud,

(a) V. Baron. ad ann. 681. n. 21.

aliud, quàm Papam esse infallibilem? nam si falli, si errare potest, cur non possit corrigi & emendari, ejusque doctrinæ addi aliquid, detrahique?

Anno DCLXXXII. Constantinopoli celebrata est Synodus quini sexta (sic dicta, quòd Canones in quinta & sexta Synodo omisso supplemento) in qua centum & tres Canones sanciti, sed quam plures contra Ecclesiæ antiquam disciplinam, adeò ut Romani Pontifices nunquam eam comprobare voluerint. Nihil à Græcis Imperatoribus actum non est, ut Pontificis consensum impetrarent, sed irritò semper, & inani conatu. Audi Anastasium in Sergio: *Compellebatur autem & ipse Sergius subscribere, sed nullatenus acquievit, pro eo quod quedam capitula extra ritum Ecclesiasticum fuerant in eo adnexa, quæ & quasi Synodaliè definita & in sex tomis conscripta à tribus Patriarchis, hoc est, Alexandrino, Constantinopolitano, & Antiocheno subscripta, manùque Imperiali firmata in hac Romana urbe ad confirmandum vel in superiori loco subscribendum Sergio Pontifici utpote Capiti omnium Sacerdotum direxit, qui Beatissimus Pontifex penitus eidem Justiniano Augusto non acquievit, nec eosdem tomos suscipere, vel lectione pandere passus est, porrò eos ut invalidos respuit, atque abiecit, &c.* Mortuo Sergio idem Justinianus Joannem Pontificem, missà legatione enixè ardentèrque, sed frustrà pro Confirmatione rogavit. Repetitæ preces apud Constantinum Pontificem, imò is propterea Constantinopolim accersitus, sed æquè frustrà, nullòque successu. Jam quæro, quid causæ fuerit, ut tanto studio ac toties repetitis vicibus consensus Romani Pontificis peteretur, cum jam quatuor Patriarcharum præcessisset, isque sufficere videri posset; nisi quòd scirent Græci, quod Romanus Pontifex probavisset, à toto Orbe probatum iri: quod improbasset, irritum & inane futurum? ut planè ea Synodus irrita fuit, ac communi Ecclesiæ voto erratica est appellata.

Anno DCCXXVI. Gregorius II. Iconoclastarum hæresin anathemate primus configit, celebratà Romæ Synodo. Audi Zonaram: *Gregorius, qui tunc Romæ Ecclesiam gubernabat, repudiatà societate Presidis novæ Romæ Leonis scilicet Imperatoris, nec non eorum, qui illum sequebantur, Synodico anathemate perstrinxit.*

Anno DCCLXXIII. Teste Anastasio Gregorius III. collectà Romæ Synodo 93. Episcoporum decrevit: *Ut si quis deinceps antiqua consuetudi-*

nis & Apostolica Ecclesia fidelem usum contemnens adversus eandem venerationem sacrarum Imaginum depositor atque destructor, & prophinator, vel blasphemus extiterit, sit extorris à corpore & sanguine Domini nostri JESU Christi, vel totius Ecclesiæ unitate atque compage. Idem anathema repetitum est contra Iconoclastas à Stephano Papa IV. anno 768. in Synodo Romana.

Anno DCCLXXXVII. Celebrata est pro sacrarum Imaginum cultu secunda Oecumenica Synodus Nicæna, in qua egregia iterum & invicta testimonia pro suprema Pontificis Romani auctoritate & infallibilitate: nam Hadrianus I. Pontifex maximus missis ad Imperatorem Constantinum, sacrâque Synodum Legatis, additisque litteris, *primò* negat ullum dubitandi locum amplius superesse, postquam cultus sacrarum Imaginum à Pontifice Romano definitus, receptusque sit. *secundò*, modum legesque Concilio præscribit, quas in definienda hac causa fidei necessariò observare debeat. *tertiò* vetat, ne ab ijs, quæ Romani Pontifices olim decreverant, removeri se patiantur. *quartò*. Primarij Concilij Patres, imò tota Synodus tanquam de re necessaria interrogantur, velintne epistolam dogmaticam Hadriani recipere, an secus? *Quintò*. Legatis præcipitur, ut si Synodus parere & acquiescere nolit Romani Pontificis sententiæ, continuò Romam revertantur, nec Synodo assistant. Amabò quid amplius velis, quo constet Pontificem esse Synodo superiorem, & posse ante omnem Synodi sententiam causas fidei definire, nec à Synodo pendere, sed hanc potius à Romano Pontifice? sed audi ipsa Synodiacta; Hadrianus in epistola ad Augustos: *Vos autem maximè in traditione orthodoxæ fidei Ecclesiæ B. Petri, & Pauli Principum Apostolorum acquiescetis, eamque amplectemini, quemadmodum à superioribus Imperatoribus factum est, qui Vicarium ejus ex toto corde dilexerunt.* Et infra: *Hi siquidem Principes Apostolorum sunt, qui Catholicam Orthodoxam fidem auspiciant servandam præceperunt, omnibus scilicet, qui in sedes eorum successuri erant, & in fide eorum usque ad consummationem sæculi permansuri.* Nota hæc ultima verba, quibus aperte infallibilitas Pontificia palàm fit; si enim contra veram fidem docere aliquid possent, planè non permanerent usque ad consummationem sæculi in Petri fide. Et infra præscribens quid fieri, quid omitti à Synodo debeat: *Si verò impossibile est, ipsas sacras Imagines sine Synodi actione in pristino erigere ac confirmare stant; sicut in vestris fertur imperialibus*

justionibus; imprimis pseudosyllogus ille, qui sine Apostolica Sede enormiter, nequiter, irrationabiliter contra Sanctorum Patrum traditionem de sacris Imaginibus actus est, anathematizetur presentibus missis nostris; & tunc sicut antiquitus mos extitit, jurejurando vestra piissima ac tranquillissima potestas, unâ cum Domina Augusta seu ejusdem Regie Urbis Patriarcha, nec non & cuncto senatu corporale tribuentes sacramentum verbum Communionium, sicut antiquitus nobis dirigere vestra dignetur sacra Imperialis potestas, quod non est apud vos partis cuiuslibet favor, aut defensio, sed aequalitatem utrisque partibus conservabitis, nullatenus necessitatem facientes ijs, qui à nobis mittuntur, sed omni honore eos habebitis. Et siquidem utrique convenerint, ecce bene! sin autem minime convenerint, cum omni humanitate ad nos dirigere satagitis. Vides, nolle summum Pontificem Concilij Decretis adstringi, sed potius Concilium adstringere, ut obtemperet sententiæ à Pontifice Romano latae, quod nisi faciat, Legatos suos re infectâ domum remitti. Non dicit Hadrianus: Legati mei Concilio obtemperent, sed econtrâ: Concilium Legatis meis obtemperet, & nisi faciat, domum redeant. Judicium nunc feras licet, major sit Pontificis, an Concilij auctoritas, isto parente, illo imperante. Idem Hadrianus in epistola ad Tharasium Patriarcham: Cujus (hoc est B. Petri) etiam sedes per totum Terrarum orbem Primatum obtinens lucet, omniumque Ecclesiarum DEI caput existit, cui etiam velim Beata Vestra sanctitas ex sincera mente & toto corde agglutinetur, utpote, quæ sit reverâ recte sentiens, & pietatis incorrupte conservatrix. Hoc sacrificium primum DEO omnipotenti exhibeatur. Vestraque Beatitude piissimos nostros Imperatores supplicibus verbis admonerem, ut Ecclesia nostra vestigia sequentes, & servantes traditionem hujus sanctissima nostra Romana Ecclesia &c. Postèrne Hadrianus tam intrepidè asserere, Romanam sedem esse incorruptam Conservatricem vera fidei, si corrumpi, si fidem dissipare possit? Posset tam prædenter hortari Imperatores, ut Romanæ doctrinæ agglutinentur, ut ejus vestigijs insistant, si ducere in errorem possunt?

Actiōne secundâ ejusdem Oecumenicæ Synodi Legati Apostolici primùm Tharasium Patriarcham, postea totam Sacram Synodum his verbis interrogant: Dicat nobis sacra Synodus, num recipiat sanctissimi Papæ Veteris Romæ litteras, an secus? sancta Synodus respondit: sequimur, recipimus, approbamus. Quod si Synodus respondisset: Non sequimur, non recipimus, non approbamus: quid aliud Legati dicturi essent,

essent, quàm quod olim in Concilio Chalcedonensi actione, dixere, videlicet : *Si non consenimus epistole Apostolica Beatissimi Papa Leonis, jubete nobis rescriptam dari, ut revertamur.* Et planè Hadriani Legati, ut supra vidimus, in mandatis habebant, ut nisi Synodus Hadriani Decretis inhaereret, continuò Constantinopoli excederent, sicque Concilium dissolverent. Actione 6. Patres Conciliabulum Constantinopolitanum, quod Iconoclastæ pro septima Synodo venditabant, hâc ratione improbant : *Quia nullum habuit Cooperarium, Romanum Papam, neque illius Sacerdotes, neque per Vicarios, neque per Provinciales Literas, quemadmodum fieri in Synodis debet.* Nota confirmationem Romani Pontificis necessariam esse Synodis Oecumenicis, & esse non tantum meræ convenientiæ, sed debiti.

Anno DCCCLXIX. Cæpta est celebrari Constantinopoli octava Oecumena Synodus auctoritate Hadriani II. Papæ, in qua præclara omnino argumenta Auctoritatis, & Infalibilitatis Pontificiæ producta sunt; imò in ea expressis, conceptisque verbis definitum est, Papam à Concilio Oecumenico judicari non posse, sicque Papam Concilio non subiacere. Cùm Photius verus, non fabulosus Græciæ Phaëton, ausus esset sententiam & diras in Pontifice pronunciare, coactâ in Regia urbe Synodo; necessarium, nedum oportunum fuit, supremam Pontificis auctoritatem in Synodo Oecumenica universali Decreto sancire. Audi ergo, quàm multa & irrefragabilia in hac Synodo pro Romano Pontifice dicta sint. Nam *Primò* negant Legati, nec Concilium dissenit; se umquam (quantò minùs Romanum Pontificem) Concilij iudicio subiectos fuisse. Cùm enim rogarentur Legati Sedis Apostolicæ, mandatum exhibere Pontificis Hadriani, respondent : *Hoc nos non invenimus in Universali Synodo factum, ut Vicarij senioris Romæ à quolibet perpendantur, utrum talem habeant existimationem.* *Secundò* Actione 1. Hadrianus Pontifex Concilio imperat, præscribitque, quid fieri oporteat, & insuper libellum Patribus legendum proponit, cui omnes subscribere teneantur. Audi Hadrianum in epistola ad Basilium Augustum data, & in Synodo omnium approbatione perlecta : *Volumus, inquit, numerosum Concilium Constantinopoli celebrare, cui nostri missi Praesidentes, & cuspares, Personarumque diffidamus liquido cognoscemes, juxta quod in mandatis acceperunt.* In quo sacra-
Catus

Cæru execranda vanitatis Concilij, quod adversus hanc sedem actum est, cuncta decernimus exemplaria igne cremari, nec superesse apud quemlibet vel unum jota, nisi quis totius Clericatus, imò totius nominis Christiani anathemate percussus cavere voluerit. Et paulò post recitatur libellus Hadriani, cui omnes sub scribere tenentur, qui sic habet. Anathematizamus omnes hæreses simul cum Iconomachis. Anathematizamus etiam Photium, donec Sedis Apostolica sanctionibus inobediens perseverans ejus sententiam tam de se, quam de Patriarcha nostro Ignatio spreverit, & Conciliabuli acta, quod se auctore contra Sedis Apostolicæ voluntatem congregatum est, anathematizare distulerit. Sequimur autem sanctam synodum, & amplectimur, quam Beate recordationis Papa Nicolaus, cui & ipse coangelice Papa Hadriane subscripsisti, simul & quam tu ipse egisti, & omnia, quæ in ea statuta sunt secundum decreti vestri moderationem venerabiliter conservabimus, recipientes, quos recipiunt, & damnantes, qui in illis damnati sunt. Sancta Synodus dixit: Omnibus placet libellus à sancta Romana Ecclesia expositus. Et tertia Epistola Hadriani ad synodum: Romanorum Pontificem de omnium Ecclesiarum Prasulibus judicasse legimus, de eo verò quemquam judicasse non legimus. Licet enim Honorio ab Orientalibus post mortem anathema dictum sit, sciendum tamen, quia fuerit de hæresi accusatus, propter quam solum licitum est minoribus majorum suorum motibus resistere; quamvis & ibi nec Patriarcharum, nec cæterorum Antistitum cuspiam de eo quamlibet fas fuerit sententiam proferre, nisi ejusdem primæ Sedis Pontificis consensus præcessisset.

Actiōne 4. & 10. recitatæ sunt epistolæ Nicolai I. Pontificis, summisque laudibus celebratæ. Hic verò Nicolaus epistola ad Michaelē Imperatorem: *Non ergo dicat vos in causa pietatis Ecclesia Romana non eguisse, quæ collecta Concilia sua auctoritate firmat, & sua moderatione custodit. Unde quedam eorum, quia consensum Romani Pontificis non habuerunt, valetudinem perdiderunt. Et in eadem epistola §. sed hinc tandem: Patet profectò Sedis Apostolicæ, cujus auctoritate major non est, judicium à nemine fore retractandum, neque cuiquam de ejus liceat judicare judicio. Idem Nicolaus in Romana Synodo: Si quis dogmata, mandata, interdicta, sanctiones vel decreta pro Catholica fide, pro Ecclesiastica disciplina à Sedis Apostolicæ Prasule salubriter promulgata contempserit, anathema sit. Idem Nicolaus in libello paulò ante citato, & cui nisi subscripsisset, nemo ab Hadriano ad Concilium admittebatur, quique propterea in Canonem à sacra Synodo admissus est. Postquam Nicolaus*
Primatum

Primum Summi Pontificis multis ostendisset, tandem subdit: *Tu es Petrus, & super hanc Petram edificabo Ecclesiam meam. Hæc quæ dicta sunt, rerum probantur effectû, quia in Sede Apostolica est unmaculata semper Catholica reservata Religio, & sancta celebrata doctrina.* Hæc verba infallibilitatem Pontificiam omninò convincunt, si enim Pontifex Romanus aliquando ex cathedra hæresin docuit, falsum est, in Sede Apostolica unmaculatam semper reservatam fuisse catholicam Religionem. Idem Nicolaus epistolâ 8. ad Michaëlem Imperatorem: *Nulla regula, nulla consuetudo demonstrat Sedis Apostolicæ semel prolatam sententiam ipsâ non annuente posse mutari.* Ergo infallibilis est, si enim falli posset, mutari posset, corrigique. Sed omnium apertissimè Papam omni Concilio superiorem esse, & consequenter infallibilem, definitum est in Canone 21. (in alijs editionibus est 13.) ejusdem octavæ Oecumenicæ Synodi, ubi hæc leguntur: *Porro si Synodus Universali fuerit congregata, & facta fuerit etiam de sancta Romana Ecclesia quadam ambiguitas & controversia, oportet venerabiliter, & cum convenienti reverentia sciscitari, & solutionem accipere, aut proficere, aut profectum facere* (alia versio habet, licebit eum decenti reverentiâ de proposita quæstione cuncta percunctari, responsûmque admittere, vel utilitatem admittere vel dare) *non tamen audacter sententiam dicere contra Summos Senioris Romæ Pontifices.* Hic apertis, clarisque verbis Patres testantur, ne quidem Concilio Universali fas esse, sententiam in Romano Pontifice dicere, & consequenter hunc Concilio non subesse, ergo nec errare posse, alioquin si errare posset, à Concilio corrigendus, & huic subiectus foret.

Dices, Concilio tantum prohiberi, ne *audacter* contra Pontifices sententiam ferat. 32. Frivola & ridenda cavillatio! Concilium distinguit inter *sciscitationem* & *sententiam*, istam contra Romanum Pontificem non probat, illam admittit; atqui si tantum intelligatur audacia prohiberi, quis non videt non tantum audacem sententiam, sed etiam audacem interpellationem vetandam esse? nam audacia, sive interrogas, sive pronunties, æquè damnanda est. Deinde: nullum hoc esset Romani Pontificis privilegium; nec enim solus Romanus Pontifex, sed nec Episcopus, nec Clericus, nec laicus, imò nec latro, nec parricida, temerè & inconsultè damnandus est; quid ergo plus Pontifici tribuitur, quàm Clerico, quàm Laico, quàm Latroni, quàm Parricidæ? Gg

Anno ML. Leo Nonus in Synodo Provinciali Romanâ Berengarii hæresin damnat, sic enim Landfrancus scribit: *Tempore S. Leonis Papa delata est hæresis tua (Berengarium alloquitur) ad Apostolicam Sedem, qui cum Synodo præsideret promulgata est in te damnationis sententia, privans te Communione sanctæ Ecclesiæ &c.* Eadem hæresis in Concilio quoque Vercelleni præsentem eodem Leone iterum damnata est. Sed cum Berengarius ad vomitum iterum, iterumque rediret; sæpius quoque & à varijs Pontificibus ejus hæreses confixæ sunt, videlicet Leone IX, Victore II, Nicolao II, & Gregorio VII. Insigne verò est ejusdem sancti testimonium pro infallibilitate Pontificia, sic enim ad Petrum Patriarcham Antiochenum scribit: *Siquidem ab Apostolica tua sede nostram sedem consulendo perpendimus tuam Dilectionem nolle deviare à Dominico, & omnium Sanctorum Patrum concordia decreto, quo cuncti in toto Orbe terrarum Ecclesiæ sanctæ Romana & Apostolica Sedes caput præponitur, ad quam majores & difficiliore causa omnium Ecclesiarum definienda referantur. Sic omnia veneranda Concilia, sic leges humana promulgant, & sic ipse sanctus Sanctorum confirmat. Nimirum solus est Petrus, pro quo non deficeret fides ejus, Dominus & Salvator asserit se rogasse, quæ venerabilis & efficax Oratio obtinuit, quod hæc fides Petri non defecit, nec defecitura creditur in throno illius usque in sæculum sæculi. Nihil poterat Leo clarius dicere, tantoque majorem fidem ejus testimonium meretur, quod omnino cum ijs concordet, quæ iisdem ferè verbis S. Agatho professus fuerat, ac universali applausu Concilium sextum Oecumenicum exceperat. Credit Eminentissimus Aguirre (a) primum fuisse Leonem, qui processionem Spiritûs Sancti à Patre Filioque definierit. Primus enim invenitur Symbolo & Professioni fidei ad Petrum Patriarcham Antiochenum inferuisse, nam & anno 1054. Humbertum Legatum suum Constantinopolim misit ad Michaëlem Patriarcham Constantinopolitanum, Processionem Spiritûs Sancti negantem, & ab eodem Michaële excommunicatus est, quod Symbolo addidisset Filioque.*

Anno MLXV. Hæresis Incestuosorum nata est, quàm plurimi enim, imò teste Petro Damiano, multa millia Christianorum præ-

(a) V. Card. Aguirre Traët. 1. de auctor. infall. Rom. Pontif. d. 10. & tom. 2. Theol. S. Anselmi dist. 91. & 92.

præcipuè præpotentium in tertio gradu nuptias contrahcbant, quòd multorum Juris-Consultorum auctoritate ducti, gradus ex Justiniani præscripto numerarent, aded ut fratrem & fororem in secundogradu collocarent. Hanc Hæresin Alexander II. in Synodo Romana damnavit; sic enim loquitur in sententia Synodali: (a) *Taliter igitur determinatis gradibus consanguinitatis, Auctoritate vos Apostolica monemus, ut omnibus seriem Genealogiæ computandam intimetis, quemadmodum SS. Patres numerandam esse sanxerunt, & antiquus mos Ecclesiæ hactenus comprobasse monstratur.* Nam si quis perversâ & obstinatâ mente à recto tramite Apostolica Sedis deviare voluerit, & aliter quàm nos in nuptijs contrahendis gradus computare; primum pro sua temeritate cælesti penâ pleçitur: postmodum verò gladio perpetui anathematis se noverit esse jugulandum. Ad eundem Alexandrum Petrus Damianus contra insurgentem Simoniacam hæresin hæc scribit: (b) *Dignum est, ut Summo Pontifici patientis Ecclesiæ lasso nuntietur, ut nutantis fidei firmamentum, vel etiam ordo Religionis, qui confundi cæperat, instauretur.* Nova pro dolor hæresis orta est, cui nisi quantocius auctoritatis se vestra vigor objiciat, timendum est, ne ad Religionis Christianæ perniciem cancer feraliter serpat.

Anno M LXXXI. Obijt Gregorius VII. invictissimi animi Pontifex, & Regibus, cum quibus perpetuum ei bellum, formidandus. Multis Pontificiæ infallibilitati testimonia reliquit. Is enim in Dictatu suo canone 18. ita definit: *Sententia Papa à nullo debet retractari, & ipse omnium solus retractare potest.* Hanc Gregorij sententiam verissimam esse Ivo quòque Carnotensis Archiepiscopus profitetur, sic enim ad Johannem Archiepiscopum Lugdunensem scribit: *Non videtur nobis utile ad ea Concilia convenire, in quibus non possumus eas Personas, de quibus agitur (agebatur verò de Paschali Papa, qui privilegium tradendi Episcopis investituras Imperatori concesserat) judicare, vel condemnare, quia nec nostro, nec ullius hominis probantur judicio subjacere.* Sæpius hoc Ivo repetit, præsertim verò epistolâ 241. & 159. Sed multò maxime id confirmatum est in Concilio Quintileneburgensi, Anno M LXXXV. De quo ita loquitur Bertholdus ejus temporis scriptor: *Cum ergo omnes juxta suum ordinem consedisent, prolata sunt in medium Decreta Sanctorum Patrum de Primatu Sedis Apostolicæ, quòd nulli un-*

G g 2

quam

(a) Habetur e. ad Sedem Apostolicam 35. q. 4. (b) Habetur apud Baron. ad ann. 1065. n. 36.

quam liceat ejus judicium retractare, quod de totius Synodi professione laudatum, & confirmatum est. Vide, quæ in Regali Sacerdotio (a) de hac re diximus. Idem Gregorius VII. can. 26. *Catholicus non habetur, qui non concordat Romana Ecclesia.* Hoc quoque Gregorij effatum omninò concordare cum aliorum Patrum doctrina, præsertim verò SS. Ignatii, Hieronymi, Cypriani, Ambrosij, aliorumque, jam suprà ostendimus. Idem omninò est sensus S. Ivonis Archiepiscopi Carnotensis, sic enim scribit: (b) *Contra Apostolicam Sedem caput erigitis, dum quod illa edificat, vos in quantum in vobis est, destruitis, & quod illa destruxit, vos edificare contenditis, cujus judicij & constitutionibus obviare est hæretica pravitatis notam incurrere.* Nota hunc esse illum Ivonem, quem Præsules Gallicani in Conventu Parisiensi epistolâ ad Innocentium datâ mirificis laudibus in Cælum usque extollunt. Eadem sententia Adelberti Archiepiscopi Moguntinensis epistolâ 23. ad Ecclesiam Herbipolensem: *Noverit pro certo Dilectio Vestra, nos id ratum habere, quod Romana sanxit & determinavit Auctoritas, cujus terminos nec debemus, nec volumus transire, quia hæreticum esse constat, quisquis Romana Ecclesie etiam in tam justo judicio non concordat.*

Anno MCXL. Damnata est ab Innocentio II. hæresis Abailardi, qualis ea fuerit Bernardus his verbis explicat epistolâ 292. quæ est ad Guidonem de Castello: *Cum de Trinitate loquitur, Arrium sapit: cum de Gratia, sapit Pelagium: cum de Persona Christi, sapit Nestorium.* Ad hanc ergo hæresin, quæ paulatim per Galliam serpebat, perimendam, ita idem Bernardus Innocentium implorat: *Verum tu O successor Petri judicabis, an debeat habere refugium ad Sedem Petri, qui Petri fidem impugnât. Tu inquam amice sponsi providebis, quomodo liberes sponsam à labijs iniquis, & à lingua dolosa itaque ad consummationem Virtutum, & ne quid minus fecisse inveniamini à magnis Episcopis Antecessoribus vestris, capite nobis Pater amantissime vulpes, qua demolimur Vineam Domini.* Nec moratus Innocentius aquam gliscenti incendio affundere, coactâ Romæ Synodo novum hæresiarcham, novâque hæreses damnavit, sic enim ipse ad Henricum Senonensem Archiepiscopum, & S. Bernardum scribit: *Nos itaque, qui in B. Petri cathedra licet indigni residere conspiciamur, communicato fratribus nostrorum Episcoporum & Cardinalium consilio Universa ipsius Petri perversa dogmata Sanctorum Canonum Auctoritate cum suo Auctore damna-*

(a) Reg. Sacerd. lib. 2. §. 6. (b) S. Ivo epist. 8.

damnamus, eique tanquam hæretico perpetuum silentium imposuimus. Univerfos quoque ejus errores damnantes, eorum sectatores & defensores à fidelium consortio sequestrandos esse censuimus. Ad eundem Innocentium II. ita scribit S. Bern. Oportet ad vestrum Apostolatum referri pericula quæq; & scandala emergentia in regno DEI, ea præsertim, quæ de fide contingunt. Dignum quippe arbitror ibi potissimum rescirari damna fidei, ubi non possit fides detrimentum sentire; hæc quippe hujus prærogativa Sedis; cui enim alteri aliquando dictum est; ego pro te rogavi Petre, ut non deficiat fides tua? Hic manifestè Bernardus docet Pontifices Romanos in causa fidei errare non posse: si enim errare possent, ergo posset eorum fides detrimentum sentire (quid enim est aliud detrimentum fidei, quàm error fidei) at Bernardus hoc negat; imò hanc infallibilitatem inter prærogativas reponit Sedis Romanæ. In eadem Abailardi causa Rhemensis, SueSSIONENSIS, Catalaunensis, & Atrebatensis Episcopi ita ad Innocentium scribunt: Tuum est de cætero Beatissime Pater, ne in diebus tuis aliquà hæretica pravitas maculâ Decor Ecclesiæ maculetur, providere. Tibi commissæ est sponsa Christi amice sponsi: Tuum est tandem Unî viro Virginem castam exhibere Christo. Nec minùs nervosè Gotfridus Vindocinensis: (a) Si cuilibet retrahere placet, quod Romanus Pontifex facit, & in eum, qui soli Cælo innocentiam debet, os ponere præsumit, &c. Et epistolâ 30. Eodem spiritu, quo dicente & lex prima per Moysen data est, & per Christum secunda, sancta Apostolica Sedes Leges, quas Canones appellamus, dedit, & ipso inspirante exposuit. Si quis igitur Apostolica Sedi, quæ Leges Canonum dedit, in Canonum expositione contrarium sentit, non sapiens, quicumque est ille, sed desipit, & quia suo spiritu loquitur, non cultor vel expositor Divinæ Legis, sed insidiator vel oppressor indubitanter agnoscitur.

Anno MCXLVIII. A Romano Pontifice Eugenio III. in Concilio Rhemenfi hæresis Gilberti Porretani examinata & proscripta est. In qua causa aliqua contigere Pontificiæ infallibilitati apertè faventia. De illa hæc habet Otho Frisingensis: (b) Gilebertus cum quâdam die Conventionem de sua Diocesi Clericorum magnum celebraret, sermoni, quem sortè gratiâ exhortationis habebat, quædam de fide sanctissima Trinitati inseruit, & à duobus suis Archidiaconis Arnolde & Calone tanquam doctrinam instituens contrâ Catholicam Ecclesiam normam, ad summum Pontificis Romanæq; Sedis examen appellatione mediante vocatur. Fuisse verò hanc hæresin ab Eugenio III. damnatam testis est Gotfridus

Gg 3

in

(a) Epistolâ 17. (b) Otho Fris. de histor. Frid. lib. 1. cap. 46. & 47.

in vita S. Bernardi : (a) Ita demum, inquit, Apostolico iudicio, & auctoritate universalis Ecclesiae error ille damnatus est. Et Goufredus Monachus Cisterciensis : ibidem Dominus Papa auctoritate Apostolica de consensu totius Ecclesiae, qua convenerat, capitula ipsa damnavit, districtè præcipient, ne eundem librum legere, vel transcribere etiam sic reprobatum quis auderet, nisi priùs Romana Ecclesia eum correxisset. Illud quoque in hoc Concilio memoratu dignum contigit, videlicet S. Bernhardum una cum Galliæ Episcopis secessisse, Symbolum fidei contra Gilberti errores conscripturum; quod cum Cardinalibus innotuit, vehementer indignati sunt, quippe solius Romani Pontificis esse, Symbolum fidei fidelibus proponere, nec retrò temporibus ullum unquam Symbolum valuisse, nisi à Pontifice confirmatum. Eugenius ubi has querelas intellexit, facti rationem à Bernhardo exposcit; is verò modestissimè, ut sanctum decuit, respondit, agnovitque unà cum Præsulibus Gallis Symbolum fidei condere ad solos Romanos Pontifices pertinere; se verò, quid Ecclesia Gallicana crederet, scriptis complexum esse, relicta Pontifici auctoritate definiendi. Si ergo ex confessione Galliæ Antistitem, solus Pontifex est, qui fidei Symbolum condit, nec ullum Symbolum valet, nisi à Pontifice confirmatum: sequitur Pontificem in causis fidei esse infallibilem, quid enim magis ad fidem pertinet, quàm Symbolum fidei? & quid minus erroris expers est, quàm Symbolum fidei? alioquin tota Ecclesia errare potest, quæ id credit, quod Symbolo fidei continetur. Sed præstat audire acta ex historia Othonis Frisingani: Hoc Gallicana Ecclesia factum (Symboli videlicet confessionem) tam graviter, sacer Cardinalium Senatus accepit, ut cum magna indignatione curiam intraret, ac Pontifici suo diceret..... Quid fecit Abbatum, & cum eo Gallicana Ecclesia? quæ fronte contra Ecclesiam Romanam Præsumtum & apicem se erexit? Hac enim est sola, quæ claudit, & nemo aperit, aperit, & nemo claudit. Ipsa sola de fide Catholica disputare habens à nullo in hoc singulari honore præiudicium pati potest, sed ecce Galli isti tanquam definitiva sententia ultimam manum apponendo nobis inconsultis fidem suam scribere præsumperunt. Quin imò iuxta Antiquiorum exempla & instituta Romano servaretur examini terminandum. Eugenius, cum querelas benignè recepisset, ex Divo Bernardo rationem facti exposcit, à quo modestè responsum; Se vel Dominos Episcopos

(a) Goufr. in V. S. Bernardi lib. 3. cap. 5.

nihil de præfati Capitulo defuisse, sed simpliciter quid sentiret, exposuisse. Quam humili, quam modesto responso Cardinalium indignatio quievit, ita tamen, ut præfatum scriptum tanquam inconsultâ Curia prolatum, velut Auctoritatu ponderare carens pro Symbolo in Ecclesia, quod in Concilijs contra hæreses congregatis fieri solet, non haberetur. Vides hic iterum, & Divum Bernardum, & Ecclesiam Gallicanam verbis, factisque testari, potestatem condendi Symbolum fidei, tesseramque veræ Religionis penes solum Pontificem Romanum esse, nec ullius Symboli auctoritatem aliquam esse, nisi illo probante, quod ut supra diximus, certum est Pontificiæ Infallibilitatis argumentum.

Anno MCCCII. Celebratum est Viennense Concilium, in quo Petri Joannis hæreses (tres erant, videlicet, Christum adhuc viventem Lanceâ percussum: animam rationalem non esse formam Corporis: nullasque virtutes supernaturales in Baptismo infundi) damnatæ sunt, eademque occasione Pontificis Romani in rebus fidei decidendis auctoritas insigni testimonio asserta. Sic enim Pontifex in eodem Viennensi Concilio loquitur. Nos igitur Apostolica consideratione, ad quam duntaxat hæc declarare pertinet, aciem convertentes &c. Solius ergo Romani Pontificis officium & potestas est, ultimam sententiam in causis fidei proferre, & consequenter illi soli infallibilitas competit, nec Concilium contradixit.

Anno MCCCCLXXIX. Sixtus IV. Petri Osmanni Professoris Salmanticensis errores damnat. Ji erant, Confessionem non esse sacramentum, sed rem humanâ lege, non divinâ inductam: & Ecclesiam Romanam in hæresin prolabi posse. Sixtus hos errores hæresis notavit. Petrus verò palinodiam canens fidem suam in his verbis expressit: (a) *Consentio sanctæ Matri Ecclesiæ Romanæ, & Sedi Apostolicæ: & ore ac corde confiteor, illam me fidem tenere, quam Dominus Sixtus Papa auctoritate Apostolicâ & Evangelicâ tenet, & ammet, qui contra hanc fidem venerint, dignos aternâ damnatione pronuntio.*

Anno MDXXI. A Leone X. Pontifice Maximo damnati sunt, quos recens sparserat, ac Germaniæ intulerat, Lutheri errores. Verba Bullæ Leonis circa finem hæc sunt: *Auctoritate Omnipotentis DEI, & Beatorum Apostolorum Petri, & Pauli, & nostrâ præfatos omnes errores*
tanquam

(a) Vide Raynaldum ad hunc annum, & Constitutiones Sixti IV. in Bullariis

tanquam respectivè hereticos, aut scandalosos, & veritati Catholica obviantes damnamus, reprobamus, atque omnino rejiciamus; ac pro damnatis, reprobatis, atque reiectis ab omnibus Christi fidelibus haberi debere harum serie declaramus &c. Notandum verò est, fuisse ab eodem Leone X. Concilium Lateranense, quod Julius II. inchoarat, ad finem perductum; eique tanquam Oecumenico & sacrosancto Ludovicum XI. Galliarum Regem adhæsisse, ut habetur sessione 8. ac etiam Basileensi ac Pisano Conciliabulis expressis & conceptis verbis renuntiâsse. In hoc verò Lateranensi Concilio, quod Rex Galliarum pro legitimo & Oecumenico habuit, superioritas Papæ supra Concilia, ac consequenter infallibilitas in causis fidei sessione decimâ definita, multisque rationibus stabilita est; nec illi recitandæ immorari lubet, cum omnibus sit nota, & in Regali Sacerdotio (a) prolixè exposta.

Anno MDLXXIX. Gregorius XIII. Michaelis Baij Lovanienſis Universitatis Cancellarij septuaginta novem propositiones velut hæreticas damnavit; easque ipse Bajus operi Francisci Toleti postea Cardinalis recantavit sequenti anno. Quin & Nicolaus Magnienſis ex relatione Toleti addit, dixisse Bajum: *Malle se porcos pascere, quàm ulla in re Romani Pontificis judicio repugnare.*

Anno MDCLIII. Innocentius X. quinque Jansenij Propositiones hæreticas esse declaravit, atque anathemate inussit. Et quamquam Jansenius morte præventus, damnationi suæ haud supervixerit, certum tamen est ex ijs, quæ scripsit, cum Pontificiæ sententiæ tanquam infallibili acquieturum fuisse; sic enim tomo 2. sui Augustini l. 1. c. 29. scribit: *Mihi constitutum est, ad extremum usque Spiritum Romanam Ducem sequi Ecclesiam, & Beatissimam Petri in Romana Sede successorem.* Super illam hanc Petram edificatam Ecclesiam scio; quicunque cum illo non colligit, spargit, apud eum solum incorrupta Patrum servatur hereditas; quodcumque ab ista Petri Cathedra, ab isto Christi Vicario præscriptum fuerit, teneo. Quidquid improbatum, improbo; damnatum damno, anathematizatum anathematizo. Et libro 10. de gratia: *Quidquid de rebus tam multiplicibus, tam arduis, juxta mentem non meam, sed S. Augustini pronuntiavit, de Apostolica Sedis, Ecclesiæq; Romana Matris mea judicio, sententiæque suspendo; ut illud jam nunc teneam, si tenendum: revocem, si revocandum: damnem, & anathematizem, si damnandum & anathematizandum esse*

(a) Regale Sacerd. lib. 2. §. 5. n. 15.

esse judicaverit. En ingenuam Jansenij Professionem! legerat Augustinum totum tredecies, & libros de gratia contra Pelagianos vicesies; eloquentiâ, ingenio, Theologicis scientijs florebat, & tamen Romano Oraculo hæc omnia submittit: taceo, scribo, revoco, improbo, utcunque Romæ placuerit: quid amplius loqui poterat, ut Pontificis infallibilitatem satis testaretur? atque utinam Jansenistæ Jansenij sui modestiam imitentur; si enim eum Magistrum agnoscunt, ejusque doctrinam sequuntur, cur rogo, non æquè ejus humilitatem, modestiam, Romanæque Cathedræ observantiam? Cum Jansenio sentitis, esto; sed cur non æquè cum Jansenio paretis? an verò pudet vos ab eo discere virtutem, à quo didicistis errorem? Sed Jansenio imputantur, quæ Jansenij non sunt. Nimirum, cum Pius V. cum Innocentius, cum Alexander VII. & Clemens IX. Pontifices Jansenium damnârunt, innocentem, inauditumque damnârunt, & tam cæci erant, ut, quæ Jansenius scripserat, imò impresserat, non viderent, aut saltem tam improvidi, injustique, ut accusantibus crederent, nec probatâ causâ, nec reo convicto; præsertim cum tam faciliè calumnia notari posset, detegique, si videlicet, qui hæc Jansenium scripsisse dicebant, in Jansenio non ostenderent; quid enim magis obvium, magisque parabile argumentum, quàm Jansenium accusantibus dicere: *Si hæc Jansenius in libris docuit, ergò libros ostendite:* erit aliquis tam ineptæ mentis, qui credat Jansenium à quatuor Pontificibus damnatum, & tamen istorum nulli in memoriam venisse, ut peterent sibi ostendi, ubi hæc Jansenius scripsisset? & demus hoc quatuor Pontificibus excidisse, quid dicemus de tot alijs Doctoribus & Theologis, qui illis assidebant, dum hæc causa examinaretur? nemini illorum restam obvia, & tamen tam necessaria in mentem venerit? Sed fuerit Jansenius innocens, tantum errores ipsi damnentur, & cum illo faciliè in gratiam redibimus, quippe ut ostensum est, calamum, doctrinamque suam Romanæ sententiæ submisit. Cæterum damnatas Jansenij propositiones in illius Augustino reperiri dubitari vix potest. Nam prima damnata propositio totidem ferè verbis habetur *lib. 1. de statu Nat. lapsæ cap. 13. & l. 4. cap. 24.* Secunda propositio habetur *lib. 1. de gratia Christi cap. 1. & cap. 24. & cap. 25.* tertia propositio habetur *lib. 6. de gratia Christi cap. 6. & cap. 8.*

Quarta propositio habetur lib. 8. cap. 6. de hæresi Pelagiana, & ibidem cap. 7. & lib. 2. de gratia Christi cap. 12. & 25. & lib. 8. de gratia Christi cap. 3. & 15. & 19. Quinta quod Christus non sit pro omnibus mortuus lib. 3. de gratia Christi cap. 21. & fufius cap. 20. & l. 8. de hæresi Pelagiana cap. 26. & 31.

Sed quod hanc damnationem Jansenij spectat, illud præcipuè observandum est, non solum fuisse illam ab octoginta quinque Galliæ Episcopis ab Innocentio X. expetitam, summòque plausu exceptam; verum etiam ejus occasione à Gallicanis Episcopis Pontificiam Infallibilitatem enixissimè proclamatam; sic enim in epistola ad Innocentium data Anno 1653. loquuntur: *Majores causas ad Sedem Apostolicam referri solemniter Ecclesiam est, quem fides Petri nunquam deficiens perpetuo retineri pro jure suo postulat. Expertæ est nuper Beatitudo tua, quantum Apostolica Sedes in proligando gemino errore auctoritas valuerit: continuo sedata est tempestas, atque ad Christi vocem & imperium mare & venti obedierunt. Quamobrem flagitamus Beatissime Pater, ut clarâ firmâque prolata istarum propositionum sententiâ caliginem omnem discutias; animos fluctuantes componas, dissidia prohibeas, Ecclesiæ tranquillitatem reddas. Hæc Galliæ Pontificem: sentiebant ergo infallibilem, ejusque sententias ab omni errore exemptas esse; alioquin quomodo caliginem omnem discuterent, animos fluctuantes componerent, dissidia prohiberent? cum semper respondere Adversarij possent, quod modò Galli respondent, cum Romanis imperijs urgentur, videlicet, Papam falli posse; & idè se ejus definitionibus non teneri. Aut ergo Galliæ Antistites, tunc cum hæc scribebant, errarunt, aut errant modò, cum primis contraria decernunt; aut quod verò propius est, idem & tunc & modò sentiunt, sed non idem loquuntur; quippe tunc pacati erant, modò indignati, & idè calamo, linguâque infesti, animis licet veritate convictis. Sed audienda est adhuc alia, multòque ad rem nostram accommodatior Gallorum Antistitum epistola. Sic enim ad Innocentium scribunt, postquam is Jansenij errores damnaverat: (a) *Quo in negotio damnatione videlicet propositionum Jansenij illud observatione dignum accidit, ut quemadmodum ad Episcoporum Africa relationem Innocentius I. Pelagianam hæresin damnavit olim; sic ad Gallicanorum Episcoporum consultationem, hæresin Pelagiana ex adverso oppositam Innocentius X. auctoritate suâ proscripserit. Enim verò illius vetusta ætatis Ecclesiæ sola Cathedra**

Petri

(a) Anno 1653.

Petri communionem & auctoritatem suffulta, quæ in Decretali epistola Innocentiæ ad Africanos data elucebat, quàmque deinde Zozimi altera ad Universos Orbis Episcopos subsecuta est, Pelagiane hæresis damnationi absque cunctatione subscripsit. Perspectum enim habebat, non solum ex Christi Domini Nostri pollutione Petro facta, sed etiam ex actis priorum Pontificum, & ex anathematismis adversus Apollinarem & Macedonium, nondum ab ulla Synodo Oecumenica damnatos, à Damascopaulo ansejctis, iudicia pro scienda regula fidei à Summis Pontificibus lata super Episcoporum consultatione (sive suam in actus sententiam ponant, sive omittant) Divinæ aequè ac summæ per Universam Ecclesiam auctoritatis niti, cui Christiani omnes ex officio ipsius quoque mentis obsequium præstare tenentur. Eâ nos quoque sententiâ ac fide imbuti, Romana Ecclesia presentem, quæ in Summo Pontifice Innocentio X. viget, auctoritatem debitâ observantiâ colentes Constitutionem Divini Numini instructu à Beatitudine Vestra conditam, nobisque traditam, &c. Hæc planè tam manifesta est Pontificiæ Infalibilitatis confessio, ut dici, imò nec optari efficacius possit: num Galli tunc temporis scripturas ignorabant? num eos, quid Concilia, quid Patres docuissent, quidve Gallicana Ecclesia sentiret, latebat? Quæ est ergo Galliæ Antistitum tam repentina mutatio, ut quod nuper sub uno Innocentio tam clarè asserabant, nunc sub altero Innocentio tam enixè repudiant?

IX. Denique Anno MDCLXXXVII. Innocentius XI. Pontifex morum sanctitate, rerum caducarum contemptu, disciplinæ Ecclesiasticæ Zelo, propagandæ Catholicæ Religionis ardentissimo studio, animi magnitudine, etiam Regibus formidandâ, præclarissimis contra Turcas victorijs, quas immensâ auri profusione & sanctissimis apud Principes consilijs, & continuis lachrimis à Deo impetravit; Pontifex inquam, rerum gestarum, & animi magnitudine, antiquis illis Pontificibus Leoni, Nicolao, Gregorio, hæreticorum etiam confessione, planè similis, & cui parem, à multis retrò sæculis hand invenies; is, inquam, tantus Pontifex post accuratissimam, totòque biennio productam discussionem, Michaëlis Molinos Hæresiarchæ perniciosissimos juxta sædissimòsque errores die 28. Augusti extra Concilium Oecumenicum solâ Apostolicâ auctoritate damnavit. Fuit Michaël Molinos natione Hispanus Arragonensis, Sacerdotis dignitate insignis, tantâque pietatis, quam accuratissimè simulabat, opi-

nione apud plerosque commendatus; ut dirigendis Primatum, ac præsertim nobilium Matronarum conscientijs passim adhiberetur; hinc illi laxandis pascendisque carnis cupiditatibus prona occasio: primò amor, tum error: inter thalamos, & amplexus Contemplativam, mysticamque Theologiam docebat; eodemque momento adulterum agebat, Doctoremque: sed hæc intra Cubile, Virginumque aut etiam nuptarum Academias: foris Angelo similis, & ecstases spiranti: crederes Paulum in tertium Cælum altè sublatum: nullæ voces, quàm de *Oratione, sensuum morte, Unionè ac quiete cum DEO*. Hinc tam multos infecit, dulci videlicet occultoque veneno; sed istis cognitâ fraude pœnitentia primum, tum remedia successe. Duos & viginti annos nunquam conscientiam expiavit, nunquam ex Catholico ritu carne abstinuit. Taceo alia memoratu pudenda. Tandem detectus, biennio Romæ intra carcereshæsit, quo tempore ejus erroribus detegendis, confutandisque; à præclarissimis Theologis defudatum. Postea publicè coram sacro senatu, Aulâque Romana, ac imensa populi frequentia errores suos recantavit; tantâ omnium execratione ejus doctrinæ capita & obsecrantes auditæ sunt, ut repetitis populi vocibus ad flammâ posceretur. Summa errorum hæc fuit. Ut in elemento aëris, ita in anima hominis duas esse Regiones, superiorem & inferiorem, quas Theologi duos Appetitus vocant, Rationalem & sensitivum. Superiorem quod attinet, illic semper serenum & apicum esse oportere; hoc est Unionem cum Deo, ac perpetuum Contemplationis, amorisque solstitium, quale in Terrestri Paradiso fuit. At verò in animæ inferiori Regione turbidum, & tempestates gliscere, iras videlicet concupiscentias, & reliquum passionum humanarum tumultum, néque has curandas esse sistendâsve; sed permittendas potius explendâsque, quippe naturæ innatas, nec magis culpæ obnoxias, quàm naturam ipsam, cujus illæ flores & fructus sint. Quis enim ægrè ferat uvas ex vite nasci, glandes ex quercu, spinas vepræque ex rubo? atqui eandem rationem esse, cum voluptates ex carne leguntur, quippe æquè naturæ corporeæ congenitas, ac glandes quercui, spinæ vepræque rubo. Imò coërendis voluptatibus illis frustra noxiæque laborem impendi; frustra, quia morari torrentem nemo potest, maximè cum plenus est, redundâtque. Noxiæ verò quia

quia cùm illis oblectamur, laboramusque sustinendis, unio interim quiesque cum DEO turbatur, quæ ut perennis sit & illæsa, pace potius cum sensibus, quàm bello curandum. Ex generali hac doctrina ad particulares alias propositiones non impias tantùm Molinos, sed obscænas etiam dilabitur, dictu, audituque indignas, adeò, ut cùm illæ ex suggestu legerentur, meritò ignem, ignem, Populus inclamaverit. Ex inter alias sunt: Oportere Potentias annihilari & hanc esse viam internam. DEUM offendi, cum aliquis operari aliquid activè conatur, cùm DEUS velit solus in homine operari: oportere igitur, ut quis se totum DEO deferat, & postea instar mortui & cadaveris se habeat. DEUS vult in nobis operari sine nobis. Anima nihil agendo, & nihil operando ad DEUM redit. Via interna est illa, in qua nec lumen, nec amor, nec resignatio in DEUM cognoscitur. Imò oportet ne quidem ipsum DEUM cognosci, & tunc res bene habet. Anima nec de DEO, nec de Cælo, nec de inferno cogitare aliquid debet. Qui semel DEO voluntatem suam commisit, nihil amplius, nec Cælum nec Infernum curare debet, nec perfectionem aut sanctitatem, virtutesque, imò nec salutem propriam optare. Petere à DEO aliquid est imperfectio, sicut & gratias agere. Postquàm DEO voluntatem tuam commisisti, non amplius curanda sunt tentationes, neque illis resistendum, nisi tantum negativè, nullaque adhibita diligentia: & si natura aliquid sentit, permitte, ut sentiat, quia natura est. Oportet, ut in Oratione solam fidem obscuram, & universalem habeas, & stes coram DEO à ipsum amandum, nullum tamen actum eliciendo, nihilque agendo. quia DEUS hujusmodi mercibus haud delectatur. Cogitationes quantumvis impurae, & contra DEUM sanctosque, si voluntariè non foveantur, nec etià positivè repellantur, sed patienter tolerantur, non tantum non impediunt Orationem, sed eam potius perfectissimam reddunt. Tedium rerum spiritualium bonum est, quia eo purgatur amor proprius. Hactenus Molinos, qui alias propositiones adjungit in favorem molliciti, quam exemplis Sanctorum Jobi & Pauli sacrilegè promovere aude: nihil turpius, sed nec magis impium dictu audituque est. Taceo igitur, quæ nec legi nec scribi possunt sine horrore. Has ergo sacrilegas, obscænasque hæreses Innocentius XI. extra Concilium damnavit, & Ecclesia mox pro damnatis habuit. Porro ex hac tam longa inductione, quâ ostensum est, quàm plurimas hæreses à solis Romanis Pontificibus damnatas esse, & Ecclesiam hujusmodi damnationi necessariò acquievisse, adeò ut dubitari amplius non potuerit, teste etiam Gallicanâ Ecclesiâ in litteris

ad Innocentium X. constat, inquam, Pontificis auctoritatem in rebus fidei decidendis infallibilem esse, omnisque erroris expertem, & quæ contra hanc sequelam obijci possent, jam suprà refutavimus. Sic ergo etiam quartum signum Infallibilitatis Pontificiæ absolvimus.

X. *Quintum signum est, ex praxi Romanæ Ecclesiæ, cujus meminit Berno* (a) *Monachus S. Galli, & postea Abbas Augiensis lib. 2. de rebus ad missam spectantibus, qui habetur in Bibliotheca Patrum. Is refert, in Ecclesia Romana multos annos sub sacrum nunquam Symbolum canitari solitum, præter morem omnium aliarum Ecclesiarum; roganti vero causam Henrico primo Imperatori, Benedictum VIII. respondisse: Quia traditio erat, Romanam Ecclesiam in fide errare non posse. Sed Henricus Benedicto persuasit, ut more aliarum Ecclesiarum etiam Roma Symbolum caneretur. Hæc Berno, qui ut ipse testatur, coram assistebat, audivitque responsum: Me, inquit, coram assistente audivi Pontificem huiusmodi responsum reddentem, videlicet, quod Romana Ecclesia non fuisset aliquando ullâ hæreseos face infecta, sed secundum S. Petri doctrinam in soliditate Catholica fidei permaneret incommissa; & ideo magis necessarium esse illos Symbolum sæpius cantando frequentare, qui aliquando ullâ hæresi potuerunt maculari. Vides in hoc celebri Antiquitatis monumento, quàm antiqua fuerit traditio de Romani Pontificis infallibilitate, videlicet à Christi nativitate, sive potius à tempore Apostolorum usque ad annum circiter 1014. quo credimus hoc colloquium inter Benedictum & Henricum contigisse, dum Romæ essent.*

Dices, non hic asseri Romanorum Pontificum, sed Romanæ Ecclesiæ infallibilitatem.

Resp. Si particularis Romanorum Ecclesia errare non potest, multò magis errare non possunt Romani Pontifices; promissiones enim Christi ad Petrum eiusque successores, non ad Ecclesiam, quæ Romæ est, referuntur; neque enim Christus dixit, se fundaturum Ecclesiam suam supra Romanorum Ecclesiam, sed supra Petrum: neque Christus pro Roma rogavit, ne ejus fides deficeret, sed pro Petro; cur ergo privilegium Petro adimis, quod Christus Petro dedit? & cur Romanæ Urbis confers, quod Christus Romæ non contulit? & quo fundamento Romæ potius quàm Petro, Petrique

succes-

(a) Obijt Berno Anno 1089. s. Trithemio fides est.

successoribus? Fac Petrum non Romæ, sed Alexandriæ aut Antiochiæ mortem obiisse; quæso an tunc quôque Romanorum Ecclesia ab omni hæresi immunis futura esset? si immunis, quamob causam illa potius, quàm aliæ Ecclesiæ particulares? si non Romana, sed Antiochena, ubi Petrus obierat, suisque successores reliquerat; ergo infallibilitas & immunitas ab omni errore intuitu Petri & successorum à Christo Ecclesiæ concessa est; prius ergo magisque infallibilis Petrus, ejusque successores, quàm ipsa Ecclesia, cui Petrus præfedit; & planè cùm DEUS omnia suaviter & accommodatè ad rerum naturas operetur, aded ut potèntiam visivam v.g. oculo, non pedi infuderit, quia oculus magis dispositus est ad videndum, magisque oculo, quàm pedi videre convenit; quis credat DEUM, qui Romanum Pontificem caput & Magistrum Ecclesiæ Romanæ constituit, illum magis errori obnoxium esse voluisse, quàm Ecclesiam; cùm utique magis conveniat Caput & Magistrum, quàm membra & discipulos errorum immunes esse, & quid rogo magis rationi adversum, quàm velle, ut errer, qui docet, non erret, qui discit? imò tam fieri non potest, ut errante Magistro non erret discipulus, quàm ut ductore errante non erret quoque qui sequitur, quémque is manuducit: verbo, *non est discipulus super Magistrum, sed sufficit ei, ut sit sicut Magister*, teste ipso Christo Domino Nostro. Quamquàm nec ullis argumentis opus est, cùm ex Patrum testimonijs suprà citatis satis superque constet, quid de Infallibilitate Pontificis Romani Ecclesia semper senserit.





§. II.

Irrefragabilibus Patrum, Doctorum, & Universitatum Galliae testimonijs Romani Pontificis Infallibilitas probatur.

SUMMARIA.

1. *Perpetuâ annorum serie infallibilitatem Pontificis Romani universa Ecclesiæ Gallicana persuasam fuisse ostenditur. & primo testimonio S. Irenæi Episcopi Lugdunensis.*
2. *Edicto Valentiniiani III. Imperatoris.*
3. *Auctoritate S. Aviti Episcopi Viennensis.*
4. *Secunda Synodi Aurelianensis. & secunda Turonensis.*
5. *S. Bonifacij Archiepiscopi Moguntini, Caroli Magni, & Alcuini.*
6. *Jesse Episcopi Ambianensis, Ludovici Pij Imperatoris, & alterius Synodi Turonensis, Servati Lupi, & Reginonis Abbatis Prumiensis.*
7. *Concilij Trecentis, & Pontigonensis. Hincmari Archiepiscopi Rhemensis.*
8. *SS. Anselmi, Ivonis Carnotensis, Petri Cluniacensis, Bernardi, & Petri Cellensis postea Episcopi Carnotensis.*
9. *Concilij Lugdunensis primi & secundi, SS. Thomæ Aquinatis, Bonaventura, & Augustini Triumphis.*
10. *Ex sententia Petri Albiacensis Episc. Cameracensis, Concilij Constantiensis, & Florentini, Senonensis, & Melodunensis, at tandem Parisiensis.*

11. *Ex litteris Cleri Gallicani ad Innocentium X.*

12. *Ex thesibus PP. Societatis in Collegio Claremontano, & in Sorbona propugnatis, & præsertim testimonio Petri de Marca Archiepiscopi Parisiensis.*

13. *Ex assertione ipsius P. Maimburgi in sermonibus impressis.*

14. *Tandem ex auctoritate & consuetudine antiquissima ipsius Universitatis Parisiensis, & scholæ Sorbonica.*



I.



Uperest jam, ut Ecclesiæ Gallicanæ consensum pro eadem Pontificis infallibilitate proferamus, quod methodo nobis familiari & chronologicâ jam probare aggredimur.

Anno CCV. Sanctus Irenæus Episcopus Lugdunensis Martyrio coronatus est. Is lib. 3. contra hæreses cap. 3. ita loquitur: *Ad Romanam Ecclesiam propter potentiorum Principatum necesse est omnes convenire Ecclesias, hoc est, omnes, qui sunt undique fideles, in qua semper ab his, qui sunt undique, conservata est ea, quæ ab Apostolis est, traditio.* At si errare potest, & idem aliquando erret, non oportebit, *ad Romanam Ecclesiam omnes fideles convenire*, imò potiùs oportebit ab errante recedere: nec verum erit semper in illa Apostolicam traditionem esse conservatam, nec enim doctrina erronea Apostolicæ traditioni consentanea esse potest.

Nec obstat. S. Irenæum de præterito loqui, non de futuro.

Resp. Ea verba: *Ad Romanam Ecclesiam propter potentiorum Principatum omnes convenire Ecclesias*, omne tempus complecti, cum enim potentior Principatus Romani Pontificis sit perpetuus, ita quoque necessitas eum conveniendi, quæ in hoc Primatu fundatur, perpetua erit. Et quam rogo ob causam major olim Romanis Pontificibus obaudiendi necessitas fuerit, quàm modò? an olim tantùm hæreses vigeant? an Ecclesiæ retrò tantùm temporibus Magistro & fundamento opus erat? an Privilegium Petro collatum paucis tantùm annis, & non omnibus alligabatur? Auctoritas ergo Cathedræ

Petri aut semper, aut nunquam Infallibilis fuit, cum omnium temporum eadem sit ratio: par videlicet necessitas Ecclesiæ.

II. Anno CCCCXLV. Valentinianus III. Imperator insigne Edictum vulgavit contra S. Hilarij Pictaviensis Episcopi conatus, qui negabat posse Romam à Gallis appellari: quo simul edicto quanta fuerit in veteri Ecclesiâ Romani Pontificis auctoritas, egregiè exposuit; sic verò habet: *Cum Sedes Apostolica Primum S. Petri meritum, & Romana dignitas Civitatis sacra etiam Synodi firmârit auctoritas, ne quid præter auctoritatem sedis istius illicitum præsumptio attentare nitatur; tunc enim demum Ecclesiarum pax ubique servabitur, si Rectorem suum agnoscat Universitas. Hac cum hæcenus fuerint inviolabiliter observata, Hilarius tamen, &c. His talibus contra reverentiam Sedis Apostolicæ admissis per Ordinem Religiosi viri Urbis Papa cognitione discussis certa in eundem Hilarium lata est sententia; & erat quidem ipsa sententia per Gallias etiam sine Imperiali sanctione valitura. Quid enim Pontificis tanti auctoritate in Ecclesiâ non liceret? sed nostram quoque præceptionem hac ratio provocavit, ne ulterius vel Hilario, nec unquam a'leri præceptis Romani Pontificis liceat obviare, &c. hanc perenni sanctione decernimus, ne quid tam Episcopis Gallicanis, quam aliarum Provinciarum liceat contra consuetudinem veterem sine Papæ Urbis æternæ auctoritate tentare, sed illius, omnibusque pro lege sit, quidquid sanxit vel sanxerat Apostolica Sedis auctoritas. Si non licet præceptis Romani Pontificis obviare; si quod Papa sancit, omnibus pro lege esse debet, idque veteri consuetudine in Ecclesiâ præceptum est: sequitur planè Pontificis sententias infallibiles esse, ac primitivam Ecclesiam, hoc est, multò ante quartum sæculum, id semper esse opinatam. Cœterum causa Hilarij sic habuit. Damnaverat is Chelidonium, & sacris dejecerat, quod sæcularis adhuc, cum judicia exerceret, reos aliquot capitis damnasset. Appellavit Leonem primum Chelidonium, suamque innocentiam tam clarè Pontifici probavit, ut Hilarius, qui eum Romam secutus fuerat, nihil posset opponere: non idèd tamen quievit, sed questus est, hujusmodi appellationibus Ecclesiæ Gallicanæ ordinem & statuta turbari: nec permoveri potuit, ut Chelidonio communicaret, imò insalutato Pontifice Româ evanuit. Gravissimæ sunt Leonis de Hilario querelæ; pœnituit tamen, & repetitis legationibus veniam à Pontifice rogavit, impetravitque, idque clarissimis verbis auctor ejus vitæ testatus est. Adèd nullus sanctus à casu immunis, sed*
ignicantur

imitantur solem, brevi tantum, nec pertinaci Eclypsi, & post occasum resurgentes.

III. Anno DXXXIII. (Aut secundum alios DXXXVII.) Obijt sanctus Avitus Episcopus Viennensis eruditione, ut loquitur Ado, & eloquentiâ præcipuus: hic verò epistolâ 87. ad Hormisdam Pontificem: *Securus non dicam de Viennensi, sed de totius Galliæ devotione polliceor, omnes super statu fidei vestram captare sententiam.*

IV. Anno DXXXVI. Celebrata est secunda Synodus Aurelianensis, in qua triginta Episcopi, qui per se, vel per Vicarios interfuere, ita canone primo loquuntur: *Quas etiam sanctas Sedes Apostolica sancta condemnat: similiter & cum suis auctoribus & sectatoribus execrantes præsentis Constitutionis vigore anathematizamus atque damnamus; rectum atque Apostolicum in Christi nomine ordinem fidei prædicantes.*

Anno DLXX. (Alij ponunt annum DLXVII.) Celebrata est secunda Synodus Turonensis, in qua ita Patres loquuntur cap. 21. *Quis Sacerdotum contra Decreta talia, quæ à Sede Apostolica processerunt, agere præsumat? Sedis Apostolica semper fuit aut intrmittere Auctores, quorum valere possit prædicatio, aut apocryphos facere: & Patres nostri hoc semper custodierunt, quod eorum præceperit auctoritas. Nos ergo sequentes, quos vel Paulus Apostolus, vel Papa Innocentius statuit in canonibus nostris inferentes, &c. Nota antiquæ & Primitivæ Ecclesiæ Gallicanæ morem, & obsequium Pontificijs decretis præstitum: Patres nostri, inquiunt, hoc semper custodierunt, quod eorum præceperit auctoritas. Et paulò post pro eodem habent parifque auctoritatis: *Quod vel Paulus Apostolus, vel Innocentius statuerit: hinc posset, ut Illustrissimi Galliæ Episcopi Parisijs congregati Innocentij Undecimi repetitis Decretis tam enixè obniterentur, imò ejus auctoritatem tanto conatu exarmatum irent, si Gallicanæ Ecclesiæ doctrinâ imbuti essent?**

V. Anno DCCLV. Obijt S. Bonifacius Germaniæ Apostolus Martyrio coronatus. Is quæ tunc temporis de Infallibilitate Romani Pontificis in tota Ecclesia ac præsentim Gallia sententiâ fuerit, luculentissimo testimonio ostendit, quo nihil clarius dici possit, nihilque efficacius: sic enim scribit: *Tantâ reverentiâ apicem Apostolicæ Sedis omnes suscipiunt, ut Sanctorum Canonum disciplinam, & antiquam Christiana Religionis institutionem magis ab ore Præcessoris ejus, quam à sacris Paginis & paternis Traditionibus expectent. Illius velle, illius nolle tantum*

expiorant, ut ad ejus arbitrium suam Conversationem & ipsi revertantur, aut iniendant.

Anno DCCXCII. Præsente Carolo Magno, multisque Galliæ Episcopis Ratisbonæ hæresis Felicis Episcopi Urgellitani (qui Christum Filium Dei adoptivum esse docebat) auctoritate Adriani I. Pontificis damnata est, de qua ita loquitur Alcuinus lib. 1. contra Elipandum : *Hæc eadem vestri erroris secta Synodali auctoritate Sacerdotum Christi æterno anathemate damnata, imò à beata memoria Hadriano Papa funditus exterminata est. Ac funditus exterminata non esset, si obijci Hadriano potuisset, eum in rebus fidei decidendis errare posse.*

Anno DCCXCIV. Carolus Magnus cum de eadem Felicis hæresi damnanda ageretur, convocatis Franciæ Episcopis, insigne auctoritati Pontificiæ testimonium dedit, dignumque omnibus Galliæ Ecclesijs inscribi, sicut enim loquitur : *Ad Beatissimum Sedis Apostolica Pontificem iter quatuorque direximus missos, scire cupientes, quid sancta Romana Ecclesia, edocta traditionibus de hac respondere voluisset traditione. Apostolica Sedi, & antiquis ab initio nascentis Ecclesiæ, & catholicis traditionibus tota mentis intentione, totâ cordis alacritate conjungor.*

Anno DCCC. Circiter moritur Alcuinus primus Parisiensis Universitatis Auctor, qui lib. 1. de div. off. c. 19. Religionis, inquit, *culum sic Dominus instituit, ut in Beato Petro principaliter collocaret, atque ab ipso quasi capite dona sua vellet in corpus omne manare.*

VI. Anno circiter DCCCIX. Floruit Jesse Ambianensis Episcopus; is in epistola encyclica ad suos hæc habet : *Sequimur Romanæ Ecclesiæ auctoritatem, ut unde Catholica fidei initia accepimus, inde exemplaria Salutis nostra semper accipere debeamus, ne membra à corpore separantur suos; ne claviger Regni Cælestis abijciat, quos à suis diversos intelligi esse doctrinis.*

Anno DCCCXL. Obijt Ludovicus Pius Imperator Caroli Magni filius, cujus sicut & Galliæ ac Germaniæ Episcoporum quænam de suprema Romani Pontificis auctoritate sententia fuerit, ex ejus Capitularibus in quarto additamento clarissimum est, sicut enim habet : *Omnes Episcopi, qui in quibusdam gravioribus pulsantur, quoties necesse fuerit, Apostolicam appellent Sedem, atque ad eam quasi ad Matrem fugiant, ut ab ea, si vis semper fuit, defendantur & liberentur, cujus dispositioni omnes majores Ecclesiasticas causas, & Episcoporum judicia, antiqua Apostolorum, eorumque successorum atque Canonum auctoritas reservavit, quoniam culpantur Episcopi,*
qui

qui aliter erga fratres egerint, quàm ejusdem Sedis Papa fieri placuerit, Canonibus quippe jubentibus in talibus absque Romano nihil decerni Pontifice, nec ad Concilium vocari debere decernunt.

Anno DCCCXLIX. Celebrata est Synodus Turonensis adversus Ducem Britonum Nomenonem; Is à Carolo Francorum Rege missus Britannia minoris curam susceperat, aut potius tyrannidem, humanis, Divinisque vastatis, & Episcopis pulsis. Id ubi Leo IV. accepit, litteras ad Ducem scribit, monetque, ut tyrannidem abstineat: sed tantum abfuit Britannum corrigi, ut ne Pontificis quidem litteras accipere dignaretur. Id Episcopis Gallia tam indignum facinus visum est, ut ad Ducem in hæc verba scriberent: *Ad cumulum malorum omnem lesisti Christianitatem, dum Vicarium Beati Petri Apostolicum, cui DELLS dedit Primatum in omni Orbe terrarum, sprevisi, & ne litteras quidem ipsas recepisti; & quia volebas à malo destitire, timuisti bene monentem audire. In eo igitur lesisti Apostolos, quorum Princeps est Petrus. Et infra: Maximum reatum te contraxisse scimus, quod Epistolam Sedis Apostolica respuisti.* Si tantum tamque indignum facinus viginti duo Gallia Episcopi crediderunt, quod Dux secularis ac Tyrannus, nulloque alio vinculo Pontifici obstrictus, quàm illo communi hominis Christiani, Epistolas Romanas non admisisset; quid dicerent rogo, & quale crimen judicassent; si Episcopi tot titulis, ac juramento toties Romæ obnoxij, non tantum Pontificis epistolas non acciperent, sed tot etiam modis eas neglectui haberent? & tamen Parisijs id factum.

Anno DCCCLII. Floruit servatus Lupus: Is epistola 103. ad Benedictum III. ita scribit; *In quibuscunque ad Religionem vel honestatem spectantibus ambiguitatem creat varietas, ut optima quaque emiteant, illic sollicita investigatione credimus recurrendum, unde fidei ubique manavit exordium.*

Anno DCCCLIX. Rhegino Abbas Monasterij Prumiensis in Chronico ita scribit: *Stultitia quidem elogio denotandi, qui illam Petri Sedem aliquo pravo dogmate fallere posse arbitrati sunt, qua nec se fefellit, nec ab aliqua heresi unquam falli potuit.*

Anno DCCCLXVII. Celebratum est Concilium Trecentum omnium Gallia Episcoporum, qui ita loquuntur: *Judicium vestra auctoritatis (Joannem VIII. Summum Pontificem alloquuntur) quod privilegio Divi Petri & Sedis Apostolica in eos, & complices eorum, juxta sacros Canones*

Spiritu DEI, & totius mundi reverentiâ conservatos, ac secundum sacra Romana Ecclesia Prædecessorum vestrorum Decreta protulistis, voto, voce & unanimitate nostrâ gladio Spiritûs Sancti persequimur, scilicet quos excommunicastis, excommunicamus, quos ab Ecclesia abjecistis, abijcimus, quos anathematizastis, anathematizamus, & quos regulariter satisfaciennes vestra auctoritas & Apostolica Sedes receperit, recipiemus.

Anno DCCCLXXVL Celebratum est in Gallijs Concilium Pontigonense, in quo Canone primo ita Patres decernunt: *Ut honor Domino, & spirituali Patri nostro Johanni VIII. Universali Papa ab omnibus conservetur, & qua secundum sacrum suum ministerium apostolicâ auctoritate decreverit, cum summa veneratione ab omnibus suscipiantur, & debita illis reverentia in omnibus conservetur.*

Anno DCCCLXXXII. Obijt Hincmarus Archiepiscopus Rhemensis, qui licet Romæ infestus, non potuit tamen non cedere veritati; sic enim de auctoritate Romani Pontificis loquitur in epistola ad Nicolaum I. *In omnibus dubijs vel obscuris, quæ ad recte fidei tenorem, vel pietatis dogmata pertinent, sancta Romana Ecclesia, ut omnium Ecclesiarum Mater & Magistra, nutrix ac doctrix est consulenda, & ejus salutaria monita sunt tenenda; unde quoniam sicut R. Innocentius ad Decentium Eugubinum Episcopum scribit, manifestum est, in omnem Italiam, Gallias, Hispanias, Africam, atque Siciliam, Insulasque interjacentes nullam instituisse Ecclesiam, nisi eos, quos Venerabilis Petrus aut ejus successores constituerunt Sacerdotes; oportet hoc sequi, quod Romana tenet Ecclesia, ne dum peregrinis institutionibus studeant, caput institutionum videantur amittere. Idem in libro de Prædestinatione contra Godescalcum cap. 4. Sequimur autem, quod Catholica & Apostolica nos docet sancta Romana Ecclesia, qua in fide nos genuit. Idem Hincmarus præfatione ad Nicolaum I. PP. Néque enim fas est, ut absque Vicario DEI, absque Clavigero Cæli, absque curru & auriga spiritualis Israël, absque Universalitatu Pontifice, absque singulari Pastore, absque Unico Papa, absque omnium Arbitro aliquid consummetur, aut divulgetur: Tu enim tenes claves David. Tu accepisti claves scientiæ. In arca quippe pectoris tui, arca Testamenti & manna celestis saporis requiescunt. Tu enim, quod ligas, nemo solvit, quod solvis, nemo ligat; qui aperis, & nemo claudit, claudis & nemo aperit. Vicem namque in terris possides DEI.*

VIII. Anno MCIX. Moritur S. Anselmus ex Abbate Beccenfi (qui locus est in Normandia Galliæ provincia) postea Archiepiscopus Can-

Cantuariensis libro de Incarnatione Verbi Urbanum II. ita alloquitur: *Quoniam Divina providentia Vestram elegit sanctitatem, cui vitam & fidem Christianam custodiendam, & Ecclesiam regendam committeret, ad nullum alium rectius refertur, si quid contra Catholicam fidem oritur in Ecclesia, ut ejus auctoritate corrigatur; nec ulli alij tutius, si quid contra errorem respondeatur, consultatur, ut ejus prudentiâ examinetur. Et epistolâ 73. ad Paschalem II. PP. Non timeo exilium, non pauperiâtem, non tormenta, non mortem, quia ad hæc omnia DEO confortante paratum est cor meum, pro Apostolica Sedis Obedientiâ, & matris meæ Ecclesiæ Christi libertate, certitudinem tantum quero, ut sciam absque ambiguitate, quid auctoritate vestrâ tenere debeam.*

Anno MCXIV. Obijt Ivo Carnotensis. Is epistolâ 8. ad Richerium Soronensem Archiepiscopum: *Dixisti me Sedem Gaufridi invasisse; in quo contra Sedem Apostolicam caput erigitis, cujus judicijs & constitutionibus obviare planè est heretica pravitas notam incurrere.*

Anno MCXL. Floruit venerabilis Petrus Cluniacensis; is lib. 4. epistolâ 33. ita Innocentium II. alloquitur: *Spiritus Consilij, qui ubi vult spirat, qui per vos Ecclesia sua per totum Orbem diffuse assidue consultit.*

Anno MCXL. Sex Galliarum Episcopi ad Innocentium II. epistolam scribunt (quæ est inter epistolas S. Bernardi 370.) in hæc verba: *Nulli dubium est, quod ea, quæ Apostolicâ firmantur auctoritate, rata semper existunt, nec alicujus deinceps mutari possunt cavillatione, vel invidia depravari; ea propter ad vestram Apostolicam Sedem, &c. Nota in his, eo tempore ne quidem in Gallijs de Pontificis Infallibilitate dubitatum esse.*

Anno MCLIII. Obijt S. Bernardus clarissimum Galliæ & totius Ecclesiæ lumen. Is epistolâ 190. ita Innocentium II. alloquitur. *Oportet ad Vestrum offerri apostolatum pericula quæq; & scandala emergentia in Regno DEI, ea præscribi, quæ de fide contingunt. Dionum namque arbitror ibi potissimum refarciri damna fidei, ubi non possit fides sentire defectum; hæc quippe bujus prerogativa Sedis; cui enim alteri aliquando dictum est: ego pro te rogavi, ut non deficiat fides tua?*

Anno MCLXXXVII. Obijt Petrus Cellensis, Episcopus postea Carnotensis, qui epistolâ 3. Romanum Pontificem appellat: *Petrum radicatum & fundatum in montibus Sanctarum auctoritatum, & in medijs, ubi Mater Ecclesia nidificat, in foraminibus Petra, & in cavernis macerie: ad voces Rotarum, quæ in se habent spiritum vitæ, securus sequor, quia facies Leonis præcedit,*

dit, ne aliquid noceat : facies hominis, ne aliquid decipiat : facies vituli, ne vanitatis aliquid subripiat : facies Aquila, ne aliquid dubitatus remaneat, vel tarditatis prapediat. Regula veritatis tornavit rotas istas in circuitu, & orbe veritatis aeterna : tanta auctoritatis, ut nullius diuini subiaceat : tanta maturitatis, ut nunquam vultum Desficiendi deponat : tanta certitudinis, ut nulla mutatio, aut vicissitudinis obumbratio in eam incurrat.

IX. Anno MCCXLV. Concilium Lugdunenfe primum, in quo Ros Gallicani Sacerdotij, habitum est. Id verò Pontificum infallibilitatem insigni testimonio his verbis probavit : *Pro humani Redemptione Generis DEI Filius JESUS Christus, ne gregem sui pretio sanguinis redemptionem post Resurrectionem ad Patrem absque Pastore desereret, ipsius curam B. Petro (ut sua stabilitate fidei ceteros in Christiana Religione firmaret, eorumque mentes ad salutis opera sua accenderet devotionis ardore) commisit.*

Anno MCCLXXIV. Convenit Concilium Lugdunenfe secundum, in quo iterum infallibilitas Pontificia egregie confirmata, sic en in Patres, quorum præcipua pars Galli, loquuntur : *Fideli ac devotâ confessione profitemur, quod Spiritus Sanctus aternaliter ex Patre & Filio tanquam ex uno principio unicâ spiratione procedit. Hic professi est, hætenus prædicavit & docuit, hoc firmiter tenet & prædicat sacrosancta Romana Ecclesia Mater omnium fidelium & Magistra. In eodem Concilio recepta est à Patribus, communique assensu probata Professio fidei Orthodoxæ à Græcis his verbis, quæ infallibilitati manifestè suffragantur, expressa : Ipsa quoque sancta Romana Ecclesia summum & plenum Primatum & Principatum super Universam Ecclesiam Catholicam obinet, quem se ab ipso Domino in B. Petro Apostolorum Principe, sive Veriice, cujus Romanus Pontifex est successor cum potestatis plenitudine, recepisse veraciter, & humiliter recognoscit, & sicut præ cæteris fidei veritatem tenetur defendere, sic & si qua de fide suborta fuerint quæstiones, suo debent judicio definiri. Potuitne clarius, majorique Gallorum consensu Infallibilitas Romana commendari ? aut Concilium pateretur privilegium causas fidei decidendi se vidente ad Pontificem Romanum transferri, si crederet illud non Pontifici, sed Concilio datum esse ?*

Anno MCCLXXIV. Obijt S. Thomas Aquinas clarissimum totius Ecclesiæ ac præsertim Galliæ Lumen, atque à vitio adulandi longissimè remotus. Hic verò tam sanctus, tam magnus Doctor, & cui Gallia parem non habuit, Pontificiæ infallibilitati omnium
clarissimè

clarissimè & frequentissimè suffragatus est. Quodlibeto 10. a. 6. hæc habet: *Magis standum est sententia Papæ (ad quem pertinet determinare de fide, quam in iudicio profert) quàm quorumlibet sapientium in scripturis opinionum.* Et 2. 2. q. 1. a. 10. *Respondeo dicendum, ad illius auctoritatem pertinere editionem Symboli, ad cuius auctoritatem pertinet determinare ea, quæ sunt fidei, ut ab omnibus inconcusâ fide teneantur.* Hoc autem pertinet ad auctoritatem Summi Pontificis, ad quem majores & difficiliore Ecclesiæ causæ referuntur, ut dicitur in Decreto distinctione 17. & hujus ratio est, quia una debet esse fides totius Ecclesiæ; quod servari non posset, nisi questio fidei de fide exorta determinetur per eum, qui toti Ecclesiæ præest, ut sic ejus sententia à tota Ecclesiâ firmiter teneatur, & idèò ad solam auctoritatem Summi Pontificis pertinet nova editio Symboli, sicut & alia omnia, quæ pertinent ad totam Ecclesiâ. Et 2. 2. q. 12. a. 2. ad 3. *Postquàm autem essent aliqua Ecclesiæ auctoritate determinata, hæreticus esset, si quis tali ordinationi pertinaciter repugnaret, quæ quidem auctoritas principaliter residet in Summo Pontifice, ut dicitur in causa 24. q. 1.* Contra cuius auctoritatem, nec Hieronymus, nec Augustinus, nec aliquis Sanctorum Doctorum suam sententiam defendit.

Eodem Anno MCCLXXIV. Obijt S. Bonaventura doctrinâ & sanctitate pari, ac Parisiensis Universitatis Doctor celeberrimus, qui hanc ipsam sententiam docuit de Pontificis Romani infallibilitate in Breviloquio, 6. parte, capite 3. & initio expositionis Regulæ S. Francisci eandem hoc argumento confirmat: *Quia alioquin Synagoga felixior fuisset, quàm Ecclesiâ; quia illa habebat unum Summum Pontificem, qui omnes discordias poterat terminare, ut patet ex Deuteronomio capite 17.* Floruit eodem tempore S. Augustinus Triumphus Parisiensis Universitatis Doctor ac Professor, qui pro eadem infallibilitate hæc habet de potestate Ecclesiastica. q. 10. *Si aliqua sunt dubia & obscura in fide, ad Papam pertinet interpretari, & determinare, post cuius determinationem hæreticum esse contrarium pertinaciter asserere.*

X. Anno MCCCCLXXXVII. Petrus Alliacensis Gallus Doctor & Cancellarius Universitatis Parisiensis, ac postea Cardinalis & Episcopus Cameracensis, ac proinde doctrinâ Ecclesiæ Gallicanæ apprime imbutus, non suo tantùm, sed etiam Universitatis nomine Clementem VI. quem Gallia pro vero Pontifice agnoscebat, sic alloquitur: *Ignor pro vestris humilissimis filiis Universitatis prædictæ, & pro nobis eorum nuntijs, qui sunt in hac parte obsequimur mandatis, & documentis*

inimur, corde & ore unanimiter protestamur, quòd quidquid hactenus in hac causa actum est, & quidquid in ea nunc vel aliàs acturi, aut dicturi sumus, correctioni & iudicio Sedis Apostolicae, & sedentis in ea Summi Pontificis humiliter submitimus, dicentes cum beato Hieronymo: Hæc est fides Pater Beatissime, quam in Ecclesia Catholica didicimus, in qua si minus perire, aut minus cautè aliquid positum est, emendari cupimus à te, qui Petri fidem & sedem tenes. Non ignoramus enim, sed firmiter tenemus, & nullatenus dubitamus, quòd sancta Sedes Apostolica est illa cathedra Petri, supra quam fundata est Ecclesia eodem Hieronymo teste, & sicut dixit Cyprianus d. 93. can. qui Cathedram: de qua Sede in Persona Petri Apostoli in ea sedentis dictum est: Petre rogavi pro te, ut non deficiat fides tua. Observa hic Lector, quænam tunc temporis Ecclesiæ Gallicanæ, & Universitatis Parisiensis de Pontificis auctoritate infallibili mens & sententia fuerit; profitetur enim Alliacenensis, se non tantum ex Universitatis mandato hæc proferre, verum etiam iuxta ejus doctrinam; id enim significant ea verba: *documentis inimitur.*

Anno MCCCXVIII. Celebrata est sessio quadragesima quinta Concilij Constantiensis, in qua omnibus Concilij Patribus ac præsertim Gallis præsentibus, qui maximam ejus Synodi partem agebant, Constitutio Martini V. nullo omnino Patrum reclamante, & consequenter nullo non consentiente (quis enim nescit silentium pro consensu esse, quando loqui oporteret) publicis Concilij actis inserta est in hæc verba: *Nulli fas est, à supremo Judice videlicet Apostolica Sede seu Romano Pontifice appellare, aut illius iudicium in causis fidei (qua tanquam majores ad Ipsum & Sedem Apostolicam referenda sunt) declinare.*

Dices: Reclamasse Johannem Gersonem scripto contra illud Decretum prolixo opere.

Resp. Aliud est Gerson, aliud Patres Concilij Constantiensis; hos ego suffragatos esse illi Constitutioni contendo, isti enim suffragium ferebant, isti partes illius Synodi, & idè Spiritus Sanctus per istorum ora loquebatur. Gerson privatus tantum Doctor, nec ad Patres Concilij, de quibus mihi tantum sermo, spectabat. Non enim idè Concilium invalidum, aut ejus Decreta possunt in dubium revocari, quia aliquis Doctorum in ea declamavit; alioquin quid erit in Concilijs satis tutum & firmum, cum nunquam hisce floribus crabrones defuerint? & quis Gerson, quantavis doctrinâ,

ut

ut toti Concilio præponas? præsertim cum metus Schismatis trium Pontificum ambitione excitati, prolaticque in longum tempus, Gersonem urgeret Pontificiæ auctoritati in arctum cogendæ? Ergo Zelus magis Gersonem, & cupiditas Ecclesiam quovis modo juvandi, quàm ratio agebant; quæ causa fuit, ut remedia corripere ipsis morbis pejora, truncato videlicet capite, aut lethali-ter saucio, quò corpori mederetur: & verò etiam præcipuos sanctitate ac doctrinâ viros, cum obtentu pietatis & Zeli, privatis sententijs nimium animos laxarent, in errores incidisse ab ijs ipsis postea agnitos, desleròque, exempla Cypriani & Hilarij plus satis ostendunt. Erravit ergo Gerson, nec mihi ejus errores pro exemplis proponi patiar.

Anno MCCCCXLI. Comparuit in Florentino Concilio Legatio Caroli VII. Francorū Regis, ac Concilij Bituricensis, cujus Legationis Princeps Episcopus Meldensis sui Regis, Gallorūque Episcoporum nomine, quæ Basileense Concilium contra supremam Pontificis & Monarchicam auctoritatem decreverat, eam Concilij submittendo, penitus improbavit; admisit verò, seque amplecti professus est, quæ pro eadem Monarchica, supremæque ac omni Concilio superiore potestate Florentinum Concilium statuerat; sicque Pontificiæ infallibilitati insigne testimonium præbuit, verba Meldensis Episcopi coram sacro, purpuratòque senatu perorantis hæc sunt: *Nimio fervore resistendi Basileenses ad hanc vesaniam devenerunt, quòd supremam potestatem in uno supposito consistere negent, sed eam in multitudine (nota, quæso, quo elogio Galli eorum sententiam insigniant, qui supremam de rebus fidei judicandis potestatem non uni supposito, hoc est, Pontifici, sed multitudini, hoc est, Concilio tribuunt, quæ citò in diversa scinditur) collocant, & sic pulcherrimam Monarchiam Ecclesiæ, quæ Christianos hucusque tenuit in unitate fidei, in una Professione Religionis Christiana, in uno ritu Sacramentorum, in una observantia mandatorum, in ijisdem ceremonijs Divini cultus, atque pacem, & tranquillitatem asseruit, nunc abolere & suppressere contendunt, nobilissimam politiam ad Democratiam vel Aristocratiam redigentes & hoc animadvertens præfatus Rex Christianissimus vehementi dolore ingemiscit, ac consulto Prælatorum, & aliorum multorum sapientum regni sui videtur sibi, quòd nullum est aptius remedium ad hoc & hisina extirpandum, quàm evellere ac disperdere duas ex-*

tremitates, ad quod faciendum necessarium est Concilium Generale. Porro Concilium Basileense unam extremitatem nimis exacuit, quando veritatem de suprema potestate in uno extinguere pertentavit. Concilium autem Florentinum bene hanc veritatem lucidavit, ut patet in Decreto Græcorum, sed pro regulando usum hujus potestatis nihil edidit, &c. Amabò te, poterant Galli supremam & Monarchicam Pontificis potestatem, ex qua necessariò irreformabilitas, & consequenter Infallibilitas resultat, pluribus & pulchrioribus verbis testatam facere? Poterant apertiùs enixiùsque Basileensis Synodi sententiam detestari, hanc ipsam supremam & irreformabilem potestatem Pontifici adimentis, & transferentis in Concilium? Poterant rotundiùs, clariùsque Florentini Concilij Decreto subscribere, quo hæc ipsa suprema & irreformabilis auctoritas luculentissimè asserta est? Quod verò regulari usum hujus potestatis Galli petant, moderata, prudensque postulatio fuit, eo præsertim tempore, quo ambitione luxùque Pontificum discordiæ flagrabant, & idèd Concilium Tridentinum hunc ipsum usum Pontificiæ Potestatis sanctissimis Decretis intra honestum coërcuit. Neque id obstat sententiæ nostræ, qui non de usu aut abusu loquimur, sed de ipsa potestate, quæ cum aut sine abusu esse potest, nec ullus negat posse Romanum Pontificem non tantùm à Concilio, sed à quovis Episcopo moneri, dirigique regulis tantæ moli sustinendæ paribus, quemadmodùm id S. Bernardus cum Eugenio fecit: quantò ergo magis id Concilium poterit à Pontifice confirmatum? tunc enim non tam Concilij, quàm Pontificis auctoritas erit.

*Anno MDXXVII. Concilium Senonense in Gallijs celebratum est, præside Senonensi Archiepiscopo Galliarum Cancellario. Sexdecim in illo Decreta edita sunt contra Lutheri hæreses, in eorum uno, ubi de auctoritate Sedis Apostolicæ, hæc habentur: *Universos, qui aliter quàm Romana credidit, & docet Ecclesia credere & pertinaciter asserere tentant; ejusdem Concilij auctoritate veluti hæreticos & pertinaces à Communione Fidelium declaramus separatos.* Quid rogo est Papam infallibilem esse, si hoc non est?*

*Anno MDLXXIX. Celebratum est in Gallijs Concilium Melodunense, in quo ita Patres loquuntur: *Operam dabunt ij, quibus hæc intra demandata est, Episcopi scilicet, & eorum Vicarij, ut in omnibus Synodis**

omnes & singuli tam Clerici, quàm Laici amplectantur, & apertâ Professionem fidem pronuntient, quam sancta Romana Ecclesiâ, Magistrâ Columnâ & firmamentum veritatis proficitur & colitur: ad hanc enim propter suam principalem oportet omnes convenire Ecclesiâs.

Anno MDCXXVII. Peracta est Synodus Parisiensis, in qua Ecclesiâ Gallicana tam eleganter, diffusèque hanc ipsam infallibilitatem explicavit, totique Clero commendatam & inculcatam voluit, ut non credam vel Romæ, in ipsòque Pontificis sacrario id aliquandò luculentius factum esse. Sic enim articulo 137. loquitur sub hoc Titulo: *Advis de l'Assemblée generale du Clergé de France à Messieurs les Archevêques & Evêques de ce Royaume.* Hoc est. Monita Conventus Generalis Cleri Gallicani ad Dominos Archiepiscopos & Episcopos hujus Regni. Latine reddam, quidquid illic Gallicè habetur: Nullum majus argumentum veri erga DEUM amoris exhiberi à nobis potest, quàm si debitâ veneratione eos prosequamur, quos ipse ad necessitates, animasque nostras curandas Vicarios, Legatosque suos constituit. Id verò cum præcipuè atque ante omnes Episcopos Romano Pontifici conveniat, æquum omnino est, ut iidem Episcopi & se Pontifici subiectos agnoscant, & alij omnibus eximia in illum venerationis ac reverentia exemplum præferant. Hortamur igitur Episcopos omnes, ut sacram Apostolicam Sedem, Romanamque Ecclesiâ, utpote in DEI sponse infallibili, & Apostolorum ac Martyrum sanguine fundatam, omniumque Ecclesiarum Matrem omni honore, cultuque prosequantur. Ipsa enim, ut cum Beato Athanasio loquamur, est sacrum illud Caput, à quo in omnes Ecclesiâs velut in totidem membra omnis spiritus diffunditur, quo nutriuntur ac conservantur. Sanctissimum quoq; Patrem & Pontificem nostrum, quippe Ecclesiâ Universalis Caput visibile; Deiq; in terris Vicarium, Episcopum Episcoporum, & Patriarcham Patriarcharum honore afficient, is enim successor est Petri, à quo omnis Episcopus initium atq; Originem duxit, & super quem Christus JESUS Ecclesiâ suam fundavit, quando illi Claves Regni Cælorum, atque Donum infallibilitatis (NB.) in causis fidei reliquit: quam fidem non sine ingenti miraculo durare in ejus successoribus immobilem illibatamque videmus: unde ingens illa, in Romanorum Pontificum Decretis, mandatisque amplectendis apud omnes fideles & Orthodoxos observantia profecta est. Hac verò, ut nihil detrimenti capiat, Episcoporum munus erit, curabuntque eorum improbitatem coerceri, qui obsequij omnis, legumque impa-nientes, sacram hanc tot Divinis humanisque legibus sanctam auctoritatem revo-

cave in dubium, cassamque reddere conantur: utque alios efficacius ad id permoveant, primi ipsi exemplo praeibunt, &c. &c.

XI. Anno MDCL. Clerus Gallicanus in Comitij Generalibus epistolâ ad Innocentium X. ita scribit. *Scimus ubi Caput Ecclesia, ibi totius fidei artem, totius & disciplina Metropolim esse.*

Anno MDCLIII. Galliae Episcopi Octoginta quinque, litteras ad Innocentium X. dedere, quibus Jansenij propositiones damnari petebant, simulque Pontificiam infallibilitatem insigni testimonio confirmârunt. Verba eorum sunt. *Majores causas ad Sedem Apostolicam referri sollemnis Ecclesiae mos est, quem fides Petri nunquam deficiens perpetuo retineri pro jure suo postulat. Decennium est, ex quo gravissimis turbis Gallia magno nostro marore commovetur ob librum posthumum & doctrinam Reverendâ Cornelij Jansenij Iprensis Episcopi. Tales quidem motus sedari oportebat, tum Consilij Tridentini auctoritate, tum Bulla illius, quam Urbanus VII. adversus Jansenij dogmata pronuntiavit, & Decreta Pij V. ac Gregorij XIII. in Basium edita confirmavit. Atq; hujus quidem Bulla veritatem ac robur novo diplomate vendicasti, sed quia nulli sigillatim proposuisti certa Censura nota inusta sunt: locus etiamnum aliquis quorundam cavillis & effugio relictus est. Intercludendum autem penitus speramus, si ut precamur sanctitas Tua, quid hac intersestendum sit, clarè distinctèque definias. Experta est nuper Beatitude Tua, quantum Apostolica Sedes in gemino errore profligando Ecclesia Capitis valuerit auctoritas: continuo sedata est tempestas, atque ad Christi vocem & imperium venti & mare obedierunt. Quamobrem flagitamus Beatissime Pater, ut clarâ, firmâque de propositionum istarum sensu prolata sententiâ, cui Reverendus ipse Jansenius mortis proximus opus suum subjecit, caliginem omnem discutias, animos fluctuantes componas, dissidia prohibeas, Ecclesiae tranquillitatem restituas, &c. En Galliae Praesules fatentur: In Sede Apostolica fidem Petri nunquam deficere: Summi Pontificis è cathedra pronuntiantis Decreta hujusmodi esse, ut omnibus cavillis & effugis locum penitus intercludant: esse vocem & imperium Christi: illi ventos & mare obedire: illis omnem caliginem discuti, animos fluctuantes componi, dissidia prohiberi, &c. Planè evidens omninò est, hæc elogium tam ferid ac meditatò, nec ab adulantibus, sed ab Episcopis, repetita, constare non posse, nisi admisâ infallibilitate. Quomodo enim sententia Pontificis est vox Christi, si erronea? an vox Christi errori est obnoxia? quomodo dissidia omnia & animos fluctuantes componit, si dubia & incerta? Quâ ratione dici potest, illi ventos*

& mare obedire, si fideles in causis fidei non tenentur ante Concilium Oecumenicum imperanti, & decidenti acquiescere? an verò major in Romanum Pontificem ventis & mari, quàm Gallis Obedientia, ut cui venti & mare obediunt, obtemperare Galli non teneantur, majorque istis, quàm duobus illis nunquàm sibi constantibus elementis sit adversandi licentia? Denique qui fieri potest, ut fides Petri nunquàm in Sede Apostolica defecerit; si Sedes & Cathedra Apostolica in causis fidei decidendis errare & falli potest, imò aliquando erravit? Agnoverunt ergo Galli, altèque professi sunt Pontificiam infallibilitatem.

Eodem Anno MDCLIII. Galliae Antistites Lutetiae congregati numero triginta praeunte Cardinali Mazarino clarissimè hanc ipsam infallibilitatem & agnoverunt, & scriptis consignârunt. Idque sub Innocentio X. hoc est, sub Pontifice Gallis haud quaquàm grato, & cujus electioni, ut notum est, palàm adversati sunt, adeò, ut Antonius Barberinus gratiâ excideret, quòd electionem promovisset. Mazarini quoque Cardinalis cum Aula Romana & Pontificè dissidia notiora sunt, quàm ut commemorari debeant, & tamen eo tempore, sub eoque Pontifice, cui Galli palàm offensi erant, praeputuit veritas indignationi, & praeclarissimum testimonium etiam ab iratis expressit. Sic ergo in litteris ad Innocentium X. datis, postquam Jansenij propositiones damnaverat; Galliae Antistites decimà nonâ Julij inter alia scripsere: *Quo in negotio illud observatione dignum accidit, ut quemadmodum ad Episcoporum Africa relationem Innocentius I. haeresin Pelagianam damnavit olim; sic ad Gallicanorum Episcoporum consultationem haeresin ex adverso Pelagiana oppositam Innocentius X. auctoritate suâ proscripserit. Enim verò vetusta illius aetatis Ecclesia solâ cathedra Petri communionem, & auctoritate sua Pelagiana haeresis damnationi absque cunctatione subscripsit. Perspectum enim habebat; non solum ex sollicitatione Christi Petro facta, sed etiam ex actis priorum Pontificum, & ex anathematismis adversus Apollinarem & Macedonium nondum ab ulla Synodo Oecumenica damnatos, a Damaso paulò ante factis, iudicia pro sancienda Regula fidei à Summis Pontificibus lata super Episcoporum consultatione (sive suam in actis Relationis sententiam ponant, sive omittant) Divinâ aq., ac summâ per Universam Ecclesiam auctoritate niti, cui Christiani omnes ex officio ipsius quoque mentis obsequium prestare tenentur. Eâ nos quoque sententiâ ac fide imbuti Romana Ecclesia praesentem,*

sentem, qua in Summo Pontifice Innocentio X. viget, auctoritatem, &c. Circa hanc Gallorum Præfulum epistolam observanda sunt aliqua, *Primò.* Gallicanos Antistites hisce litteris Pontificiam Infallibilitatem apertissimè professos esse, cum enim dicunt: *Sententiâ Innocentij hæresin Jansenianam proscriptam esse; omniumque Pontificum Romanorum sententias pro sancienda regula fidei Summâ Divinâque per Universam Ecclesiam auctoritatis, eique omnes Christianos ex officio ipsius mentis obsequium præstare teneri.* Planè nihil aliud dicunt, quàm Pontificem in sancienda Regula fidei auctoritatis esse infallibilis: Auctoritas enim fallibilis, non est Divina, non est *suprema* (cùm corrigi ab alia majori auctoritate possit) non est Regula fidei, nec illi omnes Christiani mentis obsequium præstare tenentur, alioquin omnes Christiani, & consequenter etiam tota Ecclesia errare posset. *Secundò* fatentur iidem Gallicani Patres, sententias Pontificum non idèò esse certas, quia Ecclesia illas recipit; sed potiùs Ecclesiam teneri eas recipere, idque quia sanciunt regulam fidei, & quia *supremâ ac Divinâ auctoritate nituntur*, sicque antecedenter ad Ecclesiæ consensum certas & infallibiles esse. *Tertiò.* Docent quòque contra Maimburgi anilem exoletamque cantilenam, hanc de Pontificis Romani infallibilitate sententiam, non esse novam, recensque in scholis natam; ut ille comminiscitur; sed jam, à tempore Damasi Papa Apollinarem damnantis (id verò contigit anno Christi 373.) in veteri Ecclesia receptam, imò à sponsione Christi Petro facta. Quid posset rogo efficacius dici? tamen Maimburgus hæc omnia silentio tegit ignoranti similis.

XII. Anno MDCLX. Patres Societatis Collegij Claremontani publicè theses proposuere, quibus Infallibilitatem Summi Pontificis, non tantùm in quæstionibus juris, sed etiam in quæstionibus facti defendendas suscipere. Thesis ita sonat: *Christum ius Caput Ecclesiæ agnoscimus, ut illius regimen, dum in Cælos abiit, primum Petro, tum deinde successoribus commiserit, & eandem, quam habebat ipse Infallibilitatem concesserit, quoties ex Cathedra loquerentur.* Datur ergo in Ecclesiâ Romana Controversiarum fidei Index infallibilis etiam extra Concilium generale, tum in quæstionibus juris, tum facti; unde post Innocentij X. & Alexandri VII. constitutiones credi potest librum, cui titulus: *Augustinus Jansenij, esse hæreticum, & quinque ex eo propositiones decerptas esse Jansenij, & in sensu Jansenij damnatas.* Sic paucos ante annos Patres Societatis sentiebant, scribebantque,

que, nec præsumi de illis potest tam prudentibus, tamque circumspèctis, voluisse Parisijs propositionem tueri, quam doctrinæ Gallicanæ adversam crederent.

Dices. At Patres Societatis jam mutârunt sententiam.

Resp. Non tam mihi curæ esse, quid jam in Gallijs sentiatur, quàm quid olim senserit Ecclesiæ Gallicana; neque enim decet, ut novi recentèque antiquis præferantur, præsertim cum tam multa jam in Gallijs contigerint, quæ aut prodere veritatem, aut celare compulerint. Cur eo tempore Galliam interrogas, cum loqui non finitur? interroga liberam, pænisque ac metu solutam, qualis videlicet fuit tot retrò elapsis sæculis. Patres societatis, quod attinet, non in Gallijs tantum, sed toto terrarum Orbe Infalibilitati subscripsisse adeò notum est, ut nullâ probatione indigeat. Post Regiam verò declarationem certum est, Patres societatis nunquam induci potuisse, ut contra Infalibilitatem Pontificiam aliquid docerent, licet id Regio edicto caveretur. Quod verò siluerint, nec calamum pro Pontifice strinxerint; id fortè tempori datum, expectatumque, dum torrens laberetur, & morâ periculum vanesceret, nam & lusciniæ cantum hyeme abruptum, vernis solibus reperituræ; æstatem ergo societas expectat hyemi successuram, & tunc canet.

Eodem Anno MDCLX. Die nonâ Decembris Sorbona eandem infalibilitatem in publica Disputatione defendit hujusmodi propositâ Thesi: *Romanus Pontifex Controversiarum Ecclesiasticarum constitutus est Judex à Christo, qui ejus definitionibus indeficientem fidem promissit.* Ita testatur de Marca nominatus Parisiensis Archiepiscopus mox citandus.

Anno MDCLXII. Petrus de Marca nominatus Archiepiscopus Parisiensis in observationibus supra dictas theses Claremontanas (quas ultimum ejus opus fuisse doctissimus Saluzius testatur) numero 22. 31. & 34. ita scribit: *Hac opinio (quæ videlicet Infalibilitatem Pontifici Romano asserit) est illa, quam univèrse Hispania, Italia, aliæq; omnes Christianitatis Provincia docent; ita ut illa, quam sententiam Parisensium Doctorum vocant, ad classem earum opinionum revocanda sit, quæ solum tolerantur. Auctoritas infallibilem sententiam in causis fidei pronuntiandi est Romanis Pontificibus omnium Universitarum consensu acquisita, exceptâ tamen*

antiquâ Sorbonâ. Imò hoc quoque tempore hanc de infallibilitate Pontificis sententiam in ipsa Sorbona doceri videmus; nam duodecimâ mensis Decembris anno 1660. in Sorbona publicè hæc thesis defensa est videlicet, Romanus Pontifex Controversiarum Ecclesiasticarum est constitutus Juxta à Christo, qui ejus definitionibus indeficientem fidem promissit. Eandem thesin in Universitate Navarrica septimâ Decembris propugnata sitimus. Et infra, numero 34. circa finem de Doctoribus Galliæ: Pars major non solum Theologia, sed etiam Juris Doctorum communi opinioni adheret, utpotè fundamentis nuxa solutu diffusillimis; videtque antiqua Sorbona opiniones. Vides Doctissimum hunc Virum fateri, sententiam de Infallibilitate Pontificis esse omnium Universitatum Christianitatis, imò omnium ferè Doctorum Universitatis Parisiensis, exceptâ antiquâ Sorbonâ, imò hujus opinionem à reliquis rideri. Ut verò intelligas, quid nomine antiqua Sorbona de Marca intelligat; sciendum est, Collegium Sorbonicum fuisse à quodam Roberto Sorbon (qui sancto Ludovico Regi à sacris confessionibus & eleemosynis erat) anno 1253. fundatum; quo tempore in Ecclesia Gallicana sententiam de Romani Pontificis infallibilitate viguisse jam suprà monstratum est. Sequenti postea sæculo hoc est anno 1373. inflammari cœpit diuturnum illud, & obstinatum Schisma, quo nihil funestius Ecclesiæ: & quia nulla in Pontificibus spes erat illius extinguendi, imò istorum ambitione magis magisque accendebatur; cogitatum fuit de inducenda majori aliqua auctoritate, cui Pontifices obtemperare tenerentur: ea verò à Gersono, Almaino, alijsque paucis in Concilium collata est; id enim opportunum credebant evitendis in futurum Schismatibus, si videlicet aliqua in Ecclesia potestas esset, quam etiam ipsi Pontifices revereri tenerentur. Vetus ergo Sorbona tempore Constantiensis & Basileensis Conciliorum vigeat, constabatque ut dixi Gersono, Almaino, istorumque discipulis. Imò si quando inter Pontifices, Regesque Galliæ dissidium aliquod oriretur; mox in Parisiensi Universitate ab aliquo Doctorum hæc Gersonis machæra expromebatur terrendo Pontifici; ita sub Sixto V. sub Julio II. & Alexandro VII. factum est. Hæc ergo est Vetus Sorbona, quam à plerisque Theologiæ & Juris in Gallia Doctoribus irritam esse Marca testatur: nam alioquin Universitatem Parisiensem pro infallibili auctoritate Pontificis stetisse paulò post ostendemus.

XIII. Anno denique MDCLXXI. Editi sunt in lucem Gallico idiomate Maimburgi sermones; in quorum uno secundâ Quadragesimæ hebdomadâ, die Martis pro hac ipsa Infallibilitate ita loquitur: *Obligamur sub pena æternæ damnationis nos submittere Decisionibus Cathedra S. Petri; tuncque naufragium fidei patimur, cum doctrinæ amplectimur ab hac Cathedra damnatas, rejectâsque. Frustrâ verò, qui hanc submissionem non habet, præstatur se Cathedram Petri propriam, præcipuâque habere, ac fidei ab Ecclesia, à Patribus, Concilijs, tradite adherere.* Hæc Maimburgus è suggestu. Ignorabat enim tunc temporis, quid Ecclesia Gallicana sentiret, non Patres, non Concilia, non scripturas legerat, quæ modò contra Pontificem tam clara esse contendit. Ergo cum è cathedra diceret, licet tot annis in societate studiisque exegisset, rudis tamen erat, indoctusque, ac recens ex ovo lapsus; & tunc modò aliquid sapere, & Theologus esse cœpit, cum Pontifici irascebatur, cum aulam, Regemque captabat, ac præmia ostendebantur adulationi parata; ergo tunc primùm veritatem agnovit, cum cœpit Romam odisse. Amabò te quisquis hæc legis, animo tecum reputa, an fieri potuisset, ut Maimburgus Parisijs, ac de suggestu, totâque Galliâ audiente sententiam proponeret doctrinæ Cleri Gallicani adversam? imò totam Gallicanam Ecclesiam æternæ damnationi addiceret, cui obnoxium esse dicit, quisquis Pontificem infallibilem esse non credit, quoties è Cathedra pronuntiat.

Et hætenus quidem longâ & perpetuâ annorum serie à temporibus sancti Irenæi Episcopi Lugdunensis usque ad præsentem ætatem ostendimus, perpetuam in Ecclesia Gallicana Traditionem fuisse de Pontificis Romani suprema & infallibili auctoritate, quoties in causis fidei sententiam dicit. Tantòque certior hæc traditio evadit, quòd omni testimoniorum genere à nobis probata sit, Regum videlicet, Doctorum, Episcoporum, Conciliorum Universalium, Universitatum, ac præcipuè totius Cleri Gallicani id ipsum non semel tantum, sed repetitis vicibus protestantis. Qua in re illud semper advertas licet, quantum nostra traditio differat à Maimburgi traditionibus. Hic enim in tractatu, quem impugnamus, sibi proposuerat, imò solito more magnificè lectori sponderat; se ostensurum, perpetuam, constantemque in Ecclesia Romana traditionem fuisse, posse in rebus fidei decidendis Ponti-

ficem errare: inchoâtque hanc traditionem à Leone Primo (qui sæculo quarto obiit) & prolato ejus testimonio, mox transit ad Leonem X. qui sæculo decimo quinto Ecclesiâ gubernavit. Egregiam enim verò traditionem, mille tantum & centum annorum spatijs interruptam! At nos tam in superiori, quàm in præsentî paragrâpho de sæculo ad sæculum testimonijs omni exceptione majoribus ostendimus, tam Ecclesiæ Universali, quàm etiam in specie Ecclesiæ Gallicanæ Pontificiam infallibilitatem persuasam fuisse.

XIV. Ut verò tantò perfectior sit hæc Demonstratio, ostendendum est, etiam Universitatem Parisiensem pro Pontifice semper sterisse.

Id verò multis modis, evidentérque probari potest. Nam *primò*. Certum est, Universitatem Parisiensem nunquàm doctrinam tradituram esse, quam sciret doctrinæ omnium Patrum, ac ipsius Gallicanæ Ecclesiæ adversam esse: at adversa est, quæ dicit, Papam cum è Cathedra pronuntiat, errare, fallique posse, ut suprà ostendimus. *Secundò*. Præcipui hujus Universitatis, ac celebratissimi Doctores, à quorum vestigijs alij minorisque nominis nunquàm deflexerint, infallibilitatem admisère. Ji sunt Alcuinus Caroli Magni Præceptor, & primus Parisiensis Universitatis Auctor, Albertus Magnus, S. Thomas, S. Bonaventura à nobis suprà citati. Quis credat à tam præclaris Doctoribus, & quibus majores Gallia non habuit, voluisse Universitatem Parisiensem deviare? *Tertiò*. Longâ consuetudine in Parisiensi Universitate receptum est, ut quicumque in hac Universitate ad primos gradus promoventur, hanc ipsam infallibilitatem profiteantur. De hac consuetudine Andreas Duvallius Doctor Sorbonicus, & in Academia Parisiensi Regius Theologiæ Professor testis omni exceptione major in suo tractatu de potestate Ecclesiastica, quam in lucem edidit Anno 1604. quàmque duo alij Parisienses Doctores Jo. G. J. Bocher, & J. Ruhe approbârunt, ita loquitur: *Laudabilis in Academia Parisiensi viget consuetudo, quâ Baccalaurei de questionibus Theologicis solemniter responsuri protectionem præmittunt, se nolle quidquam contra Decreta sanctæ Matris Ecclesiæ, nec non sanctæ Sedis Apostolica & Romana asserere, aut defendere, & si quid adversus ejus Decreta in astu disputationis illis exciderit; vel ignorantia, vel immemoriam,*

vel

vel lingua precipitantia attribuendum velle. *Quarid.* Gravissimi in Gallia Doctores, testésque oculati hanc ipsam esse Universitatis Parisiensis mentem ac sententiam apertè confitentur; proinde Marca Archiepiscopi Tholosani testimonium jam suprà recitavimus. Theophilus Raynaudus, & ipse Gallus in opusculo, cui titulus: *ἀντὶς ἰφᾶς*, allegatis quàm plurimis ex schola Parisiensi Doctoribus: *Quoiquos*, inquit, ante Concilium Constantiense sternerunt, possent omnes theologi produci; nam non nisi a tempore Concilij Constantiensis & Basileensis revocata est in controversiam hac veritas apud Catholicos; sed omnes anteriores unanimiter docuerunt, Definitiones Pontificias etiam absque Concilio Generali eductas facere rem de fide. Josephus quòque Gibalinus lib. 5. de jure Canonico cap. 3. §. 15. ex professio tuetur, latèque demonstrat, hanc esse & fuisse semper doctrinam scholæ Theologicæ Parisiensis, tam in definitionibus & censuris editis ab ipsa in unum congregata, quàm in scriptis singulorum ipsius Universitatis Doctorum. Pater Augustinus à Virgine Maria Carmelita Gallus Provinciæ Turonensis in anno tertio cursûs Theologici tract. de fide dist. 10. *Præter paucos jam citatos Doctores hucusque alios ex illa Facultate probatos Auctores non habemus, qui typis defendant sententiam nostrā oppositam. Quinto.* Sed nemo magis quàm ipsa Parisiensis Universitas mentem suam explicaverit.

Anno MCCCCLXXXVII. Sic per Petrum Alliaccensem Universitatis Cancellarium Clementem VI. alloquitur: *Emendari à te cupimus, qui Petri Sedem, & fidem tenes, non ignoramus enim, sed firmissimè tenemus, & nullatenus dubitamus, quòd sancta Sedes Apostolica est illa Cathedra Petri, super quam Hieronymo teste Ecclesia est fundata, de qua sede in persona Petri Apostoli in ea sedendi dictum est. Petre rogavi pro te, ut non deficiat fides tua: hac est igitur, ad quam determinatio fidei & approbatio Veritatis Catholica, ac heretica impietatis detestatio maximè pertinet. Eadem Universitas Anno 1554. Omnes, inquit, & singuli Obedientia filij ipsum Romanum Pontificem ut Summum & Universalem Christi JESU Vicarium, & Universalem Ecclesiæ Pastorem, cui plenitudo potestatis à Christo data est, cui omnes utriusque sexûs obedire, cujus Decreta pro se quisque tueri, & conservare tenetur, ut semper agnoverunt, & confessi sint. Hæc clara sunt: si enim Pontificum Decreta tanquàm errori subiecta, corrigi à Concilio, ac reformari possent; ergo plenitudo potestatis non jam Pontifici, sed Concilio data esset. Et si errare Pontifices possent, ac consequenter aliquando de facto errarent;*

Christi fideles non utique tenebuntur Pontificijs Decretis fidem adhibere; si enim Innocentius X. jubeat, ut propositiones Janseij pro hæreticis habeam, & illæ hæreticæ non sint; quæ rogo vel in cælis, vel in terris potestas est, quæ imperare mihi possit, ut fidem mendacio, aut errori habeam? Eadem Universitas adversus errores Johannis de Montefono hunc articulum statuit: *Ad sanctam Apostolicam Sedem pertinet auctoritate judiciali supremâ circa ea, quæ sum fidei, judicialiter definire.* Videri potest hic articulus apud Duvallium Doctorem & Professore Sorbonicum. *Tract. de Romano Pontifice p. 2. fol. 766. Sextio.* Denique eandem Universitatem Parisiensem Infalibilitati Pontificiæ subscribere ex præcipuis ejusdem Universitatis Doctoribus patet, quicandem sententiam docuere. Ji sunt S. Albertus Magnus, S. Thomas, S. Bonaventura locis suprà citatis. Dominicus de Raconis Doctor Sorbonicus & Episcopus Vauensis de *suprema Petri potestate sectione 1. cap. 5. fol. 249.* Nicolaus Cœstrellus Doctor Parisiensis & Episcopus Massiliensis *opere de sacra Monarchia lib. 2. cap. 5.* Michaël Naclerus Doctor Sorbonicus de *Monarchia lib. 8. cap. 6. p. 4.* Ludovicus Bail Doctor Parisiensis & Propænitentiarius. Edmundus Richerius Doctor Theologus, qui cum multa contra auctoritatem Pontificiam scripsisset, tandem uno ante obitum anno scriptorum pœnitens Sedem Apostolicam Matrem & Magistram omnium Ecclesiarum, & infallibilem Veritatis judicem agnovit, & professus est teste Duvallo initio sui operis de Pontificis potestate, ubi Richerij chirographum exhibet. Andreas Duvallius Doctor Sorbonicus & Professor in Parisiensi Universitate opere de *suprema Pontificis Potestate præsertim part. 2.* Johannes de Arti Regius Professor *Tractatu de Beneficijs cap. 3.* Petrus de Marca Archiepiscopus Tolosanus locis paulò antè notatis. Henricus Spondanus Apamearum Episcopus, *ad annum Christi 33. n. 5.* Johannes à Celaia Doctor Parisiensis *in 3. sentent. dist. 25. p. 4.* Johannes Puteanus Professor Regius in Academia Tolosana *in 2. 2. 3. Th. q. 1. a. 6.* Leonardus Coquæus in Universitate Parisiensi Doctor Theologus in *Antimornæo tome 1. fol. 83.* Herveus Armoricus, Henricus Gandavenis, alijque, quorum nomina apud alios reperies.

Ex hæcenus toto hoc paragrapho dictis patet, quæ Gallicanæ Ecclesiæ mens & sententia fuerit, quàmque immeritò illius auctoritate

Autoritate sibi Maimburgus blandiatur, cum constet nostram esse. Nec obstat declaratio in ultimo Parisiensi Conventu edita, quæ hanc infallibilitatem evertit. Nam & pauci Episcopi erant, sinumeres, qui aberant, imò ex industria delecti, quos constabat nihil opposituros. Sonabant catenæ, carceres, exilia, spolia, & quidquid homines terrere potuit, nisi præscripta loquerentur; nec libera vota, sed spe aut metu extorta, aut saltem vindicandi cupidine obminaces Pontificis litteras. Roma quoque, quidquid in eo Conventu actum, planè resciderat; si ergo ne quidem Oecumenicæ Synodo ulla auctoritas Pontifice improbante, quantum minùs privato Conventui, qualis Parisiensis? & denique demus, Parisiensi senatui nihil defuisse; cur rogo ipsius Decreta Decretis tot Conciliorum Oecumenicorum, tot Patrum, totiusque Ecclesiæ Gallicanæ, imò totius Orbis præponas? Aut semper totòque Orbe Christiano, aut semel Parisijs erratum est, utrum tibi facilius creditu videretur? Sed jam in prima dissertatione ad auctoritatem Conventus Parisiensis respondi, quò lectorem remitto. Nunc sufficiat supra quadraginta testimonijs omni exceptione majoribus mentem, sententiàmque Gallicanæ Ecclesiæ, quæ Pontificiam Infallibilitatem tenuit, ostendisse; nunc ad dissolvenda, quæ Maimburgus objectat, procedamus.



§. III.

Respondetur ad ea, quæ Maimburgus Infal-
libilitati Pontificiæ opponit. cap. 6. 7. 8. 9. 10. 11. 12.

S U M M A R I A.

1. *Ostenditur, pro Maimburgi sententia militare paucissimos, pro nostra omnis Regionis, ætatis, & ordinis Patres & Doctores.*
2. *Petrum errasse, non in doctrina, sed in conversatione & exemplo.*
3. *Dissidium Victoris Papa cum Asia Episcopis infallibilitati Pontificis Rom. eximie patrocinari demonstratur testimonijs Eusebij, Sazomeni, Irenæi, & Concilij Nicani.*
4. *Ex Cypriani Historia Infallibilitatem Pontificiam potius firmari, quam everti sex evidentibus argumentis elucescit.*
5. *Liberij metu dolisque circumventi causam infallibilitati Pontificiæ frustra opponi, quatuor solidis argumentis evincitur.*

I.



*O*pponit primò Maimburgus : sententia, quæ Infal-
libilitatem proficitur, paucorum est : & fermè eorum
tantum, qui trans montes habitant, Italiæ, Romæque
vicini: quique vestigijs Cæterani, Baronij ac Bellar-
mini Cardinalium inhæsere. Ubi ex adverso infinita est acies
aliorum, qui ex omnibus Italiæ, Poloniæ, Belgij, Germaniæque
Universitatibus, ac Galliæ præsertim, infallibilitati adversantur.

Resp

Resp. Hæc est prima Maimburgi velitatio, majori semper arte, quam virtute pugnantis. Auget suarum partium copias, nostrarum premit. Cajetanum, Bellarminum, Baronium quasi nostri agminis Duces ostentat, purpurâ videlicet & novitate suspectos, perinde ac si isti sententiæ nostræ auctores essent. At verò tantum abest, ut istos inter Duces habeamus, ut ne quidem inter milites receperimus. Quando enim toto hoc opere, ubi tot Doctorem nomina recitavimus, vel semel Cajetani, aut Bellarmini, aut Baronij auctoritate usi sumus? Tanta est fiducia causæ nostræ, ut ne omnibus quidem purpuratis, quamvis doctrinâ præcipuis locus in castris nostris sit. Magnus utique Bellarminus, magnus Cajetanus, & quibus Maimburgus vix simbriam sustentet; & tamen cum de Pontifice agimus, nihil eorum auctoritati tribuimus. Irenæus, Ignatius, Tertullianus, Hieronymus, Augustinus, Patrèsque Chalcedonenses, & quidquid antiquæ illi ac florenti Ecclesiæ ornamento fuit, momenta nostra & rationes sunt; Antiquitate, sanctitate, & doctrinâ non qualicunque, sed supremi fastigij nitimur, nec quidquam purpuræ aut Dignitati damus, victoriâ extra fastum contenti. Gallicanæ Ecclesiæ ac Parisiensis Universitatis quænam mens ac sententia fuerit, jam supra ostendimus. Si Gallicanæ Ecclesiæ nomine nuperum Parisiensem Conventum intelligat, vicit Maimburgus. Si verò Gallicana Ecclesia ea sit, quæ in Concilio Lugdunensi ac Lateranensi locuta est, quæ ad Innocentium X. scripsit; quæ Synodis Turonensi, Aurelianensi, Trecenti, Pontigonensi, Melodunensi, ac Parisiensi fidem explicavit, quæque temporibus Irenæi, Aviti, Caroli Magni, ac Bernardi effloruit, si, inquam, hæc dicenda est Ecclesia Gallicana; multoties illi præferenda, quæ paucos ante annos Parisijs convenit metu percussa, libertatis expers; vicinus nos, Galliæque Ecclesiam sub nostris signis habemus. *Sed*, inquit Maimburgus, *Infiniti sunt Doctores, qui negant Pontificem infallibilem esse.* Amabo te, ex infinitis illis aliquos mihi exprome, & nominatim appella. *Gersonem*, inquit, *Almainum, Dionysium Carthusianum, Iohannem, Illyricum, Cardinalem Cusanum, Cameracensem, Florentinum, Æneam Sylvium, & Adrianum VI.* Hoc est totum Maimburgi agmen; nam quod de Episcopis Galliæ ac Universitate adjungit, jam in superiori paragrapho invictis testimonijs ostendi,

Galliam pro nobis esse; & nota Maimburgum Heroas suos nominasse; quos cum paucissimos habeat, imò subornatos, ut postea videbimus, supplet numerum iactantiâ verborum; additque infinitos alios esse. Sed singulos, quos nominat, expendamus. *Dionysius Carthusianus* apertè infallibilitatem agnoscit, nam in ea verba: *Ego pro te rogavi &c. Luca 2.* Ex his verbis, inquit, sumitur argumentum, quod fides Romane Ecclesie, quam in ea Petrus plantavit, sit in ea usque in finem duratura. Tostatum quod attinet; Concilio Basileensi adhuc juvenis, & necdum insulâ insignis interfuerat, & Senis Theses viginti ex intima Theologia depromptas Eugenio coram defenderat; sed cum illis errores aliquos aspersisset, eòsque Eugenius diplomate notasset, adedò impotenter id tulit, ut scripto in suarum thesium defensionem libro, cui titulus defensorium: *In Pontificiam auctoritatem etiam invehit, & cum non obtinisset, quod petijt (ea est fragilitas præstantium ingeniorum, ut cum eorum placitis resistitur, animi offensionem concipiant) non posuit adeò ingenio imperare, ut non acerbius rem in contrarium egerit.* Ita loquitur Spondanus. (a) Cæterum ubi primus impetus deserbuit, successitque juventuti prudentior ætas; sententiam Tostatus mutavit, & cum veritate in gratiam redijt, ac Pontificiæ auctoritati subscripsit; sic enim scribit: (b) *Quia Petrus erat Pastor, & populus debet talem tenere fidem, qualem Pastor confitetur, & Petrus futurus erat Universalis Pastor; voluit Christus, quod confessio esset per Petrum solum, ut innuatur, quod talis fides tenenda est, qualem prædicat Romana Sedes, qua est Caput & Mater Ecclesiarum, cui Petrus præfuit.* Ergo Abulensis quoque saltem insulatus, purgatoque passionibus animo noster est; & si adolescens, ac iratus cum Maimburgo sensit, maturâ tamen ætate, pacatâque errorem correxerit. Thomas Illyricus ex seraphica familia Doctor nostratum quoque partium est, sic enim scribit: (c) *In qua (sacra videlicet scriptura) si minus perit aut parum caute aliquid fortè dixerim, emendari cupio a te, qui Petri fidem & sedem tenes. Si autem libellus meus Apostolatus tui iudicio improbabitur; quicumque me inculpate voluerit, se imperitium, vel malevolum, vel etiam non Catholicum comprobabit.* Cardinalem Cusanum quod attinet; illum quoque torrens Basileensis aliquandiu rapuit, sed tandem sibi ac veritati restitutus, egregiè apertèque pro illa scripsit,

(a) Spondanus ad ann. 1443. n. 70. (b) Tostatus in Evang. Matth. c. 16. q. 564
(c) Thomas Illyr. in clyp. adv. Luth. epistolâ ad Adrianum VI.

scripsit, sic enim loquitur : (a) *Cum unus sit per Orbem Principatus, qui suo priori adherere debeat, Romana videlicet Sedi, erit necessario Catholica Ecclesia illa, quæ prima Sedi Petri adheret. Quare in ea salutis nostræ necessaria remansit hæcenus : & remanebit veritatis Columna..... nullus de Romana Ecclesia, aut quod ipsa unquam à fide erraverit, aut per quamcunque sedem suam reducitur, comperiet : sed sicut alia ab ipsa aliquoties recesserunt, in erroremque inciderunt, ita per Principatum fortissimum Petri debiles demùm confortati in fide ad ejus Unionem reducti sunt : unde infallibilitati refugium est in unione esse cum Principe in Ecclesia.* Petrus Alliacensis, quem Maimburgus Cardinalem Cameracensem appellat, non suo tantùm, sed totius Universitatis nomine pro Pontificia infallibilitate egregiè peroravit, cujus verba paulò antè à nobis producta sunt. *Æneas Sylvius*, quæ juvenis & factionibus Basileensium implicitus scripserat, antè & post Pontificatum revocavit, ut ex ejus Bulla, (b) cujus suprà fragmentum dedimus, manifestissimum est.

Ex omnibus ergo Doctoribus, quos Maimburgus adstipulari suæ causæ gloriatur ; tres tantùm supersunt, videlicet, Adrianus VI. cum adhuc Lovanii doceret : Johannes Gerson, & Almainus. En totam Maimburgi familiam ! Adrianus non ex proposito hanc quæstionem tractat ; sed incidenter tantùm, & vix tribus lineis respondendo ad objectionem. Almainus eo tempore scripsit, quo inter Julium II. & Ludovicum XII. discordiæ flagrabant, sicque facile fuit, ut Almainus calamum in eam partem flecteret, quæ Principi gravior, maximè totâ Galliâ in Pontificem armatâ, & certatim non militibus tantùm, sed etiam Theologis ad stipendia currentibus : idque solemne jam scholis est ; quot enim calamis pro Ludovico Bavarò, pro Henrico Navarreo, pro Ludovico XIV. contra Vaticanum pugnatum est ? quippe omnibus piscari aliquid in turbido volentibus. Unus Gerson est, cujus pietati & doctrinæ nihil obijci potest : sed & istum nimius Zelus abripuit ; cùm enim videret Pontifices suâ potestate abuti, ideòque Ecclesiam infinitis malis conflitari ; hoc unum remedium credidit, si illos coërceret, & in arctum redigeret injecto fræno, metuque Concilij. Eâ fermè ratione, quâ Romani, cùm Reges nimis licentiâ grassarentur,

M m 2

statum

(a) Cardinalis Cusanus de usu calic. ad Bohem. epist. 2. (b) Pij II. Bulla retractatoria, quæ reperitur in Bullario.

statum Monarchicum in Democraticum transtulere, peiori remedio, quàm malo; nunquàm enim gravioribus casibus jactati sunt, donèc consumerentur civili bello, & pro uno Rege tot Principes passi, quot Cives novarum rerum avidos.

At, inquit Maimburgus, *Infiniti alij sunt, qui asserunt Pontificem falli posse.* Ego credam Maimburgo infinita memoranti, quando ne decem quidem bonâ fide recitavit? Sed age videamus, unde *infiniti* illi Maimburgo supersint. Noster est Angelicus Doctor cum toto Dominicanorum ordine. Noster Seraphicus cum tota Seraphica familia. Noster Anselmus cum tota Benedictina Schola. Nostra Societas tota cum innumeris ex ea Doctoribus. Nostra Germania, Italia, Hispania, Gallia (adèo ut ante Concilium Constantiense nemo non infallibilitatem è Gallis docuerit teste Archiepiscopo Marca superius citato, & Theophilo Raynaudo) nostri Patres; quorum ne unum quidem pro se Maimburgus citavit inopiâ testium, quos alioquin diligentissimè collegit. Unde ergo infiniti illi, quos suos esse Maimburgus jactavit? & si infiniti; cur tres solum producti, qui Maimburgo adhærent, illique extra Gersonem ferè ultimæ fortis inter Doctores? quis enim est Carthusianus, & Adrianus, qui Thomæ Aquinati, Bonaventuræ, Anselmo, Bernardo, & tot alijs in Gallia Synodis non dico præponi, sed ne quidem æquari possint? Quanto meliori, majorique ratione dicere possumus, idque non nostro, sed aliorum indubitato testimonio, infinitos esse, qui nobiscum sentiant? Id enim Suarezius (a) asserit, quo in Societate nemo doctior, modestiorque: *Veritas Catholica est*, inquit, *Pontificem definientem ex Cathedra fidei Regulam esse, qua errare non potest. Ita docent hoc tempore omnes Catholici Doctores, & censeo rem de fide esse certam.* Gregorius quoque de Valentia: (b) *Hæc veritas adèo continet summam & Caput totius Christianæ Religionis, ut nemo Catholicus esse possit, qui illum non amplectitur.* Theophilus Raynaudus Gallus: (c) *Frustra plures Theologos conquiram, cum omnes numerari possint, quotquot ante Concilium Constantiense floruerint, nam anteriores unanimiter docuerint, Definitiones Pontificis etiam abque Generali Concilio editas facere rem de fide.* Marca Archiepiscopus

(a) Suarez. de fide. d. 5. sect. 8. n. 4. (b) Valentia tomo 3. Th. d. 1. p. 7.

(c) Raynaudus in opusc. ἀντὶς ἐφαρ. p. 11.

piscopus Tolosanus, & postea nominatus ad Episcopatum Parisiensem dicit (a) hanc esse opinionem generaliter receptam & approbatam à Romana Ecclesia, & scholis Christianitatis, quaque in Italia, Hispania, alijsq; Provincijs Christiani Orbis docetur, excepta solâ antiquâ Sorbonâ; imò jam quòque in Sorbona doceri. Ex his omnibus palàm est, quàm pauci sint illi, qui Maimburgi sententiæ subscribunt, & quantum absit à veritate, cum innumeros esse dicit.

II. *Opponit* 2. Pontifices Romani sunt Petri successores; nec majori privilegio donati, quàm ipse Petrus. At Petrus in fide erravit. Id enim S. Paulus ad Galatas 2. testatur his verbis: *Cum autem venisset Cephas Antiochiam, in faciem ei restiti, quia reprehensibilis erat sed cum vidissem, quod non rectè ambularet ad veritatem Evangelij, dixi Cephe coram omnibus: sit tu, cum Judeus sis, cogis Gentes judaizare, &c.*

Resp. Multis modis hoc argumentum peccat; nam primò petitum est ex pharetra hæreticorum; Cérinthis videlicet, Porphyrj, Gnosticorum, & Lutheranorum, quibus millies à Catholicis etiam primitivæ Ecclesiæ, Hieronymo videlicet, Tertulliano, alijsque responsum est: quis verò pudor, copias, & signa cum hæreticis jungere impugnando Vaticano, ac repetere toties rejecta? aut quis non suspecta habeat argumenta, non tantùm profana, sed etiam impiâ manu suggesta, atque à Patribus improbata? Sed hoc solemne Maimburgo, vix enim aliquid reperies ex proprio depromptum, & non à Centuriatoribus mendicatum, vivit alienâ, imò profanâ quadrâ. *Secundò.* Procedit quòque ex incertis, cum tamen certissima promissusset: incertum enim, quis ille sit Cephas, nam multi negant esse Petrum. Incertum quòque an tota illa Pauli reprehensio, Petrique simulatio non ex condicito fuerit inter utrumque Apostolum, ut videlicet, cum Judæi viderent Petrum reprehendi, eumque acquiescere, secum reputarent, non esse ijs, qui Christianam Religionem susciperent, convivu, cibisque Gentilium abstinendum; & ita quàmplurimi Patrum præsertim Græcorum, & inter Latinos S. Hieronymus (b) hoc dissidium explicant. Nec verò inter sanctos hujusmodi simulate culpæ & reprehensiones novæ & inauditæ sunt. Sic in viris Patrum de

M m 3

S. Ar-

(a) Marea dans la memoire pour defendre le chefes du College de Clermont en l' année 1662. (b) V. S. Hieronym. epist. 89 ad Augustin.

S. Arsenio legimus; is ex aula recens pede in alterum genu coniecto cum Monachis sedere consueverat: indecens id reliquis visum, nec tamen audebant tantillæ rei tantum hominem admonere: alium ergo ex primarijs Monachorum subornant, qui eundem gestum inter sedendum exhiberet, & in hunc velut in compositum, rudemque disciplinæ, graviter Abbas invehitur est, Arsenio, qui propè assederat, rubore suffuso, ac pedem sentim demittente. Idem ab Apostolis factum Patres Græci agnoscunt Judæis corrigendis. Meruit igitur Petrus reprehendi, ut Monachus, de quo diximus; at culpâ subornatâ, merèque externâ. Sed hæc Hieronymi, aliorumque Patrum, non mea est sententia, & solum eo fine producta, ut ostendam Maimburgum ex incertis procedere. *Tertio.* Sed quidquid de errore Petri fuerit, verus an simulatus, nihil hoc exemplum ad rem facit. Malè Petrus fecerit, at non malè docuit, nec Paulus eum reprehendit, quòd non rectè ad veritatem Evangelij docuerit, sed quòd non rectè ad veritatem Evangelij ambulaverit: hoc est, vitam & mores instituerit; & ideo Tertullianus hæreticis hoc ipsum obijcientibus respondit: *Hoc fuisse vitium Conversationis, non verò Prædicationis*: sed nos non de moribus & vita quærimus, sed de doctrina; & in hanc solam negamus cadere errorem posse. Possunt Pontifices malè vivere, possunt alios exemplo corrumpere; sed non possunt malè & contra fidem docere, & ideo jubemur facere, quæ dicunt, non quæ faciunt. Nec Christus oravit pro Petro, ut ejus sanctitas, sed ut ejus fides non deficeret. Cum ergo non teneantur fideles mores Pontificum imitari, sed tantum doctrinæ & præceptis acquiescere, mirum non est, voluisse Christum, ut moribus quidem labi possent, at non fide. Malè ergo Maimburgus causam fidei, morumque miscuit, & vitia morum transtulit ad vitia fidei, qui paralogismus ferè perpetuus est in omnibus Maimburgi argumentis, adeò ille aut quæstionem non intellexit, aut intelligere non voluit, ut securius falleret.

III. *Opposit.* 3. (a) Dissidium Victoris Papæ, cum Asiæ Episcopis. Res sic habuit. Romæ, totòque Occidente ex traditione à S. Petro accepta festum Paschæ Lunâ decimâ quartâ Martij, aut post illam agebatur, semper tamen Dominicâ die, quâ Christus revixisse creditur.

(a) Maimb. §. 8.

creditur. At Asiæ Episcopi, juxta traditionem uti dicebant S. Jo-
hannis Apostoli, Pascha Lunâ decimâ quartâ Martij celebrabant
ex præscripto Mosaicæ legis, quacunque die incidisset, etiam ex-
tra Dominicam, idque ut Synagogæ jam exauctoratæ aliquid
deferrent honoris, in re haud aded magna; & Summi Pontifices,
qui ante Victorem federant, Anicetus videlicet, Pius, Hyginus,
Teleporus, Sixtus, hunc Asianorum morem æquo animo tuler-
ant. Sed Victor Primus coactâ Romæ Synodo (a) abrogandum
censuit; ratio, quæ Victorem ad id faciendum permovebat, ea
potissimum fuit: *tum* quodd Quartadecimani hanc permissionem teste
Nicephoro (b) in necessitatem ac præceptum verterent, damna-
rêntque erroris Occidentales: *tum* quodd hâc occasione Montanistæ,
aliique etiam Romæ *Judaismum latenter inducere conarentur*, ut ait
Tertullianus, (c) Has ergo ob causas Victor (quem Maimburgus
alibi *egregium & admirabilem Pontificem* vocat, cum videlicet necdum
Romæ indignaretur) Asianis Episcopis præcipit, ut Dominicâ die
juxta Romanam traditionem festum Paschatis peragant, anathema
minatus, nisi obediant. Tantoque major eos excommunicandi
causa subesse videbatur, quodd nollent totius ferè Orientis & Occi-
dentis sententiæ & Decretis acquiescere, quæ in omnibus toto
Orbe Synodis sancita erant procurante Victore, sicut enim testatur
fragmentum Synodi Palæstinæ sub Theophilo apud Bedam tom.
2. libro de celebratione Paschæ. Irenæus præsertim idem cum
Victore sentiebat, videlicet festum Paschatis Dominicâ die obeun-
dum esse (id enim significant ea Eusebij verba: (d) *Illud quidem
defendit solo Dominico die Resurrectionis Domini Mysterium esse celebrandum*)
non cessavit tamen repetitis litteris, donec Victorem permovit, ut
jam latam excommunicationem suspenderet; Polycratem enim
Episcopum Ephesinum (qui maxime Victori repugnabat) & cum
eo Asiaticos Episcopos fuisse à Victore anathemate percussos, tam
clare ab Eusebio asseritur, ut negari vix possit. Sed tamen &
illud liquet, fuisse operâ studioque Irenæi pacem inter Polycratem
& Victorem compositam, revocatâque censuras, & Asianos suis
ritibus permisos, eâ tantum conditione, ne uti prius Romanam
consue-

(a) Anno 199. (b) Nicephor. lib. 4. cap. 30. (c) Tertullian. de præscr. cap. 13.

(d) Euseb. lib. 5. cap. 24.

consuetudinem hæresis damnarent. Id Sozomenus (a) testatur: Porro, inquit, exoriam olim controversiam sapientissimè mihi videtur dissolvissè Victor tunc temporis Romanorum Episcopus, & Polycarpus Smirnenfis (error est Typographi, & legendum Polycrates: Polycarpus enim jam viginti annos ante Pontificatum Victoris Martyrio obierat) ut singuli festum, prout consueverant, celebrantes, à mutua inter se communione nequaquam discederent. Cæterum cum procedente tempore huic consuetudini Asiaticæ se iterum error misceret, ejusque prætextu induci Judaismus inciperet; Patres Concilij Nicæni hanc consuetudinem hæresi Quartadecimanæ adscripserunt. Jam ex hoc Victoris cum Asiaticis dissidio, ita Maimburgus argumentatur. Asiani Episcopi Ductore Polycrate, Victori obtemperare noluerunt, quamvis seridè imperanti, minantique cenfuras, imò & infligenti, nec tamen inter hæreticos ante Concilij Nicæni sententiam habiti sunt; non ergo tunc temporis credebant Pontificem infallibilem esse; cur enim non obtemperarent, si crederent errare non posse? imò hanc solius esse Concilij prærogativam, nam modò post Concilij Decretum hæresis damnati sunt.

Resp. Multifariam solvi potest hæc Maimburgi Oppositio, quamvis non tam sit Maimburgi, quàm Launoij, & Prorestantium, qui hoc ipso Polycratis exemplo cum Victore dissidentis usi sunt.

Primò igitur tantum abest, causam nostram exemplo Victoris destrui, quin potius validè adjuvetur. Pugnant contra Victorem non Asiæ tantum Episcopi, sed etiam Joannis Apostoli, Philippi Diaconi, Polycarpi, Traseæ, Sagaris, aliorumque Episcoporum & Martyrum exempla, ac traditiones, Pascha Lunâ decimâ quartâ celebrantium. Vicit tamen Romani Pontificis sententia, ostenditque eventus, ac Nicæni Concilij Decretum, non Pontificem errasse, sed eos, qui tantis exemplis utebantur, nec cogitabant claves Regni Cælorum, ac custodiam fidei non Joanni, nec Philippo, aut Polycarpo, sed Petro ejusque successoribus commissam; quando ergo Pontifex errabit, si tunc non erravit, quando præter tot Episcoporum ac Martyrum exempla, illius etiam auctoritate convinci videbatur, qui supra pectus Domini recubuerat, cui omnia Divina secreta sunt revelata? eritne aliquando auctoritas major,

(a) Sozomen. lib. 7. cap. 19. Idem facietur de Marca lib. 3. cap. 9.

major, quæ Pontifici opponi possit, quàm Johannis Apostoli? & & si hæc contra Pontificis Decrera nihil valuit, quæ alia valebit? quis credat aliquandò casurum, quem immotum videt, cùm tam validè impelleretur? Exemplum ergo Victoris causæ nostræ egregiè patrocinator.

Secundo. Victoris sententia aut vera, aut falsa fuit? si falsa; non solus Victor, sed totus cum illo Occidens, Oriensque (Asiâ exceptâ) imò Concilium Nicænum erravit, quod cum Victore decrevit. Si vera; non ergo Victor erravit, sed qui Victori repugnabant: quod ergo argumentum ab eorum auctoritate duci potest, quos constat errasse? aut apud quas gentes falsis ac errantibus testibus causa aliqua non tantùm probata est, sed etiam vicit? Planè in nulla logica, multòque magis in nullo Tribunali hæc consequentia probabitur: *Papa errare potest, quia hoc dicunt falsi & erronei testes.*

Dices. Nemo Asianos pro hæreticis habuit, quòd nollent Pontifici obtemperare, ergo extra hæresin licet credere, aut etiam factò profiteri, Pontificem errare posse.

Resp. In sententia Asianorum duo considerari ac distinguì oportet: primum, quòd decimaquartâ Lunâ Pascha celebrarent etiam extra Dominicam. Secundum, quòd huic ritui errorem miscerent, dicerentque id ad fidem pertinere, & qui aliter agerent, fidei derogare. Id certum est ex epistola Polycratis ad Victorem, quam recitat Eusebius: (a) *Isti, inquit, omnes (Johannes videlicet, Philippus, &c.) diem Paschatis decimâ quartâ Lunâ celebrabant ex Evangelij præscripto, & secundum regulam ac normam fidei. . . . his quæ nobis ad terrorem obijciuntur, minimè conturbor; mei enim majores dixerunt, oportere magis DEO obedire, quàm hominibus.* Ubi vides Polycratem hunc morem asserere tanquàm ex Evangelij præscripto, præceptoque Divino, ac secundum regulam fidei proveniente. Ex quo consequebatur, Occidentales, imò pleròsque Orientalium, contra legem Evangelicam, præceptum Divinum, normamque fidei agere, qui planè error contra fidem erat, & ut talis à Victore damnatus, atque anathemate percussus: pergit enim Eusebius: *His ita gestis, Victor Romane Urbis Episcopus omnes Asiæ, vicinarumque Provinciarum Episcopos tanquàm contraria rectæ fidei sentientes à Communione abscindere conatur.* Vibrato anathemati intercessit Irenæus, effecitque apud Po-

N n

lycratem,

(a) Eusebius lib. 5. cap. 23.

Iycratem, ut hunc errorem deponeret, néque eum ritum ad fidem crederet pertinere. Apud Victorem verò, ut Asiaticam consuetudinem ferret errore jam liberam: & utrúmque persuasit: convenitque inter Victorem & Polycratem; sic enim Sozomenus scribit: (a) *Porro exortam olim controversiam sapientissimè mihi videtur dissolvissè Victor tum temporis Romana Ecclesia Episcopus, & Polycarpus Smirnenfis (lege Polycrates ut suprà memini) nam ex communi consilio placuit, ut singuli festum prout consueverant celebrantes, à mutua inter se communione nequaquam discederent.* Ergo post Victoris aut intentatas, aut vibratas Censuras, Irenæo præsertim agente, resipuit Polycrates, cessavitque contumacia; & Victor quóque passus est eam consuetudinem retineri, postquàm desijt cum errore misceri. Jam ergo ad Maimburgi oppositionem facile respondeo: non idèd Polycratem cæterósque Episcopos Asiæ pro hæreticis habitos non esse, quòd Ecclesia crederet, Pontificem falli posse, ac illi impunè resisti; sed quia, ut vidimus, resipuit Polycrates, cessavitque contumacia, ac Victor consuetudinem ferendam censuit errore purgatam. Quemadmodum pari omninò ratione, Communio sub una specie, ac Consecratio in fermentato sunt ritus innocentes, nec fidei adversantur, & idèd diu multúmque in Ecclesia usurpati, prohibiti verò, ubi in hæresin deserunt. Cæterùm Irenæus, qui eo tempore florebat, pacémque inter utrámque Ecclesiam composuit, non solum Pontificis Decreto quàm primùm accessit, verùm etiam Pontificiæ infallibilitati insigne testimonium præbuit, simulque, qui tunc primæ illius Ecclesiæ sensus esset, egregiè aperuit; sic enim loquitur: (b) *Ad Romanam Ecclesiam propter potentiorè Principalitatem necesse est convenire omnem Ecclesiam, hoc est, eos, qui ubique sunt fideles, in qua semper ab his, qui sunt undique, conservata est ea, quæ est ab Apostolis tradita.* Nihil ergo Asiatica concertatio contra nos facit, sed plurimum pro nobis; ex illa enim constat, jam primo seculo, & recenti adhuc ac illibatâ Apostolicâ doctrinâ sanctissimo Pontifici ac Martyri Victori, apud quem nihil adulatio aut fastus poterant, certum, fixúmque fuisse, teneri fideles in rebus ad disciplinam, fidémque spectantibus Decretis Pontificijs acquiescere, & nisi facerent, arceri ab Ecclesia posse, non expectatâ Concilij sententiâ, & quamvis Polycrates,

aliique

(a) Sozom. lib. 7. cap. 19. (b) S. Irenæus lib. 3. contra hæreses cap. 3.

aliisque Asiatici initio resisterint; constat tamen istos errasse, ac tandem veritate convictos esse.

IV. *Opponit 4.* (a) Exemplum S. Cypriani Episcopi & Martyris Carthaginensis, aliorumque quàm plurimum Africæ Episcoporum, qui Decretum Stephani Papæ de hæreticis non rebaptizandis nullo modo recepere; neque tamen aut Cyprianus, aut Firmilianus, aut Dionysius Alexandrinus, Athanasius, Opatius, Cyrillus Hierosolymitanus, Basilus, aliique Asiæ, Africæque Episcopi pro hæreticis habiti sunt; donec in Arelatenſi, Nicæno, ac Constantinopolitano Concilijs Baptisma hæreticorum repeti prohiberetur. Constat ergo Patres, tertij, quarti, quintique sæculi ejus sententiæ fuisse, ut crederent, ultimum ac Decretorium de causis fidei judicium non penes Pontificem, sed Concilium esse. Ita Maimburgus ex Launoio & Centuriatoribus argumentatur, quod ferè perpetuum apud hunc Auctorem. Additque S. Augustinum (b) apertè testari, S. Cyprianum, qui Stephano Pontifici non cesserat, cessurum tamen fuisse, si eo tempore questionis hujus veritas eliquata & declarata per plenarium Concilium fuisset. Censuit ergo non tantum S. Cyprianus, sed etiam S. Augustinus, in causis fidei dirimendis majorem esse Concilij, quàm Pontificis auctoritatem, ultimumque judicium non ad hunc, sed ad Concilium pertinere.

Resp. Superſedeo historiâ Cypriani pertexendâ, quam in Regali Sacerdotio (c) fusè profecutus sum, & ad solam Maimburgi argumentationem respondebo. Nam *Primò* mirari lubet hujus hominis inconstantiam. Quandiù nulla Galliam inter Romamque simulas erat; nemo extollendæ Pontificum Majestati Maimburgo flagrantior. Imò hoc ipso Cypriani exemplo confutandis Calvinistis utitur: (d) *Ab eo*, inquit, *tempore, quo Stephanus rebaptizari hæreticos vetuit, error Cypriani in hæresin transit, &c.* Ubi verò oriri inter Romam, Galliamque dissidia cœpere, Pontifice Ecclesiasticam libertatem contra Regios Ministros protegente; Maimburgus continuò nullâ curâ causæ melioris ad Regios transire, & hoc ipsum Cypriani exemplum, quo nuper pro veritate, nunc contra veritatem urgere.

N n 2

O fidem

(a) Maimb. §. 10. (b) S. Augustin. lib. 1. de Bapt. contra Donat cap. 4. (c) Regale Sacerdot. lib. 3. §. 9. n. 4. (d) Maimb. dans sa 2. lettre sous le nom de François Romain.

Ofidem temporum, non Evangeliorum! ut cum Beato Hilario exclamem; Quis non videt Maimburgum hac agendi, scribendique ratione corrupisse, quidquid olim contra Calvinistas disputaverat? quam enim fidem præstabunt contraria differenti? Ergo Maimburgus jam Gallus, jam Romanus, jam Hispanus est, jam totus, jam ex dimidio Catholicus, ac in omnem vultum compositus, utcunque aulæ placuerit; at veritas semper est eadem. *Secundo.* Idem Cyprianus, quem Maimburgus Romanæ Cathedræ opponit, cum tranquillo animo esset, nec indignatione agitato, egregiè pro ejusdem Cathedræ infallibili auctoritate scripsit; sicut enim epistolâ 55. ad Cornelium loquitur: *Navigare audent & ad Petri Cathedram, usque ad Ecclesiam principalem, unde Unitas Sacerdotalis exorta est, nec cogitare eos esse Romanos, ad quos perfidia non possit habere accessum.* Hæc Cyprianus serenâ adhuc facie: at perturbatâ contrarium scripsit: quæro ergo, cur malis Cypriano credere irato & offenso, quàm integro, pacatôque? *Tertiò.* Cyprianum, omnesque, qui illi contra Stephanum Papam adhærebant, certum est, errasse, ac postea mutatis sententijs resipuisse; de Cypriano id clarè S. Augustinus insinuat *epist. 48. ad Vincenium, & lib. 2. contra Donatistas.* De Dionysio verò, aliisque Episcopis, qui prius cum Cypriano senserant, mutasse sententiam certum est, ex testimonio ejusdem Augustini, (a) Dionysij ipsius Patriarchæ Alexandrini, ac præsertim S. Hieronymi, qui ita scribit: *Illi ipsi Episcopi, qui rebaptizandos hereticos cum ipso statuerant* (hoc est cum Cypriano) *ad antiquam consuetudinem revoluti novum emisere Decretum.* Habemus ergo Cyprianum (aut saltem Cypriani sectatores) & errantem, & erroris poenitentem, quæro ergo cur malit Maimburgus, Pontificiam auctoritatem cum Cypriano errante impetere, quàm cum Cypriano poenitente defendere? non agnoverit Cyprianus Cathedræ infallibilitatem: esto; at tunc erravit, quis verò prudens errorem in exemplum, ac imitationem sibi proponat? & quàm misera est causa, quæ sustineri alijs rationibus non potest, quàm exemplis errantium? *Quartò.* Sed & nimium hoc argumentum probat, quippe illo contra intentionem Maimburgi sequeretur, non Pontificem tantum, verum etiam Universale Concilium errare

(a) S. August. contra Crescon. lib. 3. cap. 3. Dionys. apud Euseb. lib. 7. cap. 9. S. Hieron. in Dialog. contra Lucifer.

errare posse. Scribit enim Maimburgus etiam post Arelatenſe & Nicænum Concilium, ſententiam de rebaptizandis hæreticis fuiſſe ab Athanaſio, Baſilio, Cyrillo Hieroſolymitano aliſque deſenſam. Et quidem de Baſilio res eſt clara; nam Concilium Nicænum ſtatue-
rat canon. 19. omnium hæreticorum baptiſma validum, nec repe-
tendum eſſe, exceptis Paulianiſtis: idque etiam teſtatur S. Hiero-
nymus contra Luciferianos; & ratio eſt, quia ut notat S. Innocen-
tius I. *epiſtolâ 22. cap. 5.* Paulianiſtæ non baptizabant in nomine Patris
& Filij & Spiritûs Sancti, & tamen nihil obſtante Decreto Nicæno
negari vix poteſt tam S. Baſilium, quàm S. Athanaſium omnium
Arianorum Baptiſmum reſpuiſſe, quamvis in nòmine Patris & Filij
& Spiritûs Sancti Baptiſmum conferrent. Verba S. Athanaſij hæc
ſunt: (a) *Ariani in periculum veniunt, ne amittant integritatem Myſterij, de
Baptiſmo autem loquor; Patrem enim verum illi non pronuntiant, eò quod negant
aliquid ex ipſo exiſtere ſimile ipſius ſubſtantia: negant quoque verum filium,
aliùmque ex non entibus ſibi coſuſcipientes in Baptiſmo proferunt non enim
in Patre & Filio tribuunt Baptiſma Ariani, ſed in Creatore & Creatura. Sicut
ergo Creatura diverſum quid à Filio eſt, ita diverſum quid à vero Baptiſmate eſt,
quod ab illis exſtimatur dari, tametsi nomen Patris & Filij, quia illa in ſcripturis
vident, ſimulent ſe nominare; non enim, qui ſimpliciter ait, Domine, is eſt, qui
donat legumum Baptiſma, ſed qui nomen exprimit, & veram fidem habet
Ita quoque, qui cum Ario ſeniunt, etiamſi recitent ſcripta, proloquanturque ipſa
nomina, fruſtrantur, illudùmque eis, qui ab ipſis Baptiſmum accipiunt. Vides
hic S. Athanaſium apertè proſiteri, nullum eſſe Baptiſmum Ariano-
rum; quia licet Evangelicâ formulâ baptizarent, non tamen
Evangelicâ fide. Sed adhuc clariùs loquitur S. Baſilius; ſic enim
habet *epiſtolâ ad Amphiloſchium canon. 47.* *Encratita, Saccophori, &
Apotaſtina ſubijciuntur eidem rationi, ſicut Novationi; quia de illis editus eſt canon,
eſſi diverſus; nos autem unâ, eadêmque ratione eos omnes baptizamus. Si
autem prohibita eſt apud nos hæc rebaptizatio, ſicut & Romanis alicuius Oecu-
menica Synodi gratiâ, noſtra tamen ratio vires obtineat. Eos igitur in Eccleſiam non
admittimus, niſi in noſtrum Baptiſma baptizati fuerint. Ne dicant in Patrem &
Filium & Spiritum Sanctum baptizati ſumus, qui quidem DELI M. malorum eſſe-
torem eſſe exiſtimant. Vides Baſilium poſt Concilium non ſolùm
Arelatenſe, ſed etiam Nicænum credidiſſe rebaptizandos eſſe hæ-**

reticos, quantumvis rectâ formâ Baptismi usos. Si ergo ex Maimburgi sententia idem Pontifex falli posse credendus est, quia post ejus Decretum nihilominus Cyprianus, aliique ab Hæreticis baptizatos iterum tingeabant; an non æquè concludi poterit, etiam Concilia Oecumenica falli posse, quia post Nicænum Decretum Athanasius & Basilius baptismum repetebant? & planè duo illi Athanasius & Basilius, si doctrinam, peritiâque scripturarum æstimes, centum Cyprianis anteponi debent; Cyprianus enim inter Gentilium sacrilegia consenuerat, & provectâ jam ætate, ac Neophytus Episcopatum adeprusest, tenuitque annos decem. Si ergo Conciliorum infallibilitati nihil derogat, Athanasium, Basilium, aliôsq; à Maimburgo numeratos sententiam docuisse, imò & in opus deduxisse, Nicænis Canonibus adversam; ita nihil Pontificiæ infallibilitati adimitur, si contra Stephani Decreta Cyprianus, aliûque Africæ Episcopi moliti aliquid sunt. Quidquid ergo Maimburgus pro Concilio responderit, ego pro Pontifice respondebo. Si dicat errasse Basilium; dico ego errasse Cyprianum. Si dicat, credidisse Basilium, Nicænum Canonem ad Oeconomiam, hoc est, ad disciplinam, non fidem spectare, sicque pro more Regionum mutari posse, ac propterea nec ipsum Basilium, nec Athanasium hæresis damnatos esse; dicam ego idem censuisse Cyprianum, eamdémque ob causam; quamvis Stephani Decretis aliquandiu obsisteret, nunquam tamen fuisse hæresis postulatum, idque S. Augustinus quàm plurimis locis in eo commendat, quod videlicet sententiam suam ita defenderit, ut tamen contrariam nec damnandam crediderit, nec propterea à Romana Communione secesserit: Stephanus ergo Papa ita hæreticos baptizari prohibuerit, ut tamen, qui eos baptizarent, hæresis non damnetur; quod si Cypriano, aliisq; Episcopis, qui cum illo sentiebant, anathema indixit, contumaciæ hæc poena, & quod antiquam Ecclesiæ consuetudinem everterent, non hæresis fuit. *Quinid.* Imò ex hac ipsa Cypriani historia Majestas, ac auctoritas Pontificia omni ratione superior, omnisque expers erroris vehèmenter elucescit. Quantus Cyprianus? quàm eloquens, quàm sanctus, quot Synodorum, atq; Episcoporum, qui postea Martyrio defuncti sunt, auctoritate munitus, quantisque rationibus ex sacris litteris succinctus? & tamen quàm-

quàmprimùm suas opiniones, quantumvis veritatem apprimè imitarentur, Romanæ sententiæ prætulit, in errores prolapsus est totâ Ecclesiâ damnatos; unicum Stephani Decretum paucis verbis conceptum omnibus illis argumentorum, Episcoporum, Synodorum, Martyrùmque cohortibus præpotuit, Româ iterùm Carthaginem, Africâmqve vincente. Si ergo etiam Cypriani, etiam integræ, pluresqve Synodi clarissimis Episcopis atque sanctissimis instructæ agminatim cadunt, imò Africa tota errore involvitur, quoties Romanæ faci oculos claudit, quid rogo dealijs erit, qui nihil habent, quod cum Cypriani ingenio, doctrina, eloquentia, sanctitate componi potest? Omnes Africæ, Mauritanix, Numidiæ, Ægypti, Cappadociæ, Ciliciæ, Galatiæ, Phrygiæque Episcopi Ductore Cypriano hallucinantur, quàmprimùm à Pontifice Romano secedunt; quis ergo erroris securus erit? Evolve totam historiam Ecclesiasticam, paucos reperiēs, qui noluerint acquiescere Romæ definitis; & isti pauci semper errarunt; frustra ergo extra hunc portum salutem quæris, ubi omnes naufragium passi. Errat Polycrates, errat Cyprianus, errat Polycarpus, errat Firmilianus, errat Dionysius, errant denique caduntque, quotquot cum hac palma luctantur; quis neget invictam esse immortâmqve? Stetit, vicitque jam mille sexcentos annos, millies concussa, millies quassata, quis neget perpetuam fore? si vitrum, non adamas esset, dudum cessisset tot malleos experta. *Sextò.* Ex quibus omnibus facilè jam colligas, quid Maimburgo responderi debeat Cypriani casu exultanti. *Resistit Pontifici.* Fateor, sed idèd erravit, ac postea poenituit. *Non credidit Pontificem infallibilem esse.* Concedo, at æquè non credidit Baptismum, quem hæretici conferunt, validum esse. Si ergo non idèd Baptismus hæreticorum invalidus est, quia Cyprianus credidit invalidum esse; ita non idèd Papa fallibilis est, quia Cyprianus fallibilem esse credidit. Quod si error Cypriani nihil nocet Baptismo, ita error Cypriani nihil nocet Pontifici. Et si teste Augustino, idèd Cyprianus circa Baptismum erravit: *Quia illo tempore questionis istius veritas nondum eliquata & declarata per Universale Concilium fuerat, cui & ipse sine dubio crederet.* Idem ego de Pontificis auctoritate infallibili dicam; eo enim tempore, quo Cyprianus tanto æstu, quantus Martyrem non decuit, in Pontificem fereba-

tur;

tur; quæstionis istius veritas de Pontificis infallibilitate nondum eliquata & declarata per Concilium Universale fuit, videlicet Chalcedonense, Constantinopolitanum, utrumque Lugdunense, Florentinum, ac Lateranense, nondum unanimi Patrum consensu; quibus omnibus & ipse Cyprianus cederet, si jam viveret. *Sed nemo Cyprianum fuisse hæreticum dixit.* Merito, nam nec Stephanus dogma fidei constituit, sed solum prohibuerat, *contra Antiquam Ecclesie consuetudinem aliquid innovare.* An parum tibi videtur errare, qui Pontificem non audit, nisi etiam hæreticus sit? Quid miraris errasse Cyprianum circa hanc quæstionem, cum nondum discussa, exacteque librata fuerit, quando ipse Augustinus (a) fateatur, etiam Concilia errare: *Nisi primò diutius per Orbis terrarum Regiones multis hinc atque hinc disputationibus & collationibus Episcoporum pertractata fuerim.* Ubi nota loqui Augustinum de Concilio plenario. Cum verò S. Augustinus, quoties hoc argumentum, factumque Cypriani præmanibus habet, videtur Concilium plenarium requirere: optimo jure id facit, quamvis enim sola Pontificis auctoritas de Cathedra loquentis sufficiat decidendæ veritati, non sufficit tamen ijs revincendis, qui Pontificis auctoritatem pro suprema & infallibili non agnoscunt. Quemadmodum scriptura omnino erroris expers est, sufficitque omnidubio expungendo; si quis tamen scripturas, aut humani ingenij partem esse dicat, falsoque obnoxias: alijs argumentis, aliisque auctoritatibus, quam ex scriptura petitis opus fuerit. Papa ergo infallibilis; si quis tamen infallibilem neget (negabit verò omnis, qui defendendo errori animum obstinaverit) ei convincendo Concilij opuserit; quamquam qui semel Pontificem exclusit, non tam Concilium amat, quam hujus obtentu moras, induciasque errori, & forsan hæc ipsa mens Cypriano fuit, nullum aliud in terris iudicium præter Divinum admittentis; sic enim scribit: (b) *Habeat omnis Episcopus pro licentia libertatis, & potestatis sue arbitrium proprium, tanquam judicari ab alio non possit, cum nec ipse possit alium judicare; sed expellemus Universi iudicium Domini Nostri JESU Christi, qui unus & solus habet potestatem, & præponendi nos in Ecclesia sua gubernatione, & de alio nostro judicandi.*

Opponit 5.

(a) S. Auguff. de Baptif. contra Donatift. lib. 2. cap. 4. (b) S. Cyprian. in Conc. Carthag. Anno 256. aut secundum alios 258.

Opponit s. Liberij casum. Victus exilij tædio Arianae hæresis subscripsit, Athanasium damnavit, vocem homousij expunxit; duasque epistolas, alteram ad Constantium Imperatorem Arianae hæresis Protectorem; alteram ad Semi-Arianos Episcopos, quibus eorum doctrinam vehementer commendat. Et ideo tam S. Hilarius, quàm S. Hieronymus Liberium Semi-Arianae hæresis postulant. Imò Ecclesia Romana tanquàm hæresis manifestum Pontificatu dejecit, surrogatque Felicem. Postquàm Maimburgus hæc de Liberio dixisset, insultat, illudique, non victori tantum, sed etiam hostem calcanti similis, nullà Dignitatis reverentià. Pergit enim dicere: *Neminem Arianam hæresin alijs professum esse: ex fastigio in abyssum precipuisse: ab Hilario punctim casimque anathemate percussum esse:* Et mille alia, superbo potius, ac impotente adversario, quàm historico digna, etiamsi vera essent; quanto igitur indigniora, cum palàm falsa? Vix inter ipsos Calvinistas reperias acerbius, amariusque insultantem Pontifici.

Resp. Hæc Maimburgi Oppositio tria complectitur: quorum primum verum quidem est, sed nihil ad rem ac propositum facit. Reliqua verò tam falsa, ut magis non esse possint. Verum est, Liberium peccasse; sed hæreticum fuisse, aut hæresin ex Cathedra professum esse, plusquàm alienum à veritate, quod ex dicendis patebit. Nam primò ipse Maimburgus in historia Arianismi, ubi ex proposito Liberij casum examinat, fatetur: (a) *Liberium nullo modo Semi-Arianorum hæresi subscripsisse, imò constantissimè Filij consubstantialitatem propugnasse, idque tam clarum esse, ut nemo prudens de hoc dubitare possit.* Quid amabo ab eo tempore, quo Maimburgus historiam Arianismi scripsit, Liberius deliquit, ut quem nuper hæresis purum, nunc reum faciat? Historiam Maimburgus, an fabulam & Comœdiam scripsit, toties vertente Theatro? an forsan opinionum probabiliras, quæ hætenus Theologiam, nunc quòque historiam in Protheum vertit, ut quæ nuper vera, nunc falsa appareant? *Secundò.* Quod si daremus, Liberium hæresi subscripsisse; quandò formulæ Sirmiensis subscripsit, damnavitque Athanasium; quid aliud sequeretur, quàm Pontifices si metu, pœnisque urgantur, absitque Libertas decidendi, posse in errorem labi? at de hoc nobis nulla est quæstio;

O o

quæ-

(a) Maimburg. lib. 4. dell' Arianisme.

quærimus enim de Pontifice libero, sui que juris, nec inter pœnas, ac tormenta loquente, nam nec Leges Romanæ confessionem admittunt, supplicijs expressam. De Liberio autem ita loquitur Athanasius: (a) *Liberius post exactum in exilio biennium inflexus est, minisque mortis ad subscriptionem inductus.* Et S. Hieronymus: (b) *Liberius radio victus exilij, &c.* Si ergo erravit Liberius, metu erravit, de quo casu nulla nobis est quæstio, nam metus etiam Concilia corrumpit, quæ tamen Maimburgus vult omnis erroris expertia. Concilium Ariminense quantumvis quadringentis Episcopis frequens, à Romano Pontifice convocatum, ejusdemque Sedis præfidentibus Legatis nunquid multò magis Liberio, quàm Ariano errori favit, non omisâ tantùm, sed penitus exterminatâ voce Consubstantialis? tanto utriusque Orbis, Occidentis videlicet, ac Orientis consensu, ac Catholicorum partim lætu, partim pudore, ut S. Hieronymus in hæc verba proruperit: (c) *Tunc Ulsæ nomen abolitum, tunc Nicæna fidei damnatio conclamata est, tunc ingemuit totus Orbis, & se Ariannum esse miratus est.* Et Severus Sulpitius: (d) *Hilarius, inquit, ubi advenit extremum fidei periculum, Occidentalibus deceptis, Orientales per scelus vinci, &c.* Taceo alia Conciliorum errantium, nec à Sede Romana approbatorum exempla. Quæro quid istis Concilijs defendendis dicturus sit Maimburgus, quod defendendo Liberio non æquè, multòque magis sufficiat? nam si metum prætexat, multò is major in Liberio fuit, quàm in Synodo Ariminensi, in hac enim quadringenti cum metu pugnârunt, victique sunt; at Liberius unus & solus fuit; multò verò facilius unius fugam, quàm multorum excusos. *Tertio.* Sed demus Liberium Arianam hæresin animo recepisse (quod tamen falsum esse paulò post ostendemus) num idèò illam ex Cathedra docuit? hoc est juxta explicationem Maimburgi à me verbatim hic ex Gallico redditam: (e) *Num, inquam, tanquam magister ac Doctor omnium fidelium, & causâ in pluribus Congregationibus, Consistorijs, Synodisque suorum suffraganeorum, Cardinalium ac Doctorum examinatâ, ac petitis etiam Universitatum Consilijs. Sed præcipuè per solemnes, publicasque preces Spiritûs Sancti gratiâ & assistentiâ definivit, decrevit, imperavitque omnibus Christi fidelibus, ut Arianam fidem amplecterentur, nega-*

(a) S. Athanasius epist. ad Solitarios. (b) S. Hieronym. in Chron. (c) S. Hieron. contra Lucifer. (d) Sev. Sulp. lib. 2. sacræ histor. (e) Maimb. ch. 6. initio.

negarētque Filium esse Patri æqualem ? Audeat ne hoc Maimburgus dicere ? & si non audet, qui ergo Liberij exemplo dici potest, Papam ex Cathedra docentem errare posse ; cū ex cathedra docere, sit omnia illa præstare, quæ modò ex Maimburgo recensuimus, & quæ nunquam præstitit Liberius ? Ubi enī Synodi ? Ubi Collegia Cardinalium ? ubi Bullæ & imperia Divinitatem Filio abrogantia ? Liberius inter fastidia exilij, Liberius inter pœnas & supplicia, ac tortorum manus, Liberius dolis, merūque circumventus ; hoc est ex Cathedra docere, & Pontificem agere ? Aliud ergo est errare, aliud errorem docere ; & de doctrina nobis, non de errore sermo est. Erravit Petrus, cū Christum negavit, sed non propterea docuit Christum negandum esse. Erravit Marcellinus, cū thura Idolis incendit ; sed non decrevit Idolis adolendum esse. Erravit quòque Liberius, cū Athanasium damnavit, cū Sirmienti formulæ subscripsit, nec metu purgari potest, vix privatis permissio : sed nego Liberium Arianam labem ex Cathedra docuisse, multò minus imperasse, & in hoc tamen tota quæstio versatur. *Quartò.* Causa ergo Liberij sic habuit. Nulla hæresis, ut Ariana, speciosius incessit, ac pluribus dolis velata aded, ut cautissimos falleret. Quis enim nescit, & Constantinum Principem aliàs æqui amantissimum, & Concilia Hierosolymitanum, Mediolanense, Ariminense, & alia doctissimis Episcopis referta Arianis fraudibus circumventa, ac similiter culpâ, quæ Liberium involvit, decepta fuisse ? aded ut S. Hieronymus testetur, totum Orbem, quamvis ignarum, invitumque ingemuisse, Arianum se factum. Quid ergo mirum, unum hominem ijs retibus cecidisse, quibus tot millia capta fuerint ? præsertim exilij, ærumnisque fractum, & ided facilè pro honestis captantem, quæcunque simul prodesse. Simulabant Arianī se Catholicos esse, ac pristinis erroribus renuntiassè : Filium DEI, non esse Creaturam, sed DEUM, æternum, Patri per omnia similem : & denique quidquid Catholici vellent, à quibus etiam sibi formulas fidei præscribi patiebantur. Id solum poscebant, ut Orthodoxi eâ voce *Consubstantialis* abstinerent, & Athanasius condemnaretur. Id ut persuaderent, hæ rationes in medium producebantur. *Vocem Consubstantialis nec in scripturis, nec in Patrum commentarijs reperiri : indignum esse unius vocula pretio*

tot corporum & animarum millia perire, ac Religionem civili bello consumi. Quid referret unam vocem & novam, & hactenus inauditam, nec necessariam taceri, si de re ipsa constaret? an verò Religio de vocibus, & non potius de rebus esset? Præsertim cum ea vox evertenda potius quàm fulcienda Religioni serviret, eâ quippe Sabellianos abuti, ac Personarum unitatem inducere. Hæc non absque ratione dici videbantur, habebantque faventes Imperatores; & quid dico Imperatores? ipse S. Augustinus, (a) quo nemo cum Ariana hæresi felicius conflixit adversus Pascentium Arianum agens; profitetur se illius fidei subscripturum, si nullâ aliâ re errer, quàm omissione vocis Consubstantialis. Athanasium quod attinet, criminationes ei impositæ tot coloribus veritatem imitantibus obducebantur, ac tam multis Conciliorum Cæsariumque præjudicijs adjunctæ erant, ut mirum esset non credi, fallerentque prudentissimos; præsertim cum illi ipsi Episcopi Athanasium accusarent, quos constabat fidissimos amicorum fuisse; quæ causa fuit, ut Constantinus illum Treviros deportaverit interceptæ annonæ reum. Hæc Liberium permovere. Cum enim Arianam hæresin, eosque omnes, qui Filium DEI esse, ac per omnia Patri similem, anathemate damnasset, credidit publicæ paci unius Athanasij ac voculæ exilio innocenter litari posse. Subscripsit ergo primæ formulæ Sirmiensis. Nihil eâ speciosius dici legique poterat, nec ullo mendacio, hæresisque fœdabatur. Omittebat tantum vocem *Consubstantialis*. Hoc Liberij delictum; quia tamen communi Catholicorum sensu causa Athanasij cum causa fidei conjungebatur, & vox homousij tessera erat, quæ Catholicos, Arianosque distinguebat; hinc à multis creditum est, Liberium Arianæ hæresi consensisse. Quæro jam ex Maimburgo, qua in re Liberius hæreticus fuerit? Quodd Athanasium damnaverit? at damnare innocentem injustitia est, non hæresis; nec Liberius ob fidem Athanasium, sed ob alia damnavit, quæ illi objectabantur, & ferè qualia superioribus annis Alestensi & Apamiensi Episcopis: Athanasium enim pertinaciæ, superbiæ, seditionis, imò & Magiæ, & cædium postulabant. Quodd cum Arianis communicaverit? at Catholicos se simulabant, Ario, ejusque hæresi abjuratis; non ergo tamquam cum Arianis, sed cum Catholicis societatem junxerat. Quodd de-

ceptus

(a) S. Augustinus epist. 174.

ceptus sit, & pro Catholicis habuerit, qui hæretici erant? at decipi non hæresis est, sed imprudentia: num solum Liberium, & non potius totum Orbem deceperant? & quæ tam cauta innocentia, ut falli non possit? nemo Chrysostomum hæreticum dixit, quòd Monachos Origenistas, Catholicam Religionem egregiè mentitos tantâ curâ contra Epiphanium defenderit, sinûque exceperit. Si quis Calvinista Catholicum se ferat, néque id tantum voce, sed etiam corollâ precatoriâ de manu pendente, cruce fronti impressâ, sacrâ bullâ ad collum demissâ, aliisque Catholicorum ritibus: tûque hâc specie, pompâque pietatis deceptus eum pro Catholico habeas, cum eoque communices; quis propterea Calvinistam te dicat? tantum nec amplius fecit Liberius, species illum, colòrque decepit, mendacio veritatem imitante. Quòd vocem *Consubstantialis* omitti sileriue permiserit? at eadem ratione Augustinum tantum Arianorum hostem damnaveris, quippe eandem silere paratum: nec silentium veritatis dici hæresis potest, præsertim cum quis rem ipsam fatetur, nec enim fides de vocibus, sed rebus est: & Liberius eâ ratione omiserat, quòd persuasus esset, eâ Sabellianos abuti eliminandæ Personarum distinctioni. Non negabat Liberius Filium ejusdem esse cum Patre substantiæ, imò qui hoc negaret, anathemate percusserat; sed sileri tantum eam vocem ferebat tamquam novam, in scripturis non repertam, Sabellianis propitiâ, facemque discordiarum, ut Ariani jactabant, quæ quidem omnia aut falsa erant, aut malignè explicata, sed fallentium culpâ, non decepti. Non excuso Liberium, quippo aut incautum, aut mollem & fastidio pœnarum pacem præ bello amantem; sed aliud est improvidum, inconstantem, mollémque, aliud hæreticum esse. Hoc nunquam Maimburgus de Liberio probabit, illa non excuso. Et hæc quidem de Liberio suffecerint. Pergit Maimburgus de Vigilio & Honorio, de Bonifacio VIII. Adriano VI. & Pio II. dicere, quæ non solum in Regali Sacerdotio, verum etiam in superiori dissertatione à nobis refutata sunt, & ided repetere non vacat,

§. IV.

Respondetur ad alias Maimburgi oppositiones à capite 13.

SUMMARIA.

1. Respondetur ad Decretum Cœlestini III.
2. Et ad Definitionem Innocenti j III.
3. Et ad errores Johannis XXII.
4. Et denique ad sermonem Pauli IV. in consistorio habitum.

L



*P*ponit 6. Cœlestinus III. Papa definivit in Decretali: laudabilem. de Conversione infidelium. Solvi fidelium matrimonia, quoad vinculum, altero Conjugum hæresin amplectente, ac innocenti liberum esse novas nuptias inire. Contrarium Innocentius III. in capitulo quarto de Divortijs definivit.

Resp. Nihil ad rem facit hoc argumentum, & ne quidem quæstionem tangit. Cœlestinus nihil definierat, sed mentem tantum suam ut privatus Doctor exposuerat, communem illius temporis opinionem secutus; quod apertè Innocentius illis verbis insinuat: *Et si quidem Prædecessor noster aliter sensisse videatur.* Aliud est sentire, aliud definire; præsertim cum Cœlestinus non ex proposito, sed incidenter, aliudque agens ad eum casum respondeat. Nimis verò in sacris Canonibus peregrinus est, qui nescit non omnia, quæ Decretalibus continentur, ad fidem pertinere; aliud enim

enim est responsum juris, aliud Dogma ac Decretum fidei : hoc totam Ecclesiam respicit, & quidem cum imperio ad omnes fideles directo, quo obligantur sub pœna hæreseos & anathematis illud recipere, nec aliter credere : id nunquam Cœlestinus fecit, imò neque Innocentius, qui Cœlestinum corrigit : *Credimus*, inquit, *aliter respondendum*. Sunt hæc verba definientis, & non potius disputantis ? sed parcendum Maimburgo solius historiæ gnaro, Theologię verò, Canonumque rudi, quod ex omnibus fere illius operibus elucet; nihil enim infelicius, cùm Theologus agit, Jurisveperitum, & alieno calceo incedit, cadenti, quam eunti similior. Pudet me immorari tam absurdus.

II. *Opponit*. 7. Refert Cæsarius, Innocentium III. jam Pontificem solemnem Definitionem ex consilio sacri Cardinalium Senatûs, ad eoque ex Cathedra edidisse, quæ omnino fidei adversatur, & ab ipso postea Innocentio improbata est. Res sic habuit : Monachus quidam se Sacerdotem finxerat, ac quotidie sacris operabatur. Tactus pœnitentiâ sacrilegium in Confessione Abbati exponit. Is jubet deinceps sacrificio abstinere. At Monachus pergere, veritus, ne ab alijs notaretur. Abbas animi incertus, cùm & timeret arcana confessionis retegere, nec sacrilegium ferre posset quotidie oculis expositum, rem ad Capitulum generale deferret suppressonome. Capitulum ad Pontificem Romanum, hic ad Cardinalium Senatum, ex cujus consilio : *scripsit*, inquit, *Cæsarius* (a) *sequenti anno Capitulo, quod fuerat à se determinatum, & à Cardinalibus approbatum in hæc verba : Ego dico in tali articulo esse prodendum, quia talis Confessio non est Confessio, sed Blasphemia, nec debet Confessor Blasphemiam tantam ac insaniam celare. At verò in Concilio Lateranensi, cui Innocentius præfuit, contrarium omnino definitur, ubi : Caveat Sacerdos, ne verbo vel signo, vel alio quovis modo prodât aliquatenus peccatorem : & qui peccatum in pœnitentiali iudicio sibi detectum præsumpserit revelare, non solum à Sacerdotali officio deponendum decernimus, verum etiam ad agendam perpetuam pœnitentiam in arctum Monasterium detrudendum. En Innocentium contraria decernentem ! semel in Senatu Cardinalium Ecclesiam Romanam repræsentante, semel in Concilio Generali : hic verum, illic falsum decernit ; ergo Pontifex in Concilio Generali erroris expertus est : extra falli potest.*

Resp.

(a) Cæsar. lib. 3. cap. 12.

Resp. Tota hæc narratio Cæsarij auctoritate nititur : quàm fragilem basin tantæ moli ferendæ ! quis enim nescit, multa à Cæsario narrari fabulis simillima ? & quæ ipse profitetur, aliorum tantùm narratione accepta ? ergo æquum Maimburgo videbitur, totam retrò ab Irenæo antiquitatem, tot Patres, tot Concilia Oecumenica falsi arguere unius Cæsarij testimonio ? præsertim cum is audita, non visa narret, imò ne ab ullo quidem scriptore consignata, nec inter epistolas Innocentij reperta ; & mirum est, rem tantam omnium silentio premi. Si post Innocentij Decretum Lateranense Concilium contrarium tanquàm fidei dogma defini- vit, ut ait Maimburgus ; ergo Cæsarius hæreticus est, qui non obstante Concilij definitione se Innocentij sententiæ adherere pro- fitetur : quam ergo fidem Cæsario adhibebimus perfidiæ & hæresis reo ? Dicam ergo errâsse Cæsarium, quippe aliena, incomperta, inaudita ac incredibilia narrantem. Quod si absurdum Maim- burgo videbitur, Cæsarium in mero factò, historiarumque errâsse, in qua tam multi, præstantesque errârunt ; quantò absurdius erit, in rebus ad fidem, æternamque salutem spectantibus errâsse, aut errare Pontificem, errare Magistrum, Pastoremque Ecclesiæ, errâsse Cathedram veritatis, errâsse Patres, errâsse Concilia, errâsse Eccle- siam Gallicanam, omnemque Ecclesiæ scholas, quæ Romano Pontifici tanto consensu infallibilitatem tredecim & ultrà sæculo- rum decursu attribuere ? Quantò minori dispendio errâsse, dece- ptumque Cæsarium esse dicemus, quàm istos omnes ? Sed denus vera esse à Cæsario narrata, nihil adhuc obstant veritati. Quando enim Innocentius Cisterciensi Capitulo scripsit, nihil definivit, nec præcepit pro fidei dogmate habendum, nec contrariam sen- tentiam doceri prohibuit, cæciditque anathemate, in quo solo casu, qui proprius Pontificis est, convenitque Magistro Ecclesiæ, infallibilem esse dicimus.

III. *Opponit s.* Exemplum Johannis PP. qui nihil non egit, ut opinio in Ecclesia reciperetur, quam animo suo impresserat, animas vid. justorum non admitti post mortem ad Visionem Beati- ficam, ante Resurrectionem corporum. Hanc enim sententiam & in publicis & in privatis congressibus, imò & è si- ggestu docuit, omnemque lapidem movit, ut eam Universitati Parisiensi per-

persuaderet: denique ut scribit Adrianus VI. *publicè docuit, declaravit; & ab omnibus tenerimandavit, quod anima &c.* Et tamen hanc sententiam hæreticam esse, non solum Parisiensis Universitas, sed etiam Benedictus XII. & Concilium Florentinum definivit.

Resp. Imò hoc maximè exemplo apparuit, quantum DEO curæ sit, ne Cathedra Petri aliquo errore inquinetur, quicunque tandem Pontifex eam Cathedram insideat. Certum est, Johannem in erroneam sententiam de animabus corpore solutis maximè propendisse, DEO tamen nunquam annuente, ut hunc errorem à Cathedra promulgaret, & tanquàm fidei Dogma recipi totâ Ecclesiâ juberet. Id verum esse, multifariam apertissimèque ex ipso etiam Maimburgo ostenditur. Nam *primò* permisit Johannes, (a) ut cuilibet pro arbitrio liceret de hac sententia sentire, rogavitque Philippum Regem, ut utrique sententiæ locus & libertas in Gallia esset, non tamen impetravit. Nihil ergo definierat Johannes, alioquin libertas opinandi sublata esset. *Secundò.* Nunquàm Constitutionem reperiatis, in qua Johannes tanquàm fidei Dogma hanc opinionem suam admitti à fidelibus voluerit. *Tertiò.* Ipsemet Johannes cum videret novellâ hâc sententiâ turbari Galliam, indignarique, vocato Cardinalium, Prælatorum, Doctorumque Cœtu, qui Avinionem morabantur, protestatus est, (b) se quidquid pro sententia sua hætenus dixerit, non definiendi, sed veritatem examinandi, inquirendique causâ à se dictum fuisse. *Quartò.* Ipsi Parisienses Doctores eodem anno, quo hanc Johannis opinionem erroris damnarunt, anno videlicet MCCCXXXIII. (c) secundâ Januarij palam aperteque professi sunt, eam sententiam à Johanne in medium productam esse, non quòd veram crederet, multòque minùs, quòd definire eam veller, sed solum indagandæ veritatis gratiâ. *Quintò.* (d) Idem Johannes professus est, se nihil in hac causâ positivè affirmare velle: ejusque sententiam non tanquàm Pontificis, sed privati Doctoris censuit Rex Philippus sententiæ Parisiensis Universitatis postponendam esse, teste ipso Maimburgo. *Sextò.* Teste

P p

Wadingo

(a) Epistola Johan. ad Philippum Vales. à Calend. Decembr. (b) Maimb. de la Decadenze liv. 6. J. Willanus lib. 10. c. ult. Wading. ad Annum 1333. (c) Spondanus ad Ann. 1333. Historia Univers. Paris. ad eund. ann. (d) Maimb. cit. fol. 601. & Wading. in Regesto Anno 1333.

Wadingo, (a) cùm Franciscanorum Generalis Parisijs Johannis sententiam ex suggestu defendisset, Pontifex juramento contestatus est, tantum abesse, Generalem id mandato suo fecisse, ut ne quidem de hac re cogitaverit. *Septimò.* Anno denique MCCCXXXIV. tertio Decembris idem Johannes morti vicinus (quando præter æterna nihil amplius speratur, timereturque) editâ ultimâ constitutione professus est, iustorum animas statim, ut peccatorum reliquijs purgatae sunt, in Cælum admitti, ubi Beatâ DEI Visione facie ad faciem perfruuntur, & hanc sententiam se habere, & antehac habuisse; quæ verò de hac re præteritis annis dixerit, scripseritque, omnia Ecclesiæ, suorumque successorum Pontificum iudicio ac censuræ subiecta velle. Ita Willanus (b) & Wadingus (c) testantur, nec Maimburgus lib. 6. de Imperij Occasu diffitetur. Constat ergo, nihil definivisse Johannem ex Cathedra, nihil ergo privatus illius error Cathedræ Infallibilitati nocet. Frustrâ ergo Maimburgus laborat, invitâ non solùm veritate, sed etiam conscientia. Agnovit enim Johannis innocentiam, imò & defendit libro citato. Nunc verò aut Romæ iratus, aut aulæ devinctus, aut utròque affectu perversus, maluit falsa quidem & indigna cum lucro scribere, quàm gratis, nullòque pretio veritatem.

IV. *Opponit 9.* Paulum IV. PP. anno 1557. cùm ab eo peteretur dissolutio Matrimonij per verba de præsentî inter Mareſchallum Momorantium, nobilemque Virginem contracti, nullo tamen maritali amplexu secuto; causâ ad Collegium Purpuratorum delatâ sic prælocutum esse: *Querimus, num Matrimonium de præsentî contractum, quod est verum Sacramentum, auctoritate nostrâ dissolvi possit, cùm carnalis conjunctio nulla intercessit. Perspicite, an Decessores nostri id satis intellexerint, quod de indissolubili Matrimonij vinculo disquirimus. Non dubito, quin ego & Decessores mei errare aliquando potuerimus, non solum in hoc, verùm etiam in alijs rerum generibus.* Fateatur ergo Paulus, Romanos Pontifices etiam in causis Sacramenta spectantibus errori subiectos esse.

Resp. Quæro ex Maimburgo, quem hujus historiæ, sermonisque à Paulo habitî testem auctoremque proponat? nihil enim in Annalibus eorum temporum, nihil in Constitutionibus Pauli reperimus. Quem ergo Auctorem facit? *Dominum*, inquit, *de la Hays.*

(a) At

(a) Wading. in Reg. cit. (b) Wilan. lib. II. cap. 9. (c) Wading. cit.

(a) At hic nomine sponsi dispensationem urgebat, recusarâque ægerrimè tulerat, nec sermoni Pontificis in Consistorio perorantis interfuerat, sed tantum ab alijs relatum acceperat; quantam ergo fidem habebimus testi & offenso, & audita tantum narranti? Sed ita res se habeat, quid rogo consequitur? planè nihil aliud, quàm Paulum credidisse, Pontifices Romanos in concedendis Dispensationibus, præsertim circa Matrimonia, aliquando aut humanò respectu, ac Principes demerendi causâ, aut cupiditate, aut causarum ignorantia, aut dolo supplicantium errasse, deceptosque esse; sicque cum de hujusmodi indulgentijs agitur, laxandoque præsertim vinculo Matrimonij, non tam exemplis priorum Pontificum, quàm à legibus à DEO sancitis, atque in sacris litteris Ecclesiæ propositis agendum esse. Quæ omnia verissima sunt, atque à nobis spontè concessa; nec enim in hujusmodi causis errare Pontifices posse, imò frequenter errasse, haud inficiamur. Illud ergo monstrandum à Maimburgo fuerat, Dixisse Paulum: *Superiores Pontifices rematurè agitatâ solenni Decreto definivisse, totique Ecclesiæ tanquam fidei articulum credendum proposuisse, vinculum matrimonij rati solvi à Pontifice posse, & tamen hanc definitionem falsam esse.* Id, inquam, oportuit à Paulo Pontifice dici, ut hujus testimonium aliquid ad rem faceret: at nunquàm hoc Paulus dixit: imò si dixisset, quid tandem esset? num quidquid Pontifices in Consistorio perorant, id continuò Decretum est fidei, & oraculum ex Cathedra? at nos de hoc tantum quærimus.

Ex hætenus dictis facilè judicabit Lector, exempla hætenus à Maimburgo, aut ex libris Protestantium, aut ex Launoij collecta (nihil enim ex suo præter formulas illas jactantiæ & vanitatis plenas) non tantum nihil probare, sed nequidem ad statum quæstionis pertinere: probat, quæ nos ipsi concedimus; omittit, quæ negamus, & ex quovis trunco Mercurium facit. Nihil ergo ab eo timeas, qui non tantum non fecit, sed ne tangit quidem.

INDEX TERTIÆ DISSERTATIONIS.

- §. I. Refelluntur Maimburgi argumenta ab exemplis Leonis, Vigilij, Honorij, Silvestri Pontificum, & Concilij Arelatenfis petita. fol. 1

SUMMARIA.

1. Concilia si Acephala sint, aut Pontifici opposita, aut ab ea non confirmata, non esse certa Spiritus Sancti organa, nec erroris expertia, idque testimonio Patrum, ipsiusque Maimburgi, & rationibus probatur. 3
2. Majorem esse Pontificis, quam Concilij auctoritatem, verbis exemplisque probatur Leonis Magni, frustra Maimburgo circa unum, alterumve Leonis verbum rixante. 9
3. Pertextus Vigilij historia. Nestorij mores, promotio, hæreses, damnatio, extrema. 14
4. Nestorij libri edito Theodosij flammis cremati, eorum loco à Nestorij Clientibus Theodori Mopsuesteni scripta varijs linguis evulgantur. 16
5. Eutychetis error, & Concilium Chalcædonense, in quo Theodorus Cyri, & Ibas Edessæ Episcopi absoluti, & quas ob causas? 17
6. Bellum tribus Capitulis indictum odio Eutychianorum Concilio Chalcædonensi adversantium. Vigilius consilij anceps in omnem se partem versat, fugitque Thessalonicam. 18
7. Concilium Constantinopolitanum. Vigilij pro tribus Capitulis Constitutum, & rationes. Tria capitula in Concilio Constantinopolitano damnata, cui & Vigilius subscripsisse fertur concordie studio. 24
8. Causam trium Capitulorum nihil ad fidem spectasse, Gregorij, & Pelagij Pontificum, & totius ferè Occidentis testimonio, exemploque probatur, qui in causa trium capitulorum oblectari Concilio Constantinopolitano non prius destitit, quam Pontificum auctoritate vinceretur. Nec Vigilium mutatis toties sententijs errasse. 26
9. Honorij PP. innocentia multis modis ostenditur: ac etiam si admittas hæreticum fuisse, nihil contra Pontificum auctoritatem concludi. 34
10. Ex Concilio Arelatenfi nihil contra Pontificis auctoritatem colligi, sed multa pro illa, ubi etiam Maimburgi errores notati, & luculentissimum Zosimi Pontificis testimonium. 43
11. Siricii quoque Exemplum nihil contra Pontificis auctoritatem, sed pro illa potius militare. 55
12. Ex Gerberti Historia stabiliri potius Pontificis auctoritatem, quam everti; & quam malâ fide eam recitet Maimburgus. 62

- §. II. De Appellationibus tanquam ab abusu.

fol. 66

SUMMARIA.

1. Quinque Patrescentis propositiones eò pertinere, ut omnes causæ spirituales Pat-

INDEX.

Parlamento prophanisque Tribunalibus subdantur, idque testimonio Maimburgi palam fieri, Appellationes ab abusu Concilio Oecumenico subli-	fol. 66
1. Appellationes ab abusu recentes esse, & præteritis retrò annis ignotas, idque testimonijs Constantini & Theodòrici ostenditur.	67
2. Earum Appellationum iniustitia tum ex ipso Appellationis nomine, tum ex gradibus, quibus provectæ sunt, probatur.	68
3. Et ex querelis Cleri Gallicani, eas Appellationes improbantis.	70
4. Et ex varijs rationibus.	71
5. Respondetur ad Regiorum argumenta.	72
§. III. Respondetur ad auctoritatem Concilij Pisani.	fol. 75

SUMMARIA.

1. Auctoritas Concilij Pisani à Maimburgo adducta.	76
2. Hujus Concilij auctoritatem multis ex capitibus dubiam esse & incertam, evidentibus argumentis ostenditur, & auctoritate ipseus Concilij Constantiensis, ac etiam Maimburgi testimonio.	77
3. Nec tamen aliquid in Concilio Pisano aut decìsum, aut factum, quod Pontificum in Concilia auctoritati derogare possit; & quæstionem in Concilio toto cælo ab ea distinctam esse, quæ modò inter nos vertitur.	82
4. Mala fides Maimburgi sententiam Parisiensis Universitatis pervertentis.	87
§. IV. Agitur de Concilio Constantensi, & argumentis ex eo petitis respondetur.	fol. 89

SUMMARIA.

1. Exhibentur Concilij Constantiensis Acta suis temporibus distincta.	89
2. Patres Constantienses circa auctoritatem Concilij in quinque sententias divisi, quarum ultima & pejor, ac votis infrequentior Johannis Gersonis.	95
3. Octo argumentis invistisque ostenditur, Decreta 4. & 5. Sessionum necessario examine ac deliberatione caruisse, nec posse dici conciliariter facta.	104
4. Eadem Decreta ne in ipso quidem Constantiensi Concilio, nec à Patribus pro Decretis Oecumenici Concilij habita esse; testimonijs gravissimorum auctorum, qui Concilio intererant, ac etiam Gallorum alijs novem argumentis demonstratur.	107
5. Sed nec præfata 4. & 5. Sessionum Decreta à Martino V. Pontifice Max. esse confirmata.	115
6. Imò Concilium Constantiense pro nobis esse quatuor argumentis evincitur.	118
§. V. Respondetur ad reliquas Maimburgi Objectiones.	fol. 122

SUMMARIA.

1. Respondetur ad ea, quæ Maimburgus Codicibus Manuscriptis opponit.	123
2. Et ad Gersonis Auctoritatem.	124
3. Et ad Concilij Pisani.	124
4. Et ad argumentum ex titulo Oecumenici Concilij sumptum.	132

INDEX.

<u>§. VI. Respondetur ad auctoritatem Basileensis Concilij, & Universitatis Parisiensis.</u>	<u>fol. 137</u>
--	-----------------

S U M M A R I A.

1. Respondetur ad auctoritatem Basileensis Concilij.	138
2. Frustra Ecclesiæ Gallicanæ Auctoritatem in auxilium vocari, imò eam pro Pontifice stetit multis exemplis ostenditur, ac etiam confessione ipsius Maimburgi.	146
3. An ex eo, quod totum sit majus sua parte, concludatur, Concilium esse supra Papam? ubi cavillationes Maimburgi refutantur.	157
4. Insignis Maimburgi fallacia in citando Pij II. testimonio.	160

INDEX QUARTÆ DISSERTATIONIS.

<u>§. I. Ex praxi, usque Ecclesiæ, ac Phrasi, modòque loquendi omnium SS. Patrum ostenditur Pontificis Romani infallibilitas.</u>	<u>fol. 166</u>
---	-----------------

S U M M A R I A.

1. Summum Pontificem Infallibilem esse, ex omnium SS. Patrum Elogijs ostenditur.	167
2. Ex inductione omnium sæculorum, quibus quicumque Romano Pontifici obtemperabant, pro Orthodoxis	172
3. Eos verò, qui non obtemperabant, pro Atheis & Hæreticis habitos esse demonstratur.	184
4. Ex usu & Praxi Pontificum, multa fidei Dogmata sine Concilio decidentium.	191
5. Ac hæreses pleræque absque concursu Concilij Occumenici damnantium; quod inductione probatur, Cerdonis, Valentini, Theodoti, Montanistarum, Cataphrygum, Origenis, Cypriani.	197
6. Necnon Apollinaris, Joviniani, Ruffini, Pelagij, Nestorij,	208
7. Adstipulante ipsamet Synodo Chalcedonensi.	210
8. Præterea ex damnatione Petri Cnaphæi Eutychiani, Monothelitarum, Ichnoclastarum, Photij, Berengatij, Abaillardi, Lutheri, Michaëlis Baji, Jansenij.	220
9. Ac novissimè Ludovici de Molines sub Innocentio XI. Moderno PP.	243
10. Tandem testimonio Bernonis Mon. S. Galli, postea Abbatis Augiensis.	246

§. II. Irrefragabilibus Patrum, Doctorum, & Universitatum Galliæ testimonijs Romani Pontificis Infallibilitas probatur.	fol. 248
---	----------

S U M M A R I A.

1. Perpetuà annorum serie infallibilitatem Pontificis Romani universæ Ecclesiæ Gallicanæ persuasam fuisse ostenditur, & primò testimonio S. Irenæi Episcopi Lugdunensis.	249
2. Edicto Valentiniani III. Imperatoris.	250
3. Auctoritate S. Aviti Episcopi Viennensis.	251
4. Secundæ Synodi Aurelianensis, & secundæ Turonensis.	251

§. S. Bo-

INDEX.

5. S. Bonifacii Archiepiscopi Moguntini, Caroli Magni, & Alcuini.	251
6. Jesse Episcopi Ambianensis, Ludovici Pij Imperatoris, & alterius Synodi Turonensis, Servati Lupi, & Reginonis Abbatis Prumiensis.	252
7. Concilij Trecentis, & Pontigonensis. Hincmari Archiepisc. Rhemenfis.	252
8. SS. Anselmi, Ivonis Carnotensis, Petri Cluniacensis, Bernardi, & Petri Cellensis postea Episcopi Carnotensis.	254
9. Concilij Lugdunensis primi & secundi, SS. Thomæ Aquinatis, Bonaventuræ, & Augustini Triumph.	256
10. Ex sententia Petri Alliensis Episc. Cameracensis, Concilij Constantinensis, & Florentini, Senonensis, & Melodunensis, ac tandem Parisiensis.	257
11. Ex litteris Cleri Gallicani ad Innocentium X.	262
12. Ex thesibus PP. Societatis in Collegio Claremontano, & in Sorbona propugnatis, & præsertim testimonio Petri de Marea Archiepisc. Parisiensis.	264
13. Ex assertione ipsius P. Maimburgi in sermonibus impressis.	267
14. Tandem ex auctoritate & consuetudine antiquissima ipsius Universitatis Parisiensis, & scholæ Sorbonicæ.	268

§. III. Respondetur ad ea, quæ Maimburgus Infallibilitati Pontificiæ opponit. cap. 6. 7. 8. 9. 10. 11. 12.	272
--	-----

SUMMARI A.

1. Ostenditur, pro Maimburgi sententia militare paucissimos, pro nostra omnis Regionis, ætatis, & ordinis Patres & Doctores.	272
2. Petrum errasse, non in doctrina, sed in conversatione & exemplo.	277
3. Dissidium Victoris Papæ cum Asiæ Episcopis infallibilitati Pontificiæ Romæ eximie patrocinari demonstratur testimonijs Eusebij, Sozomeni, Irenæi, & Concilij Nicæni.	278
4. Ex Cypriani Historia Infallibilitatem Pontificiam potius firmari, quam evertere evidentibus argumentis evincitur.	282
5. Liberij metu dissique circumventi causam infallibilitati Pontificiæ frustra opponi, quatuor solidis argumentis evincitur.	289

§. IV. Respondetur ad alias Maimburgi oppositiones à capite 13. fol. 294	fol. 294
--	----------

SUMMARI A.

1. Respondetur ad Decretum Cælestini III.	294
2. Et ad Definitionem Innocentij III.	295
3. Et ad errores Johannis XXII.	296
4. Et denique ad sermonem Pauli IV. in consultorio habitum.	298

FINIS.





